





1266



John Carter Brown.







Formary 38<sup>th</sup>

2<sup>nd</sup> Ed: printed at Paris  
with the same form.

Ndr I P q w H.  
P

date only




*ex libris Francisci Petit 1434*

# NOVVS ORBIS RE-

GIONVM AC INSVLARVM VE-  
teribus incognitarum, unà cum tabula cosmographica, &  
aliquot aliis consimilis argumenti libellis, quorum  
omnium catalogus sequenti patebit pagina.

His accessit copiosus rerum memorabilium index.

*W. Carter*



PARISIIS APVD IOANNEM

Paruum sub flore Lilio, uia ad sanctum Iacobum.

1532



CATALOGVS EORVM QVAE HOC VO-  
LVMINE CONTINENTVR

Præfatio Simonis Grynæi ad Collimitum	* 2
In tabulam cosmographiæ introductio per Sebastianum Munsterum	1
Aloyfii Cadamusti nauigatio ad terras ignotas, Archangelo Madrignano in- terprete. folio	1
Christophori Columbi nauigatio ex iussu Hispaniæ regis, ad multas insulas ha- ætenus incognitas, eodem Madrignano interprete. folio	79
Petri Alonsi nauigatio, eodem interprete	103
Pinzoni nauigatio, eodem interprete	104
Alberici Vesputii nauigationum epitome	107
Petri Aliaris nauigationis, & epistolarum quorundam mercatorum opuscu- lum. folio	121
Iosephi Indi nauigationes	125
Americi Vesputii nauigationes I I I I.	136.
Epistola Emanuelis regis Portugalliæ ad Leonem X Pont. Max. de uictoriis habitis in India & Malacha &c.	161
Ludouici Rom. patritii nauigationum AEthiopiæ, AEgypti, utriusq; Arabiæ, Pefidis, Syriæ, Indiæ, intra & extra Gangem, libri V I I. Archangelo Madri- gnano interprete	165
Locorum terræ sanctæ exactissima descriptio, auctore Fr. Brocardo monacho. folio	259
M. Pauli Veneti de regionibus Orientalibus libri I I I.	288
Haltoni Harmeni ordinis Præmonstrat. de Tartaris liber	367
Mathiæ à Michou de Sarmathia Asiana atque Europea. lib. I I.	423
Pauli Iouii Nouocomensis de Moschouitarum legatione liber	467
Petri Martyris de insulis nuper repertis liber	483
Erasmi Stellæ de Borussiæ antiquitatibus lib. I I.	502

*De quibus testatur in lexico  
Verbo isculoude ~~opere~~  
cum uelintet gilestia  
leguntur  
Eddi Vastomai ment  
quoniam, resnet heleketur*



EXCELLENTI VIRO GEORGIO COL  
LIMITIO DANSTETTERO ARTIS MEDICAE  
ET DISCIPLINARVM MATHEMATICARVM  
OMNIVM FACILE PRINCIPI,  
SIMON GRYNÆVS S.



**VANQVAM** hoc totum naturæ spectaculum, ex quo uelut uiuo libro condisci opifex ille rerum debebat, luculenter considerationi hominum offert sese: & quo minus uel euilescere, uel fastidium & satietatem parere contemplantibus se posset ullam, plenum dignitate maiestatéque, quocunq; oculos & animū coniecisti, occurrit, & nouis assidue cœli uicibus, iucundissime nos inuitat, dum alia aliâque quotidie sydera & occidunt & oriuntur, noctis dieique alia quotidie magnitudo, caloris & frigoris alia quotidie uis, alia quotidie aut senescentis aut reiuuenescentis anni forma: tamen ignaua esse uitio & socordia hominū uidetur, nec quicquam admirationis habere facies illa naturæ, estq; incredibile memoratu, quàm pauci mortales uel maiestate eius summa, uel uarietate mirabili excitentur. Aduersus hunc morbū hominū, omnis generis scriptores & inuentores rerum, diuina prouidentia ueluti medicos commenta obiecit, qui imperitis & inertibus istis uim naturæ eruerent, & tanquam in lucem proferrent, & per eam opificis admonerent. Ac ut artes cæteras, quæ uariæ & multiplices sunt, aliam aliâmq; unaqueque naturæ partem tactantes præteream nunc, nullæ plus uel sibiipsis auctoritatis, uel naturæ rerum admirationis parant, quàm quæ cœli & terræ sitū, quem illa & seorsum & quem inter sese habet, descripserunt (ἀστρονομικὴν, γεωγεωφικὴν, κοσμικὴν Græci uocāt) non absq; certa & euidenti multarum & difficilium artium notitia cōstitutas. Quæ postquam inuentæ non absq; singulari beneficentia dei, & proditæ literis fuerunt, rem prius impossibilem generi humano, ire non solum mente & cogitatione per cœli spatia, sed terram oculis circuire, & mundū perambulare licebat. Nam oculis & pedibus non ante uia per inuia maria patebat, quàm esset ratione expedita: quam ad rem positus cœli terræque cognitus necessarius fuit. Sequuta dein de corporum in natura summorum, cum earum magnitudinibus & interual-  
lis notitia: quod quid aliud erat, quàm ad naturæ spectaculū ualuis apertis ad-  
mitti? Non est præsentis loci dicere, quæ lux tum hominum rebus illata sit, cer-  
te fores rerum patuerunt. Nam ex hoc pleno rerum mirabiliū naturæ theatro,  
cum studiosi omnes, animis uelut æstro concitis, & profundissima admiratio-  
ne sauciis rediissent, alii hoc impetu impulsī, maiora conari cœperunt, & inti-  
mius naturam scrutari, σόφους uocant: alii (hi sunt μαθηματικοί) cum & ingenii &  
animi ope summa in hanc solam contemplationem incubuissent, & acie men-  
tis finibus iam suis terrarum orbem circumscripsissent, in angustum uastitate  
eius, præ cœli & maiorum corporum consideratione, redacta, inuentione tan-  
tarum rerum excitati, ire oculis quocunq; mentis acies præiussit, & animi co-  
gitationem per omnes difficultates exequi, ac molem terrarum orbis dudum



animo suo permeabilem, & undique accessibilem circuire lustrarēq; ausi, quod cæteri mortales pro infano habent, patriam, parentes, uxorem, liberos relinquere, è tuto felicitàque rerum statu (est enim & hæc cogitare, & cogitata exequi amplissimæ simul & mentis & fortunæ) in tot tamque certa rerum discrimina, & mortem mediam conicere se, illi non solum gloriosum sed necessarium homini, sibi uero unum præ omnibus rebus maxime expetendum iudicarunt: inuicti & uere diuini animi, quique soli ius natura concessum homini, id est genuinam & non degenerem spiritus sui nobilitatem retulisse, & imperium terræ & marium, à primis parentibus hæreditarium sibi, uendicasse uidentur: in quibus solis uetus illa humani generis nobilitas reluxit. Quorum uultus & ora, cum ex illa per naturam & noua rerum miracula peregrinatione reuerterentur, cæteri homines uelut numina quædam non immerito obstupuerunt, nouum cælum, noua maria, nouas hominum & animantium figuras, nouos humanorū cœtuum ritus, ampliora naturæ spatia commonstrantium. Indignati uidentur excelsi animi homines, instigante numine, leuem & contemptibilem de natura rerum existimationem, ac uindicare maiestatem eius, & ignauiam hominum coarguere increparēque aggressi, dum ista communi uita uelut relicta aliud hominum genus, alium terrarum orbem, orbi suo, suis hominibus ostenderunt. Non est autem putandū quod hos aut cæca lucri cupiditas, aut temeritas quædam (nam & hæc uitia suos postea mores in hoc tam præclarum institutū intulerunt) in cæcam & inaccessible naturæ mundi que partem transuersos egerit, sed solida uis animi, & robur circa pectus triplex, profundiore quadam è notitia cōceptum. Horum laudes extant per ænigmata ueteribus celebratæ, integris etiam uoluminibus. Nam hi sunt qui clausos captiuosque utribus rationis secum uentos uexerunt. Quid enim nauiganti interest, uentos aut emittere cum lubet, aut admittere? Digni scilicet uate tanto, & Odyssea longiore (nam in istis laudibus opus hoc totum est consumptum) Hi sunt qui nauim, cum primum in eam irrepsissent, Argo, id est animatā & aligeram fecerunt, uolitare per inaccessible, partibus omnibus moueri, gyrari, flecti, reflecti, promittere, reuocare, sistere cursum ac delphini instar inter medios fluctus ludere paratam: quique numinis instar in quodcunque corpus seu organum immigraissent, agile & uiuum & expeditū reddiderunt, ut nihil tam sit fabulosum, quod nō facilius fidem inueniat, quàm industria & uis humana. Nec est cur mihi quisquam obiiciat uel nautam impium uel prædonem. Nam isti desides & ignaui spiritus, quod aliud corpus animant, qui suum ab se stupefactum non possunt? quod aliud munus obeant, qui tueri hominis nomen non ualent? sed umbram tantum præbent, numerum complent, & oneri sibi sunt & terræ. Illi uero sunt qui inter media mundi elementa præliantia, inter tempestuosum mundi spiritū, & insanos immensi pelagi, & immanium fluctuū montes, ubi tot simul res exitium minitantur, explorata prius apud se naturæ fide & constātia, quomodo ratione duce tanta discrimina tralicias docuerunt. Nam eosdē ego & nauigandi lustrandiq; terras nouas & nauium auctores, fuisse sapientes illos & naturæ peritos scilicet credo. Erat aliquis & neget naturæ imperiū homini concessum, qui terras ferro cohercet, pontibus flumina, nauibus maria committit, ratione uelifica in seruitutem aduocat



## EPISTOLA NVNCVP.

aduocat uentos, iter quod per mare facit, è cœlo expedit, & in obsequium suū naturam cogit uniuersam, ipsius momentis & legibus ad res suas utiliter & oportune accommodatis. Est scilicet sagacitas spiritus illius supra omnem naturæ uim, & per omnia sibi uiam parans, dum expleat amorem, quo tacito & ineffabili bene constituta mens captiua, per omnia sequitur te deus pater, & eo nimio saucia, quanto propius ignes accedit suos, tanto propius in operibus tuis te pater rerum uidet, tanto profundius uulneratur, ardētiusque uisceribus concoquitur. Ergo per omnia maria, per omnia terrarum extrema uelut amens sequitur te, lassaque & exhausta æstu suo, amoribusque & flammæ penitus conceptæ indulgens, desiderio immoritur tui. Quæ res cum hominis maxime propria sit, hominibus à uera hominis nobilitate alienis, alienissima homine uidetur. Itaque plerique mortales animi sui naturam & ingeniū paruipendentes (est enim sapientis solius spiritum dei in se inuenisse) ac diuinum illum morbū, diuinos amores non intelligentes, proximis rebus stultis friuolisque expleri mentis desiderium posse putant. Degeneres homines, qui ut naturæ lucem, qua uiuunt & qua utuntur per omnia, nullam uident, ita sapientum inuenta & mirabiliū rerum auctores, idcirco quia eas iam usu contriuerunt, pro nihilo habent. Nobis autem secus in unaquaque re prima origo & fons est peruestigandus. Neque uero uana uideri uis naturæ debet, tanto desiderio ad rerum cognitionē incensa, nec uulgare exemplum, Orbis partem nostro seculo inuentam esse tantam propemodum, quāta est Europa. Parum mihi etiam cætera dei opera animaduertere uidentur, qui ista non curant. Cum igitur lustrandi orbis exemplum uetus illud, quod isti literarū & omnis doctrinæ principes extulerunt iam olim nostro seculo non infeliciter reuocarint quidam, omni laude digni uiri, quorū memoriam literis exceptam docti quidam (utinam tanta dexteritate, quanta diligentia) posteritati transmiserunt: cūque argumenti eius libellos aliquot uulgo oberrantes, Ioan. Hutichius uir doctus, & antiquitatis mire studiosus, Heruagio nostro excudendos dederit: eos uolui idcirco inscribere tibi, quod nemo nostro seculo, quod ego sciam, in illam disciplinarum Mathematicarum lucem sublimiore mentis acie intueatur: deinde quod istam tam luculentem notitiam humanitate & suauitate, quam in moribus obtines, incredibili feliciter exornaris. Cuius utriusque rei nemo testis fidelior esse potest quā ego ipse, qui ante annos plus minus quindecim cum summa & uoluptate & utilitate mea Viennæ te auscultarem, facile & ingenii uim incredibilem animaduerti, & humanitatem sæpe sum expertus. Vale.



# INDEX RERVM SCITV DIGNARVM

EX ALOYSIO CADAMVSTO ET CHRISTO

PHORO COLUMBO, ALIISQVE SE

QVENTIVM NAVIGATIONVM

SCRIPTORIBVS.

A		Animal monstrosum	106.ca.113
A	Brilus Fidalcus præfectus clas	S. Annæ sinus	43.ca.46.49.cap.50
	sis	Anseres uersicolores	30.cap.30
A	Accusatio calumniatorum Co	Anseres capite rubeo	81.cap.89
	lumbi	Antonius Conzalles	3.cap.2
A	Achiloea insula	Antonietus Ligur	28.cap.34
	Achiloe rex	Anthropophagi	109.cap.117.
A	Adamas miræ altitudinis	Apeliotes uentus	4.cap.3.39.ca.39
	Admirans dignitatis nomen	Apexabo	81.cap.88
A	Admissionales	Apparatus classis	82.cap.91
	AEgyptii uagi	Aquæ natura feruentissimæ	91.ca.98
A	AEthiopia inferior priscorum nautarû	Ara corea qui	61.ca.70.67.c.72
	terminus	Ara choreæ occub.in prælio	84.c.72
A	Agæ radicis genus	Arbores immensæ magnitudinis	39.c.43
	Agremus insula	Arbores quatuor fructuum generum	
A	Alba insula	feraces	131.cap.137
	Alberici Vesputii laus	Arces uariorum nominû	96.cap.104
A	Alchizel uestis genus	Arcipelagus	86.ca.92
	Alexander sextus pon.Max.	Arcus ex nasso	6.cap.6
A	Almadia naus genus	Aristotelis de Iride sententia	112.ca.120
	Almadiarum pernicitas	Arma Nigritarum	15.ca.13.18.ca.18
A	Alonsus Niger	Aromatum pretia	50.cap.55
	Alonsi in patriam reditus	Aromatum uaria genera	71.cap.76
A	Aloyfii institutum	Arquitæ cuiusdam in perquirendis in-	
	Aloysius Venetus	fulis studium	90.cap.98
A	Alphonfus Furtadus ad regem Cale-	Ars balistaria	117.cap.126
	chuth legatus	Aucupiû columborû	6.ca.6.36.c.40
A	Ampelufium promontorium	Aulici regis Calecuth Mauri	70.ca.75
	Ananini gens barbara	Auri contemptus	20.ca.21.125.c.118
A	Ananinorum humanitas, cultus eorum	Auri mina	59.cap.68
	ac mores	Auri effodiendi ratio	88.cap.94
A	Anarchia	Aurifodina	89.cap.97.105.cap.113
	Andreæ diui insula		131.cap.125.136.cap.126.
A	Angradida insula	Aurum Nigritarum optimû	14.ca.12
	Animalia pro numinibus culta	Aurum obryzum	103.ca.110
A		Ay insula	85.cap.92
	Animalium omnium esus prohibitus	Azanegi populi	2.cap.1.11.ca.10
A		Azanegorû mulieres quales	13.cap.10



# I N D E X

## B

Abylonia Cayrum dicta.	50.c.54
B Baccar mensuræ genus.	75.ca.79.
Balena	47.ca.50
Balistaria ars	117.ca.126
Barameda oppidum	97.ca.105
Barbazini populi	30.ca.35
Barbazinorum mores	ibidem
Bartholomæus Polastrus	5.ca.4
Bassa regio	16.ca.15
Batimausa regio	43.ca.41
Baufer rex Calechut	132.ca.139
Belua marina ingens	47.ca.50
Befegne regulus	45.ca.48
Befenegal regia Narsindi	134.ca.142
Betelle folium Calechutensium cibus.	70.ca.75.
Bigæ Indi Calechut incolæ	49.ca.53
Bipalia instrumenta	24.ca.26
Bis boror Buchmel nepotis laus	20.c.21
Bis boror incantator	25.ca.28
Bonæ spei caput	116.ca.125
Boni uisus insula	36.ca.40
Breuia maris	21.ca.21
Brugis nobile emporium	3.ca.2
Buchema insula culta	86.ca.92
Budomel principis ac terræ nomen	19.ca.20.
Budomel principis laus	ibidem
Budomela regio	20.ca.21

## C

Alandra piscis genus	92.ca.98
C Calcatrices serpentes	24.ca.27
Calechut descriptio	49.ca.53.79. ca.69.131.ca.139.
Calechutensium ciuilitas	49.ca.53
Calechut aromatum diues	50.ca.54
Calechutensiu mercium pretia	50.ca.55
Calechutensium uictus	52.ca.57
Calechuteni primores ab omnium ani- malium esu abstinere	50.ca.57
Calechut ab Vlis bona interuallum.	ca.53.

Calechutensium fides ac religio	53.c.58
Calechutensium iustitia	53.ca.59
Calechut regis ædes	65.ca.73
Calechut regis luxus	ibidem
Calechutensis regis honor, quod uxores sux à sacerdotibus stupratur	70.c.75
Calechutensium ponderum ac mensu- rarum nomina	70.ca.82
Calores maximi	18.ca.16.
Cambaia regnum	133.ca.140
Cambaia urbs ob celebritatem Cayrú Indiæ dicitur	133.ca.141
Canarii & eorum mores	7.ca.8
Canaria magna	ibidem
Canariorum promptitudo ac agilitas.	9.ca.8.
Canariæ insulæ	79.ca.89
Canchiete auri ferax	103.c.109.110
Canes comeduntur	39.c.43
Canes medii ordinis homines.	126.c.131
Canea liburnicæ genus.	85.ca.92.78.ca. 105.103.ca.111.
Canibali anthropophagi	81.cap.88
Canibalorum pro carne humana inse- quenda labor.	84.ca.92.
Canibalorum regina, eorumque feroci- tas.	85.ca.92
Canibalorum strages	ibidem
Canibalorum mores	104.ca.111.
Canoa nauigii genus.	80.cap.87.85.92.
quæ & Canea dicitur	
Canoba id est dominus domus auri.	88 ca.95.
Canopi tres stellæ	107.ca.125
Caput de Non promontorium	2.ca.1
Caput S. Vincentii	3.ca.2
Caput Album.	9.ca.9. cur sic dictum. 29 ca.35.36.ca.40.47.ca.50
Caput de Chantin	9.ca.9
Caput uiride.	16.ca.15. cur sic dictum. 29.ca.35.122.ca.115
Capitis uiridis amœnitas	29.ca.35
Caput rubrum	43.cap.46
Caput Casamenſe	42.cap.45.



# INDEX

Caput Verge	45.ca.48.	Colossi	45.cap.48
Caput Bonæ spei	77.ca.81.	Columborum captura	36.cap.40
Caranganoræ incolæ triplices, eorúmque mores	126.cap.131	Columbus cur dictus Admirás.82.ca.91	
Caranganorensum uestitus.126.ca.132.		Columbi contra calumniatores defensio	100.cap.107
Caranganoræ regionis temperies.		Colúbus captiuusabducitur.111.ca.108.	
130. cap.136.		Combaræ regnum	63.cap.71.
Cariotæ syluestres aluum cient. 39.c.42		Cometa	59.cap.67
Carnagallus portus	75.cap.78	Communio rerúPythagorica.119.c.117	
Cataium nobilis insula	134.cap.142	Condalia annulorum genus.45.ca.49.	
Cataii incolæ Christiani	132.cap.139.	66.cap.73.	
Catalogus nauium Portugall. 48.ca.51		Conflictus Christianorú cruentus cum Mauris	118.cap.125.
Catholica pontifex Indorum & regni Cataii	128.cap.133	Conspicilia pretiosa	55.cap.61
Catholica Orientis pontifex unde originem traxerit	128.cap.133	Cordata	1.cap.1
Cayrum Babylonia dicta.50.cap.54.51		Corium hircinum	7.cap.8
cap.55.51.cap.56.54.cap.60.63. cap.71.72.cap.76.133.ca.139.		Cori insula	9.cap.9
Celtogallia	3.cap.2	Corpora uersicoloria	8.cap.8
Chanona regnum	75.cap.79	Cortesium	47.cap.50
Chanonæ regis in Portugallenses beneuolentia	75.cap.79	Cortile	21.cap.22
Charhanganora ciuitas	143.cap.129	Cosmetæ pedissequæ	96.cap.103
Charana portus	98.cap.105	Cosmographiæ peritia nauclero necessaria	118.cap.116
Chefimii urbs Maurorum	133.cap.140	Cotis pro ferro usus	80.cap.87
Chiana Tambala	105.cap.113	Cotonei panni	21.cap.31.42.cap.37
Chiasichius rex Buchemæ	86.cap.92	Crux insula Canibolorú.83.ca.92.eiúsque incolarum mores	ibidem
Chiloa anfa	120.cap.126	Cuchinum urbs ac regnum.74.ca.78.	
Chorus uentus	81.cap.86	Cuchini rex Calechutenfibus infensus.117.cap.125.	
Christophorus Columbus regis Portugalliæ aulicus, classis præfectus.81.c.89		Cuchini regis in Christianos beneuolentia	135.cap.126
Cibani montes	95.cap.103.	Cuchinenfes pecuniæ cupidi. 123. ca.128	
Cigianorus à Christianis defecit.111.ca.107.		Cuchini rex gentilis	125.cap.129
Cimbaga regio	9.cap.97	Curtana prouincia	111.ca.109
Ciniana regio	113.cap.111	Curtanæ incolarum mores.111.cap.109	
Cipagora regio auri ferax	89.cap.96		
Classis regis Calechut	74.cap.78		
Classis iustus apparatus	82.cap.91		
Colloquium Christianorum cum Nigritis.	33. cap.38		
Colloquium Christianorum cum rege Mauri	60.cap.69.		

## D

Argin insula	9.cap.9.
D Dei laus	129.cap.122.
Dentalis piscis genus	30.cap.35
Deus trifrons	126.cap.131
Dies festi apud Indos	119.cap.134
Diongul caput	134.cap.141



# INDEX

Diplomata regis Calechut Portugallen  
sibus data 68.ca.74  
Diuitum existimatio ingens 15.cap.13  
S. Dominici sinus 43, cap. 46  
Dominica una ex Canibalorum insulis  
81. ca. 92.  
Domus magnificæ descriptio 88. ca. 94  
Don Huric laus 41. ca. 43  
Don Ioan rex Lusitaniæ 48. ca. 52  
Draconis sanguis 5. cap. 4  
Draconis ostium 116. c. 113  
Duæ palmæ locus 37. ca. 41

## E

Elephanti syluestres. 29. cap. 29. 39  
E cap. 43  
Elephanti manus quæ 29. ca. 29  
Elephanti quomodo capiatur. 40. c. 43  
Elephantorū pernitas 40. c. 43. 56. 62  
Elephanti non lædunt nisi laceffiti. 40  
cap. 43  
Elephantinæ carnis esus insipidus 41.  
cap. 43  
Elephantorum pedes & dentium de-  
scriptio 41. cap. 44  
Elephanti equorum loco 53. ca. 58  
Elephanti turriti ad bellum instruuntur  
56. cap. 62  
Elephantorum pretium 56. cap. 62  
Elephantes cicures 72. ca. 76  
Equi fascinati 27. ca. 32  
Erythræum mare 49. ca. 52. 51. ca. 56  
Euri uenti commoditas 109. ca. 117  
Experias olim quod nunc Caput uiri-  
de 116. ca. 125

## F

Abæ cito maturefcentes 24. c. 26  
F Facies gemmatæ 119. cap. 117  
Farafangolus Gābræ rex 33. c. 41  
Fascinatores 25. ca. 28  
Fasioli 24. cap. 26  
Fastus regius 22. ca. 24  
Fauonius amicitie 121. cap. 128  
Faxioli rubentes cum nigricante macu-

la. 24. cap. 27  
Feles uenales 38. cap. 42  
Fericta una ex Canariis 83. ca. 91  
Ferrara eques Canariis præfectus 7. c. 7  
Ferratus mons 84. ca. 92  
Fesse regnum 2. cap. 1.  
Flumen quoddam auriferum. 48. ca. 52  
81. cap. 89  
Fœdus inter Portugalliæ ac Calechut  
reges 120. cap. 126  
Fortuna prospera Christianorum ad  
Christum gentiles prouocat 18. cap.  
16. 23. cap. 25  
Fortunatæ insulæ 79. ca. 84  
Franciscus Choreæ sese in obsidem ul-  
tro offert 67. cap. 74  
Francisci de Sagitta Cremonensis epi-  
stola ad Pasqualigum 123. ca. 128  
Frons Africæ promontoriū 77. cap. 81  
Frugalitas principū Nigritarū 21. ca. 22  
Funerandi mos in Calechut 70. cap. 75  
apud Canibalos 114. cap. 111. 127. ca.  
132. 129. cap. 134  
Fusaræ 39. cap. 42

## G

Allinæ Pharaonis 30. cap. 30  
G Gembræ regnum auri ferax 33.  
cap. 34. 38. cap. 38. 43. cap. 41  
Garzaragum insula 9. ca. 9  
Ganser Calechut rex 70. cap. 75  
Gazichius rex 88. cap. 95  
Gemmarum uaria genera 51. ca. 55. 66  
cap. 73. 72. cap. 76  
Gnuminensa princeps 40. cap. 43  
Gospina uestis id est bombicina 110.  
cap. 117  
Græcorum mos uocandi ad sacra 128.  
cap. 133  
Guadalupea Canibalorum insula 84.  
cap. 92. alias Gracchana  
Guadalupus mons Hispaniæ 84. ca. 92  
Guancranillo rex Hispaniæ insulæ 81.  
cap. 90  
Guancenarilli fraudulentus 99. ca. 93



# I N D E X

Guarionenſius 93.ca.99.rex Guarione-	Inficiendi arma modus	25.ca.28
xius aliter 96.ca.104	Inſitia	81.ca.88
Gugeratus pro obſide petitur 68.cap.	Inſularum multitudo	83.ca.92
74	Inſulas octingentas adiuere Portugallē-	
Gulphal inſula 63.ca.71	ſes	91.ca.98
Gufurantes mercatorum genus idolola	Ioannes Gonzala	5.ca.6
triæ dediti 67.ca.75	Ioannes pref byter	54.ca.60
Gutturnium cur dictum 66.ca.74	Ioanna inſula	80.ca.86
Guzerati mercatores eximii 132.ca.139	Ioseph Indus quis, & unde Vlif bonam	
Guzerat Maurorum regio 133.ca.140	uenerit. 125.ca.130.eius laus. ibidem	
Guzerat incolæ caſti ac monogami	Ioseph indus ſacris initiatus	128.ca.133
133.ca.140	Iridis elegans deſcriptio	112.c.120
Gynoceum Calechutenſium 70.ca.75	Iſſabella mons	89.ca.96
H	Iſſabella 4.fluminum in diuerſa laben-	
Iſpana inſula 79.ca.85	tium origo	87.ca.93
H Hiſpanæ incolarum mores. 80.c.	Iudæa de Senilia	75.ca.78
87.81.ca.89	L	
Hiſpana inſula quorum ferax 93.ca.81	Achus locus	44.c.48
Hiſpaniarum regis ac reginæ pium uo	L Lacha aromatis genus	51.ca.55
tum 82.ca.91	Lachæ in Cambaia magna copia	
Hodenum locus 11.ca.9	133.ca.141	
Hospitalitatis exemplum 92.ca.98	Laconicum reſponſum	22.ca.24
Humilitatis miræ exemplum 22.ca.24	Lamia quæ & Iamica	91.ca.98
I	Lanchus	35.ca.40
D. Iacobi inſula 35.ca.40	Landinus Vergilii interpres	128.ca.120
I Iactantia carpitur 107.ca.12	Laterones principū Nigritarū	22.ca.23
Iamica inſula 91.ca.98	Latus de Ante rota	16.ca.14
Igname radix de qua panis conficitur	Lebegius uentus 116.cap.125.alias Le-	
57.ca.65	beccius	
Illyberis Hiſpaniarum regio 10.ca.9	Leophontis eſus	36.ca.40
Imagines in templis Caranganoræ nul	Leucæ Hiſpanæ	7.ca.8
læ præter crucem 127.ca.133	Libidinum incitamenta	110.ca.117
Imbres è montibus aurum abluunt	Libido promiſcua. 109.c.117.127.c.132	
90.ca.97	Licentia incredibilis	ibidem
Incantationum efficatia 25.ca.28	Ligneum oppidum	86.ca.93
Incauſtum 71.ca.75	Linum in pretio habitum	51.c.55
Incendium nauis Portugal. 76.ca.80	Literarum ſtudium apud Indos in pre-	
Indi Chriſtiani 49.ca.53	tio	129.ca.134
India non procul ab Hiſpania ueterum	Loca ubi aromata naſcuntur & expor-	
ſententia 81.ca.89	tantur	78.ca.83
Indi pecuniæ appetentes 123.c.128	Locifron oppidum	89.ca.96
Indorum ſacri ritus 128.ca.134	Locus ex Euangelio ſuperſtitioſe detor	
Indorum nauigia 130.ca.135	tus	52.ca.57
Indiæ fructus 131.ca.137	Locuſtarum multitudo	15.ca.13



# INDEX

- Longæuitas 119.cap.117  
 Luxus regis & procerum Calechut 66.  
 cap.73.& priuatorum 80.cap.75  
 M  
 Agnes gemma 51.cap.55  
 M Mailapeta urbs 132.cap.139  
 Maiuliænumismatisgenus 21.c.21  
 Malafines populi 132.cap.139  
 Male parta male perdita, prouerb. 118  
 cap.126  
 Maluaticum uinum 52.cap.56  
 Mancipiorum negotiatio 10.ca.9  
 Mangones 104.ca.111  
 Mapalia 45.cap.48  
 Marcus Zenon 3.cap.2  
 Marcus Paulus Venetus 128.cap.133  
 Mare Erythræum 49.ca.52. 51.ca.56  
 Mare Perficum 63.cap.71  
 Mare tempestuosum 92.cap.93  
 Margaritus uir celebris Calumbo infen-  
 sus 93.cap.99  
 S.Mariæ niuis sinus 46.cap.49  
 S.Mariæ finis nemus 47.ca.50  
 S.Mariæ de Ballera locus 56.cap.63  
 S.Maria rotunda insula 85.ca.92  
 S.Maria antiqua ibidem  
 Mastuchi barbæ genus 51.cap.56  
 Matinina à solis fœminis inhabitata  
 84.cap.92  
 Matinina fœminæ Amazonibus similes  
 ibidem  
 Mauri regis cum Portugallensibus tra-  
 ctatus 76.cap.79  
 Maurorum perfidia 68.cap.74  
 Mauri regis Calechut aulici 7.cap.75  
 Maurorum cum Portugall. prælium  
 73.cap.77  
 Maurorum res à Christianis direptæ.  
 120.cap.126  
 Mecha Mahumetis arca 49.cap.52.51  
 cap.56  
 Medera insula.3.cap.2.5.ca.6.unde di-  
 ctâ ibidem  
 Medius Pilotus 52.cap.56  
 Melinda urbs 49.cap.51  
 Melindæ regis liberalitas 62.c.70  
 Mel factitium 131.cap.138  
 Mensæ ex lignis pretiosis 6.cap.6  
 Mensurarum in Calechut nomina 78  
 cap.82  
 Mercatorum quorundam epist. 133.ca.  
 126.& seq.  
 Mignol succus uelut uinum inebrians  
 24.cap.26  
 Milapar urbs D. Thomæ templo ac  
 corpore insignis 134.ca.142  
 Milibar urbs & incolarum mores 126.  
 cap.130.  
 Mina auri 60.ca.68  
 Mitigal numismatis genus ac ponderis  
 14.cap.12.120.cap.126  
 Mogolistanum caput 133.ca.140  
 Mombaza urbs regis Mauri 61.cap.69  
 Monchricus portus 5.ca.5  
 Moneta Indorum 130.cap.136  
 Monstrum 106.ca.113  
 Monzobinghe insula 60.cap.68  
 Moschea templum idolorum 23.cap.  
 25.50.cap.54  
 Mos adeûdi principē Calechut 66.c.73  
 Mos inaugurandi principis absurdus  
 8.cap.8  
 Munera regi Calechut oblata 66.c.74  
 N  
 Aires id est patritii 126.cap.131  
 N Nandi peritia 19.ca.19.20.c.21  
 Naremegha rex 72.cap.76  
 Narfindus rex 132.cap.139.134.ca.142  
 Narfindi regis potentia 134.ca.142  
 Nassus 5.cap.6  
 Natator egregius 21.cap.21  
 Naues & nauigatio miraculo habitæ  
 12.cap.11.29.cap.33  
 Naufragium 80.cap.86  
 Nauigia Calechut qualia 50.cap.55.55  
 cap.61  
 Nauigia Indorum 130.ca.135  
 Nauis prætoria 59.cap.67



# I N D E X

Naybæ flumen	95. ca. 103.	100. cap. 107
Nebeorum imperator	37. ca. 41	Ormus insula 128. ca. 133. 133. ca. 140.
Negotiatio inter absentes	10. c. 11	Ossa humana pro ferro 85. ca. 92
Nemora sandalii	51. ca. 55	Oua struthionum 11. ca. 9
Niger fluuius	19. ca. 19	P
Nigritis regio	9. ca. 9	Alma insula 7. ca. 8
Nigritarum mores	10. ca. 9	P Palma iiii. fructus producit in India 131. ca. 138
Nigritarum duplex genus	12. ca. 11	Palmarum succus pro uino 52. ca. 57.
Nigritarum misanthroporum forma	14. cap. 12	Palmarum fluuius 46. ca. 50
Nigritarū humaniorum Resp. 17. ca. 15		Panchea uide Combara 63. ca. 71
Nigritæ Mahumetis cultores	17. ca. 16	Panis in cinere tostus 52. ca. 57
Nigritarum mollicies	18. ca. 16	Parans argentea moneta 130. ca. 136
Nigritarum hospitalitas	18. ca. 17	Paria regio 98. ca. 105. 101. ca. 109
Nigritarum armatura	19. ca. 18	Pau syluestres 6. ca. 6
Nigritarum nandi peritia	19. ca. 19. 20. cap. 21	Payra regio aromatu ferax 106. ca. 113
Nigritæ libidinofissimi ac zelotypi	22. cap. 22	Permutatio merciu elegans. 12. ca. 11. 14. ca. 12. 27. ca. 31. 57. ca. 65
Nigritæ fascinatores	25. ca. 28	Permutatio obsidum 67. ca. 74
Nigritarum strages	32. ca. 37	Perficum mare 63. ca. 71
Nili amnis celebritas	133. ca. 139	Petrus Sinzia Aloysii amanuensis classi præficitur 44. ca. 48
Noctux magnæ	42. ca. 44	Petrus Aliares 56. ca. 63. 125. ca. 129
Nuiram id est infimæ sortis homines	126. ca. 131	Petrus Alósus classis præfectus 104. c. 112
Nundinæ in Calechut	132. ca. 139	Petri Pasqualigi epist. ad Germanos rerum uariarum historiam complectēs 121. ca. 127
O		D. Petrus Anthiochiæ præsul 128. c. 133
Bedientia exemplum	21. ca. 21	Pharmacum ex sale 13. c. 11
O Obryzum aurum	103. ca. 110	Pharmaca ad prouocandam libidinem 109. ca. 117
Observantia erga regem incredibilis	8. ca. 8	Pharaonis gallinæ 26. ca. 30
Obsides Calechut ingressuri dare coguntur	67. ca. 74	Pilei è pennis auium facti 58. ca. 66
Obsidum permutatio	68. ca. 74	Pilotus itineris dux dicitur 49. ca. 52
Offira quæ & Hispana insula	89. ca. 96	Pinzonus classis præfectus 104. ca. 112
Oleum miræ naturæ	24. ca. 27	Piper ubi nascatur 131. ca. 138
Oligarchia	15. ca. 13	Piscari cum pisce 91. ca. 98
Onzia	90. ca. 97	Pisces in ueribus affati ibidem
Opinio ueterum de terræ terminis refellitur	107. ca. 114	Piscis equino capite magnus 41. ca. 44
Oricula herba	7. ca. 8	Piscis quidam ingens, sui non absimilis 58. ca. 66
Oriza panis confectus	131. ca. 137	Piscis instar anguillæ mirabilis 92. ca. 98
Oriza sinus	134. ca. 142	Piscium pelles pro loricis 130. ca. 136
Orlandus seditiosus, & Columbī hostis		Plinii honorifica mentio 111. c. 118



# INDEX

Plinii de Iride sententia 112. ca. 120  
 Pluuia feruentis aquæ 34. ca. 39  
 Polycletus insignis pictor 111. ca. 118  
 Polygamia 8. ca. 8. 19. ca. 17. 70.  
 ca. 75. 110. ca. 110. 127. ca. 132.  
 Ponderum Calechutensium nomina.  
 77. ca. 82.  
 Populi cuiusdam anonymi mores ac in-  
 stituta 109. ca. 117  
 Portugalliæ regis fortitudo & titulus  
 55. ca. 62. eiusque potentia 117. c. 126  
 Portugal. de Mauris uictoria 69  
 cap 74.  
 Portus sancti insula 5  
 Prælium Nigritarum cum Christianis  
 32. cap. 37.  
 Prælium cum Mauris 73. ca. 77  
 Prælium atrox cū barbaris 105. ca. 112  
 Prætoria 59. cap. 67  
 Præsinus color 81. cap. 89  
 Præsum promontorium 115. ca. 125  
 Pretia mercium Calechutensium 52. c. 55  
 Presbyter Ioannes 54. cap. 60  
 Priuilegia mercatorum Portugallensium  
 in Calechut 68. cap. 74.  
 Promuscis elephantis manus 26. ca. 29.  
 39. cap. 43.  
 Prouerbum 118. cap. 126  
 Psittaci phasianis maiores 84. cap. 92.  
 115. cap. 125  
 Psittacorum in nidificando solertia  
 26. cap. 30.  
 Psittacorum copia 58. cap. 66  
 Psittacorum regio 115. ca. 125  
 Puerperæ uirginibus nihil absimiles.  
 110. cap. 117

## R

A fluuius 43. ca. 45  
 R Regalis portus uasti flu. 87.  
 cap. 94  
 Regia Calechut 65. ca. 73  
 Regis Calechut maiestas ac potentia.  
 49. ca. 53  
 Regina Saba ubi 119. ca. 126

Regio quædam ad meridiem uergens  
 mira temperie 11. 1. cap. 118  
 Regnum mellis calore infestum 12. c. 11  
 Remiges Nigritarum 39. ca. 42  
 Reposera oppidum 4. ca. 3  
 Ritus idololatrarum 23. cap. 25  
 Rium fluuius 30. ca. 35.  
 Rubrum flumen & promontorium.  
 46. ca. 49.

## S

Accarum 6. cap. 6  
 S Sacerdotum auctoritas 22. ca. 23  
 Sacerdotum Calechutensium  
 prodigiosa licentia 70. ca. 75  
 Sacerdotis Caranganorensis uesania su-  
 perstitiosa 126. cap. 131  
 Sacerdotibus Indis incontinentia capi-  
 talis 129. ca. 134  
 Sacrificandi crudelis mos 127. ca. 131  
 Sacrum promontorium 3. ca. 2  
 Sagittarii optimi 102. ca. 109  
 Sagres caput 46. ca. 49  
 Sale confectum pharmacum 12. ca. 11  
 Salomonis regis Iudæorum thesauri un-  
 de folio 119. ca. 126  
 Sambuca musicum instrumentum.  
 28. ca. 34  
 Samia uasa 84. ca. 92. 102. ca. 109  
 Samatra alias Taprobane 134. ca. 142  
 Sancinus Tonatus 76. ca. 80  
 Sandalii nemora 51. ca. 55. 98. cap. 103  
 106. cap. 113  
 Sanguis draconis 5. ca. 4  
 Saraffi aurei nummi 50. ca. 54  
 Saragna insula 96. cap. 103  
 Saraphus aureus nummus 130. ca. 136  
 Sayla insula 134. ca. 142  
 Scamna insula 46. cap. 49  
 Scaria 6. ca. 6  
 Senega fluuius 13. ca. 10. 18. ca. 14  
 Senegæ accolæ quales 16. ca. 14  
 Senegæ regnum sterile ob calorem 23. c. 26  
 Sericum omnis gen. in Calechut 50. c. 54  
 Serpentes uasti 30. ca. 28  
 81



# I N D E X

Serpentes magni, sed innoxii 81. c. 89  
 Serpentum elus in deliciis habitus 91.  
 cap. 98.  
 Serræ aquaticæ 6. ca. 6  
 Serreti populi 30. ca. 35  
 Sibia oppidum Hispaniæ. 7. ca. 7.  
 Signearum populorum mores 46.  
 cap. 49.  
 Sobobec & Semath Maurorum urbes  
 folio 133. c. 140  
 Soldani imperium 54. ca. 60  
 Sonalia pro nolis 102. ca. 109. 105. c. 112  
 Specula nautarum quibus tempestatē  
 prospiciunt 30. cap. 35  
 Spedegar 37. ca. 41  
 Stigmata corporibus inusta. 40. ca. 43.  
 45. cap. 49  
 Strabonis locus. 131. ca. 137. 151. cap. 30  
 Struthiones. 10. cap. 9  
 Stupor ex rebus ignotis. 27. cap. 31  
 Subligacula bombicina. 103. cap. 110  
 Succus palmarum pro uino. 52. cap. 57  
 Suibus Caranganora Indica caret. fol.  
 130. cap. 136  
 Symmetrica corpora. 111. cap. 117

## T

Agaza salinæ. 12. cap. 11  
 T Talea arboris genus. 82. ca. 91  
 Tābra deus uocatur. 126. c. 131  
 Tambutum locus 12. cap. 11  
 Taprobane insula 55. cap. 60  
 Taprobanes opulentia 120. cap. 126  
 Tartari uagi 105. cap. 112  
 Tayni sunt nobiles 88. cap. 94  
 Tempestas horrenda. 59. cap. 67. 77. ca.  
 80. 106. cap. 113. 107. cap. 115  
 Templum Calechut nefastum. fol. 55.  
 cap. 61  
 Tempia imaginibus uacua. folio. 127.  
 cap. 133  
 Teneriffa. 7. cap. 8  
 Telenicæ regnum. 77. cap. 81  
 Testudines cum ingentibus testis. folio.

41. cap. 40  
 Testudinum caro uitulinæ similis.  
 ibidem  
 D. Thomæ corpus repertū. 116. cap. 125  
 D. Thomæ etiam apud ethnicos uene-  
 ratio. fol. 134. cap. 142  
 Tibiæ ac instrumēta musica summæ uo-  
 luptati ac admirationi. 29. cap. 33  
 Tormenta bellica terrori barbaris. 32.  
 cap. 33. 61. cap. 69. 64. cap. 72  
 Tristanfera. 5. cap. 61  
 Tunetum Barbariæ regia. 9. cap. 9  
 Turcarum idioma. 81. cap. 89  
 Turcimani qui. 30. cap. 35. 42. cap. 45  
 Turtures syluestres. 81. cap. 89  
 Tyrannidis imago. 22. cap. 24

## V

Afallus 22. ca. 24  
 V Vasa famia 84. ca. 92  
 Vascus de Ghiuan dux classis 48. c. 51  
 Vbenes rex Aethiopiæ 117. ca. 125.  
 Velutum sericum 49. cap. 53  
 Venetorum moneta Indis gratissima  
 133. cap. 139  
 Verge caput 45. ca. 49  
 Vespertiones magnæ 42. ca. 44  
 Vesputii laus 108. cap. 116  
 Vestitus Nigritarum 32. cap. 37.  
 Vestitus Calechutensium 53. cap. 58.  
 73. cap. 75  
 Veterum error in finienda terra habi-  
 tata 107. cap. 114  
 Victoria Portugallensium de Mauris  
 69. cap. 74.  
 Victus Calechutensium 73. ca. 57  
 Vida portus 72. ca. 76  
 S. Vincentii sinus 44. ca. 49  
 Vincentianus Pinzonus 104. ca. 112  
 Vinum non ex uuis, sed ex baccis 99.  
 cap. 105  
 Vinum maluaticum 52. ca. 56  
 Vinum factitium 131. ca. 138  
 Virginitas probro ducitur 8. ca. 8  
 Viridis sinus 45. cap. 49



# INDEX

Vliff bonæ uarlarum gentium colluies  
folio 47.ca.50  
Vnguenta omnis generis 53.cap.59  
Vnicornes uiui 47.ca.50  
Vuæ uernæ 6.ca.6  
Vxores communes 70.ca.75  
Vxores uiuæ cum maritis mortuis com  
buruntur 72.ca.76.132.ca.139  
Vxoria beneuolentia ac fides 132  
cap.139.

## X

Aymana Hispanæ insulæ re-

X gio. folio 86.cap.93

## Z

Abaius Goæ dominus 186

Z Zaphal insula 56.ca.63.60.  
cap.68.59.cap.68.

Zaphalæ insulæ descriptio 77.cap.81

Zaphalæ aurifodina 119.ca.126

Zaphalla auri ferax 116.cap.125

Zegnotorre insula 63.cap.71

Zetieties mercatores 71.ca.76

Zenith 113.cap.121

Zilophi 16.cap.15

Zuchalis rex Senegæ & quales subditi  
folio 16.ca.15

EX AMERICO VESP V-  
tio & Ludouico Vartomamno patritio  
Romano index collectus.

Bbatia omnium sanctorum

A portus 160

Abrahæ sacrificatur 177

cap.17.

Adam ubi poenitentiam egerit 222.  
cap.34.

Adamantis fodinæ 201.cap.5

Aden urbis munitissimæ descriptio.

182.cap.4.191.cap.13

Adulterium morte punitū 225.ca.8

AEdes ubi Cain Abel fratrem occidit  
folio 168.cap.6

AEdes Arabum quales 170.ca.8

AEquinoctium 27 Iunil 148

Agmirus Mamaluchorum dux 168  
cap.7.

Aiax urbs ac nobile emporium 188  
cap.7

Alexandria ciuitas AEgypti 165.ca.1

Almacharan Sultani Gazophylacium.  
189.cap.8.

Almada oppidum 258.ca.4

Aloes triplex genus, primique caritas  
quo minus ad nos feratur 233.ca.20

Aloes fragrantia ac uis mirabilis 233.c.21

Alphonfus de Albiecher protocapita-  
neus regis Emanuelis 161

Alui stipatæ immensus dolor 243.c.34

Alui ciendæ remedia 243.cap.34

Aman ciuitas 166.cap.4

Amantium intemperantiæ exemplum.  
187.cap.6

Amba fructus 214.cap.15

Americi Vesputii præfatio ad Lotho-  
ringum sui extenuationem comple-  
ctens 135

Amir princeps interpretatur 191.ca.12.

Amirre, id est reguli 166.cap.5.

Amoris infani miraculum 226.ca.9

Anarchia 232.ca.17.235.c.24

Animalia urbis Calechut 218.cap.21

Anthropophagorum ferocium crude-  
litas 238.cap.29

Antigliæ insula 153

Antiochia 165.cap.3

Antipagmenta 207.cap.2

Anzedina insula 202.cap.7

Apparatus regius 211.ca.11.213.ca.13

Arabum cultus ac mores 170.ca.8

Arabum strages 171.ca.10

Arabia homines plerunque bicornes  
190.cap.9.

Arboris genus denos fructus diuersos  
producens 215.cap.16

Arbor possessoris sui iniuriam ulciscēs  
folio 216.cap.16

Arenosi maris pericula 174.ca.14

Armusio capto rex eius tributarius Por  
8. ii.



# INDEX

- tugallenfibus factus 186  
 Aromatum uaria genera 214. cap. 14  
 Astus bellici 250. cap. 39  
 Aues manu se capi permittentes 160  
 Auium iucundus concentus 218  
 cap. 21  
 Aumar præfectus militum Turcicorū.  
 folio 173. ca. 12  
 Auri contemptus 140  
 Auri probandi ratio 217. cap. 19  
 Azamii populi 166. cap. 3.
- B
- Abylon quæ & Cayrum 220  
 B cap. 1  
 Bacchar mensuræ genus 217.  
 cap. 19  
 Balascha castorei ferax 196. cap. 5.  
 Bandan insula, & eius incolarum mo-  
 res. 235. ca. 24.  
 Banduin pop. efferi 182. ca. 2.  
 Bangella urbs Indiæ maioris 176. c. 16  
 Bangella urbs ditissima 227. ca. 13  
 Bangellæ Christianorum mores ac reli-  
 gio 228. cap. 14.  
 Barbara insula à Mahumetano regitur.  
 folio 292. cap. 16.  
 Barbam ponere, luctus argumentum à  
 nostro more contrarium 209. ca. 7.  
 Barri auerse coeunt 204. c. 11  
 Bathacala urbs Indiæ 201. cap. 7  
 Bebmendo 182. cap. 3.  
 Belli inter Christianos & Calechuten-  
 ses causa 206. cap. 1  
 Bellum inter Lusitanos & Mahumeta-  
 nos 253. cap. 40.  
 Belzoi gummi electissimum 226. ca. 9  
 228. cap. 14. 233. cap. 19  
 Beneuenutus ducis Lothorin. aulic. 135  
 Berintus urbs Phœniciz 165. ca. 3.  
 Besilicca Aethiopiæ pars 154  
 Betoli folia uenerem excitant 110  
 cap. 7.  
 Bibliotheca Mahumetanorum 173  
 cap. 12.
- Bisinagar urbs Narfingæ 203. cap. 10  
 feracissima cultissimaque.  
 Bonæ spei caput 257. ca. 4  
 Bornei insulæ celebritas 237. cap. 26  
 Boues fœminæ ceruinis cornibus sylue-  
 stres 219. cap. 15  
 S. Bragantis urbs Babylone non infe-  
 rior 196. ca. 6  
 Bramini sacerdotes Narfingæ ac Cale-  
 chutensium 207. cap. 3. 208. ca. 4  
 200. cap. 5.  
 Bresilicum 160  
 Bubacar Mahumetis socius 173. ca. 12
- C
- Adelapalon fructus 215. ca. 15  
 C Cadi pontifex Damascenorū.  
 168. cap. 7. alibi concionatores  
 ita uocantur 177. cap. 18.  
 Caicolon urbs & eius incolarum mo-  
 res 220. cap. 1.  
 Calechut regis superbum cognomen.  
 folio 206. ca. 12  
 Calechut Indicarum urbiū metropo-  
 lis, eiusque amplitudo 206. cap. 1  
 Calechut ædificia nullius pretii 207.  
 cap. 1  
 Calechut impia religio 207. ca. 2  
 Calechutenfes dæmonum cultores  
 207. cap. 2  
 Calechutensium rex non nisi dæmoni  
 bus immolata comedit 208. ca. 3  
 eiusque comedendi ritus ibid. 210. ca. 9  
 Calechut regis uxores à sacerdotibus  
 stuprantur 208. ca. 4  
 Calechutensium ciuium ordines sex  
 209. cap. 5.  
 Calechutensium uictus ac uestitus  
 209. cap. 6.  
 Calechutensium regni qualis successio.  
 folio 209. cap. 7  
 Calechutensium latræ 211. ca. 10  
 Calechutensium milites & armatura  
 folio 211. cap. 11



# INDEX

Calechutēfium rex morbo Gallico infectus	213. cap. 13	ratur	196. cap. 5
Calechutensium medici	216. ca. 18	Castorei synceri uis	196. ca. 5
Calechut rex serpentes fouet	218. ca. 22	Catholici aurei nummi	162.
Calicius portus	136	Cayl urbs	221. cap. 1
Calicutia meridiem spectat	158	Cayrum urbs Nilotica	189. cap. 1
Caligæ laxæ instar remigum	190	Celeritatis incredibilis exemplum	138
cap. 9.		Centocola Indiæ urbs	202. cap. 8
Calitia receptus omnium nauigationū	158.	Cercopithecii noxii	191. ca. 13. 199. cap. 2
Calx maturefcere facit fructus	215. c. 15	218. cap. 21.	
Camaran insu. maris Erythræi	181. c. 3	Ceruifia alba & rubra	150
Cambaia urbs Indiæ	197. ca. 1	Ceul urbs	200. cap. 3
Cambaia incolæ iusti, tenaces ac probi.		Chambi radix pro uictu	141
folio	200. cap. 2	Chani diuerforia uocantur	168. cap. 7
Cambaia sultani descriptio lectu dignissima	198. cap. 2	Charaibi, id est uiri sapientes	145
Camelorum pernitas	169. ca. 8	Cheo portus	197. ca. 6
Campana actuariæ nauis genus	234	Chersonesus aurea	161
cap. 23		Chorazani Persidis regio	195. cap. 4
Camphoræ gummi	237. cap. 26	Christianorum duorum funesta cædes	155
Canaria magna	136.	folio	
Canibali anthropophagi	170.	Christiani D. Thomæ nūcupati, & eorum sacri ritus	220. ca. 1.
Canibali perfidi	149.	Christianorum persecutio	221. ca. 2
Cannæ	156	Christianorum uictoria	251. ca. 39
Canonor urbs munitiss. & regi Portugal. scedere iuncta	203. cap. 9	255. cap. 41.	
Canonor pane caret	ibidem	Christophori Columbi laus	153
Capagot urbs	206. cap. 12	Ciampana nauis genus	221. cap. 2
Capel nauigii genus	213. cap. 12	Ciandapalon fructus	215. cap. 15
Capelan urbs	229. ca. 15	Cinami arbor, & fructus qualis	223
Capillitium nigrum decori	137.	cap. 4	
Capreæ Damascenæ	169. ca. 7	Ciromandel Indiæ urbs	221. cap. 2
Caprearum magnitudo atque fecunditas	224. cap. 7	Classis Calechutensium contra Christianos	249. cap. 39
Capuli ex auium rostris	224. ca. 7	Clysteres ad ciendam aluum	243
Caput bonæ spei	257. ca. 4	cap. 34	
Carauana quid sit, camelorum agmen.		Cociacenor socius Ludouici in itinere	
folio	169. cap. 8. 170. cap. 8. 175. ca. 15	folio	220. ca. 1
Carbasus nauis genus	149	Codlear ex arboris folio	110. ca. 9
Carii mensuræ genus	217. cap. 19	Colloquium Ludouici cum duobus Christianis transfugis lectu dignissimum	240. cap. 32
Carocapel fructus genus	215. cap. 15	Colon urbs idolorum cultui addicta.	
Casei recentis copia	168. c. 7	folio	220. cap. 1
Castoreum cur adulteratum ad nos feratur		Comagene	166. ca. 3
		Comedendi mos barbarus	138



# INDEX

Commentum ridiculū de Isaac & dæ-		lum	207.ca.2.220.cap.9
monis colloquio	177.ca.18	Deus superbiz ultor	161.
Comolanga fructus	215.cap.15	Deus pro Lusitanis pugnat	252
Concertatio iugis ob fidem diuersam		cap.40	
inter Mahumetanos	173.ca.12	Dei timpanati stulta persuasio	254.
Concharum captura	198.cap.2	cap.40	
Concio ad Mahumetanos	177.ca.18	Diffimulatio hostilis	142
Concio ad milites excitandos	249.ca.	Diffimulationis exemplum	173.ca.13
39.255.cap.41.		179.cap.20	
Conscientiz metus mala cohibet	142	Diuitiarum contemptus	140
Conseruantiz naues	154	Diuobanderrumi portus Persiz	193
Cophini auro exornati	234.cap.22	cap.1	
Corniculæ aues sacre reliquis dapum		Diuortii crebritas	168.cap.7.
regiarum uescuntur	208.cap.3	Domus uastæ & mirifice extructæ	139
Credita exigendi mira ratio	211	Dora milium albicans	182.cap.1
cap.9		E	
Crudelitas in captiuos	138.	As monetæ genus	205.ca.11
Crudelitas in iam morituros ægrotos.		E Ebur insigne	235.ca.23
folio	140	Educationis duræ exemplum.	
Cubilia ex retiaculis bombicinis	139	folio	218
Cucin cultores in fidem Christianam		Elephantorum forma, natura ac mores	
propensi	256.cap.3	folio	201.cap.10.
D		Elephanti miræ magnitudinis	204
Abuli urbs	200.cap.3	cap.10	
D Dæmonum simulacra horri-		Elephanti infrenes, eorumq; mollis in-	
ca.folio	207.cap.2	cessus	204.cap.10
Dæmonum cultus	220.ca.24	Elephantorū pudicus coitus	204.ca.11
Damar urbs opulenta	190.cap.11	Elephantorum ingens pretiū	205.c.11
Damasci opulencia atque amœnitas		Elephantorū in Monzambrich multi-	
166.cap.5.167.ca.6		tudo, eorumque natura	257.cap.3
Damascenum delubrum	168.cap.6.	Elephanti Taprobanes pretiosissimi.	
Damasceni tyranni crudelitas	167	232.cap.18.	
cap.5		Emanuel rex Vesputum accersit	154
Damascenorum uictus	168.ca.7	Emanuelis regis Portugal.ad Leonem	
Dantes poeta	136	pont.max.epistola	161.
Dante urbs	188.c.7	Emanuelis pium uotum, dextri cona-	
Decan urbs Indiz, cui mamaluchus		tus ac spes magnæ	164
præst	201.c.5	Equi ingens pretium	203.cap.10
Decan incolarum luxus	ibidem	Equus pretiosior urbe	205.cap.11
Delubrum prope Calechut indulgentia		Eremus anydros	171.ca.10
rum gratia acceditur	219.cap.24.	Eri ciuitas Persidis	195.cap.4
Desiderium peregrinandi multis inna-		Erythræi maris pericula	181.ca.21
tum	240.cap.32	Etesiz uenti	175.cap.14
Deumus dæmon Calechutensium ido-		Eufra uastum flumen, quod Eufratem	



# INDEX

esse putant	196.ca.5	cap.25	
Exequiarum ritus urbis	Calechut	Gaza Melachæ flumen uastissimum.	231
219.ca.23		cap.17	
Exigendi credita mirus mos	211.ca.9	Gentis cuiusdam meticulosa, perfida,	
Explorandi solertia	19.ca.20	atque crudelis	descriptio.
F		243.ca.33	
Alcones aquilæ genus	224.cap.7	Gentis effera, mirisque moribus descri-	
F Fano monetæ genus	205.ca.11	ptio	138.150
Faseli naui genus	142	D.Georgius ubi draconem confecerit	
Fatoma filia Mahumetis	173.ca.12	165.ca.3	
Febris aquæ frigidæ balneo pellitur		Gezan Arabiæ felicitis urbs uariorum fru-	
141		ctuum ferax	181.ca.1
Feles qui Zibellum producant	224.	Gibellus odor lectissimus	199.c.2
cap.7.eorum pretium	228.ca.15	Gida portus	176.ca.15
Fernandus Castiliæ rex	135	Gigantum insula	152
Fernandus classi paratæ Vesputiū præ-		Gionchus naui genus	239.ca.31
ficat	135	Giulfar urbs	193.ca.1
Fides in socium laudata	195.ca.3	Gladiatoria in pretio	211.ca.11
Fistulæ uirides	156	Goa urbis arx reparata	164
Flores ac rosæ hiberno tempore uernan-		Goa urbis descriptio	193.ca.1
tes	202.ca.8	Goga insula Indiæ	200.ca.4
Fœminarum uegetum corpus post par-		Gospium id quod bombicinum.	184
tum	139	ca.4.197.ca.1	
Folii cuiusdam incredibilis magnitudo		Græcus uentus	158
151		Grosapa rex fœderatus Portugall.	164
Folium arboris pro cocleari	110.ca.9	Gunchi ligna	234.ca.22
Fortitudo Mamaluchorum	170.	Guzerat regio	200.ca.3
cap.9		Gyauæ insula situs, mores, religio	238.
Fortunata insulæ	136	cap.28	
Franciscus de Albicio	152	Gyaua nauigationum Patritii terminus	
Fraudis exemplum	223.ca.4	239.ca.31	
Fructuum dena genera ex una arbore,		H	
mirum	216.ca.16	Abitationis mutatoriae causa fri-	
Frugalitas uestium	190.ca.9	goris ac sterilitatis brumalis im-	
Funerandi mos barbarus	141	mensitas	139
Funerandi mos mirus	110.ca.7.112.c.	Hærosipsi nobiles Canonor	202.
11.226.ca.9		cap.9	
G		Hali Mahumetis gener	173.c.12
Allinarum ac gallorum proceri-		D. Helena mater Constantini	166.
G tas, eorumque mirabile certa-		cap.4	
men	224.c.7	D.Helenæ insula pisces immensæ ma-	
Gambaix rex amicitiam cum Portugal-		gnitudinis complectēs, atq; eius quæ-	
lenfibus iniit	164	dam alia miranda	257.ca.4
Gariophyllum quomodo crescat	236	Herbæ cuiusdā succu ac farina fitis seda	
		Æ.iiii.	



# I N D E X

tur 151. ca.  
 Hexarchatus Damascenus, atq; eius magna potentia 266. ca. 5  
 Hippotoxotæ 221. ca. 2  
 Historiographo fidelis memoria pernecessaria 256. ca. 1  
 Histrones uelocissimi ex dura educatione 218. ca. 20  
 Homicidæ atrox supplicium 110. ca. 9  
 Homines plumati ac picti 147  
 Homines bicornes 184. ca. 4  
 Hospitalitatis exempla 144. 150  
 Humandi mos apud Tarnasari. 226. c. 9  
 227. ca. 11  
 Hyems in Iunio, quod nobis absurdū uideri queat 154  
 Hypocrisis egregium exemplum 188. ca. 6. 241. ca. 32. 243. ca. 34

## I

Aceri fructus 214. ca. 15  
 Iacobitarum princeps 192. ca. 15  
 IESVS CHRISTVS Mahumeti impie postponitur 173. ca. 13  
 Ignome radix quæ & Iucha 141  
 Igne terrentur elephanti 203. ca. 10  
 Ignis insula 148  
 Impietas in parentes ac fratres 194. ca. 3  
 Imposturæ felicitis exemplum 142. c. 34  
 146. ca. 38  
 Impudentia mingendi nihil à Cynica consuetudine abhorrrens 139  
 Indiæ fluuii decrescente luna augescunt præter naturam 197. ca. 1  
 Indulgentiarum superstitio 220. ca. 24  
 Indulgentiarum fraus etiam apud Turcos 176. ca. 17  
 Indus fluuius 197. ca. 1  
 Inedia febris remedium 141. 243. c. 34  
 Infantum negociatio 239. ca. 30  
 Insulæ uirides 159.  
 Insulæ ditionis Portugalliæ regis uariæ 257. ca. 4  
 Intemenahe, id quod Turcica lingua sonat, unde es tu 179. ca. 20

Internodia habere elephantos cōtrā receptam opinionem. 204. ca. 10  
 Ioannes Maria Mediolanensis tormentorum faber transfuga Lusitanorum, ad Christianos à Turcis redire parat si impunitas proponatur 240. ca. 32  
 Ioannis Mariæ iam abitum adornantis infelix obitus 247. ca. 38  
 Iogæ regis descriptio 199. ca. 2  
 Iogæ incolarum mores ac cultus ibidē.  
 Irricum uellus 162  
 Iter ob ferarum copiam non nisi multis simul peruium 191. ca. 13  
 Ity insula 146. eiusque incolarum mores ac uestitus ibidem  
 Ity ui capta, ac uictis incolis direpta 147  
 Iucha radix pro uictu 141  
 Iudæorum in Mahumetanos sæuitia 172. ca. 11

Iudæus quidam nauii faber aquis merfus 241. ca. 32  
 Iulianus Bartholomæus Iocundus 154  
 Iustitia in pretio 192. cap. 15. 200. cap. 3  
 110. ca. 9 227. ca. 10  
 Iuuenis quidam è classe Vesputii à fœmina barbara per fraudem fide data illectus, miserabiliter trucidatur 155

## L

Acertæ bifurcis caudis 160  
 Lacta herba 234. ca. 21  
 Lagi ciuitas Arabiæ 188. ca. 7  
 Læserpitium unguenti genus 226. cap. 9  
 228. ca. 14. 233. ca. 19  
 Læserpitii mira uis 233. ca. 21  
 Latex saccharo cōditus pro uino 224. c. 7  
 Laurentius Brita Lusitanorum dux 253  
 cap. 40  
 Lebeccius uentus 136. 148.  
 Leonis pont. Max. laus 161  
 Leuans uentus 148  
 Liberalitatis mutuæ pulchrum certamē 230. ca. 16  
 Libidinis incitamentum 139. 210. ca. 7  
 Libidinis prodigiosa licentia 139



# INDEX

Licentia Mamaluchorum 168.ca.7.208  
cap.4.

Linter nauigii genus 142.149

Lis bona eadem quæ Vlis bona 153

Locus conuersionis D.Pauli 167.ca.6

Longæuitas 190.ca.9.202.ca.8

Luctus ceremoniæ 209.ca.7.219.ca.23

Ludouici patritii uersatile ingenium.  
170.ca.8

Ludouicus se Turcam simulat, quod tu-  
tius Turchiam peragrarè queat 179  
ca.20.183.ca.4.186.ca.6

Ludouicus graciosus & amabilis. 180.  
cap.20

Ludouicus ægritudinē simulat 181.c.20

Ludouicus proditus capitur 183.cap.4  
apud Sultanum sistitur nō absque ui-  
tæ periculo 183.ca.4.in carcerem cō-  
iectus, inedia propè conficitur 184

Ludouicus insaniam simulans, uexatur  
ab omnibus 184.cap.5

Ludouicus crudeliter tractatus, patien-  
tia sancti opinionem consequitur. 185  
cap.5

Ludouicus à regina temere adamatur  
186.cap.6

Ludouici castimonia summæ prudētiz  
coniuncta 187.ca.6

Ludouicus liberatus è carcere, reginā ua-  
na amoris mutui spe lætat 188.ca.6

Ludouicus sub prætextu curandæ alibi  
ualetudinis de fuga consultat 188.c.6  
191.ca.13

Ludouicus tempestatis ui in Aethiopiā  
actus 191.ca.14

Ludouicus Persam itineris fidiss. comi-  
tem nactus 196.ca.5

Ludouico neptē offert in uxorem Persa  
comes 197.cap.6

Ludouicus ultra Giauum non est pro-  
gressus 239.cap.31

Ludouicus duobus Christianis transfu-  
gis persuadet, ut redeant ad suos. 240  
cap.32

Ludouicus hypocrisi sancti nomē ade-  
tus 141.ca.32

Ludouici pater medicus 141.ca.34

Ludouicus artē medicā simulans profi-  
tetur ac ægrotos sanat ibidem

Ludouicus quo astu Mahumetanos ef-  
fugerit 146.ca.38.& sequen.

Ludouicus equestrem dignitatem conse-  
quitur 255.ca.41

Ludouicus honorifice à rege Lusitaniæ  
tractatus, Romam patrium solum re-  
petit 258.cap.4

Luna decrecente flumina augeri, mirū  
206.ca.1

Lusitanorū triumphus ac laus 252.c.39

Luxus uestium 211.ca.10.213.ca.13

Liazori insulæ 158

Lychnorum copia in regia Calechut.  
219.cap.23

## M

Agnes amans Septentrionis. 257  
M cap.4.

Mahumetes Christo præfertur  
magna impietate 173.cap.13. & quis  
fuerit, qualisque eius secta 173.ca.13

Mahumetis sepultura 172.ca.11

Mahumetes Sultani filius anthropo-  
phagus 190.ca.10

Mahumetanorum cultus 189.ca.7

Mahumetanorum perfida impietas  
250.ca.39

Mahumetanorum clades ibidem

Mahumetani nandi peritissimi 251.c.39

Mahumetanorum arma, & præliandi  
ratio 253.ca.40

Mahumetanorum agilitas 254.ca.40

Malacha emporium nobile omnis ge-  
neris mercimoniorum 161.

Malacha à Christianis ui capitur ibidē

Malachenfes nummi argentei 162

Malapolanda fructus 215.ca.15

Mamalmaricar de pace tractaturus ad  
Lusitanos mittitur 254.ca.40

Mamaluchi qui 168.ca.7



## INDEX

Mamaluchorum fortitudo ac promptitudo par 170.ca.9  
Mangolor urbs 202.cap.8  
Manuel rex Portugalliæ, qui & Emanuel 135  
D. Marcus fontis cuiusdam architectus 174. cap.14  
Mare circa Calechut tempestuosum. 213. cap. 12.  
Maris cognomento Arenæ pericula. 174. cap. 14.  
Maurus rex Malachæ imperat 161.  
Mechæ urbis inclytissimæ descriptio. 200. ca. 15.  
Mechæ ager sterilis, & aquæ indigus, undèque eò commeatus importetur. 175. ca. 15  
Mecha rerum omniū emporiū ibidem  
Mechoa Calechutensium piscatores 209. ca. 5.  
Medici Calechutensium 216. c. 18  
Medinathalhabi urbs 152. cap. 11  
Medinathalhabi ager diuina execratione sterilis ibidem  
Melacha Indiæ urbs regi Cini uestigialis Sultanum habet 231. ca. 17  
Melachæ portus totius oceani commo- dissimus ibidem  
Melcha nobilis insula 158  
Memoria fidelis historico pernecessaria 256. cap. 1  
Menacheaz præfectus 193. cap. 1  
Menin urbs 166. ca. 4  
Mercatores Malachi peregrini 162  
Mercatura infantum 239. ca. 30  
Mercimonia urbis Mechæ 176. c. 16  
Meschet portus 193. cap. 1  
Meschita templum uocant Mahumeta- ni 172. ca. 11. 181. cap. 20  
Mesquitæ Saracenorum ædes 162.  
Mesuer furculus pro dentiscalpio 183 cap. 4.  
Mecarib regio 170. cap. 8  
Militem delectus laudabilis 200. ca. 4  
Milites Calechutensium 211. ca. 11  
Mineralia 157  
Miraculum D. Thomæ 221. ca. 2  
Miraculosum auxilium 253. ca. 40  
Moenia miræ altitudinis 171. c. 10  
Molaga, piper interpretatur 223. ca. 19  
Momia 174. ca. 14  
Moneta Taprobanes qualis 232. ca. 18  
Monoch gariophylli ferax 236. ca. 24. & 25.  
Mons gemmarum ferax 222. ca. 3  
Mons Iudæorū habitaculum 172. ca. 11  
Monstrum marinum 142  
Monzambrich insula Aethiopiæ, eius situs ac incolarum mores 256. ca. 2.  
Morbus Gallicus apud Indos. 213. ca. 13. 248. cap. 38  
Moscheæ templa Turcica 168. ca. 6  
Mulgendi mirus mos 169. cap. 7  
Mulieres in bello baiulæ impedi- mentum 138  
Mulieres prodigiosæ magnitudinis 150  
Mures maximi 160  
Mures sole tosti comeduntur 209. ca. 6  
Musæcum opus 167. ca. 6  
Myristicæ nuces & mastix quomodo crescant. 236. cap. 24. earumque pre- tium ibidem

N

Abi Mahumetem significat 173  
N Nacri Calechutensium patritii. 209. ca. 5. 211. ca. 11  
Nandi peritia 250. ca. 39  
Narlingæ regis potentia præter ceteros reges maxima. 203. ca. 10. 205. ca. 11  
Narlingæ & Mediolani cōparatio ibid.  
Narlingæ incolarum religio atque cul- tus ibidem  
Narlingæ regis moneta triplex. ibidem  
Narlingæ regis cum Lusitanis fœdus, & in Christianos fauor 221. cap. 2  
Narlingæ rex fœdus à Portugallensibus petit 164  
Natatores peritissimi 137. 144



# INDEX

Nauale prælium	250.ca.39	Parghi pisces marini	154
Nauidomini uituperatio	159.	Parias prouincia	145
Nauigia Calechutensium, & nauigan-		Parricidium ingens	194.cap.3
di mos	212.cap.12	Paternoster ex lapillis & ossibus pisciũ.	
Nauigia Tarnassari	227.c.12	folio	140
Nauiprætor	156	Pax inter Lusitanos & Mahumetanos.	
Nauis naufragio amissa	159	254.cap.40.	
Negotiandi mirus mos	217.ca.19	Pego urbis Indiæ clarissimæ mores ac	
Negotiatores Calechut	212.ca.11	religio	230.cap.15
Negotiatores Taprobanæ	234.cap.22	Pego regis humanitas	230.cap.16
Nirai uulgi fex in Calechut	209.c.5	eiufdem luxus ac opes	ibidem.
Nomothetæ Turcarum	173.ca.12	Pego incolarum salacitas	231.ca.16
Nornordenfius	160	Penda insula	257.cap.2
Nundinæ nocturnæ ob æstum diurnũ		Perdai aurea moneta	200.cap.4
folio	182.ca.4	Perdai quid dicitur	203.c.10
Nuptiæ regis Calechut sacerdotis stu-		Peregrinationum uaria pericula	238.
pro honorantur	208.c.4	cap.29.	
O		Perfidia in amicum	194.cap.3
Bsequium transuehendi hu-		Perfidie supplicium	ibidem
meris per pontum	145	Periculi ex improviso grauis prouisio.	
Oleo aspergi pro aqua conse-		folio	153
crata.	220.cap.24	Perle nouata dictio pro unionibus	152
Onor insula	202.ca.8	Permutatio uxorū mirabilis	210.
Onyx gemma uulgo cornicula	198	cap.8	
cap.1		Perfæ mercium adulteratores	196.ca.5
Ophis lapis	167.ca.6	Perfarum comitas liberalitatisque	ibidẽ
Opinionum discordia	198.ca.12	Perfa quidam Ludouicum liberaliter	
Opinio Turcarũ impia de Christo ac		excipit 195.cap.5. neptem in uxorem	
Mahumete	173.cap.13	offert	ibidem
Ormus urbs unionum ferax	193.ca.2	Petrarchæ testimonium	135
Ostreolæ unionum matres	153	Petrus Antonius Mediolanensis	241
Othomar Mahumetis socius	173.ca.12	ca.32. uide supra Ioannes Maria	
P		Petri Antonii infelix interitus	147.c.58
Aleachet Indiæ urbs	223.ca.5	Petulantia muliebris exemplum	
P Pandaran urbs	206.ca.12	187.cap.6	
Panis ex piscibus cõfectus	143	Pharmaca ad prouocandam libidinem	
Pannaniorum portus oppugnatur		folio	138
255.cap.41		Phaseli nauigii genus	137.
Pannaniorum clades	ibidem	Pianfu serico nobilis urbs	329.ca.29
Parao nauium genus	213.cap.12	Picti ac plumati homines	147.168
249.cap.39.		Piloti fulcandi æquoris peritissimi	174
Pardaii monetæ aureæ genus	229.ca.15	cap.13.	
Parentes senes, ac iuuenes ægrotos uen-		Piperis origo, species formæque	214
dere licitum	238.cap.29	cap.14.	



# INDEX

Piper Taprobanes procerum cap. 18	232.	Psitaci uocales ac pulchri	229. ca. 15
Pisces sole tosti	209. ca. 6	Pua morbum Gallicum significat	248. cap. 38
Pisces immensæ magnitudinis cap. 4	257	Pudendorum nulla uerecundia	139
Piscium ingens copia	151	Pudor egerendi	139
Plinii testimonium Iunioris	135.	Puerperarum dolor leuis	139.
Poliar uulgi fex in Calechut	209. ca. 5	Pulsus ægritudinis aut sanitatis index. 243. cap. 34	
Polygametia	210. cap. 8	Pustulæ in India sæuiunt	213. ca. 13
Polygamia	168. ca. 7	Pider ciuitas Taprobanae	232. ca. 17. 18
Ponderum ratio in Calechut	217. c. 19	Pilæ elaboratæ	175. ca. 14
Pontes leuatitii	142.	Pyropi gemmarum genus, qui & Ru- bini	222. cap. 3
Porcai insula	213. ca. 12	R	
Portugallensium gloriosa uictoria	161		
Prælium atrox cum barbaris	142. 167	Eame urbs	189. ca. 9. eius cœli
Prælium ingens cum Arabibus cap. 10	171.	R	temperie incolæ longæui. ibidem
Prælium nauale	250. ca. 39	Reditus Vespuitii in Hispaniam	148
Prælium cum Pannaniis	255. cap. 41	Lisbonæ splendide excipitur	160
Præmium exequiarum sacerdotibus per- soluitur etiam apud Turcas	219. c. 23	Regio circa Sodomam ac Gomorram sterilissima, aquæque indiga	171 cap. 10
Præsidium firmum Malachæ imposi- tum	162	Regis de Decan mores	201. ca. 6
Præsilium coloris genus	224. cap. 6	Regum ac populorum quorundā no- menclatura	206. ca. 12
Præstigia sepulchri Mahumetis cap. 13.	174.	Regum preces præcepta sunt	154
Preces regum ac magnatum, præcepta sunt	151	Religio in periculis multo maxima est folio	158
Precandi mos mirus	211. cap. 10	Religio diuersa ciuilibus discordiæ semi- narium.	189. ca. 7. 172. cap. 12. 196. cap. 16.
Prefbyteri Ioannis cum Portugallensi bus fœdus	164	Remedia alui ciendæ	143. ca. 34
Prefbyter Ioan. Aethiopiæ rex cap. 15	192	Renatus Lothoringiæ dux	135
Proditio hostilis	142.	Retiacula, cubilium uice	137
Promptitudinis miræ exemplum cap. 9	170	Reubarbari copia atque uilitas	195. cap. 4.
Promuscide Elephas ferit hostem alli- gato gladio	203. cap. 10	Rex de Aufiam fœdus cum Portugal- lensibus ferit, donis ad hæc missis ma- gnificis	162
Prostitutio uxorū filiarumque ultro- nea.	140. 144	Regi de Decan Goga insula tributa- ria est.	200. ca. 4
Prostitutio nouæ nuptæ	225. cap. 8	Rhada urbs	183. ca. 4
Proxenetæ mirabilis usus	217. ca. 19	Ritus conuocandi Mahumetanos ad delubra	144. cap. 35
Psitaci uarii coloris	218. ca. 21		
Psitaci uersicolores	224. ca. 7		



# I N D E X

Rubini	222. cap. 3	Simonis Martini peritia in rebus belli-	
Rubri maris intemperies	181. ca. 21	cis	251. ca. 39
Rubrica pannis inficiendis idonea		Simplicitas credula	145
191. cap. 14		Simulacra dæmonum horrida	207.
Rumi Christiani reges Turcis finitimi		cap. 2	
228. cap. 14		Simulacrum dæmonis in templo	220
Rore pro aqua utuntur	151	cap. 24	
S		Sitis sedandæ mira ratio	151
Acrificandi ritus apud Mechã		Siti multi absumpti	174. ca. 14
S	177. cap. 18. apud Calechu	Sodomæ ac gomorræ uestigia	171. c. 10
tenfes	208. ca. 2	Somler insigne regis Calechut	211. c. 11
Sagittarii periti	137	Sophi rex Persarum	196. c. 6
Sal optimum	182. cap. 3	Sotularia gemmata	201. cap. 5
Sambuc nauigii genus	213. ca. 12	Specus in quo pœnitentiã egisse Adam	
Samory, id est in terris deus, rex Calc-		fertur	222. cap. 4
chut	206. cap. 12	Squilaz urbs	296. cap. 5
Sana urbs Arabiæ felicitis	190. ca. 10	Stupra uirginum ac uxorū honorī	
Saraphi moneta aurea	166. cap. 5	habita	140
Sarau auls genus	218. cap. 21	Successus regis Portugalliæ prosperi	
Sarcophagi Mahumetani miracula	179	161. & sequent.	
cap. 13		Suduesius uentus	199
Sauain militum dux	200. cap. 4	Sultani Damasceni tyrannis	166. ca. 5
Schira urbs	196. cap. 5	Sultanus Mechæ	175. cap. 15
Scortatio licita	138	Sultanus Ananiorum	182. cap. 3
Secha idem quod sanctus	191. ca. 12	Sultanus Sanæ	183. ca. 4
Sechamir dicitur Sultanus Arabiæ feli-		Sultani Arabiæ milites, & eorum arma	
cis	ibidem	tura	184. cap. 4
Seçta Mahumetis qualis	173. c. 13	Sultani uxor Ludouici amore corripit-	
Sepulchri D. Thomæ miracula	221	tur	185. cap. 5
cap. 2		Sultanus Arabiæ sanctus habetur,	
Serici copia	195. ca. 4	quod ab humanis cædibus abstineat	
Seroccus uentus	148. 157	191. cap. 12	
Serpentum uastorum tria genera	218	Sultanus Cambaiæ	197. ca. 1. 198. c. 2
cap. 22		Sultani Ormus filii alterius in parentes	
Serpentum immunitas	ibidem	impietas	194. cap. 3
Serpentes loco numinum culti è cœlo		Sultani iunioris crudelitas	ibidem
sumpti existimantur	ibidem	Sultanus parricidium morte luit	195
Serpentum occurfus prosper habetur		cap. 3	
ibidem		Sultani Cambaiæ prolixa descriptio	
Serpentes uastissimi	ibidem	198. cap. 2	
Serpentes horridi	143	Sultanus ueneno uescitur, à pueris ita	
Serrationa regio	158. 159.	assuetus, quod expuens in fontes, eos	
Sibillia ciuitas Hispaniæ	153	ita perimit	ibidem
Sidi Hierophanta	173. ca. 13		



# INDEX

Sumatra quæ & Taprobana, insula	231	Tyrannis in plebem intoleranda	109.
cap. 17. 232. ca. 18		cap. 5	
Superbiæ uindex deus	159.	Tyrannidis affectatæ supplicium	195
Superstitio Mahumetanorum	174	cap. 3	
cap. 13		Tyrannicidæ præmium	ibidem
T		V	
Aessa urbs templo magnifico		Abulum sub Presbyteri Ioan	
celebris	190. c. 11	nis dominio	164
Temerani deus Optimus ma		Vaccæ unicornes	192. c. 15
ximus dicitur	207. cap. 2	Vestigal incredibile	202. ca. 9
Taprobanes situs ac eius incolarum mo		Vellus Irricum	162.
res	232. cap. 18	Velutum serici genus	169. c. 7
Taprabonenses urinatores eximii	274	Veruex pondo 40 pinguis	185. ca. 5
cap. 22		Verueces pinguißimi ponderosis caudis	
Tarnasari Indiæ urbs, regis atque inco		190. ca. 9. 192. ca. 15	
larum mores	222. ca. 6. 223. ca. 7	Veruecum uilitas, duodecim scilicet u-	
Tarnasari ciues albicantibus homini-		nico aureo	224. ca. 7
bus nouas nuptas stuprandas prosti-		Verzinus color qui & præfilium	224.
tuunt	225. ca. 8	cap. 6	
Tarnasari ciues in hospites liberales ibi.		Vesputii auunculi laus	135
Tactaruca piscis ingens coriû	234. c. 23	Vesputius 4 nauigationû libellum pol-	
Tempestatis incommoda	154	licetur	141. 160
Tempesta in mari horrida	156. 157	Vesputii reditus in Hispaniam	148.
cap. 14		Vesputius in nauidominum iuuehitur	
Templi Mahumetis descriptio	172	folio	159
cap. 12		Vesputius rudem flagitat	160
Templi Meschæ descriptio	176. ca. 17	Vestigia magnorum pedum	151.
Thalæ nauiß genus	193. ca. 1	S. Vincentii caput	156
Thesaurus ingens	213. ca. 13	Vinum factitium	150
D. Thomæ miracula	221. ca. 2	Vliff bonæ laus	258. ca. 4
Tormenta bellica terrori barbaris	145	Vncaleut patibulum dicitur	211.
147. 152. 156		cap. 9	
Tripolis	165. ca. 3	Vnicornes mira specie ex AEthiopia	
Tristanus à Cugna Lusitanis periclitant		aduecti	178. ca. 19
tibus suppetias fert	253. ca. 40	Vniones 500 unica nola permutati	
Tristani laus	256. ca. 2	150.	
Triumphus Lusitanorum	252. ca. 39	Vnionum uilitas	ibidem & 153
Trompatam urbis incolarum frugali-		Vniones maturi ac immaturi	ibidem
tas	205. ca. 12	Vomitus herbis prouocatus	141
Tuberum ingens ubertas	169. ca. 7	Vrinatores peritissimi	252. cap. 39
Turchia ubi	ibidem	Vuæ sine granis dulcissimæ	190. ca. 9
Turris in qua Paulus, qui tum Saulus		Vxores à sacerdotibus stuprantur, præ-	
Christianos afflixit	167. cap. 6	mio proposito	208. ca. 4
Turtures pisces	151	Vxorum mira permutatio	210. ca. 8



# INDEX

Vxores uiuæ mortuis maritis se combu-  
runt 226. cap. 9. 231. cap. 16

Z

Achariæ corpus ubi sepultum

Z 167. cap. 6

Zambeï princeps potēs 169.

cap. 8

Zambeï prædabundus ibidem

Zaylon insula 222. c. 3

Zaylon gemmarum ferax, & quomo-  
do eruantur ibidem

Zaylon incolæ Narfingæ regi uectiga-  
les, & eorum mores qui ibidem

Zeila portus ac urbs celebris 191. ca. 14  
192. cap. 15

Zeilæ incolarum mores & habitus ibi.

Zibellum unguentum 224. ca. 7. 229  
cap. 15

Zibith urbs opulenta 190. cap. 11

Zida portus ac urbs elegans qui & Gi-  
da. 180. cap. 20.

Zinziber quomodo nascatur 214. c. 14

## INDEXE BROCARDO, MARCO PAVLO VENE- to Haythono, Mathia à Michou, Paulo Iouio, Petro Martyre, atque Erasmo Stella nouarum insularum scriptoribus collectus.

A

Baga filius Haoloni, patri suc-  
cedit 391. ca. 32

A

Abaga inuasa AEgypto, Tur-

quiam uastauit 393. cap. 34

Abaga ueneno moritur 395. ca. 36

Abasia India intermedia 362. ca. 43

uariis animantium generibus referta  
363. cap. 45

Abraiamim incantatores 354. ca. 23.  
357. ca. 30

Accaron ciuitas 282.

Aceda 282

Alechmangi prouincia 330. ca. 34

Acor uallis 270

Acon quæ & olim Ptolemais 260

Acon ciuitas obfessa capitur 412  
cap. 52

Adamantes quo pacto reperiantur 357  
cap. 29

Aden prouincia D. Thomæ prædica-  
tione nobilis 362. cap. 43. eius luculé-  
ta descriptio 362. ca. 46

Aden Sultanus bello uictus 362. ca. 44

Adoptionis ius 340. ca. 53

Adulterii poena in uiros & foeminas 284

Adulterium uetitum 309. ca. 55

Adumin castrum, latronum spelunca  
272.

AEgypti descriptio copiosa 285. 413  
cap. 54.

AEgypti forma  $\Delta$  285

AEgypti situs 286

AEgyptus Christi religione claruit ibi.

AEgypti conditio statusque 409  
cap. 50

AEgypti imperii crebra mutatio 410  
cap. 52

AEstus maximi 296. ca. 23

AEthiopia 286

AEthiops nunquid mutare pellem po-  
test 282

AEtii Romani ducis uictoria de Attil-  
la. 443. ca. 14

Aex castrum Tyri 261

Air calamus aromaticus 433. ca. 7

Alani qui 439. ca. 12

Alania deserta ibidem

Alanorum irruptiones in Romanam  
Rempub. 441. cap. 13

Albis fluuius 440. cap. 12

Alborum dies festus Tartaris 322. c. 15

Alchai mons sepulturæ regum Tarta-  
rorum locus 309. cap. 53  
s. ii.



# I N D E X

Allau rex Tartaricus Barclza uictor.	441. cap. 13
260. cap. 1.	Argon rex Indorum à Cham sui sanguinis uxorem impetrat 291. ca. 9
Allau obsidet Baldachum 293. cap. 13	Argonus filius Abaga, interfecto Tangador, in imperium successit Tartarorum 397. cap. 38. eius obitus ibidem
Allau tyrannidem aboleuit 299. ca. 29	Argon sagax gens & elegans 313
Altitudo polaris 475	cap. 64
Amalech 278	Arietes maximi 295. cap. 22
Amazones terror mundi 437. c. 10	Aristoteles architectus 474.
Ambasiator 288. cap. 2	Arma Moschouitarum 481
Ambrum ex cete marinis 360. c. 39	Armenia rex Christicola 284
Amu prouincia 338. cap. 47	Armenorum fides ibidem
Amurates procures AEgyptiaci dicuntur 410. ca. 50	Armenia minoris laus 292. ca. 11
Anarchia 504	Armenia maioris descriptio 292. ca. 13
Anatoth Ieremie patria 271	Armenia regni descriptio 371 ca. 9
Angania insula 353. cap. 21	Armenia rex Tartarorum Cham Imperatori fidem Christi accipiendam persuadet 386. cap. 23
Animal quoddam catti simile muschû producit 312. ca. 62	Armenorum magna clades 404. cap. 44
Antheradum 262	Arnon torrens 270
Anthropophagi 352. ca. 16. & 17	Aromatum caritas unde 468
Antilibanus mons 261	Ars inuadenda tyrannidis mira 298 cap. 28
Antiopia quæ & Affor 262	Ascalon urbs 279
Antipatrida quæ & Arsur 282	Ascelinus legatus pro pace impetranda ad Tartarorum Cham 430. c. 5
Aphec ciuitas 267	Asia duplex profunda & maior 407. cap. 47
Aquæ potabilis magna penuria 297 cap. 25. 299. cap. 30	Asini pulchri & pretiosi 295. cap. 19
Aquæ amaræ ac uirides aluum cientes. 297. ca. 25	Asinini Saraceni 283
Aquilæ feroces lupos aggrediuntur 323. ca. 17	Asinorum terra 262
Aquileiæ obsidio ac expugnatio 444 cap. 14	Asphaltus lacus bituminis 271
Arabia triplex 259	Assasmi sicarii 298. cap. 28. & seq.
Arabia magna 260	Astrologi in rebus bellicis consulti 316 cap. 3
Arachas castrum 261	Astrologia in pretio 345. cap. 64
Aradium quære Antheradum 262	Attila primus Iuhrorum rex 443. c. 14
Aradius filius Chanaan ibidem	Attilæ in Gallias irruptio ibidem
Aramathia 277	Attila consultis aruspibus infelicitè cū AEtio pugnat ibidem
Aratheus Arathan conditor 262	Attilæ late grassantis uiolentia 444 cap. 14
Arath mons altissimus 371. cap. 9	
Arbor solis 298. c. 27	
Archimandrita 477.	
Arcladam prouincia 334. ca. 41	
Areopolis quæ olim Ar 270	
Argentei Adriani imagine insigniti	



# INDEX

Attila prima nuptiarum nocte apoplexia suffocatur	445.ca.14	Basman regnum	351.ca.15
Auaritiæ supplicium fames	294.ca.16	Bathi Imperat. Tartarorum in Hungaros	429.cap.4
Auaritiæ ingenium	302.ca.38	Baydo Imperator factus à suis interficitur	397.cap.40
Auaritiæ poena	389.ca.26	Beduini incolæ terræ sanctæ	283
Aucupandi ratio	324.ca.19	Bela regis Hungariæ conatus aduersus Tartaros	429.ca.4
Aues aucupio destinatæ	ibidem	Bela euasit prælium	ibidem.
Augusta Vindelicorum	440.ca.12	Belisarii de Vandalis uictoria	442.c.13
D. Augustini mors	441.ca.13	Bellena ciuitas	262.269
Azotus	279	Belli inferendi quadruplex ratio consideranda	408.ca.49
B		Bersabee Iudeæ terminus	280.
Abylonia Chaldæorum regni metropolis	372.ca.11	Berytus	261
Babylonia Aegypti	286	Bethagla	270
Bahurim	272	Bethania castellum	272
Baian Chinfan à centum oculis nomen sortitus	340.cap.54	Bethel	269.271
Balac ciuitas	299.cap.31	Bethleem	277
Balasciæ prouincia, cuius reges prosapia Alexandri magni iactant	300.ca.34	Bethoron	ibidem
Balascia gemmarum ac metallorum ferox	ibidem	Bethsaida	265
Baldachum ciuitas quæ & Sufis	293	Bethsames	279.
cap.16.expugnatur, ibidem.	293.ca.25	Bethsan ciuitas	266
olim Babylon	376.ca.15	Bethsura castrum	279
Baldad Suites	264.	Bethuliæ mons	266
Balduinus rex Hierosolymitanus	260	Bezec	278
270		Biblum ciuitas	261
Balduinus Constantinopolis Imperator	288.cap.1	Bircorum magna copia	352.ca.18
Bangala prouincia	337.ca.45.	Bitumen medicinale	271
Baptizandi mira ratio	283	Blasphemiæ in Christum	317.ca.6
Barca rex Tartarorum	288.cap.1	Blondus perstrictus	442.ca.13
Barca prælio uictus ab Allau	ibidē	Bochara ciuitas Persidis	288.ca.1
Bargu campestris	311.ca.61	Boeach prouinciæ inhumani cultores	351.cap.11
Barones duo uenationi præfecti	324	Bohemi ex Sclauis oriundi	440.c.12
cap.18		Bombix arbor	359.cap.35
Barones XII regnis Cublai præfecti, & eorum officia	326.ca.22	Boristhenis fluuii ortus	461.ca.3
Bascia palmarum nemore cincta	294	Borussiarum situs	502.503.
cap.16		Borussiorum primus rex	509
Basciæ prouinciæ descriptio	301.c.35	Borussiorum leges	ibidem
Basilii Moschouiæ ducis literæ	471	Borussiorum idololatria	510
Basilii laus	480.	Borussiorum perfidia	513
		Bothnopolis	282
		Botrum oppidum	268



# I N D E X

Boues gibbosi	295.ca.22. syluestres.	Cangigu prouincia	338.ca.46
312.cap.62		Canglu ciuitas	339.cap.50
Boues elephanti magnitudine	338.c.45	Caniclu prouincia	332.ca.38
Boues pro diis culti	354.cap.24. &	Canosolim castrum	296.cap.22
356.cap.28		Capchac progenies Cumanorum	411
Brius flumen auriferum	333.cap.38	cap.52	
Bube auis Tartaris sacra	381.ca.16	Capchiclz proditor Cafani, Christiano	
Burgundi unde	440.cap.12.	rum prouincias prodit Soldano	401
C		cap.403	
Acaufu nobilis ciuitas	339.	Capharnaû fons regio, Ciuitas	264
C	cap.50	Capuli ex piscium dentibus	446.c.14
Cades barnæ	278	Caraiâ prouincia septē regnis inclyta	
Cæsarea Philippi	262.	cap.39	
Cæsarea palæstinæ	268	Carasminorum regni descriptio	368
Caffa ciuitas	471	ca.4	
Caigui frumenti ditissima urbs	343	Carbagandam fratris Cafani in impe-	
cap.60		rio successor	404.ca.45
Cain insignis urbs	341.ca.56.	Carbagandam apostata	ibidem
Calacia metropolis Tanguth	313.ca.63	Carbanda reguli Tart.potentia	406
Calciamenta de Camuco	322.cap.14	cap.47.	
Caligo aeris arte magica facta	296.ca.22	Carcham prouincia	304.ca.40
Caliphus Særacenorum prælatus	293	Cariath Iarim ciuitas	277
cap.16.		Cariath Sepher	278
Caliphus ob auaritiâ fame necatus ibi.		Caritas aromatum unde	468
Caliphus sectæ Mahumeti pontifex aua-		Carith torrens	269
ritiæ pœnam morte luit	389.ca.26	Carmelitæ à monte Carmelo	279
Calores immenfi	297.c.23. 356.cap.26	Carnes crudæ comeduntur	333.ca.39
358.cap.31.		Carocoram Tartarorum origo	308
Caluariæ locus	272	cap.51	
Camandu ciuitas	295.ca.25	Caromora flumen uastum	329.ca.31.
Cambalu tremestre Cublai regis diuer-		339.cap.52	
ticulum	319.cap.9	Casale Lamberti	260
Cambalu ciuitatis descriptio	320.ca.10	Casanus Argoni filius in Imp. per si-	
& eius incolarum mores	ibidem	mulationem electus	398.ca.41
Camphora auro æqualis	353.ca.19	Casani fidei Christiani defensoris cum	
Campition urbis idololatria	307.c.49	Soldano prælia	ibidem
Camul prouinciæ situs ac mores	305	Casani laus	399.ca.42
cap.46		Casanus subsidio regis Armeniæ Sara-	
Cana Galilææ	266	cenos bello inuadit	402.ca.44
Canes trahendis rhedis affucti	364	Casanus testamento & multis egregiis	
cap.48		post se relictis legibus moritur	404
Canum cum leonibus certamen	338	cap.45	
cap.49		Casplum mare multa flumina excipit	
Canfu ciuitas	344.cap.64	432.cap.7	



# INDEX

- Cassar prouincia 302.ca.38  
 Castrum peregrinorum 279  
 Casus facete relatus 476  
 Catalogus regum ac imperat. Tartarorum. 309.ca.54.434.ca.8  
 Catalogus impe. Turcarum 447  
 ca.15.  
 Catapultæ instrumentum bellicum 342.cap.58  
 Cathay regni descriptio 367.ca.1  
 Cathaium urbs 473  
 Cathalaunici campi 443.ca.14  
 Catholicus orientis sacerdos 284  
 Caudati homines 353.cap.8  
 Caydu nepos Cublai cum Naiam in Cublai conspirat 316.ca.2  
 Cazaci Tartarice prædones 442.c.12  
 Cedar ciuitas 264  
 Cedes Neptalim 264  
 Cedron torrens 274.  
 Ceremoniæ Tartarorum 322.ca.15  
 Cerui equorum loco 312.ca.61.  
 Ceruisia Tarta.uarii generis 431.c.6  
 Chaldaeorum regni descriptio 372.c.11  
 Cham in Christianam humanitatem 289.ca.3290.ca.7.  
 Cham in Christi fidem propensus legatos ad pontificem Ro. pro doctoribus mittit. 289.cap.4  
 Cham Paulos magnifice in patriam dimittit,quanquam inuitus 292.c.10  
 Cham nomen Imperatoris omnium apud Tart.380.ca.16.dicitur & Can 381.  
 Changius è paupere Imp. Tartarorum factus 382.cap.16  
 Chāgius Can.Tarta.I.Imp.382.c.17  
 Changii iam morituri, ad XII filios pro concordia tenenda adhortatio. 383.cap.17  
 Chapar Tarta.princeps potens 406 cap.47  
 Chesimur prouincia locis natura munitis'ualidissima 301.c.36  
 Chinchis rex Tartarorum primus, Vn-  
 cham prælio uincit 308.cap.53  
 Chinchis obitus ibidem  
 Chincui castrum munitissimum 329 cap.30  
 Chisi ciuitas 294.ca.16  
 Christiani transfugæ 282  
 Christi religio in Oriente 283  
 Christi cultus in AEgypto 286  
 Christiani titulo tenus perstricti 317 cap.4.& 6  
 Chronus fluuius 504  
 Ciambæ prouinciæ potentia Cublai fit tributaria 350.ca.9  
 Ciandu palatio nobili insignis 314. cap.65  
 Cianfu ciuitas 329.cap.31  
 Ciangli ciuitas 339 cap.50  
 Ciangiam ciuitas 346.ca.66  
 Cianiganiorum ciuitas Cham magni regia 313.ca.64  
 Ciartiam arenosa 304.cap.43  
 Cigata frater Chā, Christianus factus 302.cap.39  
 Cinchis Cublai primogenitus inter XII filios 319.ca.8.de concubinis XXVII. ibidem  
 Cin hintalas prouincia 306.ca.47  
 Cinereth 266  
 Cingianfu ciuitas 343.ca.61  
 Cingingui incolarum perfidia punita 343.ca.62  
 Cinglis natiuitas & potentia 434.c.8  
 Cinglis primus Tartarorum Imper. ibidem.  
 Circaci 433.ca.7 D.Cirullus ibi.  
 Cifon torrens 267  
 D.Clemens ibidem  
 Clemenisu ciuitas Tartarorum 290 cap.6  
 Clopatra AEgypti regina 271  
 Cobila Can quintus Tartarorum impe. 390.cap.30.  
 Cobinam ciuitas 297.c.26  
 r. iiii.



# INDEX

Codorlaomer rex	265	luptas	324.ca.19.& seq.
Cœlesyria	259	Cublai opulentissimus	325.ca.27
Cogracam filius Cublai	333.ca.40	Cublai prouidentia,cum annonæ ingra uescit caritas,eiusque in pauperes be- nignitas	327.ca.24
Cohan fluuius	433.cap.7	Cublai de rege Mien uictoria	336.c.42
Coilum regnum	357.ca.31	Cublai prouincia Mangi auctus	340 cap.54
Comari prouincia	358.cap.32	Cublai in Zipangrios bellum	348.c.3
Cometes	425.ca.2	Cugui ciuitas	346.ca.66
Concordiæ uis exemplo ostensa	382 cap.17	Cumanix regnum	368.ca.5
Conigangui ciuitas opulentissima	341 cap.55	Cunchi prouincia	330.ca.33
Coniugium inter mortuos	310.ca.58	Cytracham emporium	474. D
Consilium recuperandæ terræ sanctæ copiose per tria capita	414.ca.55	Species AEgypti	286
Consuetudo uetus uim ueri habet	350 cap.7.	△ Dabir ciuitas	278
Corallium collo appensum,& pro mo neta	332.ca.37	Dæmonum cultus	305.ca.45
Corgangui & Caigni urbes	339.ca.52	Dalmanuta	263
Cormosa ciuitas	296.cap.23	Damascus	259.
Cosmographorum ueterum uarii erro res	443.ca.14.467	Damasceus ager	278
Cotam prouincia	304.ca.41	Damasceus Tartarus aquarum ui obru tos perimunt	402.ca.44
Craciz	412.ca.53	Damiata	285
Crapula Lithuanorum	462.ca.2	Dan terminus terræ sanctæ mons	262 269
Creanum mare	296.cap.23	Darius captus,Prefbytero Ioan. subii- citur	329.ca.30
Crermam nobilis ciuitas	295.ca.21	Dauid turris	272.
Crocodili & eorum natura	413.ca.54	Decapolis cur dicta	268
Crudelitas in hospites	334.ca.40	Demetrii legati Moscho.laus	467.470
Cublai magnus Tartarorum rex , qui & Cham dicitur	288.ca.2	Desertum	298.ca.27.307.ca.50.331. cap.36
Cublai integro libro descriptio	315.c.1	Desertum dæmonum præstigijs pericu losum	304.ca.44.312.ca.62
Cublai de Naiam uictoria	316.ca.4	Deus iniustæ perfidiæ ultor	317.ca.6
Cublai IIII prouinciis augetur	317 cap.5	Diospolis	279
Cublai Christianis aduersus Iudæos & Saracenos patrocinator	317.ca.6	Discordia ducum in bello perniciofa	348.cap.3
Cublai in milites præclare se gerentes li beralitas	318.cap.7	Diuidna fluuius ingens	472
Cublai forma uxores& familia.318.c.8 eius concubinæ	ibidem	Diuertium leui de causa concessum	307.ca.49
Cublai in conuiujs magnificentia	321 cap.13	Dogmata Moschouitarum	477
Cublai in uenando & aucupando uo-		Domus motorix	310.ca.55.314.ca.65
		Domus de arundinibus in modum ta-	



# INDEX

bernaculi magnifice extructa ibidem  
 Domus auro tectæ 348.ca.2  
 Doucoscaron de prosapia trium regum  
 Christiana Haolono uxor 389.c.27  
 Don fluuius qui & Tanais 432.ca.7  
 464.cap.4  
 Dooch castrum 269  
 Dotaim castrum 265  
 Draconis cuiusdam late uastantis om-  
 nia interitus 450.ca.16.  
 Dragogiam regnum 352.ca.17  
 Drusi obitus 440.ca.12  
 Drusi res gestæ ibidem

## E

Brietatis exemplum 300.c.32  
 Edel fluuius, qui & Volha  
 433.ca.7  
 Edeffa quæ olim Rages 259  
 Egrigaia prouincia 313.ca.63  
 Elephanti turriti 336.ca.42.361.c.41  
 Elephanti X X, annum tributum 350  
 360.cap.9  
 Elephantornm ac eboris magna copia  
 cap.39  
 Elephanti prælium ingressuri temulen-  
 ti redduntur 361.ca.41  
 Eli incolæ rapto uiuunt 358.ca.33  
 Eleutherus fluuius 261.  
 Emaus 277.279  
 Endor uilla 267  
 Engaddi mons 271  
 Ennon oppidum 269  
 Ephimeræ uermes in Boristhene flu.  
 454.ca.1  
 Episcopi Moschouitarum 477  
 Equitatus numerosus 480  
 Equi durissimis ungulis 301.c.34  
 Equorum pretium ingens 295.ca.19  
 Equorum alborum copia 314.c.65  
 horumque pretium ibidem.  
 Equorum Tartarorum pernicitas 431.ca.6  
 Equorum usus pro nauigiis 433.ca.7  
 Erasmi stellæ de Borussis antiquitati-

bus opus 502  
 Ergimul regnum 312.cap.62  
 Eroclzcaton piissima mulier Carbagan  
 dam mater 404.ca.45  
 Erythratao auis 479  
 Esau ubi habitavit 265  
 Esentemur filius magni Cham 333.  
 cap.39  
 Eudici color eximius 358.ca.31  
 Eudoxia Valentiniani Imperatoris filia  
 capitur à Genferico 441.ca.13  
 Ezina ciuitas 307.ca.50

## F

Acfur rex Mangi potentissi-  
 mus 340. cap.53  
 Fansur regnum 353.ca.19  
 Farina ex arborum corticibus optima  
 ibidem.  
 Fasiani maximi longiss. caudis 312.c.62  
 Februarii Calendis Tartari annum au-  
 spicantur magna celebritate 322.c.15  
 Federicus ordinis Teutonicorum pro-  
 tomagister 500  
 Fel serpentum ad uarios morbos utile  
 334.ca.40  
 Feræ uarii generis Cublai mittuntur  
 323.cap.16  
 Feræ feras capiunt 323.ca.17  
 Feræ Hercyniæ 470.  
 Ferlech regnum 351.cap.14  
 Fertilitas terræ sanctæ 280.  
 Festi dies Tartarorum 322.cap.14  
 Figuei ciuitas Indiæ 347.cap.70  
 Flumina calidissima 358.cap.31  
 Fœminina insula à solis fœminis inhabi-  
 tata 359.cap.37  
 Fons hortorum 262  
 Fons Iacob 269  
 Fons olei 293.ca.13  
 Fons uiuus 264  
 Formosa locus ab amœnitate dictus  
 314.ca.65  
 Formæ dos in coniugio spectatur 312



# INDEX

cap. 62		Glacia insignis Armenia portus	292
Francisci Cheregati laus	469	cap. 11	
Fugui regnum	346.ca.67.& regni	Gleba aurea pro moneta	351.ca.11
Condia metropolis	347.cap.69.	Gog regio, quæ & Lug.	313.cap.64.
præfidiū Cham contra rebelles	ibid.	Gogaca Cham aulicus	289.cap.4
Fuluū succinum	506	Gohagaday tertius filius Hoccata Can	385.cap.22
Funerandi mos	305.ca.45.345.ca.64	Gothi	473
Funerandi mos apud Moschouitas	478.	Gothi Sarmathia primī incolæ	437.
Furtorum supplicia	311.ca.60	cap. 10	
G		Gothorum irruptiones	438.ca.11
Abaon ciuitas	277	Gozurath regnum Piratis infame	359.
G Gabaa Saulis patria	269	cap. 35	
Gadderi animantia	332.ca.37	Græci schismatici	282
Galaad mons	263.266.	Graffa monstrosū animal	361.ca.41
Galgala	270	quod & Giraffa	363.ca.45
Gallina loco pennarum pilos habent		Grifalchi maximi	312.c.61
347.cap.68		Grues quintuplices	313.cap.64
Gal za portus Armenia 289.cap.4.aliter		Guntamundus Honorici successor	442
Glacia	290.cap.6	cap. 13	
Gaza	280	H	
Gazara	ibidem	AEreticorum patrociniū	282
Gazarorum religio ac mores	433.c.7	H Hai ciuitas	271
Gehennon	275	Halzeldemach.	274
Gelboe mons	268	Hallappi Syria metropolis	389.ca.28
Genealogia principum Vlanorum	449	expugnatur & diripitur	390.c.29
cap. 16		Hoolonus frater Mango Can Baldach	
Gengui ciuitas	346.ca.66	urbe capta Caliphum fame necat	
Genlerici crudelitas	441.cap.13	388.cap.25.26	
Geogui ciuitas	328.ca.28	Haoloni obitus	391.cap.31
Georgianorum sacri ritus	284	Haythoni Armeni Præmonstratenſis li	
Georgia regni descriptio	371.ca.10	ber de Tartaris	367
Gerafa à qua Geraſeni	265	Haythonus suam historiam uerā affir-	
Getæ qui & Gothi	437.c.10	mat	405.cap.46
Getsemani	274	Haythoni monachatus	ibidem
Geth	282	Hebron	278.
Giblet, quæ & Biblium	261	Heliopolis	286.
Gilimeris commerita captiuitas	442	Heluetia ueteris imago	340.ca.53
cap. 13		Henrici I I I nobiles uictoria	441.c.12
Gingui prouincia	338.ca.49	Hercinia sylua	470
Ginom uel Gelim	268	Hercynia fera	ibidem
Ginus Can tertius Imperator Tartaro-		Hermes philosophus qui ſui nominis ci	
rum	384.cap.19	uitatem condidit	370.cap.6
Gion mons	273	Hermon mons	263.267.268.



# INDEX

Herodium	278	Idololatriæ exemplum	334.ca.41
Hilderici Eudoxiæ filii in Christianos beneuolentia	442.ca.13	Idololatria Borussiorum	510
Hilderici interitus	ibidem	Idumea	278
Hismael Sophus Persarum rex	471	Ieiunia Moschouitarum I I I I	378
Historiæ Moschouitarum	478.	Iericho	270
Hoccota Can I I Tartarorum Imperator	383.cap.18	Ierusalem copiosa descriptio	272.275.
Hochtay regulus inter Tartaros potentissimus	406.ca.47	& sequen.	
Homines caudati	353.c.18	Iezrael ciuitas	268
Homines sine pane uiuentes	466.ca.5	Ignis numinis loco colitur	456.c.2
Honoricus Genferici successor crudelissimus	441.cap.13	Illyrica lingua omnium latissima	478
Honorici infelix interitus	441.ca.13	Imago bonæ reipub.	340.cap.53.
Horda quid	434.ca.8.471	Impudicitia honori ducitur	331.ca.37
Hordæ Tartarorum I I I I	451.ca.17	& sequent.	
Hortus balsami	271.286	Immunitas militum	481
Hospitalitas mira	306.ca.46.332.c.38	Incantatio ne uulnerari queas	349.c.3
Hugri qui & Iuhri	443.cap.14	Indiæ insulæ	12700 362.cap.42
Hulmigeri populi	502	Indiæ regni descriptio	ibidem
Hungarorum ingens clades	429.ca.4	Industriæ uis	500
Hungari unde dicti	443.ca.14	Innocentii papæ legatio ad Imperatorem Tartarorum, ne Christianos affligat	430.cap.5
Hungarorum origo	437.cap.10	Insigne regii uexilli	480
Huss principatus Iob	264	Ioachim patria	266
Hyperborei montes fabulosi	446.c.14	Iochi primogen. Hoccota Can	384
	464.cap.4	cap.20	
I		Ioponce pallium contra frigus & imbres	432.cap.6
Abeani, eorumque dogmata		Ioppe	277.279
I 283.		Iordanis origo	262
Iabin rex	262	Iordanis situs, & circa eum regiones	270
Iacelich patriarcha	293.ca.15.orientis papa	Iordanis crescens & decrescens	271
Iaci metropolis Caraiam	333.cap.39	Iosaphat uallis	274.
Iacobus patriarcha Ierosolymitanus	275	Israeliticarum tribuum catalogus	279.
Iagello postea Vladislaus dictus, rex Poloniae creatur	455.ca.2	Istula fluuius	439.cap.12
Iagello in promouenda Repub. Christiana studium	ibidem	Itineris arenosi nulla uestigia	304.c.43
Iasdi ciuitas	295.ca.20	Itinera difficilia	476.
Iaua insula	291.ca.10.350.cap.10	Iudicii temeritas	457.ca.2
Iaua minor sex regna complectens	351 cap.13.	Iudiciaria porta quæ & Iebus	276
		Iuhra Scythiæ terra	443.c.14
		Iuhri qui postea Hungari	437.c.10
		Iuhri Got hos suis sedibus pellunt	443
		cap.14	
		Iuhri pulsus Romanis, Pannonias occupant	443.cap.14



# I N D E X

Iuhrorum denuo, uictis Pannoniis, regionem occupant 446. cap. 14  
Iuhrorum Scytharum barbara uita  
ibidem.

## K

Alendæ Octobr. dies Samagitis sacer 457. ca. 2  
Kiou metropolis Russiæ uastatio 425. cap. 3  
Kiczoth auis rapacissima 447. ca. 14  
Krac, quæ & Petra deserti 266.

## L

Achis 262 quæ & Lesedam  
ibidem.  
Lacus quidam in Zorzania, sola quadragesima pisces habens 293 cap. 14  
Lacus margaritis refertus 332. ca. 38  
Lac equinum ad libamenta 314. c. 65  
Lac acetosum in pretio 432. ca. 6  
Lac sublimatum cito inebrians ibidem  
Lae prouincia, & eius incolarum mores mirabiles 357. ca. 30  
Lambri regnum 352. ca. 18  
Lana ex terra desiccata 306. c. 47  
Lana in frutetis 281  
Lapides lignorum uice 328. ca. 26  
Lapides contra uulnera efficaces 349 cap. 3.  
Lapilli pro moneta. 333. cap. 39  
Lapones populi 472.  
Lazuli lapis de quo Azurum fit 313 cap. 64  
Leges Moschouitarum 478  
Leges Borussiorum 509  
Lemma casale 269  
Leonis pont. Rom. supplex ad Attilam oratio 445. cap. 14  
Leo cicuratus ad pedes Cublai 323. c. 15  
Leones, leopardi, lynces, artem uenatoriam docti 323. ca. 17  
Leonū cum canibus certamē 338. c. 49  
Leopardus cicur loco canis uenatici 314. cap. 65.

Leopardorum mons 261  
Libanus mons 261  
Libani altitudo ibidem  
Lida 279  
Linguae Sclauonicæ latissimus usus 442 cap. 13  
Lingua Lithuanorum quadruplex 460 cap. 3  
Litfani populi 511  
Lithuanicæ ducatus 454. c. 2  
Lithuani unde oriundi & sic dicti 455 cap. 2

Lithuanorum paupertas 456. cap. 2. ac subita potentia ibidem  
Lithuani Christiani facti ibidem  
Lithuanorum uictus 462. cap. 3  
Lithuanorum crapula ibidem  
Lithuanicæ amplitudo 459. cap. 3  
Lithuanorū lingua quadrup. 460. c. 3  
Lobna 279  
Lobardia ab Attila uastatur 444. c. 14  
Longitudo terræ sanctæ 280  
Lop ciuitas 304. ca. 44  
Lucorum pro numine cultus 455. cap. 2  
Luctus diuturnus & acerbus 297. c. 23  
Ludouicus Francorum rex capitur 411 cap. 52. liberatur ibidem  
Lupi pontificis Romani cū Attila colloquium 444. ca. 14  
Luxus Moschouitæ regis 481

## M

Aabar regis luxus 354. ca. 23  
M Maabar, quæ & India maior, ditissima ibidem  
Maceda 279  
Madianitæ qui & Beduini & Turoniani 283  
Madaigascar insulæ magnitudo & opulentia 360. cap. 39  
Magdalum castrum 265  
Magedam 263. 267  
Magiæ præstigia 314. cap. 65. 354. ca. 23  
Magicæ artis exemplū nobile 298. ca. 28  
Magog quæ Mungug regio 313. ca. 64



# INDEX

Magnas oppidum	269	Mella nobilia	476
Mahamin locus	266	Memphis quæ & Damiata	285
Mahumet Christo præfertur	430.ca.5	Mengrelli	433.ca.7
Mamre prædium	278	Mercatores Cambalu	320.cap.11
Manathat, quæ & Kato	279	Mercatorum simplicitas	476
Mangala filius Cham	330.ca.32	Mercurii die eius carniū interdi-	
Mangi bene constituta Respub.	340	ctus	478
c.54.in XII regna diuisa	344.c.64	Meretricum copia	284
Mangi deditio	340.ca.54	Meretrices extra moenia in suburbiis	
Mango Can Imp. Tartarorum	1111.	320.cap.11	
385.ca.23		Mesopotamia	259.ca.12
Mango Can baptizatur	387.ca.24.	Mesra casale	267
eius obitus	390.cap.29	Messis in Martio	297.ca.23
Mangodanior è prælio aufugit.	394.	Mien prouinciæ metropolis	337.c.44
cap.36.ueneno necatur	395.cap.36	Militum immunitas	481
Mappa ex Salamandra, quæ igne pro-		Mineræ Chalybis & Audanici.	306.c.47
lotura mundatur	306.ca.47	Miraculum ingēs	302.c. 39.449.c.16
Marcus Paulus Pauli filius	289.ca.5.fo	Missa in oriente celebratur	284
eius itineris eius	ca.6	Modin mons	279
Marcus Paulus charus in aula magni		Mogli olim Tartari dicti	380.c.16
Cham	291.ca.8	Monachi Græci	268
Mare Galilææ & Tyberiadis idem	263	Monachi Chefimur	301.ca.36
Mare mortuum	270	Monachi idololatræ diuersæ sectæ	315.
Margath castrum	262	cap.66.343.cap.60	
Mariæ sepulchrum	274	Monachi Moschouitarum	477
D. Mariæ cultus	450.c.16	Moneta ex cortice mori	325.ca.21
Maronitæ	283	Moneta argētea apud Polonos	441.c.13
Maron aquæ	263	Monfferet castrum	262
Marsarces conditor	343.ca.61	Montes uarii	263.265
Martiani Imperatoris somnium de		Mons Christi cōcionibus clarus	264
Attilæ morte	445.ca.14	Mons offensionis	276
Matrimonii leuis fides	304.ca.42	Mons miraculose translatus	294.ca.18
Matrimonium inter sanguine iun-		Mons uiridis	319.ca.9
ctos	307.ca.49.309.c.55	Moria mons	272.273
Mausoleum regis Mien	337.ca.44	Morff piscis mirum ingeniū	446.c.14
Medan	263	Mortuorum coniugium	310.ca.58
Meditæ incolæ Bargu	312.ca.61	Moschouia metallo caret	476
Medo potionis genus	479	Moschouitæ olim gentiles	ibidem
Medorum regni descriptio	371.c.8	Moschouitarum fidei dogmata	477
Melataffaraff Soldanus Elfi capit Aco-		Moschus amnis	473
nem	412.ca.53	Moscha urbs	ibidem
Melecmees Soldanus	411.ca.52	Moschæ urbis nobilitas	475
Melecnafer Soldanus	412.cap.53	Moscouia Moscorum metropolis	
Melibar incolæ rapto uiuunt.	358.c.34	443.cap.14	



# I N D E X

Moscouiæ descriptio	463.ca.4.470	Nouogrodiæ laus	475
Moscuua ciuitas celebris	463	Nubia quæ & AEthiopia	285
Mosel ciuitas	372.ca.12	Nubiani & eorum secta	283. 413.
Mosul regni descriptio	293.cap.15	cap. 54	
Mozera castrum	270	Nugardiæ magnitudo	459.ca.3
Murfili regnum	357.ca.29	Nuntii Cublai tintinnabulis utuntur	
Muschum unde fiat	312.c.62	327.ca.23	
N			
A I A M Cublai patruus bel-			
N lum infert Cublai	316.ca.2	O	
Naiâ captus occiditur	317.c.5	CHA fluuius	474
Naim ciuitas	267	O Olgerdus Lithuaniz dux	
Nauigui regio opulenta	342.ca.58	455.cap.2	
Nason uilla Neptalim	265	Olei fons	293.cap.13
Natagai Tart. numen	310. ca.58.364.	Oliueti mons	276
cap. 47		Oriens habet multos Christianos	
Natalis Cublai	312.ca.14	284	
Natatoria Silohæ	272	Ostrogothi unde dicti	438.ca.11
Naues piscium sumine illitæ	296. ca. 23	Otumanus obscuro loco, sed fortitu-	
Nauium Indiæ forma	348.c. 1	dine celebris 1. Turcorum Imper.	
Nauigantes pro infamibus habentur		447. ca.15	
355.ca.25		Otumani Imperatoris Turcorum co-	
Nazareth	266	gnomen ibidem	
Neblosa turris	272	P	
Necuram insulæ incolæ nudi	353.c.20	AGLOLA, id est aurum	
Nemus magni Cham	314.ca.65	P 333.cap. 38	
Neptalim	280.265	Palatii Cublai magnificentia	
Nescordim princeps militiæ regis Cu-		319.cap.9	
blai	folio.336.c.42	Palatium in Quinsai magnificentissi-	
Nescordim regem Mien prælio uin-		344.cap. 64	
cit.ibidem		Palæstina triplex	259
Nestoriani	283.284	Pamer planicies	302.ca.37
Neuphrus castrum	261	Panchi insignis ciuitas	341.c. 56
Nicolaus & Mathæus Pauli fratres		Panis Hierosolymitanus optimus	282
288.ca.1		Panis amarus	297.ca.24
Nigredo corporis, decori ducitur		Panis ex riso	352.ca.16.353.ca.19
356.cap. 28		Panis ex piscibus	364.ca.46
Nili descriptio	500.ca.54	Panneas	262
Nili diuifio	285	Panni qui illæsi in ignem coniciuntur	
Nobe ciuitas	278	purgandi causa	306.cap.47
Nobilitatis insignia	318.ca.7	Pannonia Sclauorum terra	445.c.14
Nogai bellica arte clari	471	Parentes numinum loco coluntur	
Nonarius numerus Tartaror sacer		335.cap.41	
382.c.17		Paulinæ familiæ claritudo	288.c.1
		Pauli Veneti quomodo redierint in	
		patriam	292.c.10



# INDEX

Pauli Diaconi testimonium 438.ca.11  
 Paulini Nolanæ urbis episcopi pium  
 factum 442.ca.13  
 Pauli Iouii Nouocomensis liber 467  
 Paulus centurio Genuensis ibidem  
 Pedes ferarum ad armorum usum  
 323.ca.16  
 Peim prouincia 304.ca.42  
 Pepones deficcati dulces 299.ca.30  
 Perfidia exemplum 343.ca.62  
 Persarum regni descriptio 370.c.7  
 Perfidis octo regna, &c. 294.ca.19  
 Petan insula 351.ca.12  
 Peta Tartarorum dux 425.ca.3  
 Petra deserti. 266.270  
 Petra ciuitas. 270  
 Peucini populi 503  
 Phanuel 265  
 Pharma ciuitas 285  
 Pharmaca ex felle serpentum 334.c.40  
 Phasellum casale 270  
 Phison fluuius 370.c.7  
 Phœnicia 259  
 Piscatio margaritarum 354.c.23  
 Pisces uasti ibidem  
 Pisces deficcati iumentorum pabulum  
 364.cap.46  
 Piscina probatica 273  
 Piscina interior ibidem  
 Plescouia ciuitas 460.ca.3  
 Poloni ex Sclauis oriundi 440.ca.12  
 Polonorum strages 427.c.3  
 Polouci qui & Gothi 424.ca.2  
 Polouci quid significet. ibidem. & 437  
 cap.10  
 Polygamia 282.307.ca.49.309.ca.55.  
 350.ca.9.354.ca.23  
 Poma paradisi 281  
 Pons marmoreus 328.ca.27  
 Portæ Hierosolymis octo. 275  
 Potus ex riso & aromatibus 328.cap.25.  
 335.ca.41  
 Potus ex arborum succu 352.ca.16. 353  
 cap. 19

Præcopitæ 471  
 Prædones Perfidis grassabundi. 295.c.19  
 Prælium atrox 316.c.4.300.ca.31  
 Prælagium uictoriæ futuræ 309.c.53  
 Præstigia magiæ 314.ca.65  
 Prodigium infantis loquentis 436.c.9  
 Prostitutio uxorū honori ducitur.  
 306.ca.46.333.ca.38  
 Prouerbium 281  
 Ptolemais 260  
 Puerperæ uirgines 449.ca.16  
 Puerperam agit maritus 335.c.41  
 Pulischniz fluuius ingens 328.c.27  
 Purgatorii uanitas 477  
 Puteus aquarum uiuentium 260  
 Pygmeorum statura 472  
 Pyramides 262

## Q

VARENTANA mons

## Q

270  
 Quelinsu ciuitas 346.c.68  
 Quéquinasu regni metropol. 330.c.32  
 Quésitam equites dicti 321.c.12  
 Quiam maximum flumen 342.ca.59  
 Quianfu fluuius 330.c.35  
 Qunsai Mangi metropolis 341.c.54  
 Quinsai maxima totius orbis ciuitas  
 344.ca.64

## R

AMATHA Sophim 277  
 R Rama uilla 269 ciuitas 277  
 Rapere fas, furari nefas apud  
 Tartaros 432.c.6  
 Regayto adeptus est imperium Tarta-  
 rorum 397.ca.39  
 Regiæ Cublai magnificentia 319.ca.9  
 Reip. florentis imago 340.ca.53  
 Reuponticum 433.c.7  
 Rha fluuius qui & Volga 474  
 Riga Liunia 475  
 Riphæi montes fabulosi 446.cap.14.  
 465.cap.4  
 Rossomalza animal uoracissimum  
 462.cap.3



# INDEX.

Roxolani Tanais accolæ	446. c. 1. 472	Scythiæ translatitii incolæ	437. c. 10
Rubinus ingentis pretii	353. ca. 22	Scythæ, Tartari nunc	471
Ruchenorum prouincia	365. cap. 50	Sebaste Samariæ metropolis	268 D. Ba-
Russiæ descrip. fertilitas	446. ca. 1	filiî martyrio nobilis	292. c. 12
Russitarum religio	447. ca. 1	Seilam insula magna	353. c. 22
Russitæ trucidantur	424. c. 2	Seir mons	265. 266
S		Segor oppidum	270
ABVL castrum	263	Senex de Montanis tyrannus	298. ca. 28
S Saccarum in terra sancta	281	Sepeliendi crudelis mos	309. c. 54
Sacerdotes uxorati	284	Sephet	366
Sachion urbs	304. ca. 45	Sephoron op.	266
Sacrificia dæmonū	305. c. 45. 341. c. 65	Septemcastrensis regio	445. c. 14
Sacrificia pro ægrotis	335. c. 41	Sepulchrū Mariæ, & dominici sepul-	
Salamandræ exuuiæ	307. c. 47	chri descriptio	274. 275
Salinæ	300. c. 32. 342. ca. 57	Sepulchri D. Thomæ mirac.	356. c. 27
Sal ex aqua puteorum pro moneta		Serici magna copta in Tyro	261
333. cap. 39		Serpētum maxim. descrip.	333. ca. 40
Salomonias Basilii uxor	480	Seyferach aues	407. c. 47
Saltus domini	266	Sianfu à Tartaris capitur	342. c. 58
Samagithiæ descriptio	454. ca. 2	Sicarii in òne facinus parati	299. cap. 28
Samagithæ ignem colunt	455. ca. 2	Sichem quæ & Neapolis	269
Samaria regnum	352. c. 16	Sidon Phœnicis incluta urbs	261
Samarcanda incluta urbs	471	Sidon Sidonis conditor	262
Samarcham tributaria magno Cham		Signum fronti inustum tessera militaris	
302. ca. 49		346. ca. 67	
Sanir mons	268. 264	Silo	271. 277
Saracenorum fides	281. 282	Simiarum copia	352. ca. 15
Saraceni miracula cupiunt	292. ca. 10	Sincolinæ aues	295. c. 22
Saracenorum imperii exordium	375.	Sindinfu metropolis	330. c. 35
cap. 15. & seq.		Singui ciuitas regni Cerguth	312. ca. 62
Saracenorum religio	431. ca. 5	342. c. 59. nobiliss. ciuit. orientis.	343.
Sarepta Sidoniorum	261	cap. 63	
Sarmatia duplex	424. c. 1	Singuimatu urbs	339. ca. 51
Sarmatiæ Europæ descrip. ibi.	446. c. 1	Sinulgu urbs grandis	338. ca. 49
Sarmatiæ Asiæ incolæ	ibidem	Sion mons	272
Saron castellum	263	Sitiones qui & Suedi	511
Sarena	ibidem	Sitopolis	268
Satellitium magni Cham	321. c. 12	Snalz animal mirabile	432. c. 6
Saturni dies genialis	478	Sochoth Iudæ	279
Scandali mons	276	Soldadia quæ & Armenia	288. c. 1
Scandia siue Scandinauia inf.	442. c. 13	Soldanus Syriam & Agyptum recu-	
Scaffæ ciuitas	300. c. 33	perat	391. cap. 31
Sclauorū linguæ usus	443. ca. 13	Sold. mors, potentia.	393. cap. 3. 391. c. 3
Scoiræ inf. incantatores	360. ca. 38	Sontium carnes comeduntur	314. c. 65



# I N D E X

- Sopurga ciuitas 299.c.30  
 Sofimæ oleum illitum nigrificat. 356.cap. 28  
 Stilicon comes Romani imperii per-  
 turbator 441.cap.13  
 Stratagemata 363. c. 42. 346. cap. 5.  
 365.c.49  
 Strigonii urbis inclytæ expug. 429.c. 4  
 Subimbre 267  
 Suburgia Cambalu splendida 320.c.11  
 Successio regū Vandalicorū 442.ca. 13  
 Succini descriptio 504. prouentus pre-  
 tium.505  
 Succus ex cerasis 479  
 Suchur prouincia & metropolis 307.  
 cap.48  
 Sudini populi 504  
 Suedi 511  
 Sues spinosi 300.c.33  
 Sueta ciuitas 264.265  
 Sueuus fluuius 440. cap.12.& Sueuo-  
 rum origo cap.12  
 Sultanus Babylonæ in Armē.290. c. 6  
 Sumen piscium pro pice 296.ca.23  
 Suna ciuitas 267  
 Superstitio crudelis 309.ca.54  
 Supplicia Moscouitarum 479  
 Surcicum oppidum 475  
 Susis ciuitas 293.ca.16  
 Suxatoplug rex submersus 446.c.14  
 Syenæ ultima pars AEGipti 285  
 Syneus Synochin conditor 262  
 Syriæ descriptio & latitudo 374.ca. 14  
 Syria Phœnicis ibidem  
 Syrianorum mores ac fides 282
- T
- ADINEV ciuitas 339.c. 51  
 T Tainfu regnum cultiss.328.  
 cap.29  
 Tamburlanes 471  
 Tamor Can potentia 406.c. 47  
 Tampingui ciuitas 346.c.66  
 Tanais qui & Don fluuius 432.c.7  
 Tanais origo 464.cap.4
- Tangodor fratri succedit 395.c.37  
 Tangodor tyrannis ibidem  
 Tangodor interficitur 396.ca.37  
 Taphium,quæ & Taphnis 285  
 Taphue terra 269  
 Tarfæ regni descriptio 368.ca.2  
 Tartarorum potentia 909. c. 54  
 Tartar. uestitus ac armatura, &c. 310.  
 c.56.57.58.311.c.59. naufragiū. 349  
 Tartarorum erga Zipangrios mira  
 fraus 349.c.5  
 Tartarorum festa 322.ca. 14.& 15  
 Tartarorū primæua habitatio 380.c.16  
 Tartari olim Mogli dicti ibidem  
 Tartarorum mores ac uita, formæque  
 copiose 407.c.48.430.c.5.& 6  
 Tartarorum in IIII hordas diuisio  
 434.cap.18  
 Tartar.in Poloucos expeditio 424.c.2  
 Tartari criniti 432.c.7  
 Tartari Vlani 450.c.16  
 Tartari qui olim Scythæ 471  
 Tartarsziezele calamus aromaticus  
 439.cap.12  
 Tauricæ inf. descriptio 438.c.11  
 Tauricanæ inf.descriptio 449.c.16  
 Taurisium nobile emporum 294.c.17  
 Tebeth prouincia 331.c.36  
 Temur primogenitus Cublai 320. ca.9  
 Tenebrarum regio 365.c.49  
 Tentoria Cublai regis magnifica 325.  
 cap.20  
 Terræ sanctæ fertilitas 280.eius fructus  
 281.eius incolæ ibi. Tetrao 479  
 Teuduch regia presbyt. Ioā.313. c. 64  
 Thabor mons 266  
 Thebais regio 286  
 Tecua 278  
 Thedaldus comes de Placentia legatus  
 Anconæ 290.ca.5.in pont.electus c.6  
 Theodoricus Gotorum rex cadit 443  
 cap.14  
 Theodosia inclyta urbs, quæ & Caffa.  
 450.cap.16.471



# INDEX.

Thermæ 293. ca. 13. 297. c. 24. 345. c. 64	Vindemia uno anno triplex 281
Thersæ ciuitas 269	Vinum bibere infame est 355. cap. 25
Tholoman prouincia 338. cap. 48	Vini usus ubi nullus 479
D. Thomæ sepul. &c. 356. cap. 27	Vir puerperus 335. cap. 41
Thorismûdus patri succedit 444. c. 14	Virginitas probro ducitur 332. c. 37
Thoron castrum 262	Virgines puerperæ 449. cap. 16
Tigra filius Iaphet 260	Visigothi unde dicti 438. cap. 11
Timochai regnum 298. cap. 27	Visla flumen 439. cap. 12
Tingui ciuitas 341. ca. 57	Viuariû magni Châ sumpt. 314. ca. 65
Titia fluuius Hungariæ 429. c. 4	Vladislaus rex Poloniæ 455. cap. 2
Traconitidis regio 263	Vladislai fauor in fiden ibidem
Trafamundi sauitia 441. c. 13	Vlani Tartari unde 450. cap. 16
Tribus Israel decem 280	Vlu Châ i. magnus imperator. 434. c. 8
Tripolis urbs insignis 262	Vncham rex alias presbyter Ioâ. 308. 51
Turchisi gemmæ 295. c. 21. 332. c. 38	Vncham regno exiit 308. cap. 53
Turciæ ac Turcorum descriptio. 292. 12	Vnicornium descriptio 351. cap. 15
Turcarum origo & propago 447. c. 15	Vnquen saccari abundans 347. c. 68
Turquiæ descriptio 373. cap. 13	Vocam prouincie descriptio 301. c. 37
Tuuerd metrop. & Tuertzlze ducatus 463. ca. 4	Volga fluuius, qui & Rha 474
Tiberias quæ & Cinereth 266	Volha 465. cap. 4
Tyrannidis miser exitus 299. c. 29	Volhæ XX flum. piscosissi. 433. c. 7
Tyri celebritas, eiusque conditores 260	Voldemaria urbs 475
Tyrocinium Moschouitarum 479	Vxores adulteræ comburuntur 284
V	Vxorum prostitutio 333. cap. 38
ALANIA ciuitas 266. flu	Y
V men ibidem	Y Difa minerarû môtes 231. c. 64
Vallis Iosaphat 274	Z
Vandalorum origo 439. ca. 12	Abul castrum 363
Var regni idololatria 354. cap. 24	Z Zagathai Tartar. nobiliss. 471.
Vestigalia Cublai 346. c. 65. 347. c. 70	Zambilotti panni 313. cap. 63
Venationû Cublai regis ratio. 323. c. 17	Zanzibar incolæ 364. cap. 4
Veneris die esus ouorum & lactis prohi bitio 478	Zarten portus optimus 347. c. 70
Venetia extructa & quare 444. cap. 14	Zebellimæ pelles 364. 47
Ventus urens 297. cap. 23	Zebellinarû præstâtia 473
Veredarii Cublai diuerticula 326. c. 23	Zipangri incolarû mores 348. c. 2
Vestigia arenosi itineris nulla 304. c. 43	Zipangr. de Tart. uict 349. ca. 6
Vatrapetæ monachi uocantur 284	Zipangrii idololatræ 350. cap. 7
Victoriæ futuræ præsagium 309. cap. 53	Zoph oppidum 278
Victus Moscouitarum 479	Zorzaniæ prou. descrip. 293. c. 14
Vilna Lithuanie metrop. 459. c. 3. 475	
Vincentii historia fabulosa 430. cap. 5	
Vindelici 441. cap. 12	
	FINIS.



T Y P I C O S M O G R A P H I C I E T D E -  
C L A R A T I O E T V S V S , P E R S E -  
B A S T I A N V M M V N S T E R V M .

O N ignoramus, optime lector, quisquis es quid istud Histori-  
cum atque Cosmographicum opus in manus sumpturus es atq;  
N lecturus, si destituaris Cosmographiæ mediocri peritia, te hinc  
non tantum capeffurum uoluptatis & reportaturum lucri, ac si  
terrenæ molis habitatas partes, regna, prouincias, insulas atque  
earum habitudines & situs memoriæ commendatos habueris, aut saltem in ta-  
bula regiones depictas iugiter inspexeris. Sic enim licebit te quodammodo co-  
mitem adesse singularum nauigationum atque peregrinationum, & spectatorē  
omnium illarum rerum, quas hi scriptores, quos in hoc uolumē coegimus, com-  
memorant. Consultū propterea uisum fuit, huic tam insigni uolumini, & qua-  
le orbis hucusque uix uidit, adicere uniuersalem orbis descriptionem, quæ expri-  
meret & ob oculos poneret totius terræ situm & dispositionem, maris amplissi-  
mas regiones & uarios sinus, montium quorundam & fluuiorum insigniū tra-  
ctus, & quicquid demum pro terræ generali cognitione utile & necessarium ui-  
sum fuit. Non licuit quidem singularum regionum & quarumlibet insularum  
indicare situm, cum tabulæ angustia id minime pateretur, nec id etiam institue-  
rimus. Verum cum Aloysius Cadamustus. Christophorus Columbus, & Albe-  
ricus Vesputius nauigationes describant, traiectas in longinquissimas orbis par-  
tes, puta ad Nigritas, extremos Afros, Arabes, Calechutios & Indianas insulas  
Ludouicus uero Vartomannus patritius Romanus, & Marcus Paulus Venetus  
peregrinationes texant & itinera describant ad ultimos usque extensa Indos,  
tam ad meridiem quàm ad septentrionem expositos : sat esse duximus, si simpli-  
ciori lectori obiter indicauerimus, quē mundi locum hæc uel illa præcipua occu-  
pet regio, & quo pelago, qua plaga, quòq; itinere ad eam pateat accessus. Et cer-  
te si uel id ex hac orbis descriptione didiceris, ut faciē eiusin genere memoria te-  
neas, hoc est, ut scias quomodo terra ipsa mari mediterraneo interluitur, & hoc  
ipso Africa ab Europa seiungitur: mari uero Rubro Africa ab Asia secernatur  
terram non usq; adeo ad meridiē expositam quin nauibus circūiri possit, à sep-  
tentrione uero id minime fieri posse, cum terra ipsa ferè ad polum Arcticum  
porrecta pateat: itēque ob uarias maris irruptiones plurimos emerfos sinus, ut  
est sinus Adriaticus, Arabicus, Persicus, Barbaricus, Gangeticus &c. multas  
enatas insulas, peninsulas, Cherronesos, Isthmos & id genus alias quamplures  
& uarias terræ facies, abūde satis didicisti, & quo in historicis legendis & intelli-  
gendis plurimū te iuuare poteris. Alioquin si hac generali Cosmographiæ por-  
tione destitutus fueris, quid quæso cogitabis, si quandoq; audieris uel legeris, à  
Germania inferiori & ab Anglia ad partes Syriæ naues trāsfretare, præsertim cū  
Anglia septētrionē uersus in oceano sit sita: Palæstinæ uero in oriēte terminus sit  
maris mediterranei, aut per Vngariā & Bulgariā, & tandem per Asiā minorem



## T A B V L A E C O S M O G R .

terrestre iter patere ad terram promissionis, cum tamen mare Euxinum & Propontis intersint. Quid præterea apud te cogitabis, si quandoque legeris Venetos per sinum Adriaticum, & per mare Mediterraneum atque Rubrum Calechut petere, Lusitanos uero per altum mare totam Africam circuire, & traiecto sinu Indico, ad Calechut usque peruenire? Hæc & similia tibi forsan apparent scitu difficilia, præsertim quòd itinera illa non sis emensus, & tamen sunt homini qui in Cosmographia uel mediocriter est doctus, compertissima, etiam si extra patriam suam nunquam mouit pedem. Nam hoc primum & præcipuum Cosmographiæ est studium, ut sciamus totius orbis & singularum eius partium situm. Ex hoc enim facile licebit cognoscere, quæ mediæ regiones sint peragranda, si ab una prouincia ad aliam longe ab illa distitam sit eundum, aut quo mari, quibûsque fluuiis illuc ueniri possit: denique quanto itineris interuallo inter se duæ certæ distent prouinciæ aut ciuitates, siue una ad Aquilonem, & alia ad Austrum sit exposita, siue una Occidentem, & alia teneat Orientem.

### O R B I S F I G V R A .

CONVENIT inter omnes doctos molem terræ sphaerica esse figuræ, atque totius mundi occupare centrû. Quo fit ut Hispani & Indi sint antipodes. Quique enim homines in terra sua rectos cum hac sphaera constituunt angulos. Et potest esse, ut nobis Germanis ex tam multis Indianis insulis etiam aliqui habitatores sint antipodes, infra in opposito hemisphaerio auersis respectu hemisphaerii nostri degentes capitibus, mille septingentis decē & octo miliaribus germanicis à nobis distiti. Tāta enim est terræ diameter & crassitudo, quandoquidem ambitus eius continere deprehenditur quinque milia & quadringenta miliaria Germanica, respondentibus uni gradui (qui in circuitu terræ ut in cœlo numeratur treceti sexaginta) quindecim miliaribus communibus. Vnde aduertere licet, etiam latissimos montes qui in orbe reperiri possunt, terræ rotunditati minime obstare, cum nullius ferè sint momenti ad tantam terræ molem. Patet etiam si terra undique à mari esset segregata, & solo aere circumscriberetur, posset ab homine circui in mille & octoginta diebus, hoc est, ferè in tribus annis qui quotidie iter quinque miliarium conficeret: sed cum mari sit immersa, iam id non licet. Patet quidè homini iter pedestre ab Hispania per Galliam, Germaniam, Vngariā, Græciam, Syriam, Babyloniam, Persiam, &c. usq; ad extremas Indiæ partes: sed ulterius naui iter illud perficiendum est, quousque in opposito hemisphaerio per tam uarias Indianas insulas tandem circulo completo, ad Hispaniæ littora perueniatur. Quando igitur mappam seu terræ descriptionem intueris, non imaginaberis superficiem terræ esse sic planam, ut in tabula est proiecta: sed duas eius extremitates recuruata tabula in sphaeræ figurâ cogitabis esse connexas: ut qui est in Zipangri insula, quam uides longe ultra Hispaniam in alto mari expositam, simul sit circa extremas Indiæ oras id quod uel ex ipso numero longitudinis, quem circa æquatorem descriptum uides, colligere poteris. Nam ut extremus meridianus circulus Indianus habet C C L X, ita meridianus qui Zipangri insulam ab occidente circumscribit, habet C C L X, cum sint unus & idem circulus, & mox sequens meridianus habet C C L X X. Et quoniam in hūc numerum incidimus, obiter indicabimus quid præferat.



## DECLARATIO.

Solent mathematici terram sicut & cœlum duplici metiri uia, secundum longum & latum. Latitudo attenditur à polo in polum, seu potius ab æquatore ad utrunque polum. Et nos hunc latitudinis numerum signauimus in utraque tabulæ extremitate tam ad dextram quàm ad sinistram numeris ab æquatore incipientibus & per decem discretis. Longitudo uero numeratur ab occidente in orientem, cuius initium Ptolemæus constituit in ultimis finibus Hispaniæ & Mauritanîæ. Et quanto regio uel ciuitas aliqua longius ab hoc initio & meridiano circulo uersus orientem distat, tanto maiorem dicitur habere longitudinem. Vt Calechut habet in longitudine circiter centum & quinque gradus, qui per quindecim multiplicati, ostendunt Calechut M D L X X V miliaribus Germanicis à primo distare meridiano. Numerus igitur ille uersus orientem extensus, continuo crescit donec tandem completo terræ circulo ad primū recurrat meridianum. Nam ubi primus longitudinis gradus incipit, ibi finem habet C C C L X gradus.

## TERRAE DIVISIO.

PRAETER zonarum ac climatum diuisionem, unde dierū noctiūmq; potissimum colliguntur longitudines & contractiones, uetustiores Geographi terræ molem seu habitabilem superficiem in tres diuiserunt partes, nempe in Europam Africam & Asiam, quæ in sua uastissima excursionem Indiā quoq; ipsam complectitur, etiamsi bona orbis pars illis nondum esset cognita. Nam multæ regiones orientales ultra C L X X X meridianum (ad quem Ptolemæus sua exploratione peruenit) sitæ, ueteres latuerunt, nisi forsitan per Alexandrum Magnum, qui Orientem aperuit, nonnihil de extrema India occidentalibus innotuerit. At hodie qualis illarum regionum sit facies, & quanta maiestate magnus Cham, Tartarorum scilicet Imperator illis terris præsideat, Paulus Venetus & Haythonus edocet. Sic si ad Austrum spectes magna pars terræ nostra tempestate explorata est, quam Ptolemæus ut incognitam reliquit: ab Hispanis uero cum in orientem nauigio contendunt, obambulator & circuitur, ut paulo post differemus. Quin & in oceano occidentali ferè nouus orbis nostris temporibus ab Alberico Vesputio & Christophoro Columbo, multisque aliis insignibus uiris inuentus est, qui non abs re quarta orbis pars nuncupari potest, ut iam terra non sit tripartita, sed quadripartita, cum hæ Indianæ insulæ sua magnitudine Europam excedant, præsertim ea quæ ab Americo primo inuentore Americam uocant. Europa terminos habet ab oriente Tanaim fluuium, Mæotides paludes & pontum: A meridie mare mediterraneum, quod apud Gades primū angustum, nec amplius decem milibus passuum patēs. terras aperit atq; intrat: sed ilico latissime diffunditur, & in orientem ad Syriam usque extenditur, insulas magnas & paruas sine numero efficiēs: Ab occidente uero habet Europa terminum oceanum magnum, & à septentrione oceanum Britanicum. Oritur Tanais non à montibus, ut antiqui senserunt, cum ducentorum miliariorum spatio circa Moschouiam, in qua Tanais fontes uisuntur, nulli montes inueniuntur, sed latissimi ibi sunt campi, & multæ paludes. De hac re late differunt Mathias de Michou, & Paulus Iouius. Insigniores regiones Europæ sunt Hispania, Gallia, Germania, Italia, Pannonia, Illyris, quæ hodie sunt Sclauonia, Ca-



## T A B V L A E C O S M O G R .

rinthia, Bosna, Croatia, Coruatia &c. Post Germaniam sequitur Sarmathia, quæ nostro æuo in plurimas abiit regiones, nempe Poloniam, Lithuaniam, Li- uoniam, Moschouiam, Russiam, Podoliam &c. Post Pannoniã sequitur utraq; Mœsia, & Thracia, quæ hodie sunt Rascia, Seruia, Transsylvania, Bulgaria & Valachia: itẽmque Macedonia, Epirus, Achaia, & reliquæ Græciæ partes Euro- pæ annumerantur. Hæ sunt fere omnes & præcipuæ Europæ partes præter insu- las quasdam & peninsulas, ut sunt Britannia, quæ hodie est Anglia, Dacia, Nor- begia, Suetia: & in mari Mediterraneo, Maiorica, Minorica, Corsica, Sardinia, Sicilia, Candia, quæ & Creta &c. Hæc Europa licet comparatione aliarum ter- ræ partium sit parua, est tamẽ cultissima & populosissima, ut etiam in ea re ex- cedat totam Africam, non obstante quod illa in triplo sit maior. Nam est tota habitabilis, præterquam in exigua parte, ubi propter frigoris uim habitari ne- quit. Habet multitudinem pugnacem, & quæ agros colat, & quæ urbes quoq; contineat, Affert fructus optimos uitæ necessarios, & metalla quæcunque usui sunt. Similiter pecudum mitium exhibet copiam: at bestiarum ferarumque ha- bet raritatem. Odores & lapillos magni sumptus extrinsecus petit. Insignior fluuius Europæ est Danubius, qui & Hister, originem ducens ex Sueuia Ger- mania, labens per utranque Pannoniam & Valachiam, & tandem sexaginta nauigabilibus auctus fluuiis, septem magnis ostiis in mare Ponticum supra Con- stantinopolim sese exonerat. Montes uero insigniores habet Europa, Pyreneos & alpes. Hæc in genere de Europa dicta sufficiant.

### D E A F R I C A .

A F R I C A altera pars orbis ad meridiem exposita, & magnis solis ar- doribus obnoxia, terminatur ab occidẽte mari Atlático, à meridie oceano AE- thiopico, à septentrione mari Mediterraneo, & ab oriente Nilo flumine, seu po- tius ut Ptolemæo placet, mari Rubro. Insigniores eius regiones sunt, Maurita- nia Tinganica & Cæsariensis, Africa minor, Numidia, Libya, Cyrene, AEgy- ptus, utraque AEthiopia & Troglodytarum regio. Verum hodie hæc nomina ferẽ omnia præter AEgyptum euanuerunt. Nam loco prouinciãrũ maritima- rum successerũt Mauri, Barbaria, regnum Marochi, regnum Fessa, regnũ Thu- nesii, quod ferẽ è regione Sicilia in Africa locum habet, regnũ Nubiæ sub AE- gypto, regnum Gambra in littore oceani occidentalis, regnum Melli & Nebeo- rum ad meridiem, de quibus & aliis Africa meridionalioris maritimis prouin- ciis, ex nauigationibus Cadamusti plurima discēs. Nescio si hodie Africa interio- ra loca satis sint explorata, & à doctis cognita. Id unum omnes geographi fatẽ- tur, pleraque Africe loca inculta, & aut arenis sterilibus obducta, aut ab cœli fi- tum humanæ habitationi incommoda, multo denique uenefico animalium ge- nere infestata, ut uniuersa regio magis sit uasta quàm frequens, sed ubi incolitur eximia fertilis est. Contra meridiem plurimum est deserta ob nimios æstus: quã uero Europam spectat, frequentior est illi cultus. Eximia agrorum fertilitas, utpote qui locis quibusdam centesimo scenore cultoribus reddunt messẽ. Mi- rum est quod de Mauritania ubertate dicitur, esse in ea uites, quas duorum ho- minum complexus capere non possit, uuarum racemos cubitales, arbores circa Atlantem proceritate insigni ac enodi. Sed omniũ nobilissima citrus, Romanis



## D E S C R I P T I O.

deliciis inserta. Alit Africa elephantos & dracones, qui ipsis beluis insidiantur, suoque cōplexu enecant leones, bubalos, id est, boues syluestres, pardos, capreas, & simias multas. Herodotus quoque cornutos asinos ibi nati asserit. Interiorem Africam inhabitant Nigritæ: & hæc quidem torret solis aspectu & uicinitate. In medio est arenosa, ad orientem deserta, circa occiduum montosa. Habet gentes non paucas, diuerso uultu, & specie horribiles. Regem ex sacerdotibus creant, qui omnia facere debet iuxta patrios mores. Plures solis propinquitate nudi agunt, ouillis pelliculis pudenda obtegunt: alii omnino pecorū uestiuntur pellibus. Pecuariam rem uulgo exercent, & sunt pecora pusilla admodū duri hirtique uelleris. Millii hordeique frequens est apud illos usus, unde etiam potum conficiunt, cæteris carent frugibus, præter raras palmas. Quidam herbis uictitant, tenuioribusque harundinū radicibus. Hodie præsidet illis, ut Marcus Antonius Sebellius ab ipsis locorū indigenis accepisse dicit, Prætoianes, seu ut uulgo aiunt, presbyter Ioannes, quem Giam, id est, potentem uocant: nam aiunt illum imperare sexaginta duobus regibus. Garma est urbs regia, quæ non muris, sed tabernaculis in ordinem digestis, ex serico bysso & purpura intextis extructa est. Bina messis est illis, & bina æstas. Agnoscunt etiam Christum: sed quicquid Lybicarum gentium ab hac Aethiopia est usque ad occidentem, omnes Mahumeti impietatem colunt, uiuuntque eodem cultu quo barbari qui in Aegypto sunt, & appellantur Mauri. Nugantur etiā quidam circa originem Nili habitare Pygmeos, qui cubitum non excedunt, hominibus in figura persimiles: recte incedunt, imperfecte loquuntur: tertio anno generant, & octauo moriuntur: usu rationis carent, non colunt iustitiam, uerecundiam aut honestatē, ideo non homines sed bruta censentur. Insignior & maior Africæ fluuius, & toto orbe celeberrimus, est Nilus, quem quidam aiunt oriri ex fontibus in extremis Aethiopiæ finibus. ferturque per plures & uarias regiones, faciens plures insulas, unam autem insignem Meroen nomine. A solstitio æstiuo usque ad æquinoctium immensa aquarum mole singulis annis inundat, & adeo totum Aegyptum adducto limo fecundat, ut segetes quatuor aut quinque exactis mensibus, ad messem redeant. Et interim uulgus ab operibus uacans, otiosum indulget epulis ac uoluptati: & pecora in stabulis reclusa nutriuntur. Proinde ex incremento huius fluuii Aegyptii uim aut penuriam futurarum frugum præuident. Nam cum Nilus duodecim cubitis tantum excreuit, Aegyptus famem sentit. In tredecim cubitis etiā annum esurit: sed quatuordecim cubiti hilaritatē afferunt: quindecim securitatem, sedecim delicias: quod iustum fertur esse incrementum. Et cū huiusmodi Nili inundationes agrorum limites confunderent, nunc minuēdo, nunc mutando aut delendo signa quædam, quibus proprium ab alieno discernebatur, iterum atque iterum mensurari eam terram oportebat: & sic primi dicuntur inuenisse artem geometriæ. Sunt in hoc fluuio crocodili: qui cum ex ouo simili ouo anserino prodeant, crescunt tamen longitudine uitæ ad sedecim cubitorū magnitudinem. Lingua carent, dorsum squamosum habent præcipua duricie, ut nullo tormēti ictu possint uulnerari. Homines & animalia terrestria flumini appropinquantia unguibus discerpit. Habet quoque Africa montes plurimos & maximos, inter quos præcipuus est Atlas, qui è media arenarum uastitate consurgens, ultra



## T A B V L A E C O S M O C R .

nubila caput erigit:& pars quæ ad oceanū extenditur, manat fontibus, nemoribus inhorrescit, & rupibus asperatur: non est tamen herbida, sed nuda humo. Quæ uero Africam spectat minorem, est opimus, nascentibus sponte frugibus, arboribus opacissimus, quæ uestiuntur lanugine sericis, uelleribus nihilo uiliore. Vertex eius semper est niualis.

### D E A S I A .

A S I A T E R T I A pars orbis, terminatur ab occidente ad Europam & Africam, hoc est, ad Tanaïam & Mæotides paludes, & iuxta Africam ad mare Rubrum: à meridie uero habet mare Indicum maximum, & à septentrione mare congelatum, seu Scythicum: porrò ab oriente oceanū orientalem. Hæc pars orbis maior est Europa atque Africa, & habet regiones prouinciâsque innumeras, regna & imperia multa atque potentissima, montes & fluuios celeberrimos, uaria genera animalium & terræ nascentium, quæ in aliis orbis partibus non inueniuntur. Nam Arabia deserta in quadam conuali fert balsamum: & altera Arabia quæ propter fertilitatem & fructuum copiam felix nominatur, producit calamum, myrrham, thus, casiam, cinamomum, ligna odorifera, & resinam suauissimi odoris, ut etiam mira fragrantia ex illa regione spiret ad eos qui in mari à longe adueniunt. Qui uero intra regionem degunt, propter nimiam rerum fragrantiam ac intolerabilem in sensibus percipiunt stuporem ut cogantur etiam illam leuare bituminis suffitu & hirci barba. Abundat quoque hæc regio auro optimo, ut etiam inter terræ glebas temere iacentes aureæ massæ glandium magnitudine reperiuntur. Ganges fluuius Indiæ nominatissimus alit crocodilos & delphinos, aliâsque horribiles beluas. Inueniuntur illic plurimi elephantes, & aues ad imitandum humanæ uocis sonum dociles. Mare quoque illud infundit littoribus gemmas & margaritas. In syluis uero inueniuntur lauri & bæccæ, Est illic magna uis serpentum, squamis fulgorem auri reddentium. Circa littora Taprobanæ, quam hodie Sumatram uocant, uagantur passim cetæ, animalia monstrosa, & tantæ magnitudinis, ut coles quidam littoribus aduecti uideantur, quorum dorsum longo spinarum tractu exasperatur. Infestissima sunt ambulanti in littore, ut nemo facile ex eorum faucibus effugere possit si uisus ab eis fuerit. Habent tantos hiatus, ut sæpe nauem cum hominibus deglutiant. Iaua insula habet syluam nucum muscatarum. Mare Caspium gignit cristallum & iaspidem. Hircania habet in syluis tigres. Habet hoc animal multas maculas, & est miræ uelocitatis, ut nihil adeo antecedit, quod non illi co assequatur. Eius potentia maxime prædicatur, quando maternis curis incitatur. Nisi enim raptores mox in maris præsidio fuerint, nullus astus uel fuga quanta libet liberat. Bactriana sicut & Arabia nutrit plurimos camelos. Est animal hoc oneri ferendo accommodatissimum. Sitim in quadriduum tollerat, & cum occasio bibendi data est, refarcit omnia præterita desideria. Turbulentas aquas captat, puras refugit. Colchorum regio mel amarum producit. Babylonæ regio crebris icta fulminibus, ex scatebris illis euomit bitumen ad lateres ædificiâque oportunum. In Margiana & Aria aiunt sæpe reperiri uitem, cuius stipitem duorum uix hominum ulnæ complectantur: racemum uero



## D E S C R I P T I O.

duorum cubitorum longitudinem implere. Illic etiam uinum ad tres hominis ætates, id est, in nonagesimum annum perdurare, idque in uasis minime picatis. India terra saluberrima bis in anno metit fruges, fert cinamomum, piper, & calamū aromaticum, ebum arbores, psitacum auem, monoceroten bestiam, beryllos, adamantes, carbunculos, margaritas, & alias gemmas. Caucasus mons Indiæ ea frôte qua soli obuersus est, habet arbores piperis, quas ad iuniperi uel secundum alios, ad hederæ similitudinem fructus suos edere scriptores tradunt. Sed quid pergo ista enumerare? cum Marcus Venetus, & Ludouicus Vartomannus illarum regionum nostra fere tempestate exploratores fuerint, & luculentissime conscripserint quid in Oriente uiderint: is quidem in India citeriori, & præsertim in Calechut: ille uero in India ultima, & magni Cham latissimo imperio. Lege libros ipsorum, & mira inuenies.

### N A V I G A T I O A B E V R O P A A D C A L E - chut Indiæ emporium nominatissimum.

NEQVE HO IN VM memoria, neque antiquorum literis proditum est, navigationes illas in oceano factas, quæ nostro tempore fieri cœperunt, Ptolemæus quidem & Strabo, ambo insignes & toto orbe celeberrimi Cosmographi, nescierunt ultra Hispaniæ & Africæ occidentalia littora terram aliam, præter Gades & Fortunatas insulas reperiri. Nec ulli alii mortaliū post hos insignes uiros quicquam constitit de innumeris & maximis illis insulis, quæ medio itinere inter Africam occidentem uersus, & Indiam in oceano, nostro æuo sunt inuentæ. Sed nec apud ullum auctorem inuenies mortales unquam ausos, ut sese committerent pelago illi uastissimo, quod ab occidente per meridiem in orientem ducit: immò putarunt Africæ terram usque adeo uersus meridionalem polum protensam, ut ob immensa frigora non liceret hac partem nauem circunducere in Orientem. Quippe qui in hac fuerunt sententia ut existimarint terræ molem, præsertim in Africa, æque uersus meridiem ab undis denutam & habitatam ut in plaga septentrionali. Nam diuiserunt eam in quinque zonas, ex quibus duæ circa polos describuntur, frigidissime quidem, quod maxime absint à uia solis, & propterea à paucis habitentur hominibus, hisque syluestribus, præsertim ea quæ subest polo Arctico. Nam sub polo Antartico compertum est nullam esse terram, saltem solidam. Aliæ duæ zonæ temperatissimæ habentur, quæ scilicet sequuntur frigidas zonas, quia non nimio frigore rigescunt, nec nimio solis calore exuruntur, cum limites habeant circulos arcticos atque tropicos, quibus interiacent. Arcticum circulum quidam aiunt esse quem Vrsa maior priore describit pede. Alii uero intelligunt circulum quem polus zodiaci reuolutione primi mobilis describit. Et distat is circulus XXIII gradibus & dimidio à polo. Tu si uolueris, poteris eum signare in mapam nostram. Nam habet locum ferè inter sexagesimum & septuagesimum paralellum. Sic enim licebit uidere quas regiones sibi uendicet zona illa temperata, quam cōplectuntur circulus Arcticus & tropicus Cancrī. Porro si circa polum Antarticu etiam inter paralellum sexagesimum & septuagesimum circulum Antarticu pinxeris, qui unà cum tropico Capricorni alterā continet tem-



T A B V L A E C O S M O G R .

peratam zonam , uidebis in ea ferè nullam esse terram continentem , sed mare duntaxat & insulas quasdam , nisi quod portio aliqua de Africa in eam extenditur . Cæterum quintam zonam aiunt esse inter utrunque tropicū , & hæc ob solis continuos ardores uocatur zona torrida . Non est igitur , ut prisca putarūt , quod Africa in Australem frigidam & intemperatam zonam adeo excurrat , ut ob id orientalibus minime pateret per mare accessus in occidentem , aut contrà occiduis in orientem : cum hodie à Lusitania frequens sit nauigatio in Indiam & uiciniores orientis partes : non quidem per mare mediterraneum , cum id ducatum nequeat præstare naui nisi usque ad Aegyptum & Syriam , nõ autem in Arabiam aut Persiam , aut etiam Calecut : sed per oceanum orbis circuitur meridianus , prætereunturque multa regna , prouinciæ , populi , terræ & insulæ , donec tandem perueniatur ad sinum Barbaricum , & hinc ad sinum Arabicum , atque Indicum . Igitur aduerte tabulam terrenæ descriptionis , & ducam te ab Hispania in Calecuth insigne emporiū Indiæ , non quidem proximo itinere , quod est per mare mediterraneum , & deinde per Arabiam aut mare Rubrum , tandemque per sinum Indicum , iuxta quem Calecuth ponitur : sed per oceanum primo occidentalem , deinde meridionalem , & ultimo Indicum quod iter hodie à Portugallis frequentatur , & ab Aloysio Cadamusto primi libri auctore perquam diligenter describitur . Primum itaque cum Hispani in Indiam traiecturi sunt , petunt Portum sanctum , Mederam , & septem Canarias insulas , quæ olim Fortunatæ dictæ sunt , Hispanis ferè omnes subiectæ : de quibus habes quarto , quinto , sexto , & septimo capite nauigationis Aloysii . Hinc nauigatur ad Caput album , portum cōtinentis Africæ , ubi est poli eleuatio XIX graduum . Lege de hoc caput nonum Aloysii . Relicto Capite albo & insulis adiacentibus , uenitur ad regnum Senegæ , quod sic uocatur à fluuio Senega , qui præterlabitur & irrigat ferè totam Aethiopiam , determinatque Azenagos à primo Aethiopum regno de quo in XIII capite Cadamusti . Haud longe ab ora huius fluminis est Caput uiride , promotorium insigne , sub eleuatione poli XIII graduum , quod Ptolemæus uocat promontorium Aethiopum : de quo capite trigesimo quinto . Relinquitur etiam ad dextram in alto mari insula , quam Hispani appellarūt Boni uisus , quam nos è regione Senegæ fluuii signauimus . Relicto Capite uiridi ductore Austro peruenitur ad ostium fluuii Gambraë , à quo regnum Gambraë denominationem habet , fluitque per anfractus & ambages multos , ut alter Mæandrus . Hinc nauigantibus offertur caput Sagres , ac deinde transito regno Meli : peruenitur ad caput Bonæ spei , quod corrupte & Hispanice De bona sperantza quidam appellant : & tenet extremam Africæ uersus meridiem , partem , quam Pomponius frontem Africæ appellat . Nam hinc naui sensim redit uersus æquatorem , ubi scilicet est regnum Melindæ , & Troglodytarum regio : apud quos est aurifodina quam Zaphallam uocant , insula scilicet haud longe à sinu distans Arabico : ubi etiam est insula Achilœa seu Aquilœa , quam tamen alii uocant Chiloā , & distat sexaginta leucis à Zaphalla , uicinior quidem Arabiæ quàm Zaphalla . Omitto multa alia capita littorū , insulas & prouincias , quæ nullibi non occurrunt in tam uasto pelago , & signo duntaxat celebriora loca . Traiecto uero sinu Indico , peruenitur ad Calecut , no



## D E S C R I P T I O .

bile illud orientis emporium, quod toti fermè mundo mittit aromata, etiam si pauca illic crescant. Numerantur itaque à Portugallia ad Calechut, mille & octingentæ leucæ, respondentibus uni leucæ quatuor miliaribus Italicis: non quidem recto itinere, sed in Austrum deflexo. Alioquin si ex mari mediterraneo mox liceret intrare mare Rubrum, longe propior nauigatio esset per mare illud, quàm per oceanum, id quod oculorum iudicio facile deprehendere poteris, si utrunque iter in mappa aduerteris. Veneti quidem cum soli ante triginta annos Europæ præsertim occidentali aromata suppeditarent, priusquam illa nauigatio à Lusitanis esset adinuenta, à sinu Adriatico per mare mediterraneum Alexandriam adierunt, quæ iuxta Nili ostia situm habet, & hinc aliquo spatio terræ emenso, per mare Rubrum ad Calechut peruenerūt, itinere quidem breuiori, & quo commodius haberi nequit. Hæc uolui simpliciori lectori paulo uerbosius indicare, non ignorans Geographicarum, sicut & aliarum mathematicarum rerum inexperto nihil satis dici posse. De aliis ciuitatibus, prouinciis & insulis, quæ ultra & citra Calechut ab Aloysio & Vartomæno sitæ describuntur, non est quod hic multa scribam, cum ipsi satis exprimant, quot leucis, aut quanto spatio ad illam uel illam distitæ sint plagam. Nos tamen situm Ormi insignis insulæ indicauimus, nempe sub sinu Persico, iuxta tropicum cancri. Gulphal insula ponitur in sinu ipso Persico, id quod apud Cadamustū legis capite septuagesimo primo.

### N A V I G A T I O C H R I S T O P H O R I C O - lumbi, & Alberici Vesputii ad nouas insulas

**C E L E B R A T V R** Alexander magnus toto orbe terrarum, quod primus ferè penetrarit Orientem, non nauigio, sed pedestri & tutiori itinere in illū deductus. Verum parua erit laus illius, si cōparetur uiris illis qui nostro æuo maria etiam incomperta sulcare tentarunt, & Occidentem sua exploratione aperuerunt, innumeras insulas hominibus & opibus plenas in uastissimo mari adinuenientes: de quibus hætenus nulli mortaliū quicquam cōstitit à duobus milibus annorum & supra, nisi fortassis Indis orientioribus & uicinioribus habitationes illæ hominum compertæ fuerint. Nemo inter doctos non putabat totā aquarum uim à principio creationis in illud pelagus reiectā, & aquam ipsam illic in magnam coaceruatam molem, ut possibile non fuerit ibi aridam quoquo modo apparere: sed falsi sunt omnes qui in hac fuere sententia, quū nullibi non in mari emineāt insulæ, siue ad occidentem ieris siue ad orientē, siue meridiem lustres siue septétrionē. Insulas occidentales nempe Hispanā, Ioānnam, Spagnollā, Cubam, Isabellam, Antiglias, Canibalorum terram, Americam, & reliquas incognitas terras primi mortalium adinueniunt Christophorus Columbus & Albericus Vesputius, labores innumeros exantlantes, dum hinc inde per uastissimum & sæuissimum æquor uagantes, & innumera pericula subeuntes nouas contendunt quærere terras, etiam longissime à patrio solo abducti, quippe qui adeo in meridiem digressi sunt, ut polus antarcticus illis triginta tribus sustolleretur gradibus, sub qua eleuatione etiam insulam inuenerunt Melcham appellatam. Reliquas uero pro maiori parte inter utrunque reppererunt tropicum, tametsi non



# T A B V L A E C O S M O G R .

paucos etiam citra tropicum Cancrī deprehenderint . Porro qui mores, & quis uiuendi modus sit illarum terrarum incolis, non est quod hic referam, lege nauigationem Columbi, quam inuenies pagina septuagesimanona, & item nauigationem Vesputii, pagina centesima septima & quatuor eiusdem nauigationes, pagina centesimatricefimasexta, & tu edoceberis hæc omnia . Poteris etiam aduertere si orbis descriptionem adhibueris, qua linea, & quo itinere nauigationes suas ab Hispania in nouas insulas instituerint, quæque mirabilia experti sint.

## C V R S V S P E R E G R I N A T I O N I S L V D O V I C I

Vartomanni patritii Romani ad partes Indiæ.

**I T E R Q U O D** Vartomannus ad regiones Orientales fecit, fuit tale, Ab Italia per mare mediterraneum ad Aegyptum primo demigravit, & hinc per littus maris uersus septentrionem conscendens, ad Beryntum, Tripolim & Antiochiam, quæ ferè omnes sunt maritimæ, peruenit: & ab Antiochia paululum uersus Orientem digrediens, Damascum adiit. Hinc itinere quadraginta dierum & noctium ad Mecham concessit, quæ urbs in Arabia deserta quadraginta mille passibus, hoc est, magna dicta à littore maris Rubri, præsertim ab oppido Zida, quod portus est maris elegans, sita est, Pertransiit tamen medio itinere urbem Medinam, in qua gens cæca Saracenorum ueneratur corpus Mahumetis sui. A portu Zida per mare rubrum uenit ad Aden Arabiæ felicitis urbem pulcherrimam & famigeratum emporium: lustratisque multis Arabiæ urbibus, commissus pelago, ut ad Persiam nauigaret, tempestate iactatus est in Aethiopiam, & illinc abcedens in Persidem uelificauit, ubi multis conspectis urbibus, ad Ormum ciuitatem & insulam insignem se transtulit. Ab hac rursus solués, ad Cambaiam Indiæ urbem haud procul ab Indo fluuio positam concessit. Et digrediens ad alias uiciniore urbes, nempe Ceul, Canonor, Decham, & alias quasdam, tandem ad Calechut peruenit. Et ab hac in ulteriorem profectus Indiam, uisis uariis urbibus, atque multis insulis, præsertim quæ species mittunt aromaticas, postliminio redit ad Calechut: & hinc cum Lusitanis in Europam reuersus, ad Hispaniam peruenit, & tandem ad Italiam patriam suam. Marci Pauli Veneti iter hic non duxi explicandum, cum ferè nullam signarit prouinciam, quam pertransierit, præter Armeniam, & quasdam circumiacentes regiones, ad quam traiecto Bosphoro & Euxino mari peruenit. Ab Armenia uero quas regiones permeauerit, donec ad extremos Scythas, qui hodie sunt Tartaria magna, peruenit, non scribit: rediens tamen ab oriente ad occiduas partes, signauit plures. Id unum ex sententia agit, ut nobis diligenter describat Orientem, tam terram continentem quam insulas meridionales & orientales, potissimum quicquid locorum est sub ditione magni Cham. Presbyteri quoque Ioannis facit mentionem, quippe cuius regnum conterminum ait imperio magni Cham, cum tamen cæteri ferè omnes regem illum in Aethiopia Africae haud longe à Troglodytis dominari asseuerent. Sic enim habes apud Aloysium capite sexagesimo, nempe presbyterum Ioannem in Africa circa regnum Melindæ confinem esse Sultano. Idem sentit Ludouicus Vartomānus libro secundo, capite decimoquinto. Nodum hunc soluendum tibi lector relinquo.




# TYPVS COSMOGRAPHICVS VNIVERSALIS.



INDIA ab inlo su, ac appellata, oppis a leo exulta dicitur, ut quidam 5000. in ea esse dicat. Terra est saluberrima, bis in anno metit fruges. Fert cinnamomum, piper, & calamum aromaticum cum. Ebum arborum sola producit. Psittaci autem & monoceron bestiam habet. Beryllis, adamantibus, carbunculis, margaritis, & alijs gemis preciosis abundat. Centum & triginta annorum autem ob temperatum coeli quidam agunt. Cuius praecipuus cum gemis alijs laneis, alijs lineis pepis utiuntur: pars nudi, pars obscena tantum amicus luti. Niger vulgo corporis color, ex materno utero sic nati. Potum ex riso & hordeo conficiunt. Aetati seniu praerogativa nulla est, nisi prudentia excellat. Sunt tamen Indorum multa gentes, diuersae formae & linguae, nec eisdem uiuentes moribus.

SCYTHARVM natio primo parua contempta fuit, sed postea in magnum imperium gloriae peruenit, agros amplians usque ad Tanaim fluium, a quo Scythia ipsa longo tractu uersus orientem protensa, Imao monte per medium uelut in duas Scythias diuiditur. Tartaria quae & Mongol, maiorem Scythiae occupans partem, regio est plurimum montosa, & ubi campestris est, admixta est glare harenosa, multis patens desertis. Aer & coelum intemperatum, tonitrua & fulgura in aestate adeo horrida saepe sunt, ut praeter more homines intereant. Iam calor magnus est, mox frigus & densissima nives cadunt.







# NAVIGATIO AD

TERRAS IGNOTAS ALOYSII CADAMUSTI, ARCHANGELO MADRIGNANO INTERPRETE.

## CAPVT I.



VM EGO Aloysius Cadamustus è Venetis patritiis primo animum induxerim sulcandi eius Oceani, qui à freto Gaditano per insulas Fortunatas, & Aethiopas inferiores uersus Austrum tendit: cùmq; ibi pleraque scitu cognitûq; non indigna deprehenderim, ut fiat testatum posteris, animo mihi hæsisse, hætenus incomperta quærere, & adire inaccessibleia, pro ut rebus memoria suppetet, excipiam & prosequar calamo, donec earum memorabilium rerum quæ uidi, & locorum quæ coram adiui, ueram prorsus efficiam historiam: quæ omnia si nostris conferantur, alterum profecto orbem efficient. Et si ea forte minus ordinate abs me describêtur in rerum tantarum uarietate, non sum tamen defuturus, quin historiam ueram denarrem, & ubi fere incredibilia & prodigiosa occurrent, licet uera, temperabo tamen de industria, & sciêscitius nonnulla sum prætermisurus, quàm uel minima citra ueritatem relaturus. Primus igitur qui memoratum Oceanum & Aethiopiam supradictam adire est aggressus, post protoparentem nostrum Adam (unius Plinii historiam exciplo) is fuit nostro æuo illustrissimus D. infans Don Huric natus Lusitanæ rege illustrissimo Don Ioanne: qui quidem princeps infans, licet sui nominis præclara, & propè innumerabilia percenteri possent, prudēs præteribo omnia in præsens: id unū haud prætermiserim, quod Christi seruatoris nostri almæ fidei eximie studuit, & nihil magis in uotis gessit, quàm nomen Christianum à barbaris & dei hostibus asserere, matrimonii expers fuit, adolescentiam suam castitate mira honestauit, domi & militiæ strenuus. Mauros sæpenumero fudit, & bello clarus euasit. Cum itaque eius genitor dissolutionem corporis sibi imminere conspiceret, annorum iam plenus, prius naturæ non concessit, quàm saluberrimis præceptis filium monuerit, ut uidelicet sacratissimam Christi fidem animo inconcusso illibatôque coleret, nec deesset suis uotis, quibus instituerat Christi hostes debellare, & sancto nomini reddere subiectos. Adiecit etiam ad hæc, ut Lusitanæ gentis, & in primis patritiæ Cordatæ meminisset, & ut paucis absoluam, sæpe dictus illustrissimus Don Huric patris monitis libens audiuit: fato iam functo parente, fratre tamen patrocinate, qui regno ætatis concessu successit. Huic nomen fuit Don Daruth, cuius auspiciis Mauros male accepit, qui id regnum occupant, quod Fesse dicitur: quod quidem regnum incipit ab Ampelusia promontorio Mauritanæ, non longe à Gadibus, & mari Atlantico alluitur, & uergit ad Austrum. Singulis igitur annis ex instituto. Mauros

Don Huric

Don Daruth



Caput de  
Non.

Azanegi.

laceffens, celoces suas mittebat, quo ad id promontorium deuentum est, quod Caput de Non appellatur ab incolis, argumēto, quod qui ultra dictum promontorium iuere, non sunt regressi, & ibi prisca nautæ terminum semper constituerant suæ nauigationis. Hucusque itaq; celoces principis deuenere, nec ausæ sunt ueterem terminum excedere. Quæ ubi principi sunt renuntiata, animum accedunt magis peragrandi orbis. Instituit propterea rursus cœptam prouinciā persequi, & promontorium Capitis de Non aliquando transcendere diis fauentibus quoniam celoces Lusitanæ omnibus Oceani Liburnicis eximie præstant, Et cum iam ad id opus nauandum præsto essent nonnullæ Celoces, censuit non difficulter posse nauigare uastum Oceanum, cupiens admodum loca hætenus inaccessa adire, & novos populorū Africæ ritus uidere: quibus omnibus exploratis, in promptu haberet Mauros pro arbitrio profligare, & suæ ditio ni addere. Iussit itaque celoces ternas expediri, cum armamentis, cum etiam comenatibus ferè omne genus, quibus uiros strenuos præfecit. Qui dicto principis audientes profecti sunt, & dictum promontorium Capitis de Non, littus haud deferētes, per centum ferè miliaria præterire, & cum nihil præter incultam tellurem, ac omni habitatore uiduam comperissent, domum regrediuntur. Cum igitur princeps de nouis populorum Africæ moribus ac locorum sitibus, ex his nauigationibus nihil adhuc comperti haberet, rursus classē communit omni genere annonæ, & rebus omnibus, quibus hostes propulsare quirent, & suos diutius alere, data lege ut tandiu nauigarent, donec superiores suorum nauigationes per centum & quinquaginta miliaria excederent, & ultra (si eis uisum foret) progredierētur, quos pro labore tanto innumeris promissis onerat. Qui principi obsequentes, uela dedere, & cum nihil nacti fuissent nisi uastum & sterile solum, rediere, Quibus non obstantibus, princeps indies fit auidior nouarum rerum, animusque accendebatur magis, ut assolet, in rebus uetitis: quare iam tertio mittit, qui terram huiusmodi explorent. Et ut breue faciam, tantisper annis singulis nouos expediuit nautas, donec ab Arabibus cultam terram inuenit, qui in desertis uitam trahebant: & paulo ultra progressi, nouos populos inueniunt, qui Azanegi appellantur: uiri coloris subcinericii, de quibus in sequentibus latius dicturi sumus. Et postremo iam ipsis adnauigantibus, tellus Aethiopum inferioris Africæ, quæ Oceano adiacet Australi, apparuit, rursusque indies nouos populos, cum idiomate, tum etiam ritu & moribus differentes nanciscuntur, ut lectori diffusius deinceps liquebit.



## Cap. II.

CVM IGITVR ego Aloysius forem Venetiis, quæ urbs mihi solum est patrium, anno à partu uirginis M D I I I I annum agens alterum & uigesimū: & cum iam ferè nostri maris, quod Mediterraneum appellant, littora omnia lustrauissem, decreui in Celtogalliam iterum contendere, quò aliàs iueram commercii gratia: ea enim est regio Galliæ, quæ ab Oriente terminū habet Rhenum fluuium, à Septentrione Oceanū Britannicum, in quem exonerat Rhenus prædictus, & ibi nobile emporium uisitur. Brugim appellāt, nullis emporiis Septentrionalis regionis postferendum, & eò lucri causa contendebā. Cum ergo illò profisci decreuissem, accinxi me itineri, non quidem multis onustus pecuniis, nam paucissimi census erant, & Liburnicas, quæ eò tendebāt, conscendi duce Marco Zenone equite splendidissimo, prius Christi nomine inuocato: Venetiis soluimus anno Christi memorato, Augusti octaua luce, & prosperis auspiciis uetus institutum inter nauigandum obseruantes, iter agentes per certa hospitia, hoc est, ad consueta loca applicuimus semper, donec in Hispaniam deuentum est. Et cum ui ingentis tempestatis ducti applicuissemus ad id promontorium, quod Sacrum Ptolemæus appellat, in Oceanum uaste prominēs, nunc Caput sancti Vincentii: forte fortuna non longe ab hoc portu princeps infans per id tempus in oppido, cui nomen est Reposera, agebat animi causa. Is ut accepit nos aduentauisse, ad classem nostram internuntium mittit uirum, à suis secretis egregium, Antonium Conzallēm nuncupabant, comite patricio Veneto, qui illic consulem Venetæ gentis agebat, ut diplomata Venetorum principum sigillo insignita declarabant: quique sub principe infante stipendia merebat. Adiuere itaque nos ex præscripto principis saccharum ferentes promercale, sumptum ex insula Mederæ quæ Oceano Atlantico innatat, è regione Mauritanix: tulere etiam commercii gratia sanguinem draconis, & alia pleraque sumpta ab insulis principis prædicti. Dum igitur de saccharo, & aliis mercimoniis sermo fit inter nos, ut assolet merces commutantibus, percunctamur Lusitanos, unde hæc tam præclara eruerint, & regiones locaque sciscitamur: plura referunt, principem suum subegisse gentes innumeras, Christiano nomini hætenus incompertas, unde & saccharum & draconis sanguis & alia quamplura naturæ conducentia exportantur: addidere etiam ad hæc, parua esse quæ retulissent, si conferantur cum aliis rebus, quas præclare dictus princeps egerat: aperiuntque nobis hunc principem egregium inaccessa maria sulcauisse per internuntios nautas, nouasque regiones peragratas, domitas prodigiosas gentes, res miratu dignas repertas: unde innumera lucra comparantur: adeo ut ex nummo denos efficias, nullumque scœnus esse, quod lucrum superet huiusmodi. Hæc illi sedulo denarrabant, mirantibus nobis & obstupescantibus prærerum euentu conspicuo. Ea igitur me inter cæteros accendunt lucri auidissimum: statui propterea hunc principem coram adire, ut si forte & nobis sulcandi dicta æquora potestatem faceret: quoniam suum est eius freti uectigal, custodit propterea ipse Gaditanum fretum non incuriose. Responsum habui ab eis, qui classem nostram, ut præfeci, adiuuerant, me non difficulter impetraturum à principe, ut meo desiderio fiat satis: uerum scirem duorum optionem principem daturum, utrum uellem, sumerem. conditio hæc est, Qui celoces sua impensa expe-

Celtogallia.

Brugis.

Sacrum promont.



dit, suòque periculo agit omnia, is earum mercium quas ferret, principi quartam det partem, ex uetere instituto: aut princeps suo impendio classem expediat, quo ad armamenta & illa omnia quæ tueri possunt naues ab incurfu hostium, reliqua ageret qui merces ducit, & cum rediisset, principi dimidium daret omnium: & ubi nihil mercis ex nauigatione allatum fuisset, omnem impensam & operam luderet mercator: licet haud dubie constet, eos qui illò contendunt, consequuturos lucrum non mediocre: adiecit etiam principem, siqui è Venetis regiones prædictas inuisere uoluerint, id facillime concessurum, imò fauturum plurimum: quandoquidem sibi persuadebat, aromata omne genus, & alia pleraque mihi nautas reperturos, quæ in primis Veneti super omnem gentem callent ad amussim. Propterea principem prædictum adiui, qui me etiam ultra quàm par erat, honorifice excepit, & ea omnia quæ ex relatu suorum acceperam, præsens comprobauit: hoc etiam plus addidit, modo cœptam prouinciam non defererem, se ingentissimis fauoribus & gratiis prosequuturum hoc celebre uotum. Quibus auditis, apud me hæc omnia pensitatus reuoluebam, uegetam ætatem, habilitatem corporis, uires & ingenium, quæ omnem laborem subire poterant: & peragrandi orbis percupidus, accendebar magis, cum præsertim nullus è conterreaneis meis hæc aggressus esset, non diffidens ex his magnis laboribus me aliquando, & honorem & emolumentum reportaturum. Decreui prorsus uotum meum absoluerè, percunctaturus primo negociatores Lusitanos, quas merces magni facerent Nigritiæ, Aethiopes & Australissimæ gentes. Redii demum reuissum eos, qui Liburnicas in littore habebant, & ea quæ in Celticam Galliam uehere institueram, uni affini meo commendo, & mercatus Liburnicas, quæ nauigando itineri facerent satis, ad continentem applicui. At naues Venetæ in Galliam uela fecere.

Quando abierint Liburnicæ, & quibus uentis uela fecerint.

Cap. III.

CVM IGITVR eò loci me adhuc continerem, quem Caput sancti Vincentii appellant, aliter promontorium Sacrum, ut præfati sumus. Id gratum principi admodum fuit, excipiebat me propterea solito magis honorificentius, & elapsis quampluribus diebus, iubet celocem armari, quæ uehere dolia nonaginta queat: cui præfectus erat Vincentius Lagus incola oppidi cuiusdam à dicto promontorio distantis miliaris sedecim. Celocem uero muniunt omni comœtuum genere, & earum rerum præsertim, quæ nautis uictum diuturniorem suppeditarent. Deorum itaque implorato auxilio à promontorio soluimus die uigesimo & altero Martii, anni M D V flante uento Apeliote & Borea: & primo uela dedimus uersus insulam Mederæ iter agentes, cundo ad quartam Lebegii Occidentem uersus itinere recto: Die uigesimoquinto Martii applicuimus Mederæ per Portum sanctum circiter meridiem. Distat dicta insula à Sacro promontorio ferè miliaris sexcentis.



Descriptio Portus sancti & rerum in eo memorabilium.

Cap. IIII.

**H A E C I N S V L A** Sancti portus parua admodum est, utpote quæ uiginti quinque miliarium circuitu patet, circa septimum & uigesimum annum à nauibus prædicti principis reperta. Hanc Lusitani iussu sui principis incolunt, aliàs à nostris nunquam cognitam. Huic moderatur Bartholomæus Polastrus dicti principis alumnus. Fert hæc insula innumeras fruges, triticum, filiginem, & alia id genus, boues, iuuenos, aprôs, & in primis cuniculis seatet, & ibi sanguis draconis, qui lachryma est arboris: nam statò anni tempore arbores ferro lauciant, quæ ubi sunt incisæ, anno sequente gummam emittunt per incisiones. Gumma uero ahenis decocta & defecata, sanguis efficitur, quem appellant draconis. Eius arbor producit fructû cerasi instar mense Martii gustu eximium, coloris Veneti. Insulam circunuectis constat piscium ubertatem maximam esse, in primis dentalium, & ostrearum. Portu caret, stationem uero habet perquam commodam ab omni uentorum afflatu tutam, excipio Subsolanum & Vulturum, quibus haud tuto nauæ se freto committerent. Hæc Portus sanctus appellatur: mel gignit suauissimum, adeo ut nullibi sit præstantius: ceram quoque producit abunde: nam ibi apum confertissima cernuntur examina innumeræque.

Sanguis draconis.

Monchicus portus insulæ Mederæ.

Cap. V.

**I L L I N C D I E** uigesimo septimo soluimus, uidelicet ab insula Sancti portus, & eadem die Portum Monchicum applicuimus: is est insulæ Mederæ portus, qui abest à Portu Sancto miliaris quadraginta, & ni nubes cœlum inumbrauerint, altera alteram uidet.

De insula Mederæ, eiusque præfectis.

Cap. VI.

**M E D E R A** insula auspiciis & opera infantis principis colitur, frequens est habitatore. Hæc igitur à Lusitanis incolitur ab annis quatuor & uiginti, aliàs incognita: huic præfecit princeps uiros duos egregios equites: primo nomen est Tristanseræ, & hic mediæ insulæ moderatur: alteri Ioanni Gonzalæ, qui insulæ quod superest moderandum suscepit. Et huic insulæ nomen inditum est à copia lignorum, id enim indigenarum lingua Medera significat, argumeto quòd quicquid inibi erat soli, totum id syluis opacum condensissimis conspiebatur. Operæpretium igitur fuit his, qui primo coluere insulam, ut igni multo compurgarent: qui adeo grassatus est aliquando, ut etiam uiros corripuisset, ni prope aquis humerotenues immersi sibi consuluissent. Nam dictus Ioannes Gonzales, ut ignem euaderet cum coniuge & natis, famem bi-dui iugiter in aquis tolerantissime sustinuit. Igne igitur expurgata insula, semini præparatur idonea. Hæc quatuor è partibus colitur, una appellatur Mõchricus, altera Sanctæ crucis: tertia Fonzala, ultima Iouis camera. Et licet quamplurimas alias habitationes habeat, hæ sunt tamen potissimæ. Si uiri percensendi forent, hi

Mederavnde dicta.



Saccarum.

Vux vernæ

proculdubio octingenti essent, è quibus seligi possent equites centum. Insula circuitu patet quadraginta miliarium, portum non habet, uerum peropportunas stationes: feracis est soli, licet saltuosa, instar Siciliae, scatet tamen frugibus ferè innumeris, legit quotannis tritici scaria 30000 Venetorum. Desiit tamen, esse feracissima, licet fertilis adhuc plura producat, nam frequentiore semine attrita est: quoniam indies aratur, atteritur magis. Regio est irrigua fontibus, & amnibus conspicua, octo uisuntur ibi, qui insulam interfluunt: & ibi aquaticæ ferræ, quibus in assamenta secantur ligna, & alia id genus efficiunt, ut sunt mensæ, tripodes, quibus ferè Lusitania omnis condecoratur eximie, necnon circumadiacentes regiones exornantur. Assamenta ibi multiuga uisuntur, aliàs dedolantur in mensas ex cedro miri odoris, nec absimiles cupresso. Ex aliis fiunt abaci, tripodes, cophini, scrinia, & ferè omne genus receptacula, & in primis ex nasso fiunt pulcherrimæ, quæ quasi purpurei sunt coloris. Quoniam uero hæc insula frequentioribus irrigatur fluminibus, memoratus princeps saccareum harundinetum ibi plantari iussit, ex quo saccari quamplurimum legit: inde ueniunt scitissima saccara toto orbe præcipua, primæ decoctionis, necnon mixta, & quantum ex aliorum relatu colligere quui, indies meliora saccara sperant: quoniam ea insula temperie cœli meliore saccarum suapte natura gignit: nam ea qualitas est plagæ illius, quæ Cypri & Siciliae: nunquam algent, & ibi bellaria, & tragemata ex saccaro omnium generum, mellisque plurimum. Ceræ quidem satis, sed non tantum: uineas habet non despicabiles, in quibus taleas & malleolos maluatici plantare iussit princeps infans, afferuntur ex Creta insula, quam hodie appellant Candiam: uberes sunt uinæ, cœlo ad id inclinante: uites plus uux quàm foliorum ferunt, racemi proceriores, ut mensuram quatuor palmarum excedant, res uisu conspicua miræque uoluptate afficit intuentes: & ibi uux quibus color est niger, in arcuatis penfiles. Inde etiam exportantur ex nasso arcus celebres, qui feruntur in Occidentem, & fiunt ligna apta arcubus conficiendis. Et ibi pauî quàm plurimi syluestres, colore ad albedinem inclinato. Perdices neque id genus alia ibi uidebis, præter coturnices, & apros innumeros in montibus. Memini etiam ab indigenis accepisse, ibi cum primo culta est insula, copiam maximam columborum fuisse: quibus capiendis non alia arte usi sunt aucupes, quàm alligato perticæ uncino ex arboribus, quibus illic insident, traherentur ad se non pauentibus auibus, sed mirantibus ueluti ad rem non uisam hætenus: quoniam nullo habitatore humano culta fuerat insula, à solis auibus & feris habitata. Fidem huic rei maiorem adstruit altera insula nostris temporibus reperta, natura non absimilis, præsertim in auium aucupio, ea utraque humani ritus expers fuerat: animalia ibi quamplurima usui humano apta: uiri illic etiam census non mediocris, complusculi dites ac locupletes: omnis insula adeo culta est, ut uiridarium & hortum repræsentet amœnissimum: quicquid ibi legitur ueluti aurum est. Et ibi celeberrima diui Francisci cœnobium uitæ obseruantioris sanctiorisque. Accepi etiam ab incolis fide haud indignis, uuas etiam maturescere circiter sanctam hebdomadam.

Canariæ



Canariæ insulæ numero decem.

Cap. VII.

A<sup>1</sup> D I C T A insula Mederæ Austro flante soluiimus, quo duce iter confeci-  
mus, donec insulas Canarias applicuimus, quæ absunt à Medera ferè miliaris  
C C C X X. Hæ sunt decem numero, septem cultæ, tres desertæ. Quæ coluntur hæ  
sunt, prius priua nomina. Primæ nomen est Fractæ lanceæ, secundæ Magnæfor-  
tis, tertiæ Grancamariæ, quartæ Teneriffæ, quintæ Gieneræ, sextæ Palmæ, septimæ  
Ferro. Nec id est prætereundū, quod ex memoratis septem insulis, quatuor Chri-  
stianum nomen colunt, uidelicet Fractalencea, Magnaforis, Gienera & Ferrum.

Tres uero quæ supersunt è septem, idolis seruiunt. Christianis insulis præest equies  
nobilissimus, qui Ferrara nuncupatur, oriundus ex urbe Sibilæ, ditionis Hispa-  
niarum regis. Qui colunt has insulas, uiuunt pane hordeaceo, carnibus, & lacte  
plurimo, & in primis caprino, quibus abundant. Hæ uini & tritici impatientes  
sunt, nisi aliunde importetur eis, prorsus carent: fructus ferè nulli, reliqua uero  
optima: scatet onagris, id est, syluestribus asinis, præsertim ea quæ dicitur Ferrum.  
Distant inuicem hæ insulæ miliaris quadraginta: atque ita alia respicit aliam,  
ut de industria continentèrque subordinatæ uideantur, & Orientem prima, ulti-  
ma uero Occidentem respicit.

Quarum sint rerum feraces Canariæ.

Cap. VIII.

E X H I S insulis aduehitur herba, quæ oricola dicitur, cuius colore uestes infi-  
ciuntur, quæ quidem herba Gades in sinu Sibilæ comportatur, & illinc in Orien-  
tem, & demum in Occidentem itur: exportatur etiam inde corii hircini copia in-  
gentissima, quod cæteris præstat: seu plurimum, casei uero multum: & incolæ ha-  
rum quatuor insularum nomini Christiano parent, & Canarii dicuntur. Idioma-  
te differunt, adeo ut alter alterum haud intelligat: moenia non habent, sed uicos  
undequaque patentes, uerum in eminentissimis montibus specus excauant, ubi  
degunt tuti ab omni impetu hostili. Sunt hi montes suapte natura ferè inaccessi,  
ideo inexpugnabiles, perinde ut nulla uis eò penetret, nisi una fames aditum præ-  
beret: & ambitus minoris harum insularum non minus patet miliaris no-  
naginta. Tres uero quæ idola colunt uastiores sunt, & frequentiore habitatore,  
præsertim Canaria magna, quæ hominibus circiter octo milibus exornatur.

Teneriffa autem trium maior est, hominum quindecim milia, si utrunque se-  
xum spectes, emitteret. Palma uero rarissimo est habitatore, uisu tamen conspi-  
cua, & delectabilis admodum. Id etiam apprime est dignum scitu, quod nulla  
alia de causa hæc regio est propè inexpugnabilis, nisi ob situs locorum propè in-  
accessos, & strenuam gentem: fitque propterea ut subdita sit nemini, licet pluri-  
bus sit laceßita præliis. Nec silendum puto de insula Teneriffæ, quæ & eximie co-  
litur, & inter orbis insulas est eminentior. Nam cælo sereno eminens conspicitur,  
adeo ut qui absunt ab ea ad leucas Hispanas sexaginta uel septuaginta, non diffi-  
cilter eam intueantur: & si leucarum rationem colligas, miliaria ducenta quin-  
quaginta excedunt. Quod cernatur à longe, id efficit acuminatus lapis adamanti-  
nus, instar pyramidis in medio. Qui metiti sunt lapidem, aiunt altitudine leuca-  
rum quindecim mensuram excedere ab imo ad summum uerticem. Is lapis iugi-

a.iiii.

Leucæ Hi-  
spanæ



ter flagrat instar AETNAE montis, id affirmat nostri Christiani, qui capti aliquando hæc animaduvertere. Hi præfectos habent nouem, quos duces appellant: nec iure hæreditario succedunt, sed ius est in armis: inuicem digladiantur, & læuiunt ut beluæ: armis carent, quia ferrum non habent, uerum lapidibus & scipionibus res geritur inter eos: nam lignis acuminata cornua adfigunt, ut uicem ferri gerat: nudi ferè omnes incedunt, tamen nonnulli auerse & aduersæ pellibus caprinis teguntur: carnem inungunt seuo hircino condito herbarum quarundam succo, ut cutis effecta densior algorem toleret facilius: licet ibi uix algeant, quoniam ad Austrum sunt positi: domos non habent, neque mapalia, nec quidem uiles casæ, uerum specus & cauernas montium incolunt. Hordeo, carnibus, & caprino lacte pascuntur, abundant nonnullis fructibus, & in primis ficis, metunt fruges mense Martii & Aprilis: fidem habent nullam, nec deum norunt, sed alii alia idola colunt, solem nonnulli, & alii lunam, & planetas, superstitiose admodum idolis seruiunt: mulieribus quidem in promiscuum non utuntur, sed pro arbitrio ducunt innumeras. Virgines coniuges prius non accipiunt, quam à principe deflorentur, & id apud eos ingens decus & honos ducitur. Verum si quis forte argutulus diceret, unde hæc nosti? Id pro responso nobis erit, Incolas uidelicet conterminarum insularum quæ Christo parent, ex instituto uitæ consueuisse hos infideles crebris incursionibus laceßere, noctu præsertim: & ubi aliquando in congressu succumbunt infideles, captiui ducuntur sexus utriusque, qui sic capti in Hispaniam mittuntur, hæc nos docuere. Vsu euenit aliquando, ut è nostris corripiantur aliqui, quos Canarii ad contumelias seruant, & ut publico sint ludibrio, lanii officio fungi eos cogunt, eisque exenterandis bobus & suibus addictis, quod apud eos ignominia specimen & dedecoris ducitur magnum: tantisper captiuitatem tolerant, donec permutatione aliqua redimantur. Seruant etiam alium morem Canarii in augurandis principibus. Nam cum sceptræ suscipiunt, complusculi sese offerunt certatim in memoriam & honorem noui principis morituros, & sponte quispiam uitam deuouet: congregantur propterea in ualle deuexa, & ibi peractis nonnullis ceremoniis, ac prolatis uerbis quibusdam, ille qui sua morte festum principis est exornaturus, sedat è rupe præcipitem, perinde ut ferè in frustra concisus exanimetur. Pro qua re quoniam fit in gratiam principis, debet princeps superstibus agnatis defuncti, prosequiturque eos beneficiis, ac fauoribus innumeris. Hunc morem licet ipsimet improbent, seruant tamen, & pro comperto habemus uerum esse quod retulimus: salient mirum in modum agiles supra quam referre queam, instar funambuli & petauristæ corpora librant, & ut hinuli de saxo in saxum migrant, licet multum distent, & id nudis pedibus. Lapidem iaciunt ultra aliorum iactum, & quicquid pro scopo ac signo dederint, nusquam aberrant: uim maximam ac propè incredibilem lacertis inferunt, adeo ut uno uel altero ictu umbonem infringant. Memini dum illic agerem, uidere è Christianis Canariis quendam hoc ludicri genus agentem: conditionem proponebat, propositamque sanciebat pignore, uiris tribus mala Assyria duodena dabat, ut omnes ea iacerent in eum, nec propius accederent quam ad octo uel decem passus, aberraturos omnes asseuerabat: nec ipse eorum poma medica tangere uolebat, nisi manu reperiendo



repercutiendo, alioquin inanes illorum iactus futuros prædicabat. Ille uero duodecim sumebat, & in uiros prædictos uibrabat, nullo aberrante. Abnuere conditionem omnes, quandoquidem probe nouerant quantum præstaret corporis dexteritate, nec eos latebat ipsum etiam plura facturum quàm iactauisset. Hæc summa est igitur, ipsos Canarios mobilitate ac agili natura fere omnes anteire mortales. Hi etiam eximium cultum censent, herbarum succo tingere corpora colore multiplici, modo Puniceo, Prasino modo, nonnunquam Veneto, aliquando ceruleo, & nihil cultius ornatiusue ducunt colorum uarietate, & hæc pictura est eius ornatus apud eos, cuius ornatiores uestes apud nos sunt. Ex his insulis, igitur Canariis, duas ego Aloysius præfens inuisi Gomorram uidelicet & Ferrum. Palmæ quidem applicui, uerum nusquam classem deferui, ut cœptum iter consummarem.

Descriptio Capitis Albi cum insulis proximioribus.

Cap. IX.

SOLVIMVS ab hac insula flante Austro AEthiopiam uersus, & breui peruenimus ad id loci, cui Capiti Albo nomen est, abestque à Canaria miliaris fere septingentis septuaginta: & illud præsertim est sciendum, quod qui à Canaria insula ad Caput Album proficiscuntur, hi littora Africæ nonnihil deferunt: quoniam qui Austro ducuntur, ad læuam Africam relinquunt, quantoque magis quis ducit naues in altum, tanto minus continentis uidet, quia Canariæ insulæ plurimum absunt ab littore Africæ Occidentem uersus. Igitur nautæ tamdiu absunt à littore dum nauigant, quoad ultra medietatem itineris peregerint, quo insula Canaria à Capite Albo abest: & demum obliquant ad læuam tantisper, donec Caput Album speculentur à longe, ne prius appellant terram, quàm eminus explorauerint: quoniam ultra dictum caput nihil nisi uastum mare conspicitur, quoad peruenias ad id littus, ubi cum dicto Capite fit sinus, qui dicitur Forna Dargin, cui ab insula quadam sinus eiusdem dicta Dargin, nomen inditum est: quod quidem nomen habet originem à parua insula in eodem sinu sita. Forna Dargin Intra sinum per miliaria quinquaginta, & ibi etiam tres insulæ, quibus indita sunt hæc nomina à Lusitanis: primam Albam appellarunt, quia harenis strata est: alteram Garzararum insulam, argumento, quod Lusitani qui primo coluerunt eam, magnam marinarum auium copiam ibi nacti sunt, adeo ut inde duas naues onustas omni genere auium in Hispaniam duxerint. Tertia insula Cori dicta est: & hæ tres insulæ paruæ sunt admodum, harenosæque ac desertæ. In illa quæ dicitur Dargin, aqua potu dulcis inuenitur, in aliis uero non nisi marina. Dargin Et signanter animaduertendum est, quod hi qui à freto Gaditano soluunt, & uersus hanc AEthiopiam, quæ Austrum respicit, tendunt, nihil culti reperiunt, etiam à Barbaris, donec ad id loci uenias, qui Caput de Chantain dicitur, & ab eo uersus Caput Album semper à latere, & tunc tellus harenosa, quæ est deserta, & Septentrionalem partem respicit, præsertim eam, quæ montibus adiacet, quæ est nostra Barbaria citra Tunetum, & loca illa omnia à latere, quos quidem montes Barbari appellant Sarra, & uersus Austrum contermina est Nigritis AEthiopie inferioris: uasta est hæc regio, adeo ut si ex Nigritis regio transuerso metiaris itinere, dierum sexaginta uel celeris ueredarii, haud conse-



quaris magnitudinem: non seruat tamen uastitatem hanc undequaque, & Oceano alluitur ab altera parte: quæ tota est alba & arida, ac plena harenis, depressa est, nec inæqualis; & usque ad dictum Caput Album, miram præ se fert æqualitatem.

Caput Albū Inuenerunt Lusitani primo hoc Caput Album, & in eo nihil præter harenas, nulla herbarum aut arborum uestigia: uisum tamen est conspicuum, quia triangulum repræsentat: nam in fronte efficit pyramides tres, quæ singulæ inuicem absunt miliario. Id latus totum scatet piscibus omnium generum, nec nostris minoribus, forma tamen dissimilibus. Totus is sinus Dargin, & illa ferè omnis regio indigna est aquarum, & ibi arida & petrea tellus, & paulopost uastum æquor, & aquarum concursus ingens: nec fulcant hoc mare, nisi interdum explorantes contis scopulos, qui ibi sunt frequentiores: ob id quandoque obrutæ sunt naues duæ secus aridam hanc. Et sciendum est, quod dictum caput de Chantin uersus Austrum & Septentrionem Caput Album respicit. Et notandum, quod post dictum Caput Album, in mediterraneis est locus, quem Hodenum appellant, introrsus situs ad diætas sex, & is locus nullo muro clauditur. Sed est diuersorium Arabum, & statio Camelorum, quod appellant Arabes & Dromedarii, quos uocant Carauanas; quæ de Sambut ueniunt: & etiam illac transeunt, qui ab Nigritis proficiunt, & nostras Barbarias inuisunt. Eius regionis incolæ uiuunt hordeo & cariotis, quibus ubertim abundant: alibi etiam in suis locis crescunt prædicta, sed parcius: potus illis camelorum & aliorum animalium lac, uino prorsus carent. Boues fœminas habent & capras, uerum paucas, id efficit sterile solum, & minime herbidum: boues sunt parui, si cum nostris conferantur. Mahumetem colunt, & odere Christianos plurimum: nunquam quiescunt, uagantur semper per deserta. Hi Nigritarum terras adeunt, & nostras Barbarias uisunt, frequentes sunt, & Camelorum copiam ingentissimam habent, quibus comportant æs & argentum, & alia quamplurima. E' Barbariis nostris in Atanbut, & ad Nigritas præfatos: inde uero exportant aurum, idque ad nos aduehunt. His est colos niger, uestis alba, laciniis rubricantibus, absque tunica interiore uestiuntur, eodem habitu & mulieres utuntur absque camisis, ut præfertur. In capite, more maurico peplum gerunt, quo circunuoluunt caput. In his harenosis locis uisuntur leones, & pardi, struthiones quoque, quorum oua ego comedi non insuauius. Id est etiam sciendum, quod princeps infans Lusitanus: prædictus in hac insula Dargin pactum fecit hoc modo, ut nemo sinum intret mercaturus aliquid cum Arabibus, præter eos, qui fœdus inierunt, & dictam insulam incolunt: & qui conuenerunt cum principe, in dicta insula negotiatores assiduos fouent, qui commercia exercent cum Arabibus, qui hæc maria mercium gratia frequentant, quique uarias merces important, ut sunt panni, telæ, argentum, tapetes, & id genus alia: & in primis triticum, quoniam fame propè iugi laborant, & commutant mancipia cum nostris mercibus, dant etiam aurum. Qua de causa princeps infans illic oppidum crexit, ubi fabri quamplurimi degunt, ut hæc commercia non desinant, sed perpetuo conseruentur: ob id propterea annis singulis eò contendunt Lusitanæ celoces, id est, ad Dargin insulam ducunt etiam Arabes equos pernices, quos barbaros appellant, pro quibus ab eis Nigritarum seruos & uernas accipiunt, nec minore pretio eos uendunt equos quàm decem aut quindecim mancipiis. Eò etiam uidelicet ad



Nigritas plura ex serico elaborata contextaque Maurico more, argentum & alia pleraque comportant ex Illyberi, id est, ex Granata Hispaniarum ditionis, & Beticae regionis. Afferunt etiam plura ex Tuneto Africae minoris, quod Barbariae regionem appellant, & pro his omnibus rursus mancipia, & auri copiam maximam consequuntur. Hi serui primo appellant stationes Hodeni, & inde ad montes Barcha, illinc in Siciliam deueniunt: residuum uero uernarum ad insulam Dargin ducunt, & Lusitanis uendunt, illis inquam, qui cum rege de mercimoniis conueniunt, fitque propterea, ut Lusitani quotannis mancipiorum circiter mille ex Dargin aduehant secum, & id illis magnum commercium: nec haecenus, nisi a diebus paucis, inter eos commercia fiebant. Nam prius Lusitani infensi erant his Arginenfibus, & eorum finum ternis uel quaternis nauibus infestabant, & aliquando noctu mediterranea depradabantur, & uicos piscatorum aggressi, plura asportabant, & gentis Arabum sexus utriusque quam plurimos captiuos trahebant, qui tandem in Lusitaniam ducti sub hasta ueniebant: pari modo alterum latus ultra Caput Album depradabantur usque ad flumen Senegae.

De regno Senegae, & Azenagis populis,

Cap. x.

SENEGAE flumen est, quod Azenagos a primo regno Nigritarum determinat. Azenagi homines sunt qui inter nigrum & subcineritium colorem sunt dubii, incolunt quaedam loca ultra Caput Album in latere illo quod mox post Caput praedictum decurrit, & introrsus per desertum: plures ex Azenagis contermini sunt Arabibus Hodeni. Hi uiuunt ordeo & cariotis, & camelino lacte: uerum quia proximiores sunt regno Nigritarum, leguminibus aluntur: pauci sunt admodum cibi, adeo ut polline hordei, uel minimo pulmento totam diem alacres uiuant: efficit eos inediae patientes annonae caritas. Hos aliquando captiuant Lusitani, uenduntque pro mancipiis domi: praestant hi seruitute uernas fere omnes, praesertim Nigritas. Vtunque sit, ab annis paucis redire nostri Lusitani secum in gratiam, & a ui temperant omnes, & commercia inter eos magna fiunt, nec patitur princeps infans, ut eis de caetero inferatur iniuria, autumat eos propediem subituros Christianam legem: nam in biuio & ancipiti adhuc haerent, utrum legi nostrae, an Mahumetanae seruitutem exhibeant, nihilque de lege huiusmodi apud eos agitatum erat, nisi Azanegi eos edocuissent. Et hi Azanegi prauum morem seruant. Fascia lignea caput inuoluunt, demisso sindonis capite per frontem, ita ut os totum cooperiat: pudet enim eos oris aequae, ac inguinis uel cunni: os tectum ut rem pudendam circumferunt, argumento, quod ueluti sentina quaequam halitum tetrum semper emittat, nec detegunt nisi sumendi cibi gratia. Principes non habent, uerum locupletiores inter eos eminent, his obediunt & obsequuntur. In uniuersum pauperes sunt, mendaces, & supra quam referre possim, proditores. Mediae sunt staturae, capillum calamistis exornant ut Alamani, promittuntque plurimum, illudque nigrum adipe piscis inungunt, & olent pessime, quod apud eos uirtus & honos ducitur.

Communitio salis & auri, deque distantia,

Cap. xi.

MAGNIFICIVNT etiam hi populi praepingues & obesae mulieres, & in primis proceriores mammas habentes: propterea ubi annum circiter



septimum & decimum attigere, rumpuntur eis ui à uiris mammæ fune per medium, perinde ut feræ à pectore auulsæ pensiles remaneant: cum uero semel pererint, longiores fiunt, & uisu fœdiores turpiorésque: neque hi alios nouere Christianos nisi Lusitanos, qui annis circiter quatuordecim eis multas clades intulere, captiuos ducendo plurimos, hastæ demum ut mancipia eos subiicientes. Pro comperto etiam id habemus, quòd ubi hi populi primo Liburnicas & alias id genus naues conspexere in mari uelificantes, antea illis incognitas & inuisas, arbitrati sunt aues esse albis alis aera scindentes, è remotioribus partibus aduentasse. Cum autem uela deprimerent, ut appellerent littus, credebant pisces esse eminus uisis nauibus: nonnulli censebant fore phantasmata cum noctu fulcarent maria: & erant hæ naues eis terriculaméta non mediocria, utpote quæ modo huc modo illuc distrahebantur, instar phantasmatis alicuius ui uentorum ductæ, uariisq; in locis eis inferebantur damna à nautis, noctu in primis, cum tamen inter se celoces abessent per miliaria propè centum, prout cõuenerat inter naucleros, & ut uentorum ratio patiebatur, huc atque illuc pulsæ, sicque intra se ratiocinabantur, si hi essent mortales homines, quo nam modo quirent tantum itineris nocte una metiri, quantum nos nec triduo absoluimus prorsus nauigationis expertes. Itaque loco phantasmatis apud eos ducebamur. Huius rei certiorē me fecere ex Lusitanis quamplures, qui per id tēpus ea littora frequentabant cōmercii gratia. Accepi etiā id à captiuis, qui fere per eadē tempora capti fuerant, ex his testatū fuit nobis, quā stupidi ad rerum nostrarum conspectum fuerint, quando de nobis talia stolide sibi persuadebant. Supra etiā stationem Edon introrsus sex dierum itinere locus uisitur, qui denominatur Tagaza, quod nostri interpretatur Auri farcinā. Vnde aduehitur salis petrei ingens copia, id asportatur camelis Arabum & Azanegorū uaria loca petentium, nonnulli Tambuto iter faciunt, & Amelum cõtendunt ditionis Nigritarū, quòd ubi applicuere, mox sal omne expediunt, utputa octauo die, quicquid aduectum est salis uenditur prope Mitigallum CC. uel CCC, demū suas repetunt casas auro onusti. Et id in primis est sciendum, hoc regnū Mellis caloribus infestari, ut fere quadrupedia omnia illic fathiscāt, cum nihil pabuli ibi pro quadrupede crescat nisi pestilens, fitque propterea, ut ex centum camelis qui cò onera ferunt, non redeāt triginta domum, hinc quadrupes fere nullum uidebis, ibi pereunt omnes æstunimio. Arabes etiam & Azanegi illic correpti morbo efflant animam, ægritudinem parit torrens sydus, cui subsunt. Ferunt etiam Tagazam à Tambuto abesse itinere dierum quadraginta equitis unius, & inter Tambutam & regnum Mellis iter triginta dierum intercedit. Percunctatus sum etiam hos quomodo mercatores regni Mellis tantum salis consumant. Referebant Mellitæ nonnihil consumere in regno suo Nigritarum, quoniam uersus Meridiem positi, non longe ab æquinoctiali, ubi dies cum noctibus semper propè certant de pari, longiusculi tamen dies, quoniam illorum Zenith de directo non est sub æquinoctiali, non enim essent in Meridie. Sunt itaque ultra æquinoctialem nonnihil, & ideo plus diei quàm noctis habent, & ibi feruentissimus æstus. Fitque propterea, ut statis anni temporibus eorum sanguis inficiatur, adeo ut ni sibi sale mederentur, protinus exuerent uitam. Modus medendi hic est, Salis modicum aqua

Tagaza

Regnū mellis



aqua liquefactum fingulo die hauriunt, & hoc eis pro medicina & remedio præsentant. Reliquum uero salis in glebas diminuunt tantillas, ut uiri unius humeris singulæ ferri possint, arte quadam ad id non inepta, usque ad regnum Mellis, quò cum uenerint, singulis camelis duas salis glebas imponunt: & id quadrat oneri, uidelicet ut singulis camelis duæ salis glebæ imponantur: & postremo in regno Mellis Nigritæ, qui Mauri nigri uulgo dicuntur, rursus id onus salis capite portant, ut priui priuas glebas ferant, numerosiores adeo ut propè ferentium uideatur iustus exercitus hominum peditum, qui per uastum iter salem humeris conuectant. Et hi pro leuamine laboris, & fessorum solatio, tridentibus quibusdam utuntur humi infixis, quibus salem fessi imponunt tantisper, donec uires reuocauerint. Hoc modo sal prædictum aduehunt usque ad quoddam flumen, cuius naturam non sum percunctatus, an salsum uel dulce esset, nec id ab re dixerim, quoniam æquor creditur à multis. Et his Nigritis operæpretium est sic salem suum conducere, quoniam quadrupedibus fere omnibus caret: id soli efficit iniquitas, quòd aut parum fert herbæ: aut si fert, id totum est pestilens, ut præfeci. Hinc non difficulter colligimus, quàm frequentiore hominum uehentium salem cœtu opus sit, cum tantum salis consumant. Cum uero applicuerint ad id flumen, quod mare propè creditur, qui salem detulerunt, singuli singulos ex suo sale monticulos erigunt: & ita disponunt, ut alter alteri succedat continenter recto tramite, & unusquisque quopiam signo suum aceruum insignit, & demum recedunt omnes itinere mediæ dici. Vbi igitur recessere, aduentant alii Nigritæ, qui cognosci nolunt, neque aliorum colloquia admittunt, & accedunt cum suis Liburnicis ac nauibus grandioribus ab insulis quibusdam, & littus appellunt, uisloque sale, pondus quoddam auri prope aceruum salis ponunt, prout sibi congruere commercio uidetur, nec ab æquitate absonum, & mox recedunt, salem & aurum relinquentes. Nigritæ uero qui itinere mediæ dici secesserant, rursus redeunt, & unusquisque suum aceruum uisit, & ubi aurum dimissum placuerit auferunt, salem relinquentes, & abeunt non reuersuri: si uero conditio auri relictæ non placuit, utrunque dimittunt, uidelicet aurum & salem, & iterum abeunt infra prædictum tempus reuersuri. At Nigritæ qui cognosci nolunt, rursus accedunt, & eos aceruos à quibus sublatum aurum uiderunt, auferunt aut eis quibus adhuc relictum est aurum, addunt nonnihil auri: uel suum aurum (si ultra addere non libet) asportant, sale relictæ. Et hoc modo sua commercia exercent, ut alter alterum non uideat uetere instituto. Et licet id forte à fide deuiet, utpote non credendum: illud tamen pro comperto habemus, quoniam à fide dignis est acceptum, à negociatoribus in primis.

Permutatio  
mercium

Quomodo Imperator negociatorem quendam cognoscere uoluit.

Cap. XII.

NOVERITIS igitur me aliquando negociatores Nigritas regni Mellis percunctatum fuisse talia, cur princeps eorum qui & diuitiis & regno pollet plurimum, non nauasset operam ui uel amore, ut tandem aliquando sciret, quænam gens esset, quæ hominum forma, quod idioma, qui mores forent illorum, qui cognosci nolebāt: Id habui pro responso, Principem suum iampridem hoc conatum fuisse, ut cognosceret hos Nigritas, & excogitauisse talia, ut

b. i.



hos caperet: affeuerabāt ipsum uidelicet habito consilio, tempus aduentus prædictorum obseruauisse, quo consueuerant commercii causa accedere ad littus, & per nonnullos dies præuenisse eorū aduentū, dispositis insidiis hoc modo: iussit nonnullis è suis prius quàm mercatores qui Carauanam ducunt, aduentarent, ad id loci accederent, ubi salis & auri permutatio fiebat, & effossa humo caueas struerent, in quibus ad tempus tandiu delitescerent, donec ex Nigritis qui cognosci nolunt, aliqui aduenirent, aurum deposituri pro sale: & demum erumperent impetum facientes in eos, tres uel quatuor caperent, adseruarēntq; diligentissime, & ad principē ducerent regni Mellis. Et ut paucis expediā, successit principi ut disposuerat: cepere quatuor, reliqui fuga sibi consulere: & ex his quos ceperant tres missos fecerunt, rati satis ac super fore, si unus ad principem duceretur gratia gentis cognoscendæ, ne Nigritæ indignabundi succenserent, & temperarent demum à commerciis. Capto itaque Nigrita, ac adducto ad principem adhibiti fuerunt quamplurimi uaria idiomata callentes, alii alia lingua captum interrogantes, ut eius linguam explorarent. Is uero captus ad omnem sermonē conticuit, & nusquam est locutus, nec cibum sumpsit unquam: triduo solum uixit. Quæ res regni Mellis Nigritas in eam opinionem adduxit, ut credant eos populos usu loquendi carere, & suapte natura mutos esse. Alii rentur id euenisse ex indignatione, quod uidelicet proditi fuissent. Retulere hæc principi ægre ferentes, quod nequiuisent principis desiderio facere satis. Animo iniquo tulit princeps, & enixe auideque percunctatus est suos, quæ hominum forma esset. Responsum est illi, uiros esse nigerrimos, & proceros adeo, ut suam staturam plus palmo excederent: & inter cætera referebant eos labrum inferius promissum ad pectus usque habere, rubrum & introrsus exulceratum perinde ut sanguis exeat, superius uero paruum instar nostri: fiebatque propterea, ut dentes omnes apparerent, quos habent nostris grandiores, duos etiam habent hinc & hinc reliquis eminentiores: lumina uero prominētiora, eadēmq; nigra, torui aspectus admodum: ferunt etiam gingiuas ut labrum sanguinem emitteret semper. His uisis principes reliquos pœnituit facti huius, nec deinceps gentem huiusmodi infestant, quoniam ob unius mortem reliqui desistere mercari triennio, quod cedebat in damnum eorum. Nos autem censuimus eis sic labra putrescere ob ardorem torridæ plagæ: & cum sale sibi medeantur, nequiuerunt diutius sustinere quin rursus ad institutum uetus redirent, cum sale carere non possent. Igitur redire elapso triennio, & ex nostris incommodis & ægitudinibus metimur suas infirmitates: nec noster princeps magni facit loquantur uel ne, modo emolumentū ab his sentiat. Id est totum quod à multis accepi eius regionis incolis, & quoniam plures hoc affeuerāt, non difficulter adduci possumus, ut multis credamus. Ego quidem quātum in me est, hæc & alia non impossibilia credere uolo, cum ex usu multarum rerum plura didicerim. Id igitur aurum aduehitur in urbem Mellis, & ibi tripartitur, partem qui Carauanam ducunt, iter per regnum Mellis agentes, Cochium uersus Siriam ferunt: duas uero partes residuas Carauana ex Melle aduehunt Atambutū, & ibi rursus diuiditur, partem ducunt ad eum locum qui dicitur Ato, & inde Tunecum Africae minoris, quod est Barbariæ caput, & Regia per superius latus ad Oceanum,



Oceanum, aliam uero partem deferunt ad illum locum qui dicitur Hodenum, ut supra memorauimus, & illinc ad Hona & portum Orarani, qui dicitur à Barbaris Marfacubi, à Latinis Portus magnus, Loca sunt Barbariæ in Mauritania, non longe à Gadibus è regione Illyberis, id est Granatæ, aduehant & aurum à Fezes & amarum, & Choos, & Argis, & Azafi, & Amefa loca Barbariæ extrema, id est, extra fretum Herculeum: illò contendunt Christiani, præsertim Italiæ, empturi aurum, multiugas merces aduehentes. Et ut eò congregiar unde sum digressus: aurum prædictum quod aduehant ab dictis Azanegis siue Subcinericiis cunctis mercibus præstat: quoniam illud aurum aduehitur Hodenum, ut præfeci, ad littus maris comportant, & ibi Hispanis uendunt nostris. Propterea Hispani frequentant insulam Dargin, & ibi ferè iugiter habitant commercii causa. Apud hos subcinericios populos non signatur aurum, neque argentum, neque cuditur aliqua moneta, sed res permutant, ac alteram pro altera suscipiunt, dantque uicissim, & hoc modo uitam ducunt. Accepi tamen à nonnullis introrsus apud Azanegos & Arabes eam monetam, quam Lusitani expendant esse in usu, monetam appellant mitigal, ualoris unius nummi aurei.

Viri honorabiles ac diuites, & ibi mulieres & arma.

Cap. XIII.

QVI H A E C deserta incolunt, hi regem non habent naturalem, deferunt tamen plus honoris ac reuerentiæ uni quàm alteri, colunt præsertim locupletiores, & hi maiores habent fautores: ut etiam usu apud nos euenit pluribus in locis. Et licet diuites sint, maiôrque ad eos hominum frequentia palpi & assentationis, ut affolet gratia eat, non sunt tamen principes: Mulieres ibi subcinericiæ, ueste cotonina utuntur. Id genus uestis mittunt Nigritæ. Vestes etiam habent quasdam, quarum in superioribus iam meminimus, Alchizel appellant, tunicis interioribus, id est camisiis non utuntur. Armorum genus apud eos hoc est: non enim habent arma quæ ad defensionem induant, ut nos thoracem, & loricam, quoniam nullo alio euitant, ac propulsant uim illatam quàm clypeo. Hastas igitur habent longiusculas, easdemque leuissimas, & tela, non tamen ut nostra uibrant, equis insident ut Mauri: sed non multos fert regio deserta, quoniam herbidi soli non est. Nequeunt propterea multos equos alere, fit etiam iniuria candentis syderis, id est flagrantis solis, ut prope sit exusta. Aquarum est indiga, inde proueniunt tot incommoda, uidelicet sterilitas ferè rerum omnium: ibi tantum ternis pluit mensibus, uidelicet Augusto, Septembri & Octobri. In eisdem etiam regionibus innumeratissimam locustarum multitudinem aera uidi mus inumbrantem: nam ferè singulis trienniis aduentant, & cælum obscurant, cateruatimque uolitant, & ubi terras cooperuerint, corrodunt fere omnia, adeoque sunt frequentes, ut spatium miliarium XII cælum inumbrent, rubent, & maiores sunt caualetis, non apparent nisi triennio uel quadriennio semel, quæ si quotannis aduenirent, corrosa ac deserta iam forent omnia ego aliquando eas uidi cateruatim supra mare uolitare, numerus erat propè infinitus.

De sinu Senegæ, disteminante harenosas terras à feracibus.

Cap. XIII.

P O S T Q V A M dictum Caput Album præteriuimus, illud semper con

b. ii.



tuentes, nostro itinere peruenimus ad flumen, quod sinum Senegæ appellant, illud enim est præcipuum flumen regionis Nigritarum introrsus per hoc latus; Disternat itaque flumen prædictum Nigritas à uiris subcinericiis dictis Azanegis: separat etiam aridam & sterilem tellurem, hoc est, desertum ab irrigua & feraci terra Nigritarum. Quod quidem flumen patentioris est aluei, ostiumq; habet spatio unius miliarii: altissimum est, & rursus aliud ostium: demum efficit in umbilico insulam, & deniq; ostiis duobus exonerat in mare: tunc uidebis breuia, ut in syrtibus harenis obductis, quæ abacos & scamna præsentant introrsus mare ad miliare: singulis sex horis crescit & decrescit instar flantis & reflantis Oceani: & ubi reuomit aquas, tanta ui immittitur, ut flumen retroagat ad sexaginta miliaria, ut retulerunt Lusitani, qui id corâ conspexere aliquando flumen ingressi: at si qui dictum flumen ingredi uoluerint, eis operæpretium est cauere à breuius, & harenis obductis, ne immergantur, quoniam præbent speciem solidæ telluris, & tamen tactæ fathiscunt, & in uagam harenam dilabuntur. Id etiam est notandum, dictum Caput albū abesse ab hoc flumine miliaris ferè CCCLXXX, & totum littus harenosum cernitur usque ad ostia fluminis introrsus per miliaria uiginti, & appellatur latus De ante rota, ditionis Azanegorum populorum subcinericii coloris. Id ante omnia miratu dignum est, quod trans flumen memoratum, homines sunt nigerrimi, & procera staturæ, ac habilissimi corporis: & omnis illic regio uiret, ac uernat pomiferis arboribus referta. At citra fluuiū contrarias uices cernas, uidelicet homines subcinericii coloris, staturæ contractioris: hoc flumen ferunt à Nilo deriuari, è quatuor præstantioribus fluuiis uno: eandem uices habet cum Nilo, ut ille Aegyptum, ita hic Aethiopiam reddit irriguam. Nam Nilus Babyloniam præterfluens totam Aegyptum madefacit. Hoc flumen alios amnes emittit, & præsertim eum quem Senegæ appellant, & magna sunt flumina, totum latus Aethiopiæ irrigant, cuius tamen latius in sequentibus meminisse est animus: huius etiam commemorat Plinius libro quinto naturalis historiæ.

Qui principes ad latus Capitis uiridis regnent.

Cap. XV.

Bassa.

REGIO horum Nigritarum, qui primo loco regnum Senegæ obtinent, hi sunt in introitu regni Aethiopiæ, & omnis terra dicitur inferior uulgo dicta terra Bassa, complures populi accolunt prædictum fluuium, uocantur Zilophi, & ulterius per spatium immensum omnis regio dicitur terra Bassa usq; Achiaridam, & trans flumen. Si tamen Caput uiride excipias, ubi tellus est eminentior, quàm in toto latere ad miliaria ferè CCCC ultra dictum Caput uiride. Citra uero per miliaria ferè centum omnis terra est littus patens, depressius tamé. Noueritis etiam hunc regem Senegæ cum illic agerem, appellatum fuisse nomine Zuchalin. Ibi enim multiplices sunt principes, nos regulos nūcupamus, qui aliquando zelothipia regni conspirant, & regem quem libuerit præficiunt, clarum tamen stirpe, & eum precario dominari uolunt. Nam cum eis non est cōplacitum exautoratum è regia sede detrudunt: nunnunquā rex huiusmodi effectus potentior exurgit in electores, & inuicem digladiantur. Non est tamen firmum regnum, neque perennat, ut in Syria Soldanus. Nam assidua expectatione pendent ne regno priuentur. Lis est tamen de paupere regno. Inopes sunt



admodum ferè omnes, quibus reges dominantur: nullas urbes habent, ruscula uero, & mapalia citius quàm domos, quandoquidè calcem non habent, qua parietes ferruminentur, carent lapidibus, & angusta est regio, utpote, quæ à latere miliaria CC non excedit: Mare autè introrsus tantundem, ut mihi relatum est latitudine etiam uix dictā mensuram excedit. Rex igitur eorū redditus non habet annuos: uerum tributa pendunt reguli illi quotānis: efficit hoc metus, ne indignationē regis incurrant: donāt regem equis, qui illic magni penduntur ob raritatem, Carent etiam phaleris, & omnibus equorū instratis. Rex etiā donatur quadrupedibus aliis, bobus fœminis, capris, & legumine multiplici. His uictitat rex eorum, adiicit tamen ipse ad hæc multa: deprædatur complures, surripit mancipia conterminis ui uel amore, sibi uictū parat: mancipia uero nonnulla culturæ addicit, alia exponit mercatoribus Azanegis uenalia, qui eò contendunt causa commercii: equos præsertim adducūt, uendunt etiā Christianis postquam cōsuetudinem habent cum Nigritis: huic regi licet tot ducere uxores quot uoluerit. Itidē regulis licet, & indigenis omnibus, modo alere queāt: nulla lex matrimonium multiplex prohibet. Rex uero supra XXX uxores semper habet: plus tamen unam quàm alterā caripendit. In his tamē ratio stirpis habetur maxime: quoniā quæ loco præclaro sunt ortæ præstāt cæteris. Rex itaq; hanc uiuēdi consuetudinē seruat: uxores suas ruri alit, & asseruat hoc modo: nam singulis coniugibus agros, & latifundia armētāque impartitur pro earū uictu, mancipia etiam & ancillas elargitur eis. Mācipia agros colunt, & alia nauant, quæ ad rem familiarem spectāt. Habent boues tam mares quàm fœminas, quibus arāt tellurem: cum uero usu uenerit, ut rex rus cōcedat, diuertit pro arbitratu ad quācunq; libuerit: singulæ uero terna uel quaterna obsonia deferūt, adeo ut ipse rex & omnes aulici qui cū eo proficiſcūtur, uiuant dictarū regis uxorū expēsis. Nā uidebis singulo mane innumera mācipia dapes multiuigas ferentia ad principē, quæ omnia Condo asseruāda dātur. Condus uero Promo, hic uero Parochio per gradus subministrat, perinde ut paruo temporis interuallo prope dapes innumeræ aduehātur, Cum autē complacitum regi fuerit discūbere, seligit ex his obsoniis quæ uoluerit, reliquū tribuit aulicis, uerū uix unquā eximunt edendi amorē, esuriunt semper, & nunquā saturi, modo huc, modo illuc regem sequuntur, aliena semper impensa. Nec quicquā pensi habet rex, quibus sumptibus, & se & suos alat, huius rei cura spectat ad alios. Cū uxoribus uices alternat, modo hāc, modo illā cōprimit: hinc natorū infinitus prope numerus: quoniā ubi à se compressam mulierē pregnantē senserit, aliā aggreditur. Hunc etiā morē & reguli seruant.

Nigritarum habitus & fides.

Cap. XVI.

M A H V M E T E M primi Nigritæ colunt: non tamen adhuc pertinaces sunt in ea fide ut Leuco Aethiopes, quos Mauros albos appellāt, præsertim gregarii: principes uero tenacius colunt Mahumetem. Quippe qui sentiunt cum sacerdotibus Azanegis & Arabibus, qui principes legē huiusmodi docent, & his argumētis persuadent eis legem colendam, quod uidelicet sit absolum, nec principis ordinī consentaneum, ut cum uulgo imperitiore nullum deum colāt, fitq; propterea ut non difficulter principes adducantur ut credāt Mahumeti, quoniā aliorū gentiū consuetudinē nesciunt: sacerdotes tantū, ut præfecimus, Azanegos & Arabes nouere fidei magistros Mahumetanæ. Vbi uero cœpere uersari cum

b. iii.



Christianis, & nostram fidem à nostris sanctiorem extolli, & prædicari eximie audiuerunt, minus Mahumeti credunt, nostris oblectantur moribus, & arguunt fidem nostram esse sanctiorem & meliorem, ob id quod sumus ditiores ac locupletiores illis, exemplum sumunt ab his mortalibus ad æterna, addentes nos summopere à nostro deo amari, argumento quod tot diuitias largitur suis, eosque tot animi ac corporis dotibus honestat: nec posse legem huiusmodi, nisi à bono conditore proficisci: nihil minus legem suam non deferunt, licet & nostram probent, aiuntque in utraque lege utrique locum esse salutis. Habitus istorum talis est, Nudi prope incedunt, nisi quod pro subligaculis corio caprino utuntur, hoc pudenda cooperiunt. At principes & locupletiores omnes camisiis cotoneis utuntur, quoniam regio pannis huiusmodi abundat, & ex filis mulierum pensa fiunt: nam filum nent & pannum largiorem palmis binis efficiunt. Non fiunt ibi longiores panni, quoniam pectines non habent maiores, quibus texere queant. Insuunt propterea ternas uel quaternas telas simul, & tunicas conficiunt largas quidem, sed genua non attingentes, uixque media tegunt brachia: femoralia etiam contonina faciunt, nos brachas appellamus, siue subligacula oblonga, adeo ut tunicam talarem credas. Is habitus est latissimus, perinde ut ora eius pateant circuitu palmorum XXX, uel XL: & ubi uestem subcingunt, innumeras plicas efficiunt ob longitudinem ac latitudinem habitus: nam sinuat instar sagi præcincti: aduersè & auersè, id est, retro & ante terram uerrunt ueste: & cum sit res ridicula admodum, ipsi tamen rem putant honorificentissimam, uari quoque incedunt, id est, diuaticis cruribus, instar micturientium mulierum. Percunctabantur quandoque nos ipsi, an uidissemus unquam honorabiliorem habitum, quippe qui decentiorem in uiris non credunt. Mulieres partem corporis superiorem, id est, à capite usque ad cincturam nudam circumferunt: inferiorem uero sindone usque ad crura media cooperiunt: pedibus ambulant nudis, is mos est, & uiris & mulieribus tam coniugatis quam nubilibus: aperto capite incedunt, torquem ex capillis agunt, & eo exornantur uiri æque ac feminae: uiri etiam pleraque puellaria pensa exercent: nent enim, & pannos compurgant aqua. Ibi semper calores eximii, nec unquam magis algent uel Bruma, quam nos Aprili mense.

Viri habitu elegantes, sed uictu immundi.

Cap. XVII.

H V I V S plagæ homines corpora eleganter curant: nam ter uel quater singulo die aqua immerfi lauantur, utpote qui balneis oblectantur plurimum: uerum in culinis adeo immundi ac turpes, ut dum eorum concinnant obsonia & dapes, stomachum suscitent & nauseam: & earum præsertim rerum quarum prorsus sunt expertes, non solum sunt simplices, uerum etiam stolidi: contrà, in illis rebus quas ex frequentiore usu nouere, ut nos, sunt accuratissimi: loquaces sunt admodum, adeo ut uix unquam desinant nugari: ante omnia mendaces, ac fallaces, alioquin hospitales, quippe qui biduo ac triduo domi sua impensa hospitem libenter alunt.

Quomodo inter se concertent principes Nigritæ & regni Gambræ.

Cap. XVIII.

H I P R I N C I P E S Nigritæ sæpenumero inuicem digladiantur: pedites bella conficiunt, quoniam equis carent ob iniquitatem soli: nam ob æstus propè



propè diuturnos uix ibi herba crescit qua alantur equi: loricas nec thoraces habent, quibus uestiantur ad bella, eis prorsus carent: uerum clypeos & scuta ferè omne genus habent. ut uero hostem feriant, telis utuntur quibusdam quæ iaciunt ueloci dexteritate. Nam id præsertim callent, uidelicet uibrare hastas, & iacere tela: his adfigitur acuminatum ferrum ad palmi mensuram, & mira arte fabrefactum, perinde ut cum quempiam sauciauerit, uix extrahi queat, ni carnes lancinentur & atrociter concerpantur, ferro reluctante ex opposito: ut apud nos sagittarum sunt quædam genera. Ferunt etiam enses & ficas qualdam more maurico obliquas, fiunt ex ferro absque calybe, quoniam in regione Gambra Nigritarum ulteriore calybem non habent: & si forte habent id metallum, tamen effodere nesciunt. In bello etiam hastis quibusdam utuntur quæ lanceas præsentant, alia arma non habent: bella illorum sunt atrocissima, quoniam diloricati ut præfecimus, præliantur: hinc maxima hominum strages, audaces sunt maxime, utpote qui ultro sese periculis obiectant, maluntque in bello oppetere quam terga dare, licet fuga sibi consulere queant: nec eos perterrefacit sociorum clades, imò atrociores redduntur, mortem contemnentes, adeo assueuere præliis ac bellis, & cladibus innumeris.

De eo quod natant eximie, & de regno Senegæ.

Cap. XIX.

HI NAUES non habent quibus maria tranent, nec eas uidere ab orbe condito, nisi postquam Lusitani illò sunt profecti: accollæ uero fluminis utuntur cymbis quibusdam, quæ humeris trium hominum deferri possent: his piscantur, & traiecto fluuiò uaria loca petunt: sunt etiam isti Nigritæ natatores acerrimi, prout ex usu didici, & accepi à nonnullis, qui ex lectione multiplici id didicere. Regnum Senegæ Nigritarum introrsus Orientem uersus conterminum est regioni dictæ Tuchmoræ: at uersus meridiem regnum Gambra contingit, ad Occidentem uero respicit Oceanum, uersus autem Septentrionem Nigro fluuiò clauditur, qui ut diximus subcinericios populos disternit à primis Nigritis: & id flumen prius per annos circiter quinque quam ego eò concederem, Lusitani nauis iam explorauerant: qui quidem Lusitani cum Nigritis pacem iniere, & fœdus maximum, adeo ut deinceps magna inuicem exerceant commercia: frequentarunt propterea regionem huiusmodi annis singulis naues usque ad meum aduentum.

Niger flu.

Quas merces Aloysius Cadamustus permutauerit cum principe

Budomeli Senegæ.

Cap. XX.

TRAIECI dictum flumen celoce mea, & tantisper nauigauit, donec deueni ad regionem quæ dicitur Budomel, & is est principum titulus, & dicitur terra de Budomel sicuti nos appellamus principum uel comitum regiones uario nomine. Cum igitur ad id loci perueni, immoratus sum illic nonnihil, quoniam idioma huius principis callebam, & ad id adducebar non difficulter, quoniam audiueram hunc principem esse candidissimæ fidei, & nemini imponere, magnæque probitatis uirum esse, perinde ut tuto merces ad tempus huic uendi possent. Nam ad præscripta tempora ad unguem fidem seruare aiebant inconcussam. Cum igitur mecum adduxissem nonnullos equos, qui illic pretii erant non contemnendi, licet pleraque res alias detulissem, ut sunt

b. iiii.



ex lana panni & ex serico sindones more Maurico, & alia quamplurima. Deceui itaque apud principem efficere, ut eum locum adirem, quem ad Palmas dicunt, ditionis principis de Budomel, ubi non portus, sed statio uisitur: quò cum ueni, reddidi certiore principē aduentus mei, internuntio Nigrita meo mancipio, iussique ut meo nomine illi omnia mea offerret, & equos in primis, quibus sciebam principem delectari plurimum. Vt ergo paucis expediam, Princeps memoratus certior iam factus rerum mearum, adit nos equis XV, ac peditibus CL comitatus, mēque commonefecit, an liberet terram appellere uidendi principis gratia, addebātque me minime lusurum operam, nec me unquam pœniturum laboris suscepti, gratum animum eundemque liberalem principem gerere. Quibus adductus littori applicui, & uisi principē, nec uidisse pœnituit, nam facta non dissimilia uerbis fuere: excepit me honorificentissime, post multa equos emit meos, & quicquid abs me desiderabat, mox est consequutus: fidi illi ingenue. Rogauit me propterea ut secū irem in regiam suam, quæ introrsus est ad miliaria CCL. Pollicebatur enim inibi se equorū pretium persoluturū, hortatūque est enixe, ut dies aliquot præstolarer, quoniam inter negotiandum conuenerat inter nos, ut centum mancipia pro mercibus daret. Abduxit itaque equos cum phaleris & alio ornatu, mercēque plurimam, quæ omnia emeram ego non pluris quàm CCC aureis. Deceui igitur secum ire, nec prius abiui, quàm ab eo perpulchra adolescentula donatus fuero: nigra quidem erat, uerū formosa, & annū non excedebat duodecimū. Voluit esse cubili meo addictā usquequaque: suscepi puellam libens, & ad nauem ducendam uni ex meis tradidi. Iui igitur cum principe percupidus nouas res & uidere & audire, sollicitabārque non minus hoc desiderio quàm pecuniarum exigendarum studio uel amore.

Quomodo Aloysius Cadamustus concessit cum principe eò loci qui dicitur Budomel in Mediterranea. Cap. XXI.

**C O N T E N D I** igitur Budomelam regiam principis locum Mediterraneum, prius equis ac necessariis ad uaticum à principe acceptis, & ubi ad quartum lapidem prope regiam principis deuenimus, commendauit me nepoti suo cuidam eius ruris domino quò iam deueneramus: nomen huic erat Bisboror, & is nepos suus me domi excepit honorifice, & ibi XXVIII diebus steti mense Nouembri, & dum illic ago, sæpenumero eo ad principem de Budomel nepote comite. Interea plura memoratu digna uidi mores regionis concernentia: ut etiam hæc attentius uiderim, id effecit, quod ad flumen Senegæ ubi mei me opperiebantur, terrestri itinere sum regressus: nam undabundo mari fidere nolui, quoniam per id tempus admodum sæuiebat, adeo ut ad celoces meas prius redire nequiuero, quàm naues fluminis littori applicuerint: & dum certiores meos reddere studeo, natatorem quæro qui nando literas ferat, quibus meis nautis compertum fiat me non posse aliter classem repetere, ni prius ipsi naues ad flumen dirigant, ob procellosum mare. Scirent propterea me usque ad id loci terrestri itinere contendere. Quæro igitur ab incolis, an quispiam natator adsit, qui uice ueredarii fungi uelit, quisque calleat artem nandi, & ad meos ire non formidet, introrsus mare ad tria miliaria. Mox sese multi ultro offerunt id nauaturos: uerum quia æquor incredibili

Bisboror.

Nandi, mira  
peritia.



bili feruore concitatum erat, uix mihi persuadebam hominem huiusmodi nando id consequi unquam posse, & eo minus adducebar ut crederem, quo breuia Breuia maris innumera conspiciebam prope littus iactu arcus: hi sunt harenæ acerui, qui ubi onera sentiunt quæpiam, mox euanescent, & naues uorticibus obruuntur. Cum uero supra aquam eminent, uidentur abaci uel scamna, quibus si insederis ilico rues. Et inter hæc breuia feruet mare atrocius utpote coartatum, nihilq; adminiculi ibi comperies, quo innixus uires lassas foueas. Timebam igitur illis ne à profluente pessundarentur. Vtunque fuerit, Nigritæ duo affuere nauaturi quod petebam. Quæro quam pro labore tanto mercedem cupiant, respondent maiulias duas ex stanno pro unoquoque petere: quatuor enim huiusmodi maiuliarum nummum nostrum aureum efficiunt. Acceptis igitur literis, se mari iactabundo credidere: horresco referens, quas difficultates subierint hi natatores, dum superare breuia contendunt, perinde ut crediderimus aliquando eos submersos. Nam urinabant sub aqua spatio horæ, nec uidebantur. Tandem alter illorum cessit uiribus undabundi maris, nec sæuientes undas domare potuit, rediit ergo uoti impotens. Alter uero maiorum uirium compescuit rabiem maris, & ad classem peruenit, responsumque retulit: quod factu uisum est mihi ferè impossibile. Hæc itaq; summa est, hos Nigritas uidelicet nando ferè omnibus mortalibus præstare. Quæ uero uiderim dum agerè apud hunc principem, hæc sunt: Primo nolim credas ibi esse urbes, neque oppida, licet dicantur principes ut præfecti: nam illorum rex rura tantum & mapalia possidet: & is princeps quo cum egi plura, partem regni eius tenet, quæ res est parui momenti. Nec principes habentur quia ditiores nummis uel thesauro aliquo inueniatur: non enim in pretio est aurum, præsertim moneta, quæ nulla est apud illos: sed obsequio & fide præstant nostris principibus: mira est obedientia quam exhibent principibus subditi.

Mapalia, & rura Budomel, & mulieres.

Cap. XXII.

VT NIHIL prætermittamus dignum scitu, noueritis hunc principem semper esse errabundo nõ absimilem: quiescit ferè nunquã: modo huc modo illuc cõtendit, & eò præsertim ubi sunt suæ coniuges. Nam ut retulimus, mapalia & ruscula habent, ubi multiplices adseruantur coniuges. Et id rus quò ego iui, domus principis nūcupatur: ibi uidebis circiter XL uel L humiles casas consertas paleis, id est mapalia in ordine continentérque dispositas, ut altera sequatur mox altera: his circumdedere sepes nõ ex tribulis uel spinis, uerũ ex proceris arboribus dimisso interuallo quod ostii uicem suppleat: quò cum es ingressus, aulam cõperies ruralem septa sepe arborea, Cortile appellatur à rusticis. Nouẽ ex huiusmodi aulis domum principis præcedunt eo ordine, ut ex altera in altera aditus interior pateat, ibi nouem mulieres hic princeps habebat: sunt etiam in aliis ruribus coniuges quam plurimæ, quæ huic principi inseruiūt pro suo arbitratu. At quælibet ex his mulieribus quinque uel sex adolescentulas AEthiopas domi alit, quibus pro libito princeps potiri potest, citra omnem coniugis indignationẽ, quippe quæ haud ægreferunt uetere instituto principis, ut hac Veneris uarietate coniunx princeps oblectetur. Sũntque hi Nigritæ admodum proni ac salaces in Ve-



nerem, nullaque satiantur libidine. Percunctatus est me propterea princeps, an aliqua nossem, quæ Venerem excitarent frequentius: nam unus tot sceminis uix satis facere quibat. Induerat enim opinionem hanc, uidelicet Christianos esse ingenii acerrimi, & ferè nihil nescire. Adiciebat ad hæc, si uoto huic suo turpi quidem fecissem satis, me beneficia innumera ilico consequuturum. Laborant ze-  
lotypia hi principes adeo atroci, ut nec ipsis natis satis ac super fidant. Vni igitur principi patet ad mulieres aditus.

Quibus stipetur princeps lateronibus.

Cap. XXIII.

H V I V S principis latus custodiunt uiri C C quocunque pergere contigerit: & licet frequenter per uices succedant qui principis habent custodiam, nõ de-  
sunt tamen usquequaque innumeri, qui undequaq; salutatum ad principem ue-  
niunt. Ante regiam igitur principis ubi ipse diuersatur diutius, præcedunt septè  
atria, & ante ea plateæ quædam uisuntur, in quorum diametro arbor est proce-  
ra & umbrosa, quæ principis fores obseruantibus, umbram amœnam præbet.  
Habet itaque princeps dispartitam familiam, & qui propius regiam degunt, hi  
sunt principi magis accepti, digniorésque: & quo magis elongantur à regia, tanto  
minoris census, ac fere gradus nullius dignoscuntur. Has igitur graduum diffe-  
rentias ostendunt domus ex industria continenter in ordine dispositæ, ut cogno-  
scas eos esse excellentiores qui regię principis sunt proximiores, pauci tamen ad  
fores principis accedunt. Id enim fere solis Christianis licet, & Azanegis sacerdo-  
tibus, qui principem legem Mahumetis docent, quibus maior potestas agendi  
quæcunque est apud principem, quàm ipsis suis Nigritis.

Mos salutandi principem, & principis consuetudo.

Cap. XXIII.

P R I N C E P S igitur memoratus magnam præ se fert arrogantiam, quip-  
pe qui non prodit in publicum, nisi mane & uesper, nec tamen à uestibulo re-  
giæ digreditur, ibi sese mira superbia spectandum suis præbet illustrioribus. Is  
igitur princeps cum uariis de causis quempiam admittit audiendum, tali digna-  
tur reuerentia. Cum itaque hi qui ad principem petunt admitti, ad fores iam  
accesserint, utraque genua flectunt, & humi fere strati harenam identidem nu-  
di reiciunt in terga, caput etiam harena aspergunt, ut speciem humilitatis præ se  
ferant: & is est mos adeundi principis. Nec ibi aliquè comperies eminentiæ tan-  
tæ, qui aliter principem adeat suum, quàm nudo corpore, uerendis tatum corio  
tectis, humi reptans, ac harena aspersus totus: & ubi ad principem iam deuenere,  
humu uolutantur, ut sues in cœno: cum iam propius ad passus duos accesserit,  
sistit gradum, rem suam principi explicans, harenam semper in terga proiciens  
capite demisso in ingentissimæ subiectionis specimen. Et princeps simulat sup-  
plicantem non uidere nisi furtim, nec propterea ab aliorum colloquio téperat.  
Vbi uero Vassallus desiit exponere res suas, tunc intuitu insolentissimo toruorque  
uerbis duobus dat responsa, ut nec breuius sit responsum Laconicū, qui solo ele-  
mento mentem suam declarabant: ut si annuendum erat, per V, id est uolumus:  
si cōtrà, per N, id est, nolumus. In hoc igitur superbiæ fastu uersatur princeps, in  
tantoque æstimatione & ueneratione apud suos, ut ipsi nos nec deo immortali maio-  
rē exhibeamus reuerentiam: id efficit timor incredibilis, nepe de nutu principis  
eorum uita pendet. Nam pro re quaque minima morte plectuntur, & mulieres  
ac filii



ac filii uenales exponuntur excandefcente principe . Hæc sunt igitur quæ miram obedientiam ostendunt, cum subditi à principe patiuntur, quæ uix hosti colliberent.

Moschea principis, id est, templum idolorum, & mos

sacrificandi & discumbendi.

Cap. XXV.

ADEO MAXIMAM cum principe familiaritatem contraxeram, ut uel Moscheam ingredi mihi fas esset: id est enim idolorum templum, ubi sacra fiunt. Cum igitur aduersperascebat, presbyteros suos Azanegos siue Arabes accercebat: nam hi apud eos uice sacerdotum funguntur, & sacris præsumunt ceremoniis, ac legem docent Mahumetis. Ingrediuntur itaque in cellam sacrationem optimates eminentiores, gratia orandi: sic enim orant stantes, & cælum subinde respicientes, terram sæpenumero deosculantur: & princeps sacerdotem imitabatur agentem hæc omnia spatio mediæ horæ. Et ubi desierat orare, percunctabatur me, quæ nam de hoc ritu orandi mea foret sententia, libenterque me dissentientem de nostra fide audiebat: dixi ego plura, ut decuit, de celebritate nostræ fidei, cum principem beneuolum haberem auditorem: ostendi enim falsum esse principem & alios omnes qui legem illam obseruabant: addidi nostram sanctiorem esse, idque comprobabam innumeris argumentis: nec prius desii concionari quàm excanduerint maiores satrapæ, qui indignabantur suam fidem abs me in ordinem redigi. At princeps risu uultum soluebat, adstipulabaturque meis dictis, asserens & ipse nostram fidem non iniuria colendam esse, & nostrum deum eo argumento esse, & magnum & probum, ob idque multiplicia dona nobis largiretur, diuitias, opes, dexteritatem ingenii, uires, & pleraque alia. Suam tamen apprime extollebat, subdens eam faciliorem aditum ad salutem eis præstare quàm nobis nostram. His rationibus nixus, quoniam inquit, Vobis datum est præsentibus bonis frui, erit præsens uita uobis pro paradiso illa æterna. Nos uero qui per uarias uitæ interturbationes uitam trahimus assiduo, scimus nobis haud defuturam illam æternam felicitatem: quoniam perpeffi laboris, & susceptæ ærumnæ præmium nondum sumus consequuti. Validas ad hoc adducebat rationes uir, ut erat ingenii elegantis, nec nostra sibi displicebant, neque difficulter nostram fidem induisset, ni pauisset exui regno. Id enim acceperam à nepote, qui me enixe rogauerat, ut nostram fidem principi exponerem, affirmabaturque rem dignam esse, uerbum dei. Idque perlibenter audiendum fore censebat. Mores igitur huius principis iam retulimus, & præsertim eundem morem in uictu seruat, quem rex Azanegæ, suscipit à suis coniugibus dapas, ut etiam cæteri Nigritæ principes: humi procumbentes epulantur absque nitore & elegantia uitæ, perpauci cum rege discumbunt, id solis licet sacerdotibus, aut regulis quibusdam, uel saltem eminentioribus optimatibus. Reliqui ignobiles XII uel X simul discumbunt, & inter epulandum ferè omnes ex eodem catino sumunt, & quidem non immoderate, uerum frequentius, utpote qui ter uel quater interdum epulatur.

Legumina & uinum quæ ex regno Senegæ proueniunt.

Cap. XXVI.

IGITUR regnum Senegæ, ulterioremque plagam Nigritarum, uinum, triticum, filiginem, hordeum, auenam, haudquaquam fert iniuria candentis syderis, cum præsertim ibi mensibus nouæ iugiter non pluatur, uidelicet à mense Octobris usque



in mensem Iulii. Id efficit ut iacta semina non germinent ob terræ calorem nimium, producit tamen milium, fabas, & fasioles omne genus, quæ omnia nusquam elegantiora uisuntur. Sunt fasioles instar nucis auellanae faberrime facti, diceris torno aliquo insculptos ac striatos, adeo uariantis naturæ ars in eis ludit, res uisu conspicua. Fabæ uero largiores, & proceriores, rubent colore uiuacissimo, aliæ albicantur, cernuntur uisu conspectiores: mense Iulii seminantur, Septembri leguntur. Cum autem tellus cœlesti rore perfunditur, id est, uberiori pluuiâ, tum terram mirum in modum colunt, non amplius quàm trimestri spatio seminant, & legunt sata: ignaui sunt cultores, & uix tantum seminant, quantum ad uictum sit sufficiens, nec in horreis congregant triticum uel alia. Is itaq; mos colendi agri seruatur, instrumenta quædam rustica habet, quæ bipaliis non sunt absimilia, eis terram egerunt ritu contrario, quàm nos consueuerimus: nam cum ligonizant terram, ante proiciunt, non ut nos, qui terram egestam semper ad nos trahimus, adeo ut pedum plantas ligonizando cooperiamus terra, nec altius quàm tres aut quatuor digitos agunt bipalia uel graues uomeres: aliter ipsi non arant. Verum quia terra est feracissima, suapte natura quamplurima producit, horum potus præbet succus palmæ, lac & latices: nec ea est palma quæ fert cariotas. Alia est arbor, quæ ibi minime frequens est: & hæ arbores anno continuo succos emittunt instar lachrymarum: succus appellatur mignol: & ut uberiorem habeant succi prouentum, arbores fauciant: & statim profilit succus, qui excipitur uase aliquo, ut thura leguntur, huic liquori colos est subcinericius: & serum lactis præsentat, nec maior est prouentus quàm binæ uel ternæ mensuræ die noctûque: huius est incredibilis suauitas, & ut uinum inebriat, ni aqua immixta fuerit: qui prima die prouenit ex fauciata arbore, is est dulcior, & omni uino uel perquam dulci præstat, & indies suauitatem amittit, fitque acidum & acre, tamen tertio aut quarto die magis homini conducit: id sum ego expertus pluries, & non minus, quàm uino aliquo eleganti hoc succo oblectabar. mignolum appellant, neque eo uti possunt omnes abunde, hoc est, ad uoluptatem, licet ad hilaritatem plurimi, & in primis illustriores: non habent harum arborum uineas, sed sparsas & uagas, ut fere cuique pateant, qui liquorem huiusmodi elicere uulnerata arbore uoluerit.

Varii fructus, & miræ naturæ oleum.

Cap. XXVII.

FRUCTVS habent multiplices, nec nostris absimiles, suaues sunt licet syluestres, qui si ut apud nos colerentur, essent profecto multo meliores: regio est patens, & aprica ad omnia producenda prope apta, pascua ibi quamplurima, & arbores eminentissimæ, nobis tamen incognitæ: lacus ibi quamplurimi, qui aquam potu non insuauem propinant, neque nimium uaste expanduntur, uerum profundissimi: & ibi pisces innumeri, licet nostris absimiles: inque his serpentes degunt, incolæ calcatrices uocant. Fert etiam hæc regio miræ naturæ oleum, quod pollet triplici uirtute, odorem uidelicet uiolaceum habet, saporem uero oliuæ: & si adhibitus fuerit dapibus, eas ut crocus inficit: quanuis ipsum crocum superet uberiori colore. Sunt & ibi arbores quædam quæ fasioles producunt rubentes cum macula nigricante, quæ est illis pro insigni, & à nostris oculus dicitur, alii hilum appellant. producit igitur quàm plures, sed paruos admodum.



Angues immanes, qui deuorant capras, & anguium fascinatores.

Cap. XXVIII.

**I N V E N I V N T V R** ibi multiplices animalium species, præsertim serpentum ferè omnium generum, uenenosi alii, alii innoxii sunt, duorum pedum mensuram excedunt. alas nec pedes habent ut serpentes, alioquin immensi, & tantæ quidem uastitatis, ut integras capras hauriant, nec lancinent, solide deuorantur: ferunt incolæ serpentes huiusmodi congregari statis anni diebus, & migrare in loca quædam ubi formicarum est uis magna, quibus est colos albicans quæ suapte natura humiles quasdam casas instar specus exstruunt: nam ore terram portant, & ferruminant absque calce, diceres clibanos aliquos uel ruscula in ordine disposita. Nam ex huiusmodi casis uidebis C & CL continenter sub ordinatas, ut alteram sequatur alteta miro naturæ ordine. Sunt etiam hi Nigritæ fascinatores, id est incantatores eximii, fascinant præsertim serpentes. Huius rei me certiore reddidit adolescens quidam, qui anno superiore agens apud nepotem principis de Budomel, & cum hospitio receptus dormiret, audiuit innumeras serpentum sibilationes, quibus experrectus dum attentiore animo euentum rei expectat, intelligit nepotem principis euigilauisse, & domum egredi uelle: percunctatus est propterea adolescens nepotem principis quò nam nocte intempesta concederet: cui nepos (iam inclamauerat seruos à pedibus ut sternerent camelum) Sum inquit profecturus non longe, mox rediturus. Iuit igitur nepos & fascino compescuit serpentes, ilicòq; rediens rursus alloquitur hospitem Ligurem, Audiuiſtine, inquit, circiter noctem mediam exsibilantes serpentes? At Ligur, Audiui quidem. Subiecit itaque principis nepos dictus Bisboror: Erant inquit serpentes, quibus hæc plaga scatet, obsederant enim domum gregem deuastaturi: ni ego occurrissem malo tanto incantatione, qua utimur frequentius. Ligur uero his auditis, dixit se mirari plurimum, & rem hanc Christianis prope incredibilem fore: tum nepos ad Ligurem, Non est, inquit, cur mireris ob hæc minima: nam princeps noster multo maiora efficit incantatione cum libet. Cum enim inquit, cupit præsentaneum uenenum habere quod ilico mortem afferat, inficit ibi arma ueneno, designato in terra circulo, & fascinatione serpentes eò concedere compellit. Quò cum uenerint, speculatur uenenosiores quem interficiat, ueneni colligendi gratia, reliquos uero missos facit. Occiso itaque serpente, eius sanguinem cum semine arboris cuiusdam miscet, & ea mixtura arma illinit, quæ sic illita ubi fauciauerint condito mortē afferunt, licet paruum uulnus existat, modo sanguinis nihil non elicerit. Subdidit etiam Ligur nepotem prædictum hortatum eum fuisse, ut rei uideret exemplum. Verum Ligur parum huius rei curiosus renuit experiri rem huiusmodi. Omnium igitur consensu Nigritæ sunt incantatores eximii. Sunt tamen etiam apud nos huius facti haud expertes, imò sagaces, contra serpentes præsertim.

Nigritæ incantatores.

Cap. XXIX,

**I N R E G N O** Senegæ Nigritarum boues solum, & bucculæ uiſuntur inter animalia domestica: nam capras & pecora ibi non uidebis ob ardorem torrentis syderis. At boues tam mares quàm fœminæ nostris multo sunt minores, uixq; ibi uaccam rubentē comperies, aut albæ aut nigræ omnes sunt, uel utroq;



colore distinctæ. Ex rapacibus leones, & pardi frequentiores, nec non lupi, capreoli, ac lepores prope innumeri. Sunt etiam in eamet regione elephanti syluestres quamplurimi, nō domantur ut alibi, & ferè gentium ubique efferantur, propterea & gregatim incedunt, ut in nostris nemoribus apri, cicures uix reperiuntur ibi. Hi igitur duos eminentiores dentes habent hinc & hinc, instar aprorum, uerum ritu contrario: quandoquidem alteri scilicet apro in superiora retorti sunt dentes: alteri scilicet elephanto dimittuntur in terram: nec (uel senecta) huic sunt decidui, uitam concomitantur: hominem nisi læsus non lædit: & ubi lædit, manu hominem comprehensum iacit in sublime ultra arcus iactum: ea dicitur manus elephanti, quam alii promuscidem appellant, eam emittit & retrahit, pro suo arbitratu nullusque inuenitur tantæ pernicitatis, quæ suo incessu non comprehendat, licet gradatim solum ambulet effœtus, magis sœuiunt dum pauent, ne catulis uis inferatur, & quatuor ad summum pariunt uno partu: maribus uix est cura sobolis, arborum foliis uiuunt, & fructibus: nā promuscide arborem deuastant, adeo ut si stipitem manu complexi fuerint, quantumcunque magnum ab arbore dispartiant: manum habent in inferiore maxilla, quam exerunt & retrahunt pro libitu, hac cibum capiunt, & hauriunt potum omnem, & ori administrant suo, os habent in pectore, frequentia incolunt nemora, ac luto plurimum ut apri oblectantur. Sunt & alia ingentia animalia, uerum syluestria.

De Psitacis & aliis auibus.

Cap. XXX.

AVITIORVM sunt complura genera, & in primis Psitacis scatet regio: nam hos odere plurimum Nigritæ, quoniam totam plagam ferè circumuolitantes, fruges & præsertim legumina deuastant: multiiugi sunt, uerum è paruis & grandioribus, complures ego attuli: distinguuntur colore triplici subcinericio, uiridi ac ueneto, quod adhuc ferè inuolucres ex nido subripui, sed mox periire. Adultos igitur centū quinquaginta in Hispaniam detuli, eos singulos singulo aureo nummo uendidi. His itaq; mirum est ingeniū, & solertia nidificandi: nam excelsissimā quærunt arborem, quæ furculos habeat subtiles ac tenues, cuiusuis ponderis ferè impatientes, horum cacumini adligant dependentem furculum, cui nidum mira industria fabricatum suspendunt, instar pilæ rotundum, relicto solum foramine admodum angusto, quod ostii uicem suppleat: aiunt id efficere alitē, ut serpentum fallat astutias. Nam nidum pensilem petere nequeunt, quippe qui furculo tam tenui nusquam seipso crederēt, mole grauati corporea. Igitur his artibus tuta est à serpente auis, licet parua. Ibi etiam sunt gallinæ quædam, quas appellant Pharaonis, ex oriente deferuntur, his regio ubertim abundat. Sunt & anseres non ut nostræ, sed colore & pennis multiiugis uariatæ.

De emporio, & qui eò confluant.

Cap. XXXI

QVONIAM obtigit illic moram trahere diuturniorem, decreui co-



rum emporium, siue nundinas quasdam uisere: nam die lunæ & ueneris in praetis quibusdam conueniunt à quatuor uel quinque miliaribus circumstantis regionis: qui enim magis distant, alia emporia & nundinas adeunt. In his igitur nundinis compertum habui quàm indigi sint rerum multarum, quàm profunda egestate laborent, id declarabant eorum uiles merces, hæ enim erant cottoni elaborati mulierum pensis, nec eorum ingens copia, panni ex cottonis. Insuper legumina, oleum, milium, & pelues lignæ, storias, tegetes appellant, palmarum foliis complicatas, & alia complura usui illorum non inepta, hæc mulieres uendunt: at uiri arma, & auri nonnihil, permutant omnia, pro re altera, rem alteram consequuntur, quandoque pro binis ternas, aut pro ternis binas: pecuniam signatam non norunt, nec nummos omne genus regio cudit. Hi igitur Nigritæ in promiscuum ibant ad me stupidi, & admodum admirantes effigiem Christiani, & in primis albicantem colorem, necnon habitum, & corporis formam ac habitudinem insolitam: habitus is erat diplois ex serico nigro, damascum appellamus, chlamys item ex panno coloris cyanei, identidem pannû ex lana contuebantur, & diploidem loco miraculi cuiusdam: nonnulli albedinis periculum faciebant, arbitrati non esse colorem naturalem, sed factitium. Igitur ut certiores huius rei fierent, sputo illitas manus admouebant brachiis & manibus meis, ut experirentur utrum colos foret à natura, uel ab arte. Vbi uero uidebât sputû nihil de albedine ademisse, sed albicantes carnes fore, rursus admirabantur. Ad has itaque nundinas ut multa experirer, utque scirem an aurum illic foret uenale concesseram: uerum ut præfeci, auri parum illic sum nactus promercialis.

De equis ibi uenalibus, & pabulo, & eorum incantatoribus.

Cap. XXXII.

ILLIC igitur equos magni pendunt, quandoquidem difficulter eò ducuntur, nec nisi à nostris Barbaris per Azanegos & Arabas illò ducuntur. Illorum propterea ingens pretium est, nec facillime ibi aluntur ob aridam tellurem: nam torrida est plaga, quæ pabula non producit, facitque æstus nimius, ut equorum inguina intumescant, ut uix meiere possint. Crepant propterea stragula huiusmodi labefactati: pro feno utuntur faxiolorû laceramentis, sole fectis, id uicem feni supplet: nam ubi legerint faxiolas, secant eorum caules, & sole exiccant: loco auenæ succedit milium, quo mirum in modum pinguescunt: pro equo instrato phaleris, & reliquo ornatu dant mancipia nouem, ad summum quatuordecim, prout equi, & forma elegans, & agilitas persuaserit dandû. Cum autem emerint equos, mox accersunt fascinatores equorû, huncque ritum seruunt: rogam accendunt sarmentis, & herbis quibusdam suapte natura fumum exhalantibus, & equo per lorum apprehenso, sistunt ipsum supra fumantem rogam, uerbis nonnullis prolatis, unguento tenuissimo equum illinunt, & indomum adducunt, ubi ad XV uel XX dies delitescit, à nemineque uidetur. Interea etiam appendunt collo equorum effascinationes quasdam corio rubeo inuolutas, & hæc agunt affirmantes strenuiore tutioresque bello futuros equos.

c. ii.



De foeminis &amp; earum mira alacritate.

Cap. XXXIII.

H V I V S itaque regionis mulieres hilares sunt supra quàm referre possim, gestiunt, exiliunt, saliant, & perlibenter chorizant, & in primis adolescentulæ noctu solû dum luna est pernox, in suis tripudiis: differunt à nobis quâplurimum. Res nostras admirantur ferè portenti loco, ut sunt balistæ & tormenta omne genus. Nam cum uisum uenissent classem, iussi in uacuum exonerari tormenta, ut edito reboatu terrorem parerent his populis. Territi igitur tormenti inaudito, atrocique bombo, credidere dæmonum opus, non mortalium artem adiicientes uno ictu posse huiusmodi tormenta supra centû homines prosternere, tibias etiam admirabantur: & cum uidissent exornatas, ut fit, instar animalis alicuius credidere uiuum animal uarias emittens uoces, non instrumenta: quod ubi intellexi ne hac opinione ducti diutius fallerentur: dedi tibias illis contrectandas, tunc cognouere artem esse, non animal neq; phantasma, adeoque eis oblectabantur, ut dicerent rem cœlestem fore ab ipso deo fabrefactam, tanta concinitate ac melodia allecti, & in primis uocum uarietates admirati, remq; nullam uidisse pulchriorem prædicabât. Nauim etiam per singula membra & minores partes scrutabantur, ut malum, anchoras, uela, remiges, & id genus alia dicebântq; oculatam nauim esse, quoniam in fronte uidentur sculpta lumina, quod solum fit causa ornatus: ut fit quandoque in carpentis & curribus. Propterea asseuerabant nos fore eximios incâtatores, nec dæmonibus ab similes, utpote qui sulcabamus maria gradu citatissimo instar phantasmatis, & itinera quâplurima in mari metiebamur, ipsi uero uix de loco ad locû terrestri itinere ire nouerant, & id præsertim admirabantur, nos uidelicet in tantum à continente recedere aliquando, ut per compluscûlos dies terra nusquam appareat, & tamē non ignorabamus ubi gentium essemus, & quonâ tenderemus: quod esse non potest inquit citra magicam artem: quod profecto haud dicerent, si nauigandi callerent artes. Non minori etiam admiratione afficiebantur, uisis candelis accensis, quippe qui nulla alia luminaria unquam uiderant præter quàm ignē. Vbi igitur uidere ardere candelas, dixere rem esse pulcherrimam. In eadem regione mellis est plurimum, nam id ē fauo mellis ore sugunt, ceramque abiiciūt emi propterea ego fauū mellis, & more nostro à cera melle disgregans, percunctatus sum de cera eos quid sentiret: qui aiebant se eam nihil pendere, uti rem inutilem. Confeci itaque ex cera huiusmodi candelas, ipsis cernentibus, & iussi eas accendi, quo facto, magis ac magis admirabantur, profitentes nos ferè nihil nescire.

Quomodo Antonietus, & Aloysius in mare conuenere non longe à Capite uiridi.

Cap. XXXIII.

I N H A C regione instrumenta musicalia habent ferè nulla, præter duo & ea melodiæ & concentus propè nullius: uidi instrumentum quoddam, sembucam appellant, quod fidibus binis tantum pulsatur, & nulla inde concinitas, digitis pulsan: res rudis, & propè momenti nullius. Vt igitur præfeci, oportuit me illic per dies aliquot diuersari causa explorandæ mercis, ut si forte fortuna aliquid occurrisset, quod conduceret commercio: & id eo libētius ferebam,



bam ut res novas uiderem, quas referrem aliquando. Cum itaque decreuisssem à continente soluere, & in altum facere uela desiderio uidendi adhuc maiora: cum præsertim à principe infante certior factus fueram, non longe à regno Senegæ esse regnum quoddam, cui nomen est Gambræ, & prout referebant Nigritæ principi infanti. Id regnum auri est feracissimum, adeo ut si eò contenderent Christiani, inde consequerentur diuitias innumeras. His igitur allectus cum ut aurum consequeretur, tum etiam ut orbis partes incompertas mihi antea uissem: expeditus à principe ad nauim redeo meâ, parâs uela facere uentis, ut in pelagus altius eueherer, relicturus latus quo appulerant celoces. Dum itaq; hæc meditamur, repente naues apparuere in salo fluctuantes, nam uicissim altera uiderat alteram, nec ignorabamus eos esse Christianos. Congressi igitur mutuo conspectu frui affectantes colloquuti sumus: moxque patuit alterâ nauim fore Antonieti cuiusdam Liguris, qui maria sulcare probe nouerat: alteram uero aulicorum quorundam principis infantis. Hi igitur uiri conuenerant fide data, ut Caput uiride superarent desiderio uidendæ nouæ regionis. Iniui itaque cum eis amicitiam, & fœdus ingens, ut simul maria sulcantes nouas regiones adiremus. Vnâ igitur soluimus, uela dantes uersus dictum Caput uiride Austro duce, à latere semper ut præ oculis continentem haberemus usquequaque. Sequenti itaq; die uentis prosperis Caput prædictum cœpit nobis apparere: nam distat à regno principis Budomel unde soluueramus miliaria ferè quadraginta.

De Capite uiridi, & eius denominatione, & moribus gentium.

Cap. XXXV.

**ID I G I T V R** promontorium Caput uiride idcirco appellatur, quia consitum est arboribus densissimis, eisdemque uiridibus ac uirentibus anno fere continuo. Huius notitiam habuere primo Lusitani superiori anno meæ navigationis: appellarunt itaque hoc promontorium Caput uiride ab arboribus, uti ab harena Caput album denominatur. Hoc itaque Caput uiride eminens est admodum, & uisu pulcherrimum: inter duos montes medius exit. Tandem in mare prominens uaste, uariisq; rusculis Nigritarum, & mapaliis septum undequaque ab ea parte præsertim, quæ respicit Oceanum. Sunt tamen hi Nigritæ ex regno Senegæ. Ultra Caput prædictum uisuntur tres paruæ insulæ non longe à continente, sed prorsus desertæ ab hominibus: uerum scatent arboribus instar Capitis uiridis. Cum uero aquæ penuria non mediocri laboraremus, iecimus ancoras, ut aquæ nonnihil inde hauriremus. Insulæ illi quæ uisa erat uberior, adhæsimus. Appulsi igitur huic grandiori insulæ fontem quempiam quærebamus, nullumque nacti sumus præter quandam scaturiginem, que uix poterat nobis auxiliari sitientibus. In eadem igitur insula inuenimus nidos complures, & oua alitum diuersarum, quæ nobis haud erant incognita. Ibi stetimus per totam diem, piscatîque sumus uaria piscium genera sagenis alios, alios hamis quibusdam cepimus, in primis dentales, & ostreas ueteres pöderis librarum XII uel XV, pro unoquoq; piscium. Mense Iunii postero die illinc soluentes, ad nauigauimus littora haud prope deferentes. Id est etiam sciendum quòd mox post Caput uiride littora se sinuant, & in ipso recessu sit sinus pulcherrimus: terra est plana & referta arboribus innumeris, quibus non prius decidunt folia,



quàm alia subnascantur, uirent semper, & licet distent à mari iactu arcus, uidentur tamen à longe ipsa contingere maria. Res profecto est uisu conspicua, & ut fatear ingenue, ego quidem uarias orbis partes peragraui cum ad ortum, tum etiam ad occasum solis, uerum nusquam amœniorem uidi, ea complusculis irrigatur fluuiis, quorum quoniam sunt nauium impatientes, non meminimus. Ultra sinû degunt bini populi, alii Barbazini, Serreti alii dicuntur: hi quidem sunt Nigritæ, uerum regi Senegæ non parent: regem non habent nec principem, licet uni magis quàm alteri honorem maiorem exhibeant. Principem non eligunt qui uitæ ac necis potestatem habeat, cum in se tum etiam in natos: nam morem Nigritarum principum aspernantur, qui ubi libuerit pro mancipiis, & uxores, & natos subditorum uendunt: fitque ut eorum uita semper sit in ancipiti, interq; spem & metum suspensa: Idola colunt quàm qui maxime, legem habent nullam: uiri sunt truculentissimi, arcu utuntur ac uenenatis sagittis, perinde ut fauciati ilico pereant, modo sanguis uel mediocris exeat. Hi sunt nigerrimi, ac staturæ habilissimæ: regio frequens est nemoribus, quæ lignis sunt referta plurimû: irrigua est fluminibus quàm plurimis, ideo ferè inaccessa, nec patet adeuntibus aditus nisi per nonnullos angiportus ex circumadiacentibus, timent propterea neminem. Id sunt experti aliquando Nigritarum reges, qui cum bellum eis intulissent, sunt pessime accepti ab his populis. Discurrunt igitur latus prædictum. Austro flante peruenimus ad ostium fluminis, quod Rium appellant Barbazinarum, latitudo fluminis ostii est iactus arcus, huius nominis meminî ego in charta nauigationis, quam edidi nuperrime. Abeft hoc flumen à Capite uiridi miliaria ferè LX. interdiu solum nauigabamus, occidente sole iactis anchoris ad passus X, uel XII, aquæ longe à continente miliaria IIII uel V. Cum uero illucescebat, uela faciebamus in altum, positis prius speculis in suggesta celocis, qui eminens specularétur scopulos maritimos, ubi uidissent mare luctari & fremere cum scopulis occurrentibus, mox renuntiarent uelificantibus. Dum igitur adnauigamus, ad ostium alterius fluminis deuenimus: id erat Rii Senegæ magnitudine haud impar. Viso ergo flumine tam præclaro, decreuimus quempiam è nostris mancipiis emittere, qui terram exploraret: terra erat aprica, & omni arborum uarietate exornata, adeo ut nos summopere eò inuitaret. Adduxeramus enim nobiscum è Lusitania mancipia complura, quæ Turcimanos appellamus. Hi sunt Nigritæ, quos rex Senegæ Portugalensibus siue Lusitanis (qui eò profisciscuntur commercii causa) uendit. Hi igitur Turcimani siue mancipia (Sclauos uulgo appellant) Christi fidem in Lusitania susceperunt, & Hispanum idioma callent: nam \* nos mutuati eramus à dominis ea lege, ut pro huiusmodi seruitute, quam nobis exhibituri erant Turcimani cum rediissemus, seligerent ipsi quemcûque libuisset ex omni mancipiorum cœtu, Turcimani uero libertatem perpetuam consequerentur. Iactæ igitur sunt sortes, ad quem spectaret suum Turcimanum emittere in littus. Cecidit fors super Ligurem, qui condito cymbam expediuit, qua discedens à classe in littore mancipiû exponeret lege data, ut caueret ne continentem appelleret ultra quàm foret necesse: satis ac super erat, si mancipium in sicco poneret, & mox in altum nauim duceret, ne incautus à Barbaris deprehenderetur. Instituunt igitur mancipiû, ut cum terram attigerit, quærat quæ gens, qui princeps,

Aliàs eos



qui princeps, qui mores sint regionis. Sciscitaretur etiam an ibi copia auri foret, uel alia quæ commerciis conducerent. Vbi itaque mancipium terrâ tenuit, actum adfuere Nigritæ eius regionis, qui eminus speculati fuerant aduentantē classem. Idcirco uenerant ad littus sagittis & arcubus onusti, delitescentes in frutetis & uepribus, ut quempiam è Christianis improuidum corripere. Viso igitur mancipio, propius accedunt, colloquunturque nonnihil, & mox exertis ensibus & machæris, plagis innumeris mancipium confecerūt: cui prius proxima nauis auxiliari nequiuit, quàm uitam exhalarit. Quod ut compertum habuimus, stupidi rem ægre tulimus, intelligentes gentem sæuam & atrocem esse, quandoquidem in sui consimilem Nigritam tam truculenter sæuierant, sciētes haud dubie sæuituros in nos magis, si potestatem in nos haberent. Relicto igitur littore, huiusmodi cœptum iter persequēbamur, ducti Austro, in conspectu continentem usquequaque habentes. Littoralis regio amœnissima erat, arboribus innumeris fulta, & solis patentis, nec inæqualis. Et tandem peruenimus ad ostium fluminis Gambraë, quod patebat latitudine trium uel quatuor miliarium, ubi magis in arctum exibat. Ingressi igitur flumen ostii tam patentis, duximus ibi posse nonnihil quiescere, ut mox postridie certiores fieremus, ubi nā gentiū essemus, & an illic esset Gambraë regnum, cuius desiderio flagrabamus mirabilem in modum.

De flumine magno nauigato ab almadiis.

Cap. XXXVI.

APPVLSI igitur ostio Magni fluminis, quod in primo ingressu præ ferebat latitudinem sex uel octo miliarium. Censuimus propterea hoc præclarū flumen fore regni Gambraë, cuius desiderio afficiebamur plurimum: nobis etiā non difficulter persuadebamus, illic auri plurimū esse, aut forte aromata quæpiam, uel alia quæcunque mercimonia, quibus locupletati domum alacres rediremus aliquando. Luce itaque sequenti uentis prosperis minorem celocem præcedere iussimus, uiris & armauentis fultam, cum eaque è nostris cymbis unam has paruas naues ex composito præmisimus, quippe qui adhuc ignorabamus altitudinem fluminis, uerebamus propterea ne tantarum nauium foret impatiēs. Expeditis itaque his nauibus, nautas commonefecimus, ut aquæ altitudinē contis explorarent identidem, & ubi cognoscerent eam satis fore nostræ classi, gradū referentes signo aliquo nos certiores facerent. Iuere nostri & cum aquæ multum reperissent, nos monuere. Quibus cognitis, uisum est aliam expedire nauim aliquanto maiorem, armis probe communitam, & illam Antonini licet multo minorem, lege præscripta, ut si forte fortuna occurrissent illi Nigritarū almadiæ (id est nauis genus) rem ipsi non discernere, neque congregarentur, sed statim gradum reuocarent, iter ad nos dirigentes: quandoquidem eò nos concesseramus non belli sed lucris gratia, quærebamúsque ut omnia pace & concordia fierent, quod non ui sed ingenio nos consequi posse sperabamus. Euecti itaque in interiorem fluminis partem, nostri subinde uada & fluminis profunditatē contis tentant, inueniuntque in horas altiores aquas, & ingētium nauium capaces, & altitudine mensuram passuum XVI excedere: prouecti ultra ad miliaria duo, uident fluminis littora conferta arboribus pulcherrimis hinc & hinc, animaduertuntque flumen immensis orbibus & recessibus implicari, ut Mæandrus ali-

c. iiii.



Almadiæ.

quis. Decreuimus propterea gradum referre, & dum hæc meditamur, ecce à tergo ab ostio cuiusdam parui fluminis quod exonerabat in magnum, mox emergunt tres almadiæ, nos lembos appellamus, fiunt ex cauata arbore, nec maiores cymbis nostris, quas trahunt naues, sunt agiles nimium, uerum parui ponderis capaces. Quæ ubi liburnicas nostras & celoces conspexere, credidere nos eò contendere, ut uim inferremus aliquam: nam edocti eramus illorum consuetudine fore, ut arcubus uterentur, & sagittis ueneno infectis fere per totam plagam regni Gambræ. Et licet nostri satis ac super eos eminus propulsare quiuissent, ut tamen dicto parerent nostro, uisis almadiis concito gradu ad nos redeunt: non tamen facere potuerunt etiam effusa fuga, quin semper ad iactum arcus post terga Nigritas haberent. Mirum est quàm pernices sint hi uecti hoc nauium genere. Cum autem nostri consecuti classem fuissent, ingressi celoces innuebant Nigritis ut propius accederent. Illi uero gradum sistentes nusquam propius accessere. Erant uero in his almadiis homines XXV, uel ad summum XXX. Nos admirabantur plurimum, ut rem sibi & ipsorum prædecessoribus hætenus inuisam incognitamque, naues uidelicet id genus, ut sunt nostræ, & homines albos. Pleni itaque admiratione non loquebantur, licet à nobis ad colloquia mutua inuitarentur signis, ut assolet quibusdam. Abiere igitur, & ea die nihil ultra tentauimus.

Quomodo Nigritæ nostros sunt adorti in flumine.

Cap. XXXVII.

M A N E itaque sequenti nos cum paruis nauigiis soluimus illinc circiter diei horam tertiam uentis prosperis, ut nostros adiremus socios, ut sic demum tutius interiora fluminis peragrarè possemus, & tandem aliquando deorum munere mitius hominum genus quàm id erat quod nuperrime uideramus in almadiis, nancisceremur. Igitur cum sociorum classem inuenissemus, unà omnes uela dentes uersus prædictum flumen iter direximus, præmissa parua celoce, sequentibus nobis continenter, ut altera ex ordine post alteram iret. Et cum iam ingressi essemus ferè ad quatuor miliaria, ilico à tergo almadiæ quædam (unde uenerint adhuc incertum habeo) ad nos citatissimo gradu contendebant. Quibus uisis, mox in eos uela fecimus, ueriti ne nos suis uenenatis sagittis impeterent: non enim ignorabamus eorum sagittandi mores. Classe igitur reuocata in orbem, quàm citius potuimus nostros armauimus, ante omnia præcautes, ne nos incautos & inermes hostis inueniret: uix tamen nobis erant arma ad hostem propulsandum. Diuisa itaque in duas partes classe, quasdam Nigritarum naues circundemus, percensuimusque eorum cymbas, quæ XVII erant, maiores nostris nauigiis, quæ nostra ferunt flumina, easque impellunt remigiis innumeris. Sublato itaque remige, quisque illorum nos admirabatur, utpote rem nouam & incognitam. Percensiti tunc à nobis, plures non apparuerunt quàm centum & quinquaginta uiri: profecto si ad corpus spectes conspici, nigerrimi quidem, uerum habitu albo induti non indecoro. Habitus is erat tunice quibusdam, camisias appellamus: ex cotonina alba induebantur: in capite paruum habebant pileum, ut mos est Germanis: id plus habent quàm Alemanni, uidelicet in pileo ex utraq; parte nescio quid alas præsentens duas: in medio penna emi-

Cultus nigritarum.



na eminebat, ut est uidere apud nostros milites, qui talibus plurimum gaudent: utcumque fuerit nos iudicabamus hunc habitum militiæ conuenire: eratque in fronte cuiusvis almadiæ Maurus quidam stans, clypeum teretem in brachio habens: is clypeus uidebatur excorio confectus: & neuter bellum inferebat, sed alter alterum admirabatur. Vbi itaque uidere à tergo uigere alios, qui clandestine aduenere, mox demissis remigiis expediunt arcus, nihilque promentes in nostros sagittas dirigunt: quibus conspectis, nostri tormenta exonerant: uerum aquis immer si lapides iacti, neminem occiderunt. Perterrefacti tamen tormentorum reboatu & strepitu insueto, stetere pauidi admodum. Cum uero cognouere neminē læsum his tormentis, uerum eorum iactus emori in aqua, rursus reassumptis animis magis ac magis in nos sæuiunt, aerem sagittis obtenebrantes celeritate incredibili. Et iā propius accedebant, audaciores solito: at nostri balistis eos propulsabant, & catapultis plagisque onerant innumeris. Primus igitur qui iecit in eos is fuit Liguris filius nothus, qui Nigritæ unius pectus transfixit, moriq; ilico coegit. Susceptus is itaque à suis, extractaque sagitta admirationē peperit id teli genus Nigritis omnibus: nec ob id tamen temperabant à sagittis suis, fiebantque in horas atrociores: contra nostri eos male accipiebant, perinde ut paruo temporis momento è Nigritis plures ceciderint, ex Christianis uero, quæ deorum gratia fuit, nec unus periit. Profligatis tot Nigritis, qui ob cladem acceptam indignati plurimum, celocem minorem circumuenire satagebant uno impetu omnes, quod ut animaduertimus, mox in mediū recepimus celocem prædictā, & rursus exoneratis tormentis (bombardas uulgo appellant) stragem intulimus maximam. His uisis Nigritæ iam ferè faucii omnes in diuersa abeunt, nos uero catenis iniectis id curabamus, ne naues in uarias partes dilapsæ, uirium minus haberēt, unā omnes ferebamur connectis nauibus & uentis prosperis, ultraque progrediebamur cecidentibus iam Nigritis, id in primis obseruantes, ut cum Nigritis mutuo colloquio frui possemus aliquando.

Decretum factum in flumine Gambre.

Cap. XXXVIII.

IGITUR ADEO mancipia nostra Nigritas inclamarunt, ut eorum fessi clamore Nigritæ, tandem aliquando permiserint unam ex almadiis suis propius accedere, ut puta ad iactum arcus. Percunctati sunt itaque eos nostra mancipia, cur in nos tam atrociter sæuissent, cum præsertim non alia de causa illuc concessissemus, quàm commercii & pacis, concordiaque, prout melius declarabat cum reliquis Nigritis regni Senegæ contubernium, & frequentior necessitudo. Ad hæc etiam nostri adiiciebant, uenisse è partibus orbis remotioribus, ut munere perpulchro suum regem nomine regis Lusitanorum donarent, quandoquidem is enixe peroptabat ab eorum rege arcte diligī & amari. Rogabant præterea ut dicerent, ubinam gentium rex per id tempus ageret, & quis princeps huic regioni dominaretur, quodque huic flumini nomē inditum foret. Addebant etiam ut ad nos tuto & pacifice accederent, accepturi è rebus nostris quicquid libuisset, & è suis darent pro suo arbitratu, modo omnia pace, & citra bellum contumeliāque fierent. In hanc ferè sententiā



nobis responsum est, non quidem eos latere, quæ gens foret Christiana natio, & unde ueniret, scirèque quid egerint iampridem cum rege Senegæ, & aliis Nigritis suæ ditionis, qui quoniam nobiscum degunt boni esse non possunt: quippe qui non ignorant Christianos uesci humana carne, nec alia de causa emere Nigritarum mancipia, nisi ut mandant & lancinent ut ferinas carnes: propterea apud eos iuratissime asseuerabant, nullum Christianis amicitiae locum superesse, sed cordi eis hæsisse, omnia sua quæ classe attulerant, diripere & deprædari, regique suo dono dare, seque trucidare atrocissime, regē abesse illinc itinere triudierum, regnum esse Gambraë quod quærebant, flumen magnum esse, nomen quidem non reticuit, uerum ego non memini. Hoc igitur accepto responso, ut par erat, indignati in eos uela fecimus, qui effuse fugientes, mediterranea petiere. Hunc finem habuit congressus noster. His peractis explorato omnium uoto contendebamus rursus interiora fluminis penetrare, uel ad miliaria circiter centum, quæ res, ut patuit omnibus, permouit multos, quos proprii laris cura sollicitabat nimium, nec sunt passi nos ultra progredi, affirmantes satis ac super egisse, dum in has partes à sua urbe remotissimas sospites deuenissent, addentes nolle de cetero laceßere fortunam, & discordia ingenti concio soluta est. Nos autem qui callebamus horum consuetudinem, scientes quàm duræ ceruicis forent, quantūue proflirent ubi non exaudirentur, conducibilius fore duximus, si eis pro tempore cederemus. Sequenti igitur die illinc soluimus, uersus caput uiride iter facientes, ut decorum auxilio in Hispaniam rediremus aliquando.

## CAPVT

## XXXIX.

PER ID tempus quo in ostio fluminis moram traximus, semel tantum septentrionem uidimus, qui adeo demittebatur, ut crederetur mare ferè contingere, ab aquisque non plus uidebatur abesse, quàm lanceæ tertia parte, & ibi sydera sex conspicati sumus, quæ magna erant, & mirū in modum splendebant, ea metiti sumus pyxide, & infra scriptam figuram præsentabant.

\*      \* \* \*  
\*      \*

Censuimus propterea huiusmodi astra plaustrum austrinum efficere, licet priorem stellam in ordine minime uidere potuerimus, quoniam haud quadrat rationi ut eam prius uideamus quàm septentrionem perdiderimus, id est, ab nostris oculis euanuerit. Inibi etiam comperimus noctem horarum tredecim, diem uero undecim, ingrediente mense Iulii, quo regio illa eximie flagrat, habet tamen uarias temporum uices, hyemem & ipsi appellant, quoniam ab dicto mense usque in mensem Octobris terra irrigatur imbre & pluuia ferè continua, & præsertim in meridie exurgit quædam nebula, quæ cælum inumbrat, nec supra terram multum tollitur in Subsolanum & Apeliotem. A Subsolano uero ad Vulturum transit fulgoribus eximiis, & tunc imbre tellus madefacta semini præparatur. Vti agunt Nigritæ in regno Senegæ. Viuunt milio, leguminibus, carnibus & lacte. Accepi etiā introrsus non pluere, nisi ferè feruentem aquam, & ibi cum diescit non uisitur aurora ante emersum solis, ut usu euenit apud nos, quoniam semper inter auroram & solis ortum nonnihil temporis intercedit,



cedit: imò quàmprimum nox abscellit, ilico sol emergit absque alio medio. Verum licet sol uideatur, non tamen illuminat ad spatium mediæ horæ: uidetur enim pati deliquium in ortu: propterea obumbratur aliquantisper. Causam uero, cur sol ibi citius uideatur quàm alibi gentium, nullam aliam afferūt, nisi quia regio patentis est soli & depressi, uacatque montibus, qui forte alibi obstant, ne sol oriens mox cernatur. Huic sententiæ astipulantur socii qui aderant omnes.

Quomodo Antonietus Ligur, & Aloysius Cadamustus in secunda  
nauigatione nouas inuenere insulas. Cap. XL.

MORE S igitur & qualitatem huius regni Gambraë, quantum ego colligere potui in meo itineraio, uix referre possumus: quoniam, ut præfecimus, incolarum sæuitia, & eorum in primis qui littoralia incolunt, consequi nequiuimus uotum nostrum: nam gens suapte natura ferox, colloqui cum mitioribus noluit, nec commercia tractare quæpiam. Igitur noueritis nos cognita huius gentis feritate haudquaquam ultra progressos fuisse, nautis reluctantibus, sed in Hispaniâ, flumine illo Gambraë non suprato, rediisse. Anno itaque sequenti præfatus Ligur, & ego Aloysius unanimes rursus classem expediuimus, cum animum applicuissimus ad hanc prouinciam nauandam, ut tandem aliquando dictum flumen explorantes, regnum Gambraë ingrederemur. Hæc ergo ut percrebuerit ad aures principis infantis, sine cuius comœatu expeditio hæc fieri non poterat, complacitum illi plurimum fuit, quod hæc nobis cordi fuissent: & ut huic pio proposito, nec pœnitendo uoto fauens subscriberet, unam è suis celocem armat eximie, & omni genere annonæ communiuit. Soluimus itaque à loco quodam qui dicitur Lanchus, qui parum abest ab Sacro promontorio, siue Capite sancti Vincentii, ingrediente mense Maio prosperis uentis, & iter fecimus per Canarias insulas: eas tamen ex composito prætereuntes, utpote rem non incognitam nobis, si superiorum meministis. Austro ducebamur, & labentibus aquis, quæ flante Noto mirum in modum fluunt, peruenimus ad Caput album: quo uiso, duximus classem in altum: & sequenti nocte adortus est nos uentus Auster, cuius impulsu regredi oportuisset, ni nonnihil ad occidentem declinauissimus. Sustinuimus igitur hanc uenti sæuitiam noctibus duabus, & diebus tribus: die uero tertio terram in conspectu habuimus, quod nemo nostrum autumasset. Coepimus itaque gestientes exilire omnes, terram identidem inclamantes, admirati nimium ibi terram reperiri, cum prorsus id nesciremus. Expedita igitur cymba duos homines emisimus, qui explorarent iam uisam tellurem. Iuere itaque, & duas prægrandes insulas uidisse renunciant: quod ut accepimus, mox ruimus in dei laudes, qui sua clementia incredibili hætenus incognita nobis cognoscenda præpararet: res profecto nouas, & toti Hispaniæ incompertas. Vt igitur oblatam à deo terram aliquando peragraremus, rerum nouarum percupidi, fortunam experiri uolentes nostram, uela fecimus uersus huiusmodi insulas: quò breui peruenimus: & ubi in conspectu fuit, uisa est maxima, tantumque obnauigauimus ut stationem non incommodam reperiremus. Appulsi igitur, prius iactis ancoris, cymbam bene armatam emisimus, ut compertum nobis fieret, an



insula coleretur ab humanis. Ingressi ergo nostri insulam, neminem unquam conspexere humanum, neque extabant uestigia itinerum, quibus cognosci posset quàm culta foret insula. Hoc cognito, mane sequenti, ut animo satis facerem meo, iussi ex meis decem armari, cum telis, tum etiam balistis, ut interiora insulæ adirent, si forte ultra quosdam colles, qui ibi attollebantur, homines forent. Tuere igitur, & collibus superatis inuenere neminem præter columbos, & ferè omne genus auitiorum: nam columbi capiebantur pro libito manu hominis: non enim pauebant ad uiri conspectum, utpote ad rem sibi hætenus inuisam. Cepere igitur ex his quamplurimos, quos scipionibus occiderant, nobisque attulere. Ex alia regione apparuere tres aliæ insulæ magnæ, quas ipsi non uideramus: nam ad septentrionem nobis remanserant. Visum est etiam eis duas alias insulas uidere uersus occidentem in uasto mari: uix tamen id comprehendebant ob magnam distantiam: neque nos eas uisere magni fecimus, quippe qui animum induxeramus cœptum iter persequi, nec tantis suppetebat tempus, uerebamurque ne frustra tereremus, diuertendo ad inhabitatas insulas. Interea dum his ego insisto quatuor insulis, alii uidere decem paruas insulas, quas cum adiuissent, nihil præter aues inueniunt, & pisces ingentissimos. Vt igitur reuertar unde sum digressus, solui ab hac insula, iter meum persecutus, & ecce duæ aliæ insulæ: & cum oram unius percurrerem, mox incidimus in cuiusdam fluminis ostium, & censes aquam potu fore non insuauem, littori applicuimus: erat enim insula confita omni arborum genere pulcherrimo: & dum fontem quærimus quempiam glebas salis albas minutulas nanciscimur secus flumen. Legimus ergo nonnihil salis, quod itineri sufficeret nostro: nam ibi sal effuse affluit. Hauserimus etiam aquæ non parum. Erant ibi testudines innumeræ, quibus pro tegmento natura uastissimas testas dederat, magnitudinis tãtæ, ut pro clypeo non inepte sufficiant. Nostri itaq; esculentis huiusmodi oblectati plurimum, exenteratis testudinibus multiuga eduliorum genera fabricabantur, asseuerantes eis aliàs se solitos uberim uesci, & cum primis in sinu Argino, cuius in superioribus affatim meminimus: nam is sinus scatet huiuscemodi testudinibus: hortabanturq; ut ego eis uesci uellem. Esitauimus igitur cibum inibi insuetum, ut complura experirer: uisus est non insuauis: albicat enim caro hæc: nec multum est absimilis uitulinis carnibus, si fragrantiam & saporem spectes. Cum itaque placuisset comedisse, cibum approbans, in naui plurimum asseruari iussi, ut quandoque leniret famem. In primo etiam itinerario meo, quod prætermiseram, comedi ex leophante satis illecebri. Piscati sumus etiam in ostio dicti fluminis, ubi tanta uis erat piscium, quantum uix referre quibo: quandoquidem ferè credulitatem omnem excedit. Erant ex his piscibus complusculi, quos nemo nostrum uiderat unquam, uerum pergrandes, & ad cibos humanos non inepti. Ostium uero fluminis in tantam exibat latitudinem, ut onerariam nauim centum quinquaginta doliorum capacem haud grauatim exciperet: adeo patebat, ut paucis expediam, ut unius iactu arcus latitudinem eius metiri nequiuisses. Illic statua fecimus biduo animi causa, ut feriati aliquanto à laboribus, animi deinceps ad dura promptius euigilarent. Annonam omne genus inde exportauimus, ut futuræ fami consultum iret, inter cætera columbos innumeros. Nec id præteribo, nos illi insulæ, cui primo applicuimus,



plicuimus, Boni uisus nomen indidisse: argumento, quòd prima à nobis uisa foret. Alteram uero, quæ inter quatuor eminet insulas, Diui Iacobi nuncupauimus, ob id quòd ea die, quæ in honorem sanctorum Iacobi & Philippi celebratur, à nobis est reperta.

De loco dicto Duæ palmæ, & de fluuio Gambræ nauigato.

Cap. XLI.

HIS PERACTIS die memorato ab his insulis soluimus, per Caput uiride tenentes iter: & breui deorum munere peruenimus ad id loci qui dicitur Spedegar, in conspectu tellurem semper habentes: & ibi locus alius, qui ad Duas palmas appellatur: is est inter Caput uiride & sinum Senegæ prædictum, & quoniam iam terra erat nobis aliàs cognita, audacter dictū caput percurrimus, adeoque id concite à nobis actum est, ut sequenti mane dictum Caput superauerimus: & tandem aliquando rursus ad prænominatū Gambræ flumen peruenimus, & intrepidi dictum flumen nauigare cœpimus obstante Nigritarum nemine: nam almadiæ nusquam apparuere. Interdiu solum adnauigabamus, cœntis explorantes fluminis alueum: ecce quædam almadiæ Nigritarum, uerum secus litus fluminis euntes, nobis haud erant impedimento: & introrsus ad decem miliaria insulam quandam paruam reperimus: quò cum applicuissemus, è nostris quidam uitam exiit: nam febre diutius laborauerat: & licet ægre tulerimus omnes uiri exitum, tamen quoniam deo maximo complacitum fuerat, ut decuit fideles, nusquam eius potentiam detrectauimus: uerum pro more humano satis mœsti, humauimus hominem iam uita functum: & quia huic Andreæ nomen fuerat, insulam de nomine uiri appellauimus. Est itaque à cunctis deinceps dicta insula Sancti Andreæ. Soluentes igitur ab hac insula, dictum flumen nauigauimus: sequebantur à longe quædam Nigritarū almadiæ, quas inclamans mancipium nostrum, quod Nigritarum idioma nouerat, tantum effecit, ut propius accesserint Nigritæ, à nobis cum uoce, tum etiam rerum nostrarum assidua ostentatione allecti: pollicebamur enim eis pro colloquio plurima, hortabamurque ut omnem de nobis suspensionem feritatis exuerent: quandoquidem hi eramus, qui humanitate & comitate cæteris præstamus mortalibus. His ergo prouocati propius accessere, iam nobis fidentes: quare unus ex Nigritis celocem est ingressus intrepide, & cum Turcimano, id est, mancipio nostro colloquutus, admirabatur nimium nostrum morem nauigandi, & in primis uela: quoniam ipsi solo remige impellunt naues, rati nullum alium inter mortales modum fore maria sulcandi, albicantesque homines cum insueto habitu magis ac magis demirabantur: nam his est habitus ex cotonina quadam alba admodum, quæ instar camisiæ uestem eis suppeditat: complusculi etiam nudi incedunt. Excepimus itaque Nigritam honorificentius quàm potuimus, muneribus nostris hominem propè onerantes. Qui nostra consuetudine delectatus, percunctabatur de multis nostros. Postremo aperuit nobis id esse Gambræ regnū, quod errantes iam pridem quærebat: & illorum dominum dixit esse Farosangolum, eumque abesse illinc itinere dierum decem introrsus meridiem uersus: ipsum tamen subesse maiori principi, id est Regi Mellis, qui magnus Imperator Nebeorum dicebatur. Adiecit tamen, non esse longe à littore fluminis utrinque regulos com-



pluſculos, in quorum contubernium & neceſſitudinem mox, ſi libeat, ſua opera recipemur: & in primis pollicebatur id ſe nauaturum apud regulum Batimauſam: quoniam iam intelligebat nos & probos & comes uiros eſſe. Hanc igitur uiri huius nobis conceptam opinionem gratam habuimus ſupra modum, cūmque è noſtris adnumerauimus in celoce receptum protinus, & tandem nauigando deuenimus ad eum locum, quem appellant Batimauſam, qui noſtra ſententia abeſt ab oſtio fluminis quadraginta miliaria.

De principe conciliato muneribus noſtris.

Cap. XLII.

ILLVD eſt etiam ſciendum, quòd dum ſulcauimus flumen Subſolano uecti ſumus: & is locus ubi iecimus ancoras, multo anguſtior erat oſtio fluminis, & mea ſententia latitudine miliarium non excedit, in eūmque compluſculi fluuii exonerant. Vbi itaque applicuimus ad id loci, decreuimus mancipium noſtrum (quo interprete utebamur) cum Nigrita, quem prius conciliauerant nobis munera & blanditiæ, ad principem mittere Batimauſam, quem perpulchro munere donauimus. Id erat munus tunica quædam ſericea, contexta more maurico: nos tunicam interiorem appellamus, ſiue caſiſiam: inſtituimꝯſque Turcimanum, ut munus his uerbis exornaret: Nos uidelicet huc contendiffe, ut ſædus & neceſſitudinem eximiam nomine regis Portugalliæ, ſiue Luſitaniæ ſecum iniremus, uellẽq; commercia exercere, ubi ſibi complacitum fuiſſet: & ſi noſtrarum rerum egeret, eis æque ac ſuis uteretur, noſtrum regem nuſquam defuturum, ut illi morem gereret uſquequaque: aliæque quamplurima adiecimus, quæ ſciens prætereo, ne ſurgat opus in Iliada magnam. Profectus eſt itaque mancipium Nigrita comite: & ut breue faciam, principi noſtro nomine cuncta expoſuit. Quo effectum eſt ut maximam cum principe amicitia conflauerimus, permutauimꝯſque plurima. Dedit enim pro noſtris mercimoniis mancipia, & auri quidpiam: aurũ tamen ibi infra famam nominis reperimus, utpote qui audiueramus regionẽ huiꝯſmodi ſcatere auro plurimo. Inuenitur quidem aurum: uerum magni penditur ferẽ ut apud nos: ſciunt rem præclarã eſſe, licet cum rebus minimis permutent: quæ ſi à nobis conſiderẽtur, ſunt profecto uiles: apud eos tamen ſunt in pretio non mediocri. Id efficit regionũ uiuendi uaria conſuetudo, ibi etiam ſtetimus ad dies ferẽ quindecim. Interea ibant cateruatim Nigritæ ad claſſem noſtram, loco miraculi noſtra & nos ducentes: nonnulli ut permutarent ſua: alii ut rem non uiſam prius conſpicerent: accedebant aliqui, ut fuſaras uenderent, id eſt genus mercis cottonum, & eius filum, & tunicas ex eodem: hæc erant multiiugi coloris, ut ſunt punicei & albicantis, necnon uermiculati coloris. Ferebant & feles propẽ omne genus: quandoquidem ea regio ſcatet animalibus huiꝯſmodi, uendũtque pretio uiliori, ut puta marchetis decem, non tamen ipſa pecunia: ignorant enim omne genus pecuniæ: uerum re quapiam, quæ decem marchetorum pretium non excedat pro fele quolibet. Adducebant & alia quamplurima, ut ſunt pelles felium, & caſtoreum, & id genus alia dabant unciam caſtoarei, id eſt muſcati, pro re pretii marchetorum quadraginta, uel ad ſummum quinquaginta: non tamen pondere aliquo permutabant: nam omne genus ponderis neſciunt: uerum ſi res data ſpectetur, uncia pondus expleret



expleret. Ferebant inter alia cariotas, id est, dactylos palmarum fructus, & fructuum genera omnia. Ex his nonnulli syluestres erant, non tamen insuaues: ego tamen his abstinui metu profluuii corporis: soluunt enim mirum in modum aluum. Itaque ibat ad nos quotidie frequens hominum turba, nec idiomatis unius: uarium erat linguarum genus, nec desinebant uecti cymbis suis (almadias uocant) ultro citroque commeari flumen sulcantes, traicientes de loco ad locum, modo huc, modo illuc uecti, ut apud nos in quibusdam fluminibus est uidere, ut puta Lugduni Galliarum urbe in Arari flumine placidissimo: uerum omnis eorum nauigatio remigiis absoluitur: his mirum in modum stantes naues impellunt: utrinque in puppi plus remigum maior est numerus, modo hinc, modo illinc, ut medio æque utrinque librata naus incedat, in neutram partem magis declinans. Stantes itaque remigant, ui lacertorum nullis inhærentibus remigiis. Verum sic fabricantur remigia. Habent lanceam longitudinis passus unius & dimidii, in cuius summitate alligant asserulam quandam teretē, uti nos in mensa utimur pro patinis, cum loco argenti uel stagni ligna succedunt, frugalitate, uel potius pauperie suadente: hoc instrumento nauigant, & quidem citatissime: almadiæ suæ à latere semper littus haudquaquam deferentes, finitque ibi paruorum amnium ostia complura, quæ exonerant in mare: his se committunt tutius, nec multum ab regionibus suis recedunt, ne ab suismet Nigritis corripiantur, & captiui facti demum pro mancipiis uendantur Christianis. Dum itaque illic mercamur cum Nigritis, ægrotare nostri cœperunt febre adrapida & calidissima: propterea ut nostris confuleremus, protinus illinc soluimus, rursus ad ostium dicti fluminis reuertentes.

De syluestribus elephantis, & quomodo capiantur.

Cap. XLIII.

DE REBUS huius regionis quæ referri possunt à nobis, qui eas uel subieciimus oculis, aut à fide non indignis accepimus per id tempus, quo illic fuimus, de fide ipsorum potissimum auspicabimur. Idola igitur summopere colunt ritu multiplici, fidem non mediocrem fascinationibus adhibentes: patrant & alia innumera dæmone suadente: deum tamen norunt, licet cognitum non obseruent: alii Mahumetem spurcissimum uenerantur, & hi ut apud nos Aegyptii populi uagantur extra solum patrium: & in primis apud Mauros degunt: incolæ uero regionem non excedunt suam. Viuunt ut Nigritæ regni Senegæ prædicti, & ferè eisdem cibus aluntur. Id plus habent, quod orizam uberius ibi legunt: quoniā in regno Senegæ non nascitur. Vescuntur canibus, quod nusquam alibi comperimus. Vestiuntur cotoninis: at Nigritæ ferè in uniuersum nudi incedunt: nam apud illos maior est cotonorum copia. Mulieres uniformem habent habitum: prius tamen quàm adolecant, corpora compungunt stigmatibus nonnullis, quæ igne inurunt, ut perpetuò remaneant. Notæ huiusmodi præsentant ornatum quendam factum in sindone opere polymito ex serico contextum, coloris multiplicis. Plaga est admodum torrida: & quanto accedunt magis ad Austrum, eo plus sunt exustiores: & cum primis secus flumen calor grassatur eximie ob arborum frequentiam: Nam æstus ubi exhalare nequit, urget magis. Arbores uero ibi sunt tantæ magnitudinis, ut earum ambitus sit pedum XVII, licet eminentia d. ii.



Gnumimēsa

Velocitas ele  
phant.

altitudinis non quadret magnitudini: non enim altius tolluntur quam pedes  
 XX, cariosæ sunt tamen, & sine senectâ, ut euenit annosis arboribus, siue carie  
 quapiam commaculatæ erant & corrosæ. Aiebant etiam incolæ multo eminenti-  
 ores arbores in regione huiusmodi esse: faciuntque hæ arbores, ut non difficul-  
 ter credamus terram illam feracissimam fore: quoniam ubi arbores adolescunt  
 in tantum incrementum, regio haud dubie non potest esse non irrigua. Fert  
 etiam hæc regio elephantes, sed sylvestres, neque ibi cicures fiunt aut doman-  
 tur, ut alibi gentium. Vidi ego aliquando quatuor ex huiusmodi nemus egre-  
 dientes, quos ubi sum è naui speculatus ego & focii complusculi, exiliuimus è na-  
 ui contendentes ad eos: qui ubi nos conspexere, mox nemori sese dedidere. Vi-  
 di & exanimatum elephantum, quem occidi iusserat princeps quidam dictus  
 Gnumimēsa, in gratiam meam. Is princeps accola est ostii fluminis Gambræ;  
 & profectus est uenatum concomitantibus compluribus Nigritis, biduo ferè  
 continuo. In hoc igitur uenatu oppetiit prædictus elephas. Pedites exeunt ad  
 uenationem, arcubus & machæris armati, & sua arma omnia illinunt uene-  
 no præsentaneo. Nec id uos lateat, hos populos elephantos in nemori-  
 bus uenari, ubi cœni plurimum cernitur: Nam id genus animalium suapte  
 natura ut sues in cœno uoluantur creberrime. Hi itaque Nigritæ pone ar-  
 bores delitescunt, ac prætereuntibus elephantis sagittas & uenabula infigunt,  
 saliuntque miro modo de loco in locum, ab una arbore ad aliam, donec feri-  
 ant elephantum: qui cum maxima mole prægrauetur, nequit insidiantis ictus  
 uelocissimos deuitare. Si tamen id tentarent in locis apricis & patentibus Ni-  
 gritæ, in eis potissimum ubi nullæ uisuntur arbores, non euaderent profecto  
 uires elephantorum: quandoquidem nullus hominum tantæ pernicitatis in-  
 uenitur, quem mox elephas non comprehendat etiam non currens, sed gra-  
 datim incedens: id efficit animalis uasta magnitudo, & ubi usu euenit, ut ira-  
 to omine elephas in agris patentibus hominem sit consequutus, non euadat  
 quidem: nec aliter lædit quam promuscide: manum appellant. Hac itaque ho-  
 mines corripit circumamplexu, & adeo iacit in sublime, ut sæpenumero cor-  
 repta hoc modo prius efflent animam, quam terram contigerint. Hæc elephan-  
 tis promuscis non multum absimilis labro fuillo. In hoc differunt, quòd huic  
 ea est uolubilis ad nutum, ut modo uibret, modo pro libito retrahat. Id à com-  
 plusculis Nigritis accepi: non efferantur tamen, nisi prouocati: nec hominem læ-  
 dunt, nisi prior iniuriam intulerit ipse. Vidi ego aliquando illic occisum ele-  
 phantem perquam mediocrem, cuius dentium amplitudo palmos ternos ex-  
 cedebat: eminebant ad duos palmos: uerum palmus contactus carne maxillæ  
 immergebatur, ut totus occultaretur, ut sunt aliorum radices dentium: & quo-  
 niam eorum senectâ dentibus cognoscitur, aiebant argumēto dentium amplitu-  
 dinis feræ despicabilis, ipsum haudquaquā annosum fore, si conferatur cum aliis  
 proceribus, quorum dentes tantæ sunt magnitudinis, ut uicem postium sup-  
 pleant, & pro palis sepes muniant, teste Plinio: & ut ipsi referebant, nonnullis  
 eò amplitudinis crescunt dentes, ut duodecim palmorum mensuram excedant:  
 & licet præfecerim, hunc elephantum, si spectentur cæteri, minime fuisse  
 conspicuum: erat tamen tantæ proceritatis, ut unus plus carniū haberet,  
 quam



quam tauri quinque nostri . Donauit me igitur hoc elephanto princeps eo pacto, ut tantum carniū assumerem, quantum libuisset, reliquum uero uenatoribus impartirer: quoniam illi in cibatu elephantos gratissimos habebant. Inuitabar propterea identidem ab eis, ut & ego carne huiusmodi uescerer. Iussi igitur partem animalis concidi in frusta, & ad classem deferri meam, moxque ahenis excoqui subiecto igne. Alii aliam partem torrebant, perinde ut & elixum & tostum comederim: non quidem uoluptatis, quæ nulla erat, sed experientiæ causa, ut iactare possem me aliquando esitauisse eas carnes, quibus conterranei nunquam uesci consueuere, hæc summa est, carnibus uidelicet huiusmodi me minime delectatum fuisse . Insuauis est gustu & asperrima, duræque nimium. Tuli etiam ad classem promuscidis partem, id est manus elephantis: euulsi etiam ab eo pilos, qui nigricabant, & quasi duorum palmorum mensuram excedebant; erantque amplitudinis haud contemnendæ . Hos igitur, & carnis nonnihil in Hispaniam detuli, & omnibus principem Don Hurich prænominatum donauit, qui hæc omnia loco præclari muneris excepit, ueluti rem nouam, & hominibus regionis illius hætenus incognitam: nam hunc principem delectabant eximie, quæ ab remotioribus partibus orbis deferebantur: & in primis obseruabat uir princeps, ut earum rerum fieret perticeps, quæ opera sua & diligentia sompta fuissent.

De tibiis elephantis, & cabalino pisce,

Cap. XLIII.

NOVERITIS igitur, elephanti pedem teretem esse instar pedis equi obrotundum circumquaque, uerum ex callo nigerrimo amplissimoque, inque pedis callo ungulæ quinæ in una parte pedis: ea uidelicet quæ proximior est plantæ: nam singulæ ungulæ grossiori argentei mensuram haud excedunt: licet parui elephantis occisi pes esset: uerum planta pedis eius unius palmi & medii excedebat latitudinem, pro quadrata qualibet parte: quoniam, ut præfeci, pedes habent obrotundos, ut sunt apud nos lignei asserculi, quibus in mensa uiri frugi utuntur: Galli transciu, nos talieros siue orbes appellamus. Donauit me præfatus Nigritarum princeps pede elephantis alio, cuius planta mensuram trium palmorum superabat: id egomet sum metitus astantibus complusculis, eandemque latitudinem omni ex parte habebat. Donaui igitur principem rursus hoc pede, & dente palmorum duodecim, mire à natura exornato. Hæc itaque omnia princeps prædictus ceu rem præclaram mulieri ducissæ Burgundiæ dono dedit. Nec est quod credant aliqui elephantū non habere plicatiles tibia: quoniam falluntur plurimū: nam plicant genua ut cætera animalia, & pro libito humi se prosternunt, & surgunt cum libuerit, contra quorundam opinionem. Flumen itaque Gambræ, & eius regionis complures omnes calcatricem nutriunt, & in primis piscem miræ naturæ, instar uituli marini, ni caput equinum haberet. In hoc tamen uitulum marinum imitatur, quod uidelicet modo aquaticum, terrestre modo est animal; utroque elemento uiuens: uastum corpus habet, ut bos scemina quæpiam: licet crura sint multo graciliora: bisulcos habet pedes, & ut dictū est, caput non absimile equo: dentes duos habet, hinc & hinc proeinentes, ut est uidere in apris: suntque hi dentes tantæ magnitudinis, ut duorum palmorum



impleant mensuram. Egreditur interdum hoc animal flumen & terras petit, ut quadrupedia: nec alibi quàm hic huiusmodi piscis inuenitur. Apud eosdem Nigritas reperiuntur uespertiones & noctuæ magnitudinis trium palmorum, & multiplicia auitiorum genera, quæ præsertim à nostris non mediocriter differunt. Sunt & innumeri psitaci, & pisces complurculi nostris prorsus absimiles cum gustu, tum etiam forma: in cibatu tamen haud insuaues.

De flumine Casamanse, & capite rubro.

Cap. XLV.

EFFECIT igitur nostrorum aduersa ualetudo, sicuti retuli in superioribus, ut operæpretium fuerit mox ab regione principis Batrinense abire: quare illinc soluentes, breui flumen euasimus. Cum igitur superauissemus flumen dictum, & annonæ omne genus plurimum nobiscum haberemus, uisum est fore laudabile, si ultra dictum flumen uela faceremus: ad id accedebat maior solito securitas, utpote qui ternas naues habebamus: & dum hæc tractamus, quadam die circiter diei horam tertiam uela dedimus felicibus uentis: quia uero uix euaseramus sinum Gambræ, & ab ea parte continentis, qua dominatur Notus siue Auster, mare sæuiebat magis, nos Occidentem uersus Zephyro prouehebatur abeuntes à continente: terra tamen quam deseruimus, erat æqualis admodum, & innumeris scatebat arboribus: uerum ubi altum tenuere rates, mox apparuit angulus quem dicta terra faciebat, haudquaquam dignum memoratu, cum in eo nihil foret conspicui: & id pro comperto habuimus: ilico ultra dictam frontem instar anguli omnis littoralis plaga nobis sese uno intuitu præsentabat. Nauigabamus igitur discedentes ab ea quantum poteramus: quoniam allatrabat eam undabundum ac atrox mare introrsus ad quatuor miliaria. Certiores de hac re nos reddebant duo homines in prora speculæ fungentes officio, necnon alius in celso naui malo, qui prædicebat scopulos, & alia discrimina maritima, ut sunt breuia & syrtes, & in mari terras ab aquis desertas aliquando, ficas appellamus. Interdiu solum adnauigabamus, uix uela facientes, ne in scopulos incideremus nolentes, noctu semper pauentes custodem habebamus uigilem: ibant nostræ celoces continenter, id est, mox post alteram altera, iactis fortibus, quis præcedere deberet: nam quisque alium præmittere uoluisset: uerum ne quis ferret grauatim frequentius quàm cæteri subire pericula, alternatim id præcedendi officium nauabamus. Igitur à latere regionis prædictæ iter facientes, ita tamen ut terram conspiceremur usquequaque, die tertio postquam illinc solueramus, peruenimus ad ostium fluminis cuiusdam non mediocris, quod patebat quingentis ferè passibus: & procedentes quasi ad occidentem mox reperimus paruum sinum quendam: ubi ancoras iecimus, cum iam aduesperauisset. Cum uero illuxit, uela dantes uentis, dum insinuamur nonnihil cedentibus terris, ecce ostium alterius fluminis, quod magnitudine cum illo Gambræ fluuio propè contendebat: in cuius ripis utrinque arbores conspiciabantur innumeræ: & quoniam uisa est plaga ferax, illi appropinquare decreuimus. Ostio igitur applicuimus, & quisque nostrum cymbas emisit suas, necnon & Turcimanos, qui & interpretis & exploratoris uices supplebant aliquando, prout & tempus & loca exigebant. Hos igitur emisimus, ut terram & mores hominum ac flumina;



flumina, & siquid ultra dignum erat scitu, explorantes nobis referrent. Profecti igitur, & dicta exequentes redire, id noui afferentes, flumen uidelicet uocari Ra. ditionem esse principis Casamāsæ Nigritæ qui interiora fluminis incolebat ad triginta miliaria: uerum principem domo per id tempus abesse, & bello uacare contra uicinum regulum. His itaque cognitis, die sequenti illinc abiuius. Nec præteribo sinum hunc Casamariam abesse à sinu Gambraë ad leucas ferè XXV. quæ miliaria centum efficiunt.

De fluminibus ibidem repertis, & gentibus.

Cap. XLVI.

CVM à flumine memorato recessissemus, littori semper inhaerentes, ad quoddam caput deuenimus, nostra sententia à prædicto flumine distans miliaria XX. & id caput eminentius est nonnihil si terræ circumadiacenti cōferatur: & quoniam in fronte præferebat terram rubram, Caput rubrum nuncupauimus: & rursus superato Capite, nauigantes deuenimus ad ostium aliud fluminis patens nostro iudicio iactu arcus, quod prætereuntes ibi nihil immorati, sinum sanctæ Annæ appellauimus, & persequuti iter nostrum, peruenimus ad flumen aliud haud impar illi sanctæ Annæ, & hoc sinum nuncupauimus sancti Domini. Is abest à Capite rubro miliaria fere LX. Illic abeuntes nauigando semper à latere post unius diei nauigationem deuenimus ad uastissimum cuiusdam ingentissimi fluuii ostium, quod primo conspectu censuimus sinum esse quempiam. Verum quoniam altrinsecus conspiciabantur arbores innumeræ Austrū uersus præsertim, flumen esse cognouimus: nam ostium fluminis patebat ferè miliaria XX. Triuius igitur tempus traiciendo dictum flumen, & ad ulteriorem ripam deuenimus: mox apparuere insulæ quædam. Decreuimus propterea illinc prius haud quaquam soluere, quàm de regione comperti aliquid habuissemus. Iactis itaque ancoris, stationem inibi fecimus nostram: & ecce sequenti mane almadiæ duæ ad nos citatissimo gradu contendebāt, quas ut uidimus, pauere cœpimus, & resumptis animis, ad arma concursum est, ut si forte uenissent uim illaturi, non inermes deprehenderemur: non prius tamē appropinquauere nobis, quàm erecta hasta quapiā, cui adligauerāt sindonem albam, ut securitatē accedendi peterent. Signo huiusmodi hoc uiso, & nos idē dedimus concordiae signū: quo conspecto Barbari accessere propius, & in primis maior almadia celoci meæ appropinquat, nōsque lumina nusquā deflectentes contuebantur, uiros albos admirati, nauēsque nostras mirari non desinebāt, malūmq; & antenam, res illis incognitas conspectabant prope stupidi. Quare percupidus ego noscere gentē, & ad mutua colloquia descendere, monui mancipia nostra, ut compellerent hos Nigritas. Verū lusere operam loquendo, quoniā nusquam nostrā linguam intellexere, minūsq; nosipsi eos intellexeramus: quod summo opere displicuit. Illinc igitur soluimus, ubi sciuius nos terere incassum tempus: decreuimus conducibilius fore, si gradū referentes ultra non progredieremur: quandoquidē quanto magis ultiores plagas adiuissemus, tanto minus eorum idiotis capaces eramus, nullāq; commercia sperabamus, ubi sermonis mutui copia non dabatur, reluctante natura. Hæsit itaq; cordi nobis regredi, & lares patrios repetere: non prius tamē illinc abiuius, quàm merces nonnullas cōm-



tauerimus biduo in ostio fluminis commorati. Vidimus etiam ibi Septentrionē prope terram contingere, adeo deprimebatur. Deprehendimus etiam ibi naturā quādam pugnātia, quā nusquam comperimus, ubi Christiani degunt, aquā uidelicet crescentem, decrecentēque decremento, auctūque imparibus. Nam Venetiis, & alibi gentium, mare flat horis sex, & in totidem reflat, id est, crescit & decrescit paribus spatiis. Illic uero increscit mare horis quatuor, & idem decrescit horis octo, idque fit impetu tanto, ut non sit satis existimare an res creditatem omnem superet, adeoque mare sauebat, ut tribus ancoris iactis, ex protra irreuocabili ferē pondere, ne sic naues sisti satis poterant: & usu aliquādo euenit, ut atrox tempestas eò discriminis nos adduxerit, ut ui coacti fuerimus uela facere non sine discrimine uitæ, quoniam maior feruor & æstus procellosi maris erat quā uis uentorum.

Quomodo illinc soluimus ob id quod idioma nesciebamus.

Cap. XLVII.

ABIVIMVS itaque ab ostio huius uasti fluminis, ut rediremus Hispaniam, iter facientes per has insulas, quæ à continēte per miliaria fere triginta absunt, hæ enim sunt numero quatuor: duæ maiores incoluntur à Nigritis, solæ sunt non inæqualis, nec eminentis: uerum depressi admodum: inque eis arbores magnæ proceritatis: nulla etiam ibi sermonis commercia fuere, quia alter alterum haud intelligebat. Inde igitur soluentes, uersus patriam contendebamus, quò deo miserante breui peruenimus laboribus innumeris superatis.

LIBER SECVNDVS NAVIGATIONIS  
ex Vlisbona usque Calechut, Traductus ex idiomate Lusitano, in Italicum sermonem.

Cap. XLVIII



VICQVID ego uidi accepique ab aliis per id tempus, quo eas partes adiui, id totum retuli in superiore tractatu: uerum post me easdem partes adiuere complusculi, & compri- mis Portugallenses, qui orbis explorandi causa ab eorum rege ex composito missi fuere: nam fato iam functus, suo principi infanti Don Hurico rex Lusitaniæ celoces duas expedit, duce Petro Sinzia alumno præfati principis: huic princeps iussit ut totum latus Nigritarum excurreret, & nouas regiones adiret. Hunc igitur Petrum classis præfectum concomitatus est adolescens quidam, cum quo mecum maxima intercedit amicitia, quique dum peragraui easdem partes, amanuensis meus fuit. Cum itaque redirent præfatæ celoces, ego Aloysius Cadamustus concesseram eò loci, qui dicitur Lachus, non longe à Sacro promontorio Lusitaniæ, aliter dicitur Caput sancti Vincentii. Dum igitur illic agerem, ecce dictus Petrus præfectus classis & amicus ille meus diuerterunt in ædes meas, qui abs me amice excepti, omnem suam nauigationem sedulo exposuere, locaque, & quibus nomina indidissent haud reticuerūt, explicantes singula ex ordine, prout in sequentibus mox colliquescet, & in primis sunt orsi à sinu Magno, quem nos adiueramus.

Primo



Primo loco itaque dictus amicus referebat se lustrauisse duas memoratas magnas insulas, quas cultas esse asseuerabat, & in primis ad alteram illarum propius accedentes, cum incolis Nigritis colloquuti sunt, licet alterum alter haud intellexerit: uisere tamen eorum domos, quæ sunt mapalia, id est ex paleis humiles casæ, pastorales domos appellamus, inibique colossos & statuas ligneas idolorum comperere, quibus satis ac super cognouere eos idolorum seruituti esse addictos. Vbi igitur nihil consequi ab eis potuere linguæ difficultate, illinc abiungere iter suum persequuti à latere semper, donec deuenere ad ostiū cuiusdam magni fluminis, quod, ut aiebant, patebat longitudine trium uel quatuor miliarium, aiuntque dictum flumen abesse à sinu Magno, cuius meminimus, miliaria fere quinquaginta, per latus semper: affirmabātque dictum sinum uocari de nomine cuiusdam reguli dicti Besegne, cuius regio adiacet dicto fluminis ostio. Denique abiuius à fluminis prædicti ostio, à latere semper maria sulcantes, quoad peruenimus ad quoddam Caput, quod Verge appellant, cuius plaga asperatur montibus, non tamen multum attollitur, distātque eorum sentētia, flumen prædictum à Capite huiusmodi miliaria fere centum & quadraginta. Sūntque in his montibus arbores prope innumeræ, sua uiriditate uoluptatem contuētibus etiam eminus afferentes: procerae igitur sunt, & conspicuæ admodum.

De Capite Sagres, & aliis tribus, ac de nominibus ingentiū fluminū. Ca. XLIX

SUPER AVERE igitur dictum Caput Verge, à latere semper nauigantes itinere miliarium LXXX. Et ecce aliud Caput apparuit eminentius eis omnibus, quæ unquam uiderant ipsi, nam tollitur in sublime supra omnem æstimationem, & acuminatur instar adamantis, scatētque multiūgis arboribus, huic nomen indidere Sagres, in memoriam eius arcis, quam in fronte promontorii Sacri princeps infans beatæ memoriæ condi iussit, quam appellauit Sagren. Hanc Lusitani Caput Sagres de Signea appellant, addebātque nauiculi memoratos populos idolorum latræ plurimum uacare, argumento imaginū lignearum, quas colunt impense, nec prius discumbunt cibum sumpturi, quam dapes obtulerint suis idolis. Sunt nigri, & ferro candente notas & stigmata inurunt corpori, præsertim in fronte: hi tamen citius in subcinericium colorem inclinant quàm in nigrum: pro subligariis, quibus pudēda contegunt, libris utuntur arborum, cætera sunt nudi, arma habēt nulla, quia ferro carent. Viuunt oriza, melle ac leguminibus, fabis uidelicet & fasilis nostris non absimilibus, licet elegantioribus, carnibus uescuntur uaccarum, caprarumque: non tamen ad satietatem, quoniam nec huiusmodi abundant. Et ultra dictum Caput aiunt esse duas insulas perquam mediocres ob angustiam illarum incultas: altera illinc miliaria sex, altera octo distat, scatent tamen arboribus: habent etiam illius fluminis accolæ almadias quasdam instar nostrarum maximas, his maria sulcant, hæ enim sunt triginta uel quadraginta hominum capaces: stantes remigāt, ut præfecimus: aures habent circumquaque terebratas foramine multiplici. In his foraminibus appendunt anulos aureos, ut olim margaritas Aegyptii: ferūt etiam appensos anulos naribus, quos haud quaquam detrahunt, nisi cibum sumpturi. Itidem agunt & foeminae: id plus habēt mulieres principum & optimatum, quod perforata circumferunt labra. Inque eis condalia, anulorum genus, ut alii Mauri gerunt, adimuntque pro arbitrio, & id est principatus uel magnæ



claritudinis specimē præclarum. Ultra dictum Caput Sagres ad miliaria ferè XL, inuenitur alius sinus dictus nomine sanctus Vincentius, cuius ostium patet ferè miliaria quinquaginta, secus latus prædictum. Est alter sinus dictus Viridis, magnitudine excedit signum sancti Vincentii. His fluminibus & finibus indidere nomina Lusitani nautæ, quos rex Portugalliæ eò miserat explorandi orbis gratia. Regio est tota implicata montibus, unde & amnes, & parua flumina compluscula deriuantur, redduntque irriguam terram, nec peragratu est difficilis. Ultra dictum sinum Viridem ad miliaria circiter CC & quatuor aliud Caput apparet quod Lætum appellarunt, ob apricitatem regionis, quæ à dicto Capite auspiciatur. Post hoc caput mons est eminentissimus, totus arboribus confitus iugiter uirentibus. Superato dicto monte introrsus mare ad octo miliaria uisuntur insulæ quædam paruæ, quarum maior ambitu patet miliaria quasi duodecim, hanc Syluestrem appellarunt, montem Leonem dixere: huic succedit ima, sed patens regio tota harenis strata, ut plerunque in littore maris est propter fluxum & refluxum iactabundi sali. Cum uero præteriueris montana Leonis, mox fluuius labitur ingens, cuius ostium circuitu patet miliaribus fere tribus: hunc fluuiū Rubrum appellarunt, ducti hoc argumento, quòd terra erat rubra, & in eundem colorem aquæ, quæ solent esse cerulei coloris, inclinabant: huic flumini adiacet promontorium, quod de nomine fluminis nuncuparunt, eisdem moti causis. Contra autem dictum promontorium uisuntur duæ insulæ pari nomine nuncupatæ, & inde Septentrio uisitur, non plus distans à mari quàm hominis mensura, adeo ut uideatur contingere aquas. Distat autè ostium prædicti Rubri fluminis ab hac insula miliaria quasi decem. Superato monte Rubro tellus se sinuat admodum aquis impellentibus, & fluuius ingens, quem appellarunt sinū sanctæ Mariæ niuis, quoniam ea die quæ est Virgini beatæ celebris, quia in exortu Canis, cum candens sidus dominatur plurimū, conspectæ fuere niues, fluuius huiusmodi repertus est. Ab altera parte fluminis est frons quædam è regione, cuius paulum introrsus mare est quædam insula, ubi mare harenam emittit, & efficit breuia innumera, estque procellosum admodum, ob montes adiacentes, & exonerantes in id fluuios, propterea insulam dixerunt Scamnorum, quoniam sic egestæ harenæ referunt scamna, & abacos, ut dictum est abunde superius. Ultra dictam insulam eminet Caput magnum, cui nomen diuæ Annæ indidere, quoniam ea die est repertum. Abest autem promontorium huiusmodi à dicta insula miliaribus XXIIII.

De flumine Palmarum, & aliis compluribus.

Cap. L.

VLTRA itaque dictum flumen sanctæ Annæ ad miliaria ferè LXX per latus inuenitur aliud flumen, cui ob copiam palmarum nomen à palmis inditū est: ostium autem huius fluminis licet uaste pateat, est tamen repletum harenis, & breuiis, quæ quasi inaccessum ipsum faciunt, quoniam non superatur absque magno discrimine. Item abest Caput sanctæ Annæ ab hoc flumine miliaribus prope LXX, totūque littus est aridum, & nullius ferax, licet pateat plurimum. Ibi etiam inuenere aliud flumen, quod appellarunt Sinum fluminum, argumento, quòd quando repertū est id flumen, conspexere innumeros amnes, & aquarum



rūm decursus incolarum arte factos. Supra dictum flumen ad miliaria XX III, per littus semper, caput quoddam inuenitur, & in mare multum eminens, inq; eo mons peraltus: hoc promontorium appellarunt Caput montis. Ultra quod progrediendo ad sex miliaria, inuenitur aliud paruum Caput, neque eminens, & in eo paruus admodum mons, quem Cortesium nominarunt. Ibi igitur collucentes ignes quamplurimos uidere, præsertim super arbores, & in littore uasto: nam hos accenderant incolæ regionis, ut eminus nos ueluti è specula conspicerent: erant enim illis nostra nauigia hætenus incognita. Superato dicto Capite, secus littus neniū condensissimum conspicitur, cuius arbores maris aquas obumbrant, adeo ipsi mari adiacent. Post hoc nemus apparere quædam almadiæ, & in qualibet illarū uiritres nudi, qui pro armis clauas quasdam gerebant: nam hæ clauæ referebant suo modo tela: habebant etiam cultellos paruos in manu, & clypeos duos, arcus uero tres. Hi igitur celoci appropinquauere, auribus & naribus perforatis, alii habebant dentium humanorū torquem collo dependentem: hos compellare & alloqui uariis interpretantibus mancipiis cœpimus: uerū licet Turcimani nostri forent Nigritæ, & uarias nossent linguas, nusquā tamen consequi potuere, ut mutuo se intelligerent: & quanuis alter alterū intelligere nequiuerit, tres tamen ex illis ingressi sunt nostras celoces, quorū unum cepimus ducendum ad principem, quoniam rex iusserat, ut quoties euenisset, ut ultra progredi nauigando complacitum nobis non foret, ex ultima regione quam adiuissimus, uirū quempiam ui uel amore abduceremus. Vt itaq; dicto principis pareremus, hunc ui abduximus Vlisbonam, quem alloquutus est mancipiorum Nigritarum genus multiplex. Sunt enim Vlisbonæ propè ex omni genere mortales complusculi: propterea sperabat princeps se abductum uirum per diuersa mancipia posse de rebus nouis percunctari. Cum igitur tentassent omne genus linguarum, ut caput Nigritam intelligerent, uicissimque intelligerentur, nullus unquam est id consequutus, præter scēminam Nigritam, quæ addicta erat seruituti cuiusdam patricii Vlisbonensis. Hæc itaq; uirum huiusmodi intellexit, & mutuo fruebantur colloquio: nec est consequuta decus huiusmodi idiomate proprio, uidelicet patrio, uerum lingua quadam media, quam uterque probe callebat. Igitur interprete scēmina huiusmodi nihil noui habuimus, præter id, quod in ea regione unde abduxeramus uirum hunc, unicornes uiui reperiabantur, & aliæ res quamplurimæ. Quare cum dictus princeps hominem domi tantisper habuisset, donec uir edoctus est res regni sui præclaras, denique decreuit eum missum facere, prius datis homini nonnullis muneribus, quæ ipse petierat. Expedita itaque celocē iussu principis, hic Nigrita patriæ restitutus est honorificentissime. Ultra igitur hunc locum unde abduxeramus uirum huiusmodi, nemo est adhuc progressus usque ad eum diem quo ego solui ab Hispania, qui fuit M. CCCCXCIII mensis Februarii primus. Cæterum nemori prædicto nomen est inditum sanctæ Mariæ finis: Nec id prætermiserim, quod die septima dum redirem secus littus nauigans, uidi Caput Album, quo postera die superato circiter meridiem in mari apparuit belua immanissima, habens effigiem piscis, quæ in nos gradu citatissimo contendebat: hæc à nobis in prora existentibus conspecta est ilico, quam ut uidimus, cœpimus trepidare, quippe



qui uastiolem nusquam uideramus . Ibat igitur belua huiusmodi tanto impetu ac fragore, celsæ capite, ut nos perterrefaceret plurimum : quare in re subita præsentaneum cepimus consilium: decreuimus propterea nobis fuga consulere. Datis itaque uento uelis quàm celerius potuimus, altum petentes, euasimus discrimen deo fauente. Præuentus est ergo piscis huiusmodi spatio unius miliarii : nec propius accessit: tunc est à nobis conspectus ad regulam, nam diligentius formam beluæ considerauius. Cum enim caput supra aquam efferebat, uidebatur alas quasdam habere instar alarum molendini, quod uento circumagitur, ubi non adest aquarum copia. Ob id, nostra sententia, uisa est belua non minor liburnicis, id est, galleis nostris. Quam ob rem Hispani omnes qui assueuerunt magnis nauigationibus, fatebantur ingenue, nunquam uidisse atrociorē uastiorēue beluam, quam tantopere formidauissent: licet innumeras uidissent balenas. Confessione igitur eorum hæc belua balenam superat magnitudine.

De digressu & regressu Lusitanarum nauium.

Cap. LI.

NAVE S igitur quas misit serenissimus rex Portugalliæ, hæc fuere, primotres, quarum duæ doliorum XC capaces erāt, baloneros appellant, aliæ uero doliorum L. postremo nauem onerariam mediocrem, que annonam omne genus uehebat. Hæ igitur omnes ferebant homines supra centum & octuaginta. Soluere enim ab Vlisbona nona Iulii M. CCCXCXVII duce Vasco de Ghimam. Decima uero Iulii M. CCCXCIX nauis quæ tulerat dolia L, Vlisbonā rediit: præfectus uero classis ad quandā insulam Capitis uiridis applicuit, ut germanū suum, qui graui ægritudine adflictabatur, in terram exponeret. Altera nauis retenta doliorum XC capace, aliam uero combussit uirorum penuria, & alterā quæ uehebat annonam, rogo demandauit, quoniam etiam digressuri domi decreuerāt, ut ea non rediret.

De Melindæ regno, & de urbe Calechut, ac aliis compluribus locis.

Cap. LII.

CVM ITA QVE rediremus domum, erant nobiscum homines circiter quinquaginta quinque, qui multiplici genere morborum adflictabantur: aliis & ora, & fauces morbus corripuerat, aliorum crura ac genua, tabe, sanie, uel adrapido dolore labefactauerat iugis ægritudo. Nouas igitur regiones plus solito adiuuamus ad leucas ferè octingētas. Ultra uero compertam regionem, ubi Caput bonæ spei usque ad cognitam plagam tempore regis Don Ioan. superaruntq; dictū Caput spei leucis ferè sexcentum, à latere semper populi sunt Nigritæ: & peractis dictis sexcentum leucis, mox apparuit flumen ingens, cuius in ostio est frequens uicus Nigritarum, qui quasi eis Mauris subiiciuntur, qui introrsus degunt, Nigritis bella inferunt assidue. Dictum flumen auro scatet ingētissimo, ut referebant accolæ fluuii: rogabant nos propterea, ut illic nouam lunā opperiremur, & pro mora pollicebantur auri plurimum. At præfectus classis sistere gradum noluit, sed progredi celerrime cupiebat. Progressi itaque ad leucas trecentas quinquaginta, nacti sumus urbem circundatam muro, cultāque à populis, Indis haudquaquam absimilibus, domus ibi ex lateribus & calce pulcherrimæ, ritu maurico. Appulimus tandem his oris, & à rege Mauro perbenigne excepti



excepti sumus, à quo consequuti fuimus itineris ducem, pilotum appellant. Traiecturi eramus sinum quendam, cuius naturam ignorabamus: urbs Melindæ appellatur, in ingressu ostii sinus sita est, quem sinum altrinsecus Mauri innumeru uicatim accolunt. Is igitur pilotus linguam Italicam probe nouerat. Superauimus igitur sinum traiectu leucarum septingentarum: & tandem deuenimus ad urbem Christianorum pergrandem, quæ magnitudine superat Vlis bonam, Calechut appellant, cuius sinus frequens est urbibus, & oppidiis Maurorum: & in capite sinus sunt quædam angustia maris, ut dicimus strictum Romania. Superatis his angustis, aliud mare occurrit, id est, sinus, mare Erythræum appellant, siue Arabicum: & ab hoc latere domus scelestissimi Mahumetis abest itinere trium dierum, Mecha dicitur, ubi arca Mahumetis, & ibi pæclara ciuitas, à Mauris culta, & mea sententia, is est sinus Arabicus, in quem, ut meminit Plinius, Alexandri Magni & Romanorum arma penetrauerunt, & Romano tandem paruit imperio.

Mecha.

De situ urbis Calechut, & de moribus regis, & de eius regia.

Cap. LIII.

ET VT reuertar descripturus urbem Christianorum Calechut, Vlis bona maiorem esse noueritis. Hæc igitur colitur ab Indis Christianis, qui in eum colorem inclinant, qui est inter nigrum & album, Bigas appellant: ibi templa compluria, & tintinnabula: uerum sacerdotibus & cultu diuino carent, tatum in suis delubris uisuntur uasa quædam cum aquis, tum etiam balsamo plena, omniq; triennio immerfi flumine quodam baptizantur. Is fluuius præterluit urbem, ubi templa ex lateritiis coctilibus calcæque fabricata conspiciuntur more maurico. Diuisas uidebis urbes per uicos & angiportus, ut mos est in Italia, stratas nos appellamus, Galli ruas. Huius urbis regi incredibilis seruitus exhibetur à subditis, uiuit more regio ac sublimi fastu, longum seruorum ordinem post se trahens: admissionales, & ædituos ac cubicularios habet quamplurimos, regiâque pulcherrimam. Verum rex urbe aberat, cum præfectus classis nostræ appulit portum Calechut: qui ubi de eius appulsu certior est factus, mox illinc soluit, agebat in quodam oppido, quod distat à Calechut quinque uel sex leucis. Rediit igitur Calechut uiris ferè quinquaginta concomitantibus: & demum triduo transacto, iussit accersiri præfectum classis nostræ: quem, ubi terram tenuit, illico excepere hominum quinque milia, & ad regiam deduxere principis, uiris duodecim comitatum: cuius fores obseruabant æditui decem, clauas gestantes ex argento faberrime factas. Deinde peruenere ad cubiculum regis, ubi rex iacebat in lecto imo, qui sic condecorabatur: Primo totum cubiculum stratum erat uiridi serico, uillosoque, uelutum appellant: at eius parietes cooperiebantur serico multiplicitis coloris ritu Damasceno contexto: cubile uero instratum erat stragulo albicante, uerum aureis filis intertexto, conopeoque ditissimo inumbrabatur. Tum rex lecto sic est orsus ab imo, Qui mortales forèt, quò nam peterent, auide percunctatus. At nostræ classis præfectus, O rex inquit, Christianorù mos est, ut cum principem princeps per internuntium alloquitur, prius non promat legatus sui principis mentem, quàm astantes paululum secesserint: tunc rex innuit suis, ut parumper secederent: moxque præfectus classis regem his dictis alloquitur,

Velutum.



Regem uidelicet Portugalliae iam pridem compertum habuisse, quanti facundus foret, utpote rex celsitudinis immensae, ac Christiani nominis non contemptor, cupiebat propterea enixe in eius amicitiam, & necessitudinem recipi, si pacis & concordiae supererit locus quispiam: & quod in huius rei certius argumentum, per suum legatum condigne cum saluere iubeat, ut Christiani reges seruant, ut mutuis consalutationibus apprime gaudeant. Rex itaque legationem, & regis consalutationem perquam humane excepit, iussitque uni e summatis locuple-  
tioribus, ut praefectum nostrae classis honorifice domi exciperet, monuitque du-  
cem, ut sereno animo conquiesceret.

De aromatibus & moribus Calechut.

Cap. LIIII.

IN HAC itaque urbe Calechut uisuntur ditissimi mercatores innume-  
rique: hi sunt qui regem tum muneribus tum ingenio sibi conciliant, & ferè pro-  
libito gubernant cuncta. Habent propterea Molcheam in foro, & ibi commer-  
cia exercent sua, plerunque sunt Mauri, uiri acres & exerciti mercimoniis. In ur-  
bem itaque Calechut comportant aromata ferè omne genus, uidelicet cynamū,  
piper, gariophyllum, zinziberim, thus, lacham. Sunt & syluae sandalii conden-  
sissimae, non tamen huiusmodi aromatum genera ibi nascuntur: sed ferè unde-  
quaque importantur, ab insula praesertim, quae abest ab urbe Calechut leucis  
CLX, à continente autem leuca una, in eodem latere ubi sita est urbs Calechut.  
eò itur terrestri itinere XX dierum spatio: incolitur à Mauris, neque Christianis:  
Mauri dominantur, & inde plura aromata Calechut exportantur, quoniam ibi  
est emporium, & eorum statio: potior illorum moneta appellatur saraffi ex au-  
ro obryzo defecatoq;: hanc cudit Soldanus Syriae dominus, pondere nostri num-  
mi aurei, eam granis binis excedunt saraffi: & ibi Venetorum, & Genuensium au-  
rei expenduntur, & moneta parua argentea, quam cudere Soldanum arbitran-  
tur. Ibi etiam sunt panni ex serico omnium generum, cocco alii, alii Tyrio, purpu-  
ra, uel buccino infecti: ibi etiam uidebis byssinum, id est coccum Tyrio infectum,  
& id genus complura sunt, & panni auro intertexti plurifariam, Attalici dicun-  
tur: aera autem fabrefacta, & stannea uasa plurima comperies. Et ut tandem fi-  
niam, ferè ibi nihil desiderant, quod ad humanum cultum pertineat. Et haec  
mea sententia ex Babylonia Aegypti comportantur, Cayrum appellant,

De nauibus quae cauent à magnete, & de pretio aromatum.

Cap. LV.

PORTVGALLENSES in urbe Calechut commorati sunt;  
die decimonono Maii usque in diem uicesimum quintum Augusti: & per  
id tempus uiderunt innumeras naues, ut puta supra mille ac quingentas, quae  
ultra citroque commeant commercii gratia, & praesertim aromatum. Inter  
has naues quae magnitudine alias excedit, non est capax CC doliorum. Earum  
sunt magnae quaedam, nonnullae uero paruae: unum tantum malum habent, id  
est arborem, nec nauigant, nisi uentum habeant in puppi, adeoque aestibus ma-  
ris interturbantur, ut nonnunquam semestri ferè continuo, ut tranquillum fiat  
mare expectent: submerguntur plurimae, & miro artificio sunt fabricatae: sunt ta-  
men



men debiles perinde ut armorū pariter ac tormentorū sint impatientes: quæ uero cōtendunt ad insulas, ut inde cōportent aromata omne genus, fundi sunt perquā mediocris, adeo ut paruo ad nauigandum alueo egeant. Aliæ sunt quæ idcirco absq; ferro sunt, quoniam uim magnetis pauent: nam is lapis uisitur supra diētas insulas, qua iter ipsi faciunt. Dum urbi appellere usu uenerit, illarum statio est in terra, in luto tamen. Id enim curant ex composito, ut tutius degant in arido: cum increfcit mare, dant operam ut eius æstu naues impellantur in siccum, & ibi tantisper manent, donec finitis commerciis soluere illinc complacitū fuerit: mare ibi crescit & decrefcit singulis sex horis, ut apud nos. Visuntur aliquando in sicco naues quingentæ uel DC, que res propè est incredibilis. Ponderus cinnami, id est cantatorum quinque pretium X aut XII ducatorum non excedit, si suam monetam consideres, id est zaraffos, ferè idem pretium erit, ut præfecimus. Vbi uero legitur, minore multo pretio, ut puta sex aureis pondus uenditur cinnami, tantundem uenditur piper, ac gariophyllum: zinziber uero dimidio minus. Lacha autem ferè nihili uenditur, id efficit copia ingens, propterea uilipenditur. Itidem sandalium, cuius nemora uisuntur: pro his rebus nihil præter aurum & argentum, aut choralium recipiunt. Merces uero nostras præter linum paruifaciunt. Linum igitur ibi est in pretio: nam nostri nautæ camisas complures pretio non mediocri uendebant permutatione aromatum: licet ibi tela sit perquam subtilis & candida, quæ, ni fallor, Babylonī, quæ est urbs Nili, quam Cayram appellant, tunditur ut hic. Si soluendum est uestigal, pro centum quinq; soluunt: pretiosos lapides tulere paucos, & eos ferè pretii nullius: quoniam ut uerum fatear, defuit eis aurum & argentum, quibus commercia exercebant. Dicunt etiam subesse aliam causam, cur non tulerint lapides, quòd uidelicet maiore pretio quàm autumauiſſent uendebantur. Itidem de margaritis aiebant, nos tamen secus credimus: sed nobis persuademus eos perquam uili pretio uendi, licet à Mauris emanent, qui semper plus æquo rem æstimant, pròque re una quatuor petunt, procaces nimium: attulere tamen hos lapides, uidelicet berillos, topazios, zaphyros, adamantes & chrysolytos, aiunt tamen præfectum classis emisse lapides pretiosos complures, argumēto quòd omne suum argentum cum lapidibus huiusmodi permutauerit, uidelicet uasa aurea argenteaq; cælata, quæ causa splendidioris apparatus secum tulerat.

De Mecha ubi est arca Mahumetis, & de monte Sinai, & mari rubro.

Cap. LVI.

NAVES quæ comportant aromata omnium generum, inibi plerunque eundem sinum prægrandem traiciunt, quem Lusitani superatis illius angustis cymbis quibusdam, mare Erythræum, id est, rubrum traiciunt: dehinc terrestri itinere ad domum quæ dicitur Mecha, ubi Mahumetis arca uisitur, quæ à litore maris rubri abest introrsus itinere dierum trium. Inde ad Babylonem, id est Chayrum Nili contendunt, transeunt ad radices montis Sinai, & demum per siccam harenam, ubi turbo quandoque adeo sæuit pulueris, ut uento puluis agitatatus uiatores obruat: ita nonnullæ naues circumeunt totum eum sinum: aliæ fluuium illum, ubi comperere gentes multiplices propè Mauris adiacentes, cum

c. ii.



Mastuchi.

Medius.

quibus diutina bella agunt. Reperitur etiam in Calechut uinum maluaticum, quod fert Creta, id est Candia insula: ex Chairō tamen comportatur eò loci. Aiunt etiam quod nunc anni octuaginta faciunt, quibus nonnulli Christiani alibi eò iuere commercii causa: nam hi pileos gerebant in capite albos, oblongosque, ut solent Germani: barba his erat promissa inter nares & os, ut Byzantii mos est aulicis: cætera tonsi: barbæque huiusmodi mastuchos appellant: hæc ferebant uiros loricatos ferreis loricis, ac thoracibus, nostris non absimilibus: hastisque quibusdam utebantur, tormenta etiam habebant, uerum nostris minora: postquam consueuere singulis bienniis semel eò contendere, classem non mediocrem trahentes, utputa nauium XX aut XXV. Hanc gentem incolæ Calechut adhuc nesciunt, mercêsque præter linum quod deferunt candidum subtilissimumque, nauibus malos quatuor habentibus, ut Hispanæ, exportant aromata, eos igitur ex Germania aduenisse minime arbitramur: nam id haudquaquam nos lateret: uerum plus fidei habet, ut sint Tartari è Roscia profecti, ut referunt quidam, qui crebro arant maria: tamen breui speramus huius rei certiores fieri, interprete Medio piloto, qui secum profectus est, nunc apud præfectum classis captiuum agit: nam nolens nauigat.

De cibatu regis Calechut, & eius populis.

Cap. LVII.

AD DICTAM urbem Calechut Christianorum magnam uim tritici comportant Mauri suis nauigiis: una die uiuit homo pane ualoris trium quaternorum, qui tertiam solidi partem complent: panem conficiunt absque fermento, non habent clibanos, uerum sub cineribus, ut nos aliquando placentas torrent, eumque faciunt in diem: oriza abundat, & bobus, uerum nostris multo minoribus, abundant etiam lacte & butyro, Assyriis malis, cæisque dulcioribus, pomisque omne genus cetrinis, aliisque fructibus mitioribus compluribus: Cariotas habent recentes, & passas, & propè fructus omnium generum. Rex eius urbis ab omni morticino abstinet: nam is mos inoleuit apud eos, ut ipse rex, ac reliqui aulici & probi ferè omnes nihil edant, quod mortem patiatur: nullo ergo animali uescuntur, hoc argumento, quòd dominus noster Christus deus omnipotens tulit sententiam in Christiana historia, ut qui mortem intulerit, & ipse pereat, alludentes ad illa uerba: Qui ferit gladio, gladio peribit, uiri potius stolidi quàm simplices: at populus in promiscuum, & carnibus ac piscibus uescuntur, soluti his curis: non tamen necant bona animalia, ut sunt boues, eosque benedictos dicunt: & cum prætereunt, contingunt manibus, eosque deosculantur, ut nostri simplices deosculantur sanctorum imagines, cum manum ad os referunt deosculando non alia magis de causa, quàm quia ea tetigit imaginem. Verus itaque rex illorum lacte uiuit ac butyro, oriza quoque & aliis compluribus: eundem ritum in cibatu aulici & summates obseruant. Hic itaque rex arroganti ac superbo fastu recumbit, palmarum succo pro uino utitur, è uase argenteo bibit, ita tamen ut uas labra non contingat. Suspenso itaque uase, instar crateris uinum demittit guttatim, & ori infundit. Pisces ibi nostris haud sunt absimiles, regio frequens est piscatoribus: maiores equos nostris habent, uerum Mauri eos non magni faciunt.

De cogni-



De cognitione Christi quam habent, & de notitia pontificis Romani.

Cap. LVIII.

CHRISTIANI qui urbem Calechut incolunt, equitant elephantes, quoniam ea regio animalibus huiusmodi abundat: quæ ubi mansuescunt facillime rex cum aliquò contendit: trahit secum innumeram peditum multitudinē: nonnulli uero elephantis uecti, regem concomitantur. Rex uero humeris hominum nobilium fertur: uiri pubetenus tantum uestiuntur, cætera usque ad inguina nudi. Veste utuntur cotonina, quoniam eo panno abundant plurimum: utuntur & pannis sericeis, & in primis illustiores: at alii aliis utuntur uestibus, prout patitur illorum census & opulentia. At nobilium uirorū mulieres, etiam supra cincturam carnes uelant telis subtilioribus. Egregiæ uero scæminæ usque ad pubem tantum corpora tegunt. Mauri autem more suo uestiti incedunt, cooperti ad talos usque. Abest hæc ciuitas ab Vlis bona leucis milibus & octingentis: quæ ratione subducta, ut leucæ cuilibet dentur miliaria quatuor, is numerus leucarum efficiet miliaria quindecim mille & ducenta: tantundem metiri oportet in regressu: quare si pensitatus quis consideret, quanto temporis interuallo id itineris perfici possit, comperiet profecto tantam locorum distantiam metiri non posse citius quàm decimosexto mense. Mauri uero nautæ ad ulteriores regiones duce Septentrione nauigant cum instrumentis quibusdam ligneis, quadrante uidelicet & astrolabio. A dextris semper cum sinum persicum traiciunt, referunt pilotæ illorum, id est duces itineris, quod ad meridiem supersunt insulæ XI mille illis inaccessæ, quas non adeunt, quoniam nimium tendunt ad meridiem, adeo ut non sit tutus accessus. Forte fortuna hæc sunt, quas nuperrime rex Hispaniarum inuenit. In Calechut habent mediocrem notitiam presbyteri Ioannis, uerum non exercent inuicem commercia, neque consuetudines: quoniam multum abest ipse à Calechut, introrsus plurimum. Christum credunt natum ex Virgine maria, neque peccasse unquam, & ab Iudæis cruci affixum, mortuumque, ac Hierosolymis sepultum. Papam uero sciunt Romæ degere: alioquin sanctæ Romanæ ecclesiæ notitiam haud habent aliam: norunt literas, & sua lingua scribunt.

Pilotæ.

De aromatibus, ubi nascantur.

Cap. LIX.

IBI IGITUR sunt innumeri elephantorum dentes, ac cotoni, sacchariq; plurimum, & mea sententia quicquid est quo uita carere non possit, eo hæc regio exornatur ditaturque mirum in modum, crediturque uinum fore in pretio, quandoquidem eo libenter utuntur Indi Christiani: expetunt etiam oleum admodum. Ibi etiam eximie iustitia colitur quàm alibi gentium: nam si quis furatur aut occidit, ritu Turcarum palo affigitur atrocissime. Qui uero uectigalibus imponere uult, si deprehensus fuerit, totum perdit, mercēsque ludit omnes. Inibi rursus inueniuntur unguenta ferè omne genus, ut sunt castoreum, ambræ, storax, & id genus alia. Insula uero quæ mittit aromata, Zellum appellatur: ea est ultra Calechut urbem ad leucas ferè C & LX, ubi oriuntur aromata: at arbores cinami & piperi fert alia insula introrsus continentem. Aiunt etiam circum urbem Calechut nasci piper & cinamum, uerum non ad perfectionem. Gario-

Zellum.



phylla deferuntur à remotiore plaga: reubarbari ibi plurimū, & aromata minutiora complura. Zinziber in mediterraneis oritur electissimum. Sinus quem præfeci, colitur eximie altrinsecus à Mauris. Post hæc intellexi melius à nonnullis, ipsum tantū à latere uno habitari à Mauris, ab altero uero uersus meridiē ab Indis Christianis, eisdēque albis ut nos, in littore maris æque ac in mediterraneis. Is est tritici ferax plurimi. fructuum & carniū, & propē omnis annonæ. Inde plura ad urbem Calechut deferuntur: nam regio ubi uisitur Calechut, obducta est harenis, habet humum ieunam: & præsertim tritici & id genus est impatiens. Ibi etiam duo uenti solum flant in æstate, uidelicet Subsolanus, & hyme Fauonius, siue Zephyrus: rerum omnium sunt elegantissimi pictores: urbs muro ambitur nullo, uerum domos continenter & in ordine positas, uicōsque maurico more habet. Eadē insula quæ fert cynamum, mittit & gemmas absolutissimas.

Portus aromatum Soldanī.

Cap. LX.

QVOAD res Indas inuentas ab istis quibusdam meis literis reddidi uos certiores sigillatim: post uero superuenit pilotes ille, quem ui ceperant. Is uisus nobis est ex Dalmatia oriundus, tamen reuera erat Iudæus, ortus Alexandria, aut non longe ab ea terrestri itinere: iuuenis admodum Indiam adiuit, nunc in urbe Calechut uxorem habet & natos. Is dominus erat quatuor nauium: ibat propterea interdum cum classe, & de eius regione mira referebat: de diuitiis præsertim ac aromatibus, & cinamomo perquam eleganti, quæ omnia ueniunt ex insula quæ ultra Calechut ad leucas centum & quinquaginta uisitur, parūque abest à continente: oram Mauri tenent: piper uero & gariophyllum mittit ulterior regio, & in primis Iudæa, & ibi rex Iudæorum, uidelicet illarum decem tribuum, quæ ex AEgypto traiecerunt in Arabiam, superato mari Erythræo. Affirmant etiam innumeros esse idolorum cultores, gentiles uocant & Christianos propē nullos. Verum falluntur plurimi, qui arbitrantur ob id Christianos esse complures, quòd uidelicet ecclesiæ uisuntur cum tintinnabulis plurimæ, quæ templa tamen sunt idolorum, quod profecto magis quadrat rationi: nam absolum esset dicere, quòd ibi Christi nomen colatur absque diuino cultu, & præsertim à Christianis. Igitur ibi nec sacerdotes cernuntur, nec fiunt sacrificia quæpiam: asseuerant itaque nullos esse inibi Christianos, quàm eos qui presbytero Ioannī parent, qui distant mirum in modum ab urbe Calechut, cum citra mare Erythræum existat, non longe à rege Melindarum, in Africa introrsus multum uersus Nigritas, prope Guineam. Is presbyter alibi Soldano confinis est, haud longe à Nilo, ubi Babylon urbs uastissima, nunc Cayrum dicitur. Hic itaq; presbyter Ioannes habet sacerdotes qui diuina exequuntur, ut nostri Euangelia colunt & obseruant, necnon alia ecclesiæ mandata ut reliqui Christiani haud contemnunt, parūque in cultu diuino à nobis differunt. Soldanus autem in mari Erythræo portum habet, & ex Alexandria AEgypti ad portum maris Rubri contendunt itinere terrestri dierum octuaginta: tantum abest ab Alexandria. Ibi uideas aromata omne genus: eò enim comportantur ex urbe Calechut. Non longe etiam à dicta urbe uisitur quædam insula distans à continente leuca una, ubi innumeri piscatores uisuntur, qui margaritas multiplices piscantur.



piscantur. Ibi nullæ sunt aquæ ad potandum suaues : uerum hi nautæ proficiscuntur ad quoddam flumen sine utribus ac doliis, sed solis nauibus hauriunt aquam. Armenta, cum naues rediere, ilico currunt ad mare, ut aqua dulci satientur, quam abunde naues, ut præfeci, comportant. Hæc insula est citra Calechut itinere leucarum sexaginta, & colitur à Gentilibus, id est idololatriis. Vaccas & boues eximie colunt, utpote benedicta animalia. adeo ut si quis læserit quodpiam illorum, is protinus morte pœnas luat, non aliter quàm pro furto. In cibatu igitur animalia huiusmodi non habent. De insula uero Taprobane, de qua satis ac super scripsi, alia non habemus, nisi quod credimus ipsam innatare uastissimo pelago, & abesse plurimum à continente.

De instrumentis nauigandi, & quanti merces inibi uendantur.

Cap. LXI.

**I N V R B E** Calechut est templum, quod ingredi nefas est. Impune id ingredi non licet cuiquam die Mercurii ante meridiem : nam si quis ante id horæ ingressus fuerit, mox moritur ob dæmonum conspectum, qui per id tempus inibi ferè innumeri conspiciuntur. Addebat etiam Iudæus qui captus fuerat, diem esse quendam in anno, quo in dicto templo suapte natura lampades quæpiam accenduntur, & rem monstrificam ac portentosam efficiunt. Inibi nauigant absque pyxide, sed solo quadrante ligneo : quæ res uisa est difficilis admodum, & in primis cum cœlum inumbratur nubibus, adeo ut stellæ uideri non possint. Ancoras habent perquam mediocres, quas quando iaciant adhuc ignoramus. Temones nauium alligant funibus, & longitudine excedunt nauium transtra palmis ternis : omnia nauigia eius regionis fabricantur incolæ urbis Calechut, quia alibi arboribus & omne genus lignis carent. Potiores merces eius regionis sunt corallia, & æra fabrefacta in uasa, ut in cacabos & sartagine, uel ahe na, & id genus plura, necnon in laminas. Conspicilia magni penduntur plurimum, adeo ut alicubi gentium par unum conspiciolorum pretio uendatur eximio. Sunt etiam ibi in pretio telæ rudiores, uinum & oleum : panni ex auro ferè nulli, & alii panni ferè omnium generum.

De elephantis, & titulo regis Portugalliæ.

Cap. LXII.

**H I C N O S T E R** rex Portugalliæ in his rebus animi est quidē non mediocris, uerū eximii: argumento est classis quam parat in expeditionem Indicā: nam in præsens naues quatuor expediuntur, ac celoces duæ omni annonæ genere perquā munitæ, ut mense Ianuarii præsto adsint ingentissimis refertæ mercimoniis, inq; eis armamenta omne genus, ut si forte fortuna rex Calechut renuat oblatam conditionem, & nostræ gentis contubernia spernat, discat ui dare aliquando, quod amicè potuisset. Hæret igitur animo illi, ut cum opus fuerit, sua classe naues fuitiles ac nullius pœni regis Calechut profliget. Quod si pro arbitrato succedet, quoniam uix referre possum, quàm parui sint momenti, & uirium nullarum orientaliū meridionaliūq; nauigia, ubi nostris collata fuerint: inter cætera sulcare maria nequeūt, nisi uentum habeant in puppi: uerum ibi nauium propè infinitus numerus usitur: & ultro citroq; commeāt ferentes aromata ferè omnium generum. Potissima animalia eius regionis sunt elephanti: his bella conficiunt:

c. iiii.



turres quasdam imponunt eis, capaces trium uel quatuor uirorum, qui de turribus huiusmodi præliantur: moderatorem habent, qui turrata animalia regit; ut commemorat Plinius. Eis reges se suæque tutantur: alii in exercitu ad bella ducunt elephantorum M D C. alii M D C C C. alii minus, prout sumptus exigunt illorum. Quando naues appellunt onustæ, id fit ui elephantorum: currunt effusissime: & licet uix sit dicto fides, fabulæque censeatur, rem tamen ueram denarramus. Aiunt etiam quanuis ibi sit copia elephantorum, eos tamen uendi pretio ingenti, si alias res spectaueris. Præfectus classis nostræ, nec alii lapides pretiosos tulere: quare nobis persuademus haud difficulter, lapides huiusmodi inibi haud quaquam reperiri, sed è lōgiore regione conuehi, sitque propterea ut eius regionis principes magni pendant lapides pretiosos, storax, castoreum, & alia id genus plurima. Quicquid autem deinceps de rebus huiusmodi comperti habebimus, mox uobis colliquescet. Hic rex noster harum regionum iam titulum gerit, uidelicet, Rex Portugalliæ & Algarbiorum citra & ultra mare in Africa, & Guineæ dominus: & per nautas suos cum Arabibus, Persis & Indis commercia exercet.

Quomodo rex Emanuel dedit præfecto classis regium trophæum.

Cap. LXIII.

A N N O M D, rex Portugalliæ serenissimus classem nauium duodecim in Indiam expedit, cui præfecit Petrum quendam Aliares, ac Abrilum Fidalcū: & hanc classem omni genere annonæ & armamentorum communiuit diligentissime, tantumque annonæ naues comportarunt, ut uictui mensium decem & octo abunde sufficeret, data eis lege, ut ex duodecim nauibus decem ad urbem Calechut contenderent, duæ uero in Arabiam. Igitur hæ duæ diuertunt commercii gratia in eam regionem, ubi locus est dictus Zaphal, secus iter quo itur Calechut. Itaque naues decem prædictæ eas merces domo secum attulere, quas crederent Indis & Persis haud fore ingratas. Ergo octaua mensis Martii anni prædicti, nauibus iam præparatis itineri, rex Portugalliæ concessit ad locū quendam ad secundum urbis lapidem, cui nomen est Sanctæ Mariæ de Baleira, non alia de causa, nisi ut daret præfecto classis nostræ regium trophæum. Hæc itaque classis soluit illinc die Lunæ nono Martii, cœlo sereno, ac felicibus auspitiis. Igitur die XIII, dicta classis superauit insulas Canarias. Item die XXII præteriiuit capitis uiridis insulam. Item die XXIII quædam nauis digressa est ab aliis, & quò concesserit, adhuc nobis est incognitum: nam nusquam apparuit.

Quomodo naues iactabantur fluctibus.

Cap. LXIII.

VIGESIMAQUARTA Aprilis, die Mercurii, in octaua Paschæ dicta classis uidit continentem quendam: ob quam rem gauisi sunt plurimū: propterea misere exploratores, qui uiderent quæ gens illas terras incolet: qui mox comperere ibi esse arborum uim maximam, & gentem quandam littus obseruantem. Iactis itaque ancoris, rursus cymbam mittunt, quæ diligentius scrutetur regionem, ac eius incolas. Iuere igitur: & ubi redierunt, retulere gentem esse eius coloris, qui medius est inter album & nigrum, eosque uiros habere habilissima corpora, ac capillum promissum, & nudos esse, sicuti exeunt ab utero matris, omnique uerecundia carere, & eorū singulos arcus ferre cum sagittis, utpote qui



te qui littori fluminis custodiæ præerant : uerum nullus erat in dicta classe, qui eorum linguam calleret. His ergo conspectis cymba rediit ad classem : & dum nox humida cœlo præcipitat, surrexit atrox tempestas, quæ plerunque noctu sæuit : mane uero sequenti sublatis ancoris, adhuc undabundo mari ac sæuiente, percurrimus tamen littus quasi ad Aquilonem, flante Euro, ut si forte fortuna nacti fuissēmus portum aliquem, ubi tutius classis conquiesceret. Tandem peruenimus ad portum quendam, ubi iecimus ancoras:etiam nacti sumus Ananinos, qui paruis cymbis portabantur : hos adiuuere è nostris quidam, & duos ex eis ceperunt, & ad præfectum classis duxere ut intelligerent quænam gens esset : quoniam idioma illorum nemo adhuc intelligere potuerat: nam nec nutu, nec signis quæ exponebantur intelligebant. Igitur præfectus classis prædictos Ananinos penes se nocte una habuit : & ubi uidit nullum esse cum eis humanæ uocis commercium, eos dimisit indutos tunica interiori, & ueste alia birretoque quod eis summe placuit, nam nudi incedebant : propterea omne genus uestis admirabantur, utpote rem hætenus non uisam.

De radicibus, quibus panem ibi conficiunt, & quibusdam aliis moribus.

Cap. LXV.

E A D I E quæ erat octaua post festum Paschæ, id est uigesima sexta Aprilis, præfectus classis nostræ decreuit missam audire : propterea iussit præparari tentorium, sub quo diuina officia celebrarentur : & post missarum solemnias omnes dictæ classis concioni diuinæ interfuerunt : eò etiam conuenere multi ex illis populis, qui tripudiis & saltationibus insistebant, quique cornu intonare, dum diuina celebrarentur : & mox peractis missis unusquisque dilapsus est in suam nauim. Incolæ uero regionis illius desiliebant in mare, immergebanturque usque ad ulnas canendo, gestiendo, multaque alia lætitiæ præ se ferentia agendo. Post hæc præfectus classis cum pransus esset, signum dedit cunctis ut naues pro libito egrederentur. Itaque egressi omnes cœperunt cum incolis eius regionis ludere, magnam uoluptatem sumentes ex illorum saltationibus & tripudiis : & demum cœperunt exercere inuicem commercia : nam incolæ pro panno, papyro, & aliis minimis, arcus & sagittas dabant : & tandem in his permutationibus mercium totam diem consumpsere : & inibi inuenere flumen ad potandum suauissimum : & cum aduerserauisset, rediere ad suas naues omnes. At sequenti die præfectus classis decreuit aqua & lignis rursus nauē communire. Igitur illius iussu nautæ omnes aquatum & lignatū profecti sunt, adiuuantibus illis populis : nam cateruatim confluebant, ut nobis essent auxilio. Iuere etiam è nostris complusculi, ut illorum domos & habitacula uisarent : habitant enim longe à mari ad tertium lapidem : & permutarunt suas merces cum psitacis & radice quadam, quæ dicitur igname, qua panis illorum conficitur, eoque utuntur Arabes : nam nostri pro his rebus dederunt supradictas merces : & ibi sex dies permutando nostra cum suis triuimus. Quo ad mores illorum non ab re fuerit pauca commemorare. Sunt igitur, ut supra meminimus coloris qui est inter nigrum & album, pardum appellant : nudi semper incedunt, nullus est eis pudor, neque uerecundia : capillum promittunt, barbâ uero & oculorû palpebras uellunt, & inibi depingunt uaria colore multiplici, ut albo, nigro, &



coelesti, necnon rubeo : & ferunt labrum oris inferius perforatum, & in foramine huiusmodi ponunt ossa instar clauis: alii autem lapillos ferunt eiusdem coloris, adeo ut uideatur totum labrum gemmatum: itidem mulieres agunt, suntque sine pudore, uerum pulcherrimæ, & capillos per humeros leniter demittunt: domos habent ligneas, quas foliis & ramis arborum cooperiunt, suffulciuntque eas innumeris columnis: & in medio earum ad parietem collocant rete bombicinum appensum, in quo homo inuoluitur: & rursus rete aliud, quoad continenter plura in ordine disponant, interque ea rogos accendunt, efficiuntque ut in cœnaculo uaria cubacula & retia parietum uicem suppleant: nam retibus discreta sunt eorum habitacula.

De psitacis inibi repertis.

Cap. LXVI.

IGITUR eadem regio caret ferro & omnifariam metallo: propterea ligna incidunt lapidibus præacutis: abundant uero omni genere auitiorum, præsertim psitacorum multiuigi coloris, tantæque proceritatis, ut cum gallinis magnitudine contendant. E' pennis uero auium pileos & birreta conficiunt. Terra abundat arboribus ferè omnis generis, aquisque irrigua admodum: milium fert, & ignamen herbam, unde panis illorum conficitur: necnon gossipii mittit plurimum. Ibi animalia uidimus nulla. Regio est uastissima, & an sit insula uel cōtinens, nondum satis liquet: uerum nos inclinauimus in eam sententiam, ut sit continens, ob immensam uastitatem. Cœli est saluberrimi, & incolæ retia habent fere innumera: quoniam omne uitæ suæ tempus terunt piscando: nam piscantur pisces quasi omne genus. Inter cæteros pisces qui inibi eminent, unum uidimus, qui dolium non quidem mediocri crassitudine excedit: & rursus idem longitudine duo dolia superat, & formæ est obrotundæ, caput habet ut sus, uerum oculos paruos, dentibus caret, sed aures longitudine & latitudine brachii mensuram excedunt: in inferiori parte corporis duo habet foramina, cauda illi est oblonga, eademque lata supra brachii mensuram: & loripes erat: in aliqua corporis parte uidebatur habere suis cutem: corium densum supra digiti mensuram. Interea temporis dum illic agebamus, præfectus classis decreuit de his rebus regem reddere certiolem, & in ea regione uiros duos, iam ob scelera morti addictos dimittere: nam ex his complures secum trahebat. Itaque ilico præfectus classis nauim expediuit in Lusitaniam, quæ regem harum rerum certiolem faceret: nec ob id numerum duodecim nauium minuit: quoniam hæc nauis ultra dictas duodecim naues ad tales casus ducebatur. Literæ erant eius tenoris, quod narrabant ex ordine omnia nuperrime inuenta à Lusitanis. Hoc facto mox mittit quosdam, qui in littore crucem eminentissimam figant, ceu nostræ fidei trophæum: & in eodem loco duos, ut præfeci, morti addictos deseruit: qui ubi uidere se destitutos omni Christianorum auxilio, flebant mœstissime. At incolæ regionis illius eos solabantur, miserati eorum conditionem.

De ingenti tempestate, qua naues quatuor submersæ sunt.

Cap. LXVII.

IGITUR sequenti die, secunda erat Maii, anni eiusdem, explicuimus uela,  
iter



iter dirigentes uersus caput Bonæ spei : & id maris iter leucas ferè habet MCC, id est, miliaria quatuor mille. Die uero duodecimo eiusdem mensis nobis nauigantibus Cometa quidam apparuit Arabiam uersus, cuius radii promittebantur plurimum: sicque cometa diebus octo aut decem iugiter apparuit die noctuque: & tandem die dominica, uicesima quarta mensis Maii, dum iter nostrum prosequeremur, & classis omnis felicibus uetis potiretur, capientes uentum non pleno malo, sed medio, ob pluuiam quæ præcesserat, ecce uentus turbinis repentino flatu inuasit nautas, egitque ut naues propè omnes submergerentur: nam quatuor ex nostris nauibus inuertit submersitque, nec ultra earum quampiam uidimus: adeo enim concite eas corripuit tempestas, ut eis auxiliari nequuerimus: quippe qui parum & nos aberamus à morte. At naues septem quæ supererant, uentum in puppi accipientes, dei clementiæ haud diffidentes nauigabamus. Dum itaque priore tempestate perterriti moestissimum iter prosequeremur, ecce atrocior procella cœpit mare interturbare, & effecit ut plus solito sauiet: adeoque iactabamur fluctibus, ut uideremur cœlum conscendere, dum fluctus nos in superiora impellebāt: cum uero demittebamur, ipsum Acheronta petere arbitrabamur, tanta erat inundatio aquarum. Vela facere uentis prohibebat tempestas: igitur luctamur cum Neptuno, & in uarias partes disungimur: eoque discriminis perueneramus, ut altera alteram conspiceri non posset: nam nauis quæ classis præfectum uehebat, id est prætoriam, cum duabus aliis iter aliud cepit: quod tamen pergeret non satis sciens. Alia uero nauis, quæ regis nomen obuncbat, aliud profecta est, comitantibus duabus aliis. At ea quæ sola supererat, infelicior cæteris, errabunda per se mare sulcabat. Sic itaque alto iactati per dies XX, hanc maris sauitiam perpassi sumus.

Cometa.

Tempestatis  
violentia.

De Zaphala auri mina.

Cap. LXVIII.

TANDEM sextodecimo Iulii fauentibus superis, Arabiæ littora conspeximus, & illud nauigia dirigentes ancoras iecimus. Erat ibi ingens piscium copia: cepimus ex eis complures: nec tamen quisquam nostrum continentem applicuit: solum enim littori adhæsimus: uidimus tamen regionem illam populis ferè innumeris cultam. Tunc sublati ancoris, & secus littus iter prosequentes nostrum, plurima uidimus flumina, ac animalia complura. Erat profecto frequens habitatore, cum hominibus, tum etiam multiuigiis animalibus: tandem nauigando peruenimus ad quandam auri minam: ea est in loco qui dicitur Zaphala: & ibi erant duæ insulæ, ubi naues duæ Maurorum commorabantur commercii causa: hæ enim aurum uehebant ad regnum Melindæ: quæ quidem naues ubi nostram classem conspexere, mox effusissime fuga sibi consulere terram petentes: & aurum quod uehebant, in mare proiecerunt, ne nos eo potiremur. At præfectus noster ubi hæc uidit, in eos uela fecit, cepitque naues huiusmodi, in quibus parum adhuc supererat auri. Captos igitur compellare cœpit & percunctari, quænam gens foret undeue ueniret, & quod pergeret. At dux Maurorum, Mauri, inquit, sumus, regi Melindæ necessitudine ætissima coniuncti, ex insula quæ Zaphal dicitur uenimus, uxorem ducebam mecum, & dum classem uestram conspeximus formidantes, terram appellere



festinantius uoluimus, ea maris obruta est fluctibus: idem casus nato obtigit meo. Tum nostræ classis dux, ubi accepit eum regis Melindæ affinem esse, ægre tulit eorum iacturâ, solarique cœpit eos, honorifice admodum ipsos excipiens in memoriam tanti regis, cum quo nobiscum maxima amicitia intercedit, & in primis cum nostro rege. Iussit itaque ut illorum naues reponerentur: & siquid auri sublatum fuerat, id totum mox restitueretur. Tunc Maurorum præfectus percunctatus est nostrum ducem, an fascinatorem haberent quempiam, qui incantationibus pessundatum aurû extrahere posset. Cui noster dux inquit: Nos Christum deum colimus, qui arcte nobis has fascinationes exercere prohibet: propterea ab re huiusmodi temperamus. Rursus ab eo noster præfectus quærit, ubi sit dicta Zaphala, quam ipsi adhuc nesciebant, uerum fama eius adducti adnauigabant. Tum Maurus ait, Zaphala est insula quæ aurum fert, ea paret regi Mauro, qui insulam incolit Choloam nomine dictâ, nec à uobis abest in eodem itinere quod tenetis, sed iam eam præteriuistis nonnihil. Tunc præfectus, ubi hæc intellexit, signum dedit ut uela daremus uentis, à nostro itinere haudquam declinantes. Tandem x x Iulii applicuimus insulam quandam ditionis regis Zaphal, nomine Monzobinghe: ea est habitatore haud frequens: uerû ibi uisuntur diuites complusculi, qui inibi commercia exercent. Eò igitur ubi deuentum est, corpora curabamus, ducemque itineris accepimus, pilotum appellant, qui nos Achiloam duceret, ea est insula, ubi portus est perquam opportunus, non longe à continente. Igitur hinc soluimus Achiloam uersus, littori semper adhærentes, ubi innumeras conspeximus insulas eximie cultas, ac ditionis eiusdè regis: & tandem Achiloam peruenimus XXVI mensis eiusdè, eoque simul naues sex deuenerunt uario itinere: at septima nusquam comparuit. Hæc itaq; insula parua est admodum, & continenti propè coniuncta: regio est aprica ac pulcherrima: domos habet eminentes more hispanico, & ibi locupletissimi mercatores: quoniam scatet auro, argento, ambra, castoreo & margaritis. Incolæ induuntur cotono albo, nec non serico perquam eleganti: uiri sunt nigerrimi.

De congressu regis & præfecti.

Cap. LXIX.

HABITO itaque saluo conductu, quo impune cum rege colloqui posset per internuntiû, primo cœpit regem adire. Misso igitur Alphonso Furtado, qui uicem legati supplebat, concomitatus sex uel septem uiris, elegantissime, ut assollet, indutis, his uerbis alloquitur regem, Classẽ esse regis Portugalliæ, quæ eò accesserit solius commercii gratia, ferrèque complura mercimonia, quæ forte regi erunt haud ingrata: cupere propterea præfectum classis regem coram uidere, uerum ex mandato regis Portugalliæ non posse impune terram appellere, nec nisi in cymba regem adire posse: hunc esse, ducum classium morem uetustissimum, ne correpto principe mox ruerent omnes qui de eo pendent. Ad hæc rex respondit se descendurum perquam libenter ad mutua colloquia, sèque uicissim cupere præfectum uidere tantæ classis. Igitur sequenti die conuenere rex & præfectus, uecti cymbis uariis: nam nostri tormenta expediuere, gentemq; omnem cum signiferis, buccinatoribus ac tibicinibus, & choraulis: at rex almadias exornat suo more, tibiis & cantu exultas: cohors nobilium regẽ concomitatur suum. Igitur præcedentibus fecialibus colloquuti sunt. Tunc nostri tormẽta ferè omne  
genus



genus exonerarunt, tanto fragore edito, ut mare totum contremisceret, & cœlum reboaret eximie: quæ res & regem ac suos adeo perterrefecit, ut stupidi penè hæserint omnes, his nunquam assueti. Postquam mutuo colloquio uterq; positus est, ad sua quisque rediit. Sequenti itaque die rursus præfectus Alphonsus emisit, qui cum rege nauaret operâ de mercimoniis permutandis aliquando: uerum longe aliter rex uisus est sentire, quàm præfecto pollicitus fuerat: plura enim excusabat, & in primis ipsum mercium nostrarum non egere, & piratas propè arbitrari. Re itaque infecta Alphonsus rediit ad classẽ, inibi tamen ad tres uel quatuor dies commorati, nihil consequuti sumus. Interea temporis rex metuens ne genti suæ uim inferremus, aliquam insulam peditibus complusculis communiuit. Hoc uiso præfectus noster illinc soluit, & uela dedimus uentis uersus regnum Melindæ: & inter nauigandum longe à littore multiplices conspeximus insulas à Mauris cultas: & ibi urbs quæ dicitur Mombaza regis Mauri, suntque hæc Arabiæ littora à Mauris culta. In insula uero introrsus aiunt esse Christianos, qui, ut dicunt, magna bella conficiunt, id tamen nobis fuit incertum.

De muneribus regis Portugalliæ missis ad regem Melindæ.

Cap. LXX.

IGITUR die secunda Augusti mensis eiusdem deuenimus ad regnum Melindæ, & ibi tres naues regni Gambraë ancoras iecerant: nam quælibet earum capax erat amphorarũ ducentarum: hæc enim mira arte sunt compactæ, absq; ferro uidelicet, sed ferrumine nescio quo, thure admixto: arcem non habent in pro-  
ra, sed in puppi tantum, castellum uulgo appellant: redibant naues huiusmodi ab Indica prouincia. Eò ergo ut applicuimus, mox rex munere multiplici nos donari iussit: id munus erat, arietes complusculi, gallinæ propè innumeræ, anseres plurimi, & mala Assyria ferè omne genus, quæ quidem suauitate mira omnia alia præcellunt, argumento quòd ægris, protinus eis gustatis plurimum conferunt. Vbi itaque terram appulimus, præfectus classis iussit de more ut tormenta exonerarentur: duosque negotiatores emisit, quorum alter idioma Arabicum callebat, eisque mandat ut regem ex se adeant, illique renuntient classẽ huiusmodi aduenisse, ut ipsum nomine regis Portugalliæ uisat, & donet munere non ingrato, præfectumque ad ipsum literas habere sui regis: quæ omnia libens audiuit, supra quàm referre queam: & eum qui linguam Arabicam nouerat, apud se ea nocte habuit. Cum uero illuxisset, Mauros duos uiros haud inhonoros ad classẽ misit, qui Arabico sermone præfectum alloquerentur his uerbis, Gratũ uidelicet habuisse eius aduentum, rogarẽque propterea ut si alicuius egeat, quod regis foret, eius rebus æque uteretur ac suis, crederetque esse in regno Portugalliæ: quandoquidem erant sua omnia cum rege Portugalliæ communia, ob amicitiam quæ iam pridem inter eos intercessit. Præfectus uero his auditis decreuit literas quas habebat mittere ad regem, necnon munera huiusmodi, uidelicet ephippias quasdam exornatissimas, par unum frontalium equorum, stapedes & calcaria argentea, pectoralẽque equi unius: & habito super hæc re consilio, uisum est cunctis ut munus regi offerret Arafchorea negotiatorum primus. Hunc comitati sunt complures ex nobilioribus classis, præeuntibus buccinatoribus. Rex itaque ubi hæc audiuit, illustriores quosdam præmisit, qui occurrerent ne-

f. i.



gociatori. Regia principis portui adiacet : & prius quàm appropinquarent ædibus regis, obuiarūt mulieribus quibusdā patinas igne plenas ferētibus: quibus iniecerant odores ferè omne genus, adeo ut fragrantia multiplici opplerent totam terram. His igitur odoribus excepti ad principis regiam deueniunt : ubi rex in sede regia sedebat, satrapis complusculis Mauris astantibus. Qui cum primum munera uidit, gauisus est plurimum : acceptis etiam literis, quæ ab altera parte subscriptæ erant charactere Arabico, ab altera uero Lusitano : quibus perlectis cœpit cum suis Mauris lætari & gestire: & tandem omnes uno impetu exclamarunt in cœnaculo, reddentes gratias deo, quòd eius permissu cum tanto rege, ut est Portugalliæ dominus, inissent fœdus & amicitiam. His igitur oblectatus muneribus, negociatorem rogauit plurimum, ut tantisper apud se ageret, donec classis illic commorabatur : quoniam mirum in modum gaudebat secum de rebus Lusitanis commentari. Et Arafchorea respondit, id sibi haudquaquam licere præfecto inconsulto. Tum rex ilico sororium cum anulo suo ad præfectum classis mittit, qui ab eo impetret, ut Arafchorea regi morem in petitis gerat, simulque hortaretur eum, ut regis & regni rebus uti non differret. Huic itaque mox dux classis est obsequutus. Hoc accepto rex iussit domum pro Arafchorea magnificentissime præparari, datis prius omnibus quæ uictui erant necessaria, ea uidelicet quæ regio meliora ferebat, ut sunt arietes, gallinæ, oriza, lac, butyrum, cariotæ, mel, ac fructus, & id genus complura: panem uero non misit, quoniam eo haud utuntur. Itaque triduo apud regem fuit Arafchorea : & id tempus ferè omne consumptum est in colloquiis & commentationibus rerū Portugallensium : nam res de rege Portugalliæ adeo libenter audiebat, ut uix discedere quiret ab his colloquiis. Petiit etiam perquam auide, ut ipse ac dux classis mutuo frui possent colloquio. Cui Arafchorea inquit : Rex serenissime, scito duci nostro minime unquam licere terram appellere, ne classem deferat : tu uero, si tibi cordi hæsit uirum compellare, id non consequeris, nisi cymba uictus, perinde ut mare non deferat: quoniam hoc est nostri regis edictum. Itidem fecit Achiloæ rex, ubi sibi complacitum fuit conuenire ducem. Subrecusabat rex quippe qui cum esset tanti, ad minorē ire dedignabatur: tandem persuasus Arafchoreæ uerbis consensit: tunc Arafchorea certiolem præfectum classis de gestis apud regem fecit: quibus acceptis, dux classis cymbas paruas exornari iussit, prouiso prius ne classis iret in diuersa. Cymba uero qua uehebatur, taliter exornabatur, Primo strata erat cocco & purpura, & aliis aulæis inumbrata, necnon uiris strenuis, eisdemq; armatis communita. At rex & suas cymbas, almadias uocant, suo ritu exornat : iussit etiam equum sibi sterni more Lusitano, uerum non inueniebatur qui hanc operam nauaret, nescientibus eis nostrum morem : nostri ergo equum huiusmodi strauerunt. Strato itaque equo rex scalas descendebat : quibus descensis, mox affuere regni illustriores, qui inibi regem præstolabantur, arietem habentes: quem ubi rex descendit exenterarunt, & exenteratum equi pedibus subigunt, mox à rege equite conculcandum : & is mos eis pro ceremoniis & fascinationibus prius quàm rex domum exeat, & clamore ingenti edito regem persequerentur. Hunc morem etiam seruant in Zambombac. Rex igitur & dux conuenere, amicèque ut sunt colloquuti, in sua quisq; loca dilapsus est: non



non prius tamen uale dixit regi præfectus, quàm ab eo impetrauerit ducem itineris, hoc est pilotum, qui iter ad Calechut optime sciret. Vbi itaq; rex domum rediit, ducem rursus donat munere multiplici, id est, eduliis ferè omne genus, promissumque mittit pilotum. Is erat ex naue Chombaia, probe sciens itinera. Dux uero noster inibi duos addictos morti ob scelera reliquit, unum apud hanc gentem Melindæ regni dimisit: alterum uero nauem Chombaia, de qua pilotum susceperant, sequi uoluit. Itaque sequenti die, quæ erat septima Augusti, iter cepimus uersus Calechut, incipientes sinum magnum traicere, qui non longe abest à mari Persico.

NAVIGATIONIS FACTÆ EX  
VLISBONA IN CALECHVT, LIB. III.

De mari Rubro ac Persico, necnon de insula Angradida.

Cap. LXXI.



VM itaque regnum Melindæ deseruimus, à latere urbs insignis est relicta, eam Mauri incolunt: diues est & pulchra admodum: & paulo supra uisitur magna insula, inque ea urbs altera, incincta muro, & pulchritudine cum superiore contendit. Ad insulam itur ponte, cui nomē est Zognotorre: & dum ultra prouehimur, mox occurrunt angustia maris Rubri, quæ latitudine patent leucæ & dimidia. Ibi est Mecha, id est arca Mahumetis, & diuæ Catharinæ mausoleum, situm in monte qui dicitur Sinai. Inde exportantur aromata quasi omnium generum, lapidesque pretiosi deferuntur in Babyloniam Nili, cui nomen est Cayro. Hæc aduehuntur dorso diomedariorum, qui sunt cameli electi. In hoc mari sunt complura referenda digna miratu. Superato angustiarum ostio, mox mare Persicum uisitur, & in eo prouinciæ complusculæ, quæ magni Soldani regna contingunt: nam mare Rubrum & Persicum sunt duo sinus, quos Oceanus meridionalis, siue Indicus facit. Igitur in sinu Persico est insula parua, dicta Gulphal, ubi innumeræ sunt margaritæ: & in ostio huius maris Persici est insula prægrandis, dicta Agremus, quæ paret Mauris, cum alia insula Gulphal. Ex ea itaque insula Agremo equi complures ueniunt, quos Mauri ducunt in Indiam, uenduntque pretio immodico. In hac regione fiunt commercia propè innumera. Superato itaque sinu Persico, mox sese offert prouincia Combara, quæ regem habet, & feracitate ac deliciis omnibus contendit cum lautioribus totius orbis prouinciis: inque ea tritici, siliginis, orizæ, saccari plurimum: Panchæa à Latinis dicitur, unde Virgilius,

Mecha.

Combara.

Totâque thuriferis Panchæa pinguis harenis.

Hæc itaque thura mittit per totum orbem, sericum etiam & xylon, multosque equos & elephantos. Rex seruit idolis, & nuperrime in regnum inauguratus est, persuadentibus Mauris, qui ibi sunt frequentes: idolâque colunt ferè omnes, interque eos mercatores complusculi sunt, qui hinc cum Arabibus, inde cum Indis commercia exercent. Ab his auspicatur India, & per eius latus itur in urbem Calechut, & in eo latere complures uisuntur prouinciæ, & Maurorum regna idola colentium. Tandem XXII Augusti applicuimus ad eam prouinciam quæ



Angradida. India dicitur, quæ ditionis est regni Gogæ : eaque cognita, iter nostrum prosequeremur, donec deuenimus ad quandam paruam insulam, quæ dicitur Angradida, & à Mauro quodam possidetur : inque eius umbilico lacus ingens, qui aquam potu suauem haurientibus propinat, aliàs culta, nunc inculta admodum : auri est ferax, & à continente miliaribus duobus abest. Illuc transeunt Mauri, qui Mecham adorant, dum ad urbem Calechut contendunt : cogunturque eam transire ob aquarum ac lignorum penuriam, quæ alibi gentium est maxima. Itaque eò tandem deuenimus, & iactis ancoris in terram descendimus, ut & aqua & lignis rursus classis communiretur : fuimusque ibi per dies ferè X V. Interea obseruabamus, an almadix Mechæ aduentarent, quoniam decreueramus eas, si potestas fuisset in manibus nostris, capere. Dum igitur sic immoramur, conducebant ad nos multa undequaque populi, qui libenter nobiscum loquebantur, pluraque referebant : eos propterea honorifice excipi à nobis classis præfectus iussit, & in ea insula uisebatur parua admodum classis, ubi complusculis diebus immorati diuinis insistebamus, id est, solenniis missarum : & unusquisque nostrum sacram Eucharistiam sumpsit : nam ibant nobiscum complures sacerdotes, ut cum negotiatore patriæ nostræ uitam ducerent in urbe Calechut. Peractis igitur diuinis, lignisque & aqua rursus communiti, frustra expectantes naues Mechæ, illinc soluimus, ad urbem Calechut contententes, quæ abest ab hac insula leucis L X X.

Quomodo dux classis profectus est ad regem Calechut.

Cap. LXXII.

ITAQVE die tredecimo Septembris eiusdem anni peruenimus ad urbem Calechut, cuius incolæ ubi nostri aduentus certiores facti sunt, effuse nobis occurrerunt, uecti cymbis extra urbem ad primam leucam. Inter eos qui nobis occurrerunt, erat quidam mercator de Culurate locupletissimus, ac nonnulli urbis primores, qui nostram aduentes classem, prætoriam nauim ingressi sunt, his uerbis ducem consalutantes, Regi placere plurimum quod incolumes aduentauerint, quodque nihil illi gratius obuenire posset, quam quod utantur regis opibus & auxilio. Post hæc uisa regis erga nos beneuolentia, ancoras iecimus ante urbis mœnia, tormentaque exonerari iussimus : quæ res adeo perterrituit urbis incolas, ut dicerent contra nostros nullas esse uires præter deorum. Cum itaque aduersperauisset, dedimus membra quieti, cum uero illuxisset, præfectus statuit mittere ad regem interpretes, quos secum adduxerat ex Vlisbona. Ex his unus erat Maurus Christianus, reliqui Indi, qui omnes probe nouerant idioma Lusitanorum, uerum erant adhuc Gentiles, id est idololatrarum, piscatorisque. Hos itaque eleganter indutos ad regem mittit, qui ubi consalutauerint eum, securitatem adeundi regis impetrent, saluum conductum appellant. Adiuit itaque regem Maurus, composque uoti factus mittit saluum conductum ad præfectum : cæteri autem Indi regem non uidere, ob id quod essent uiri nati obscuro loco : Nam rex huiusmodi id pro fastu obseruat, ne adeant ipsum ignobiles, prout latius referemus in sequentibus. Salui conductus tenor is erat : ut liceret impune cuiquam in terram descendere. Hoc accepto præfectus classis Alphonsum Furtadum mittit ad regem, interprete comite, qui Arabicam linguam optime callebat



callebat : quibus dat in mandatis, ut ad regem hæc proferant : classẽ esse regis Portugalliæ, & eò solum aduenisse, ut cum eo commercia exerçant, incantque fœdus & amicitiam non uulgarem: regem propterea alloqui coràm: id fieri non posse ex sui principis præscripto, nisi prius datis eis obsidibus quos ipse nominauisset: & hi erant urbis primores. His expositis rex conditionem renuebat, excusans ualitudinem aduersam, & defessam ætatem obsidum quos uocauerat: adiiciens ad hæc, se alios daturum, qui maris sæuitiam tolerantius perpeti possent : admirabaturque plurimum de proposita conditione. Et in his disceptationibus biduo uel triduo hæsitauit : tandem decreuit conditionem haud aspernari : cuius rei certior factus dux classis, se præparabat expeditioni, instituebaturque commorari cum rege, & ternos aut quaternos dies inibi consumere: secumque adducebat uiginti aut triginta uiros honoratiores classis, eosdem eximie cultos & adornatos: habebat etiam secum aulicos, & alios complures: qui illi more regio inferuissent: uasque cælata compluscula tulit, ut honoratior fieret his rebus, quæ suapte natura magnificentiam præ se ferunt, prouiso prius de præfecto classis, cui iussit ut obsides perquam honorificentissime exciperet, haberetque in deliciis, donec ipse rediret. Postero die rex uenit ad littus, ubi erat quædam domus mari ferè adiacens, ut commodius præfectum classis exciperet. Itaque misit quinque uiros ex primoribus urbis, qui tantisper illic commorarentur, donec præfectus classis rediret. Iuere igitur ad classẽ seniores urbis, longum seruorum ordinem secum trahentes, necnon tibicines & choraules, satellitesque complusculos, enses & clypeos ferentes. His uisis dux classis uectus cymba naui egreditur sua, & ad littus contendit. Vbi uero optimates obsides appropinquauere classi, prius naues ingredi nolabant, quàm in terram descendisset præfectus: qui licet nondum appulisset portum, eò tamen contendebat pleno gradu, suamque supellectilem præmiserat, ut mos est principibus. Diu igitur disceptatum est de hac re, obsidibus renuentibus nauem ingredi, ni terram dux primo teneret. Dum sic contenditur, Araschorea it ad eos, hortaturque ut perfidiæ suspicionem omnem exuant, eò uenisse non ut imponant eis, sed ut eorum amicitiam promereantur. Tandem his adducti uerbis, nauim ingressi sunt intrepide. At præfecto iam terræ appulso it obuiam nobilium decentissima cohors, ipsumque honorificentissime excipiunt, & humeris imponunt suis, nec terram contingere patiuntur, donec ad principis regiam peruentum est.

De habitatione & ornatu regis Calechut.

Cap. LXXIII.

IGITUR rex Calechut ædes eminentissimas habitat, habens pro thoro regio locum concameratum, instar sacelli cuiusdam : peluis figuram referebat, ut nos quandoque imagines sanctorum collocamus, suppositis uiginti puluillis sericeis, necnon instratis aulæis. Thronum panno sericeo inumbrauerat, qui purpuram præsentabat : ipse uero nudus conspiciebatur totus: circumduxerat bombicinum pannum candidissimum, eundemque subtilissimum, quem auro exornauerant, in capite gerebat birretum aurei panni, qui cassidem ferream referebat, perforatas habebat aures, inque eis adamantes & sapphyri unionesque duo, quorum alter obrotundæ figuræ erat, alter uero instar pyramidis, nucis auellanæ magnitudinem excedebat. In brachiis uero armillas aureas, à cubito usque ad



manum, distinctas lapidibus pretiosis innumeris, eisdemque incredibilis ualoris. Crura uero pariter exornabantur, & in digito pedis uernabat lapis pretiosus splendore incomparabili. Condalia etiam in digitis manuum, hoc est anulos omnisfariam: habebat smaragdos, adamantes, & id genus alios complures. Inter hos lapides quidam fabam magnitudine superabat. Balteumque habebat aureum, gemmis innumeris distinctum, adeo ut æstimationem omnem excederet. A latere uero regiam sedem argenteam, quæ bases & bracteas aureas habebat, easdem gemmis multiugis uariatas. In sua regia conspeximus currum quendam id est genus uehiculi, nos carpentum dicimus, miro lapidum & gemmarum apparatu condecoratum: eo uectus fuerat ex solita regia in has maritimas ædes. Id genus uehiculi trahunt uiri duo. Hunc exornabant quindecim uel uiginti buccinæ argenteæ, quarum tres erant ex puro auro, ac ponderis non mediocris, adeo ut earum quamlibet uir unus ferre nequiret: oras uero earum ditabant lapides pretiosi, cæque mira uarietate distinguentes. His adiungebantur uasa quatuor argentea, trullaque aurea, & ex aurichalco magna candelabra, in quibus tortus filus oleo immersus conflagrabit: quæ res erat superuacanea, uerum arrogantiam præ se ferebat, & celsitudinem principatus. Huic genitor eius astantabat, necnon germani duo, longe à throno passibus quinque uel sex stantes, omni splendoris apparatu condecorati. Post eos paulo longius stabant innumeri optimates ac principes regulique, diuitiis & ipsi quammaxime onusti. Itaque præfectus classis hæc uidens, ad regem ibat manum eius exosculaturus: uerum annuere astantes, ut à congressu temperans propius non accederet regi: quandoquidem is est mos illorum, ut regem contingat nemo. Continuit se igitur præfectus noster: cui mox sedes allata est, ut sedendo regem alloqueretur: quod non mediocris honoris est specimen. Coepit igitur alloqui regem præfectus, promens quæ iusserat Portugalliæ rex: & ilico literas protulit: quæ lectæ fuere regi: nam charactere Arabico exaratæ erant. His peractis præfectus ad classem nuntios misit qui munera regi ferrent, quæ in sequentibus explicabuntur.

De muneribus missis ad regem Calechut.

Cap. LXXIII.

PRIMO uas aureum cælatum, in quo principes de more manus abluunt, maluium appellamus: deinde uas aliud argenteum, idemque inauratum coopertumque cooperculo argenteo, miro modo fabrefacto. Item clauas duas argenteas cum catenis argenteis. Item puluinos quatuor pergrandes, uidelicet duos coopertos aureo panno, duos uero alios ex serico purpurei coloris. Item conopeum unum ex panno aureo cum laciniis distinctis auro ac serico coccinco, cumque eo tapetum magnum, & stragula duo ditissima: alterum figuris insignitum, alterum uero arbusculis ac foliis uirentibus distinctum. Deinde gutturnium argenteum, quo guttatim per colli angustias aqua infunditur manibus, pari opera & ornatu elaboratum, uti uasa superius descripta. His susceptis muneribus, necnon uisis literis, & legatione audita, uisus est lætari plurimum. Propterea hortatus est præfectum classis, ut diuerteret in eas ædes, quas sibi parari iusserat: interea dixit se missurum captum eos obsides, quos pignori dederat præfecto: quoniam uiri erant patritii clarique admodum, nec usque in illam horam cibi aliquid



aliquid sumplerant, aut potus: quandoquidem ipsi pro lege habebant, ut in mari cibum non capiant, nec bibant, essentque usquequaque insomnes: addiditque si præfecto complacitum sit naues repetere suas, id pro arbitrato faceret: quoniam eosdem obsides in crastinum se daturum pollicebatur, ut rursus ipse redire ad regem posset, expediturus commercia. Igitur dux noster classem reuissit, relicto interea Alphonso Fartado cum sociis septem uel octo, qui illi domi inferirent. Dum itaque littus deserit præfectus noster, uerna quidam illorum nobilium præuenit præfectum, & citatissimo gradu contendit ad obsides, nuntians præfectum recessisse. Qui ubi hæc accepere, sese præcipites è nauibus in mare dederunt: quod uidens Arafchorea negociator præcipuus, ilico conscendit cymbam, & mox duos obsides cepit, cumque eis tres uel quatuor uernas: reliqui uero natando euasere. Interea præfectus classis superuenit, & eos obsides, quos nactus est, in inferiore parte nauis poni iussit, ne & ipsi in mare desilirent: deinde monuit regem de compertis, questus de gestis per obsides, reiiciens causam huius rei in quendam regium amanuenssem: addebátque, in carcerem trussisse obsides, ob id quod timerent suis: quia adhuc in terra apud regem agebant: & insuper suam suppellectilem repetebat, spondens se quamprimum dimissurum obsides, ubi sui dimitterentur. Iuere igitur ad regem nostri legati, cumque eis duo ex illis quos ceperamus in almadiis: & tota nocte præfectus classis præstolatus est responsum. Postero autem die rex ad littus accessit, stipatus cohorte decem aut duodecim mille hominum, & cum eis nostri, quos cum suis permutaturi erant. Interea expediuntur uiginti aut triginta almadiæ, quæ cum nostris qui permutandi erant conscendunt ad classem. Vbi igitur in conspectu fuere, propius accedere non audebant, hæsitabundi omnes, an prius darent captiuos, quam suos redemissent: & inter spem & metum positi, totam diem frustra consumpsere, rursus ad littus redeunt: & cum terram appulissent, nobis conspectis, probris & maledictis nostros incessabant, identidem mortem ac supplicium minitantes. Quare nostri noctem illam per uarias animi interturbationes & corporis molestias transigere. Sequenti tamen luce iterum rex mittit ad præfectum internuntios, nuntians se ultro suos ad eum mittere inermes cum captiuis Christianis, exhortans plurimum ut ipse remitteret obsides, quos penes se habebat. Mittit itaque dux noster cymbas suas ad almadias, ut tandem aliquando permutatio fieret captiuorum. Conuenere cymbæ utrinque, & suppellex reddebatur nostris, cum senex impatiens moræ sese in mare iecit. Tunc nostri indignati plurimum, & senem capiunt, & alios in mare tridunt. Postridie dux compassus seni, qui famem triduo sustinuerat, eum ad regem misit rogans, ut & ipse remitteret adolescentes duos, qui inibi adhuc retinebantur: remisitque omnia eorum arma, quæ capta fuerant in almadiis. His uisis rex pudore uictus adolescentes ad præfectum mittit. Post hæc triduo continuo nemine ultrocitròque comitante, sed omnibus domi sese continentibus, præfectus tandem decreuit regem rursus his aggredi uerbis: quòd uidelicet commercia inter eos futura essent, si iterum obsides darentur. Cum uero hærerent omnes, nec inuenirentur qui Barbaris ultra fiderent ob præteritam perfidiam, Franciscus Choreas seipsum obtulit id munus obiturum, seque regem aditurum intrepide

Franciscus  
Chorea.



clara uocē professus est . Ita actum est , regem adiuit , ipsūque certiore fecit uenturum Arafchoream ad regem , de mutuis mercimoniis tractaturum : uerum id haud quaquam fieri posse , nisi rursus obsides dentur : Nam petebat pro pignore mercatorem quendam locupletissimum , Gugeratum nomine . Tum is mercator respondit , se mox missurum nepotes , quos habebat duos : quod regi admodum complacitum fuit . Itaque sequenti die de his omnibus præfectus à Francisco certior est factus . Quibus perceptis , Arafchorea se itineri accinxit , prius obsidibus in potestate habitis . Cum ergo terram Arafchorea appulisset , & dies iam inclinaretur , uisum est ad classem redire , ut ibi noctē tutius agerent . Postridie uero ad regem contendit Arafchorea , nauaturus de commerciis operam , quam Franciscus regi pollicitus fuerat . Huic igitur rex perquam commodas ædes dari iussit , quæ erant illius uiri locupletissimi , cuius superius meminimus : cui etiam à rege demandata erat prouincia , ut Arafchoream mores regionis sedulo doceret . Cœpit itaque Arafchorea negociari , nec mercari poterat , nisi per interpretes Arabas : neque regem adire quibamus , nisi Mauris mediis , qui suapte natura inuidi nobis aduersabantur , & iugiter imponebant : non tamen eorum impostura nos diutius latuit . Nam id curauerant , ut dum negociabamur apud eos , nemo nostrum ad classem contenderet : si tamen in terram è nostris ibant aliqui , excipiebantur ab eis , sed redeundi nulla dabatur copia . Quod uidens dux classis , credidit fraudem subesse , & uentis uela facere iussit . Et cum rates iam altum tenerent , conspectæ à nostris , per internuntium , per celeri cymba uectum reuocatæ sunt ad portum . Rebus igitur pacatis , Arafchorea commercia exercebat cum Barbaris : & adeo res conquievere , ut iam intrepide nostri negociari quirent . Is tamen mercator Mauros , qui nepotes pignori opposuerat suos , eos repetebat , nos ferè infansus obseruans . Tum rex alio accersito uiro Turca , protinus iubet ut nostra non incuriose curet , aliasque paret ædes , ut mitius pacatiúsque nostras diuenderemus merces . Hoc facto , indies melius nostra suum effectum sortiebantur : nam uendidimus multa , compluráque emimus : & inter nos uiguere spatio duorum mensium mirabilem in modum commercia . Rebus itaque nostris nundinatis , it ad regem Arafchorea , & gratias agit quas potest maximas . Inuicem rex multa pollicetur , hortatúrque plurimum , ut cœpta mercimonia deinceps prosequantur intrepide : nec prius eos missos facit , quàm ædes illis perpetuo donauerit . super qua re confecta sunt diplomata , hoc est , regiæ literæ , quæ uicem supplebant priuilegii : hæ enim ex ære erant ad ipsos : ad regem uero Lusitanum ex auro purissimo . Is est suus mos exarandi diplomata , quæ mercatoribus dari solent . Erecta etiam sunt de iussu regis trophæa regia supra domum , ut sic ædium indemnitati consultum foret . Contendit itaque ad classem Arafchorea , & literas profert regias , ac obsides reddidit quamprimum , quibus confisi maxima securitate , altissimáque pace fruebamur , iam alter fidebat alteri , & de obsidibus nulla mentio fiebat , uidebamus enim domi agere , adeo amicè omnia inter nos agitabantur . Interea dum mutua pace fruimur , ecce nauis maria aliena fulcans , quosdam elephantos ferens eximios , quorum unus cæteris elegantior erat , ac bello assuetus magis , prætiq̃ue non mediocris . Hæc ubi regi comperta fuere , mox & nobis sunt relata  
ex rege



ex rege, qui nos apprime rogabat, ut in suam gratiam nauim huiusmodi cor-  
riperemus, mercésque inuitis mercatoribus interciperemus: quoniam pretium  
immodicum pro eo elephanto sponderat, nec tamen consequi eum potue-  
rat. Idcirco plurimum precabatur, ut ab eis pertinaciæ suæ poenas exigeremus.  
Quæ cum rex multis precibus denarrasset, præfectus ilico respondit se regi mo-  
rem gesturum: uerum intellexisse ratem memoratam esse omni armorum ge-  
nere communitam, eamque uastissimam, ac cœtu uirorum exornatam: capi  
propterea non posse sine hominum strage. Ideo petebat, ut sibi impune lice-  
ret, ubi opus foret, in eos iuribus belli uti. His itaque rex protinus annuit, &  
Mauros misit ad classẽ nostram, qui rei nauandæ non præessent, sed inter-  
essent, & nostrarum uirium ac dexteritatis locuples facerent testimonium, uel  
si forte fortuna deditionem facere uoluissent, adducti eius persuasione. Igi-  
tur nostri celocem parant, tormentaque fere omne genus expediunt, nec su-  
pra septuaginta uiros rati imponunt, qui noctibus duabus iugiter memoratam  
ratem consectabantur, nec tamen assequi poterant. Sequenti tamen die annixi  
plus solito, post longam ac celerem insectationem nauis comprehensa est. Hos  
prius amice hortati sunt, ut regi facerent deditionem. Qui ubi hæc audiuerat,  
nos ueluti fabellam quampiam narrantes, sua freti multitudine, aspernati sunt.  
ferebat enim nauis homines supra tercentum. Qui pro responso sagittis nos  
impetere cœperunt, & supra quàm referre queam contemnere. Tunc nostri  
arma expediunt tormentaque: & atrociter exoneratis tormentis, in eos conten-  
dunt. Qui reboatu tormentorum perterriti, & iam rate dehiscente, mox sese  
deditere. Huius rei conditio rex certior factus est, qui ad littus magna conco-  
mitante caterua profectus est, ut egregium facinus coram uideret: nam uix ad-  
duci poterat, ut crederet celocem nostram perquam mediocrem, tantam na-  
uim profligare quiuisse: Nam, ut præfecimus, nauis erat duplo celoce maior  
& uirorum in ea bellantium numerus multo frequentior: quæ res ad maio-  
rem uictoris laudem attinebat. Regi noster præfectus & nauim & elephantos  
dedit, omnibus lætam uictoriam nobis congratulantibus, & nostra nauis ilico  
classi reddita est.

DE AB DIFICIIS VRBIS CALECHVT ITEM DE  
cius incolis, qualem habeant uestitum ac incessum, deque eo-  
rum religione ac republica, qui rex & magistratus, item de  
mulierum monstrosa licentia, deque aliis mirandis ritibus, ex  
æquo & iniquo, honesto ac inhonesto permixtis.

Cap. LXXV.

VRBS ITAQUE Calechut uasta est admodum absque mœnibus:  
intus pluribus in locis uacat. Domus haud sunt contiguæ, inuicem distantes plu-  
rimum. Lapidibus & calce extructæ sunt, interiores ædium partes sculptæ:  
pro imbrice palmis utuntur: illis tegunt suas ædes. Fores prægrandes habent  
miroque artificio fabrefactas: Has muro incingunt, instar pomerii. Ibi  
uisuntur arbores innumeræ, stagna, & fontes complusculi: nam stagnis



Ganfer.

Betellæ

Sacerdotum  
licentia

libenter immerguntur, lotionibus enixe gaudentes: Fonte plurimum lætantur. In urbe uero lacus uisuntur complures, quibus immerfi gregarii ac proletarii, omnisque ignobilior uulgus, ter uel quater interdiu lauantur. Rex idolorum lætriæ est addictus: licet nonnulli crediderint eum Christianum fuisse, qui minus mores eius calluerunt: nam nos apud regem diuturniores fuimus, mercimoniis insistentes, quo facillime scire quiuimus, qui ritus eius forent. Regem appellant Ganfer, cuius aulici & contubernales omnes sunt Mauri, qui habilissima habent corpora. Nudi incedunt pube tenus, reliqua panno inuoluunt. Nudis ambulat pedibus, & aperto capite prodeunt, nisi eminentiore præcellant gradu: tunc enim birreto utuntur sericeo, hoc est uelutato, còq; longiore, ut retulimus. Terebrant aures, inque eis margaritæ quæque præciosissimæ appenduntur. In brachiis aureas armillas gestant. Patricii denudatos enses & clypeos ferunt: at enses in cuspide latiores sunt quàm alibi, clypei sunt teretes, iis non dissimiles, quibus apud nos pedites utuntur: peltas appellamus, eosque coloribus nigro & albo distinguunt. Gladiatores sunt, quàm qui maxime, in alio ferè nullo exerciti. Hi sunt qui regis latera stipant numero frequentiore. Numerosiore oblectantur coniugio: quinque aut sex mulieres uni uiro nubunt: quos habent chariores, eos coniuges comprimere uolunt, & id est beneuolentiæ argumentum apud eos maximum. Nullus est eis pudor, nulla uerecundia, continentia nulla: natæ illorù ante puberes annos corpora prostituunt sua: cum annum octauum egerint, nudæ ipsæ æque ac uiri incedunt. Diuitias propè incomparabiles circumferunt: capillum comunt mirum in modum: pulchritudine ferè omnes superant uiros: prehensant ut stuprant eas: quoniam uirginitas est eis pœna: nam nubere non possunt uirgines. Bis in die comedunt: pane & uino abstinent: carnibus, nec pisce uescuntur: in cibatu habent orizam, lac, butyrum, saccharum, & arborum fructus: prius cibum non capiunt quàm loti fuerint: tacti à non lotis, non comedunt, nisi rursus lauentur: & is mos est eis pro ceremoniis, eumque mire obseruant. Viri & foeminæ per urbem incedunt esitantes folium quoddam, cui nomen est Betellæ: hoc igitur inficit ora & dentes colore subrufo: hoc more abstinent tantum obscuro loco nati. Vbi uero ob funera pullam induunt uestem in speciem mœstitiæ, temperant à folio huiusmodi, ut & dentes præ se ferant mœrorem, & subrufo colori succedit nigricans. Rex duas habet coniuges, & quamlibet illarum sacerdotes decem assiduò comitantur, easque comprimunt, & id in decus regis eximium fieri iactant, nullum alium honoratiorem titulum regidantes, quàm quòd eius coniuges à sacerdotibus comprimantur: propterea eorum filii nusquam regno succedunt, sed ex sorore nepotes regnum capeffunt. In regia degunt innumeræ mulieres, utpote mille & quingentæ, aiuntque id esse argumentum regis excellentiæ, nec aliud hæ mulieres agunt, quàm puluerulentam domum scopis uerrere, aquæ aspergere, quocunque rex eat sequuntur: domus aspergitur aqua mixta boum excrementis: ædes regiæ tolluntur in altum, inque eis fontes, quibus immerguntur cum corpora abluunt. Cum rex egreditur, carpento uehitur, id est curru, quem bini uiri ferunt, omni lapidum genere condecoratum. Carpentum stipant choraulæ, præcones, buccinatores, & id genus complusculi. Patritii uero, & eminentiores suæ ditionis, omnes sequuntur



quuntur, enses denudatos ac clypeos teretes gerentes. Sagittarii etiam ac uelites cum præcedunt, itinera explorantes: habet suos ædituos & admissionales: conopeo, id est tentorio tegitur, dum incedit, ut apud nos dum pompa ducitur regum & principum: & ut aliquando finiam, nullus est in toto orbe apud suos honoratior: quippe qui instar numinis alicuius reuerentissime colitur: nam ad eum propius quis non accedit, quàm ad tres uel quatuor passus: cum uero aliquid porrigunt, ac si stipem darent elephanto ab ipsis tremebundis, id ramo porrigitur: quoniam regem tangere apud eos nefas ducitur. Cum cum alloquuntur, id agunt demissis capitibus, manu ori apposita: & nemo è patritiis regem adiret inermis, hoc est, sine ense & clypeo. Cum regem uenerantur capita manibus tangunt, sicuti qui deum adorant. Qui uero agunt magistratus, parui sunt census, hi regem nec uident, nec alloquuntur: & in primis piscatores, qui si forte fortuna in uicis urbis occurrerint patritiis, aut effuse fugiunt, aut si perrexerint ire obuiam nobilitati, mox uapulant scipione aliquo: patritiorum uero coniuges cum rex uitam cum morte commutat, ipsum comburunt ligno sandalio igni subiecto: uulgares uero & capite censi humantur: barbam comunt, ratiocinatores sunt maximi, ac scribæ perceleres: scribunt in foliis palmarum stylo ferreo, absque colore uel incaulto. Est & aliud genus hominum, qui magna commercia agunt, Gufurantes appellantur, oriundi ex Cambaia prouincia: hi suapte natura idola colunt, Solem uidelicet & Lunam, uaccasque adorant: & si quis uel fortuito bucculam occiderit, is protinus morte mulctatur, nihilque eiusmodi uiri esitant quod meri possit: nec pane, nec uino utuntur: & si qui per imprudentiam carnes comederint, hi mox relegantur ut ostiatim uictum quaritent per orbem uniuersum errabundi, uel si claro loco nati forent: uacant plurimum incantationibus diuinationibusque: albedine incolas urbis Calechut superant: capillum exornant plurimum comuntque: panno bombicino induuntur: peplis utuntur ut sceminæ, quibus inuoluunt capillos: nubunt ut nostri: zelotypia laborant eximie: mulieres habent pulcherrimas, easdemque pudicas: illorum mercimonia sunt panni & uniones.

DE NEGOCIATORIBVS ET ITINERE AD AROMATA, & Cayro portu Alexandria, qui dicitur Babylonia.

Cap. LXXVI.

SUNT IN IBI & alii mercatores, dicti Zetieties, ex alia prouincia: idola colunt: eorum mercimonia sunt lapides omnifariam pretiosi, uniones, omne genus aurum, & argentum: nigriores sunt cæteris: prætexta utuntur: aliquando nudi ferunt pro cauda equorum ac bouum caudas: fascinatores sunt maximi, adeo ut uisibiliter dæmones frequentius alloquantur, eorum coniuges libidinosiores sunt cæteris mulieribus, summæque Veneris appetentes. Ibi etiam sunt Mauri ex regione Mechæ, ubi Mahumetis ara. Ibi rursus Turcæ, Persæ, Assyrii ex Babylone, & ferè innumerabiles gentes aliæ: eximii sunt mercatores, iidemque locupletissimi, & omnium rerum quæ importantur in urbem Calechut emptores, earundemque uenditores. Nam eius urbis hæ sunt potiores,



videlicet lapides pretiosi, ut sunt Berylli, Smaragdi, Chelidonii, Topasii, Sapphyri, Chrysoliti, & id genus plures, Castoreum, id est, muscum, thus, aloë, ac reubarbarum, porcellanæq; necnon gariophyllum, cinamomum, sandalium, lacha, myristica, nux muscata appellatur, & mastix, hæc omnia aliunde importantur: piper uero & zinziber ibi nascuntur, myrobalanumque & casia, hæc regio urbis Calechut abunde mittit. Hi igitur Mauri sunt præpotentes, & regni illius tenent habenas: nemo est qui illis post regem non pareat. In montibus uero non longe ab urbe Calechut rex dominatur longe potens, rerum multarum dominus, Naremegha remegha dicitur, idola colit, coniuges habet supra trecentas: fato functus suo comburitur, & cum eo coniuges omnes: cæteri uero cum uitam exuerint, in fouea comburuntur, & eorum coniuges omni mundo muliebri exornatæ illò contendunt, concomitantibus parentibus & cognatis omnibus, subsequentiisque choralis & tibicinibus, applausu immodico ad foueam ueniunt, & ibi coniunx quæ comburi uult cum uiro, circumuehitur foueam gestiens ac tripudiis insistens, & demum ut cancer reptando incedit, quoad sese in ardentem foueam præcipitet. Astant etiam memorati affines, obseruantes factum: quoniam cum sese præcipientem dederit mulier, mox iniiciunt ollas olei & butyri supra corpus mulieris, ut hoc fomento altus ignis citius comburat coniugem. Fert etiam hæc regio elephantos multiplices, & in primis domitos, ac belli artes edoctos: his bella faciunt acerrima: hi etiam adeo sunt cicures & mansueti facti, ut nihil eis desit ad humanitatem præter loquelam: nam imperata faciunt, & dominos cognoscunt suos: id enim nos ipsi conspeximus in urbe Calechut, uerâmq; denarramus historiam: nam aure certior arbiter est oculus. Elephantes quibus rex utitur efferantur plurimû, uiriûmque sunt incredibilium: nam duo tantum nauim magnam trahunt in terram. Ibi maria non sulcant nautæ, nisi à mense Octobri usque per totum mensem Martii: & id est illis æstas, reliquum uero tempus est hyems, adeo ut nobiscum contrarias uices temporum habeant. Cum uero non nauigant, in sicco naues tenent. In mense Nouembri naues Arabum Mechæ soluunt illinc, & in Arabiam contendunt, aromatum omni genere onustæ. Vida dicitur eorum portus, quò primo aromata conuehunt, & inde ferunt ad Cayrum Alexandria portum, & emporium orientalium cantatissimum: eò tamen hæc omnia ab portu Vida terrestri itinere conuectantur.

De strage Maurorum & Christianorum facta in Calechut.

Cap. LXXVII.

CVM ITA QVE diutius immorati illic fuisset, tribus uidelicet mensibus commerciis insistentes, nec nisi duas naues mercibus onerauisset, & iam moræ istius nos tæderet plurimum, præfectus nostræ classis mittit ad regem nuntios, qui ei renuntient, iam menses ternos elapsos, quibus ipse tolerantissime præstolabatur: ut tandem aliquando expediretur: quoniam tempus redeundi ad patriam appetebat: & tamen uix celoces duas oneratas mercimoniis esse, Mauros nihilominus emisit & asportauisset quæcunque libuisset, & uili quidem pretio, se propterea rogare plurimum, ut tandem annuat Portugallensium uotis, patiatûrque eos expediri prout inter regem & Araschoream conuenit iam pridem. Hæc retulit noster nuntius. Iis in hunc ferè modum rex respondit, Se non difficulter



culter passurum, ut Lusitanæ naues expediantur, nec sibi posse persuadere, Mauros furtim mercari, quandoquidem exierat edictum ab eo, ut prius nemo naues oneraret, quàm Lusitani expediti forent, si forte sibi imposuere Mauri, se haud ægre laturum, quod Lusitani Maurorum onustas naues corripiant, & sibi uendicent eodem pretio, quo emissent Mauri cunctas merces quas nanciscuntur in nauibus. Itaq; decimalexta Decembris, dum Araschorea uacat cōmerciis, essentq; in portu duæ naues nostræ iam onustæ, ecce Maurorum nauis quædam soluit illinc, onusta admodum omni genere aromatum, ferens elephantos ternos. Cuius rei factus certior præfectus noster, mox ratē corripuit: Huius erat dominus Maurorum illustrior, is ægre ferens factum, it protinus ad regem, quæstus grauius de illatis à Lusitanis. Fit per urbem clamor ingens, confluunt ad regem Mauri, qui in nos conspirauerant. Rex igitur fatigatus his querimoniis, annuit ut uir seditiosus, & fidei nullius: nam ut citius regem flecterent, aiebant nos plura iam exportauisse quàm attulissemus in regnum eius, nōsque propterea fures uocitabant & prædones. De consensu igitur regis sumunt Mauri arma, telaque expediunt, & efferari incipiunt, per mediam urbem bacchantes ibant, cædibus & internecioni Christianorum uacantes. Iam ruebant cateruatim in nos omni armorum genere communiti: tum solis ensibus & pallio protecti uim ingruentem propulsare cœpimus: uerum sufficere illis nostræ uires nequibant: maior erat numerus quàm à nobis redigi in ordinem posset. Retulimus igitur pedem: & iam è nostris ceciderant tres uel quatuor: è suis uero septem uel octo. Dum igitur pedem retrahimus, consauciantur è nostris complures: & uix portas occludere quiuimus, irruente Barbarorum incondita turba: tunc à muris propulsare cœpimus hostem: at illi domū expugnant, ea enim ambiebatur muro, alto quidem haud supra equitis mensuram: nam nos septem uel octo arcus habebamus, quibus innumeros Barbaros confecimus. Tandem prouocati magis Mauri in nos plus solito sæuiunt: murum quo cingebatur domus demoliuntur. Nos uero consilii & opis egentes euasimus ædes, ut ad littus contententes à nostris exciperemur: nam non longe à littore cymbæ nostræ exitū rei mœstissime præstolabantur: opem ferre non poterant, licet certiores facti essent à nobis uexillo leuato, dum adhuc domi obsideremur: uerum tormenta lædere hostem nimis distantem nequibant. Itaque inter uitam & mortem ambigui ad littus contendimus sequentibus Mauris: nec prius naues nostras ingredi potuimus quàm ceciderit Araschorea noster, & è nostris quinquaginta: qui uero euasere, se iactabundo mari nantes credidere ferè XX. non enim naues ad littus accedere audebant, ne corriperentur à Mauris: inter eos qui ad classē peruenere ferè mortui, erat filius Araschoreæ, natus annos undecim: præfectus uero cymbarum iam fessus, regredi ad littus noluit, cum præsertim dux classis ægrotaret. Igitur hi solum uiginti mortem euasere, reliquis à Mauris male acceptis. Hæc igitur ut sunt relata præfecto classis, ipsum peruasere plurimum, moueréque ad excandescentiam, quòd uidelicet sui adeo male accepti fuissent, ut uix uiginti è tot uiris superessent. Itaq; iussit naues Maurorum decem, quæ in portu morabantur corripì, & occidi omnes qui in eis reperirentur. Captis igitur nauibus desiderati sunt homines plus quàm sexcenti: delituerant nonnulli in sentina, ubi etiam merces compertæ sunt



complufculæ. Viros trucidauimus, & omnes merces nobis adiudicauimus, & naues omnes combuffimus: erant etiam in nauibus elephanti tres, quos occidimus comedimufque. Sequenti uero die propius urbem appulimus, & exoneratis tormentis mœnia demoliti fumus, non fine hominum ingentiffima clade. Illatis damnis innumeris, & inuicem ipfi è continente tormenta in nos exonerabant: uerum nihil profecere, in uanum emittentes. Dum fic congregimur, ecce naues duæ quæ portum quærebant, qui diftat à Calechut leucis quinque: quæ ut nos confpexere, mox effufe fugerunt, ad portum contendentes, ubi feptem aliæ naues ferè in ficco mercimonia opperiebantur. In eas igitur uela fecimus: uerum operam lufimus, quoniam propius accedere nequibamus, tum quia erant propè in arido, tum uel maxime ob numerosiore hominum cœtum, qui inibi naues tutabantur. Propterea decreuimus proficifci ad urbem Chuchinā, ubi commercia exercere tutius quiremus.

Quomodo naues onerauimus.

Cap. LXXVIII.

SOLVIMVS igitur illinc Chuchinam uerfus euntes, quæ urbs abeft à Calechut leucis triginta, regnūque eft nulli parens: & inter nauigandum à nobis confpectæ funt naues duæ, quæ, cum uela feciffemus in eas, mox à fuis deferæ funt: Nam qui eas ducebant uecti paruis cymbis profecti funt in terram: nos uero accedentes ad eos, nullis compertis mercimoniis, præter orizā, eas comburi iuffimus. Applicuimus ergo ad urbem Chuchinam uicesimoquarto Decembris, & in oftio cuiufdam fluminis ancoras iecimus: quibus iactis præfectus nofter emifit pauperculum quendam conferuatum, qui fponfe fua naues noftras fuerat ingreffus, ultróque in Hifpaniam proficifcebatur. Is igitur ad regem contendit, & quæ nobis in urbe Calechut euenerant regi explicat. Qui ubi hæc accepit, ut regem decuit, nobis compaffus, uicem noftrā indoluit. Expofuit etiam regi, præfectum noftrum multa adduxiffe, quæ libenter cum mercibus regionis, fi complacitum foret regi, commutaturus erat: & ubi merces non placuiffent, pecuniam pollicebatur multiplicem. Ad hæc respondit rex ægre ferre, illatas nobis fuiffe iniurias: quòd uero ad fe fpectaret, merces fuas aduentūque eorum grata habere: quandoquidem iam pridem de fama & probitate Portugalenfium certior factus fuerat, bonam propterea de eis opinionem induerat: accederemus itaque intrepidi, commutaturi noftra cum fuis pro nofiro arbitratu. Tunc nuntius nofter infit regi, nos nunquam ex uetere inftituto confueuiffe prius terram appellere, quàm obfides dati fuiffent, mitteret propterea è fuis quempiam, ut mox accederent negociaturi. Tum rex his auditis, actutum duos patritios obfides dedit, ut confidentius accederent noftri, qui commercia exercebant. Hi igitur obfides regio iuffu adiuere præfectum claffis, feffe illi committentes. Præfectus uero ut uiciffitudinem rependeret, quatuor aut quinque è fuis in terram mifit, negociatorēmq; & hos commonefecit, ut quàm celerius poffent expedirent merces fuas, inuicem emerent eorum mercimonia pretio aliquando, nonnunquam uero permutatione, prout conducibilius fore rati fuiffent. Interea quoniā apud eos is inualuit mos pro lege, ut in mari fiquis comederit, is nunquā regem uideat: obfidum adhuc nemo comederat, permutabantur in diem propterea aliis fuccedentibus tantisper, donec alii comediffent. Igitur illic cōmorati fumus



sumus circiter dies XV, naues exonerantes non longe ab urbe Chuchina, ubi portus est qui dicitur Carnagallo, & ibi comperimus Christianos, Iudæos, Mauros, & Zapharas. Inuenimus etiam ibi Iudæam quandam de Seulia, quæ ex Cayro uenerat uisum Mecham, & inde Chuchinam, & cum ea duo Christiani, qui asseuerabant se profecturos Hierosolymas, & inde Romam, quod profecto perquam gratum præfecto nostro fuit. Dum itaque naues nostræ exonerantur, ecce ingens classis regis Calechut in mari apparuit, naues supra XXV trahens. Huic certior factus rex, ilico ad præfectum mittit quendam, qui ei nomine suo uim hominum maximam ad classem profligandam offerat. Huic præfectus respondit, se regi agere gratias, nec per id tempus opis suæ egere, se satis facturum aduentanti classi, ostensurumque illis eorum futiles conatus: & re uera credidit haudquaquam sibi opus fore alieno auxilio, quoniam iampridem expertus fuerat eorum uires: & ipsi non accedebant, sed altum tenentes à classe nostra una leuca aberant: nihilominus præfectus uela explicare iussit, à portu soluens, & obsides secum ferens, dimissis in terra è nostris septem, & pleno gradu contendit in classem Barbarorum, ratus non difficulter se subacturum Barbaros. Verum sequenti nocte classis nostra uentos haud habuit felices, ut in hostes contenderet. Postera uero die quæ fuit decima Ianuarii, M D I, propius alter alteri accessit adeo, ut congredi commode potuissemus. Dum igitur utrinque naues se prælio expediunt, præfectus recensens suos, uidit nauim Sancini Tonari abesse, propterea satius censuit, si per id tempus temperauisset à pugna. Decreuit igitur in patriam redire suam, fauentibus uentis: nos tamen usquequaque per diem totam classis Calechut confectata est. Cum uero aduersperauisset, mox euauit: nos uero citato gradu patriam petebamus, dimissis septem è nostris, & duos nobiscum ferentes obsides: quos cœpit præfectus enixe rogare, ut se tempori accommodarent, nec desperarent, uerum cibum quempiam caperent, ut suæ uitæ consultū irent: nam triduo iam famem sustinuerant: tandem adducti ducis hortamentis, comederunt non sine mœstitia. Nos uero uersus Lusitaniam uela fecimus.

De rege Chanone amico nostro.

Cap. LXXIX.

ITA QVE die XV Ianuarii ad quoddam appulimus regnū, quod Chanonam appellant de Gafferes, quodq; à Calechut parum abest, & eiusdem sunt linguæ. Dum igitur è regione regni huiusmodi nauigamus, rex ad nos amice nuntium mittit, qui referat se ægre tulisse, quod eò prius non concefferint, quàm aliò iuissent: uerum eos hortari plurimū, ut si merces non habeant quæ uoto suo faciant satis, se uberrime daturū protinus. Ad hæc præfectus respondit, oneratas iam esse naues, nec alterius egere nisi cinamomi bacharis centum, quæ sunt CCCC cantara, id est uasis genus. Hoc accepto rex, mox ad ducem cinamomum mittit diligentissime fidenterque: pro eo dedit præfectus pecuniam signatam cruce, cruciferos appellant. Post hæc eò conuehebatur cinamomi plurimum certatim cymbis frequentantibus: uerum nullus supererat ulteriori merci locus, onustæ erant admodum naues. Rex uero ratus nos non habere pecunias, rursus ad nos mittit, qui renuntient regem sponte daturum mercimonia absque pecuniis, soluerent modo cum redissent: nec ob hoc desineremus commercia nostra absoluerè, quoniam audiuerat regem Calechut bona nostra deprædatum fuisse, pu-



blicatis nostris mercimoniis, ac illata hominum Christiani nominis strage non mediocri: addebat etiam compertū habuisse iampridem inconcussam esse Portugallensium fidem, se propterea esse propè addictum nobis. Huic itaque regiæ uoluntati, & opinioni de nobis tam benignæ correspondens noster præfectus, ut erat uir acerrimi ingenii, non uulgares retulit gratias: & eas se relaturum quandoque ingenue professus est, & introducto nuntio uim pecuniarum maximam, quæ superfuerat, ostendit: & rursus quærenti regi an alicuius egeret: respondit nullius, nisi uiri cuiuspiā, quem secum in patriam ducat, qui rerum Portugallensium testimoniū locuplex aliquando regi faciat. Rex igitur protinus patritium quendam misit, qui nobiscum iret in patriam: non prius tamen illinc soluimus, quàm de obsidibus regi Chuchini scriberemus, certiorē facientes regem, nos ire in Lusitaniam, & obsides fore apud se sua causa in pretio, & fauentibus superis redituros quamprimū, & nostros insuper suæ altitudini commendabamus: dedit etiam præfectus noster negociatori literas, quibus hortabatur uirum & socios ut bono essent animo, & negociarentur tantisper, donec redirent, futurum sibi decus ingens, quod inibi Christianum nomen exornent, cum apud immortalem deum, tum etiam apud principem nostrū & reliquos contrerraneos omnes. Itaque apud hunc regem diem unam duntaxat consumpsimus. Illinc soluentes, uela uentis dedimus, iter facientes uersus Melindæ regnum: ultima Ianuarii luce sinum traiecimus Melindæ, & ibi nauim comperimus Combaia, ex Melindæ regno ueniebat onusta mercibus complusculis, hanc cepimus, arbitrati esse Mechæ regni aut Maurorum: ferebat enim supra tercentum uiros sexus utriusque: ubi uero apparuit eam esse regni Gembra, mox dimissa est, passa iacturam nullam, pilotum solum accepimus ab eis, & demum iter nostrū persequuti sumus.

De naufragio sinus Melindæ.

Cap. LXX.

Alias sanctus  
Tanarus.

**DIE DVODECIMA** Februarii sub noctem piloti omnes, id est, itineris duces & reliqui, qui chartam nauigationis optime callent, terrā applicuere: tum \* Sancinus Tonarus, qui præfectus erat ingētis nauis, ultro se obtulit itineris præuium, & explicatis uelis, ipse rates omnes præibat: & ecce nocte intempesta mare sæuit undabundum admodum, classē actutū conturbat, modo huc modo illuc impellens: & tandem Sancini nauim impulit in siccum, cœpit protinus conflagrare, ubi ignis emicuit: mox certiores huius inauspicati euentus reliquas naues reddidit: quo uiso igne, iussit præfectus classis naues eò uela facere, ubi ignis emicuerat: nox erat tenebricosa, cum luna pernox minime esset, uenti etiā magis inualescebant, adeo ut uix tempestatē ferre possemus: non audebat propterea classi propius accedere, ne & aliæ naues igne corriperentur. Misit itaq; eò paruas cymbas, ut iactis in pelagus mercibus, uel ipsos homines uendicarēt ab incendio, uerū nauis iam dehiscēbat, conflagrabatq; ut nullus spei locus superesset: ardebat enim tanto incendio, ut propè naues alias ignis corriperet. His uisis uela deferentes, remigare cœpimus, & omnium mercium nauis combustæ iacturam fecimus, saluis tantum uiris: nam aromata omne genus ferebat nauis quæ arsit, & ea erat ducentorum doliorum capax: & in hoc submersu & conflagratione nihil prorsus seruatum est: uiri enim solis tunicis interioribus induti incendium euasere. Illinc itaq; soluētes, prætermisso regno Melindæ, quoniā eò concedere



dere minime licuit, uersus Monachiae prouinciam iter direximus, & inde ligna & aquam sumpimus, reductis in terram nauibus, ne à fremente salo submergerentur: nam plenae rimarum erant undequaque perfluentes. Tunc praefectus classis misit Sancinum quaesitum celocem quampiam, necnon pilotum, quo praeuio insulam Zaphalae exploraremus. Interea nos naues sarciebamur: inde soluentes, petere instituimus locum quendam piscosum, ubi pisces erant innumeri. Ibi igitur uberrime piscati sumus, & cum multum piscium consequuti essemus, illinc abeuntes in atrocissimam tempestatem rursum incidimus, quae perinde nos inturbabat, ut coacti fuerimus gradum referre: & dum sic iactamur maris fluctibus, nauis quaedam è nostris correpta est à saeuiente salo.

Quot naues redierint in Lusitaniam.

Cap. LXXXI.

ITAQUE post tot naufragia, & animi interturbationes, & ferè rerum omnium iacturam, ac intertrimenta, die Paschae sancti pneumatis Caput bonae spei appulimus. Id enim promontorium, quod Pomponius frontem Africae appellat, ubi Africa se cuneat, & fastigiatur admodum. Inde uero uentis prosperis ad id oppidum quod adiacet promontorio Viridi deuenimus, regnum Telenice dicitur. Ibi itaque nacti sumus liburnicas tres, quas nuperrime rex Lusitanis eò miserat gratia explorandi orbis, ut est uir ad magna quaeque altus & educatus. Illic etiam comperimus nauim quandam, quae seuiente freto à nostro conspectu euanuerat, è regione ostii sinus Mechae: nam in urbe quadam comorati fuerant, ubi & cymbam, & maiorem hominum partem reliquerant: redibat enim nauis, uiros septem tantummodo ferens, eosque aegrotantes, utpote qui uinum non bibeant, nec item aliam aquam, quam pluuiam bibebant in nauis, ut assolet, collectam. Tandem aliquando appulimus Vlisbonam solum patrium, ferè ultima Iulii. Postridie uero superuenit ea nauis, quae euanuerat dum rediremus, necnon & sanctus Tonarus cum celoce quam fabricatus fuerat in insula Zaphale: & is nobis referebat eam insulam esse perquam angustam in ostio cuiusdam sinus à Mauris cultam, & ibi montes esse, ubi aurifodinae sunt quamplurimae: addebat etiam eò complures alios contendere emendi auri gratia permutatione rerum multarum. Et id tempus quo Sanctus illuc concessit, comperit ibi quamplures Maurorum naues, cepitque inibi Maurum, qui apud eum tantisper oblidis officio fungere retur, donec Christianus quidam rediisset, quem ipse in Arabiam causa explorandae regionis destinauerat. Cum autem nusquam comparuisset, uela uentis dedit, secum ducens Maurum, & tandem in patriam diu optatam peruenit. Nec etiam id uos latere uolumus, Vlisbonam è tanta classe sex duntaxat naues rediisse, reliquis pessundatis cum hominum strage, necnon mercium infinita iactura.

Frons africae

De pondere & moneta eorum.

Cap. LXXXII.

POSTquam in superioribus meminimus mercium ferè omne genus superest nunc, ut nonnihil de pretio & pondere earum in medium afferatur. Igitur in urbe Calechut baccar nucum muscatarum, id est mensurae genus continens cantaros quatuor, non pluris uenditur quam pro CCCCL fauis: & Fauis XX ducatum, id est, nummum aureum efficiunt. Item cynamomi baccar, CCCXC fauis. Item faracula aridi zinziberis, id est XX baccari pars, fauis sex. Item faracula zinziberis saccaro conditi fauis XXVII. Item baccar tamirindi fauis XXX.

g. iii.



Item baccar piperis procerioris fauis CCCC. Item baccar zerombeci fauis XL. Item baccar myrobalani fauis DLX. Item baccar zedouariæ fauis XXX. Item baccar sandali rubri fauis LXXX. Item baccar lachæ fauis CCLX. Item baccar sandalii fauis CLX. Item baccar mastice fauis CCCCXXX. Item faracula conforæ fauis CLX. Item baccar piperis fauis CCLX. Item faracula thuris fauis V. Item faracula belzuini fauis VI. Item faracula ligni aloë fauis CCCC. Item faracula cassiæ fauis II. Item faracula reubarbari fauis CCCC. Item baccar gario phylli fauis DC. Item faracula opii fauis CCCC. Item baccar sandali albi fauis DCC. Item mittricale ambræ, quod uncia sex cum quarta efficiunt mittricale unum ambræ. Item baccar unum XX farazolæ efficiunt, farazolam uero XIII aratollæ & tertia pars unius efficiunt Portugallensium, quoniâ Venetiis XXIII aratollæ, libras efficiunt XXI, & secundam partem. Ad summam igitur nummus aureus non pluris ualeat quàm XX fauis. Post hæc dicendum est de pretiis rerum, quas domo attulimus, uidelicet, quanti uendantur in urbe Calechut. Item faracula æris fauis XLV. Item faracula coralli albi, fauis mille. Item faracula plumbi fauis XVIII. Item faracula coralli obliqui fauis DCC. Item faracula argenti fauis XX. Item faracula coralli nothi fauis CCC. Item faracula aluminis fauis \* XX. Item almenum unum, quod est pondus excedens mensuram Portugallensium, aratis duobus & medio, quod efficit libras tres uel circa, more Veneto, & hoc pondere uendunt crocum, fauis uidelicet LXXX.

Alias LIII.

De regionibus, unde comportantur aromata.

Cap. LXXXIII.

NON ABSONVM igitur crediderim, si eorum locorum nonnihil meminerim, unde afferuntur aromata ferè omnium generum. Piper itaq; aduehitur è turri quadam quæ est ultra Calechut, secus littus ad leucas ferè L. Cynamomum mittit regio dicta Zalon, nec alibi inuenitur, ea est ultra Calechut itinere leucarum CCLX. Gariophyllum fert Meluza regio, quæ abest à Calechut ad leucas duodecim more Lusitano, in loco qui dicitur Cananor. Nûces uero muscatæ, & mastix afferuntur ex Meluza, quæ abest à Calechut leucis DCCXL. Castoreum, hoc est, muscatum, uenit è prouincia quadam quæ dicitur Pego, distante à Calechut leucis D. Vniones uero proceriores affert plaga Armuzi, citra urbem Calechut leucis DCC. Spicus nardus, & myrobalanû aduehuntur ex Combaia prouincia citra Calechut leucis DC. Cassiam in surculis mittit urbs ipsa Calechut. Mittunt uero sua thura Sabæi citra Calechut leucis DCCC. Mirram Farica regio citra Calechut DCC. Lignum autem aloë, & reubarbarum, camphoram, & calingam mittit Chiua regio ultra Calechut ad mille leucas. Zerombam fert Calechut, cardamomum maius Canona mittit oppidum Calechut, longe ab eo leucis duodecim. Piper longum in Same inuenitur. Benzui, & zan ultra Calechut leucis DCC. Tamirindum, & zedouariam mittit urbs Calechut, Lacham mittit oppidum dictum Samoterra, ultra Calechut leucis D. Brasille fert regio Tanazar, ultra Calechut leucis D. Opium fert plaga Adde citra Calechut DCC. Satis igitur ac super dictum sit de ponderibus, & rerum pretio, necnon de locis unde hæc aduehuntur.

NAVIGA-



NAVIGATIO CHRISTOPHORI COLUMBI, QVA  
 MVLTAS REGIONES HACTENVVS ORBI IN-  
 COGNITAS INVENIT INVENTAS  
 QVE HISPANIAE REX COLIVS  
 SIT ET FREQVENTARI.

Quomodo rex Hispaniarum dedit liburnicas duas Christophoro Columbo. Cap. LXXXIII.



**T**AQVE Christophorus natione Italicus, patria Genuensis gente Columba, uir erat procera statura, colore ad rubedinem inclinato, facie oblonga. Is cum diutius in regia regis Hispaniarum inuictissimi diuersatus fuisset, animum induxit, ut hactenus inaccessas orbis partes perquam diligenter peragraret. Petiit propterea rursus & iterum instantissime à rege memorato, ut uoto suo tam pio non deesset, futurum sibi & toti Hispaniæ decus præclarum asseuerabat, si sua opera & impensa nouas inaccessasque regiones natus esset: & ad id opus nauigandi ultro se offerebat, nam pollicebatur plures posse nasci in occidente insulas, quæ ad usum, imo ad delicias mortalium minime forent ineptæ, & in primis in eis insulis, quæ conterminæ sunt Indiæ, inueniri posse arbitrabatur baccas, id est uniones, lapidesque pretiosos fore omne genus, necnon aromata omnifariam, aurique plurimum. Hæc meditantem rex & regina identidem deridere, utpote cogitantem inania, & pensi nullius, uertebaturque hic sermo prope in fabellam. Tandem peractis annis VIII, insistente adhuc Columbo, cœpit rex his sermonibus aures præstare attentiores, decreuitque post multa experiri uiri ingenium, propterea in effectum huius celebris instituti, iussit liburnicam unam, & celoces duas omni genere annonæ armamentorumque communiri. Quibus expeditis, prima Septēbris luce M CCCCXCII. soluit ab Hispanis littoribus, & diu optatum iter aggressus est.

De insulis compertis à Columbo uiro acerrimo.

Cap. LXXXV.

**I**TAQVE soluit à Gadibus iter faciens uersus insulas Fortunatas, quas nunc Hispani appellant Canarias, ob id quod canibus maxime abundant: antiqui uero Fortunatas dicebant. Hæ enim absunt à Gadibus miliaribus M CC. prout ipsi computant suas leucas, dantes unicuique leucæ M. IIII. Fortunatas propterea eas dixere ob aeris miram temperiem, cœliq; clementiam. Sunt in climate per Syenem uersus meridiem: eas incolunt ferinæ gētes, quibus nulla est religio, nullius dei timor, nulla uerecundia, utpote qui nudi incedunt usquequaque: eò Columbus concessit aquæ nonnihil sumpturus, ut uel inibi socii prius parumper conquiescerent, quàm atrocioribus assuescerēt laboribus: nam qui sulcant maria incomperta, his necesse est prope labores innumeros exantlare. Soluens igitur illinc arabat maria, & per dies XXXIII, totidēque noctes nauigans uersus occidentem, nihil telluris unquā apparuit: tandem è specula quispiam insulas quas dā conspicatus est: propius accedētes uidere insulas sex, quarū duæ erant uastissimæ, eisque nomina indidit, alteram Hispanam, Ioannam alteram nuncupauit.

g. iiii.



De magnis insulis.

Cap. LXXXVI.

**I O A N N A M** non satis compertum habuere utrum esset insula uel ne : dum tamen eius latera legunt, audiuerunt innumeros auium concentus, & in primis lusciniarum, quæ densissimis nemoribus inerrabant, mense Nouembri. Inibi etiam conspexere limpidissima flumina, eademque ad potandum suauissima, portus magnos celebrésque. Et cum uento Choro nauigarent, prouecti sunt magis secus insulæ littora nusquam tamen ad calcem peruenere. Cum igitur progressi fuissent ferè miliaria DCCC, & nullum terminum adhuc comperissent, credidere continentem esse : propterea decreuere gradum referre, impellente pelagi sæuitia: nam malus, id est, arbor nauis nutare incipiebat. Conuertit itaque nauim ad orientem, & mox deuenere ad eam insulam, quæ dicitur Hispana : & cum summe appeterent terram explorare quæ ad Aquilonem uergebat, & iam ipsis terræ appropinquantibus, condito ratis maxima in scopulum quandam collisa est, adeo ut iam dehisceret : uerum summergi nequiuisset ob planiciem faxi : mox accurrunt cum cymbis uiri celocis alterius, & socios è faucibus Neptuni eripuerunt ferè moribundos. Cum terram appulissent, conspecti sunt ab incolis eius insulæ, qui protinus effuse fugerunt in nemora densissima, non aliter quam si fugassent leporem confectaretur canis, genus inauditum : nostri tamen uestigia persequuntur fugientium, & mulierem quandam corripuerunt, quam cum ad naues reduxissent, uino & obsoniis prope distentam, & eleganter uestitam missam faciunt: nam ipsi nudi incedunt, & humaniores ignorant delicias.

De situ &amp; moribus Hispanæ insulæ.

Cap. LXXXVII.

**Q V A M P R I M V M** igitur hæc mulier deuenit ad suos saturata & prope farta, cultuque insolito uestita decentissime, alii hac liberalitate adducti, mox certatim, cateruatimque ad littus concurrunt, rati genus esse diuinum : nam desiliabant in pelagus secum ferentes aurum, quod cum ollis testaceis, uasisque uitreis permutabant, pro minima quaque re etiam despicabili aurum dabant, exempli gratia, si quis dedisset frustum speculi contracti, protinus aurum consequeretur. Contracta igitur amicitia, uigentibusque commerciis, nostri cœpere diligentius eorum uitam & mores explorare, compereréque protinus eos regem habere : propterea petentes mediterranea, hoc est interiora insulæ, à rege eorum perquam honorifice sunt excepti: cum uero aduersperauisset, edito signo de morte salutandæ uirginis, nostri genua plicabant, quos æmulabatur. Barbari itidem agentes : ubi nostri & crucem seruatoris trophæum uenerabantur, eam & ipsi condito colebant : hi etiam ubi uidere nauim pessundatam, certatim confluebant cum cymbis suis aduehentes nostros, & ab undabundi maris faucibus eripientes. Cymbas huiusmodi appellant canoas, quas ex sola caua arbore factas, non quidem ferro, sed cote præacuta excuant : habent etiam longiores naues id est, liburnicas, octuaginta remorum capaces. Ferro carèt omni, propterea nostri admirabantur, quoniam modo quirent domos construere, quas conspiciabant miro modo extructas, necnon alia arte fabrefacta faberrime : uerum cote ut diximus, pro ferro utuntur. Acceperunt etiam referentibus amicis, non longe ab ea insula esse quosdam populos, qui carnibus uescebantur humanis. Idcirco ubi nos uidere, crediderunt Anthropophagos esse, ideo effusissime fugerunt.

Canibalos



Canibalos appellant ferinos populos, qui in cibatu homines habeant gratissimos. Hos nostri præterierant, eos ad meridiem relinquentes.

De Canibolorum moribus.

Cap. LXXXVIII.

IGITUR hi populi mœstissime conquerebantur nobis de efferatis illorū moribus, nam aiebant eos in se non aliter sæuire, quàm tigrim uel leonē quempiam inmansuefacta animalia: horresco referens. Impuberes, si qui corripuntur, exectis testibus, saginant uti nos gallos gallinaceos, ut lautius eis uescantur. Puberes uero mox contrucidant, quibus exenteratis, ilia comedunt recentia, membrorumque partes extremas, cætera saliant, asseruântque ut nos insitia & farcimina omnis generis: nam insitia fiunt ex sanguine aprino uel bubulo, aut ex carnibus tessellatim concisis, alii apexabo appellant, haud dubie est genus farciminis. Mulieribus haud uescuntur, uerum eas ad prolem, ueluti nos gallinas ad oua seruant: si qua est anus, ea mancipii uicem gerit. Propterea hæ insulæ, quas iam subegimus, ubi audiunt aduentare hos efferatiores immanēsque populos, ætutum dant terga, licet sagittis utantur, non sunt tamen tantarum uirium, ut compescere eos queant, nam pauci complures fundunt, utputa centum decem profligant Canibali, nusquam cominus congregiuntur, fuga tantum sibi consulant. Nos nequiuius aliter intelligere, quos deos colant alios, quàm solem & lunam, cælumque. Mores uero aliarum insularum idcirco non referimus, quoniam ob angustiam temporis & interpretum penuriam de eis nihil comperti habuimus.

De moribus illorum qui Hispanam insulam colunt.

Cap. LXXXIX.

HVIUS insulæ cultores loco panis utuntur radicibus quibusdā, quæ sunt (si magnitudinem formamque spectes) instar napi, saporem habent, quem molles recentēque castaneæ, ages uocāt: aurum apud eos est in pretio, id enim auribus appensum ferunt: suis non emigrant finibus, nec ut alii ultro citrōque comineantes commercia exercent: cœpimus eos percunctari signis, ubi eruerēt aurum, intelleximus ab eis legi in harenis fluminis cuiusdā, quod ex editissimis deriuatur montibus. Id enim labore eximio colligunt, funduntque in frustra, & demum in bracteas, id est, laminas. Verum ubi nos eramus non nascitur, aliunde aduehitur, uti circunuecti insulam re ipsa cognouimus: quoniam postquam illinc solui mus, deuenimus ad quoddam flumen, quod profecti sumus sumendæ aquæ gratia, & ibi auriferas conspeximus harenas, ibi quadrupedia, non nisi cuniculos uidimus: serpentes uero immensæ uastitatis, numerosiorēque, quos fert insula, sed innoxios conspeximus: necnon syluestres turtures, anates nostris proceriores,anserēque oloribus candidiores, uerū capite tantum rubeo erāt: ibi & psitaci complures, alii coloris prasini, fului alii, alii uero Indis non absimiles, id est, torque miniato. Tulere ex his igitur sexaginta uersicolores, coniecturamque ex his alitibus fecimus non longe Indiam abesse: uerum huic sententiæ non adstipulabatur sphaeræ ratio, & in primis philosophus in illo de cælo & mundo, Senecaque, & alii cōplusculi cosmographiæ haud expertes, qui asseuerant Hispanias non multum ab India abesse, maritimo præsertim itinere. Hæc igitur insula suapte natura gignit masticem, aloe, & alia his non dissimilia, & in primis grana quædam tubæ, quæ pipere sunt acriora: cynamomumque, & zinziber nostri tulere.



De uiris quos Columbus gratia explorandæ insulæ dimisit.

Cap. XC.

IGITUR Columbus de compertis terris satis ac super lætus, utpote qui uidebatur nouum comperisse mundum. Cum uero primum uer iam appetere, decreuit patriam repetere suam, dimissis apud regem uiris triginta octo, qui perquam diligenter sciscitari & explorare deberent locorum situs, ac regionis mores, frugumque ac arborum naturam. Rex enim appellatur Guancranillo, cum quo iniit foedus maximum, commendauitque illi suos arctissime, adeo ut intuitus eos pio obtutu, coram Columbo illachrymari coeperit, miseratus conditionem remanentium. Tandem Columbus iussit uela uentis dare Hispaniam uersus, secum ducens ex insulanis uiros decem, non alia magis de causa, quam ut eorum linguam aliquando discerent, quoniam id consequi haud difficulter poterant: nam characteribus nostris suum idioma scribi probè potest: coelum appellant Turci domum boa: aurum cauni: uirum probum toyno: nihil, maxa ni dicunt. Reliqua uero nomina æque ac nos nostra proferunt.

Quomodo Columbus fuit dictus Admirans mare.

Cap. XCI.

REX ITAQUE & regina Hispaniarum nihil magis gerebant in uotis, imò supra uota, quem ut almam Christi fidem indies augerent, auctamque colerent, & cultam summo opere uenerarentur: propterea id eximie obseruabant, ut hæ gentes quæ hætenus nomen Christianum ignorauerant, tandem aliquando ope & industria sua, scirent unam esse Christi fidem, extra quam nulla est salus, nec redemptio. Inque huius rei specimen decreuere summis honoribus Columbum prosequi, nihilque prætermittere, quod ad cultum & decus eius spectaret. Igitur uultu sereno eum excipiunt, condecorantque innumeris titulis: & quod apud Hispanos eximius ducitur honos, concessum ipsum recipiunt: uoluerèque ut deinceps non Columbus, sed Admirans oceanum appellaretur: & ut licuit colligere ex Admirantis sermonibus, sperabat propediem fidem nostram magna incrementa habituram, si hæ insulæ ad fidem reducerentur: in commerciis uero & aliis mortalium emolumentis, quibus plerunque omnes inhiant, nullam propè spem collocauerat. Itaque serenissimi reges iubent ut protinus liburnicæ XVII expédiantur, quæ arcem in prora habeant, id est speculam, unde eminus speculantur: celoces uero duodecim absque specula, inque eis hominum mille ducenti, qui omni genere armorum communirentur. Fabròsque lignarios, id est carpentarios, artificesque fere omnium generum ære annuo conduxit, qui classem sequerentur: equites etiam quosdam centuriauit, ut nihil classi deesset, quod ad ualidam expeditionem spectaret. Columbus uero sues & boues sexus utriusque in classem introduxit, triticumque & hordeum, ac legumina propè omne genus corrogauit in nauibus, tum ut uitam in naui diutius protraheret, tum uel maxime ut inibi terræ mandaret semina: tulit etiam arborum taleas quas ibi plantaret: quoniam id genus illic haud quaquam arbores uisuntur: nam præter pinum & palmas nullas habent arbores nobis cognitæ, & hæ mira ubertate crescunt, adolescuntque in tantam altitudinem, ut non facile referri possit ob maximam soli ubertatem. Sunt enim illorum fructus propè innumerabiles, uerum



uerum nobis incompti, aiuntque sub sole feraciorem tellurem minime esse. Instituit etiam noster Columbus secum ferre instrumenta omnis generis ferrea, quæ conducerent urbi condendæ: ut in noua regione nouas urbes conderent, quæ forent suorum tutissima receptacula, multique insuper regis clientes, contubernalesque; ultronei se obtulerunt huius navigationis socios, desiderio comparandæ gloriæ, prouocati gestis Columbi præclaris. Igitur prima Septembris soluere ex Cades uentis prospere flantibus, & prima Octobris applicuere insulam Canariam, eam inquam, quæ Feriæta dicitur. Quarta uero Octobris uela fecere uersus meridiem, nihilque comperti de eorum navigatione usque ad hyemale æquinoctium habuimus. At uigesimal tertio Martii, rege ac regina discumbentibus, mox affuit ueredarius quidam, qui renuntiavit celoces duodecim applicuisse Cades: successum autem navigationis ulterioris quinta Aprilis luce M D I I I, germanus frater altricis primogeniti regis missus ab Admirante ad regem peruenit, cunctaque retulit quæ in sequentibus adnotabuntur.

Quomodo Admirans adiuit Canibalorum insulas.

Cap. XCII.

I T A Q U E prima Octobris Admirans Columbus soluit à Canariis flante Affrico, ad læuam iter faciens, meridiem uersus adnauigauit XXI diebus prius quàm tellurem conspexerit aliquam. Tandem deuenit ad Canibalorum insulas sæpe dictas, & primo conspectu uidere nostri insulam uastissimam, adeo arboribus condensam, ut uix discerni posset, utrum sylua foret uel ne: & quoniam is dies erat dominicus, Dominicam eam nuncupauerunt: & ubi cognouere incultam esse, minime uisum est illic gradum sistere, sed ultra progressi sunt. In his igitur uiginti & uno diebus sua sententia fulcarunt maria per leucas ferè mille trecentas & uiginti. Nam per id tempus Aquilonem uentum prosperum semper habuerant: deinde soluentes ab dicta insula, breui peruenere ad aliam insulam omni genere arborum refertissimam, quæ inenarrabilem suauitatis odorem fragrabat: nonnulli allekti amœnitate loci, in terram descendentes, nihil animatum ibi conspexere, præter lacertas inauditæ magnitudinis: eam Crucem appellarunt, primoque loco de cultis post insulas Canarias conspecta est: & hæc erat Canibalorum insula, ut re ipsa demum cognouere, id affirmantibus interpretibus Hispanæ insulæ, quos secum ducebant. Circunuecti itaque insulam, casas humiles complusculas compere-

Crucis insu-  
lariū mores.

runt: nam uicatim degunt, X X uel ad summum X X X domus simul continenturque dispositæ in orbem ambientes plateam quandam, cuius diameter erat orbicularis: domus erant lignæ amphitheatri instar. Hunc morem construendi ædes seruant, erigunt complures eminentissimas arbores in orbem, inque eis trabes figunt, quibus arbores inhaerent, sitque ut his fulcimentis minime ruant. Imbrices uero, cum domum cooperiunt, ita constituunt, ut formam tentorii efficiant, surgitque in modum pyramidis, id est, in acutum. Demum has sic dispositas arbores intexunt palmarum foliis, & quarundam aliarum arborum, ut & uentos & imbres tutius arceant: introrsus uero trabes texunt funibus bomicinis, & radice quadam sparto minime absimili: cubilia habent emin-



tissima, quæ fœno & bombice sternunt: porticus habent maximas, ubi saccara collocant. Et ibi etiam conspeximus duas statuas ex ligno fabrefactas, quas duo angues immensæ uastitatis sustentabant, eas credidimus esse eorû idola: uerû compertû habuimus statuas huiusmodi solum ornatus causa erectas fuisse, quoniam hi solem & planetas tantummodo adorant. Eò igitur ubi nostri applicuere, mox uiri & mulieres effuse fugerunt, deferentes eorum domos: ubi uincti erant impuberes complusculi, quos ad saginam asseruabant: necnon anus complures, quæ mancipiorum obibant officia, protinus ad nos contenderunt. At nostri ingressi eorum domos, animaduenterunt illic uasa esse fictilia omne genus, quæ nos Samia appellamus, in quibus elixabant carnes humanas, psitacis, anseribus, & anatibus simul admixtis: alias autem uerubus impositas torrebant, selectis ossibus, & brachiis humanis, quibus pro ferro utebantur, ut sagittis affigerent suis: ferro enim prorsus carent. Vidimus etiam ibi impuberis caput nuperrime abscisum, sanguine adhuc defluente, hoc erat trabi infixum. Hæc insula quatuor ingentissimis irrigatur fluminibus, Guadalupeam appellauimus, quoniam non est ab-

Guadalupea similis monti illi sanctæ Mariæ, quem Guadalupeum Hispani uocitant, incolæ uero Grachanam. Fert hæc insula psitacos fasianis multo maiores, nec alis similes, nam alas habent uersicolores, cætera rubei: tantæque psitacorum apud eos copia, ut apud nos cicadarum: & licet eorum nemora sint psitacis referta, eos tamen saginant, quos habent in cibatu gratissimos: mulieres uero quæ confugerant ad nostros, Admirrans nostro ritu exornari iussit, & complusculis donari muneribus, mandans ut protinus eas ad Canibalos mitterent: quoniam hæc probe nouerant quò fugissent Canibali. Itaq; mulieres ad Canibalos profectæ sunt: quo factum est, ut mox Canibali ad nostros accurrerint pellekti muneribus, quibus donatæ mulieres fuerant, autumantes itidem consequi posse. Vbi uero coram fuere, siue timore, siue scelerum conscientia, mutuo sese respicientes, ilico terga dedere, proxima petentes nemora: at nostri qui inerrabant insulæ explorabundi, cymbas eorum omnes confregere. Et illinc soluentes adiuere socios suos, quos dimiserant in Hispana insula primo itinere: & dum eunt utrinq; complures præteriere insulas: ab ea parte uero, quæ respicit Aquilonem, apparuit insula, cuius inquilini nostros interpretes, quos ab insula Hispana duxerat Admirrans, intelligebant, nec non eos quos uendicaueramus à sæuitia Canibalorum, dicebant uocari Martininam, affirmantes eam cultam esse à solis fœminis, quæ statim anni temporibus coibant cum Canibalis, ut solebant olim Amazones. Prolem partiebantur, mares dabant parentibus, fœminas uero fouebant ipsæ: aiunt etiam has fœminas specus habere altissimos, quò se recipiunt ubi extra statuta tempora quispiam eò concefferit, & ibi se tutantur sagittis propulantes hostem, si forte fortuna explorauerint aliqui aditum: propterea nostri per id tempus propius accedere nequiu-  
uerunt, præternauigantes insulam ad miliaria ferè quinquaginta. Inuenimus aliam insulam, quam interpretes aiebant esse apprime cultam, habitatoribûsq; frequentissimam, & inter alia habere innumeras fruges, & propè omnia quibus uita humana carere nequit: & quoniam montes habent præaltos, eam montem appellauimus Ferratum: at nostri interpretes, & hi quos asseruaueramus ab atrocitate Canibalorû, affirmabant Canibalos aliquando longa metiri itinera supra mille



mille miliaria, ut carnibus uescantur humanis. Postridie illius diei nacti sumus aliam insulam, quæ quoniam erat obrotunda. Admirans eam nuncupauit sanctam Mariam rotundam. Supra istam comperimus aliam, cui diui Martini nomen indidit: uerum in neutra istarum stationem fecimus. Perendie uero aliam inuenimus, quam aiebant longitudine esse miliarium CL à parte uidelicet occidentali in orientale latus: referebant mira de ea interpretes, quòd uidelicet foret summe ferax, & pulcherrima, hanc postremo appellarunt sanctam Mariam antiquam. Post eam comperit ferè innumerabiles insulas, uerum longe à prædicta, miliaria propè CCCC. Interq; eas quædam cæteris præstabat magnitudine, quæ dicebatur ab incolis Ay Ay, nostri uero nuncuparunt Sanctam crucem: eò ap- pulimus, ut aquam hauriremus: at Admirans emisit triginta uiros, qui explora- rent diligenter insulam, qui mox quatuor Canibalos cum totidem sceminis in- uenerunt, quæ mulieres uisis nostris, complicatis manibus eleuatisque auxilium petere uidebantur: quibus liberatis, uiri in nemora dilapsi sunt. Biduo itaque il- lic agens Admirans, triginta uiros in insidiis collocauit, qui corriperent Caniba- los, si qui apparuissent. Qui uero stabant in littore, uiderunt cymbam, cauea m ipsi appellant, homines octo, & totidem mulieres uehentē. Vbi igitur Admirans classicum cecinit, unà omnes ruunt in Barbaros, qui strenue sagittis pulsare no- stros conabantur, nec prius quiuere se clypeis tegere, quàm Hispanus à sceminis sagitta ictus occubuit, alter uero male acceptus est. Hispani tamen ubi compe- rere sagittas ueneno illitas esse, decreuerūt propius manus conferere, & ui remo- rum in eos contendere: quod ut fecere, protinus Barbarorum nauim pessum de- dere. Præminebat enim ibi mulier quædam ueluti regina, cuius dicto parebant omnes: hæc natum habebat secum torui aspectus atrocisq; , qui facie non regem sed prædonem, aut furem quempiam scruissimum præsentabat. Submersa itaque nauis, non desinebant nando nostros onerare sagittis, eleuatis tantū supra aquam brachiis, quæ res uisa est monstrifica. Dum itaque natant sagittantque, ad saxum quoddam deueniunt, ubi tandem à nostris sunt expugnati, occisis nonnullis, & regulo grauatim saucio uulnere duplici: hos ad Admirantē trahunt reluctantes, qui conspectum tanti uiri minime pauentes, ferociam nusquam exuerunt, spu- mas efferuescentes non aliter quàm leo ubi in casses deuenit, tunc rugitus edit maiores atrocioresq; , scruitque magis: adeoque efferebantur, ut nullus esset inibi tam intrepidus qui ferocientes uiros non formidaret. Progressus itaque Admi- rans Africo flante aliquando, nonnunquam spirante Fauonio, peruenit ad quan- dam pelagi uastitatem, ubi prope innumeræ erant insulæ multiugæque: nam aliquæ frequentioribus obumbrabantur nemoribus, aliæ uero summa apricita- te amcénitatem non mediocrem præ se ferebant, nonnullæ autem squalebant sa- xis, humo ieiuna aridæque, & præuistis implicitæ montibus: aliæ etiam intra cau- tes colorem coccineum continebant, aliæ uiolaceum, albicantem aliæ: perinde ut multi rati fuerint eas esse minas gemmarum, aut loca metallorum corruscan- tibus plurifariam coloribus. Eò itaque non concessere scruiente pelago, nam ue- rebantur ob scopulorum frequentiam, ne naues collisæ saxi, dehiscerent protin- us submergerenturque, in aliud tempus rem differentes. Nequiuerunt etiam in- sulas percensere, ob eorū implicitam frequentiam: tamen nonnullæ celoces, quæ



altiore funeo haud egebant, mediocri contentæ aluco propius accedere, & supra XLVII insulas numerarunt, locumque Arcipelagus nuncuparunt ob insularum irequentiam. Dum itaque relictis insulis in altum prouehunt, in medio ferè itinere aliam nacti sunt insulam, quæ dicebatur Buchema, ubi complures erant illorum qui atrocissimas Canibolorum manus euaserant: hi nobis retulere insulam cultam esse eximie, cultoresque initiores, & usquequaque Canibalis infensos: inq; ea nemora complura, quæ apros fouent ingentissimos: hi naues non habent, quibus fulcare possint maria, & Canibalos adire: uerum ubi Canibali eò contenderint, congregiuntur atrociter, propulsantq; eos: quos si ceperint male accipiunt, par pari referentes: nam erutis luminibus, eos in frustra minutatim concidunt, & ignibus torrent, & pro uindicta deuorant, alioquin humanis non uescuntur carnibus. Hæc nobis referebant nostri interpretes, quos ex Hispana insula adduxeramus. At nostri parum illic immorati, præterire insulam, nisi quod ab ea parte quæ occidentem respicit in terram descenderunt, ut aquæ nonnihil haurirent, ubi eminentem pulchramq; domum inuenerunt, & cum ea duodecim minores domos omni habitatore desertas, ibiq; nulla erant habitantium recentia uestigia: causam propterea ignorabant, cur desertæ forent, ni forte habeant illarum habitationum stata tempora, dum candens sydus feruet nimium, abeunt in mitiora loca, reuerfuri cum conducibile arbitrabuntur: uel forte metu Canibolorum littora delerunt tantisper donec abeunt: utcunque fuerit, insula unicum habet regem, cui perquam reuerenter astant, obediuntque mirum in modum, Chiasichium appellant eorum regem: latus huius insulæ quod meridiem contuetur, longitudine ducentorum miliarium patet: ea nocte duæ scemina, & totidem adolescentes, quos asseueraueramus de manibus Canibolorum, ubi è conspectu suæ patriæ fuerunt, in mare sese proiecerunt, & nando ad solum patrium deuenerunt nobis nescientibus.

Quomodo Admirans suos reperit uitam exuisse.

Cap. XCIII.

TANDEM aliquando Admirans peruenit cum tota classe ad Hispanam insulam, quæ abest à Canibalis leucis ferè CCCC. Verum omine inauspicato infelicique: nam hi quos loco præsidii inibi reliquerat, uitam exuerant omnes. In hac insula est regio, quæ dicitur Xaynana, unde Admirans primo itinere profecturus in Hispaniam, quasi loco obsidum decem uiros abduxerat: ex his ob cœli mutationem, septem occubuerant: unus uero eorum qui superfuerat, ubi suam patriam classis applicuit. Therema dicitur, sponte à nobis emissus est: reliqui uero nando clanculum aufugerunt. Quæ res parum Admirantem mouit, qui modo suos comperisset uiuos, reliqua nihili pendebat: uerum ubi paululum est progressus, cauea quædam apparuit, genus est liburnicæ longioris capax ingentium remorum: hæc regis fratrem uehebat, cuiusque præfecto apprime abiens suos commendauerat, cumque eo fœdus magnum inierat. Is igitur regis Guancenarilli frater alio tantum uiro comitatus, ad Admirantem contendit, & nomine regis imagines aureas duas dono Admiranti dedit. Post hæc cœpit Hispanorum miserabiles casus exponere: uerum uix id intelligere quiuimus, nostris interpretibus non satis ei us linguam callentibus. His auditis progreditur Admirans, quoad deuenit ad ligneum oppidum, quod Hispani sibi pro potiori tutela condiderant: id totum



id totum comperit demolitum combustumq; nec alia supererant uestigia, præter pallidum cinerem, quæ res nos omnes dolore incredibili affecit: non tamen nobis facile persuasum iri poterat, quin aliqui superuiverent: propterea ut huius rei essemus certiores, Admirans iussit tormenta quædam exonerari, ut reboatu edito, si qui delitescerent è nostris mox excitarentur, scirentq; nos aduentauisse: uerum operam lusimus, quoniam nullus usquam comparuit, cunctis fato functis. Tunc Admirans nuntios misit ad regem Guancenarillum sciscitatum de suis, questus grauius de occubitu suorum. Hæc nostri retulerunt, quantum colligere potuerunt ex regis responso, complures uidelicet in ea insula reges esse illo potentiores, qui ægre ferebant Hispanos subegisse insulas: propterea contendebant ad ligneum oppidum, ubi Hispani degebant, eoque expugnato contrucidauerant uiros, & oppidum combusserant, ipsumq; ferentem nostris suppetias ictum sagitta fuisse, inque eius rei fidem brachium fasciis circunuolutum ostentauisse, nec propterea ad Admirantem iuisse, quoniam consauciatus uulnere non contemnendo fuerat. His acceptis nulla fide adhibita, postridie Marchionem quendam cognomine Sibilium, rursus ad regem mittit, qui perquam diligenter rem sciscitetur, perpendatque an sint uera quæ ex rege allata fuerant. Is igitur eò concessit, & remotis fasciis comperit regem falsa loquutum, nullius cicatricis apparente uestigio, uerum procumbentem nactus est uirum simulantem ægritudinem, huius cubili coniungebantur concubinarum cubilia octo. Tunc deuenimus in eam opinionem, ut non difficulter crederemus nostros astu & insidiis eius occubuisse: tamen Marchio finxit fidem præstare regi, oratusque est uirum, ut in crastinum Admirantem uiseret. Postera itaque die ad Admirantem rex contendit, à quo est honorificentissime exceptus, & ueluti miseraretur nostrorum ærumnas gemebundus indoluit. At ubi conspicatus est mulierem quandam, quæ nostro auxilio erepta fuerat à Canibalis, eam affatus est sua lingua longiore subsellio, nobis haudquaquam intelligentibus, illi plurimum applaudens, hæc dicebatur Catharina. Tandem post multa illinc abiuit, & amicitiam foedusque rursus pollicebatur: non defuere tamen è nostris qui suggererent Admiranti, ut uirum corripere, & correptum cædis nostrorum pœnas luere cogeret. Admirans uero, ut erat uir multi pensis, rem acuratus pensitatusque expendebat, loci & temporis rationem habens: non enim sibi per id tempus conducere arbitrabatur, ut incolarum animos ad iracundiam prouocaret. Postridie uero illius diei quo illinc rex soluit, eius germanus classem uisit, & mulieres subornauit, & sequens effectus comprobauit. Itaq; nocte subsequente Catharina cum septem aliis in mare defiliit, ut superato pelago ad regem contenderet: nostri tamen, ubi fraus apparuit, consequuti natantes mulieres, tres tantum ceperunt: at Catharina cum tribus aliis ad regem peruenit, qui susceptis mulieribus in interiora insulæ dilapsus est: quo facto nobis rex aperuit se nostros contrucidauisse.

De uindicta occisorum.

Cap. XCIIII.

ADMIRANS igitur cognita prodicione, decreuit hominem persequi usque ad regni interiora. Misit itaque tercentum uiros, qui Marchionem infensi consectarentur. Hi ergo dum hominem explorabundi quærunt, deuenere ad ostium cuiusdam signati fluminis, ubi perquam celebris erat portus, quem Re-

h. ii.



galem appellarunt: nam ubi ingressus est, adeo flumen se sinuat, obliquátq; efficiens multiplices recessus, & flexus innumeros, ut alter Mæandrus uideatur, nec licet sis ingressus, cognoscere queas an sis intra uel extra, quanquam in ostio adeo pateat, ut sit trium liburnicarum capax: ex aduersa fluminis parte mons uisitur conspicuus, qui impendio uiret, & præclaris exornatur nemoribus. Ibi psitaci complures, & auitia ferè omne genus exaudiuntur suauissime alternèque concinentia. Hunc portum interfluunt fluuii duo, & dum altius progredimur, nacti sumus eminentissimas quasdam ædes, quas credidimus regis esse eius, quem persequeremur. Idcirco eò contendimus citato gradu, & ecce occurrunt nobis uiri propè centum, qui habilissima habent corpora, quique arcus & sagittas ferentes, toruo uultu ibant ad nos, subinde uociferantes se minime esse Canibalos, sed Taynos, id est, nobiles, ac patritios: nos uero signo pacis edito propius accessimus, & cum mutuo colloquio frueremur, protinus fœdus & amicitiam nobiscum iniere, nec de cætero pauentes, ad nos ueluti ad suos confidentissime ibant, hos munere multiplici donauimus. At nostri dum illic agerent, domum metiti sunt, quæ diametrum habebat XXXIII passuum, erat instar amphitheatri obrotunda, huic circumquaque adiacebant triginta aliæ minores ædes, in contignationibus pro trabibus harundinibus uersicoloribus utebantur mira arte textis complicatisque. Hos patritii nostri percunctati sunt de rege Marchione, quem asseuerarunt petiisse montes. Huius rei decreuere Admirantem certiore reddere, & in primis conflatae necessitudinis cum uiris patritiis. Verum Admirans flagrans pernicioli odio in Marchionem ad diuersas insulæ partes exploratores expediuerat, qui regem siquo modo possent corripere: nam præ cæteris quos miserat, erant duo strenui iuuenes, Horeda uidelicet & Gormalanus animo inuictio, alius alia loca petens, propè omnem regionem inter se partiti sunt explorandam. Hi ergo dum uarias regiones peragrarent, deuenere ad quædam spectatissima flumina, quorum alia ab una parte montis defluebant, nonnulla uero ab altera deriuabantur. Is mons eminentissime attollebatur, qui aurifero sabulo conspergebatur, & inde aurum effodiunt incolæ hoc modo: nam actis sinistris brachiis in præcordia montis egerunt aurum, egestumque dextra excipiunt manu, dabantque nostris: asseuerabant etiam uidisse grana compluscula zecare, quæ allata fuere regi Hispaniarum, nam granum unum pondus erat unciarum nouem, hoc uidere complures uiri.

De flumine aurifero, & aliis rebus repertis.

Cap. XCV.

Gazichius  
Canoba.

HIS VISIS nostri condito ad Admirantem rediere, ut non recederent à præscripto: nam Admirans iusserat, ut nil aliud agerent, quam explorare regiones nouas, & mox referre earum situs & qualitates, nec ipsi pergerent eo inconsulto exercere commercia, pro quanto uitam caripenderent suam: acceperunt etiam ab incolis non longe esse in montibus regem quendam, quem Gazichiū Canobam, sua lingua appellant, id est dominū domus auri: nam boa domus interpretatur, canum aurum, & Gazichius rex. In hoc etiam flumine intuenere absolutissimos pisces, aquamque haud insuauem. Marchio Sibilius refert apud Canibalos populos in mense Decembri esse æquinoctium, quod ratio sphaeræ non patitur: addebat etiam inibi aues eodem mense fœtificare; cum tamen ab eo sciscitaremur,



sciscitaremur, quantum eis polus eleuaretur ab oriente, retulit Septentrionem non uideri, sed mergi sub Arctico polo, & transcendisse custodes. Verū ut ingenue fatear, nemo inde uenit, cui indubia fides adhiberi possit, quoniam ferè omnes expertes erant literarum, & in primis syderalis scientiæ.

De oppido ab Admirante condito.

Cap. XCVI.

IGITUR is Admirans classis præfectus in suam & gentis Hispanæ memoriam, decreuit urbem erigere: cooptato itaq; loco, qui Locifron dicitur, non longe à portu, & ut bono omine succederent cuncta, auspicatus est à diuinis: nam primo loco ecclesiam dedicauit, cæteraque absoluisse, ni tempus appetisset patriæ repetendæ, uel saltem prout abiens pollicitus fuerat regi, ipsum de omnibus certiores facere quamprimum. Expeditis ergo duodecim celocibus, regem protinus de compertis rebus commonefecit. Cum igitur Admirans in insula Hispana adhuc ageret, alii appellant huiusmodi insulam Offiram, quam nonnulli eam esse asseuerant, cuius commemorat sacra uetus historia libro regum tertio, quæ patet latitudine graduum quinque australium, id est, miliaria CCCLX, his polus eleuatur XXVII gradibus: in meridie autè, prout referebat, XXII, longitudine uero, id est ab oriente in occidentem patet miliaria DCCCLXXX. & hæc insula si forma consideretur, folium balani, id est arboris nucis castaneæ simillime refert. Statuit propterea Admirans in colle cuiusdam montis huius insulæ urbem condere, in umbilico insulæ ab ea parte, quæ Aquilonem respicit, quoniam inibi uidebatur mons alius, qui frequens est nemoribus & lapidibus asperatur, necnon calce scatet plurima, eam Medi appellant Issabellam: ad radices uero montis planities est perquam aprica, longitudine patens miliaria LX, & lata XII alicubi, perangusta tamen alibi miliaria VI, hanc interluunt complura flumina, quorum celebrius ferè præterluit urbem ad iactum arcus. Hæc igitur flumina adeo ubertim irrigant regionem, ut eam feracissimam fere omnium rerum, quæ terra parens mittit, effecerint: nam in harena eorū fluminum iacta semina protinus germinant: fecimus huius rei periculum, iecimus enim semina multiugarum herbarum, uidelicet lactucarū, nasturtiorum, brassicæ, & buglossæ, quæ omnia sextodecimo die germinauere: at pepones, cucumeres, cucurbitæ, trigesimo septimo die ad maturitatem peruenere: nec, ut ingenue fatear, meliora his comedi unquam. Hæc nouerat Admirans etiam relatu eorum, qui secum diuersabantur, qui & ipsum certiores fecere rerum multarū, & in primis prouinciæ cuiusdam auriferæ: propterea misit illuc è suis triginta uiros: regio Cipagora dicitur, auro scatet: ubi uero rediere uiri triginta, retulerunt multa miratu digna, præsertim asseuerabant ab eo monte quatuor deriuari flumina, unum ad Orientem proficiscebatur, aliud uersus Occidentem contendebat, alterum in Septentrionem, in Austrum alterum citatissime fluebant. Insula quadripartitur, pars quæ uergit in orientem dicitur Suma, quæ occidentem respicit Atribuinea, quæ Aquilonem Lachem, quæ postremo meridiem contuetur Naiba dicta est ab omnibus.

Locifron.

Hispana.

Issabella.

Quomodo Admirans adiuit auri minas.

Cap. XCVII.

VT REVERTAR unde sum digressus, Admirans urbem condidit muro præcinctam, & duodecimo Martii illinc soluit, ducens secum pedites circiter quatuor centum, ac equites nonnullos, pleno gradu contendens eò ubi ac-



Onzia.

ceperat minas auri esse uberrimas meridiem uersus. Igitur superatis eminentissimis montibus uallibusque, ac traiectis fluminibus limpidissimis, tandem in eam deuenit prouinciam, ubi auspicatur Cimbaga regio, in cuius patentissima planicie decursus quidam aquarum uisuntur, quarum harenæ intermiscuntur auro. Igitur Admirans ingressus mediterranea insulæ ad miliaria ferè LXXII tantundem distans ab urbe quam condiderat, peruenit ad ripas cuiusdam ingentissimi fluminis, ubi collis impendio attollitur, eminetque admodum, & ibi arcem erigere decreuit, quo tutius arcana regionis scrutari quiret, huic diui Thomæ nomen inditum est. Dum itaque arcem ædificat, ad eum undique cateruatim homines regionis eius confluebant, accepturi mercimonia: quorum uoto Admirans satis faciens, ab eis aliquid auri petebat: qui breui ad eum rursus redeunt plurimum auri comportarunt. Nec id silentio inuoluam granum allatum fuisse auri, quod pondere onziam excedebat, quæ res effecit, ut grani magnitudinem admiraremur, supra omnem credulitatem, cum præsertim adiecissent, se adhuc proceriora grana allaturos, quæ aiebant ferre aliam regionem, quæ illinc itinere mediæ diei aberat, eaque grana inculta in harenis iacere asseuerabant, uim auri incolis nescientibus: alii etiam tulere frustula auri dragmarum decem, maioræque inueniri rursus affirmantes. Illò igitur misit Admirans è suis complures, qui minas auri diligentissime explorarent, referrentque protinus: qui eunt plura compererunt, quàm intellexerant, quàmque unquam autumassent. Inter alia admiratu non indigna nemora habent, quæ omnium aromatum genere ubertim abundant: uerum ea haud legunt, nisi ubi permutant cum conterminis quæpiam: alii uero cum quibus commercia exercent sua, uasa ferunt Samia, catinósque ligneos, pelues, malluua, & id genus complura, quibus qui dant aromata prorsus carent. Inuenerunt in mense Martii uuas præmaturas, uerum agrestes. Hæc regio licet rupibus & saxis asperetur, ea tamen uiridantes gignit arbores: tota in colorem prasinum inclinat, imbres excipit frequentiores. Ideo inibi multa flumina decursusque auriferi, nam cum imbres deriuantur è montibus, secum auri copiam maximam trahunt ad plana arua patentésque campos, quos interluunt, ut præfecimus, innumera flumina eadèque amœnissima, ac placidissima, decursu haud rapido citatòque, sed segni ac placido. Hæc loca habitant gentes ignauæ, & ferè pensi nullius: ea gens otia plurimum, imò ignauia torpet, aliorum admodum impatiens, & cum nemora habeant bombice re-ferta, eo tamen uti nesciunt.

De mirabilibus compertis ab Admirante.

Cap. XCVIII.

EXPLORATIS his locis ut præfecimus, Admirans rediit ad arcem Iffabellam, ubi nonnullos è suis dimiserat: ipse uero cum liburnicis tribus profectus est peregre, nouas etiam quærens regiones, & in primis eas quas iam eminus conspicati fuerant: nam continentem credidit esse, licet compertum habuerit insulam esse, quæ miliaribus LXX abest ab ea insula quam appellarunt Hispanā, regio Cuba dicitur. Ea præterita iter direximus ad meridiem, & inde cœpimus ad occidentem nonnihil flectere: uerum quanto magis progrediebamur, tanto plus littora extendi uidebantur, terris semper fugientibus: sinuabant enim se littora ad meridiem



meridiem semper, recessu & ambage multiplici, adeo ut cum crederemus contendere in occidentem, ad meridiem tamen indies ferebamur, terris ducentibus ac multiugis sinibus: tandem admirans deuenit ad insulam, quam inquilini appellunt Iamicam: hanc aiunt appellari à cosmographis Lamiam maiorem, quæ magnitudine Trinacriam superat: unicum in umbilico montem habet, qui sensim lenitèrque surgit, ab omni regionis latere paulatim crescens, ut uix conscendere credas, ut in accliuus solet, donec deueneris in medium, tunc sese attollit uertice eminentissimo, & tarditatem qua usus fuerat surgendo, eminentia compensat: hæc insula æque ferax est ac ulla in maritimis aut mediterraneis, frequens habitatore, eodèmq; acerrimo ad quæque subeunda: nam in commerciis acri est ingenio, adeo ut non difficulter circumadiacentes populos excedat dexteritate. Eò ubi appulit Admiras suos in terram exponere contendebat, uerum reluctabantur illi, ac pugnatum est identidem succumbentibus insulanis non sine hominum strage, tamè discordias pax est consecuta. Relicta Iamica flante Z ephiro, septem diebus nec interpolatis, per latus Cubæ nauigauimus, intantùmque sumus progressi, ut crediderimus uel ipsam Chersonesum auream, quæ est in ipso oriente, attigisse: adeo igitur prouecti eramus in altum, petentes uarias orbis partes, ut fere totum uniuersum orbem metiti fuerimus: & ex uiginti quatuor solis horis, saltem uicesimam & alteram comperimus, licet perpeffi simus innumera mala, nomina tamen DCCC insulis indidimus, & supra ter mille præteriuimus, ubi multa erant memoratu digna, præternauigans latera Cubæ. Et paulo supra quàm inceperit nauigare, nactus est Admiras portum nauium capacem complurium, ibi suos cœpit emittere: qui cum terram applicuissent, tantum mapalia inuenere, eaque uidua omni habitatore: uerum ibidem conspexere in uerubus pisces quos ad ignem affabant piscatores: at nostri piscibus uesci tostis haud dubitarunt reiectis serpentibus: qui uisis Christianis, mox delapsi sunt in montes, & inde speculabantur quid sibi uellent nostri: à quibus prouocati, piscatores paulatim cœperunt timorem exuere, annuentibus nostris, ne pauerent. Quidam igitur audaculus in inferiorem rupem desiliuit, propius accedens, quæ compellare cœpit quidam oriundus ex insula Hispana, qui à teneris in Hispania apud Admirantem altus & educatus fuerat, cuius lingua parum ab eorū idiomate differt. Hunc itaq; percunctatus est, cur fugerent, & quæ nam gens esset, quòue nomine regio appellaretur: contracta igitur necessitudine uiribûsque animi reassumptis, dixit eos piscatores esse, qui eo piscatum concesserant rege iubente, qui alii regi cœnam parabat pontificiam opiparâmq; addidit etiam pergratum habuisse plurimum, quòd serpentes minime comedissent, quandoquidem hi, ut affirmabant, regi ueluti deliciores epulæ asseruabantur. quibus auditis Admirans, eos missos fecit: nam iam habebat satis compertum regionis mores, propterea iter suum uersus occidentem persequabatur: & dum regionem percurrit ad occidentem, eam nactus est feracissimam, refertâmq; habitatoribus domesticis: qui, mox conspectis nostris ad littus descendebant panes ferètes quibus ipsi utuntur: tulere etiâ cucurbitas plenas aqua, nòsq; ueluti amicos hospites inuitabant cordate: nos uero paulo ultra progressi, uidimus innumeras insulas, quæ primo còspectu cultæ uidebântur eximie, uirentibus plenæ arboribus



Mira piscan-  
di ratio.

& in primis ab ea parte quæ continentem respicit: dum latera percurrunt, deuenere ad ostium fluminis cuiusdam, cuius latices adeo feruent, ut in eis diutius manum immergere nequeas feruescentibus aquis: rursus progredientes compere re piscatores quosdam, qui in cymbis, id est in caua arbore piscabantur, qui piscem rudentibus alligauerant naui, eumque post se trahebant. eius forma est nobis incognita, & nisi grandiusculum caput haberet, instar anguillæ formaretur, capite gestat pelliculam quandam, quæ similitudinem habet crumenæ alicuius: cum uero pisces uel testudines emerlerint supra aquam, mox is piscis solutus dimittitur ad eos, qui telo acrior ac omni uolucris ocyor, condito uibrat pellem, quam diximus marfupiu referre aliquod, pisces corripit, ac retinet sua pelle implicitos, nec prius prædam dimittit, quàm aerem senserit, cuius est impatiens admodum: tunc uincto rursus pisce, prædam legunt: nam nobis adstantibus cepere calandras IIII prægrandes, quibus nos donarunt amice, easque in cibatu suauissimo habuimus. His uisis, percunctati sumus piscatores an latus huiusmodi longius adhuc protenderetur, & quantum in occidentem extenderetur. Respondere latus huiusmodi finem habere nullum. Illinc igitur soluantes, progrediebantur à latere semper, littus percurrentes: hi inter nauigandum innumeras gentes conspexere. Non longe uero à terra huiusmodi quæ nunquam terminatur, uisitur insula, ibi mortalium uidere neminem: nam si qui erant in ea, furga pernici sibi consuluerant. At canum inibi copia ingens conspecta est minime latrantium, licet toruo esset aspectu. Anseres etiam anatésque insulæ inerrabant multiplices. Præternauigantes itaque latera, Cubæ deuenimus ad quasdam angustias, ubi gurgites ac breuia propè erant infinita: & ibi mare undabundum spumas efferuescebat indignabundum admodum: sæuítq; mare hoc modo itinere miliarium XL aquis albicantibus, non aliter quàm si polline conspersum fuisset. Superatis his gurgitibus, prouecti ad miliaria octoginta, eminentiorem comperimus montem, & tunc lixas emisimus, qui aquam ferrent lignaque. Eò etiam concessit Arquita quidam, qui cum inerrasset insulæ, & in nemus condensum peruenisset, arborésque admiraretur, huic mox à tergo affuit uir grandiusculus, toga indutus alba: sagittarius credidit primo conspectu religiosum quendam fuisse, quem in classe habebant: uerum ubi compertum habuit alium esse, actutum alii duo uiri eiusdem habitus & staturæ apparuere, postque eos supra triginta alios uidit, quibus conspectis, mox fugam cepit: at illi sequebantur, manibus annuentes ne paueret, nèue fugeret: sagittarius uero quàm citius quiuit classem repetiit, cuncta quæ uiderat denarrans Admiranti præfecto: qui ubi hæc accepit, protinus emisit multos, qui tenentes uaria itinera, prope totam insulam explorauerunt. Erant ibi arbores multiugæ, aliæ ferebant aromata, uio-las aliæ. Percurrentes itaq; Cubæ latera, uarias nationes nacti sunt, quorum linguam etiam incolæ Hispanæ insulæ, qui Admirantem ultro sequebantur, minime callebant: & dum progredimur, magis ac magis se sinuabant littora, modo Notho, modo Africo flantibus: quibus ipsi impulsu aliquando ferebamur prope in siccum, adeo mare insulis est implicitum compluribus, naues fere pessundabantur nimia onusta aqua, quàm & madidum cœlû, & refluxus pelagi conrogauerant: quare operæpretium fuit referre gradum, & domû redire eodem itinere



itinere quo uenerant: neque quampiam pauebant, quin potius sperabant ubiq;  
& amice & honorifice recipi: quandoquidem neminem læserant dum irent, ue-  
rum fere omnibus morem gesserant.

Quomodo Admirans insulas reddidit uectigales.

Cap. XCIX.

CVM ITA QVE redisset ad Hispanam insulam, ubi abiens complu-  
res Hispanos patritios loco præsidii dimiserat, comperit Margaritū uirum stre-  
nuum illinc abiuisse, qui prope iratus patritiorum magna concomitatus cater-  
ua patriam repetebat: quæ ubi comperta habuit, hominem ilico inducunt, ut &  
ipse patriam reuísat, ratusne delatus regi, principis indignationem incurreret: do-  
mum tamen contendebat sub uelamento consequendæ annonæ, & renouandi  
præsidii, licet ut præfecimus, alia subesset causa: non prius tamen abiuit, quàm  
sibi reges aliquos reconciliauerit, qui succensuerant Hispanis ob prædas, & latro-  
cinia illata ab eis, absente Admirante: uerum coram ipsis regibus, quorum con-  
spectum, ut par fuerat, minime erubuerant. Primo loco igitur sibi reconciliauit  
regem Guarionensium, & cum eo necessitudinem contraxit arctissimam, despõ-  
sata sorore uni ex insularis, quem prius inter suos adnumerauerat, & habito in-  
terprete, citato gradu contendit ad id oppidum quod condiderat, noménque di-  
ui Thomæ indiderat. Hoc itaque reperit à rege quodam obsideri, & parum ab-  
fuit quin deditionem fecerit, quoniam iam triginta diebus continuis obside-  
batur nemine auxiliante. Liberato itaque ab obsidione oppido, regem cepit, qui  
bellum non prouocatus intulerat, applicueratque animum, ut pergeret reliquos  
profligare reges: uerum ubi intellexit incolas ob caritatem annonæ fame labo-  
rare, quæ iam innumeros consumpserat populos, causa famis huius reiiciebatur  
in Christianos, qui eruerant ferè omnes radices, quibus ipsi panē conficiebant  
Barbari. Statuit itaque Admirans regredi: hæc meditantem præfectum mox  
commeatus regis Guarionexii largiter iuuere: nam regio eius nondum famem  
passa fuerat. Reuocato igitur ab incæpto itinere præfecto, ut tutius regio colere-  
tur ab Hispanis, decreuit arcem erigere alteram, non longe à sancto Thoma op-  
pido in monte eminētissimo, arcem de nomine Conceptionis nuncupauit. Vbi  
uero incolæ compertū habuere hæsisse cordi Christianis, ut regione diutius po-  
tirentur, legatos undequaque mittunt, qui præfectum orent exoréntque, ut suos  
frenet, nec ut ab eis ea patiantur, quæ uix ab hostibus expectassent: nam ut aie-  
bant, sub prætextu quærendi auri, mala innumera inferebant, & ferè totam de-  
uastabant regionem: adiecérèque ad hæc legati, se malle pendere uectigal,  
quàm his assiduo uexari incursionibus, & quiete frui posse nulla. Conuenit ita-  
que inter eos, ut regi Christiano uectigal soluerent hac lege, ut incolæ montium  
Cibanorum singulo trimestri (tres lunas appellant ipsi) auri quædam ponde-  
ra ad urbem ipsam conueherent: qui uero aurum non haberent, penderent a-  
romata & cottonum.

De regibus qui ob malefacta Hispanorum desciuere à Christianis.

Cap. C.

IGITVR dicti reges fame compulsi polliciti fuerant uectigal soluere His-  
panis, quoniam deficientibus radicibus, quæ illis loco siliginis ac tritici succedūt,



panem conficere nequibant, nisi intolerabili labore fere nemora omnia peragrent : tamen nonnulli fidem datam seruauerunt inconcussam præscripto tempore, & ubi solidum præstare non poterant, excusabant pauperiem, promittentes se duplum soluturos, cum ad meliorem fortunam deuenissent: nam uictu deducto, uix habebant quod soluerent. Sub idem ferè tempus qui aurum è terra egerunt, inuenerunt auri granum pondere unciarum uiginti, in regno non procul distante à littore maris: Itaq; loco miraculi granum huiusmodi allatum est Hispaniarum regibus inuictissimis, idque complures uidere. Sunt ibi etiam nemora quæ ferunt complura miratu non indigna, & in primis lignum ibi uisitur, quod appellant sandalium. Verum ea argutulus aliquis forte illi intempestiue obiciet, cur celoces onustas eo ligno in Hispanias miserit, & non auro, cum illius relatu compertum habeant insulas huiusmodi auro scatere plurimo? Quæ obiecta non difficulter diluere potest hoc responso, quòd licet ea regio uideatur abundare auro, si nostris conferatur, non tamen tanta est copia eius, ut onerari possint naues, cum præsertim illud non sine magnis laboribus erui posset è corde terræ, languentibus etiam uiris, quos secum ducitabat, qui otio & lasciuia uacabant, adeo ut quæque deformarent tanto parta sudore, desidia ac uoluptati supra quàm possim scribere addicti: quippe qui uel ipsum præfectum moribus contrarium perniciali odio persequiebantur, effeceruntque suis moribus, ut Barbari, qui suapte natura exleges sunt & infrenes, magis ac magis effarentur, proflirentque degenerantes ab omni probata uita, perinde ut usque in hanc diem expensæ superent lucra: tamen hoc anno qui millesimus & quingentesimus primus est, bimestri legerunt supra duodecim mille libras auri: libra uero pensatur unciis octo. Lucrati sunt etiam alia complura, quorum mentio fiet in sequentibus, superis fauentibus. Et ne digrediamur à propositis, id noueritis, eo anno tantam uim uentorum fuisse, ut illic arbores prope eradicaerit omnes, easque in sublime iaciebat, ut uiderentur cælum ipsum contingere: inuertit etiam tres liburnicas Columbi, quæ erant in portu, adeoque mare inundauit, ut supra mensuram brachii totam irrigauerit insulam. Huius igitur diluuii causam barbari reiciebant in Christianos ob piacula & scelera, quæ patrauerant, quique interturbauerant eorum quietem: adiciebantque neminem esse tam longæuum, qui meminisset tantæ tempestatis, quæ nec similem uisa est, nec habere sequentem. Itaque Admirans ubi portum applicuit, protinus iussit fabris lignariis, quos optimos secum habebat, ut celoces duas fabricarentur.

De arce extructa apud minam auri.

Cap.

CI.

INTEREA Bartholomæum germanum suum, quem iam insulis præfecerat, cum nonnullis expeditis copiis ad effodiendum aurum misit: nam hi quos secum trahebat milites, eruendi aurum metallorumque probe nouerant artes. Distât hi montes unde egeritur aurum, ab Issabella insula leucis ferè LX, intèrque alia eos monuit, ut diligētius loca explorarent. Igitur dictus Bartholomæus profectus est imperator: siue, ut aiunt ipsi, Andelantadus, comperitque uastissimas foueas, ac specus altissimos, eosdemque uetustissimos: unde asseuerant Salomonē suos thesauros eruisse, ut est in diuina ueterique historia: artifices qui aurifodinas erant exploraturi, coeperūt terram egerere, & iam superficiem telluris erue-

rant, cum



rant, cum mox compertū habuerunt aurifodinam huiusmodi protendi nimium ultra miliaria XVI, in eaque tantum auri effodi posse rati sunt, ut quilibet artificum singulo die uncias tres eruere non difficulter posset. Cuius rei ilico Bartholomæus certiore fecit Admirantem: qui ubi hæc accepit, decreuit rursus in Hispaniam redire: uerum prius non abiuit, quàm insulæ fratrem suum præfecerit, & illinc soluit ingrediente Martio, M CCCCXCV, patriam repetens. Interea Bartholomæus ut monitis fratris audiret, arcem condidit, quam appellauit Auream quoniam dum conderent eam, inuenta est harena auro mixta: trimestri absoluit opus: cœperat uaria instrumenta auri eruendi fabricari, uerum fame grassante nequiuit perficere. Soluit igitur inde, dimisso præsidio uirorum decem, qui arcem custodirent, prouiso ne fame laborarent, dimisso cane sagace, qui cuniculos uenaretur. Itaque illinc abiens, deuenit ad insulam Conceptionis eo mense, quo Guarionexius & Nanicantexius uestigal pendere tenebantur: & tributis exactis ab his duobus regibus, prouisoque de annona, quæ sufficeret itineri pro se suisq; qui CCCC erant, uentis uela dedit Hispaniam uersus.

De com meatibus missis à rege Hispaniarum, deque eius præcepto.

Cap. CII.

IGITUR circiter initium mensis Iulii celoces tres onustæ ferè omni genere com meatuum applicuerunt insulas, ubi nostri fame laborabant: uehebant enim uinum, oleum, carnes aprugnas, bubulæque salitas, necnon insitia, & farcimina, & id genus alia complura, quæ mox partiti sunt singulis, ut unusquisque suam haberet portionem. Erogatis igitur com meatibus, regia promunt mandata, uidelicet regem iubere ut eas insulas colant, quæ meridiem respiciūt, ubi aurum egeritur, omnesque insulæ accolæ & reges, quorum insidiis nostri occubuerant, in Hispaniam transmittant. Quare ut regio obsequeretur mandato, mox corripere CCC uiros, regesq; eorū, & in Hispaniam misere: deinde colere cœperunt eam insulæ partem, quæ respicit meridiem, & ibi in colle eminentissimo arcem construunt, non longe à portu celeberrimo, arcem appellant diui Dominici, quoniam die dominico eò peruenerūt: portum prædictū interluit eximium flumen, quod innumeris piscibus scatet, quoque nauigantes uehit placido alueo, prope ipsam arcem ad duodecimum lapidem. In arce uero Issabellæ ueletudinarii milites causarii que dimissi sunt, necnon fabri lignarii nonnulli, qui celoces duas fabricabantur: cæteri uero contenderunt ad arcem diui Dominici: qua erecta, illi præfecit uiros uiginti. Et soluens illinc, uersus occidentem profectus est.

Quomodo Columbus comperit suos periisse.

Cap. CIII.

IGITUR inter nauigandum deuenit ad flumen Naybæ, quod à memorata abest insula miliaria ferè centum & uiginti, deriuaturque à montibus Cibanis, qui meridiem respiciunt. Flumine traiecto, nonnullos præmisit exploratum regiones quasdam uersus Austrum, ubi ingentissima sandalii nemora conspiciebantur. Exciderunt itaque huiusmodi sandalii struem maximam, eamque deposuerunt apud quosdam tandiu, donec redirent, & suis liburnicis asportarēt. Dum igitur præfectus latus dextrum percurreret, non longe à Nayba flumine, inuenerunt regem quendam præpotentem, qui illis populis bellum inferebat, ubi prædicta nemora uisebantur, decreueratque prius à bello haud desistere,



quàm suæ fecisset ditionis. Huius uero regis regnum est in cornu cuiusdam insulæ ad occidentem, Saragna dicitur, & distat à Nayba flumine leucis triginta, regio asperatur montibus, regiq; huic circumadiacentes reges tributa pendunt paréntque, ut principi supremo. At præfectus noster alloquutus est regem huiusmodi, persuasitque ut sponte uectigalis fieret, à quo non difficulter impetrauit, ut annis singulis tributa pendens, cottonum & canabim mitteret, & alia nonnulla, quibus ea regio abundat: aurum uero ibi non nascitur. Itaque rebus pacatis compositisque, concordēs una regem adeunt, à quo honorificentissime excepti sunt, effusa omni plebe, quæ illis occurrit hilaris admodum & iucunda. Inter cætera hoc genus ludicri in gratiam præfecti actum est. Primo aduentu occurrerūt adolescentulæ triginta, quæ tantummodo pudorem cooperuerant panno cottono suo more, cætera nudæ: hunc morem seruant pedissequæ cosmetæ: at heræ nudæ prorsus incedunt. Igitur predictæ ramos oliuarum manibus gestabant, & ubi appropinquabant præfecto, in signum foederis pacisque, illi ramos porrigebant: capillos uero promiserant per humeros, uittata fronte ambulantes: colos iis erat cyaneus, id est, nigricans uiridis: uerum pulcherrimæ sunt, si omnem corporis habitudinem spectaueris, quod profecto his erat habilissimum symmetricumq;. Postquam uero his iocis exceptus est, dispositis lectis discubatoriis, cœna paratur opipara. Demum itur cubitum apparatu sane regio. Postridie uero eunt in domum quandam patentem, quæ theatrum referebat, & ibi ludicra exercere compluscula, ut sunt tripudia & alia id genus. Post hæc duæ hominum acies comparuere, hinc & hinc atrox prælium committentes: nam adeo acerrime digladiabantur, ut hostes uiderentur, & utrinque ceciderunt multi: pluresque occubuissent, nisi rex annuisset, ut temperarent à manibus. Arma erant tela, arcus, & sagittæ.

Quomodo reges qui desciuerant rursus succumbunt.

Cap. CIIII.

ILLINC itaque tertio die soluit, & rursus Issabellam insulam uisit, ubi comperit suos uita functos: nam ferè ducenti occubuerant uariis affecti ægritudinibus: quæ res adeo Columbum mœstitia ac dolore affecit, ut propè de expeditione desperauerit: & id in primis hominem angebat, quòd uidelicet liburnicæ Hispanæ uehentes annonâ apparebant nullæ, & iam pridem caritate com meatuum premebantur: tandem decreuere ægros partiri per loca mari adiacentia, inter Issabellam & sanctum Dominicū, secus iter, quod inter Austrum & Aquilonem uisitur, & ibi cœperunt condere noua oppida, & primo longe ab Issabella, miliaria ferè XXXVI arcem Spei construunt. Post eam ad miliaria propè XXXIII, arcem erigunt diuæ Catharinæ. Ab ea uero ad miliaria ferè XX, arcem condunt diui Iacobi. Post hanc autem ædificant arcem Conceptionis. Interque eam & diui Dominici erecta est alia, quam Bonum annum nuncupauerunt de nomine Fundini regis. Collocatis itaque ægris in memoratis arcibus, ipse ad oppidum diui Dominici contendit, & illic à regis uectigalibus accipit tributa. Dúmque diutius inibi immoratur, Hispanis uitam ducētib; per mille latrocinia, ac rapinas, complures reges desciuere, conspirarūntque ferè omnes in Hispanos: & cum quadam die conuenissen, paraturi expeditionem in nostros, Guarionexium



xium præficiunt exercitui, qui numerum quindecim milium hominum excedebat. Verum præfectus noster, ubi de hac re certior factus est, mox eos diligentia & solitudine præuenit, cœpitq; ad unum omnes profligare, ueluti manum tumultuariam, non tamen sine magno sudore ac labore, ac magnis periculis, utpote qui cum Barbaris præliabamur. Monet Admirans, ut his omissis ad eum redeamus.

De nouis insulis, & gente multiplici compertis ab Admirante Columbo.

Cap. CV.

ADMIRANS itaque Columbus die XXVIII Maii, MCCCCXCVIII, soluit à Barameda oppido non longe à Cades cum liburnicis octo onustis iter agens uersus insulas Fortunatas, prout consueuerat. Verum per id tempus uisum est conducere plurimum, si illac iter faceret ob nonnullos piratas, qui tunc mare infestabant. Illinc uero ad Mederæ insulas contendit, & ibi classem partitus est bifariam: nam quinque naues ad insulam, quæ dicitur Hispana, direxit, reliquas uero secum retinens, uersus meridiem pergit, destinans animo uelle lineam æquinoctialem tandem aliquando superare, & inde ad Occidentem uergere, ut ferè omnia scrutaretur, ea in primis, quæ Christianis fuere hætenus inaccessa incognitaque. Is enim erat uir alto animo celsoque, nec nisi magnifica aggrediebatur, & tandem peruenit ad Caput uiride. Indèque soluens flante Austro maria sulcabat, & cum in altum prouectus esset ad miliaria ferè CCCCCLXXX, in quandam deuenit regionem, ubi adeo sol torrebat omnia, ut propè ipsa classis conflagraret, uirique omnes æstu magno quasi animam exhalabant: nam impellente calore dolia complura crepuere, effusumque est uinum oleumque simul, cum id eis usu euenisset in exortu Caniculæ, quo conflagrant propè omnia. In his itaque caloribus per octo dies uersati sunt, non sine uitæ discrimine: poenituit eos sæpenumero has partes adiuisse. Transactis autem octo diebus, flante uento Fauonio, iter uertunt ad Occidentem, rati clementius cœlum nancisci posse, & accepto in pupi uento, citatissime contendunt, indies clementius cœlum salubrioremq; aerem nacti: nam tertia die postquam illinc abiuerant, compererunt tantam temperiem aeris, ut si priori conferatur, hæc sit prorsus felix & fausta. Ultima uero Iulii è specula eminentiori nostrum quispiam eminus tellurem conspexit, id est montes editissimos: quæ res tanto nos asperfit gaudio, ut propè gestiremus, exiliremusque: quandoquidem usque ad id tempus nos nostræ uitæ tædebat plurimū: nam deficiebant commeatus ferè omnes, calore dolia crepuerant, & uitam propè desponderamus, ut usu uenit aliquando à morte parum distantibus: tandem aliquando superis fauentibus, terræ appropinquamus: uerum non appulimus ob breuia quædam, quæ mare procellosum reddunt, faciuntque ne ad littus tuto accedas, tamen cognouere terram cultam esse, & habitari frequentissime: nam è classe conspectabant locorum amœnitatem, prata præsertim uiridia, inque eis innumeros flores, qui suauitatem fragrabant inenarrabilem, ut uel ad ipsam classem mirus odor peruenerit. Illinc soluentes ad XX miliaria portum nanciscuntur absque flumine, alioquin optimum: propterea inibi haud immorati, ultra progrediuntur, & mox alium comperiunt portum stationemque peropportunam: eò itaque proficiscuntur ocysime, ut aquæ nonnihil haurirent:

i. i.



portum appellant Charanz, Cuspidem accolæ: prope portum nullæ erant domus, uerum animalium complurium innumera uestigia. Postridie uero eminens conspeximus caneam citatissime aduentantem, id est apud eos cymbæ genus: in eaque XXXIII iuuenes sagittis propè onusti, gestantes clypeos, pudore tantum cooperto, cætera nudi: nam pudibunda inumbrauerant bombicino panno, capillūque admodum promissum habebant. Hos ubi Admirans conspexit, nutu & signis, quomodocunque quibat, inuitat prouocatque ad mutua colloquia. Illi uero quanto magis accersebantur, tanto minus nobis fidebant, ueriti semper ne fraus subesset quæpiam. Paulatim discedentes à conspectu nostro, & subinde post terga respicientes, demirabantur ritus nostros, formam corporum hætenus eis inuisam incomptamque. Videns itaque Admirans minime allicere posse hos uiros nutibus neque inclamationibus, decreuit eorum feritatem lenire melodia, aut concentu aliquo. Mandat propterea existentibus in specula eminentiore, ut musicam multiugam excitent, choraules uidelicet & tibicines, ac id genus alios moneant, ut concentum efficiant non mediocrem, quo allekti Barbari propius accedant. Hi uero ubi audiuerunt constrepentes tibia, rati sunt belli signū esse, ueluti si ad arma conclamatum foret, expediunt arcus sagittasque bello se præparantes: & quoniam mirum in modum fidunt suæ perniciati, condito deserta maiore canea, cymbam minorem ingrediuntur, ut fuga sibi consulerent ui remorum adiuti: tamen tantum eis appropinquauimus, ut quidam e nostris iecerit in eorum cymbam prætextam & birretum: quo facto conuenit inter eos, ut littus appellentes mutuo fruerentur colloquio. Dum igitur præfectus it ad Admirantem, impetraturus commeatum egrediendi classem, illi rati rursus ne sibi imponeretur, effusissime fugerunt. Igitur nihil aliud de populis huiusmodi comperti habuimus. Et post hæc illinc abiimus, & non longe prouecti, deuenimus ad profluentem quendam adeo rapidissimū, ut Admirans, qui à puero assuevit mari, confessus sit ingenue se non tantundem pauisse, formidauisseque: nam deriuabatur is profluens ab oriente, petens occidentem gradu citatissimo. Eo itaque propè superato, paulum progressi, deuenimus ad quoddam ostium, quod uidebatur ad portum quempiam nauigantes admittere, eoque proficiscebatur profluens, interque ostium & alium profluentem sinus est ad potandum suauissimus, unde aquæ plurimum hausimus: post quem aiunt semper aquas suas ad leucas uiginti sex inuenisse: & quanto magis appropinquabant occidenti, tanto plus ubertatis suauitatisque aquarum nacti sunt. Deinde deueniunt ad montes quosdam eminentissimos, & eò accedentes uidere prædia culta admodum: uerum hominibus domibusque uacabat regio, & ab alio latere montis occidentem uersus uisitur planicies maxima, exploratūque habuere regionē nuncupari Pariam, esseque pergrandem, nec raro habitatore. Inibi igitur pilotas accipiunt itineris duces quatuor, quorum ducatu una die ferè præteruekti sunt insulam, cuius amoenitate allekti terræ magis appropinquant, & insulam explorantes inuenerunt frequentiore hominum numerum quàm unquam alibi nacti fuissent, & in primis reges qui Cachi dicuntur, quique continuo ad Admirantem legatos mittunt, se suaque ultro offerentes, enixe deprecantes eum, ut continentem attingens, frui suis bonis pro arbitratu non dedignetur: uerum

Cachi.



uerū Admirans his minime assensus est. Illi uero ut hominem sibi demerentur, postridie innumeras cymbas exornari iubent, quibus patritii primorésque uecti fastu non mediocri ad Admirantem contenderent, torquibus aureis bac-  
císque, ac armillis decentissime honestati insignitique. Hos nostri incipiunt per-  
cunctari amice, unde tantum auri eruerint, & ubi margaritas legant: at illi ilico  
respondent nutu, uniones reperiri in harenis maris sibi contermini: significantes  
rursus nutibus uim maximam baccharum inueniri inibi: uerum uix esse apud eos  
in pretio, utpote qui ferè nihili eas pendunt. Has igitur tantas opes subinde osten-  
tantes nostris offerebant, modo nonnihil illic commoraretur. Verum quoniam  
triticum classis fathiscere incipiebat, uisum est conducibilius, si hæc mercimonia  
in aliud tempus dilata forent: mittunt tamen è suis nonnullos, qui terram per-  
quam diligenter explorent, mores ac ritus accolarum, necnon situm regionis.  
Profecti sunt itaque eò è nostris quidam, qui ab eis honorificentissime sunt exce-  
pti, & quidem honorificentius quàm unquam autumassent: nam ad eos saluta-  
tum accurrebant accolæ certatim cateruatimque, non secus quàm si uisum irent  
numen quodpiam: eos itaque primo duo patritii excipiunt pater & filius, suóq;  
more consalutant, & mox consalutatos ad domum instar theatri factam ducunt.  
Ante eam autem platea conspicitur grandis admodum, & eò allatæ sunt sellæ  
complures, fabrefactæ ex ligno nigricante, & quidem faberrime. Consederunt  
ergo omnes, & ilico erupit adolescentū caterua, ferens fructus omne genus uber-  
rimos nobis prorsus incognitos. Posthæc cenophori subsequuntur uina electissi-  
ma propinantes, cum fulua, tum etiam rubicantia: neque id uinum expressum  
uiuis aut racemis erat, uerum ex fructibus baccísque multiugis eisdemq; suauissi-  
mis: uitem non habent uiniferam. Vbi itaque commessati sunt apud senem, in-  
nati iuuenis mox diuertunt ædes, ubi complures uisebantur mulieres adolescen-  
tulæ formosæque admodum, quæ bombicino panno uersicolori coopertis tantū  
pudibundis, cætera sunt nudæ, & hæ hominum conuentus refugiunt, solitariam  
uitam degentes. Hos igitur uiros cœpere nostri percunctari, unde tantum auri  
eruerent. At hi quibus pro sermone nutus erat, innuebant id è montibus qui-  
busdam egestum esse, nec tutò nos eò per id tempus proficisci posse: quandoqui-  
dem prout colligere potuimus ex eorum nutibus, aut ibi sunt fera quædam ani-  
malia, aut anthropophagi Canibali, qui montes obseruant infensi: id nobis per-  
molestum fuit, nam alter alterum haud intelligebat.

De reditu Admirantis ad insulam Hispanam. Cap. CVI.

I T A Q U E nostri illic immorati sunt fere usque ad meridiem, tempus  
non colloquiis, sed nutibus terentes: tandem uale dicto eis illinc abeunt non indo-  
nati, nam propè quisque illorum donatus fuit baccharum torque non contem-  
nendo. Hos igitur Admirans saluos excipit in classem, uelâq; uentis dedit ocys-  
sime: nam triticum, ut præfecimus, non patiebatur moras ulteriores: hærebat ta-  
men cordi eò rursus redire. Progredientes igitur indies minus profunditatis cõ-  
periunt, adeo ut uix mare capax esset liburnicarū aquis deficientibus: propterea  
uisum est expedire plurimum, si præmitteretur celox quæpiam, quæ contis ua-  
da exploraret, & subsequenti classi iter præpararet. Dum ergo diebus complu-  
sculis cunctantur, pauidèque maria fulcant huiusmodi, rati esse insulam secus



quam adnauigabant, ut demum eam circumuecti Aquilone flante, uergerent ad Hispanam insulam. Igitur inter nauigandum deueniunt ad quoddam flumen, cuius altitudo mensuram triginta cubitorum excedebat: latitudo autem prope immensa credebatur, adeo ut supra leucas XX pateret: inter meridiem & occidentem decurrit, licet adeo sinuet, ut ad meridiem inclinare magis uideatur: mare illic implicatur herbis, perinde ut uix sulcari queat nauibus, fluitantibus seminibus herbarum instar lenticularum. Ibi refert Admirans cœlum esse usquequaque clemens saluberrimumque, & ferè toto anno pares noctibus dies esse, ut sit sub ipso æquatore: ubi itaque animaduertit sinum esse implicitum, & uix exitum habere, præsertim uersus Aquilonem, ut ad insulam Hispanam remearet, naues uertendo, facit ut prora puppim consequatur, ordine præpostero, eà iter agens, quâ ingressus fuerat: & herbas frequentiores tandem euasit, dirigens gressus ad Aquilonem: non desunt qui affirmant eam tellurem continentem Indiæ esse: utcunque fuerit, id Admirantem latuit, qui terræ exitum nusquam nactus est: propterea gradu relato, fauentibus superis, uersus Aquilonem nauigans, tandem aliquando ad insulam Hispanam deuenit uigesimo octauo Augusti M CCCCXCVIII, prout instituerat.

De discordiis repertis in insula Hispana.

Cap. CVII.

VBI IGITUR Admirans appulit insulam Hispanam, nactus est ferè cuncta confusa, & in primis comperit Orlandum quendam alumnum suum descuiisse, qui asylum improbis omnibus aperuerat. Hunc igitur Admirans totis conatibus nixus est sibi reconciliare: uerū is nedum reconciliari uoluit, sed & regi serenissimo grauiter de Admirante conquestus est literis quibusdam, huius ferè tenoris, Nouerit V. regia M. nos iampridem passos fuisse ab Admirante, Bartholomæoque fratribus, quæ ab impiissimis hostibus nusquam expectauisset quispiam: nam præter illud quod sunt omnibus sceleribus addicti, uacantque omni honestate: id plus etiam habent, quod uiri truculentissimi, pro re quaque minima ueluti uitæ necisque nostræ potestatem habentes, in homines sæuiunt atrocissime, & nullus est innocentiae tutus locus, eis est impune occidisse hominē: uiri sunt & iniusti, & arrogantes, inuidique plurimū, & ambiunt supra modum quæ sibi haudquaquam conueniunt. Propterea rex serenissime, cum in nos grassarentur ueluti in pecudes, ab eis descuiimus, quoniam nimium sunt sanguinis humani appetentes, & uestrum imperium subuertere contendunt, nihil relinquentes intentatum, ut insula potiri queant aliquando: & hoc erit uobis non obscurum argumentum, quod ubi effodiendum est aurum, emendūmque, neminem ad aurifodinas admittunt præter suos complices & alumnos, quos habent suorum scelerum consiliarios. At Admirans in hanc ferè sententiam regi scribit, Rex serenissime, ne uos horum uirorum scelestium impura natura lateat, uobis testatissimum fiet, hos hic iura omnia diuina pariter & humana contempsisse: uitam nanque agunt impurissimam, per cædes, stupra, ac rapinas se exercentes: qui ueriti ne horum interdum pœnas luerent, descuiuerunt ab imperio regio, uoluptati, desidiæ, ac libidini supra quàm scribere possim, dediti: qui ubi laxiori otio profiliūt, corpora exercent inter humanas cædes: nam uoluptas apud eos ducitur maxima, hominē patibulo suspendere. Interea dum maledictis & probris



& probris mutuo contendunt, rex quidam, quem appellant Cigianorum, desciverat à Christianis, quique exercitum sex milia hominum secum trahebat, præter sagittas & arcus inermem: nam nudi incedunt, etiam exeuntes ad bella, corpora uero notis compluribus inurunt, compunguntq; stigmatibus à uertice usq; ad pedum plantas. Hunc igitur post uarias interturbationes ueluti tumultuariâ manum fudit, ac protinus subegit, subactumque reddidit uestigalem.

Quomodo Admirans falso delatus regi missus est in Hispaniam, uinctus ueluti captiuus quispiam.

Cap. CVIII.

IN TERE A reges Hispaniarum ex utriusque literis certiores facti sunt controuersia & uelitationis suorum, qui insulas præsidii causa incolebant. Igitur ægreferentes quæ referebantur utrinque, cum præsertim in tanta auri copia nihil adhuc emolumenti susceptum esset, grassantibus inter se suis: decreuerunt his quamprimû occurrere: propterea uirum strenuum dictis insulis præficiunt, qui eò contendens nemine excepto, animaduerneret in reos quoscunq; aut in Hispaniam mitteret puniendos. Profectus est igitur gubernator, à rege accepta persona, & ubi delatoribus aures præbuit, mox ab inuidis Admirantis subornatus, Admirantem & germanum uinctos in compedibus ad reges misit: qui ubi Gades applicuere soluti sunt, & ultro sese conspectui regio præsentarunt, inque regum regia splendidissima usque in diem præsentem non inhonori degunt.

De insulis inaccessis, & uariis moribus.

Cap. CIX.

POST QVAM Admirans eò infelicitatis deuenit, ut regum indignationem incurrisse uideretur, complures è suis alumnis qui sulcandi maris probe nouerant artes, decreuerunt inter se irreuocabili proposito, ut sese fortunæ committentes, orbis partes adirent hætenus inaccessas: & mœstissime uale dicto Admiranti, impetratoque ab eo commeatu, sua impensa liburnicas quasdam expediunt: alii alias petentes orbis partes, ea lege, ut nemo eorû ad quinquaginta leucas illis locis appropinquaret ubi Admirans fuisset. Igitur Petrus Alonsus dictus Niger, celocem communiuit suis impensis, decernens ad meridiem contendere. Dum itaq; adnauigat, peruenit ad id loci qui dicitur Paria, cuius in superioribus cōmeminimus, ubi baccas margaritasque multiplices Admirans inuenit: & ut à præscripto regio non discederet, locum præteriuit, nusquam appropinquans ad leucas quinquaginta. Illinc itaque soluens, deuenit ad prouinciam, quæ Curtana dicitur, ubi portus uisitur non absimilis illi qui Cades appellatur. Ingressus igitur portum, uidit uicum non mediocrem, domorû forte LXXX, & propius accedens nactus est uiros quinquaginta nudos, qui eum locum minime accolebant, uerû illinc ad tertium lapidem oppidum habebant, cum quibus cœpit cōmercia exercere, complura permutans: nam pro mercibus quibusdam, ut sunt acus, & sonalia, licet nonnihil reluctati fuerint, unionû uncias quindecim consequuti sunt: hos enim appensos collo habebant. Postridie illinc soluit, & ad uicum minorem rediit: quò cum deuenit, omnis populus effusus illi obuiam profectus est, rogans enixe, ut continentem attingens secum moram longiusculam traheret: uerû Petrus Alonsus, ubi conspexit tantam hominum frequentiam, nam supra triginta tres uiros celox minime uehebat, timuit ne sibi male succederet cum gente barbara: propterea nutu & signis innuebat accolis, ut siquæ emere uellent eò conten-

Petrus Alonsus.



derent, se haudquaquam descensurum affirmabat: quare his uisis accolæ lembis quibusdam uesti ad celocem contendunt onusti unionibus & baccis, qui cœpere cum nostris mercimonia exercere, & pro nonnullis uilissimis mercibus dederunt libras ferè quinquaginta unionum. Postquā autem Alonsus Niger comperit habuit gentem huiusmodi minime feram esse: nam per XX propè dies illic immoratus cum eam comperit nihil feritatis habere, statuit in terram descendere, & huic genti fidere humaniori. Igitur ubi terrā tenuit, adeo honorifice exceptus est, ut id uix referre queam. Domos habent ligneas, & pro imbrice palmarum folia habent, his tegunt omnia: in cibatu ostreas habent gratissimas, & illorum complures legunt uniones, apros, lepores, columbos, turtures affatim habent: mulieres uero anseres saginant & anates, ut nostræ. In eorum nemoribus uisuntur pauones innumeri, à nostris nihil absimiles, si pennas spectes: mares paui uix differunt à fœminis: fasianis regio scatet: accolæ sagittandi sunt peritissimi, quamcunque rem pro scopo posuerint, nusquam aberrant. Ibi igitur Alonsus cum sociis lautissime multis diebus uixit: frustum panis pro clauis ferreis quatuor consequebantur: pro uno clauo fasianos, columbos & turtures emebant: loco pecuniæ corollas uitreas dabamus & acus: percunctabamur quandoque eos, cur tanti facerent corollas huiusmodi, id est, ferta uitrea & acus: respondebant quod eis compurgant dentes, euelluntq; sentes è pedibus, quoniam nudi usquequaque incedunt: propterea magnificiunt acus, & in primis magni pendunt sonalia: ubi uero introrsus prouecti sunt, conspexere condensissima nemora, uariisque quadrupedum mugitus reboarunt, adeo ut cœlum ipsum intonuisse uideretur: tamen rati sunt ea animalia minime fera esse, argumento quod accolæ intrepide nudi nemora lustrant, solis arcubus & sagittis communiti: pro arbitratu apros in promptu semper habent, mitiora armenta habent nulla, ut sunt boves, capræ, & pecora, uiri non sunt absimiles illis, qui insulam incolunt Hispaniā, capillum nigrum promittunt, illudque quasi more Theuconico calamistratū ferunt: ut autem dentes habeant albicantes, herbam quandam assiduo esitant ruminantque, tritam expuunt, mōxque abluunt latice: eorum mulieres colunt curantque rem domesticam, at uiri uenatu exercent corpora, tripudiis ac ferè ludicris omnibus usquequaq; insistentes, uasa Samia habent complura, quæ aliunde eò comportantur, figlinas tabernas ipsi nesciunt, nundinas habent & emporia, eòq; confluunt ferè contermini finitimiq; omnes, uarias multiugasque ferentes merces, prout cuiusq; solum gignit, pecunia eis haud est in usu, cuncta uenduntur emunturq; permutatione rerum, non signata pecunia, aues mansuefactas, & cicurata animalia circumferunt ludicri causa, eaque exornant torquibus unionum baccarūmue, necnon auri, ut apud nos mos est colla canum torque quapiā condecorare. Ea regio non fert aurum, importatur aliunde, idq; consequuntur suarum mercium permutationibus, & excuduntur Germanorum nummi aurei, quos Rhenenses uocant. Viri loco femoralium utre utuntur, itidem mulieres agunt, uerum hæ perraro exeunt, domi se continentes, cœperunt nostri uiros huiusmodi percunctari, an longe ab ea regione essent maria, an forte regio in immensum protenderetur. Responderūt se id nescire, uerum credidere nostri eam regionem non insulam sed continentē, quandoquidem adeo scatet omni genere animalium,



animalium, ut non sit absolum credere continentem potius esse quam insulam: cum præsertim per id latus uersus occidentem nauigauerint ad miliaria propè mille, nec tamen terminus repertus est quispiam. Demum sciscitabamur ab eis, unde tantum auri haberent: pro responso habuimus, id erui in regione quæ dicitur Chanchiete, quæ abest ab eis itinere sex dierum occidentem uersus.

## DE GENTIBVS VARIIS LOCISQVE INNVMERIS

AB ALONSO REPERTIS.

Cap. CX

**O I G I T V R** Alonsus Niger proficisci decreuit, & tandem prima Nouembris M D Chanchietem regionem applicuit, quæ ut uidere accolæ, mox exuto timore, commercii causa honorifice exceperunt, ferentes quicquid auri per id tempus habebant: parum quidem tulerunt, uerum obryzum, defecatúmque. Regio

E

abundat psitacis, temperiæque est incredibili: nam mense Nouembri multus ibi algor, & rursus in æstate nullus æstus, torret plagam huiusmodi, temperata est regio admodum: id hominum genus syncerum est, & similitatis nullius, fidunt cunctis, lædunt neminem. Ibant ad nos uecti lembis & cymbis suo more fabrefactis intrepide noctu præsertim, non aliter quàm si proprias ædes frequentarent: id habent tamen, quod zelotypia plurimum laborant: cum nos adeunt, mulieres domi dimittunt: bombicæ scatet regio, quippe qui suapte natura gignitur, colente nemine: eo subligacula conficiunt, quibus occulunt inguina. Tandem illic soluere, & progredientes itinere dierum decem, nacti sunt regionem amicissimam, ubi erant complura oppida, flumina, uiridaria, adeo ut spectatiorem nusquam locum uiderim: eò igitur ubi accedere uoluimus, mox apparuere ferè duo mille hominum, qui suo more arcus & sagittas gestabant loricæque, littus perquam diligenter obseruantes: hos cœpimus nutibus, signis, & inclamationibus ad amicitiam & fœdera prouocare: uerum nusquam adduci quiuerunt, ut nobiscum inirent fœdus, uidebantur magnam rusticitatem, imò ferocitatem quandam præ se ferre: quamobrem credidimus syluestres esse, corpora tamen habent habilissima symmetricaque, colore ad nigritudinem inclinato, in uniuersum macilenta. Quare Alonsus Niger iam repertis contentus, statuit referre gradum, & patriam uersus ea rursus transire quæ uenerat.

Quomodo Alonsus patriam repetiit onustus baccis & margaritis, & quomodo congressus est cum Canibalis.

Cap. CXI.

**I G I T V R** relato gradu Alonsus adnauigans deuenit in eam regionem quæ Ciniana dicitur, ubi innumeri sunt uniones, & illic immorati sunt XX dies, ut fessa fouerent corpora: & prius quàm eò deuenissent, non longe à regione obuierunt canes, id est, cymbæ XVIII Canibalorum, quos anthropophagos iam diximus: qui ubi nostros eminus conspexere, continuo celocem ambiunt, arcus & sagittas intrepide expedites: at nostri tormenta exonerant, & ueluti manum tumultuariam protinus fundunt: qui cum terga dedissent, à nostris haud deserti cymbam amiserunt: qui uero in cymba erant, præcipientes sese in pelagus dederunt, & nando ferè omnes euaserunt, unum tamen ex illis corripuere, qui adeo sauebat in homines ut in promptu uiros tres ligatos haberet, quos illico comederet.

i. iiii.



His itaque solutis, illis custodiendum Canibalum dedimus, qui non immemores cædis suorum, uirum atrocissimum mox aggrediuntur pugnis scipionibusque: quibus confectus parum abfuit, quin animam efflauerit: nam is socios contrucidauerat suos, & postridie eos quos libertate donauimus, trucidaturus erat. Post hæc percunctamur eos de Canibolorum moribus, hi nobis respondent eius consuetudinis esse ac feritatis, ut humanum sanguinem plus nimio appetentes, peregre circumadiacentes regiones, & ubi terræ appropinquauerint, mox aggerem palis & id genus lignis compluribus extruunt, quo se tutantur tantisper, donec regionem deuastauerint, homines corripientes. Regio baccis abundat plurimum. In funere primorum hunc morem seruant, Patritius ubi uitam exiit, in carpento quodam collocatur, & igne subdito sensim ueluti in suffitu corpus consumitur, guttatim distillante liquore humano, donec sola super sit cum ossibus cutis, & eam recondunt ueluti rem sacram: & is est uita functi non mediocris honor. Itaque his acceptis illinc per XIII menses soluerunt, patriam repetentes, ferè omnium unionibus plurifariam: nam uehebant complura, & in primis baccarum omnium genus libras XCVI. Libram uero uncie octo efficiunt. Emerant enim huiusmodi margaritas perquam uili pretio. nauigando tandem in Gallitiam diebus XVI deuenimus, & ibi Mangonibus, quorum ingenium est & uniones & gemmas ad amissim cognoscere, margaritas huiusmodi ostendimus uisu quidem pulcherrimas, uerum eorum sententia pretii perquam mediocris.

DE NAVIGATIONE PINZONI SOCII ADMIRANTIS,  
ET DE REBUS PER EVM REPERTIS,  
Cap. CXII.



VINCENTIANVS dictus Pinzonus, necnon Aries eius germanus socii olim Columbi in primæua nauigatione, anni uelut M CCCXCIX. sua impensa celoces quatuor expediunt, communiuntque omni genere comæatum, & tandem superis fauentibus, à Palos oppido soluunt XVIII. Nouembris uersus insulas Canarias, quas Fortunatas appellamus, & ut ipsi hac tenus inaccessa adirent, & inde honorem, decus & emolumentum aliquando consequerentur. Relictis igitur insulis Fortunatis, ad Caput uiride deueniunt Apeliote flante: quo uento nauigarunt ad leucas propè CCC, & in ea nauigatione tantum progressi sunt, ut Aquilonem iam non cernerent: & ubi id sydus quo duce utebantur, euauit ab eorum oculis, mox atrox sequuta est tempestas, uentus uidelicet ualidus cum imbre grandine mixto: tamen Apeliote uento adhuc uehebantur, non sine magno discrimine ad leucas CCXL processerunt, & tandem aliquando XX Ianuarii eminus conspexere tellurem: cui quanto magis appropinquabant, tanto minus profunditatis inueniebant, deficientibus subinde aquis, propterea contis uada explorantes, nati sunt profunditatem non excedere sedecim cubitorum: tandem in terram descendunt, & cum ibi biduo immorati fuissent, nemo usquam apparuit. Paulo igitur progressi noctu cum luna pernox esset, conspicati sunt à longe micantia arma, exercitumque non mediocre. Eò igitur nostris triginta profecti sunt, quibus præfectus iussit, ne hostem la-

cesserant:



cesserent: & cum comperissent armatorum aciem esse, gradum referunt rem in  
 crastinum differentes, ne à præscripto præfecti recederent. Postridie itaque pri-  
 ma luce triginta uiri rursus eò contendunt: qui ubi à Barbaris conspecti sunt,  
 mox excitarunt triginta duos uiros torui atrocisque aspectus, qui eis occurrerunt  
 sagittis & arcubus suo more armati: hos nostri cœperunt nutibus & inclama-  
 tionibus sibi uelle conciliare: at illi sæuiebant magis, ferociâ incredibilem præ se  
 ferentes, nec unquam adduci quiuerunt, ut fœdera pacis nobiscum inirent. Qua-  
 re nostri his uisis, classẽ repetunt, postero die Barbaris congressuri. Verum illi  
 nocte intempesta castra deseruere. Lusitani uero rati sunt uagos huiusmodi po-  
 pulos, nec alias habere stationes quàm AEgyptii populi habeant. Tartarique,  
 qui errabundi per orbem, nec mapalia nec domos habent, nisi quas quæuis dies  
 obtulerit: apud omnes aduenæ eò pergunt quocunque uoluptas trahit, modo  
 huc, modo illuc: uxores & natos suppellectilẽque secum trahunt: eorum ue-  
 stigia è nostris complures persequuti sunt, & ut ex pedum uestigiis animaduerte-  
 runt, proceriores sunt nostris: nam planta pedis duplo maius uestigium impref-  
 ferat, quàm procerus quisque apud nos figeret. Progressi itaque ultra, deueniunt  
 ad flumen quoddam magnum quidem, uerum nostræ classis minime capax,  
 propterea cymbas expediunt, quæ terræ appropinquantes regionem exactius  
 explorarent. His igitur iam terram tenentibus mox, occurrunt populi innume-  
 ri inermes, iidẽque nudi, qui nutibus & signis nostram appetere amicitiam ui-  
 debantur: nostri tamen utpote morum eorum expertes, non intrepide accede-  
 bant: uisum est itaque hoc modo populorum ritus experiri, siquo modo addu-  
 ci possent ad exercenda commercia. Igitur unus è nostris iecit in confertam Bar-  
 barorum turbam sonagium: at illi in nostros frustum auri, quo factò Hispa-  
 nus audaculus accurrit, ut aurum proiectum acciperet: at illi condic̃to hominẽ  
 corripuiunt mira pernecitate, nostri uero relicta classe, socio suppetias ferunt, &  
 mox ingens prælium conferũ est, eòq; discriminis nostri peruenere, ut uix eis pe-  
 dem referre licuerit, urgentibus Barbaris: nec profuit eis habuisse longiores ha-  
 stas, ensesque: quandoquidem id genus uulnerũ & denique mortem contemnen-  
 tes, ruebant in eos ueluti atrocissimæ feræ, urinantes, id est aquis immerfi, adhuc  
 classẽ infestabant, effecerũtq; sua feritate, ut nostri male accepti celoẽm ami-  
 serint, occiso illius nauis præfecto: nostri autẽ mœstissime id ferentes, illinc amif-  
 sa celoẽ soluerunt, & ad Aquilonem contenderunt, comodo se sinuante littore.

Quomodo Pinzonus mare potu suaue inuenit, & de insulis uariis.

Cap. CXIII.

PROGRESSI igitur ad leucas ferè XL, nacli sunt pelagus potu haud  
 insuaue: & dum causam suauitatis insolitam quærunt, deueniunt ad quoddam  
 ostium ingentis fluminis, quod in id mare uastissimo impetu exonerat: contra  
 autẽ ostium insulæ uisuntur complures cultæ admodum ac conspicabiles, uerũ  
 ibi nihil compererunt, quod ad eorum spectaret commercia: mancipia tantum  
 triginta sex emerunt, quoniam nihil compertum est ibi, quod expectationi illorũ  
 faceret satis, eis præsertim qui auide lucris inhiabant. Regioni nomen est Chiana  
 marina Tambala. Eius accolæ referebant introrsus esse aurifodinas complures.  
 Postquam illinc abiimus, non longe à flumine itinere perpaucorum dierum,



Monstruosum  
animal.

rursus Septentrio apparuit fere sub ipso horizonte, qui nostrum uisum terminat. Peraetis itaque leucis quinquaginta, ea computatione ad eam regionem deueniunt, quæ Payra dicitur, & inde ad ostiū quod appellant Draconis, quodque eiusdem est regionis, quò aliquando profectus est Admirās, iter faciens per quasdam insulas, quæ sunt è regione Payræ prouinciæ prope innumerabiles: ibi sunt nemora sandalii, quo onerāt negociatores suas liburnicas, comportantque aliò. Inter has insulas, quarum meminimus, complures sunt incultæ desertæque Canibalorum metu: propterea ingens domorum ruina conspiciebatur: uidere etiamnum plurimos homines, qui uisis nostris mox dilapsi sunt in editissimos montes. Ea regio fert arbores, quæ gignunt casiam electissimam. Nos uero rati his mercimoniis inesse lucrum ingens, multum casia in Hispaniam comportauimus: uerum physici asseuerabant, eam quidem optimam esse, si opportuno tempore legissent. Ibi uideas arbores tantæ proceritatis ac magnitudinis, ut si sex homines restim ducerent, nec amplecti quirent arborem unam. Conspxere etiamnum ibi animal quadrupes, prodigiosum quidem: nam pars anterior uulpem, posterior uero simiam præsentabat, nisi quòd pedes effingit humanos: aures autem habet noctuæ, & infra consuetam aluum aliam habet instar crumenæ, in qua delitescunt catuli eius tantisper, donec tutò prodire queant, & absque parētis tutela cibatum quærere: nec unquam exeunt crumenam, nisi cum surgunt. Portentosum hoc animal cum catulis tribus Sibiliam delatum est, & ex Sibia Illiberim, id est Granatam, in gratiam regum, qui nouis semper rebus oblectantur. Catuli licet in itinere perierint, conspecti sunt tamen à compluribus qui huic rei astipulantur. Is itaque Vincentinus affirmat adnauigasse secus littus Payræ ferè leucas DC, nec ambigit quin continens existat. Illinc ergo soluentes ad insulam Hispanam deueniunt uicesima tertia Iunii, M D. & inde aiunt rursus maria sulcasse occidentem uersus supra CCC leucas: & cum deuenissent ad quandam prouinciā, atrox tempestas adorta est eos, effecitque ut protinus duæ celoces pessum ierint: altera uero crepuit: at altera salutem sociis præbuit, non tamen sine ingenti discrimine. Sauebat profecto supra modum tempestas: uerum ad id accedebat, quòd socii laboribus innumeris fessi, uix sui potētes erant. Positi igitur inter salutem ambiguam & metum, eminus nauim conspiciunt, quæ uentis prosperis uecta, perquam celeriter maria sulcabat: & quoniam perpauci supererāt, sibi nimium metuentes, ac uitam prorsus despondentes in eam deueniunt opinionem, ut se mutuo occiderent: propterea in terram descendunt, rati omnino se atrocia subituros. Hæc meditantibus non defuit supernū auxilium: nam paccatis uentis mari reddita est tranquillitas: propterea conspecta nauis, in qua homines solum XVIII superstitēs erant, resumunt animos, & in Hispaniam redire parant. Vtraque igitur nauis uela uentis dedit, patriam repetens, quò deuentum est ultima Septembris. Post hos uero complures alii nauigarunt meridiē uersus, iter agentes per Payram regionem, itinere miliarium quinque mille, nec unquam terminum nacti sunt: ideo arbitrātur continentem non insulam: unde nuperrime allata sunt complura, ut sunt casia, aurum, bacca, piper, cinamomum, herbæ, arbores, animalia multiūga, & alia compluscula, quæ apud nos minime uisuntur.

NAVIGA-



NAVIGATIONVM ALBERICI  
VESPVTVII EPITOME.

De nouo orbe, è lingua Hispana in Italicam traducto.

Cap. CXIIII.

VPERIORIBVS diebus abunde reddidi te mei redi-  
tus certiore, uir præstantissime: nam si probe memini, com-  
monefeci tuam præstantiã de his omnibus orbis partibus, quas  
adiueram cum classe & impensa regis huius inuictissimi: quæ  
si singulæ pensitatus expendantur, uidebuntur profecto alte-  
rum orbem efficere: propterea non ab re nouum orbem nun-

S

cupauimus: Nam prisca omnes harum rerum prorsus expertes fuere, superantq;  
eorum opinionem quæ nuperrime à nobis sunt comperta: quandoquidem hi  
rati sunt, ultra lineam æquinoctialem meridiem uersus nihil esse nisi uastum æ-  
quor, perustas incultasue insulas quasdam: id pelagus Atlanticum dixere: & si  
quandoque assensi sunt, nonnihil telluris esse, eam contendunt incultam esse nec  
habitabilem: quorum opinionem præsens ad eas partes nauigatio refellit, ape-  
ritque omnibus haud dubie falsam esse, & ab omni uero extorrem: quoniam ul-  
tra æquatorem nactus sum ego cultiores regiones, easdemque habitatoribus fre-  
quentiores, quàm alibi gentium usquam compererim, si Asiam, si Europam, si  
Africamue spectaueris, ut latius in sequentibus liquebit: nam prætermis-  
sis ob-  
scuris rebus, illustres solum denarrabimus, quæ sint scitu non indignæ, quæ-  
sue nos ipsi coram adiuerimus, uel ex fide dignorum relatu acceperimus. De mun-  
do igitur huiusmodi nuperrime inuento, sedulo & citra mendacium complura  
mox explicabimus.

De ordine nauigationis, & de sæua tempestate.

Cap. CXV.

FELICIBVS igitur, ut aiunt, auib; ab Vlisbona XIII Maii, MDI,  
soluimus iussu regis tribus liburnicis expeditis, profecti sumus quæsitum nouum  
orbem, & uersus Austrum iter agentes uiginti mensibus adnauigauimus. Cu-  
ius quidem nauigationis seriem primo explicabimus. Hunc igitur ordinem na-  
uigando seruauimus: nam per insulas fortunatas iter egimus, quæ nunc magnæ  
Canariæ appellantur: hæ enim sunt in climate tertio, in parte extrema habita-  
ti occidentis: inde sulcantes oceanum, littora Africæ Nigritarumq; gradu cita-  
to percurrimus, usque ad id promontorium, quod Ptolemæus appellat Aethio-  
pum, nostri uero Caput uiride, Aethiopes autem Bisecherem, & accollæ Man-  
dangam: & ea regio est intra zonam exustam gradibus XIII, uersus Aquilonē,  
quam Nigritæ incolunt. Ibi resumptis uiribus, & communita omni genere an-  
nonæ classe, sublati ancoris uentis uela dedimus, iter nostrum dirigentes uersus  
polum Antarcticum, nonnihil tamen ad occidentem declinantes Euro flante:  
nec prius tellus conspecta est, quàm iugi nauigatione tribus mensibus, ac diebus  
totidem uastissima æquora sulcauerimus: in qua nauigatione quæ discrimina  
subierimus, quæ uitæ pericula, quas animi anxietates, interturbationes, nau-  
fragia, quotiensue uitam pertæsi simus nostram, id multarum rerum sciis iu-  
dicandum relinquo, & eis in primis, qui optime norunt, quàm sit arduum in-  
comperta quærere, & adire inaccessa. Qui uero hæc nesciunt, rerum expertes,



huius rei iudices esse minime uolo. Et ut paucis multa comprehendam, id sciât, nos adnauigasse L X V I I diebus, quibus fortuna pertinax atrôxque sæuiebat: nam quadraginta quatuor diebus reboante cœlo, nihil nisi tonitrua, fulgura ac coruscationes, imbres grauissimos passi sumus, adeoque tenebricosa nebula cœlum inumbrauerat, ut interdiu noctûque non aliter uideremus, quàm Proserpina existente cum Plutone, id est, cum minime luna perniox est nox atristenebris offuscatur: propterea adeo nos timor mortis incesserat, ut uitam propè despondisse uideremur. Post hæc uero tam sæua, tamque atrocia, complacitum aliquando deo fuit uitæ compati nostræ (quæ sua fuit clementia) mox tellus apparuit: qua uisa, animi qui ceciderant elanguerantque, condicito rediere ad se, ut usu euenit superantibus calamitates maximas, & præcipue ereptis de fortunæ reflantis faucibus. Igitur septimo Augusti M D I, in littore eius regionis iecimus ancoras, dantes deo maximo gratias quas poteramus maximas, ritu solenni, & Christiano more solennia missarum celebrari iussimus. Tellus reperta uisa est non insula, sed continens: quandoquidem in uastum protendebatur, nec finis apparebat quispiam: cultaque erat admodum, ac habitatore multiplici perquam frequens: inibique animalia ferè omne genus syluestria, quæ huic orbi nostro sunt prorsus incognita. Nacti sumus etiam ibi alia pleraque, quorum de industria non meminimus, ne surgat opus in Iliada magnam. Id solum haud prætereundum puto, quod dei clementia adiuti, opportune tellus uisa est à nobis: nam diutius ferre nequibamus, deficientibus com meatibus omnibus: lignis uidelicet, aqua, nautico pane, salitis carnibus, caseo, uino, oleo, & quod plus est, uigore animi. Igitur deo quòd uiuimus referimus acceptum, cui honos & gloria ac gratiarum actio.

Quantum distet reperta tellus à Capite uiridi.

Cap. CXVI.

CONVENIT igitur inter nos, ut secus littus huiusmodi nauigaremus, conspectum eius haudquaquam deferentes. Nauigauimus itaque tantisper, donec deuenimus ad frontem quandam huiusce continentis, quæ uergit ad meridiem. Hæc frons ab eo loco, ubi primo tellus conspecta est, abest leucis ferè CCC. In hoc itinere sæpenumero terram applicuimus, & cum indigenis cōmercia habuimus, prout latius in sequentibus tibi compertum fiet: prætermisi enim Caput uiride ab hoc reperto continente, abesse leucis propè DCC, licet ego crediderim nauigasse plus quàm DCCC, & id effecit atrox tempestas & naufragia frequentia, & naucleri inscitia, quæ omnia iter prolongant: eoque loci deueneramus, ut ni cosmographia nobis nota fuisset, incuria naucleri de nobis actum erat: nam nullus erat itineris dux, qui ad leucas quingentas nosset, ubinam gentium essemus: errabundi enim eramus & uagi, nescientes quò tenderemus, nisi astrolabio & quadrante, astrologicis instrumentis, adamussim mihi & sociis consuluissem: comparauique mihi ob id non mediocrem gloriam, adeo ut deinceps eius loci fuerim semper apud eos, cuius sunt apud probos uiri eruditiores: docui enim eos chartam nauigationis, effeci; ut faterentur consuetos naucleros nihil hactenus sciuisse, si mihi conferrentur cosmographiæ expertes. Itaque dicta frons reperti continentis, quæ uergit ad meridiem, in ulteriorem spem nos induxit scrutandi uidelicet eius orbis, peragrandique ad regulam. Communi igitur sententia decretum,



cretum, ut regionem exploraremus, etiam introrsus mores & ritus gentis illius percunctaremur. Adnauigauimus ergo secus littus leucis ferè DC, subinde in terram descendentes, habito cum accolis colloquio frequentiore: à quibus profecto honorifice ac cordate excipiebamur: & eorum probitate, & natura innocentissima prouocati, nonnunquam quindecim uel uiginti diebus apud eos non inhonori uersati sumus: sunt enim hospitales admodum, sicuti latius infra patebit. Is igitur continens auspicatur ultra æquinoctialem lineam gradibus octo uersus polum Antarcticum, & tandiu secus hoc littus nauigauimus, donec superato tropico hyemali prope polum Antarcticum gradibus XVII, & medio applicuimus, ubi eleuatum horizontem habent gradibus quinquaginta. Quæ uero ibi conspicius fuerim, mortalibus nostri æui incomperta sunt: gentem uidelicet, mores, humanitatem, soli feracitatem, aeris temperiem, salubritatem cœli, corpora cœlestia, & in primis octauæ sphæræ sydera fixa, quorum sphæra nostra non meminit, nec hætenus cognita fuere à priscis etiam eruditioribus, ea mox sedulo sum denarraturus.

De moribus & natura gentis illius.

Cap. CXVII.

**FREQUENTIOR** est igitur hæc regio cunctis quas unquam uiderim regionibus: nam uidetur innumera, ut commemorat diuus Ioannes in sua Apocalypsi. Id genus hominum cicuratum est admodum & mansuefactum; nemini noxium: nudi prorsus incedunt, uti eos parens natura peperit: nudi nascuntur, nudi rursus moriuntur: corpora habent habilissima, utpote facta ad symmetriam: symmetrica dici iure possunt, colore ad rubedinem inclinante: id efficit candens sydus, quod non difficulter torret nudos homines: capillos habent nigros, sed promissos: incessu & ludis agiles sunt quàm qui maxime: facie sunt perquam liberali ac uenusta, nisi ipsi eam deformarent dehonestamento ferè incredibile: nam terebratam perforatamque faciem circumferunt, uidelicet genas, maxillas, nares, labra, aures: neque foramine mediocri aut uno, sed magnis compluribusq;: nam uidi quandoq; quempiam septem foramina in facie habentē, quæ singula capacia erant pruni unius damasceni: dempta itaque carne, hæc opplent lapillis quibusdam ceruleis, marmoreis aut crystallinis, uel ex alabastro pulcherrimis, aut ebore uel ossibus candidissimis, more suo, arte non inepta fabrefactis elaboratisq;. Quæ res adeo est insolens & turpis, ut monstrum prima facie præ se ferat, homo uidelicet qui gemmatam faciem circumfert, terebratus foramine multiplici: & si credere dignum est, lapides septem in facie habens, qui singuli mediū palmi magnitudinem superant. Nemo est profecto qui non admiretur: cum præsertim animo attentiore apud se hæc tam prodigiosa expenderit: uera tamen sunt. Nam ego aliquando obseruauī dictos septem lapides pondo ferè unciarum sexdecim. In aures & ipsi ferunt prætiosiores, uidelicet anulos appensos, aut baccas pensiles, more Aegyptiorum Indorumque. Hunc morem uiri tantum seruant: at mulieres solum ferunt in aures. Habent etiam fœminæ & alium morem atrocem, & totius humanioris uitæ expertem. Quoniam igitur mulieres huiusmodi in Venerem pronæ sunt admodum & salaces, id facinus parant, ut turpiori earum uoluptati faciant satis: nam uiris in potu dant herbæ cuiusdam succum, quo epoto inguina mox tument & crescunt non mediocriter:

lz. i.



aut ubi id non profecerit, uenenata quædam admouent, quæ mordicus inguen lancinent tantisper, donec tumescat, fitque propterea ut apud eos complusculi testes amittant, & eunuchi reddantur. Lanam non habent, nec linum, ideo omnifariam panno carent: nec gossipinis uestibus, id est bombicinis utuntur, nullius enim egent amictus, qui nudi usquequaque incedunt. Apud eos nulla sunt peculia: communia sunt omnia: regem non habent nec imperium, unusquisque sibiipsum rex est: tot ducunt uxores, quot libuerit: in promiscuum coeunt, nulla sanguinis ratione habita: cum matre filius, & frater cum sorore coeunt, libidinem passim exercent instar brutorum animalium, nam ubique & cum quauis muliere, etiam sibi forte obuia, rem peragunt ueneream. Dirimunt etiam pro arbitrato coniugia, quoniam exleges sunt, & à iure sunt extorres, templa non habent nec legem, minusque idola colunt. Quid plura? perniciosam quandam habent uiuendi libertatē, quæ Epicuris potius quàm Stoicis quadrat. Commercia non exercent, pecuniam nesciunt, inuicem tamen dissident, prælianturque atrociter, sed ordine nullo. Iuuenes senes concione flectunt trahuntque in eorum sententiam, quocumque libuerit, accenduntque ad bella, quibus hostes conficiunt, quos subegerint profligauerintque hostes in cibatu habent gratissimos. Carne uescuntur humana, adeo ut pater filios epuletur, & uicissim nati parentem, prout fors tulerit & euentus. Vidi ego quendam perditissimum hominem, qui pro gloria non mediocri iactabat, se esitauisse supra tercentum uiros. Vidi etiam urbem quandam, ubi immoratus sum diebus ferè uiginti septem, & ibi contignationibus humanas carnes, easdemque salitas pensiles uidi, uti nos carnes aprugnas sole uel fumo siccatas appendimus in culina trabibus, & in primis insitia, & id genus alia: imò mirabantur plurimum, quòd nos non uesceremur hostibus, quorum carnes aiunt appetentiam cibi facere, & miri saporis esse, easque extollunt tanquam dapes ganeatas opiparasque: arma habent nulla, præter sagittas & arcus: his atrocissime diloricati præliantur: quippe qui nudi congregiuntur, consaucianturque non aliter quàm fera animalia: hos nixi sumus pluries uelle trahere in nostram sententiam, persuadebamusque identidem, ut tandem aliquando ab his improbatis moribus, ueluti ab re abominanda temperarent: qui nobis sæpenumero polliciti sunt se temperaturos ab hac sæuitia. Mulieres uero, ut præfeci, licet nudæ incedant, uagæ & salaces in Venerem, non sunt tamen deformes: quamhabilissima corpora habent, nec quidem exusta, ut forte sibi complures persuadere quirent: & licet obesæ & præpingues, non tamen ob id deformantur: & quod miratu non est indignum, nullas uel puerperas uidi, quæ demissas haberent mammæ: nam licet pepererint foetæ, non sunt in aspectu corporis uirginibus absimiles: non caperatam contractamque in uentre uidebis cutem, & ea quæ honeste nominari non possunt, prorsus à uirgine non absunt: ubi Christianorum copiam habebant, mirum est dictum quàm turpiter corpora sua prostituerent, libidinosis res supra omnem credulitatem. Annis uiuunt centum & quinquaginta: raro ægrotant: qui si forte in morbos inciderint, sibi herbarum succo medentur protinus. Hæc sunt quæ apud eos comperi non obscura, uidelicet aeris temperiem, cœli clementiam, solum ferax, longam ætatem. Id forte efficit Eurys, qui istuc iugiter perflat, quique eius loci apud eos est, cuius Aquilo apud nos. Piscatu gaudent,



dent, eoque uictitant plurimum, adiuuante hoc uotū natura: nam æquora inibi scatent piscium omni genere. Venatu parum oblectantur, quod efficit ferarum ingens multitudo: pauent enim ob non cicurata animalia syluas frequentare. Visuntur etiam ibi leones omnifariam, ursi, & idgenus alia. Arbores ibi crescūt in tantā altitudinem ut uix credas. Temperant igitur à syluis, utpote qui nudi & diloricati inermēque tutò feris haud congredierentur.

De soli feracitate, & cœli temperie.

Cap.

CXVIII.

REGIO est aprica, ferax, & eximie amœna: & licet sit cliuosa, irrigua tamē est fontibus ac fluuiis innumeris, syluāsq; habet adeo condensas, ut uix transitū præbeant, obstante arborum frequentia. His inerrant animalia multiiuga, eademque sœuissima: arbores & fructus absque cultore suapte natura crescunt: fructus habent uberrimos, eisdemque suauissimos, nec mortalibus noxios, nostris prorsus absimiles. Gignit etiamnum terra innumeras herbas & radices, quibus panem conficiunt & alia pulmenta. Semina sunt complura, uerum nostris minime similia. Regio nullum fert metallum, præter aurum: auri igitur ibi ingens est copia: licet nihil nobiscum attulerimus inde hoc primo itinere: nam de hac re certiores nos fecerunt indigenæ omnes, qui plagā hanc auro scatere affirmabant, idque apud eos minime in pretio esse, & fere nullius momenti, identidem prædicabant: baccas margaritāsque complures habent, ut in superioribus commemorimus: quorum omnium si uellem sigillatim meminisse ob innumeram multitudinem, multiugamque naturam, surgeret in opus magnum hæc historia: nā Plinius uir absolutissimus, qui tantarū rerum texuit historiam, non tamē horum millesimam partem consequutus est, quæ si singula percensuisset, longe aliud opus effecisset, si ad magnitudinem spectes, alioquin absolutissimum, & id in primis admirationem præbet non mediocrem, psittacorum multiiuga natura, colōsque multiplex & uarius, adeo ut Polycletus, uir in pictura tantus, has auitorum uarietates uix consequi potuisset. Arbores omnes inenarrabilem suauitatem fragrant, gummas, liquores & succos emittunt passim, quarum uirtus si nobis comperta foret, puto nihil nobis non solum ad uoluptatem, sed etiam ad sospitatem, bonamque ualitudinem defuturum, & si qui est in orbe paradysus terrestris, non longe ab his regionibus haud dubie esse debet. Itaque ut sum præfatus, regio uergit ad meridiem tanta cœli temperie, ut nec hyeme algeant, nec æstate exæstuent.

De syderibus poli antarctici.

Cap.

CXIX.

COELVM inibi & aera perraro nubes inumbrant, ferè semper serena sunt, rorat quandoque, sed leniter, uapores sunt propè nulli, nec diutius rorat, quàm tribus uel quatuor horis, & instar nebulæ mox fathiscit, cœlum decentissime exornatur syderibus quibusdam, quæ sunt nobis incomperta, quorum ego consignantissime memini, & percensui ferè uiginti tantæ claritudinis, ut apud nos Venus & Iuppiter. Perpendi etiamnum eorū circuitus & uarios motus, metitūsq; circumferentiam ac diametrum non difficulter cum geometriā non ignorare, propterea pro comperto habui, maioris esse magnitudinis quàm autument mortales, & in primis Canopos tres conspiciatus sum, duos claros admodum, tertium obscurū & dissimilem aliis. Polus Antarcticus Vrsam maiore



nec minorem habet, sicuti est uidere in nostro Arctico polo: nec eum contingunt sydera quæpiam clara. Quæ uero ipsum ambiunt tria sunt, quæ figuram præ se ferunt trianguli orthogoni, quorum id quod medio loco uisitur, nouem gradus & medium circumferentiæ habet, & ubi hæc exoriuntur, à læua conspicitur Canopus albicans eximiæ magnitudinis, quod ubi in medium cœli deuenit, infra scriptam præsentat figuram.

\*

\*

\*

His succedunt tria alia præclara sydera, quorum medium habet diametrum circumferentiæ duodecim graduum cum dimidio, & in medio eorum alter Canopus cernitur albus. Hunc sequuntur sex alia conspicua sydera, quæ claritate cunctis octauæ sphæræ syderibus præstant, quorum medium in superficie firmamenti diametrum circumferentiæ habet graduum triginta duorum: hæc astra concomitatur Canopus ingens, sed niger: quæ omnia cernuntur in uia Lactea: & ubi ad lineam peruenerint meridionalem, infra scriptam referunt figuram.

\*

\*

\*

\*

\*

\*

De nonnullis illius hemisphærii, quæ philosophis repugnant.  
Cap. CXX.

Iris.

ILLIC ITAQUE conspicatus sum complura alia sydera, quorum motus multiplices adamussim obseruans librum edidi quædam consignantissime, in quo commemini ferè omnium, quæ in hac mea nauigatione non obscura dignoscere quidi, & is apud hunc inuictissimum regem adhuc hospitatur, quem spero propediem ad suum dominum rediturum. In eo itaque hemisphærio non indiligerent quædā perpendi, quæ philosophorum sententiæ refragantur, utpote contraria, ac omnino pugnantia: inter cætera Irim, id est arcum cœlestem album circiter noctem mediā: quoniam secundum opinionem quorundam colores trahit à quatuor elementis, ab igne uidelicet rubeum, à terra prasinum, ab aere lacteum, ab aqua cœruleum: sed longe aliter sensit Aristoteles in metheoris, dicit que Irim esse repercussionem radii redundantis ad uaporem sibi appositæ nubis, sicut splendor in aqua refulgens, in pariete refulget, rediens ad ipsum. sua interpositione feruorem solis temperat resolutione in pluuias, inferiora fecundat, specie sua superiora pulchra reddit, dominium humiditatis in aere esse ostendit: unde infra quadraginta annos à mundi fine non apparebit, quod elementorum desiccationem indicabit: pacem inter deum & homines denuntiat: semper ex opposito solis est: nunquam apparet in meridie, quia sol nunquam est in septentrione. Plinius tamē ait, quod post autumnī æquinoctium apparet quacunque hora. Hæc excerpta sunt à Landino ex AEnéidos quarto ab interprete, ut nemo suis



suis fraudetur laboribus, sed suis cuique reddatur honos: eum uidi rursus & iterum, neque ego unus arcum huiusmodi animaduerti, uerum complusculi è nauis huic sententiæ suffragantur meæ. Rursus uidimus neomeniam, id est nouam lunam, eadem die, qua cum sole coniūgitur. Ibi etiam singulis noctibus uideas uapores & faces ardentissimas cœlo inerrare. Præfeci paulo supra, si tibi succurrit, id hemisphærium, quod nisi loquamur improprie, hemisphærium dici non posse, si nostro collatum fuerit, tamen quia nonnihil formam eius effingere uidetur, uisum est improprie loquendo hemisphærium id appellare.

De forma quartæ partis terræ nuperrime inuentæ. Cap. CXXI.

I G I T V R, ut sum præfatus, ex Vlisbona, unde nos soluimus, quæ distat ab æquinoctiali uersus septentrionem gradibus ferè XL, nauigauimus usque ad eam regionē, quæ est ultra æquinoctialē gradibus quinquaginta: quos si simul collegeris, nonagenarium efficient numerum: quiquidem nūmerus quartā partem obtinet maximi circuli, iuxta ueram priscorum supputationem traditam nobis. Liquet igitur omnibus, nos quartam orbis partem metitos fuisse: propterea nos qui Vlisbonam incolimus, citra æquatorem gradibus propè quadraginta in regione septentrionali distamus ab eis, qui ultra æquinoctialem lineam degunt, in meridionali longitudine angulariter gradibus nonaginta, id est, à linea transuersali: & ut etiam compertius rem intelligas, linea perpēdicularis, quæ dum nos recto gradu consistimus, surgit à puncto cœli, & tendit ad nostrū Zenith, eadēque linea eorum qui ultra æquatorem sunt ad gradus quinquaginta, latera percutit, fitque propterea ut nos in linea recta simus, ipsi uero sint, si nobis conferantur, in transuersali, & is situs efficit figuram trianguli orthogoni quarum linearum rectam nos tenemus, prout declarat subsequens figura, & de cosmographia satis superque dictum arbitror.

Zenith nostrum.

Cur liber dictus sit dies tertius.

Cap.

CXXII

HAE C S V N T itaque quæ in hac ultima nauigatione scitu digna censui, quæ etiam oculis subieci, nec ab re opus nuncupauī Diem tertium, quandoquidem prius edidi libros alios duos eius nauigationis, quæ ex præcepto regis perfecti occidentem uersus, inque eis complura scitu non indigna consignantissime sunt exarata, & ea in primis quæ spectant ad gloriam nostri seruatoris, qui hanc orbis machinam miro extruxit artificio, quis enim satis pro meritis deum laudare possit, cuius mirabilia commemorauī in opere prædicto, legēs cursim quæ spectant ad sitū & cultum orbis, ut dum laxius otium dabitur, exactius de geo-

lz. iii



graphia opus quodpiam edam, ut mei uel posterius meminerint, & ex hoc opere discerent uberius deum maximum colere indies magis, eaque aliquando sciret, quæ nostri ueteres priscique patres prorsus nesciuerunt. Propterea seruatores nostrum, cui proprium est misereri mortalitatis, omnibus uotis precor supplicibus ut sinat me tantisper uiuere, donec id peregerim quod mente concepi. At alios duos dies in aliud tempus differendos reor, cum præsertim rediero sospes in patriam, eruditorum opera & consilio, necnon amicorum hortatu luculentius opus edam.

De excusatione Alberici, & uoto eius.

Cap. CXXIII.

D A B I S ueniam uir candidissime, si ultimæ navigationis diaria ad te nondum misi, sicuti pollicitus fueram. In causa fuit rex serenissimus, qui adhuc domi meos libellos detinet: uerum postquam distuli in hunc diem edere id opus, forte fortuna addam & quartum diem. Hæsit mihi cordi rursus peragrarè eam orbis partem, quæ spectat meridiem: & huic operi iam nauando in expedito sunt liburnicæ duæ, armamentis ac comitatibus ubertim communitæ. Dû igitur proficiscar in orientem iter agens per meridiem, Noto uehar uento, quo cum deuenero, plura abs me fient in decus & gloriam dei, necnon patriæ emolumentum, & mei nominis æternitatē, & in primis in senectutis meæ, quæ iam propè appetit, honorem & leuamen. Quare nihil desideramus in hac re præter comitatum regis: quo impetrato, pleno gradu contendam: quod deus bene uertat.

De his qui plura quærunt quàm liceat.

Cap. CXXIII.

F I D V S interpres præsens opus è Lusitano Italicum fecit, ut scirent qui Latium accolunt, quàm magna indies occurrunt, & item qui sibi nimium arrogant, intelligerent omnia se scire non posse: quandoquidem hæc mira tot uiris acerrimis ingenio, hucusque à condito orbe incomperta fuere. Hinc arguitur temeritatis & superbiæ nostra arrogans natura, quæ scire posse putat omnia.

#### R E R V M M E M O R A B I L I V M C A L E C H V T,

Q V A E N O N S V N T A B S I M I L E S I L L I S Q V A S  
Petrus Aliares secundo & altero tractatu scripsit, quæ  
rursus colliquescent ex litteris quorundam nobilium uirorum ut latius in sequentibus patebit.

Exemplum literarum cuiusdam Cretici dominorum Venetorum  
legati apud regem Lusitanorum die uigesima  
septima Iunii. M D I.

Cap. CXXV.

S E R E N I S S I M E Princeps &c. Reor uestram dominationem certiore iam factam fuisse à præstantissimo legato, rerum omnium memorabilium, quæ hic usu eueniunt, & in primis de classe, quam nuperrime rex Lusitanicæ



Lusitaniæ inuictissimus in Indiam expedit, quæ superis miserantibus rediit,  
 sed mulctata ratibus septem: nam eò concesserant liburnicæ quatuordecim,  
 & septem tantum incolumes rediere, reliquis pessundatis. Igitur egregie prin-  
 ceps per latus Mauritanæ ac Getuliæ Noto ducti, deuentum est ad Caput ui-  
 ride, dictum olim Experias, ubi uisuntur Hesperidum insulæ: & ibi auspicatur Experias  
 AEthiopia inferior uersus orientem, ultra quam prisca minime iuere. Hinc egre-  
 ditur latus AEthiopiæ uersus orientem, donec respondeat lineæ Siciliae, à dicto  
 latere intra lineam æquatoris ad quinque uel sex gradus: & circiter medium di-  
 cti lateris uisitur aurifodina huius regis: postque eam surgit caput ad Austrum,  
 excedens hyemalem tropicum per gradus nouem. Istud Caput dicitur Bonæ  
 spei: & illinc itur in nostras barbarias introrsus ad miliaria ferè quinque milia  
 uersus plagam nostram. Cum uero præterieris dictum Caput, mox regio se fi-  
 nuat, donec ad Prasum deuenias promontorium, quod antiqui, & in primis Prasum  
 Ptolemæus, pro termino meridionalis regionis posuit: ulteriorem uero plagam  
 appellauit incognitam: Inde itur ad Trogloditas, aurifodina uisitur, quam ap-  
 pellant Zaphallam, ubi maiores nostri affirmant uim auri ingentissimam esse  
 quàm alibi gentium. Hic intrant sinum barbaricum, & inde in oceanum deue-  
 nitur Indicum, & demum ad urbem Calechut. Id est eorum iter: quod si recte  
 supputaueris, miliaria propè quindecim milia uastitate sua occupat, ubi secus lit-  
 tora itur. Si uero desertis littoribus recto itinere ibis, recessus terrarum & anfra-  
 ctus montium prætermittens, sed in altum tendens usquequaque, longe minus  
 iter erit quàm prædiximus. Supra Caput Bonæ spei Lebegio uecti uento, nacti  
 sunt nouam tellurem, quam appellarunt Psitacorum: quoniã inibi inueniuntur Psitaci  
 alites huiusmodi incredibilis proceritatis, utpote qui brachium & dimidium lon-  
 gitudine excedant, multiiugi coloris: duos nos uidimus, qui fidem rei præbent.  
 Nautæ itaque ubi conspexere latam plagam, credidere continentem, propterea  
 adnauigarunt tantisper, donec terræ spatium duum milium miliarium supera-  
 runt, nec tamen finis est repertus tantæ uastitatis. Plagam incolunt uiri nudi &  
 proceri, formosique admodum. In eo itinere amiserunt naues quatuor, duas ipsi  
 miserant ad aurifodinam, quas autumant non reuersuras, septem uero concessere  
 Calechut, ubi honorifice nostri pro congressu sunt excepti, adésque à principe  
 consequuti sunt, & ibi nostræ naues statiuam fecerunt. Obiter superuenerunt  
 Maurorum & circumadiacentium populorum rates, & comprimis magni Sol-  
 dani liburnicæ, & hi omnes conspirarunt in Christianos, quippe qui ægre fe-  
 rebant Christianum genus usque in illas partes propagari: iactabantque eò  
 nostros contendisse, ut illis lucra adimerent sua, propterea primo loco na-  
 ues onerare contendebant, nostro negotiatore reluctante, qui mox regi de  
 Maurorum insolentia questus est, quem ilico deprehendit Mauris fauere, tamen  
 ut erat uir ambiguae fidei, nostris respondit in hunc modum, se animo haud  
 æquo laturum, ut Mauri prius mercimonia liceantur, quàm Christiani sua cõ-  
 mercia absoluerint: & in huius rei specimen iubebat, ut Mauris, qui huius decre-  
 ti præuicinatores comperti forent, mercimonia omnia impune adimerentur,  
 eaque occupatibus adiudicabat. Cõgressi igitur Christiani cum Mauris, ilico to-  
 a urbs in partes Maurorū declinauit. Quare Christiani generis strages magna



facta est, in qua supra quadraginta homines desiderati sunt Christiani nominis: inter quos oppetiit negotiorum nostrorum gestor: qui licet undabundo mari sese credidisset, correptus est tamen à barbaris, & uitam efflauit mœrore omnium. Hæc igitur ut nostris nota fuere, condicto tormenta omne genus exonerant, & classem præfecti Syriæ, id est Soldani, rogo consumpserunt: nam in ea erant naues decem: catapultis uero & bombardis urbem propè deuastarunt, complures domos incendentes, quæ pro imbrice, instar mapalium, paleas habebat. Quemobrem illinc abiungere & duce Iudæo, qui fidem Christi induerat, aliud regnum petiere ultra Calechut, ad miliaria ferè quadraginta, Cuchinum appellant: eius rex odit regem Calechut, quàm qui maxime. Is igitur in odium regis Calechut nostros perbenigne excepit: & hic maiorem habet aromatum copiam, quàm rex Calechut. Quare nostri tot diuitias inde asportarunt, ut uix id audeam referre: nam ipsi aiunt emisse illic cantarum, id est genus mensuræ non mediocris, cinnamomi aureo uno. Rex igitur huius regionis legatos misit ad regem Lusitanum, duosque obsides, ut securius eò nostri redirent. At rex Calechut interea ingentissimam classem expedit in nostros: qui quoniam onustas habebant naues, illis congregari haudquaquam uoluere, sed altum petentes Borea ducti, quem uentum ipsi ignorant, euaserunt: erat enim pertimescenda classis: quippe quæ supra centum & quinquaginta naues habebat, ferebatque hominum quindecim mille. Igitur cum euassent discrimen, deuenerunt ad quandam insulam, ubi diui Thomæ corpus quiescit. Huius insulæ dominus Christianos honorificentissime excepit, & sancti corporis reliquias in specimen amicitiae nostris dedit. Quid plura? aromata omne genus nostris, quos nunquam uiderat, absque pecunia obtulit: soluerent demum cum sibi peropportunitate fuisset, & redissent felicibus, ut aiunt, auibus. Verum nostri illius commercii non egebant, utpote qui onusti erant admodum. Absuerunt in hoc itinere menses quatuordecim uerum trimestri rediere, & addebant deinceps celerius iter perficere posse, utpote qui iam recessus & ambages maris nouerant, utputa decem mensibus iter se facturos rentur. Naues rediere omnes, præter unam, quæ illisa scopulis quibusdam pessum iuit, saluis tamē uiris quos uehebat, & ea capax erat sexcentorum doliorum, nondum tamen applicuit classis, una tantum liburnica portum appulit, reliquæ uero non longe ab urbe esse censentur, hæc enim quæ nuperrime aduenit, portum attigit ea die quæ est diuo Ioanni percelebris admodum, agebam enim per id tempus apud serenissimum regem, qui me compellans his uerbis inquit, Heus uir probe congratulare mihi, quoniam mea classis iam est in uado, omni aromatum genere onusta: quod ego audiens, ut par erat, hæc noua læto animo excepi, & in gratiam regis iussi meis, ut festiuissimum quàm possent diem agerent, æris tinnitu & cymbalorum, tibicinumque, ut assolet, modulationibus, & tormentorum reboatu frequentiore. Postridie actæ sunt gratiæ deo, & nuncupata uota à cuncto populo. Rursus regem adiui, qui ut me uidit, monuit protinus ut uestram serenitatem commonefacerem de sua lætitia, quæ per id tempus obtigerat: adiecitque ad hæc, ut deinceps tuto & intrepide eò mitteretis uestras liburnicas, mercaturi sua aromata: nam pollicebatur se uestros perquam benigne accepturum, adeo ut domi esse censerentur. Addebat etiam se nauaturum operam, ut



ram, ut præfectus Syriæ, id est Soldanus, haudquaquam aromata ex India com-  
portare queat: in cuius rei evidens argumentum expedire cœpit liburnicas & ce-  
loes supra quadraginta, quæ eò contendant, & earum quædam inibi iugiter cõ-  
morentur: aliæ uero ultro citroque commercii gratia commeent assidue: nec du-  
bitat quin India pro arbitrato suo potiri possit. Naui quæ iam aduenit, est Bar-  
tholomæi cuiusdam Tusci, quem tulit urbs Florentia. Ea igitur infra scripta con-  
uexit mercimonia, uidelicet piperis cantaros CCC, cinamomi cataros CXX, lachæ  
cantaros LX, castorei, & id est genus odorû cantaros XV, Gariophyllum & zinzi-  
ber non attulere, quoniam præuenti sunt à Mauris qui & Gariophyllum & zinzi-  
ber asportauerant: neque hæc fert regio Calechut, aliunde importantur. Minutio-  
ra aromata non tulere. At margaritas & uniones omne genus licitati quidem fue-  
rant, uerum in congressu incolarum Calechut omnia perdidere, fecerêque ho-  
minum pariter ac mercium non modicam iacturam. Nec id inuoluam silentio,  
nuperrime huc aduenisse legatos quosdam, qui à rege Vbene Aethiope accepta  
persona, consalutatum nostrum regem uenere, onusti muneribus complusculis.  
Munera fuere mancipia & elephatorum dentes, & complura alia, quæ & no-  
stra regio fert. Hæc itaque celox quæ primo loco aduenit, dum patriam peteret  
obuiam habuit naues duas, quæ proficiscebantur ex mina auri noua, & uersus  
Indiam pergebant. Hæ igitur ubi nostram conspiciatæ sunt, rati se fore nostrorû  
prædam, condicito, ut sese redimerent nostris auri X V M quingentorum ducato-  
rum obtulerunt: uerum nostri temperarunt ab eorum auro, imò eos compluscu-  
lis donarunt muneribus, ut hac prouocati liberalitate, liberum pelagus nostris  
deinceps permitterent.

EXEMPLVM QVARVNDAM LITERARVM NEGOTI-  
atorum & collybistarum, ac trapezitarû Hispaniæ, ad correspondentes suos in  
urbe Florentiæ & Venetiarum, de pace & fœdere inter reges Portugalliæ &  
Calechut. Caput. CXXVI.

EX RELATV eorû qui classem concomitati sunt: eam inquam quæ M  
DII, mense Maii ab Vliffona soluit, & anno MDIII, die XV Decembris re-  
diit, certiores facti sumus, regem Calechut cum nostro rege in hæc fœdera pacis  
descendisse, ut uidelicet pro illata strage nostris penderet baccharas quatuor mil-  
le piperis, id est cantara duodecim milia, & quod Mauri undequaque aduenien-  
tes inibi cõmercia tractare nequeant, oriundis ex urbe Calechut exceptis, quòdque  
iidem Mecham Mahumetis adire non possint, & quod rex noster pro suo arbi-  
tratu erigere possit arcem in urbe Calechut, acceptis à rege lapidibus, calce & li-  
gnis, quæ sufficiant condendæ arci, ære pro eis prius soluto: ita tamen ut rex eis  
faueat in cunctis, patiatûrque regem nostrum inibi uirum Lusitanum nostris  
præficere qui ius dicat, quique & uitæ & necis nostrorum habeat potestatem,  
adeo ut nec ad ipsum regem prouocare liceat, & ubi aliqui descilcerent à ne-  
gotiatore nostro, ii protinus dedantur plectendi pro arbitrio præfecti Christia-  
norum: & si qui Mauri capti detineantur, hi omnes negotiatori nostro reddan-  
tur: necnō Mediolanenses duo mangones gemmarum, qui ex urbe Roma profe-  
cti sunt in Indiam, & ibi artē balistariā exercent, in Christiani nominis dedecus  
& detrimentû ingēs, nauēsque nostro more fabricantur: hos igitur in pedicis ferreis



captos, postulabat dandos præfecto classis. Præterea quod rex regni Cuchini & Canoræ inter cōfœderatos percenseretur, ea lege, ut unum & commune periculum, una salus esset omnibus: perinde ut si quispiā sumeret contra eorum aliquē arma, is omnium cōfœderatorum hostis declararetur: & si usu euenisset, ut aliquis descisceret ab hac pace & cōcordia, in eum ueluti perfidū aliorū uires exercerentur, essetque ab omnibus tanquam proditor, & fidei hostis explosus: & hæc omnia eò tendebant, ut diutius pax inter eos uigeret. Cauebatur etiam, ut dum classis Lusitanorum inibi agebat, illò naues cuiusuis generis non accederent, nisi prius nostris onustis. Vbi uero tantum mercium foret, quod sufficeret omnibus, tunc liberum erat unicuique naues onerare: ita tamen, ut ad consueta pretia nō adderent, id est ut pluri solito non uendant, quàm pro centū octo: quod genus scœnoris illic exercent. Hæ sunt pacis conditiones & fœdera, quæ in nostri regis decus maximū susceptæ sunt, ut colliquefcit omnibus: nā reuera iam is noster rex non ab re dici potest dominus Indiæ. Quin iam & Turcæ, & Syriæ præfecto leges imposuit, adeo ut ad urbem Calechut eis non pateat aditus. Nec ambigimus quin intra quatuor annos rex noster nauet operam, ut nostri nauæ tutò & impune Byzantium Thracum metropolim, & Alexandriam Aegypti, emporia orientalium clarissima contendant, & tandem se aliquando ulciscantur de Mauris, à quibus crebro pessime sunt accepti. Classis igitur præfectus nauium duodecim hoc anno eò profectus est, & comperit regem Cuchini extorrem à suo regno: nam secesserat in quandam insulam, ubi in locum editum receptus delitescbat ab insidiis regis Calechut. Causam non afferebant aliam, nisi quòd memor datæ fidei sæuienti regi Calechut nostros haudquaquam tradere uoluerat: nā maluit exulē agere, quàm fidē labefactare præstitā. Opportune igitur nostra classis suppetias tulit socio regi, & expeditis auxiliariis copiis iuere intrepidi in regē perfidū, magnam cladem inferentes hosti. Regem Cuchini in regnū continuo restituunt. Id regnū est non longe ab angustis maris Erythræi, ubi arcē erigunt munitissimam: aliam ædificant in ostio sinus Cuchini, ubi tormentorū ferè genera omnia iam uisuntur, eisq; decernunt hostem propulsare eminus, & tutā classi stationem præbere suæ, neq; eò illis reluctantibus deinceps concedet quispiam. Itidem fiet in sinu Calechut, perinde ut stationē & littora proximiora nō difficulter tueri queāt. Naues uero quæ superiore anno remanserāt istic, prædam fecerant non mediocrē, nam quadam die mane ceperunt Maurorū naues quinque regni Cambaia, quæ ad Mecham, Mahumetis aram, proficiscebantur. In eis igitur nacti sumus gariophylli cantaros mille defecati, id est mundi, sine quicquiliis, inque eis erat plurimū gariophylli haud decorticati, ut apud nos uisitur. Ferebant etiam hæ naues castoreum, & id genus odores, sandalium, ambram, lacham purissimam, & tenuissimas telas lini, aurum uero & argentum signatum abunde habebant, adeo ut opes quæ compertæ sunt ibi, ualorem CC mille ducatorum excederent. Quare iam uobis testatum esse remur, quanti sit habenda ea regio, quæ ferè omnibus rebus scatet effuse. Itaque ex his ratibus quas præfecimus, duæ pessum iere, duæ uero dum statiuam agerent, iactis ancoris in quodam portu huius insulæ, ui tempestatis actæ, supra sexcentum



sexcentū homines amittere non longe ab ostio maris Erythræi. Occubuit etiam ibi præfectus Vincentius. Cymba uero alia, quæ licet atrocem tempestatem euasisset, paulum profecta in scopulum elisa, pessundata est, adeo ut totum æquorum corporibus humanis, tum uel maxime mercimoniis omnifariam stratum & oppletum foret. Hunc finem quandoque male parta habent, ut est in adagio ueteri: Male partum male fruitur. Ex tot nauibus igitur sola celox parua superstes fuit, ut cladis suorum nuntia foret. Noueritis ergo hunc nostrum regem commeatum omnibus dedisse eundi in Indiam, & exercendi inibi commercia: si tamen ex centenariio lucro quadragenarium ipse habeat, hoc addito, ut ab eo naues emant non minoris, quanti sibi constituisse uidebuntur: nec nauium huiusmodi solutionem tantisper differri patitur donec redierint, sed prius quam abeant, aurum in numerato habere operæpretium est. Visus est is princeps cognouisse iacturam quam fecit in tot naufragiis, propterea cupit alios suo periculo eò proficisci. Vix credimus reperturum regem quempiam, qui oblatas suscipiat conditiones: indies tamen huius rei certiores uos reddam. Illud etiam non præteribo, huius commercii res haudquaquam stabiles esse: quicquid erit, euentus declarabit futurus. Cum his nauibus portum appulit Lusitanus quidam, qui uisit minam auri in regno Zaphalæ: de qua re mira refert. Asseuerat nobis ibi nauem Christianorum adhuc esse, & propè incredibilia de auri quantitate, quæ inibi reperitur refert. Propterea rex noster aliò non tendit, nisi ut frenet hos Barbaros, arcemque ibi erigat munitissimam, ac propulset Indos, & eos qui incolunt regnū Cambaiæ, ne ipsi deinceps mina potiri possint. Omnem igitur aurifodinam sibi protinus arrogabit. Pro comperto etiā habemus, hanc aurifodinam fuisse minam Salomonis, unde tot hausit thesauros & ibi regina Saba, quæ iuit ad Salomonem, ut testatur sacra uetus historia. Hæc profecto sunt magna, ut uos non latet. Nec ab re hic rex dicendus est felix & bene auspicatus, cui contigit tam locuples thesaurus. Rentur igitur homines se mox consequuturos ab eo commeatum eundi in Indiam, soluto scenore, uidelicet pro centenariio quadragenarium, acceptis suis nauibus, ut præfati sumus. Hunc modum uidetur uelle seruare, ut mercatores eò mittant suos gestorum negotiatores, qui intersint mercimoniis, non tamen præsent: uult esse dominus rerum, adeo ut omnia sui exerceant, etiam impensa mercatorum: nam aromata suscipienda erunt de manibus uice regis, nec liberum erit cuique mercari. Quare creditur commercium huiusmodi non suscepturum incrementa maiora. Indies tamen de his omnibus uos commonefaciam. Nec uos fugit nos aliàs uobis scripsisse, Cayrum ob hanc causam decoxisse: nam ex magno oriētaliiū emporio, si hæc succedunt regi, fiet ciuitas confusa, ut non ab re dicatur Babylon: neq; iniuria, nam illic Mauri consueuerant Christianos pessime accipere: forte erratorum dabunt pœnas. Eò igitur deinceps non comportabuntur aromata omne genus, neque omnifariam gemmæ & margaritæ, & alia præclara complura: quoniam urbem Calechut, neque Zaphalam ultra non frequentabunt, reluctantibus Lusitanis ob arces nuperrime erectas: & de omnibus certiores facti, gratias agetis deo maximo. De aurifodina uero Zaphalæ, ut præfecimus, mira hic feruntur. Huius rex possessor efficietur intra biennium. Res est profecto digna miratu:



Mitigal.

nam tota India & Persis inde suum aurum hauriebat, quæ nunc à Gentilibus possidetur: licet sit ditionis Chaldaeorum regis ostium sinus, ubi commercia & permutationes fiunt cum Gentilibus: singulis enim annis Maurorum naues ueniunt onustæ uilioribus mercibus ex Cambaia, ut aurum asportent. Merces sunt cotoni, panni uiliores, sericum plurifariam ac multiuigi coloris, & in primis Turcarum more contextum. Hæc igitur sunt mercimonia, quæ inibi fiunt. Neque illic rex Chiloæ diutius commorabitur metu Gentilium, qui non longe degunt ad leucas sexaginta in insula quæ dicitur Chiloa: & eò contendunt naues omnes, ut soluant uectigal prius quàm eant ad minam Zaphalæ. Quò cum peruenerint, ante sex uel octo menses non expediuntur. Inde comportant aurum, ebur, & ceram merces optimas. Illinc soluentes Chiloam contendunt, & ibi rursus pendunt præstinati auri uectigal. Inde concedunt Cambaiam siue Mecham: & in nostris nauibus sunt duodecim aut quindecim negotiatores regis Chiloæ, qui tributum pendit nostro regi quotannis, id est mitigallas M D, & id est genus ponderis: nam mitigal quodlibet ualoris est ducatorum centum quinquaginta: tamen is rex pendet à rege nostro, adeo ut in manu sua sit ipsum pro libito profligare, & id quidem parua manu: nam quotiens libuerit eò mille hominum mittere, protinus is rex terga dabit: crediturque ut id breui eueniat: nec res foret ardua, si profligato rege, redditus D C M ducatorum singulo anno consequeretur. Neque arbitremini, uos rogo, hanc esse fabulam: uera est historia. Iam nosse debetis, me iampridem de nouis rebus crebro uos commonefecisse, & semper uera loquutum. Non sum is qui delecter mendaciis: relatu etiam aliorum, qui inde ueniunt, testatissimum uobis fiet, me haud ficta, neque commentitia scripsisse. Si uero apud uos bene supputaueritis, quid ferre possint naues, quas expectamus in dies: comperietis certe eas ferre posse cantaros circiter ducentos uiginti duos aromatum omnifariam. Nam deinceps istuc mittam aromata omne genus, nauabòque operam, ut nusquam uobis desint, postquam foedus initum est cum rege Calchut: licet non paruum discrimen illò nauigantibus immineat ob quoddam arcipelagus, in quo innatant insulæ propè quatuordecim mille, & etiam ob angustias cuiusdam freti, ubi mare uix est nauigiorum patiens: tamen tantum conabimur, quod pericula consuetudine & frequentia efficiemus innoxia: ut quandoque gloriari possimus, ferè totum orbem peragrauisse, & ea præsertim, quæ prisca minime adiuere. Solum superest ut Taprobanam adeamus insulam, teste Plinio omnium rerum locupletissimam, si aurum, si gemmas, si ebora spectaueris: tantumque nostra opera & sollicitudine fiet, ut omnis India mercimoniis nostris pateat. Illic, ut scribunt nostri, non magni penduntur nostræ merces. Monent propterea ipsi, ut eò mittamus cruciferos aureos, si breuem cupiamus expeditionem nostrarum rerum: quoniam aliæ merces diutius manent in portu, procrastinantibus ex composito Indis, ut tandem fatigatis impensa & diuturniore expectatione nostris, minore pretio nostra consequantur. Eius sunt ingenii, ut quandoque sunt Itali, qui simulant mercium non egerè, ut demum uiliore pretio præstinent. Ibi etiam caripendunt æra, alumina alba, non rubra, & in primis grandia: minutiora uero spernunt. Corallium autem non floccipendunt, si sit magnum & fabrefactum: alioquin nullius est apud eos



eos pretii. Habent ii populi uices contrarias cum Alexandrinis, adeo ut si illi minuta quærant, hi proceriora, & uersa uice. Plumbum non uilipenditur ibi, si instar lateris sit conflatum. Argentum uiuum & ambra nihili penditur. Ibi æra fabrefacta minore pretio licitantur, quoniam rursus suo more ea conflant, uoluntque nos in conflando operam luisse: non eo utuntur ut nos. Hæc igitur summa erit: alias merces, exceptis memoratis, ibi nullius esse pensi, lucrique perquam mediocris.

EXEMPLVM QVARVNDAM LITERARVM PETRI  
PASQUALIGI ORATORIS DOMINORVM VE-  
NETORVM APVD SERENISSIMVM ET INVI-  
CTISSIMVM PORTVGALLIAE REGEM,  
AD SVOS GERMANOS IN VLISBONA  
COMMORANTES, DIE DECIMA  
NONA OCTOBRIS. M D I.

Cap. CXXVII.

P R A E S T A N T I S S I M I fratres tanquam patres honorandi, salutem. Petro cuidam Verzo tabellario, & nonnullis Valentinis ad uos literas dedimus superioribus diebus, quibus uos certiores reddidimus omnium quæ hic usu eueniunt. Nunc autem rursus uisum est uos per Bartholomæum Marchionem auunculum

Dominici Benedicti Florentinum commonefacere de rebus nostris, ut intelligatis nobis cordi hæsisse, ad uos quam creberrime literas dare, modo tabellarii habeantur. Ut igitur noua anni præsentis intelligatis, scitote hic esse eam triremem, quam superiore anno rex Portugalliæ serenissimus expediuerat uersus Aquilonem, Præfecto Gaspare Corterato, qui nobis refert continentem inuenisse, distantem ad miliaria duo milia, inter Corum & Fauoniū, hætenus toti penè orbi incompertam terrā, cuius latus aiunt ad miliria propè octingenta percurrisse: nec tamen finis compertus est quispiam: ideo credunt continentem, non insulam esse: regioq; uidetur esse coniuncta cuidam plagæ, alias à nostris peragratæ, quasi sub ipso Septentrione: eo usque celox tamen non peruenit ob congelatum æquor, & ingruentes cœlo niues: argumento sunt tot flumina, quæ ab illis montibus deriuantur, quod uidelicet ibi magna uis niuium existat: arguunt propterea insulam non posse tot flumina emittere. Aiunt præterea terram esse eximie cultam. Domos subeunt ligneas, quas cooperiunt pellibus ac coriis piscium. Huc adduxerunt uiros septem sexus utriusque. In celoce uero altera, quam præstolamur in horas, aduehuntur quinquaginta illius regionis incolæ. Hi si proceritatem corporis, si colorem, si habitudinem, si habitum spectes, Cinganis non sunt absimiles. Pellibus piscium uestiuntur & lustrarum, & eorum in primis, qui instar uulpium pilosas habent pelles, eisque utuntur hyeme, pilo ad carnes uerso, ut nos: at æstate ritu contrario: neque eas consuunt aut concinnant quouis modo, uerum uti fert ipsa belua, eo modo utuntur,

l. i.



eis armos & brachia præcipuæ tegunt. Inguina uero fune ligant multiplici, confecto ex piscium neruis. Videntur propterea syluestres homines: non sunt tamen inuerecundi, & corpora habent habilissima, si brachia, si armos, si crura respexeris, ad symmetriam sunt omnia. Faciem stigmate compungunt, inuruntque notis multiugis instar Indorum, sex uel octo stigmatibus, prout libuerit. Hunc morem sola uoluptas moderatur. Loquuntur quidem, sed haud intelliguntur, licet adhibiti fuerint fere omnium linguarum interpretes. Eorum plaga caret prorsus ferro, gladios tamen habent, sed ex acuminato lapide. Pari modo cuspidant sagittas, quæ nostris sunt acuminatiores. Nostri inde attulerunt ensis confraçti partem inauratam, quæ Italiæ ritu fabrefacta uidebatur. Quidam puer illic duos orbes argenteos auribus appensos circumferebat, qui haud dubie cælati more nostro uiscebantur, cælaturam Venetam in primis præ se ferentes. Quibus rebus non difficulter adducimur, continentem esse potius quàm insulam. Quia si eò naues aliquando applicuissent, de ea comperiti aliquid habuissimus. Piscibus scatet regio, salmonibus uidelicet & alecibus, & id genus compluribus. Syluas habent omnifariam, perinde ut omni lignorum genere abundet regio. Propterea naues fabricantur, antemnas, & malos, transtra, & reliqua quæ pertinent ad nauigia. Ob id hic noster rex serenissimus instituit inde multum emolimenti sumere, tum ob ligna frequentia pluribus rebus haud inepta, tum uel maxime ob hominum genus laboribus assuetum, quibus ad uaria eis uti quibit. Quandoquidem suapte natura hi uiri nati sunt ad labores, suntque meliora mancipia quàm uiderim unquam. Visum est propterea non fore ab amicitia nostra deuium, si hæc uos non celarem. Vbi uero alia celox, quæ expectatur indies, aduenerit, mox aliarum rerum certiores uos reddam. Naues uero, quæ contendunt ad urbem Calechut expediuntur. Neque id præteribo, regi hæsisse cordi, ut tota classis, quæ proficisci in Orientem consueuit, ea primo Mechæ classem corripiat, ut tandem Soldano Syriæ Præfecto aditus illuc non pateat, nec inde deinceps aromata exportet: & huic rei rex unice studet, persuadetque sibi, nihil posse obstare, quin potiatur uotis huiusmodi. Assentitur tota curia, urbs & regnum omne cum eo conspirant. Quoniam si sibi succedet, mirum dictu est, quàm breui omnium locupletissimus sit euasurus in tanta rerum copia & ubertate, & in primis aduentantibus Venetis biremibus & triremibus, ut hinc asportent mercimonia. Igitur pro comperto habetur, non posse nisi maxime lucrari, Venetorum celocibus huc accedentibus, & id in manu habere sibi persuadet. Tardet propterea ipsum moræ: Quoniam desiderio etiam ipsa celeritas est in mora. Peroptat igitur, & perquam ardentissime insistit rex serenissimus, ut uoto frui queat suo. Ob quam rem uereor plurimum, ut ab hac sententia, quæ cordi inhæsit, uix possit dimoueri, nec facile adducetur, ut in rebus orientalibus nobis adsit, cum sit huic expeditioni prorsus addictus. Nos uero, qui anno elapso prouinciam sustinuimus à nemine adiuti, neque ære ecclesiastico, sed solum nostris opibus, uix, ni faueat ipse, nobis bene consultum ibit. Valete.



EXEMPLVM QVARVNDAM LITERARVM FRANCI-  
sci de Sagitta Cremonensis, datarum Vlisbonæ decimasexta Septembris;  
M D II, directarum ad oratorem Venetum Petrum Pasqualigum apud  
reges Castiliæ agentem. Cap. CXXVIII.

PRAESTANTISSIME orator, & domine obseruantissime, iam binis meis literis pollicitus sum iampridem uestræ præstantiæ, me haudquaquam prætermisurum, quin certiores redderemini earum mercium, quas ferrent quatuor celoces, quæ indies expectantur. Nunc uero, quoniam portū applicuerunt, uisum est uos latius de rebus huiusmodi commonefacere: & res ueras solum denarrabo. Igitur hæc sunt mercimonia quæ attulerunt, Primo piperis cantaros mille, cinamomi cantaros quadringentos quinquaginta, zinziberis cantaros circiter quinquaginta, lachæ cantaros quinquaginta, cotonorum tantum, quantum emeremus ducatis quadringentis. Alia non attulerunt. Cur uero non attulerint plura aromata, causam adducunt, quod uidelicet cum hinc soluissent, conuenit inter eos, ut duæ celoces ad minam auri proficisceretur: duæ uero aliæ ad urbem Calechut: propterea unusquisque eas merces comportauit, quas arbitrabatur inibi quò contendebat fore in pretio. Cum uero dictæ naues contendissent in urbem Calechut, nec quiuissent accedere ad minam auri, merces expedire non potuerunt, licet uaria loca adiuerint. Nam fuere Canoræ, & ibi certiores facti sunt de rebus Petri Aliaris, qui agebat in urbe Cuchina, ubi etiam erat regis negotiator. Igitur à Rege Canoræ excepti sunt honorifice, qui nostro Præfecto aromata omne genus ultroneus obtulit. Huic noster Præfectus benigne respondit, uidelicet se prius uelle adire regem Cuchini, ubi regis negotiator erat, demum se reuersum ad eum, & præstinaturum aromata perquam libenter. Itaque illinc soluens contendit Cuchinum, ubi comperit regis negotiatorem, cum quo egit plura. Cum uero naues signatam pecuniâ non tulissent, sed solum merces, quæ inibi parui pendebantur (nam ea regio appetens est signatæ pecuniæ admodum; mercium uero fere nihil) decreuit propterea Præfectus classis redire ad urbem Canoræ. Eò ergo concessit quamprimû: eius enim rex Lusitanos colit quàm qui maxime: propterea cum eo permutarunt merces, quas aduehebant meliore pretio, datis pro suis mercibus aromatibus, dimissis illic tribus è nostris uiris, qui commercia nostra exercerent: negotiatorem nauis & amanuensensem dimiserunt, qui omnibus præessent mercimoniis, quique indies regi persoluerent pecuniam pro creditis aromatibus. Itaque naues illinc soluerunt onustæ omni aromatum genere, relictis illic uiris, ut dictum est, tribus, ne uiderentur regi imposuisse, qui sua eis dederat aromata absque uade & pignore. Rediere tandem naues semi-onustæ, ob id quòd non tulerant secum signatam pecuniam, & merces comportauerant tales, quæ illic minime sunt in pretio: propterea uisi sunt operam luisse suo periculo. Hæc ergo summa est, Indos non cupere nostras merces, sed signatum aurum uel argentum, quibus ipsi utuntur eximie: nam ibi pecunia ubertim expenditur, cuius hoc regnum maxime eget. Nequibit propterea rex absque pecunia, quæ fere est omnium neruus, uoto potiri suo, nisi forte ui credat exercere cum Indis commercia, & sua gratis consequi posse. Quoniam aiunt his elapsis diebus eos reges metu nominis Christiani absque pretio dedisse tot



mercimonia Admiranti nostro, qui iam isthuc concesserat, ut quatuor naues gratis onerauerit, & in primis rex Calechut, cui ab ariolis suis prædictum fuerat, ut caueret sequenti anno: quoniam astra illi magnam hominum stragem minitabantur: & eam accipiendam à Christianis ariolabantur, addebantq; diuini, eum eodem anno regnum metu & pauore deserturum. Hæc nota habemus ab illis tribus uiris, qui in eo congressu Barbarorum, quo oppetiit Araschorea mortem, euaserunt. Eadem retulit Pergomensis quidam, qui apud urbem Calechut annis uiginti quinque egit. His adstipulatur Valentinus alius, qui inibi sex annis commoratus est. Hi sunt ergo, qui de his rebus certiores fecerunt regem. Quòd uero falsa sint, uel ne, sicuti dederunt ita accepimus. Rex itaque Calechut magnam classera expediuit in nostros, qui apud Canoram agebant: uerum illi fuga sibi consulere, uela uentis protinus dantes. Propterea rex noster proximo mense Ianuarii decreuit nouam expedire classem, uidelicet octo uel decem naues onerarias: in cuius rei argumentum iam sunt fabrefactæ naues septem: duas enim hæc æstate expediuit, quarum una est capax septingentorum doliorum: altera uero quingentorum. Est & alia in portu Vlisbonæ, quæ est capax quadringentarum & quinquaginta amphorarum. Duæ aliæ fiunt in insula Mederæ: quarum altera capit dolia ter centum & quinquaginta: altera uero ducentum & triginta: Alia expeditur in Serunal, quæ supra centum & sexaginta dolia capit. Hæ igitur naues senarium implent numerum. Insuper his addit aliam triremem, quæ ex Chio Ianuensi insula & profugio nuperrime aduenit: & has omnes, præter duas, rex sua impensa expedit. Duas uero, quarum altera est capax quadringentorum, & quinquaginta doliorum: altera ter centum & quinquaginta. Negotiatores quidam conuenere cum rege, ut sua impensa communiant, his pactis & legibus, quòd uidelicet rex negotiatores huiusmodi ueluti stipendiatos, & sub eo merentes alat in his omnibus quibus egent nautæ. Negotiatores uero tantum signatæ pecuniæ in nauibus secum aduchant, quæ emendis illic mercimoniis faciat satis: & ubi redierint naues, dimidium mercium dent regi, reliquum uero sibi uendicent. Et ut dilucidius intelligatis: negotiatores pro cantaris duobus aromatum non plus exponunt quàm aureos septem, uel ad summum octo: & hos cantaros bifariam diuidunt, alterum regi, sibi alterum, expensis, ut dictum est, regis: & iam compertum habemus, conducibilius nobis fore, hoc modo commercia exercere, quàm nostro periculo illuc contendere, ut hætenus egimus. Fit propterea, ut non difficulter rex nanciscatur, qui conditionem huiusmodi non renuunt. Nos duarum prædictarum nauium hoc modo portionem habuimus. De futuris uero, quæ forte eò concedent, bene perspiciat deus ipse maximus, qui est omnium auctor. Video me prouectum nimis, & quasi epistolarem styllum egressum: uerum rapuit me charitatis & amicitiae Fauonius: nolui enim aliquid uos latere. Scio quidem de aliis meis uos commonefecisse, sed non ad regulam, de his quæ usu euenerant: non enim comperta tunc mihi erant cuncta. Me igitur commendo, oroque ut si forte fortuna uobis nostra fuerit opus opera, ea uelit uti æque ac uestra: non enim sum unquam defuturus, quin uobis morem geram, dum spiritus hos reget artus. Valete.

Datum Vlisbonæ, die XXVI Septembris, M D II

Q V O M O -



QVOMODO IOSEPHVS INDVS VENIT VLIS,  
BONAM, ET EXCEPTVS A REGE HONO-  
RIFICE, CONTENDIT ROMAM ET  
VENETIAS A NOSTRIS  
SOCIATVS.

Cap. CXXIX.

VM IGITVR aliàs suis celocibus & liburnicis rex noster regiones australissimas peragrauisset, dum eà irent in Indiam hærendo suorum sententiæ, qui easdem partes retroactis temporibus lustrauerat, decreuit eo anno, qui est in ordine M D rex Emanuel memoratus rursus eò mittere classem XII nauium, cui

C præfecit Petrum Aliares, qui suscepto de manu Præfecti sui trophæo, octauo mensis Martii, eius anni, soluit Vlis bona, qui inter nauigandum innumeras passus est anxietates & discrimina. Tandem annuentibus superis decimatertia Septembris, eiusdem anni, deueniunt ad urbem Calechut cum septem tantum celocibus: nam ex classe perierant quatuor, obrutæ tempestatibus sæuissimis: alia uero Zaphalam concesserat. Steterunt igitur in portu urbis Calechut mensibus fere tribus: & demum orta inter nostros & urbis incolas controuersia, occisisque hinc inde hominibus nonnullis, nostræ celoces Cuchinum profectæ sunt uicesima quarta Nouembris, anni supradicti: nam Cuchinum distat ab urbe Calechut miliaribus fere centum & decem. Id regnum mari adiacet, cui dominatur rex gentilis, eius sectæ cuius est rex Calechut. Is igitur rex Cuchini nostras celoces perbenigne excepit, & dum illic commoramur commercia exercentes, uti in superioribus retulimus libro tertio, capite LXXVIII, duo germani fratres Indi Christianique uenerunt ex urbe quadam dicta Charanghanora, quæ abest ab urbe Cuchina miliaribus fere uiginti, qui aiebant se in uotis gerere plurimum, ut occidentalem uiserent plagam: supra autem uota gerere, ut Romam, & demum sanctam ciuitatem Hierusalem inuiserent: qui nostras celoces ingressi, nobiscum ultronei ibant: & ecce per id tempus ingens classis soluit ab urbe Calechut, ut nostram classem pessime acciperet: quod ut nobis compertum fuit, mox uela uentis dedimus altum petentes, euntibus nobiscum dictis fratribus, & nonnullis obsidibus, qui loco & compensatione nostrorum dati fuerant, eorum inquam qui in urbe Cuchina negotiaturi remanserant. His igitur conspectis uersus Vlis bonam iter cepimus. Ex his uero fratribus Indis, quorum iam memini, alter uiuit, alter uero uita functus est, dum in Lusitaniam proficisceremur. Tandem aliquando mense Iunii M D I Vlis bonam deuenimus: quò ubi applicuimus, dictus Ioseph com meatu à rege habito socioque, Romam, & demum Venetias contendit, & rursus rediit Vlis bonam: & per id tempus complura scitu non indigna accepimus, referente eodem Ioseph Indo, quorum latius meminisse animus est in sequentibus.

De patria Ioseph, & habitudine corporis.

Cap. CXXX.

IGITVR Ioseph prædictus natione Indus, patria Caragonorensis, annu agens quadagesimū, coloris subcinericii, staturæ fuit mediæ, hoc est, inter pro-

l. iii.



ceriores & breues medius: id affeuerant, qui sæpenumero hominem contemplati sunt. Vir erat ingenio non mediocri, uerax admodum, utpote qui nihil magis oderat quàm mendacia: uirque abstemius, & integritatis non uulgaris: & reuera quantum colligere ex eius consuetudine quiuimus: uir erat non pœnitendus, & in primis fidei inconcussæ illibatæq;. Vrbs igitur, unde oriundus est uir memoratus, abest ab urbe Calechut fere miliaribus nonaginta, quæ est in sinu quodam dicto Milibar, introitus terras ad quintumdecimum lapidem: muro haud ambitur: longitudine uero miliarium triginta: quoniã domus ut apud nos haudquam sunt contiguæ, sed inuicem distant, adeo ut uideantur uicatim habitare: eamq; interfluunt complura flumina: & plerunque eorum ædes adiacent fluminibus. Hanc urbem incolit hominum duplex genus: alterum Christianorum, Gentilium alterum. Et ut uobis cunctisque collique scat qui sint Gentiles, scitote itaque eos esse populos, qui olim pro diis colebant idola, necnon animalia multiuga, uti in sequentibus denarrabitur. Rex eorum seruit idolis. Inibi etiam sunt complures Iudæi, uerum uilipenduntur plurimum: eò etiam non contendunt negotiatores fere innumeri commercii causa, ut sunt Syrii, Aegyptii, Persæ. Arabes, Medi, & id genus complusculi: quoniam illic comportantur fere omnia aromatum genera: fertque plaga huiusmodi multa humano generi non ingrata.

De incolis urbis Carangoræ, deque eorum delubris & moribus.

Cap. CXXXI.

VRBS trifariam diuiditur. Primores, id est patritii, ac primæ classis uiri: sua lingua Naires dicuntur. Secundo loco, homines census fere nullius, ut proletarii, succedunt, ut sunt apud nos gregarii, Canes suo idiomate appellantur. Postremo tertiam partem absoluunt capite censi, uiri nullius census & classis postremæ. Hi piscatu uictum quæritant, suntq; deteriores cæteris, Nuiram eorum lingua appellantur: hos adeo odit nobilitas, ut si forte eos obuios habuerit, ni fuga sibi condito consulant, pessime accipiat. Priuæ tribus priua habent delubra. Mulieres uero alia templa habent, quæ non adeunt uiri. Dant deo bonorum suorum, loco primitiarum, fruges multiugas. Adorant deum cœli, eumq; trinum credunt, proterea trifrontem pingunt in statuis complicatis manibus, Tambram nuncupant. Ante eorum statuas trahuntur plagæ, nos cortinas appellamus, ex lino candidissimo, hæ referantur dum sacrificant, sicuti latius in sequentibus referemus. Habent etiamnum statuas animalium uarias, uerum eas minime colunt. Quando delubra adeunt, alii frontem terra cooperiunt, aqua alii aspergunt. Ter in die uisunt templa, mane, meridie, & uesperis. Sacrificant hoc modo, Conuocant plebem buccinatores, cornicinæ, & choraulæ nonnulli, ut nos campano ære, & tantisper concentum efficiunt, donec magnus eorum sacerdos aduenta uerit, qui indutus ueste nescio qua sacerdotali, astat altari, & canere quædam incipit ad cultum diuinum pertinentia: orationes nos appellamus. Mox subsequitur alius sacerdos, cantans & ipse nonnulla. His populus respondet omnis. usq; tertio hæc fiunt. Demum peractis his egreditur sacerdos quadam porta nudus totus, habens pro corona sertum rosarum in capite, duoque magna lumina, totidemq; cornua fictitia. In manibus gerit enses duos denudatos, & gradu citato ueluti lymphatus quispiam uersus eorum deum currit, cortinamq; mox referat, & enses



ensẽ alterum magno sacerdoti porrigit, altero uero seipsum complusculis conficiat uulneribus: & ubi se propè confecit plagis innumeris, illic proflit in rogum ardentissimum, ibi ex composito paratum, inque eo saltat more tripudiantium & chorizantium: euadit tandem rogum, tortuosissimisque oculis dicit se esse locutum cum deo suo, taliq; mandauisse: & tunc quasi à deo accepta persona incipit docere populum. Sunt & alia complura sacrificia, quorum non meminit Ioseph, tum quia uix eum intelligere quiuimus, tum uel maxime quia is Ioseph cum Gentilibus uix diuersatus fuerat, utpote qui eius sectæ minime erat. Satis itaque ac super de delubris ac sacrificiis horum dictum arbitror.

De regum moribus & indigenarum, & quod ibi sunt quidam Christiani.

Cap. CXXXII

REX GENTILIVM colit idola, & complures habet coniuges, quibus nullus est pudor, nullæ pudicitia: passim prostituunt corpora: ubi funti sunt uita, concremantur: at eorum mulieres per octiduum tantum superuiuant: demum ut in memoriam uirorum & ipsæ concrementur uiuæ, sunt suæ sponsis. Hæc referebat Ioseph coram uidisse. Filii regum regni haudquaquam sunt hæredes, uerum qui secundo gradu succedunt in stemmate: argumentum sumunt ex incontinentia coniugum, quod uidelicet filii sunt nothi, propterea regno priuantur. Cum humant corpora, uariis utuntur ceremoniis. Gentiles hoc modo induuntur, Rex apicem aureum Attalici panni gerit in capite: at urbis priores birretum ex serico contextum, cæteri aperto capite prodeunt, nudi incedunt, pudorẽ contegunt sindone mundissima, brachia condecorant armis pretiosissimis, omne genus gemmarum faberrime excultis: in pedibus condalia ferunt magni pretii, uidelicet anulos omnifariam insignitos lapidibus pretiosis qui inibi magni penduntur: bis & iterum lauantur in die, locaq; ad id deputata habent complura: uiri & scemina in uniuersum sunt formosi, pulchritudine eximia honestantur: comunt capita mirum in modum, uti decet muliebre mundum: caput exornant gemmis & margaritis. Gentiles non aliter scribunt quàm stylo ferreo in libris arborum: linguam habent Indam. Et de his hætenus. Verum quia in superioribus commemorimus Christiani nominis, diximusq; complures esse in urbe Caranganora Christianos, non ab re erit si eorum mentionẽ in hoc capite fecerimus. Nouerint igitur omnes ab Indo flumine, ubi auspicatur India occidentẽ uersus, insulam \* Ormus, quæ est non longe à sinu Persico, Christo tantum parere: alibi non sunt Christiani, præterquàm in Caranganora urbe. In India uero sunt multiplices reges, qui Christum norunt. Qui uero incolunt Caranganorã urbem, Christiani complusculi sunt, penduntq; uectigal regi Gentiliũ: nam conducunt ære annuo eorũ ædes, præterquàm quod tributa soluunt, ut latius dictum est.

Alias ormus.

De domibus eorum, & quod eorum pontifices moderantur ecclesias.

Cap. CXXXIII

EORVM ædes parietibus fulciunt, habentq; uarias contignationes: at Gentiles suas domos tegunt assamentis & lignis id genus. Christiani uero ibi delubra habent nostris non absimilia: uerum solas cruces inibi uidebis: nullas habent sanctorum imagines, concamerata sunt ut nostra, inque eorum crepidine crux uisitur pergrandis, ut est uidere apud nos: tintinnabula habent nullas:

l. iiii.



Catholica.

quando uocant populum ad diuina, seruant morem Græcorum. Hi populi habent magnum antistitem, cui adstant cardinales duodecim, patriarchæ duo, archiepiscopi uero & & episcopi complures. Referebat propterea dictus Ioseph cum quodam episcopo soluisset ab urbe Caranganora, & consensu ratibus iuisset ad insulam Ormum, quæ est à Caranganora miliaribus ferè mille & quingentis. Et inde petiit mediterranea itinere trium mensium, unà cum episcopo memorato, peruenit in Armeniam maiorem, ut consalutarent reuerentissime suum magnum pontificem, à quo episcopus dictus initiatus sacris, Iosephq; memoratus ad sacerdotii gradum promotus est. Itidem agunt Christiani omnes Indi, & regni Cataii. Eorum pontifex Catholica dicitur, fertque tonsuram instar crucis: præficit patriarchas suos, ut dictum est, alterum in India, in Cataio alterum: alios uero episcopos aliò mittit, prout expedire uisum fuerit, ut ad suas prouincias moderandas transmittantur. Huius Catholicæ commemorat Marcus Paulus in tractatu Armeniæ, & ibi dicit duo esse genera Christianorum, Iacobitarum uidelicet, & Nestorianorum, quorum Papa dicitur Iacobita, qui est hic Catholica, de quo est sermo, cuiusque meminit Ioseph sæpe dictus. Et cum dictus Papa uarios homines promoueat ad gradus huiusmodi, efficiatque multiplices antistites, posset non ab re ambigere quispiam, unde ei hæc sit auctoritas, autorandi homines cum sancta Romana ecclesia, quæ est unica, & unicam habet fidem, unumque Romanum pontificem recipit. Sciant igitur tempore quo Alexander VI sceptrum moderabatur ecclesiæ uniuersalis, dictum Ioseph Romam contendisse: hunc Alexander maximus Pontifex percunctatus est, à quo Catholica præfatus habuisset facultatem antistandi in Oriente: huic respondit Ioseph his uerbis, Olim diuum Petrum apostolum Antiochiæ præfectum fuisse: & cum sancta Romana ecclesia schismate laboraret atroci, duce Simone Mago, qui sui nominis monumenta reliquit, sanctus Petrus accersitus est Romam, ut Simonem confunderet, & laborantibus Christianis non deesset. Hic itaque Petrus non prius soluit Antiochia, concessurus Romam, quam uicarium Antiochiæ præfecerit, & is est qui Orientalem plagam moderatur, & dicitur Catholica, geritq; Petri uices: hunc uero Catholicam præficiunt Cardinales duodecim in Armenia, & id iactant auctoritate Romani Pontificis facere: quod esse falsum nemo est qui nesciat, quandoquidem una est sponsa Christi, quæ unam figurat ecclesiam Romanam, extra quam salus est nulla: quæ uero dicuntur de aliis, commenta sunt omnia, & fidei nullius. Hæc dixerim, ne quis putet à soliditate petreæ Christi esse recedendum. Unus deus igitur, una fides, una est sancta Romana ecclesia.

De modo consecrandi eorum ecclesias, & de moribus quos seruant  
dum humant corpora Cap. CXXXIII.

ITAQUE hi habent sacerdotes, leuitas, & hypodiaconos. Sacerdotes uero non ferunt tonsuram, sed nonnihil capillorum in summa parte capitis habent. Infantes non baptizantur ante quadragesimum diem sui ortus, nisi morte ingruente. Confitentur ut nos, eucharistiam sacram sumunt: extremam autem unctionem non habent, sed loco eius corpora benedicunt. Cum ingrediuntur eorum delubra, latice benedicto corpora aspergunt ut nos: consecrant corpus



corpus Christi & sanguinem, si tamen id consequi possunt, in azymis, hoc est in pane non fermentato, more nostro: & ibi non habent uinum, quoniam ea regio uitium est impatiens, uuas passas immergunt aqua, & demum succum exprimunt, eoque uice uini utuntur: nam eò ex Cataio comportantur uuae passae complures: humant humana corpora more nostro, cumque quispiam uitam exhalauerit, mox conueniunt multi, & diebus octo continuis simul commessantur. Peraetis uero epulis, fundunt pro defuncto preces, testantur, supremaque colitur uoluntas: & ubi intestati decesserint, qui arctiore gradu defuncto est proximior, is est hæres. Eorum coniuges uiris uita functis, cum dotalitio abeunt in paternas ædes: ita tamen, ut intra annum luctus non nubant. Quatuor euangelistas habent, totidemque euangelia colunt: obseruant quadragesimam, & aduentum ieiuniis & orationibus perquam diligentissime. inter cætera, à die Parasceues usque in diem Paschæ omni cibo abstinent, nocte sancti Veneris orationibus & concionibus sacris iugiter insistant. Intra annum has sanctorum celebritates mire obseruant. Primo diem sanctæ Resurrectionis cum duobus sequentibus diebus. Octauum diem Paschæ supra omnem festiuitatem colunt. Quippe qui affirmant ea die diuum Thomam, cuius sunt ipsi perquam studiosi, in latus nostri seruatoris manum posuisse, cognouisseque non esse phantasma. Deinde diem qua Christus coelos conscendit, eximie colunt. Post hæc Trinitatis, Assumptionis beatæ uirginis, Natiuitatis eiusdè, & Purificationis: Natiuitatis nostri seruatoris, Epiphaniæ, & omnium apostolorum, dièsq; dominicos obseruant. At primam diem Iulii mirum in modum custodiunt in memoriam diui Thomæ Christiani pariter ac Gentiles. Cœnobîa habent ubi continentissime uiuunt monachi nigri, habent & sanctimoniales complures: sacerdotes uiuunt castissime, & si qui comperti fuerint incontinentiæ, hi mox priuantur missarum celebratione. Qui Christo parent, diuortiis minime utuntur, bonum uel malum sit matrimoniû, perennat ad ultimum usque fati diem. Ter in anno populus suscipit eucharistiam sanctissimam. Doctores habent egregios, eosque eruditissimos. Literarum studia ibi uigent plurimum. Prophetas ut nos legunt. Addebat etiam dictus Ioseph inibi esse complures sanctos doctores, qui uetus & nouum testamentum explicarunt cordatissime: habitu utuntur maurico, id est lineis tunicis: diuiserunt annum ut nos in menses duodecim, & habent intercalarem diem. Verum diem partiti sunt in horas sexaginta, easque ad aspectum solis interdium cognoscunt, noctu uero intuitu stellarum.

Quando hyems est in urbe Caranganora, & de nauibus eorum.

Cap. CXXXV

**QVI CARANGANORAM** incolunt, hi sunt inter tropicum æstiuum & æquatorem, & ut referebat dictus Ioseph, diem habent maiorem horarum tredecim cum dimidia, minorem uero decem, ita ut intelligas de nostris horis, non autem de suis, quæ sunt multo minores, ut dictum est. Cum uero sol est in Tauro, umbram habent perpendicularem: quando est in Cancro, proiicitur umbra ad Austrum: & ubi est in Virgine, rursum habent perpendicularem: quando autem est in Capricorno, ad Septentrionem umbra proiicitur: temporis mutationem apud eos uidebis à medio mense Maii, usque ad medium



Augusti: tunc temperant à nauigationibus, & nullo pacto ob sæulentem per id tempus fortunam maria fulcant. Sunt etiamnum in illis Indiæ partibus innumera nauigia, quæ in occidentem contendunt: alia uero in Arabiam, in Persidem alia: nonnulla mare Erythræum arant: alia uastissimam lustrant Indiam ad orientem in primis, usque ad Chersonesum auream, & deinceps ad extrema Indiæ, prætereuntes Cataium & Taprobanam insulam Fayllamque, & complures alias. Naues itaque huiusmodi quibus fulcant, sunt prægrandes, adeo ut circa duodecim uela habeant, remiges innumeros, nonnullæ uero minus, aliæ autem pro uelis tegetes, id est storias habent, & huiusmodi ab insulis proficiscuntur: aliæ uero ex cotonina omne genus uela conficiunt. Naues fabricantur clauis ferreis, & propterea id dixerim, quoniam falso arbitrati sunt quidam clauis ligneis eorum naues consolidari. Hæc enim non indiligenter sciscitatus sum à Ioseph prædicto. Ostendi illi aliquando formam conficiendi nostra nauigia, ratus longe alium esse eorū morem: at ille subridens, ait itidem Indos quoad fabricandas naues seruare, eas etiam ferruminant thure admixtis nonnullis aliis. Cum autem in mare fabrefactas naues proiciunt, elephantos hinc & hinc ponunt, qui non sine hominū strage molem trahunt in mare. Cœperunt ob tot hominū cladem ab hoc more temperare, & dimissis beluis, quibus utebantur ad nauandam hanc operā, numerosiore hominum cœtū addunt donec moles in pelagus trahatur.

De moneta illorum, & de rebus quæ ibi nascuntur.

Cap. CXXXVI.

**TRIPLEX** est genus monetæ illic, saraphum appellant suum aureum nummum, ualoris & ponderis nostri ducati. Aliam uero appellant parantem argenteam, & ea est ualoris solidorum sex è nostris. Habent & aliam ualoris solidi unius, & hæ omnes habent imaginem subscriptionemque sui regis: ibi aurum neque alia metalla inueniuntur, illuc comportantur aliunde, uidelicet à montibus quibusdam, qui absunt miliaribus ferè CCC. Plaga Caranganoræ est soli patentis eiusdemque aprici, & feracis: longe absunt montes: cœli est perquam clementis: uiri sunt subcinericii: qui uero montes incolunt, hi sunt albicantis coloris, & non nisi annosi pereunt. Referebat Ioseph inibi uiros centenarios esse, qui adhuc dentium ordinem illæsum habebant. Regio est admodum ferax, licet triticum non gignat, neque equos: eò triticum comportatur à quibusdam insulis eiusdem naturæ, cuius est regio Calechut, & Cambaiæ, & id efficit harenosa plaga: equos mittunt Ormus & montes quidam, eis minime utuntur, nisi ad gerulam operam, cum ultro citroque comportantur merces, ad bella non utuntur: pedites præliantur arcubus & sagittis, necnon machæis & clypeis obrotundis, hastis nonnullis utuntur in prælio, digladiatores sunt eximii, alii se loricant piscium pellibus, quæ sunt ad quoscunque ictus propè impenetrabiles, alii loricas & thoraces ferro fabricantur. Animalia omnifariam habent, ut sunt boues, arietes, bubali, pecora, & id genus compluscula, & ea uice numinis Gentiles colunt. Regio etiam fert elephantos uberrime, minutiora etiam habent animalia, ut sunt gallinæ, anseres: sues non habent. Percunctati sumus etiam pretium rerum, & ostensis gallinis ipsi Ioseph Indo, dixit apud suos se centum gallinas aureo uno consequi quire.

De oriza



De oriza, palmis, & nucibus Indiæ.

Cap. CXXXVII.

**H A E C P L A G A** fert orizam eximie, & faccarum tritum, utrunque emittit, ac oleo conditum: oriza panem conficiunt non insuauem: habent herbarum genera uiginti, quæ hominem alunt plurimum: radicibus in primis oblectantur: rosmarinum non habent, neque bussiū, poma, uites, nec persica: hæc omnia ostendimus illi, quæ dixit haud esse in regione sua: ficus habent complures, adeo ut uix sit credibile, quantum scateat regio fructibus huiusmodi: habent & aliam arborem quæ fert Indas nuces: & hæc arbores, ut referebat Ioseph, quadrigeminos gignunt fructus, uidelicet, oleum, uinum, acetum, & faccarum: qui uero his fidem non adhibent, legant Strabonem in XVI suæ geographiæ, & ad-

Strabonis  
locus.

stipulabuntur Ioseph Indo uera narranti: sic enim Strabonis caput incipit, Cætera uero ex palma præbet, ex ea enim panis, mel, acetum, & oleum fit, & testilia uaria: nucleis pro carbonibus fabri ferrarii utuntur, qui in aqua macerati bobus & ouibus in pabulum dantur.

Quomodo ex palma fit uinum, oleum, acetum, & faccarum.

Cap. CXXXVIII.

**E X P A L M A** igitur hoc modo quatuor fiunt fructus in mense Augusti, id enim est eis primum uer: palmam putant, ut nos uites: & quoniam tunc arbores potissimum luxuriant, gemunt incisæ, lachrymæque instar confauciatae uitis emittunt: has uasis excipiunt, tribus solum diebus ab arbore fauciata, ea pro uino utuntur albicante aqua. Elapso triduo ex latice fit acetum suapte natura: qui uero faccarum efficere uoluerit, is aquam huiusmodi sumat emanantem intra triduum, & ahenis impositam tantisper coquat, donec uix tertia pars superfit, tunc sic decocta mel efficitur suauissimum. Vbi uero mel est effectum, id rursum aquis immergunt, & compurgant subinde usque ad uigesimum diem: & cum diligenter defecauerint, eo utuntur pro uino, & quidem ut aiunt, suauissime. E nucleis uero fructus palmæ exprimunt oleum. Habes igitur ex una arbore fructus complures: ex lignis etiam semicomburstis carbones fiunt, ex libro arboris funes. Hæc itaque summa sit nullam esse aliam arborē, quæ magis humanis usibus conducatur. Ibi etiam ubertim piper nascitur, quod torrent ad calorem solis, ne forte satum alibi germinet in damnum eorum. Arbores ibi non sunt magnæ proceritatis, nusquam tamen sunt frequentiores, præsertim in India. Ibi etiamnum copia est ingens zinziberis, myrobalani, cassiæ, & aromatum ferè omne genus. Hæc omnia præstinant Mauri negotiatores, & ea Babyloniam, Cayrum nunc appellant, urbem Niloticam comportant, inde Alexandriam, Damascum, & demum ad Persas. Conuehant hæc etiam uersus montes, & ad Catalum, quæ regiones plurimum à nobis absunt, prout latius referemus in sequentibus. Verum postquam satis ac super de urbe Caranganora dictum est, æquum censeo ut rursum ad urbem Calechut redeamus.

De urbe Calechut, deque eius rege & moribus, necnon mercibus.

Cap. CXXXIX.

**V R B S I T A Q V E** Calechut occidentem respicit, abestque ab urbe Caranganora miliaribus propè XC mari adiacet, & portum habet non incelebrem, maior est Caranganora, cuius dominus est idolorum cultor, & eius sectæ,



cuius est dominus Caranganoræ: in nullo propè differunt, si cultum deorum, si mores, si superstitiones spectaueris, uti latius commemorimus in superioribus: propterea ut parcamus iusto uolumini, parcius in præsentia de hac re loquemur. Illud tamen non præteribo, illic esse propè innumeros negotiatores, Persas uidelicet, Mauros, Indos, Medos, Assyrios, Syros, Arabas, Aegyptios, & ferè ex omni orbe conuenas: alii alias ducunt merces, adeo ut ibi ferè nihil quod ad humanum cultum spectet desideres. Sunt inter cæteros illic nonnulli qui Guzerati appellantur, qui multiuga tractant mercimonia. Eò itaque quasi tota India merces comportat uberrimas: frequentior etiam inibi negotiatorum numerus erat, cum incolæ Cataii illò proficiscebantur. Hi igitur Cataii populi colunt Christum, & coloris sunt albicantis ut nos, uiri sunt perquam strennui, qui olim in urbe Calechut eximie negotiabantur. Verum cum rex Calechut male eos accepisset, soluere illinc, & paulo post reuertentes, stragem non mediocrem incolis urbis Calechut intulerunt, & deinceps non sunt regressi. Post hæc adiuere urbem Mailapetam, quæ urbs paret regi Narfindo: regio respicit orientem, & distat ab Indo flumine miliaribus XC. ibi nunc sua exercent mercimonia: populi dicuntur Malafines, multiuga ferunt mercimonia, uidelicet serica omne genus, æra, plumba, stagna ac castorium, & id genus innumeros odores, hæc sunt quæ eò ipsi comportant. Quæ uerò exportant illinc, hæc sunt, uidelicet coralli omnium generum & aromata. Aiunt eorum regionem abesse ab urbe Calechut miliaribus sex mille: in capite ferunt ornamenta quædam ingentissimi pretii, locupletes sunt in uniuersum. Redeamus ergo ad urbem Calechut, cuius rex dicitur Baufer, qui magnam regiam habet instar theatri, cuiusq; latera stipant septem milia hominum, qui pro salute principis uigilant. Hi noctu Urbem lustrant: quoniam uasta est & patens absque mœniis. Per uices propterea uigiliæ disponuntur, ne quid inopinatum accidat, dum dant membra quieti. Hanc curam uiri CCC habent. In theatro uisuntur aulæ siue cœnacula magna quatuor, quæ singula singulis patent nationibus, alia Indis, Mauris alia, alia Iudæis, Christianis alia patent: unaquæque natio nouit suum auditorium, in alieno non admittitur. Priui priua loca audientia habent, & ibi expediuntur: uerum eò prius non accedunt, quàm loti fuerint, alioquin ad regem minime admitterentur, illoti uidelicet, utpote immundi, ac fœdi. Gentiles hunc morem seruant. In mari nunquam comedunt, quoniam si id agerent, nunquam regem uiderent deinceps: neque omittemus quin & rursum de hac re mentionem faciamus, licet in superioribus commemorimus: nam retulimus paulo supra, mulieres Indas hunc morem habere, quòd uidelicet nihil ducunt honorificentius, quàm cum uiris simul occumbere. Comburi propterea cum coniugibus iam fato functis summe appetunt: nec id mirum. Putant enim non posse aliter sibi parere immortalitatem. Huius rei commemorat Strabo XV suæ geographiæ: eius caput sic auspicatur, Refert enim Nicolaus Damascenus se Antiochiæ &c. quæ sequuntur. Sicuti igitur præfeci, in urbe Calechut magna fiunt commercia, & statis anni temporibus fiunt nundinæ non incelebres, eòq; undequaq; cateruatim populi confluunt, ex Cataio in primis: demum Indi omne genus, Persæ, Medi, Syrii, Turcæ, Assyrii, Arabes. Aegyptii, & hi

Baufer.

Strabonis  
locus.



& hi præsertim qui Babylonem, id est Cayrum incolunt, urbem Aegyptiâ, quæ Nilo adiacet amni famigerato, multarumque gentium ac regionum termino. Percunctati sumus etiam Ioseph prædictum Indum, an illi nostræ huius regionis cognitionem habeant quampiam. Referebat Romanam urbem & Venetias, necnon Galliam, quæ Francia dicitur, esse apud eos nonnihil in pretio, & in primis aurum Venetorum signatum argentumque; illic esse eximio in pretio. Is ergo Ioseph adiuit illustrissimos dominos Venetos, & eis ostendit nonnullos antiquissimos aureos, in quibus erat expressa Veneti ducis perquam uetus imago.

De regnis Cambaiæ, Ormus, & Guzerat.

Cap. CXL.

POSTQUAM satis ac super de urbe Calechut dictum remur, de rebus occiduis fiet sermo, & in primis de regno Cabaia, quod abest ab urbe Calechut miliaribus propè mille: & deinde ad insulam Ormus miliaria CCC, & ea est in principio sinus Persici introrsus terras miliaria XX, & id loci dicitur caput Mogolistanum, ubi auspicatur sinus: hæc insula circuitu patet miliaribus ferè CL. eius dominus seruit Mahumeti, urbs est uasta admodum, & habitatore frequentissima, ac propè omnium rerum ferax: mercimonia emittit quasi innumera, ibi & uitrea fiunt uasa elegantissime: Legunt illic unionum copiam maximam, equos fert eximios, quos in Indiam uenales mittit, eis etiam merces comportant suas: hinc igitur, id est ab hoc capite Mogolistano, quod est in umbilico insulæ Ormus, usque ad urbem Cambaiam, intercedunt innumeræ Maurorum urbes, inter quas hæc minime sunt obscuræ, uidelicet Sobobec, Semath, & Chesimii. Introrsus uero est urbs Guzerat. Secus autem littus urbs Cambaiæ uisitur, quæ, ut præfecimus, potest abesse à capite Mogolistano miliaribus quasi CCC. hæc urbs Cambaiæ plurimum sinuatur, & ubi est sita urbs, dicitur sinus Guzerat: uerum olim dicebatur Betrosia. Et quia meminimus huius loci Guzerat, nonnulla de eo referemus. Eius itaque plaga habet urbes complures, uicos & oppida, frequentissimis est habitatoribus, eisdemque negotiatoribus: idola colunt, necnon solem & lunam, bouesque; scæminas adeo, ut apud eos capitale sit bouem scæminam occidisse. Morticina non comedunt: uinum non bibunt album: uiri sunt albicantis coloris, superantque albedine incolas Calechut: fascinatores sunt eximii, comunt capillum & barbam, & cincinnos ut mulieres circunferunt, torquæque ex capillo facto caput mire exornant: mulieres uni uiro solum nubunt, & rursus uiri unam ducunt coniugem. Postquam uitam celibem agunt, in uniuersum sunt continentissimi, nec in Venerem facile ruunt ut reliqui salaces: legumine uiuunt, & oleribus, quæ parens mittit terra, ut auctor est Pythagoras. Abunde dictum arbitror de urbe Guzerat, superest ut nonnihil de urbe Cambaiæ differamus.

De situ urbis Cambaiæ, deque eius rege & nonnullis aliis locis, ac de aromatibus.

Cap. CXLI.

VRBS Cambaiæ sita est in sinu Guzerat: ea est maxime culta, eximiaque uastitate, & uirorum frequentia, ac ferè omnium est Indiæ urbium excellentior. Cayrum propterea indiæ appellatur, muro ambitur, & pulcherrimas habet ædes. Olim eius dominus erat Gentilis, & idolis seruiebat, nunc secta est Mahumetana, id effecit numerosior cœtus Mahumetanorum, qui urbem incolunt, eamque moderandam susceperunt, quæ scatet Gentilibus. Ibi lacha nascitur uberius quam

m. i.



alibi gentium : negotiatores sunt non incelebres, naues habent innumeras, quibus fulcant maria & in primis AEthiopicum, Erythræum, Persicum, necnon Indicum. Abest hæc urbs à capite quod dicitur Diongul miliaribus CCC. In eius sinu sunt complusculæ urbes, quas percensere longum foret. Inq; ea insula quæ Maya dicitur, & post id caput Diongul orientē uersus aliud caput occurrit, quod appellatur Ely, ad miliaria ferè CL, & inde ad urbē Calechut miliaria DC.

De rege Narfindo, & quadam ecclesia sancti Thomæ.

Cap. CXLII.

HVCVSQVE littoralia omnia percurrimus, uidelicet ab urbe Caraga nora usque ad insulam Ormus. Superest ut de regno Cuchini præsertim de mediterraneis nonnihil exaremus. Estigitur introrsus ad miliaria ferè CCC non longe à montibus rex quidam nimium potens Narfindi. Is cum sit ualde potens, urbem habet triplici circumdatam muro, ea dicitur Besenegal. Is rex, ut retulit Ioseph Indus, cum ad bella proficiscitur, secum ducit elephantos DCCC, equites IIII mille, pedites uero innumeros, adeoque magnum innumerumq; cum exit ad bella secum trahit exercitum, ut spatio XXX miliarium ad quamcunque orbis partem minime contineri possit, id est quadrata acie tantundem terrarum uersus orientem & occidentem, & rursus itidem uersus Aquilonem & meridiem exercitus occupat. Res propè incredibilis, licet uera: addebátque dictus Ioseph regnum huiusce regis patere circuitu trium milium miliarium. Is rex colit idola. Verum reuertamur ad littoralia, & primo loco auspicabimur ab urbe Cuchina, quæ respicit orientem, & prætenta est Indiæ. Dum igitur soluis ab urbe Cuchina, tendisq; ad ortum solis, ad miliaria ferè centum, caput comperies quod appellant Cumar, & inde usque ad Indum fluuium, ubi auspicatur India intercedunt miliaria quingenta. Inq; eo itinere sinus uisitur non incelebris, cui nomen est Orizæ, & ibi famigerata urbs de nomine sinus Orizæ dicta, eam præterfluit Indus. Et in eodem sinu est urbs alia, quæ instar promontorii in mari prominet, ea dicitur Milapar, in qua diui Thomæ apostoli delubrum celebre colitur eximie, idque templum refert ecclesiam sanctorum Ioannis & Pauli Venetiariū. In eo igitur delubro corpus diui Thomæ quiescit, quod claret innumeris miraculis. Colitur propterea eximie ab omnibus, licet infidelibus. Præterea in hoc mari Indico complures insulæ uisuntur: & inter alias duæ sunt, quæ cæteras omni rerū celebritate præstant: altera Sayla dicitur, quæ abest à dicto capite Comar miliaribus propè CC, ea est quæ mittit equas. Post hanc ad orientem altera uisitur, quæ dicitur Samotra, nos Taprobanam appellamus, quæ abest ab urbe Calechut itinere trium mensium. Ultra eam est Cataium feracissima, ut dictum est, insula cum aliis compluribus, quarum haudquaquā meminisse est animus: quandoquidem à dicto Ioseph Indo plura non accepimus, neque nos eas remotiores orbis partes adiuimus. Potuissimus quidem longiore subsellio gemmarum ac lapidum, margaritarumque naturam indagare, necnon de aromatum generibus differere complura, cum hæc in primis ferat India. Verum cum minime pertineant ad id quod retulit Ioseph prædictus, ex composito temperabimus: tum ut præter uerum nihil relatum putetis, tum uel maxime, ut tandem aliquando cœptum opus ad umbilicum deueniat.



ILLVSTRISSIMO RENATO HIERVSALEM ET SICILIAE  
regi, duci Lothoringiæ ac Barn. Americus Vesputius humi-  
lem reuerentiam, & debitam recommendationem.

I E R I potest illustrissime rex, ut tua maiestas mea ista temeri-  
tate ducatur in admirationem, propterea quòd hasce literas tam  
F prolixas ad te scribere non subuerear, cum tamen sciam te conti-  
nuo in arduis consiliis & crebris reipublicæ negotiis occupatissi-  
mum. Atque existimabor forte non modo præsumptuosus, sed  
etiam otiosus, id mihi muneris uendicans, ut res statui tuo minus conuenientes,  
non delectabili, sed barbaro prorsus stylo, ueluti amusus ab humanitatis cultu  
alienus, ad Fernandum Castiliæ regē nominatim scriptas, ad te quoq; mittam.  
Sed ea quam in tuas uirtutes habeo confidentia, & comperta sequentiū rerum,  
neq; ab antiquis neq; neotericis scriptarum ueritas me coram t. M. fortassis ex-  
cusabunt. Mouit me in primis ad scribendum præsentium lator Beneuenutus,  
M. t. humilis famulus, & amicus meus non pœnitendus: qui dum me Lisbonæ  
reperiret, precatus est ut t. M. rerum per me quatuor profectionibus in diuersis  
plagis mundi uisarū, participem facere uellem. Peregi enim bis binas nauigatio-  
nes ad nouas terras inueniendas, quarum duas ex mandato Fernandi inclyti re-  
gis Castiliæ per magnum oceani sinum occidentem uersus feci: alteras duas iussu  
Manuelis Lusitaniæ regis ad austrum. Itaque me ad id negotii accinxi, sperans  
quòd t. M. me de clientulorum numero non excludet, ubi recordabitur, quòd  
olim mutuam habuerimus inter nos amicitiam tempore iuuentutis nostræ, cum  
grammaticæ rudimenta imbibentes sub probata uita & doctrina uenerabilis &  
religiosi fratris de S. Marco Fra. Georgii Antonii Vesputii auunculi mei pari-  
ter militarem. Cuius auunculi uestigia utinam sequi potuissem, alius profecto,  
ut & ipse Petrarcha ait, essem quàm sum. Vtcunq; tamen sit, non me pudet esse  
qui sum. Semper enim in ipsa uirtute & rebus studiosus summam habui delecta-  
tionem. Quòd si tibi hæ narrationes omnino non placuerint, dicam sicut Pli-  
nius ad Meccenatem scribit, Olim facetiis meis delectari solebas. Et licet M. t. si-  
ne fine in reipublicæ negotiis occupata sit, nihilominus tantum temporis quan-  
doque suffuraberis, ut has res quauis ridiculas, quæ tamen sua nouitate iuu-  
bunt, perlegere possis. Habebis enim hisce meis literis post curarum fomenta  
& meditamenta negotiorum, non modicam delectationem, sicut & ipse fœnicu-  
lus prius sumptis esculentis, odorem dare, & meliorem digestionem facere assue-  
uit. Enimvero si plus æquo prolixus fuero, ueniam peto, uale.

Inclytissime rex, sciat t. M. quòd ad has ipsas regiones mercandi causa primū  
uenerim. Dūmq; per quadriennii reuolutionem in eis rebus negotiosus essem,  
& uarias fortunæ mutationes animaduertētem, atque uiderem quo pacto cadu-  
ca & transitoria bona hominem ad tempus in rotæ summo tenerent, & deinde  
ipsum præcipitarent ad imum, qui se possidere multa dicere poterat, constitui  
mecum uariis talium rerum casibus exantlatis istiusmodi negotia dimittere, &  
meorum laborum finem in res laudabiliores ac plus stabiles ponere. Ita dispo-  
sui me ad uarias mundi partes contemplandas, & diuersas res mirabiles uidē-



Dantes.

das. Ad quam rem se & tempus & locus opportune obtulit. Ipse enim Castiliae rex Fernandus tunc quatuor parabat naues ad terras nouas occidentem uersus discooperiendas, cuius celsitudo me ad talia inuestiganda in ipsam societatem elegit. Et soluimus XX die Maii, MCCCCXCVII de portu Caliciae, iter nostrum per magnum oceani sinum capientes, in qua profectio decem & octo consummauimus menses, multas inuenientes terras firmas, & insulas penè innumerabiles ut plurimum habitatas, quarum maiores nostri mentionem nullam fecerunt: unde & ipsos antiquos talium non habuisse notitiam credimus. Et nisi memoria me fallat, memini me in aliquo legere, quòd mare uacuum, & sine hominibus esse tenuerint. Cuius opinionis ipse Dantes poeta noster fuit, ubi duo de uigesimo capite de inferis loquens Vlyssis mortem confingit. Quae autem mirabilia uiderim, in sequentium processu tua maiestas intelliget.

AMERICI VESPVTTII  
NAVIGATIO PRIMA.



ANNO domini, MCCCCXCVII, uigesimo mensis Maii die, nos cum quatuor conseruantiae nauibus Calicium exeuntes portum, ad insulas olim Fortunatas, nunc uero magnam Canariam dictas, in fine occidentis habitati positas in tertio climate, super quo extra Horizontem earum se XXVII gradibus cum duobus tertiis, Septentrionalis eleuat polus, distantesque ab hac ciuitate Lisbona, in qua conscriptum extitit hocce praesens opusculum, CCLXXX leucis, uento inter meridiem & Lebecium uentum spirante, cursu primo pertigimus. Vbi nobis de lignis, aqua, caeterisque necessariis prouidendo, consumptis octo ferè diebus nos, facta in primis ad deum oratione, eleuatis dehinc & uento traditis uelis, nauigationem nostram per Ponentem incipientes, sumpta una Lebecii quarta, tali nauigio transcurrimus, ut uiginti septem uix elapsis diebus, terrae cuidam applicaremus, quam firmam fore existimauius. Distatque Canaria magna ab insulis mille uel circiter leucis, extra id quod in zona torrida habitatum est. Quod ex eo nobis constitit, quod Septentrionalem polum extra huiuscemodi telluris Horizontem XVI gradibus se eleuare, magisque occidentalem LXXV quam magnae Canariae insulas gradibus existere conspeximus, prout instrumenta omnia monstrabant. Quo in loco, iactis de prora ancoris, classem nostram, leuca à littore cum media distantem, restare coegimus, nonnullis solutis phaselis armis & gente stipatis, cum quibus ipsum usque ad littus attigimus. Quò quàm primum peruenimus, gentem nudam secundum littus euntem innumeram percipimus, unde non paruo affecti fuimus gaudio: omnes enim qui nudi incedere conspiciebantur, uidebantur quoque propter nos stupefacti uehementer esse, ex eo, ut arbitror, quòd uestitos, alteriusque effigiei quàm ipsi forent, nos esse intuiti sunt. Hi postquam nos aduenisse cognouerunt, omnes in propinquum montem quendam aufugerunt, à quo tunc nec nutibus, nec signis pacis & amicitiae ullis, ut ad nos accederent allici potuerunt. Irruente uero interea nocte nos



nos classẽm nostram male tuto in loco, ubi nulla marinas aduersus procellas  
tuta residentia foret, confidere timentes: conuenimus unà, ut hinc mane fa-  
cto discederemus, exquirereusque portum quempiam, ubi nostras statione in-  
tuta collocaremus naues. Qua deliberatione arrepta, nos uento secundum  
collem spiranti traditis uelis, postquam uisu terram ipsam sequendo, atque ip-  
so plagæ in littore gentes continue percipiẽdo, duos integros nauigauimus di-  
es, locum nauibus satis aptum comperimus, In quo media tantum leuca distan-  
tes ab arida constitimus, uidimusque tunc inibi innumerabilem gentium tur-  
bam, quam nos cominus inspicere & alloqui desiderantes, ipsamet die littori  
cum cymbis & nauiculis nostris appropiauius, necnon & tunc in terram exi-  
uimus, ordine pulchro XL circiter uiri, huiuscemodi gente se tamen à nobis &  
consortio nostro penitus alienam præbente, ita ut nullis eam modis ad collo-  
quium communicationẽue nostram allicere ualuerimus, præter illos paucos  
quos multos post labores ob hoc susceptos, tandem attraximus ad nos, dando  
eis nolas, specula, crateres crySTALLINOS aliãque similia leuia: qui tum securi de no-  
bis effecti, conciliatum nobiscum, necnon de pace & amicitia tractatum uene-  
runt. Subeunte autem interim nocte, nos ab illis nosmet expedientes, relictis  
eis, nostras ingressi sumus ad naues. Postea uero subsequẽtis summo dilucu-  
lo diei, infinitam in littore uirorum & mulierum paruulos suos secum uectan-  
tium gentem rursus conspeximus, cognouimusque multitudinem illam su-  
pellectilem suam secum deferre totam, qualem infra suo loco dicitur. Quorum  
complures quamprimũ terræ appropiauius, semet in æquor proiicientes, cum  
maximi natatores existant, quantus est balistæ iactus, nobis uenerunt natantes  
obuiam: susceperunt nos humaniter, atque ea securitate & confidentia seipsos  
inter nos commiscuerunt, ac si nobiscum diutius antea consueuissent, & pariter  
frequentius practicauissent. Pro qua re tunc haud parum oblectati fuimus. De  
quorum moribus, quales eos habere uidimus, hic quandoquidem se commo-  
ditas offert, interdum etiam interferimus.

DE MORIBVS AC EORVM  
VIVENDI MODIS.

VANTVM ad uitam eorũque mores, omnes tam mares  
quàm foeminæ nudi penitus incedunt, tectis non aliter ueren-  
dis, quàm cum ex utero prodierunt. Hi mediocris existentes sta-  
turæ multum bene proportionati sunt, quorum caro ad rufedi-  
nem ueluti leonum pili uergit: qui si uestimentis operti mea-

rent, albi credo tanquam nos extarent. Nullos habent in corpore pilos præter-  
quam crines, quos proceros nigrescentẽsque gerunt, & præsertim foeminæ, quæ  
propterea sunt tali longo nigrõque crine decoræ. Vultu non multum speciosi  
sunt, quoniam latas facies Tartariis adsimilatas habent: nullos sibi sinunt in su-  
perciliis oculorũue palpebris ac corpore toto, crinibus demptis, excrefcere uil-  
los ob id quòd habitos in corpore pilos quid bestiale brutaleq; reputant. Omnes



tam uiri quàm mulieres, siue meando, siue currendo leues admodum atque ueloces existunt, quoniam, ut frequenter experti fuimus, ipsæ etiam mulieres unam aut duas percurrere leucas, nihili putant, & in hoc nos Christicolæ multum præcellunt. Mirabiliter ac ultra quàm sit credibile natant, multo quoque melius fœminæ quàm masculi, quod frequenti experimento didicimus, cum ipsas etiam fœminas omni prorsus sustentamine deficientes, duas in æquore leucas pernatare perspeximus. Arma eorum arcus sunt & sagittæ, quas multum subtiliter fabricare norunt. Ferro metallisque aliis carent: sed pro ferro bestiarum pisciumue dentibus suas sagittas armant, quas etiam, ut fortiores existant, unamquamque sæpe præurunt. Sagittarii sunt certissimi, ita ut quicquid uoluerint, iaculis suis feriant, nonnullisque in locis mulieres quoque optimæ sagittatrices extant. Alia etiam arma habent ueluti lanceas præacutæque fudes, necnon & clauas, capita mirifice laborata habentes. Pugnare potissimum assueti sunt aduersus suos alienigenæ linguæ confines, contra quos nullis parcendo, nisi ut eos ad aciora tormenta referuent, multum crudeliter dimicant. Et cum in prælium properant, suas secum uxores, non belligeraturas, sed eorum post eos necessaria perlaturas ducunt, ob id quòd sola ex eis mulier tergo sibi plus imponere possit, & deinde XXX uel XL leucis subuehere, prout ipsi sæpe uidimus, quàm uir etiam ualidus, à terra leuare queat. Nulla belli capita, nullòque præfectos habent, quinimo cum eorum quilibet ex se dominus extet, nullo seruato ordine meant, Nulla regnandi dominiūque suum extendendi, aut alterius inordinatæ cupiditatis gratia pugnant: sed ueterem solum ob inimicitiam in illis ab antiquo insitam, cuius quidem inimicitie causam interrogati, nullam aliam indicant, nisi ut suorum mortes uendicent antecessorum. Hæc gens sua in libertate uiuens, nullique obediens, nec regem nec dominum habet: Ad prælium autem se potissimum animant & accingunt, cum eorum hostes ex eis quempiam aut captiuum detinent aut interemerunt. Tunc enim eiusdem captiui interemptiue consanguineus senior quisquam exurgens, exit cito in plateas & uicos passim clamitans, inuitansque omnes, & suadens ut cum eo in prælium consanguinei sui necem uindicaturi properent: qui omnes compassione moti, mox ad pugnam se accingunt, atque repente in suos inimicos irruunt. Nulla iura, nullamue iustitiam seruant, malefactores suos nequaquam puniunt, quinimo nec parentes ipsi paruulos suos edocent aut corripunt. Mirabiliter eos inter sese conquestionari nonnunquam uidimus. Simplicēs in loquela se ostentant, uerū callidi multum atque astuti sunt. Perraro, & submissa uoce loquuntur, eisdem quibus utimur accensibus utentes. Suas ut plurimum uoces inter dentes & labra formantes, aliis utuntur uocabulis quàm nos. Horum plurimæ sunt idiomatum uarietates, quoniam à centenario leucarum in centenarium diuersitatem linguarum se mutuo nullatenus intelligentium reperimus. Comessandi modum ualde barbarum retinent, nec quidem notatis manducant horis, sed siue nocte siue die, quoties edendi libido suadet. Solo manducantes accumbunt, & nulla mantilia, nullæque gausapa, cum lineamentis pannisque aliis careant, habent. Epulas suas atque cibaria in uascula terrea quæ ipsimet confingunt, aut in medias cucurbitarum testas ponunt.

In re-



In retiaculis quibusdam magnis ex bombice factis, & in aere suspensis dormitāt: qui modus quanuis insolitus & asperior fortassis uideri queat, ego nihilominus talem dormitandi modum suauē plurimum iudico. Etenim cum in eisdem eorum retiaculis mihi plerunque dormitasse contigerit, in illis mihi metipsum melius quā in tapetibus quæ habebamus esse, persensi. Corpore ualde mundi sunt & expoliti, ex eo quod seipsos frequentissime lauant. Et cum egestū ire, quod salua dixerim reuerentia, coacti sunt, omni conamine nituntur, ut à nemine perspici possint: qui quidem in hoc quanto honesti sunt, tanto in dimittenda urina se immundos inuerecundōsq; tam mares quā fœminæ præbent: cum siquidē illos nobiscum loquentes, & coram positos suam impudicissime urinam sæpius eminxisse perspeximus. Nullam legem, nullum legitimū thori fœdus in suis connubiis obseruāt, quinimo quotquot mulieres quisquam concupiscit, tot habere, & dein illas quādocunq; uolet, absq; hoc quod id pro iniuria aut opprobrio habeant, repudiare potest. Et in hac re utiq; tam uiri quā mulieres eadē libertate fruuntur. Zelosi parum, libidinosi uero plurimū extant, magisq; fœminæ quā masculi, quarum artificia ut insatiabili suæ satisfaciant libidini, hic honestatis gratia subticenda censuimus. Eæ ipsæ in generandis paruulis fœcundæ admodum sunt, neque dum grauidæ effectæ sunt, pœnas aut labores euitant. Leuissimo minimeque dolore pariunt, ita ut in crastinum alacres sanataeque ubique ambulent: præsertimque post partum in flumen quodpiam sese ablutum uadunt, tūmque sanæ mundataeque inde, ueluti pisces apparent. Crudelitati autem ac odio maligno adeo deditæ sunt, ut si illas sui forsitan exacerbauerint uiri, subito certum quoddam efficiant maleficium, cum quo præ ingenti ira proprios fœtus in propriis uteris necāt abortiuntq; deinde, cuius rei occasione infiniti eorum paruuli pereunt. Venusto & eleganti proportionē compacto corpore sunt, ita ut in illis quicquam deforme nullo inspicere modo possit, Et quanuis disnuda ambulent inter fœminas: tamen earum pudibunda sic honeste reposita sunt, ut nullatenus uidere queant, præterquam regiuncula illa anterior, quā uerecundiore uocabulo pectusculum imum uocamus, quod & in illis utiq; non aliter quā honeste natura ipsa uidendum reliquit. Sed & hoc nec quidem curant, quoniam, ut paucis expediam, non magis in suorum uisione pudendorum mouentur, quā nos in oris nostri aut uultus ostentatione. Admirandam perualde rem ducerent, mulierem in eis mamillas, pupasue laxas, aut uentrē rugatum ob nimium partum habentem, cum omnesæque integræ ac solidæ post partum semper appareant, ac si nunquam peperissent. Hæ quidem se nostri cupientissimas esse monstrabant. Neminem in hac gente legem aliquam obseruare uidimus, nec quidem Iudæi aut Mauri nuncupare solide queunt, cum ipsis Gentilibus ac paganis multo deteriores sint. Etenim non persensimus quod sacrificia ulla faciant, aut quod loca orationis sue domos aliquas habeant. Horum uitam, quæ omnino uoluptuosa est, Epicuream existimo. Illorum habitationes singulis ipsis sunt communes, ipsæq; illorum domus campanarum instar constructæ sunt, firmiter ex magnis arboribus solidatæ, palmarū foliis desuper contectæ, & aduersus uentos & tempestates tutissimæ, nonnullisq; in locis tam magnæ, ut in illarū unica sexcentas esse



personas inuenerimus . Inter quas octo populosissimas esse comperimus , sic  
 ut in eis essent habitarentque pariter animarum decem milia . Octennio quolibet  
 aut septennio , suas sedes habitationesue transferunt : qui eius rei causam in-  
 terrogati , naturale responsum dederunt , dicentes quod Phœbi uehementis æstus  
 occasione hoc facerent , ob id quod ex illorum longiore in eodem loco residen-  
 tia aer infectus corruptusque redderetur : quæ res in eorum corporibus uarias  
 causaret ægritudines , quæ quidem eorum ratio non male sumpta nobis uisa  
 est . Eorum diuitiæ sunt , uariorum colorum auium plumæ , aut in modum la-  
 pillorum illorum , quos uulgariter Paternoster uocitamus , laminæ siue calculi ,  
 quos ex piscium ossibus , lapillisue uiridibus aut candidis faciunt , & hos orna-  
 tus gratia sibi ad genas , labia uel aures suspendunt . Alia quoque similia futilia  
 & leuia pro diuitiis habent , quæ nos omnino parui pendeuamus . Commuta-  
 tionibus aut mercimoniis in uendendo aut emendo nullis utuntur , quibus sa-  
 tis est , quod natura sponte sua propinat : aurum , uniones , iocalia , cæteraque  
 similia , quæ in hac Europa pro diuitiis habemus , nihil extimant , imò penitus  
 spernunt , nec habere curant . In dando sic naturaliter liberalissimi sunt , ut ni-  
 hil quod ab eis expetatur abnegent . Et quemadmodum in dando liberales sunt ,  
 sic in petendo & accipiendo cupidissimi postquam se cuiquam amicos exhibue-  
 rint . Maximum potissimumque amicitiae suæ signum in hoc perhibent , quod  
 tam uxores quàm filias proprias amicis suis pro libito habendas offerunt : in qua  
 re parens uterque se longe honoratum iri existimat , cum natam eius , etsi uir-  
 ginem , ad concubitum suum quispiam dignatur & abducit , & in hoc suam in-  
 ter se amicitiam potissimum conciliant . Variis in eorum decessu multisque mo-  
 dis exequiis utuntur . Porro suos nonnulli defunctos in humo cum aqua sepe-  
 liunt , & inhumant illis ad caput uictualia ponentes , quibus eos posse uesci & ali-  
 mentari putant , nullum deinde propter eos alium planctum , aut alias ceremo-  
 nias efficientes . Alii quibusdam in locis barbarissimo atque inhumanissimo se-  
 peliendi utuntur modo . Quippe cum eorum quempiam mortis momento pro-  
 ximum autumant , illum eius propinquiores in syluam ingentem quandam  
 deferunt , ubi eum in bombiceis retiaculis illis , in quibus dormitant , impositum  
 & recubantem ad duas arbores in aera suspendunt , ac postmodum ductis circa  
 eum sic suspensum una tota die choreis , irruente interim nocte , ei aquam , ui-  
 ctumque alium , ex quo quatuor aut circiter dies uiuere queat , ad caput appo-  
 nunt : & deinde , sic inibi solo pendente relicto , ad suas habitationes redeunt :  
 quibus ita peractis , si isdem ægrotus postea manducet & bibat , ac inde ad conua-  
 lescentiam sanitatemque redeat , & ad habitationem propriam remeet , illum  
 eius affines ac propinqui cum maximis suscipiunt ceremoniis . At perpauci sunt  
 qui tam grande prætereant periculum , cum eos ibidem nemo postea uisitet .  
 Qui si tunc inibi forsitan decedunt , nullam aliam habent postea sepulturam .  
 Alios quoque complures Barbaros habent ritus , quos euitandæ prolixitatis hic  
 omitimus gratia . Diuersis uariisque medicaminibus in suis morbis & ægritudi-  
 nibus utuntur , quæ sic à nostris discrepant & disconueniunt , ut mirarentur haud  
 parum qualiter inde quis euadere posset . Nempe , ut frequenti didicimus expe-  
 rientia ,



rientia, cum eorum quempiam febricitare contigerit, hora qua febris cum asperius inquietat, ipsum in frigentissimam aquam immergunt & balneant, postmodumque per duas horas circa ignem ualidum, donec plurimum caleseat, currere & recurrere cogunt, & postremo ad dormiendum deferunt, quo quidem medicamento complures eorum sanitati restitui uidimus. Diætis etiam, quibus tribus quatuorue diebus absque cibo & potu persistunt, frequentissimis utuntur. Sanguinem quoque sibi persæpe comminuunt non in brachiis, salua ala, sed in lumbis & tibiæarum pulpis. Seipsos etiam ad uomitum cum certis herbis quas in ore deferunt medicaminis gratia, plerunque prouocant, & multis aliis remediis antidotisque utuntur, quæ longum dinumerare foret. Multo sanguine, multoque flegmatico humore abundant, cibariorum suorum occasione, quæ ex radicibus, fructibus, herbis, uariisque piscibus faciunt. Omni farris granorumque aliorum semine carent. Communis uero eorum pastus, siue uictus, arborea quædam radix est, quam in farinam satis bonam comminuunt, & hanc radicem quidam eorum iucha, alii chambi, alii uero igname uocitant: aliis carnibus, præterquam hominum perraro uestuntur, in quibus quidem hominum carnibus uorandis sic inhumani sunt & immansueti, ut in hoc omnem feralem, omnemue bestialem modum superent: omnes enim hostes suos quos aut perimunt, aut captos detinent tam uiros quam fœminas indistincte cum ea feritate deglutiunt, ut nihil ferum, nihilue brutum magis dici uel inspicere queat: quos quidem sic efferos immanesque fore, uariis in locis mihi frequentius contigit aspexisse, mirantibus illis quod inimicos nostros sic quoque nequaquam manducaremus. Et hoc pro certo maiestas uestra regia teneat. Eorum consuetudines, quas plurimas habent, sic barbaræ sunt, ut hic nunc sufficienter satis enarrari non ualeant. Et quoniam in meis hisce bis geminis nauigationibus, tam uaria diuersaque, ac tam à nostris rebus & modis differentia perspexi, idcirco libellum quempiam, quem Quatuor diætas, siue Quatuor nauigationes appello, conscribere paraui, conscripsi; in quo maiorum rerum à me uisitarum partem distincte satis, iuxta ingenioli mei tenuitatem collegi, ueruntamen non adhuc publicauimus. In illo uero quoniam omnia particulariter magis ac singillatim tanguntur, idcirco uniuersalia hic solummodo prosequens, ad nauigationem nostram priorē perficiendam, à qua paulisper digressus fueram, iam redeo. IN HOC nauigii nostri primordio notabilis commoditatis res non uidimus, idcirco ut opinor, quod eorum linguam non capiebamus, præterquam nonnullam auri denotantiam, quod nonnulla indicia in tellure illa esse monstrabant. Hæcce uero tellus quo ad sui situm positionemque tam bona est, ut uix dari melior queat. Concordauimus autem, ut illam derelinquentes, longius nauigationem produceremus. Qua unanimitate suscepta, nos dehinc aridam ipsam collateraliter semper sectantes, necnon gyros multos, scalasque plures circumeuntes, & interim cum multis uariisque locorum illorum incolis conferentiam habentes, tandem certos post aliquot dies portui cuidam applicuimus, in quo nos grandi à periculo altitono spiritui cōplacuit eripere. Huius enim modi portum quamprimū introgressi fuimus, populationem unam eorum, hoc est, pagum aut uillam super aquas, ut Venetiæ, positam comperimus, in qua ingentes XX ædes aut circiter erant, in modum campanarum,



ut præactum est, effectæ, atque super ligneis uallis solidis & fortibus firmiter fundatæ, præ quarum porticibus leuaticii pontes porrecti erant, per quos ab altera ad alteram tanquam per compactissimam stratum transitus erat. Igitur huiusmodi populationis incolæ quamprimum nos intuiti sunt, magno propter nos timore affecti sunt: quam ob rem suos confestim pontes omnes contra nos eleuauerunt, & sese deinde in suis domibus abdiderunt. Quam rem prospectantibus nobis, & haud parum admirantibus, ecce duodecim eorum lintres uel circiter singulas ex solo arboris caudice cauatas, quo nauium genere utuntur, ad nos interim per æquor aduentare conspeximus, quorum naucleri effigiem nostram habitumque mirantes, ac sese circum nos undique circumferentes, nos eminus aspiciebant. Quos nos quoque ex aduerso prospicientes, plurima eis amicitiae signa dedimus, quibus eos, ut ad nos intrepidi accederent exhortabamur, quod tamen efficere contempserunt. Quam rem nobis percipientibus mox ad eos remigare incepimus, qui nequaquam nos præstolati sunt, quinimmo omnes confestim in terram fugerunt, datis nobis interim signis, ut illos paulisper expectaremus, ipsi enim extemplo reuersuri forent. Tùmque in montem quendam properauerunt, à quo eductis bis octo iuuenclis, & in lintribus suis præfatis unà secum assumptis, mox uersus nos regressi sunt. Et post hæc ex iuuenclis ipsis quatuor in singulis nauium nostrarum posuerunt, quem faciendi modum nos haud parum admirati tunc fuimus, prout uestra satis perpendere potest maiestas. Cæterumque cum lintribus suis præmissis inter nos nauisque nostras commixti sunt, & nobiscum sic pacifice loquuti sunt, ut illos amicos nostros fidelissimos esse reputaremus. Interea uero ecce quoque ex domibus eorum præmemoratis gens non modica per mare natitans aduentare cœpit, quibus ita aduenientibus & nauibus nostris iam appropinquare incipientibus, nec tamen proinde mali quicquam adhuc suspicaremur, rursus ad earundem domorum eorum fores, uetulas nonnullas conspeximus, quæ immaniter uociferantes, & coelum magnis clamoribus implentes, sibimet in magnæ anxietatis indicium proprios euellebant capillos: quæ res magnam mali suspicionem nobis tunc attulit. Tùmque subito factum est, ut iuuenclæ illæ quas in nostris imposuerunt nauibus, mox in mare prosilirent, ac illi qui in lintribus erant, sese à nobis elongantes mox contra nos arcus suos intenderent, nosque durissime sagittarent. Qui uero à domibus per mare natantes adueniebant, singuli latentes in undis lanceas ferebant, ex quibus eorum prodicionem cognouimus. Et tum non solum nosmet magnanimiter defendere, uerumetiam illos grauiter offendere incepimus. Ita ut plures eorum faselos cum strage eorum non parua perfregerimus, & penitus in ponto submerferimus: propter quod reliquis fasellis suis cum damno eorum maximo relictis, per mare natantes omnes in terram fugerunt, interemptis ex eis uiginti uel circiter, uulneratis uero pluribus: & ex nostris quinque duntaxat læsis. qui omnes ex dei gratia incolumitati restituti sunt. Comprehendimus autem & tunc ex præactis iuuenclis duas, & uiros tres, ac dehinc domos eorum uisitauimus, & in illas introiuimus: uerum in eis quicquam, nisi uetulas duas & ægrotantem uirum unicum, non inuenimus: quas quidem eorum domos igni succendere non uoluimus, ob id quod conscientiae scrupulum hoc ipsum esse formidabamus.

Post



Post hæc autem ad naues nostras cum præactis captiuis quinque remeauimus, & eosdem captiuos, præterquam iuenculas ipsas in compedibus ferreis alligauimus. Eadem uero iuenculæ, captiuorumque uirorum unus superuenienti nocte à nobis subtilissime euaserunt. His itaque peractis, sequenti die concordauimus, ut relicto portu illo, longius secundum collem procederemus, percursisq; LXXX ferè leucis, gentem aliam quandam comperimus, lingua & conuersatione penitus à priore diuersam. Conuenimúsque ut classem inibi nostram ancoraremus, & deinde in terram ipsam cum nauiculis nostris accederemus. Vidimus autem tunc ad littus in plaga gentium turbam IIII milia personarum uel circiter existere, qui cum nos appropinquare persenserunt, nequaquam nos præstolati sunt, quinimmo cunctis quæ habebant relictis, omnes in syluas & nemora diffugerunt. Tum uero in terram profilientes, & uiam unam in syluas tendentem, quantus est balistæ iactus perambulantes, mox tentoria plura inuenimus, quæ ibidem ad piscandum gens illa tetenderat, & in illis copiosos ad decoquendas epulas suas ignes accenderat, ac profecto bestias ac plures uariarum specierum pisces iam assabat. Vidimus autem inibi certū assari animal, quod erat, demptis alis quibus carebat, serpenti simillimum, tamque brutum ac syluestre apparebat, ut eius non modicum miraremur feritatē. Nobis uero per eadem tentoria longius progrediētibus, plurimos huiuscemodi serpentes uiuos inuenimus, qui ligatis pedibus, ora quoque funibus ligata, ne eadem aperire possent habebant, prout de canibus aut feris aliis, ne mordere queant effici solet. Aspectum tam ferum eadem præ se ferunt animalia, ut nos illa uenenosa putantes nullatenus auderemus contingere. Capreolis in magnitudine, brachio uero cum medio in longitudine æqualia sunt. Pedes longos materialésque multum ac fortibus ungulis armatos, necnon & discolorem pellem diuersissimam habent, rostrumque ac faciem ueri serpentis gestant, à quorum naribus usque ad extremam caudam seta quædam per tergum sic protenditur, ut animalia illa ueros serpentes esse iudicaretur, & nihilominus eis gens præfata uestitur. Panem suum gens eadem ex piscibus quos in mari piscantur efficiunt. Primum enim pisciculos ipsos in feruenti aqua aliquantisper excoquunt. Deinde uero contundunt & compistant, & in panes conglutinant, quos super prunas insuper torrent, & tandem inde postea manducant: hos quidem panes probantes quam bonos esse reperimus. Alia quoque quam multa esculenta cibariq; tam in fructibus quàm in uariis radicibus retinent, quæ longum enumerare foret. Cum autem à syluis ad quas aufugerant non redirent, nihil de rebus eorum, ut amplius de nobis securi fierent, auferre uoluimus, quinimmo in eisdem eorum tentoriis permulta de rebus nostris, in locis quæ perpendere possent, derelinquentes, ad naues nostras sub noctem repedauimus. Sequenti uero die cum exoriri Titan inciperet, infinitam in littore gentem existere percepimus, ad quos in terram tunc accessimus. Et quanuis se nostri timidos ostenderent, seipsos tamen inter nos permiscuerunt, & nobiscum practicare ac conuersari cum securitate coeperunt, amicos nostros se plurimum fore persimulantes, insinuantésque illic habitationes eorum non esse, uerum quòd piscandi gratia aduenerant. Et idcirco rogantes, ut ad eorum pagos cum eis accederemus, ipsi etenim



nos tanquã amicos recipere uellent:& hanc quidem de nobis conceperant amicitiam, captiuorum illorum duorum, quos tenebamus occasione, qui eorum inimici erant. Visã autem eorum magna rogandi importunitate, concordauimus XXIII ex nobis cum illis in bono apparatu, cum stabili mente, si cogeret necessitas, omnes strenue mori. Cum itaque nobiscum per tres extitissent dies, & tres cum eis per plagam terrãque illam excessissemus leucas, ad pagum unum nouem duntaxat domorũ uenimus: ubi cum tot tamque Barbaris ceremoniis ab eis suscepti fuimus, ut scribere penna non ualeat, utpote cum choreis & cantibus, ac planctibus hilaritate & lætitia mixtis, necnon cum ferculis cibariisq; multis. Et ibidem nocte illa requieuius, ubi proprias uxores suas nobis cum omni prodigalitate obtulerunt: quæ quidem nos sic importune sollicitabant, ut uix eisdem resistere sufficeremus. Postquam autem illic nocte una cum media die perstitimus, ingens admirabilisq; populus absque cunctatione stuporẽque ad nos inspiciendos aduenit, quorum seniores nos quoque rogabant, ut secum ad alios eorum pagos, qui longius in terra erant commearemus, quod & quidem eis annuimus. Hic dictu facile non est, quantos ipsi nobis impenderunt honores. Fuimus autem apud quam multas eorum populationes, per integros nouem dies cum ipsis euntes, ob quod nobis nostri qui in nauibus remanserant, retulerunt socii se idcirco plerunq; in anxietate timorẽq; non minimo extitisse. Nobis autem bis nouem leucis aut circiter in eorum terra existentibus, ad naues nostras repedare proposuimus. Et quidem nostro in regressu tam copiosa ex eis uiro- rum ac mulierum multitudo accurrit, qui nos usque ad mare prosequuti sunt, ut hoc ipsum mirabile foret. Cũque nostri quempiam ex itinere fatigatum iri contingeret, ipsi nos subleuabant, & in suis retiaculis, in quibus dormitant, studiosissime subuehebant. In transitu quoq; fluminum, quæ apud eos plurima sunt & maxima, sic nos cum suis artificiis secure trans mittebant, ut nulla usquam pericula pertimesceremus. Plurimi etiam eorum nos comitabantur rerum suarum onusti, quas nobis dederant, illas in retiaculis illis quibus dormiunt uectantes plumaria uidelicet prædita, necnon arcus multos, sagittasque multas, ac infinitos diuersorum colorum psitacos. Alii quoque complures suppellectilem suam totam ferentes, animalia etiam sua secum ducebant. Et quiddam admirabile dicam, quod is fortunatum se felicemque putabat, qui in transmeandis aquis nos in collo dorsoue suo transuectare poterat. Quamprimum autem ad mare pertigimus, & faselos nostros conscendere uoluimus, in ipso faselorum nostrorum ascensu, tanta ipsorum nos comitantium, & nobiscum ascendere concertantium, ac naues nostras uidere concupiscentium pressura fuit, ut nostri idẽ faseli penẽ præ pondere submergerentur. In ipsis autem nostris eisdem faselis recepimus ex eis nobiscum quotquot potuimus, ac eos ad naues nostras usque perduximus. Tanti etiam illorum per mare natantes, & unã nos concomitantes aduenerunt, ut tot aduentare molestiuscule ferremus: cum siquidem plures quã mille in nostras naues, licet nudi & inermes introiissent, apparatus artificiumque nostrum, necnon & nauium ipsarum magnitudinem mirantes. Ast tunc quiddam risu dignum accidit: nam cum machinarum tormentorumque bellicorum nostrorum quædã exonerare cõcuperemus, & propter hoc imposito igne,



igne, machinæ ipsæ horridissime tonuissent, pars illorum maxima, audito huiusmodi tonitruo, sese in mare natitans præcipitavit, ueluti solitæ sunt ranæ in ripa sidentes: quæ si fortassis tumultuosum quicquam audiunt, sese in profundum luti latitaturæ immergunt, quemadmodum & gens illa tunc fecerunt, illique eorum qui ad naues aufugerant, sic tunc perterriti fuerunt, ut nos facti nostri nosmet reprehenderemus. Verum illos mox securos esse fecimus, nec amplius stupidos esse permisimus, insinuantes eis quod cum talibus armis hostes nostros perimeremus. Postquam autem illos illa tota die in nauibus nostris festiue tractauimus, ipsos à nobis abituros esse monuimus, quoniam sequenti nocte nos abhinc abscedere cupiebamus. Quo audito, ipsi cum summa amicitia beneuolentiæque mox à nobis egressi sunt in hac gente eorumque terra quam multos eorum ritus uidi cognouique, in quibus hic diutius immorari non cupio. Cum postea nosse uestra queat maiestas, qualiter in quauis nauigationū harum mearum magis admiranda annotatūque digniora conscripserim, ac in libellum unum stylo geographico colligerem, quem libellum *Quatuordecim* intitulaui, & in quo singula particulariter & minutim notauimus: sed hætenus à me non emissi, ob id quòd illum adhuc reuifere collationarēque mihi necesse est. Terra illa gente multa populosa est, ac multis diuersisque animalibus & nostris paucissime similibus undique densissima: demptis leonibus, urfis, ceruis, suibus, caprellisque, & damis, quæ & quidem deformitatem quandam à nostris retinent: equis, ac mulis, asinisque, & canibus, ac omni minuto pecore, ut sunt oues & similia, necnon & uaccinis armentis penitus carent: ueruntamen aliis quàm plurimis ueriorum generum animalibus, quæ non facile dixerim, abundantes sunt: sed tamen omnia syluestria sunt, quibus in suis agendis minime utuntur. Quid plura? Hi tot tantisque diuersorum modorum ac colorum pennarūque alitibus fecundi sunt, ut id sit uisū enarratūque mirabile: regio siquidem illa multum amœna fructiferāque est, syluis ac nemoribus maximis plena, quæ omni tempore uirent, nec eorum unquam folia fluunt. Fructus etiam innumerabiles, & nostris omnino dissimiles habent. Hæcce tellus in torrida zona sita est directe sub Parallello, qui Cancris tropicum describit, unde polus Horizontis eiusdem se uiginti tribus gradibus eleuat in fine climatis secundi. Nobis autem inibi existentibus nos contemplatum populus multus aduenit, effigiem albedinēque nostram mirantes: quibus unde ueniremus sciscitantibus, è cœlo inuisendæ terræ gratia nos descendisse respondimus, quod & utique ipsi credebant: in hac tellure baptisteria fontē sue sacros plures instituimus: in quibus eorum infiniti seipsos baptizari fecerunt, se eorum lingua charaibi, hoc est, magnæ sapientiæ uiros uocantes. Et prouincia ipsa *Parias* ab ipsis nuncupata est. Postea autem portum illum terrāque derelinquentes, ac secundum collem transnauigantes, & terram ipsam uisū semper sequentes, DCCCLXX leucas à portu illo percurrimus, facientes gyros circuitūque interim multos, & cum gentibus multis conuersantes practicanesque: ubi in plerisque locis aurum, sed non in grandi copia, eminus cum nobis terras illas reperire, & si in eis aurum foret, tunc sufficeret cognoscere. Et quia tunc tredecim iam mensibus in nauigatione nostra perstiteramus, & naualia nostra, apparatusque nostri, toti penè consumpti erant, hominesque labore perfracti:



communem inter nos de restaurandis nauiculis nostris, quæ aquam undique recipiebant, & repetunda Hispania iniuimus concordiam: in qua dum peristeremus unanimitate, prope portum unum eramus totius orbis optimū, in quem cum nauibus nostris introeuntes, gentem ibidem infinitam inuenimus, quæ nos cum magna suscepit amicitia: in terra autem illa nauiculam unam cum reliquis nauiculis nostris ac doliis nouam fabricauimus, ipsasque machinas nostras ac tormenta bellica, quæ in aquis undique penè perierant, in terram suscepimus, nostrasque naues ab eis exonerauimus, & post hæc in terram traximus, & refecimus correximúsque, & penitus reparauimus. In qua re eiusdem telluris incolæ, non paruum nobis adiuuamen exhibuere, quinimmo nobis de suis uictualibus ex affectu largiti sponte sua fuere, propter quod inibi perpauca de nostris consumpsimus: quam quidem rem ingenti pro beneplacito duximus, cum satis tenuia tunc teneremus, cum quibus Hispaniam nostram non nisi indigentes repetere potuissēmus. In portu autem illo XXXVII diebus perstitimus, frequentius ad populationes eorum cum eis euntes, ubi singuli nobis non paruū exhibebant honorem. Nobis autem portum eundem exire, & nauigationem nostram reflectere concupiscentibus, conquesti sunt illi gentem quandam ualde ferocem, & eis infestam existere, qui certo anni tempore per uiam maris in ipsam eorum terram per insidias ingressi, nunc proditorie, nunc per uim quam multos eorum interimerent, manducarētque deinde: alios uero in suam terram suasque domos captiuatos ducerent, contra quos ipsi se uix defendere possent, nobis insinuantes gentem illam quandam inhabitare insulam, quæ in mari leucis centum aut circiter erat. Quam rem ipsi nobis cum tanto affectu ac querimonia commemorauerunt, ut eis ex condolentia magna crederemus, promitteremúsque, ut de tantis eos uindicaremus iniuriis: propter quod illi lætantes non parum effecti, sese nobiscum uenturos sponte sua propria obtulerunt, quod plures ob causas acceptare recusauimus, demptis septem, quos data conditione recepimus, ut soli in suis lintribus in propria remearent, quoniam reducendorum eorum curam suscipere nequaquam intendebamus, cui conditioni ipsi quàm gratanter acquieuerunt. Et ita illos amicos nostros plurimum effectos derelinquentes, ab eis abcessimus. Restauratis autem reparatisque naualibus nostris, septem per gyrum maris, uento inter Græcum & Leuantem nos ducente, nauigauimus dies. Post quos plurimis obuiauimus insulis, quarum quidem aliæ habitatæ, aliæ uero desertæ erant. Harum igitur uni tandem appropinquantes, & naues nostras inibi sistere facientes, uidimus ibidem quam maximum gentis aceruum, qui insulam illam Ity nuncuparent, quibus prospectis, & nauiculis phaselisq; nostris uiris ualidis, & machinis tribus stipatis, terræ eidem uicinius appropinquantes, quadringentos uiros cum mulieribus quam multis iuxta littus esse conspeximus: qui, ut de prioribus habitū est, omnes nudi meatentes, corpore strenuo erant, necnon bellicosi plurimū, ualidíq; apparebant, cum siquidem omnes armis suis, arcubus uidelicet & sagittis, lanceisq; armati essent, quorum quoq; complures parmas etiam, quadratæue scuta gerebant, quibus sic opportune sese præmuniebant, ut eos in iaculandis sagittis suis in aliquo non impedirent. Cūque in phaselis nostris terræ ipsi quantus est sagittæ uolatus appropiasse-



appropriassemus, omnes citius in mare profilierunt, & infinitis emissis sagittis sese contra nos strenue, ne in terram descendere possemus, defendere occoeperunt. Omnes uero per corpus diuersis coloribus depicti, & uariis uolucrum pennis ornati erant: quos hi qui nobiscum uenerant aspicientes, illos ad praeliandum paratos esse, quotienscunque sic picti, aut auium plumis ornati sunt, nobis insinuauerunt. Intantum autem introitum terrae nobis impelierunt, ut saxiuomas machinas nostras in eos coacti fuerimus emittere, quarum audito tumultu, impetuque uiso, necnon ex eis plerisque in terram mortuis decidisse prospectis, omnes in terram sese receperunt. Tumque facto inter nos consilio, XLII de nobis in terram post eos concordauimus exilire, & aduersus eos magno animo pugnare, quod & quidem fecimus. Nam tum aduersum illos in terram cum armis nostris profiliuimus, contraque illi sic sese nobis opposuerunt, ut duabus ferme horis continuum inuicem gesserimus praelium, praeter id quod de eis magnam faceremus uictoriam, demptis eorum perpauis, quos balistarii colubrinariique nostri, suis interemerunt telis, quod idcirco ita effectum est, quia seipsos à nobis ac lanceis ensibusque nostris subtiliter subtrahebant. Veruntamen tanta demum in eos incurrimus uolentia, ut illos cum gladiis mucronibusque nostris cominus attingeremus. Quos quidem cum persensissent, omnes in fugam per syluas & nemora conuersi sunt, ac nos campi uictores, interfectis ex eis uulneratisque plurimis, deseruerunt. Hos autem pro die illa longiore fuga nequaquam insequi uoluimus, ob id quod fatigati nimium tunc essemus: quin potius ad naues nostras cum tanta septem illorum qui nobiscum uenerant, remeauimus laetitia, ut tantum in se gaudium uix ipsi suscipere possent. Sequenti autem aduentante die uidimus per insulam ipsam, copiosam gentium appropinquare cateruam, cornibus instrumentisque aliis, quibus in bellis utuntur, buccinantem: qui & quoque depicti omnes, ac uariis uolucrum plumis ornati erant, ita ut tueri mirabile foret: quibus perceptis, ex inito rursum inter nos deliberauimus consilio, ut si gens haec nobis inimicitias pararet, nosmet omnes in unum congregaremus, uideremusque mutuo semper, ac interim satageremus, ut amicos nobis illos efficeremus: quibus amicitiam nostram non recipientibus, illos quasi hostes tractaremus, ac quotquot ex eis comprehendere ualeremus, seruos nostros ac mancipia perpetua faceremus: & tunc armatiores ut potuimus circa plagam ipsam in gyrum nos collegimus. Illi uero, ut puto, praemachinarum nostrarum stupore, nos in terram tunc minime prohibuerunt exilire. Exiimus igitur in eos in terram quadrisariam diuisi, LVII uiri singuli decurionem suum sequentes, & cum eis longum manuale gessimus praelium. Veruntamen post diuturnam pugnam, plurimumque certamen, necnon interemptos ex eis multos, omnes in fugam coegimus, & adusque populationem eorum unam prosequuti fuimus: ubi comprehensis ex eis XXV captiuis, eandem eorum populationem igni combussimus, & insuper ad naues nostras cum ipsis XXV captiuis repedauimus, interfectis ex eadem gente uulneratisque plurimis. Ex nostris autem interempto duntaxat uno: sed uulneratis XXII, qui omnes ex dei adiutorio sanitatem recuperauerunt. Caeterum autem recursum in patriam per nos deliberato ordinatoque, uiri septem illi, qui nobiscum illuc uenerant, quorum quinque in praemisso bello uulnerati extiterant,



phaselo uno in insula illa arrepto, cum captiuis septem, quos illis tribuimus, tres uidelicet uiros, & quatuor mulieres in terram suam cum gaudio magno, magna uirium nostrarum admiratione regressi sunt. Nôsq; Hispaniæ uiam sequentes, Calicium tandem repetiimus portum, cum CCXXII captiuatis personis, decimoquinto Octobris die. Anno domini M CCCCXCIX. Vbi lætissime suscepti fuimus, ac ubi eosdem captiuos nostros uendidimus. Et hæc sunt quæ in hac nauigatione nostra priore, notatu digniora conspeximus.

DE SECUNDÆ NAVIGATIONIS CURSV.

**Q**UANTVM ad secundariæ nauigationis cursum, & ea quæ in illa memoratu digna conspexi, dicetur in sequentibus. Eandem igitur inchoantes nauigationem, Calicium exiimus portum, anno domini M CCCCLXXXIX, undecimo Maii die. Quo exitu factò, nos cursum nostrum Campiuridis ad insulas arripiētes, necnon ad insularum magnæ Canariæ uisum transabeuntes, in tantum nauigauimus, ut insulæ cuidam, quæ Ignis insula dicitur, applicarem: ubi facta nobis de lignis & aqua prouisione, & nauigatione nostra rursum per Lebeccium uentum incepta, post enauigatos XIX dies, terram quandam nouā tandem tenuimus, quam quidem firmā existere censuimus, contra illam de qua facta in superioribus mentio est, & quæ quidem terra in zona torrida extra lineam æquinoctialem ad partem Austri sita est: supra quam meridionalis polus se quinque exaltat gradibus extra quodcunque clima, distatque eadem terra à prænomi-  
natis insulis, ut per Lebeccium uentum constabat, leucis quingentis. In qua terra dies cum noctibus æquales XXVII Iunii, cum sol in Cancri tropico est, existere reperimus. Eandem terram in aquis omnino submersam, necnon magnis fluminibus perfusam esse inuenimus, quæ & quidem semet plurimum uiridem, & proceras altissimāsque arbores habentem monstrabat, unde neminem in illa esse tunc percepimus. Tum uero constitimus, & classem nostram ancorauimus, solutis nonnullis phaselis, cum quibus in terram ipsam accedere tentauimus. Porro nos aditum in illam quærentes, & circum eam sæpius gyran-  
tes, ipsam ut prædictum est, sic fluminum undis ubique perfusam inuenimus, ut nusquam locus esset, qui maximis aquis non immadesceret. Vidimus tamen interim per flumina ipsa signa quàm multa, quemadmodum ipsa eadem tellus inhabitata esset & incolis multis fœcunda. At quoniam eadem signa confideraturi, in ipsam descendere nequibamus, ad naues nostras reuerti concordauimus, quod & quidem fecimus. Quibus ab hinc exancoratis, postea inter Leuantem & Serocum uentum collateraliter secundum terram, sic spirante uento, nauigauimus, pertentantes sæpius interim, pluribus quàm quadraginta durantibus leucis, si in ipsam penetrare insulam ualeremus. Qui labor omnis inanis extitit: cum siquidem illo in latere maris fluxum, qui à Serocco ad magistralem abibat, sic uiolentum comperimus, ut idem mare se nauigabile non præberet. Quibus cognitis inconuenientibus, consilio factò conuenimus, ut nauigium nostrum



strum per mare ad magistralem reflecteremus: tuncq; secundum terram ipsam in tantum nauigauimus, ut tandem portui uni applicaremus, qui bellissimam insulam, bellissimūque sinum quendam in eius ingressu tenebat: supra quem nobis nauigantibus, ut in illum introire possemus, immensam in insula ipsa gentium turbam à mari quatuor leucis aut circiter distantem uidimus. Cuius rei gratia lætati non parum extitimus: Igitur paratis nauiculis nostris, ut in eandem insulam uaderemus, lintrem quandam, in qua personæ complures erant, ex alto mari uenire uidimus: propter quod tunc conuenimus, ut eis inuasissimos comprehenderemus: & tunc illos nauigare, & in gyrum, ne euadere possent, circumdare occœpimus: quibus sua quoque uice nitentibus, uidimus illos, aura temperata manente, remis suis omnibus sursum erectis, quasi firmos ac resistentes se significare uelle: quam rem sic idcirco illos efficere putauimus, ut inde nos in admirationem conuerterent. Cum uero sibi nos cominus appropinquare cognouissent, remis suis in aquam conuersis, terram uersus remigare incœperunt. At tunc nobiscum carbasum unam quadraginta quinque doliorum uolatu celerrimam educebamus, quæ tunc tali nauigio delata est, ut subito uentum super eos obtineret. Cùmque irruendi in illos aduenisset commoditas, ipsi sese apparatusque suum in phaselo suo ordinate spargentes, se quoque ad nauigandum accinxerunt. Itaque cum eos præteriissemus, tunc fugere conati sunt. At nos nonnullis tunc expeditis phaselis, ualidis uiris stipatis, illos tunc comprehendere putantes, mox in eos incurrimus: contra quos bis geminis ferè horis nobis nitentibus, nisi carbasus nostra, quæ cursu eos præterierat, rursum super eos reuersa fuisset, illos penitus amittebamus. Cum uero ipsi se eisdem nostris phaselis carbasoque undique constrictos esse perspicerent, omnes, qui circiter uiginti erant, & à terra duabus ferè leucis distabant, in mare saltu profilierunt: quos nos cum phaselis nostris tota prosequentes die, nullos ex eis, nisi tantummodo duos, prehendere potuimus, aliis omnibus in terram saluis abeuntibus. In lintre autem eorum quam deseruerant, bis gemini iuuenes exstabant, non de eorum gente geniti, sed quos in tellure aliena rapuerant, quorum singulis ex recenti uulnere uiriliter absciderant: quæ res admirationē non paruam nobis attulit. Hos autem cum in nostras suscepissemus nauiculas, nutibus nobis insinuarunt, quemadmodum illi eos ab ipsis manducandos abducerent: indicantes interim quòd gens hæc tam effera & crudelis, humanarum carnium comestrix, Canibali nuncuparetur. Postea autem nos ipsam eorum lintrem nobiscum trahentes, & cum nauiculis nostris cursum terram eorum uersus arripientes, parumper interim constitimus, & naues nostras media tantum leuca à plaga illa distantes ancorauimus, cum in populum plurimum oberrare uidissemus, in illam cum ipsis nauiculis nostri subito properauimus, ductis nobiscum duobus illis, quos in lintre à nobis inuasa comprehenderamus. Quamprimū autem terram ipsam pede contigimus, omnes trepidi & seipsos abdituri in uicinas nemorum latebras diffugerunt. Tum uero uno ex illis quos prehenderamus abire permissio, & plurimis illi amicitiae signis, necnon nolis, cymbalis, ac speculis plerisque datis, diximus ei, ne propter nos cæteri qui aufugerant expauescerent quoniam eorum amicos esse plurimum cupiebamus. Qui abiens iussa no-



stra solerter impleuit, gente illa tota, quadringentis uidelicet fere uiris, cum fœminis multis à syluis secum ad nos eductis. Qui inermes ad nos ubi cum nauiculis nostris eramus, omnes uenerunt, & cum quibus tunc amicitiam bonam firmauimus, restituto quoque eis alio, quem captiuum tenebamus, & pariter eorum lintrem, quam inualeramus per nauium nostrarum socios, apud quos erat, eis restitui mandauimus. Porro hæc eorum linter quæ ex solo arboris trunco cauata, & multum subtiliter effecta fuerat, longa uiginti sex passibus, & lata duobus brachiis erat: hanc cum à nobis recuperassent, & tuto in loco fluminis reposuissent, omnes à nobis repente fugerunt, nec nobiscum amplius conuersari uoluerunt. Quo tam barbaro facto comperto, illos malæ fidei, malæque conditionis existere cognouimus. Apud eos aurum duntaxat pauculum, quod ex auribus gestabant, uidimus. Itaque plaga illa relicta, & secundum eam nauigatis octoginta circiter leucis, stationem quandam nauiculis tutam reperimus, in quam introeuntes tantas inibi comperimus gentes, ut id admirabile foret. Cum quibus facta amicitia, iniuimus deinde cum eis ad plures eorum pagos, ubi multum secure, multumque honeste ab eis suscepti fuimus, & ab eis interim quingentos uniones unica nola emimus, cum auro modico, quod eis ex gratia contulimus. In hac terra uinum ex fructibus sementibusque expressum, ut cicerâ ceruissimæ albam & rubentem bibunt: melius autem ex myrrhæ pomis ualde bonis confectum erat: ex quibus cum multis quambonis aliis fructibus gustui sapidis, & corpori salubribus, abundanter comedimus: propterea quod tempestiue illuc adueneramus. Hæc eadem insula eorum rebus suppellectilium quam multum abundans est, gensque ipsa bonæ conuersationis & maioris pacificentia est, quam usquam alibi repererimus aliam. In hoc portu decem & septem diebus cum ingenti placito perstitimus, uenientibus quotidie ad nos populis multis, nos effigiemque nostram & albedinem necnon uestimenta armæque nostra, & nauium nostrarum magnitudinem admirantibus. Hi etiam nobis gentem quandam eis infestam, occidentem uersus existere retulerunt: quæ gens infinitam habebat unionum quantitatem, quodque quos ipsi habebant uniones, eisdem inimicis suis in belligerationibus aduersus eos habitis abstulerant: nos quoque & quemadmodum illos piscarentur, & quemadmodum nascerentur edocentes. Quorum dicta uera profecto esse cognouimus, prout & maiestas uestra posthæc amplius intelligere poterit. Relicto autem portu illo, & secundum plagam eandem, in quam continue gentes affluere prospiciebamus, cursu nostro producto, portum quendam alium reficiendæ unius nauiculæ nostræ gratia subluimus in quo gentem multam esse comperimus, cum quibus nec ui, nec amicitia conuersationem obtinere ualuimus: illis si quandoque in terram cum nauiculis nostris descenderemus, se contra nos aspere defendentibus, & si quandoque nos sustinere non ualerent, in syluas aufugientibus, & nos nequaquam expectantibus: quorum tantam barbariem nos cognoscentes, ab eis ex hinc discessimus. Tuncque inter nauigandum insulam quandam in mari leucis à terra quindecim distantem uidimus, quam si in ea populus quispiam esset, inuisere concordauimus. In illam igitur accelerantes, quandam inibi inuenimus gentem, quæ omnium bestialissima simplicissimaque



cissimâque omnium quoque gratiosissima benignissimâque erat. Cuius quidem gentis ritus & mores eiusmodi sunt.

De eiusdem gentis ritu & moribus.

Cap. VII.

**H I V V L T V** ac gestu corporis brutales admodum extant, singulique maxillas herba quadam uiridi introrsum repletas habebant, quam pecudum instar usque ruminabant, ita ut uix quicquam eloqui possent: quorum quoque singuli ex collo pusillas siccatasque cucurbitas duas, alteram herba ipsa, quam in ore tenebant, alteram uero farina quadam albida, gypso minuto simili plenam gerebant, habito bacillo quodam, quem in ore suo madefactum masticatumque sæpius, in cucurbitam farina repletam mittebant, & deinde cum eo de eadem farina extrahebant, quam sibi post hæc in ore utrinque ponebant, herbam ipsam, quam in ore gestabant, eadem farina respergitando: & hoc frequentissime paulatimque efficiebant. Quam rem nos admirati, illius causam secretumque, aut cur ita facerent, satis nequiuimus comprehendere. Hæcce gens, ut experimento didicimus, ad nos adeo familiariter aduenit, ac si nobiscum sæpius antea negotiati fuissent, & longæuam amicitiam habuissent. Nobis autem per plagam ipsam cum eis ambulantes colloquentibusque, & interim recentem aquam bibere desiderantibus, ipsi per signa, se talibus aquis penitus carere insinuantes, ultro de herba farinâque quam in ore gestabant offerebant: propter quod regionem eandem aquis deficientem, quodque ut sitim subleuarent suam, herbam ac farinam talem in ore gestarent intelleximus. Vnde factum est, ut nobis ita meantibus, & circum plagam eandem una die cum media illos concomitantibus, uiuidam aquam nusquam inuenerimus, cognouerimusque quod ea quam bibeant aqua, ex rore noctu super certis foliis, auriculis asini similibus, decidente collecta erat. Quæ quidem folia eiusmodi rore nocturno tempore se implebant: ex quo rore, qui optimus est, idem populus bibebat: sed tamen talibus foliis pleraque eorum loca deficiebant. Hæcce gens uictualibus, quæ in terra solida sunt, penitus carent: quinimo ex piscibus quos in mari piscantur uiuunt. Etenim apud eos, qui magni pisces existunt, piscium ingens abundat copia, ex quibus ipsi plurimos turtures, ac quam bonos pisces alios plures ultro nobis obtulerunt. Eorum uxores herba, quam in ore uiri ipsi gerebant, nusquam utebantur: uerum singulæ cucurbitam unam aqua impletam, ex qua biberent habebant. Nullos domorum pagos, nullaque tuguria gens hæc habet, præterquam folia grandia quædam, sub quibus à solis feruore, sed non ab imbris se protegent: propter quod autumabile est, quod parum in terra illa pluit. Cum autem ad piscandum mare adierint, folium unum adeo grande secum quisque piscaturus effert, ut in illo in terram defixo, & ad solis meatum uersato, sub illius umbra aduersus æstum totum se abscondat. Hacce in insula quam multa uariorum generum animalia sunt, quæ omnia aquam lutulentam bibunt. Videntes autem quod in ea commodi nihil nancisceremur, nos relicta illa aliam quandam insulam tenuimus: in quam nos ingredientibus, & recentem unde biberemus aquam inuestigantes, putantes interim ipsam eandem terram à nullis esse habitatam, propterea quod in ea neminem inter adueniendum prospexeramus, dum per arenam deambularem, uestigia pedum quam-



magna nonnulla uidimus, ex quibus censuimus, quod si eisdem pedibus reliqua membra respondebant, homines in eadem terra grandissimi habitabant. Nobis autem ita per arenam deambulantibus, uiam unam in terram deducentem comperimus, secundum quam nouem de nobis euntes, insulam ipsam inuisere parauimus, ob id quod non quamspatiosam illam, nec quam multas in ea habitare gentes existimauius. Pererrata igitur secundum eandem uiam una fere leuca, quinque in conualle quadam, quæ populatæ apparebant, uidimus casas: in quas introeuntes quinque in illis reperimus mulieres, uetulas uidelicet duas & iuenculas tres: quæ quidem omnes sic statura proceræ erant, ut inde ualde miraremur. Hæ autem protinus ut nos intuitæ sunt, adeo stupefactæ permanserunt, ut aufugiendi animo penitus deficerent. Tūque uetulæ ipsæ lingua eorum nobiscum blandiuscule loquentes, & sese omnes in casam unam recipientes, per multa nobis de suis uictualibus obtulerunt. Eadem uero omnes longissimo uiro statura grandiores erant, & quidem æque grandes ut Franciscus de Albicio, sed meliore quàm nos sumus proportionem compactæ. Quibus ita compertis, posthæc unā conuenimus, ut iuenculis ipsis per uim arreptis, eas in Castiliam quasi rem admirandam abduceremus: in qua deliberatione nobis existentibus, ecce triginta sex, uel circiter uiri, multo quàm sceminæ ipsæ altiores, & adeo egregie compositi, ut illos inspicere delectabile foret, casam ipsam introire occæperunt: propter quos tanta tunc affecti fuimus animi turbatione, ut satius apud nauiculas nostras quàm cum tali gente esse duxissemus. Hi etenim ingentes arcus & sagittas, necnon & sudes perticæque magnas instar clauarum ferebant. Qui ingressi loquebantur quoque inter se mutuo, ac si nos comprehendere uellent. Quo tali periculo percepto, diuersa etiam inter nos tunc fecimus consilia: unis ut illos in ipsa eadem casa inuaderemus: aliis uero nequaquam, sed foris potius & in platea: & aliis ut nusquam aduersus eos pugnam quæreremus, donec quid agere uellent intelligeremus, asseuerantibus. Inter quæ consilia casam illam simulate exiuius, & ad naues nostras remeare occæpimus: ipsique quantus est lapidis iactus, mutuo semper loquentes nos insequuti sunt, haud minore quàm nos, ut autumo, repedantes formidine, cum nobis manentibus ipsi quoque eminus manerent, & nisi nobis ambulantibus non ambularent. Cum uero ad naues nostras pertigissemus, & in illas ex ordine introiremus, mox omnes in mare profilierunt, & quam multas post nos sagittas suas iaculati sunt, sed tunc eos perparum metuebamus: nam tunc machinarum nostrarum duas in eos, potius ut terrerentur quàm ut interirent, emisimus. Quarum quidem tumultu percepto, omnes confestim in montem unum propinquum fuga abierunt. Et ita ab eis erepti fuimus, discessimusque pariter. Hi omnes nudi, ut de prioribus habitum est, eunt. Appellauimusque insulam illam, Gigantum, ob proceritatem eorum, insulam. Nobis autem ulterius, & à terra paulo distantius transsemigantibus sæpius interdum cum eis pugnasse nobis accidit, ob id quod quicquam à tellure sua sibi tolli nequaquam permittere uellent. Et utique quidem repetundæ Castiliæ propositum iam nobis in mentem subierat, ob id potissimum, quod uno iam fere anno in mari perstiteramus, nec nisi tenuem alimentorum necessariorumque aliorum



aliorum munitionem retinebamus. Quæ & quidem adhuc ex uehementibus, quos pertuleramus, solis caloribus iam contaminata inquinatæque erant, cum ab exitu nostro à Campiuridis insulis usque tunc continue per torridam nauigassemus zonam, & transuerſim per lineam æquinoctialem bis, ut præhabitu est. In qua quidem uoluntate nobis perseuerantibus, nos à laboribus subleuare nostris sanctifico complacuit spiritui: nempe receptum quempiam pro rursum nouandis naualibus nostris nobis quærentibus, ad gentem quandam peruenimus, quæ nos cum maxima suscepit amicitia, & quam quidem unionum perlarum orientaliū comperimus in numero maximo tenere. Propter quod quadraginta & septem diebus ibi perstitimus, & centum, decem & nouem unionū marchas, pretio, ut æstimabamus, quadraginta non superante ducatos, ab eis comparauimus. Nam nolas, specularia, cryſtallinosque nonnullos, necnon leuissima electri folia eis tantum propter ea tradidimus. Nempe quotquot quilibet eorum obtineret uniones, eos pro sola nola donabat. Didicimus quoque interdum ab eis, quomodo & ubi illos piscarentur: qui & quidem ostreolas, in quibus nascuntur, nobis plures largiti sunt. Et pariter nonnullas mercati fuimus: ubi in quibusdam centum & triginta uniones, in quibusdam uero non totidem reperiiebantur. Noueritque maiestas uestra, quòd nisi permaturi sint, & à conchiliis in quibus gignuntur, per sese excidant, omnino perfecti non sunt. Quinimo in breui, ut sæpius ipse expertus sum, emarcescunt, & in nihil redacti sunt. Cum uero maturi fuerint, in ostrea ipsa inter carnes, præter id quòd ipsis carnibus hæreant, se separant: & huiuscemodi optimi sunt. Effluxis igitur quadraginta & septem diebus, necnon gente illa, quam nobis plurimum amicam effeceramus, relicta, hinc ab eis excessimus, ob plurimarum rerum nostrarum indigentiam, uenimusque ad Antigliæ insulam, quam paucis nuper ab annis Christophorus Columbus discooperuit, in qua reculas nostras ac naualia reficiendo, mensibus duobus & diebus totidem permansimus, plures interdum Christicolarum inibi conuersantium contumelias perpetiundo, quas prolixus ne nimium fiam, hic omitto. Eandem uero insulam uigesimasecunda Iulii deferentes, percurſa unius mensis cum medio nauigatione, Calicium tandem portum octauo mensis Septembris subiuiimus: ubi cum honore profectūque suscepti fuimus. Et sic per dei placitum finem nostra cepit secunda nauigatio.

AMERICI VESPVTVII NAVIGATIONE  
TERTIA.

E in Sibillia existente, & à pœnis atque laboribus, quos inter præmemoratas pertuleram nauigationes, paulisper requiescente desiderantēque post hæc in perlarum terram remeare, fortuna

M fatigationum mearum nequaquam adhuc satura, serenissimo illi domino Emanueli Portugalliæ regi misit in cor, nescio ut quid, ut destinato nuntio literas regales suas ad me transmitteret, quibus plurimum rogabat, ut ad eum apud Lisbonam celerius me transferrem: ipse etenim mirabilia mihi plurima faceret. Super qua re nondum tunc deliberaui: quinimo ei per eundemet nuntium, me minus bene dispositum, & tunc male ha-



bere significauit . uerum si quandoque reconualescerem , & maiestati eius regiae meum forsan complaceret obsequium , omnia quaecunque uellet ex animo perficerem . Qui rex percipiens , quod me ad se tunc traducere nequiret , Iulianum Bartholomæum Iucundum , qui tunc in Lisbona erat , rursum ad me destinauit , cum commissione , ut omnibus modis me ad eundem regem secum perduceret . Propter cuius Iuliani aduentum & preces , coactus tunc fui ad regem ipsum meare : quod qui me nouerant omnes , malum esse iudicauerunt . Et ita à Castilia , ubi honor mihi non modicus exhibitus extiterat , ac rex ipse Castiliæ existimationem de me bonam conceperat , profectus sum : & quod deterius fuit , hospite insalutato , ac mox coram ipso rege domino Emanuele meipsum obtuli . Qui rex de aduentu meo non paruam uisus est concepisse lætitiā , plurimum me interdum rogans , ut unā cum tribus eius conseruantia nauibus , quæ ad exeundum , & ad nouarum terrarum inquisitionem præparatæ erant , proficisci uellem : & ita , quia regum præces præcepta sunt , ad eius uotum consensi .

Tempus profectionis tertiæ.

IGITVR ab hoc Lisbonæ portu cum tribus conseruantia nauibus die Maii decima MDI abeuntes , cursum nostrum uersus magnæ Canariæ insulas arripuimus , secundum quas & ad earum prospectum instanter enauigantes , idem nauigium nostrum collateraliter secundum Africam occidentem uersus sequuti fuimus . Vbi piscium quorundam , quos Parghi nuncupant , multitudinem maximam in æquore predidimus , tribus inibi diebus moram facientes . Exinde autem ad partem illam Aethiopiæ , quæ Besilicca dicitur , deuenimus : quæ quidem sub torrida zona posita est , & super quam quatuordecim gradibus se Septentrionalis erigit polus in climate primo : ubi diebus undecim nobis de lignis & aqua prouisionem parantes restitimus , propter id quod Austrum uersus per Atlanticum pelagus nauigandi mihi inesset affectus . Itaque portum Aethiopiæ illum post hæc relinquentes , tunc per Lebecium uentum in tantum nauigauimus , ut sexaginta & septem infra dies insulæ cuidam applicuerimus , quæ insula septingentis à portu eodem leucis ad Lebecii partem distaret . In quibus quidem diebus peius perpassi tempus fuimus , quàm unquam in mari quisquam antea pertulerit , propter uentorum nimborumue impetus , qui quamplurima nobis intulere grauamina , ex eo quòd nauigium nostrum lineæ præsertim æquinoctiali continue iunctum fuit . Inibique in mense Iunio hyems extat , ac dies noctibus æquales sunt , atque ipsæ umbræ nostræ continue uersus meridiem erant . Tandem uero omnitonanti placuit nouam unam nobis ostendere plagam , decima septima scilicet Augusti , iuxta quam , leuca sepositi ab eadem cum media , restitimus , & postea assumptis cymbis nonnullis in ipsam uisuri si inhabitata esset , profecti fuimus . Quam & quidem incolas plurimos habitare reperimus , qui bestiis prauiores erant , quemadmodum maiestas regia uestra posthæc intelliget , In hoc uero introitus nostri principio gentem non percepimus aliquam , quanuis oram ipsam per signa plurima , quæ uidimus , populo multo repletam esse intellexerimus . De qua quidem ora pro ipso



ipso serenissimo Castiliæ rege possessorii cepimus, inuenimûsq; illam multum amœnam ac uiridem esse, & apparentiæ bonæ. Est autem extra lineam æquinoctialem Austrum uersus quinque gradibus: & ita eadem die ad naues nostras repedaui. Quia uero lignorum & aquæ penuriam patiebamur, concordauimus iterum in terram altera die reuerti, ut nobis de necessariis prouideremus: in qua quidem nobis extantibus, uidimus stantes in unius montis cacumine gentes quæ deorsum descendere non auderent, erântque nudi omnes, necnon confimilis effigiei colorisq; ut de superioribus habitum est. Nobis autem satagentibus, ut nobiscum conuersatum accederent, non sic securos eos efficere ualuimus, ut de nobis adhuc non diffiderent. Quorum obstinatione proteruiâque cognita, ad naues sub noctem remeauimus, relictis in terra, uidentibus illis, nolis speculisque nonnullis, ac rebus aliis. Cûmque nos in mari eminus esse prospicerent, omnes de ipso monte propter reculas quas reliqueramus descenderunt, plurima inter se admirationis signa facientes. Nec tunc de aliquo, nisi de aqua nobis prouidimus. Craftino autem effecto mane, uidimus è nauibus gentem eandem numero quàm antea maiorem, passim per terram ignes fumôsque facientem: unde nos existimantes, quòd nos per hoc ad se inuitarent, iuimus ad eos in terram, ubi tunc populum plurimum aduenisse conspeximus, qui tamen à nobis longe seipsos tenebant, signa facientes interim nonnulla, ut cum eis interius in insulam uaderemus. Propter quod factum est, ut ex Christicolis nostris duo protinus ad hoc parati, periculo ad tales eundi semetipsos exponerent, ut quales gentes ipsi forent, aut si quas diuitias speciësue aromaticas ullas haberent, ipsi cognoscerent. Quapropter in tantum nauium prætorem rogitauerunt, ut eis quod postulabant annueret. Tum uero illi ad hoc sese accingentes, necnon plerasque de rebus suis minutis secum fumentes, ut inde à gentibus eisdem mererentur alias, abierunt à nobis, data conditione, ut ad nos post quinque dies ad summum remeare solliciti essent: nos etenim illos tamdiu expectaremus. Et ita tunc iter suum in terram arripuerunt, atque nos ad naues nostras regressum cepimus, ubi expectando eos diebus octo perstitimus: in quibus diebus gens permulta noua dietim ferè ad plagam ipsam adueniebat, sed nusquam nobiscum colloqui uoluerunt. Septima igitur aduentante die nos in terram ipsam iterum tendentes, gentem illam mulieres suas omnes secum adduxisse reperimus. Quàm uero primû illuc peruenimus, mox ex eisdem uxoribus suis ad colloquendum nobiscum quamplures miserunt, fœminis tamen eisdem non satis de nobis confidentibus. Quod quidem nos attendentes, concordauimus ut iuuenem unum è nobis, qui ualidus agilisq; nimium esset, ad eas quoque transmitteremus: & tunc ut minus fœminæ eadem metuerent, in nauiculas nostras introiui. Quo egresso iuvene, cum seipsum inter illas immiscuisset, ac illæ omnes circumstantes contingerent palparéntque eum, & propter eum non parum admirarentur: ecce interea de monte fœmina una uallum magnum manu gestans aduenit: quæ postquam ubi iuuenis ipse erat appropiauit, tali eum ualli sui ictu à tergo percussit, ut subito mortuus in terram concideret: quem confestim mulieres aliæ corripientes, illum in montē à pedibus pertraxerunt, uirîq; ipsi qui in monte erant, ad littus cum arcubus & sagittis adueniētes,



ac sagittas suas in nos conicientes, tali gentem nostram affecerunt stupore, ob id quòd nauiculæ illæ, in quibus erant, harenam nauigando radebant, nec celeriter aufugere tunc poterant, ut sumendorum armorum suorum memoriam nemo tunc haberet: & ita quamplures contra nos sagittas suas eiacularantur. Tum uero in eos quatuor machinarum nostrarum fulmina, licet neminem attingentia, emisimus. Quo audito tonitruo, omnes cursim in montem fugerunt, ubi mulieres ipsæ erant, quæ iuuenem nostrum quem trucidauerant, nobis uidentibus in frustra secabant, necnon frustra ipsa nobis ostentantes, ad ingentem quem succenderant ignem torrebant, & deinde post hæc manducabant. Viri quoque ipsi signa nobis similiter facientes, geminos Christicolas nostros alios se pariter permisse manducasseque insinuabant: quibus, qui & utique uera loquebantur, in hoc ipso credidimus. Cuius nos improprii uehementius piguit, cum immanitatem quam in mortuum exercebant, oculis intueremur ipsi propriis. Quamobrem plures quàm quadraginta de nobis in animo stabiliueramus, ut omnes pariter terram ipsam impetu petentes, tam immane factum, tamque bestialem ferociam uindicatum uaderemus. Sed hoc ipsum nobis Nauiprætor non permisit: & ita tam magnam, ac tam grauem iniuriam passi, cum maleuolo animo, & grandi opprobrio nostro, efficiente hoc Nauipræceptore nostro, impunitis illis abscessimus. Postquam autem terram illam reliquimus, mox inter Leuantem & Seroccum uentum, secundum quos se continet terra, nauigare occœpimus, plurimos ambitus, plurimòsque gyros interdum sectantes: quibus durantibus gentes non uidimus, quæ nobiscum praticare, aut ad nos appropinquare uoluerint. In tantum uero nauigauimus, ut tellurem unam nouam, quæ secundum Lebecium se porrigeret, inuenerimus. In qua cum campum unum circuiuissemus, cui sancti Vincentii campo nomen indidimus, secundum Lebecium uentum post hæc nauigare occœpimus: distatque idem sancti Vincentii campus à priore terra illa, ubi Christicolæ nostri extiterunt interempti, centum quinquaginta leucis ad partem Leuantis: qui & quidem campus octo gradibus extra lineam æquinoctialem uersus Austrum est. Cum igitur ita uagantes iremus, quadam die copiosam gentium multitudinem, nos nauiumq; nostrarum uastitatem mirantium, in terra una alia esse conspeximus, apud quos tuto in loco mox restitimus, & deinde in terram ipsam ad eos ex nauiculis nostris descendimus: quos quidem mitioris esse conditionis quàm priores reperimus: nam etsi in edomandis illis diu elaborauimus: amicos tamen nostros eos tandè effecimus: cum quibus negotiando praticandoque uarie quinque mansimus diebus, ubi cannas, fistulas uirides, plurimum grossas, & etiam nonnullas in arborum cacuminibus siccas inuenimus. Concordauimus autem, ut ex eadem gente duos, qui nos eorum linguam edocerent, inde traduceremus. Quamobrem tres ex eis, ut in Portugalliam uenirent, nos ultro comitati sunt. Et quoniam me omnia prosequi ac describere piget, dignetur uestra nosse maiestas quòd nos portum illum linquentes, per Lebecium uentum, & in uisu terræ semper transcurrimus, plures continue faciendo scalas plurèsq; ambitus, ac interdum cum multis populis loquendo, donec tandem uersus Austrum extra Capricorni tropicum fuimus. Vbi super Horizonta illum meridionalis polus trigintaduobus sese extollebat gradibus, atque



atque minorem iam perdideramus Vrsam, ipsaque maior Vrsa multum infima uidebatur, ferè in fine Horizontis se ostentans, & tunc per stellas alterius meridionalis poli nosmetipsos dirigebamur, quæ multo plures, multoque maiores ac lucidiores, quàm nostri poli stellæ existunt: propter quod plurimarum illarum figuras confinxi, & præsertim earum quæ prioris ac maioris magnitudinis erant, unà cum declinatione diametrorum, quas circa polum Austri efficiunt, & unà cum denotatione earundem diametrorum, & semidiametrorum earum, prout in meis quatuor diætiis, siue nauigationibus inspicere facile poterit. Hocce uero nauigio nostro, à campo sancti Augustini incepto, septingentas percurrimus leucas, uidelicet uersus Ponentem centum, & uersus Lebeccium sexingentas: quas quidem dum peragraremus, siquis quæ uidimus enumerare uellet, non totidem ei papyreæ chartæ sufficerent. Nec quidem interdum magni commodi res inuenimus, demptis infinitis casæ arboribus, & pariter plurimis, quæ laminas certas producunt, cum quibus & miranda alia permulta uidimus, quæ fastidiosa recensitu forent. Et in hac quidem peragratione decem ferè mensibus extitimus. In qua cognito quòd mineralia nulla reperiēbamus, conuenimus unà, ut ab inde surgentes aliò per mare euagaremur. Quo inito inter nos consilio, mox editum fuit, ac in omnem coetum nostrum uulgatum, ut quicquid in tali nauigatione præcipiendum censerem, id ipsum integritè fieret. Propter quod confestim edixi, mandauique ubique, ut de lignis & aqua pro sex mensibus munitionem omnes sibi pararent: nam per nauium magistros nos cum nauibus nostris adhuc tantundem nauigare posse indicatum est. Qua quidem, quam edixeram, facta prouisione, nos oram illam linquentes, & inde nauigationem nostram per Serocum uentum initantes, Februarii decimatertia uidelicet, cum sol æquinoctio iam appropinquaret, & ad hoc Septentrionis hemisphærium nostrum uergeret, in tantum peruagati fuimus, ut meridianum polum super horizonta illum quinquaginta duobus gradibus sublimatum inuenerimus, ita ut nec minoris Vrsæ, nec maioris stellæ amodo inspicere ualerent: Nam tunc à portu illo, à quo per Serocum abieramus, quingentis leucis longe iam facti eramus, tertia uidelicet Aprilis. Qua die tempestas ac procella in mari tam uehemens exorta est, ut uela nostra omnia colligere, & cum solo nudoque malo remigare compelleremur, perflante uehementissime Lebeccio, ac mari intumefcente, & aere turbulentissimo extante. Propter quem turbinis uiolentissimum impetum nostrates omnes non modico affecti fuerunt stupore. Noctes quoque tunc inibi quam maximæ erant. Etenim Aprilis septima, sole circa Arietis finem extante, ipsæ eadem noctes horarum quindecim repertæ sunt: hyemsq; etiam tunc inibi erat, ut uestra satis perpendere potest maiestas. Nobis autem sub hac nauigantibus turbulentia, terram unam Aprilis secunda uidimus, penes quam uiginti circiter leucas nauigantes appropiauius: uerum illam omnimodo brutalem & extraneam esse comperimus, in qua quidem nec portum quempiam, nec gentes aliquas fore conspeximus, ob id, ut arbitror, quòd tam asperum in ea frigus algeret, ut tam acerbum uix quisquam perpeti posset. Porro in tanto periculo, in tantâq; tempestatis importunitate nosmet tum reperimus, ut uix alteri alteros prægrandi turbine nos uideremus. Quam ob rem demum cum nauium prætore



pariter concordauimus, ut conuauitis nostris omnibus, terram illam linquendi, seque ab ea elongandi, & in Portugalliam remeandi signa faceremus. Quod consilium sanum quidem & utile fuit, cum si inibi nocte solum adhuc illa perstitissemus, dispersi omnes eramus: nempe cum hinc abiissemus, tam grandis die sequenti tempestas in mari excitata est, ut penitus obrui perditae metueremus. Propter quod plurima peregrinationum uota, necnon alias quamplures ceremonias, prout nautis mos esse solet, tunc fecimus. Sub quo tempestatis infortunio quinque nauigauimus diebus, demissis omnino uelis. In quibus quidem quinque diebus ducentas & quinquaginta in mari penetrauimus leucas, lineæ interdum æquinoctiali, necnon mari & auræ temperationi semper appropinquando, per quod nos à præmissis eripere periculis altissimo deo placuit. Eratq; huiusmodi nostra nauigatio ad transmontanum uentum & Græcum, ob id quod ad Aethiopiæ latus pertingere cupiebamus, à quo per maris Atlantici fauces eundo, mille tercentum distabamus leucis. Ad illam autem per summi Tonantis gratiam Maii bis quina pertigimus die. Vbi in plaga una ad latus Austri, quæ Serraliona dicitur, quindecim diebus nos ipsos refrigerando fuimus. Et post hæc cursum nostrum uersus insulas Lyazori dictas arripuimus: quæ quidem insulæ à Serraliona ipsa septingentis & quinquaginta leucis distabant, ad quas sub Iulii finem peruenimus, & pariter quindecim inibi nos reficiendo perstitimus diebus. Post quos inde exiimus, & ad Lisbonæ nostræ recursum nos accinximus, à qua ad occidentis partem tercentum sepositi leucis eramus, & cuius tandem deinde portum MDII cum prospera saluatione ex cunctipotentis nutu rursus subiimus cum duabus duntaxat nauibus, ob id quod tertiam in Serraliona, quoniam amplius nauigare non posset, igni combusseramus. In hac autem nostra tertio cursu nauigatione, sexdecim circiter menses permansimus: è quibus undecim absque transmontanæ stellæ, necnon & maioris Ursæ minorisue aspectum nauigauimus, quo tempore nosmetipsos per aliam meridionalis poli stellam regebamus: quæ superius commemorata sunt, quæ in eadem nostra tertio facta nauigatione, relatu magis digna conspexi.

## DE QVARTAE NAVIGATIONIS CVRSV.



Elíquum autem est, ut quæ in quarta nauigatione nostra prospexerim edisseram. Quia uero iam præ longa narratione fastidisco, & quoque hæc eadem nostra nauigatio ad speratum à nobis finem minime perducta est, ob aduersitatem infortuniumue quoddam, quod in maris Atlantici nobis accidit finu: idcirco breuior fiam. Igitur ex Lisbonæ portu cum sex conseruantia nauibus exiimus, cum proposito, insulam unam uersus Horizontem positam inuisendi, quæ Melcha dicitur, & diuitiarum multarum famosa, necnon nauium omnium, siue à Gangetico, siue ab Indico mari uenientium, receptus siue statio est, quemadmodum Calitia receptus siue hospitale omnium nauigantium est, qui ab oriente in occidentem, & econuerso uagantur, prout de hoc ipso per Calicutiæ uiam fama est. Quæ quidem insula Melcha plus ad occidentem, Calicutia uero ipsa plus ad meridiem respicit. Quod



Quod idcirco cognouimus, quia ipsa in aspectu triginta trium graduum poli Antartici sita est. Decima ergo Maii die MDIII nobis unde supra egredientibus, cursum nostrum ad insulas uirides nuncupatas, primo direximus: ubi rerum necessariorum munimina, necnon & plura diuersorum modorum refrigeramina fumentes, & duodecim interdum inibi diebus cessantes, per uentum Serocum post hæc enauigare occœpimus, cum Nauidominus noster tanquam præsumptuosus capitolusq; præter necessitatem, & omnium nostrum unanimitatem, sed solum ut sese nostri & sex nauium præpositum ostentaret, iussit ut in Serralionam Australem Aethiopiæ terram tenderemus. Ad quam nobis accelerantibus, & illam tandem in conspectu habentibus, tam immanis & acerba suborta tempestas est, ac uentus contrarius, & fortuna aduersa inualuit, ut in ipsam, quam nostris ipsi uidebamus oculis, per quatrimum applicare non ualuerimus: quinimmo coacti fuerimus, ut illa relicta ad priorem nauigationem nostram regrederemur: quandoquidem nos per Suduesium, qui uentus est inter Meridiem & Lebeccium, reassumentes tercentum per illam arctitudinem nauigauimus leucas. Vnde factum est, ut nobis extra lineam æquinoctialem tribus penè gradibus iam tunc existentibus, terra quædam, à qua duodecim distabamus leucis, apparuerit: quæ apparitio non parua nos affecit admiratione: Terra etenim illa, insula in medio mari multum alta & admirabilis erat, quæ leucis duabus longior, & una dilatior non existerat: in qua quidem terra nunquam quisquam hominū aut fuerat, aut habitauerat: & nihilominus nobis infelicissima fuit. In illa enim per stolidum consilium suum & regimen, præfectus nauium noster nauem suam perdidit: nempe illa à scopulo quodam elisa, & inde propter hoc in rimas diuisa, sancti Laurentii nocte, quæ Augusti decima est, in mari penitus submersa extitit, nihil inde saluo manente, demptis tantummodo nautis: eratque nauis eadem doliorum trecentorū, in qua nostræ totius turbæ totalis potentia erat. Cum autem omnes circa illam satageremus, ut si forte ipsam è periculo subtrahere ualeremus, dedit mihi in mandatis idem nauium præfectus, ut cum nauicula una receptū quempiam bonum, ubi puppes nostras secure omnes recipere possemus, apud insulam eandem inuentum pergerem: nolens tamen ipse idem præfectus, ut nauem meam, quæ nouem nautis meis stipata, & in nauis periclitantis adiutorio intenta foret, mecum tunc traducerem, sed solum ut edixerat portum unum inquisitum irem, & in illo neuem meam ipsam mihi restitueret. Qua iussione recepta, ego ut mandauerat, sumpta mecum nautarū meorum medietate, in insulam ipsam, à qua quatuor distabamus leucis, properans, pulcherrimū inibi portum, ubi classem nostram omnem tute satis suscipere possemus inueni. Quo comperto, octo ibidem diebus eundem nauium præfectū cum reliqua turba expectando perstiti. Qui cum non aduenirent, moleste non parum pertuli: atq; qui mecum erant sic obstupescabant, ut nullo consolari modo uellent. Nobis autem in hac existentibus angustia, ipsa octaua die puppim unam per æquor aduentare conspeximus, cui ut nos percipere possent, mox obuiam iuimus; confidentes sperantesq; unā quod ad meliorem portum quempia nos secum ducerent. Quibus dum nos appropinquassemus, & uicissim nos salutassemus, retulerunt illi nobis, eiusdem præfecti nostri nauem in mari penitus,



demptis nautis, perditam extitisse. Quæ nuntia, ut contemplari uestra potest ma-  
 iestas, me non parua affecerunt molestia, cum à Lisbona, ad quam reuerti habe-  
 bam, mille longe existens leucis, in longo remotóq; mari me esse sentiré: nihilo-  
 minus tamen fortunæ nosmet subiicientes ulterius processimus, reuersiq; in pri-  
 mis fuimus ad memoratam insulam, ubi nobis de lignis & aqua in conseruan-  
 tiæ meæ nauí prouidimus. Erat uero eadem insula penitus inhospitata inhabita-  
 táq; multa aqua uiuida & suauis in illa scaturiente, cum infinitis arboribus innu-  
 merisq; uolucris marinis & terrestribus, quæ adeo simplices erant, ut sese ma-  
 nu comprehendi intrepide permetterent. Propter quod tot tunc predidimus,  
 ut nauiculam unam ex illis adimpleuerimus. In ea autem nulla alia inuenimus  
 animalia, præterquam mures quammaximos, & lacertas bifurcam caudam ha-  
 bentes, cum nonnullis serpentibus, quos etiam in ea uidimus. Igitur parata no-  
 bis inibi prouisione, sub uento inter meridiem & Lebeciú ducente perreximus,  
 ob id quod à rege mandatum acceperamus, ut qualicunq; non obstante pericu-  
 lo præcedentis nauigationis uiam insequeremur. Incepto ergo huiusmodi na-  
 uigio portum tandem unum inuenimus, quem omnium sanctorum Abbatiam  
 nuncupauimus, ad quem, prosperá annuente nobis auram altissimo, infra XVII  
 pertigimus dies: distátq; idem portus tertenti à præfata insula leucis: In quo qui-  
 dem portu nec præfectum nostrum, nec quenquam de turba alium reperimus,  
 etsi tamen in illo mensibus duobus & diebus quatuor expectauerimus: quibus  
 effluxis, uiso quod illuc nemo ueniret, conseruantia nostra tunc & ego concor-  
 dauimus, ut secundum latus longius progredieremur. Percursis itaq; ducentis sexa-  
 ginta leucis, portui cuidam alii applicuimus, in quo castellum unum erigere pro-  
 posuimus: quod & quidem profecto fecimus, relictis in illo uigintiquatuor Chri-  
 sticolis nobiscú existentibus, qui ex præfecti nostri puppe perditæ collecti fuerát.  
 Porro in eodem portu præfatum construendo castellum, & bresilico puppes no-  
 stras onustas efficiendo, quinq; perstitimus mensibus, ob id quod præ nautarum  
 perpaucitate, & plurimorú apparatusum necessitate, longius progredi non ualeba-  
 mus. Quibus superioribus ita peractis, concordauimus post hæc in Portugalliá  
 reuerti: quam rem per Græcum transmontanumq; uentú necesse nobis erat effi-  
 cere. Relictis igitur in castello præfato Christicolis uigintiquatuor, & cum illis  
 duodecim machinis, ac aliis pluribus armis uná cum prouisione pro sex mensi-  
 bus sufficiente, necnon pacata nobiscú telluris illius gente, de qua hic minima fit  
 mentio, licet infinitos inibi tunc uiderimus, & cum illis practicauerimus. Nam  
 quadraginta ferè leucas cum triginta ex eis in insulam ipsam penetrauimus. Vbi  
 interdum plurima perspeximus, quæ nunc subticescens libello meo quatuor nauig-  
 ationú referuo. Est' que eadem terra extra lineá æquinoctialem ad partē Austri  
 octodecim gradibus, & extra Lisbonæ meridianú ad occidentis partem triginta  
 quinq; prout instrumenta nostra monstrabant. Nos nauigationē nostram per  
 Nornordenfiú, qui inter Græcú transmontanumq; uentus est, cum animi pro-  
 posito ad hanc Lisbonæ ciuitatē proficiscendi initiantes, tandem post multos la-  
 bores, multaque pericula in hunc eiusdem Lisbonæ portum infra LXXVII dies  
 XXVIII Iunii, MDIII cum dei laude introiuimus. Vbi honorifice multú, & ul-  
 tra quàm sit credibile festiue suscepti fuimus, ob id quod ipsa tota ciuitas nos in  
 mari



mari disperditos esse existimabat, quemadmodum reliqui omnes de turba nostra per præfecti nostri navium stultam præsumptionem extiterant. Quo superbiam modo iustus omnium censor deus compensat. Et ita nunc apud Lisbonam ipsam subsisto, ignorans quid de me serenissimus ipse rex deinceps efficere cogitet, qui à tantis laboribus meis iam ex nunc requiescere plurimū peroptarem. Hunc nuntium maiestati uestre plurimū quoque interdum commendans.

EPISTOLA POTENTISSIMI AC INVICTISSIMI  
EMANVELIS REGIS PORTVGALLIAE ET ALGARBIORVM,  
DE VICTORIIS HABITIS IN INDIA ET MALACHA,  
AD S. IN CHRISTO PATREM ET DOMINVM  
NOSTRVM, DOMINVM LEONEM X  
PONT. MAX.

S Antissimo in Christo patri, ac beatissimo domino, domino nostro E. S. additissimus filius Emanuel, dei gratia rex Portugalliae, & Algarbiorum, citra ultrāque mare in Aphrica, dominus Guineae, & conquestae nauigationis ac commercii Aethiopiae, Arabiae, Persiae, atque Indiae, humillima beatorum pedum oscula.

Quantum deo optimo maximo, tantum & tibi gratulari debeamus, beatissime pater, uel ex nuntio, quod nostra Indica classis proxime attulit satis apparet. Quod enim te Pontifice Maximo, te S. Romanae ecclesiae & Christiano orbi praesidente, tam admiranda in dei laudem ac gloriam gesta tam ex uoto successerint, tua certe laus, tua gloria censi debet. Iure itaque uisum est, quae in India dei suffragio ad ipsius cultum spectantia nostris armis modo facta sunt, ad tuam sanctitatem, utpote totius Christianae reipublicae caput, & orthodoxae religionis normam, carptim ac summatim, ne stylum epistolarem excedamus, describere, ut pro rerum dignitate cuncta pensari, summoque deo accepta referri ualeant, ac indies sui sanctissimi nominis gliscentem laudem, Christianique dogmatis propagationem facile speremus. Igitur post plures dubii Martis uictorias, non sine labore & sanguine partas, India relictis in ea opportunis praesidiis, Alphonsus de Albiecher protopitaneus noster, ut iacturam quam superioribus annis nostri fecerant, iniuriamque ulcisceretur, auream Chersonesum, Malacham accolae appellant, contendit: ea est inter sinum magnum & Gangeticum sita urbs mirae magnitudinis, utque ulginti quinque milium & amplius, larium censeatur. Terra ipsa fecundissima, ac nobilissimarum, quas fert India, mercium feracissima: celebratissimum ob id emporium, ubi non modo uaria aromata, & omnigeni odores, sed auri quoque, & argenti, margaritarum, ac pretiosorum lapillorum magna copia affluit. Hanc rex Maurus gubernabat, eatenus uires suas Mahumetica secta protendente, caetera Gentiles tenent. Huc itaque cum instructa classe applicuisset Alphonsus, urbem oppugnare destinat. Quod praesentientes Sarraceni, bello se multis munitionibus & armis praeparauerant, sed frustra: nam commissio cum eis praelio, nostri tandem dei auxilio superiores, plurimis ex hostibus caesis, urbem ui intrant, occupant, data praedae libertate diripiunt, incendunt. Rex ipse, qui ex elephanto pugnabat, grauiter uulneratus, cum superstitibus Mauris fuga sibi



consuluit. In ea pugna magnus hostium numerus exiguo nostrorum damno interiit: capti plures: magna etiam ablata spolia, in quibus & septē ipsius regis bello affueti elephantes, suis turribus, sericis atq; auro intextis ephippiis, illius prouinciae more muniti, ac aëneorum omnis generis tormentorū ad duo milia summa arte fabricata. Capta sic urbe hostibūsq; profligatis, quo nostrae rei tutius consuleretur, in fluminis quod mediam urbem interfluit, ostio, unde terra marīq; subactō undiq; suae securitati prospiciat, munitissimam arcem murorum quindecim pedum latitudine construxit, ex lapide uidelicet, qui ex dirutis Sarracenorū, quas Mesquitas uocant, ædibus excerptus est. Mirabilis profecto diuina prouidentia, quod ubi tāto tēpore Mahumeticæ perfidiae cultus celebratus, ubi redēptoris nostri nomen toties blasphematū, inde occulto dei consilio magna sua laude ac fatanæ dedecore, qui tanto labore ac nostrorum sanguine tandiu pro catholicae fidei augmento affectamus, huic ædificio, & Christianis tam necessario operi opem acceperimus. Erant eo tempore Malachæ plures extranei, ac diuersarū nationum mercatores, scilicet Zamatri, Pegus, Iaames, Gores, & ab extremo oriente atq; ultima Sinarum regione Chines, aliīq; Gentiles, qui urbem commercii gratia frequentes multis diuitiis, auro, argento, margaritis, & pretiosis lapillis, Irrico etiam uellere, ac multifariis aromatibus & odoribus affatim replent. Hi cum multis quoq; finitimis ab Alphonso fœdus & amicitia ultro flagitantes, ab ipso & benigne & fauorabiliter sunt accepti, pactōq; commercii & mercaturæ tractatu, suas negotiationis domos circum arcem, ubi tutius uersari possent, secum transtulere: mutuo fœdere adeo læti, ut quanuis hætenus illud emporium omnium fuerit celeberrimum, deinceps tamen, si fieri poterit, multo maius ac celebrius futurū existimetur. Quin & ipsi Chines nuntium ad nos mittunt, à quo perfectius res suas intelligamus: atq; adeo tam hi quàm cæteri urbis accolæ dicto audire, imperatīsq; legibus parēre non recusarunt, ut reipublicæ regiminis, iustitiæq; officiales nostro nomine Alphonsi manu acceperint: quorum iudicio & arbitrio gubernantur, simul & monetam nostro ibi nomine cusam, tanquam regis dominīq; sui agnoscentes excipiunt, & expendunt, auream catholicos mille scilicet nummorū, argentum centum ualore Malachenfes inscribere. Hæc cum cognouisset rex de Afsiam, & gente & solo orientem uersus potentissimus, ad quem fama erat iure Malacham spectare, & à Mauris olim usurpatam, legato ad præfectum nostrum destinato, qui se suaque nostro manciparet obsequio, aureum simul craterem cum pretioso magnæque existimationis carbunculo, ensēque auro affabre elaboratum, in signum uidelicet recognitionis ac ueræ perpetuæque futuræ amicitiae dono misit: ad quem præfectus aliquos è nostris expertos uafrosque uiros intima regionis scrutaturos cum multis etiam muneribus remisit, unde maximū Dei obsequium & catholicae fidei augmentum fore non dubitamus. Rebus sic apud Malacham compositis, & obfirmato tractatus commercii fœdere, relicto in arce tormentis machinisque munitissima, sexcentorum etiam uirorū, ac strenuorum militū securo præsidio, & classe ad maritimæ oræ tutelam ultris armisq; optime instructa. Alphonsus in Indiam reuertens, Goæ urbis præcipuā arcem, quam ipse superioribus annis magno nostrorū periculo, sed maiore hostium strage occupauerat, nostræque ditioni & imperio adiunxerat, à Mauris obsessam reperit,



perit, extructa etiā iuxta alia firmissima arce, unde Ruminū Turcarūmq; sex milia nostros cōtinue infestabāt. Quos cum adoriretur præfectus, plurimis iam trucidatis, desperata salute, pacta tantūmodo corporum incolumitate, se tandē ac reliqua nostris dedidere: partīsq; & ibi machinarū, equorū, armorū, & huiusmodi haud cōtemnendis spoliis, quibuscū etiā qui inter Mauros reperti sunt apostatis, qui à fide nostra descuerāt, debito afflictis supplicio, urbē pristinæ quieti restituit. Appulerat interea Vabuli, urbi haud procul à Goa, presbyteri Ioannis potentissimi Christicolarū domini, ad præfectū nostrū legatus, qui eius nomine, ut Christiani Christiano omni ope omnia ad bellū contra catholicæ fidei hostes opportuna, militum exercitus, armorū ac com meatus præsidia ultro offerat: præsertim si mare Rubrū suo coniunctū dominio nostra classis traiciat, ubi cōmodissime utriusq; uires iungi possent, haud exiguū adorandæ & ueræ crucis lignū ad nos mittit, uiros uafros & industrios poscēs, quorū ingenio & artificio à Sultani territorio & regione ad Nilū deflecti aliquando & diuertere posse existimat. Aderant tunc apud nostrū præfectū à Narsingue rege legati, rege Gentili adeo potentissimo, ut mille & quingentos belligeros elephantes, armatorū equitū quadraginta milia, præter innumerū peditum numerū suo arbitrio in acie paruo negotio proferre tantūmq; agri possidere perhibeatur, quantū semestri uix itinere emetiri possit. Huic plures reges ac satrapes parent, quorū nonnulli maritimis oris proximi nobis sunt tributarii. Apud Alphonsum & Gambaia regis legatus, terra marīq; potentissimi, atq; inter Mauros maximi: item à Zabaio Goæ quondā domino, atq; à rege Grosapa, aliīq; complures regum satrapūmq; legati à nostro præfecto fœdus pacēmq; ultro exorantes, ac sua munera singuli afferētes. In hac etiam quæ proxime appulit classe, ab Armusii rege legatus cum multis margaritarū rerūmq; pretiosarū donis, in signum uidelicet fidelitatis & recognitionis ad nos uenit. Hunc regē Alphonsum idem, urbe opulentissima & præcipuo emporio Armusio ui capto, quindecim milium saraphorū (id est aurea moneta ducatis æquiualens) annuorū nobis tributariū effecerat. Inter hos successus, pater beatissime, diuino suffragante numine per uniuersam Indiā plurimi, spiritus sancti gratia ignēq; afflati, depositis gentilitiis erroribus indies ad nostrā religionē conuersi, ueram dei fidē agnoscunt. Ob quod deo optimo maximo summæ gratiæ sunt merito referendæ, quòd tam procul à nostro orbe in tam remotis regionibus, quòd ne fama quidē sui sanctissimi nominis penetrauerat, nostrāq; nunc opera sedulo suam uerā fidem cultūmq; celebrari, publicari ac propagari dignatus sit. Vnde proculdubio diuina fauente clemētia sperandum est, cum nunc præfectus noster ad mare Rubrum, ut eius ostio occupato, Sarracenis earum partium commercia interdicat, relictis in India opportunis præsidiis, ingenti classe properet, ut ibi coniunctis sub crucis uexillo presbyteri Ioannis nostrisq; uiribus, maximum dei obsequium, & Mahumeticæ sectæ detrimentum & ignominia sequatur, extremāque Orientis ora, quòd & sacras Apostolorum uoces intonuissē compertum est, occidentali nostræ propediem iungatur, & ad ueri dei cultum ipsius suffragante numine traducatur, S. sedi Apostolicæ, ac tuæ sanctitati ut optimo pastori, Christiani gregis more debitum obsequium & obedientiā oblatura. Bene ualeat beatitudo tua, quam pientissimus deus diu ac felicissime conseruare



& augere ad uotum dignetur. Datum in urbe nostra Olisipone, octauo Idus Iunias, anno domini M D XIII.

PR AEFATIO LVDOVICI VARTOMANNI BOLO-  
NIENSIS, QVI ET PATRI-  
TIVS ROMANVS.

LVRES ante me fuerūt, qui ut mirabilia mundi cognoscerēt, indefesso studio auctores quosq; , qui de his rebus scripserūt, legerunt, alii uero uiuæ uoci magis fidē adhibentes, à peregrinis hominibus, atq; è remotis regionibus aduentatibus hæc percontari maluerūt, quàm ex libris discere, qui plerunq; falsa ueris admixta habent. Fuerunt deniq; alii, qui tanto flagrarūt desiderio uisendi exterarum regiones, atq; cognoscendi peregrinos populorū mores, conditiones terrarū, & naturas rerum, ut nec librorū lectio, nec aduenarū narratio illorum sitim restinguerēt, sed potius accenderēt, & quodammodo cogerēt etiam cum iactura rerū familiarū egredi terras suas, & coràm ea uidere, quæ absentia illorū animos tanta sauciarent cupidine: id quod mihi planè, ut uerū fatear, usuuenisse scio: nihil enim erat, quod irrequietū animum meum sedare posset, quoties exterarū nationū mihi recordatio incideret, præsertim orientaliū, de quibus tam mira apud historicos & cosmographos leguntur, nisi ipse hæc lustrassem & oculis conspexissem. Sunt qui maiori ingenio præditi, hæc terrena tanquam humilia transcenderūt, & subuolantes in cælū usq; , motum illius atq; stellarū dispositionē subtili disquisitione inuestigarunt, & totū animi sui studiū huc destinarūt, ut singularū rerum, quæ in corporibus illis cœlestibus fiūt, rationes redderēt in terris, nihil iucundius & felicius ducentes, quàm de retrogradationibus, directionibus, absidū mutationibus, epicyclorū reuolutionibus, inclinationibus, deuiationibus, reflexionibus, & aliis id genus philosophari: quod neutiquam damnamus, imò laudamus, & perpetua memoria dignos huiusmodi uiros iudicamus: sed nostro pede nos metientes, grauem illam cœlestē sarcinā robustissimis humeris Atlantis atq; Herculis sustinentem relinquentes, repere uoluimus in terris, propriāq; in persona conspicere terrarū situs, hominū ritus & mores, uarietate animalū, arborū mirabiles proprietates & naturas, potissimū quæ apud Arabes, Persas, Indos & Aethiopes inueniuntur. Et cum in his inquirendis, tandē non nihil uotis nostris, laus deo, satisfecerimus, parū egisse arbitramur, nisi & hæc quæ uidimus & experti sumus, etiā aliis, qui ex taliū lectione uoluptate non mediocrē capiunt, impertierimus: in quorū fauorē totum iter nostrū, & uariū illū periculosūq; discursū, quæq; in tot & tam uariis regionibus, atq; hominū sectis experti sumus, uoluimus breui & ueraci describere sermone, non ignorātes ueritatē in his scriptis potissimū desiderari. Ceterū quid incōmodi in qualibet regione mihi acciderit, quantā passus sim famem, sitim, frigus, calorē, bellū, captiuitatē, cædes, terrores, & alia innumera pericula, obiter in ipso itineralio meo suis in locis ostendā. Tantū autē abest ut hæc perpeffa pericula me ab aliis regionibus adeundis coerceāt, ut etiam peruestigatis terris, quæ ad orientē, meridiem & occidentē sunt, iam deliberauerim adoriri aliud iter, exploraturus terras ad Aquilonem sitas, residuos uitæ meæ dies talibus consumpturus laboribus. Dominus prosperum reddat iter meum.

L V D O V I C I



LVDOVICI ROMANI PATRITII NAVIGATIONIS AETHIOPIAE, AEGIPTI, VTRIVSQUE ARABIAE, PERSIDIS, SYRIAE, AC INDIAE INTRA ET EXTRA GANGEM, LIBER PRIMVS, ARCHANGELO MADRIGNANO INTERPRETE.

De urbe Alexandria.

Cap. I.



**I** Q V I forte profectiois huius causam admirati, instituti mei abs me ratione contenderint, ii proculdubio sciant me non alia causa actum esse, quam ea qua & complures alii, qui uisendi orbis desiderio enixissime deflagrarunt: uerum quia pleraque reliqui orbis à nostris sunt crebrius peragrata aditu frequentiore, animo destinaui eas partes uisere, quae minus essent à nostris exploratae. Ob id Venetiis soluentes auspicato, idest non sine diuini numinis inuocatione, uela uentis dedimus, pelagoque commissi Alexandriam urbem Aegypti appulimus, & nouarum rerum aequae cupidi ac sitientes frigidam apprime exoptant. Illinc ueluti à compertiore orbis parte abscedentes, Nilo uecti Babylonem, cui Cayro recentior aetas nomen indidit, deuenimus.

De Babylone urbe Nilotica.

Cap. II.

**I** L L O' ut peruenimus, tanta sum affectus admiratione, ut uix id referre queam: ubi tamen propius accessi, licuitque urbem introspicere, reperta est sane fama longe inferior: quippe quae tanta non est inuenta, quantus erat rumor, neque urbe Roma maior est ambitu, licet sit multo frequentior, utpote quae longe plures habet indigenas: uerum sefellit compluscule suburbanus ager, qui uicis propè innumeris dispergitur: ob id rati sunt complures, eam esse Babylonis partem: quod minime conuenit, quando certe rura uicique huiusmodi ad secundum tertiumue lapidem ab urbe sunt rusculis haud absimiles. Nec operae pretium est ut denarrandis eorum fide ac moribus multum temporis absumamus: quando colliquecit ferme cunctis eam plagam à Mahumetanis atque Mamaluchis (ii sunt nostrae fidei desertores) cultam esse: quibus Syriae praefectus, Sultanus uocant, imperitat. Huic famulantur Mamaluchi, his uero Mahumetani.

De Berynto, Tripoli, ac Antiochia.

Cap. III.

**O** P E S, amenitatem, fastumque Babylonis, Mamaluchorumque siue peregrinorum militum mentionem, ceu notiora prudens praetereo. Relicta itaque Babylon urbe Nilotica, proniore uectus flumine rursus Alexandriam rediens ac mare nostrum ingressus Beryntum perueni, urbem Phoeniciae Syriae maritimam, ubi compluscule dies absumpsi. Ea à Mahumetanis colitur, nullius propè indiga: aquor moenia allatrat, nec usquam muro ambitur, nisi ubi pelago alluitur occidentem uersus. Nihil ibi memoratu dignum comperi, praeter id quod incolae memorant, locum scilicet uetustate exesum squalentemque, ubi autumat diuum Georgium regis filium à dracone immanissimo asseruisse, beluamque mactata parenti natam restituisse. Inde soluentes Tripolim uersus uelificauimus: ea est urbs Syriae, & à Berynto orientem uersus bidui itinere distat: cultores praefecto parent Syriae, patriae Mahumetanae addicti: uber est solum, & ob mercimonia omnium ferme rerum illic uisitur ubertas copiaque;



Antiochia.

incredibilis. Illinc discedens in urbē Comagenen Syriae Alep nomine me contuli: ea à nostris dicitur Antiochia, sub monte Tauro urbs est elegantissima & Babylonis Præfecto paret, ibique scalæ Turcarum & Syrorum: ita enim uulgo dicuntur: nam monti adiacet Olympo: Azamiorum Persarumque præsertim famigeratum est emporium: sunt enim Azamii Mesopotamii, Persis finitimi, Mahumetem colunt. Eo usque memorati populi ceu ad nundinas commercii causa contendunt. Illinc iter ad Turcas Syrosque habetur, ab illis comprimis, qui ab ea parte Mesopotamiæ, quæ Azamia dicitur, proficiscuntur.

De Aman &amp; Menin urbibus.

Cap. III.

INDE discedens Damascum contendi itinere decem dierum: uerum prius quàm Damascum peruenias, circiter medium iter urbs sita est Aman nomine. Ea fert xylon abunde, & fructus suaues admodum ferme omne genus. Progredientibus paulisper ad sextum lapidem à Damasco, obuia est urbs Menin nomine, quæ in cliuo montis posita est: colitur à Christianis Græcorum ritu. Ii principi Damasceno parent. Ibi uisuntur duæ conspicuæ basilicæ, quas ut memorant indigenæ, diua Helena Constantini parens construi iussit. Illic fructus omnifariam optimi, ediles uuæ præsertim: hortique perennibus fontibus irrigui. Inde itaque abiens tandem aliquando Damascum concessi.

De urbe Damasco.

Cap. v.

Hexarchatus

DICTV prope incredibile est, fidemque ferme omnem excedit, quàm elegans sit urbs Damascena, quàmue sit eius ager fecundus: nam urbis allectus amœnitate, inibi dies plurimos insumpsi moram trahens, ut eorum linguam doctus, mores incolarum imbiberem. Ea colitur à Mahumetanis Mamaluchisque eximie, necnon Christianis compluribus, qui ritu Græcorum degunt. Obiter non ab re fortasse erit, quippiam de eorum hexarchatu disserere. Ea, ut præfati sumus, Syriae Præfecto paret. Primum igitur omnium ibi arx est munitissima: huius fuisse auctorem ferunt Ethruscum quendam ex urbe Florentia oriundum: ære proprio exædificasse dicebatur, dum inibi hexarchus foret. Id testantur in uetustissimo marmore insculpta lilia Florentinæ urbis insignia. Urbs cingitur altiore fossa, quaternisque insigni fastigio turribus. Ponte pensili traicitur fossa, isque tollitur ac demitur pro arbitratu. Tormentis omne genus, ac Mamaluchorum fortissimo præsidio, utpote numero larx munita est: ii arcis Præfecto assistunt assidue. Sub Syriae domino stipendio merent. Peperit huius urbis principatum Florentino uiro fortuna, ut enim de incolis accepimus, ita rem denarrabimus. Ferunt itaque Præfecto Syriae Sultano quandoque propinatum fuisse uenenum, & cum remedium quæssissent, à quodam Florentino id repertum esse. Is inter Mamaluchos connumerabatur. Inuento igitur antidoto, principi in paucis charus erat: ob id ea urbe clarissima donatus est, propterea quod uiueret princeps, illi retulisset acceptum. Arce ergo constructa Florentinus inibi rebus humanis exēptus est. Vita functum colunt uice numinis indigenæ, in seruati principis perennem memoriam. Superstitionem funalibus accensis testantur. Defuncto successit rursum Syriae Præfectus. Adiciebant ad hæc incolæ, Sultanium post indeptum imperium suis regulis (Amirre lingua Syriaca dicuntur) gratum esse admodum: quippe qui hexarchatus & præfecturas paruo negotio petentibus elargitur:

ea tamen



ea tamen lege, ut aureorum (saraphos ipsi appellant) complura milia quotannis pendant. Abnuentibus sponsa dissoluere exitium imminet certissimum. Principem concomitantur ex summatibus deni uel duodeni. Et ubi principi cordi hæserit, uelle auri quippiam à satrapis aut commercia exercentibus (quia summa inibi uiget iniuria, passim debacchantibus latrunculis, sæuentibus præsertim in Mahumetanos Mamaluchis) dat princeps ad arcis Præfectum binas literas: alteris continetur, ut concione aduocata in arcem quos uoluerit accersat: alteris continuo colliquescit mens principis, id est quid princeps à subditis consequi uelit. Quibus perlectis, haud mora, imperata faciunt, æquum uel iniquum iubeatur, nulla habita ratione. Hunc morem corrogandi auri commentus est princeps. Vsu tamen quandoque euenit, ut sint tantarum uirium satrapæ, ut etiam iussi adesse nolint, gnari uim illaturum tyrannum esse. Ob id sæpenumero, ubi exploratum habent uocaturum eos esse arcis Præfectum, mox in turcarum regionem dilabuntur. Hæc sunt quæ quasi de eorum moribus collegimus. Id etiam obseruauimus, uigiles in turribus non uoce, sed tympano uigilias custodiâsque agere, correspondentibus inuicem ictu tympani uigilibus. Sed siqui forsan uigilum semisomnes, uel paruo horæ momento ad tesseram non responderint, illi actutum ueluti suarum desertores custodiarum carceri ad annum manciantur.

De his quæ Damasci uisuntur.

Cap. VI.

POST QVAM reguli Damasceni mores explicuimus, in rem esse iudicamus, ut nonnulla quæ inibi conspiciati sumus, elegantiam urbis concernentia expediamus: nam ea urbs incolarum numero frequens est admodum, eadêmque ditissima. Mirum dictu est, quantum opulentia ac eximio artificio polleat: quippe quæ affatim comiteatû ferme omnium habet, rei præsertim frumentariæ carniûque, & id genus annonæ. Scatet omnifariam fructibus, & cumprimis per totum annum recentiu uuarum illic est ubertas. Sunt præterea ibi mala punica, chrysomela, amygdalæ, & proceriores oliuæ, eadêmque optimæ. Rosæ item albicantes rubentésq; & sanè pulchriores quàm unquam uiderim, & rursum pomæ omne genus suauissima, pyra uero ac persica gustu insuaui. Rationem huius insuauitatis non aliam afferebant, quàm aquarum copiam nimiam. Fluuius lymphidissimus urbem interfluit, ob id plerunq; in singulis ædibus signati fontes conspiciuntur elaborati, præsertim opere tessellato, museacum appellant. Aedes autem eorum à foris inelegantes sunt, sed intus decentissimæ multiplici marmore, & cumprimis ophite lapide eas exornante. In urbe sunt complura delubra, Moscheas appellant. Sed quod cæteris præstat, id constructum est instar basilicæ diui Petri urbis Romæ, ubi magnitudinem inspexeris, si tamen id demas, quod in meditullio nulli sunt imbrices uel tecta, sed patescit ut sis sub diuo. Circum uero delubrum omnia concamerata sunt. Illic peculiari cultu sanctissimi uatis Zachariæ ut uerum corpus obseruant, idq; summo in æstimate habent. Valuæ delubri præcipue ex metallo quaternæ insignes plurimum, inq; delubro plures fontes, iidêmque conspicui. Super sunt adhuc collapsarum ædium monumenta, quæ à Christianis olim incolebantur, Canonicam appellant, ea opere Moseaco exulta erat. Videre etiam licuit eum locû, ubi ferunt seruatorem nostrum diuû Paulum increpuisse his uerbis. Saule, Saule, quid me persequeris? Is locus est

Damasci  
opulentia.



extra urbem ad primum lapidem: ibi Christiani humanantur, qui in ea urbe è uis decedunt. Visitur etiam ibi ea turris, quæ diuo Paulo pro custodia data est: ea mœnibus urbis connexa est. Eum uero locum turris, unde ab angelo sanctus Paulus exemptus est, ne quicquam obstruere Mahumetani tentauerunt: nam ubi uesper obstruxerint, mane referatum offendunt: idque ui numinum euenire autumant, ne actæ rei testimonium desit. Vidi etiam illas ædes, in quibus, ut fama fert, Cain Abel fratrem confecit germanum: eæ enim ab altera urbis parte sunt ad primum lapidem in conualle quadam sitæ, tamen in colle decliui. Sed hinc redeamus ad peregrinos milites quos uocant Mamaluchos, deq; eorum licentia, qua in ea urbe abutuntur multo licentius quàm par est, profilientes differamus.

De Mamaluchis Damasci.

Cap. VII.

S V N T itaque Mamaluchi ex ea hominum nota, qui à nostra fide descuerunt, abq; Syriæ Præfecto ueluti mancipia emuntur. Illud compertum habemus, id hominū genus solers esse admodum: quippe qui tum disciplina militari, tum literarū studio exercentur tantisper, donec peritiores euaserint. Indiscriminatim tam parui quàm magni stipendia sub Præfecto merent: id stipendium senos seraphos (id est auri genus) non excedit mense singulo, præter sui, ac serui, necnon equi uictum: tantoque maiore stipendio conducuntur, quanto strenuiores & manu promptiores euaserint. Igitur non perambulant urbem, nisi bini, uel terni simul: illis enim probro daretur maximo, si sine comite incederent. Et ubi inter eundem obuias habuerint ternas uel quaternas mulieres, licentia eis concessa uel extorta, in quibusdā diuerforiis, chanos uocant, quæ sciunt iter facturas mulieres opperiantur, & ut propius accesserint priui priuas corripunt, eisq; introductis licenter nimium utuntur. Conantibus Mamaluchis frontem earum retegere (uelata enim facie incedunt) obsistunt maxime, nec cognosci uolunt mulieres: nos enim norunt, licet à nobis agnosci nolint. Instant audacius Mamaluchi, & solita petulentia se uelle eas detegere asseuerant. At illæ inquit: Satisne ac super est, quòd corpora nostra uulgastis, pròq; libito usi estis, nisi etiam frontem nostram aperiatis? Tunc Mamaluchi eas missas faciunt. Verum quandoque accidit, ut rati prostituere principis filiam, suasmet uxores comprimant: idque dum ego illic agerem usu euenit. Mundum muliebre curant quàm quæ maxime: uestibus sericeis utuntur, & eas cooperiunt gossipinis pannis, eisdemque tenuissimis, quasi instar serici. Ocreis utuntur albicantibus: soleis uero coccineis, aut sanè purpureis. Caput multiugis exornant monilibus: delectantur in auribus, & in digitis gestant condalia. Nubunt totiens, quotiens libuerit: ubi enim pertæsa fuerint prioris coniugis, sacerdotem suæ fidei Præfectum (Cadi appellant) adeunt, seiungique efflagitant à priore coniugio. Discretionem huiusmodi eorum lingua Talacare nuncupant. Peracto itaque à Cadi eorum sacerdote diuortio, ad alia noua transeunt: itidemq; uiris licet. Sunt qui autumēt Mahumetanosquinas uel senas simul habere uxores: quòd minime animaduerti: reor tamen, ut licuit intelligere, binas, uel ad summum ternaseos uxores ducere. Vescuntur in propatulo, in emporiis præsertim, ubi promercialia uisuntur: & ibi quicquid est esculenti excoquitur. Vescuntur equis, camelis, bubalis, hoedisque, & id genus animalibus. Recentis casei summa est copia. Quibus lac est uenale, ii circundunt

quadraginta

Cadi.

Polygamia.



quadraginta uel quinquaginta capreas, easque ubi lac emere uolueris, in superius deuehunt coenaculum, etiam si triplex foret contignatio, coram in uase stanneo lac emungunt. Supra palmum longas habent capreae auriculas: ubera habent multiplicia, fecundae admodum. Tuberum ibi ingens est ubertas: nam nonnunquam illò uiginti quinque, aut triginta cameli tuberibus onusti conspiciuntur: & tamen intra triduum uenduntur. Aduchuntur ex Armenia montibus, ex Asiaque minore, quam Turchiam, alii Anatoliam appellant. Turchia. Mahumetani longioribus uestibus utuntur fluxisque, eisdemque solutis, panneis uel sericeis: plerumque caligis utuntur gossipinis, soleisque albicantibus. Ii ubi obuiam habuerint quempiam ex Mamaluchis, etsi Mahumetanus praestaret cæteris, qui inibi mercimonia exercent, illum tamen honore prosequitur, caditque illi de semita, qui si secus agerent, scipione haud dubie uabularent, admonerenturque. Sunt item ibi tabernae complures mercium à Christianis conductae: in illis serica omnifaria, & praesertim ex altera parte uillosa, uelutum appellant, & id genus Velutum. complura: uerum Christiani ibi à Mahumetanis male accipiuntur.

Quomodo ex Damasco itur ad Mahumetis Mecham, & de Arabum moribus.

Cap. VIII.

POST QVAM plus iusto forte de Damascenis rebus differuimus, urgeorque sollicitudine perficiendi suscepti itineris, pergam expedire alia. Igitur anno salutis quingentesimo tertio supra millesimum, mensis Aprilis octaua luce, cum accepissem camelos, Carauanam uocant, expediri, ut Mecham contenderent, nouarum rerum percupidus, essetque expers eorum consuetudinis, qui illuc erant profecturi, inii cum Mamaluchorum duce amicitiam: is fidem nostram abnegauerat. Ad eum itaque ubi receptum habui, ære medio mox me donauit amictu, quo Mamaluchi uti solent: datoque equo pernici ac feruido, cæteris consociauit Mamaluchis. Id, ut sum praefatus, uel maxima auri, ac aliarum rerum, quas illi dono dedi, consequutus sum. Aggressi tandem iter sumus, ac itinere dierum trium perfecto, ad locum quendam peruenimus, cui Mezarib nomen est. Illic tridui moram fecimus, ut itineri capefciendosumerent mercatores necessaria, camelos praesertim, & complura alia. Eius loci princeps quidam est, quem Zambei uocant: aruis Arabibus simul imperitat, estque ingentium uirium dominus. zambei. Huic terni sunt germani, ac nati quatuor: alit equorum quadraginta milia, inque eius regia equarum dena milia, ac camelorum quaterna milia uisuntur. Patescit in immensum ager: utpote itinere bidui, ubi armenta huiusmodi pecua scere solent. Is princeps Zambei capeffurus bellum, tantarum est uirium, ut Babylonis Sultano, ac Damasci praefecto, Hierosolymorumque principi simul arma inferat. Et cum leguntur fruges, praedae inhiat studio incredibili, miraue im postura circumuenit Arabas. Nam aliquando arbitrantur Arabes procul, utpote spatio mille passuum uirum abesse, & mane postridie praedabundus adest, inopinatusque corripit nihil tale metuentes: adueniens insperato rem frumentariam ac hordeum ipsis inditum sacculis asportat aliò. Nonnunquam perdius ac pernox excursionibus populabundus insistit irrequietus admodum. Vbi uero gradum sistere placuerit, equabus iam ob cursum fessis camelorum lac propinat, ceu rem frigidam: Verumenim uero uisum est mihi iumeta huiuscemodi non cursu,



Arabes.

sed uolatu ferri instar accipitris. Id licet testari, quoniam coram uidi iens cum eis simul. Illud etiam uobis compertum sit, memoratos Arabes equis instratis infidere, solaque tunica interiore amicti. Pro telis ferunt harundinem longam decem aut duodecim brachiorum, cui ferrum in cuspide inest, circumque cuspidem sericum elaboratum. Et ubi excursiones sunt fiendae, adeo confertim incedunt, ut turmatim eos iter agere existimes. Statura sunt despicabili paruaque: color est inter fuluum & nigrum, uox est muliebris, capillum habent promissum extentumque, eundemque nigricantem. Frequentiores sunt quam quisquam autumare queat: inter seque concertant diuturniore praelio: montana incolunt: statimque praedandi habent tempora: id enim tempus miro studio obseruant, quo exploratum habent illac transiuros esse qui ad Mecham contendunt. Tunc ueluti latrunculi obsident itinera, & praetereuntes opperiuntur, ut eorum fortunas populentur. In praedam ituri ducunt secum omnia, uxores, natos, & quicquid possident fortunarum. Aedes eorum imponunt camelis: quandoquidem nullas habent aedes: tentoriis & conopeis ut nostri milites utuntur. Huiusmodi tabernacula ex lana nigra sunt confecta, eademque depexa uilique admodum. Igitur undecima Aprilis cameli, id est carauana, numero quasi triginta quinque milium ex Mezarib discessere, ad quadraginta milia hominum numerus ascendit: nos uero non plus sexaginta eramus ex Mamaluchis, qui loco praesidii custodiendos susceperamus camelos, id est ipsam carauanam, sic enim collocabantur pro custodia Mamaluchi trifariam diuisi: alii in fronte, mediam aciem tenent alii, alii agmen claudebant: eo modo incedunt itinerantes, ut paulo post aperiemus. Primum igitur omnium scire conuenit, quod a Mecha Damascus abest itinere quadraginta dierum, ac totidem noctium. Discessimus ergo a Mecarib, iterque egimus ea die usque ad horam uigesimam secundam. Tunc Agmirus dux tessara data iubet eo loci sisti omnes, ubi signum exaudierint. Et simul omnes exaudito signo consistunt: exonerandis onustis camelis, cibo capiando, spatium duarum horarum absumitur. Dat tesseram rursum dux, & actutum onustis camelis illinc abeunt. In cibatu camelis dantur singulis quini panes hordeacei, haud cocti, magnitudine mali punici. Inscensis equis iter agunt nocte ac die sequentibus usque ad horam uigesimam secundam. Hora uigesima secunda eundem seruant morem quem paulo ante memorauimus. Singulis octonis diebus aquam hauriunt, egesta humo aut sabulo. Inueniuntur tamen nonnulli putei ac cisternae. Temperant octauo die ab itinere, camelis bidui mora data ad recuperandas uires. Grauantur pondere incredibili cameli, quippe qui geminum pondus ferunt, utpote duorum mulorum. Illis est potus in ternos dies tantum.

De robore Mamaluchorum.

Cap. IX.

VBI GRADVM sistere contigit ad aquas praedictas, semper oportuit cum maxima Arabum manu configere, sed plerumque incruentum certamen: nam etsi creberrime manum conseruimus, tamen unum tantum hominem occubuisse constat: adeo enim sunt imbelles Arabes, ut a sexaginta Mamaluchis Arabum quinquaginta milia cohiberi potuerint, quoniam ex eis qui pagani nuncupantur, non sunt Mamaluchis strenuiore, armisque capeffendis aptiores, ac manu promptiores. Noueritis profecto me coram plura uidisse, quae Mamaluchorum bellicam



bellicam uirtutem præ se ferebant . Memini inter cætera uidisse è Mamaluchis quendam, qui posito supra uerticem serui malo Assyrio, & ad distantem ad duodecim, uel quindecim passus ueluti ad scopum ictum destinare, & altero iactu malum Assyrium è uertice deturbare. Vidi & alium Mamaluchum citatissimo gradu agentem equum, ephippia eidem equo quo infidebat detrahentem inter currendum, eaque capiti imponentem, & rursus sternentem currendo eundem equum. Ephippiis more nostro utuntur.

De Sodoma & Gomorra urbibus.

Cap. X.

P E R A C T O itinere duodecim dierum deuenimus ad conuallem Sodomæ ac Gomorræ. Vera equidem refert sacra pagina . Super sunt adhuc collapsarum urbium uestigia, diuinæque iræ testimonium . Astruere licet, tres esse urbes, quæ singulæ in cliuo singulorum montium sunt positæ, & circiter altitudinem trium uel quatuor cubitorum adhuc uisitur nescio quid instar sanguinis, quasi exprimat rubricantem ceram humo admixtam. Ego certe crediderim id genus hominum corruptissimum uitiorum labe fuisse, argumento quòd circum urbes regio arida incultaque squalet humo, nullius ferax, aquarum præsertim expers. Vescabantur olim illi manna: & cum diuino munere abusi fuissent, uapularunt uerbere atrocissimo. In dei euidentis miraculum adhuc conspicitur ruina urbiû. Præteritis ad uiginti mille passus urbibus, è nostris circiter triginta tres siti occubuerunt, obruti fuere inibi sabulo complures semineces, tantum fronte resecta. Progressi nonnihil nacti sumus montem paruum, ad cuius radices aqua reperta est, cuius inuentu gauisi sumus plurimum, ibi statua fecimus. Postridie illius diei luce prima affuere Arabum uiginti quatuor milia, haustæ aquæ pretium reposcebant. Respondentibus nobis, soluere nolle, id quoque munere deorum datum esse: continuo confertum est prælium: succlamantibus illis, nos eorum latices hausisse. Nos uero in monte prædicto tanquam in loco tutiore conglobati, camelos ceu propugnaculum aliquod obiecinus uice muri. Mercimonia exercentes recepti erant in aciem mediam, id est in medio camelorum, nobis quaquauersum acriter præliantibus: tam diuque certatum est, quoad hostes nòsque bidui mora latices defecere. Montem corona cinxerant Arabes, iactabantque in camelos irrumpere uelle. Tandem ut modum prælio faceremus, adhibitis ad consilium negotiatoribus, dux noster Arabibus ducentum ac mille aureos nummos dari iubet. At illi accepto auro dixere nos minime persoluturos esse haustam aquam denis aureorum milibus. Tunc intellectum est à nobis alia quærere gentem quam nummos, quasi nodum quæreret in scirpo: ob id dux noster continuo edicit, ut in omni agmine nullus qui armis ferendis aptus foret, camelum inscenderet, sed prælio se expediret quamprimum. Postridie mane præmissis camelis, nobisque agmen claudentibus, ut iter agere cœpimus, tercentum ferme numero eramus, confertum est prælium: è nostris cecidere duo, uir & mulier, nec aliud incommodi passi sumus. Ex Arabibus uero confecimus mille ac quingentos. Nec uos subeat admiratio, quod tantam stragem pluribus pauci intulerimus. Occidioni causam præbuit, quòd illi sola interualla propè nudi agebant, instratisque equis infederant, eoque necessitatis adducti erant, ut instantibus nobis ad propria uix remeare quierint.

Eremus  
anydros.

Atrox prælium



De monte culto à Iudæis.

Cap. XI.

Madinathal-  
habi vrbs.

S P A T I O dierum octo nacti sumus montem, qui patet ambitu decem aut duodecim mille passuum. Hunc montem incolunt Iudæorū circiter quina milia. Ii nudi incedunt: magnitudine sunt inter quintum & sextum palmum: uox est illis muliebris: nigri sunt coloris, sed inter se nigricante colore differunt. Nulla alia re uescuntur quàm hœdinis carnibus. Circunciduntur, nec se inficiantur esse Iudæos. Si casu quopiam Mahumetanus ad eorum manus deuenit, is crudelem in modum decoriatur uiuens. Ad radices montis offendimus cuniculum, is est meatus subterraneus, unde deriuabant aquæ plurimæ. Nacti hanc opportunitatem, sexdecim milia camelorum onerauimus, cuius rei pertæsum est Iudæos. Palabantur errabundi in eo monte ceu hinnuli. A' descensu tamen montis temperabant: quippe qui Mahumetanos oderunt quàm qui maxime. Infra montem uisebantur septem uel octo spineæ arbores mira pulchritudine, inque eis par turturum comperimus: quæ res cessit loco miraculi, cum tot itinera meti ti essemus, & nulla animalia uolucræque conspicati fuisset. Post hæc iter egimus duorum dierum, & tandem peruenimus ad urbem quandam, cui nomen est Medinathalhabi. Ad quartum lapidem à dicta urbe in puteum inuenimus. Ibi carauana, id est camelorum agmen constitit, ibique unius diei sumpta mora, illic quisque se lauit, induitque mutatoria, ut nitidior amictus habitu urbem lætius ingrederetur. Ea frequens est populo, quippe quæ circiter ædes trecentas habet. Mœnia ut aggeres ex humo: domus uero, tum lapideæ, tum lateritiæ sunt. Ager qui urbi adiacet ob diuinam interminationem nullius ferax, si id excipias quod ab urbe ad geminum lapidis iactum circiter quinquaginta palmæ uisuntur, quæ cariotas ferunt. Præterfluit hortum quendam ibi aquarum decursus. Is quasi ex loco cliuoso ad gradus fermè uicenos quaternosque in subiectam planiciem effunditur: inde aquantur cameli, cum illuc proficiscuntur. Sed tempus iam appetit ut eorum refellam opinionem, qui autumant Mahumetis uiri impurissimi arcam apud Mecham in aere absque adminiculo pensilem consistere. Ego longe aliter sentio, affirmoque ea nec uera, neque uerisimilia esse, utpote qui coram hæc perpendi, uidique locum ubi humatus est Mahumetes in memorata urbe Medinathalhabi: moram enim inibi tridui fecimus, ut in horum omnium certissimam deueniremus notitiam. Prima die urbem iniimus. Cum uero delubrum eorum, Meschitam appellant, ingredi contendebamus, id prius non licebat quàm comite quopiam paruo uel magno. Ii apprehensa manu nos illò ducebant, ubi humatum asseuerant Mahumetem.

De delubro &amp; sepulchro Mahumetis, deq; eius sociis.

Cap. XII.

D E L V B R V M eius testudinatam est, longitudine passuum centum, latitudine uero passuum octuaginta patescit. Gemina porta ingressus adeuntibus patet. A' latere triplici tegitur opere concamerato: fulcitur columnis quadringentis ex lateritio opere albicantibus. Lychni pensiles accensi, lampades appellamus, plures admodum, numero quasi trium milium. Ab altera delubri parte in priore loco Meschitæ turris uisitur ambitu quinque passuum quaquaversum testudinata, pannoque contacta sericeo: ea crate ærea faberrime facta fulcitur, distantia duorum passuum, abq; adeuntibus quasi per transfennam conspicitur.

Læuorsum



Læuorſum anguſta porta itur ad turrim, & cum eò perueneris, ruſum anguſtio re ianua admittendus eſt. Hoſtium huiuſmodi hinc & hinc complures codices bibliothecæ inſtar honeſtant: alterum latus uiginti, alterum uero quinque & uiginti condecorant: illi enim Mahumetis ſociorũque traditiones ſœdiſſimas, tenorẽque uitæ eius continent. Intra dictam portam ſepulchrum uiſitur, id eſt deſoſſus locus, ubi adſtruunt conditum eſſe Mahumetem, ſociõſque eius, Nabi uidelicet, Bubacar & Othomar, Aumar & Fatoma. At Mahumetes dux erat, Arábſque natione. Mahumetis gener erat Hali: quippe qui eius natam Fatomã uxore duxerat. Bubacar iſeſt, quem ferunt inter purpuratos patres relatum eſſe, adq; ſummũ apoſtolatus apicem nequicquam aſpirauiſſe. Othomar & Aumar in exercitu Mahumetis Præſecti militum erant. Ii ſinguli ſingulos habent geſtorum traditionũque ſuarum codices. Ob eam rem diſcors admodum id genus ſœdiſſimum, inter ſe concertant, aliis alia affirmantibus, multifariam enim diuiduntur, nec ſatis ſciunt cui potiffimum credant, mutuĩſque ob id cædibus ſe conficiunt ceu beluæ, his addiãti hæreſibus ac falſis opinationibus penſique nullius.

De ſectã Mahumetis.

Cap. XIII.

N V N C V E R O denarrabimus mores ac ſectam Mahumetis. Igitur in excelfiore turris parte eſt locus patens in circuitu faſtigium turris extra ambire uolentibus. Mox compertum fiet uobis, quibus uſi ſint dolis, ut carauanã impoſturam facerent. Primo ueſperi, quo illo deueneram, ut uiſeremus Mahumetis ſepulchrum, dux agminis ad ſe accerſiri delubri, id eſt Meſchitæ antiſtitem iubet, eũque in hunc ferme modum alloquitur: Eò ueniſſe ut uiſeret Nabi, quæ uox prophetam Mahumetem ſignificat, corpus: pretium eius rei ſaraphorum fore quaterna milia: parentes ſe habere nullos, minũſque germanos, ſorores, coniuſges, natõſque, neque ſe illò contendiffiſſe commercii cauſa, ut aromata, aut baccas, & id genus monilia præſtinaſret: proſfectioni cauſam dediſſe deſideriũ ſeruandæ animæ, amorẽue comparandæ ſalutis: ob id ſe ardere deſiderio uiſendi corporis prophetici. Ad hæc præſectus delubri, Sidi appellant, quaſi lymphatus reſpondit. Audẽſne his luminibus, quibus tot patraſti ſcelera, eum uelle conſpicari, cuius intuitu deus maximus cœlum ac terram creauit? Et ruſum dux noſter, Domine rex uerum dicis, ſed abs te unum liceat impetraſſe, ut uideam prophetam: quo uiſo, in eius gratiam effodiam mihi mox lumina. Sidi uero reſpondit. Cuncta tibi aperiã princeps, Nemo it inficias quin hic propheta noſter uitam exuerit: qui ſi uoluiffet, potuiſſet quidem apud Mecham decedere: uerum ut inopiæ ſpecimen præ ſe ferret, eoque nos inſtrueret exemplo, hic quàm alibi maluit rebus humanis exui, ilicòque in deorum ſedes relatus eſt ab angelis, adeoque in cœlum ueluti compar receptus eſt conſeſſum. Et iterum dux noſter ad templi præſectum, I E S V S C H R I S T V S M A R I A E filius ubi eſt? At Sidi, Ad Mahumetis pedes. Ad hæc dux noſter reſpondit. Sufficit, ſufficit, nolo plura ſcire. Poſt hæc delubro egreſſus dux conuerſus ad nos inſit. Reſpiciſte pro qua reterna milia ſaraphorum prodigere uolebam. Eadem die ueſperi hora ferme tertia noctis, ex ſenioribus Mahumetanæ ſectæ decem forte uel duodecim carauanam ingreſſi ſunt: ea enim ad iactum lapidis ab urbis porta conſtiterat. Ii igitur ſucclamare cœperunt huc atque illuc curſitantes ceu fanatici, Mahumetes dei

Nomothetæ  
Turearum.

Sidi.

Impia per  
ſuaſio.



Præstigia.

nuntius resurget : ô propheta , ô deus , Mahumetes resurget , parce mihi deus. Exciti his inclamationibus dux noster nōsque , arma expedire cœpimus , rati Arabas esse , qui direpturi carauanam aduentassent , percunctantes quidnam rei esset , quidue inclamarent , quoniam non aliter tumultuabantur , quàm nos Christiani , cum inopinato rescimus factum esse miraculi quippiam . At senes responderunt , Num conspicitis fulgorem qui è sarcophago prophetæ Mahumetis effulsit ? Ad hanc uocem dux noster : nihil , inquit uideo , nōsque percunctatus est , uidissēmūsne quippiam . Responsum est à nobis , nihil uidisse nos. At unus senum , estisne , inquit , mancipia , id est Mamaluchi ? Huic rursus dux , sumus sane mancipia . Tunc senex , uos domini nequitis cœlestia conspiciari , utpote Neophyti , inque nostra fide nondum firmi . Ad hæc noster dux respondit . O insani , daturus eram aureorum terna milia , mehercle dabo nunquam , canes canibūsque prognati . Noueritis itaque non splendorem è sepulchro emicuisse , sed senes ignem flammamque commentos esse , ut sub uelamento fulgoris nobis imponerent , ceu diuinitus id splendoris contigisset . Ob eam rem iussit dux , ut de cætero nemo nostrum delubrum iniret . Id etiam exploratum uobis fiet , adiuratissimēque uobis astruimus , inibi ferrum calybēmue haud esse , minūsq; magnetem , nec propius montem quàm ad quartum lapidem esse . Nos illic tridui moram egimus , causa reficiendi agminis . Ad eam urbem commeatus omnēque annonæ genus ex Arabia felici , abque Babylone , Cayrum uocant , necnon Aethiopia comportantur marique aduehantur Erythræo , à quo urbs abest itinere quatuor dierum .

Quomodo itur ad Mecham.

Cap. XIII.

Pilotus.

Arenosi maris pericula.

Momia.

POSTEA QUAM ineptiarum deliramentorūmq; ac nugarum Mahumetis satietas , imò fastidium nos cepit , decreuimus progredi , itēq; cœptum perficere duce piloto , qui itineris cursum moderabatur pyxide ac pagina marina , ut sunt sulcandi æquoris peritissimi . Austro igitur ferebamur , puteūmq; elegantissimum offendimus : inde enim immensa aquarū ubertas deriuabat : eius fontis incolæ auctorem memorant diuum Marcum euangelistam architecto deo , cum ea regio siccitate incredibili exaruisset : is ab agmine nostro epotus est . Nollem tamen obliuioni tradere , quæ comperi in mari cognomēto Arenæ , id à nobis prius repertum est quàm Iudeorum montem nacti essemus . In mari igitur huiusmodi arenoso iter quinq; dierum ac noctium habuimus . Iam iam uobis innotescet , cuiusmodi mare existat . Ea sunt arua patentia , quæ arenis strata sunt albicantibus pollinis instar . Si quo sinistro pede usu eueniret , ut ii qui illac iter agunt Austro ferrentur , ut septentrione aguntur , sabulo obruti occumberēt omnes : Nam etsi prosperis uehebamur flatibus , atro tamen turbine sabuli adeo inuoluebamur , ut adempto è conspectu interuallo decem passuum alter alterum non conspiceret . Ob id incolæ camelis uehantur caueis inclusi ligneis , inque eis uitam trahunt , ducibus tamen pilotis , qui non aliter quàm in undabundo mari pyxide ac pagina ducuntur , & ibi siti exanimati sunt complures : alii interiere ob haustos plus iusto latices , cum fontis facta fuisset potestas , tantum aquæ biberunt , ut crepuerint medii . Et illic fit Momia . Vbi uero à septentrione flant uenti

Etesia,



Etesia, tunc arena tollitur in altum, in montemque conglobata fertur. Is mons Sinai montis est brachium. Quò ut peruenimus, pylæ à nobis repertæ sunt manu & arte elaboratæ: ianuam ipsi appellant. Ad læuam dicti montis in fastigio antrum est ad quod patet aditus porta ferrea. Comminiscuntur quidam, eò loci Mahumetem contemplationi uacauisse. Illic nostris auribus ingens strepitus, clamorque horridus insonuit: nam prætereundo montem prædictum tantum discriminis subiimus, ut uix nos euasuros arbitrati fuerimus. Relicto itaque puteo iter egimus dierum decem, bisque cum quinquaginta milibus Arabum præliati sumus, & tandem aliquando ad Mecham deuenimus: & ibi uigebant bella, concertantibus inuicem germanis, uter eorum regno Mechæ potiri deberet.

De forma & situ Mechæ, & cur illuc contendant Mahumetani.

Cap. xv.

I A M T E M P V S appetere uidetur, ut de famigerata urbe Mechæ nonnihil differamus, quidnam sit, quomodoque situetur, quæ illi moderentur. Vrbs est elegantissima, cultaque magnopere: quippe quæ ambitu senum milium ædium continetur. Domus sunt incolatu optimæ, æque ac nostræ, uisunturque nonnullæ trium aut quatuor milium aureorum impensa. Vrbs mœnia non habet. Ad geminum ferè stadium ab urbe nacti sumus montem, ubi uia erat uincisa, ea ducebat ad subiectam planiciem. Urbis mœnia sunt montes, quibus quaquauersum uallatur: quadruplicem habet aditum. Moderator urbis & ipse Sultanus est, è quatuor germanis unus, ex stirpe Mahumetana, parètque Sultano Babylonis, quo cum reliqui tres fratres diuturniore prælio certant. Igitur octauadecima Maii Mecham iniimus urbem. Ingressus patuit ab ea parte quæ Septentrionem respicit: mox per decliuum locum in planiciem deuentum est. Ad meridionalem partem montes bini ferme se complectuntur, discreti angusto interuallo: eà itur ad Mechæ portum. Quà uero sol oritur, uisuntur montis fauces instar conuallis cuiuspiam. Illac iter patescit ad eum montem, ubi Abraham & Isaac patriarchis sacrificant. Is mons ab urbe abest ad octo uel decem mille passuum. Altitudine confurgit terni iactus lapidis, constatque non marmore, sed nescio quonam lapide colore à marmore dissimili. In fastigio montis est delubrum, Meschitam uocant, fabricatum more eorum: id tres habet aditus. Ad montis radices sunt geminæ cisternæ, quæ incorruptas seruant aquas: altera carauanæ Babylonis, altera Damascenis camelis latices propinat. Aqua est pluuiæ, procùlque illinc deriuat. Sed ad urbem reuertamur, cum opportunum erit de more sacrificandi, quo ad radices montis utuntur, asfatim dicturi. Itaque urbe inita, mox Memphiticam carauanam offendimus, quæ spatio dierum octo nos præuenerat: neque eà uenerat, quæ nos iter feceramus. Carauanam huiusmodi sexaginta quatuor milia camelorum complebant custodibus Mamaluchis centum. Id in primis innotescet, uobis opinione cunctorum, urbem memoratam deum maximum diris maledictionibus esse excreatum, argumento quòd nullius est ferax fructus, cunctarumque regionum infœcundissima. Aret comprimis aquarum indigentia: adeoque in immensum aquarum pretium excreuit, ut duodenis denariis tantillum aquæ emere nequeas, quo sitim unius diei expleas. Iam subiiciam quo nam modo uictitent. Plerumque

Carauana.

Mechæ æges  
sterilis.



ex Babylone, siue Memphi Nilotica urbe, Cayrum uocant, commeatus illò mari Erythræo comportantur, portu præsertim inferuiente, cui Gidæ nomen est: is abest à Mecha quadraginta mille passibus. Commeatus suppeditat perbeata appellatione felix Arabia, annonam mittit & AEthiopia. Illic comperimus peregrinorum numerum maximum: Alii ex AEthiopia, ex utraque India alii, ex Perfide alii, alii ex Syria profecti erant. Nusquam profecto frequentiore uidi populum, quantum mora uiginti dierum perspicere licuit. Ii uariis de causis illò accesserant: commerciorum alii causa, nonnulli ut uotum absoluerent, ignoscendarum causa eò contenderant, in quibus ignoscentiis mox exploratum fiet uobis quidnam agant.

De commerciis Mechæ

Cap. XVI

**P R I M V M** omnium de mercimoniis quæ illò comportantur dicemus. Ex India maiore, quæ est intra extrâq; Gangem fluuium, baccæ, id est uniones, & id genus monilia aduchuntur, affatimque aromatum: & præsertim ex ea urbe Indiæ maioris, cui nomen est Bangellæ, panni gossipini sericique ducuntur. AEthiopia etiam sua mittit aromata. Quo fit ut fateri liceat, eam urbem famigeratum esse emporium omnium ferme rerum, baccarum, monilium, aromatumque omne genus, serici, gossipini, ac unguentorum, quæ suauissimum fragrant odorem, quorum omnium summa est ubertas, & copia incredibilis.

De ignoscentia siue indulgentiis Mechæ.

Cap. XVII

Templum  
Meche.

**T A N D E M** redeamus ad peregrinorum indulgentias, quarum causa illò contendunt aduenæ. In urbe media delubrum instar colosseï Romani, amphitheatrum dicimus, non tamen ex marmore procerioribusque lapidibus, sed ex coctis lateribus: Amphitheatrum instar nonaginta, aut sanè centum portas habet, estque concameratum: ingressus descensu scalarum duodecim graduum patet hinc & hinc. In propylæo monilia tantum uenduntur. Ingressis undique auro obducti parietes effulgent splendore incomparabili. In inferiore parte templi, id est subtus loca concamerata, ingens hominum turba: nam inibi ad quatuor, uel quinque hominum milia non nisi unguenta odoratiora uendunt, & cum primis puluisculum odoriferum, quo humana corpora condiuntur. Inde ad Mahumetanos ferme omnes traducuntur odoramenta. Excedit enim omnem fidem, quàm inenarrabilem suauitatis odorem fragrent ea unguenta, non aliter quàm si fores in myropolio, quod castoreum & id genus fragrantiores odores redoleat. Vigesimalertia Maii indulgentiæ in delubro cœptæ sunt erogari. Quonam modo id fiat iam iam referabimus. Delubrum in meditullio patet absque imbricamento, inque medio est turris circunquaque senum passuum magnitudine: ea serico panno obuoluitur, suprâque uiri unius altitudinem non exurgit. Turrim ineunt porta argentea: utrinq; sunt balsamo, ut ferunt, oppleta uasa: ea uisendi potestas fit omnibus in die Pentecostes. Memorantque incolæ, id balsami partem esse thesauri Sultani eius qui Mechæ moderatur. Ad omnem turris testudinem positum est ferrum instar oræ orbiculatum, idemque terebratum, cuiusmodi retinendis iumentis parietes muniuntur. Vigesimalertia Maii frequens populus cœpit horis antelucanis septies turrim ambire, deosculando singulos angulos, eisdemque identidem palrans. Ab hac turri ad decem uel duodecim



duodecim passus est turris altera instar sacelli nostro more extructi: ea ternos uel quaternos habet aditus. In turri media positus est puteus, qui agitur in profundum ad brachia quasi septuaginta. Is aquas salnitro infectas emittit. Puteo præfecti sunt circiter octoni homines toti populo aquis hauriendis: & ubi frequens populus septeno ambitu priorem turrim circundedit, propius accedit, & tergi putei orificium tangens hæc præfatur, Sit in Dei honore: Deus indulgens mihi dimittat peccamina. His prolatis, qui aquam hauriunt ternas aquarum lagenas singulis puteo hærentibus infundunt, totumque hominem à uertice usque ad calcem abluunt. Madefiunt omnes, etiam si serico amicirentur. Tunc somniant ineptiores ac deliri infuso latice se esse ab omni reatu emaculatos. Addunt fabulæ scelerosi absumere reatus puteum. ASTRUUNT etiam, priorem turrim quam supra memorauimus, septemplici circuitu ambitam esse primam domum, quam unquam Abraham exædificauerit. Propterea ita loti, madidi adhuc ad eum montem, quò præmisimus eos profectos esse sacrificandi Abrahæ gratia, contendunt, illic biduo commorantes. Rursum Abrahæ ad montis radices sacrificant.

De ritu sacrificandi apud Mechem.

Cap. XVIII.

QVIA PLERVNQVE generosos animos noua delectant, accenditurque quisque optimus ad magna subeunda horum narratu, ob id ut magnanimis fiat satis, compendiosius quantum quibo, eorum sacrificandi ritum subiiciam. Igitur sacrificaturi, alii ternos, quaternos alii, senos nonnulli uerueces mactant, adeoque laniena madet, ut supra terna milia huiusmodi pecudum confecta fuerint quæ sol emergit iugulantur, mox inopibus in dei gratiam erogantur: nam ingens, eademque incondita egentium turba aderat, utpote triginta milium: qui humo egesta foueam agunt, inque ea exuscitatum ignem camelorum excrementis alunt, torréntque elargitas carnes, eisdemque affatis uescuntur. Ego uero crediderim inedia compulsos, non uoti gratia egentes huiusmodi illò profectos esse: adducorque ea coniectura, quòd nobis ingens cucumerum copia erat: abunde enim ex felici ac perbeata Arabia aduehebantur: illis nempe cortice dempto uescebamur: filiquas uero extra tabernaculum, ut assolet, proiiciebamus: at inopes numero quadraginta uel quinquaginta correpturi cortices mox aderant, interque eos iurgium ingens uiscebatur sulciendarum filiquarum causa, parumque à digladiatione aberant concertantes, utri eorum priores legèrent filiquas uel sabulo infectas. Ob eam rem in eam deuenimus opinionem, quòd eximendæ famis, non abluendorum reatum causa eò aduenissent postridie eius diei eorum Cadi (is eius loci est apud eos, cuius sunt apud nos uerbi dei concionatores) montem summum concionaturus ad subiectum populum conscendit: nam circiter horæ spatium incolarum lingua concionatus est. Concionis summa erat, ut obortis lachrymis peccamina deslerent, pectora plangentes: ipseque uoce sublatissima hæc subdebat, O Abraham dilecte dei. Et rursum, O Isaac à deo electe, eiusdemque amice: deumque pro Nabi populo exora. His dictis continuo gementium uoces exaudiebantur. Habita concione rumor increbuit, Arabum manum numerosissimam, utpote uiginti milium aduētare. Quo nuntio isti qui carauanam agebant, actutum quasi lymphati in urbem Mechæ dif-

Cadi concio



fugiunt . Ad sextum usque lapidem à Mecha Arabas direpturos carauaniam uenisse nuntiabatur, Ob id & nos tutò in urbem Mechæ dilapsi sumus. Verum dum pedem struimus circiter medium iter, id est inter montem & Mecham, à nobis despicabilis paries repertus est, latitudine quaternorum cubitorum . Circum parietem præteriens populus calculis ac lapillis solum constrauerat. Huius causam hanc esse referebant. Cum uidelicet diuus Abraham à deo iussus esset, ut filium mactaret immolantium ritu, ut præceptorum dei amans fertur natum Isaac monuisse, ut imperata dei capeffiturus se sequeretur . Sequenti parentem nato Isaac ementita & chari cuiusdam forma aiunt cacodæmonem non longe à pariete astitisse, percunctatùmque fuisse amici appellatione, quoniam contenderet. Respondenti Isaac, se ad parentem proficisci, qui eum opperiebatur: ad hæc hostem humani generis respondisse memorant, gradum reuocaret, quoniam si pergeret iter perficere, sacrificaturum cum parentem Abraham esse ferunt Isaac hoc monitu dæmonis haudquaquam perterritum dixisse dæmoni, sineret parentem exequi imperata dei, postquam deo sic erat complacitum . Hoc responso narrant euanuisse dæmonem. Verum progressio nonnihil Isaac, rursum alterius chari accepta persona, dæmonem itidem monuisse aiunt, ne uidelicet obsequeretur parenti, mactare eum paranti. Tunc ferunt Isaac ira percitum lapillo impacto dæmonis frontem consauciasse. In cuius rei monumentum illac iter agēs populus, ubi propius parietem accesserit iacere in murum calculos consuevit: indeque in urbem se recipiunt . Dum iter agimus, cælum inumbrabant palumbes innumeri. Aiunt auitia huiusmodi à uolucres illa traxisse genus, quæ Mahumeti in aurem loquebatur, sub uelamento sacri pneumatis . Inerrant dicti palumbes uicis, ædibus, tabernis que ipsis frumentariis, milii ac orizæ : uixque licet eos abigere: occidere uero aut capere huiusmodi palumbes propè capitale censetur. Arbitrantur enim incolæ, ubi memoratæ aues uapularent, orbem totum ruiturum: ob id impensa aluntur in templo medio.

De unicornibus templi Mechæ, quos monocerotæ appellant, qui ferme alibi non uisuntur. Cap. XIX.

Unicornes.

A B A L T E R A delubri parte septa uisuntur, siue claustra mauis appellare: in his unicornes gemini asseruantur, locoque miraculi populo spectandos præbent . Nec ab re: res est miratu dignissima: sunt enim eiusmodi, ut ilico denarrabimus . Alterum eorum, quem constat longe proceriorem esse, pullo equino triginta menses nato haud absimilem crediderim . Prominet in fronte cornu unicum longitudine trium cubitorum . Longe natu minor est alter, utpote anniculus, ac equino pullo simillimus: eius cornu quaterni palmi longitudinem haud excedit . Coloris est id animal equi mustelini: caput cerui instar: collo non oblongo, rarissimæque iubæ, ab altera parte solum dependentis . Tibias habet tenues, easdemque graciles admodum hinnuli modo. Ungulas anteriorum pedum bifidas habet, caprinos pedes ferme referentes. Tibiarum posteriorum pars exterior uillosa est, pilique plurimi . Sanè id animal ferum uidetur, uerum ferociam nescio qua comitate condidit . Eos unicornes quispiam Sultano Mechæ dono dedit, ceu rem inuentu rarissimam, eandemque pretiosiore. Aduecti sunt ex Aethiopia ab Aethiopum rege, ut eo munere



nere necessitudinem coniunctissime cum Sultano Mechæ præfecto iniret.

De nonnullis apud Mecham contingentibus, deque Zida Mechæ portu.

Cap. XX.

**HOC LOCO.** peropportunum uidetur ea recensere, quæ in re subita acerrimum præ se ferunt ingenium: ubi ipsa ingruens necessitas, cuius sunt amarissimæ leges, sic fiendum persuaserit. Illud mihi usu euenit, operæq; pretiū fuit, ut fugam meditans, clanculum à Mecha discessurus uirum me explicuerim. Igitur cum forte à duce meo nonnulla emendi datum mihi fuisset negotium, in emporio attentius me obseruans Mahumetanus quidam. Christianum esse nouit: propterea his me uerbis percontatus est lingua patria, Inte mename, id est unde es tu? cui ego, Mahumetanus sum: at ille, uerum non dicis: cui ego, per Mahumetis caput, sum Mahumetanus. Rursum Mahumetanus ille, Veni domum meam: quare secutus sum hominem. Is ut domi fuit, cœpit me Italorum lingua percontari, unde nam essem, asseuerans me nosse, subdēnsq; me Mahumetanum haud esse, affirmans Genuæ ac Venetiis fuisse aliquando: & ut dictis fidem faceret potiorē, nonnulla memorabat quæ præ se ferebant eum uera locutum esse. Hoc intellecto, fassus sum ingenue me Romanū esse, sed Mahumetanæ fidei initiatū me esse in urbe Babylonis Memphitica, factūmq; ex Mamaluchis unum. Hoc audito, uisus est Mamaluchus ex denarratis non mediocrem cepisse uoluptatem, ob id honore me prosequeretur insueto. Verum quia cordi hæserat mihi longe ultra progredi uelle, Mahumetanū percontabar, essetne ea urbs Mecha illa adeo famigerata, ut eius totus ferme orbis meminere: sciscitabāq; ab homine, ubi nam esset baccarū ac margaritarum, & id genus monilium, aromatūmue ingens, ut ferebatur copia: & item ubi essent tot mercimonia, quæ illò comportari dicebantur: eōq; omnis mea oratio pertingebat, ut explorata Mahumetani mente, compertū fieret mihi, qua de causa illic cōmercia, ut consueuerāt, non uigebant. Et quia percontando hominē, in causa esse Lusitaniæ regem, ceu maioris partis illius oceani moderatorem, Erythræiq; ac Persici sinus dominum minime dixi: suppressa ex composito regis mentione, ipse mihi attentiore animo ueluti explorabundus, cœpit ex ordine causam exponere, cur nundinis non interessent commercia exercentes, inq; unum Lusitaniæ regē causam reiiciebat. At ego, ubi eius regis meminit Mahumetanus, de industria regis famā carpere cœpi, ne in eam opinionem Mahumetanus deueniret, ut gratum haberem, quod illò commercii causa contenderent Christiani. Mahumetanus uero ubi perpendit me ex professo Christiani nominis hostem esse acerrimum, honorificentius etiā solito me excepit. Et rursum ex ordine cuncta denarrabat. Doctus omnia, amici appellatione eum rogitabam, hæc Mahumetanorum lingua subdens, Menaha menalhabi, id est: oro te ut mihi assistens, me instruas quo nam modo hinc abscedere clanculum queam, iuratissime affirmans me iturum ad eos reges qui Christianis forent infensi, Mahumetanóque insinuabam, scire me nonnulla arcana, eaque tanti pensī, quæ si comperta forent ipsis regibus, nulli dubium fore, quin abusque Mecha continuo me accerferent. Suspensus uerborum horum summa expectatione Mahumetanus, Quid, inquit, artis te precor nosti? Cui ego, fabricandis tormentis omne genus concedo nemini. At ille, Mahumetes

Ludouici dissimulatio.

Explorandi solertia.



usque laudetur, qui te talem huc misit uirum, ut deis Mahumetanis inferuias. Propterea duce eo in eius ædibus delitui simul cum sua coniuge, precibusque abs me contendebat, ut à duce nostro impetrarem, ut sibi liceret circiter quindenos camelos omnifariam aromatum onustos haud perfolutis uestigialibus à Mecha abducere: pro huiusmodi enim abducendis mercimoniis Sultano saraphi triginta debebantur. Ego uero Mahumetanum in spem certissimā induxi abducendorum camelorum uel si centeni forent, & hoc astruebam licentiore Mamaluchorum ritu. Pro his tamen omnibus efflagitabam, ut mihi tuto in eius ædibus esse liceret. His auditis Mahumetanus, ueluti uoti sui compos, gaudebat plurimum, coepitque ob eam rem me cuncta docere, monuitque ut ad regem quendam maioris Indiæ regni de Decham me reciperem. Huius regis ubi opportunum duxerimus, mentio fiet. Itaque pridie quam Carauana abscesserit à Mecha, memoratus Mahumetanus iussit me in penitioris ædium suarum parte delitescere: postridie eius diei horis antelucanis buccinator Carauanæ sono tubæ cunctos Mamaluchos admonebat, ut instratis equis iter suum Syriam uersus dirigerent: differentibus aut abnuentibus ex edicto mortē minitabatur. Vbi ea uox meis insonuit auribus, ilico incescit me mentis horror, ac animi perturbatio tanta, ut continuo coeperim prehensare, ac precari hospitis Mahumetani uxorem, ne me proderet, gemebundusque Deum maximū exorabam, ut me ab hac interturbatione metūque maximo assereret aliquando. Ea die quæ Marti dicata est, Carauana, id est camelorum agmen à mecha abiit, me delitescente in Mahumetani ædibus comite uxore eius. Mahumetanus autē Carauanam secutus est, uerum prius non discessit, quam coniugem monuerit, ut die Veneris me duci iuberet ad eam Carauanā, quæ à Zida portu Mechæ in Indiā profectura erat. Adest enim

Zida. à Mecha is portus XL M passibus. Dum latui, quanta me exceperit mulier comitate, pro meritis minime referre possum. Ad id accedebat, quod spectatæ formæ Mahumetani neptis uirguncula annos nata quindecim, flos ipse, plurimū quasi me deperiret, ad mutuū amorem blandiuscula allecabat. Verum per id tempus ingruente uitæ discrimine, præ metu ac formidine Venus propè emortua erat, propterea uitam sponfis ac pollicitationibus amatæ præferendam esse duxi. Igitur die Veneris proxima circiter meridiē abii Carauanam Indicam secutus, nocteq; intempesta peruenimus ad rusculum quoddam Arabum, & ibi quod supererat noctis absumpsimus, usque ad proximā meridiem. Postridie iter cepimus Zidam uersus, eoque deuenimus silentio noctis. Ea urbs mœnia habet nulla, sed ædes sunt conspicuæ, Italis haud absimiles: earum elegantia prudens prætereo, ut breue faciam. In urbe huiusmodi uigent magnopere commercia, illò confluentibus omnibus propemodum nationibus, præter Iudæos ac Christianos, quibus nefas est eò proficisci. Simulac urbem inii, contendi ad delubrum eorum, Meschitā ipsi uocant, & illic nactus sum inopum egentiumque cateruā maximā, utpote numero uiginti quinque milium. Hi opperiebantur quempiā nautam, quo duce in patriam repedarent: uisus egentibus delitui in delubri angulo, & ibi stratus humi diebus quindenis moram trahens ueluti languens, plorabundus querulas subinde emittens uoces ægritudinem simulabam, quasi affligerer stomachi, uel corporis languore quopiam, exciti mercimonia exercentes ad gemebundam uocē,

pauperes



pauperes percontabantur quis nam mortalium ille esset, qui eas ederet lugubres uoces. At inopes qui hærebant lateri meo, Est inquiunt, miser Mahumetanus, qui animam est efflaturus. Vespero autem post primam facem egrediens delubro esculenta emptum itabam, utrum cibi appetentiam concitarem ea potestis coniectura assequi, quod semel in die tantum comedebam, neque opipare, sed quidem frugalius quam quis autumare possit. Vrbi moderatur Sultanus, Babylonis hexarchatum habet germanus eius Mechæ Sultanus. Verum ut præmisi-mus, Babylonico paret. Non operæpretium censeo, ut denarrandis huius urbis moribus ac ritu diutius insistam, quando certe constat eos Mahumetanos esse. Solum est infœcundum admodum, aquarum uero præsertim potu suauium summa est caritas, ædes pelago alluuntur. Ibi quicquid est quo humanior uita carere non possit inuenitur, sed aliunde aduehitur, & cõprimis ex Bobylone urbe Nilotica, ac ex perbeata felicique Arabia, compluribusque locis aliis. Illic ob cœli inclementiam ægrescunt plerumque humana corpora. Sunt propterea ibi fermè semper languentium cateruæ. Vrbs ædium quingentorum ambitu continetur. Peractis quindenis diebus, cum nauta egi, qui Persidem profecturus erat, ut & mihi eodem eundi faceret potestatem. In portu iecerant ancoras centum fermè liburnicæ, si celoces cymbæque & id genus actuarias naues percenseas. Itaque transacto triduo, uento uela dantes, Erythræum mare fulcare cœpimus.

Cur mare Erythræum sit importuosum, fulcarique nocte non possit.

Cap. XXI.

SATIS est in confesso omnibus, quod dictum æquor non est rubrum, sed instar reliqui æquoris. Nos igitur pelago commissi, maria fulcauimus usque ad occasum solis: interdiu tantum nauigabile est mare, noctu conquiescunt tantisper nauæ, donec ad eam insulam quæ Chameran dicitur, peruentum est: deinceps itur tutius. Cur noctu fulcari nequeat, id causæ afferunt, quod aridis ac scopulis breuibûsque frequens est mirandum in modum mare, ob id opus est diurniore specula è superiore parte mali præuidentibus discrimina nautis.

LVDOVICI ROMANI PATRITII ARA-  
BIAE FELICIS LIBER SECVNDVS.

De urbe Gezan, deque eius fecunditate.

Cap. I.

P O S T E A Q V A M de moribus populorum, deque urbium ac locorum felicitatis Arabiæ situ satis super que disseruimus, quantum nobis licuit perspicere, non absolum esse uidetur, ut minore quam quibimus immoratione, quæ supersunt expediamus.

Transactis ergo sex diebus, ad urbem peruenimus nomine Gezan. Ea portum habet commodissimum, eundemque elegantissimum. Illic enim offendimus supra quadraginta quinque diuersarum regionum liburnicæ. Vrbs littori adiacet, principique Mahumetano paret. Ager ferax est modo Italici soli, fert in primis mala cydonea, punicaque, ac Assyria, & optimas uuas, persica, pe-  
q. i.



pones, nuces, persica, rosas, flores multiplices, cucurbitas, poma cetrina, allium, cepas, diceris paradisum uoluptatis: incolæ plerunque nudi agunt: in reliquis more Mahumetanorum degunt: ibi etiam summa est ubertas carniû, rei frumentariæ, hordei, milii albicantis, dora ipsi appellant: eo enim suauissimus conficitur panis: tridui mora inibi commeatum sumendorum gratia absumpta est.

De nonnullis populis qui Banduin dicuntur.

Cap. III.

**A B E V N T E S** ab urbe Gezan itinere quinque dierum, nauigauimus læuorsum in conspectu tellurem semper habentes: & ubi à nobis conspectæ sunt ædes quæpiam, mox esculenta sumpturi in terram descendimus numero ferme quatuordecim, rati non difficulter id impetrare ab incolis posse: uerum operam lusimus. Pro responso iacti sunt funda lapides. Id genus appulsis inhospitale admodum Banduin dicitur, centeni propemodum erant qui nobiscum manum eminus conseruere, fundis lapides uibrantes: horæ spatio concertatum est: ex illis cecidere circiter uiginti quatuor, reliqui uero effusissime diffugere. Inermes erant, si fundas excipias, nudique agebant: diffugientibus ipsis, gallinas uitulosque opimos sustulimus. Intra horas ternas ecce frequens continentis incolarum turba, utpote sexcentû: quibus conspectis, uisum est nobis referendum esse gradum, redeundumque ad liburnicas esse.

De insula maris Erythræi, Camaran nomine.

Cap. IIII.

**E A D E M** die iter cepimus uersus insulam quandam cui Camaran nomen inditum est. Ea ambitu decem mille passuum patet. In ea uisitur oppidum ædium ferme ducentarum. A' Mahumetanis colitur, in ea aquarum carniû copia est, ibique sal elegantius quam unquam conspicatus sim. Ad continentis latus portus, abestque ab ipso continenti octonis millibus passuum. Ea patet Sultano Amaniorum, id est felicis Arabiæ. Illic bidui mora sumpta, uersus ostium Erythræi maris iter cepimus duorum dierum itinere. Noctu interdiumque sulcatur id equoris. Nec ab re id dixerim, quandoquidem ab ea insula usque ad Zidæ portum noctu tuto nauigari mare Rubrum nequit, ob breuia ac frequentiores scopulos. Vbi uero ad ostium pelagi peruentum est, inter septa siue claustra quæpiam esse uidebamur, ostio non plus ternis milibus passuum patente. Dextrorsum uero continens uisitur eminens altitudine decem passuum: sed tellus inculta admodum, quantum terminari oculis quibat. Ad læuam autem dicti ostii consurgit mons eminentissimus, idemque saxeus. Circiter uero medium ostium apparet insula perquam mediocris, Bebmendo nomine, omni habitatore uidua. Proficiscentibus Zeilam iter est dextrorsum: Aden uero euntibus læuorsum iter arripiendum est. Eà nos profecti sumus in conspectu tellurem semper habentes, ex Bebmendo uidelicet in Aden itinere bidui mediæque diei.

De urbe Aden, deque nonnullis eorum erga appulsos negotiatores moribus.

Cap. IIIII.

**H A C V R B E** non memini uidisse munitiorem, in continenti præsertim haud inæqualis soli: geminum latus sepiunt mœnia: quod superest, montibus occluditur, inque eis quinæ sunt arces: in solo æquali est urbs, ambitu sex mille ædiû contenta: commercia in nundinis noctu hora secunda ob nimios, qui sæuiunt interdium, æstus exercent. Prope urbem ad lapidis iactum mons est, inque eo arx fita



sita est. Ad radices autem montis confidunt naues : urbs profecto elegans est, & totius felicitis Arabiae urbium pulcherrima. Illò ceu ad famigeratum emporium ex utraque India, Aethiopia ac Perside exercentes mercimonia nauali itinere confluunt. Itidem agunt, qui ad Mecham frequentes contendunt: uerù simulac liburnicae portum appulerint, adsunt praefecti uectigalium percontantes unde soluerint, quidue conuehant mercium, quantumque temporis sulcando maria absumpserint, & item quot homines singulae celoces tulerint. His exploratis, condicto malum, uela & id genus armamenta asportant aliò, ut illinc abeundi, haud persolutis uectigalibus, exempta sit occasio appulsis. Postridie illius diei, quo illuc appuleram, corripuere me Mahumetani, correpto actutum compedes indidere. Huic rei occasionem idolorum cultor quidam praestitit, qui me his: quasi uerbis compellauit, Canis, inquit, Christiane, cane natus. Exaudito Christiani nomine, Mahumetani ilico me corripunt, correptumque trahunt ad eum, qui Sultani uicariaungebatur opera: moxq; concione aduocata, sciscitabatur ab his qui ad consilium adhibiti fuerant, utrum leto tradendus forem, ueluti Christianorum explorator. Aberat urbe Sultanus, qui quoniam caedium humanarum expers adhuc dicebatur: itum est in eam sententiam, ut prius morti haud traderet, quam monitus Sultans fuisse. Igitur sortium beneficio seruatus sum in custodia habitus diebus quinis ac quinquagenis, pedibus appendente ferro pondo librarum duodeuiginti. Perendino die quo capti sumus, ad eum, qui de perduellione inquit, accurrerunt complures Mahumetani minarum pleni, qui nando superioribus diebus Lusitanorum manus effugerant, pessundatis eorum celocibus: ob id caedibus Christianorum inhiantes, sanguinem nostrum expetebant, asseuerantes identidem nos Lusitanorum exploratores esse: uerum non defuit supernum auxilium nobis: nam qui nos custodiendos suscepit custodiarum praefectus, conspectis lymphaticis Mahumetanis, ratus uim subesse, ualuas occludit, statimque obdit pessulum. Transactis uero quinis supra quinquaginta diebus, Sultanus nos ad se duci iubet: eò enim bini unico camelo compediti pedicis ferreis uecti sumus: nec ante ad Sultanium peruentum est, quam dierum octo itinere consummato. Itaque Sultano in urbe cui Rhadae nomen est sistimur: tunc enim rei bellicae princeps operam dabat, deletum triginta milium hominum habens, bellum Sultano cuiusdam urbis Sana nomine, illaturus. Abest ea urbs à Rhada itinere dierum trium, partim in decliui colle, partim uero in subiecta planicie sita, uisu pulcherrima, antiquiore aëuo, ac hominum frequentia, necnon opum ubertate praecipua. Itaque tremebundi Sultano assistentes, coepit me percontari explorabundus, unde nam essem: ego uero respondi me Romanum esse, inque urbe Babylonis, cui Cayro nomen est, fidei mamaluchorum initiatum esse; contendisse me ad eam urbem quae Medina uocatur, ubi Nabi, id est propheta humanatus dicitur, quòdque illò concesserim uisendi sui gratia, fama suae celebritatis allectus. Addensque ubi gentium ac locorum, & comprimis apud Syros ac Mecham, Medinamque urbem receptum esse, eum claritudine morum, ac uitae sanctissimo tenore secundum esse memini: debere propterea sibi perspicuum fore, cui ob uitae eminentiam comperta esse debebant omnia, me minime Christianorum exploratorem fore, sed Mahumetanum optimum, suaeque eminentiae man-

Ludouici captiuitas.



cipium . Ad hæc Sultanus ait, dicito, leila illala Muhumet resullala . Hæc ego nunquam promere quivi, aut quia deo non erat complacitum, uel certe istus pauore nimio hiscere non audebam : ubi ego conticui, mox iussus sum in custodiam coniici, præsidio hominum complurium : nam ex oppidis duodeuiginti quaterni homines, quatuor singulis diebus ad mei custodiam excubabant, mutatis subinde custodiis, ut per uices singula oppida quaternis diebus custodiendum me traderent : ita trimestri coelo frui nequiui . In cibatu autem ex milio panis singulo die dabatur, isque modicus admodum, adeo ut uel seni panes eiusmodi, famem unius diei non exemissent . Si uero ad satietatem aquam propinassent, mecum opipare nimis actum esse arbitratus fuisset . Intra triduum Sultanus in expeditionem bellicam profectus est, Sanam urbem oppugnaturus : trahebat enim exercitum secum, quem memorauimus, subq; eo merebant equitum terna milia : Christianis parentibus nati erant equites, iidem instar Aethiopum nigricantes . Hi in regno presbyteri Ioannis impuberes adhuc empti fuerant, disciplinaeque militari assueuerant, erantque prætoriani milites, qui principis stipabant latus, longèque pluris pendebantur, quam cæteri uel numerosiores, utpote numero octuaginta milium . Corpus hi uelant sindone instar chlamydis facta, altero exerto brachio, cætera sunt nudi . Inituri bella orbiculatis clypeis utuntur, ea ex binis bubalinis tergoribus constant, intercurrentibus quaternis bacillis, qui ferrumine nescio quo dilabi non sinunt coria . Clypeos huiusmodi exornat pictura multiplex, efficitque ut uisu credas pulchrius nihil, telisque uitandis nihil aptius, magnitudine dolii orificium haud excedunt . Pro manubrio tantum asseris habent, quantum ipsa potest capere manus, idq; geminis clauis firmant . Tragusula utuntur, teli enim genus est, ensq; haud oblongo, sed lato admodum : lineis uestibus, uerū uersicoloribus amiciuntur : xylon siue gossipiū arcendi algoris gratia, neoterici bombicem appellant, addunt : gossipinæ huiusmodi uestes prælio nauando non sunt ineptæ : ob id ituri in prælia eas loco chlamydis induunt : singuli singulas ferunt fundas, ut circum capita uibrent lapides . Subtus fundam est surculus, mesuer appellant, eo pro dentiscalpio utuntur . Nati quadraginta aut quinquaginta annos, ex proprio capillo sibi cornua construunt, sicque bicornes incedunt ceu caprearum hinnuli : ubi in bellicam expeditionem itur, sequuntur exercitum camelorum quina milia, hi singuli onusti sunt funibus gossipinis .

De desiderio mulierum Arabicarum, quo efflicti deperiunt  
albicantes homines. Cap. v.

*Simulata in  
fania.* DIGRESSO exercitu, haud mora, in meam custodiam redii . In prætorio principis ex ternis coniugibus Sultani una degebat, ea pedissequas colmetasque circiter duodenas alebat filo corporis conspicuas, colore ad nigrum inclinate, earum sane opera mihi plurimum conduxit : nam qui in custodia eramus, decreuimus omnes (tres enim eramus) ut quispiā nostrū stultitiam simularet, quo cōmodius quiret alteri alter esse usui : tandem fors tulit, ut insaniendi prouinciā susciperem : qua suscepta operæpretium erat ut ea agerem quæ præ se ferrent dementiam : uerum enim uero primis tribus diebus, quibus cœpi insanus esse, adeo fessus laboribus exantlatis repertus sum, ut maiores nunquā subierim erūnas, pueris infensissime me obseruantibus : nam quinquaginta plerūq; ex omni incolarū colluione



colluione diutissime me lapidibus incessabant: ut parum abesset quin me obruerent: me tamen par pari referente quod læderet. Dum me conſectabantur pueri, iſanum uocitabant. At ego in interula affatim lapidum ſemper gerebam, ut ex ea re dementiam meam cunctis aperirem. Regina uero conſpiciebat per tranſennam è fenestris, concomitantibus eam uirginibus. Ab' que ſolis emerſu uſque ad occaſum uacabat meis ineptiis, ut inde uidendi mei ſumpta occaſione colloquia mecum iniret. Cum itaque nonnullis negotiatoribus eſſem ludibrio, ut teſtator mea foret iſania, exuta interula nudus prodiui, adq; reginæ conſpectum ueni, quæ uiſo me magna afficiebatur uoluptate, uixque ferebat æquo animo, ut à ſe abſcederem, quaſi nondum ſatiaſſet aſpectū. Interea opiparas ganeatāſq; dapes mihi dari iubet, ob id ſplendide epulabar: & ubi uidiſſet irruentes in me pueros, hortabatur ut eos neci eorum periculo traderem: beluas identidem appellitans. ædibus principis inerrabat præpinguis uerueſ, cuius cauda adeo obefa erat, ut pondo eſſet librarum XL, hunc ego manu apprehenſum iure iſaniæ, his uerbis compellabam, eſſetne Mahumetanus, an Chriſtianus, uel Iudæus: at pecus obmuteſcebat: ego uero crebrius ut fidei Mahumetanæ initiaretur, his uerbis inſtabam, leila illala Mahumet reſulala: at belua nuſquam reſpondit: cui ego ſcipione conſregi crura, oblectabatur his regina ineptiis, & maſtati pecudis carnes mihi dari iuſſit epulandas: ueſcebar ego adeo illecebre, ut nihil unquam comederim uoluptuoſius: intra triduū conſeci & aſinum, qui laticeſ in regiam conuectabat, ob idipſum quòd fieri Mahumetanus renueret. Per id tempus etiam ab me adeo male acceptus eſt Iudæus, ut propè ſeminecem eum reliquerim. Verū dum pergo iſanire, quidam me longe ſtultior cœpit probris ac maledictis conſectari his fermè uerbis, Canis Chriſtiane, cane natus. Ad has contumelias factus irritior, cœpi in eum lapideſ iacere plurimos. Conuerſus ille ſubſcribētibus pueris, lapide meum pectus percuffit grauiore ictu. At ego compeditus fugientē aſſequi nequiui. Ob id ad cuſtodiam redeo meam: euntem ruſum ille me dementior inſequutus, in latera lapidem impexit: ob cuius ictum ſum longe deterius acceptus, quàm ex priore percuffione fueram: licet quiuiſſem utrunque uulnuſ euitare, uerum ut iſaniæ meæ fidem aſtruerem maiorem, malui lapide uapulare. Cuſtodiam ingreſſuſ congerie lapidum oſtium obſtruxi, inibique uitam per doloreſ & interturbationem traxi biduo ab omni cibatu potuque temperans: propterea rebantur regina & complureſ alii me animam eſſaturū, conſumptū inedia. Reſerarunt itaque reginæ iuſſu obſtructum à me oſtium: at canes illi mihi illudenteſ loco panis marmoris fruſta obiciiebant, affirmāteſ id ſaccarum eſſe, alii botroſ uuæ harena oppletos proiiciebant, ſal eſſe dicenteſ: ego uero actus fame incredibili, ſaburrataſ uuas comedebam. Eadem die quoniam increbuerat me biduo temperaſſe à potu ciboque, fama accedente uulgari, me diuinum eſſe: aliis tamen cenſentibuſ me proſuſ iſanire, ut ſcinditur incertum ſtudia in contraria uulguſ: itū eſt præſtò ad quorſdam, qui eiſ loci erant apud eoſ, cuiuſ ſunt apud noſ cremitæ, opinione ſanctioris uitæ celebriorēſ: hi montana incolebant. Ad me itaque ſunt perducti, ut exploratiuſ ſciſcitarentur quiſnam eſſem mortaliuſ. Percuntantibuſ eoſ negotiatoribuſ nonnulliſ, ſanctuſne eſſem, an demēſ: horum uaria erat ſententia, alter me ſanctum aſſeuerabat, alter uero me corre-



ptum amentia arbitrabatur. Dissidentibus eis diutius, id est plus horæ spatio super re huiusmodi, duxi missos eos facere. Ob id sublata interula, lotio illos aspersi: quo facto, mox conuenit inter eos, me prorsus amentem esse, fugæque arrepta, hæc succlamabant, me dementem, non sanctum esse. Regina uero è prospectu eminentiore cuncta ridens despiciebat, uirgunculis astantibus, in hancque uocem prorupit, aiens, Per dei bonum, perque Mahumetis caput, hic cunctorum hominum est optimus. Mane postridie cum illum forte sommo indulgentē natus essem, qui me gemino ictu percusserat, memor acceptæ contumeliæ, irrui in hominem, & arreptis eius crinibus, genibus cœpi stomachum collidere, adeoque pugnis uultum uiri contudi, ut plueret cruore facies, uixque seminecem destitui hominē. At regina à longe omnia prospectans aiebat, Confice, confice beluam. Abscessit ille, nusquàmque comparuit. Inter hæc urbis moderator rescituit multiplici coniectura, socios meos perfidia Punica fuga sibi consulere uelle, & exutis compedibus, effractaque custodia abscessuros, me tamen harum rerum expertes uerum quia probe nouerat uisendi mei reginam summa affici uoluptate, statuit prius uim mihi inferendam haud esse, quàm ipsam conuenisset. Quæ ubi in horum cognitionem deuenit, censuit me non esse insanum, iussit'que me poni in inferiore regis custodia, ostio patente, compeditum tamen.

De reginæ liberalitate.

Cap. VI.

PROXIMA nocte regina comitibus senis pedissequis elegantioribus me uisit, animoque attentiore percontabatur, an essem demens: ego uero sensim reginæ aperui me minime amentem esse: at illa huius rei gnara in meam ibat sententiam, cœpitque me blandius excipere, iussit'que mihi ex leuissimis mollioribusque plumis stratum poni, splendidiùsque aiebat, meque totum lauacro additis luffimentis emaculauit. Igitur cum me spatio duodecim dierum ita accipi tractarique humanius iussisset: illis peractis, è superiore regia ad loca infima descendens, singulo uesperis hora noctis circiter quarta me uisum itabat, secumque comportabat delictiora esculenta. Ingrediens uero me hac uoce inclamabat, Accede inquit Ludouice, esurisne? Ego autem respondebam, me esurire, futuræ inedia prospectum iri cupiens: consurgensque occurrebam reginæ, interiore tantum tunica amictus. At illa aiebat, Non ita, sed exue interulam. Cui ego, O' domina, non sum nunc demens. Rursum illa, Mehercule noui te nunquam amentem fuisse, imò astutiorē cautioremq; te uidi neminem. Ego uero in eius gratiam exui subuculam: ea enim obscœna uelabam. Nudum uoluptuosius illa me geminæ horæ spatio intuebatur, nec à me aciem oculorum unquam auertebat, me obseruans ueluti Cupidinem quempiam, querebat'urque, deos incusans his fermè uerbis, O' Deus hunc creasti sole candidiorem, è diuerso autem coniungem meum, meq; ac natos meos omnes nigricantes formasti: utinam hic meus coniunx foret: item superis placeret, ut natum huic non absimilem haberem. Hæc promens sinus lachrymis impleuit obortis, abque imo pectore trahens suspiria, me attrectabat moxque est pollicita mihi, se simulac Sultanus aduentasset, daturam operam, ut compedes exuerem. Proximo noctis conticinio rursum it ad me regina, sequentibus eam binis eleganti forma puellis, allatisque dapibus opiparis, me hac uoce inclamabat, Veni huc Ludouice. Ego respondi, Adsum.

Et rursum



Et rursum illa. Vísne tu Ludouice ut tecum nonnihil morer? Cui ego, neutiquá domina, subdens, non satis supérque sibi fore, quòd compeditus eram, nisi etiá capitis pœna plecterer? At illa inquit, Noli pauere, per hoc caput tibi spondeo impunitatem: quòd si me istuc ire non annuis, ibit Gazella, aut Tegia, uel Galzerana. Hæc dicebat regina, non aliò tendens, nisi ut loco earum cuiuspiam puellarú mecum cubaret. Verum ego nunquá sum his assensus, longéq; ante hæc omnia prouideram: cum mihi plus iusto affecta emori me ac deperire uidebatur, occurtabant animo quæ ingruebant discrimina. Haud certe nesciebam, ubi regina posita me fuisset, non defuturum mihi aurum argentúmque, camelólue ac mancipia, & id genus fermè omnia, quæ mihi complacita fuissent: probe etiam intelligebam stipaturos latera mea acriore obseruatione dena mánicipia quocunq; proficisci contigisset, uixq; me euadere posse Arabiæ septa noueram, obseruantibus portus ac transitus omnes mancipiis nigricantibus. Edixerat enim rex omnibus, qui fluminum portus ac uiarum obseruant angiportus, ne me finerent diffugere, imò abeuntem corripere: obuersabatur etiam animo, quòd si semel fuga arrepta non euasissem, præsto affuturam mortem, aut saltem compedes tátisper, quoad uita superstes fuisset. Ob eam rem reginæ nunquam sum assensus, ne simul animæ ac corporis subirem apertum discrimen. Mœstus itaq; ac gemebundus noctem transegi, deo Opt. Max. me committens. Intra triduú uero Sultanus aduenit, ob cuius aduentum haud mora, per internuntium regina me fecit certiore, se nauaturam operam, ut maximarum opum fierem dominus, si modo illi obsequi uellem. Ad hæc respondi: Exolueret datam deo ac Mahumeti fidem, mēq; è compedibus erueret: demú planissime non desperaret me illi rem gratá facturú esse. Quare ilico me prodire iussit, ac Sultanú adire: qui ut me uidit, percontari cœpit, quónam proficisci uellem exutis compedibus. Cui ego, O' princeps, parentes habeo nullos, prolis sum expers, germanos ac seruos nullos habeo, præter deum ac prophetam habeo neminem. Tu uero princeps, si tibi est complacitum domi tuæ me alere, ero tibi pro mancipio in famulatu perpetuo: erumpebant tandem lachrymæ, oráque ubertim irrigabant, regina astante. Quæ miserata erumnas meas, Sultanum his uerbis alloquebatur. Reddenda est tibi aliquando ipsi deo huius pauperis ratio exactissima, quem diutissime in custodia nullis accedentibus demeritis habere iussisti, caue ne deorum subeas indignationem. Ad hæc Sultanus, ad me conuersus inquit. I quò libet, nam te posthac iubeo liberum esse, ut cœlo pro arbitrato frui queas. Quo dicto actutum compedes abieci, referantibus illis quibus id munus soluendi mei delegatum erat. Liber factus corruui ad Sultani pedes, uestigiáque pedum eius deosculabar, gratias agens. Reginæ uero manus tantum osculatus pro uirili gratias agebam. Illa autem manu me apprehendens, Veni, inquit, mecum pauperrime, quoniam noui te inedia propè absumptum esse. Vbi uero in cubiculum me introduxit suum, suauari me cœpit totiens, ut plus quàm centies id factum esse arbitrer, dapibúsque apposis, me epulari iussit opipare. Ego comedere nolui, siue quòd præ gaudio partæ libertatis capiendi cibi appetentiam habebam nullam, aut quòd summa gaudii futurus metus occupauerat: nam ubi conspiciatus sum reginam arcane in aurem Sultani loqui, cœpi totus horrere, ratus



reginam à rege me loco mancipii impetrauiffe: ob id ad reginam conuersus aio, Tantisper domina non comedam, quoad me libertate donaueris. At illa conticesce demens, quando certe te fugit, quid de te immortales dii sanxerint: si uir nequam non eris, princeps fies. Iam compertū habebam quorsum hæc tenderent, nouerāque quem hexarchatum esset datura. Addidi propterea, sineret me conquiescere tandiu, donec id sanguinis quod metus pauorq; abstulerat, reasumpsissem: nam præter Venerem cuncta uelle posse uidebar. At illa, mehercule uerum dicis: sed ego te quotidie splendidius excipiam, appositis ouis recentioribus, gallisq; gallinaceis, columbis, pipere, cinamomo, ac nuce myristica. His auditis, cœpi ampliores sumere spiritus, factus nonnihil lætior ob ea quæ tam ampliter mulier pollicebatur: & ut refocillatis uiribus, procūlque pulsa formidine, priorem aliquando recognoscerem Ludouicum. Conquieui in regia ad quindenos uel uicenos dies optime acceptus. Interea regina uenatum eundi mihi potestatem facit, iui secum: ubi uero redii, simulabam comparasse præ lassitudine ægritudinem, ex composito id agens, ut mihi liceret à congressu reginæ temperare. Delitui itaq; octonis diebus sub languoris uelamento: illa frequentius per inter-nuntios me uisebat. Inter hæc commonefacio reginā uouisse me deo ac Mahumeti, destinauissēq; animo ire uelle uisum uirum quendam, qui opinione probioris uitæ celebrer erat admodum, in ea urbe quæ Aden dicitur. Annuit illa, & continuo camelum ac saraphos quinque & uiginti mihi dari iussit. Quæ res me maxima affecit uoluptate. Postridie conscenso camelo abeo, itinerēq; octo dierū in Aden urbem perueni: moxq; uisi cum hominem, quem uulgus ob uitæ sanctitatem mire colebat. Nec is ab re cultus erat, quippe qui in summa inopia expers Veneris semper uixerat. Inibi complures uisuntur huic haud absimiles, uerum operam ludunt, quando certe constat, absque baptismi fide inaniter ac nequicquam insumptos esse labores huiusmodi. Peracto uoto postridie eius diei, quò illuc accesseram, finxi me ope illius qui sanctus habebatur incolumem factū esse: ob id haud mora, certiore huius rei reddo reginam, addōq; postquam eius in me tot extabant merita, auere etiam plurimum, ut eius regnum uisam. Id abs me factum ea ratione est, quòd compertum habebam illinc classē non discessuram intra mensem, conuenerāq; clanculum classis cuiusdam præfectū, aperuerāq; illi, me iturum in Indiam, si modo mihi facta fuisset abeundi potestas. Onerauīq; promissis compluribus uirum, spondens donaturū me cum fore munere perpulchro. Ad hæc ille respondit, se prius in Indiam proficisci nolle, quàm in Persida contendisset: conditiones me haud renuente, ita inter nos conuenit.

Hypocritis.

De Lagi & Aiaz urbibus Arabiæ felicis, deq; Aiaz nundinis, & de Dante oppido. Cap. VII.

POSTERO die camelum conscendi, peractoq; itinere uiginti quinque mille passuum, nactus sum urbem quandam Lagi nomine: ea in aruis planissimis sita, in solòque admodum æquali, populo frequens est, fert cariotas, & affatim carniū. At rei frumentariæ more nostro inibi summa est ubertas, uuas habent nullas, lignorūque summopere sunt egentes: qui eam incolunt inciuiles sunt ac subrustici, ex Arabum gente erratica, ob id paucissimi census. Inde abiens itinere diei unius peracto, alteram urbem offendi Aiaz nomine, ea in colle



in colle gemino posita est, intercurrente latissima conualle, inque ea fons signatus: illò itaque commerciorum causa, ceu ad celebre emporium plurimi mortalium proficiscuntur, & comprimis utriusque montis accolæ nundinas ad-<sup>Aiaz emporium.</sup> eunt, perraròque usu euenit, ut inter sese montani haud digladientur. Concer-  
tationis horum causam hanc esse affirmabant, quòd indigenæ eius montis qui Septentrionem respicit, summa ope meridionales in eam sententiam trahere conantur, ut & ipsi Mahumeti ac eius sociis fidem adhibeant: hi uero reluctan-  
tur, ac uni Mahumeti ac Hali fidem adhibendam esse asseuerant: cæteros ue-  
ro ueluti pseudoprophetas aspernantur. Propterea mutuis cædibus se confi-  
ciunt, instar canum. Sed redeamus ad emporium, quò comportantur aro-  
mata minutiora fermè omne genus. Fert ea regio xylon, uulgo appellant bom-  
bicem, sericumque, ibique fructus multiplices, gustu admodum suaues, ut  
sunt persica mala, punica, cydonea, ficus, iuglandes nuces, & uuas optimas.  
Hinc & hinc, id est in utroque montis summo, sunt arces munitissimæ. Itaq;  
discedens illinc bidui itinere inueni aliam urbem, cui Dante nomen est indi-<sup>Dante urbs.</sup>  
tum. Ea arte & natura est munitior. In summo prægrandis montis fastigio po-  
sita. Incolunt eam Arabes inopes admodum, qui ob infœcundum solum non  
nisi egentes esse possunt.

De urbe Almacharan Arabiæ felicis, deque eius ubertate.

Cap. VIII.

VT NOSTRO uisendi orbis desiderio tandem aliquando ex cogni-  
tu nouarum rerum fiat satis, pergemus aliqua denarrare. Inde igitur abiens ad  
urbem quandam Almacharam nomine peruentum est, quæ bidui itinere à  
Dante urbe abest. Ea in monte eminentissimo posita est, adque eam cliuoso  
ac perarduo ascensu itur, utpote septem miliarium, adeoque coartatur iter, ut  
bini homines iter compleant, non secus quàm si fores in angiportu. Vbi uero in  
summum euaseris montem, ecce incredibilis planicies, inque ea ferme rerum  
omnium copia: nam in ipsa montis planicie legitur quicquid frugis humanis usi  
bus conducere queat. Ob eam rem arbitror urbem esse propè inexpugnabilem,  
ubi com meatus omnifariam non desint, sitq; situ quasi inaccessible, & comprimis  
adiuuat aquarum mira ubertas, scaturiente cisterna adeo largiter, ut centenis ho-  
minum milibus sufficere posse uideatur. Illic aiunt Sultanum condidisse thesau-  
ros, quoniam inde est oriundus. Inibi iugem moram trahit una ex coniugibus  
Sultani: fert sanè ager huiusmodi quicquid est, quo uita carere nequeat, cœlique  
clementia, eademque saluberrima temperie urbium nulli est secunda. Indigenæ  
magis in albicantem quàm in quemuis alium colorem inclinant. Et ibi Sulta-  
nus, uelut in phylacam quampiam, auri tantum asseruari iubet, quantum pro-  
fecto onerandis camelis centenis abunde sufficeret: nec nisi uisa denarro.

De Reame urbe Arabiæ felicis, deque eius temperie ac populi  
moribus. Cap. IX.

DISCEDENS illinc iter cepi uersus urbem quandam Reame nomi-  
ne, itinere diei unius à supra dicta urbe distantem: hæc plerunque ab incolis ni-  
gricantibus culta est, eximii sunt negotiatores: agerque omnium fermè rerum, si



Verueces.

ligna excipias, est ferax, ambitu duûm milium ædium urbs continetur. Ab altero montis latere mons uisitur, ubi arx est munitissima, & ibi nonnulla ueruecum genera, quorum ego caudam animaduerti pondo esse librarum quadraginta quatuor: carent cornibus: adeoque sunt obesi ac pingues, ut uix incedere possint: habent etiam illic uuas quasdam sine granis: suauiores illis comedi nunquam: ibi omnifariam fructus inueniuntur, ut supra memorauimus. Huic copię accedit incredibilis cœli temperies, id comprimis testatur perennior hominum ætas: complures sum alloquutus qui centesimum ac uigesimum quintum annum excefferant, uegetam ac succulentam adhuc uiuentes uitam: his amictus est propè nullus, utpote quibus sola interula indumentum præstat, uel nobilioribus: qui uero sunt postremæ tribus, sindone brachio exerto corpus uelant: in tota fere Arabia homines ex proprio capillo cornua gerunt. Mulieres autem caligis laxioribus, instar remigum utuntur.

De Sana urbe felicit Arabiæ, deque eius munitissimo situ,  
necnon de sæuitia filii regis.

Cap. X.

Anthropophagi.

I N D E abiens itinere tridui, ad urbem quandam Sana nomine perueni, ea in editissimo monte sita est, arteque ac natura munitior: hanc Sultanus cum numerosissimo exercitu utpote octuaginta milium hominum octonis menibus oppugnauit, sed nunquam expugnare quiuit, uerum post latas æquas conditiones deditionem fecit: mœnia constant ex humo congesta, altitudine cubitorum decem, lata uero brachia uicena, patet propterea camelis octonis in ordine expositis iter, tanta est illius latitudo. Regio est complurium ferax fructuum, nec multum ab aruis nostris differt, si copiam rerum omnium spectaueris, & comprimis fontibus est irrigua. Vrbi moderatur Sultanus, qui natos habet duodenos, quorum uni Mahumetis inditum est nomen, qui fermè rabie dicitur correptus: mordicus enim homines impetere consuevit, morsosque deuorat usque ad ipsam satietatem, statura cubitorum quatuor, filo corporis elegantiore conspicuus, quippe qui aptissimum quadratumque corpus habet coloris subcinericii. Fert ager eius urbis nonnulla aromata, eaque leguntur non longe ab urbe. Ambitu circiter quatuor milium ædium continetur: ædes eorum elegantia ac pulchritudine nostris non concedunt: adeo urbs patescit, ut intra mœnia uisuntur arua, hortique, ac complura uiridaria.

De Taessa & Zibith, & Damar Arabiæ felicit maximis urbibus.

Cap. XI.

Zibith vrbs

I L L I N C M O V E N S contendi ad urbem Taessa nomine, peracto prius dierum trium itinere: monti imposita est, sed uisu pulcherrima: ibi elegantium rerum ingens ubertas, & præsertim rosaceæ aquæ: urbs est antiquissima, inque ea delubrum instar templi diuæ Mariæ ad rotundam urbis Romæ constructum: ædes ibi elegantiores, adhuc antiquitatē præ se ferentes. Eò confluunt commerciorum causa negotiatores propè innumeri: amictu non dissimili à memoratis utuntur, coloris subcinericii. Inde abiens profectus sum itinere tridui ad aliam urbem, Zibith nomine, pulchram sanè, eandemque optimam: à mari Erythræo abest itinere mediæ diei, ingentiūque mercimoniorum urbs est, suppeditante merces pelago: honestata est dote plurimarum rerum, & comprimis fac-



mis saccari uberioris, ac omnifariam fructuum. Sita est in latissima planicie intra duos montes: mœnibus caret: illic aromatū omne genus præcipuum est emporium, aliâque largiter inde euehuntur: habitu ac colore ut supradicti. Ea uisa urbe, ad aliam Damar nomine concito gradu me contuli, unius diei peracto itinere, à Mahumetanis colitur, qui commerciis eximie incumbunt, urbs fecunditate non postponenda prioribus, nec amictu moribûsque indigenæ memoratis sunt multum absimiles.

De Sultano præmissarum urbium, & qua de causa  
Sechamir dicitur. Cap. XII.

HAE VRBES, quarum paulo ante mentio facta est, Sultano Arabiæ felicis, quàm Sechamir dicitur, parent. Secha sanctus interpretatur, amir uero princeps. Sancti appellatione hominem ob id dignantur, quod aiunt ipsum humanarum cædium, si bella excipias, expertem esse. Illud etiam noueritis, quod per id tempus quo illic agebam in uinculis, supra sexdecim hominum milia alebat: singulis singulo die dantur seni minutiores postremique ualoris denarii pro uictu, quo trahere in custodiâ animam queant. Ita accipiuntur, qui plectendi morte erant: idem domi totidem mancipia nigricantis coloris alit.

De Cercopithecis, nonnullis animalibus humano generi infensisque.  
Cap. XIII.

INDE abiens redi ad urbem Aden nomine, tridui itinere prius peracto: circiter medium iter nactus sum editissimum uastissimūq; montem, is omnifariam abundat animalibus, & comprimis \* Cercopithecis, palabantur & ibi ferè complusculi leones, præsertim hominibus supra modum infensi, idque efficit, ut illac tutum iter non pateat, nisi centum simul uiatoribus, qui frequentiore numero perterreant feras: illud testari licet, quod coram uidimus: eâ enim habentes iter, apertum discrimen subiimus, feris nos confectantibus: complures tamen arcubus ac fundis confecimus, canibus etiam opem ferentibus: tandem aliquando periculum euasimus. Ad urbem ut perueni, cœpi simulare ægritudinē, quasi pergrauī afflictarer capitis grauedine: perdius ergo in delubro iacens, noctu tantum prodibam, conuenturus nauis moderatorem. Impetrauique ab eo, ut & mihi conscendendi liburnicam uel clanculum faceret potestatem.

Catti marini  
uulgo.

De nonnullis AEthiopix locis.

Cap. XIII.

DVM PERGIMVS ex instituto uarias peragrarè regiones, commissi pelago, fortunæ inconstantia, necnon equorum interturbatione multiuiga, à cœpto itinere absteriti sumus. Cum itaque intra senos dies iter in Persida habere-mus æquora fulcantes, iamque septenis diebus nauigationi operam dedissemus: ecce in mari seuior oborta est tempestas, fluctuante salo, dictoq; citius nos à meditato itinere auertens in AEthiopix oras transtulit. Onustæ erant liburnicæ rubrica inficiendis pannis aptissima: nam quotannis ex urbe Aden rubricæ onustas naues quinas ac uicenas negotiatores abducunt: hunc colorem inficiendis lanis mittit felix Arabia. Iactati itaq; ui uentorum in portum quendam Zeila nomine imegimus, ibique quinque dierum moram fecimus, tum ut urbem inspiceremus, tum uel maxime, ut tantisper opperiremur, donec mitesceret æquor.



De Zeila urbe AEthiopiæ, deque fertilitate illius, ac nonnullis animalibus eiusdem urbis.

Cap. XV.

Verueces.

Vaccæ uni  
cornes.

IN EA urbe magnopere commercia uigent, ceu in famigerato admodum emporio, auri ac eboris mira est ubertas, ibique propè innumera mancipia ueneunt haud ingenti pretio. Hi ex regno AEthiopiæ, cui is AEthiopum rex, quem presbyterum Ioannem dicunt, siue Iacobitarum principem appellant, imperitat, à Mahumetanis qui Mauri dicuntur, in præliis corripuntur, inde in Persidem, ac felicem Arabiam Indiâque, necnon in Babylonem Niloticam, ad Mechâmque traducuntur: illic in pretio est iustitia, rectèque uiuitur: fert ager triticum, affatimque carniû, ibi uisitur copia multarum rerum, mittit etiam oleum abundantius, sed non ex oliuis, uerum ex re nescio qua alia: mellis que ac ceræ plurimum: sunt etiam illic uerueces nonnulli, qui ponderosissimas trahunt caudas, utpote pondo sexdecim librarum. His caput ac collum sunt nigricantia, cætera sunt albi: sunt item uerueces prorsus albicantes, quorum cauda cubitalis est longitudinis, modo elaboratæ uitis: palcaria instar tauri à mento pendent, humum propè uerrentia: inerrant aruis boues fœminæ ceruina cornua habentes, hæ non sunt cicuratæ, sed syluestres: ubi capiuntur, dono Sultano eius urbis ceu regium quiddam dantur. Vaccas etiam uidi cornu unicum in fronte media habentes instar monocerotis, longitudine supra palmi magnitudinem: his cornu in terga resupinatur, coloris sunt phoenicei: illæ uero quas memorauimus, in colorem nigricantem inclinant: ibi uberrime uiuitur annona uilescens: urbem incolunt innumeri negotiatores: mœnia sunt exesa, portusque despicabilis, est que in continenti telluris. Illi moderatur rex Mahumetanus, sub quo peditum ac equitum complura milia merent stipendia: rei bellicæ plurimum student: interula tantum amiciuntur. Color est iis subcinericius, inermes ad bella exeunt, latræ Mahumetis addicti.

De Barbara insula AEthiopiæ, deque eius incolis.

Cap. XVI.

POST QVAM sæuientis pelagi tumor efferbuit, uela uentis dedimus, moxque insulæ cui Barbaræ nomen est appulimus. Princeps eius est Mahumetanus: insula non patet plurimum, sed culta est admodum, habitatorumque frequentior: multifariam carnes mittit. His est subnigricans color: quicquid opum possident, id habent in armentis. Illic moram unius diei fecimus, indeque abscedentes, in Persidem uelificauimus.



L V D O V I C I R O M A N I P A T R I T I I P E R -  
S I C A R V M R E R V M L I B E R I I I .

De nonnullis Persiæ urbibus & portubus.

Cap. I.



**A**D dies duodenos maria sulcauimus: tandēque appulimus urbem quandam quæ dicitur Diuobanderrumi, id est diuus Turcarum portus, ea parum à continente abest: quando intumescit undabundum æquor, est insula aquis eam ambientibus: ubi uero resedit mare, iter est ad eam terrestre: paret Sultano Cambaiæ. Moderatur urbi quidam nomine Menacheaz: bidui illic mora insumpta est: commerciorum ingentium est emporium, eamque incolunt ex Turcarum gente fermè quadringenti negotiatores: muro quaqua uersum ambitur: tormenta omne genus mœnia muniunt. Naues habent celocibus nostris paulo minores, thalæ appellant. Soluentes inde contendimus ad aliam urbem, quæ Goa dicitur, ea abest à superiore urbe itinere tridui: illò mercimonia maxime comportantur, exportanturque ab his qui ultro citròque proficiscuntur: celebres sunt admodum nundinæ: nec ubertate rerum opumque magnitudine superioribus urbs cōcedit. Passim colitur Mahumetes. Illinc abiens profectus sum ad urbem aliam, quæ Giulfar dicitur, rerum copia abundans: ibi inter alia peropportunum portum conspicati sumus. Illinc abeuntes ad alium portum Meschet nomine deuenimus.

Diuobander  
rumi.

Goa urbs.

Giulfar.

De Ormo urbe, dēque insula Persidis, ubi margaritæ leguntur.

Cap. II.

**A B S C E D E N T E S** inde uelificauimus uersus urbem Ormus nomine inclytam: ea situ elegantiore, ac unionum copia nulli urbium est secunda: sita est in insula, & maritimis urbibus præferenda omnibus: abest à continenti spatio duodecim mille passuum, aquarum potu suauium, annonæque mira caritas: inuehuntur fermè omnia, quæ uictum cultoribus suppeditant: procul illinc itinere dierum trium leguntur conchæ, quæ pariunt margaritas uenustiores, grandioresque; cæteris baccis: captura earum fit, ut haud multo post expediemus. Sunt ibi nonnulli qui piscatu uictum quæritant. Hi uecti cymbis in mare iactum faciunt prægrâdis saxi dependente fune, idque fit à gemina cymbæ parte, ut utrinque iactis in profundum lapidibus, constabiliri naui, non aliter quàm si in ancoris foret, possit. Firmata suo pondere cymba, alius cui id munus obtigit, in æquor iacit funem saxo dependente. In naui media alius, mantica in pectus tergumque dependente, alligato pedibus lapide se uibrat in pelagus, subtusque aquas urinantium more natat, actusque in profundum ad passus quindenos, tantisper urinat, donec legerit conchas, in quibus delitescunt uniones ac margaritæ: collectas manticæ indit, lapidēque protinus quo pedes grauabantur abiicit, funique innixus in superiora euadit, ibi quandoque ad tercentum fermè nauigiorum genera comperiuntur, quæ undecunque contendunt. Eius urbis Sultanus Mahumetis est initiatus fide.

Conchârū  
captura.



De Sultano Ormus, deque sæuitia filii Sultani erga parentes ac germanos.

Cap. III.

PER ID tempus quo ego has inuisi regiones, hæc quæ mox uobis innotescant, contingere. Itaque Sultano undeni erant liberi, quorum minor natu opinionione insipientiæ minus cordatus habebatur: primogenitus uero ob nimiam calliditatem omnium censebatur uaferrimus. Erant item eidem Sultano bina mancipia, quæ ex regno Presbyteri Ioannis regis Aethiopum in regiam ascuerat, obque eorum merita strenuissimamque consuetudinem fortunis innumeris ditauerat, natorumque loco habebat. Inter hæc maior natu silentio noctis, parentibus germanisque, illo excepto, qui mentis impos credebatur, lumina eruit: sicque effossa detulit in parentum cubiculum, simulque subdito igne, parentes domumque incendio subiecit: cuncta itaque deflagrarunt, parentes uidelicet ac quicquid fortunarum inibi repertum est. Proxima luce atrox facinus cultoribus urbis innotuit, ob id tumultuari coepere omnes, rei indignitate moti. Auctor uero sceleris in regiam, ceu in locum tutissimum se recepit, ac in demortui locum suffectus est. Is uero, quem memorauimus amentem esse habitum, longe alius uisus est, quam omnium uocibus destinatus erat, cognito nefando scelere, ueluti parentum necis futurus ultor, in delubrum continuo diffugit, hæc uoce sublatissima Arabice inclamans, ô dii boni, cacodæmon effectus est germanus meus, confecit parentes ac germanos, confectosque flagrantissimo rogo tradidit. Intra quindenos dies ciuium exulscitatus furor resedit: quo uiso Sultanus accersit ad se alterum illorum mancipiorum, quæ dilecta à seniore Sultano prædiximus, nomine Mahumetem: quod ut uenit, Sultano Arabica lingua insit, Quid ais princeps? At ille, Sultanus sum. Tunc mancipium, Ita mehercule Sultanus es. Tum ille manu apprehensum hominem, blandiendo secum ducebat, illumque Arabice alloquens subdit I & socium tuum occidito, pro qua re tibi septem oppida polliceor daturum quamprimum. At mancipium, Mi princeps, inquit, triginta annis conuictorem habui socium hunc meum, propterea id sceleris quod iubes non ausim unquam. Tunc Sultanus, Sinito inquit. Verum intra triduum uocato ad se altero mancipio itidem agit cum eo quod cum superiore mancipio tentauerat, insidias illi necantes. At ille cui Chaim nomen erat, hoc intellecto, Fiat, inquit, in dei nomine mi princeps: moxque clanculum loricated ibat obiturus principis imperata. Ut igitur ad socium peruenit, facere nequit, quin scelus uultu proderet. Eo uiso, haud mora, intellexit in se cudi fabam hanc, & proditoris appellatione inclamans socium, Venisti, inquit, proditor leto me traditurus? at ille, neutiquam huiusmodi operam nauaturus accedo: at Mahumetes, nequis inficias ire, quando certe conscius patrandi sceleris animus luridum effecit uultum: ob id haud euades, quin te protinus maectem: cognito Chaim in certissimam notionem insidiarum quas struebat deuenisse, gladium quem strinxerat, ad pedes socii abiecit, illicoque humi stratus ueniam precabatur plorabundus, identidem inclamans, parce mihi mi princeps, nam mors mihi iure optimo debetur, ob id confice me eodem mucrone, quo te maectaturus accesseram. At ille, nemini profecto dubium est, quin sis perditissimus proditor, quippe qui triginta ferme annis mutuo usus contubernio conuictor perennis fuisti, & nunc necem illaturus aduenisti: num miser intelligis



intelligis hunc qui tibi id negotii demandauerat, cacodæmonia esse? Verum con-  
surge, quoniam iam tibi parum est: illud etiam noueris, iugi triduo hanc furiam  
me ingentissimis onerasse pollicitationibus, ut mortem quam mihi illaturus ad-  
ueneras, prior tibi inferrem: sed ego conditionem aspernatus, facinori atrocissi-  
mo minime sum assensus. Verum finito deos agere immortales: tu tamen si me  
audis, continuo nauabis eam operam quam mox subiiciam, Conuenias uelim  
Sultanum, illique dicas te leto me tradidisse. Ad hæc Chaim, Subibo impera-  
ta princeps: quare ad Sultanum profectus est: quo uiso Sultanus inquit, heus  
Chaim, mactastine amicum? at ille, confeci me hercle princeps: tunc Sultanus,  
accede propius: hærenti iam principis lateri, Sultanus gladio pectus fregit. Peren-  
dino die Mahumetes clanculum induit lorica, seque ad Sultanum recepit.  
Hunc ut conspiciatus est Sultanus in cubiculo, Canis, inquit, cane natus, adhuc  
frueris aura ætherea? Cui Mahumetes, uiuo quidem in contumeliâ tuam, sumq;  
te actutum mactaturus cacodæmone deteriore. His dictis collato pede digla-  
diari cœperunt: concertatum est nonnihil: tandem præualente Mahumete, mor-  
tem occubuit Sultanus. Quo facto, haud mora, uictor Mahumetes regiam oc-  
cludi, firmarique præsidio iubet. Iuuerunt Mahumetem populi in eum arden-  
tissima studia. Ad eam diem charus fuerat populo admodum, ob eam rem cun-  
ctus populus acclamationibus lætitiâ testans Mahumetem Sultanum salutabat.  
Dum itaq; Sultanus in principatu uigesimali diem egisset: illis transactis, classico  
ad se primores urbis, necnon negotiatores, reliquumque ferme populum uocat.  
Quibus ita loquutum esse accepimus, quod à se factum audierant, non ultra  
id patratum fore, nequiuisse fugere urgentis fati necessitatem, probe se intelligen-  
te id principatus sibi haudquaquam deberi: propterea ab eis impetrare uelle,  
ut illi moderandi regni darent habenas, qui quandoque ad imitationem stulti-  
tiæ factus, parum cordatus uidebatur, ad hunc iusto iure pertinere imperium.  
Concionanti Mahumeti assensum est: moxque ille, qui amens habitus fuerat, in  
demortui locum suffectus est, moderatore tamen Mahumete: nam postquam fa-  
cinus ausit Mahumetes, omnium confessione, deorum amicus credebatur. Ob id  
ultra à cunctis moderandæ urbis illi datum est negotium, desipiente præsertim  
Sultano, cuius in superioribus abunde meminimus. Nec uos lateat in ea urbe ad  
quadringentos negotiatores usque morari commerciorum causa, quæ illic pluri-  
mum uigent: illò enim comportantur sericum, uniones, margaritæ, & id genus  
baccæ, aromatatumque affatim. Viuunt plerunque oriza, quoniam ea regio triti-  
cum non mittit.

De Eri urbe in Chorazani regione Persidis, deque eius opibus, & com-  
plurium rerum copia, præsertim reubarbari. Cap. II II.

I N D E discedens in Persidem sum profectus: peracto duodecim dierum iti-  
nere, ad urbem quandam Eri nomine perueni. Regioni nomen est Chorazani;  
ea appellatione qua & nos Flaminiam nuncupauimus: urbem Eri regionis eius  
rex incolit, ea est omniū ferme rerum ferax: uisiturq; tanta serici copia, ut una die  
emere queas tantum serici, quod ternis camelorum milibus oneradis sufficiat: ibi nun-  
quam ingrauescit annona ob rerum ubertatē. Reubarbari in primis mira est copia:  
ea cōiectura id sum assequutus, quod senæ reubarbari libræ nostro more pondo

Serici copia.



unciarum duodecim singulo aureo nummo ueniebant: urbs ambitu circiter septem milium ædium continetur: colunt Mahumetē quā qui maxime. Abiens illinc itinere dierum uiginti, animaduerti regionem intra terras procul à littore maris frequentem esse admodum uicis ac oppidis, eisdemq; summopere cultis.

De eo flumine quod arbitramur esse Eufratē.

Cap. V.

P E R V E N I tandem ad quendam amnem, quem ipsa incolarum lingua Eufra appellant: hunc ego crediderim Eufratē esse, uastioris conceptaculi ductus argumento. Dum itaq; secus fluuium læuorsum iter ago, tridui peracto itinere, ad urbem aliam peruentum est Schirā nomine, ea unicum principem habet, eundemque Persā, alii nemini parentem, additūq; fidei Mahumetanæ. Ibi omnifariam pretiosi lapilli inueniuntur: & comprimis Eranō lapis, qui abigit lymphationes, pellitque formidines, turchicam appellant: abunde enim aduehuntur, ut ferebatur, ex urbe Balascham nomine, ubi ingens est ubertas castorei, ibiq; colorum complura genera. Illud uobis compertum fiet, cur perraro apud nos castoreum syncerum inuenitur: prius equidem adulteratur, quā ad nos comportetur, Persis adulterantibus: nam id hominū genus his uasframentis adulterandarum rerum concedit nemini, id ego corā perspexi, uolūque quandoq; synceri castorei uim odoriferā experiri. Igitur conspiciatus sum aliquando quolpiam huius rei periculum facientes: sumebant enim uesticam castorei, eāq; conceptam mox naribus olfaciendam admovebant quaterni ex ordine homines: ea admota, tanta erat fragrantis castorei uis, ut olfacientibus eliceret sanguinē ē naribus, idque præ se ferebat haud adulteratū castoreum. Percunctabar etiam Persas, an castoreum ut cætera unguenta, quæ suis moriuntur horis, ilico expiraret. Pro responso habui, uim huius odoris asseruari ad annos denos, si modo non adulteretur. In qua re Persæ eminent præstantque plurimum: inuicem hi sunt cunctorum hominum comissimi, & comprimis liberalitate præferendi omnibus neque id ausim astruere, nisi corā eiuse rei periculum fecissem. Per id tempus quo illic agebam, nactus sum ibi negotiatorem quendam Persā, qui me superiore anno in urbe Mechæ cognouerat, is erat oriundus ex urbe Eri in Chorzain: qui, ut me conspiciatus est, Ludouice, inquit, quis te impulit has uisere sedes, nōne ille es quem dudum apud Mecham noui? Cui ego, Sum quidem ille, qui uisendi orbis desiderio mirabilem in modum ardeo: at Persa, Deus laudetur inquit, postquam offendi comitem mei itineris quempiam, qui eodem desiderio teneatur, quo & ego capior: quare in urbe, cui Squilaz nomen est, mora quindecim dierū insumpta est. Persa uero me hortabatur, ne à se discederem, futurus itineris iugis comes, ut eo duce præcipuam orbis partem peragraremus. Itaq; itineri accingimur, profecturi uersus eum locum, cui Sancto Braganti nomen est inditū.

De urbe Sancti Bragantis, & quomodo Babylonem magnitudine exæquat, deque Persarum rege, qui Sophi dicitur.

Cap. VI.

V R B E M. Sancti Bragantis ferunt magnitudine Babyloni minime concedere: quippe quā uastissime patere autumant: eius rex Mahumeti est additus. Memorant negotiatores habere in armis ubi libuerit ad sexagena equitū milia: gens inclinat in colorem albicantem, bellicoque usui aptissima: nos uero hæc tantum ex aliorum narratu affirmamus: non enim ultra progredi licuit grassante



ac sc̃uiente Sophi in eos qui Bobachar & Othomar ac Omar sacris sunt initia-  
ti. Hi Mahumetis collegæ fuere, eiúsque deliramentorum conscii. Qui itaque  
his fidem censent adhibendam esse, absumuntur: quos uero nouerit Mahumetis  
ac Hali sacra, imò prophana colere, illæsos finit. Inter hæc comes meus accersito  
me, ait, Vt scias Ludouice quanti te faciam, quàmue ex meo contubernio tibi  
prospectum iri aueam, institui te arctissima coniunctione mihi deuincire, ut hoc  
nexu compertum tibi sit, me nusquam defuturum esse cœptæ necessitudini. Est,  
inquit, mihi neptis, cui \* Samis nomen est, hanc tibi matrimonio iungi ita cupio, A lias Semes.  
ut nihil desiderem ardentius. Samis eorum lingua phœbus dicitur. Nec id ab re,  
phœbo profecto uenustior candidiorque erat. Adiecit ad hæc ille, se non ambire  
orbem, ob id quòd cuiuspiam rei egens esset, uerum solius animi ac uoluptatis  
causa, quam ex multarum rerum cognitione proficisci affirmabat. Quare gra-  
du reuocato, ad urbem Eri nomine rediimus: quò ut peruenimus, excipit me  
domi suæ comes meus honorifice & amanter, ostensâque nepte, instantius me-  
cum agebat, ut iure matrimonii uirgine potiri uellem. Ego uero qui longe alia  
animo destinaueram: præ me tuli id quidem non aspernari, sed commodius il-  
lud agendum esse arbitrabar: quare intra octonos dies inde abeuntes, reuerfi  
sumus ad urbem Ormus nomine. Illincque soluentes in Indiam uelificauimus:  
& tandem aliquando portum appulimus, qui lingua indigenarû Cheo dicitur.

LVD OVICI ROMANI PATRITII IN-  
DICARVM RERVM LIBER IIII.

De urbe Indiæ Cambaia, omnium fermè rerum ferace.

Cap. I.

Q VONIAM in operis huius exordio, si recte meminimus,  
spopondimus cuncta nos denarraturos esse compendiosius quàm  
quibimus, ne plus iusto prolixior oratio fastidium pareret lecto-  
ri, decreuimus ob id promissa dissoluere, & ab instituto haud-  
quaquam recedentes, ea uestris auspiciis tantum scripto prodere,  
quæ narratu digniora uidebuntur. Indiam igitur ingressi ad portum quendam  
deuenimus, hunc præterfluit ingens fluuius, cui Indo nomen est: isque non pro- Indus flu.  
cul abest ab urbe quæ Cambaia dicitur. Ea ad tertium lapidem posita intra ter-  
ras, respicit meridiem: ad eam non est liburnicis uel actuariis nauigiis accessus,  
nisi inundet flumen uberius solito, qui aliquando ad tertium uel quartum lapi-  
dem irrigare maiore auctu arua consueuit. Verum auctus inibi fluminum con-  
trarias uices incrementorum habent, quippe qui non nisi decrecente luna au-  
gescunt: apud nos uero pleniluniis tumescunt amnes mirandum in modum.  
Vrbs muro nostro more ambitur, cunctisque fermè abundat, re præsertim fru-  
mentaria, ac fructibus omnis generis. Ibi inter cætera complura aromatum ge-  
nera reperiuntur, quorum nomina me latent: illic etiam gossipium abunde inue-  
nitur, uulgo bombix dicitur: asportant inde negotiatores annis singulis tantum

r. iii.



gospitii ac ferici, ut quandoque quadragenas aut quinquagenas naues harum mercium abducant, alióque comportent. In eodem regno is mons reperitur unde eruitur onyx, corneola uulgo dicitur. Nec procul inde est mons unde exciditur calcedonius lapis, adamásque.

De moribus incolarum Cambaiæ urbis præclaræ. Cap. II.

I A M I A M subiiciemus Sultani eius statum ac mores: is Machamut dicitur, cum ibi essem agebatur quadragesimus annus, quo ipse regnum indeptus fuerat, rege Gugeratorum depulso. Hi nullum animal occidere cibi gratia, nullaque carne uesci optimum esse arbitrantur: non sunt Mahumetani, neque idolorum cultores. Ego uero crediderim, si baptismi caractere insignirentur, eos parum à salute abesse: nam genus est plenum iustitiæ: quippe quod aliis non infert, quod sibi inferri noluerit. Si habitum quæris, pars nudi agunt, pars tantum obscœna uelati: caput uincit gausape, coloris purpurei. His autem collos est suffuluus, ob eam causam à Sultano regno pulsi dicunt, de cuius moribus iam descendo dicturus. Huic igitur sunt in armis equitum uicena milia, singulóque mane in regiam ueniunt quinquaginta uiri elephantis insidentes, quibus id solum negotium datum est, ut uenerabundi regem uenerentur, beluis genua flectentibus. Mane uero rege experrecto, crepant cymbala, tympanaque, audiunturque sonantes tibiæ, necnon buccinatores: adsunt & complures alii, qui multiugis instrumentis musicis lætitiâ uiuentis regis testantur, itidem pransuro agunt: adsuntque itidem discumbenti memoratis elephantis insidentes, & rursus consueto munere colendi principis funguntur. Locis suis animalium huiusmodi ingenium ac consuetudinem denarrabimus. At Sultanus memoratæ, urbis superiora labia adeo prominentia habet, ut illis æque ac mulieres capillo caput uinciat. Barbam uero albicantem gerit adusque umbilicum promissam: ueneno ita assuevit, ut omni die quippiam hauriat, ne putes ad ipsam satietatem uenenum sumi. Leto traditurus è satrapis quempiam, ad se accersitum, cui mors imminet, nudum sibi assistere compellit: móxq; edit nonnullos fructus, chofolos uocitant, instar nucis myristicæ, muscatam appellant: mandit etiam quædam herbarum folia, modo mali Assyrii, tambolos nominant: addit etiam attritarum concharum ostreæ calcem, simulque cuncta mandendo ruminat. Tandem in eum, quem cupit occidi, expuit, aspersoque eo, continuo mors subsequitur, præsentaneo ueneno uitam perimente: nam ubi in hominem ut præmisimus, expuerit contrita uenena, intra mediæ horæ spatium perfusus ueneno in terram corruens efflat animam. Huic etiam sunt circiter quaternascentorum milia: nam ubi semel concubuerit cum quauis meretricum, proxima luce uitam exuit: depositam interulam amictusque mortalium nemo attingit. Mutatoriis opus est propè innumeris. Sciscitabatur diligentius à negotiatoribus comes meus, unde hæc profecta esset pernicies uenenorum. Aiebant illi parentem Sultani à cunabulis natum aluisse ueneno, propterea uni sibi innocuum sola consuetudine factum esse, cæteris uero perniciosum ac letate esse admodum. Verum de rebus Sultani modum facientes, incolarum mores descripturi, redeamus unde sumus digressi. Hi igitur plerunque sola tunica interiore uelantur, omnium sunt bellacissimi, commerciisque student quàm qui maxime: regionis ubertas

Sultani descriptio.



ubertas pro meritis referri non potest. Ea frequentatur ab ultro citroque com-  
meantibus ex omni ferme mortalium genere. Inde hac de urbe altera, cuius cum  
opportunitate duxerimus, meminisse est animus, ad varias multiplicisque regio-  
nes orbis innumera mercimonia euehuntur, ad Turcos præsertim, Syrosque,  
Arabas felices, Indosque, & item ad Africam incolentes, Aethiopsque, & alios  
mortalium plurimos: sericum in primis, ac xylon, bomicæ appellant, illinc ex-  
portant. Hinc est quod ille Sultanus omnium censetur ditissimus, mercimoniis  
ibidem mirabilem in modum uigentibus. Hic maximas exercet simultates cum  
rege quodam, qui Iogæ regno imperitat, quod abest à supradicto rege itinere  
dierum quindecim. Itaque huius regis Iogæ imperium longe latèque patet, il-  
lique in armis sunt triginta armatorum milia, idolorum est cultor, omnisque eius  
populus: suntque opinione sanctitatis apud cæteros reges magno in pretio, cele-  
bresque admodum: nam ex instituto rex huiusmodi singulo triennio ter uel qua-  
ter peregre proficiscitur, aliterque aliena impensa dum peregrinatur, ut apud  
nos uoti cuiuspiam gratia peregrini circuire regiones solent. Trahit secum ad qua-  
terna contubernialium milia, longum sanè seruorum ordinem: coniugem insu-  
per & natos omnes circumducit: ducit etiam quatuor uel quinque feruidos soni-  
pedes, felisque qui odorem illum gignunt lectissimum, Gibellum uocitant, cer-  
copithecisque complusculos, psitacos item ac pardos, accipitresque, hocque or-  
dine ambit ferme Indiam totam. Illi habitus est geminum corium caprinum,  
altero priorè partem, posteriorem altero corporis partem uelat, uillo extrà emi-  
nente: coloris est propè mustelini. Ibi enim ob incendium candentis syderis ni-  
grescere ac torreri corpora incipiunt: omnes in aures gestant dependentibus omni-  
fariam monilibus lapidibusque pretiosis: alii exerto brachio uelant corpus, alii  
sola interula amiciuntur. Rex ac nonnulli procerum maximi puluisculis odori-  
feris quasi per speciem maioris claritudinis, infectam faciem circumferunt, ac re-  
liqua corporis infecta, alii aliis uanis ducuntur superstitionibus, induxerunt in  
animum alii ne humi procumbant unquam, alii ne toto corpore strati confi-  
dant in terra: alii ab omni eloquio ueluti elingues temperant: his uero adsunt  
terni aut quaterni homines, qui mutis uictu suppeditant: omnibus in uniuersum  
cornu è colle dependet: illi ubi ad urbem quampiam peruenerint, incolas, ceu agunt  
apud nos cornicines, admonentes simul omnes concinunt, eoque concetu stipem  
à mortalibus petunt. Rege domi sedente treceti aut sanè quadringenti homines si-  
mul peregre exeunt. Nec plus triduo, modo Aegyptiorum, in eadem urbe morantur.  
In manibus ferunt scipionem in ima parte ferreo orbe munitum: alii orbes tantum  
quaqua uersum limatos nouaculæ instar incidentes ferunt: illi quos oderunt impe-  
tunt funda lapides uibrantes: quare ubi in urbem aliquam uenerint, ab omnibus ex-  
cipiuntur placidissime, illisque impune est uel urbis summam occidisse, quando  
profecto id agere diuinitus creduntur: ager non est ferax admodum annona in-  
grauescente. Regio montibus plurimum asperatur: eorum ædes sunt despicabi-  
les pessimisque incolatus, urbes muro ambitas non habent, horum opera ac studio  
comportantur ad nos margaritæ, & id genus monilia, illudque non difficulter  
efficiunt, peregre quoque uoluerint aliena impensa proficiscentes. Hi igitur ob  
propè inaccessam regionem, Sultano Machamir maximum exhibent negotium.

Rex Iogæ.



De urbe Ceul, deque moribus ac audentia eius populi.

Cap. III.

**A B I E N S** ab urbe Cambaia me recepi ad aliam urbem Ceul nomine, quæ à Cambaia itinere dierum duodecim abest. Ager qui inter utrunque intercedit Guzerat dicitur. Rex eorum idola colit: his est colos suffuluus, pro amictu alii interula utuntur, nudi agunt alii, tantum obscena uelati, nudis pedibus ingrediuntur, apertoque capite prodeunt: si perpaucos Mahumetanos negotiatores excipias: ad bella sunt promptiores, in præliis ense, arcubus, lanceis harundineis, clypeisque orbiculatis utuntur, tormenta habent quibus prouunt mœnia, stragisque inferunt armatis exercitibus. Ea urbs munitissima mœnia habet, distatque à mari duobus ac mille passibus, præterfluit urbem amœnissimus amnis, quo ultro citroque undecunque mercimonia comportantur, accedentibus eò exteris liburnicis: copiam præstat ager suapte natura omnibus abundans, si uuas, iuglandesque nuces ac castaneas excipias: legitur triticum ac hordeum, affatimque leguminum. Illic etiam conficitur gossipinus pannus. Eorum fidem prudens prætereo, quando certe constat eos eiusdem latriæ esse, cuius est rex Calechut. Horum meminisse hæsit cordi mihi, ubi fore opportunum duxero. Illic complures negotiatores Mahumetani degunt: aeris temperies calidior est, quam ubi est frigidissima, iustitia ibi maxime uiget in pretio: regi in armis non sunt frequentes milites. Regio fert equos uaccasque plurimas. Discedens illinc ad urbem quandam Dabuli nomine me contuli, itinere bidui à superiore urbe distat: hanc ingens fluuius præterfluit, nostro more mœnia habet, ager est fecundus, ipsaque urbs amœna admodum, ibi negotiatores propè innumeri Mahumetani. Rex idola colit, huic ad triginta hominum milia in armis sunt: corpora animosque ut superiores populi exercent, genus est plenum iustitiæ, his idem est cultus corporis, uictusque ac mores insunt ut illis quos supra memorauimus.

Dabuli vrbs

De Goga insula Indiæ, deque eius rege.

Cap. IIII.

**S O L V E N S** illinc profectus sum ad eam insulam cui Goga nomen est, ea à continente abest mille passibus: hæc regi de Dechan quotannis pendit uectigalium nomine mille aureos, Perday eorum lingua appellantur: si horum formam quæras, angustiores contractioresque sunt saraphis Babylonicis, sed longe crassiores: ab altera parte pro superscriptione bini sunt inculpti dæmones: ab altera uero cernitur nescio quid, literis exaratum. In ea insula maris secus litus uisitur oppidum more nostro constructum: illi est præfectus dux quidam militum cui Sauain nomen est: sub eo quadringenti Mamaluchi merent stipendia, ipseque Mamaluchus est: is ubi consequi potest quempiam ex uiris albicantibus, eum beneuole excipit, cæterisque adnumerat militibus: conducere enim eos consuevit stipendio uiginti aureorum mense singulo: sed prius honores huiusmodi non centuriat, quam hunc morem seruauerit. Iubet igitur centuriaturus delectumque habiturus, geminas ex corio afferri diploides, ipse alteram, alteram uero induit is qui admittendus est ad militiam. Ut itaque uterque diploidem induit, luctantur nonnihil: ubi is qui ascribi debet in stipendiatorum militum numerum, inter luctandum repertus fuerit præstanti fortitudine, corporisque uiribus eximius, uirumque se explicuerit, haud mora, militibus consociatur, sin minus, sellulariæ

Perday.

Militum delectus.



cellulariæ aut cerdonicæ arti mancipatur. Is itaque dux cum quadringentis Mamaluchis regi Narfingæ negotium ingens exhibet : huius mentio fiet locis suis. Recedens inde contendit terrestri itinere octonis diebus ad eam urbem quæ Decan dicitur .

De Decan urbe Indiæ pulcherrima, deque multiugis eius monilium generibus. Cap. V.

VRBI Decan memoratæ moderatur rex Mahumetanus, sub quo prædictus Mamaluchorum præfectus stipendia meret . Ea urbs uisu est pulcherrima, feraxque ferme rerum cunctarum . Eius rex inter Mamaluchos adnumeratur , & cum eo ad triginta quinque hominum milia suæ ditionis , si peditum equitumque recenseas numerum . Urbem decentissime elegans regia exornat : regiam honestant loca complurima : nam prius quàm ad regis cubiculum deuenias, per quadragena quaternaque cubicula tibi transeundum est : sic enim disposita contignatio est , ut alteri alter aditum locus præbeat , donec ad nouissimum peruenieris . Vrbs more Christianorum mœnibus ambitur : domus sunt haud inelegantes . Rex uero utitur fastu, pompamque ducit incredibilem . Qui regi famulantur , in summis sotularibus circumferunt pyropos ac adamantes , & id genus lapides pretiosos . Quæ uero monilia pro inauribus ac condaliis ferant , cogitent ipsi quibus acerrimum est iudicium, cum pedes eminentioribus corporis partibus contulerint . In eius regno mons est , unde erui dicitur adamas . Is mons est ab urbe ad sextum lapidem , muroque quaqua-  
uersum circumdatur : ipsum firmissimum asseruat præsidium . Scatet ea regio fere rebus omnibus in uniuersum . Mahumetem colunt: amiciuntur sericis uestibus , uel interula ex serico elegantiore : ocreis tenuioribus cum caligis instar remigum utuntur. Mulieres Damascenarum sceminarum modo uelant faciem, ne unquam satient intuentium aspectum.

Adamantis  
fodinæ.

De regis diligentia peritiæque disciplinæ militaris. Cap. VI.

IS REX cuius paulo ante meminimus, diutina bella gerit cum rege Narfingæ. Qui illi parent populi Mahumetem colunt: milites plerunque conducit externos aduenasque. Illis est colos albicans, indigenis uero suffuluus. Rex opibus diuitiisque uberioribus ac liberali consuetudine nemini ferme concedit. In mari etiam classem habet ualidissimam. Odit Christianos quàm qui maxime. Peragrata ea regionis parte, iter cepimus uersus urbem, cui Bathacala nomen est.

De urbe Indiæ Bathacala , deque eius ubertate , præsertim orizæ, ac faccari. Cap. VII.

ABEST urbs Bathacala ab urbe Decan itinere quinque dierum , arte & natura nulli urbium postponenda. Rex idola gentilium ritu colit: circuitur mœnibus, estq; à pelago ad primum lapidem: portum non habet maritimum. Qui è mari illuc mercimonia comportant, aduehunt amne perquam mediocri. Illic moram degunt complures negotiatores Mahumetani ob commercia, quæ inibi sum mopere uigent. Amnis præterfluit urbem: ager mittit orizam, faccarum, & illud comprimis quod candidum uocitamus. Ibi fici ac iuglandes reperiuntur, ut in urbe Calechut: latræ dæmonum sunt additi, ut incolæ Calechut: Mahumetani tamen seruant ritus suos. Equis, mulis, asinisue haud utuntur: uaccas,



bubalos, pecora & capreas habent. Regio tritici, hordei leguminumq; ferax non est, uerum fructus omnifariam alii inibi leguntur Indico more. Dimissa ea urbe ad insulam quandam Anzediuam nomine me recepi: ea colitur à Mahumetanis idolorumque cultoribus, distat insula à continente stadiis quaternis, Ambitu uero patet uiginti mille passuum. Illic coelum minime clemens est, agerque infœcundus. Intra insulam ac continentem terram intercedit portus commodissimus. In insula aquæ potu suauissimæ hauriuntur.

De nonnullis optimis Indiæ urbibus.

Cap. VIII.

**Centacula** **ILLINC** discedens iter à me cœptum est uersus urbem quandam, cui Centacolæ nomen inditum est, unius diei itinere prius absoluto. Huic princeps haud magnarum opum moderatur. Affatim tamen inibi carniū ubertas inuenitur orizæq; ac omnifariam fructuum non aliter quàm apud Indos. Ibi complusculi Mahumetani commercia exercent. Rex idola colit: genti colos est suffuluus, nudi prorsus agunt, apertoque capite prodeunt. Princeps huiusmodi regi de Barthacal paret. Inde abeuntes itinere bidui itum est ad insulam quandam aliam Onor nomine. Rex eius latræ addictus est dæmonum, & regis Narisingæ subit imperata. Is est omnium comissimus, expers fastus, huius iussu circiter octonæ liburnicæ assidue maria sulcant, & prædabundæ quidem excursionibus uacant. Hic summa necessitudine ac uinculo amoris regem Portugalliæ complectitur. Gens obscœna sindone uelat, cætera sunt nudi. Mittit ager orizam ubertim non secus quàm Indica arua. Illic animalia propè omne genus, ut sunt, apri, cerui, lupi, leones, ac omnifariam auitia, nostris tamen absimilia. Pau in primis psitacique, necnon uaccæ ferè innumeræ, eadèmq; subrutilæ, sunt item uerueces obesi admodum. Florum uero ac rosarum tanta est copia, ut ibi uel hibernis diebus non desint. Coelum clementius esse nequiret: cultoribus longe diuturnior uita est, nòsque in ea re exuperant. Haud longe à dicta urbe uisitur urbs alia Mangolor nomine, unde circiter sexaginta naues oriza onustæ soluere consueuerunt. Incolæ partim idolis seruiunt, partim Mahumetem colunt, uictus amictusque ii sunt, quos supra memorauimus.

De Canonor urbe Indiæ maxima.

Cap. IX.

**DIGREDIENTES** illinc iter cepimus uersus urbem Canonor nomine, rerum pulchritudine præstantissimam. Ibi rex Portugalliæ munitissimū habet oppidum. Urbis rex idola colit, ipsiq; regi Lusitaniæ est charus in paucis. Portum urbs habet, illò conuehuntur equi Persæ, sed immania sunt horum uectigalia, nam penduntur pro equo singulo aureorum uicena & quina milia. Digressis inde iter introrsus terras est ad Narisingæ urbem, ubi complures Mahumetani negotiatores degunt. Ager tritici, uuarum, ac omnium fere fructuum, si pomacitrea cucurbitasque excipias, expers est admodum. Pane non uescuntur incolæ, sed oriza, pisce ac carnibus, necnon iuglandibus quas fert regio. Alio loco de eorum cultu ac moribus differemus, cum iam sit omnibus in confesso, eos indigenis urbis Calechut haud dissimiles esse. Inibi cœpta sunt inueniri zinziber piperq; myrobalanum, cardamomum, cassia, & id genus aromata complura. Urbem mœnia haud circundant, ædes sunt despicabiles. Illic reperiuntur fructuum complura genera nostris absimilia, uerū longe suauia, suis locis à nobis describetur eorum



eorum forma . Regio est propè inaccessa, ob frequentiores specus uì extractos. Regi sunt in armis ad quinquaginta nobilium milia , Hærolipsi appellant . In præliis utuntur ense, clypeo obrotundo, hastis ac arcubus : nunc uero tormentis etiam uti consueuerunt. Nudi incedunt, obscœna tantum uelatiis apertum est caput, nisi ubi ad bella contendunt : tunc caput subrutilo galero tegunt, eosque bis inuoluunt, uittaque nescio qua uinciunt. Equis, mulis, asinisque non utuntur, minúsque camelis, quos dromedarios passim uocitamus. Elephantis tantú utuntur, non tamen præliaturi. Vbi tempus appetet, dicemus abunde de arce, quam rex crexit contra regem Portugalliæ . In urbe uigent summopere commercia : nam quotannis illò undecunq; ducenta fermè nauigia appellere consueuerunt. Præteritis nonnullis diebus , peracto itinere quindecim dierum orientem uersus, postquam in regnum Narsingæ deuentum est, tandem ad urbem quandam Bisinagar nomine peruenimus.

De Bisinagar urbe regni Narsingæ feracissima.

Cap. X.

V R B I moderatur rex Narsingæ : ea maxime patet : muro tamen ambita in decliuo montis sita est, circuitu octo mille passuum : triplici muro circumdatur: ibique cunctorum mercimoniorum famigeratum celebratur emporium. Fœcundus est mirum in modum ager : illic quicquid est quod ad delicias ac suauiores faciat uoluptates , inuenitur : uenationibus ac aucupiis alibi nusquam arua aptiora , syluæque : credas uoluptatis paradysum esse quampiam . Rex indigenæque regni idola colunt. Magnarum est rex uirium : huic supra quadringenta equitum milia in armis excubant . Illud etiam non præteribo, equum ibi non minoris quàm quadringentis aut quingentis pardais ( ii sunt aurei nummi) uendi . Vñ quandoque euenit, ut octingentis aureis quis equum emerit : pretii hanc immanitatem efficit , quod aliunde aduehuntur : ibique nulla equarum armenta, prohibentibus regibus, qui portus asseruari iubent maritimos, ne importentur equæ . Huic etiam sunt quadringenti ad belli usum elephantes : habet & dromedarios, qui ocyssime currunt. Hic peropportunum uidetur , ut de docilitate, deque agillima consuetudine elephantorum nonnihil differamus, ne uideamur non meminisse superiorum, cum classico lectori colliquecat, nos supra id esse crebrius pollicitos. Igitur id animal docile est admodum, parúmque ab humanis abest sensibus, cunctasque beluas fortitudine anteire solet. Indi belua inituri clitellas elephanto imponunt: sunt clitellæ huiusmodi, cuiusmodi in regno Ausonio utuntur muli: clitellas subtus aluum cingunt geminæ ex ferro catenæ : supra clitellas hinc & hinc domus , uel si mauis turrim aut caueam ligneam appellare : collo iungunt caueas, assamenta nescio quæ crassitudine medii palmi : singulas caueas terni homines ingrediuntur: inter utrasque dorso beluæ insidet Indus, qui beluam alloquitur : illis est enim patrii sermonis intellectus, officiorumque memoria . Constat nullum aliud animal humanis sensibus accedere propius, si amoris & gloriæ uoluptatem, si probitatem conspicuam, si prudentiam, & id genus mores, quorum sunt cætera animalia expertia, spectaueris: Itaque septeni sunt homines, qui elephantum bella inituri conscendunt lorcati, ferentes arcus, lanceas, enses ac peltas. Promuscis elephanti, quam manum appellant, loricatur: illi alligatur exertus ensis duorum longitudine cubitorum :

Elephantis  
natura.



crassitudine uero ac latitudine palmæ humanæ, sicque instructi præliantur. Vbi progrediendum aut retrocedendum est, monet domitor: cuius uocem callet elephas. Feri, inquit moderator beluæ, illum, ab illo tempera: sæui item in alios, abstine ab aliis. At animal cuncta subit imperata, eaque adamussim explet æque ac humanorum capax sensuum. Verum ubi usu euenerit, ut obiecto igne pauore icti fugam arripiant, nulla re adduci possunt, ut gradum reuocent: ea gens enim mira arte ubi libuerit ignes terrendis beluis excitat. Hos adeo id animal pauet, ut nulla alia re magis terreatur. Ob id uisis ignibus effusissime diffugiunt. Reliquum quid est: discretis moribus, fortitudine eximia præstat omnibus. Memini aliquando uidisse elephantos ternos maximam liburnicam in siccum trahere, ut haud multo post referabimus. Dum ego apud Canonor urbem agerem, nonnulli negotiatores Mahumetani in hunc modum in siccum nauim trahebant, seruata Christianorum consuetudine, uersa nauis, exposita prora uersus continentem, subiectis ternis trabibus, tres elephanti genibus innixi, capitæque in humum connixio nauigium in terram trahunt. Verum sunt plures qui existimant in cruribus elephantos non habere internodia, plicaræque ob id nequire tibias: quod profecto à uero plurimum abest. Habent iuncturas ut cætera animalia, sed in improprie parte crurum. Fœminis inest ferocia maior quam maribus, cōuehendisque oneribus illis longe maiores sunt uires: furore etiam corripuntur, id cursu lymphatico præ se ferentes. Elephantes ternos bubalos magnitudine excedunt, uillo etiam non absimiles: oculi ut suis: promuscidem, quam manum appellamus, promissam admodum habent: ea ori esculenta ac poculenta admouent: subest enim iugulo os, sui sanè non absimile, hiscam referens: proboscis exesa est ac caua intus: eaque sæpenumero uidi beluas porrectas capere stipes: uidi item ab elephanto arboris truncum prosterni, tantæ quidem uastitatis, ut quod effecit belua nos priores numero uigintiquatuor nequiuimus. At elephas uno uel altero connixu arietauit in terram. Bini dentes qui prominent, collocantur in superiore maxilla: auriculas quaquauersum gemini palmi magnitudine habentes: nec id usque minore aut maiore, ut assolet, proceritate. Pedes illi sunt obrotundi instar orbium, quibus discumbendo carnes excipimus munditiarum causa, ne gausape foedetur. Pedem ambiunt quinæ ungulæ ostrinæ conchæ latitudine. Cauda instar bubali, terni palmi longitudine, uillo rarissimo. Fœminis sunt proceriores mares: magnitudine sunt multiuga: alii ad tertiumdecimum palmum, ad quartumdecimum tolluntur alii: transcendendi quandoque in nonnullos ego eiusce magnitudinis. Assueuerant cultores, ad sextumdecimum palmum quosdam altitudine exurgere. Lentius incedunt: fit propterea ut qui non assueuerint, non aliter quam in undabundo æquore nauseam subeant, ac insidere nequeant. Iunioribus ubi infederis summa afficeris uoluptate, molliter instar gradariæ mulæ gradietibus. Vbi conscendendus est elephas submittit genua, & quasi stapedes instrueret, præbet scandendi facultatem: subleuante tamen quopiam homine à tergo sessorem. Infrenes sunt omnes, nec ceruicem restis uincit: soluto prorsus capite gradiuntur.

De coitu elephantorum.

Cap. XI.

INITVRI loca quærunt palustria, pudoræque non nisi in abdito cocunt: dicunturque ferè humanitus ueneri operam dare: etsi non desint auctores, qui barros



ros dicant auerſe coire. Apud quosdam pro ſummo munere habetur, ut regem elephantino membro donent. Id forte plurimi faciūt, ob immane pretium, quo ueneunt elephantī, utpote quingentis aureis: alij (ſi credere dignum) duobus milibus aureis emuntur: illud forſan non moles corporea, ſed acre ingeniū præſtat. Nuſquam ſane negauerim me alicubi uidiſſe gentes quaſpiam, ſenſu ac ingenio elephantis longe inferiores. Itaq; is rex Narſingæ opibus ac imperio præſtat cunctos, quos unquam conſpicatus ſum reges, unquāmq; audiuerim. Vrbs ſitu ac elegantia urbem Mediolanum effingit præſentatq;: ſi tamen id excipias, quòd in loco eſt decliui, minùſque æquo. Quæ illi ſubſunt regna, ea Narſingam circundare uidentur, ut regnum Auſoniæ ac Venetiæ Mediolanum ambiunt. Ea urbe inter utraque maria procurrenſe, referebant eiſ Bramini (hoc enim nomine ſacerdotes eorum dignantur) regem ſingulo die ad duodecim mille Pardios pro ueſtigalibus, cenſùſque loco ſumere. Huic ſemper in armis excubant complura armatorum milia: quippe cui bella nunquam deſunt, eo finitimis arma inferente. Idolorum eſt addiſtus ſcœdiſſimæ latræ, ipſumque cacodæmona colit non aliter quàm rex Calechut. Vbi duxerimus opportunum fore, hæc explicatius denarrabimus. Viuunt ut idolorum cultores: iis eiſmodi eſt habitus, qui maioris ſunt cenſus, tunica utuntur interiore haud oblonga, caput uero ſcæcia uerſicolore Maſumetanorum ritu uinciunt. Gregarii obſcœna tantum uelant, cætera ſunt nudi. Rex birreto panni Attalici caput exornat gemini palmi longitudine. Proſecturus in prælium goſipinam induit ueſtem, hanc clamyde tegit bracteis aureis ornata. Limbum chlamydis honeſtant monilia fermè omne genus. Equus eiſ tanti eſſe creditur, ſi pretium inſpexeris, quanti eſt quæpiam è noſtris urbibus. Id efficiunt innumeri lapides pretioſi, margaritarum ac unionum complura genera, quibus phaleræ apparatu incredibili teguntur. Exeuntem in uenationes comitantur terni aut quaterni reguli, qui deducendi regis officio funguntur: circiter equitum ſena milia iter agenti præſto ſunt. Colliqueſcit itaque hunc regem opibus, diuitiis, militumque delectu, & ſexcentis ſimilibus nemini concedere. Monetam cudit, quam Pardios appellant, & item minoris ualoris monetam aliam, quæ Fano dicitur: hanc efficiunt ſexdecim minutiores denarii. AEs etiam ſignatum habent Eas nomine, ſexdecim quidem pro nummo argenteo exponuntur. Viatoribus tutum eſt iter uſquequaque, modo à leonibus ferocientibus cauerint. Eſculenta quibus aluntur prudens prætereò, eadem demum denarraturus, cum de rebus Calechut ſermo fiet. Rex memoratus Chriſtiano nomini plurimum fauet, cum regèque Portugalliæ, quæ pars eſt Luſitaniæ, ſecum magna intercedit amicitia. Præter hanc gentem Chriſtianos nouit nullos, illò enim appellant Luſitani, honorificèque appuſi tractantur. Viſa itaque hac urbe mora complurium dierum, rediimus ad urbem Canonor. Quò cum perueniſſemus, triduo ibi abſumpto, intra terras proficiſci placuit, tandèmq; ali quando ad urbem Trompatam nomine deuentum eſt.

De urbe Indiæ Trompatam nomine, deque nonnullis aliis Indiæ locis.

Cap. XII.

VRBS Trompatam abeſt ab Canonor urbe duodecim mille paſſibus. Illi moderatur idolorum cultor, ſoli non eſt admodum ditis, parùmque ab ſ. i.

Narſingæ regis opulentia



pelago distat, utpote mille passibus. Interfluit eam amnis perquam mediocris. Illic complura Mahumetanorum nauigia uisuntur: cultores frugalissime uiuunt, maiores non habent opes quàm iuglandes Indicas, eas condunt oriza. Scatet regio lignis & asseribus ad fabricandas liburnicas aptissimis. Ibi ad quindena milia Mahumetanorū degunt: regi tamen idola colenti obsecundant. A cultorum habitu & moribus temperabo tantisper, donec ad id loci uentum erit, quo res urbis Calechut sumus explicaturi: est enim illorum una eademq; fides. Eorum domus adeo sunt despicabiles, ut non pluris singulæ uendantur aureo dimidio: illud etiam haud multo post compertum fiet uobis. Bidui itaque illic assumpta mora discessimus inde, iterque uersus urbem nomine Pandaran cepimus, distantem à memorata unius diei itinere. Regi Calechut paret, nulliusque ferme momenti est, & comprimis portum habet nullum. Huic ad ternas leucas aduersa est insula deserta, habitatorēque uidua. Indigenarum superioris urbis is est habitus, qui & urbi Calechut: urbs in cliuo posita est. Illinc digredientes contendimus ad urbem aliam Capagot nomine, cui rex Calechut imperitat. In ea urbe est regia pulcherrima ueterū more constructa. Quā orientem respicit, perpulchro fluuio alluitur, ab urbēque Calechut ternis abest leucis. Hic non est maxime immorandum, cum satis constet, eosdem mores ambabus esse urbibus. Inde igitur abeuntes tandem aliquando per celebrem inclytāque urbem Calechut deuenimus. Præterii sciens ac prudens tot regum ac populorum mores habitūque: præsertim regis Chianul & Dabul, necnon Bathecala Onórue, ac Mangolor, Canonor, Cuchin & Cachilon, Calonue ac Narsingæ potentissimorum principum. Id abs me factum est ferme ex composito, ut diutius denarrandis rebus Calechut, ceu longe excellentioribus immorarer. Constat sane hunc regem cunctos orientales anteire reges, ob id indigenarum lingua Samory, id est in terris deus dicitur.

L V D O V I C I P A T R I T I I R O M A N I  
R E R V M I N D I C A R V M  
L I B E R V.

De urbe Calechut Præstantissima.

Cap. I.



**N**O B I S ad urbem Calechut, ceu ad Indicarum urbium præcipuam metropolim appulsis, uisum est superiori libro supremam imponere manum, sequentēque auspicari, quo maiore uoluptate lector afficiatur, rerūque dignior elegantia animos demulcens mentem teneat, ut nobis studium peragrati orbis opem ferat, ingenioque subscribant uires, hæcque ultro peritioribus harum regionum, ceu censoribus acerrimis diiudicanda relinquimus, ut si forte longe plura adiuerint, ipsi in medium proferant. Igitur urbs Calechut est in continenti, ædes eius pelago alluuntur. Ibi non est portus, sed quā meridiem respicit ad primum ab urbe lapidem est amnis, qui effluit in oceanum angustiore ostio: is multifariam diuisus per arua dispergitur patentia, ac irrigandis agris carpitur à cultoribus: altiores non uehit aquas quàm quini palmi altitudine: incuruat



curuat ad urbem amnis non despicabili decursu, eamque interfluit. Mœnibus haud ambitur, uerum continetur circuitu sex mille ædium, non adhærentibus ut apud nos ædificiis, sed longiore spatio discretis inter se ædibus, forte ignium metu, aut sane imperitia ædificandi. Quà uero in longitudinem extenditur, millenis patet passibus. Domus sunt despicabiles, quippe quæ supra equitis altitudinem ab humo non tolluntur, frondium plerunque laceramentis loco imbricum cooperiuntur, multis contignationibus. Huius rei causam afferunt, quòd humo egesta ad quinos palmos aqua mox scaturire dicitur, ob id nequeunt altius fundamenta iacere, quæ contignationibus ferendis sufficiant. Negotiatorum ædes tabernæque non minoris quàm quindenis aut uicenis ueneunt aureis. Cultorum uero domus non pluris ad summum, quàm binis aureis emuntur. Nec idem est omnibus pretium: Aliæ minus aureo nummo, aliæ solido aureo nummo uenduntur.

De rege Calechut, deque eorum latria.

Cap. II.

PRIMUM igitur omnium rex Calechut dæmonum latriæ est addictus, ut haud multo post compertum fiet uobis. Non diffitentur deum optimum maximum cœli ac terræ potissimum architectum, præcipuumque auctorem, ac primariam causam esse. Sed uero fabulam addunt, somniantque deum nullam sui principatus capere uoluptatem quire. Vbi negotium iudicandi orbis sumeret ipse, delegasse propterea uicariam operam, ut ipsi comminiscuntur, cacodæmoni, quem deliri mentiuntur esse de cœlo sumptum, iuri reddendo mortalibus. Illique rursus ineptientes aiunt, factam à deo potestatem tribuendi cuique quod suum est, pro benefactis uidelicet ac malefactis mercedem emeritam. Huic Deumo nomen indidere. Deum uero maximum Temerani appellant. At Deumum dæmonum fallacissimum, rex in eius regia constructo ad id sacello hoc apparatu, ut ilico colliquefcet, colit. Sacellum patet quaqua- uersum testudinis latitudine duum passuum: tollitur autem ab humo non plus ternis passibus. Ingressum ligneum ostium præbet cum antipagmentis, quæ sunt dæmones complusculi torreutice sculpti, ut in emblematis uisitur. In sacello medio collocata est sedes solii instar ex ære, æneum admittens sessorem dæmonem. Dæmon sedens diademate redimitum caput habet modo Romanorum Pontificum. Sed id plus habet quod diadema ternis insignitur cornibus. Fulciunt item dæmonis caput quaternæ cornua, oræque uastissimo hians, dentes præ se fert quaternos: naso est deformi, toruis trucibusque luminibus, uultu minaci, aduncas manus uncini instar habet, pedes uero gallo haud absimiles. Qui monstrum horrendum ingens conspiciantur, pauent continuo, res est sane uisu indignissima, eademque horrida admodum. Sacellum ambiunt picti dæmones ad omne testudinis latus, hoc est, in singulo angulo sedens ex ære uisitur Satanas, ita fabrefactus, ut undecunque flammescere uideatur, absumentibus animas miserandum in modum flammis. Animabus eiusmodi magnitudo semi digiti est, aut procerioribus solidi digiti. At dæmon dextra animam ori admo- uet: sinistra autem ex inferiore loco aliam corripit. Singulo mane eorum sacerdotes, Bramini dicuntur, memoratum idolum rosacea, & id genus laticè odorifero emaculant suffiuntq; uariis odoramentis, suffitum humi procumbentes adorant: intra

Deumus.  
Temerani.

Dæmonis fi-  
mulachrum.

Bramini.



Sacrificandi  
ratio.

hepdomadam aliquando idolo sacrificant, etsi nunquā litant. Sacrificando hunc ritum seruant: Abaculum habent in altaris modum, trium palmorum altitudine, latum quaternos palmos, longum item quinos. Abacum sternunt omnisariā floribus ac puluisculis odoriferis. Sic referto floribus altari, sanguinem galli uasi argenteo carbunculis ignitis oppleto induunt, additis suffimentis odorum innumeris, thuribulōq; accepto adolent largissime thura, altare circumuecti, tinniente crebrius interea tintinnabulo argenteo. Gallum mactant cultro argēteo, cruoreque infectum cultrum nonnunquam igni admouere solent. Aliquando cultro arrepto edunt gestus nescio quos, ut solebant qui à lanista olim ob munus gladiatorium rationem inferendi & euitandi ictus discabant. Crematur sanguis galli totus accensis funalibus altare complentibus. At sacerdos immolaturus galli sanguinem, lacertos pedesq; argento exornat ita fabrefacto, ut astantiū auribus tintinnabuli instar insonet. Pectus bulla nescio quæ condecorat, id est eorū insigne. Peracto sacrificio, sumpto ambabus manibus tritico, discedit ab altari cessim cancrorum more gradiendo, nusquam ab altari oculorum aciem flectens, donec ad arborem quandam peruenerit, quod ut deuentū est, mox manibus resecatis in ipsam arborem effundit triticum, quod tulerat occlusum, elatis supra uerticem manibus demū rediens unde digressus fuerat, altare omni cultu denudat.

De regio more, quem rex discumbendo seruat.

Cap. III.

P R I V S rex cibum sumpturus non discumbit, quā quaterni sacerdotes regias dapes dæmoni in hunc ferme modum obtulerint: nam passis manibus, eisdemque supra uerticem elatis, ac cessim utraque occlusa manu ad se retracta, pollice tantum prominente, idolo esculenta quibus rex uesci debet, offerunt, ibi tantisper opperiuntur, donec non sit uero absimile quempiam esse potuisse. Ea adducti ratione id agunt, ne rex quicquam sumere uelle censeatur, quod idolo honoris gratia non sit oblatum prius. Id esculenti quo rex uesci consueuit, affertur in trulla lignea arboris cuiusdam latiore folio strata: uescitur oriza, & complusculis aliis rebus, quarum in præsentiarum non satis memini, humi recubat absque stragulis, discumbentem stantes sacerdotes circumstant, nusquam propius quā ad quaternos passus accedentes, regis uerba reuerentissime obseruantes. Vbi uero rex esse desierit, actutum sacerdotes quicquid dapum superfuit, in locum quendam transferunt, inque nuda humo collocant: quo facto rursus & iterum manibus complosis excitant corniculas aues nigricantes, quæ ad hoc unum aluntur: hæ enim signo huiusmodi assueuere, propterea ueluti tessera data ilico aduolant, regiāsque reliquias depascuntur: has uolucres nefas est lædere, ob eam rem tutò uolitant quocunque libuerit.

De sacerdotibus urbis Calechut, qui Bramini dicuntur.

Cap. IIII.

C O N S E N T A N E V M esse arbitramur, plurimūque uoluptati legentium conducere existimamus, ubi horum sacerdotum statum ac mores expenduerimus. Hi igitur eius loci sunt apud eos, cuius sunt & apud nos sacerdotes primarii. Ducturus rex uxorem, prius thorum inire non consueuit, quā à digniore sacerdote noua nupta deflorata fuerit. Nec id munus ultro subeunt sacerdotes. Stupri à rege pretium constituitur quingentorum aurcorum. Hunc morem præter regem Calechut seruat nemo.

De multi-



De multiugis idolorum cultoribus in urbe Calechur.

Cap. V.

I A M I A M expediemus multiugum indigenarum urbis Calechur idolorum cultum. Primores idolorum cultores Bramini appellantur: ii sunt eorum sacerdotes: qui prioribus succedunt, uocitantur Naeri, non minoris sunt apud eos, ut apud nos patritii penduntur. Horum interest enssem, clypeum, arcum, lanceamque cum prodeunt ferre. Desinentibus hæc circumferre, aufertur ceu exauditoratis nobilitatis insigne. Qui tertiæ classis habentur, ii eius loci sunt apud eos, cuius apud nos sunt cerdonicam exercentes artem. Sequentes Mechoa dicuntur, piscatu uictum quæritantes. Qui nouissimis sunt proximi, illis Poliar nomen est inditum, Ad hos spectat piper, uinum iuglandisque legere. Postremi uero Niraui appellantur. Ea gens postquam seuit orizam, eandem colligit: at Poliar & Niraui etiam ueluti postremæ tribus hominibus, neutiquam nisi uocatis ad Bramini & Naeri propius quàm ad quinquaginta passus accedere licet: ob id delitescunt in umbraculis ac locis palustribus. Cum prodeunt ut à longe exaudiantur, uoce inclamant nescio quid sublatissima, ut nobiliores moneant, ne inopinatò reperti luant morte pœnas. Vbi enim usu euenerit, ut Bramini & Naeri inclinationibus assueti haud moniti forent, obuiam quempiam ex illis capite census haberent, dum arua reuifunt, impune eos leto tradere queunt: ob eam rem inclinationibus aduentantes quoscunque præueniunt monentque. iam uobis innouere seni idolorum cultores.

De habitu regis ac regimine, cultorumque urbis, deque edendi modo.

Cap. VI.

R E G I ac reginæ, incolisque urbis, idolorum cultoribus haud dubie dissimilis non est habitus: quippe qui gosipino, haud sanè serico panno obscena tantum uelant, cætera sunt nudi: pedibus incedunt nudis, apertoque capite prodeunt. At Mahumetani tunica interiore ad umbilicum usque amiciuntur. Fœminæ uero eodem habitu utuntur quo & uiri: latræ idolorum cultores, uti consueuerunt: sed id plus habent, quòd promittunt capillum mirum in modum. Rex ac primores urbis inconsultis sacerdotibus non uestuntur carnibus: cæteris autem gregariis licet quibusuis uesti carnibus, si uaccas excipias, qui Niraui & Poliar dicuntur: mure ac piscibus sole exustis uestuntur.

De hõrum ritu post obitum regis.

Cap. VII.

E X E M P T O rebus humanis rege, si superstites sunt mares liberi aut germani, aut fratrum filii, ii minime regno succedunt: nam filio sororis ex gentis instituto sceptrum debentur: qui si nullus foret, regno succedit is qui arctiore coniunctione regem contingit, non alia aiunt de causa, nisi quòd Bramini sacerdotes, ut præfati sumus, reginam deflorarunt. Peregre proficiscente aut exeunte in uenationes rege, sacerdotes uigesimum annum tantum nati reginam domi afferuant, illi assistentes: nihilque gratius regi contingere posset, quàm ut reginæ per stupri conciliationem assuescant. Propterea exploratum habet rex ob uulgatam reginæ pudicitiam, ex ea susceptam prolem inter liberos collocandam minime fore. At sororis natos ueluti sibi iure sanguinis coniunctissimos, afficere in imperii partem consuevit. Rege defuncto regni indigenæ omnes barbam ponunt, capiteque tonsio desiderium regis testantur. Nec omnibus est idem mos, aliismen-

f. iii.



Betoli folia.

ti partem nouacula nudantibus, aliis uero capitis partem solum tondentibus, ut sua trahit quemque uoluptas. Per id tempus etiam quo regem funerantur, qui piscatu uitam trahunt, per speciem mœroris à piscium captura temperant octonibus diebus, & ubi ex coniunctis regis quempiam mortem occumbere contigerit, itidem seruant quod regi defuncto seruari memorauimus. Rex quandoque adductus superstitione, ad annum ab re uenerea abstinet, & item animo destinatus uesci nolle betolis: hæc sunt folia quæ Assyrii mali frondis similitudinem exprimunt: has enim frondes in cibatu habent gratissimas: æque quidem illis utuntur ac nos bellariis ex saccharo scitissime conditis: eas enim ceu illecebras edunt, nec alia quàm uoluptatis aut exuscitande Veneris emortuæ causa, illa esse creduntur, dum huiusmodi folia mandunt. Edere consueuerunt fructum quendam, cui coffolo nomen est, hunc mittit arbor arecha nomine, palmæ non absimilis, quæ cariotas gignit non absimiles, consimiles producens fructus. Miscent insuper contritas ostrearum conchas calcis instar cinami.

Quomodo idolorum cultores inter se coniuges commutant. Cap. VIII.

Polygametia

P A T R I T I I ac negotiatores hunc morem inter se seruant. Fit quandoque ut iure amicitiae alter alterum miro affectu prosequatur. Propterea quibus sunt uxores amicis, nonnunquam complacitum est per speciem maioris coniunctionis uxoribus commutandis operam dare: stultorumque lingua mutue se compellant in hunc ferme modum: Heus tu amice, coniunctissime uiximus. At ille, Ita diutine coniunctius amicusque uiuere nequiuimus. Et rursus alter, Verumne loqueris, cum adstruis te mihi amicum esse optimum? Sum, inquit ille. Et item prior, mehercle diligis me? At socius, amo te mediussidius. Tum ille, Commutemus uxores ea lege, ut tu mea, ego uero tua potiri queam. Tum alter, aín? tu serio? Cui ille, ita per Pollucem. Concedamus, inquit socius, domum meam. Quò ubi peruentum est, alter eorum inclamat uxorem. Accede, ait, mulier, huncque sequere, quoniam deinceps coniunx erit tuus. At mulier, quam ob causam? loquerisne serio? At prior coniunx, non iocor quidem. Tum mulier, lubens, inquit, sequor. Protinus his ultro citroque dictis, abit cum prioris socio uiri mulier, inuicemque coniugem suam iure commutationis ad socium mittit, qui prior adduxit mulierem. Hoc institutum permutandis seruant uxoribus. Pignora uero alterum parentem sequuntur. Aliis uero idolorum cultoribus longe sunt alii mores: nam scœmina septenis nubit uiris, qui in concubitum noctes alternant. Vbi autem pepererint mulieres prolem, delegant ad quencunque ex septem coniugibus uoluerint, à quarum assertione nulla est prouocatio.

De ritu edendi incolarum, deque eorum iustitia. Cap. IX.

Atrox homi-  
cidæ suppli-  
cium.

H V M I procumbentes edunt in trulla ænea: coclearis uicem supplet arboris folium. Esculenta sunt oriza, pisces, aromata, fructusque ignobiliores. Ex ea hominum nota qui rustici dicuntur, adeo illote ac fœde uiuunt, ut edentes in ollam manum intingant: dumque orizam capiunt, fœdantes in olla manus in pilæ modum concinnant, sicque concinnatam admotamque ori uorant. Id genus iustitiæ apud eos uiget: ubi quis quempiam confecerit, correptus pœnâ in hunc modum luit: Genus habent patibuli, id est palum longum quaternos passus. Huic non longe à fastigio ligni scipiones gemini in crucis figuram affiguntur.

Tunc



Tunc palo per terga fontis acto, terebratum homicidæ corpus cruci miserandum in modum infigitur, sicq; affixus infelix pendet, donec uitam exhalauerit. Patibulum huiusmodi patrio sermone Vncaleut appellant. Qui uero consau-  
ciant, aut scipione quempiam uerberant, ii culpam à rege auro redimunt. Ob-  
æratu uero ita præstare solidum compelluntur: nam ille cui quippiam debetur  
auri, monet obæratum ut soluat. At is qui æs contraxit alienum, uerba dat.  
Quod ubi intellectum est illi cui aurum debetur, ubi per archigrammateos re-  
gis, qui centeni esse dicuntur, constiterit id æris esse contractum, tunc prasini co-  
loris, fronde arrepta tam diu hominē confectatur, donec comprehenderit: com-  
prehensum uirenti fronde circumscribit, iubetq; lingua incolarum his uerbis, nisi  
solido præstato illinc ne abeat: hæcque usque tertio profatur, per caput Bramini,  
id est nomen sacerdotis: & item per caput regis iubeo, ne hinc discedas, nisi æs  
retentum dissolueris. Ille uero qui intra circulum circumscriptus est, aut protinus  
solidum præstat, aut illic uitam sine custode exuit: qui si aliò diffugeret, semel  
correptus continuo leto iussu regis traderetur.

De eorum latria erga idola.

Cap. X.

A D O R A T V R I idola ante emersum solis stagno lotionis gratia im-  
merguntur, sicque loti nihil prius contrectant quàm domi suæ preces ad idola  
fuderint: orant enim humi strati, idque clanculum. Dum sic orant, edunt gestus  
nescio quos dæmoniacos ueluti lymphati, inuersis luminibus, miròq; oris deho-  
nestamento instar portentis. Pauorem non sine horrore conspiciantibus inferunt:  
nec horæ quartam partem orando perennant. Vbi uero edendi tempus appetie-  
rit, esse nequeunt, nisi obsonia concinnauerit è patritiis quispiam. Ea cura fœmi-  
nis non delegatur, quando certe sua tantum curant esculenta. Hunc morem so-  
lum nobiliores seruant. Fœminis autem aliud non est curæ, quàm muliebri  
mundo studere: ob eam præsertim causam, quòd uiri cum eis ante non coeunt,  
quàm lotæ fuerint, suffitæq; uariis odorum generibus. Cum prodeunt fœminæ,  
mirus est monilium apparatus, ab auribus pretiosis lapillis dependentibus, lacer-  
tisque ac pedibus omni baccharum genere cultis.

Quomodo prælium ineunt.

Cap. XI.

I N E A urbe quotidie quasi ex instituto à lanista rationem inferendi  
euitandique ictum more digladiatorum discunt cultores, ense, clypeo ac lancea  
exerciti. Profecturo ad bellum regi in expedito sunt centena peditum milia: nam  
equitum ibi usus est (præter elephantorum) nullus. His uehitur præliaturus rex:  
qui regem sequuntur, uitta serica, eadèmq; coccinea caput uinciunt. Prælium  
inituri, ense obrotundo, clypeo, lanceis ac arcubus utuntur: regis uero insigne est  
nescio quid rotundum ex arborum frondibus complicatis instar cooperculi do-  
lij cuiuspiam, harundini affixū, eo candentis ardorem solis arcet. Somler lingua  
patria dicitur. Vbi utrinq; constitere acies ad trinum arcus iactum, rex mittit sa-  
cerdotes suos (Braminos appellant) in hostium castra, ut ex se regi dicant, pro-  
pius cum centenis Naeris (ii sunt nobiliores robúrque militiæ) collaturus pe-  
dem accedat, se quoq; cum totidem protinus accessurū. Hoc renuntiato uterq;  
se accingit expeditioni bellicæ, inque itinere medio centeni cum centenis manus  
conferunt: qui si uel tridui spatio concertarent, nunquam punctim, sed cæsim

f. iiii.



feriunt bino ictu caput petentes: itémq; semel tantum cruribus intentant enses. Vbi uero quaterni uel seni mortem oppetiere, continuo sacerdotes bellum dirimunt, eorúmque iussu utrinque canitur receptui. Dirempto praelio sacerdotes utriusq; exercitus ultro citróque contendentes, utrosque reges his uerbis percontantur: Vultísne amplius? At sacerdos: Minime, inquit. Itidem ex hostili exercitu sacerdos agit. Hunc morem praeliando seruant cum centenis centeni. Rex uehitur quandoque elephanto, nonnunquam à suis triariis (Naeri dicuntur) incessu perniciosissimo conuehitur. Proficiscentem regem sequuntur multiugis musicæ instrumentis concinentes: crepant tympana, & id genus complura. Naeris suis stipendii causa singulo mense quaterni penduntur carlini: dum uero bella ingruunt, seni: hoc stipendio uitam trahunt milites. Ii dentes habent nigricantes, ob eam herbam quam crebrius mandunt. Hos ubi occiderint, rogo miro apparatu imponunt: alii asseruant horum cineres: cæteris uero non idem est funerandi mos, gregariis præsertim: alii uita functum intra proprias ædes tumulant: alii in ædium uestibulo: alii corpora in amoenis secessibus, ac uiridariis suis humant. Monetam cudunt non aliter quàm in urbe Narfinga. Cum ego illic agerem, ex omnibus fermè orientis partibus negotiatores aderant, comprimis Mahumetani: alii ex regione Melacha, ex Bangella alii: nonnulli ex Tarnassari, ex Pego & Ciriomandel alii: nonnulli ex Zeylam de Sumatra, id est Taprobana, alii ex Colon: nonnulli ex Caicolon, alii ex Bathecala, & innumeri fermè alii, præsertim iam notiora nomina, uidelicet Persæ, Arabes, Syri, Turcæ, Aethiopes, & ex regno Narfingæ complusculi, tot aduenæ exq; uariis regionibus per idempus quo illic agebam, aderant in urbe Calechut florentissima, illud esse noueritis, quòd qui idola colunt, non sulcant maria: id munus Mahumetanis delegatur, utpote exercendis commerciis aptioribus. Incolunt enim urbem Calechut circiter quindena Mahumetanorú milia, qui ex ea urbe plerunque oriundi dicuntur.

Quomodo ibi maria sulcant.

Cap. XII

Q V O M O D O enim maria adeant, quòue tempore se pelago committant, qualiter fabricentur nauigia in eo latere ubi uisitur Calechut, haud multo post compertum fiet uobis. Igitur naues frabricantur non minores, quàm quæ quadringentis aut quingentis doliis ferendis sufficiant: paténtque absque tecto. In nauium commissuris nullo modo stupam ponunt, sed asseres adeo affabre connectunt, ut optime arceant aquas: commissuras pice ferruminant, clauisque ferreis abunde firmannt communiuntque: nec à stupam temperant ob id quòd illius sint egentes, quando affatim stupæ ac lini aliunde illò conuehitur. Assamenta habent trabesque multiplices: & si ligna quæcunque spectaueris, nostris quidem non sunt deteriora, nòsque copia lignorum superant: uela nauium habent gossipina, eadèmq; in ima parte geminata: utraque enim utuntur ducturi in altum, ut uentorum uim maiorem uela concipiant, tumescantq; magis. Nos itaq; in ea re superant, qui unis tantum utimur uelis. Ancoras iaciunt marmoreas, longas octonos palmos, at quaquauerfum binos: eas gemino fune appensas æquori induunt: ancoras præter has habent nullas: nauigandi stata habent tempora. E' Perfide usque ad eam plagam, cui Cumerin nomen est (ea meridiem uersus abest à Calechut octo dierum itinere) octonis mensibus, id est inter Septembrem



ptembrem & Aprilem maria fulcant. A' Calendis autem Maiis usque ad mensem Sextilem medium. Ab hoc latere sinus urbis Calechut temperandum est à nauigationibus, ob nimiam pelagi sæuitiam : nam undabundo indignantiq; oceano haud tutò naues committuntur. At illi habent temporum uices contrarias. Cum enim apud nos ob candens sydus arent fermè omnia, tunc madefiunt ibi cuncta ob effusum largius imbrem : nam Maio, Iunio, & item Quintili ac Sextili mensibus largior ibi effunditur imber, interdiu non solum, sed etiam noctu, non usque, sed subinde pluit, modo noctu, interdiu nonnunquam. Per id tempus uix Phœbus supra Horizontem emergit: cæteris uero octonis mensibus pluit nunquam. Aprilis exeunte soluunt à promontorio (latus appellant) Calechut, & uersus caput Cumerin uelificant, aliàmque oram pelagi nanciscuntur, ubi æquor minime sæuit: tunc tranquillo mari aromata conuehunt minutiora. Nauigia, ut apud nos, alia aliis locis nomina acceptant: liburnicas alii sambuc nominant: celoces alii more nostro complanatas capel appellant. Minora uero nauigia, ut sunt cymbæ, & id genus alia, quibus maiora nauigia quandoque more nostro remulco dicuntur, parao nominant: hæc sunt denos passus longa è solido ligno: remis ac malo utuntur harundineis. Sunt item ibi actuariæ naues, almadias uocant, solidæ absque commissuris: & rursus alias habent nauiculas longas passus duodenos, uel terdenos, rostro perquam angusto: unq; tantum homini aditus patet, adeo in arctum eius ostium agitur: hinc & hinc acuminantur maximæ, caturus appellant: remis aut uelis aguntur ocyus multo quidam quàm triremes aut liburnicæ, uel celoces nostræ impelluntur uelificantes. Ii sunt piratæ, qui maria infestant. Fabrefiunt huiusmodi naues in insula non longe à Calechut, cui Porcai nomen est.

Porcai insula

De regia principis urbis Calechut.

Cap. XIII.

REGIA PRINCIPIS Calechut patet non minus mille passibus, si ambitum spectaueris. Paries parum consurgit, ut iam prædiximus: structuram affabre tamen elaboratæ trabes superpositæ coniungunt, toreutico opere intercurfantibus dæmonum figuris : quod opus circiter ducentis aureis constare creditur: neq; altius tolli queunt ob instabile solum, quo fundamenta iaci nequeunt, mox aquis scaturientibus. Quas uero margaritas, & id genus pretiosos lapillos rex cultus circumferat, uix expedire præ magnitudine rei possum: excedunt enim æstimationem omnem: etsi per id tempus, quo illic agebam, parum genio indulgens mœstissime uiuebat, tum ob id bellum quod illi rex Portugalliæ intulerat tum uel maxime ob eam ægritudinem, quam Gallicam appellant, qua maxime afflictabatur, cum præsertim iugulum morbus inuasisset: tamen auribus pendebant lapilli pretiosi, lacertosque ac manus, pedesue ac crura tot monilium genera honestabant decentissime, ut satis pro rei magnitudine referri non possint. Regis thesaurus immensus creditur, quippe qui uix binis cellis continetur. Thesaurum efficiunt innumeræ aureæ bractæ, laminas appellamus: & rursus tantum signati auri, quantum onerandis centenis mulis abunde sufficeret : id adseuerabant eorum sacerdotes, qui regis arcanorum sunt callentissimi. Ferunt id auri corrogatum à prioribus regibus esse, numero fermè duodenis, qui reipublicæ prospectum iri cupientes, tot opes congersere, estq; in primis magni pendendum

Pustulæ  
apud  
Indos.

Thesaurus.



in memorato thesauro, monilibus & id genus multiugis, eisdemque pretiosissimis lapillis oppletum scrinium ternis longum palmis, & item latum circiter binis, plurisque esse creduntur, quàm ut emptorem nanciscantur.

De aromatibus, quæ urbs Calechut mittit.

Cap. XIII

Piper. **P I P E R M I T T I T** suburbanus eius urbis ager: legunt etiam nonnihil intra urbem cultores. Caulis piperis infirmus est admodum, instarq; uitis absq; adminiculo (pedamenta uocamus) consistere nequit: hederæque non est absimile piper, quippe quod serpit, & altiore complexu proximam semper arborem uincire consuevit. Dicta arbor, imò frutex dispergitur in ramos complusculos intra geminum ac ternum palmum longos. Folia eius mali Assyrii figuram exprimunt: sed hæc crassiora pinguiusculaque nonnihil, intercurrentibus ex aduersa parte minutioribus uenis. E singulis malleolis seni dependent racemi palmo haud ampliores, passilis non absimiles, confertiores tamen. Color is est, qui & immitioribus uuis. Legunt itaque mense Octobris ac Nouembris in colorem prasinum adhuc inclinantes, ad solémque apricantem assandum imponunt tegetibus: triduo nigrescit non aliter quàm huc affertur: absque cultu alio putandi, minusque ligonizandi cura est illis, simplici ac syncero telluris prouentu. Mittit & regio zinziber: haud dubie radix est, eruiturque nonnunquam pondo unciarum duodecim: nec omnibus est eadem amplitudo: plus non agitur in profundum radix, quàm ad ternos uel quaternos palmos harundinum modo. Cum eruitur zinziber, relinquunt internodium radices in scrobe, unde erutum est zinziber, terramque radici aggerunt ceu semen eius radices, proximo anno eruturi fructum, id est zinziber. Inuenitur in locis æquis instar myrobalani: in tellure tamen rubente omnifariam, ibi legitur zinziber. Caulis eius piperum mediocre effingit: mittitur ut piper in subligariis.

Zinziber.

De nonnullis urbis Calechut fructibus.

Cap. XV.

Amba. **I B I E T I A M** reperiuntur nonnulli fructus, quos cultores iaceros appellant. Caudici eius arboris amplitudo piri est: fructui magnitudo bini ac medii palmi: crassitudinis uero humanæ coxæ. Gignitur fructus in caudice arboris subtus frondes, alii circiter medium caudicem: Colos est uiridis, cætera nuci pineæ haud absimilis: uinaceis tamen minutioribus. cum maturefcere incipit, obducit nigricantem colorem, marcescere uidetur. Legitur is fructus mense Decembri: saporis sunt fermè peponis, castoreum redolentis, parumque, si saporem quæras, abest à cotoneo Persico, eodémque mitiore: uariam in cibatu uoluptatem parit, uideberis modo edere fauum mellis, modo suaue medicum malum comedere: intrà membranas habet, ut malum punicum, inque eis delitescunt fructus nescio qui, mollibus non dissimiles castaneis: si enim igne torrentur, saporem castaneæ repræsentant. Propterea fateri licet, non esse excellentiorem dignioremue illo fructu quempiam. Est item fructus alius, amba nomine. Eius caudex manga dicitur, simillima est arbori, frequentésque ut piro fructus: is iuglandem nucem è nostris effingit, cum iam sunt absoluti: cum maturefcit, fului eiusdémque splendentis coloris est: intra corticem occultatur fructus, ut amygdalæ aridæ. Damasceno gustu suauior est fructus, conduntur in cadis, ut apud nos oliuæ, sed sunt longe meliores. Illic etiã inuenitur fructus, cuius forma



forma est peponi simillima: ubi incideris, mox comperies intus uinacea uua in-  
 star terna aut quaterna: arbori est eadem amplitudo, quæ est cydonio malo, fo-  
 liâq; eidem similia: fructui nomen Carocapel inditum est: in cibatu est optimus,  
 medicinæque aptissimus. Itémque alius fructus uisitur, mespilis non dissimilis:  
 uerum albicantis est coloris: hunc haud memini. Habent & fructus quosdam  
 cucurbitis similes, sed condituræ aptiores: res est non indigna memoratu, huic  
 nomen est Comolanga: oritur inculta tellure peponum modo. Mittit idem ager  
 fructum alium memoratu dignissimum, Malapolanda appellant, tollitur ab hu-  
 mo nonnihil supra hominis unius altitudinem: folia gignit quaterna uel quina,  
 furculis connexa: singula folia singulis hominibus ad arcendam pluuiam fo-  
 lémque fartum tectum præbent. In folio medio consurgit malleolus instar cau-  
 lis fabæ flores producens, fructusque edit longos palmum unum, quandoq; me-  
 dium, crassitudine hastæ conti unius. Cum legunt hos fructus non opperiuntur  
 maturitatem, uerum præcoces colligunt, probe intelligentes eos domi mature-  
 scere: pariunt singuli furculi circiter ducentos fructus miro prouentu, seque inui-  
 cem contingunt in modum pineæ nucis, conferti admodum. Triplex horum ge-  
 nus: alii cianchapalon uocitantur, gustu magnopere suaues, cordi præsertim con-  
 ducentes plurimum: colos est illis suffuluus, tenuissimæque filiquæ. Alii cadelapa-  
 lon dicuntur, superioribus etiam in cibatu gratiores, iidémque longe suauiiores:  
 reliqui uero ceu insuaues nullius sunt usus. Quos diximus esse hominibus ad ue-  
 scendum non ingratos, eos aiunt ficis nostris non esse absimiles. Horum arbor  
 in uita semel tantum fructus gignit: uerum ad radices consurgunt quinquaginta  
 aut sexaginta furculi, qui parentem renouant, ne sit nepotum experts. Hos trans-  
 ferunt aliò cultores spe futuri prouentus: nam constat eos intra annum fructifi-  
 care. Cum uero fructus huiusmodi legere uolunt, si uirentes nimium fuerint, id  
 est acerbi nimis, ut maturescant ocyus, calcis nonnihil ablaqueato caudici impo-  
 nunt: leguntur ii fructus uberrime toto fermè anno: ueneunt uiceni singulo  
 nummo, id est, quarta solidi parte. Mittit idem ager anno toto flores propè innu-  
 meros, rosas uidelicet albicantes rubentésque, necnon fului coloris.

Carocapel.

Comolanga.

Malapoláda.

De feracissima totius orbis arbore.

Cap. XVI

E S T E T alia arbor cognitu sanè dignissima: quippe quæ fecunditate  
 ac fructuum mira suauitate totius orbis arboribus longe est præstantior: ea pal-  
 mæ instar cariotas edit: inde uberior mortalibus prouentus quasi denum emo-  
 lumentum, fert enim ligna igni alendo aptissima, iuglandésque in cibatu gratif-  
 simas: item funes uelificationibus admodum conducentes, præterea tenuissimos  
 pannos, qui ubi colore quopiam infecti fuerint, sericum præsentant. Mittit etiam  
 dicta arbor ad fouendum ignem carbunculos optimos, uinúmque: item latices,  
 oleum, & saccarum: ex frondibus uero quæ decidunt, cum uidelicet tempestate  
 aliqua ramus quispiam è caudice auellitur, fiunt ædium imbricamenta, uicémq;  
 tecti supplent, adque senos menses aquam continent, adeo fartum tectum præ-  
 bent. Vix dictis erit fides, nisi rem compertius expediam. Memorata arbor nu-  
 ces producit cariotæ instar, singulæque arbores ducentas nuces gignunt. His de-  
 munt priorem corticem, ignibúsque delegant: nam lignorum modo flagrantif-  
 sime subiecto igne ardet. Alius uero fructus gosipino aut byssino non est absi-



milis:linum quidem figurat,postquam ab artifice expositum est:ex floribus uero pannum conficiunt serico simillimum:sequens autem pensum rursum nent,indéque fiunt tenuiores funes, hósque funiculos nectunt, ut ex illis grandiores funes faciant, nauigationibúsq; sufficiant.Ex proximo nucis cortice, qui tertio loco succedit, carbones eruunt. Vltimus autem cortex nucem occultit in cibatu gratissimam: corticis huius crassitudo minimo manus digito haudquaquam maior est:cum nuce simul latices gignuntur:iuglandéque adolescente, crescunt item aquæ in ea adeo, ut absoluta nuce simul aquæ interiora nucis occupent, tantúmque laticis in nuce quandoque uisitur, ut haurias ex singulari nuce ternos aut quaternos aquæ calices:ea potu est suauissima, eadémque limpidissima, rosaceæ non absimilis:fit ut inde oleum pinguißimum, núxque ipsa homini gratior ac existit, esse nequiret. Vobis itaque iam innotuere septena huius nucis emolumenta. Alterum autem huius elegantissimæ arboris ramum nuces producere minime sinunt: uerum circiter medium caudicem incidunt mutilántque truncum, mane & uesperis cultro consauciant, liquorémque nescio quem infundunt: isque sugit ex arbore succum: quo hausto, in supposita ad id uasa profilit, colligunt enim noctu simul & interdium calicem liquoris singularem: unum hunc enim liquorem igne subiecto decoquere solent, rursumque & iterum decoctum id agunt, ut uitalis aquæ similitudinem exprimat:cuius tamen mirus odor, ne potum dixerim, adeo cerebro humano est insensus, ut si modum exceßeris, furorem propè pariat, non aliter quàm temulentis euenire consuevit. Is itaque liquor inibi temeti uicem supplet, eoque ut nos uino illi illecebre utuntur. Ex alio autem dictæ arboris ramo legunt saccarum, uerum fermè insuaue. Fert dicta arbor perennes fructus, modo uirides, aridos modo:gignere incipit anno quinto. Inueniuntur hæ arbores interuallo ducentorum mille passuum. Habent hæ arbores dominos, tantiq; sunt apud cultores, ut si aliquando uiguerint inter reges ac principes bella adeo atrocia, ut etiam alter alterius natum confecerit, pacem tamen non aspernentur. Verum ubi inter certandum belli licentia, aut iure uictoriæ memoratæ arbores excisæ fuerint, qui arborem læsit, pacem nunquam consequitur. Viuunt dictæ arbores ad annos quinos supra uicenos: fabulosa amant loca: panguntur ut iuglandes, ut inde oriatur arbor. Mittit item ea regio nescio quid aliud, de quo optimum sumunt oleum.

Quomodo ferunt orizam.

Cap. XVII.

COLVNT arua, arántq; bobus terras ut nos. Cum uero ferendæ orizæ tempus appetierit, eius rei lætitiā omni musicorum genere tripudióque incredibili gestientes testantur: inque maioris lætitiæ specimen denos homines dæmonum cultu habitúque horrifico exornant, iiq; clangentibus tubis gestiunt quasi choreas ductitantes: festa celebrantes rogitant ac precantur cacodæmones, ut uberrimum orizæ prouentum elargiantur.

Quomodo uisunt ægrotos medici.

Cap. XVIII.

VBI QVISPIAM idolorum cultor mercimonia exercens ægritudine aliqua conflictatur, eóq; peruenerit, ut efflaturus animā censeatur, tunc nonnulli incolæ, quos ipsi medicos appellant, ad id munus delegati, conticinio noctis amicti horrifico dæmonum habitu, eos qui iam sunt deplorati uisunt: iniiciunt torrem



torrem in ore ignitum, manibúsque gestantes ignem, ínque pedibús calopodia crassitudine passus unius habentes, & absongo clamore tinnitu quorundam instrumentorum ægri auribus obstrepunt, horrore tanto, ut etiam incolumis his auditis uisúsque ægresceret quamprimum, horrerétque ac humi procumberet. Eiusmodi enim sunt eorum medici, qui ægros reuisunt solantúrque. Eius regionis cultores disténti ac farti quandoque ob uoracitatem nimiam, ut sunt edaces plurimum, ubi stomachi morbo laborant quopiam, contritis ternis zinziberis radicibus, indéque succo facto, cyphum plenum succo huiusmodi hauriunt: quo hausto, intra triduum conualescunt. Degunt igitur ii homines brutorú modo.

De trapezitis ac colibistis.

Cap. XIX.

HABENT colibistæ & mensarii pondera ac balances adeo mínutas, ut si pyxidem, ubi asseruant, & reliqua id genus quibus pondus efficitur trutineris, unciam non excedant, adeóque iustum est examen, ut etiam capillum ponderare queas. Vbi autem adulterinum aurum à puro obrizóq; dignoscere uoluerint, Lydio lapide, nos indicem appellamus, nostro móre utuntur. Id plus habent, quòd probaturi aurum pilam habent ex rebus nescio quibus compositam, cerâ exprimentem, lapidéque Lydio, quo probatur aurum, pilæ impactó, remanentibus ibi auri maculis, in ueri notionem deueniunt, adulterinúmque à puro auro discernunt: aiúntque eorum lingua, id optimum est, illud uero deterrimum. Pilam autem memoratam ubi auro oppleta fuerit, liquefaciendam igni indunt, aurúmque quod imbiberat colligunt. Sunt itaque ii trapezitæ omnium insanissimí, eiúsque artis quam exercent propè ignari, ne dixerim expertes. Mercimonia exercentes, ubi emundis uenundísque mercibus incumbunt, hunc morem quem haud multo post referabimus, obseruant. Proxeneta habent, cuius opera exer-

Proxeneta  
mirus mos.

cendis mercimoniis utuntur in hunc fermè modum: nam emptor uenditórque, ubi conuenit inter eos de exercendis commerciis, consistunt in orbem: tunc proxeneta arrepto uelo siue gauſape propalam dextrâ uenditoris apprehendit, comprehensâque gauſape uelat, móxque geminos pollici digitos proximiores crebriore contractu digitis suis attrectat, ab uno usque ad centena milia numerum recensens clanculum arcanéque, idémque silens. Tunc uenditor, quanti uendere cupiat, digitorum contractu declarat, nodos tantisper tangens, donec peruenerit ad id numeri, quo merces suas est expositurus. Hoc intellectó, proxeneta cõtendit ad emptorem, uelatísque manibus, ut memorauimus, attrectatione digitorum emptori compertum reddit, quantum pro mercibus uenditor consequi aueat. At emptor comprehensus proxenetae digitis, contrectatione nodorum aperit, quid sit pro mercibus uenditori daturus. It ultro citróque proxeneta, & utriusque mentem silens retegít. Quare hunc in modum exercent mercimonia miro silentio, sola, ut diximus, digitorum attrectatione. Cum uendunt aromata, mensuras habent, bacchar appellant, nos uero cantaros uocitamus. Si autem pannos mercantur, caríis uti consueuerút: id est mensuræ genus. Itidem seruant in pretiosis margaritis, & id genus monilibus: ea exponunt pondere nescio quo, farasolam appellant: id pondus quinas ac uicenas libras non excedit.

De Poliar & Hiraua cultoribus, & quomodo filios enutriunt. Cap. XX.

MVLIERES eorum transacto tertio mense filios ablaçant, deincepsque

t. i.



laete caprino alunt: & ubi referferint laete pueros, illotos foedósque; admodum in fabulum reponunt, ubi interdiu ferarum more uolutantur. Verum quia in nigricantem colorem inclinant magis, à bubalis haud dignoscuntur. Sunt itaque deformiores foedioresque, quàm quis autumare possit, dæmonúmque alumni uidentur. Inumbrante uespera rursus parentes foeminæ natis lac propinant. Cum uero adolescunt, hoc uigore alti pueri, incredibili dexteritate uiri euadunt: suntque pernices admodum, ac cursus citatissimi, itémque funambuli, & histriones, & id genus circumforanei.

De quadrupedibus ac auitiis.

Cap. XXI.

Sarau.

**I N V E N I V N T V R** ibi compluscula quadrupedum ac alitum genera, ut sunt leones, apri, cerui, hinnuli, lupi, boues foeminæ, bubali, capreae, elephantés: uerum ibi non nascuntur, sed importantur. Sunt item inibi psitaci praefini coloris, alii scutulati, alii coloris purpurei. Horum est tanta ubertas, ut adhibendi sint custodes seruandæ orizæ in aruis, ne eam depascantur. Sunt uocales admodum uilique pretio, utpote gemino denario, id est media solidi parte singuli ueneunt. Sunt etiam illic quædam alites sarau nomine, psitacis nonnihil inferiores, si proceritatem respicias, concentu tamen longe suauiores amcenioresque. Sunt & complura alia auitiorum genera nostris dissimilia, quorum mane & uespera tantus est concentus, tantæque canendi suauitas, ut nihil amcenius, nihilque uoluptuosius audiri possit: in tam paruis faucibus tota fermè consistit harmonia. Ob id immensa est incolarum uoluptas, non secus quàm si in terrestri paradiso consisterent, uernantibus floribus, uirentibusque toto anno omnifariam arboribus, mira cœli clementia, incredibilique temperie, hyeme æstatèque nusquam fruentibus: uernare enim semper uidentur, adeo algoris ac æstus sunt expertes.

Cercopitheci

Mittit eadem regio cercopithecus, uendunturque singulis solidis, id est quaternis cassis: tot enim solidum efficiunt. Sunt huiusmodi cercopitheci cultoribus, inopibus præsertim, magno oneri: quippe qui iuglandium arbores conscendunt, & liquorem illum, unde uinum exprimi diximus, effundunt, euertuntque uasa quibus liquor excipitur.

De serpentibus, qui in urbe Calechut inueniuntur.

Cap. XXII.

Serpentes  
uasti.

**I L L I C** igitur in tantam magnitudinem adolescunt serpentes, ut maximis suibus non sint absimiles: habent longe uastius caput quàm apri: quadrupedes sunt quaternorum cubitorum longitudine: in palustribus locis nascuntur. Id animalis genus aiunt incolæ ueneni expertes esse, quippe quod homines nisi mordicus impetere non nouit. Reperiuntur & ibi serpentum terna genera: alii adeo est exitiosum uirus, ut modo nonnihil sanguinis eliciant, mortem homini afferant præsentaneam: id enim usu euenit crebrius cum illic agerem. Ex his itaque serpentum generibus alii aspidem magnitudine repræsentant, alii sunt longe proceriores, uisunturque inibi illorum ingens copia. Huic ubertati causam præbet rex Calechut, qui nescio qua ductus insania, tanti facit serpentes huiusmodi, ut illis uel ipsa mapalia construi iubeat ad arcendas pluuias, fluminumque cohibendas inundationes, & ubi quispiam ex illis aliquem confecerit, non aliter leto traditur, quàm si hominem confecisset. Itidem rex agit ubi quis bouem foeminam mactauerit. Serpentes uero memoratos ob eam causam plurimi faciunt,



faciunt, quod asseuerant ipsos esse de cœlo sumptos spiritus. Illud ea coniectura assequuntur, quod solo ictu præsentaneam mortem afferant: id efficit, ut inibi multa sit serpentum fœcunditas, quoniam edicto principis impune uagantur. Norunt memorati serpentes idolorum cultores, ab eisque minime cauent. Id etiam me illic agente usu euenit, ut ingressus domum quandam noctu, serpens exitiosus octonos homines confecerit: ii enim mane postridie tumescentes reperi sunt exanimis. Sunt tamen apud eos serpentes huiusmodi boni ominis: nam ubi aliquod cultores proficiscuntur, si quempiam serpentem obuiam habuerint, protinus felix omen interpretantur.

De accensis lychnis regiæ Calechut.

Cap. XXIII.

IN REGIA principis Calechut sunt uariæ mansiones, multipliciâq; cubicula: nam inumbrante cœlum uespera innumeri ardentes lychni conspiciuntur. Regis aulam dena aut duodena ex aurichalco faberrime facta instar signati fontis complent candelabra: unius hominis altitudine tolluntur, singulâq; uasa ternas habet lucernas (polyxines appellant, Græce uero polylychnos) gemini palmi altitudine, inque eis non parum est olei. In priore uasis parte innatant oleo ex gosipio funiculi accensi, elychnia uocantur: huiusmodi enim alendis flammis lucernis adhibentur: inque uase medio angustius uas conspicitur luminibus oppletum: & rursus in uasis fastigio in minore uasculo innumeri ardent ex xylo funiculi oleo innatantes. Vas consurgit instar trianguli: priui dæmones toreutice insculpti priuos angulos fulciunt. Ii sunt ministri regis, qui lumina assistentes regi tenent. Vbi uero quispiam ex his qui regem arctiore coniunctione contingunt, diem suum obierit, transacto anno luctus, edicto ad se cunctos regni sui sacerdotes (Bramini appellantur) accersit. Imperata subeuntibus, ad diemque uenientibus, mox à rege opipari conuiuui dies indicitur, geniôque triduo indulgent. His in cibatu est oriza plurifariam condita: uescuntur item apro, ceruôq; uenatu enim oblectantur plurimum. Transacto triduo singulos conuiuas, omnes sacerdotes inquam, quaternis uel quinis aureis donat. Quo facto, abeundi aliò remeandique ad propria facit potestatem. Tunc omnes regni cultores per speciem lætitiæ barbam ponunt.

De maxima multitudine hominum, qui illò percipiendæ ignorantia causa contendunt.

Cap. XXIII.

H A V D procul ab urbe Calechut uisitur delubrum quaquauersum circumdatum aqua: insulæ modo constructum est, uetusto more, geminûmque columnarum ordinem habet, instar templi diui Ioannis in fonte urbis Romæ. In delubro medio consurgit altare lapideum, ubi gens sacrificat indolis: intra ipsas columnas uisitur actuariæ cymba oleo referta duorum passuum longitudine: huiusmodi oleo enna nomen est. Delubrum plurimæ arbores, uerum consimiles ambiunt. In his uisuntur ardentes lucernæ & lychni pensiles, & id genus luminaria propè innumera. Complent rursus delubrum accensæ lampades fouente ignes oleo: & ubi illuxit ea dies, quæ est uigesima quinta Decembris, frequens undecunque populus etiam quindecim dierû itinere illinc distans, eò cateruatim, & comprimis sacerdotum ordo sacrificandi gratia contendit. Verum prius idolis non sacrificant, quàm immerfi aquis delubri ambiētibus se lauerint. Quibus

t. ii.



locis sacerdotes eorum conscendunt cymbas oleo, ut prædiximus, refertas, ad scq; aduentantem populum oleo memorato aspergunt, capita duntaxat oblinentes: quibus oleo delibutis, cuncti sacrificio incumbunt. Ab altero altaris latere, ubi sacrificat, immanissimus uastiore forma Satanas uisitur: hunc frequēs populus humi procumbens adorat, moxq; ad sedes proprias quisq; remeat. Dum hæc fiunt, omnium criminum fide publica proponitur impunitas, triduiq; spatio unicuiq; licet illò contendere ceu in asylum, nec licet per id tempus alteri de altero ultionem sumere. Nusquam gentium mehercle frequentiore uidi populum, si eum diem excipias, quo Mecham inuisi. Sed iam hinc abeo, totius profectiois meæ difficultates ac discrimina, quæ mihi euenerunt, seriatim expediturus.

L V D O V I C I R O N A N I P A T R I T I I I N -  
D I C A R V M R E R V M L I B E R V I .

De ciuitatibus Caicolon & Colon.

Cap. I.

A Nimaduertens comes meus Cociazenor nomine, ob uarias interturbationes, bellorumque discrimina, commercii locum esse propè nullum: ob eam præsertim causam, quòd Lusitani urbi Calechut cultoribusque non sine strage maxima bellum intulerant, sumpta inde occasione inferendi belli, quòd indigenæ Mahumetanis assensu fuerant, ut circiter quadraginta octo Portugallenses leto traderentur: hos enim uita functos coram uidi: propterea rex Portugalliæ genti hostilia arma semper intentat, concertatque diuturniore prælio, inque suorum ultionem innumeros confecit cultores, mactariq; iubet indies. Ob id urbs pessime accipitur, quippe quæ omni habitatore uidua existit uigentibus bellis. His itaque inspectis, uisum est illinc abire. Quare uecti limpidissimo amœnissimoque flumine, inde soluētes ad urbem nomine Caicolon tandem aliquando deuenimus: ea abest ab urbe Calechut leucis quinquagenis. Urbis rex idolorum latriæ est addictus. Ibi uigent mirabilem in modum mercimonia: mittit ager optimum piper. Regi non sunt maximæ opes. Huius habitus morēsque à cultoribus urbis Calechut haud maxime absunt. Illic etiam nacti sumus nonnullos Christianos qui diui Thomæ nuncupantur: ii negotiabantur, seruatori que nostro ut nos initiati sunt: de his accepimus singulis ternis annis ex Memphi siue Babylone urbe Nilotica sacerdotem illò aduentare baptizandi eius populi gratia, qui diuum Thomam colit: illi ritus seruant Christianos: quadragenos dies obseruāt: credunt seruatorem nostrum resurrexisse, eo argumento quòd Pascha celebrant nostro more, reliquasque sanctorum solennitates, ac missarum solennia ritu Græcorum expediunt: à quaternis nominibus, Ioanne uidelicet, Iacobo, Mathia, & Thoma nomina acceptant. Urbs, si cœli temperiem, si regionis situm, morēsque hominum respicias, parum distat ab incolis urbis Calechut. Transacto triduo inde soluētes ad aliam urbem peruenimus Colon nomine, à memorata spatio uiginti mille passuum distantem. Rex eius urbis idola colit, est que magnarum princeps uirium,

Colon.



uirium, quippe qui in armis uicena equitum milia semper habet. Illic elegans portus uisitur: haud procul à mari arua sunt rei frumentariæ expertia: mittunt tam omnifariam fructus: & præsertim piper modo urbis Calechut: his colos, habitus, moreſque sunt ut indigenis Calechut. Rex diutine cum finitimis regibus bella gerit, utiturque in prælio hippotoxotarum opera. Quare bellicis expeditionibus rege incumbente, uisum est comiti meo ut illinc abiremus. Igitur pelago commissi, inde soluentes iter cepimus uersus urbem, cui Cayl nomen est, ditioris memorati regis, è regione dictæ urbis ad quinquaginta mille passus. Vidi- mus quomodo piscantur nautæ margaritas unionesque, & id genus baccas, sicuti etiam retulimus in superioribus de urbe Ormo denarrantes.

De Ciromandel urbe Indiæ.

Cap. II.

V L T R A progressi ad urbem aliam appulimus Ciromandel nomine. Vrbs est maritima, & à Colon urbe nauali itinere dierum circiter septem distat: ea est uastissima, nec mœnibus ambitur: paret regi Narſingæ: altrinsecus uisitur insula Zaylon, & ubi promontorium Comerinum præterieris, mittit ager huiusmodi miram orizæ copiam, illacque ad multiplices uariâsque regiones iter patet: ob id complurium regionum scalæ nuncupantur. Urbem incolunt innumeri negotiatores Mahumetani, qui commercii causa ultro citroque commeant. Nulla inibi aromata uisuntur: fructus fert omnifariam instar urbis Calechut. Illic nactus sum nonnullos Christianos, qui memorabant corpus diui Thomæ non longe ab ea urbe, id est ad duodecim mille passus abesse. Adiciebant etiam ad hæc, curam sancti corporis quibusdam Christianis delegatam esse, asseuerantes inibi male accipi Christianos, uixque posse uitam trahere, postquam rex Lusitanorum arma cultoribus intulerat hostilia, compluresque indigenas eius regionis confici iusserat. Ob eam rem affirmabat, regem memoratum genti formidolosum esse admodum. Tædere uitæ propterea Christianos omnes, clanculumque eos passim mactari, ne id regi Narſingæ innotescat: quando certe constat, inter regem Lusitiæ ac Narſingæ summam intercedere necessitudinem, Christianosque regi memorato in paucis charos esse. Ex memoratis etiam referebant nonnulli transactis iam quinis ac quadragenis annis ui numinum miraculum contigisse in hunc fermè modum: aiunt enim Christianos cum Mahumetanis quandoque manus conseruisse, acieque discessisse Christianum quendam recepto prius in lacerto uulnere, contendisseque protinus sanandi brachii causa ad diui Thomæ sepulchrum, tactoque eo consauciato, manum ad usum rediisse quamprimû. Ob eam rem narrat regem Narſingæ cœpisse Christianis subscribere, gentemque fouere plurimum. Itaque comes meus inibi complura mercimonia uenu exposuit: uerum quia per id tempus bellum illatum regi Ternaſeris regionis erat, duximus propterea nonnihil illic consistendum fore. Absumptis ergo ibi complusculis diebus, celocem conscendimus, id genus nauigii ciampanam appellant, in inferiore parte magnopere complanatâ: huiusmodi enim celoces altiores aquas minime exposcunt, licet ferant onera enormia. Traiecimus igitur sinum latitudine circiter uiginti leucarum, in cuius traiectu parum absuit quin pessum iuerimus, aperto discrimine, ob breuia, aridas, scopulosque crebriores imminente. Tandem aliquando appulimus insulæ, cui nomen est Zaylon, quæ patet am-

Ciampana.



bitu decies centum mille passuum, ut referebant cultores.

De insula Zaylon, ubi inueniuntur lapilli pretiosi.

Cap. III.

Pyropi.

I N E A itaque insula, cui Zaylon nomen est, quaterni reges longe latèq; imperitant, adeo regio in immensum propè patefcit. Perfunctorie ac penè in transcurso res dictæ insulæ sumus denarraturi: uigentibus illic acerrime bellis, effectum est ut mores hominū ac regionis situm minus explorare potuerimus: quare perpaucorum dierum mora hæc tamen quæ collegi, mox subiiciam. Fert regio in primis elephantos complures, inibiq; pyropos eruunt: non longe enim, utpote ad geminum lapidem, uisitur mons uastissimæ longitudinis, ad cuius radices pyropi inueniuntur, hi sunt lapilli pretiosi, uulgo rubini appellantur: sic enim inueniuntur: nam ubi negotiatores quipiam, & præsertim mangones illò contenderint lapillorum eruendorum gratia, operæpretium est eos prius regem adire: quo conuento, emunt mensuram telluris quandam, utpote cubiti unius quaquā uersum magnitudine: id genus mensuræ molam dicūt, eo nomine enim brachium appellant. Huiusmodi terræ mensura quinque uenit aureis, ea lege atq; ordine, ut humum effodientibus semper pro rege quispiam assistat, ut si forte fortuna inter effodiendum conspicerentur lapilli pretiosi excedentes characteres denos, regi protinus adiudicentur: inferiorum uero lapillorum citra dictum pondus mangonibus ac negotiatoribus qui tellurem memoratam præstinarunt, potestatem faciunt. Haud procul à dicto monte innumeri pretiosi lapilli inueniuntur, interfluente maximo amne, hyacinthi præsertim, sapphyrique, ac topatii, & id genus lapides complures: mittit & idem ager suauiores quàm unquā uiderim fructus, præcipue gariophyllum nostris non conferendum, malæque assyria suauitate incredibili, ac omnifariam fructus fermè instar urbis Calechut: ita tamen, ut hi illis suauiore gustu minime concedant.

De Cinami arbore.

Cap. II II.

Adam pœnitentia.

C I N A M I arbor lauro haud est absimilis, si præsertim folia spectes, grana primo gignit lauri instar, baccas credas, minutiora tamen, eadēque albican-  
tia. Cinamum itaq; nihil aliud esse quàm arboris librū planissime constat, hunc enim in modum legitur: nam singulis ternis annis incidunt ramos, delibrantq;: demptū eo modo corticem cinamomū appellant: neq; enim caudicem incidunt, sed ramos tantū. Huius itaq; cinami illic mira est ubertas: cum autē colligitur, non est protinus absoluta suauitate, menstruo perfecta absolutaq; est suauitas. Retulit ea tempestate comiti meo Mahumetanus negotiator in fastigio uastissimi montis specum esse quendam, quò se recipiebant eius regionis cultores omnes, orandi gratia in protoparentis sanctissimi memoriam: memorant enim incolæ diuum Adam post lapsum illic fletu ac continentia pœnitudine ductū culpā redemisse: id assequūtur ea coniectura, quòd parentis adhuc uisuntur impressa pedum uestigia, longitudine geminū palmum excedentia. Arua sunt orizæ expertia, sed qui conuehant illac iter agunt. Reges enim dictæ insulæ, Narfingæ regis uestigales sunt, nam pendunt quotannis tributū, & ob orizam quæ abunde ex continenti Narfingæ illò comportatur, coguntur uestigal soluere memorato regi: cœli est insula clementis admodum: genti colos est suffuluus, æstūque minū sue algorē sentiunt, uernante semper tempore: habitu utuntur uere Gabino, clamyde



clamyde enim exerto brachio corpora uelant: pannis gisipinis aut sericis utuntur plurimum: ea insula sita est sub æquatore in zona perulsa, subque candenti sydere: bellicæ uirtutis id hominum genus est prorsus expers, quippe quod tormentis ferræ hæc haudquaquam utitur: harundo enim lanceæ ac enis gladiique uicem supplet: ob id perraro in prælio occumbunt, apprime sunt imbelles, nulliusque ferme spiritus, illic flores prope omnifariam leguntur, gens multo perennior est, longiorque ævo quam nostra. Vsu euenit aliquando, præsertim quadam uespera, ut ex rege quidam comitem meum conueniret, diceretque, ut continuo corallios ac crocum ad regem deferret, nam horum omnium comes meus uim maximam habebat. His auditis negotiator alius dictæ insulæ Mahumetanus clanculum quasi per speciem amicitiae socium meum monuit, ne regem adiret, ceu mercimoniorum pretium minime consequuturum. Id egit Mahumetanus mira impostura, ut iniecto comiti meo pauore, eoque abscedente liberius sua ipse mercimonia exponeret. Huius doli non satis gnarus comes meus, statuit abire: respondit tamen nuntio regio, postero die iturum ad eum. Verum mane postridie concenso nauigio, proximum continentem remigibus maxime adnitentibus dilapsi sumus.

De Paleachet urbe Indiæ.

Cap. V.

TRIDVI itaque itinere ad urbem quandam Paleachet nomine deuenimus, ea paret regi Narsingæ, complurimumque mercimoniorum famigeratum est emporium, & comprimis monilium quasi omne genus: hæc enim ex Zaylon & Pego eò comportantur: urbem etiam incolunt ex Mahumetanis negotiatores complures, uisunturque inibi omnifariam aromata: nam recepti hospitio cuiusdam Mahumetani, illi cuncta referabamus unde uidelicet soluissemus, quoue tendebamus, nosque complures merces attulisse, corallios præsertim crocumque: res enim huiusmodi Mahumetano magnam peperit uoluptatem. Memorata urbs omnium rerum copia, Indicarum urbium modo, ubertim affluit: ager rei frumentariæ expers est, uerum oriza scatet plurimum: insituta uero legesque, necnon habitum ac mores instar indigenarum urbis Calechut habent. Incolæ rei bellicæ gnari sunt admodum, sed tormentis utuntur nullis. Verum quia per id tempus quo illic agebam, dissidebant cultores cum rege Tarnassari, non nisi hostilia meditantes, uisum est propterea perpaucorum dierum inibi sumpta mora, abeundum esse protinus illinc. Quare inde soluentes iter cepimus uersus urbem Tarnassari, quæ abest à memorata urbe centenis mille passibus. Eò igitur appulimus, absoluto prius tredecim dierum itinere nauali.

De Tarnassari urbe Indiæ.

Cap. VI.

VRBS EST in India haud procul à mari, cui Tarnassari inditum est nomen, ea posita est loco minime iniquo, mœnibus ambitur, portumque percelebrem habet, amnis limpidissimus urbem præterfluit Septentrionem uersus. Rex eius latriæ idolorum est addictus, magnarumque uirium princeps, huic diutina cum rege Narsingæ sunt bella, cumque Bangellæ rege prælium iuge exercet. Huic item sunt in armis centeni elephantes, proceriores uastioresque quam unquam conspicatus fuerim: merent sub eo stipendia cum equitum tum etiam peditum centena milia: ense paruo, clypeisque obrotundis, eisdemue ex libris arborum confectis utuntur. alii Peltas modo indigenarum Calechut ad bella ituri ferunt;

t. iiii.



arcubus plerunque utuntur, harundóque teli loco succedit, rursus profecturi in prælium se loricant amictu xylo magnopere referto: ædes eorum paries circumdat, collocanturque non aliter quàm nostræ, mittit ager triticum gossipiũque, necnon affatim serici, legunt etiam colores inibi complures, eum maxime quem præfilium. uerzinũ appellant, ferunt arua omnifariam fructus, alios pomis nostris haud absimiles, pyris alios simillimos, ferunt rursus Assyria mala, cetrinæque, nec non cucurbitas, habent etiam uiridaria amœnissima.

De feris ac cicuratis animalibus urbis Tarnasari.

Cap. VII.

Capuli ex  
auis rostris.

Gallorum  
certamen.

GIGNIT ea regio multifariam animalia, fera alia, exarmata alia: cicurum sunt, boues, pecora, capræ, apri, cerui, hinuli, ferarum uero generi sunt lupi, leones: uisuntur etiam ibi feles eiusmodi, qui zibellum gignunt: aruis etiam inerrant pau complures, & eius generis aquilæ, quas falcones appellamus, psitaci item omnium pulcherrimi, albicantes septeno colore, præsertim distincti: est etiam illic leporum ac perdicum mira fecunditas: honestant regionem complura alia uitiorum genera, raptu præsertim uiuentia longe aquilis proceriora, nam ex superiore rostri parte ensium capuli fabricantur, id rostri fuluũ est phœnicato colore distinctum, nihil sanè uisũ pulchrius, nihil amœnius, aliti uero colos est niger. Et item purpureus, intercurfantibus albicantibus pennis nonnullis, ibi nascuntur proceriores gallinæ, galliq; gallinacei, quàm hercle uidisse meminerim. Summam propterea uoluptatẽ cepimus conflictantibus acerrime gallis gallinaceis: nam singulo die huic ludicro in uicis mediis Mahumetanorũ animi causa opera dabatur, mirũq; est Mahumetanorũ pro hac re certamen, habent priui priuos gallos gallinaceos, eosq; committunt aliis, expositis quandoq; pro alitũ futura uictoria aureis centenis singulo congressu, uter superior euaderet, conspicati sumus senis horis concertantes alites, nec prius modũ prælio faciebant, quàm occubissent. Reperiuntur etiã ibi nonnullæ capræ magnitudine nostras excedentes, nostrisq; longe pulchriores, tantæ fecunditatis, ut uno partu quaternos fœtus ferant: exponunt ibi, tanta est animalium copia, duodenos uerueces singulo aureo. Conspiciuntur illic rursus uerueces, alii cornua haud absimilia damis habentes, nostris longe maiores, ferociorẽsue. Bubalos uero nostris habent deformiores, piscibus autem nostro more regio scatet, in tantãque adoleſcunt magnitudinem, ut bini cantari pondo nonnulli inueniantur, uescitur id hominum genus omnibus ferè animalibus, si uaccas excipias. Edentes humi procumbunt absque gaſſape, ligneis tamen uasis utuntur affabre factis, potus est illis latex saccaro conditus, ditioribus præsertim: cubilia habent, quæ ab humo more nostro altius tolluntur, stratum uero ex gossipio habent, stragulam autem ex serico aut sanè xylo: chlamyde utuntur exerto brachio serica uel gossipina, ferunt ex negotiatoribus nonnulli interulas sericas, uel xylinas elegantissime confectas, in uniuersum autẽ pedibus incedunt nudis, si sacerdotes excipias, qui apices ferunt ex serico uel undonibus longos binos palmos, inque apicis fastigio gerunt nescio quid in modum glandis elaboratum, quasi toreutice, multo quaquauerſum sparsum auro, dependet à tergo instar uitæ geminum sericum binos longum digitos, in auribusque plurimum delectantur, quippe qui gemmis ac margaritis pretiosioribus onustas habent aures, in digitis autẽ nulla condalia. His est colos subalbicās, cœli uero



uero temperies frigidior est nonnihil quàm urbis Calechut: mores uero, colendiq; arua, ac legendi fructus consuetudo, à nostris institutis moribúsq; parum absunt.

De more quem seruat rex cum deflorandam eius coniugem albicantis coloris hominibus præbet. Cap. VIII.

**EXHIBET** memoratæ urbis rex deflorandam coniugem non sacerdotibus, ut solet urbis Calechut princeps, sed albicantis coloris hominibus Christianis, aut Mahumetanis. Cultoribus uero idolorum id munus minime delegatur. At incolæ prius thorum non ineunt, quàm quempiam ex albicantibus hominibus cuiusuis nationis existat, ascuerint coniugum suarum stupratorem: complacitum est enim illis, ut ante corpora uulgent coniuges, quàm earum sibi fiat potestas. Id equidem usu euenit cum illic ageremus. Ingredientibus enim urbem, nobis occurrere terni uel quaterni idolorum cultores, qui comitem meum in hunc ferme modum eorum lingua compellarunt, Etsi sine amici hospites? Sumus, inquit comes meus. Tunc negotiatores, Quando huc appulistis? Ad hæc comes meus, Quartus agitur dies quo huc deuenimus. Et rursus negotiatorum quispiam, Ite mecum, ædesque meas uisite: quando certe nos hospites quàm qui maxime diligimus. Tunc comiter nos inuitantes sequuti sumus: eoque ut peruenimus, ientaculum apparate appositum est: nobisq; iam refocillatis, ait ille, Ducturus sum intra quindenos dies uxorem, uni uestrum deflorandæ coniugis priore nocte munus delegetur. His auditis, quæ nundinato pudore promebantur ab hospite, puduit nos quamprimum. Tunc mancipium nostrum ad nos conuersus, Non uos, inquit, pudeat oblatis muneris, quandoquidem is est mos gentis urbisq; institutum. His intellectis, pauebamus ne deterius quippiam nobis eueniret: rebamur enim gentem nobis illudere. Innotuit continuo hospiti pudor noster, nosq; his ferme uerbis hortabatur, Ponite curas omnes amici, quoniam eiusmodi est urbis huius consuetudo. Hæc itaq; ut nobis comperta fuere, ampliorem spiritum ictis stupore impudentis moris dedere: accedente præsertim alius comitis, qui nobiscum ibat, crebriore adhortatione: quare comes meus pollicitus est se id laboris subiturum. Tum negotiator qui nos hospitio exceperat, Eritis, inquit, diutini mei hospites, dignaborq; uos honoratiore tecto. Verum comes meus subreculabat, affirmans comites nolle deferere. At negotiator rursus instabat, identidem ædes, suaque omnia offerens. Peruicit itaque ne inde discederemus: allatis ergo comitis mei sarcinulis, hospiti comissimo simul omnes (sex enim eramus) assensum sumus. Verum operæpretium fuit comitem meum tantisper opperiri, donec eius hospes uxorem duceret: quod prius quàm ad quindenos dies non euenit. Ducta noua nupta, comes meus sponsa dissoluit, uxoreq; hospitis illecebre potitus est. Ea annum quintumdecimum, quasi flos ipse haud excedebat. Verum postquam deflorata est nupta priore nocte, si uiri de cætero honori illius deerit, fidemq; iugalem temerauerit, morte protinus uulgatæ pudicitiae pœnas luit, Ob id uoluissent mulieres huiusmodi salaces plurimum, ut nunquam nox, qua deflorabantur, esse desisset, sed saltim prorogaretur ad mensem: non tamen nos sanctos munere uulgandæ pudicitiae missos quamprimùm faciebat hospes: uerum ad quaternos quinósq; menses sua impesa domi alebat largius quàm referre possim: id efficit annonæ uilitas incredibilis, gentisq; liberalissima consuetudo ac natura comissima.



De modo condendi humana corpora.

Cap. IX.

**E X E M P T I** rebus humanis ardentissimo rogo sacerdotes regesque deflagrant, tunc sacrificant cacodæmoni, combustorumque cineres in uasis Samiis eisdemque infectis nitro condunt: his est angustum orificium instar patinæ mediocris, defodiuntque domi uasa cineribus oppleta. Sub arborum umbraculis sacrificant instar cultorum Calechut. Cum comburunt corpora, omnifariam odores in rogam coniiciunt, aloen uidelicet & id genus arboris, cuius gummi elegantissimum illud unguentum gignit, quod uulgo belzoi nuncupatur, la serpitiū eruditiores ab arbore laseri dicunt, & item storacem, thus, corallum, sandalium, & id genus propè innumeras odoratas arbores, hæc odoramenta igni imponunt, corporæque imposito incendium excitant, tubis clangentibus, tibicinæque concinente, quasi eorum more qui olim inter diuos referebantur, circumdant rogam quindenī aut uiceni homines, cultu dæmonum amicti, qui gestientes lætitiā præ se ferunt: deflagranti uiro assistit coniunx superstes, comite muliere nulla, pectusque plangens, tota ruit in eiulatus fletusque lugubres. Hæc fiunt secunda noctis uigilia. Transactis uero post uiri obitum quindenī diebus, mulier uiro superstes ad se conuiuii celebrandi gratia agnatos omnes accersit, coniugem præsertim defunctum coniunctione arctiore contingentes. Itaque omnes ubi ad diem uenerint, ad locum illum adeunt, ubi rogo traditus est coniunx, ea ferme hora noctis, qua uir arsit, tunc prodit mulier compta omnium monilium genere, reliquisque decoramentis, quæ ad mundum pertinent muliebrem, ad id collatis fortunis omnibus agnatorum opera, puteo inibi ad id munus extructo, nec is plus in profundum agitur, quàm ut fœminam capere queat, puteum harundinibus sepiunt, septumque uelant serico panno, ut conspectus adimatur, ardet interea mirabilem in modum odoratis refertus arboribus puteus, at mulier postquam conuiuiæ opipare epulati sunt, rursum illa mandit plurimā betolam (id est edulii genus) eoque cibatu facta adeo satura est, ut mente uacare uideatur. Interea circumdant puteum innumeri tibicines gestientesque choraulæ, & amicti dæmonū cultu complures, qui flammæ ore efferuescere uidebantur, tunc dæmoni, cui Deummo nomen est, sacrificant. Mulier uero obiter quasi lymphata ultro citroque comitatur, nec aliter tripudiat, quàm si choreas duceret, identidem illis qui habitu horifico dæmones referunt, se commendans, ut pro se cacodæmona rogent, sibi que impetrent ad ipsum haud difficilem aditum, suisque adnumeret. Aliquando pompam ambiunt complusculæ mulieres, quæ rogo imponendam arctius contingunt. Nec arbitremini id munus mulierem mœstè exequi, quando certe nihil lætius, nihil iucundius agi posset, quàm mulier id hilari animo exequitur, æque ac si cœlo recipienda foret. Itaque peractis ceremoniis, mulier lymphato cursu, concepto prius manibus serico panno, in rogam flagrantissimū sese præcipitat. Quo facto, actutum proximiores agnati rogo iniectam scipionibus obruunt, obrutamque multa pice onerant, ut hoc fomento altus ignis, mulier præsentius intereat. Et nisi subiret mulier id munus post uiri mortem, incredibilis infamiæ nota illi inureretur, foretque toti regioni ludibrio, ceu coniugis minus studiosa, letoque ab agnatis traderetur. Pompæ huiusmodi rex interesse ac præesse dicitur, quoniam hunc morem non seruant, nisi summates clarioræue urbis patritii,

Vxoriam fides.

Deumus.



patritii, ne qui putent hunc ritum ab incolis in uniuersum seruari.

De iustitia quam seruant cultores urbis Tarnassari.

Cap. X.

**S I Q V I S** mortalium quempia confecerit, is protinus morte luit poenas: eundem more incolæ urbis Calechut seruât. Accepti uero ac expensi habetur ratio, si modo chirographo quopiam, aut sanè teste aliquo id liquidius constiterit: exarant in membranis nostris haud absimilibus: non in libris arborum ut in digenæ Calechut: cum disceptant inter se, itur ad moderatorem urbis, cui summi iuris reddendi munus à rege delegatum est: ubi uero quispiam negotiator aduena uitam exuerit prolis expers, neminem hæredem instituere potest, rege fortunas omnes sibi adiudicante. Rege autem uita functo, nati in regnum succedunt: cultores uero quicquid possident fortunarum, uitam efflaturi ex urbis instituto elargiuntur uiritimque natis impartiuntur.

De ritu condendi Mahumetanorum corpora in urbe Tarnassari.

Cap. XI.

**E X V T O S** uita Mahumetanos negotiatores, miris condiunt odoribus, cophinis induunt corpora ligneis, sicque conditos humant, comprimisque obseruant, ut defunctorum capita Mecham respiciant, id est Septentrionem uersus collocentur.

De uariis multiugisque nauigiis, quibus eius urbis cultores utuntur.

Cap. XII.

**H I S E S T** uarius multiplèxque nauigiorum usus, fulcant alii maria celocibus complanatis admodum, quæ altiores aquas minime exposcunt: alii nauigant liburnicis geminam proram habentibus, geminumque malum absque tecto. Est & aliud onerariæ nauis genus, quo enormia onera comportatur: nam ferunt aliæ ex memoratis onerariis nauibus supra mille mercium dolia: imponunt his uastioribus nauigiis cymbas, nauésque actuaras in urbem Melacha nomine deferendas, quibus captum proficiscuntur aromata illò, quò locis suis, ubi opportunum duxerimus, denarrabimus.

De urbe Indiæ Bangella, deque eius ab urbe Tarnassari distantia.

Cap. XIII.

**I A M T E M P V S** appetit, ut comitis mei meminerim, quoniam utriq; nostrum cordi hæserat, ultra progredi, longèque remotiora coràm uisere. Cum igitur hospiti suo comes meus defloranda coniuge fecisset satis, nòsque rei Veneræ, præsertim deformium mulierum satietas cepisset, pariente fastidiu plerunq; uberiore copia: expositis mercimoniis quæ comiti meo superfuerant, duximus illic abeundum fore. Quare iter ingressi, ad urbem quandam Bangellam nomine peruenimus: ea à memorata urbe septingentis abest mille passibus: illò enim appulimus itinere nauali undecim dierum: nam dicta urbs fecunditate rerum omnium cum cæteris totius fermè orbis urbibus contendit, nemini sanè secunda, patet propè in immensum eius urbis regnum. Regi sunt in armis cum equitum tum etiam peditum ducenta Mahumetanorù milia: is tantarum est princeps uiriù, ut diutissime cum rege Narfingæ prælietur: huius regni tanta est rerum omnium ubertas, ut nihil quòd ad humanos usus pertineat desideres, si omnifarià animalia, si item rei frumentariæ uberiorè copiam, si rursus saccarum, zinziber,

Narfingæ  
ubertas.



& id genus aromata, si postremo gossipium sericumque respicias, nulla est profecto in orbe toto plaga fecundior. Ob eam rem nusquam alibi ditiores locupletioresue inveniuntur negotiatores: singulo enim anno abducuntur inde ad quinquaginta nauigia gossipinis pannis sericisque onusta: mercimonia huiusmodi uariis Barbarorum lingua censentur nominibus, à quibus ex composito temperamus, ne Romano sermoni assuetis pariant fastidium. Igitur inde aucti panni ad Turcas Syrosque, necnon Arabas, Persas, Aethiopes, Indosue deferuntur: sunt etiam ibi innumeri exteri mangones, qui gemmas lapillosue pretiosos praestinant ab incolis.

De nonnullis Christianis negotiatoribus, qui inibi commercia exercent.

Cap. XIII.

Christianorum  
Narsingae  
mores.

**ILLIC** itaque offendimus Christiani nominis complusculos negotiatores ex urbe Sarnau, ut referebant, oriundos: hi illò ueluti ad nundinas ferunt sericos pannos, odorataque ligna aloes uidelicet & laseris: ea est arbor quæ electissimum gummi illud gignit, laserpitium appellant doctiores, uulgo autem belzoi dicitur: attulerant etiam castoreum, & id genus fragrantiores odores: memorabant dicti Christiani esse in eo regno huius sancti nominis complures principes magni Chami urbis Catai imperata subeuntes. Christianis huiusmodi ex undonibus uestes erant, non eiusmodi quæ singulos artus exprimant, sed laxas innumeratasque plicas habentes: manicas uero gossipio referferant: caput tegebat apex ex panno coloris Veneti, altitudine ferme gemini palmi. His est colos albicans: trinumque deum esse adiuratissime fatentur: cum initiantur Christianorum sacris, more nostro latice asperguntur: duodenisque apostolis, ac quaternis euangelistis fidem adhibendam esse planissime astruunt: scribunt ordine praepostero Armeniorum more, celebrantque nostri seruatoris ortum & occasum: quadragenis Christiano more abstinent diebus, nonnullasque alias sanctorum colunt celebritates: soleis non utuntur: caligas uero ex serico fluxas admodum ferunt, eademque omni monilium genere exornatas: nitent in digitis eorum incomparabili splendore lapilli: cum discumbunt abaco non utuntur, sed humi procumbentes omnifariam carnibus uescuntur: adiciebant ad hæc illi se compertum habere, esse complures reges Christiani nominis maximos magni regis Turcarum finitimos, Rumi appellant. Hi ubi conspicati sunt comitis mei pretiosiora mercimonia, & praesertim praegrandem coralli ramusculum, hominem ingentissimis pollicitationibus onerabant, contendentes plurimum, ut secum iret ad urbem quandam, ubi pollicebantur se daturos operam, ut inibi tantum mercium exponeret, si pyropos praestinare uoluisset, haud difficulter supra dena aureorum milia lucrari quire: subdentes etiam lapillos huiusmodi pretiosos longe pluris esse apud Turcas, exponique posse quasi centenis aureorum milibus. Ad hæc respondit comes meus, se quidem illis morem gerere uelle, modo quamprimum illinc abirent. Tunc Christiani, Perendino, inquiunt, die hinc soluet navis, eam conscendemus, ut protinus illò quò te sumus ducturi, uelificemus: nam ad urbem Pego nomine liburnica contendit. Quare comes meus his allectus pollicitationibus, statuit secum proficisci. Ad id accedebat quòd exploratum habebat complusculos Persas eodem ituros: cum praesertim sibi dictorum Christianorum suauissima



suauissima consuetudo iam pridem innotuisset, incolis referentibus. Inita itaque cum eis amicitia, diuenditisq; mercimoniis, excepto croco, necnon hetrusca purpura, inde soluimus eam urbem deferentes, quæ omnium rerum fecunditate cunctas exuperat urbes, si humanas spectaueris delicias. In ea urbe pannos non conficiunt mulieres, neq; lanificio nentes incumbunt: id munus uiris delegatur. Discessimus itaque illinc, Christianos memoratos sequuti, tandemq; aliquando ad urbem peruenimus, cui Pego nomen est, quæ decies centenis mille passibus ab urbe Bangella abest: nec prius eò peruenitur, quàm sinû meridionalem traieceris.

Bangellæ  
vbertas.

De Pego urbe Indiæ clarissima.

Cap. XV.

H A V D P R O C V L à mari in continenti urbs Pego nomine sita est: læuorsum, id est orientem uersus urbem præterfluit limpidissimus amnis, quo ultro citroque mercimonia comportant. Rex eius urbis idola colit, cultoribus fides, habitus, uiuendi modus, morésque indigenis urbis Tarnassari sunt simillimi: colore uero candidiore cœlique frigidioris: regionis autem situs plagæ nostræ non est absimilis: urbs ambitur mœnibus, ædésque pulcherrimas, ac elegantiores habet, constant enim lapidibus, & calce: ipsi regi in armis innumeri sunt, cum equites, tum etiam pedites, meréntque sub eo mille Christiani, inde tamen oriundi: nam prius singulo mense stipendii nomine senos aureos (pardaios ipsi appellant) solui iubet, alitque eos impensa propria. Ager re frumentaria plurimum scatet, affatimque carniū habent quasi omnifariam animalia, ut in urbe Calechut uisitur: inibi perpauci sunt elephantes, reliqua uero animalia, & auitiorum complura genera illic conspiciuntur modo regionis urbis Calechut: habent præsertim psitacos uocaliores quàm usquam alibi offenderim, eosdémque pulchriores: sunt item ibi proceriora ligna, fabricandisque ædibus aptiora quàm uiderim unquam: ferunt etiam harundineta uastiores harundines, utpote crassitudine dolii unius. Inueniuntur ibi feles qui unguentum illud fragrantissimum gignunt, quod uulgo zibellum dicitur: ueneunt dicti feles terni aut quaterni singulo aureo. Mittit memorata urbs præter monilia præsertim pyropos, mercimonia nulla: hi lapilli pretiosi aliunde aduehuntur ex urbe uidelicet quæ Capelan dicitur, ea orientem uersus à dicta urbe itinere XXX dierum abest: neque illò sum profectus: sed de negotiatoribus qui ampliter memorabant, hæc accepi. Illud etiam noueritis, in urbe præfata adamantes grandiores, margaritæque longe pluris esse maioréque pretio uenire quàm apud nos: itidem de smaragdo referebant negotiatores. Cum illuc appulimus, rex longe illinc aberat, utpote itinere XV dierum: nam bellum inierat contra regem quendam, qui rex de Aua nuncupatur. Propterea inde abiimus, uecti nauigio ex ligno solido, longo supra quindenos passus, lato binos passus, remis uero harundineis, ut haud mora compertum fiet uobis: ea enim parte qua remus aquas complectitur, scissus erat ferme bisulcus: iungebant geminas partes asseres abaci instar connectentibus funiculis, quo fiebat ut citatius permearet aquas: id genus nauigii impulsu remis huiusmodi uelocius quàm nostræ celoces fertur: malus arboris constat ex harundine uastiore, dolium, quo asseruantur aleces, figurat. Nos itaq; peruenimus ad rusculū quoddam, ubi nacti sumus nonnullos negotiatores, qui ob uigentia bella urbem inire nequiuerant: quo uiso du-

u. i.



ximus redeundum esse ad urbem Pego, unde paulo ante discefferamus obiter spatio quasi quinque dierum. Rex quem urbe abesse memorauimus, ouans uictorq; rediit post habitam de hoste uictoriã. Quare postridie illius diei quo rex rediit, Christiani illi negotiatores comiti meo aditum ad regem impetrarunt.

De cultu regis Pego.

Cap. XVI.

NON EST cur quis arbitretur eo fastu hunc regem uti, quo rex Calchut utitur, quando certe constat regem memoratum adeo se exhibere aduentibus facilem, ut uel infans ipsum alloqui queat: omnium tamen est ditissimus, quippe qui tanto monilium cultu, & comprimis pyropum exornatur, ut uel maxima urbs tanti non ueniret quanti sunt gemmæ, uniones, margaritæ & id genus lapilli pretiosi, quibus is elegantissime honestatur: in digitis uero condalia ex gemmis nitent: crura autem bractæ ex purissimo auro longe insigniunt, intercurfantibus pyropis mirandum in modum micantibus: ut breue faciam, manus, lacertos aurēsque omni genere monilium onustas circumfert, adeo ut aures pondere gemmarum appenso pendulæ ad medium palmum conspiciantur: propterea fit, ut si quispiã tenebricosa nocte regem conspiciatus fuerit, non aliter illi lumen clarissimum illuceat, quàm si phœbus ipse radios suos uibrauisset. Conuenerunt igitur regem negotiatores Christiani, illumque certiores reddiderunt comitem meum complurcula magni pensu mercimonia attulisse. Ad hæc rex respondit, irent ad se postridie: quoniã ea die sacrificaturus erat dæmoni. Vbi itaq; is dies illuxit, quem rex præfixerat, continuo accersire ad se Christianos comitemque meum iussit, addiditque ut illò prius non contenderent, quàm merces comportassent: paritum est ergo regi, allatæque sunt mercimonia, cuius rei maximam rex cepit uoluptatem: nec id ab re, nam inter cætera quæ attulimus affatu dignissima, erant & rami ex corallo gemini rari admodum, qui forte similes uisi sunt nusquam habuisse, quique eò commercii gratia aliquando sint confecti. Ictus rex harum rerum stupore eximio, cœpit Christianos percontari, qui nam mortales essemus. Cui negotiatores, Sunt utique Persæ isti. Tunc rex conuersus ad interpretem suum, Percontare, inquit, an has merces sint hic exposituri. At comes meus, Sunt hæc tua omnia clarissime princeps, eis utere pro tuo arbitratu. Ad hæc rex, Incubui superiore biennio diutinis bellis dissidens cum rege de Aua: exhaustum propterea est mihi ærarium, suppeditantibus prælio uires pecuniis: sed si commutatione gemmarum, & præsertim pyropum exposituri estis mercimonia, id efficiã, ut uos commercii huius minime pœniteat: at comes meus ad Christianos, inquit, compertum quæso regi facite me aliud nihil quærere præter suæ celsitudinis beneuolentiã, sumat propterea ex mercibus quicquid sibi collibitum fuerit. Tunc negotiatores Christiani aperuerunt regi Persam suæ eminentiæ ultro subiturum esse imperata, daturumque mercimonia uel absque pecuniis gemmarumque permutatione. His auditis rex respondit, Audiuisse se iam pridem Persarum liberalissimam esse consuetudinem: sed hoc Persa uidisse liberaliorē neminē, moxque iuratissime per dæmonum capita affirmare cœpit, se experiri hoc exēplo uelle uter liberalitate præstaret: quo dicto, accersito acutum mancipio, iubet afferri scrinium geminum palmum longum quaqua uersum toreutice elaboratum, pyropisque refertum, quo referato, nam multiuga intus receptacula habebat, discriminantibus bracteis tenuioribus: singula itaque receptacula



ptacula splendentibus pyropis oppleta erant. Referatum itaq; scrinium coram Persa fisti iubet, simulq; monet ut tantum ex his lapillis pretiosis caperet, quantum sibi complacitum esset. Hac liberalissima consuetudine regisq; munificentia allectus comes meus, hoc sane pacto regem alloquitur, O' rex egregie, tanta me prosequeris beneficentia, ut nusquam maiore munere sim affectus: ob id per sacrum Mahumetis caput, perq; eius sacra, quibus sum illi initiatus, tibi ultroneus omnium mercimoniorum meorum facio potestatem, donoque te his rebus omnibus, non enim sum qui peregre profiscor quæstus gratia, sed uisendi orbis desiderio. Tunc rex, Adhuc mecum liberalitate contendis, nec possum te munificentia superare? quibus dictis, rex manum pyropis ex singulis scrinii receptaculis referfit, quantum ipsa palma comprehendere quiuerat, eoque munere, id est ducentis pyropis Persam affecit: cape inquit, ob eam liberalitatem, quam beneficentia mecum contendens præ te tulisti. donauit etiam rex geminis pyropis singulos Christianos, qui profecto uenissent mille aureis: quos uero comiti meo pyropos dono dedit rex, tanti esse affirmabant, ut non minoris quam centenis auri milibus uenire posse autumarent. Est igitur rex memoratus is qui cunctos orbis reges munificentia eximia præstat, omnium ferme regum ditissimus, quippe qui decies centena aureorum milia quotannis à regni sui incolis exigit. Nam mittit ea plaga colores quasi omne genus: item gossipium, plurimumque serici: sed has prope innumeras opes militibus omnes impartitur: gens est in uniuersum ueneris amans, imò salax plurimum. Transactis itaque complusculis diebus, memorati negotiatores pro me à rege commeatum abundi impetrarunt: quo impetrato, rex iussit ut mihi ædes incolatu commodissimæ præpararentur, ubi ad usum humanum desiderarem nihil. Quare moram quinque dierum inibi absumpsi: interea rumore nuntio percrebuit regem Daue cum robustissima manu aduentare, ut regi Pego hostilia arma inferret. Huic occurrit rex cum exercitu innumero, circiterque medium iter nactus est eum. Obiter etiam deflagrantes mulieres illic conspicati sumus modo mulierum urbis Tarnassari.

Regis Pego  
opulentia.

De urbe Melacha, deque flumine Gaza, ut autumant incolæ, necnon de cultorum feritate.

Cap. XVII

POSTRIDIE eius diei conscensa liburnica, uelificauimus uersus urbem cui Melacha inditum est nomen, ea occidentem respicit, illò enim itinere octo dierum appulimus. Haud procul à dicta urbe percelebre flumen offendimus, uastius sanè quàm unquam conspicati fuerimus, huic Gaza nomen est, latitudine quinque ac uiginti mille passuum patet: altrinsecus uero uisitur insula ingens, Sumatra appellant, nos uero Taprobanam dicimus: cultores memorabant dictam insulam quasi quingentorum mille passuum ambitu patere. Huius latius meminisse est animus, cum opportunum duxerimus. Vbi igitur deuentum est ad urbem Melacha, Sultanum adire iussi sumus quamprimus: is Mahumetanus est, eiusq; regnum Mahumetano paret. Vrbs sita est in continenti, penditq; uectigal regi Cini. Tributo huiusmodi ut aiebant, causam præbuit, quod eius urbis conditor rex Cini memoratus ferebatur extitisse octuagenis iam transactis annis: nec alia de causa urbs illic condita est, quàm quòd commodissimum habet portum, & sanè commodiorè, quàm forte in toto ferme oceano intueri liceat. Crediderim

Sumetra in  
sula.



Anarchia.

propterea plura illò appellere nauigia, quàm quouis aliò: & comprimis aromata, & complura alia mercimonia omnifariam eòdem conuehuntur. Regio non est generatim ferax, mittit tamen triticum, carnes, perpaucaque ligna: aruis inerrant alites instar regionis Calechut: uerum psitaci sunt illis longe meliores: mittunt item arua sandalium, stannumque: elephantes, equos, pecora, boues fœminas, pardos, bubalos, pauos & id genus complura animalia habet. Fructus autem legunt paucissimos, modo urbis Zeilani: illic mercari non licet, nisi emere aromata sericumque uolueris: his est colos penè subcinericius: capillum promittunt: habitu uero instar incolarum Memphis urbis, cayrum appellant, utuntur: amplam habent frontem, oculos teretes, nasum autem simum: ibi noctu per urbem incedere impune haud licet, grassantibus inuicem cultoribus, nam mutuis cædibus canum more se conficiunt: ob id appulsi negotiatores non nisi in nauigiis noctes agunt. Indigenas eius urbis omnes oriundos esse Agiauais affirmant. Illic moderatori cuidam rex uicariam operam reddendi iuris aduenis delegat, uerum cultores parent nemini, illisque est pro ratione uoluntas, prauisque moribus concedunt nemini, adeo mentes efferarunt: ubi uero rex eorum ferociam cohibere uoluerit, prosiliunt magis, regionemque si redigantur in ordinem, se deserturos minitantur, idque agunt audacius, quoniam mari adiacent, quasi paruo negotio, cum libuerit, aliò dilapsuri. Propterea comes meus Christianos negotiatores monuit illic diutius commorandum haud esse, prosilientibus nimium cultoribus. Quare conducta celoce, Sumatram insulam uersus uela fecimus: quò quinque dierum itinere peruenimus ad urbem præsertim quandam Pyder nomine, quæ ferè octuagenis leucis à continente abest.

De Sumatra insula, deque eius urbe Pyder nomine.

Cap. XVIII.

Taprobana.

HANC VRBEM celebrior totius insulæ portus insignit, ea est insula cuius paulo ante meminimus, ubi retulimus huiusmodi insulam quingentorum mille passuum ambitu patere. Ego uero crediderim eam esse Taprobanam insulam, quod quidem inter complures conuenit auctores, huic insulæ quaterni diademate insigniti reges moderantur: hi sunt idolorum cultores, fidemque & ritu uiuendi, necnon habitu regi Tarnasseri non sunt absimiles, fœminæ uero coniugum desiderio sponte ardent, his est colos quasi albicans: amplioris sunt frontis, oculos habent obrotundos, prasini coloris, capillum promittunt, naso sunt latissimo eodemque simo admodum, statura uero perquam despicabili: ius ibi summopere uiget: signato argento aurumque ac stanno pro moneta utuntur, aurum signatum est eiusmodi, ab altera parte uisitur dæmonis cælatum caput: ab altera uero carpentum elephantis trahentibus conspicitur. Pari modo signantur reliquæ pecuniæ argenteæ: ex argenteis exponunt denos singulo aureo: stanneæ uero quinque & uiginti numero aureum efficiunt. Mittit ea regio numerosius proceriores quàm usquam alibi conspexerim elephantes, eosdemque meliores: id hominum genus belli est expers admodum, uerum quæstibus plurimum inhiat mercimonia exercens: suntque in uniuersum hospitaes, appulsi exteris præsertim.

De alio



De alio piperis genere, deque serico ac laserpitio, quod belzoe appellant, inde prouenientibus. Cap. XIX.

**ILLIC IGITUR** procerioris piperis uberius est prouentus, miraque copia. Lingua patria piper molaga dicitur, id est longe procerius illo, quod huc aduehitur, multoque candidius, uerum inane ac mordax plurimum, sed ponderosum minus: uenit enim inibi piper non pondere sed mensura, ut apud nos triticum exponitur. Tanta est huius ubertas, ut inde anno singulo uicenæ naues onustæ euehantur: hæ Cataium proficiscuntur, illic exponitur haud difficulter ob frigidius cœlum. Arbor uero quæ piper huiusmodi gignit, producit etiam procerius piper, sed crassioris est caudicis, amplioraq; folia, eademq; carnosiora habet arboribus urbis Calechut: fert item affatim serici, fitq; plerumq; id sericum more nostro: aliud uero mittunt sponte arbores, prouenitq; in syluis ac nemoribus absq; cultu, sed id est priore deterius. Ibi uisitur lazeris arbor, quæ gummi gignit, cui laserpitio nomē est, uulgo belzoe dicitur, referebant nonnulli id procul à mari nasci. Ego hæc nusquam affirmauerim, quando certe coram minime uidi.

De triplici arborum aloes genere.

Cap. XX.

**QUONIAM** rerum uarietas parit uoluptatem, mortalesque allectat plurimum, desiderioq; discendi noua inuitat ad lectionem. Ob id duxi non ingratum fore lectoribus, si hæc subderem, quæ coram uisi: propterea exploratum habebitis ob eam causam laserpitium aloëque ubertim ad nos minime conuehi, quoniam è remotioribus partibus comportantur: illud etiam noueritis, triplex esse aloes genus, aliud est longe perfectius, huic calampat nomen est. Hoc insula memorata non mittit, uerum ex urbe Sarnau aduehitur: ea, ut memorabant Christiani negotiatores comites nostri, haud procul à dicta urbe ubi aloes nascitur, nomine calampat, abest. Est & aliud genus aloes, lubam nomine, hoc flumine nescio quo huc comportatur, nouissimo autem bochor nomen est. Referabant dicti Christiani negotiatores causam, cur ad nos aloes primo loco dictum non deferretur, quod uidelicet id genus aloes mitterent regna Catali, necnon Cini, & Macini, Sarnauque ac Grauai longe ditiora, quippe quæ auro uberrime scatent, multoque maiorem quam nos auri copiam habent, suntque item maiorum principes uirium, nostris regibus nimirum locupletiores. Ad id accedit, quod suffimentis odoramentorumque genere plurimum delectantur, inque ea re reges superant nostros. Ob id ad nos hæc odoramenta minus abunde comportantur, utpote quod in urbe Sarnau singula libra aloes denis aureis uenit, id efficit eius rei summa caritas.

Quomodo ligna aloes ac lazeris probantur.

Cap. XXI.

**DEVENIMVS** in certissimam notionem gemini suffimenti, aloes uidelicet ac laserpitii, doctoribus memoratis negotiatoribus: nam alter eorum nonnihil aloes ac laserpitii habebat, binas uidelicet aloes onzias, eius inquam, quod calampat appellant, sic enim probabamus, comes meus nihilum aloes manu occlusum tantisper tenuit, donec is psalmus, qui Miserere mei deus incipit, tertio consummari posset, moxq; referata manu calefactum iam aloes inenarrabilem suauitatis odorem adeo fragrabat, ut nusquam fragrantiora senserim suffimenta. Cepit item tantum laserpitii, quantum iuglandem efficeret, rursumque

u. iii.



sumpsit libram mediam illius, quod mittit urbs Sarnau, ut alterum alteri conferret, priuâque suffimenta, ignitis uasis imposita prius indidit cubiculis: uera mehercle refero, longe suauius redolebat illud quod nucis magnitudinem non excedebat, quàm id quod libram mediam complebat: uel si ad geminam libram ascendisset: uix igitur pro meritis horum geminorum suffimentorum præstantia referri potest: id itaq; causæ referunt, cur ad nos non conuehantur. Mittit etiam ea regio lactam, unde conficiunt rutilum coloré, gignitur in arbore iuglandibus nostris haud absimili: Illic etiam inueniuntur ut apud nos omnifariâ animalia.

De multiugis Sumatræ insulæ negotiatoribus. Cap. XXII.

I N E A itaque urbe complura uidi affabre elaborata, eadêque elegantiora quàm usquam uiderim, cophinos præsertim auro exornatos, hi singuli ueniebant gemino aureo: uidi etiam in uico unico supra quingentos collybistas: tanta est inibi trapezitarum copia: illò ceu ad percelebres nundinas commercii gratia propè innumeri negotiatores proficiscuntur: cultores uero gosipinis stragulaq; serica & syndone ex xylo confecta utuntur. Fert regio affatim lignorum, unde fiunt naues, gunchos ipsi appellant, hæ trinos habent malos, geminamque proram, geminósque utrinque clauos. Cum nauigant in undabundo oceano, ubi aliquando uela uentis fecere, mox oborto tempestatis turbine, operæpretium est alteris uelis, haud mutatis prioribus, uentos legere: condicito itaque naui minime circumacta, altero malo usi retrocedunt, sunt enim omnium dexterrimi præcipuèque urinatores, ignésque extempore miro artificio fabricantur.

De eorum ædibus, deque ædium imbricamentis.

Cap. XXIII.

Tartaruca  
piscis.

E O R V M ædes lapidibus constant, parúmque ab humo tolluntur: loco imbricum piscis Tartarucæ pelles succedunt: mittit enim eum piscem pelagus Indicum, nam illic agens uidi adeo uastum beluæ corium, ut pondo librarum centum triúmque esset. Vidi item inibi máxima eborâ, hæc sunt elephantorum dentes, pondo trecentarum ac trigintaquinque librarum: conspiciatus sum etiam inusitatæ magnitudinis serpentes, longe quidem proceriores quàm uidentur in urbe Calechut. Sed iam redeamus ad negotiatores Christianos, qui desiderio uisendæ patriæ apprime flagrabant. Ob id percontabantur comitem meum, hæssissetne cordi sibi uelle ultra progredi, an retrocedere, uel forte inibi consistere. At comes meus respondit, se postquam illò uenerat, prius inde non discessurum, quàm uaria aromatum genera uidisset. Tunc Christiani affirmabant, illic alia haud inueniri aromata, quàm quæ conspexeramus. Quibus rursus inquit comes meus, Vnde myristica nux, gariophyllumque prouenit? At Christiani myristicam nucem muscatam appellant: Masticemq; fert quædam insula, quæ hinc trecentis mille passibus abest. Tum comes meus, Patétne insulam adeuntibus tutum iter, aut infestant piratæ æquora? Ad hæc Christiani responderunt, indignabundi æquoris tantum pertimescendam esse sæuitiam: addebantq; id æquoris onerariis nauibus sulcari non posse. His auditis, attentius explorabat comes meus quonam modo tuto illuc proficisci quiret. Responderunt Christiani nihil magis uotis comitis mei satisfacturum, quàm ut liburnicam, cui Campanæ nomen est, emerent quampiam, id est genus actuariæ nauis. Hoc intellecto, sciscitabatur comes meus



meus an naues huiusmodi illic inuenirentur. Respondentibus autem negotiatoribus Christianis affatim nauium reperiri, uel si supra mille conducere uellet, assensus est comes meus, ut simul geminæ naues conducerentur. Quo dicto quamprimum binæ naues affuere, complusculque remiges, & ubi de uectura inter eos conuenit, id pretium enim ad quadringentos aureos ascendebat. Rebus itaque in hunc modum compositis, comes meus cœpit amici appellatione compellare negotiatores Christianos his fermè uerbis, Etsi dilecti mei non sim uester conterraneus, eosdem tamen parentes habuimus, Adam uidelicet & Euam, estisne me sociumque meum qui uestris sacris est initiatus, deserturi? Ad hæc Christiani, Quomodo hic qui non est Persa, fidem nostram induit? Tunc comes meus, Sanè nunc ipse Persa est emptus aliquando Hierosolymis. Huius sancti nominis mentione exciti Christiani negotiatores, sublati in cœlum manibus, moxque procidentes humi, tellurem usque tertio deosculabantur, consurgentesque à comite meo, sciscitabantur cuius foret ætatis, quando ex Hierosolymis adductus est: tunc comes meus, Quindenos, inquit, annos agebat. Et rursum Christiani, Debet igitur patriæ meminisse. At comes meus, Meminit quidem, ceptique iampridem eo denarrante miram uoluptatem, doctoreque eo singula humanorum membrorum, esculentorumque nomina quibus utuntur Christiani, didici. Ad hæc negotiatores respondere, Etsi uisendæ patriæ ardentes desiderio decreuissimus tandem aliquando lares patrios reuifere, licet procul hinc, utpote trecentis mille passibus absint, tamen in uestri gratiam comitisque huius institui- mus eodem proficisci, quò ire decreuistis. Id plus addimus, daturus nos operâ, ut longe locupletior euadat, neque propterea ritus patrios deferat, ubi Persarum moribus uti noluerit. Tunc comes meus negotiatoribus respondit, se libenti animo amplecti oblatas amicitiae conditiones seque; eos sequuturum quocunque ierint, uerum me id exequi quod animo destinauerant, nequire ob eam rem, quòd neptè eius Solem nomine in Perside duxissem uxorem, quare si cordi hæsit uobis, ut sim meditati itineris comes, hoc munus quo uos afficio non parui facietis, ubi gratum habueritis ut me initæ amicitiae minime pœniteat. Tunc Christiani, Agite, inquiunt, ut lubet, quando certe uobis morem gerere in uotis præcipue habemus. His itaque ultro citroque dictis, in monimentum cœptæ amicitiae denis pyropis, mediam curiam appellant, eos donauit. Hi nempe tanti erant, ut quingentis aureis uenissent. Perendino igitur die in expedito fuere geminæ actuariæ naues conuehendis nobis com meatibusque aptissimæ, fructibus præsertim omnifariam impositis, iterque insulam uersus, cui Bandan nomen est, cepimus.

De insula Bandan, quæ myristicas nuces ac masticem mittit.

Cap. XXIII.

SVLCANTE S æquora circiter uicenas insulas offendimus, cultas alias, desertas admodum alias: eò peruenimus itinere quindecim dierum peracto: insula est inculta plurimum, ac infœcundi soli, humilisque, sed magnopere plana, centum mille passuum ambitu patens: huic rex minuscque; hexarchus moderatur: uerum eam incolit genus hominum agreste, parum distans à beluis, nullius sanè momētū, humiles casās, imò mapalia lignea parum ab humo extantia subeunt, sola interualla amiciuntur, nudis pedibus apertoque capite prodeunt, capillum promittunt,

Anarchia.



fronteq; sunt lata, sed tereti, colos est his albicans, staturaq; despicabilis, idola colunt, suntq; longe deteriores illis, quos incolæ Calechut Poliar & Hyraua appellant, obtusi sunt ingenii, nullarumq; uirium, adeo perdit, ut prorsus sint illaudabiles, ritu degunt ferino, ager præter myristicam nucem, muscatam appellant, & nonnullos fructus mittit nihil: myristicæ nucis caudex Perfico caudici similis, ramos foliaque consimilia producit, uerum nonnihil angustiora, prius quam nuces huiusmodi percoquant, sepit arborem mastix florentis rosæ instar: & ubi nux percoxerit, mastix eam complectitur, complexoque simul statim tempore, cultores legunt certatim uberiorque quam possunt, quoniam communia sunt ibi omnia, ceduntque præoccupantibus, arbores absque cultu, suppeditante tantum natura, fructus mittunt. Nuces huiusmodi myristicæ ueneunt mensura utpote senarum ac uiginti librarum, tantumque nucum ternis solidis, id est medio carlino exponunt: genus monetæ eiusmodi est, quale esse in urbe Calechut diximus: illi mutua iustitia degunt, nec opus est legibus, gente à puris naturalibus uix recedente: his uisis perendino die postquam illò appulimus, comes meus percontatus est negotiatores Christianos, ubi nam foret ea regio quæ gariophyllum mitteret. Ad hæc responderunt Christiani, procul illinc itinere sex dierum in insula Monoch nomine, gariophyllum inueniri. Tunc comes meus, Sûntne illi adeo rudes agrestesque, ut hi quos paulo ante conspicati sumus? At Christiani responderunt, esse quidem illos populos his dissimiles, uerum incultiores minoræque ingenii captu. His intellectis, Eia inquit, progrediamur, ingressique iter ad memoratam insulam septem dierum spatio peruenimus.

De insula Monoch, quæ gariophyllum mittit.

Cap. XXV.

H A N C insulam perquam angustam, Bandan insula magnitudine excedit, gens est cultoribus Bandan multo deterior, præter humanam speciem à beluis nihil differens, his est colos nonnihil candidior, cœlique temperies aliquantisper frigidior: mittit hæc insula gariophyllum, nonnullæ mediocres admodum, eademque incultæ insulæ circumadiacentes eundem fructum ferunt. Huic caudex est buxo non absimilis: folia uero cinnami instar habet, sed obrotunda magis: eius est coloris, cuius in superioribus meminimus, lauri folium propè exprimens, cum maturefcere incipiunt, cultores harundinibus flagellant arborem, constrato prius circum arborem tegetibus solo, colos telluri est qui subargilloso ac arenoso terræ esse consuevit. Regio est humilis admodum, adeoque demittitur, ut Septentriones inibi minime, adimente prospectum syderum Horizonte, cernantur. Explorata regione, uisoque inciuili hoc hominum genere, percontabatur negotiatores comes meus, Superessetne illic uisendum aliquid? Ad hæc negotiatores, Videamus inquit, quo pretio exponant gariophylla, & ut id compertius fieret nobis, finximus uelle mercari gariophyllum, moxque intelleximus duplo uendi quam nux myristica uendebatur, mensura tamen, quoniam id hominum genus omnium est prorsus expers ponderum.

De insula Bornei.

Cap. XXVI.

G N A R I Iam eius plagæ, auebamus plurimum nouas uisere regiones, ut noua semper delectant, studio præsertim discendi maiora. Quare Christiani negotiatores his uisis, in hunc fermè modum me compellarunt, Dilecte comes, in-

quiunt,



quiunt, postquam hucusque deorum munere peruenimus incolumes, si tibi est complacitum, eamus uisum totius orbis celebriorem insulam, eandemque locupletio- rem, uidebis aiunt, rem cognitu dignissimam, qua forte uidisti pulchriorem aliam nullam, uerum operæpretium est ad aliam prius proficisci insulam, cui Bornei nomen est, illic maiores multo liburnicas conducemus, quoniam longe altius, unda undumque magis æquor nobis superandum est. Tunc comes meus, Agite inquit, ut libet, in uestram enim sententiam totus concedo.

Quare conscensa liburnica uastiore, iter ceptum est ad eam insulam, uersus meridiem semper uelificantes die noctuque. Dum iter agimus, confabulationibus mira uoluptate incumbibamus, percontantibus me illecebre dictis negotiatoribus, præsertim de nostri seruatoris inclyta latrìa. Et ubi sancti uultus (Veronicam appellant) mentio abs me facta est, deque diuorum Petri ac Pauli principum apostolorum capitibus, necnon de complusculis aliis sanctis, clanculum me monuerunt, ut si uellem secum proficisci, futurum ut magnus euaderem princeps, ob tantarum rerum notionem: uerum absterritus itineris magnitudine, longioræque interuallo, quippe qui rebar, ubi illò contendissem, me nunquam reuersurum, statui eò minime proficisci. Itaque insulæ Bornei tandem aliquando appulimus, ea à Monoch abest circiter ducentis mille passibus, illaque nonnihil maior est, uerum longe humilior, situmque demissiore. Gens idola colit, acerrimique est ingenii, ac uitæ haud illaudabilis, colos in albicantem magis inclinat colorem, his non est idem habitus, alii interula gosipina, alii undonibus utuntur: alii apice sub- rutilo uti consueuere, ius summopere illic uiget, ea insula mittit quotannis affatim camphoræ, hanc arboris gummi esse asseuerant, ego uero id nunquam affirmauerim, quando certe rem huiusmodi oculis minime subieci, illud tamen non diffitebor, comitem meum actuariam nauim centenis aureis conduxisse.

Bornei.

De obseruationibus nauigationum, quibus utuntur nautæ ad insulam Gyaua contendentes.

Cap. XXVII.

POST QUAM tot com meatus sumpsimus, qui itineri nauando abunde sufficerent, uela uentis dantes, uersus insulam Gyaua nomine ceptum est iter, eò quinque dierum itinere meridiem uersus nauigantes peruenimus: nauis moderator pyxidem magnetemque, necnon paginam marinam compluribus lineis distinctam, quæ uentorum rationem insinuant, secum more nostro attulerat. Videns igitur comes meus euauisse Septentriones, inq; ea urbe minime conspici, negotiatores Christianos percontabatur, quonam modo adempto Septentrionis ducatu fulcare quirent maria, explorabundusq; sciscitabatur ab eis, quo duce sydere pelago se committerent. Ad hæc nauis moderator percontantibus negotiatoribus Christianis, respondit cultores eius regionis quina ferme sydera habere, & comprimis astrum quoddam Septentrioni oppositum obuersumque quo nauigaturi utebantur, addens se magnete uti, quoniam is lapis Septentrionem semper consequitur. Subdidit etiam ab altero dictæ insulæ latere gentem esse quandam, quæ Septentrionibus obuersis syderibus æquora fulcans, utebatur quasi Europæ Sarmatiæ essent antipodes: inq; zona frigidissima circiter polum Antarcticum cultores huiusmodi degerent, argumento quòd diem quatuor horarum tantum habent, quòdque algent mirum in modum rigore frigidioris zonæ



instar eorum qui à polo Arctico parum absunt, quare ex denarratis comes meus incredibilem uoluptatem cepit.

De insula Gyaua, deque cultorum fide ac moribus, necnon complusculis aliis. Cap. XXVIII.

**I T A Q V E** permeando maria itinere quinque dierum ad dictam insulam peruenimus, ea propè in immensum patet, quippe quæ complura regna continet. Reges cultoresque idolorum latræ sunt addicti plurimum, nec iidem sunt omnibus ritus, colunt alii modo incolarum Calechut idola, alii Phœbum, Phœben alii obseruant, alii boues, alii quicquid prima luce obuium habuerint, idoli loco colunt: dæmonem alii, ut supra meminimus, uenerantur. Hæc insula more nostro sericum mittit, syluis sponte id gignentibus, smaragdos totius orbis habent elegantiores, habentque affatim auri ac optimi æris, ager re frumentaria scatet, omnifariamque fructibus, modo urbis Calechut. Illic etiam carnes omne genus more nostro inueniuntur. Id hominum genus perfidiæ est prorsus experts, eius sunt coloris necnon proceritatis cuius nos sumus, uerum latiore sunt nonni hil fronte: oculos habent prægrandes, prasinique coloris, sed naso sunt admodum simo, capillumque promittunt, cælo inerrant complura auitiorum genera nostris quidem absimilia, si pauos, turtures, ac nigricantes corniculas excipias. Ius illic mirabilem in modum colitur: cultores chlamyde serica, aut ex undonibus, ex gossipio nonnunquam exerto brachio amiciuntur, lorica perraro utuntur, quippe qui bellorum propè sunt expertes. Verum maria sulcaturi arcubus ac harundineis sagittis utuntur: consuevit etiam gens illitas ueneno sagittas eo instrumento, quo nos tormenti instar figulina glande aues conficere solemus, ore in hostes uibrare, mortemque ilico afferunt, modo nonnihil cruoris eliciant. Tormentis omne genus non utuntur, nesciuntque tormenta huiusmodi fabricare, omnibus non sunt in cibatu eadem esculenta, alii triticeo pane utuntur, ac ueruecum carnibus uescuntur alii, alii ceruis ac apris oblectantur, pisce ac fructibus aluntur alii.

De cultorum huius insulæ sæuissimis moribus, deque modo uendendi parentes, necnon de Anthropophagis. Cap. XXIX.

**E I V S** insulæ cultores ( eos inquam qui carnibus uescuntur ) ubi uiderint parentes confectos senio nullius iam usus esse, in emporium adductos protinus Anthropophagis uendunt, qui ubi uenerint, continuo macantur, locoque esculentorum à nonnullis absumentur. Et ubi iunior quispiam in eam deuenit ægritudinem, ut indicio sapientum, præsentem languorem euadere non posse uideatur, is à parentibus uel germanis ut mors ipsa præueniatur, leto traditur quam primum, functusque uita uenit Anthropophagis. His inhumanis moribus perterritus comes meus, stupore incredibili afficiebatur, aspernabaturque detestandæ feritatis abusum, cum præsertim nonnulli ex regionis cultoribus negotiatores petulantius his ferè uerbis aliquando compellassent, O Persæ, inquit, peccatis nulla expiandi uictima, quando carnes adeo formosas uerbis epulandas exponitis. Hoc audito, comes meus efferatam eorum consuetudinem adeo horruit, ut condicto illinc abeundum esse duxerit, Redeamus, inquit, ad nostram liburnicam, quam ubi semel tenuero, huic continenti non appellam amplius.

Quomodo.



Quomodo in insula Gyaua nomine, sol in meridie orbem siue sphæram complet.

Cap. XXX.

POST QVAM satis superque horum populorum inhumana crudelitas nobis innotuit, negotiatores Christiani comitem meum hortabantur, ut hæc quæ paulo ante conspicati fuerant, ueluti noua quæpiam suis cum domi forent renuntiarent, Ferte, inquit, in patriam, eaque mox comperta uobis de hoc orbe fient: quibus dictis, Intuemini, aiunt, in meridie situm Solis, iusseruntque ad sydera tollere uultus: respicite, inquit, solis orbem, ut quamprimum exploratum habeatis, quantum hic absit ea, quæ uos tulit regio. Respiciens itaque comes meus, uidit solem dextrorsum decurrere, & rursus sphæram latam circiter binos palmos læuorsum imprimere: quæ res comitem meum magna affecit admiratione: id ut ipse memorabat, mense Quintili usu euenit: ego eius rei uix memini, quoniam agentem apud exteras gentes, in orbemq; remotiore nostrorum mensum nomina me fugerant, imò quandoque dierum nomina obliuiscabar. Illud etiam noueritis, paria in eo orbe nobiscum agere anni tempora: nam illi haud plus quam hic nos inibi algent. Intelligens igitur comes meus illinc abeundi iam tempus appetere, utpote qui perspectum habebat se non posse illic sine aperto uitæ discrimine morari diutius, grassantibus sæuientibusq; in appulso nimium cultoribus, nam acriore diligentia, noctu præsertim, nobis ab Anthropophagis cauere opus erat, comitem meum conueniens statuit inde discedere, in patriamq; festinantius quam posset repedare. Inter hæc comes meus smaragdos geminos mille aureis emit, binosq; infantes aureis ducentis præstinauit, hi ex ætis testibus euirati erant, nam in ea insula complures sunt negotiatores, qui præter infantes mercantur nihil, hos adhuc impuberes ita emasculant, ut parum absint à sceminis.

De reditu nostro ex insula Gyaua.

Cap. XXXI.

IGITUR quatuordecim dierum inibi insumpta mora, pertæsi ob inhumanam feritatem Anthropophagorum mores, algoréque nimio nos prementes: Zonæ enim frigidissimæ, ut in superioribus perspectum habuistis, appulceramus. Duximus ultra progrediendum minime esse. Ad id accedebat, quod nulla supererat regio digna cognosci, propterea gradum reuocauimus, conductaque liburnica, gionchum ipsi appellant, inde soluentes ab extimo insulæ latere orientem uersus, minus illic sæuiente salo, uelificare cœpimus, itinereque quindecim dierum peracto, tandem aliquando ad urbem Melacha nomine peruenimus, ibi tridui absumpta mora, sociis ibidem remanentibus, uix referre queo, quibus gemitibus ac querulis uocibus nos abeuntes prosequuti fuerint Christiani negotiatores, profecto ingenue fateor, si celebs fuisset, natosque habuissem nullos, nunquam hos adeo charos comites deseruissem: mutuo amore illi nos complectebantur, identidem asseuerantes, ubi se rati fuissent tuto iter agere posse, nusquam nos dereliquisse. Ad id accedebant comitis mei crebriores adhortationes, quibus negotiatores huiusmodi pericula obiectans hortabatur ne nos sequerentur, eò tendens ut denarrantibus ipsis, regionis eius opes necnon principis, ac regis locupletissimi, nostris haud innotescerent. Igitur digredientibus nobis illi remanserunt, aientes in urbem Sanam redire uelle. Nos uero conscensa liburnica, uersus urbem Cyromandel nomine



uelificauius. Inter nauigandum moderator nauis memorabat circum insulam Gyaua Taprobanamque, Sumatram ipsi appellant, supra septem mille insulas fore. Vbi urbi Malachæ appulimus, comes meus tantum aromatum sericique ac odoramentorum emit, ut circiter quina milia aureorum exposuerit. Ad urbem enim Cyromandel non prius peruenimus, quam itinere quindecim dierum peracto, ibi liburnicam exonerauimus, uiginti que dierum absumpta mora, conductâ alia liburnica, ad urbem Colon tandem peruentum est: illic nempe supra uiginti ac duos Christianos è Lusitania oriundos offendimus, quibus uisis fugam meditari cœpi, contempta tamen eorum paucitate, desii pedem struere. Huc etiam accedebat, quod aderant nonnulli negotiatores Mahumetani, qui nouerant me uidisse Mecham, Mahumetisque corpus, ob id uerebar, ne si fuga arrepta illic discessissem, suspicarentur illi ob id solum me abiisse, ut eorum aperirem hypocrisim. Tamen intra duodenos dies uecti flumine itinere dierum decem, ad urbem Calechut tandem aliquando rediimus.

De urbe Calechut.

Cap. XXXII.

P O S T multiplices uariâsque peragratas regiones, uti classico beneuolôque lectori in superioribus abunde innotuisse arbitramur, tum ob multiugam cœli clementiam, & rursus eiusdem aliquando incredibilem intemperiem, ut haud difficulter concipere possunt, qui peregrinationibus affuere, tum uel maxime ob populorum efferatissimos mores, inhumanamque sæuitiam, iam pertæsi peregrinationis, memoratis causis fastidium parientibus, tandem aliquando gradum referre decreuimus. Quæ uero redeunti mihi usu euenerunt, paucis expediam, ne prolixior sermo lectori fastidium pariat, conducent enim denarranda multifariam mortalibus, quando certe hoc exemplo cohibebunt complures uoluptates suas, qui nimio plus quam satis uisendi orbis desiderio ardent. Quod si monitis nostris minus obtemperabunt, illud saltem denarrantibus nobis discent, quonam modo peragraturi orbem se gerere debeant in euentis præcipue præsentaneis, ubi acriore opus est ingenio. Itaque regressi iam ad urbem Calechut, illic duos Christianos nacti sumus ex urbe Mediolano oriundos, ut paulo ante meminimus, alteri Ioanni Mariæ, alteri Petro Antonio nomen erat, hi Mangones erant, è Lusitaniâque emendorum monilium gratia dato à rege negotio solue- rant, cum enim ad oppidum Coccin deuenissent, in urbem Calechut protinus diffugerunt. His uisis, tanta sum affectus lætitia, ut maiorem nunquam ceperim uoluptatem, nudi enim incedebamus cultorum instar. Percontari propterea eos cœpi, essentne Christiani, sciscitanti mihi condicto Ioannes Maria respondit, se quidem Christianum esse, tum Petrus Antonius ad me conuersus inquit, Et tu esne Christianus? Cui ego, Sum equidem in summi optimique dei gratiam. Quo dicto manu me apprehensum, in ædes suas humanissime me duxit, eoque ut peruenimus, ruit in oscula & fletus maximos, nec me amplexando satiari quibat: ego uero uix patrii sermonis memineram, uidebâque Balbutiens, ac lingua impeditiore, quippe qui iam annis quaternis aliâ linguæ, ipsi que barbaræ diutius assueueram, minúsque interea Christiani cuiuspiam usus eram contubernio, conquieui proxima nocte secum, uerum ob conceptam lætitiam nemo nostrum somno indulsit, minúsque epulis, adeo enim quisque nostrum mutuo fruebatur



fruebatur gaudio, ut eam noctem tridui spatio propagari uoluisset. Inter cætera uero quæ eos percontabar, id in primis ab eis sciscitatus sum, essentne in paucis regi Calechut chari: at illi, Sumus, inquiunt, apud regem plurimi, maioræque in pretio esse nequimus, eoque familiarissime utimur. Addidi etiam quid nam destinauissent animo: rursus illi, Cupimus profecto in patriâ redire, sed quo nam modo id consequi possimus, nos planè fugit. Quibus ego, Redite inquâ eâ quâ uenistis. Tunc illi, Illud sanè perarduum est, quoniam Lusitanorum perfugæ sumus, ad timorem præsertim accedente, quòd innumera propè tormenta auspicis regis Calechut, non sponte tamen fabricati sumus: propterea non est inanis timor noster, quandoquidem nobis timemus, ne mali quippiam nobis contingat, cum præcipue classis Lusitanorum iam iter ingressa, breuique affutura dicatur. Ad hæc respondi, si munere deorum consequi possem, ut tandem aliquando clanculum, classe Lusitanorum appulsa, ad urbem Canonor nomine diffugerem, me haud difficulter à præfecto classis impetraturum pro desertoribus ueniam. Adiciebant etiam illi ob id quòd famigerati essent admodum, fabricandisque tormētis percelebres, futurum ut aliâ euadere nequirent, nisi eâ, quâ prædictum erat, compluribus regibus eorum uestigia obseruantibus: adeo enim tanti opifices huiusmodi habebantur, ut pluris esse nequirent, propterea fugæ spem esse nullam: nam supra CCCC tormenta, si uastiora minimaque recenseas, fabricati sumus. Ob eam rem Lusitani sunt nobis magnopere formidolosi, pauciusque plurimum, ne commissorum luamus quandoque pœnas: nec id abs re, quoniam non iniusti timoris suberat causa: nam præterquam quòd fabricati fuerant propè innumera tormenta in maximam Christiani nominis iacturam, cultores etiam idolorum artem memoratam docuerant, uibrandique ac exonerandi tormenta quindenos homines, quibus id munus à rege delegatum erat, in diuini nominis contumeliam docuisse dicebantur. Per id tempus enim quo illic agebam, coràm uidi memoratos Christianos dedisse cuidam idolorum cultori archetypum, quo tormentum ex ære fabricari posset tantæ magnitudinis, ut capax quinque ac centum cantarorum (id est mensuræ genus) foret. Agebat etiam illic Iudæus quidam, qui liburnicam elegantissimam quaternaque tormenta ex ferro fabricatus fuerat. Is dum lauandi sui gratia ad flumen quoddam perrexisset, forte non sine nutu deorum aquis immersus pessus iuit, uitamque efflauit. Sed iam ad Christianos redeamus, nouit mehercle deus optimus maximus, quo conatu à dictis Christianis contenderim, ne posthac in sancti nominis contumeliam sanctorumque fidelium dedecus ac detrimentum maximum tormenta huiusmodi fabricare uellent. Cum hæc referebam Petro Antonio, ubertim lachrymæ erumpebant. At Ioannes Maria, cui pertinacius forte hæserat, in patriam redire nolle, aiebat nihil pensi se habere, ubi illic, uel in urbe Roma rebus eximeretur humanis: nosse deum quid de se decretum foret. Quare postridie socium meum uisum redeo, qui non absq; querelis ac lamentationibus me excepit, quippe qui rebatur ob diuturniorem moram è uiuis me decessisse: ego uero finxi me pernoctasse in delubro quodam, Melchitâ ipsi appellant, ut deo ac Mahumeti, quorû in me complura extabant beneficia, gratias agerem: quare uisus est comes meus huius rei magnam cepisse uoluptatem: ut uero attentiore animo, commo-



diſſue cultorum mores explorare poſſem, comiti meo inſinuauī noctu delubrū incolere uelle, opesque ac diuitias floccipendere, eſſeque inopiæ amantem plurimum: nam noueram fugam meditando aptius illis imponere non poſſe, quàm ut ſimularem me eſſe ſanctum Mahumetanum: propterea ut huius ſanctitudinis fidem facerem potiore, in propatulum carnibus ueſci nuſquam uolui, uerum clanculum ac ſilenti nocte apud Ioannem Mariam gallinas epulabar ſingula nocte quaternas: temperabamque à congreſſu negotiatorum, agelaſtos, id eſt non ridens ex compoſito factus eram, perdius delubrum incolens, nec illic abibam niſi uocatus à comite, qui miſeratus abſtinentiam meam (ſic enim rebatur) creberrime me increpuit, quòd carnibus non ueſcerer. Ad hæc ego reſpondebam, epulas geneatſque dap̄es ueneris aliorumque peccaminum eſſe fomenta. Quare effeci hac hypocrifi, ut opinione probitatis ac abſtinentiæ me illic ſanctior eſſet nemo: argumento, quòd nihil magis in uotis, imò ſupra uota cultores gerebant, quàm ut manus aut genua mea deoſcularentur.

De aduentu liburnicarum regis Luſitanorum ad urbem Calechut.

Cap. XXXIII.

EPVLANTI mihi apud comitem meum, ecce Perſæ gemini negotiatores urbis Canonor à comite meo hoſpitio recepti, comiterque inuitati, dixere habere ſe nescio quid ſiniſtri, quod in medium proferrent. His uerbis excitus comes meus, quid, inquit, audio? tunc Perſæ, Aduenere duodenæ Luſitanorum liburnicæ, eaſque coram conſpicati fuimus. Tunc comes meus, Qui nam ſunt mortaliū? At Perſæ, ſunt, inquiunt, Chriſtiani loricati albicantibus armis, qui munitiſſimum arcem ac propè inexpugnabilem in urbe Canonor erigere cœperūt. His auditis comes meus ad me conuerſus inſit, Heus Ludouice, qui mortales ſunt hi Luſitani? Cui ego, Oro uos, ne huius gentis mentionem mecum faciatis, quando certe conſtat gentem huiusmodi latrociniis ac maritimis excuſſionibus ceu piratas uſquequaque uacare, ob id aueo plurimum eos aliquando Mahumetis ſacris initiari. Huius rei poenituit ſocium meum, cuius ego magnam capiebam uoluptatem, lætabarque plurimum hos adueniſſe.

Quomodo medici officio illic fungebar.

Cap. XXXIII.

VSV euenit aliquando, ut negotiator Mahumetanus ex urbe Calechut oriūduſ, pergrauī ægritudine affligeretur, aluūque haberet inſolutam: & quoniā comite meo is familiariffime utebatur, ac deterius indies ſe haberet: comitem meum monuit, ut iure coniunctionis, ſiquid præſentanei remedii noſſem, quod languorem leuare quiret, illud afferret in mediū. Ad hæc reſpondit comes meus, ſe iturum ad ægrotum quamprimum: quo uiſo (me enim ſecum languētem uiſum duxit comes meus) Quæ cauſa, inquit, condigna ſerenos ſœdauit uultus, cur hæc triſtia cerno? At ille, Languore ſtomachi, inquit, crudelem in modum urgeor, aluūque ſoluere nequeo. Cui comes meus, Algēſne forte? Rurſus languens, Minime, inquit, quando certe uſque in hanc diem alioris ſum proſuſ expers. His auditis, conuerſus ad me comes meus, Heus, inquit, Ludouice, noſtine antidoti quippiam aut pharmaci nonnihil, quod languorem huic meo charo leuet? Cui ego, Erat quidem parens meus medicus, uerum in patria, didiciſſe ſolo experimēto doctore eo nonnulla. Tunc comes meus, Oro te propterea Ludouice,

ut ſi



ut siquid comperti habes quod languori conducatur, proferas quamprimum in amici huius mei gratiā. Ego uero lingua eius gentis uerba quādam protuli, languentisq; manu apprehensa, pulsum attrectare cœpi, is est enim ægritudinis ple-  
 runque index: cognoui propterea maximis hominem detineri febribus, percon-  
 tatūq; sum eum, dolerētne caput. At æger, Dolet quidem uehementer caput meum. Et rursus ego, Soluīsne pro libito aluum? Tunc languens, Iam triduo eam minime exoneravi. Hoc audito comes meus, refertū inquit, bile hic stoma-  
 chum forte ob nimīā ingluuiem habet. Opus est propterea clystere ad egerenda excrementa. Tum æger, Agite ut lubet, inquit, modo sanescā. His intellectis, cly-  
 stere expedito saccaro ouis ac sale mixtis, additis herbis nōnullis, quæ ut arbitror, officere citius quā conducere languenti debebant: nam folia erant iuglandiū: quare nocte ac die una quinīs clysteris excrementa egerere frustra tentavi, aluo obdurata nimis reluctante, officientibus herbis, eōq; discriminis ægrū adduxi, ut me iam cœptæ provinciæ pœniteret, in contrariū cedente antidoto. Vt tamē con-  
 sulerem languenti, cepi rursus amphoram succi herbæ cuiusdam, oleōq; sale ac saccaro inditis, rursus mollire uentrē conor: uerum nouissimus error peior prio-  
 re fuit: quoniā decoctionem haud calefactam aluo languentis indidi: pedem ta-  
 men ægri fune alligavi, ut imposito clystere, capitūq; ac manibus innixus reliquū corpus pensile haberet, me fune pedes ægri suspendente, adque horæ spatium uel inuitū ægrū nobis in superiora pertrahentibus. His uisis comes meus infit, Heus Ludouice apud uestrates dum prospectum iri languentibus cupiunt, utuntūrne hoc antidoto? Cui ego, Utuntur quidem, sed cum ferme sunt deplorati. Tunc comes meus quasi subridens: Quadrāt inquit, id remediū quo suspensum tenes hominem, ut euanescat decidatq; dementia uiri. Succlamabat interea infelix æger, lingua patria aiens non plura, Sat ac super habeo, animam iam efflaui. Nos uero miserum languentem hortabamur, ut tolerantius ferret antidotū, futurūq; breui ut incolumis fieret. Quo dicto mirabilē in modum soluta est aluus instar scaturiētis fontis. Ob id haud mora, demissimus fune suspensum, tantūq; eges-  
 sit excrementorum, ut trulam implere quiuisset. Latabatur propterea soluta aluo hilarem in modum æger, magnāq; afficiebatur uoluptate. Postridie uero huius diei febrium ac grauedinis capitis stomachiq; languoris iam expers, crebrius solito aluum laxabat: uerum postero die cœpit dolere latera: quo uiso, butyro bu-  
 balo accepto ungi iubeo hominē, canapināque sindone uinciri: addidīque, si pri-  
 stinam incolumitatem recipere aueret, operæpretiū esse, idque in primis fore ob-  
 seruandum, ut bis tantum in die comederet: nec prius id mane faceret, quā ad primum fermē lapidem commeasset. Tunc ille: si, inquit, animo destinauistis, ut bis tantum in die cibum capiam, emoriar quamprimum: quippe qui octies aut decies epulari hactenus consueui. Propterea sibi perarduum uidebatur ea subire, quæ recipiendæ sanitatis gratia imperabantur: conualuit tamen mea opera. Ob id cœpi esse in magno extimatu apud omnes, in pretiōque erat mea hypocrisis, passimque me dei amicum esse dictitabant. Pro qua re denos aureos mihi exposuit: ego tamen renui id pretium recipere: quinimo ternos auri nummos quos habebam, inopibus erogavi, idque ex composito egi clanculum, ut perspicuum foret omnibus, me opum haudquaquam amantem esse. Hoc facto eō loci apud

Pulsus.

Pharmaca  
ciendæ aluo  
accommoda

Hypocrisis.



omnes eram, ut quisque pro summo pretio duceret me domi habere conuictorem, perbeatúsque uidebatur is, qui pedes manúsque meas deosculari quuiisset. Et ubi munus populus deosculandi mei exquebatur, condiebam mira grauitate mores, caperataque fronte quasi quispiam è cinctutis Cethegis, uel Socratico quopiam cenfore, præ me ferebam miram sanctitudinem, ut intellectum illis esset, quæ mihi exhibebantur officia, ea pro meritis exhibita esse. Iuuabat opinionem huiusmodi comes meus, cui impositum à me ibat: nam rebatur ipse me nusquam carnibus uesci, idque ex professo uulgabat, addens uidisse me apud Mecham Mahumetis corpus uisentem: & ut fidem dictis astrueret maiorem, denarrabat populis se nosse mores meos, fuissèque me suorum itinerum usque comitem, essèque me proculdubio sanctum: rursumque addebat, se hac sanctitudinis opinione, & morum dignatione adductum, ut mihi neptem suam iure matrimonii iungeret. Quare hoc buccinatore in ore omnium multus eram, à cunctisque dilectus mirabilem in modum. Inter hæc singulis noctibus clanculum Christianos memoratos conueniebam: de quibus aliquando accepi, duodenas Lusitanorum naues urbi Canonor appulisse. Quo audito ratus sum tempus aduenisse, à superisque oblatam esse euadendi occasionem: ob id octonis diebus undequaque diffugiendi aucupabar opportunitatem. At negotiatores in rem meam esse dicebant, ut terrestri itinere abirem illinc. Verum ego mihi timebam magnopere, uerens ne in Mahumetanorum manus inciderem, prodente me albicante colore.

Quomodo Mahumetani ad eorum delubra concire solent populum.

Cap. XXXV.

POSTRIDIE eius diei Mahumetani omnes in delubro orandi gratia conuenere: cōuocandi enim populi ad eorum profana (ne sacra dixerim) hunc morem seruant. Sunt quidem innumeri huiusmodi præfecti, nonnulli qui editissimam delubri turrim conscendunt, interdium ter uel quater æris campani uicem supplentes, uoce sublatissima inclamant populum, ut ad orationem agendam protinus in delubro adsit: alteramque aurem digito obstruentes, hæc sermone patrio profantur: Alla u eccubar, id est deus est magnus. Et rursum, Deus est magnus, uenite ad delubrum, uenite ad delubrum. Et item, Venite deo gratias acturi, uenite deo gratias acturi, deus est magnus, deus est magnus, deus fuit, deus erit, Mahumetes dei nuntius resurget. Duxerunt me igitur in delubrum, precibusque contendebant, ut deum pro Mahumetanis exorarem. Quod abs me factum est publicitus, ut continuo intelligetis.

De modo orandi apud Mahumetanos.

Cap. XXXVI.

SIC ENIM ea gens orat, habetque ut nos quotidianas orationes, quibus suminum deum appellatione patris nostri, diuamque uirginem Mariam plenitudine gratiarum dignantur: nam Mahumetani in ordine expositi præfante sacerdote iam loti in quendam modum, quo & ego usus sum, lingua patria orant. Itaque astante frequenti populo, ne proderem Christianos mores eadem oratione sum usus. Demum rediens ad comitem meum postero die simulabam ægritudinē: nam circiter octonos dies temperaui à cibatu omni, assistente comite meo: uerum noctu prodibam semper, apud Christianos cibum sumpturus. Afficiebatur huius



huius rei maxima admiratione comes meus, meque percontabatur, quænam inedia huius causa esset. Cui ego respondebam, afflicti me insidiosissima grauedine capitis. Tunc ille: Vnde hoc domine mi? At ego arbitror, inquam, cæli inclementiam id effecisse. Ad hæc comes meus: Si, inquit, insalubris est hic aer, tibi que officit plurimum, abi hinc, inquit, & ad urbem Canonor te recipe, donec redeamus in Persida: commendabo enim te de meliore nota negotiatori cuidam, cum quo magna mecum intercedit amicitia: is mea causa te ita honorifice excipiet, perhumanèque tractabit, ut nihil quod ad officium pertineat desiderare possis. Respondi ego id me sponte subitum, quod in gratiam meam tam amice pollicebatur: sed uereri me plurimum, ne quid nocumenti inferrent Christiani, qui illò appulisse dicebantur. Tunc ille, Non est cur paucas, quoniam ab urbe nunquam digrediere. Quare exploratis eorum moribus, conspectaque classe barbarorum, quæ constiterat apud urbem Calechut, inspectisque tormentis, ac lustrato exercitu, quem ituri in Christianos comparauerant, duxi soluendi illinc iam tempus appetere: quare inde abiens iter sum ingressus, monuiq; Christianos, siquid comperti habebam, mihi que consului, ut tandem aliquando horum canum euaderem manus.

De dexteritate qua sum usus ut illinc abirem. Cap. XXXVII.

IGITVR pridie quàm illinc discefferim, omnia Christianis memoratis referauì. Interea comes meus duobus Persis me tertium accedere iussit: propterea simul actuariam nauim conduximus: iam iam compertum habebitis, quidnam aperti discriminis subierim: agebant enim illic circiter quatuor ac uiginti negotiatores, si Persas, Syros, Turcàsque percenseas: ii me nouerant diligebantque plurimum, ac intelligebant quantum Christiani præstarent ingenio, gerendarumq; rerum dexteritate: nam quasi in biuio curarum positus angebar utrinq;: si enim commeatum abeundi petiissem, uerebar ne suspicarentur uelle me dilabi ad Lusitanos: si uero hospite insalutato abiissem, timebam ne retractus à fuga rationem à me exigent posthabitæ amicitia: propterea lupum tenebam auribus, interq; sacrum & saxum positus, quidnam acturus essem non satis sciebam. Destinaui tamen animo, huius uoti mei præter comitem meum certiore facere neminem. Ob id ea die quæ Ioui est dicata, pridie Nonas Decembres, comitibus Persis duobus mare ingressus abii: uixque nauim ad arcus iactum duxerant in altum nautæ, cum mox quaterni cultores, quos Naeros appellant, nauis moderatorem inclamare cœperunt. Quibus exauditis littori protinus appulimus. Quò ut peruenimus memorati cultores percontabantur uectorem, cur rege inconsulto me abducerent. Ad hæc Persæ, Is qui nobiscum Mahumetanus uehitur, moribus est sanctissimis, ad urbemque Canonor contendimus. Tunc illi, Nouimus quidem hunc Mahumetanum miraculis clarescere, uerum quia Lusitanorum doctus est linguam, subueremur ne gentis nostræ arcana Lusitanis aperiat: docebit enim eos classem hic comparari in eos maximam: ob id imperarunt nauis moderatori, ne me de cætero ueheret. Paruit ille imperatis, meque in litus expositum deferuere. Cultores uero, quos memorauì, dilapsi sunt ad regem. Quo uiso, alter Persarum: eamus, inquit, ad urbem Calechut. Ego uero inquam: Nolite illuc proficisci, quoniam iacturam huius mercis (ferebamus enim



ex splendenti byssino telas) subibitis: quandoquidem regi uestigal minime pendere uoluistis. Tunc alter Persa, Quid igitur domine agemus? Cui ego, Proficiscamur littus sequentes tantisper, quoad actuariam nauim, quæ parao eorum lingua dicitur, comperiamus. Idcirco ut ita nobis consuleremus, inter nos conuenit. Quare ingressi iter sarcinulis nostris onusti, spatio duodecim mille passuum in littore oberrauimus. Quid tunc haberem spiritus, quemue animum despondissem in summis positus angustiis, relinquo in medium prudentiori diiudicandum lectori. Tandem deorū munere cymbam offendimus, qua uecti sumus in portum Canonor urbis: eò etenim uesperī appulimus in die sabbati. Appulsi ilico literas comitis mei negotiatori cuidam, ad quem in mei gratiam ipse scripserat, reddidi, tenoris fermè huiusmodi: Exciperet me tandiu, donec eò contenderet: addens, siquid officii mihi interea à se collatum foret, id totum sibi adscripturum esse: me insuper uirum sanctitudine clarum, sibi que arctissima necessitudine coniunctum. Quare negotiator perlectis literis eas capiti imposuit: Eris, inquit, per hoc caput hic tutò: mōxq; imperauit ut cœna splendide apparatēq; instrueretur: nam inter cætera fercula allatæ sunt etiam gallinæ ac columbi complures. Persæ uero conspectis gallinis: Heus, inquiunt, quidnam agitis: hic carnis minime uescitur: propterea instructæ sunt aliæ dapes, quibus uesci consueueram. Postquam igitur est exempta fames, amorque compressus edendi, ad me conuersi Persæ: eamus, inquiunt, animi causa uersus mare. Quo dicto protinus eò contendimus, ubi Lusitanorum naues in ancoris stabant. Expendat nunc animo attentiore auditor quisque, quanam sim tunc uisis Lusitanis lætitiæ uoluptatēque incredibili affectus. Progressus nonnihil conspicatus sum in uestibulo despicabilis casæ terna dolia: qua coniectura sum assequutus, id tugurium Christianorum esse. Quare introspectiens nonnullos uidi Christianos: quibus uisis quasi decreui intrò ad Christianos me recipere: uerum rem attentiore animo expendens, existimaui si id in propatulum egissem, futurum ut tota fermè urbs tumultuaretur, uotisque ob id meis minime potiri quirem: propterea obseruaui locum ubi Christiani arcem construebant, decernens illò postridie me recipere.

Quomodo ex urbe Canonor dilapsus sum ad Lusitanos.

Cap. XXXVIII.

POSTERO igitur die (domino enim ea dies dicata erat) prima luce consurgens finxi me animi causa spatiatum ire uelle: tunc comes meus, I quò libet: ego uero eò perrexi quò me ducebat animus. Tandem ad arcem Christianorum perueni: uerum digressus à comitibus meis, cum iam nonnihil littoris metitus essem, Christianos duos oriundos ex Lusitania obuios habui, hosq; lingua Hispanorum sum percontatus: Vbi, aio, ô domini, est arx Lusitanorum? Tunc illi, Es ne tu, aiunt, Christianus? Quibus ego, Sum quidem ad dei laudem. Rursum illi, Vnde uenis? At ego, Ex urbe Calechut profectus sum. Tunc alter eorum comiti meo dixit, Redi tu ad ædes nostras, quoniam hunc uirum ad dominum Laurentium (is natus erat eius, qui regis uicaria operaungebatur) sum equidem ducturus. Igitur ductus sum ad arcem, quæ ab urbe quaternis abest stadiis: nam per id horæ princeps discumbebat. Quo uiso protinus in terram procidens orare eum cœpi demississime quàm poteram, ut me commendatum



mendatum habens, quoniam Christianus eram, assereret è Barbarorum manibus. Quanta tunc sim affectus lætitia referre satis nequeo. Vbi uero fuga mea cultoribus innotuit, tumultuosius ilico agere cœperunt. Propterea acciti sunt tormentorum opifices, ut expedirent tormenta, ne si forte fortuna frequens populus oppugnatum arcem aduentasset, incauti reperirentur, quasi nihil tale metuentes. Resedit tamen haud multo post exuscitatus furor, cunctaque pacatius iam agebantur. His intellectis præfectus classis manu me apprehensum in aulam quandam ducens, quidnam cultores Calechut struerent, quidue in Christianos molirentur, tridui spatio uoluptuosius percontabatur. Ego uero amans Christiani nominis, cupiensque illis prospectum iri, cuncta reseraui præfecto classis, certiorémque effeci principem eorum omnium, quæ in urbe Calechut aduersus Christianos parabantur. At præfectus classis arcanorum gentis, me prodente, iam factus callentissimus, me triremi uectum misit ad proregem parentem eius, qui apud urbem Cucin confederat: triremi enim præfecerat rex equitem quendam, cui Ioanni Saranno nomen est. Itaque parens uicerex, ut me uidit, fronte excepit serenissima, comissimèq; me accipiens: nam & hunc monui certiorémq; reddidi omnium, quæ moliebantur cultores urbis Calechut. Addidi etiam ad hæc, si fide publica proposita esset impunitas illis Mediolanensibus, Ioanni Mariæ uidelicet, ac Petro Antonio, qui tormentis fabricandis operabantur, nauaturum me operam ut ad Christianos redirent quamprimum: quando certe exploratum habebam, eos id munus minime ultro subire: idque solum opperiri Mediolanenses, ut com meatum illò accedendi impune impetrarét. His auditis præfectus triremis ex denarratis magnam cepit uoluptatem, postulatisq; assensus est: interpositaque fide publica prædem se constituyente uicario, com meatum impetraui, intraq; triduum ad natum eius, qui in urbe Canonor constiterat, literis datis me remisit, monens hominem, ut tantum auri erogaret mihi, quantum soluendis exploratoribus pro accessu urbis Calechut sufficeret. Itaque illinc soluens ad urbem Canonor redii, ubi sum nactus idolorum quendam cultoré, qui coniugem natósque charissima pignora oppignerauit, ut sibi perferendarum literarum ad urbem Calechut, id est ad Ioannem Mariam, Petrúmq; Antonium munus delegarem: continebant enim literæ huiusmodi, propositam esse ambo- bus à prorege impunitatem, impetratúmque esse accedendi tutò com meatum: nam crebrius supra quinas uices ad memoratos Christianos ultro citróque nuntios misi, monens homines ne cuiquam fiderent, scortis præsertim ac mancipio: nam quisque eorum pellicem, & ex ea natum mancipiúmque domi alebat. Rescripsere tamé ultimo loco ad me in hunc fermè modum, Se quicquid fortunarum habebant, exploratori quem illò miseramus, dedisse: item propterea cum quinquere mi, & alia actuaria naui, qua piscatu uitam trahentes utebantur, defer- tis inibi custodiis ui numinum uenturos eos, familiámque ducturos. Nos tamen memoratos Christianos monueramus, ut natis pellicibúsque, necnon mancipiis fortunísque omnibus illic relictis, ad nos, conuectis tantum monilibus num- misq; haud mora contenderent: nam ii adamantem percelebrem habebant, ut- pote pondo duorum ac triginta characterum, unicum propè opus naturæ, aiebant enim adamantem huiusmodi non minoris quàm quinque ac triginta



mille aureis uenire debere. Habebant præterea margaritam pondo quatuor & uiginti characterum, binæque milia pyroporum, quorum alii pondo characteris unius, alii characteris ac medii. Insuper sexaginta quatuor condalia, uariis monilibus insignita habebant. Item quadringentos ac mille aureos. Visi sunt etiam digressuri asportare uelle septena tormenta, ternos cercopithecus, binosque feles, qui id unguentum quod zibellum appellant, gignunt. Item tornum, quo gemmæ ac monilia mangonizantur, expoliunturque: quæ omnia causam interitus infelicibus attulere: usu enim euenit, ut eorum mancipium rescuerit discessuros Christianos: ob id omnium regem Calechut certiore fecit: & relatis rex uix fidem adhibere uelle uidebatur: tamen quinos prætorianos milites, quos Naeri appellant, misit ut explorarent an uera relata forent. At mancipium intelligens regem mitius cum Christianis acturum, præfectum fidei Mahumetanorum (Cadi dicunt) adiuit, & eadem exposuit, quæ ad regem detulerat: id plus addens, Christianos arcana gentis Lusitanis aperuisse. His intellectis, præfectus fidei per speciem consilii adhibendi, Mahumetanos omnes, negotiatores præsertim accersit. Qui corrogatis centenis aureis, regem Gioghi, qui per id tempus illic agebat, nummis huiusmodi donarunt, eumque in hunc modum alloquuntur: Nosti princeps, superioribus annis cum huc accedebas, nos honoratiore splendidioræque apparatu, quàm in præsentiarum tecum egerimus, te excepisse: forte diminuti honoris causa te latet. Huic rei occasionem dedere hi gemini Christiani, nostræ fidei hostes acerrimi, qui Lusitanos eorum omnium quæ hic aguntur, certiores reddunt. Propterea abs te supplicibus uerbis contendimus, ut acceptis centenis aureis hos Christianos protinus confici iubeas. Quibus auditis, rex Gioghi ilico occidendi Christianos memoratos ducentis hominibus munus delegat, qui subeuntes regis imperata, deni ac deni ceu cornicines ædibus Christianorum appellere cœperunt, quasi per speciem petendæ stipis. Verum Christiani ubi conspicati sunt frequentiores homines propius ad ædes accedere. suspicati sunt, aliud quàm stipem eos quærere. Propterea arma condicto expediunt, accedentesque submouere cœperunt: & dum è prospectibus eminus pugnant, senos conficiunt homines, ac supra quadragenos consauciant. Tandem ii, quos Gioghes appellant, funda fibrarunt sagittas ex ferro obrotundas peltæ instar. Quare ambo icti sunt: alter, id est Ioannes Maria in capite: Petrus uero Antonius in femore uulnus excepit adeo atrociter, ut uterque corruerit. Quibus uisis, qui illò concesserant, accurrere quamprimum, incisisque iuguli uenis, concauis manibus sanguinem Christianorum hauriebant. At pellex Ioannis Mariæ natum ferens in urbem Canonor dilapsa est. Hunc natum octonis aureis emi, sacroque latice aspergi iussi, Laurentii indito nomine, in diui Laurentii gratiam: quoniam ea die, quæ sancto huiusmodi dicata est, sacro fonti immerfus est: uerum intra annum ægritudine Gallica correptus, animam egit. Noueritis etiam id genus morbi peragrassè fermè orbem totum: quippe quod ultra urbem Calechut ad quadringenta milia passuum, coràm ego conspicatus sum humanum genus inficiens irrepisse in gentes innumeras: Puam ipsi appellant: aiuntque supra septimum ac decimum annum id morbi sæuire in mortales haud cœpisse: estque is morbus nostris ægritudinibus multo insidiosior, longèque atrocior.

Pua.

De classe



De classe urbis Calechut, deque memorabili Christianorum cum Mahumetanis pugna, qua Lusitani fortitudine incredibili hostes uicerunt, rege Canonor ipsis uictoriam congratulante.

Cap. XXXIX.

IGITUR anno à partu uirginis quingentesimo sexto supra millesimum, quarto Idus Martias perlatum est ad nos, memoratos Christianos occubuisse. Eadem die ab Calechut, Pauam, Capagot, Pandaram, & Trompatam clarissimis urbibus classis ingens instructissimæque, utpote octo ac ducentarum nauium soluit. Harum quatuor ac octuaginta naues onerariæ erant: reliquæ uero remis more liburnicarum agebantur, parao appellant. Vehabat classis propè innumeros Mahumetanos, purpureis ex byssino gosiþioque refertis uestibus amictos. Gerebant item apices xylo fultos: honestabant item armillæ la- certos, chirothecisque xylo refertis manus tegebantur: pro armis arcubus, lanceis, ense ac peltis, necnon omne genus tormentis more nostro utebantur. Quare Idibus Martiis sic instructam classem conspicati sumus: qua conspecta tanta erat nauium frequentia, ut eminus condensissimum nemus, malis supra nauim eminentibus, referret. Nos tamen sperabamus supernum non futurum auxilium, planissime credentes ui numinum pessum ituros Sartacenos, nostræ fidei hostes truculentissimos. Quare strenuissimus eques classis præfectus, natus clarissimo domino Francisco Dalmeda prorege Indiæ, qui inibi undenis nauigiis moderabatur, comite præfecto nostro, ubi robustissimam hostium manum uidit, memor pristinæ uirtutis, classico milites omnes conuocat, eosque in hunc fermè modum alloquitur, Meminissent seruatoris nostri, ultròque pro alma fide nostra mortem subirent: principumque ac fratrum appellatione eos dignans hortabatur, ut ad memoriam reducerent aduenisse, inquit, diem, qua irrogati cruciatus Christo meminisse deberent: itémq; animo reuoluerent passum esse nostra causa Christum, ut asserti à nexu peccaminum, diuino frueremur quandoque conspectu. Et rursus: hodie, inquit, socii nobis facta est potestas comparandæ æternitatis, oblataque est occasio promerendi seruatoris nostri: delebuntur enim peccamina nostra: ite propterea alacres mecum, spirituque ampliore sumpto occurrите hostibus, hosque canes matate: quandoquidem in manu futura est uictoria, fauente cœptis deo optimo maximo, cui de orthodoxa fide cura est potissima, neque feret unquam ut illa sit hostibus ludibrio. Interea sacerdos in editiore nauis loco positus, cruci affixum seruatorem nostrum Christianis omnibus identidem ostentabat, concionabaturque, exhortans ut mandatorum dei meminissimus: locoque dei, ut solent nostri sacerdotes, nobis indulgens contritis corde reatus omnes dimisit pro fide Christi mox pugnaturis: Eia, inquit, filii mei ultro sponteque deo duce contendamus in hostes. Elicuit sacerdotis efficax sermo toti concioni uberiores lachrymas, effecitque ut quisque nostrum in eo certamine in Christi gratiam occumbere aueret. Obiter Mahumetanorum classis ingens in nos acerrime uela faciebat. Eadem die nostræ classis præfectus cum geminis liburnicis contendit in Mahumetanos acerrime, iuitque mediis inter binas Mahumetanorum uastiores naues, exoneratis utrinque tormentis: id enim præfectus classis ea ratione

Concio ad milites.



Prælium  
nauale.

fecit, ut hostium, & comprimiscarum nauium, quæ prætorix erant, trophæis dum id præ se ferentibus, vires experiretur: uerum ea die temperatum est à certamine. Postridie uero eius diei prima luce Mahumetani uela uentis dantes in nos contendebant appulsuri urbi Canonor. Monuere tamen prius ducem nostrum crebro, ut fineret eos illò proficisci, quò animis destinauerant, addentes se minime cum Christianis congressuros esse. Ad hæc præfectus classis respondit, meminisse Christianos uiolatæ olim fidei perfidiæque Mahumetanorum, cum ea gens non est passa Christianos ex urbe Calechut redeuntes, etsi fides publica data erat, illac iter agere: tantumque abfuisse, ut fidem seruauerint Mahumetani, ut etiam septenis, ac quadragenis Christianis confectis supra quaterna aureorum milia diripuerint: eà ob id transirent si possent, scituros eos, quales, cuiusue pensi, necnon spiritus forent Christiani. Tunc Mahumetani his auditis tuebitur, inquit, nos Mahumetes, fundetque Christianos. Quare uno impetu feruntur omnes in Christianam gentem furore incredibili traicere conantes non longius à littore, quam ad decem mille passus iter habentes. At præfectus classis ex composito tulit, ut hostes propius accederent, è regione urbis Canonor hostibus congressurus, ut conferentibus manum Christianis, rex urbis Canonor nostrorum uirtutis spectator esset & testis. Inter hæc sumendi cibum tempus appetebat. Quare præfectus classis iubet milites genio indulgere nonnihil: & ubi refocillatos sensit animos, classico monens eos: Eia, inquit, fratres, nunc operæpretium est, ut quisque se strenuum equitem, uirumque manu promptum explicet. Quo dicto, haud mora, in duas ingentissimas naues onerarias impetum facit. Vix referre possim, quibus tubarum clangoribus nobis obstrepere inceperint, crepantibus more eorum tympanis innumeris. Obiter præfectus classis hostem paruipendens, uastiori naui hostium onerariæ catenas iniecit, ut cominus pugnans hostes male acciperet. Mahumetani uero iactas catenas usque tertio reiciunt: uerum iactis rursus catenis, Christiani nauem corripunt, inque correptam audacius transcendentis cuncta perturbant: ferebat enim naus supra sexcentum uiros. Quare conseruere manus omnes, atroxque prælium non sine maxima humani cruoris effusione initum est, eoque stragis peruentum, ut Mahumetani omnes occisione occubuerint: nullusque qui cladis acceptæ nuntium ferret superfuit. Potius hac uictoria præfectus classis, irruit in alteram Mahumetanorum nauem onerariam, quæ iam iniectis catenis cum Christianorum liburnica congrediebatur. Ibi acerrime pugnatum est, cecideretque eo congressu quingenti Mahumetani. Pessundatis his onerariis nauibus, despondentes Mahumetani animos, in nostras irruere undenas liburnicas, maioreque eorum frequentia eas diduxere, diductasque singulas quindenæ aut uicenæ ambiebant. Hic enituit præfecti classis Ioannis Saranni strenuissima inclytaque uirtus, qui sola triremi Mahumetanis huiusmodi stragem intulit, ut fidem omnem excedat: nam quandoque usu euenit, ut triremem memorati ducis circiter quingena nauigia, quæ remis aguntur, tormentis onusta admodum circumuecta, negotium tantum exhibere non potuerint. Tantum enim Christianis deus optimus maximusque fauit, ut in tota eorum classe Christianorum nullus occubuerit, etsi saucii excefferint acie complures. Pugnatum equidem



equidem est à mane usque ad uesperam, nōxque prælum diremit: Miro enim ordine pugnabant Christiani: idque operæpretium erat: nam quandoque contigit, ut celox qua uehebar, nonnihil discreta à classe, in altum ducta occasionem præstiterit hostibus corripendi Christianos: Mox enim affuere quaterna Mahumetanorum nauigia, quæ circumuecta eam, acrius certantibus Mahumetanis, negotium ingens nostris exhibuerunt, eoque discriminis Christianos adduxerant, ut ingressis iam quindenis Mahumetanis, celocem iam nostri perciti timore in puppim ceu in tutiorem locum se contulerint. His animaduersis uir insignis classis præfectus, cui Simoni Martino nomen est, ægre ferens tot Mahumetanos celocem ingressos esse, insiliit in eam, uadensque per canum rabidam cateruam, Iesu seruatoris inclamans celebratissimum nomen, precabatur uictoriam, precibus contendens ne fidei deesset orthodoxæ, strictoque ense supra senos Mahumetanos confecit. His ausis perterriti Mahumetani sese præcipites in pelagus dabant, aliique aliò, ut fors tulit, dilapsi sunt. Quare ut intellectum est Mahumetanis, Christianos potitos esse uictoria, ducti uerecundia facti, continuo quaternas alias liburnicas prioribus suppetias laturas mittunt. Quo uiso præfectus celocis actutum arripit dolia, ubi puluis tormentorum asseruari consueuerat, indita depexa sindone, ut sic instructum dolium grandis tormenti formam effingeret, mōxque allato puluere ignitum torrem manu tenens, tormentum incendere ac exonerare uelle, ut pauorem ea re iniiceret hostibus, præ se ferebat. Videntes hæc Mahumetani, rati uerum esse quod fingebar, expediri que tormenta existimantes, haud mora retrocessere. Quamobrem dictæ classis præfectus superato discrimine ad Christianos se recepit: rursusque dux noster irrumpens in hostes stragem intulit non mediocrem, correptis septem liburnicis omne genus mercimoniorum onustis, uique tormentorum denis aliis celocibus pessundatis, quarum una innumeros elephantes ferebat. Itaque ubi Mahumetani conspicati sunt iam æquor corporibus Mahumetanorum stratum esse, captasque duas prætorias naues, nonnullaque alia nauigia, protinus fuga sibi consulere cœperunt, aliis aliò dilabentibus. At dux noster uidens nostros incolumes euasisse, ubiores laudes deo dabat, hortabaturque ut postquam uicerant uictoriam sequi haud desinerent. Quibus adhortationibus Christiani audentiores facti, hostium terga confectabantur, diffugientibus non aliter Mahumetanis, quàm si centum nauium classis insequeretur eos. Certatum est diutissime, utpote à mane usque ad uesperam: nec diremit pugnam nox, confectantibus nocte tota Christianis Mahumetanos. Quare fusa est tota hostium classis, incruenta Christianorum uictoria. Inter hæc nonnullæ nostrorum liburnicæ conspicatæ sunt in pelago errabundam hostium onerariam nauim in illam continuo uela facere: congressæque nonnihil, tandem cum superiores euasissent, impetu in hostes facto, eò eos adduxere discriminis, ut coacti sint omnium armamentorum in mare iactum facere, eodemque se dare præcipites. Nostri uero cum Neptuno luctantes, hostes eminus arcubus ac lanceis miserandum in modum conficiebant, ob humanum cruorem pelago purpureum induente colorem. Insequentibus Mahumetanos fluitantes pelago Christianis ad ipsum usque continentem, euasere tamen peritia nandi hostium complures, numero fermè ducetum: qui adeo



nandi artem docti erant, ut æquoris spatium propè immensum, utpote uiginti mille passuum, metiti sint, urinantes quandoque, nonnunquam supra aquas nantes. Fiebat propterea, ut falso Christianorum conspectu cum urinabant, arbitramur pessum eos iuisse, supra iactum arcus subter aquas hostibus colluctantibus: nam confectando eos ubi propius accedebamus, rati semineces esse, arma leto eos prorsus tradituri expediebamus. Illi uero rursus fallentes uisum nostrum urinabant. Rebamur propterea id propè phantasma esse, suspensique rei admiratione loco miraculi id factum esse credebamus. Interiere tamen ferè omnes uariis excepti casibus, pessundata ui tormentorum oneraria naui. Postridie uero eius diei classis præfectus celoces mittit triremesque nonnullas, ut littori inhærentes occisorum corpora percenterent. Quare iussu memorati ducis connumerata sunt hostium occisorum supra terna milia, si eos percenſeas, quos pelagus in litus eiectauerat: si item illos adnumeres, qui in liburnicis Mahumetanorum occubuerant. Periere etiam multo plures absumpti pelago, insequentibus in ipsam usque tellurem Christianis. His conspectis rex Canonor uisq; Christianorum eminentissima uirtute, ceu amans gentis arctius eos diligere cœpit. Nec id abs re: uera enim fateri licet: interfui quidem sæpenumero creberrimis bellis, sed hac gente Lusitana fortioſorem uidi neminē. Postridie eius uictoriæ rediimus ad proregem nostrum, qui in Cucin urbe rei euentum suspensus opperiebatur. Quò ut est peruentum, adeo lætitia dux est affectus, rexque ipse Lusitanorum suapte natura studiosus, tantum lætitiæ ex parta uictoria præ se tulit, ut satis pro meritis id minime referre queam, ob immensum gaudium, uel cœlo ipso crepitanibus tormentis, ut assolet, reboante.

Quomodo iussu proregis ad urbem Canonor sum remissus. Cap. XL.

I A M T E M P V S appetit, ut rebus expeditionisq; classis regis Calechut, quæ ut præfati sumus, pessum iit, modum facienstandem aliquando ad res meas redeam. Transactis itaq; ternis mensibus, is quem proregem appellamus, procurationis negotiatorum munus mihi ad annum ac medium delegauit: functo hoc munere, idem princeps meus potestatem mihi fecit conscendendi nauim, quæ ad urbem Canonor proficiscebatur, eodem contenditibus urbis Calechut cultoribus, impetrato prius à Christianis illac transeundi cōmeatu. Falso memorabant dicti negotiatores, in urbe Canonor mercimonia exercētes, urbis Calechut incolas morā trahere: ob quā causam princeps meus iussit me tantisper in dicta urbe morari, quoad in certissimā dictorū negotiatorū deuenissem notionem: uerū interibi usu euenit, ut rex Canonor rebus eximeretur humanis: huic suffectus est rex Christiani nominis hostis acerrimus: nam ope ac diuitiis regis Calechut id regni consequutus erat: & ut cōmodius expeditionē in Christianos parare posset, mutuo illi concessit quaterna ac uicena tormenta. Igitur M D VII, uigesima septima Aprilis cœptum est atrox bellum, nec prius sunt posita arma, quàm ea dies illuxerit, quæ est uigesima septima Augusti. Iam compertum fiet uobis, quanti sit habenda orthodoxa fides, cuiusue pensi sit gens Lusitanorum. Dum itaque Christiani, ut assolet, aequatum contendunt, aggressi sunt eò Mahumetani, latrunculorum instar itinera obsidentes: quippe qui nos oderant quàm qui maxime: uerum gens nostra ubi uis apparuit, gradum retulerunt, in arcemq;



in arcemq; se ceu in portum tutissimum receperunt: ob id adempta est Mahumetanis in Christianos ea die sœuendi potestas. Hæc ubi dux noster, cui Laurentio Britæ nomen est, rescivit, continuo certiore fecit proregem, qui in urbe Cucin agebat. Quare dictus princeps Laurentius mox cum expedita liburnica laturus opem laborantibus affuit, transactisq; quaternis diebus, ad urbem memoratam rediit, commissio nobis negotio præliandi cum rabidis canibus. Numero non plures eramus quàm ducenti: alebamur enim oriza, saccaro ac iuglandibus: uerum aquarû in arce summa erat caritas: propterea operæpretium erat aquatum bis uel ter intra hebdomadam ad fontem quendam, distantem ab arce ad arcus iactum, proficisci: quotiesq; illò aquationis gratia ibamus, manum conferere cum mahumetanis oportebat: nec nisi ferro iter aperiendum erat, grassantibus atrocissimèq; sœuientibus in Christianos Mahumetanis. Nec ea erat contemnenda manus: non enim nobis unquam congressi sunt, quin quatuor ac uiginti milium hominum numerum excefferint. Vbi uero frequentiores nos correpturi aduenere, supra quinquaginta hominum milia arma expediuerunt. Pugnantibus ense, arcubus, lancea peltisq; secumq; trahebant supra centû ac quadraginta tormenta. Loricati erant instar cultorum urbis Calechut. In hunc ferme modum præliantur: nam plures binis uel ternis milibus una acie non congregiuntur: priusq; certamen non ineunt, quàm omni ferme musicorum genere pugnantium animos demulcere cœperint, præcedentibus exercitum miro artificio excitatis ignibus: tantòq; feruntur impetu, ut terna milia denis hominum milibus pauorè incredibilemq; formidinem inferre possint. Verum Christiani suapte natura manu promptissimi occurrebant hostibus, prius quàm puteum propius accederent: neq; proximius quàm ad geminû lapidis iactum ad arcem accedebant: summâq; diligentia opus erat ambientibus nos quaquauersum hostibus, suppetias ferente Mahumetanis classe sexaginta nauium. Verum Christiani adeo se uiros explicuerunt, ut nunquam die singulo acie excefferint, quin ex hostibus denos, quandoque quindenos, aliquando uicenos nonnunquam confecerint. Sed iam stragibus modum faciebamus, territis hostibus, strato iam cæforum corporum solo. Ob id aliò Mahumetanis diffugientibus pauorè addidit ingens tormentum, cui serpenti nomen est: quo exonerato, magna hominum strages edebatur: nam uno ictu machinæ circiter duodeuiginti Mahumetani interiire. In nos uero inanes ictus uibrabant, è nostris occumbentibus nullis. Ob id rebantur ipsi cacodæmona nobis subscribere, partèsque nostras tueri. Nec prius bello huiusmodi modum fecimus, quàm quarto Calendas Septembres: tunc enim Lusitanorum classis aduenisse dicebatur, duce Tristano à Cugna equite strenuissimo. Cum enim nobis innotuisset, classem Canonor urbi appulisse, mox ducem commonefecimus, nos acriori bello esse implicitos. Cuius rei gnarus præstans præfectus iussit classiarios milites arma expedire, missis actuariis nauigiis, quibus tertentum loricati notæ audaciæ equites uehebâtur: quibus appulsis, ampliore sumpto spiritu, nisi obstitisset præfectus noster, incendio subiicere urbem Canonor parabamus. Obseruet nunc attentius quisq; sapiens lector quo gaudio, quâue lætitia affecti fuerimus, cum suppetias laborantibus nobis tales tulit præfectus appulsæ classis: nam elanguerant militum uires, torpebântque diuturniore labore animi,



confauciatis præsertim fermè omnibus . At Mahumetani ubi intellexere tulisse opem Trifstanum nobis, fracti animo pacem meditari cœperunt, hostilia iam horrentes. Propterea cuidam Mamalmaricar nomine ingentium fortunarum uiro, impetrandæ pacis munus delegant. Quare id ad nos protinus: uerum prius pacis consequendæ non est spes data, quàm proregem nostrum in urbe Cucin agentem adiret. At dux noster conditionibus pacis haud spretis, bello finem imponere duxit: adductus eo argumento, quòd grassantibus inibi bellis onustas mercimoniis naues in Lusitaniam mittere minime poterat. Igitur impetrata pace, intra quadriduum negotiatores urbis Canonor, quibus ante cœptum bellum utebar familiarissime, me adeuntes in hunc fermè modum sermone patrio alloquuti sunt, Petere abs me iure coniunctionis nostræ, ut illis ostenderem quendam cæteris Christianis multo proceriorem, qui fermè singulis diebus circiter uicenos homines ex Mahumetanis confecerat, quique iaculantibus quingentis ex ea militum nota, qui Naeri dicuntur, ceu ad scopum, semper incolumis euaserat. Ad hæc ego respondi, abiisse hominem, iamque in urbe Cucin agere: uerum rem tacite reuoluens credidi faustiores humanis fuisse, qui Mahumetanis stragem intulerat: propterea compellabam hominem, qui me percontatus fuerat, his fermè uerbis, Es'ne mihi amicus? At ille: Sum quidem. Cui ego, Is miles qui adeo in acie strenue egit, non est Lusitanus. Ad hæc ille, Vnde igitur est oriundus? Rursum ego, Lusitanorum, imò totius orbis est deus, idemq; omnium maximus. At ille, Mehercle uera loqueris: quandoquidem probe memini dixisse Mahumetanos, non Lusitanum, sed Lusitanorū deum eum esse, qui stragem Mahumetanis acerrime inferebat: ob id rebantur multo meliorē suis diis deum uestrum esse, uerum eius esse eos expertes. Quare receptum est ubique, ui numinum, non humana ope Mahumetanis cladem esse illatam: id enim hominū genus simplex est admodum: quippe quòd ad omnem fermè auram stupet plurimum: nam tinniente ex ære campana adeo ea gens stupebat, ut miraculi quippiam fieri arbitraretur: desinente uero tinnitu aiebant, Summus est horum deus: nam ubi tintinnabulum tangunt, loquitur: ubi uero tangere desierint ob mute-scit æs campanum. Quid hoc igitur est: horum deus sanè omnium est optimus. Intererant etiam nostris missarum solennibus: & ubi sacram eucharistiam altantibus adorandam sacerdos more Christiano ostentabat, conuersus ego ad Mahumetanos aiebam, seruatorem nostrum digito monstrans, id est dicens, Lusitanorum nostræque gentis, necnon totius orbis deus optimus maximus. Ad hæc illi aiebant: Vera quidem loqueris, sed id nos fugit. Ea idcirco subieci, ut exploratū haberetis, mira ignorance gentem huiusmodi in diuinam maiestatem committere. Sunt item ii populi miri incantatores, fascinationibûsque creberrimis student, quibus cogunt adeo exitiosos serpentes, ut eorum uirus præsentaneam admodum mortem solo contactu inferat. Sunt item omniū dexterrimi funambuli, ac planipedes, & id genus homines circumforanei: ego crediderim agilitate corporis eos præstare mortales omnes.

De congressu Lusitanorum ac Pannaniorum.

Cap. XLI.

A P P E T I T iam certe tempus reuiscendæ patriæ: ad id præsertim accedente, quod præfectus classis onustis nauigiis, profectionem in patriam parabat. Ardebam



debam sanè miro amatæ patriæ desiderio: quippe qui extra eam quasi consenuis-  
 se uidebar, spatio septem annorum extorris. Mouebar etiam desiderio conducen-  
 di uobis, utpote qui noueram post tot peragratas regiones me doctore prospe-  
 ctum iri mortalibus. Quare impetrato à rege abeundi commeatu, statui illinc  
 quamprimum discedendum fore: uerum abeundi dux memoratus mihi prius  
 potestatem non fecit, quàm secum uisum irem nonnulla, ut mox compertum  
 fiet uobis, sibi grata. Iussit igitur militibus cunctis, ut loricati splendentibus ar-  
 mis sibi præsto adessent. Qui imperata subeuntes ducem sequuti urbem Cucin  
 omni fermè habitatore uiduant, indeque uigesimatertia Nouembris anni me-  
 morati impetum simul omnes in portum Pannaniorum irrumpentes fecimus.  
 Appulsi urbi memoratæ postridie eius diei horis antelucanis, expeditis actuariis  
 nauigiis classico ad se milites conuocans, in hunc fermè modum loquutus dici-  
 tur: Superesse Lusitanorum solidæ gloriæ urbem Pannaniorum expugnandam  
 nullam aliam fore, quæ gentis Christianæ uictoriæ cursum remorari posset, à  
 tergòq; relinquendam minime esse: eam totius Indiæ certissimam esse salutem,  
 collatis eò fortunis incolarum innumeris, ceu in tutissimum patriæ receptacu-  
 lum perfugiūque cultorum. Enitendum propterea omnibus uiribus, ne tot il-  
 lustria decora id unum quod subeundum supererat deformaret. Finita concione  
 sacerdos more Christiano ad memoriam cunctis reducens ea quæ ad comparan-  
 dam æternitatem, promerendamque seruatoris nostri gratiam pertinebant, adse-  
 uerans nullam deinceps offerri Christianis delendorū reatum commodiorem  
 occasionem, quàm ut pro seruatoris nostri asserendo imperio pugnacissime præ-  
 liarentur: eoque astantes sacerdos adduxit, ut efficaciore sermone concioni exci-  
 uerit uberiores lachrymas, auentibus subire imperata enixissime miròque ardore  
 Christianis omnibus. Quare paulo ante emersum solis cœptū est atrox cum ra-  
 bidis canibus bellum: pugnauerunt enim sexcenti Christiani cum octonis Ma-  
 humetanorū milibus: accedente præsertim Christianis incommodo, quod trire-  
 mes quæ aderant geminæ, littus appellere nequibant. Itaq; solis actuariis nauigiis  
 uecti in terram, Mahumetanis congressuri appulimus. Tellurē prior tenuit illu-  
 stris Laurentius proregis filius: secundo loco successit prætoria nauis, qua & ego  
 uehebar. Vbi itaq; propius accessimus, confertū est præliū, tantòq; atrocius, quan-  
 to superandum erat fluminis contraxius ostium, dispositis utrinq; tormentis inu-  
 meris, pugnatibus è litore quadragenis ac quinquagenis Mahumetanis, qui ani-  
 mo iuratissimo destinauerant, se in uestigio tantisper mansuros, quoad uictores  
 euaderent, aut pro uictoria certantes ilico occumberent, acti amore fortunarū sua-  
 rum (præfecti enim nauium erant) quarum certissimam iacturam imminere con-  
 spicabantur. Exoneratis itaq; compluribus tormentis, appulso sum mouere ne-  
 quicquam conabantur: nam supra quadragenas machinas cepimus, deorūq;  
 munere nostrum nemo interit, occisis nihilominus centenis ac quadragenis Ma-  
 humetanis. At princeps Laurentius me spectatore senos Mahumetanos confecit,  
 gemino excepto uulnere. Excessere acie è nostris complures saucii, feruente atro-  
 cius prælio. Verum ubi triremes aduenere, hostes pedem referre cœperunt: nos  
 uero aquis decrescentibus duximus receptui canendum esse: illò præsertim ac  
 currentibus cateruatim Mahumetanis. Propterea captas terdenas naues in-



condio subiecimus, rati eas ubi abiissemus, hostibus adhuc usui futuras. Quibus crematis præfectus classis militibus iussit, ut gradu relato in proximum latus sese reciperent, ubi militum suorum absolutæ uirtutis memor, militiæ insignibus complusculos honestauit: me quoque, quæ sua fuit humanissima consuetudo, in equitum splendidissimorum numerum asciiuit, parentis loco mihi subscribere Tristano à Cugna duce promptissimo. Auctoritatis itaque militibus, dux noster ad uasa conclamari iubet, illincque soluens cunctas Mahumetanorum ædes incendio subiici mandat. Quare munere deorum summis defuncti periculis incolumes, tamen etsi militum haud expleto numero, tandem aliquando ad urbem Canonor rediimus. Quò ut peruentum est, onustis omni com meatuum genere nauigiis, in dilectam desideratamq; diu patriam, profectionem parare cœpimus.

## L V D O V I C I P A T R I T I I R O M A N I

## R E R V M A E T H I O P I A E

## L I B E R V I I . C A P . I .



Istoriæ cudere uolentibus, cosmographis præsertim, qui immortalitatem nominis, gestorumque suorum propagationem plurimi faciunt, nihil æque conducit, quàm superiorum firma ac pertinax memoria, necessarium profecto uitæ bonum, ne ubi eos promissorum ceperit obliuio, iure optimo ceu obliuiofi, uel certe indiligentes inordinem redigantur ab his, qui famam aliorum ultronei lacerant, discerpunt ac laniant ultra quàm par est: ob id eorum non immemor, quæ in initio operis pollicitus sum, iamiam descendo sponsa dissoluturus: quippe qui probe memini dixisse me aliquando, Aethiopum res celebriores, uidelicet situm regionis, morésque populorum me denarraturum. Quare nactus occasionem solidum præstabo, ea explicans quæ inibi offendi haud longiore immoratione, ut festinantius cœpto operi ultimam manum imponam, tandemque aliquando optato otio fruar tot exantlatis ærumnis.

De multiugis Aethiopiæ insulis.

Cap. II.

NOS I G I T V R septimo idus Decembres iter cepimus uersus Aethiopiam, traiecto prius sinu, itinereq; quadringentorum mille passuum peractò, ad eam insulam, cui Monzambrich inditum est nomen, ditionis Lusitaniæ regis, peruenimus: uerum priusquam eò appulerimus, complura conspicati sumus oppida, quæ regi memorato parent. Ibi uisuntur munitissimæ arces, comprimis in Melindæ ac Monbazæ regno: eas quandoque dux incendio subiecit. Habet item arces alias in oppidis Monzambrich ac Zaphala. Quæ uero illustris Tristanus de Cugna, uir manu promptissimus, præclare gessit, prudēs prætereo, probe noscens, gesta huiusmodi longe maiore immoratione indigere: nam si eius facta fortia, quæ ex India rediens egit, captam præsertim Gogiâ, Pati ac Braua urbes clarissimas, necnon Sacutarâ insulam optimâ, ubi erexit arces rex Lusitaniæ, percelsuero, exurget præsens opus in longe maius uolumen, quàm ob initio animo destinauerim. Tempero item ex composito à bello inibi patrato, quoniâ procul illinc



illinc aberam, ne uidear ea denarrare, quæ oculis minime subieci. Omitto præterea complures alias insulas, quas iter agendo offendimus: præsertim Cumeris insulam, ac senas alias, quæ affatim zinziberis, saccari, compluriùmq; fructuum, necnon omnifariam carniùm mittunt. Item suppressa est mentio eius feracissimæ insulæ, cui Pendæ nomen est, ea regi Lusitaniæ paret, omniùmque rerum est fecunda admodum.

De Monxambrich insula, deque eius cultoribus.      Cap. III.

SED IAM ad insulam Monzambrich redeamus: ea ut præfati sumus, sicuti etiam Zaphala, regi paret memorato: inde enim iussu regis auri ac olei plurimum exportatur, uerum ea è continenti aduehuntur. Inibi quindecim dierum mora insumpta est. Insula perquam mediocriter patet, coliturque ab nigricantibus Mahumetanis: commodissimum habet tamen portum: cultores autem sunt fermè rerum omniùm egentes, illicque summa est annonæ caritas, quando certe illò fermè omnia è remotiore continenti comportantur. Nam quandoque animi causa continentem proximum, ut regiones exploraremus, uisimus, ubi incultum hominum genus nacti sumus: nigricantis enim sunt coloris, libris arborum obsceena uelati, cætera sunt nudi. Mulieres uero frondibus auersæ ac aduersæ pudenda uelant, capillum non promittunt, sed calamistro crispant: labra uero gemini digiti crassitudine habent, latissima sunt fronte, prægrandibûsque dentibus, eisdemq; instar niuis albicantibus. Id hominum genus pauet ad omnem conspectum, uisis præsertim loricatis hominibus. Quare ubi intelleximus gentem inermem esse, plûsque iusto pauidiorem, seni simul loricati cum nonnullis tormentis, capto cultore eius regionis gnaro, perambulare memoratam insulam cœpimus. Cûmque itinere unius diei progressi essemus, complura elephantorum armenta offendimus: monuerat enim nos itineris dux, ut flagratibus facibus beluis huiusmodi occurreremus, pauëtibus suapte natura ignes elephantis, uerum quandoque usu euenit, ut ternas elephantes, nuperrime pullos enixas, ignibus minime perterrefacere potuerimus: interritæ enim nos consectatæ sunt tam diu, donec montem quempiam inuenimus, ubi à feris sæuiantibus nos tutati sumus. Itaque itinere decem mille passuum ab aduerso latere montem metiti specus quosdam comperimus, ubi delitescabant nigricantes uiri, qui adeo inepte incomptèque loquebantur, ut difficulter eorum linguæ uos certiores facere queam. Conabor tamen uel exemplo quopiam melius quàm quibo, ut id uobis innotescat, si forte uobis succurrit, quonam modo muliones in Sicilia agant mulos: nam abdita lingua subtus oris labrum imum, edunt informem uocem Agasones, qua edita, mox muli citatius incedunt. In hunc fermè modum Bâlbutientes populi inter se colloquuntur. At dux nostri itineris nos percontabatur, uellemûsne boues ac uaccas mercari, addens se operam daturum ut perquam uili pretio pecudes huiusmodi assequeremur. Nos uero rati itineris ducem auxilio cultorum nobis impositurum, traditurûmque eis direptioni fortunâs nostras, respondimus pecunias nobis esse nullas. Ad hæc itineris dux: Ii, inquit, nihil minus quàm nummos exoptant, quippe qui affatim auri longe nobis locupletiores habent: quando certe haud procul hinc aurum eruitur. Nos autem ad illum conuersi: Quid igitur, dicimus, cupiunt isti? Quibus ille: Amant res



despicabiles, nulliusque momenti, ut paruum forcipem, uel panni nonnihil, quo aurum inuoluant, uel id genus æris, quo tympana instar bullæ exornant (sonalia appellant) quibus apprime oblectantur infantes: cupiunt item mirum in modum nouaculam quampiam. Nos uero ad hæc respondimus, daturos ea quæ exoptabant, modo ea armenta, quæ empturi eramus, usque in proximum montem agerent. Tunc dux itineris insit: ibunt quidem uobiscum usque in summum montem: ultra tamen nullis conditionibus progressuri: superest tamen ut ingenue dicatis, quid sitis pro armentis huiusmodi exposituri. Tunc unus è nostris comitibus, qui fabricandis tormentis operari consueuerat, respondit se nouaculam ac bullam ex ære sonalii, ut aiunt, instar daturum. Ego uero ne mercimoniorum huiusmodi expers essem, carnibusque uesti quirem, exuta interula dixi me eam probobus daturum. Ad hæc ille: Quis tot armenta, inquit, usque ad proximum pelagus aget? Cui nos, Faxint superi, ut tot boues elargiantur, quot sumus acturi. Et rursum dux itineris, Sinite me agere. Captisque eis rebus quas pro armentis exponebamus, illas quinque aut senis hominibus impartitus est, petens pro erogatis tricenas boues fœminas. At cultores, qui parum aberant à beluis, innuerunt se quindenae tantum daturos. Huic rei assensum sumus: uerebatur tamen ne subesset impostura quæpiam: uerum conuentis fides seruata est: nam continuo nigricantes uiri duo quindenae uaccas, ut inter nos conuenerat, egerunt: cum tamen uix ab antris eorum digressi essemus, qui in specubus remanserant tumultuari cœperunt. Qua de re pauere cœpimus, arbitantes Troglodytas nos confectaturos. Dimissis propterea bobus arma expedire cœpimus. Quibus uisis, nos hortari cœperunt nutibus ne formidarem. Subdidit dux itineris, eos non alia de causa tumultuari, quam ut quisque eorum bullam memoratam prior sibi uendicaret, Nos igitur apprehensis rursum bobus in summum montem euasimus. Quò ubi peruentum est, nigricantes uiros missos fecimus, uaccasque agentes perquam mediocriter præterimus, indeque ad quintum lapidem obuios habuimus eosdem elephantem, qui paulo ante eodem iter agentibus nobis occurrerant. His uisis ingens formido nos peruasit, eoque pauoris deducti sumus, ut dimissis bobus diffugere cœperimus, dilabentibus ad nigricantes uiros uaccis: nos uero ad nostram insulam reuertimus, sumptisque pro itinere nauando uberrimis comitatibus, uersus Caput bonæ spei uelificauimus, prætereuntes diui Laurentii insulam, quæ octuagenis leucis à proximo continente abest. Eius insulæ reor regem Lusitaniæ breui futurum dominum: quoniam subiectis iam incendio oppidis compluribus, genti factus est admodum formidolosus. Propterea ut ex certissima peragrati orbis, Indiæ præsertim ac Aethiopiæ coniectura assequi licet, existimo regem Lusitaniæ, ubi uincere perrexerit, euasurum cunctis orbis regibus longe ditorem: idque sanè pro meritis, proque tanti uiri dignatione: quoniam eius opera ac studio, mirisque auspitiis orthodoxæ fidei accedit plurimum. Nam clarius Phœbo constat, in India, & comprimis in urbe Cucin singulis festis diebus denos ac duodenos idolorum cultores, aut certe Mahumetanos fidei nostræ sacris initiari. Fit propterea ut maiore in pretio nostra fides habita incrementa maiora indies suscipiat. Est que uero haud absimile, de futuro nunquam his cœptis deum optimum



optimum maximum, regique daturum ampliore contra fidei hostes uictoriam, faustissimæque eius pientissimis uotis affuturum semper.

De Bonæ spei capite.

Cap. IIII.

REDIIMVS itaq; ad iter nostrum, Caputq; cognomento Bonæ spei præterimus: digressiq; illinc ad ducentos circiter mille passus, oborta in mari tempestate aduersis flatibus agi cœpimus. Id effecit, quod læuorsum diui Laurentii, necnon complusculæ aliæ insulæ uisuntur, unde plerunq; maxima uis uentorum erumpit. Verum postquam spatio senum dierum à fortuna nouercante, pelago nimio plus quàm satis spumas efferuescente, agitati sumus, tandè aliquando deorum munere discrimen euasimus. Illinc abeuntes ad ducentas ferme laucas rursum fluctuante salo eò discriminis perducti sumus, ut grassante tempestate ad sacram ancoram peruentum sit, aliis aliò dilabentibus liburnicis, spatio item senū dierum, quibus transactis, nunquam deinceps coiuius, aliis aliò proficiscentibus, donec Vlis bonam appulimus. Ego enim liburnica Bartholomæi ex Florentia Tusciæ oriundi, Vlis bonæ tamen cultoris uehebar, liburnicæ diui Vincentii nomen inditum erat, enormiūmq; ponderum capax, quippe quæ supra septena milia omnifariā aromatum dolia conuectabat. Iter propterea agentes aliam insulam præterimus, cui diuæ Helenæ nomen est, ubi enormes pisces conspicati sumus, tantæ quidem uastitatis, ut singuli singulis magnis ædibus conferri possint: ii enim ubi supra aquas tolluntur, hianti ore eminent, uidenturq; cum supernant frontem retegere instar loricati militis, dum à congressu temperat lumen admissurus. Rursum memorati pisces dum urinant, frontem condunt latam terno nos passus. Cum enim innatant pelago, adeo deturbant aquas, ut nos agitatione huiusmodi præsertim ut beluas submoueremus, omnia tormenta exonerauerimus. Haud multo post offendimus insulam quandam, quam de nomine Ascensionis appellant, ubi uisimus complura auitia anatum nostrarum magnitudine, uerum adeo simplices alites doliq; expertes, ut quominus manibus ipsi ea corripere liceret nauim circuectas. Sed ubi eas corripueris, ferociam præ se ferunt incredibilem: tamen prius quàm caperentur, ueluti stupidi ad omnē conspectum nos instar miraculi cuiuspiam contuebantur. Nos uero rebamur aues huiusmodi alios nusquam præter Christianos uidisse homines, ad humanum conspectum alite stupente nimium: Quando certe constat, in ea insula præter undabundum æquor ac pisces innumeros, auēsque memoratas, nihil nos conspiciatos esse. Præterita hac insula, post compluriū dierum uelificationem, quasi orbi nostro iam appulsi essemus, Septentrio nostrorum nautarum sydus conspicuum, mox apparuit. Verum hic peropportunum uidetur, ut eorum refellam opiniones, sensūque diluam, qui autumant circiter polum Antarcticum æquora fulcari duce septentrione non posse, ob id uelificantes Canopo uti sydere: ii profecto minime sunt audiendi: quandoquidem colliquescit clarius, ut aiunt, Phœbo, Lusitanos septentrionibus astris uti etsi ea sydera eleuato polo quandoq; conduntur. Vtuntur tamen Lusitani eius ducatu, succedente astro Magnete, qui solito semper munere fungitur, polum Arcticum suapte natura usquequaq; intuens. Transactis non multis diebus, appulimus elegantissimæ regioni, ubi complures insulæ conspiciuntur ditionis regis Lusitanæ: quæque id genus aquilas, quas astures uocamus

Magnes septentrionis amans.

y. iiii.



Vlifbona.

abunde mittunt: nam hæ insulæ uariis censentur nominibus: Aliæ de nomine Pici Martii, de coruo aliæ, de floribus aliæ denominantur. Est & diui Georgii insula, & alia quæ Gratiola dicitur, & rursus quæ Feial nominatur, inde discedentes ad eam insulam quæ Tertia dicitur deuenimus, ubi bidui moram insumpsimus. Sunt memoratæ insulæ in uniuersum feraces admodum, quippe quæ omnium fermè rerum fœcunditate pollent. Illinc igitur abeuntes septem dierum itinere ad Vlifbonam Lusitaniam urbem clarissimam deuenimus: qua quidem urbe uix uidi nobiliorem. Cogitet itaque quisque lector, qua lætitia, quoue immenso gaudio, uiso continente sim affectus. Appulsus ilico ad regem ducor: is tunc ab erat ab urbe Vlifbona, adque oppidum, quod Almadam uocant, è regione urbis memoratæ se contulerat. Quò ut perueni, uenerabundus regem consalutauit, deosculatisque eius manibus ceu numen quodpiam uenerabar. Is me humanissimi excepit, ususque sum eius contubernio tantisper, donec doctus est ea omnia, quæ apud Indos nactus eram. Transactis uero complusculis diebus, ostendi suæ eminentiæ id diploma, quo à prorege, qui in India eius uicaria opera fungitur, in numerum aureatorum militum ascitus eram, precibusque contendi, ut robur regium adderet signaretque manu regia diploma. Quare uiso diplomate, protinus postulatis assensus est, iussitque nouum diploma expediri, quo expedito, abeundi prius à rege impetrato comite, ad urbem Romam, solum patrium, diu desideratam, summis exantlatis laboribus, superatisque ærumnis innumeris, tandem aliquando deorum munere me recepi.

## A D S T V D I O S V M L E C T O R E M.

N E T E L A T E A T lector ordo, quem Procardus Monachus huius libelli conscriptor, & terræ sanctæ studiosus explorator, tenuit, libuit à principio breuibus id tibi aperire potissimum cum ad lectionis synceriores intelligentiam id non ambigamus conducere. Igitur non est sequutus Ptolomæi & reliquorum cosmographorum subtile illud metiendi artificium, qui cuiuslibet loci longitudinem & latitudinem iuxta cœli situm expedientes, locorum distantias certiore addiscunt uia, quàm si per miliaria, leucas, aut stadia, terrestri itinere id efficere molirentur. Sic enim licebit inuentis semel radicibus uti ad quorumlibet locorum quantumlibet longe diffitorum, inuestiganda interualla. At Brocardus iste uulgaris dimensionibus contentus, Aconem maritimam ciuitatem, & in occidentali plaga sitam, loco centri constituit, & hinc quatuor lineas ad quatuor mundi præcipuas plagas imaginatione sua traxit, atque rursus quamlibet quartam in tria diducens, iuxta duodecim cœli uentos duodecim itineraria per memoratam terram sanctam descripsit, atque singula loca in his imaginariis lineis sita, iuxta præscam & modernam appellationem annotauit: præsertim ea quæ scripturæ commendatione aut commemoratione celebriora sunt uel insigniora. Per leucam accipe spatium terræ, quod quis commode una hora mediocri gressu conficere potest.

## L O C O R V M



## LOCORVM TERRAE SANCTAE

EXACTISSIMA DESCRIPTIO AV-

CTORE F. BROCCARDO

MONACHO.



**I**STA TERRA, quam sanctam uocamus, duodecim tribubus Israel funiculo distributionis in possessionem tradita, post tempus Salomonis in duo regna excreuit: unum regnum Iudæ dicebatur, duas complectens tribus, nempe Iudæ & Beniamin: alterum uero regnum Samariæ uocabatur, à metropoli Samariæ, quæ nunc Sebaste nomen habet, reliquas decem continens tribus: utrunque tamen regnum unà cum palæstina pars erat Syriæ, non secus quàm Tuscia aut Lombardia pars est Italiæ: nam Syriæ, ut reliquæ magnæ nationes, in multas scinditur particulares prouincias. Et quidem tota ea regio, quæ est à Tigride fluuio usque ad Aegyptum generali uocabulo Syriæ nuncupatur. At ea pars & tractus, qui est inter duos illos insignes fluuios Euphraten & Tigrim, uocatur apud Hebræos ארם נהרות id est Syriæ fluuiorum, quæ Græco uocabulo Mesopotamia appellatur, quòd media inter aquas contineatur, habetque ciuitatem insignem & celebrem Edeffam, quæ olim Rages, nunc autem Rale nuncupatur. Deinde est alia pars Syriæ, quæ Cœle uocatur, incipiens ab Euphrate flumine, & desinens in riuum Valaniæ, qui fluit sub castro Valat, exoneraturque in mare magnum, seu mediterraneum, in uilla Balaniæ, una leuca à dicto castro distante. In hac Cœlesyria est nobilis ciuitas Antiochena, cum aliis urbibus, Laodicea, Apamia, & similibus. Rursus est Syriæ Phœnicis, quæ ab Aquilone initium sumit à riuo Valaniæ, & extenditur usque ad montem Carmeli, ubi locus est qui hodie Castrum peregrinorum uocatur. In hac multæ sunt ciuitates, nempe Tripolis, Berytus, Sidon, Tyrus, Acon, Capharnaum, & aliæ quædam. Habet quoque Libanum montem secundum aliquos, in quo thura leguntur. Porro uocatur Syriæ Phœnicis à filio Agenoris, qui Tyrum instauroit, & metropolim in ea prouincia constituit. Est & alia pars Syriæ, quæ Syriæ Damasci appellatur, in qua Damascus est metropolis, quæ & Syriæ Libanica à Libano monte uocatur. Post Syriam Phœnicis sequitur Palæstina, etiam pars Syriæ in tres scissa regiones. Vna uocatur Palæstina sine ullo additamento, habens Hierusalem metropolim, extenditurque usque ad mare mortuum, & ad desertum Cadesbarne. Alia est Palæstina Cæsareæ, habens scilicet Cæsaream maritimam urbem metropolim, incipiens à castro peregrinorum, & excurrens contra Austrum usque ad Gazam ciuitatem. Tertia uocatur Palæstina Galileæ. Ven dicat quoque sibi nonnihil Syriæ de partibus Arabiæ: Nam una est Arabia, quæ Bastrum habet metropolim, quæ nunc Busrit appellatur: olim autem Ofra fuit, cui ab occidente iungitur Traconitidis regio atque Iturea, & ab Aquilone Damascus: unde & Syriæ Damasci olim non raro Arabia uocabatur. Alia est Arabia Petrea, habens Petram metropolim, quæ olim Rabbath dicebatur, sita super torrentem Arnon. Hanc regionem olim inhabitauerunt Ammonitæ, tamen si Ar ciuitas fuerit Moabitum: fuitque in ea regnum Seon, & regnum Og regis Basan.

Syriæ latitudo.

Mesopotamia.

Cœlesyria.

Phœnicia.

Damascus.

Palæstina.

Arabia multiplex.



Tertia est Arabia, quæ habet metropolim Montem regalem, qui olim erat Pētra deserti, sita supra mare mortuum, continens sub se montem Moab, & uocatur proprie Syria Sobal, intra cuius terminos continetur Idumæa, siue mons Seir. Proinde tota terrâ citra mare mortuum usque ad Cadesbarne, & aquas contradictionis uersus mare rubrum, & per squalidas solitudines usque ad Euphraten, est Arabia magna, comprehendens Mecham ciuitatem, in qua Mahumetem sepultum ferunt. Hæc de terminis & extremitatibus terræ sanctæ dicta sufficiant: nunc de particularibus eiusdem locis nonnihil dicemus, initium sumpturi ab Aconensi ciuitate maritima.

Descriptio Aconensis ciuitatis.

ACON apud ueteres Ptolemais dicta est, & nunquam fuit terræ sanctæ connumerata, nec à filiis Israel unquam possessa: tametsi tribui Aser in sortem ceciderit. Est in prouincia Phœnicis, habens ad Austrum montem Carmelum quatuor leucis distantem, ubi ultra torrentem Cison Elias propheta sacerdotes Baal interfecit. Est hæc ciuitas Acon optime munita, cincta muris & antemuralibus, turribus, fossis, triangularem in modum clypei habens formam, cuius duo latera iunguntur mari: tertium uero planiciem terræ respicit. Habet agrum fertilem, optima pascua, uineas elegantes, & amœnissimos hortos, in quibus diuersi generis fructus colliguntur. Ornatur hæc urbs hospitali insigni domus Teutonicæ unâ cum munitissimis castris: sed & non parum commodi habet ab optimo portu maris, capaci ab Austro multarum nauium. Hinc uersus Aquilonem est Casale Lamberti, quatuor leucis ab Aconensi urbe distans, sub monte Saron iuxta mare locatum, uineis, aquis, & fluminibus abundans. Ab hoc monte si perrexeris in littore maris ad tres leucas, occurret castrum Sandalido, locus scilicet, ubi olim Alexander Magnus Tyrum oppugnauit. Hoc castrum collapsum Balduinus rex Ierosolymitanus instaurans, quibusdam nobilibus possidendum tradidit: nam est locus amœnus, abundans pascuis, ficetis, oliuetis, & riuulis. Hinc ad unum miliare Germanicum est puteus ille admirabilis aquarum uiuentium, haud longe à uia quæ Tyrum ducit, de quo in cantico Salomonis dicitur, Aquæ quæ fluunt cum impetu de Libano. Sunt autem quatuor fontes, quorū unus est præcipuus, habens tam in longum quàm latum XL cubitos, ut ego ipse utrumque latus dimensus sum. Alii uero tres habent circiter XXV cubitos in unoquoque quadrati latere: & sunt omnes durissimis inclusi lapidibus, atque opere insolubili offirmati. Hinc uarii deducuntur riui & aquæductus, unde ferè tota planicies Tyri irrigatur & adaquatur, & non parum incrementi in fructibus percipit. Cæterum distant hi fontes à mari paulo amplius quàm sit iactus arcus, & in hoc tam Angusto spatio sex molares impellit rotas. Ab hoc fonte spatio dimidii miliaris Germanici distat Tyrus urbs nedum in profanis, uerum & in sacris literis celebratissima, in qua ueteris suæ maiestatis adhuc plurima uisuntur uestigia. Hanc primum aiunt conditam à Tigra filio Iaphet, sed à Phœnicie instauratam. Magnum habet murorum ambitum, & ut mihi probabile est, amplior & maior est ciuitate Aconensi: formam habet rotundâ, rupi durissimæ insidens, & undique mari circundatur, nisi quòd à fronte ciuitatis, hoc est, ab oriente patet aditus, quem primo Nabuchodonosor, & deinde Alexander Magnus fecerunt;

Tyri celebritas.



fecerunt, urbem continenti contiguam reddentes: uerum is introitus hodie munitus est quadruplici muro fortissimo, spisso & alto, XII turribus & propugnaculis intra eos collocatis. Huic tam forti ædificio adhæret Aex castrum munitissimum, in rupe & corde maris situm, septum turribus, & ornatum palatris egregiis: crederes, si illud uidisses, nulla potentia facile expugnabile. Est sedes Archiepiscopalis in hac urbe, habens sub se ecclesias Sidoniensem, Aconensem, Paneensem, & Berytensem. Ante portam eius orientalem ad iactum duarum sagittarum ostenditur locus in quo Christus prædicauit, & ubi mulier extulit uocem de turba dicens, Beatus uenter qui te portauit. A' Tyro tribus ferè leucis Aquilonem uersus miscetur Eleutherus fluuius mari magno, ab Ituræa seu Galilæa gentium prorumpens, de quo mentio fit in libro Machabeorum. Hinc ad tres leucas est Sarepta Sidoniorum, ubi Elias propheta olim suscitauit à mortuis filium mulieris Sareptanæ. Habet hodie locus ille uix octo domos: at ruinæ adhuc cernuntur, antiquæ suæ magnificentiæ indices. Ab eo loco sunt tres leucæ ad Sidonem magnam Phœnicis urbem: licet & ipsa pro magna parte in ruinis hodie iaceat. Situs eius est ferè sub Antilibano, habens hinc & hinc castra natura & arte munita: nam unum ad Aquilonem urbis extructum est in rupe maris, idque à peregrinis, qui ex Teutonia illuc uenerunt. Aliud uersus Austrum in colle est collocatum, quod milites templi unà cum alio castro & ciuitate inhabitant. Adiacens terra fertilis est, producitq; cannas mellis. Mons Antilibanus distat à Sidone una leuca ad orientem, initium sumens à fluuio Eleuthero, & uergens usque ad Tripolim, quinque scilicet laucarum spatio, nec recedit à mari ultra tres leucas, licet in quibusdam locis mare ipsum contingat. Abundat optimis uineis. Ultra Sidonem ad nouem leucas est Berytus ciuitas Episcopalis. Hinc per sex leucas supra mare est Biblium ciuitas, Patriarchatui Antiocheno subiecta, de qua in Ezechiele fit mentio, uocatur autem hodie Giblec, & est admodum parua. Hinc sunt sex leucæ ad ciuitatem Botrum, quæ antequam per magistrum templi destrueretur ualde opulenta fuit, in uino optimo reliqua loca excellens. Hinc ad tres leucas est castrum Neuphrus, quod ferè totum mari alluitur, & habet triginta fortes turres, principi Antiocheno subiectum. Hinc est iter trium leucarum ad Tripolim, urbem insignem, quæ ut Tyrus ferè tota mari circumdatur. Habitant in ea Græci, Latini, Iudæi, Armeni, Maronitæ, Saraceni, Nestoriani, & aliæ multæ & uariæ gentes. Paratur in ea urbe annuatim magna copia sericeorum pannorum, habetque incredibilem numerum hominum, qui soli serico texendo uacant. Terra quoque adiacens prorsus dici posset paradysus domini, adeo amœna est & fertilis in uineis, oliuetis, ficetis, & reliquis arboribus. Distat ab hac urbe Libanus tribus leucis, ad cuius pedem oritur fons hortorum, fluens impetu de Libano, ut in Cantico Salomonis dicitur, habens quidem scatebram humilem, sed ilico tumescens fit fluuius magnus, irrigans & fecundans omnes hortos, & totam regionem, quæ est inter Libanum & Tripolim. A' Tripoli per duas leucas est mons Leopardorum, rotundus & altus, una leuca à Libano distans. Habet hic mons in pede Aquilonari speluncam, in qua monumentum cernitur XXVI pedum longitudinis, frequentaturque deuote à Saracenis, qui putant illic Iosue sepultum. Hinc uenitur ad castrum Arachas & Sycon oppidum, & deinde ad

Sarepta.

Sidon.

Berytus.

Biblum.

Botrum.

Tripolis.

Libanus.



Antheradū.

Aradium, quod & Antheradum appellatur, undique mari cinctum, quinque diætis à Tyro distans. Condidisse dicitur hanc ciuitatem Aradius filius Chanaan post diluuium, sicut & Sidon filius Cham ædificauit Sidonem, & Aratheus Arathan, & Syneus Synochin, qui in hac terra manserunt, & pyramides atque mirabile sepulchrum post se reliquerunt stupendæ magnitudinis, habens XX cubitos in longitudine. Cernuntur autem istæ pyramides una leuca ab Antherado, & sunt compactæ ex maximis lapidibus, quorum multi excedunt staturam hominis. A latere Antheradi orientem uersus sunt parua quædam montana, uocaturque terra illa terra Afisinorum. Scribit Clemens diuum Petrum Antheradi aliquandiu euangelium prædicasse, cum Antiochiam petere uellet. Ab Antherado per septem leucas est castrum Margath, una leuca à mari distans, munitum & in altissimo monte situm, habens è uicino ciuitatem Valaniam, quod fratres de hospitali sancti Ioannis inhabitant. Cæterum episcopatus qui fuit in Valania, propter Saracenorum insultus translatus est in hoc castrum. Hucusque extenditur regnum Ierosolymitanum, & incipit principatus Antiochenus, quem fluuius quidam Valania nomine, à montibus haud longinquis prorumpens, determinat à regno terræ sanctæ. Et hoc est itinerarium primum quod feci in terra sancta, ab Aconensi scilicet ciuitate, usque ad fluuium Valaniam, quod in octo diebus mediocri gressu confici potest. Porro à Valania usque ad Antiochiam sunt quatuor diæta.

Iter ab Acone uersus Boream.

Thoron.

Affor.

Bellena.

Dan.

Iordanis  
origo.

N V N C iterum ad Aconensem ciuitatem redeunt, iter aliud describemus, quod scilicet uersus Boream uergit. Igitur ab Acone soluentes, uenimus ad castrum Monfferet nominatum, distans ab illa ciuitate quatuor leucis, quod fratres Teutonici aliquando inhabitauerunt, sed nunc desolatum iacet. Inde si per quatuor leucas cœptum iter prosequaris, occurret Thoron castrum munitissimū, distans à Tyro septem leucis, quod dominus Tyberiadis contra Tyrios extruxit. Ab hoc loco sunt quatuor leucæ usque ad Antiopiam, quæ ciuitas olim Affor uocata fuit, quam rex Iabin olim inhabitauit, contra quem & alios uiginti quatuor reges Io sue iussu diuino admonitus pugnavit. De hac ciuitate dicitur Iosue septimo, quod solam Affor munitissimam uorax flamma consumpserit. Porro ruinæ eius usque in hodiernum diem attestantur priscam magnificentiam. Distat autem à Tyro octo leucis orientem uersus. Hinc sex leucis contra Aquilonem est Bellena ciuitas, in pede montis Libani sita, quæ ut ex libro Iudicum colligitur, olim Lachis dicebatur. Cūque eam filii Dan cepissent, uocauerunt eam Lesedam, quæ tamen aliquando Dan simpliciter nominatur, secundum illud, Congregatus est Israel à Dan usque Bersabee. Est enim Dan illa terminus terræ sanctæ uersus Septentrionem, Bersabee uero est limes contra Austrum. Cæterum cum Philippus esset tetrarcha Itureæ & Traconitidis regionis, uoluit ciuitatem istam Bellenam suo nomine Cæsaream Philippi nominari, quæ prius à Græcis Panneas appellata fuit. Non longe supra hanc ciuitatem oriuntur duo fontes, nempe Ior & Dan, qui in pede montis Libani ante portam ciuitatis conuenientes, Iordanem fluuium efficiunt. Sunt tamen qui alium ortum Iordanem habere asserunt. Nam aiunt ab oriente per subterraneū meatum riuum quendam deferri,



deferri, cuius fons ab isto loco centum & uigintiquinque stadiis distat, qui Syala uocatur, & est semper plenus nunquam effluens, sed quantum aquæ per scatebram suscipit, tantum per abditam uoraginem in Dan transmittit, id quod per paleas immixtas probatum affirmant. Saraceni tamen fontem illum primū non Syalam sed Medan uocant, hoc est, aquas Dan: nam דן id est me, lingua illorū, quæ Hebraicæ affinis est, aquas significat. Porro Mattheus locum istum uocat Magedan, & Marcus Dalmanuta, & est in Traconitidis regione. Iordanis itaq; fluuius, ut iam diximus, ante portam ciuitatis Bellenæ, ex duobus memoratis fontibus nascens, post longos circuitus quos facit, inter Capharnaum & Corozain in mare Galilææ labitur. Et quidem inter Bellenam & mare Galilææ in quadam uallem receptus, stagnum quoddam efficit, præsertim tempore resolutionis niuium à Libano defluentiu, quod hodie aquas Maron uocant, ubi scilicet olim Iosue cum Iabin rege Assor dimicauit. Hoc stagnum tempore æstiuo pro maiori parte exiccatur, & crescunt ibi arbuſta & herbæ diuersæ, in quibus latitant leones, ursi, & aliæ bestiæ. Porro ultra Iordanem sunt uarii montes, nempe mons Seir, mons Hermon, mons Libani, & mons Galaad, qui tamē omnes sunt unus mons cōtinuus, nisi quod in diuersis locis diuersa fortitur nomina. Mons Galaad est altissimus, & uidetur reliquorum caput esse ob sui eminentiam, & huic coniungitur mons Seir, quem Esau inhabitauit, ceciditque in sortem dimidiæ tribus Manasses. Huic iterum iungitur mons Hermon qui circuit Traconitidem regionem, & perueniens usque Damascum copulat se Libano inter Bellenam & Damascum. Nec est Libanus ullo in loco eminentior quā sit supra hanc ciuitatem, ut etiam iuxta Tyrum uideri possit xl leucarum spatio, siue quinque dierum itinere. Sub Libano est Antilibanus. Præterea ualles quæ circa Libanum inueniuntur, sunt supra modum fertiles & cultæ, abundantes pascuis, uineis, hortis & pomeriis. Habitatores uero illorum locorum sunt Maronitæ, Græci, Armeni, Nestoriani, Iacobini & Georgiani. Hæc de itinere quod ab Aconensi urbe uersus Boream tendit, dicta sufficiant. Nunc aliud iter prosequamur, quod scilicet ab Acone uersus Vulturum ducit.

Mare Galilææ & Tyberiadis idem.

Montes Galaad, Seir & Hermon.

Iter ab Acone uersus Vulturum.

**I G I T V R** ab Acone quatuor leucarum spatio est castellum Indi, dictum Saron in mōtanis situm, quod fuit domus fratrum Teutonicorum, sed modo in ruinis iacet. Hinc ad leucam unam est castrū regium, omnibus abundans bonis, sed à Saracenis modo occupatur. Ab hoc loco si destinatum iter prosequaris, exactis quatuor leucis, uenies contra aquas Maron, ubi est uallis in qua Eber Cineus tetenderat tabernaculum haud longe à ciuitate Assor, cuius uxor, nempe Iahel, Sissaram principem militiæ Iabin regis Assor, clauo in tabernaculo per tempora fixo interfecit. Ab ista ualle usq; ad castrum Sabul, quod Saraceni Zabul uocant, à quo terra illa Zabul uocatur, sunt leucæ tres. A quo si uersus Austrum per tres leucas perrexeris, occurret castrum & ciuitas Sephet, quæ aliquando fuerunt de dominio militiæ templi. Castrum est firmissimum & elegans, in altissimo monte situm, sed per Soldanum captum, & hodie in magnam Christianorū iacturam ab illo possidetur, unde totam Galilæam, hoc est tribum Zabulon, Neptalim, Aser, Isachar, Manasse, & omnem terram usque ad Tyrum &

Za Sabul.

Castrum Sephet.



Cedes

Mons Christi

Capharnaû

Mons Sanir  
Cedar

Sueta

Huff

Sidonem subactam tenet. Inde contra Aquilonem ad quatuor leucas est Cedes Neptalim, quæ fuit ciuitas fugitiuorum in tribu Neptalim. & abundat omnibus bonis. Monstrantur illic magnæ ruinæ, & sepulchra pulcherima antiquorum. De castro Sephet per tres leucas in descensu montis contra orientem ad iactum lapidis à mari Galilææ, est mons ille quem toties seruator noster Christus ascendit, in quo fecit sermonem illum salutarem, quem diuus Mattheus describit, & in quo de quinque panibus & duobus piscibus satiauit quinque milia hominum. In hunc quoque montem fugit, cum populus eum uellet facere regem: ibi docuit discipulos orare, ubi & ipse sæpe pernox fuit in oratione. Ibi à Centurione fuit interpellatus pro puero paralytico curando. Hic quoque uenit ad eum multitudo languentium, & suo tactu mundauit leprosum. Ab hoc monte uideri potest totum mare Galilææ, Iturea & Traconitidis regio usque ad montem Libanum. Continet longitudo eius duos iactus arcus, latitudo uero habet solum iactum lapidis: totus est herbosus & amœnus. In pede huius montis paululum à mari oritur fons uiuus, quem quidam somniant uenam esse Nili: Iosephus uero appellat eum Capharnaum, à quo etiam tota illa regio usque ad Iordanem per tres leucas Capharnaum nominatur. Ab hoc fonte si ieris per uiginti passus supra mare Galilææ, est locus ubi Christus post resurrectionem suam stetit in littore, dicens discipulis piscantibus, Pueri nunquid pulmentarium habetis? Ab eo loco orientem uersus per unam leucam est Capharnaum ciuitas quondam gloriosa, sed nunc uicus humilis, uix septem habens casas piscatorum, ut adimpleretur uerbum Christi ita loquentis, Et tu Capharnaum, si in cœlum ascendes, usque ad infernum demergeris. Ab hoc loco sunt tres leucæ ad ascensum montis Sanir, ubi scilicet est introitus Idumææ. Et superatis iterum tribus leucis, occurret Cedar ciuitas gloriosa, iuxta montem Sanir infimo loco contra orientem sita. Per hanc ciuitatem & per littus maris Galilææ transit uia ducens ad occidentem, quam Isaias uocat uiam maris, quod trans Iordanem in Galilæa gentium iuxta littus maris procedat. Ab hoc loco, ubi Iordanis mare influit, usque in Cedes Neptalim sunt quatuor leucæ, & in meditullio itineris est Maron aquarum, uallis quædam sic uocata, per quam transiens Iordanis cursum suum uersus orientem flectit. Proinde à ciuitate Corozaim, & ostio fluuii Iordanis contra Aquilonem sunt quatuor leucæ ad Sueta ciuitatem, unde fuit Baldad Suites. Monstratur ibi pyramis beati Iob. Ad huius loci campestria conueniunt Saraceni ex diuersis regionibus, à Syria, Mesopotamia, Moab & Ammon, toto æstatis tempore illic nundinas facientes, regionis amœnitate illecti. A ciuitate Corozaim uersus orientem quatuor sunt leucæ ad ciuitatem Cedar, in alto monte sitam, quam Iosephus Camelam uocat, eo quod mons ille Cameli formam præsefert. Hic notabis, totâ illam terram quæ est ultra Iordanem, in littore eius orientali, uocari Traconitidis regionem, & planiciem Libani & Bosfram, usque ad montem Libani: littus uero occidentale appellatur Galilæa gentium, Iturea, Zabul, Decapolis, & uia maris. In traconitide est terra Huff, quæ beati Iob principatus olim fuit.

Iter ab Acone uersus orientem.

A B A C O N E quinque sunt leucæ ad uallem fortem Aser, quæ tenditur usque



usque ad mare Galilææ. Hinc tres sunt leucæ ad Nason uillam Neptalim, de qua in Tobia, Hinc tres sunt leucæ de Dotaim castrum sub monte Bethuliæ, ubi Ioseph errauit cum quæreret fratres suos. Hinc tres sunt leucæ ad ciuitatem Neptalim, quæ nunc Syziz uocatur, unde Tobias fuit. Hinc tres leucæ sunt ad Bethsaidam, patriam Andreæ & Petri. Hinc iterum tres leucæ numerantur ad Magdalum castrum Mariæ Magdalenæ. Inde uenitur ad terram Gerasenorum, in qua multæ sunt ciuitates & oppidula, ubi etiam mons Hermon in dimidia tribu Manasse in altum erigitur. Castrum seu oppidum Dotaim situm sub monte Bethuliæ, est admodum amœnum : nam habet circumiacentes uineas, oliuetæ & ficeta, abundatque pascuis pinguibus: ubi & usque in hodiernum diem ostenditur cisterna (si incolis fides sit habenda) in quam Ioseph missus fuit. Per hunc locum transit iter à Syria in Aegyptum iuxta montes Bethuliæ per campum Esdrelon, procedens sub monte Thabor ad sinistram, & inde per campum Magedo ascendit in montem Ephraim, transiens per Ramatha Sophim, & tandem ducens in Aegyptum. A Nason tribus leucis ad orientem, & à Dotaim tribus leucis ad Aquilonem est ciuitas Neptalim, de qua fuit Tobias, quæ tempore excidii Hierosolymitani Ionapa creditur uocata. A Neptalim tres sunt leucæ ad Bethsaidam in angulo maris Galilææ, habetque hodie uix sex domos. Hinc ad tres leucas contra meridiem est Magdalum castrum, situm in littore maris, distans à Bethania tribus leucis contra Vulturum. Sunt in hac plaga ultra mare Galilææ plurima castella & ciuitates, nempe Suuetha, Theman, à qua Eli phaz Themanites, Gersa, à qua terra Gerasenorum, quæ in littore maris Galilææ sub monte Seir contra Tyberiadem est sita, licet paululû declinet ad Aquilonem. Est autem tota illa terra ultra mare Galilææ montosa, eratque olim de regno regis Basan, continens montem Seir : nam & Seir & Hermon inter illa montana comprehenduntur, cessitque hæc terra dimidiæ tribui Manasse. Hodie uero Saraceni eam inhabitant, Est & alius mons Seir iuxta desertum maris rubri Pharan, ubi Codorlaomer & alii reges cum eo percusserunt Choræos, qui habitabant in monte Seir, quem Esau & posterius eius inhabitauerunt. Sunt tamen qui dicunt Esau utrumque inhabitasse montem, & utrique nomen dedisse. Nam cum Iacob proficisceretur in Mesopotamiam, Esau habitabat cum patre suo in Bersabee, & assumptis omnibus suis secessit ultra Iordanem, quod hinc patet, quia dicitur Gen. XXXIII, Cû Iacob transisset Phaniel, ortus est ei sol, & eleuans oculos uidit uenientem Esau. Ostenditur autem hodie locus Phaniel ultra Iordanem ad orientalem plagam. Quod si Esau tunc alterum montem Seir inhabitasset, non tam subito occurrere potuisset fratri suo Iacob, cum mons ille à loco Phaniel plurimum distet, quippe qui tribus diætiis à mari mortuo in ulterioribus locis abest. Proinde hæc locorum mutatio uidetur illum consequuta propter diuersas uxores, quas passim ex alienis gentibus duxit. Nam cû filiam Ismael sororem Nabaïath accepisset, coepit habitare in monte Seir, qui est iuxta desertum Pharan, in confinio illo, ubi socer eius Ismael habitauit, de quo in Genesi dicitur, Factus est uir gnarus sagittandi, moratusque est in solitudine Pharan. Deinde duxit & alias uxores de filiis Eucl Chananei, qui habitabant iuxta mōtes Gelboe non longe à mari Galilææ, ubi mons quidam ad eius

Dotaim.  
Neptalim.  
Bethsaidam.  
Magdalum.

Neptalim.  
Bethsaidam.

Magdalum.

Mons Seir.

Phaniel.



inhabitatione denominata est Seir, quem scilicet tunc possedit cum Iacob è Mesopotamia rediret : id quod & hinc probari potest, quia cum Iacob timeret occursum fratris sui, occurrerunt illi angeli dei, ut trepidum corroborarent, quos appellauit Mahanim, hoc est castra : unde & locus ille Mahanim cœpit uocari : constat autem locum illum esse in mōte Galaad, qui tribui Gad cessit in sortē. Mons itaq; Seir qui est in tribu Gad, non longe abest à montibus Gelboe atq; ciuitate Bethsan, ubi scilicet Iordanis ingreditur mare Galilææ, à quo loco littus Iordanis orientalis est duarum tribuum & dimidiæ usque ad campestria Moab sub monte Abarim. A quo si ulterius in eiusdem fluuii littore contra Austrum procedas, transibis terram Moab usque ad petram deserti, quæ nunc Erac dicitur, cui pars quædam terræ Ammon succedit, pertingens ad mare mortuum, & hinc usque ad montem Seir qui coniungitur deserto Pharan iuxta Cades barne, habens à latere desertum Sinai. Iter ab Acone uersus Eurum.

N V N C A L I A M prosequamur lineam, ab Acone scilicet consueto more exordium facientes, & contra Eurum iter dirigentes. Igitur si ad hanc plagam gressum moueris, primo occurret Cana Galilææ, IIII distans leucis ab Acone. Hinc sunt duæ leucæ uersus meridiem ad uillam Ramam nomine, quæ sita est sub monte qui Nazaret usq; pertingit. A Rama est una leuca & dimidia ad uillam quandam quæ olim grandis fuit uocata Abelina, distans à Dotaim media leuca uersus oriētem, de qua in libro Iudith fit mentio. De Abelina est una leuca ad montem Bethulia, ubi Iudith occidit Holofernem, qui mons per totam ferè cernitur Galilæam, habens adhuc pulchra quædam ædificia, sed plures ruinas. A Bethulia est una leuca ad ciuitatē Tyberiadis, eundo scilicet inter orientem & Austrum supra mare Galilææ, à qua mare Galilææ dictum est mare Tyberiadis. Hæc olim uocata est Cinereth, & ab ea mare Cinereth, sed ab Herode instaurata in honorem Tyberii Cæsaris, Tyberias est uocata. Habet solū fertile & pingue, terminaturque ad eam regio Decapoleos, de qua Iacobus patriarcha Ierosolymitanus sic ait in libro quē de terra sancta composuit, Regionis Decapoleos fines sunt mare Galilææ ab oriente, & Sidon magna ab occidente, & hæc est latitudo eius. In longitudine uero incipit à ciuitate Tyberiadis, & uergit per littus maris Aquilonare usque in Damascum. Dicitur autem Decapolis à decem principalibus eius ciuitatibus, quarum nomina sunt hæc, Tyberias, Sepheth, Cedes, Neptalim, Affor, Cæsarea Philippi, Capharnaum, Ioniterra, Bethsaida, Corozaim & Bethsan, quæ etiam Sitopolis est appellata. A Tyberiadē contra occidentem sunt sex leucæ, & à Cana Galilææ, contra Austrum ad Sephoron oppidum & castrum, unde Ioachim pater beatæ uirginis oriūdu putatur, & est in tribu Aser iuxta uallē Carmelon. A Sephor sunt tres leucæ contra Austrū ad Nazareth ciuitatē Galilææ, ubi Christus cōceptus & educatus fuit. Distat ab Acone septem leucis. Extra eam ciuitatē ad spatium unius stadii est locus, quē appellant saltū domini, ubi Iudæi uolebant Iesum præcipitare, sed subito elapsus manibus eorū, in latere montis opposito inuentus est. Ab isto mōte uidetur mons Thabor & Hermon, uilla Endor, Naim & Iezrael, atq; ferè tota planicies cāpi Esdrelon. A Nazareth duabus leucis uersus oriētem est mōs Thabor, in quo dominus transfiguratus fuit. Sunt in eo adhuc ruinae uariæ palatiorum



palatiorum & turrium, quæ hodie sunt latibula leonum & aliarum bestiarum. In pede Australi huius montis contra uillam Endor prope uiam quæ ducit à Syria in Aegyptum, est locus ubi Melchizedec dicitur occurrissè cum pane & uino Abrahæ redeunti à cæde, IIII Regum. In pede uero eius orientali descendit torrens Cifon, iuxta quem Barac pugnavit contra Sisaram & in fugam uertit. Colligitur autem torrens iste de aquis pluuiialibus quæ defluunt à montibus Thabor & Hermon, & præcipitatur in mare Galilææ. A monte Thabor contra Eurum est una leuca ad uillam Endor, quæ situm habet iuxta montem Hermonim, qui tamen non est mons proprius & distinctus, sed iugum quoddam humile seu tumor quidam à monte Hermon contra montem Thabor procedens. Est & alius mons Hermon minor, qui distat à Nazareth duabus leucis, à monte uero Thabor uersus Austrum paulo plus una leuca, in cuius latere Aquilonari est ciuitas Naim, ubi dominus filium uiduæ unicum à mortuis suscitauit. Extenditur autem mons ille in longum ferè quatuor leucis contra mare Galilææ, desinens non longe ab eo loco ubi Iordanis ex mari Galilææ egreditur.

Iter ab Acone uersus Notum.

DESCRIBEMVS nunc iter aliud in quarta orientali, procedendo scilicet ab Acone contra Notum. Igitur ab Acone quatuor sunt leucæ ad torrentem Cifon, ubi Elias occidit sacerdotes Baal, & is torrens paruo exacto terræ spatio intrat mare magnum, tribus scilicet ferè leucis ab Acone. Et licet iam dixerimus hunc torrentem in mare Galilææ deferri, tamen cum locus eius originis sit aliquanto eminentior, fluit in diuersas plagas, partim scilicet contra orientem in mare Galilææ, & partim contra occidentem in mare magnum: & ita duo sunt torrentes seu riui, sed ab uno loco originem ducentes. Ille tamen Cifon qui fluit ad occidentem, colligit plures aquas, quia à monte Ephraim, & à locis Samariæ propinquieribus atque à toto campo Esdrelon, confluunt plurimæ aquæ & recipiuntur in hunc unum torrentem. A loco interfectionis sacerdotum Baal sunt tres leucæ contra Austrum ad castrum Cain: à quo rursum uersus Austrum ad Magedo sunt sex leucæ, quod hodie Subimbre uocatur, ubi rex Iosias occisus fuit à Pharaone rege Aegypti. Et aduerte quod campus iste Magedo, Esdrelon & planicies Galilææ sunt ferè unus & idem campus: sed nomina illa hodie omnia in obliuionem abierunt, uocatúrque campus Sabæ, à quo dam castello quod Saba nūcupatur, distans à ciuitate Aphec quantus est iactus arcus. Cingitur campus ille ab oriente mari Galilææ & Iordane, ab austro monte Ephraim & Samaria, ab occidente partim monte Ephraim & partim monte Carmelo, ab Aquilone montibus planicie & Libano, uidetúrque iuxta longitudinem habere x leucas, & iuxta latitudinem sex. De monte Cain contra orientem sunt duæ leucæ ad Casale Mesra, & una leuca contra Austrum ad castellum quod Saba uocatur, ad cuius occidentale latus extra uiam quæ ducit in Iezrael ad dexteram, ostenduntur ruinae ciuitatis Aphec, ubi Syri pugnaverunt contra regem Achab, quando dixerunt, dii montium dii deorum, pugnemus contra eos in uallibus. De Aphec ad unam leucam contra orientem sinistram uersus, extra uiam quæ ducit Iezrael, in latere Australi montis Hermon, est ciuitas Suna, celebris miraculo quod per Elisæum dominus in suscitatione pueri

Endor.

Mons Hermon.

Naim.

Duplex torrens Cifon.

Magedo.

Campus Sabæ.

Aphec.

Suna.



mortui fecit. A Suna XI sunt leucæ ad ciuitatem Bethsan, eundo contra orientē, & parū declinando ad Austrum, inter montem Gelboe & Iordanē. Distat autē media leuca à Iordane. In huius murū suspenderunt Philistini cadauera Saulis & filiorum eius, quos occiderunt in monte Gelboe. Hæc Bethsan secundum Iosephum alio nomine uocatur Sitopolis. Iuxta hanc ciuitatem est mons Gelboe, extendens se uersus occidentē usq; in Iezrael ad duas leucas. A Bethsan sunt duæ leucæ uersus occidentē ad Iezrael, quæ olim erat una ex ciuitatibus regalibus in Israel: sed hodie uix habet XX domos, uocaturque Zaracin, in pede montis Gelboe ad occidentē sita. Ante cuius introitū est ager Nabot. Et nota quòd hi duo montes, Hermon & Gelboe, iacent in una linea meridionali, Gelboe quidem ad Austrum, & Hermon ad Aquilonem, intercepto duarum leucarum spatio inter eos. Longitudo uero eorū est ab oriente in occidentē, terminanturque ambo ab oriente in Iordanem. Porro longitudo eorū describitur esse undecim leucarum. In ualle uero seu planicie intermedia describuntur multi commissi conflictus. Ibi enim pugnavit Gedeon contra Madian: & Saul contra Philistæos, Achab contra Syros, & modernis tēporibus Tartari ibi conflixerūt cum Saracenis. Notandum quoq; hic, supra regionem Traconitidis esse alium montem Hermon iuxta montem Sanir, de quo scriptura in multis locis mentionē facit, & est multo maior & altior illo de quo hic scripsimus. Cæterum in planicie quæ est inter istos montes, incipit conuallis, quæ ob sui amœnitatem dicitur illustris, extenditurq; in longū per totū descensum Iordanis usq; ad mare mortuū: & prius quàm dominus subuerteret Sodomā & Gomorrā erat uallis illustrissima, aquis irrigata ut paradysus dei. Habet Iezrael pulchrū prospectum per totam Galilæam usque ad Carmelum & montes Phœnicis, montēq; Thabor & Galaad. Ante montem Galaad uersus Iezrael, quæ est in latere Australi montis Gelboe, transit uia plana de Iordane in Salim ubi erat Ioannes baptizans. Nec est uerum, ut quidam putant, neque rorē neque pluuiā descendere super montes Gelboe, cum in memetipso anno domini millesimo ducentesimo octuagesimo tertio, & pluuiā & rorem in illo monte sim expertus. De Iezrael sunt IIII leucæ contra Austrū ad oppidum \* Ginū, situm in pede montis Ephraim, ubi incipit Samaria. Sunt autē à Gino ad Iordanem VII ferè leucæ eundo uersus orientē, & loco illi coniungitur ab Austro terra Taphue. A Gino contra Austrū sunt IIII leucæ ad ciuitatem Sebasten, quæ olim Samaria fuit dicta, caput regni decem tribuum, quod regnū Israel dicebatur. Nunc uero peccatis hominū exigentibus pauculas habet domos unā cum ecclesia in honorē diui Ioannis baptistæ extructa, sed quā Saraceni sibi usurpauerūt. Est & alia ecclesia in supercilio mōtis, ubi palatiū regis fuit, sita, quam Græci monachi Christiani inhabitant, à quibus humaniter fui susceptus. Non facile dixero quales & quantas ruinas in hoc loco uiderim, ut etiā longe excedant ruinas quæ Ierosolymis cernūtur. In mōte uidentur adhuc columnæ marmoreæ, quæ sustentabāt regia illa ædificia, palatia & deambulatoria, quin & per totum montis circuitum huiuscemodi inueniuntur stantes columnæ, quæ platearū sustinebant testudines. Situs huius deuastatæ ciuitatis est pulcherrimus, nam inde liber patet aspectus usque ad mare Ioppe, & ad Cæsaream Palestinæ, ad montem Ephraim, & ad Carmelum maris: abundat quoq; hortis, fontibus, oliuetis.



oliuetis, & omnibus bonis necessariis. A Samaria contra orientem sunt tres leu-  
cæ ad Therfam ciuitatem, sitam in alto monte, in qua reges Israel ante extru-  
ctionem Samariæ aliquanto tempore regnauerunt, eratque in sorte Manasse.  
A Therfa ad orientem, in uia quæ ducit ad Iordanem, est terra Taphue, sex  
distans à Therfa leucis, & est quoque de sorte Manasse. A Samaria contra Au-  
strum iuxta uiam quæ ducit Sichem sunt duæ leucæ ad Bethel in alto monte si-  
tam, in quo Ieroboam filius Nabat posuit unum de uitulis aureis, quibus pec-  
care fecit Israel. Inde ad mediam leucam uersus sinistram, est mons alius no-  
mine Dan, supra ciuitatem Sichem, in quo secundum quosdam alius uitu-  
lus aureus positus fuit. Diuus uero Hieronymus putat eum constitutum fuisse  
in ciuitate Dan, quæ nunc Belenas & Cæsarea Philippi uocatur. Inter istos  
duos montes sita est ciuitas Sichem, quæ hodie Neapolis uocatur, amœnitate  
& deliciis nullo loco inferior. Haud longe à porta eius Australi est fons Iacob  
in uia quæ ducit Ierusalem, ubi dominus sedens super puteum, potum postu-  
lauit à muliere Samaritana. Supra fontem istum ad dexteram est mons excel-  
sus habens duo capita, quorum unus est mons Garizim, alius mons Ebal, de  
quibus in Deuteronomio legimus. Ad sinistram uero fontis huius sunt ruinae  
magni oppidi, ubi cernuntur lapides marmorei, & integræ quædam colum-  
næ, aliæque magnorum & collapsorum palatiorum indicia. Locus quoque ipse  
mirum in modum est fertilis, & solum fecundum. Distat ab his ruinis Neapo-  
lis uno stadio, putoque fuisse oppidum Thebes. Huic fonti adiacet prædium  
quod dedit Iacob filio suo Ioseph, uallis scilicet quædam longa & fertilis. A Si-  
chem numerantur quatuor leucæ contra Austrum ad Lemnam, casale ualde  
pulchrum, situm iuxta uiam ad dextram, quæ ducit Ierusalem. Est & alia Lem-  
na ciuitas in tribu Iuda, hæc autem est in tribu Ephraim. A Lamna eundo cō-  
tra Austrum sunt IIII leucæ ad oppidum Magnas nomine, quod fuit terminus  
Australis tribus Ephraim, hodie uero dicitur Bira, & est de dominio militiæ tē-  
pli. A Magnis uersus Austrum est una leuca ad Gabaa Saulis, ubi oppressa fuit  
uxor Leuitæ, & ob facinus illud ferè tota tribus Benjamin deleta, ubi & Saul fi-  
lius Kisch primus rex Israel natus fuit. A Gabaa euntibus una leuca contra Au-  
strum occurrit Rama ciuitas, sed quæ hodie est uilla, sita in monte ad fini-  
stram itineris ducentis in Ierusalem. Hinc tres sunt leucæ eundo contra Au-  
strum ad ciuitatem Ierosolymitanam, de qua infra. Hic uero reuertar ad Si-  
chem, & describam iter quod ab ea ducit uersus orientem. Itaque à Sichem  
uersus orientem, ad Iordanem procedendo, quatuor sunt leucæ ad Ennon op-  
pidum bene munitum atque optimis abundans terræ nascentibus: fuit autem  
de sorte Ephraim. Ab Ennon contra orientem quatuor sunt leucæ ad Phasel-  
lum casale, situm in descensu montis Ephraim, tribus leucis à Iordane in cam-  
pestribus, ubi torrens Charith descendit de monte, in quo loco mansit Elias,  
quando corui ei deferebant cibum mane & uespere. Sunt & aliæ uillæ in terra  
sancta quæ Rama uocantur, una iuxta Thecuam in uia qua itur in Hebron;  
alia in tribu Neptalim non longe à casali Sephet, tertia in Silo. Et omnes istæ  
uillæ iacent in collibus excelsis: nam Rama excelsum interpretatur. A Phasello  
ad sinistram una leuca uersus terram Taphue, est castrū Dooch, ubi Tholomus

Thefa.

Bethel.

Dan.  
Sichem.

Lemna.

Magnas.

Gabaa

Rama.

Ennon.

Dooch.



filius Abochi infidiose cepit Simonem Machabæum . In loco isto conspicitur terra Galaad, & duarum tribuum atq; dimidia, terra Efebon & montana Moab, mons Abarim & Phasga atque Nebo: & descenditur hinc in campestria Iordanis, quæ loca sunt plana usque in Iericho, & ultra per totum descensum Iordanis usq; ad mare Salinarum. Sciendum etiam quod ab ortu Iordanis sub monte Libano usque ad desertum Pharan per centum ferè miliaria, Iordanis ipse in utraque ripa campos habet latos, & amœnos atque prata uirentia, positis hinc inde altissimis montibus, in quos hæc arua desinunt, qui & usq; ad mare mortuum iuxta Iordanis riuum protenduntur. De Phasello contra Austrum, quinque sunt leucæ usque ad Galgalam, ubi filii Israel transito Iordane longo tempore sunt castrametati. A Galgalis si uersus Iericho uadas, habes ad dextram montem *Quarentana* dictum, distantem media leuca à Galgalis, ubi scilicet dominus quadraginta diebus & noctibus ieiunauit. Est mons ille altus, & ascensu difficilis, habens ab uno latere fontem, cuius aquas amaras sanauit & dulcorauit Elîsæus, cuius aquæ fluunt iuxta locum Galgalæ à parte Australi, & ilico in tantum succrescunt, ut impellant rotas molares, sed postea in riuos secretæ, hortos & prata irrigant. A Galgala dimidia leuca contra Austrum est uallis Achor, ubi lapidatus fuit Achan ob furtum anathematis. Item à Galgala per unam leucam contra orientem est sita Iericho, ciuitas olim famosa, nunc autem habet octo domos, uix nomen uillæ sortita. A Iericho per duas leucas uersus Iordanem est sacellum constructum in honorem sancti Ioannis Baptistæ, ubi putatur dominus ab eo baptizatus: alii uero id factum putant in Salim. A Iericho sunt duæ leucæ uersus mare mortuum ad Bethagla, ubi filii Israel planxerunt patrem suum Iacob defunctum, quando eum tulerunt de Aegypto, & distat una leuca à Iordane. A Iericho tres numerantur leucæ ad mare mortuum, quod est locus asphalti seu bituminis, quod etiam mare salis nominatur, diuiditque Arabiam à Iudæa, & terminantur ad eius littora terra Moab & Ammon, itemque mons Seir, de quibus supra mentionem fecimus. Circa medium eius, in littore orientali ostenditur castrum Mozera, quod olim Petra deserti uocabatur, nunc uero Craciz dicitur, munitum apprime, quod Balduinus rex Ierosolymitanus restaurauit, ut regnum illud ampliaret, sed à Soldano nunc tenetur, qui in eo reponit thesaurum totius Aegypti & Arabiæ. A Craciz duæ numerantur leucæ (secundum aliud exemplar, duæ dietæ) ad Areopolim eundo uersus Vulturum, quæ nunc Petra dicitur, & est metropolis totius Arabiæ secundæ. Olim uero Ar uocata est, sita in torrente Arnon, in confinio Moabitarum, Ammonitarum & Amorreorum. In eodem littore est locus ubi Balaam ductus fuit in montana Moab, ut malediceret filiis Israel. A Iericho quinque sunt leucæ contra Austrum ad oppidum Segor, sub monte Engaddi positum, inter quem montem & mare mortuum est statua salis, in quam uxor Lot fuit conuersa: pro qua uidenda, multum subii laboris, sed incassum: nam auerterunt me Saraceni, dicentes locum non carere periculo propter serpentes, uermes, & feroces bestias ibi habitantes: sed postea comperi rem non ita se habere. Et nota quod mare mortuum ab oriente in occidentem, quæ est latitudo eius, habet quinque leucas: in longitudine uero, quæ est ab Aquilone ad Austrum, habet quinque dietas, ut mihi Saraceni



raceni retulerunt. Alii tamen aliam assignauerunt longitudinem. Scribit patriarcha Ierosolymitanus, qui sæpe locum illum inuifit, mare illud semper fumū red-  
dere & nebulam in modum camini infernalis: unde tota illa uallis, quæ aliquan-  
do ob sui fecunditatem & amœnitatem illustris dicta fuit, ad spatium dimidiæ  
diætæ sterilis & inutilis reddita est, ita ut nec ullum germen proferat ferè per  
spatium quinque leucarum, nisi iuxta ciuitatem Iericho, ubi horti irrigantur à  
fonte Elisæi. A dextris & à sinistris huius maris, montes steriles & aridi cernun-  
tur: nam quocunque uapor à mari illò ascendens impellitur ibi terræ nascentia  
non secus quàm si à pruina fuissent tacta emoriuntur. In quo districtum dei  
iudicium nobis ob oculos ponitur, qui tam seuerè grandia illa Sodomorum pec-  
cata usque in hodiernum diem non desinit punire. Nec nisi uisa hic scribo. Di-  
xerunt mihi Saraceni, Iordanem ingredi mare mortuum, & rursus egredi, sed  
post exiguum interuallum à terra absorberi. Excrefcit interdum mare illud ex  
resolutione niuiū de Libano & pluuiis cadentibus in Galilæa, in monte Galaad,  
terra Moab, Ammon & Seir, quæ aquæ omnes in Iordane confluunt, & in ma-  
re mortuum emittuntur. Inuenitur in eo bitumen, collectū de fundo eius, quod  
agitante uento sibiipfi cohæret, & littori appulsum in magna legitur quantitate.  
Est autem medicinale & durum, nec resolui potest, nisi in sanguine menstruo,  
appellâtque gluten Iudaicum, & ab eo lacus ille lacus asphalti, id est bituminis  
appellatur. De quo in Genesi ita legimus, Vallis syluestris, quæ nunc est mare sa-  
lis, habebat puteos multos bituminis. Hi putei usque in hodiernum diem cer-  
nuntur in littore eius, habentes singuli pyramides erectas, id quod oculis meis ui-  
di. Et tantum de isto mari. A Galgala tres numerantur leucæ similiter à fonte  
Elisæi contra Aquilonem à latere Septentrionali montis Quarentanæ ad ci-  
uitatem Hai, quam expugnauit Iosue. Ab Hai ferè una leuca contra Aquil-  
onem est Bethel ciuitas, quæ olim Luza dicebatur in tribu Benjamin, ubi Iacob  
in orientem à facie fratris sui Esau fugiens dormiuit, & supposito capiti suo lapi-  
de, uidit in somnis scalam stantem super terrâ, & cacumine suo cœlos tangentē:  
ubi & erexit lapidem in titulum, uocauitq; nomen loci illius Bethel. Et hic erāt  
hi qui dicunt hæc Ierosolymis facta. Ostenditur autem adhuc iuxta Bethel lapis  
ille in titulum erectus, unà cum sepulchro Deboræ nutricis Rebeccæ. A Bethel  
una est leuca contra Aquilonem uersus Rama, quæ Silo dicitur, ad palmam De-  
boræ uxoris Lapidoth, quæ indicauit Israel, & misit Barach ad pugnandum con-  
tra Sisaram in monte Thabor. A Bethel per duas leucas non longe à Rama  
Benjamin, est Anatoth uiculus sacerdotū, de quo Ieremias propheta fuit oriun-  
dus. Iuxta Anatoth inter orientem & Austrum incipit desertum illud quod est  
inter Ierusalem & Iericho, quod nunc desertum Quarentanæ dicitur, & ex-  
tenditur usque ad mare Galilææ, & usque ad desertum Thecuz & Engaddi iux-  
ta mare mortuum. A Segor supra mare mortuum ad unam leucam est ascen-  
sus montis Engaddi, ubi Dauid aliquando latitauit, cum à Saul hostili animo  
quæreretur. Ibi quoq; in circuitu montis fuit hortus Balsami. Sed tempore He-  
rodis magni Cleopatra regina AEgypti, in odium ipsius Herodis annuente An-  
tonio, transtulit illum in Babylonem AEgypti. Sub Engaddi iuxta mare mor-  
tuum sunt arbores pulcherrimæ, sed fructus earum quando decerpuntur,

Iordanis exi-  
nanitio.

Asphaltum.

Bethel.

Silo.

Engaddi.



intus fauilla & cinere pleni inueniuntur. Montes Engaddi sunt ualde alti, mirabilem præ se ferentes dispositionem: nam habent tam præruptas rupes casum minantes in ualles subiectas, ut uidentibus & transeuntibus timorem & terrorem incutiant. A Iericho quatuor sunt leucae contra occidentem, uia quæ ducit Ierosolymam ad sinistram. *Adumim.* Quarentanæ, ad castrum Adumim, ubi scilicet ille qui descendebat de Ierusalem in Iericho, incidit in latrones: id quod his temporibus adhuc multis contingit, & ob id effusione sanguinis frequenti nomen accepit. *Bahurim.* Est locus ipse uisu horribilis, & periculosus ualde, nec quisquam eum audet pertransire sine conductu. Ab Adumin una leuca contra occidentem est Bahurim de tribu Benjamin, de quo fuit Semei filius Iemini qui maledixit Dauid, & est castrum pulchrum in monte alto situm. De Bahurim contra occidentem ad duos iactus arcus est Bethania, castellum Marthæ & Mariæ, ubi peregrinis adhuc ostenditur domus Simeonis leprosi, & sepulchrum Lazari, in quo resuscitatus fuit à domino, tectum lapide marmoreo, in quod ego ut reliqui descendi. Recedendo à Bethania non uideri potest Ierusalem ob interpositum montem Oliueti, sed consensu quodam terræ tumore, uidetur pars quædam ciuitatis unâ cum monte Sion.

Descriptio ciuitatis Ierosolymitanæ.

I E R V S A L E M itaque ciuitas dei summi, de qua dicta sunt gloriosa, posita est in terra montosa: montes enim sunt in circuitu eius, habetque in circuitu terram fertilem & bonam, præterquam ad orientem & uersus Iordanem. Distat ab Acone triginta sex leucis, quæ scilicet est contra Aquilonem: à Sebeste uero siue Samaria distat sedecim leucis: à Sichem octo, & à Nazareth uiginti septem. Et hæc loca omnia sunt uersus Aquilonem. A Ioppe uero distat octo leucis inter occidentem & Aquilonem, à Iericho septem uersus orientem, à Bethleem duabus, ab Hebron octo, & hæc ciuitates sunt ad Austrum. Posita est itaq; hæc urbs ab Austro in latere montis Sion, & ab occidente habet montem Gion, nec est hodie situs eius mutatus ut aliqui fabulantur, cum ob locorum munitionem transferri non possit à pristino situ. Est quidem nonnihil ampliata in latum, sed non in longum, cum à parte arcis & montis Sion extendi non possit, siquidem mons ille supereminet, intra muros tamen ciuitatis conclusus amplissimus, qui per se ferè ciuitati fundum præstare posset: nam initium sumit à portu aquarum siue fontis Silohæ uersus orientem, & suo tractu per meridiem usque ad occidentem ferè semicirculum describit, rupe prærupta semicirculum hunc cingente & consolidante. Concauitas uero huius semicirculi cum uersus ciuitatem exinanita esset, ut non commodum fundamentum castro esse potuerit, plurimum negotii priscis regibus fecit, quousque oppleretur. Porro à parte occidentis ubi iugum montis initium sumere diximus, sita est turris Dauid in quodam colle ipsius præruptæ rupis, habebatq; à tergo uoraginem quandam quæ uenit à parte Australi montis Sion, & in huius turris angulo se reflectens gyrauit uersus orientem, diuidebaturque in duas ualles profundas, quarum una uergit ad Aquilonem, altera ad orientem, alium scilicet constituentes angulum, oppositum illi angulo, cui innititur turris Dauid. Proinde uallis quæ à turri Dauid descendebat contra *Mons Moria* latus Aquilonare montis Sion usq; ad montem Moria, & reflectitur in orientem, separabat



separabat montem Moria in quo fuit templum, à monte Sion, & totam inferiorem ciuitatem, extendebaturque usque ad torrentem Cedron, per locum ubi nunc est porta aquarum inter montem Sion & palatium Salomonis, quod ædificatum fuit in parte Australi montis Moria, & hoc pacto cingebat uorago illa ex omni parte montem Sion, & hæc erat ciuitas Dauid. Verum nunc uorago ipsa tota repleta est, relictis tamen uestigiis prioris concauitatis. Altera uero uorago seu uallis quæ ab ista iuxta turrim Dauid diuidebatur, procedebat uersus Aquilonem, faciebaturque fossam ciuitatis iuxta longitudinem eius usque ad plagam Aquilonis: & super eam erat intrinsecus rupes eminens, quam Iosephus Arram appellat, quæ sustinebat murum ciuitatis superpositum, cingentem ab occidente ciuitatem usque ad portam Ephraim, ubi curuatur contra orientem usque ad portam anguli, quæ in angulo ciuitatis constituta erat contra angulum Aquilonis & orientis: & ibi rursus curuabatur ab Aquilone per orientem contra Austrum extra aream templi, includens illam & domum regis atque portam fontis siue aquarum iuxta montem Sion. Et iste totius ciuitatis erat ambitus. Rupes autem illa super quam ex parte occidentis erat extructus murus ciuitatis, erat ualde eminens, præsertim in angulo, ubi occidentalis muri pars connectebatur Aquilonari, ubi & turris, Neblosa dicta, erecta erat, & propugnaculum ualde firmum, cuius ruinæ adhuc uisuntur: unde tota Arabia, Iordanis, mare mortuum, & alia plurima loca sereno cælo uideri possunt. Ab hac rupe ex parte occidentis decliuis pendebat ciuitas, nunc paulatim sese inclinans, & rursus sensim erigens usque ad murum orientalem qui erat super torrentem Cedron, ubi ciuitas ipsa contingebat littus fluminis, habens illic portam, quæ dicebatur porta sterquilini, eo quod per eam sordes ciuitatis defluebant in memoratum torrentem. Extra uallem quæ est à parte occidentis, fuit dominus crucifixus: & post passionem suam uorago illa fuit terra repleta, & longo post tempore ciuitas muro alio fuit cincta à turre Dauid usque ad portam Ephraim, quæ nunc beati Stephani nominatur. Ab occidente uero rupes illa quæ erat pars montis Gion, qui in altum contra occidentem surgebat, supereminebat urbi, sicque tota ciuitas ab istis duobus montibus quasi in decliui pendebat. Mons Moria, in quo templum domini & palatium regis ædificata erant, aliquantulum altior erat ciuitate, sed per Romanos complanatus fuit mons ille, & missus in torrentem Cedron cum omnibus ruinis templi & atriorum, id quod hodie aperte uideri potest. Area autem templi quadrata est, habens in longitudine & latitudine iactum arcus, & aliquid plus spatii, & templum in ea nunc ædificatum adhæret ferè muro ciuitatis, cum uetus templum longe ab eo dissitum fuerit, quippe quatuor atriis interpositis, nec modo distat à muro torrentis Cedron ultra triginta pedes. Ab area templi contra Aquilonem, quantus scilicet est iactus lapidis, est porta uallis quæ ducit in uallem Iosaphat: & hæc etiam uocatur porta gregis, quod per eam introducebantur greges immolandi in templo. Proinde intrantibus portam uallis seu gregis, ad sinistram occurrit piscina probatica, in qua Nathinnei lauabant hostias, quas tradebant sacerdotibus in templo offerendas: & hæc duas porticus habuisse ostenditur, in quibus secundum Ioannem iacebant infirmi, aquæ motum expectantes. Ad dextram uero ostenditur

Neblosa.

Mons Moria

Piscina probatica.



alia piscina grandis, quæ dicebatur piscina interior, facta ab Ezechia: nam obturans superiorem fontem aquarum Gion, auertit aquas eius, direxitque uersus occidentem urbis Dauid, incidens ferro petram per uallem quam paulo superius commemorauimus, introduxit aquas per medium ciuitatis in piscinam istam, ne populus in obsidione positus aquæ penuria laboraret: fontem uero aquarum Gion, qui non longe distabat ab agro fullonis, duxit in superiorem piscinam, quæ est super natatoria Silohæ. Et hæc quidem Achaz incepit, sed non perfecit. De hac piscina & hoc fonte atque eius situ loquitur Isaias: Egredere ad extremum aquæductus piscine superioris in uia agri fullonis. Dicitur autem piscina superior respectu natatoriæ Silohæ, quæ tanquam inferior recipit aquas de fonte Silohæ. Et ne erres in his piscinis, aduerte quod prima & præcipua piscina in Ierusalem erat piscina probatica, duas habens porticus, quam Salomon fecit pro ministerio templi. Secunda fuit iuxta illam contra Aquilonem, dicta interior, quam fecit Ezechias, ut dictum est. Tertia natatoria Silohæ, quæ erat sub monte Oliueti, & sub monte Sion, prope agrum Halzeldemah, habebatque aquam de fonte Silohæ, quam Ezechias quoque fecit. Quarta erat superior piscina, de qua dictum est, quæ Ezechias etiam fecit. Et hæc non fuit in ciuitate, ut quidam sentire uidentur, cum ciuitas ipsa altior fuerit origine eius, de qua hæc piscina suas hauriebat aquas, nempe de fonte Silohæ, & de fonte inferiori aquarum Gion. Vallis Iosaphat cingebat ciuitatem ex parte orientis, sub monte Oliueti descendens: & quamuis adhuc sit profunda, multum tamen est impleta. Romani enim, ut dicit Iosephus, ab illa parte ciuitatem oppugnantes, incisit oliuis & aliis arboribus atque aggeribus inde factis, eam impleuerunt. Sed & postea capta ciuitate, Aelius Adrianus iussit ruinas atriorum & templi proici in torrentem Cedron atque complanari montem Moria, & ciuitatem aspergi sale, quæ usque in hunc diem oculariter uidentur facta. Sepulchrum uirginis gloriosæ ostenditur in ualle Iosaphat, non in ima eius profunditate, sed in pede montis Oliueti, & in editiori loco quam sit ipsa uallis, quod ante subuersionem ciuitatis extra terram eminebat: nunc uero est sub terra, unâ cum ecclesia circum sepulchrum extructa. Non longe ab hoc loco ostenditur alia ecclesia, ubi fuit hortus Gethsemani, quem dominus oraturus ante passionem suam intrauit, iuxta montem Oliueti cuidam rupi concauæ adhærens, sub qua discipuli sedisse memorantur, cum ipse oraret ad patrem. Sub monte Sion contra regiam Salomonis in occidentali latere uallis Iosaphat est fons Silohæ, à quo per aquæductum deriuatur aqua in piscinam superiorem & in natatoriam Silohæ, non semper, sed quando inundat aquis. Porro ambæ piscine sunt in pede montis Sion. Suscipiunt quoque hæ piscine aquas de fonte Gion inferiore, qui oritur sub agro fullonis. Iuxta has piscinas ad iactum lapidis ultra uallem ad plagam Australem est ager Halzeldemah, emptus triginta argenteis illis, quibus Iudas dominum uendidit, deputatus in sepulturam peregrinorum. Infra piscinas istas & agrum Halzeldemah contra orientem, fluit torrens Cedron, colligunturque in ipsum omnes aquæ, quæ tempore pluuiarum in altiora quæque loca circumadiacentia ab aere descendunt. Non longe à sepulchro uirginis benedictæ auditur strepitus eius sub terra ad locum istum properantis: augescit quoque ex aquis quæ fluunt ex memoratis piscinis, & desertur in uallem

Vallis Iosaphat.

Sepulchrum Mariæ.

Gethsemani.

Halzeldemah.

Cedron.



uallem Gehennon, quæ etiam locus Tophet uocatur, ubi est fons Rogel, lapis  
 Zoeth, & ubi Adonias fecit conuiuium, cum regnare instituisset. Ibi quoque  
 Isaias sepultus dicitur, ferra prius iuxta fontē Silohæ sectus. Sunt hæc loca amœ-  
 nissima, deliciis plena, uiridariis & hortis confita, irrigante ea torrente Cedron.  
 Sub hunc locum est mons offensionis, ubi fuit lucus ille detestabilis, in quo insa-  
 ni homines traiciebant filios suos per ignē, offerentes eos dæmoniis. Et hæc de  
 forinsecis locis ciuitatis Ierosolymitanæ dicta sufficiant. Nunc etiā quædam per-  
 stringemus breui sermone, quæ intra mœnia eiusdem urbis continētur. Et qui-  
 dem ecclesiæ sepulchri dominici principatū concedimus: hæc rotūda est, habetq;  
 in medio aperturā rotundam, sub qua sepulchrū dominicum sub diuo consistit  
 nullo tectum imbricamēto. Spelunca sepulchrū domini continens, habet in lon-  
 gum aliquot pedes, foris quidem marmore tecta, intus uero adhuc nuda conspi-  
 citur, sicut tempore passionis fuit. Ostium quod ducit in hanc speluncam, poni-  
 tur ab oriente, & est ualde paruū. Et cum ingressus fueris speluncam, sepulchrū  
 ponitur ad dextram, hoc est ad parietem speluncæ Septentrionalem, factum de  
 marmore grisei coloris, habens in longitudine octo pedes, sicut & spelunca ipsa:  
 nec est in crypta illa lumen aliquod cœleste, sed lampades aliquæ accensæ red-  
 dunt eam illustrē. Et nota quod ante speluncam dominici sepulchri est alia cry-  
 pta eiusdem magnitudinis & figuræ, solo pariete intermedio à priori segregata,  
 & ad hanc primo descenditur, deinde per ostium intermedii parietis uenitur in  
 speluncā dominici sepulchri: & ostium illud fuit clausum, quando mulieres tem-  
 pore resurrectionis dominicæ dicebant, Quis nobis reuoluet lapidem ab ostio  
 monumenti? Mons Caluariæ, in quo dominus crucifixus est, distat à loco sepul-  
 chri centū & octo pedibus, & est ascensus à superficie pauimenti ecclesiæ ad locū  
 ubi crux rupi infixæ fuit, uiginti octo pedum. In ea rupe adhuc apparet scissura,  
 in morte domini facta. A Caluaria per decem pedes ostenditur pars columnæ,  
 in qua Christus fuit flagellatus, illuc ex domo Pilati translata. Non longe ab  
 hoc loco descenditur per XLVIII gradus ad locum ubi Helena inuenit crucem  
 domini defossam. De magnitudine huius urbis scribit dominus Iacobus patriar-  
 cha Ierosolymitanus in libro quem de terra sancta composuit in hunc modum,  
 Est sæpe nominata & sæpius nominanda ciuitas secundum omnes eius partes in  
 monte sublimi sita, muro ualido undique cincta, nec nimia paruitate angusta,  
 nec magnitudine cuiquā fastidiosa. A muro nanque usque ad murum habet di-  
 stantiam, quantum iacere potest arcus, habens insuper à parte occidentali muni-  
 tionem ex lapidibus quadris, ferro & plumbo indissolubiliter compaginatā, quæ  
 ab uno latere ciuitati est pro muro, appellaturque turris David. Ipsa tamen ea-  
 dem est, quæ à quibusdam Antonina dicitur, habetque montem Sion ab Au-  
 stro, in quo David sibi habitaculum fecit, in quo etiam cum aliis regibus Iuda  
 sepultus est, & eam appellauit ciuitatem David. Mons autem Caluariæ, in quo  
 dominus crucifixus est, à parte occidentis erat extra murum ciuitatis: sed Aelius  
 Adrianus ipsam per Titum & Vespasianum omnino destructam reparauit, &  
 adeo ampliavit, ut locum crucifixionis & sepulturæ dominicæ intra murorum  
 ambitum cōprehenderit. Hactenus ille. Nunc de portis eius. Prima erat por-  
 ta David, quæ erat in latere montis Sion contra occidentem, ubi erat angulus

Gehennon.

Sepulchrum  
dominicum.Caluariæ lo-  
cus.Ierusalem de-  
scriptio.Octo portæ.  
I

A. i.



ciuitatis inferioris, oppositus turri Dauid, in loco scilicet ubi duæ uoragines ab una nascebantur, una ad Aquilonem, & altera ad orientem uergente: ubi & testudo facta est ultra uallem unam, per quam à porta illa erat exitus & introitus. Ad dexteram huius testudinis Iudas in sycomoro quadam laqueo se suspendit.

*Porta pisciū.* Ista quoque porta dicebatur porta piscium, quia per eam erat uia ad Ioppen & ad alia loca maritima unde pisces inferebantur. Dicebatur quoque porta negotiatorum, quia per eam erat uia in Bethleem, Hebron, Gazam, Aegyptum & Aethiopiam. Nam ducebat ad agrum Fullonis iuxta montem Gion, ubi à sinistris ibatur in Hebron, à dextra uero uersus Ioppen. Et hæc eadem uia post modicum interuallum iterum diuidebatur: nam ad sinistram ducebat in uallem Raphaim sub castro Bethsura uersus Philistiim & Gazam, & inde in Aegyptum atque Aethiopiam, unde negotiatores merces uarias adducebant. Et ad dextram ducebat in Emaus, Ramatha & Ioppen contra occidentem ad mare mediterraneum. Secunda porta ab ista, fuit in eadem parte muri, respiciens etiam ad occidentem, & partim ad Aquilonem, uocabaturque Iebus à Iebusæis, & Iudiciaria, quia extra eam fiebat iudiciorum executio. Vnde & extra eam fuit dominus crucifixus. Huius portæ uestigia adhuc apparent in muro ueteri ciuitatis. In nouo uero muro, qui includit sepulchrū domini, respondet ei porta eodem nomine appellata, ducens in Silo & Gabaon. Tertia porta ab ista, est contra Aquilonem, uocaturque porta Ephraim & porta sancti Stephani, qui extra eam lapidatus fuit: & hæc ducit in Sichem, Samariam & Galilæam. Quarta ab ista est contra orientem in angulo ciuitatis iuxta torrentem Cedron, dicta porta Anguli, quia in angulo ciuitatis sita erat. Dicta quoque est porta Benjamin, quia per eam fuit uia in Anathoth, Bethel, in desertum & ad ciuitates alias tribus Benjamin. Quinta porta erat contra Austrum ab ista, dicta porta Sterquilini, quia per eam deferebant aquæ pluuiæ sordes ciuitatis in torrentem Cedron. Sexta porta similiter respiciebat Austrum, & posita erat iuxta torrentem Cedron, dicta porta gregis, quia per eam introducebantur greges immolandi in templum, eratque probatica piscina haud longe ab ea. Dicta quoque fuit porta uallis, quia per eam ducebat uia in uallem Iosaphat: & porta fontis draconis, à fonte illò sic denominata. Septima erat porta aurea super torrentem quoque Cedron posita, & Austrum respiciens, quæ magis erat porta templi quam ciuitatis, quia ducebat per compendium ad montem Oliueti. Octaua quoque posita fuit super torrentem Cedron uersus Austrum, sita inter montem Sion & montem templi, dicebaturque porta Aquarum, quia ducebat ad fontem & natatoria Silohæ in uallem Gehennon.

Montes circa Ierusalem.

*Mōs Oliueti*

**A B O R I E N T A L I** parte ciuitatis est mons Oliueti, altior cæteris circumiacentibus montibus. In eius summitate est ecclesia constructa, in loco ubi dominus ascendit in cælum. Ad Austrum est mons offensionis, ubi scilicet Salomon templum posuit idolo Moloch. Subter eum est locus Tophet siue Gehennon. Inter orientem & Austrum est ager Halzeldemah, habens à tergo montem mediocriter sublimem, qui eodem appellatur nomine. Porro ab occidente adhæret ei ager Fullonis, qui ab occidente terminatur in montem Gion. Et hic mons ab occidente imminet ciuitati, sed sensim decrescit uersus portam iudiciariam.

*Mons scandalii.*

*Mons Gion*

Ultra



Ultra torrentem Cedron in latere Aquilonari montis Oliueti est mons alius altus, quatuor stadiis à Ierusalem distans, ubi Salomon idolo Moabitarum nomine Chamos templum construxit, & ubi tempore Machabeorum ædificatum fuit castrum, cuius indicia adhuc hodie ibi cernuntur. Duabus leucis à Ierusalem, in angulo qui est inter occidentem & Septentrionem, est mons Silo, qui nunc ad sanctum Samuelem dicitur, ubi fuit arca domini longo tempore, & tabernaculum foederis, quod fecerat Moses in deserto. Hinc per unam leucam est Gabaon ciuitas in tribu Benjamin, & in eodem monte sita: unde erant Gabaonitæ, qui funibus in collum missis, uenerunt ad Iosue, fraudulenter cum eo foedus ineuntes. A Ierusalem decem numerantur leucæ contra occidentem ad castellum Emaus, ubi dominus in fractione panis cognitus est à discipulis. Is locus hodie Nicopolis dicitur. A Ierusalem duæ sunt leucæ contra occidentem ad Bethoron inferiorem, de qua fit mentio in libro Iosue. A Ierusalem contra occidentem quatuor sunt leucæ & dimidia ad Cariath Iarim, quæ una fuit de urbibus Gabaonitarum, ubi arca domini uiginti annis mansit, postquam à Philisteorum terra fuit reducta. A Cariath Iarim ferè ad occidentem est Lachis, etiam una ex urbibus Gabaonitarum, quam obsedit Sennacherib tempore Ezechiae. De Cariath Iarim si duabus leucis contra Austrum procedas, occurrit Bethsames oppidum, ad quod uaccae duxerunt arcam dei tempore messis triticeæ, ubi plurimi mortui sunt qui arcam dei nudam uiderunt. A Ierusalem decem leucis uersus occidentem est Ramatha Sophim, quæ partim erat de tribu Benjamin, & partim de tribu Iuda, sita tamen in monte Ephraim. Dicta quoque fuit Aramathia, de qua fuit Ioseph nobilis decurio, qui sepulturæ domini interfuit. Hinc quoque Samuel propheta oriundus fuit, ibique sepultus, & uocatur hodie Ramula. A Ramula uersus occidentem tres sunt leucæ ad Ioppen ciuitatem, ubi Ionas nauim intrauit, cupiens fugere à facie domini in Tharsis, hoc est ad insulas maris. Porro ad Bethleem ciuitatem Dauid ad Austrum sitam, tres sunt leucæ, in cuius sinistra parte est uia quæ ducit in Hebron, in qua uiatori quoque occurrit si parum ad dextram declinet, sepulchrum Rachelis, cui pyramis pulchra imminet à Iacob in titulum monumeti extructa: est Bethleem sita in colle alto & oblongo, habens in occidente & in decliui loco collis ingressum, ubi etiã est cisterna iuxta portam, de qua Dauid bibere desiderauit, cum esset in præsidio. In extremitate uero orientali sub rupe quadam, quæ erat iuxta murum ciuitatis, fuit secundum morem illius terræ locus pro stabulo, habens præsepe in rupe excisum, ubi mundi saluator de Virgine natus & reclinatus fuit, cum locus alius commodior in diuersorio non esset quàm præsepe, in quod mundi creator & redemptor reponeretur. Hic hodie sacellum est extructum nobilissimum, stratum mormore, & marmoreis erectum columnis, ut uix hodie inueniri possit locus sacer illo pulchrior, ut etiam Sultanus tentarit hinc asportare columnas & alia crusta marmorea quibus parietes nitent, ad decorandum palatium suum Babylonicum: sed serpente subito apparente, & terrorem incutiente, desistere coactus est à concepto proposito. Videntur quoque iuxta hanc ecclesiam indicia quædam monasterii, in quo lectus & sepulchrum diui Hieronymi peregrinis ostenditur. Item ostenditur locus occisionis innocentium puerorum, & sepulchra Paulæ & Eustochii,

Mons Silo.

Gabaon.

Emaus.

Bethoron.

Cariath Iarim.

Lachis.

Bethsames.

Ramatha.

Ioppe.

Bethleem.



- haud longe ab hac ecclesia. A Bethleem per dimidiam leucam ad occidentē est uilla Bezec, ubi captus fuit Adonibezec, & truncatus summitates manuū atq; pedum. Crescit ibi optimū uinū, quo melius in terra illa non inuenitur. A Bethleē duabus leucis contra collem Achillæ est ciuitas Thecua in monte sita, de qua fuit Amos propheta, ibidē Ochozia rege Israel, occisus & sepultus. Inter Thecuā & Engaddi ad sinistram cōtra desertū Quarentanæ est castrū Herodiū alto loco situm ab Herode extructū. A Thecua duabus leucis, inter orientē & Austrum, est Zoph oppidum iuxta desertū Zipheorū patria, ubi Dauid uagabundus la tuit. Huic cōtra Austrū adiacet desertum Maon, in quo est mons Carmelus, iux ta quē Nabal repulit nuntios Dauid. Nota est historia. Ab hoc deserto Maon, inter Austrum & orientē, parū distat mons Seir siue Idumea, quam terram filii Israel longo tēpore iussi sunt circuire. Quòd si à memorato deserto contra Au- strum uadas, occurret terra Amalech, quam iussus est Saul subuere interfectis habitatoribus eius. Ante terram Amalech contra mare mortuū est Cadesbarne, locus unde Moyses XII misit exploratores. A Bethleem tres sunt leucæ uersus Au- strum ad collem Rama, in qua uidetur tota Arabia usque ad montem Seir, & omnia loca circa mare mortuum, itēque littus maris magni à Ioppe usque ad Gazam. A Rama duabus leucis prope uiam quæ ducit in Hebron est prædium Mamre, ubi habitabat longo tēpore Abrā iuxta ilicē. Ab hac ilice per dimidiam leucam uersus dexterā, est Hebron ciuitas illa uetus, olim Cariath Arbe dicta, in qua regnauit Dauid VII annis: sita que fuit in monte. Hodie præter magnas rui- nas nihil ibi cernitur, sed ad tres iactus arcus Austrū uersus, declinando tamen paululum ad orientē, est Hebron noua extructa, in loco scilicet ubi erat spelun- ca duplex, ubi sepulti sunt Adam & Eua, Abraham & Sara, Isaac & Rebecca, Iacob & Lia. Saraceni circa speluncam duplicē, quæ erat in ecclesia cathedrali, ædificauerunt munionē. A spelunca duplici ad occidentē, ad iactum arcus unū, est ager Damascenus, ubi plasmatus dicitur Adam, habētque argillam rubeam, flexibilem in modum ceræ, quæ per camelos in magna quantitate in AEgyptū, AEthiopiam, Indiam, & alia loca deportatur. Nam abutuntur ea in uarias su- perstitutiones. Iuxta hunc agrum Damascenum, ostenditur etiam locus ubi Cain fratrem suum Abel occidit. Fabulantur quoq; illic Adam & Euam multo tem- pore luxisse Abel filium suum in spelunca rupis cuiusdam, quæ ad Austrum pa- tet. Ab Hebron tribus leucis contra Austrum est Dabir, quæ & Cariath Se- pher, id est ciuitas libri seu literarum, de qua in Iosue. Ab Hebron tres nume- rantur leucæ contra Aquilonem, declinando paulum ad occidentem, ad Nehel Escol, id est torrentem Botri, unde exploratores portauerunt palmitem uuæ. Ad læuam huius uallis per dimidiam leucam descendit riuus, in quo Philippus ba- ptizauit eunuchū Candacis reginæ, haud longe à Sicelech. A Nehel Escol octo numerantur leucæ uersus Ierusalem, ad domum Zachariæ, quam intrauit præ gnans uirgo Maria, salutatura Elisabeth. A domo Zachariæ tres sunt leucæ uer- sus Aquilonem, & itidem tres leucæ à Nicopoli contra Vulturum, ad Nobe ci- uitatem sacerdotum, quæ nunc Bochnopolis dicitur, in uia quæ Diospolim du- cit atque Ramatha, ubi Dauid ab Abimelech accepit gladium Goliath Gethæi. Hæc de Ierusalem & locis circumadiacentibus dicta sufficiant.

Ab Acone



Ab Acone uersus Austrum iter.

QUATVOR sunt leucæ ab Aconensi ciuitate ad oppidum Caiphæ, in pede montis Carmeli ad Aquilonem situm. A Caipha tres numerantur leucæ ad castrum peregrinorum fratrum militiæ templi, munitissimum quidem, & in corde maris situm, talibus muris & antemuralibus cinctum, ut ferè inexpugnabile sit. A Caipha ad leucam unam & dimidiam in monte Carmeli est spelunca Eliæ & mansio Elisei: ubi hodie habitant fratres Carmelitæ. A castro peregrinorum quatuor sunt leucæ ad Cæsaream Palestinæ metropolim, in qua fuit sedes archiepiscopalis, quàmque Herodes magnus instaurauit, & in honorem Cæsaris Cæsaream appellauit: in ea Petrus baptizauit Cornelium centurionem. A Cæsarea nouem leucis contra Austrum est munitio Arsur, quondam Antipatrida ab antipatre Herodis magni dicta. Hæc aliquando fuit fratrum de hospitali sancti Ioannis. Ab Arsur quatuor sunt leucæ contra orientem ad Manathat, nunc Kato dicta, & sub monte Ephraim sita non longe à monte Saron. In hac Saraceni posuerunt præsidium militum contra castrum peregrinorum. A Kato quatuor leucis contra Austrum est mons Saron & oppidum Sarona, de quo fit mentio in Actibus apostolorum. De Arsur octo sunt leucæ usque ad Ioppen, & hinc quatuor numerantur usque in Geth, quæ olim una fuit de principalioribus ciuitatibus Philistinorum: sed nunc paruum est casale, uocaturque Ybilim in colle situm. A Geth duæ sunt leucæ contra Austrum ad Bethsames Iuda. Hinc si ad orientem procedas, post sex leucas occurrit mons Modin, de quo oriundi fuerunt Machabæi, & ostenditur illic sepulchrum eorum. A Bethsames contra occidentem, ferè per quatuor leucas haud longe à mari est Accaron, etiam una de principalioribus ciuitatibus Philistinorum. Verum hodie exiguum est casale, antiquo retento uocabulo. Ab Accaron quatuor sunt leucæ uersus Austrum ad Azotum, quæ etiam una fuit ex potioribus Philistinorum ciuitatibus, una leuca à mare distans, sed hodie parua est uilla. A Ioppe duæ sunt leucæ ad Lidam seu Dispolim. Hinc quatuor leucæ contra orientem ferè, paululum ad Aquilonem declinando, est Lobna, non longe à Lachis quam cepit Iosue, & quam obsedit Sennacherib. Inde per tres leucas, in uia quæ ducit ad Gabaon, est Aceda oppidum, & Maceda, ubi quinque reges se absconderant in spelunca, de quo in Iosue. Hinc si progrediaris tribus leucis contra orientem, non longe à Nobe, est Sochoth Iudæ, iuxta uallem terebynthi, ubi puer Dauid in funda & lapide interfecit Goliath Gethæum. A Nobe, quæ hodie Bethnopolis uocatur, sunt tres leucæ usque in Emaus, quæ hodie Nicopolis appellatur. Ab Emaus spatium unius leucæ & dimidiæ ascenditur per uallem Raphaim, à latere domus Zachariæ, quæ relinquitur ad dextram euntibus in Ierusalem. Ab hac Zachariæ domo numerantur tres leucæ & dimidia dextrorsum ad castrum munitissimum Bethsura nomine, situm in latere montis contra Bezeclz & Bethleem, quod ædificatum fuit tempore Machabeorum, & paulopost fraudulenter captum ab Antiocho adolescente. Distat autem ferè per unam leucam à Ierusalem. Ab Azoto quatuor leucis contra Austrum est Ascalon, quarta Philistinorum ciuitas, sita in littore maris, & habens formam semicircularem, unicum ferè robur & propugnaculum Saracenorum

Castrum peregrinorum.

Fratres Carmelitæ.

Cæsarea Palestinæ.

Izato.

Ioppe.

Geth. Bethsames.

Mōs Modin

Accaron.

Azotus.

Lida.

Lobna.

Aceda.

Sochoth.

Emaus.

Bethsura.

Ascalon.



Gaza. in terra alia. Ab Aſcalone duabus leucis cōtra Auſtrum eſt Gaza, in littore quo-  
que maris ſita, quæ nunc communiter Gazara appellatur, & tranſit per eam uia  
in AEgyptum. A Gaza quatuor numerātur leucæ uſque ad Berſabee, quæ nunc  
Berſabee. Giblin dicitur, & eſt terminus Iudææ atq; terræ promiſſionis contra Auſtrum.  
In hac manſerunt multo tempore Abraham & Iſaac, ut patet in Geneſi. Diſtat  
ab Hebron ſicut & Gaza paulo amplius una diæta. Vltra hanc extremitatē ter-  
ræ ſanctæ eſt deſertum illud magnum, quod ad AEgyptum uſque ſerè extendi-  
tur, in quo oberrauerunt filii Iſrael quadraginta annis. Itaque longitudo terræ  
Longitudo  
terræ ſanctæ. ſanctæ ab Aquilone incipit à monte Libano iuxta Cæſaream Philippi, extendi-  
tūrque contra Auſtrum uſque in Berſabee Iuda, quæ eſt contra deſertum, com-  
plectens plus minùſue LXVII leucas. Latitudinem uero eius non adeo exacte ob-  
ſeruaui. Porro memorata longitudo decem tantum complectitur tribus. Tri-  
bus Iuda ſuperiorem obtinuit regionem, quæ in longitudine quidem extenditur  
Inda. ab AEgypto uſque in Ieruſalem, dicitūrque interuallum illud occupare ſeptem  
diætas. In latitudine uero incipit à lacu alphalti, hoc eſt à mari mortuo, & defi-  
nit uſque ad mare magnum in occidente. Tribui Simeonis obuenit pars in ipſa  
Simeon. tribu Iudæ, nempe quæ eſt iuxta AEgyptum circa montana Arabiæ. Beniami-  
Beniamin. tæ ſortiti ſunt poſſeſſionem ſuam à Iordane uſque ad mare magnum in longitu-  
dine, latitudo uero eius eſt ab Ieruſalem uſque in Bethel, quatuor ſerè comple-  
Ephraim. ctens leucas. Tribus Ephraim ſortem ſuam accepit à Iordane fluuiio uſque ad  
Gaderam, quæ eſt iuxta Ioppen, & ex tranſuerſo uſque ad campum magnū ubi  
Manaſſe. incipit Galilæa. Tribus Manaſſe una medietas incipit à Iordane, & terminatur  
ad mare magnum, & in tranſuerſo quæ eſt latitudo eius, definit in Bethſan. Tri-  
Iſachar. bus Iſachar ſecundum longum incipit à Iordane & terminatur ad Carmelum  
iuxta Magedo: in latitudine uero habet Bethſan & montē Thaborinū extremi-  
Zabulon. tates. Tribus Zabulon habet Carmelum & lacū Genefareth extremitates longi-  
tudinis, & in latitudine à monte Thabor uerſus Nazareth, quinque occupat leu-  
cas. Tribus Aſer occupat totam terrā à Carmelo maris uſq; ad Sidonē magnam,  
Aſer. in longitudine ſcilicet uiginti leucarū continēs ſpatium: in latitudine uero exten-  
ditur à mari magno uſque Naſon & Aſſor per ſpatium nouē leucarum. Tribus  
Neptalim. autem Neptalim accepit partes orientales uſq; ad Damascum, Galilæā ſuperio-  
rem à mari Galilææ uſq; ad montē Libani, fontēſq; Iordanis includens, & hæc  
in longitudine: iuxta latitudinem uero tranſit ab Aſſor uſque ad regionē Traco-  
nitidis. Tribus Dan occupat loca conuallis iuxta mare magnum, ab Auſtro ter-  
Dan. minata ad Azotum: ab Aquilone ad Doram, habens ſcilicet à tribu Iuda Azo-  
tum, Accaron & Geth: & à Benjamin Iamniā & Ramatha uſque ad Ioppen. Et  
ut in ſumma dicā, tota terra ſancta à Iordane uſq; ad mare magnū, quæ eſt lati-  
tudo eius, ab oriente ſcilicet in occidentem, non uidetur excedere ſedecim leucas.  
In longitudine uero, quæ ab Aquilone in Auſtrum computatur, à Dan ſcilicet,  
quæ nunc Belenas ſiue Cæſarea Philippi dicitur, uſq; ad Berſabee, quæ nunc Gi-  
blin appellatur, habet circiter ſexaginta quatuor aut ſex leucas. Et hæc de ma-  
gnitudine, urbibus, fluminibus, & cæteris locis terræ ſanctæ dicta ſufficiant.

De fertilitate terræ ſanctæ & uariis eius habitatoribus.

H A B E T terra ſancta id in ſacris literis præconiū, ut reliquas terras in  
bonitate



bonitate & fecunditate excellat, atq; longe post se relinquat, quippe quæ melle & lacte exuberare dicitur, per quæ intelliguntur omnia ea quibus opus habet mortalis hæc uita. Est solum ipsum frumenti feracissimum, quippe quod in cultura sua minimum laborem exigit, & multum reddit fructum. Nam id sæpe oculis meis uidi, duobus tantum bobus aratrum inuerti: nec agros stercore opus habere cum suapte natura terra ipsa pinguis sit, & in plerisque locis hoc externo minime egeat condimento: rosas, rutam, sceniculum, saluiam & alias herbas humus ipsa sponte producit. Lana quoque succida ibi crescit in frutetis quibusdam, quorum semina singulis annis in terram sparguntur, & ex his consurgit caudex quidam, in cuius folliculis lana illa colligitur. Crescunt quoque ibi cannæ molles, ex quibus colligitur saccharum. Habent hæc cannæ medullam quandam humidam in modum sambuci, quæ in peluim expressa atque in æneis caldariis decocta, optimum efficitur saccharum. Id tamē ingenue fateor, raro illic inueniri poma, pira, cerasa, nuces, & alios similes fructus arboreos, sed è Damasco illuc deferuntur, qui tamen adeo solis ardore decocti sunt, ut diu conseruari nequeant: At loco illorū habent alios fructus, qui etiam per totū annum in arboribus conseruantur, ut sæpe uideas unam arborem simul flores & fructus maturos gestare. Ex his faciunt incolæ uaria condimenta, quibus pulles, carnes, pisces, & alios cibos sapidiore reddunt. Habent poma cetrina magna, ex quibus optima conficiunt electuaria. Habent & alia optima poma & mirabilia, quæ poma paradyfi ab eis uocantur. Hæc crescunt in modum maximi botri, quantitatem habent mediocris cophini, cuius grana sunt ipsa poma, ita ut non raro centum poma, & aliquando plura simul conglobata in modum uuarum reperiās, quorumquodq; oui habet magnitudinē, obductum folliculo spisso crocei coloris, qui decorticatus dulcē & delicatum relinquit fructum. Hæc arbor ultra biennium non durat, sed arefacta, ex radicibus alios surrogat surculos. Folia eius adeo longa sunt, ut staturam hominis erecti ferè excedant. Latitudo uero tanta est, ut duo folia hominis corpus commodè tegere possint. Vineæ multæ sunt in terra sancta, & plures essent, si Saracenis uini usus in uniuersum non esset interdictus. Hi autem terrā illam hodie pro maiori parte subiectam tenēt: & ubi uineas inueniunt eradicant. Optimū uinū quod in ea inuenitur, crescit circa Bethleem in ualle Raphaim, & in Neheleschol, unde exploratores portauerunt palmitem uuarū ut in Numeris legimus. Circa Sidonē quoq; & Anteradū, itēq; sub Libano monte bonū crescit uinum, & ut mihi retulerunt indigenæ Anteradi, colligūt uno anno ab eadem uite triplex uinū: hoc est, habent uno anno tres uindemias. Nam cum uitis tēpore Martii consuetos produxerit botros, id ligni quod uacuū est à fructu, resecatur, & tūc ex relicto palmite in Aprili alius & nouus repullulat surculos, suos quoq; secum ferens fœtus. Qui & ipse truncatus, in Maio nouum producit ramusculum, serotinis oneratum uuis. Et hac arte fit, ut primi botri in Augusto ad maturitatē perducti suam uindemiā requirant. Secundi uero qui in Aprili floruerunt, in Septembri racemantur: & tertii in Octobri. Hinc etiā est ut in terra sancta botros uenales inuenias à die Ioannis Baptistæ usque in diem diui Martini. Habentur quoq; in ea terra ficus, malograna, mel, oleū, pepones, cucumeres, melones, citruli, cucumeres Babylonyci, & alii multi fructus his similes. Frumentum quoq; ipsum est delicatissimū, ut non

Lana in frutetis.

Poma paradyfi.

Tres vno anno vindemias.



uideatur mihi quod unquam meliorē comederim panem quàm Ierosolymis, Porci syluestres, capreoli, lepores, perdices & coturnices abundant in terra sancta, sicut & leones atque ursi. Sed & cameli ibi in maximo habentur numero.

Qui homines terram sanctam inhabitent.

Transfugæ  
Christiani.

Saracenorū  
fides.

Syriani.

Græci.

S V N T I N terra promissionis homines ex omni natione quæ sub cælo est, & uiuit quælibet gens iuxta ritum suum. Et ut uerū loquar, in nostram magnam confusionem, nulli in ea peiores & in moribus corruptiores inueniuntur quàm Christiani, cuius hanc esse rationem arbitror. Quando aliquis in Hispania, Gallia, Germania, Italia, aut aliis Christianitatis nationibus malefactor deprehensus fuerit, utpote homicida, latro, fur, incestuosus, adulter, fornicator, proditor, & timet propterea à iudice condignam sibi irrogari pœnam, fugit & transfretat in terram sanctam, quasi hoc contractum aboliturus malum, & cum illuc uenerit, non animum sed locum mutauit, & euenit sibi id quod scriptum est, Nunquid Aethiops potest mutare pellem suam? Tales sunt hodie in terra sancta non pauci, qui spoliant peregrinos & conterraneos suos, ad se bona fiducia diuertentes, & nihil mali de eis suspicantes: detestabilēsque illi patres detestabiliores post se relinquunt filios, qui pollutis pedibus calcant loca sancta, & sua pessima uita id efficiunt, ut sancta dei in magnum ueniant contemptum. Sunt autem præter Christianos in terra promissionis & aliæ uariæ gentes, præsertim Saraceni, qui Mahumetum prædicant, & legem eius obseruant, agnoscētes etiam Christum ueluti magnum prophetam, de spiritu sancto conceptum, & natum ex uirgine Maria, sed negant eum passum & mortuum, uerum cum illi placuit, aiunt, ascendit in cœlum, sedēque ad dexteram patris ut filius. Mahumetum uero dicunt sedere ad sinistram dei, & eum ut dei nuntium ad se tantum missum. Sunt homines illi Mahumetani immundiciæ addictissimi, ducuntque tot quot pascere possunt uxores, præter id quod Gomorraico scædati sunt uitio. Sunt tamen hospitales, & satis humani, id quod non semel tantum in meipso sum expertus. Pro modico ministerio illis exhibito, copiosam reddūt mercedem. Sunt præterea in hac terra Syriani, qui quidem Christiani sunt, uerum Latinis nullam seruant fidem, misere & pauperrime uiuunt: auaritiæ studentes, nemini eleemosynam largiuntur. Ditissimus inter eos non delicatius uiuit quàm pauperior. Inter Saracenos habitant, & ut plurimum officiis eorum mancipantur. In habitu à Saracenis ferè nihil differūt, nisi quod per cingulum laneum ab eis aliquid discriminis habent Græci similiter Christiani sunt, sed schismatici, & à Romanæ ecclesiæ obedientia alieni: sunt & aliis multis implicati erroribus, faxit deus ne & Latinis multæ irrepsent stultitiæ. Apud Græcos omnes ferè prælati sunt monachi, magnæque abstinentiæ, & habentur à plebeis hominibus in magna reuerētia & honore. Sunt quoque in hac terra Armeni, Georgiani, Nestoriani, Nubiani, Iabeani, Chaldæi, Maronitæ, Aethiopes, Aegyptii, & multæ aliæ gentes, quæ quidē omnes confitentur Christū, & habent suos patriarchas. Quidā sunt hæretici, & à suo hæresiarcha nomē sunt sortiti, ut sunt Nestoriani, Iacobitæ & similes. Sunt tamen multi in his sectis admodum simplices, nescientes quicquam de hæresibus: Christo deuoti, carnem ieiuniis macerantes, atque simplicissimas uestes induti, ut etiam longe superent religiosos Romanæ



manæ ecclesiæ. Nubiani & Iabeani dicunt se siue maiores suos fidem suscepisse à sancto Mattheo, ab eoque baptizatos, & baptismi modum ab illo recepisse, quem hodie inuiolabiliter seruare contendunt, innitentes huic auctoritati, Ipse uos baptizabit in spiritu sancto & igne. Nam cum baptizantur, cum calido ferro crucem inurunt faciei aut alteri corporis parti. Et hi deuotiores inter orientales habentur. Est & gens Madianitarum, qui nunc Beduini atque Turoniani dicuntur, qui magnam partem terræ sanctæ impleuerunt: & hi tantum operam dant alendis pecoribus & camelis, quibus supra modum abundant: Certam mansionem non habent, sed ubi bona inuenerint pascua, ibi cum tabernaculis suis tantisper subsistunt, donec herbis depastis, alium locum pro gregibus querere cogantur. Sunt homines pugnacissimi, & repleuerunt fere totam Syriam: potissimum occuparunt ripas Iordanis à Libano usque ad desertum Pharan cum montes qui ultra Iordanem sunt, optima suppeditent pabula ouibus, capris, & reliquis iumentis. Habent arietes & uerueces tam crassos & pingues, ut una cauda pro tribus aut quatuor hominibus sufficiat ad esum. Nestoriani habitant circa Berut & Biblum in planicie Libani contra Ituream. Maronitæ uero occuparunt regionem quæ est circa fontem hortorum à Libano descendentem contra Tripolim, dicunturque habere quadraginta milia pugnatorum. Porro circa castrum Arachas post Tripolim habitant Saraceni, qui Vanni dicuntur. His sociantur Saraceni quos Asininos uocant, habitantes in montanis usque ad castrum Anteradum, plurima habentes castra & oppida, atque fertilissimam occupantes terram. Hi de Perside dicuntur duxisse originem: & in tantum numero sunt aucti, ut & ipsi quadraginta milia armatorum asserantur posse producere. Voluerunt ante paucos annos sese Romanæ subiicere obedientiæ, sed per Templarios impediti à suo resilierunt proposito. Hos Asininos nullus hætenus Sultanus potuit in ordinem redigere, sed ipsi sibi leges & iura condunt, utentes illis ut libet: suntque omnibus adiacentibus nationibus formidini ob suam feritatem. Et cum hic oriëntales attigerim nationes, non inutile uisum fuit de iis ampliorem facere mentionem: quandoquidem hodie multi sunt, qui cum nihil sciant, scire omnia uelint, asserentes nullos in his maximis regionibus usque ad Indiam inueniri Christianos, sed perfidum Mahumetum omnia loca conturpasse. Id quod uerum non est, sed ubique Christus in mundo suos habet cultores, præterquam in Arabia & AEgypto, ubi rari inueniuntur Christiani, sed omnes ferè nomen dederunt Mahumeto. Id quidem uerum est, omnes Christianos transmarinos, puta Armenos, Cappadoces, Græcos, Chaldæos, Medos. Parthos, Indos, Nubeanos, Iabeanos, Asianos, Georgianos, & reliquos orientales populos, non esse homines bello assuetos: sed cum à Saracenis, Turcis aut Tartaris bello petuntur, illis tributarii fiunt, atque omne permittunt dominiū: exactores ferentes, modo pacem & concordiam quantum ex se est conseruent: & hinc fit ut regiones illæ, quas Christiani inhabitant, Saracenorum esse putentur, atque perfidiæ illorum subiacere, cum tamen ibi ferè omnes sint Christiani, id quod ego expertus sum in Cicilia & Armenia minori, quæ parent Tartarorum principi: & tamen sunt meri Christiani, qui eas inhabitant regiones, ecclesias frequentantes, missas audientes, genua flectentes, atque deuote orantes:

Nubiani

Madianitæ

Nestoriani

Maronitæ

Asinini

Christi cultus ubique



Nestoriani

Georgiano-  
rum sacri ri-  
tus

Catholicus

Matrimonii  
sacerdotum

religiosis etiam personis magnum exhibentes honorē, id quod in meipso sum expertus, cum illic aliquantisper morarer. Præterea eos quos nos damnatos iudicamus esse hæreticos, ut sunt Nestoriani, Iacobitæ, Maronitæ, Georgiani, & similes, ego plerunque inueni bonos & simplices esse homines, syncerèque erga deum & homines uiuentes: sunt magnæ abstinentiæ, & in quadragesima nec pisces, nec oleum comedunt. Attenti audiunt uerbum dei: id quod ego uidi in uespera Ramispalmarum, quantis cateruis ad concionem confluerint. Habēt præterea suos Archiepiscopos, Episcopos, Abbates, & alios prælatos, præter Nestorianos, qui loco Papæ habent prælatum, quem Iacelichum uocant, cui magna pars orientis paret. Armeni uero & Georgiani habent prælatos, quos Catholicos uocant, qui sub se habent Archiepiscopos, Episcopos, & alios prælatos, qui optima conuersatione plebi præeuntes, uerbo pariter & exemplo illos docent: & quanuis munitissima inhabitent castra, atque magnis polleant diuitiis, induuntur tamen uilibus & sordidis uestibus, amplissimas habentibus manicas: exterior enim uestis est pellicea arietina, grossa & rubea, & sub ea deferunt tunicam griseam atque detritam. Suprema uero uestis est scapulare nigrum, uile & asperum, quasi cilicium. Interfui etiam semel in die annuntiationis sacris eorum, & aduerti eos eisdem ferè uti ceremoniis & precationibus quibus nos in missa, nisi quod suo, & non Romano utitur idiomate. Nota quoque quod Catholicus ipse & omnes alii prælati sunt monachi, nec quisquam nisi monachi ad hæc ecclesiastica admittuntur officia. Clerici uero seculares & sacerdotes ferè nullam habent auctoritatē, nec aliud agunt nisi quod diuina celebrant officia. Ad omnes horas signum faciunt cum tabula lignea: non enim campanas habent: & tūc nocte surgunt ad matutinas preces, excitantque se mutuo, ut omnes conueniant: nec iterum dormitum eunt post illas absolutas preculas, sed sedent in ecclesia docentes populum usque ad auroram. Sacerdotes omnes sunt uxorati: nec aliquis permittitur exequi sacerdotis officium, nisi legitimam habeat uxorem. Sabbato duntaxat & die dominico missas celebrant: reliquis diebus per hebdomadam amplexibus uacant. Mortua uero uxore sacerdos continebit, nec aliā poterit ducere uxorem. Et si fornicatus aut adulteratus fuerit, sine spe ulla amittit officium & ecclesiam. Quod si uxor eius adulterium perpetrauerit, sacerdos maritus eius aut continebit, aut officium & ecclesiam perdet. Vxor uero adulterans nasum perdet: & uir qui cum ea concubuerit castrabitur, etiamsi legitimam habuerit uxorem. Id ego semel fieri oculis meis uidi. Mortuo uero sacerdote, uxor eius relicta continebit: & si aliud præsumpserit inire matrimonium comburetur: sin meretricari libuerit, nil mali patietur: & id sæpe apud illos euenire solet. Et hæc mihi uidetur potissima causa esse, quod tot in illis terris inueniuntur meretrices: nam uxores talium continere nolentes, meretrices efficiuntur. Fures committentes furta non admodum nociua, & alii malefactores qui mortem non commeruerunt, castrantur, ne filios generant paternorum morū imitatores. Id scio, cum essem apud regē Armeniæ, habuit regina plures quam sexaginta eunuchos. Rex cum omnibus principibus & nobilibus suis libèter audit uerbum dei: quibus etiam singulis diebus hora tertia illud à monachis, quos Vetrapethe uocant, deuote ex sacris libris proponitur, utentibus expositione Iohannis



annis Chrysostomi, Gregorii Nazanzeni, atque Cyrilli, quæ ipsi Kyrillum proferunt. Deuoti & morigerati sunt in ecclesia, nec facile ullum ibi uideas dissolutum aut indisciplinatum: Cum Episcopus sacrum facit, habet astantes suos ministros, puta diaconum, subdiaconum & acoluthum, & cum magna grauitate ceremonias solitas celebrat.

Descriptio Aegypti.

LVSTRATA itaque Armenia secessi in Cappadociam, & hinc perrexi ad Seleuciam, à qua traieci in Cyprum, à Cypro nauigio ueni Tyrum, & rursum à Tyro soluens per littus Palæstinæ descendi usque ad ostia Nili. Ibi uidi Pharmam ciuitatem munitā quidem & egregie extructam, sed hominibus uacuam: nam serpentibus cedere coacti sunt. Ab hoc loco uiginti numerantur leucæ ad Taphium: hæc est Taphnis, de qua in psalmo: Fecit prodigia sua in campo Thaneos. Hæc posita est in terra Gessen, de qua in Genesi multa scribuntur, Fuit olim urbs insignis, sed nostro æuo destructa est. A Taphni usque ad Memphim, quam nunc Damiatam esse putant, quindecim sunt leucæ, distatq; duabus à mari leucis, in ruinis penitus iacens, nisi quod non longe à situ suo uila est extructa propter naues in ea collocandas atque merces colligendas. Abundat is locus æque ut Taphnis frumento, fructibus, & omnibus ferè bonis, quibus homo uelci potest. Deriuatur à Nilo riuus unus uersus Taphnim, & hinc uersus Pharmam fluens, primum uersus terram sanctam constituens portum. Alterum uero portum efficit alius Nili riuus priore maior, tribus leucis à Damiatam mare ingrediens. Tertius portus est in Alexandria, ubi scilicet maior pars Nili labitur in mare, distatque à Pharma, ubi primus Nili riuus mare intrat, centum uiginti miliaribus: & hæc est longitudo Aegypti iuxta mare. Ab Alexandria uero usque in Babyloniam numerantur etiam centum uiginti miliaria, ascendendo contra Nili cursum. Porro à Pharma eundo per Taphium & Damiatam centum computantur miliaria usq; ad Babyloniam siue Cayrum, etiā aduersus fluuium nauigando. A Babylonia uero usque ad Syenen, quæ uersus Austrum ultima est pars Aegypti, sunt miliaria circiter ducenta quadraginta: & ibi incipit Aethiopia, quæ hodie Nubia dicitur: & est tota Christiana, ubi beatus Mattheus prædicasse dicitur. Huius Aethiopiæ regem captiuum uidi in Babylonia. Ascendens autem à Damiatam per Nili fluuium ueni in Abdelam; ac deinde in Mausotam, ubi Nilus scinditur in duo, uoluiturq; riuus minor ad fretum quod est iuxta Pharmā, & ex illo intrat mare. Rursus iuxta uillam Semmath est alia Nili scissio, labiturq; is abscissus riuus iuxta uillam quæ Phatures dicitur, in mare: sed non est nauigabilis, ut alii iam memorati riui sunt. Item à Semmath ascendendo, prius quàm uenias ad Phyton & Ramassen, separatur à Nilo quartus riuus, intrans mare iuxta uillam quæ Stermon appellatur: & ea Nili diuisione usque ad uillas Phyton & Ramassen sunt quinque leucæ, ponunturque hæc uillæ altrinsecus in ripa Nili. Hinc uiginti numerantur miliaria ad locū qui Delta nominatur, ubi scilicet Nilus in duos riuos diuisus totam ferè Aegyptū facit insulam in modum  $\Delta$  literæ triangulariter figuratum, proceditque maior aquarum uis ad Alexandriā, & minor ad Damiatā. A Delta usq; Heliopolim tria numerantur miliaria, ubi & alius riuus à Nilo segregatur, & defertur ad ciuitatem Pelusii, & inde fluens per desertum uersus terram sanctam

Pharma.

Damiatam.

Diuisio Nili

Syene.  
Nubia.



iuxta ciuitatem Iaris intrat mare: & hinc ferè duæ sunt dietæ usque ad Ragazâ: uel Gazaram & Bersabee. Hic riuus uocatur proprie in scriptura riuus Aegypti, terminaturque ad ipsam fors tribus Iudæ. Quidam uocant eum Binocorulâ, alii Syron Aegypti & non est nauigabilis. Heliopolis est uilla opulenta, sed nõ munita, sicut nec alius quispiam locus per totam Aegyptum est muratus, præter Alexandriam & Babyloniam. Hinc septem numerantur leucæ usque ad Babyloniam. Hæc ciuitas est supra modum magna, in littore Nili sita, transitque per medium eius riuus aquarum à Nilo excurrentes, & rursum in eum ruens. A Babylonia duabus leucis distant pyramydes quædam triangulares & insigniter magnæ. Et hinc duæ sunt leucæ ad Thebas, unde fuit legio Thebeorum. Huic quoque adiacet desertum Thebaidos, in quo olim fuit magnus numerus monachorum. Et nota quòd à Babylonia usque ad Syenen per miliaria CC XXX Nilus in nullos diuiditur riuos, uno contentus in quo fluit aluco. Terra Aegypti ferè est inaccessibilis: nam ab occidente habet mare magnum: contra Aphricâ est desertum Libyæ & Philenorum: ab Austro est desertum Aethiopiæ, & ab oriente desertum Thebaidos usque ad mare rubrum. Transitus illius deserti est trium dierû, donec ueniat ad locum qui Beronice uocatur: & est portus Aegypti in littore maris Rubri ad Indiam ducēs. Porro contra Vulturum & Septentrionem habet Aegyptus desertum magnum usque ad terram sanctam, in quo filii Israel ab Aegypto fugientes XL annis morati sunt. Floruit ante tempora nostra Aegyptus mirû in modum Christiana religione multa milia habens monachorum, multa cœnobîa, & plures ecclesias, Vnde dixerunt mihi Saraceni, quòd in sola Babylonia & Cayro (sunt enim duæ urbes, sed in unam cōiunctæ) plures quàm quadraginta reperiantur ecclesiæ. Habet uillas fermè infinitas, & populum sine numero. Dominantur hodie in ea Saraceni. Inter Heliopolim & Babyloniam ostenduntur loca, in quibus beata Virgo mansit cum puero Iesu & marito Ioseph, cum à facie Herodis fugisset è Iudæa. Est etiâ ibi hortus balsami, qui irrigatur à fonte paruo, uberrime tamen fluente, in quo aiunt beatam Virginem puerû Iesum lauisse, ob id habetur fons ille in ueneratione nedum à Christianis, uerum & à Saracenis. Modum colligendi balsamum hûc mihi Saraceni ostenderunt. Carpebant folium unum à stipite (adhærent enim folia stipiti) & contra radium solis illud discerpentes, guttam lucidissimam, & supra modum odoriferam elicuerunt: & is est uerus liquor balsami: qui in phialas uitreas colligitur, & ad diuersas mundi partes mittitur: tametsi raro sine mixtura ad regiones nostras perueniat. Aiunt etiam, si folium illud contra radium solis non frangeretur, minime succum illum stillaret. Foderunt proinde Saraceni & alium fontem, cum fons prior non sufficiat ad irrigationem totius horti, ex quo quatuor boues aquam trahunt, quæ sufficere possit ad illius humectationem.

Heliopolis.

Babylonia  
Aegypti.

Thebais.

Situs Aegypti

Christus olim in Aegypto cultus.

Hortus balsami.



## AD LECTOREM PRAEFATIO.

PRAETER Quintum Curtium, qui gesta conscripfit Ale-  
 xandri Magni, & passagia quædam terræ sanctæ, pauci hætenus  
 fuere, qui de rebus & de uariis illis atque multis prouinciis, quas  
 habet oriens, præsertim Indicus, nos certiores redderent : & ta-  
 men interim semper fuerunt uiri quidam studiosi, qui Asiæ or-  
 bis uisendi gratia haud cunctanter pericula corporis atque rerum iacturas subi-  
 re contenderunt : & proculdubio plurimarum orientalium rerum certa hodie  
 extarent experimenta, si saluus illis in patriam contigisset reditus. Nunc autem  
 cum tam multa peregrinantibus in illis regionibus sint subeunda exitialia peri-  
 cula : occurrunt enim nedum prædones, & alii ferocissimi homines, uerum &  
 bestię immanes, deserta amplissima, squalentia & arentia, quæque neque homi-  
 nibus, neque iumentis quicquam pabuli afferre poterunt, maria illa fabulosa, ut  
 uocant, quæ interdum peragrandæ sunt, aquæ mortiferæ, mare tempestuosum,  
 calores intolerabiles, frigora acerba, & alia innumera pericula : quot putas Asia  
 nobis incolumes restituit, quos in eam Europa ueluti exploratores misit : & si  
 quosdam restituit, hi uel itineris labore atque periculorum sufferentia adeo exa-  
 nimati sunt, ut non curarint explorata stylo excipere : aut si annotarunt ea quæ  
 uiderūt & experti sunt, uernaculo usi sunt idiomate, id quod fecit Vartomæus,  
 Benedetto Bordone, ut uulgaris libri uulgari utar titulo, Marcus Paulus Vene-  
 tus, & alii quidam Itali atq; Hispani, quorum scripta adhuc in tenebris essent,  
 sicut & aliqua sunt, nisi boni quidam uiri ea in latinum uertissent, atque omni-  
 bus legenda exhibuissent. Et utinam Marcus iste Venetus commodiorem na-  
 ctus fuisset interpretem, aut ipse librum suū latine scripsisset, qui latine sciuit, id  
 quod in loco quodam subindicat : sed multis conciuibus suis Venetis gratifica-  
 ri maluit, quàm paucis latine doctis. Natus est hic Marcus ex patre Nicolao  
 Paulo uiro clarissimo, qui cum per tres aut quatuor annos lustrasset partes ori-  
 entales, comitem habens fratrem genuinum, Mattheū scilicet Paulum, domum  
 rediens filium Marcum secum ducens, denuo in Indiam concessit, mansitque  
 multis annis apud magnum Chām Cublai, aulicus illius factus. Historia illius  
 profectiois atque reditus describitur in primis decem primi libri capitibus : &  
 hæc tibi lector causam reddent, quomodo Marcus huius libri conscriptor, tot  
 potuerit perlustrare prouincias.



MARCI PAULI VENETI DE RE-  
GIONIBVS ORIENTALIBVS LIB. I.

Quomodo Nicolaus Paulus & Mattheus Paulus fratres in orientem concesserint. Cap. I.



**B**ALDWINO principe indyto regni Constantinopolitani scepra tenente, anno scilicet ab incarnatione domini M CC-LXIX, duo uiri nobiles & prudentes è clarissima Paulina familia nati, ciues Veneti, nauem uariis onerantes mercibus, communi consensu Venetiis soluentes, prospero uento, & deo ductum felicem præstante, sulcarunt mare mediterraneum, & per angustas Bosphori fauces contendentes, Constantinopolim peruenerunt, ubi cum paucis quieuisent diebus, iterum uelis uentum dantes traiecerunt pontum Euxinum, appuleruntque ad portum ciuitatis Armeniæ, quæ Soldadia appellatur & præparates iocalia pretiosa, curiâ cuiusdam regis magni Tartarorum, Barlza dicti, ingressi, illi obtulerunt quicquid optimum habebant. Ille uero gratissima & libete oblata munera non aspernas uicissim placido illos suscipiens uultu, multo maiora tribuit quam illi contulerunt. Per annum autem cum illo commorantes rege, Venetias redire satagerunt. Et cum id molirentur, subito inter regem Barlza, & alium quempiam Tartaricum regem Allau nomine, lis oboritur cruenta: & aliquandiu inter se confligentes, exercitu Barlza deuicto, fors regi Allau uictoriam concessit: sicque memorati fratres bellorum sauiente tumultu præpediti, uaria captant consilia, quam eligant uiam, per quam uitæ sublato discrimine, in patriam reuertatur: tandemque iudicant per uarias itinerum ambages circuire regnum Barlza, & furentium euadere manus: & id tententes peruenerunt ad ciuitatem quandam Guthacam nomine, à qua ultra progressi Tigrim traiciunt, & XVII dietas facientes in deserto quodam magno, in quo neque habitatores, neque oppida inueniuntur, ad Bocharam ciuitatem Persidis insignem profecti sunt, præsidente illi Barach rege: ibique annis tribus manserunt.

Qualiter adierunt curiam regis magni Tartarorem. Cap. II

**E**O TEMPORE uir quidam grauis & insignis à rege Allau ad maximum Tartarorum regem destinatus, Bocharam pernoctaturus uenit, & illic præfatos uiros inueniens, qui iam linguam Tartaricam erant edocti, supra modum hilaris efficitur, cogitatque quomodo persuadeat, ut secum ducat hos occidentales uiros, inter Latinos natos, ad præsentiam maximi Tartarorum imperatoris, sciens se illi in hoc gratificaturum, & nihilominus uiros debito suscipiendos honore, & largis donandos muneribus, potissimum cum iam ex multiplici colloquio gratissimos ipsorum explorasset mores. Viri igitur illi aduertentes se non facile & absque periculo posse domum reuerti, inito consilio memorato adherent ambasiatori, iterque cum illo suscipiunt ad Tartarorum imperatorem, comites habentes quosdam alios Christianos, quos secum è Venetiis duxerant, & soluètes à loco Bochara, post multos transactos menses perueniunt ad maximam omnium Tartarorum regem Cublai uocatam, quem etiam magnum Cham appellant, hoc est magnum



magnum regem regum. Porro quòd tam prolixum tempus insumpserunt, donec ad magnum uenirent Cham, aliud in causa non fuit, quàm quòd in frigidissimis regionibus Aquilonem uersus niues plurimas & aquarum, inundationes inuenerunt, quæ uiam illis præcluserunt.

Quanta humanitate à magno Cham suscepti sint. Cap. III.

ADDVCTI igitur ante conspectum magni imperatoris Cham, perbenigne ab eo suscepti sunt. Interrogauit autem eos de multis, utpote de regionibus occidentalibus, de imperatore Ro. atque aliis regibus & principibus, qualiter sese gererent in regimine & rebus bellicis, quo pacto pax, iustitia & concordia inter eos constaret, ite quales mores & uiuendi ritus essent apud Latinos, & præsertim qualis esset nostra christiana religio, qualisq; Papa summus illius moderator. Et ad hæc memorati uiri sigillatim respondentes, eò imperatorē suis deduxerunt uerbis, ut libenter illis auscultaret, & sæpe ad se introduci iuberet.

Mittuntur à magno Cham dicti uiri ad Pontificem Ro. Cap. IIII.

QVADAM itaque die magnus Cham cum regni sui principibus inito consilio, rogat Latinos, ut nomine suo ad Papam proficiscentes, unà cum barone quodam Gogaca nomine, uiro aulico & optimo, atque apud illum agant, ut centum uiros sapiētes, & in lege Christiana doctos ad se dirigat, qui sapientibus suis ostendere possint Christianorum fidem cæteris omnibus sectis præferendam atque unicam salutis esse uiam, quòdque dii Tartarorum essent dæmones, qui orientalibus in sui cultura imposuissent, nam cum is imperator multa audisset de fide catholica, & interim aduerteret, quàm mordicus sui sapientes conarētur suam defendere fidem, in ambiguo positus nesciebat cui tutò animū suum inclinaret, quàmque ut uerā amplexaretur uiam. Illi itaque debitam regiæ maiestati exhibentes reuerentiā, pollicētur se commissa fideliter executuros, & literas quas ab eo Ro. Pont. offerendas acceperint, præsentaturos. Ipse uero tabulam aureā signo regali sculptam & insignitam iuxta imperi sui consuetudinē illis tradi iubet, quam commeatus loco secū per totum eius imperiū deferentes, ubiq; à prouinciarum & ciuitatum rectoribus per loca discriminosa salui deducerētur atque expensas ab eisdem reciperent, & quacunq; tandem re opus in itinere haberēt, illis imperatoris nomine suppeditaretur. Rogabat quoque eos imperator, ut non nihil de oleo lampadis, quæ iuxta dominicū sepulchrum Ierosolymis ardebat, sibi in reditu deferrent, credens sibi illud non parum profuturum, si Christus mundi esset saluator. Illi igitur imperatori ualedicentes arripiunt iter, literas & auream tabulam secum deferentes. Cūque XX dietas equitando peregissent, Gogacal, qui illis ab imperatore associatus erat, grauiter ægrotare cœpit. Vnde consilio inito, eo illic relicto, ipsi cœptum prosequuntur iter, ubique ob imperatoris signū humaniter suscepti. Pluribus tamen in locis ob fluminū inundationes pedem sistere coacti sunt, ut etiā tres annos citro ultròque absumpserint, prius quàm ad portū ciuitatis Armeniorum, Galza nomine, peruenerint. A Galza rectà ad Anconem tendunt anno scilicet domini. M. CCLXXII mense Aprili.

Quomodo summi Pontificis expectarint creationem. Cap. V.

INGRESSI autem urbem Anconem audierunt dominum Clementē Papam quartum nuper defunctum, aliūque neminem in locum eius surro-



gatum: de quo non parum contristati sunt. Erat tunc Anconæ legatus quidam sedis apostolicæ, dominus scilicet Thedaldus Comes de Placentia, cui cuncta quæ in commissis habuerunt, exponētes, indicabant quomodo à magno Cham missi fuissent. Ille uero consulebat, ut noui Pontificis expectarēt creationē. Abeuntes itaque interim Venetias suos inuisuri, & illic quousque alius institueretur Pontifex mansuri, inuenit Nicolaus Paulus uxorem suam extremā clausisse diē, quippe quam in recessu suo prægnantem reliquerat, filium uero Marcum nomine, qui iam annos ætatis XV habebat, sanum & incolumem inuenit, atque postea hunc librum conscripsit. Porro electio Ro. Pontificis ad duos usque annos est protracta.

Qualiter regressi sint ad regem Tartarorum. Cap. VI.

ANNIS duobus postquam redierunt in patriam elapsis, memorati duo fratres timentes imperatoris Tartarorum turbationem, quem ipsorum reditum sciebant expectare, reuertuntur Anconam ad legatum, secum ducentes Marcū filium, longi itineris futurum comitem. Acceptisque à legato literis, quas Tartarorum imperatori deferrent, in quibus plenius imperator edocebatur ea quæ fidem concernunt catholicam, abire iterum in orientem disponunt: illisque paululum ab Ancona digressis, nuntii ueniunt à Cardinalibus ad legatum indicantes illi se in summum electum Pontificem, postea Gregorium dictum. Quo audito ilico missis nuntiis Venetos reuocat, & ne abeant monet, parans alias illis literas, quas Tartarorum offerret summo principi, quibus & duos adiunxit fratres prædicatores, uiros probitate & literatura conspicuos, quorum unus Nicolaus, alius uero Guilelmus Tripolitanus uocabatur, qui tunc Anconæ moram trahebant, Abeuntes itaque unā uenerunt ad Glaciam portum maris in Armenia. Et quoniam Sultanus Babylonix tunc magno coacto exercitu Armenos inuaserat, cœperunt memorati fratres sibi timere, atque uiarum uolentes uitare discrimina & guerrarum pericula, cum magistro templi in Armenia manserunt: nam non semel in mortis periculum inciderunt. Nuntii uero Veneti omni sese periculo exponentes cum multis laboribus & magna difficultate ad Tartarorum imperatorem in ciuitatē quæ Clemenisū appellatur, peruenerunt: nam iter eorū hyemali tempore propter niues & frigora atque aquarum inundationes sæpe ad longum tempus impediēbatur. Porro rex Cublai audiēs eos aduentantes qui adhuc longissime aberēt, per quadraginta dietas nuntios illis obuiam misit, qui eos conducerent, & necessaria quæque pro itinere suppeditarēt.

Quomodo Veneti à Tartarorū imperatore suscepti sunt. Cap. VII

REGIS itaque curiam adeuntes, & ante conspectum eius ducti, prociderunt coram eo in faciem, reuerentiā consuetam exhibentes. A quo humaniter suscepti iubentur surgere, & qualiter uaria uiarū penetrarint discrimina, quidque cum Romano egerint Pontifice iubet enarrare. Illi uero cūcta ordine exponūt, & allatas Pontificis literas imperatori exhibent. Qua de re rex mirum in modum lætatus, fidelem illorum commendauit sollicitudinem. Oleū quoque de lampade dominici sepulchri allatū & oblatum accepit ab illis, & cū honore reponi iussit. Et cum intellexisset Marcum Nicolai esse filium, blanda facie illum suscepit, omnesque tres illos, patrē & filium, atque patruum tali dignatione prosecutus est,



tus est, ut ab omnibus aulicis deinceps suspicerentur, & in honore haberentur;

M. Paulus quàm gratus factus sit Tartarorum imperatori.

Cap. VIII.

M A R C V S itaque breui tempore in aula magni Cham Tartarorum ad-  
discens mores, atque quatuor uarias gentis illius linguas edoctus, quas nedum le-  
gere, uerum & scribere didicit, omnibus charus effectus est, & in primis impera-  
tori: qui ut hominis prudentiam magis conspicuam redderet, negotiū illi com-  
misit in longinqua expediendum regione, ad quam sex mensium spatio uix  
peruenire poterat. Ille uero prudenter in omnibus se gerens, non sine laude &  
principis gratia, quæ in mandatis acceperat transegit. Et sciens imperatorē ob-  
lectari nouitatibus, diligenter scrutatus est in regionibus quas pertransiuit, con-  
suetudines & mores hominum, conditiones & naturas animalium, atq; harum  
rerum ueridica relatione mirum in modum sibi deuinxit regem, ut etiam rex in  
magnis obeundis regni negotiis hoc uteretur per XVII annos uiro, mittens illū  
ad diuersas latissimi imperii sui terras. Is uero præter id quod regis exequebatur  
causas, etiam terrarum obseruabat proprietates, prouinciarum & ciuitatum con-  
siderabat situs, & quæ mira in locis uel contigerunt, uel inueniuntur calamo ex-  
cipiens, tandem nobis occidentalibus patefecit, id quod secundus liber explicat.

Quomodo Veneti post aliquot annos obtenta licentia redire  
disposuerint.

Cap. IX.

M O R A N T E S autem aliquanto tempore Veneti apud magnū Cham  
patriæ uisendæ accensi desiderio, à rege abeundi licentiam petunt. Is uero eorū  
oblectatus præsentia, difficile ad id inclinari potuit. Accidit tamē interea ut rex  
Indorum Argon nomine, tres insignes uiros mitteret ad curiam magni Cub-  
lai, quorum nomina fuerunt Culatai, Ribusca & Coila, qui agerent cum eo, ut  
aliquam ex prosapia sua ei traderet in uxorem: nam uxor eius Balgana nomine  
nuper mortua, in testamento reliquerat, & maritum adiurauerat, ne ab alia  
quàm à sua familia aliam duceret uxorem. Rex itaque Cublai illorum obsequi-  
us petitioni, puellam quandam XVII annorum, nomine Gogatim, è stemma-  
te suo progeneratam illis associat, inque uxorem Argonis consecrat. Nuntii uero  
cum reginā abducturi essent, & aduertissent Venetos patriam suam sitire, roga-  
bant Cublai regem, ut pro honore regis Argonis hos secum abire permitteret,  
qui nouam reginā in Indiam conducerent, & inde ad loca sua reuerterentur. Ille  
procèrum instantia & petitione deuictus, etiam inuitus Venetos abire permisit.

Quomodo Venetias redierint.

Cap. X.

S O L V E N T E S itaque à Cublai aula, quatuordecim paratas naues, &  
sufficienti commeatu oneratas, quarum quælibet quatuor malos atque totidem  
uela habebat, intrantes acceperunt à rege duas tabulas aureas regali caractere  
insignitas, quas per omne imperium suum, & per tam multas prouincias præ-  
fectis ostenderet, à quibus securum conductum uictualia, & alia necessaria per-  
ciperent. Adiunxit quoque illis ambasiatores aliquos ad summum Pontificem,  
& ad reliquos quosdam Christianos reges. Et nauigio hinc discedentes, post  
tres menses uenerunt ad insulam quandam Iana nomine, & inde per Indicum  
uagantes mare, post multum temporis ueniunt ad regis Argonis pallatium,



mare, post multum temporis ueniunt ad regis Argonis palatium, allatamque illi præsentant puellam. At ille filio suo hanc tradidit uxorem. Plurimi autem desiderati sunt ex his sexcentis uiris, quos pro adducenda puella rex ad tartarum misit, qui in itinere eundo & redeundo spiritum exhalarunt. Porro Veneti cum ambasiatoribus hinc recedentes, ab alio uicerege, qui regno pueri loco præerat Acata nomine, alias duas aureas & commenditias tabulas more gentis illius acceperunt, atque salui cum honore ex regno illo deducti sunt, & post multum temporis multis exantlatis laboribus, protegente domino Constantinopolim perueniunt, atque inde cum diuitiis & honorifico comitatu incolumes Venetias redierunt, anno scilicet domini, millesimo ducentesimo nonagesimo quinto, gratias agentes deo, qui eos de periculis multis liberatos saluos domum reduxit. Hæc à principio huius libri breuiter & summarie annotare libuit, ut lectori constet, quomodo, & qua occasione Marcus Paulus Venetus huius libri compilator, hæc quæ sequuntur omnia inuestigare potuerit.

De Armenia minori.

Cap. XI.

Glacia.

P R A E M I S S A generali itinerum nostrorum descriptione, nunc ad particularia descendentes, singulas regiones quas perambulando lustrauimus, de nouo reuidentes, quid in eis uiderimus & experti simus annotaturi. Igitur Armenia minor quam primo intrauimus, iustitiæ conseruatione, & bona gubernatione consistit. Habet regnum ipsum ciuitates multas & plurima oppida: solum quoque ipsum fecundum est, & terra nullius rei necessariæ indiga: uenationes bestiarum & auium illi non desunt: aer quoque ipse nulla corruptione infectus omnibus gratum præstat spiraculum. Incolæ uero regionis illius, qui olim strenui fuere bellatores, nunc otio torpentes molles & effœminati effecti, potationibus & luxui uacant. Est ciuitas quædam in hoc regno, iuxta mare sita, Glacia nomine, optimum habens portum, quod plurimi conueniunt mercatores ex uariis regionibus, etiam à Venetiis & Ianua propter uarias merces quæ illuc deferuntur, præsertim aromata diuersarum specierum, aliasque pretiosas quasdam opes ex orientalibus regionibus illuc nundinationis gratia delatas: nam est is locus ueluti porta quædam orientalium regionum.

De prouincia Turciæ,

Cap. XII.

T V R C I A prouincia collectæ gentis, continet populos ex Græcis, Armenis, & Turcis. Habent Turcæ linguam propriam, sub lege detestabilis Mahumeti uiuentes. Sunt homines indocti, rudes & agrestes, in montibus & uallibus habitantes, atque pascuosa loca cæteris præelicientes: nam habent greges magnos iumentorum atque porcorum: habent & mulos, sed illi in magno sunt ualore. Græci uero & Armeni qui inter illos habitant, ciuitates & oppida possident, operamque suam in sericum collocant. Habent autem ciuitates multas, inter quas præcipuæ sunt Gomo, Cæsarea & Sebaste, ubi beatus Basilius martyrium pro Christo suscepit, unumque ex Tartarorum regibus dominum agnoscunt.

De Armenia maiori.

Cap. XIII

A R M E N I A maior prouincia maxima, Tartaris tributaria, ciuitates multas habet atque oppida. Metropolis eius Arzinga uocatur, fitque ibi buchiranus optimus. Scaturiunt quoque ibi aquæ feruentes, corporibus humanis abluendis



abluendis & medendis sanissimæ. Aliæ uero insigniores post metropolim ciuitates sunt Argyron & Darzirim. AEstiuis diebus plurimi Tartari illuc diuertunt cum gregibus & armentis, uberioris pascuæ gratia illecti. Et rursus hyemali tempore ob niuium inundantiam ad tempus secedunt. In montibus huius Armeniæ remansit arca Noë. Habet hæc regio ab oriente confinē prouinciam Zorzaniarum. Ab Aquilone uero fons quidam magnus inuenitur, de quo liquor oleo similis scaturit, ad condimentū quidem cibi inutilis, lampadibus uero concinnandis & nutriendis, aliisque rebus inungendis commodissimus: unde uicinæ quæque nationes concurrunt, & de fonte illo omnes pro lucernis alendis haurire contendunt: tam enim indefinenter hic fons fluit, ut etiam multæ naues oleo eius oneratæ, in alias abducantur regiones.

Fons olei.

De prouincia Zorzania.

Cap. XIII.

ZORZANIAE prouincia Tartarorum regi tributa offert, cumque dominum suum agnoscit. Sunt autem Zorzanii homines pulchri, in armis strenui, atque in arte sagittaria periti. Sunt etiam Christiani, Græcorum obseruantes ritum. Capillos nutriunt breues, ut clerici occidentales. Est prouincia eorum aditu difficilis, præsertim ab oriente: illic enim arctissima est uia, ab uno latere habens mare, & ab altero montes, per quam quatuor leucarum spatium eundum est, donec in prouinciam ueniatur. Vnde pauci homines ibi magnum exercitum ab ingressu arcere possunt. Habent incolæ multas ciuitates & castra, abundantque serico, de quo pulcherrimos holosericos parant pannos. Quidam eorum labori manuali operam impendunt, alii uero mercimoniis distrahendis. Terra ipsa satis fertilis est: id mirabile aiunt in hac terra reperiri. Est lacus quidam magnus in ea, ab aquis montium collectus, uocatus mare \* Chelucelam, in gyro habens circiter sexcenta miliaria, qui per totum anni spatium nullos mittit pisces, præterquam per quadragesimam usque ad sabbatum sanctum. Distat is lacus à reliquis æquoribus duodecim dietis. Aiunt quoque Euphratem fluuium, & alia quædam flumina in hunc ruere lacum.

fort. Caspiū

De regno Mosul.

Cap. XV.

REGNUM Mosul ad orientem situm, partim confinē est Armeniæ maiori, habitantque in eo Arabes Mahumetum colentes, & multi Christiani, Nestoriani atque Iacobini: quibus præest patriarcha magnus, quem ipsi Iacelich uocant. Fiunt ibi panni pulcherrimi ex serico & auro. Cæterum in montibus huius regni habitant homines Cardi appellati, quorum quidam Nestoriani sunt, alii Iacobini, & quidam Mahumeti sunt sectatores, atque magni prædones.

De ciuitate Baldachi.

Cap. XVI.

EST IN partibus illis ciuitas quædam insignis Baldachum nomine, quæ in scripturis sacris Sufis appellatur, in qua manet prælatus magnus Saracenorum, quem ipsi Caliphum uocant. Non inuenitur in partibus illis nobilior quam illa sit ciuitas. Parantur ibi ex auro & serico pulcherrimi panni, iisque sub uaria habitudine. Anno ab incarnatione domini M CCL, magnus Tartarorum rex Allau obsedit, atque tam acriter oppugnavit hanc urbem, donec caperet eam. Erant tunc plura quam centum milia armatorum in ciuitate, sed Allau longior illis erat. Cæterum Caliphus urbis dominus turrim habebat plenam auro,

Hælonus.

B. iiii.



argento, & lapidibus pretiosis, atque reliquis iocalibus, sed auaritiæ stimulis fauciatus noluit collectum thesaurum in milites spargere, illisque munera largiri, ideoque ipse cum ciuitate periclitatus est: nam Allau rex obtenta ciuitate Caliphum cepit, & in turrim illam, in quam thesaurum suum reposuit, coniecit, negatque omni cibo & potu ait illi, Si thesaurum hunc non tam auare & tenaciter seruasses, te ipsum & ciuitatem liberasses: nunc igitur frui thesauro tuo, & ex eo comedere atque bibe, quem tantopere dilexisti. In hunc itaque modum miser ille thesauro suo incumbens fame periit. Transiit per hanc urbem fluuius quidam magnus, atque in oceanum Indicum se effundens, à cuius ostio urbs ipsa decem & octo distat diæis, ut citra magnum incommodum innumeræ merces ab India ad eam adduci possint. Porro fluuius ipse originem sumit à ciuitate Chisfi. Est quoque ciuitas alia inter Baldachum & Chisfi, Bascia nomine, quæ magno palmarum nemore circumdatur, de quo maxima dactylorum colligitur copia.

De ciuitate Taurisfi.

Cap. XVII.

IN ILLIS quoque partibus est Taurisium nobilissima ciuitas, in qua multiplices exercentur mercantiæ: nam sunt ibi gemmæ pretiosæ, panni auro texti atque holoserici cum aliis uariis mercibus. Et quoniam ciuitas in optimo sita est loco, conueniunt ibi plurimi negotiatores ex uariis mundi partibus, ab India, à Baldacho, à Mosulo & Cremosor: ex Latinorum quoque terris nonnulli nundinandi gratia illuc concedunt: nam mercatores plurimum hinc ditantur. Ciues Mahumetum uenerantur, licet quidam Nestoriani atque Iacobini etiam ibi inueniantur. Sunt in circuitu ciuitatis horti pulcherrimi & amœni, unde incolæ plurimos & optimos colligunt fructus.

Quomo miraculose mons quidam in alium locum fuerit translatus.

Cap. XVIII.

EST MONS quidam in regione illa haud longe à ciuitate Taurisfi, qui olim uirtute diuina à loco suo hac occasione dimotus est. Accidit semel ut Saraceni Euangelium Christi blasphemare uolentes, & ueluti uanam doctrinam Christianis impropere dicerent, Est scriptum in Euangelio uestro, Si habueritis fidem sicut granum sinapis, & dixeritis monti huic, transi hinc, & transibit, & nihil impossibile erit uobis. Nunc igitur si fides uestra caret errore, amouete montem hunc, & probate Euangelii uirtutem. Et quoniam Christiani sub perfidorum illorum dominio erant, cogeantur uel montem illum transferre, uel Mahumeticam subire legem: & si neutrum facerent, gladio ferirentur. Tunc uir quidam in Christi feruens amore & fide, confortauit pusillanimes, & fusa oratione ad dominum cum tota fiducia dixit monti, Abi hinc: quod uidente multitudine ilico factum est. De quo miraculo multi Saracenorum conuersi, Christum confiteri coeperunt.

Miraculum  
fidei.

De regione Persarum.

Cap. XIX.

PERSIA maxima & latissima est prouincia, fuitque olim nobilis & magni nominis: nunc uero à Tartaris dissipata obscurior est quam unquam fuerit: abiit tamen nomen eius in uiciniores quasque prouincias, ut etiam hodie Persidis prouincia octo complectatur regna: quorum primum uocatur Chasum, secundum Churdistan, tertium Lor, quartum Cielstan, quintum Instanich, sextum



sextum Zerazi, septimum Socham, octauum Timochaim, & est in finibus Persarum: suntque ibi equi magni & pulchri, ut etiam quandoque unus ueneat producentis libris Turonensibus. Ducunt autem eos negotiatores ad ciuitates Chisi & Curmosa, in littore maris sitas, unde in Indiam uenduntur. Asini quoque ibi sunt pulcherrimi & optimi, ut etiam unus uendatur pro triginta argenti ponderibus. Homines uero in regionibus illis pessimi sunt, rixosi, prædones & homicidæ, fidem Mahumeti profitentes. Mercatores passim occiduntur ab illis prædonibus, nisi cateruatim per itinera incedant. In ciuitatibus tamen sunt optimi artifices, qui in auro, serico, & opere acupictorio mira faciunt. Abundant bombice, tritico, hordeo, milio, aliisque frumenti speciebus. Vini quoque & fructuum habent ubertatem.

## De ciuitate Iasdi.

## Cap. XX.

**I A S D I** est ciuitas magna in eadem regione, in qua multæ fiunt mercantiæ. Habet quoque & ipsa subtiles artifices, qui in serico laborant. Colunt etiam Mahumetum. Ultra Iasdi per septem dietas non est ulla hominû habitatio usq; ad ciuitatem Crermam: sed sunt loca campestria atq; nemorosa, in quibus multæ sunt uenationes. Inueniuntur quoque ibi magni conatices, & hi in magna multitudine.

## De ciuitate Crermam.

## Cap. XXI.

**C R E R M A M** est ciuitas insignis, ubi in montibus plurimi reperiuntur lapides Turchisi uulgo appellati. Sunt quoque ibi mineræ chalybis & andanici. Item habent falcones nobiles, uolatum pernicissimum habentes, minores tamen falconibus peregrinis. Habet Crermam artifices diuersorum armorum, qui fabricant frena, calcaria, sellas, spatas, arcus, pharetras, & alia instrumenta iuxta usum patriæ illius. Mulieres uero distinentur opere plumario, facientes culcitra & ceruicalia speciosa. A Crermam ultra progrediendo itur per magnam planiciem, exactoque septem dierum itinere peruenitur ad descensum quendam, qui duorum dierum spatio uix tandem perficitur, uestigio semper in decliuum inclinato. In planicie multi inueniuntur perdices, itemque castra & oppida. In decliui uero descensu sunt arbores multæ & frugiferæ, sed non est ibi habitatio nisi pastorum. Habet hæc regio hyemali tempore intolerabile frigus.

## De ciuitate Camandu, &amp; regione Reobarle.

## Cap. XXII.

**V E N I T V R** post hæc ad planiciem quandam magnam, ubi ciuitas quædam sita est Camandu nomine, quæ olim magna fuit, sed nunc à Tartaris diruta est, retinuitque regio ab ea uocabulum. Inueniuntur ibi in magna copia datyli, pistachi, poma paradysi, atq; alii uarii fructus, qui in regionibus nostris non crescunt. Habet quoq; regio illa aues, quæ sincolinæ dicuntur, permisti coloris, albi scilicet & nigri, quarum pedes & rostra rubescunt. Habet item boues maximos, & in uniuersum candidos, cornua breuia & minime acuta in capite gestantes, camelino gibbo dorso eorum imminente, unde tam fortes redduntur, ut ad magna onera gestanda facile assuescant. Et cum clitellæ gibbo imponuntur, ut cameli genuflectunt, & rursus suscepto onere surgunt, sic ab hominibus edocti. Arietes illius regionis non minores sunt asinis, caudam ferentes tam longam & latam, ut triginta librarum pondus habeant. Sunt pulcherrimi & pingues, atq;

Boues gib-  
bosi.

Arietes ma-  
ximi.



ad esum optimi. Sunt præterea in huius regionis planicie multæ ciuitates & oppida, sed quæ muros habent luteos atq; incompositos, fortes tamen: Nam sunt in ea regione multi prædones, quos Caraonas uocant, habentque regem. Vtuntur hi prædones incantationibus: & quando ad prædam excurrunt, arte illa diabolica id efficiunt, ut aer interdum per magnum temporis spatium adeo obscuretur, ut à nemine uideri & caueri possint, prorogantque huiusmodi caliginem interdum quinque, & aliquando septem diebus, & interim campos peruagantes in maximo numero, ut etiam quandoque turma eorum decem milia grassatorum complectatur, in aciem bellatorum more se redigunt, & in latum diffusi sic procedunt, & quicquid obuiam illis uenit, homines & iumenta capiunt, iuuenes uenum exponunt, senes uero occidunt. Ego Marcus qui hæc scribo, semel in hanc incidi caliginem: & quoniam parum aberam à castro, quod Canosolim dicitur, facile periculum euadere potui ad castrum fugiendo. Plures tamen è comitiua mea in retiaculum illud dæmoniacum incidentes, partim uenditi, & partim interfecti fuerunt.

De campestribus formosis, & ciuitate Cormos.

Cap. XXIII.

PLANICIES illa de qua iam dictum est, meridiem uersus extenditur ad spatium quinque dietarum. In extremitate uero eius incipit uia sensim descendere, ut per uiginti miliaria semper in præceps cogaris ire: & est uia ipsa pessima, atque ob prædatores periculis non carens. Tandem uenitur ad campestria pulcherrima, quæ in longum ad duas dietas se extendunt, uocaturque locus ipse Formosa. Abundat terra illa riuis aquarum, & arboribus palmarum. Est quoque ibi copia diuersarum auium, præsertim papagaiorum, quæ citra mare non habentur. Hinc peruenitur ad mare Creanum, in cuius littore sita est ciuitas Cormosa, optimum habens portum, ad quem multi conueniunt negotiatores, ab India aromata, margaritas, lapides pretiosos, pannos aureos & holosericos, dentesque elephantorum, & alia pretiosa quæque afferentes. Est ciuitas illa regalis, habens sub se ciuitates & castra. Regio uero ipsa calida est & infirma. Si extraneus quispiam mercator in ea moriatur, rex terræ omnia eius confiscat bona. Vinum faciunt in illa terra ex dactylis, atque aliis optimis speciebus: tamen qui eo non sunt assueti, & primum bibere cœperint, uentris fluxum cient: qui uero assueti fuerint, mirum in modum pinguescunt. Incolæ loci non uescuntur pane triticeo & carnibus, sed comedunt dactylos, pisces salitos, & cepas. Naues habent non admodum tutas: nam non consolidant eas clauis ferreis, sed ligneis cum filis quibusdam, quæ fiunt ex corticibus nucum Indicarum. Hi cortices in modum corii parantur, unde fila scinduntur, & ex filis funes fiunt fortissimi, qui aquarum impetum & assultum ferre possunt, nec ab aquis facile corrumpuntur. Habent naues illæ unas arbores, una uela, unosque temones, nec nisi uno teguntur opertorio. Pice non linuntur, sed piscium sumine. Et cum in Indiam transsretant, equos & alia onera secum deferentes, multas amittunt naues, quod mare illud admodum tempestuosum sit, & naues ferro non sint communitæ. Incolæ illius regionis nigri sunt, Mahumetique legi addicti. Aestatis tempore, quando æstus intolerabiles sunt, non morantur in ciuitatibus, sed extra moenia habent uiridaria aquis irrigata, & per canalia huc illucque aquam trahunt, illicque



habitantes solis calorem aliquantulum subterfugiunt . Fit etiam non raro , ut à regione cuiusdam deserti , ubi nihil est præter sabulum , uentus quidam urens & uehemens spiret : & nisi homines ilico fugam caperent , nimio calore oppressi suffocarentur . Sentientes enim prima illius uenti spiracula , mox ad aquas confugiunt delitescuntque in eis , donec flatus expirauerit : atque in hunc modum ardorem illum ab arena allatum effugiunt . Fit quoque in hac regione , ut sementem non nisi in Nouembri in terram spargant , & in initio Martii segetem demetant , quo tempore etiam alii fructus maturescunt & colliguntur . Nam post Martium arborum folia & herbæ nimio calore percussæ exarescunt , ut per totam æstatem nec unum uiuens folium , nisi iuxta aquas inuenias . Mos est huius patriæ , cum quispiam paterfamilias mortuus fuerit , ut uxor eius relicta quatuor annis continuis eum lugeat , singulis diebus semel fletui uacans . Conueniunt etiam ad defuncti domum consanguinei eius & uicini quique , magno rugitu illius mortem deplorantes , atque acerbis facientes querelas .

De regione quæ est inter ciuitates Cremos & Crermam .

Cap. XXIIII.

VT ETIAM ad alias stylum uertam regiones , relicta iam India redeundum est mihi ad Crermam , ut hinc recto ordine progrediar ad eas quas uidi & lustraui terras . Igitur si gressum à Cremos uersus Crermam moueris , inuenies magnam & pulcherrimam quandam planiciem , nulla re quæ ad uictum pertinet carentem : præsertim tritico abundat : uerum panis ex eo confectus , ab iis qui eo non sunt assueti , comedi non potest , adeo amarus est , ab amara aqua illi impasta . Abundant etiam incolæ dactylis , & aliis suauibus fructibus . Habent insuper thermas contra scabiem , & alias multas ægritudines efficaces .

De regione inter Crermam & Cobinam sita .

Cap. XXV.

EVNDO à Crerma uersus ciuitatem Cobinam , occurrit iter tædiosissimum , quippe quod in longum ad septem extenditur dietas , nullas ferè habens aquas , nisi perpaucas , & has quidem salsas & amaras , uiridem præ se ferentes colorem , perinde ac si herbarum esset succus : & qui uel paululum ex eis delibaue-rit , uentris profluium euadere non potest . Idem fieri solet si quispiam gustet sal ex ea aqua confectum . Neceffe igitur est , ut uiatores aquam aliam secum portent , si modo non uelint siti periclitari . Iumenta quoque ipsa horrent , cum aquam illam bibere coguntur , nec uentris fluxum ubi biberint subterfugiunt . Nulla propterea est in illo deserto habitatio hominum neque ferarum , exceptis onagris , quod nec cibum , nec potum illic habere possint .

De ciuitate Cobinam .

Cap. XXVI.

COBINAM est ciuitas magna , copiam habes ferri , chalybis , & audanici . Fiunt ibi specula de chalybe pulcherrima & magna . Fit quoque ibi tutia quæ oculis medetur , & espondium , idque in hunc modum . Habet regio illa mineras , ex quibus terram fodiunt , & in fornacem ignitam proiectam decoquunt , desuper crate ferrea uaporem ascendentem intercipientem , in qua uapor conglutinator , tutia efficitur . Materia uero grossior , quæ in igne remanet , espondium uocatur . Sunt huius terræ incolæ Mahumeti sectatores .



De regno Timochaim, & arbore solis, quæ à Latinis arbor sicca uocatur.

Cap. XXVII.

**RELICTA** ad tergum ciuitate Cobina, occurrit desertum aliud, habens in longitudine iter octo dierum, estq; in eo ariditas magna: caret arboribus atq; fructibus: & aquæ quas habet amarissimæ sunt, ut etiam iumenta eas bibere recusent: & nisi uiatores aquam secum deferrent, siti periclitarentur. Superato uero hoc deserto uenitur ad regnum Timochaim, in quo multæ sunt ciuitates & castra. Est regnum illud confine Persidi à parte Aquilonis, crescitque in eius planicie arbor magna, arbor solis dicta, quæ apud Latinos arbor sicca uocatur. Hæc grossa est ualde, habetque folia quæ ex uno latere sunt candida, ex opposito uero latere sunt uiridis coloris. Fructus nullos præter entios producit, eosque in modum castaneæ buxini coloris. Patet campus ille circumquaque ad multa miliaria, ut nec unam in eo inuenias arborem. Aiunt Alexandrum Magnum ibi cum Dario conflixisse. Est autem tota terra regni Timochaim, saltem quæ inhabitatur, fertilis, & multarum rerum ferax, bonoque aere temperata. Habet etiam uiros pulchros, sed pulchriores mulieres. Mahumeti perfidiam sequuntur.

De tyranno quodam insigni & ficariis eius.

Cap. XXVIII.

**EST IN** terris illis regio quædam Mulete dicta, ubi dominabatur princeps quidam pessimus, Senex de montanis dictus, de quo multa audiui: & quæ relaturus sum, ab aliis multis regionis illius incolis didici, qui ita mihi dixerunt, Fuit princeps ille cum uniuerso populo suo, cui præerat, legi Mahumeti addictus. Is inauditam excogitauit malitiam: Nam homines quosdam ficarios seu gladiatores, quos uulgo Assasmos uocant, sibi adiunxit, & per illorum effrenem audaciam quoscunq; uoluit occidit, ut breui omnibus terrori esset. Porro id hac impostura effecit, Erat in terra illa uallis quædam amoenissima altissimis septa montibus, intra quam uiridarium plantauit maximum & pulcherrimum floribus odoriferis & fructibus suauibus, atque aliis delectabilibus refertum herbis. Extruxerat etiam in illo horto palatia quædam egregia mira decorata pictura, & quicquid illis ornamento esse potuit, adhibuit. Porro quæ ad totius corporis uoluptatē faciunt, non est opus ut multam de illis faciam mentionem, cum horto illi & palatiis non defuerint riuuli uarii, aqua, melle, uino & lacte fluentes, uaria musicæ artis instrumenta & melodiæ, choreæ, tripudia, palæstræ, uestes pretiosæ, & mirus apparatus omnium delectabilium rerum, quibus pro uoto fruebantur iuuenes quidam intra uiridarium positi, qui aliud nihil faciebant, quàm quòd uitam beatam uiuebant, tristitiæ nullum dantes locum. Erat proinde in introitu horti castrum fortissimum, diligenti munitum custodia, per quod solum, & per nullum alium locum patebat ingressus & exitus in hortum. Extra locum illum habebat senex ille, cui nomen erat Alaodin, iuuenes quosdam & uiros fortes, audaces atq; præfracti animi, quos ad hoc ipsum instituebat, ut animi sui detestabile exequerentur propositum. Curabat illos informari in nefaria lege Mahumetica, quæ obseruatoribus suis in uita futura carnales promittit uoluptates. Et ut eos obsequentiores sibi redderet, & ad omne uitæ periculum intrepidus, cum illi uideretur faciebat eis, uel quibusdam eorū, dari potum quendam, quo inescari dementes fiebant, & graui opprimebantur sopore, interimque in uiridarium ducebantur:



cebantur, & cum sopore soluto euigilarēt, & uiderent se tantis interesse deliciis, putabant se in paradyſum dei raptos, uiuereque cum Mahumeto legiſſatore ipſorum, & illis quæ promiſit perfrui gaudiis. Quid plura? Gaudebant ſe ex ſeculi miſeriis ereptos, & iam aliam atque felicem uiuere uitam. Sed cum paucis diebus his gaudiis interuiſſent, ſenex quibus uolebat iterum memoratum potum bibendum exhibuit, & demētatos extra paradyſum illam reduxit. Tunc illi ad ſe redeunt, & reminiſcentes quibus & quantis ad modicum tempus potiti fuiſſent gaudiis, ſupra modum dolebant, & triſtes efficiebantur quòd deliciis illis perpetuo frui non conceſſum ſit, mortem libenter ſubituri, modo hac uita tam modice deguſtata, ſemper uiuant. Tunc tyrannus ille, qui dei prophetam ſe eſſe mentiebatur, aiebat illis. Audite me, & nolite contriſtari: ſi parati eſtis, ut pro mea obedientia mortem intrepide, ubi illata fuerit, ſubeatis, participes uos pronuntio futuros illorum gaudiorum quæ ad horam uidistiſtis. At miſeri illi mortem lucrum putantes, nihil tam difficile aiunt iniungendum, quod pro illa beata uita conſequenda non libenter ſubeant. Abutitur igitur tyrannus ille his præ fractis hominibus ad innumera homicidia, quippe qui corporalem uitam proſtituentes, contemnebant etiam mortem ipſam, & paſſim ad tyranni iuſſum in regione illa ſic graſſabantur, ut omnibus hominibus eſſent formidini, & nemo inſaniæ illorum reſiſtere auderet: ſicque fiebat, ut multæ regiones, & potentes uiri tyranno illi tributarii fierent.

De interfectione memorati tyranni.

Cap. XXIX.

A N N O domini milleſimo ducentefimo ſexageſimo ſecundo, Allau rex Tartarorum, potenti exercitu tyranni illius caſtrum obſedit, cupiens tantum periculum è ſuis eliminare partibus. Et elapſi tribus annis cœpit illum cum omnibus Aſſaſinis ſuis: deſecerant enim illis uiſtualia: & funditus aboleuit locum, & homines interfecit.

De ciuitate Sopurgam & terminis eius.

Cap. XXX

R E C E D E N D O à præſato loco uenitur ad regionem quandam ſatis amœnam, quæ habet colles, planicies, & optima pascua, uberrimos denique fructus: eſt enim ſolum eius feraciſſimum: neque ullam habet penuriam præterquam aquæ: nam eundum eſt per quinquaginta aut ſexaginta miliaria donec aliquid aquæ inuenias, unde niſi uiatores aquam ſecum deferrent, ſæpe ſiti periclitarentur, id quod etiam iumentis accidere ſolet. Feſtinanter igitur regio ipſa percurrenda eſt, præſertim ubi tanta eſt terræ ariditas. Extra illam ſiccitatē habet regio illa multas ciuitates & oppida. Incolæ Mahumetum agnoſcunt. Poſt hæc uenitur ad ciuitatem Sopurgam, ubi omnium uiſtualium reperitur copia: præſertim abundant ibi pepones, quos filis diuidunt non ſecus quàm cucurbitæ diſſecantur, & deſiccatos ad proximas terras uendendos portant, à quibus auide comeduntur, cum mellis ferè habeant dulcedinem. Sunt etiam in regione illa plurimæ uenationes beſtiarum & auium.

De ciuitate Balac.

Cap. XXXI.

P R A E T E R E V N T E S inde uenimus in ciuitatem quandam Balac nomine, quæ olim magna & nobilis fuit, ſumptuoſa habens marmorea palatia, nunc uero à Tartaris diruta eſt. In hac ciuitate ferunt Alexandrum Darii regis

C. i.



filiam in uxorem accepisse. Hæc ab Aquilone terminatur ad Persidis prouinciam. Quod si hinc soluas & procedas inter orientem & Aquilonem, non inuenies ad duas dietas ullam habitationem: quia habitatores loci tot molestias à latronibus & prædonibus passi, coacti sunt fugere ad montana, loca scilicet tutiora. Inueniuntur ibi aquæ multæ, atque uenationes bestiarum plurimæ: sunt quoque illic leones. Viatores quoniam nihil alimenti in itinere inueniunt, uiualia secum deferunt, quæ pro duobus diebus illis sufficiant.

De regno Taicam & terminis eius.

Cap. XXXII.

EXACTO itinere duorum dierum quos memorauimus, occurrit castrum quoddam Taicam uocatum, ubi frumenti magna est copia, agerque ipse pulcherrimus. Sunt ibi quoque montes salis ad meridiem extensi, tam magni, ut totus mundus hinc sal sufficiens habere posset. Est autem sal ipsum tam durum, ut non nisi cum ferreis malleis è montibus erui possit. Quod si ultra ab isto loco procedas, inter plagam scilicet orientalem & aquilonarem eundo, post tres consummatas dietas uenies ad ciuitatem Scaffem, licet alia quoque oppida in itinere occurrant. Huius regionis incolæ omnes Mahumetum colunt: bibunt tamen uinum, cuius terra illa sicut & frumenti aquæ fructuum maxime est ferax: imo tota die nihil agunt, quàm quod calcibus euacuandis incumbunt. Est uinum illud coctum & optimum. Homines uero sunt pessimi, sed optimi uenatores: nam abundat terra eorum bestiis syluestribus. Nudi caput incedunt, nisi quod uiri chordula quadam longitudinis decem palmarum caput ligant. E bestiarum uero syluestrium, quas capiunt, pellibus indumenta sibi parant, sicut & caligas & calceamenta, nec aliis utuntur uestibus.

De ciuitate Scaffem.

Cap. XXXIII.

CIVITAS autem Scaffem in planicie est sita, habetque in circumiacentibus montibus multa castra. Fluit etiam per medium eius magnus quidam fluuius. Sunt in regione illa multi sues spinosi, qui cum capiuntur, spinis suis sæpe homines & canes lædunt: nam canes à uenatoribus in porcos prouocati, adeo irritant & commouent feras illas, ut simul concurrentes terga sua, quibus spinæ innituntur, uehementer commoueant, atque stimulos ipsos uehementia quadam excutiant, atque in uiciniores homines & canes uibrent. Habet gens illa linguam propriam, pastores eius morantur in montibus, uendicantes sibi cauernas pro habitaculis. Itur hinc per tres dietas ad prouinciam Balasciæ, atque intermedio itinere nulla humana occurrit habitatio. Neceffe igitur est ut uiatores cibum & potum secum portent.

De prouincia Balasciæ.

Cap. XXXIIII.

BALASCIA est prouincia magna: habetque linguam propriam, cultui Mahumeti dicata. Reges eius, qui iure hæreditario sibi inuicem succedunt, ab Alexandro Magno originem duxisse feruntur. Producit hæc eadem prouincia lapides pretiosos atque magni ualoris, qui à nomine regionis Balasci uocantur. Nemo citra capitis poenā audet huiusmodi lapides uel fodere: uel extra regionem asportare nisi cum licentia & consensu regis, omnes enim illi lapides regis sunt, & is mittit eos quibus uult uel pro dono uel pro solutione tributi, multos etiam commutat pro auro & argento. Usque adeo autem terra illis turgescit lapidibus,  
ut ad



ut ad regem parum hinc rediret emolumēti, si passim omnibus permitteret eos fodere & distrahere : nam sic lapis ipse uilius redderetur. Suppeditat quoque mons alius in hac prouincia lazulum, de quo fit azurum optimum, quale etiam in mundo non inuenitur. Elicitur autem ex mineris non secus ac ferrum : præbent quoque mineræ argentum. Regio ipsa ualde frigida est. Equos habet multos & optimos, magnos & ueloces, qui tam duras & fortes in pedibus habent plantas & ungulas, ut ferramento opus non habeant, etiam quantumlibet per saxa & montes currant. Abundat præterea regio ipsa uenatione bestiarum & auium. Habet quoque herodios, seu optimos falcones. Fert ager eius triticum optimum, hordeum & milium in magna copia. Oliui caret, sed ex nucibus & fosima oleum conficiunt. Incolæ extraneas gentes minime metuunt, eo quòd introitus in prouinciā sunt multum arcti, nec possunt in hostes facile irrumperre. Ciuitates eorum & castra arte & natura munita sunt. Sagittarios habent certos, & uenatores optimos. Induuntur ut plurimum corio : nam uestes laneæ & lineæ ibi haberi nequeunt, nisi pro magno pretio. Mulieres tamē nobiles utuntur pannis lineis & bombicinis.

De prouincia Basciæ.

Cap. XXXV

PROVINCIA Basciæ distat à regione Balasciæ decem dietis. Et est regio ipsa ualde calida : unde fit ut homines nigri sint, sed astuti atque mali. Linguam habent propriam : & in auribus gestant inares aureas & argenteas, atque margaritas. Vescuntur carnibus & riso : idololatræ sunt, incantationibus & dæmonum inuocationibus uacantes.

De prouincia Chesimur.

Cap. XXXVI.

PROVINCIA Chesimur distat à Bascia per dietas septem. Incolæ eius linguam propriam habent, & idololatræ sunt, idola consules, atque responsa à dæmonibus recipientes. Faciunt quoque arte diabolica, ut aer in caliginem condensetur. Bruni coloris sunt, hoc est, nigricantis : nam regio temperata est. Carnibus uescuntur & riso, & tamen macilentissimi sunt. Ciuitates ibi multæ sunt & oppida. Rex eorum nulli tributarius est, quia neminem timent, desertis undique uallati, quo fit ut difficilis ad eos sit accessus. Sunt in hac prouincia quidam eremitæ, qui in monasteriis & cellis idolis seruiunt, cum magna cibi & potus abstinentia deos suos honorantes, quos etiam plurimum reuerentur, & cauent ne eos offendant, nepharia illorum mandata transgrediendo. Vnde & uulgo in magno honore ii habentur eremitæ.

Monachi.

De prouincia Vocam, & montibus in ea altissimis.

Cap. XXXVII.

HIC IAM iterum occurret India, si iuxta priorem tramitem progredierer, sed quia illam in tertio libro descripturus sum, iam aliam uiam pergere statui, ad Balasciam scilicet redeunt, & hinc inter plagam Aquilonarem atque orientalem iter facientes. Igitur spatio duorum dierum uenitur ad flumen quoddam, ubi multa sunt castra & uillæ : & homines illorum locorum prohi sunt, & in armis strenui, sed Mahumetū colunt. Rursus spatio aliorum duorum dierum uenitur ad prouinciā Vocam, quæ subiecta est regi Balasciæ, ha-

Vocam.

C. ii.



bens in longum & latum spatium trium dietarum. Incolæ eius habent linguâ propriam, & colunt Mahumetum. Sunt etiam strenui bellatores atque boni uenatores: nam abundat regio illa syluestribus animalibus. Hinc si discedas ad orientalem plagam, ascendendum tibi erit per tres continuos dies, quousque peruenias ad montem altissimum, & quo altior non est in mundo. Ibi etiam inuenitur inter duos montes planicies quædam amœna, & in ea fluuius pulcherri-  
mus, iuxta quem optima sunt pascua, ita ut in illis equus aut bos macilentus decem dierum spatio pinguescat. Est ibi copia animalium syluestrium: præsertim inueniuntur ibi arietes syluestres maximi, longa habentes cornua, ex quibus uaria uasorum genera effinguntur. Continet planicies illa in longitudine spatium quod duodecim diebus peragrari potest, uocaturque Pamer. Sed si longius progrediare, deserti speciem præ se fert: nec est ibi ulla habitatio humana, aut ulla herba uirens. Coguntur itaq; uiatores secū ferre ea quæ illis sunt necessaria, pro corporis sustentatione. Nulla quoque ibi apparet auis, propter frigus, & nimiam terræ eleuationē, quæ pabulum nullum administrare potest animalibus. Ignis si quandoque ibi accendatur, obstante nimia regionis frigiditate, non est ita lucidus, nec adeo efficax in sua actione, ut in locis demissioribus. Hinc uia ulterius ducit inter orientem & Aquilonem per montes, colles atque ualles, in quibus multa inueniuntur flumina, nulla autem habitatio humana, nec ulla herba: uocaturque regio ipsa Belor, omni tempore hyemis effigiem præ se ferens, eaq; facies perseuerat, donec uiator quadraginta dietas absoluat. Pro tot etiam diebus necesse est ut uictum secum deferat. In montibus tamen altissimis hinc inde hominum habitationes conspiciuntur, sed qui pessimi & crudeles sunt, idololatriæ dediti, qui ex uenatione uiuunt & corio uestiuntur.

De prouincia Cassar.

Cap. XXXVIII.

POST HÆC peruenitur ad prouinciam Cassar, quæ magno Cham tributaria est. In ea sunt uineæ, uiridaria, arbores frugiferæ, bombix, & aliæ agrorum possessiones. Incolæ uero habent linguam propriam, & sunt negotiatores & artifices, atque lucri gratia per prouinciam discurrentes, adeoque auare diuitiis inhiant, ut uix satis de partis edere audeant. Mahumeti quoque legi parent, tametsi quidam Christiani Nestoriani ibi inueniantur, qui suas quoque habent ecclesias. Regio patet quinque dietarum spatio:

De ciuitate Samarcham, & miraculo columnæ in ecclesia facti.

Cap. XXXIX.

SAMARCHAM ciuitas magna & egregia est in regione illa, tributaria nepoti magni Cham. In hac habitant Christiani cum Saracenis, hoc est, Mahumetanis. Accidit uero his temporibus in ea diuina uirtute tale miraculum. Frater magni Cham, nomine Cigatai, qui regioni illi præfuit, persuasus à Christianis baptismi suscepit sacramentum. De quo Christiani gaudentes, fauore illius ædificauerunt basilicam magnam in illa urbe, in honore diui Ioannis Baptistæ. Porro architecti ecclesiam illam tali fabricauerunt ingenio, ut tota eius testudo uni niteretur marmoreæ columnæ, quæ medium ecclesiæ tenuit locum. Habebant tunc Saraceni insignem lapidem, qui omnibus modis ad hoc quadrabat, ut basis loco præfatam sustineret columnam. Raptus igitur à Christianis



Christianis, in fundamento columnæ locatus est. De quo Saraceni dolentes hiscere non audebant, cum princeps ad hoc ipsum annuisset. Factum est autem, ut aliquanto post tempore princeps ille moreretur, & illi filius eius succederet in regno, non autem in fide. Tunc Saraceni ab eo obtinuerunt, ut Christiani lapidem illum, quem columnæ supposuerant, reddere cogerentur. Et cum illi pretium satis dignum offerrent, recusarunt Saraceni quicquam aliud accipere quam lapidem. Quod hac impostura faciebant, ut Christianorum ecclesia funditus destrueretur. Christiani itaque uidentes durum esse contra stimulum calcitrare, aliud confugere nequiverunt, quam ad deum, & ad sanctum suum Ioannem Baptistam, quem lachrymosis oculis inuocare cœperunt. Adueniente itaque die quando lapis sub columna auferendus erat, ne ecclesia diutius maneret, nutu diuino longe aliud accidit, quam perfidi sperauerant Saraceni. Siquidem columna ipsa adeo subleuata est ab ipsa basi, ut trium palmorum spatium inter utriusque lapidis superficiem intercefferit, & columna ipsa iam testudinem ecclesiæ non ferret, sed uiceuersa testudo columnam portaret, id quod in hunc usque diem perseverat.

De prouincia Carcham.

Cap. XL.

R V R S V M ab hac urbe digressi uenimus in prouinciā Carcham, quinque quasi dierum itinere in longum procedentes. Hæc omnium uictualium habet copiam, subiecta dominio nepotis magni Cham. Incolæ Mahumetum colunt. Habitant tamen inter eos quidam Christiani Nestoriani.

De prouincia Cotam.

Cap. XLI

P R O V I N C I A Cotam sequitur prouinciam Carcham, sita inter plagam orientalem & aquilonarem. Subiecta est dominio nepotis magni Cham, habetque ciuitates & oppida multa. Metropolis eius uocatur Cotam. Extenditur prouincia in longum itinere octo dierum. Nullius rei quæ ad uictum pertinet in ea est defectus. Habet copiam bombicis, atque uineas multas & optimas. Homines uero sunt imbelles, sed boni artifices & negociatores. Mahumetum agnoscunt.

De prouincia Peim.

Cap. XLII.

P R O G R E D I E N T I B V S ultra per eandem plagam occurrit prouincia Peim, extensa in longum quinque dierum itinere. Subiecta est magno Cham, habetque multas ciuitates & castra. Metropolis eius uocatur Peim, iuxta quam currit fluuius, in quo pretiosi inueniuntur lapides, nempe iaspides & chalsedonii. Incolæ regionis reuerentur Mahumetum, & sunt eximii artifices atque negociatores. Abundant bombice, & uictualium habent copiam. Est consuetudo in hac prouincia, quando maritus quispiam ob certam causam in alium locum commigrat, & infra uigesimali diem domum non redit, licebit uxori alium accipere maritum priore relicto. Id idem licitum est uiro, posteaquam domum reuersus fuerit, ut scilicet impune matrimonium cum alia contrahat uxore.

De prouincia Ciartiam.

Cap. XLIII.

P O S T H A E C uenitur ad prouinciam Ciartiam, quæ est sub dominio magni Cham, habetque ciuitates & castra multa. Metropolis eius, unde etiam ipsa denominata est, uocatur Ciartiam. Reperiuntur ibi in fluminibus multi

C. iii.



lapides pretiosi, præsertim iaspides & chalcedonii, quos negotiatores deferunt ad prouinciam Cathai. Est prouincia Ciartiam multum sabulosa, plurimas habens aquas amaras, unde sterile solum redditur. Quando extraneus aliquis exercitus hanc transit prouinciam, incolæ eius omnes cum uxoribus, filiis, animalibus, & cuncta suppellectile fugiunt in aliam regionem uiciniorē, ubi pascua & aquam bonam inueniunt, ibique morantur donec hostium exercitus transierit & cum hostium effugiunt conspectum, uentus adeo delet uestigia eorum arenæ impressa, ut superuenientes hostes illorum iter nequaquā explorare possint. Si uero Tartarorum exercitus, quibus subiecti sunt, eorum pertransierit terram, ipsi non fugiunt, sed animalia duntaxat in alium abigunt locum, quod Tartari pro acceptis uictualibus nihil rependant. Recedendo ab hac prouincia, sabulum quinque dierum spatio terendum est, ubi nulla ferè alia aqua, quàm amara inuenitur, donec perueniatur ad ciuitatem Lop nomine. Et nota quòd omnes iam memoratæ prouinciæ: nempe Cascar, Carcham, Cotam, Peim, & Ciartiam usque ad ciuitatem Lop, ponuntur intra magnæ Turchiæ terminos.

De ciuitate Lop & deserto maximo.

Cap. XLIIII.

LOP EST ciuitas magna, ad introitum deserti magni, inter orientem & Aquilonem sita. Incolæ eius Mathumetum colunt. In ea faciunt sibi mercatores, qui desertum transire cupiunt, parare cuncta necessaria. Quiescunt etiā in ea aliquantisper, prouidentes sibi de fortibus asinis & camelis, quos uictualibus onerant. Et quando in deserto uictualia deficere incipiunt, interficiunt asinos, uel in deserto relinquunt: quia non poterunt amplius illis de pabulo prouidere quousque desertum superauerint. Camelos tamen libentius seruant, quòd pauco sustententur cibo, & graui onera ferant. Offert desertum illud magnum uiatoribus aliquando aquas amaras, sed frequentius aquas dulces, ut ferè singulis diebus per illos triginta dies, quibus desertum ipsum uix pertransiri potest, aquam recentem inueniant: sed quæ interdum adeo modica est: ut non omnibus mercatoribus simul euntibus sufficiat. Est desertum illud multum montuosum: & ubi ad planiciem peruenitur, illic per sabulum eundum est. Est in uniuersum sterile & squalidum, nullumque propter pabuli penuriam animalibus præstat habitaculum. Cernuntur & audiuntur in eo interdiu, & sæpius noctu, dæmonum uariæ illusiones. Vnde uiatoribus summe cauendum est, ne multum ab inuicem seipsos dissociant: aut aliquis à tergo sese diutius impediatur: alioquin quamprimum propter montes & colles quispiam comitum suorum aspectum perdiderit, non facile ad eos perueniet: nam audiuntur ibi uoces dæmonum, qui solitarie incedentes propriis compellant nominibus: uoces fingentes illorū quos comitari se putant: & à recto itinere abductos in perniciem deducunt. Audiuntur interdum in aere concentus musicorū instrumentorū, sed frequentius sonitus tympanorū. Est igitur huius deserti transitus periculis plenus.

De ciuitate Sachion, & combustione corporum mortuorum.

Cap. XLV.

SUPERATO deserto peruenitur ad ciuitatē Sachion, quæ sita est in ingressu prouinciæ magnæ Taguth ubi inter Mathumeti cultores pauci inueniuntur Christiani Nestoriani. Sunt quoque ibi plurimi idololatæ qui etiā linguam propriam



propriam habent. Urbis huius incolæ negotiationibus non uacant, sed de fructibus terræ uiuunt. Habet denique urbs ipsa multa monasteria diuersis idolis consecrata, in quibus multa offeruntur sacrificia, & dæmonibus magna à populo exhibetur reuerentia. Et quando homini filius aliquis nascitur, statim commendat eum idolo alicui, atque in honorem eius anno illo in domo sua nutrit arietem, quem anno à natiuitate filii reuoluto, proximo illius idoli festo unà cum filio offert cum multis ceremoniis & magna reuerentia. Postea coquuntur carnes arietis, & idolo denuo offeruntur, dimittunturque ante idolum tandiu suspensæ, donec completæ fuerint nefande orationes, quas ante ipsum iuxta consuetudinem suam murmurare solent. Et in primis rogat pater idolum cum magna instantia, ut filium sibi commendatum conseruet. Officio finito, immolatas carnes ad locum alium deferunt, & consanguinei illius omnes pariter congregati, carnes illas cum magna religione comedunt: ossa uero decenter in uasculo quodam conseruant. Cæterum in mortuorum parentatione his utuntur ceremoniis. Curant proximi quique ut corpora exanimata comburantur in hunc modum. Primo interrogant astrologos, quando mortuus in ignem sit coniiciendus. Tum illi quærent quo anno, quo mense, die & hora is qui in fata concessit, sit natus: constellationeque perspecta, indicant diem quando sit comburendus. Alii uero mortuū corpus aliquot diebus reseruant, aliquando septem diebus, quandoque per mensem, nonnunquā per sex menses, domi capsam illi parātes, & tali ingenio latera compaginantes, ut nullus foetor ex ea exalare possit. Corpus etiā ipsum aromatibus condiunt, & capsam pulchre depictam panno pretioso operiunt: & singulis diebus quibus cadauer domi tenetur, hora prandii mensa iuxta capsam præparatur, uino & cibis per integræ horæ spatium desuper positis, putantes defuncti animam de appositis manducare. Et quando defuncti corpus est efferendum, astrologi consuluntur qua ex parte id sit faciendum. Nam si porta aliqua dum construeretur caruit bonis fatis, illam indicant fugiendam atque incongruam per quam mortuorum cadauera efferantur, indicantque aliam quæ huic rei accommoda sit, aut nouam iubent in pariete fieri aperturam. Dum uero funus per ciuitatem portatur, lignea tuguria in uia construuntur, atque sericis & aureis pannis cooperiuntur: & cum defuncti cadauer ante ea portatur, effundunt in terram uina & delicata cibaria, putantes defunctum in alia uita his recreari rebus. Antecedunt etiam funus ipsum uaria instrumenta musices, in quorum concentu maxima est iucunditas. Et cum ad locum combustionis uentū fuerit, scribunt & pingunt super chartas imagines uirorum ac mulierum, itémque multorum denariorum, quæ omnia simul cum cadauere comburuntur. Aiunt enim defunctum illum tot seruos & ancillas, animalia & denarios in alia uita habiturum, quot cum eo fuerint imagines combustæ, uicturusque sit perpetuo in diuitiis illis & honore. Hanc superstitionem seruat ferè ubique cæcitas paganorum in partibus orientis, cum cadauera defunctorum comburunt.

De prouincia Camul.

Cap. XLVI.

CAMVL prouincia est intra magnam prouinciam Tanguth, subiecta imperio magni Cham, habens ciuitates multas & oppida. Attingit autem terra Camul duo deserta, magnum scilicet, de quo iam supra diximus, & aliud

C. iiii.

Dæmonum  
cultus.

Funerandi  
mos.



Hospitalitas  
mira.

quoddam minus. Abundat hæc prouincia his quæ pro uitæ sustentatione homo opus habet. Habent incolæ huius regionis linguam propriam, & ad aliud non uidentur nati, quàm uacare ludis & tripudiis. Idololatræ sunt & cultores dæmonum, ad hoc ab ipsis persuasi, quando uiator quispiam pertransiens ad domum alicuius hospitii gratia diuertit, suscipit eum paterfamilias cum magno gaudio, atq; præcipit uxori & toti familiæ, ut quandiu ille apud eos manere uoluerit non excludatur, sed illi in omnibus obediant. Ipse uero interim discedit, non reuersurus quandiu hospes in ædibus suis manserit. Et uxor interim paret hospiti ut marito suo. Sunt mulieres illius regionis formosæ: & uiri à diis suis hac dementati sunt stultitia, ut putent sibi gloriosum esse si eas uiatoribus prostituant. Tempore uero quo regnauit Moguth magnus Cham & rex omnium Tartarorum, audita hac populi Camul stultitia, mandauit ipsis ne amplius seruarent hanc detestabilem consuetudinem, sed potius uxorū suarum custodientes pudicitiam, communia pararent hospitia, in quæ aduenæ & superuenientes diuerterent uiatores, & prouinciam tanta non scedarent turpitudine. Viri uero Camul audito hoc regis mandato, plurimum sunt contristati, missisque nuntiis & muneribus, instantissime rogarunt, ut tam graue reuocaret edictum, & traditionem illam, quam à suis senioribus ueluti per manus acceperunt, non aboleret, maxime cum comper tum haberent se propter illud hospitalitatis beneficium deorum suorum consequutos gratiam, & terram nunquam deorum munere sua destitutam fecunditate. Rex uero Moguth audita querela, acquieuit petitioni illorū, & reuocās mandatum dicebat, Quod ad me attinet, uobis mandauit ut detestabilem illam & toto orbe inauditam aboleretis consuetudinem: sed quia opprobrium honorem ducitis, habete opprobrium ut optastis. Nuntii itaq; alias portantes literas, quæ priores cassauerunt, uniuerso populo magnum attulerunt gaudium. Et is mos usque in hodiernum diem à populo illo custoditur.

De prouincia Chinchintalas.

Cap. XLVII.

P O S T prouinciā Camul sequitur prouincia Chinchintalas, quæ ab Aquilone confinis est deserto, habetque in longitudine iter sexdecim dierum, subiecta dominio magni Cham. Habet ciuitates & castra multa. Populus eius in tres diuisus est sectas. Pauci quidem confitentur Christum, & hi sunt Nestoriani: alii Mahumetum colunt, tertii idola adorant. Est in hac prouincia mons, in quo inueniuntur mineræ chalybis & audanici: itémque salamandræ, de quibus fit pannus, qui si in ignem proiectus fuerit, non comburi potest. Fit autem pannus ille de terra in hunc modum, ut quidam è sociis meis, uir singulari præditus industria, Curficar nomine, Turchus me edocuit, qui in prouincia illa mineralium operi præfuit. Inuenitur in monte illo minera quædam terræ, quæ fila producit lanæ haud dissimilia: & hæc ad solem deficcata in mortario æneo terūtur, deinde lauātur, & quicquid terrenum illis adhæret submouetur: demum fila illa sic purgata & attenuata, ut alia lana nentur, atque in pannum contextuntur. Et quando pannos illos uolunt dealbare, proiiciunt eos ad horam in ignem, & tunc ex flammis illæsi educūtur niue candidiores. Haud secus purgant eos, quando maculas aliquas contraxerint: nam lotura alia præter ignem illis non adhibetur. De salamandra uero serpente, qui in igne uiuere dicitur, nihil explorare potui

in



in orientalibus regionibus. Aiunt Romæ mappam quandam haberi, ex salamandra contextam, in qua sudarium domini inuolutum retinetur, quam rex quidam Tartarorum Romano misit pontifici.

De prouincia Suchur.

Cap. XLVIII.

A' TERGO relicta prouincia Chinchintalasi, ducit iter ad orientem, & per decem continuas dietas nulla reperitur habitatio, nisi in paucis locis, quibus superatis, uenitur ad prouinciam Suchur, quæ plures habet habitationes & oppida. Metropolis eius uocatur Suchur. In hac prouincia inter multos idololatræ pauci inueniuntur Christiani. Sunt autem omnes magno subiecti Cham. Negotiationibus non uacant, sed de fructibus terræ uiuunt. In cunctis huius prouinciæ montibus inuenitur reubarbarum, quod inde per mercatores ad diuersas mundi portatur terras.

De ciuitate Campition.

Cap. XLIX.

EST CAMPITION ciuitas magna & insignis, principatum habens in regione Tanguth. Sunt in ea Christiani, Mahumetani, & idololatræ. Habent idololatræ multa monasteria, in quibus idola sua colunt. Porro idola illa sunt formata uel ex lapide, uel ex ligno, uel ex luto, desuper deaurata. Inter hæc quædam sunt tam magna, ut decem passus contineant longitudine, terræ ac si supini iacerent affixa, iuxta quæ parua sunt posita idola, quæ maioribus reuerentiâ exhibere uidentur. Habent hæc idolorum portenta etiam suos sacrificulos & religiosos, qui cæteris honestius uiuere uidentur: nam quidam seruant castitatem, multumque cauent ne deorum suorum legem præuaricentur. Totum anni circulum per lunationes computant, nec alios habent menses, aut hebdomas præter lunares. In his lunationibus obseruant quinque continuos dies, in quibus nullam bestiam uel auem occidunt, nec carnem comedunt: uiuunt etiam honestius quam in reliquis diebus. Habent idololatræ in hac ciuitate hunc morē, ut quis triginta aut plures ducat uxores, iuxta quod multas nutrire potest: prima tamen cæteris dignior habetur, & magis legitima censetur. Non recipit uir ab uxore dotem, sed ipse in animalibus, uel seruis, aut pecunia iuxta possibilitatem suam conuenientem assignat dotem. Si uxor uiro fiat odiosa, licitum est illi eam à se repudiare iuxta quod ei libuerit. Accipiunt etiam uxores in secundo gradu sibi attinentes, similiter nouercas. Et multa peccata quæ apud nos grandia censentur, apud illos licita reputantur. Viuunt in multis non secus quam bestię, ut satis mihi mores eorum sunt perspecti, qui unâ cum patre meo atque patruo per anni spatium ob quædam negotia in hac ciuitate mansi.

De ciuitate Ezina, & alio deserto magno.

Cap. L.

A' CIVITATE Campition itur per duodecim dietas usque ad Ezinâ ciuitatem, quæ affinis est arenoso deserto Aquilonem uersus. Sunt ibi cameli multi, & alia animalia multa, atque aues diuersi generis. Incolæ uero idololatræ sunt, de terræ fructibus uiuentes, & à negotiationibus abstinentes. Præparant quoque sibi uiatores in hac ciuitate commeatum, qui uolunt transire per desertum illud magnum, quod uergit ad Aquilonem, & non nisi quadraginta dierum spatio pertransiri potest. Nulla inuenitur in hoc deserto uirens herba, sicut nec ulla habitatio, nisi perrara in montibus quibusdam & uallibus, ubi aliqui homines æsta-



tis tempore morantur. In quibusdam etiam locis inueniuntur feræ syluestres, præsertim onagri, qui ibi in magna discurrent multitudine. Omnes autem iam memoratæ prouinciæ pertinent ad prouinciā magnā Tanguth.

De ciuitate Carocoram, & origine domini Tartarorum.

Cap. LI.

Vncham.

SVPERATO memorato deserto, peruenitur ad ciuitatem Carocoram, quæ est ad Aquilonarem plagam, unde originem duxit Tartarorum dominiū. Nam habitauerunt primum in campestribus regionis illius, carentes ciuitatibus & oppidis, solum pascua quærentes, & aquas pro pecoribus nutriendis, nec habebant de gente sua principē, sed tributa pendebant magno cuidam regi Vncham nomine, quem hodie uulgo presbyterum Ioannem uocāt. Sed indies incrementa fumentes, & seipsis fortiores euadentes, cœpit rex Vncham timere, ne aliquando ab ipsis offenderetur, atque in rebellionem prorumperent. Vt igitur potentia eorum minueretur, cogitabat operæpretium se facturum, si illos ab inuicem in partes secerneret, atque in diuersas regiones collocaret. At illi nolentes à se inuicem disgregari, transferunt omnes pariter in desertum uersus plagam Aquilonarem, magnam occupantes regionem, in qua tuti esse possent, nec regem suum timerent, negato etiam illi tributo.

Tartari regem ex seipsis eligunt, & discordia inter eum & regem

Vncham nascitur.

Cap. LII.

PAVCIS transactis annis, Tartari omnium consensu eligunt ex seipsis uirum probum & sapientem in regem, Chinchis nomine, anno scilicet domini MCLXXXVII, cui coronam imponentes, & omnes circunquaq; qui de gente illa erant concurrentes, uoluntario animo illi obedientiam & subiectionem pollicentur. Ille igitur ut erat uir prudens, subiectos optime gubernabat, atque breui tempore octo prouincias cepit, & regno suo adiecit. Et quando ciuitatem aliquam aut castrum cepit, neminem sinebat occidi, aut rebus suis spoliari, qui saltem imperio suo sponte se submittebat, atq; secum ad alias proficiscens ciuitates, illi operam suam libens impendebat. Hac itaque humanitate usus, effecit ut mirum in modum ab omnibus amaretur. Itaque uidens se in tanta sublimari gloria & potentia destinatis nuntiis ad regem Vncham, cui quondam tributa pendebat, rogabat ut illi filiam suam in uxorem collocaret. Quod ille ægerrime ferens, cum indignatione respondit, Malo filiam meam Vulcano consecrare, quàm seruo meo dare in uxorem. Et eiectis Chinchis nuntiis aiebat, Dicite domino uestro, Quia ad tantam creuisti superbiam, ut præsumens petere filiam domini tui in uxorem, en ne potiaris uoto tuo, faciam eam amara interire morte.

Vincitur rex Vncham à Tartaris.

Cap. LIII.

AVDIENS uero rex Chinchis molestam regis Vncham responsionem congregato magno exercitu, profectus est hostili animo contra regem Vncham, castraque posuit in planicie quadam magna Tanduc nomine, & mittens ad regem, denuntiat illi ut se defenderet. At ille ueniens cum maximo exercitu, descendit ad campestria, & castra sua posuit iuxta castra Tartarorum. Tunc Chinchis Tartarorum rex præcepit incantatoribus & astrologis suis, ut illi indicarent qualem



qualem euentum prælum futurum esset habiturum . Tunc astrologi scindentes arundinem per longum in duas partes, posuerunt diuisiones ipsas in terram, unamque uocauerunt Chinchis & alteram Vncham, dixeruntque regi, Interim quo nos inuocationes legerimus deorum, nutu ipsorum fiet, ut hæ duæ partes arundinis adinuicem pugnent . Et cuius pars super alteram ascenderit, ille rex uictoriã in prælio obtinebit. Multitudine itaq; ad spectaculum illud concurrente, cœperunt astrologi murmurare præcationes suas & legere incantationes, & mox commoræ sunt partes arundinis contra se pugnantes, donec tandem pars Chinchis ascenderet super partem Vncham, Quo uiso, Tartari de futura certiores facti uictoria confortati sunt . Tertia igitur die prælum commissum est, & multis utrinque cadentibus, uictoria tandem penes Chinchin remansit. Sicq; factum est, ut Tartari regnum Vncham penitus sibi subiugarint. Regnauit autem Chinchis post mortem Vncham sex annis, in quibus multas acquisiuit provincias : & cum ultimo castrum quoddam expugnare moliretur, accessissetque propius, sagitta in genu percussus, interiit, sepultus in monte Alchai, ubi & reliqui Tartarorum principes huius successores, & qui de eius sunt progenie omnes sepeliuntur, etiam si centum dierum spatio funus fuerit adducendum.

Catalogus regum Tartarorum, & de sepultura eorum in monte Alchai.  
Cap. LIIII.

PRIMVS Tartarorum rex uocatus est Chinchis, secundus Cui, tertius Barchim, quartus Allau, quintus Mongu, sextus Cublai, qui modo rerum potitur, cuius potentia maior est quàm omnium suorum prædecessorũ : imò omnia Christianorum regna atque Saracenorum si unum essent regnum, uix adæquarent regnum Tartarorum, id quod suo loco manifestius fiet, ubi potentiam eius & dominium descripsero . Porro quando corpus magni Cham tumultandum deferretur ad montem Alchai, hi qui ipsum ad sepulturam comitantur, perimunt passim eos quos in uia obuios habent, dicentes, Ite & domino nostro regi seruite in alia uita. Tanta enim insania percussi sunt à Satan, ut credant taliter occisos, in futura uita regis obsequio mancipandos . Nec modo sic contra homines insaniunt, uerum & in equos sæuiunt, quos obuiam uenientes iugulant unà cum defuncti regis optimis equis, putantes illos regi usui futuros . Quando corpus magni Cham Mongu huius prædecessoris ad montem Alchai sepeliendum ductum fuit, milites funus concomitantes, feruntur circiter uiginti milia hominum prædicta occasione interfecisse.

Crudelis superstitio.

De generalibus moribus & consuetudinibus Tartarorum.  
Cap. LV.

MVLIERES Tartaræ uiris suis fidelissimæ sunt . Absurdum est apud eos & intolerabile uitium, si quispiam ad proximũ sui uxorem præsumat accedere : & hoc unico studio apud eos cauetur, ne alter alteri in hac re iniuriam inferat. Id tamen apud eos honestum & licitum ducitur, ut quisque tot ducat uxores quot nutrire potest, licet prima cæteris principalior & honorabilior iudicetur. Præter sorores omnes consanguineas quæ in lateralibus lineis comprehenduntur



ducunt uxores, etiam nouercam, si pater mortuus fuerit. Sic fratre defuncto licet superstiti fratri fratris relictam ducere uxorem. Viri ab uxoribus non recipiunt dotes, sed ipsi uxoribus atque earum matribus dotes assignant. Propter uxorum multitudinem, Tartari plurimos habent filios. Nec est uxorum multitudo Tartaris admodum onerosa, cum illæ suis laboribus multa lucrentur. Sunt præterea ad familiæ gubernationem, & ad ciborum præparationem multum sollicitæ. Non minori cura reliqua domus exequuntur officia. Viri uero uenationi, aucupii atque armorum exercitiis sunt intenti. Nutriunt Tartari multos greges bouum, ouium, & aliorum iumentorum atque pecorum, & cum illis morantur in locis pascuosis, æstate quidem in montibus & frigidioribus locis ubi pascua & ligna inueniunt, hyeme uero ad calidiores regiones se trasserunt, ubi pabulum pro animalibus inueniunt. Domunculas habent in modum tabernaculorum filtro opertas, quas secum deferunt quocunque migrant. Nam possunt eas plicare & extendere, leuare & deponere. Ostia earum semper Austro obuertunt. Habent quoque quadrigas filtro coopertas, quæ à camelis trahuntur, in quibus uxores, filios & utensilia necessaria secum uehant, atque à pluuiarum iniuria defendunt.

De armis & uestibus Tartarorum.

Cap. LVI.

**A R M A** quibus Tartari prælii tempore induuntur, non sunt ex ferro fabricata, sed ex corio forti atque solido parata, quale est corium bubalorum & aliorum animalium quæ habent duriora tergora. Sunt sagittarii optimi, à pueritia ad arcuum exercitia assueti. Utuntur etiam clauis & gladiis, sed rarius. Illi qui cæteris ditiores sunt, utuntur indumentis sericis & aureis, & sub his deferunt pelles delicatas uulpium, aut armelinorum, aut aliorum animalium, præsertim quæ uulgo Zebellinæ uocantur, quæque reliquis pellibus pretiosiores iudicantur.

De cibis Tartarorum.

Cap. LVII.

**V E S C V N T V R** Tartari cibis grossioribus, præsertim carne, lacte & caseo. Inhiant quoque uenationibus tam mundorum quam immundorum animalium. Nam equos & canes comedunt, atque reptilia quædam quæ in magna copia apud illos inueniuntur. Bibunt lac equarum, quod taliter præparant, ut uideatur esse uinum album, non admodum insipidus potus. Vocatur ab ipsis Chuinis.

De Idololatria & erroribus Tartarorum.

Cap. LVIII.

**C O L V N T** Tartari pro deo numen quoddam ab illis confictum, quod Natagai uocant, putantque illud deum esse terræ, qui curam de ipsis ac filiis eorum, de fructibus terræ atque gregibus pecorum gerat. Hoc numen in maximo habent honore, nec est aliquis qui in domo sua illi non imaginem dedicauerit. Et quoniam credunt numini Natagai esse uxorem & liberos, collocant etiam ipsi iuxta penates suos imagunculas quasdam uxoris ac filiorum loco: uxoris quidem simulachrum ad sinistram, & filiorum imagines ante faciem idoli collocantes. His idolis magnam exhibent reuerentiam, præsertim quando uadunt ad prandium & cœnam: tunc enim antequam ipsi comedunt, perungunt ora imaginum pinguedine carnis coctæ, & partem prandii aut cœnæ extra domum in honorem illorum ponentes, credunt deos hinc cibari. Quo facto, ipsi ad mensam euntes comedunt. Si Tartari alicuius moriatur filius, qui nondum duxit uxorem, & item

Coniugium inter mortuos.

alterius



alterius moriatur filia innupta, conueniunt utriusque defuncti parentes, & inter defunctos connubium faciunt: conscriptisque contractus illius literis iuuenem & puellam in charta pingunt, & hanc cum pecunia contributa atque utensilibus & suppellectile Vulcano deuouēt, credentes defunctos in alia uita matrimonialiter coniunctos. Faciunt quoque pro hac re solennes nuptias, & de præparatis cibis nonnihil hinc & hinc diffundunt, ut sponsus & sponsa bis quoque uestantur. Quo facto, parentes & consanguinei defunctorū tali putant se affinitatis uinculo coniunctos, ac si nuptiæ illæ sponſis adhuc uiuētibus fuissent celebratæ

De strenuitate & industria Tartarorum.

Cap. LIX.

SUNT Tartari homines bellicosi, strenui in armis, & ad subeundos labores intrepidi. Non sunt effœminati, molles, & deliciis affueti, imò tolerantissimi laborum & inediæ. Fit non raro ut per integrum mensem nihil aliud comedant præter lac iumentorum & carnes animalium quæ in uenationibus capiūt. Equi quoque eorum dum belligeratum uadunt, sola herba quam in pascuis inueniunt nutriuntur. Insident armati equis suis tota nocte, & equi interim nihilominus pascuntur ubicunq; bona inuenerint pascua. Ipsi quoq; exiguo contenti sunt cibo, quantumlibet magnos subeant & perficiant labores. Ad capiendum ciuitates & fortalicia, singulari & magna utūtur astutia. Cum bellandi causa in remotas partes expeditionē parant, nihil secum præter arma portant atq; parua tentoria, sub quibus pluuia tempore latitāt. Portat etiam quilibet secum duo uascula, quæ uulgo flalcones, uocant in quibus lac quod bibant ferunt, & ollam coquendis carnibus adaptandam. Cum uero sine mora ad remotissimas partes concedere uolunt, accipiunt secum lac in modum solidæ pastæ ficcatum quod in aquam tritum, potum illis & cibum præbet.

De iudiciis & iustitia Tartarorum.

Cap. LX.

MALEFACTORES hoc modo puniunt. Siquis furatus fuerit rem parui ualoris, & uita priuari non commeruit, cæditur fuste septem uicibus, aut decem & septē, aut uiginti & septem, aut quadraginta & septem, pro mensura peccati ictus inferendo, idque usq; ad centum, addendo semper decem. Aliqui tamen nonnunquam ex his percussionibus moriuntur. Quod si quis furatus fuerit equum uel rem aliam, pro qua occidi meruit,merso mucrone in uentrē eius occiditur. Quod si uitam suam liberare uoluerit, restituet furtum in noncuplo. Qui equos, boues, & camelos habent, signa sua pilis eorum inurūt, atq; sine custode ad pascua emittunt. Minutis tamen animalibus adhibent pastorum custodiam. Hæ primæ Tartarorū fuerunt consuetudines, uerum cum iam inter uarios mixti sint populos, nonnihil à prioribus degenerauerunt moribus, & populis quibus coniuncti sunt, conformes se fecerunt.

De campestribus Bargu, & extremis insulis Aquilonis.

Cap. LXI.

RETARDATI sumus nonnihil in Tartarorum moribus & consuetudinibus describendis, nunc uero alias orientalis regionis lustrabimus prouincias, eo incedentes ordine, quo reliquas hætenus descripsimus. Relicta ciuitate Carocaram, à monte Alchai Aquilonem uersus uenitur ad campestria Bargu,

D. i.



quæ in longitudine quadraginta habent dietas. Incolæ illorum locorum uocantur Meditæ, paréntque magno Cham, Tartarorum habentes mores. Sunt homines syluestres, & uescuntur carnibus animalium, quæ uenatione capiunt, maxime ceruorum, quorû magnam habent copiam, & adeo cicures faciunt, ut illis atque equis uel asinis infideant. Carent blado & uino. In æstate maximas exercent auium & syluestrium animalium uenationes, quorû carnibus per hyemê uiuant, nam hyeme tam uolatilia quàm alia animalia propter immensum illius regionis frigus aufugiunt. Post terminum dictarum quadraginta dietarû, peruenitur ad oceanum, ubi in montibus nidificare solent herodii siue falcones peregrini, qui inde ad magni Cham curiam perferuntur. Nec inueniuntur ullæ aliæ aues in montibus præter herodios & aliam auiculæ speciem, qua pascuntur herodii. In insulis maris illius nascuntur grifalchi in magna copia, qui inde ad magnum Cham deferuntur. Grifalchi uero qui de Christianorû terris ad Tartaros portantur, non perferuntur ad magnum Cham, cum ille iis abundet auibus, sed perueniunt ad eos Tartaros, qui Armenis & Cumanis confines sunt. In illis Septentrionibus partibus insulæ sunt quædam, quæ tantum uergunt ad Aquilonem, ut polus Arcticus illis uideatur ad meridiem defletere.

De regione Ergimul, & ciuitate Singui.

Cap. LXII.

HINC REDEVDVM erit nobis ad ciuitatē Campition, de qua paulo superius mentionē fecimus, ut inde ad alias digrediamur prouincias, quas nondum descripsimus. Igitur si à ciuitate Campition uersus orientem itinere quinque dierum procedatur, audiuntur in locis intermediis nocturno tempore horribiles uoces dæmonum, donec ueniatur ad regnum Ergimul, & ad regnû Cerguth, quæ sunt regna magna magno Cham subiecta. Ibi inueniuntur Christiani Nestoriani, idololatræ & Mahumetani. Sunt ibi multæ ciuitates & castra. Hinc si inter orientem & meridiem procedatur, uenitur ad prouinciâ Cathai. Est tamen inter Cathai & regnum Cerguth ciuitas quædam Singui nomine, magno Cham tributaria: ubi etiam triplex illa memorata inuenitur hominû secta. Inueniuntur etiam ibi boues syluestres pulcherrimi & grandes ueluti elephantes, pilos habentes albos & nigros, longitudine trium palmorum. Multi etiam ex his bobus domestici facti, ad onera ferenda instituuntur: alii ad aratrum ligati, breui tempore magna inuertunt arua. Inuenitur in hac prouincia muschum optimum, & quo melius in mundo non inuenitur. Est enim animal quoddam pulchrum in hac prouincia, catti habens magnitudinem, & pilos grossos ut ceruus, pedes quoque habens uulgatos, & dentes quatuor, duos supra & duos infra longitudine trium digitorum: iuxta umbilicum uero inter cutem & carnem uesicam habet sanguine plenam, & sanguis is est muschum, à quo tam suauissimus exhalat odor. Incolæ huius regionis idololatræ sunt, & libidinis sectatores, corpore pingues, & naso paruo, pilis labia obsidentibus. Mulieres pulchræ sunt & albæ. Et uiri quando uxores ducere uolunt, quærunt magis pulchras quàm nobiles aut diuites. Vnde sæpe fit ut uir nobilis & magnus pauperem ducat uxorem, sed formosam, matri illius dotem assignans. Negotiatores & artifices plurimi ibi inueniuntur. Patet hæc prouincia longitudine uiginti quinque dietarum, & est admodum fertilis. Sunt in ea maximi fasiani, caudas

Muschum.



caudas habentes longitudinis decem palmorum aut octo. Inueniuntur etiam ibi alia multa auium genera, quæ pulcherrimas habent pennas, diuersis & elegantibus distinctas coloribus,

De prouincia Egrigaia.

Cap. LXIII.

PROCEDENDO ulterius uersus orientem, septemque exactis diebus, occurrit prouincia Egrigaia, in qua plurimæ sunt ciuitates & castra. Est enim de prouincia magna Tanguth, cuius principalis ciuitas uocatur Calacia. Incolæ eius idololatræ sunt præter aliquos Christianos Nestorianos, qui ibi tres habent ecclesias. Subiecti sunt omnes magno Cham. Inueniuntur in ciuitate Calacia panni, quos Zambilotti uocant, lana alba & camelorum pilis contexti, quibus uix pulchriores in mundo inueniuntur. Deferuntur autem per negotiatores ad diuersas mundi regiones.

De prouincia Teuduch, Gog & Magog, & ciuitate Cianiganiorum.

Cap. LXIIII.

AB EGREGIA prouincia cundo ad orientem, ducit iter ad prouinciam Teuduch, in qua sunt ciuitates & castra multa, ubi etiam manere consuevit rex ille magnus, & toto orbe terrarum nominatissimus, uulgo presbyter Ioannes dictus. Modo autem prouincia illa tributa pendet magno Cham, habens regem qui est de progenie presbyteri Ioannis. Cæterum omnes magni Cham post mortem illius qui à Cinchis in prælio fuit occisus, tradiderunt filias suas illis regibus in uxores. Et licet ibi sint aliqui idololatræ, & item aliqui Mahumetani, tamen maior pars prouinciæ fidem obseruat Christianam: & ibi Christiani primas tenent in hac prouincia: præsertim est ibi gens quædam, Argon uocata, quæ reliquis populis sagatior est & elegantior. Sūt etiam ibi regiones Gog & Magog, quos illi nominant Lug & Mungug. In his locis reperitur lapis Lazuli, de quo fit azurum optimum. Fiunt quoque ibi Zambilotti optimi de pilis camelorum: & item panni de auro & serico diuersarum habitudinum. Est ibi ciuitas Sindacui nomine, in qua fiunt arma pulcherrima & optima, diuersorum generum, pro exercitibus necessaria. In montibus huius prouinciæ sunt magnæ mineræ argenti, & multiplices uenationes syluestrium bestiarum, uocaturque regio montium Ydifa. Distat tribus diebus à memorata ciuitate alia ciuitas Cianiganiorum, in qua est palatium maximum, magni Cham habitatio, quando ad illam diuertit ciuitatem. Proficiscitur autem sæpius illuc, quia iuxta ciuitatem sunt lacunæ, in quibus diuersorum generum aues inueniuntur, præsertim grues, fassiani, perdices, & his similes aues. Hæ aues capiuntur grifalchis, herodiis seu falconibus, habetque rex ipse in hoc summam delectationem. Sunt ibi quintuplices grues: quædam habent alas nigras ut corui, aliæ sunt albæ & candidæ, habentes pennas plenas oculis aurei coloris, ut sunt apud nos caudæ pauonum: rursus aliæ inueniuntur ibi nostris haud dissimiles: sunt deinde aliæ quæ sunt paruæ, sed habentes pennas longas & pulcherrimas, rubeo nigroque permixtas colore. Quinto sunt ibi grues grisei coloris, oculos habentes rubeos ac nigros, & hæ sunt ualde magnæ. Est iuxta hanc ciuitatem uallis quædam, in qua multæ sunt casæ, in quibus maximus numerus nutritur perdicum, qui seruatur pro rege illuc pro tempore diuertente.

Grues quintuplices.

D. ii.



De ciuitate Ciandu & nemore eius, itémque de festiuitatibus quibusdam Tartarorum. Ca. LXV.

A CIVITATE Cianiganorum tres sunt dietæ contra Aquilonem ad ciuitatem Ciandu, quam ædificauit magnus Cham Cublai, extruens in ea maximum ac pulcherrimum palatium, marmore constans, & auro adornatum. Iuxta palatium istud est nemus regale, muris undique cinctum, quorum circuitus patet miliaris XV. In nemore uero sunt fontes & flumina, atque prata, & uariæ bestiarum species, ut cerui, damulæ, capreoli cum falconibus, qui regi in uoluptatē & cibum seruantur pro tempore, quando illuc diuertit. Diuertit autem sæpe uenationi operam daturus equo insidens, ducitque secum leopardum domesticum, quem in ceruos & damulas prouocat, captamque bestiam grifalchis tradit, atque in hac re spectanda miram capit uoluptatem. In medio nemoris domus quædam arundinibus constructa pulcherrima consistit, intus & foris deaurata, & uariis picturis adornata, atque tali artificio communita, ut à pluuia nequaquam illi iniuria fieri possit. Potest quoque domus ipsa in modum tabernaculi dissolui atque deponi, & rursus erigi. Nam sustinetur quando erecta fuerit circiter ducentis funibus sericis. Porro arundines ex quibus constat, habent singulæ quindecim passus in longitudine, & in spissitudine tres palmos: ex quibus fiunt non solū columnæ, tabulæ & compagine, sed & imbricamenta. Nā diuiduntur arundines iuxta nodos, & pars illa per mediū scissa duas præbet tegulas, quæ domo superpositæ eam à pluiarum defendunt stillicidiis. Solet magnus Cham tribus mensibus per annū illic habitare, scilicet in Iunio, Iulio atque Augusto, nam est ibi aeris conueniens temperies, carētque locus ipse solis ardoribus. His igitur mensibus domus erecta manet, cæteris uero temporibus deposita & conuoluta seruatur. Proinde die uigesimo octauo Augusti rex à ciuitate Ciandu discedens, proficiscitur ad locum alium, diis suis solenne facturum sacrificium, à quibus sperat sibi, uxoribus, filiis, & animalibus quæ possidet uitam & sanitatem concedi, Nam habet armenta magna equorū alborum & equarum albarum, quæ putantur excedere numerum decem milium. In hac autem festiuitate præparatur lac equinum in uasis decentibus, & rex ipse manibus suis propriis diffundit hinc inde lac illud pro honore deorum suorum arbitrans & à Magis suis sic edoctus, quod dii lac bibant effusum, & solliciti sint conseruatores omnium eorum quæ possidet. Post sacrificium illud nefandum, bibit rex de lacte equarum albarum, nec ulli alteri licet illa die bibere de lacte illo, nisi fuerit de progenie regis, præter populum quendam regionis illius Horiach uocatum, qui hoc etiā gaudet priuilegio, prpoter uictoriam quandam magnā, quam pro magno Cham Chinchis obtinuit. Hic igitur ritus die uigesimo octauo Augusti solēniter in perpetuum à Tartaris obseruatur. Hinc etiam fit ut equi albi atque equæ in magno à populo illo habeantur honore. Comeduntur etiam in hac prouincia carnes hominum, qui publico iudicio ad mortem condemnati sunt. Qui uero ex ægritudine moriuntur, horum carnes non comeduntur. Habet magnus Cham Magos, qui dæmonum arte obtinebrāt & in caliginē conuertunt aerem, luce super palatiū regis clara permanēte. Aiunt etiam hi Magi, ut rege iuxta mensam sedente, scyphi eius aurei dæmonū arte



arte ab alia mensa quæ in medio aulae consistit, regia portans uasa, super mensam regis exiliant, dicuntque se id secreta quadam efficere arte. Et quando festa idolorum suorum celebrant, dantur illis à rege arietes, quos cum lignis aloes & thure ceu odoriferum sacrificium diis offerunt, coctasque arietis carnes cum cantu & maxima lætitia idolis deuorandas exhibent: ius uero carniū ante idola effundunt, asserentes sic deorum suorum promereri clementiam, qui terris fertilitatem largiantur.

De monachis quibusdam idololatri.

Cap. LXVII.

INVENIUNTUR in regione illa plurimi monachi, idolorum cultui deputati. Habent hi monasterium quoddam magnum, oppiduli habēs magnitudinem, in quo sunt circiter duo milia monachorum, qui idolis seruiunt, rasura & ueste à laicis sequestrati. Nam radunt caput & barbam, uestemque induunt religiosam. Hi in idolorum solennitatibus magnis clamoribus cantant, luminaria multa in templo accendunt, aliisque compluribus destinantur stultis ceremoniis. Sunt & in aliis locis monachi & uarii idololatræ, quorum quidam multas habent uxores, alii uero pro honore deorum suorum caste uiuunt, uitam austeram ducentes, nam nihil comedunt præter farinæ purgamenta aquis diluta. Vestiuntur quoque pannis rudibus & asperis, coloris abiecti, & lecti molliciem uitantes, dormiunt super rigentia stramina. Alii tamen monachi qui laxioris sunt uitæ, iudicant hos tam austere uiuentes hæreticos, quod non debito uiuendi modo deos colant.

MARCI PAULI VENETI DE REGIONIBVS ET PROVINCIIS ORIENTALIBVS LIBER II.

De potentia & magnificentia Cublai regis maximi Tartarorum.

Cap. I.



IN HOC secundo libro scribere institui de magnificentia, pompa, sumptuositate, potentia, diuitiis, & imperii administratione Cublai Tartarorū summi Imperatoris, qui nostro æuū regni sceptrā gubernat. Is enim in sua magnificentia & dominio longe superat omnes prædecessores suos, adeo ampliauit imperii sui limites, ut ferè totum orientem suæ habeat subiectum potestati. Is ex prosapia Chinchis primi Tartarorum principis satus, sextus Imperator illius terræ fuit, anno scilicet domini M CCLVI regnare incipiens, & populo magna sapientia atque grauitate præsidens. Est uir strenuus, in armis exercitatus, corpore robustus, atque animo ad res gerendas promptus, consilio polens, & in populi gubernatione prouidus atque circumspectus. Nam prius quàm imperii consequeretur fasces, sæpe strenuū in bellis se gessit militem, atque in cunctis ut prudentem uirum se gerebat. Interim tamē quo regno præfuit, non nisi semel ad pugnam processit, sed filios suos & alios aulicos loco sui illuc destinauit.

D. iii.



Qualiter Cublai rex à patruo suo Naiam rebellionem sustinuit.

Cap. II.

**DIXIMVS** Cublai regem semel ad pugnam egressum, sed modo causam explicabimus. Anno domini M CCLXXXVI, patruus eius Naiam nomine cum triginta esset annorum, & multis populis atque regionibus esset præfectus, iuuenili elatus uanitate, motus est contra dominum suum Cublai, maximū contra eum ducens exercitum, & ut felicius pugnaret, asciiuit in auxilium aliū quendam regem Caydu nomine, qui nepos erat Cublai Imperatoris, sed odio habebat eum. Rebellioni igitur assensum præbens, promisit se in propria uenturum persona, conductis centum milibus militū. Hi igitur ut condixerunt, conuenire decreuerunt cum suis copiis in planicie quadam, pariter Imperatoris terras inuasuri. Porro Naiam in exercitu suo habuit circiter quadringenta milia militū.

Qualiter Cublai se contra hostes muniuit. Cap. III.

**NON AVTEM** latuit Cublai Imperatorem, quid consanguinei sui molirentur contra eum, & quā acerbō animo contra ipsum concitati essent, publica facta conspiratione. Quapropter per caput suum & imperialem coronam iurauit, quod se defenderet ab illis, & uindicaret hostium suorum audaciā. Vnde in uiginti duobus diebus comparauit exercitum maximum, nempe trecenta sexaginta milia equitum, & peditum centum milia, idque ex his qui uicini erant ciuitati Cambalu. Et quanquam longe maiorem potuisset congregare exercitum, tamen quia subito & quasi ex improviso uoluit irruere in hostes, noluit diutius moram trahere in aggregando maiori exercitu, ne institutū eius Naiam hosti patefieret & fugam meditaretur, aut ad tutiora loca exercitum suū perduceret. Habuit quidem Imperator tunc & alios exercitus in armis, sed quos contra diuersas miserat prouincias expugnandas, & hos quoque reuocare noluit, quo minus hosti consilium suum aperiretur. Interim autem mandauit omnes uias maxima custodiri diligētia, ne expeditio sua ullo pacto Naiam hosti innotesceret, atque præsentire posset aduentum suum. Vnde cuncti euntes & redeuntes à regis custodibus tenebantur, ne uel aliquid rumoris ad Naiam perueniret. Rebus itaque sic se habentibus, consulit rex Cublai astrologos suos quando fata felicem sibi indicarent profectionem, & qua hora itineri se accingere debeat. Qui omnes paribus uotis regi cuncta felicia prædicunt, adesseque aiunt tempus quo de hostibus triumphet.

Quomodo Cublai deuicerit Naiam. Cap. IIII.

**IGITUR** Cublai Imperator cum exercitu suo soluens, profectus est usque ad planiciem ubi Naiam adhuc præstolabatur aduentum Caidu regis, qui illi suppetias erat laturus. Et Cublai ad collem quendam castrametatus, quieuit illa nocte cum exercitu suo. Populus uero Naiam nihil sibi metuens, nec periculi aliquid adesse sciens, inermis per planiciem uagabatur, genio largius uacans. Et transacta nocte, ut dies terris reddi cœpit, Cublai Imperator in collem ascendens, exercitum suum in duodecim distinxit acies, tria milia militū una habente acie. Pedites uero iuxta milites tali collocati sunt ordine, ut in quibusdā aciebus duo pedites lanceas tenentes, duo militū stiparent latera. Rex uero ipse sedebat in castro quodā mirabili super quatuor constructo elephantos, in quo etiā regale



regale erat uexillum. At exercitus Naiam ubi uidisset insignia, & acies Cublai, uehementer expauit, quippe qui adhuc expectabant subsidium regis Caydu. Et continuo currentes ad tentorium Naiam, qui cum concubina quam adduxerat dormiebat, excitauerunt illum. At ille quantocyus potuit, exercitum suum in acies disposuit. Est autem consuetudo omnium Tartarorum, ut tubis primum clangorem edant, & tangant cuncta exercitus instrumenta, atque altis uocibus cantent, & tandem signo à rege dato, arma contra hostem corripiant. Sic cum uterque exercitus suas obsoluisse cantilenas, iubet Cublai buccinis signum dare, & hostem aggredi. Ilico autem manus conferere cœperunt, & tam atrox prælium inierunt, ut putares imbrem sagittarum & iaculorum per aerem descendere. Balistis laxatis, mutuo gladiis & lanceis se conficiunt. Erat quidem Naiam professione & nomine Christianus, sed non fidei sectator, signaueratque principale uexillum suum crucis signo, habens secum non paucos Christianos. Commisum est itaque prælium ab initio diei usque ad meridiem, & ceciderunt multi ex utroque exercitu, donec tandem Cublai superior euaderet, & hostem in fugam uerteret. Mox autem ut populus fugere cœpit, Naiam captus est, & ingens multitudo in fuga ipsa occisa.

Quomodo Naiam suffocatus fuerit.

Cap. V.

**R E X I T A Q U E** Cublai captum habens hostem suum, iussit ut confestim occideretur, qui ausus fuerat contra dominum suum arma mouere, & rebellionem excitare. Sed quoniam erat de prosapia sua, noluit ut sanguis regius de stirpe sua funderetur, ne terra regium biberet sanguinem, aut sol uel aer uiderent mala morte quenquam de regali progenie natum interire. Iussit igitur ut tapeto inuolutus atque ligatus, tandiu hincinde duceretur, agigaretur, traheretur, & impelleretur, donec contracto anhelitu suffocaretur. Hoc autem mortuo, optimates sui & cunctus populus qui euadere potuerunt, inter quos multi fuerunt Christiani, sponte se submiserunt dominio & obedientiæ Cublai Imperatoris. Et tunc quidem quatuor provinciæ accefferunt ditioni eius, quarum nomina sunt, Funotia, Cauli, Barscol & Sinchintingui.

Compescit Cublai Iudæos & Saracenos crucis Christi contemptores.

Cap. VI.

**P O R R O** Iudæi & Saraceni qui in exercitu Cublai fuerunt, cœperunt Christianis, qui cum Naiam uenerant exprobrare, & dicere quod Christus, cuius signum Naiam in uexillo habuerat, non potuerit suis auxilio esse: hâsque contumelias quotidie Christianis obiecerunt, Christi potentiam ut inanem irridentes. Christiani uero qui ad regis Cublai obedientiam uenerant, indignum rati ut talia ferrent conuitia, quæ gloriam Christi minuerent, conquesti sunt Imperatori quales illis inferretur iniuriæ. At ille conuocans Iudæos, Saracenos, & Christianos, ad Christianos conuersus ait, Deus uester & crux eius noluit quidem Naiam præsidium ullum ferre, uerum uos propterea nolite erubescere, quoniam deus bonus & iustus, iniustitiæ & iniquitati patrocinari minime debuit. Naiam domini sui proditor extitit, atque contra omnem æquitatem rebellionem excitauit, & quidem dei uestri auxiliū in sua malitia implorauit. Sed ille ut deus bonus & rectus, noluit fauere illius criminibus. Vnde mandans Iudæis & Saracenis, cæterisque

D. iiii.



Christiani nominis blasphematoribus interdicebat, ne ullus eorum Christianorum deum aut crucem eius amplius blasphemare præsumeret. Sic illis silentium impositum est. Cublai uero tumultu sedato, cum uictoria & gaudio ad ciuitatem suam Cambalu est reuersus.

Qualiter magnus Cham remuneret milites suos parta uictoria.

Cap. VII.

PORRO præfectos, exercituum duces, atque alios antesignanos milites, rex Cublaicum uictor è bello redit, honorat hoc modo. Eum qui ante præerat centum militibus, in gradum sublimiorem collocat, atque mille præficit militibus: & sic gradatim reliquos belli duces in digniorem ponit statum, donatque illis aurea & argentea uasa, tabulas, priuilegia atque immunitatem. Et hæc quidem priuilegia tabulis uel bracteis per sculpturas imprimuntur. Ex uno latere scriptura huius tenoris continetur, Propter dei magni uirtutem, & propter gratiam magnam quam Imperatori contulit, nomen magni Cham benedictum sit. In alio uero latere sculpta est imago leonis cum sole uel luna, uel imago grifalchi, aut reliquorum animalium. Quicumque autem habet tabulam cum leone & sole atque luna, quando procedit in publicum, defertur pallium supra eum in signum magnæ auctoritatis. Qui autem grifalchi habet imaginem, potest secum de loco uno ad alium ducere uniuersam cuiuscunque principis uel regis militiam. Sicque omnia in suum distributa sunt ordinem, tabulis indicantibus quibus obediri oporteat. Et si quis iuxta tabularum expressionem obedire noluerit, contempseritque præscriptam auctoritatem, ut rebellis Imperatori interficitur.

De forma Cublai atque uxoribus, filiis & ancillis eius.

Cap. VIII.

REX CVBLAI est homo admodum pulcher, statura mediocri, non nimis pinguis, nec nimis macilentus, faciem habet rubicundam atque candidam, oculos magnos, nasum pulchrum, & omnia corporis lineamenta debita proportionem consistentia. Habet uxores IIII, quas legitimas censet, & succedit ei in regno primæ primogenitus. Et quælibet harum quatuor, peculiare curiam, eamque regalem in proprio palatio tenet, habens circiter trecentas electas pedissequas & famulas, multosque ministros eunuchos, & aliam familiam plurimam. Habet præterea rex ipse concubinas multas. Nam est inter Tartaros natio quædam, quæ dicitur Vngrad, quæ mulieres habet admodum formosas, & moribus conspicuas, de quibus nutrit in palatio suo circiter centum, quæ scilicet elegantiores sunt formæ: & super has constituit matronas quasdam, quarum officium est, ut illarum curam gerant, & diligenter considerent, quando in infirmitatem ceciderint, aut maculam aliquam contraxerint: alioquin regis complexibus frui non poterunt. Ex his concubinis sex deputantur tribus diebus ac noctibus pro custodia regis cameræ: & dum rex uadit dormitum, aut è lecto mane profilit, assistunt ei ut ministræ, atque in cubiculo eius dormiunt. Quarta uero die sex alie prioribus in dicto ministerio succedunt, tribus diebus & totidem noctibus regi obsequentes. Et his rursum alie sex succedunt, continuaturque hæc permutatio, donec omnes centum ministerio regis fuerint adhibitæ. Porro de quatuor legitimis uxoribus habet rex Cublai XXII filios, uocatusque fuit primæ uxoris primogenitus Chinchis,



Chinchis, qui illi successurus erat imperio, nisi ante patrem in fata concessisset. Is itaque reliquit filium, nomine Temur, qui est homo strenuus, prudens, & in militia exercitatus, succedetque auro in imperio loco patris sui defuncti. Cæterum de ancillis & famulabus suis habet rex Cublai XXVII filios, qui omnes in aula sua sunt magni barones.

De palatio eius quod est in Cambalu, & loci amœnitate.

Cap. IX.

TRIBVS anni mensibus, nempe Decembri, Ianuario, & Febuario, Cublai rex in regia ciuitate Cambalu moratur, ubi palatium habet miro artificio extructum. Ambitus enim eius continet miliaria IIII, quadratura qualibet unum miliare complectente. Et est murus is spissus ualde, decem passibus in altum con surgens. Superficies eius extrinseca colore albo & rubeo nitet. In singulis quatuor muri angulis palatium pulchrum & magnum, fortalicii loco conditum est. Sic in medio cuiuslibet quatuor murorum, palatium egregium extructum est: eaque in uniuersum octo sunt. In his conseruantur arma, instrumenta, tormenta & uasa bellica, nempe arcus, sagittæ, pharetræ, calcaria, frena, lancæ, clauæ, funiculi arcuum, & reliqua, quæ in bello necessaria sunt, singulæque armorum genera in singulis posita sunt palatiis. Porro facies palatii quæ meridiem respicit, quinque habet portas, quarum media maior est omnibus, nec unquam aperitur, nisi pro regis introitu. Nam nulli per eam patet ingressus nisi soli regi. Sed hæc habet duas minores collaterales portas, per quas ingrediuntur reliqui qui regem comitantur. Quælibet uero reliquarum trium facierum, unicâ duntaxat in medio habet portam, per quam quisque ingredi potest. Cæterum intra iam memoratum murum, alius murus cingit hoc regium castrum, habens ut prior murus, in angulis & meditullis eorum octo palatia, in quibus continentur alia uasa & pretiosa iocalia regis. In spatio uero medio interiori est regium palatium, habitaculum scilicet in quo rex moratur. Hoc palatium caret solario, pauimentum uero eius exteriori fundo præminet decem palmis. Tectum eius altum est ualde, pictura decoratum. Parietes aularum & conclauium auro & argêto fulgent. Ubique picturæ pulcherrimæ & bellicarum rerum historiæ sese ingredientium oculis offerunt, uiuaci colore & rutilanti auro coruscantes. In aula maiori ad mensam simul recumbunt circiter sex hominum milia. Intra dictos muros totum castrum ambientes, sunt plurima uiridaria atque prata lignis pomiferis atque uariis confita arboribus. Discurrunt etiam per hæc uiridaria, animalia syluestria, ut cerui & animantia, ex quibus muscum colligitur, capræ, damulæ, & aliarum specierum animalia. Versus Aquilonem uero sunt uiuaria, in quibus meliores quique pisces, qui haberi possunt, nutriuntur. In lacum illum ingreditur fluuius quidam, & rursus egreditur, cratibus ferreis loco introitus & exitus communito, ne pisces elabi queant. Extra palatium spatio unius leuæ, est monticulus quidam centum passibus in altum erectus, cuius circumferentia miliaris continet spatium arboribus semper uiurentibus confitus. In hunc montem iubet rex arbores quasque optimas à remotis partibus adduci, onerans illis elephantos: extrahuntur enim cum radicibus & transplantantur in hunc montem. Et quoniam is mons perpetuo uiuet, uocatur Mons uiridis. In cacumine eius est palatium egregium, uiridi



determinatum colore, in quo magnus Cham sæpe genio uacat. Est & aliud magnificum palatium seu castrum iuxta magni Cham extructum castrum, in quo Temur primogenitus eius illi in imperio successurus, cum aulicis suis magnifice & regaliter uiuit. Nam amplissimam habet auctoritatem & sigillum imperiale, uerum magno Cham ut domino subiectus.

Descriptio ciuitatis Cambalu.

Cap. x.

**CIVITAS** Cambalu in prouincia Cathai iuxta magnum sita flumen, ab antiquis temporibus insignis fuit & regalis. Sonat autem Cambalu, ciuitas domini. Hanc magnus Cham transtulit in aliam fluminis partem: nam didicerat ab astrologis, quod imperio rebellis futura esset. Ciuitas in quadrum constructa, in gyro complectitur uiginti quatuor miliaria, quolibet quadrati latere sex habente miliaria. Muros habet dealbatos, altitudinis XX passuum, latitudinis decem, spissitudo tamen illa ascendendo tenuior fit. Habet quælibet muri quadratura tres portas principales, quæ in uniuersum duodecim sunt, constitutis iuxta singulas magnificis palatiis. In angulis quoque murorum sunt egregia palatia, ubi ciuitatis conseruantur arma. Transeunt per hanc ciuitatem uici & plateæ rectissimæ, ut ab una porta liber aspectus pateat per ciuitatem ad portam oppositam, domibus elegantissimis palatiorum instar utrinque constructis. Porro in medio ciuitatis, ædes quædam magnifica est extructa, in qua cæpana pendet prægrandis, cum qua uesper tria fiunt signa, post quæ nemini licet domum egredi usque ad initium sequentis diei, nisi infirmorum aut parentum causa. Et qui noctu per ciuitatem ire necessitate cogente uolunt, lumen secum deferre coguntur. Singulæ ciuitatis portæ à mille custodiuntur hominibus, non quidem propter hostium timorem, sed latronum & prædonum. Cauet enim rex summo studio, ut fures & prædatores arceantur.

De suburbiis & mercatoribus ciuitatis Cambalu.

Cap. xi.

**EXTRA** ciuitatem Cambalu duodecim sunt magna suburbia, singulis duodecim portis contigua, in quibus iugiter mercatores inueniuntur, & aduenæ homines. Nam propter curiam regis & multiplices mercantias innumerus indies confluit populus, qui in suburbiis illis rerum negotia tractat. Nec habent suburbia, ut alias fieri solet, domos, quæ à splendore & magnificentia domorum ciuitatis degenerent, solo regali excepto palatio. Intra hanc urbem nullum hominis cadauer sepelitur, sed extra suburbia idololatrarum corpora comburuntur, & reliquarum sectarum funera sepeliuntur. Et quoniam ingens multitudo exterorum hominum semper illic uersatur, habentur in suburbiis circiter XX milia meretricum: intra uero moenia ciuitatis nulla sustinetur. Dicitur non potest quantitas uis mercimoniorum & opum in hanc urbem conuehatur, putares toti orbi illa sufficere posse. Aduchuntur autem lapides pretiosi, uniones, sericum, & diuersarum specierum aromata ex India, Mangi, Catham & aliis regionibus. Nam urbs hæc quodammodo omnium circumiacentium prouinciarum est centrum. Nec transit dies ulla per integrum annum, in qua non circiter mille quadrigæ serico oneratae huc ab exteris negotiatoribus conuehantur, ex quo per ingeniosos urbis artifices mira parantur indumenta.

Magnus



Magnus Cham satellitio maximo stipatur & custoditur. Cap. XII.

H A B E T magnus Cham in curia sua XII milia equitū, quos uocant *Questitam*, id est fideles domini milites, qui corpus suum custodiunt. Et istis quatuor præfecti sunt duces, quorū quilibet tribus præest milibus. Horum officium est, ut diximus, die noctūq; regē obseruare, & eius custodiæ mancipatos esse. Vnde etiā à curia regis recipiunt impensas. Custodias autem suas tali distribuunt ordine, ut cum per triduū dux unus cum tribus milibus militū intra palatiū regem stipauerit, tribus sequentibus diebus dux alius cum aliis tribus militū milibus, qui interim quieuerunt, obit hoc custodiæ munus, cui iterū dux alius cum militibus suis succedit: sicque per totum annum hæc custodiæ seruatur uicissitudo: non quòd regem tanta maneant pericula, sed ut magnificentia sua maior appareat.

De magnifico apparatu conuiuiorum eius.

Cap. XIII.

P O M P A quæ in conuiuio regis obseruatur, tali celebratur ordine, Cum propter festum aliquod, aut aliam rationabilem causam, Imperator uoluerit in maiori aula conuiuium instituere, mensa eius cæteris mensis sublimior ad Aquilonarē aulæ partem ponitur, & rex iuxta eam sedens uertit faciem ad meridiem, habens ad sinistram reginam maiorem, principalem scilicet uxorem, & ad dextram filios atque nepotes, & qui de regali sunt prosapia. Ipsorum tamen mensa est in demissiori loco, ut uix regis attingant pedes capitibus suis. Reliqui uero barones & milites sedent adhuc in demissiori loco, habentes singuli uxores suas ad sinistram collocatas, tenetque quilibet dux & nobilis gradum & ordinem suum, sicut & uxores eorum. Nam omnes nobiles in curia Imperatoris tempore solennitatis pransuri, ducunt secum uxores suas. Et Imperator ipse dum in mensa sua recumbit, poterit ad omnes deflectere oculos suos, qui in aula illa conuiuantur. Porro extra aulam illam regiam sunt etiam aliæ aulæ collaterales, in quibus solennitatum tempore nonnunquam quadraginta milia hominum cibantur, quorum multi sunt aulici, alii uero feuda ab Imperatore renouantes: ioculatorum quoq; & mimorū concurrentiū non est numerus. Proinde in medio aulæ regię, uas quoddam aureū erigitur, ex quo uinum aut alius quispiam optimus potus in modum fontis scaturit, IIII aliis doliis aureis hinc inde fitis, quæ uini illius fluēta suscipiunt. Ex his doliis hauritur uinum quod discumbentibus largiter apponatur. Nemo autē in hac discumbēs aula, alio quàm aureo utitur poculo. Dici non potest quantus sit apparatus, & quanta magnificentia in uasis & omnibus utensilibus, quando magnus Cham in aula sua regia publice discumbit. Porro principes qui regi discumbenti ministrant, omnes delicatissimo serico panno ora sua cooperiunt, ne ipsorum flatus seu halitus quoquo modo regiū cibum aut potum cōtingere queat. Et cum Imperator scyphū leuat ut bibat, omnes circumstantes citharœdi & musicorū instrumentorū lufiores, instrumentorum suorū chordas tangunt, & suauissimam edunt melodiam: atq; cæteri aulæ ministri interim genu flectunt. De cibis qui ad mensam deferuntur, non est ut quicquam scribam quàm opipari sint & delicati, & quàm magnifice atq; pompatice inferantur. Prandio finito, accedunt citharœdi & harmoniaci quique concentores, ioculatores, & nigromantici, qui miras melodias & miros gestus ante regis mensam edunt, quibus illius animum iucundum reddunt, & in hilaritatem soluunt.



Qualis magnificentia seruetur in natali regis.

Cap. XIII.

SERVANT omnes Tartari hunc morem, ut diem natalem domini sui honorificentissime celebrent. Festum uero natale magni Cham Cublai, est uigesimo octauo die Septembris, & hunc diem celebriorem ducit quàm ullum totius anni diem, excepta festiuitate Iulendarum Februarii, qua annum suum incipiunt. In natali itaque suo rex induitur ueste aurea pretiosissima, & omnes aulici similiter optimis & melioribus quæ habent uestiuntur indumentis, quibus singulis rex donat aureas zonas magni ualoris, & calciamenta de camuco parata, filo confuta argenteo, adeoque singuli ad honorem regis ornare se student, ut nullus non regiam præferat formam. Hæc autem pompa nedum in regis natali fit, uerum & aliis festiuitatibus, quas Tartari per annum habent, numero tredecim: pro quibus rex annuatim aulicis suis pretiosissimas largitur uestes, ornatas auro, margaritis, & lapidibus aliis pretiosis, unà cum zonis & calciamentis, ut iam præmisimus. Nec sunt aulicorum uestes discolors à regio ueste. Seruatur etiā hæc consuetudo apud Tartaros, ut in natali magni Cham omnes reges, principes & nobiles, qui ditioni illius subiecti sunt, mittant illi ut Imperatori suo donaria. Et qui conditionem aliquam aut officium ab eo impetrare cupiunt, postulationes suas duodecim baronibus, qui ad hoc ipsum constitui sunt, offerunt, & quod illi decernunt perinde est ac si Imperator ipse respondisset. Astringuntur etiam omnes populi, cuiuscunque sint fidei aut sectæ, siue Christiani, siue Iudæi, siue Saraceni, siue Tartari, cæterique pagani, ut deos suos solenniter inuocent pro uita, incolumitate & prosperitate magni Cham.

De initio anni quod solenniter celebrant Tartari.

Cap. XV.

IN DIE Iulendarum Februarii, qui initium est anni Tartarici, magnus Cham & omnes Tartari ubicunque sunt, maximū & solenne celebrant festum, omnesque unanimiter tam uiri quàm mulieres student albis indui uestibus, uocantes diem illum, festiuitatem alborum. Nam credunt uestem albam bonum habere fatum: ideo ut toto anno fortuna illis sit propicia, in anni initio albis induuntur. Porro ciuitatum rectores & prouinciarum præfecti, memores officii sui, mittunt Imperatori hoc die munera aurea & argentea, uniones & gemmas, pannos pretiosissimos, & equos candidi coloris: unde nonnunquam fieri solet, ut regi in hoc festo offerantur centum milia alborum equorum. Sic cæteri Tartari sibi inuicem munera mittunt ab initio anni, idque omnis gratia, credentes omnia per annum felicius successura. In hoc denique festo, omnes elephantum quos habet Imperator, numero quinque milia, ducuntur ad curiam, uestiti tapetiis, in quibus pictæ sunt imagines uariæ animalium & auium, portantes in humeris suis capsas plenas aureis & argenteis uasis, quibus opus habetur pro festo alborum magnifice celebrando. Multi quoque cameli pulcherrimis cooperti pannis adducuntur, qui alia apportant, quæ pro tanto conuiuio sunt necessaria. Illucescente autem die Alborum, omnes reges, duces, barones, milites, medici, astrologi, præfecti prouinciarum atque exercituum, & alii Imperatoris officiales, ad aulam regis conueniunt, & quibus locus in ea contingere nequit ob hominum multitudinem, hi collaterales ingrediuntur aulas. Cunctis itaque in suo ordine & gradu sedentibus iuxta cuiuslibet officii dignitatē, surgit unus in medio, & alta uoce clamat,

Inclinate

Xenia.



Inclinate & adore. Hac uoce facta, consurgunt omnes celeriter & genufle-  
ctunt, frontēque ad terram demissa, quasi deum adorant, & id quatuor faciunt  
uicibus. Adoratione completa, uadunt omnes suo ordine ad altare, quod in au-  
la positum consistit super unam tabulam depictam rubeo colore, in qua scriptū  
est nomen magni Cham, arreptōque thuribulo pulcherrimo, & redolentibus  
speciebus illi impositis, ad honorem magni Cham cum multa reuerentia tabu-  
lam ipsam & altare suffumigant, & ad sua redeunt loca. Thurificatione ista ne-  
faria completa, quilibet in conspectu Imperatoris offert munera illa, de qui-  
bus supra diximus. His omnibus rite peractis, parantur mensæ, & fit solenniissi-  
mum prandium, edentes & bibentes cum lætitia magna. Quo finito, modula-  
tores & ioculatores accedunt, & suis consentibus atque gestibus omnium men-  
tes exhilarant. In huiusmodi deniq; festis, ducitur ad regem leo unus domesti-  
cus, qui ad pedes illius ut catulus mansuetus iacens dominum suum agnoscit.

De feris quæ magno Cham undequaque mittuntur. Cap. XVI.

TRIBVS illis mensibus, quibus, ut supra diximus, Imperator moratur in  
ciuitate Cambalu, scilicet Decembri, Ianuario & Febuario, omnes uenatores  
quos Imperator habet in singulis prouinciis prouinciam Cathai circumiacen-  
tibus, uenationi intendunt, omnesque bestias grandiores, puta ceruos, ursos, ca-  
preas, apros, damulas, & huiusmodi feras offerunt præfectis suis, qui si minori  
spatio quàm in triginta diebus peragrari potest, distant à curia Imperatoris, mit-  
tunt huiusmodi captas bestias per quadrigas & naues ad Imperatorem, exente-  
ratis tamen prius illis. Qui uero pluribus quàm triginta diebus ab eius curia di-  
stant, solum pelles mittunt, quæ pro armis parandis sunt necessaria.

Quomodo magnus Cham cum feris mansuefactis feras syluestres  
capit. Ca. XVII

NVTRIT domi magnus Cham uarias bestias domesticasque factas se-  
cum ad uenationes ducit, & mira afficitur uoluptate, quoties uidet domesticam  
feram cum syluestri pugnare. In primis autem habet cicuratos leopardos, qui  
mirum in modum uenationi inseruiunt, multasque capiunt bestias. Habet &  
lynces non minus ad uenandum industrios, & item leones maximos atque pul-  
cherrimos, maiores illis qui sunt in Babylonia, in quorum pilis radioli quidam  
uarii coloris apparent, scilicet albi, nigri, atque rubei, & illi quoq; docti sunt ar-  
tem uenatoriam. Nam plurimum profunt uenatoribus ad capiendum apros,  
ursos, ceruos, capreas, onagros, atque boues syluestres. Duci autē solent duo leo-  
nes in uehiculo quodam, dum uenatum itur, sequente utrūque eorum canicu-  
lo paruo. Habet quoque Imperator multas aquilas cicuratas, quæ adeo effera-  
tæ sunt, ut lepores, capreas, damulas & uulpes capiāt: inter quas aliqua tam præ-  
fractæ sunt audaciæ, ut non deleantur cū magno impetu in lupos insilire, eosq;  
in tantum diuexare, ut ab hominibus sine labore & periculo capi possint.

De spectaculo quod magnus Cham in uenatione facere solet.

Cap. XVIII.

HABET magnus Cham in curia sua duos barones, qui regis præfecti  
sunt uenationi, quorum uterque decem præest milibus hominum, qui ea curāt  
quæ ad uenationem sunt necessaria. Nam nutriunt canes magnos, & ad uenā-

E. i.



tionem affuefaciunt. Et quando magnus Cham cupit se uenatione oblectari, & singulare ostentare spectaculum, duo memorati barones ducunt secum illa uiginti milia hominum, atque canū magnam turbam, qui communiter circiter quinq; milia sunt, & cum rege in campum proficiscentes ubi feras uenari uolunt, hoc pacto rem ipsam aggrediūtur. Rex cum nobilibus suis in medio plani ciei locum tenet, & duo uenatorii præfecti cum populis suis stant ad dextrā & sinistram regis: unius populus induitur uestibus rubeis, & alterius uestibus aerei seu cœlestis coloris. Stant autē singuli in una acie seu linea, unus scilicet alterius assistens lateri, & tantā campi occupant longitudinem, ut uix itinere unius diei perueniri possit ab una extremitate ad aliā. Habēt autem canes memoratos secum. Et postquā sic in unum ordinē digesti sunt, laxant canes suos in uenationē & ipsi procedētes in illo ordine, maximū capiunt ferarum numerū, nam & terra illa animalibus syluestribus plena est, nec ullum facile ipsorū effugere poterit laqueos & canes.

De aucupio magni Cham.

Cap. XI X.

MENSE Martio ingrediente, discedit Cham magnus à ciuitate Cambalu, proceditque ad campestria quæ uersus oceanum sita sunt, ducens secum magnum aucupum numerum, circiter decem milia, qui habēt falcones, accipitres, grifalchos, & alia rapaciū auium genera aucupio idonea, numero circiter quingentas aues. Hi igitur aucupes per regionē illam se diffundentes, falcones & accipitres suos in capturā laxant auium, quibus regio illa plena est: & aues quæ capiuntur, deferuntur pro maiori parte ad regem. Rex uero sedet in ligneo habitaculo, quod gestant quatuor elephanti, leonū coopertum exuiis, & intus deauratum, habens secū pro sua recreatione aliquos duces, & XII accipitres electos. Porro iuxta elephantes qui regiū portant habitaculum, obequitant multi nobiles & milites, regis latera stipantes. Qui cū uiderint fasianos aut grues, aut alias aues in acre uolitantes, indicant id aucupibus qui iuxta regem sunt. Et hi id ipsum regi significantes, discoopariunt habitaculum regium, laxantq; falcones uel accipitres, & rex in lecto sedens, auīū intuetur ludum. Migrant quoq; cum rege & alia decem milia hominū, qui in illo aucupio bini & bini per campos discurrunt, & aduertunt quò emissi uolitent falcones atq; accipitres, & si opus fuerit illis subsidium ferant. Et hi lingua Tartarica uocantur Toscaor, id est custodes, certum scientes edere sibilum quo emissas uocant aues. Nec opus est ut auceps qui emittit auē, sequatur illam, cum hi de quibus iam diximus, intenti sint auibus capiēdis, & solliciti sint ne aliquo modo lædantur, aut perdantur. Qui enim aui periclitanti uiciniores sunt, hi tenētur illi subuenire. Quælibet autem emissaria auis tabellam parua argenteam signo domini aut aucupis sui consignatam in pede gestat, ut si amissa fuerit, domino suo restitui possit. Quòd si signū non cognosci possit, traditur auis baroni cuidam, qui ob hoc ipsum uocatur Bularguci, id est custos auīū perditarum. Nam conseruat omnes aues sibi oblatas, donec à dominis suis fuerint repetitæ. Idem fit de equis & aliis rebus in uenatione amissis. Et qui rem quampiā in uenatione repertā huic præfecto non ilico tradit, sed ea aliquandiu utitur, hic pro fure censetur. Vnde is perditarum rerum præfectus in uenationibus locū tenet eminentiorem uexillo suo signatum, ut in tantapopuli frequentia cognosci possit, & amissa facile illi uel offerri uel ab eo repeti possint.

De magnificis



De magnificis tentoriis magni Cham.

Cap. XX.

**I N T E R I M** autem quo sic ludendo cum aibus aucupio intenditur, peruenitur ad planiciem quandam magnam Caciāmordim, ubi sunt regis & omnium aulicorum præparata tentoria, numero circiter decem milia. Hæc autem tali ordine sunt disposita. Primum est ingens tentorium, sub quo commode manere possunt mille homines, ingressum habens ad meridiem, & sub hoc morantur barones, nobiles & milites. Iuxta hoc ad occidentem aliud est erectum tentorium, in quo regis est aula & consistorium, quod intrat quando cum aliquibus uult loqui. Et huic in altera parte adiunctum est cubile, in quo rex dormire solet, & his mansionibus rursus alia aula & camera adhærent. Regiæ uero aula, hoc est cubile regis, consistorium & habitaculum militum, sic disposita sunt. Sustentantur singulae tribus columnis de lignis aromaticis cum uariis & elegantibus sculpturis fabricatis, & cooperiuntur exuiis leonum nigri & rubei coloris. Nam discolors leones in partibus illis inueniuntur. Nec possunt tentoria illa à uentis uel pluuiis iniuriam ullam recipere, cum coria illa quibus teguntur solidiora sint quam quæ facile lædi possint. Intus uero parietes tentoriorum pelibus nobilissimis armelinorum & zebellinorum sunt operti, etiam si in regionibus illis hæc pelles pretiosissimæ habeantur, ut quandoq; uix pro duobus milibus Byfantiorum aureorum pelles pro una tunica sufficiant. Porro funes quibus hæc tria sustentantur tentoria, ex serico sunt. Sunt præterea & alia erecta tentoria iuxta illa tria, in quibus uxores, filii & ancillæ regis morantur. Deinde habent etiam falcones, accipitres, bubones, grifalchi, & reliquæ aues, quæ aucupio inseruiunt, sua tentoria, in quibus continentur. Tanta enim est tentoriorum multitudo, ut à longe aduentantibus appareat illic insignem conditam urbem. Confluit etiam undique multitudo hominum otiosorum ad spectaculum illud contuendum, præter eos qui in regis ministerio sunt, qui sua loca in tentoriis non secus habent quam in ciuitate Cambalu, ut sunt regis medici, astrologi, & cæteri uates. Manet uero rex in planicie illa per totum Martium, & capit innumera animalia, atq; infinitas aues. Nemini enim alioquin licet uenationi intendere in omnibus regni illius prouinciis, saltem quæ in uiginti diebus & citra pedestri itinere attingi possunt: nec ulli permittitur canis aut uolucris uenaticus: & præsertim à principio Martii usque ad mensem Octobrem nemini permittitur, quocunque etiã utatur ingenio, capere ceruos, damulas, capreas, lepores, & huiusmodi syluestres feras. Hinc igitur est quod terra illa talibus abundat animalibus, & plerunque adeo familiaria fiunt hominibus, ut transeuntia prope eos minime horreant aut paueant aspectum illorum. Aucupio expleto rex domum redit, & per tres dies celebratis conuiuiis, omnes quos ad hoc uocauit spectaculum, ad propria reuerti cõcedit.

De moneta &amp; opulentia magni Cham.

Cap. XXI.

**M O N E T A** magni Cham non fit ex auro uel argento, aut alio metallo, sed corticem accipiunt medium ab arbore mori, & hunc consolidant, atque in particulas uarias & rotundas, magnas & paruas scindunt, atque regale imprimunt signum. Minimi denarii ualent pretium parui Turonensis: & maiusculi dimidium grossum Venetum: qui uero maiores sunt, habent ualorem duorum Venetorum, aut quinq; aut decem. Sunt qui Byfantium aureum ualent, aut duos aut quinq;

Corticea moneta.

E. ii.



Bysantios. De hac itaque materia facit Imperator in ciuitate Cambalu cudi immensam uim pecuniæ, quæ pro toto sufficit imperio: nullique sub pœna mortis in omnibus regnis & terris suis licet aliam cudere uel etiam expendere monetam, aut illam recusare. Nec aliquis ex alio ueniens regno, quod magno Cham non est subiectum, audet aliam expendere pecuniam in imperio magni Cham. Vnde fit ut non raro negotiatores ex longinquis terris & regionibus ad ciuitatem Cambalu uenientes, secum portent aurum, argentum, margaritas & gemmas, & pro illis accipiant monetam regiam. Et quoniam hæc in terris suis non recipitur, commutant rursus eam in imperio magni Cham pro mercimoniis quæ secum abducant. Mandat quoque nonnunquã Imperator his qui in Cambalu morantur, ut qui aurum uel argentum, aut lapides pretiosos habent, ea quantocyus officialibus suis tradant, & consuetam ab illis monetam iuxta illorũ ualorem recipiant. Hoc itaque modo fit ut mercatores & ciues indemnes feruentur, & nihilominus rex omne aurum & argentum corradens maximũ congreget thesaurum. De memorata factitia moneta, soluit etiam officialibus & exercitibus suis stipendia, & quacunque tandem re in curia sua opus habet, hac emit pecunia. Vnde cum tantam uim pecuniæ ex re nihili conflet, & tamen per eam aurum & argentum plurimum consequatur, ea quæ curiæ necessaria sunt, emat, ministris suis stipendia soluat, cuilibet facile constabit nullum in mundo reperiri regem, qui diuitiis illum superet.

De duodecim præfectis prouinciarum, & eorum officio.

Cap. XII.

HABET Cham magnus duodecim barones aulicos, qui triginta quatuor præfecti sunt prouinciis: & horum officium est, ut singulis prouinciis duos præficient rectores, atque regiis exercitibus in locis ubi morantur de his quibus opus habent prouideant: & quicquid ordinant, regi indicant, qui sua auctoritate id confirmat quod illi statuendum duxerint. Hi multa beneficia & priuilegia passim concedunt, & propterea plurimum à populo obseruantur & ambitur fauor eorum. Habitāt in quodam palatio magno in ciuitate Cambalu pro eorum officio deputato, in quo uarias habent aulas & cameras pro se & ministris suis. Habent etiam assessores & notarios, qui illis à consiliis sunt, quique ea quæ agunt diligenter annotant.

De cursoribus & nuntiis magni Cham, atque multiplici mansionem eorum.

Cap. XIII.

EXTRA ciuitatem Cambalu multæ patent publicæ uia ad uiciniores ducentes prouincias, & in singulis castra seu diuerforia sunt extructa cum pulcherrimis palatiis, uiginti quinque distantia miliaribus ab urbe Cambalu, ubi diuertunt emissarii & nuntii regis. Vocantur autem mansiones illæ Ianli, id est, mansiones equorum: nam expectant ibi trecenti, aut quadringenti equi regis nuntios. Qui hinc soluentes post uiginti quinque miliaria alia inueniunt diuerforia, prioribus haud dissimilia: & ea hoc ordine & distantia continuantur usque ad extremas imperii limites: ita ut per uniuersum imperiũ in publicis uis circiter decem milia inueniantur regia hospitia. Equorũ uero numerus, qui in illis diuerforiis nuntiorũ officiis sunt deputati, est circiter ducenta milia. In locis quoque desertis



desertis & syluestribus, ubi alioquin nulla est humana habitatio, huiusmodi regia inueniuntur diuersoria, triginta aut quadraginta miliaris à seinuicé distantia. Ministratur autem pabulum equis, & uictus custodibus eorum, ab his ciuitatibus & incolis, qui diuersoriis uiciniores sunt, aut intra quorum terminos illa consistunt hospitia. Diuersoria autem quæ in desertis posita sunt, recipiunt necessaria à regis curia. Igitur quando rex noua ex remotis partibus cito audire cupit, destinat equites dicto suo quantocyus parentes, qui uno die ducenta aut trecenta conficiunt miliaria, & paucis diebus immensum terræ peragant spatium: quod in hunc modum fit. Emittuntur duo cum equis, qui concitatissimo cursu sine ulla mora ad proximum declinant diuersorium: ubi dimissis fessis equis duos alios ascendunt, & ad sequens citissime se transferunt diuersorium, sicque fit ut continue cursum suū eundo & redeundo continuent, & mandata regis ad remotissima loca pauculis diebus perferant, & rursus ex remotissimis partibus noua ad regem portent. Sunt etiam inter iam dicta diuersoria alia habitacula spatio trium aut quatuor miliarium ab inuicem distantia, ubi pauca sunt domus, in quibus habitant cursores pedestres, habentes singuli cinctoria plena sonoris tintinnabulis. Hi semper præparati sunt, ut quoties literæ regis ad eos destinantur, citissime illas ad proximum perferant habitaculū. Et prius quàm ad illud ueniant, à longe audientes cursoris uenientis sonitum, præparati illum expectant, & susceptis literis euestigio illas ad sequentem deferunt custodiam: sicque literæ per uarias transeuntes manus, sine ulla impediēte mora ad locum illum deferuntur, quò peruenire debent. Et sæpe fit ut rex in triduo noua perdiscat, aut novos fructus recipiat à loco, qui decem dierum itinere à sua habitatione distat. Omnes autē memorati cursores liberi sunt ab omni tributi exactione, & præterea à regis quæstoribus bonā laboris sui accipiunt mercedē.

De prouidentia imperatoris tempore caristis.

Cap. XXIII.

SOLE T magnus Cham singulis annis nuntios suos mittere ad diuersas prouincias imperio suo subiectas, ad inquirendum num damnum aliquod à locustis aut aliis uermibus frumento sit illatum, aut alia pestis sterilitatem in prouinciam aliquam inuexerit. Et cum sibi innotuerit prouinciam aliquam aut ciuitatem detrimentum passam, remittit illi populo tributa pro illo anno mittitque de horreis suis blada pro uictu & semente. Nā tempore magnæ ubertatis emit rex copiosam uim frumenti, & per annos tres uel quatuor in thecis conseruat, ut cum in una regione frumenti penuria præualuerit, defectus ille ex regis horreis sarciri possit. Vendit autem bladum suum minimo pretio, ut pro uno modio in quadruplo plus pecuniæ exponendum esset, si ab alio quopiam emeretur. Similiter quando pestis aliqua animalia inuaserit, remittit anno illo consuetum tributum, uenditis illis aliis pecoribus & armentis. Præterea ne uiatores & cursores in prouinciis Cathai errarēt, prospexit illis prudens imperator hoc consilio, Plantari fecit plurimas arbores, una ab alia modico distāte interuallo, easque iuxta uias sic constituit, ut iter agentibus ceu digito ostendant ueram semitæ lineam. Quantum uero numerum pauperum hominum per totum annum nutriat, & de horreis suis frumentum & panes illis elargiatur, incredibile putat.

E .iii.



bis si narrare perrexero : id tamen pro uero asserere possum, cum quotidie per totum annum circiter triginta milia pauperum pane pascere : nec ulli finit fragmentum negari panis. Quapropter à pauperibus quasi deus reputatur.

Qualis potus uini loco in prouincia Cathai fiat. Cap. XXV.

CONFICIUNT in prouincia Cathai potum optimum ex riso & uariis aromatibus, qui suo sapore etiam uini excellit suauitatem. Et qui eo auidius potiuntur, quàm ratio æquum esse iudicet, aut bibentis natura egeat, citius inebriantur quàm si uinum bibissent.

De lapidibus qui ut ligna ardent. Cap. XXVI.

PER TOTAM prouinciam Cathai ex montibus eruuntur lapides quidam nigri, qui in igne missi ut ligna ardent, & accensi aliquandiu ignem conseruant, ut si uesper accendatur, per totam noctem uiuū ignem retineant. Vtuntur autem multi iis lapidibus, quod lignorum in quibusdam locis sit penuria.

De fluuio Pulisachniz & egregio ponte eius. Cap. XXVII.

INDICAVIMUS hætenus in hoc secundo libro situm, magnitudinem, & negotiationem ciuitatis Cambalu, itémq; obiter scripsimus de magnificentia, pompa & opulentia magni Cham: nunc rerum ordo exposcit, ut finitimas quoq; regiones lustremus, & quid in illis uel fiat, uel inueniatur, breui sermone aperiamus. Igitur cum Cham magnus me Marcum ad remotas partes pro quodam regni sui negotio destinasset, quod quatuor mensium spatio me in itinere retinuit, omnia diligētius considerauī, quæ uel eundo, uel redeundo obtutibus meis occurrerunt: nam cum à ciuitate Cambalu itinere decem miliarium recessissem, inueni fluuium quendam magnum Pulisachniz nomine in oceanum sese exonerantem, per quem naues multæ cum plurimis mercibus ascendunt. Est autem in eo loco pons marmoreus pulcherrimus, trecentos in longitudine continens passus, & in latitudine octo: arcibus uero fornicibus uiginti quatuor innitens, sculptis leonibus utrunq; eius superiorem marginem adornantibus.

De locis ultra fluuium Pulisachniz sitis. Cap. XXVIII.

TRANSITO fluuio & ponte, procedendo per miliaria triginta, continuo occurrunt castra, aliæque elegantes domus: item uinæ electæ & agri fertiles. Sed finito itinere triginta miliarium peruenitur ad ciuitatem Geogui, quæ quidem magna est & pulchra, plurima habens monasteria idolorum. Fiunt ibi panni optimi auri & serici, itémque sindones mundissimæ. Habentur & multa communia hospitia pro aduenis & uiatoribus in illa ciuitate. Ciues autem sunt artifices & negotiatores. Extra hanc ciuitatē peruenitur ad biuium quoddam, cuius una uia ducit per prouinciam Cathai, altera uero uersus regionem Mangi ad mare. Ea quæ transit per prouinciam Cathai, habet ciuitates, castra, uiridaria, & optimos agros, in quibus multi quoque sunt negotiatores & ingeniosi artifices : & homines illi multum sunt affabiles, & omnibus familiares.

De regno Tainfu. Cap. XXIX.

ITINERE dierum decem à ciuitate Geogui confecto, peruenitur ad regnum Tainfu, quod quidem magnū est atq; cultissimū: nam sunt in eo uinæ multæ. In prouincia uero Cathai nullū crescit uinū, sed ab hac regione illuc defertur. Exercentur in hoc regno mercationes multæ, abundatque artificibus, & omnia



omnia arma, quibus utitur Cham pro exercitibus suis, fabricantur in eo. Hinc uero progrediendo ad occidentalem plagam, uenitur ad regionem amoenissimam, castris multis & ciuitatibus cultam, in qua etiam mercimonia fiunt magna. Emenso hinc itinere septem dierum, peruenitur ad ciuitatem quandam prægrandem Pianfu nomine, in qua serici maxima est copia.

De castro Chincui, & rege eius ab hoste capto.

Cap. XXX.

ABVRBE Pianfu duæ sunt dietæ ad castrum quoddam elegantissimum. Chincui nomine, quod quidam Darius nomine extruxit, hostis magni illius regis, quem presbyterum Ioannem uocant. Est castrum illud adeo arte & natura munitum, ut præses eius Darius neminem metueret etiam potentissimum regem: de quo plurimum circumiacentium prouinciarum præsides dolebant, ut hominem illum nemo unquam superare potuerit. Porro habuit presbyter Ioannes in aula sua septem iuuenes præfecti animi, qui iureiurando promiserunt illi, se Darium regem tradituros in manus illius. Qui uicissim illis multa bona pollicetur, si effectu id compleuerint. Illi igitur abeuntes ad curiam Darii ueniunt, obsequiisque illius se offerunt, dissimulata mentis malitia. Qui eorum minime timens aut obseruans calliditatem & uersutum animum, ut fideles ministros suo mancipauit obsequio. Factum autem est, ut illi per totum biennium id efficere nequiuissent, quod iam diu animo conceperant. Rex uero illis per omnia ut iam biennio probatis ministris confidens, animi recreandi gratia cum illis & aliis paucis militibus quodam tempore extra castrum per miliare unum equitauit. Tunc proditores illi horam adesse putantes, qua excogitatam militiam publicarent, euaginatæ super eum gladiis captum duxerunt ad presbyterum Ioannem, sponsioni suæ satis facturi. Qui mirum in modum lætus effectus, deputauit eum ad custodiam animalium, optimæque custodiri iussit. Et elapso biennio, quo cum pastoribus rex captus uixerat, iussit eum presbyter Ioannes coram se regio apparatu decoratum adduci: & alloquens eum dixit, Experimento nimirum nunc didicisti, quàm nihil fuerit potentia tua, quando te in tuo regno capi feci, & per duos annos cum pecoribus deputaui: possem iam te, si uellem, occidere, nullusque mortalium te eripere posset è manibus meis. Cui ille respondens ait, Verum ais, est ita. Tum rex Ioannes, Quia te adeo humiliasti, ut te nihil esse duxeris respectu mei, en uolo te deinceps agnoscere pro amico: & pro uictoria abunde satis mihi est, quod potuisssem, si uoluisssem te occidere: traditisque illi equis & deputatis ministris cum honore fecit eum reduci ad castrum suum. Et ille quoad uixit, presbytero Ioanni honorem exhibuit, & iussis quibusque obediuit.

De fluuio quodam magno Caromoram nomine, & adiacente regione.

Cap. XXXI.

TRANSITO itinere iuxta castrum Chincui uiginti miliarium, peruenitur ad flumen Caromoram, quod ob nimiam latitudinem & profunditatem nullum habet pontem: fluit uero ad oceanum. Sunt in littore eius multæ extructæ ciuitates & castra, in quibus multæ exercetur nundinationes. Abundat hæc regio zinzibere, serico & auiibus, præsertim phasianis. Traiecto fluuio post duorum dierum iter peruenitur ad nobilem ciuitatem Cianfu nomine, ubi de auro & serico pulcherrimi fiunt panni. Omnes incolæ huius ciuitatis & ferè totius prouinciæ Cathai idololatæ sunt.

E. iiii.



De ciuitate Quenquinafu.

Cap. XXXII.

V L T R A uero procedendo per iter dierum octo, inueniuntur passim ciuitates & oppida multa, agri pulcherrimi, & uiridaria. Abundat terra serico & uenationibus bestiarum atque auium. Quod si ulterius aliis octo dietis progrediaris, peruenies ad ciuitatē grandem Quenquinafu nomine, quæ est regni Quenquinafu metropolis. Et regnum istud fuit olim opulentum & magni nominis. Hodie præest illi filius magni Cham Mangala nomine. Producit ea regio magnam copiam serici, & omnia ea quæ ad hominis uitam conseruandam sunt necessaria. Exercentur etiam in ea plurimæ nundinationes, Incolæ idola colunt. Extra ciuitatem est regale palatium in planicie situm, in quo Mangala cum aulicis suis uersatur. Est quoque in medio ciuitatis palatium quoddam elegantissimum, ab intra parietes habens deauratos. Vacat rex cum aulicis suis uenationi animalium & capturæ auium, quibus illa regio abundat.

De prouincia Cunchi.

Cap. XXXIII.

R E C E D E N D O à dicta urbe & palatio itinere trium dierum itur per planiciem quandam pulchrā, in qua ciuitates plures sunt & castra, & ubi abundantia est serici, usq; dum ueniat ad regionē montuosam, ubi nedum in montibus, uerum & in montium conuallibus inueniuntur ciuitates & castra, & sunt de prouincia Cunchi. Incolæ sunt idololatræ & terræ cultores. Sunt etiam in ea regione uenationes leonum, urforum, ceruorum, capreolorum, damularum, & id genus animalium. Patet regio illa itinere uiginti dierum, habens montes, & ualles, atque nemora multa, sed ubique pro uiatoribus conuenientia inueniuntur diuerforia.

De prouincia Achalechmangi.

Cap. XXXIII.

I A M D I C T A E prouinciæ contigua est prouincia alia, nomine Achalechmangi, quæ est ad occidentalem plagam: & sunt in ea multæ ciuitates & castra: sed principalior regionis ciuitas uocatur Achalechmangi, & est confinis prouinciæ Mangi. Hæc prouincia itinere triū dierū planiciem habet, deinde sequuntur montes & ualles atque nemora, patetque itinere uiginti dierum, habens ciuitates multas & oppida. In cæteris rebus non differt à priori prouincia: nam habet negotiatores, artifices & cultores terræ: itēque uenatores multarum syluestrium animalium. Habet quoque animantia quæ muschum producant. Crescit in hac prouincia zinziber in magna copia, sicut & triticum atque risum.

De prouincia Sindinfu.

Cap. XXXV.

P R I O R I prouinciæ contermina est alia prouincia Sindinfu nomine, quæ etiam cōtingit prouinciā Mangi. Huius principalior ciuitas est Sindinfu, quæ olim fuit magna & locupletissima, habens in circuitu uiginti miliaria. Habuit etiam regem ditissimum & potentem: qui cum tres reliquisset filios regni successores, trifariam diuiserunt ciuitatem, partes singulas propriis cingentes muris, quæ tamen omnes intra priorem continebantur murū. Magnus uero Cham ciuitatem illam & regnū suæ subiecit ditioni. Per medium huius ciuitatis transit fluuius qui dicitur Quianfu, habens in latitudine dimidium miliare, & est profundus ualde atque piscosus. Positæ sunt in ripis eius multæ ciuitates & castra. Ostia eius distant ab hac urbe nonaginta dierum itinere. Naues & merces per ipsum



ipsum ascendunt in maxima multitudine & copia. Transit etiam pons lapideus per ipsum in ciuitate Sindinfu, habens longitudinem unius miliaris, & latitudinem octo passuum. Et supra ipsum construuntur mane uariae domunculæ, quæ artificum sunt officinæ, & sero iterum deponuntur. Est & alia super eum constructa domus, in qua manent regis ministri, qui à transeuntibus pedagja & uectigalia exigunt. Vterius uero procedendo per iter quinque dierum transitur per planiciem quandam, in qua sunt ciuitates, castra, & uillæ multæ, in quibus sunt sindones in magna copia. Reperiuntur etiam ibi animalia syluestria multa.

De prouincia Tebeth.

Cap. XXXVI.

P O S T planiciem, de qua iam diximus, uenitur ad prouinciam Tebeth, quam magnus Cham expugnauit atque deuastauit: nam multæ in ea sunt ciuitates destructæ, & castra diruta. Patet autem in longum itinere uiginti dierum. Et quoniam omnino in solitudinem est redacta, habitatoribus carens, necesse est ut uiatores uictualia secum ferant, quæ illis sufficiant per iter uiginti dierum. Et postquam hominum habitatione cœpit destitui, feræ syluestres totam eam occupantes periculosum iter transeuntibus fecerunt, præsertim noctu. Verum contra hoc periculum mercatores & alii uiatores tale excogitauerunt commentum. Nascentur in regione illa maximæ arundines, quæ habent in longitudine passus quindecim: crassitudo uero in gyro tribus mensuratur palmis. Porrò inter duos uiciniores nodos distantia est trium palmorum. Itaque quando uiatores noctu uolunt quiescere, accipiunt fascēs magnos de illis arundinibus, & in unam ponunt congeriem, subiectoque igne succendunt. Quæ igne correptæ incipiunt crepitare, tantusque in eis excitatur stridor & fragor, ut eminus ad aliquot miliaria audiri possit. Quem terribilem sonitum animalia audientes, obstupescētes fugiunt tandiu, donec crepitus ab auribus eorum euanescat, illisque sic elusis mercatores & uiatores tuti pertranseant prouinciam illam. Porrò equi & alia iumenta, quibus mercatores pro itinere utuntur, hoc audito strepitu plurimum inhorrescunt, & multa in fugam conuersa dominis suis elapsa sunt: sed prudentiores uiatores pedes eorum compedibus ligantes, ut quadam ea secum retinent, ne territa aufugiant.

De regione alia Tebeth, & turpi eius consuetudine.

Cap. XXXVII.

P E R A C T O itinere uiginti dierum, transitque prouincia Tebeth, occurrunt ciuitates & uillæ plurimæ, in quibus idololatriæ occasione pessima inoleuit consuetudo: nam nullus uir ibi ducit uxorem uirginem, sed si quam ducere instituit, necesse est ut prius à multis uiris sit cognita: aiunt enim mulierem non esse coniugio aptam, nisi prius fuerit stuprata. Vnde quando uiatores & aduenæ aliunde uenientes hanc transeunt regionem, & quietis gratia tabernacula sua ponunt, mulieres eius loci habentes filias nobiles, ducunt illas ad peregrinos, aliquando uiginti, quandoque triginta aut plures iuxta numerum mercatorum seu aduenarum, rogantes eos, ut quilibet unam ex uirginibus sibi associet, atque concubitu eius fruatur quandiu illic manserint. Illi igitur matronarum precibus uicti, deligunt sibi ex puellis quas uolunt, & matrimonio aptiores reddunt. Et cum recedere uolunt, nullam secum abducere permittuntur, sed parentibus fideliter restitunt. Exigit etiam puella ab eo qui eam deflorauit, iocale aliquod, seu munuscu-



Gadderi.

lum, quod ostendere possit ceu argumentum suæ deflorationis. Et quæ à pluribus uiris fuit amata atque corrupta, & multa habuerit talia iocalia quæ ostendat procis, hæc nobilior habetur, faciliusque & honorificentius maritari potest. Et quando honorifice uult incedere, suspendit ad collum omnium amatorum insignia: quantoque pluribus fuit grata, tanto maiori honore digna iudicatur. Sed quando cum maritis nuptias inierint, iam non permittuntur amplius extraneis uiris copulari, sed maritis suis fidem seruare coguntur. Et plurimū cauent huius regionis uiri, ne in hac re alterutrum se offendant. Idololatræ sunt atque crudeles homines, pro nullo reputantes peccato, si prædantur & latrocinia exercent. Viuunt uenationibus atque fructibus terræ. Inueniuntur etiam apud eos multa animantia quæ muschum producant, quæ Gadderi uocantur. Venantur incolæ huiusmodi animalia canibus, abundantq; muscho. Linguam habent propriam atque peculiarem monetam, & pellibus induuntur bestiarum, aut canabeo rudi. Pertinet hæc regio ad prouinciam Tebeth: nam est Tebeth latissima prouincia, diuiditurque in octo regna, habens ciuitates & oppida multa. Terra montuosa est, suntque in ea loca quædam, atq; quidam fluuii in quibus aurum inuenitur. Utuntur quoque ibi corallio pro moneta: nam est is lapis apud eos in magno pretio, & omnes sceminæ deferunt eum ad collum, appenduntq; ipsum quasi rem pretiosam ad colla idolorum. Sunt in hac regione canes maximi, asinis æquales, qui syluestres capiunt bestias. Habent etiam falcones, & alias aues uenaticas. Crescunt apud eos in magna copia cinamomum & aliæ species aromaticæ. Subiecta est prouincia ipsa magno Cham.

De prouincia Caniclu.

Cap. XXXVIII.

PROVINCIAE Tebeth adiacet ab occidente prouincia Caniclu, quæ regem habet, sed qui tributarius est magno Cham. Est ibi lacus, in quo tanta est margaritarum copia, ut pretium earū omnino uilesceret, si pro hominum libito asportari permitterentur. Vnde sub capitis poena cautum est, ne ullus in hoc lacu piscari margaritas absque magni Cham indulto præsumat. Sunt quoque in hac prouincia animantia Gadderi, quæ muschum ferunt in magna abundantia. Scatet etiam lacus ille, qui margaritas in tanta copia nutrit, piscibus: & tota terra plena est syluestribus bestiis, puta leonibus, ursis, ceruis, damulis, lyncibus, capreolis, & diuersis auium speciebus. Vinum non crescit in ea, sed loco eius potū optimum conficiunt ex tritico, riso, & aliis uariis speciebus. Inueniuntur ibi gariophylli in magna copia, qui colliguntur ab arboribus quæ habent ramusculos paruos, atque album florem, ex quo natum pirum loco grani habet gariophyllum. Crescit denique ibi zinziber in magna copia, cinamomum & aliæ uariæ aromaticæ species, quæ ad regiones nostras non deferuntur. Inueniuntur etiam in montibus huius regionis lapides qui Turchisi nominantur, pulchri ualde, sed qui hinc absque licentia magni Cham auferri non possunt. Incolæ huius terræ idola colunt, à quibus adeo sunt dementati, ut putent eorum promereri gratiam, si uxores suas & filias uiatoribus abutendas prostituant. Nam cum peregrinus quispiā ad eos hospitii gratia diuertit, confestim paterfamilias uxorem, filias, & reliquas mulieres quæ in domo eius sunt conuocat, mandatque ut hospiti & sociis eius per omnia obediant: & ipse recedens peregrinum & comites eius in domo sua relinquit,



relinquit, nec redit donec illi abierint. Et peregrinus interim quo illo fruitur hospitio, suspendit pallium suum, aut aliud signum ante fores illius domus: & quando paterfamilias redit, atque per signum illud animaduertit hospitem nondum discessisse, non intrat domum suam, sed iterum abit, foris expectaturus donec ille emigrauerit. Et in hunc modum potest peregrinus duobus aut tribus diebus illo uti hospitio. Et obseruatur consuetudo ista per totam illam prouinciam Ganiclu, nec quisquam putat sibi illud esse dedecori, si peregrino uxoris suæ aut filiae copiam fecerit, quod in deorum facit gloriam, sperans illos sibi magis propicios futuros. Moneta eorum sunt uirgulæ quædam aureæ, certum habentes pondus, & iuxta pondus uirgulæ est ualor monetæ. Et hæc quidem est moneta maior. Habent etiam minorem, quam hoc modo faciunt, Coquunt sal in caldario, & postea faciunt ex eo in formellis massulas paruas, quas consolidatas pro moneta exponunt. Relicta hac prouincia proceditur itinere decem dierum, & interim occurrunt castra & pagi multi, quorum incolæ easdem habent consuetudines quas prouincia Caniclu, tandemque peruenitur ad flumen quod Brius uocatur, ad quod prouincia Caniclu terminatur. Inuenitur autem in hoc flumine aurum in magna copia, quod paglola dicitur: & in ripis eius crescit cinamomum in maxima abundantia.

De prouincia Caraiam.

Cap. XXXIX.

TRAIECTO flumine Brio peruenitur ad prouinciam Caraiam, quæ septem continet regna. Subiecta est autem magno regi Cham, cuius filius Esentemur nomine, meo tempore regno illi præfuit. Incolæ eius sunt idololatæ. Nuntiat regio equos optimos: habet etiam linguam propriam & difficilem. Metropolis eius uocatur Iaci, & est ciuitas magna & insignis, in qua multæ fiunt nundinationes. Habitant etiam ibi pauci Christiani Nestoriani, & plurimi Mahumetani. Habent triticum & risum multum, licet triticeo non uescantur pane, cum hunc digerere sine stomachi afflictione nequeant, sed ex riso panem conficiunt. Faciunt quoque potum ex uariis speciebus, sed qui eos facilius quam uinum inebriat. Utuntur pro moneta lapillis quibusdam aureis & albis, qui in mari reperiuntur. Fit in hac ciuitate sal plurimum ex aqua puteorum, de quo rex magnū habet emolumentum. Sunt uiri in hac regione adeo stupidi & stolidi, ut non curent si quispiam accedat ad uxores suas, modo illæ assensum præbuerint. Est etiā illic lacus ualde piscosus, centum in gyro complectens miliaria. Edunt homines illi carnes crudas, sed hoc modo paratas, Primo terunt illas minutim, deinde coniungunt eas oleis odoriferis atque optimis speciebus, & sic deuorant.

De regione quadam in prouincia Caraiam sita, in qua sunt maximæ serpentes.

Cap. XL.

DISCEDENDO à ciuitate Iaci peruenitur ad regnum aliud, cunctis scilicet decem dierū itinere, cuius metropolis dicitur Caraiam, cui præsidet Cogracam filius Cublai imperatoris. Et ab hac urbe tota illa regio denominationē habet. Suppeditant ibi flumina plurimū auri, quod paglola nominatur. Inuenitur quoque in lacunis & montibus aurum, sed quod alterius est speciei. Incolæ sunt idololatæ. Nascuntur in hac regione serpentes maximæ, quorum quidam in longitudine continent decem passus, & in complexu grossicie decem palmos.



Aliqui ipforum prioribus carent pedibus, quorum loco ungulas habent in modum ungularum leonis aut falconis. Caput ipforum est magnum, & oculi prægrandes, ut duorum panum adæquent quantitatem. Os & rictum habent tam amplum, ut hominem deglutire ualeant. Dentes quoque magni & acerrimi rictui illi tam horrendo non desunt. Nec est homo aliquis, aut aliud animal, quod sine terrore serpentes illos aspicere, ne dicam adire possit. Capiuntur uero in hunc modum, Solet is serpens interdum latitare in cauernis subterraneis, aut aliis specubus in montibus uel petris repertis: nocte uero egreditur, circumiens terram, & potissimum aliorum animalium lustrat latibula, quærens cibum quem deuoret: nec formidat ullius bestię genus: deuorat enim bestias magnas & paruas, leones & urfos: & ubi uentrem exaturauerit, redit ad speluncam suam. Et cum terra illa admodum sit fabulosa, mirum est quantam foueam corporis sui pondere in arenam imprimat: putares dolium aliquod uino plenum per sabulum uolutatum. Venatores itaque beluæ insidiantes, interdum figunt multos palos in sabulum, fortes & acuto ferro in superiore extremitate dentatos, & hos sabulo tegunt, ne à serpente uideri possint: multosque passim terræ infigunt, præsertim ubi in uicino norunt latitare. Et quando nocte solito more progreditur, ut escam sibi quærat, & molem corporis sui per cedentem arenam reptando & trahendo mouet, fit aliquando, ut pectus in latentem sudem ferro acuminatam uiolenter immergat, & seipsum interficiat, aut graui læsione sauciet: & tunc latentes uenatores accurrentes beluam interficiunt, si adhuc uiuit, & fel extrahunt, quod magno uendunt pretio: nam est medicinale, unde qui à rabido cane læsus fuerit, si uel modicum, quantum est pondus unius denarii, de illo biberit, statim sanatur. Et mulier in partu laborans si uel tantillum de hoc felle gustauerit, acceleratur partus eius. Sic qui hæmorrhoidam aut ficum anus sustinuerit, & locum illum secretum hoc perunxerit felle, post paucos dies à morbo liberatur. Carnes uero illius serpentis uendunt in cibum: nam libenter uescuntur ea homines. Abundant quoque in hac prouincia equis optimis, & qui à negotiatoribus in Indiam mercatus gratia ducuntur. Incolæ uero solent illis equis auferre de osse caudæ nodos duos uel tres, ne equus currens sessorem cauda feriat, & ne caudam nunc huc, nunc illuc flectere possit: nam turpe hoc iudicant. Utuntur in bello scutis & armamentis de corio bubalorum factis, & sagittas atque lanceas omnes intoxicant. Et prius quam magnus Cham Cublai hanc prouinciam suæ subiecisset ditioni, præualuerat apud eos ista detestanda consuetudo, ut cum uir aliquis exteræ nationis bonis adornatus moribus, prudens in uerbis & factis, & omni honestate conspicuus apud eos hospitaretur, occidebant eum nocte, putantes quod mores, prudentia, honestas, gratia, imò anima uiri illius in domo illa deinceps manerent. Et hæc perfidia seu discredulitas, effecit ut plures uiatores illo loco occisi fuerint. Verum magnus Cham ut regnum illud suo subiugauit dominio, eliminauit impietatem illam, & summam illam stultitiam.

Pharmaca  
ex felle.

Crudelitas  
in hospites.

De prouincia Arcladam.

Cap. XLI.

EVNTIBVS nobis de prouincia Caraiam, post quinque dietas occurrit prouincia Arcladam, quæ etiam paret magno Cham. Metropolis eius uocatur Vnchiam. Utuntur incolæ eius pondere auri pro moneta: nam argentum in regione



gione illa, & multis aliis circumiacentibus regionibus minime inuenitur. Qui autem argentum aliunde important, hi commutant illud pro auro, & multum lucrantur. Potu factitio utuntur, ex riso & aromatibus confecto. Viri & mulieres regionis illius dentes cooperiunt subtilibus laminis aureis, quas sic illis adaptant, ut dentes ipsi in laminis quodammodo sedere uideantur. Viri omnes militarem edocti sunt artem, quippe qui soli militiæ & uenationi bestiarum atque uolucrum intenti sunt. Mulieres uero domus curam gerunt, habentes seruos emptitios, qui eorum mancipati sunt obsequiis. Est quoque in hac prouincia consuetudo, ut cum mulier pepererit, quam cito poterit, lectum deserit, surgensque gubernationi domus intendit: & tunc maritus eius decumbit lecto quadraginta diebus, nati infantis curam gerens. Mater uero aliud nihil circa infantem agit, nisi quod lac illi sugendum præbet. Et amici atque consanguinei interim uisitant uirum illum decumbentem non secus quam hic puerperæ uisitantur. Aiunt enim mulierem, cum uterum gestaret atque euacuaret, longo tempore grauer afflicta, & nunc conueniens esse, ut diebus quadraginta ab infantis cura & labore quiescat: affert tamen uiro cibum ad lectum. In hac prouincia idola alia non sunt, nisi quod quælibet familia progenitorem suum adorat. Habitant præterea in locis syluestribus atque montanis. Ad montes autem illos extranei non accedunt, quia aerem qui ibi corruptus esse censetur, ferre non possent. Literas non habent, sed contractus suos & obligationes faciunt per tesseras, quarum medietatem seruat unus, & aliam alius: quæ postea in unum collata, signis conuenientibus adhibitis, rei causam exponunt. Non sunt in hac prouincia medici, sicut nec in Canidu & Caraiam: sed cum quis infirmatur, conuocant Magos seu idolorum ministros, & illis exponit ægrotus morbum suum: tunc Magi choream agunt, instrumenta quædam sonant, & in honorem deorum suorum magnos reboant cantus, donec tandem unus ex eis in chorea saltantibus & ludicribus à dæmone corripiatur. Tunc chorea relicta, arreptitium in terra iacentem consulunt, ex qua causa id morbi illi acciderit, quidque pro ipsius liberatione sit agendum. At dæmon per arreptitium respondet: Quia id uel illud fecit: aut, quia hunc uel illum offendit deum, ideo in hunc incidit morbum. Tunc Magi orant ut deus illi noxam illam remittat, promittentes ægrotum illum si conualuerit, de sanguine suo proprio sacrificium ablaturum. Quod si dæmoni uideatur infirmum tali laborare morbo, ut hinc liberari non possit, respondere solet, Iste tam grauer deum illum offendit, ut per nulla sacrificia placari possit. Et si à morbo conualiturus sit, iubet ut tot arietes, nigra habentes capita offerat tot etiam & tales paret potiones, tot ad se conuocet Magos, totidemque Magas, per quorum manus sacrificium offeratur, & tum placetur illi deus. Quo audito, consanguinei eius cito curant illa fieri quæ dæmon iussit: occidunt arietes & sanguinem ipsorum in cælum spargunt, conuocatique Magi cum sagis suis, accendunt luminaria magna, & domum totam thurificando suffumigant, sed & fumum de lignis aloes faciunt, atque ius carniū in aera spargunt unā cum portione de aromatibus confecta: quibus omnibus rite peractis, in chorea rursus saltant in honorem illius idoli, quod infirmo putatur propitium factum, cantant & horribiliter uocibus suis strident. His factis, interrogant rursus arreptitium, num

Vir puerperæ  
rus.

Idololatria.



per hæc idolum sit placatū. Si respondet, non, confestim parāt se ad implendum aliud eius mandatum. Si autē respondet sibi satis factum, phanatici & incantatores sedent ad mensam, & carnes idolo immolatas comedunt cū magna lætitia, & bibunt confectiones quas in dæmonū sacrificio libauerunt. Et finito prandio quisq; ad sua redit. Et cū æger ex diuina prouidentia sic morbū euaserit, & incolunitati restitutus fuerit, id cæci homines non uero deo, sed dæmoni gratū ferūt

De prælio magno quod fuit inter Tartaros, & regem Mien.

Cap. XLII.

A N N O domini M C C L X X X I I magnum est ortum bellum propter regnum Caraiam, cuius præcedenti capite meminimus, & regnum Botiam nā misit magnus Cham unum de principibus suis Nescordim nomine cum duodecim equitum milibus, qui prouinciam Caraiam à qualibet tutarentur infestatione. Erat autem dictus Nescordim uir prudens & strenuus, habebátque sibi adiunctos milites probos & bellicis rebus assuetos. Horum aduentum ut audiuerunt rex Mien & rex Bangala, perterriti sunt plurimum, putantes quòd ad regna eorum expugnanda uenissent. Et conuocantes militias suas coadunauerunt equites & pedites circiter sexaginta milia, elephantos autem duo milia, castra gestantes, & in quolibet castro erant positi duodecim uiri armati, aut quindecim, aut sedecim. Cum hoc exercitu properauit rex Mien uersus ciuitatem Vociam, ubi quiescebat Tartarorum exercitus, & per tres dies in campestribus illis quietus mansit. Audiens uero Nescordim tantum contra se uenisse exercitum, plurimum timuit: tametsi metum illum omnino dissimularet. Roboratus est nonnihil animo, quòd sciret se in suo exercitu habere uiros fortes & strenuos bellatores. Egressus itaque uirili animo ut pugnaret contra hostem, castra posuit contra nemus quoddam magnum, quod proceras & maximas habebat arbores, non nescius quod elephāti cum turribus seu castris illis portatilibus nemus ingredi minime ualerent. Tunc Mien rex audiens adesse Tartaros, contendit occurrere illis. Tartarorum uero equi elephantos adesse sentientes, quippe qui in prima acie constituti erant, tanto terrentur pauore, ut nulla ui, aut ullo ingenio potuerint à suis sessoribus contra elephantos excitari. Coguntur igitur Tartari ab equis descendere, illisque ad nemoris arbores ligatis, pedestres contra elephantos pugnaturi ueniunt. Et quoniam in prima acie omnes milites balistas habebant, & sagittis iaciendis assueti erant, tantam sagittarum uim in hostem torquent, ut elephanti uulnerati, & sagittarum ictus minime ferre ualentes, fugam arriperent, omnesque rapido cursu uersus nemus proximum contenderent. Rectores uero eorum cum summa ui illos in hostem arcere molirentur, incassum laborauerunt: nam dispersi sunt huc atque illuc, & ingressi nemus portatilia castra ruperunt, & armatos uiros in illis sedentes deiecerunt. Quod uidentes Tartari currunt ad equos suos, illisque conscensis cum magno impetu irruūt in acies regis. Hostis uero territus, quòd elephantorum dissipata esset acies, quantum potuit manu se defendit, Et cum utrinque atrociter pugnant, atque multi de utroque caderēt exercitu, rex Mien cum suis tandem in fugam uersus, Tartaris insequentibus & plurimos adhuc interficientibus uictoriā reliquit. Quibus superatis Tartari in nemus properāt, atque elephantos capere conantur;



conantur : uerum illis fugientibus nullum cepissent, nisi inter captiuos quidam illis auxilio fuissent. Ceperunt autem circiter ducentos . Ab hoc prælio & deinceps coepit magnus Cham uti elephantis in exercitu, quos prius ad hoc assuetos officium nō habuit. Paulo post deuicit idem magnus Cham terras regis Mien, suoque subiugauit imperio.

De regione quadam syluestri, & prouincia Mien. Cap. XLIII.

**R E C E D E N D O** à prouincia Caraiam peruenitur ad descensum quendam, in quo ferè per tres dies itur in præceps, nec est ibi ulla habitatio, etiamsi sit latissima quædam planicies, in quam tribus diebus per hebdomadam multi conueniunt homines mercandi gratia. Descendunt multi de magnis regionis illius montibus, aurum secum deferentes quod pro argento commutant, nempe unam auri unciam pro quinque argenti unciis dantes: unde de exteris nationibus multi illuc ueniunt negotiatores, qui argentum afferentes aurum asportant. Ad montes uero illos excelsos, in quibus illi cum magna securitate habitant qui aurum in regione illa colligunt, nemo extraneorū uenire poterit, cum iter illud inuium sit, & adeo perplexum, ut potius teipsum perderes, quàm absconditos inuenires homines. Post hæc uenitur ad prouinciā Mien, quæ à meridie confinis est Indiæ, & hæc maxima habet loca syluestria & nemorosa, in quibus innumeri discurrunt elephanti, unicornes, atque aliæ feræ agrestes, sed nulla ibi est habitatio humana.

De ciuitate Mien & sepulchro regis. Cap. XLIIII.

**I T I N E R E** peracto quindecim dierum peruenitur ad ciuitatem quæ uocatur Mien, & hæc magna est atque nobilis, quippe quæ caput est regni, magno subiecta Cham. Habitatores eius linguam propriam habent, & sunt idololatræ. Fuit in hac ciuitate rex prædiues, qui moriturus iussit sibi parare sepulchrum in hunc modum, In quolibet capite seu angulo monumenti fieri iussit turrim unā marmoream altitudinis decem passuum, spissitudinis iuxta proportionem altitudinis seruata. In cacumine uero turres illæ rotundæ fieri iubebantur, atq; una earum undique auro cooperiri. Super cacumen uero turris multæ suspendi debebant aureæ campanellæ, quæ ad flatum uenti sonū quendam redderent. Alia autem turris argento debebat operiri, habens in sua summitate campanellas argenteas, quæ similiter tinnitum ederent flante uento. Hoc sepulchrum fieri iussit pro honore nominis sui, & ut memoria sua apud homines nunquam interiret. Et cum magnus Cham sibi subiiceret hanc prouinciā Mien, noluit ut exercitus uiolaret sepulchrum illud, quod rex ille fecerat ad honorem nominis sui: nam est mos Tartarorum, ut non præsumant uiolare ea quæ spectant ad pietatem defunctorum. Sunt in hac prouincia multi elephantes, boues syluestres magni & pulchri, cerui & damulæ, aliæque diuersarum specierum animalia syluestria.

De prouincia Bangala. Cap. XLV.

**B A N G A L A** prouincia à meridie confinis est Indiæ, quam magnus Cham nondum subegerat, cum ego in curia illius uersarer, sed ad expugnandum exercitum miserat. Habet regio regem proprium atque propriam linguam. Incolæ eius sunt omnes idololatræ: uescuntur carne, riso & lacte: habent bombycē in magna copia, & gratia illius multæ & magnæ fiunt ibi nun-



dinationes. Abundant etiam spico, galaga, zinzibere, saccaro, & aliis diuersis aromatibus. Sunt quoque ibi maximi boues, qui crassitudine, sed non altitudine elephantos æquant. Fiunt in hac prouincia multi eunuchi, qui postea negotioribus uenduntur, distrahendi in diuersas prouincias.

De prouincia Cangigu.

Cap. XLVI.

POST memoratam prouinciam orientem uersus sequitur prouincia Cangigu, quæ proprium habet regem, atque propriam linguam. Incolæ eius idola colunt, & sunt tributarii magno Cham. Rex eorum habet circiter trecetas uxores. Inuenitur in ista prouincia aurum multum, & multa aromata, sed quæ nõ facile distrahi possunt, cum regio ipsa longe distita sit à mari. Sunt quoque in ea elephanti multi, & uenationes multarum ferarum. Incolæ eius uiuunt carnibus, lacte & riso. Vino carent, sed ex riso & aromatibus potum conficiunt bonum. Solent tam uiri quàm mulieres pingere acubus facies suas, colla, manus, uentres & crura, facientes imagines leonum, draconum, & auium, adeoque eas impressas firmant, ut non facile aboleri possint: & quo quis plures huiusmodi habuerit imagines, eo pulchrior æstimatur.

De prouincia Amu.

Cap. XLVII.

AMV PROVIN CIA ad orientalem sita plagam, magno subiecta est Cham, cuius incolæ idola colunt, habentq; linguam propriam. Abundant gregibus animalium, habentque copiam uictualium, & equos multos, eosque optimos, quos negotiatores in Indiam ducunt. Habent quoque bubalos multos & boues, quia sunt illic pascua delicata. Tam uiri quàm mulieres gestant in brachiis monilia aurea & argentea magni ualoris.

De prouincia Tholoman.

Cap. XLVIII.

PROVIN CIA Tholoman distat ad orientem ab Amu itinere dierum octo, subiecta magno Cham, habens linguam propriam, & idola colens. Viri & mulieres eius sunt elegantis formæ: tamen bruno sint colore. Terra cultissima est, castra & ciuitates habens multas & fortes. Viri in armis sunt exercitati, & ad bella affueti. Mortuorum suorum corpora comburunt, & ossium reliquias capsæ includentes, in cauernas montium recondunt, ne uel ab homine, uel à bestia tangi possint. Aurum est ibi in magna copia, & loco monetæ utuntur auri glebis in mari repertis.

De prouincia Gingui.

Cap. XLIX.

A PROVIN CIA Tholoman ducit iter uersus orientem ad prouinciam Gingui, iturque duodecim diebus iuxta fluuium quendam, donec perueniatur ad ciuitatē grandem Sinulgu. Subiecta est regio magno Cham, & sunt incolæ eius idololatriæ addicti. Parantur in hac prouincia panni elegantes de corticibus arborū, quibus æstate induuntur. Sunt in ea plurimi leones, ut etiam præ timore eorū nullus audeat noctu extra domos dormire: nā quoscunq; inueniunt lacerant atq; deuorant. Naues quæ ascendunt & descendunt per flumen propter leonum metum ad ripam non ligantur, sed in medio fluminis ancoris eiectis retinentur, alioquin leones noctu naues ingrederentur, & quicquid uiuū in eis reperirent deuorarent. Et licet leones illi sint magni & feroces, sunt tamē in eadem regione canes tam audaces & fortes, ut non uereātur leones inuadere.

Et sæpe



Et sæpe fit ut duo canes & uir sagittarius equo insidens leonem sternant: nam cum canes leonem adesse sentiunt, magno latratu eū inuadunt: præsertim quando sciunt se hominis auxilio fultos: non desinunt mordere leonem in partibus posterioribus atque cauda: & licet leo sæpe rictum illis minetur, huc illucque se uertens, ut illos dilaceret, tamen canibus magna cautela sibi prouidentibus, non facile ab eo læduntur, præsertim cum insequens eques tunc leoni iaculum infigere studeat, quando canes trucidare conatur. Fugit tamen leo, metuens ne propter canum latratum alii quoque canes & homines prouocentur in eum: & cum arborē apprehendere potest, ilico confugit ad eam, & ceu tuto fortalicio ea fruitur à tergo, uersoque rictu contra canes, tota uel sese tutatur contra illos. Vir autem eques appropians non cessat iaculare leonem, donec interficiat: nec aduertit leo iaculantis ictus, donec ruat: usqueadeo faciūt canes illi negotium. Abundat regio ista serico, quod per mercatores ad diuersas portatur prouincias.

De ciuitatibus Cacausu, Canglu & Ciangli. Cap. I.

RECEDENDO à prouincia Cingui plures passim occurrunt ciuitates & castra: & ubi absolueris iter quatuor dierū, offert sese Cacausu nobilissima ciuitas, quæ prouinciæ Cathai annumeratur, sita ad meridiem, & serico abundans, unde pretiosi fiunt panni atque sindones, auro illis intertexto. Ab hac ciuitate tres numerantur dietæ uersus meridiem ad ciuitatem aliam magnā, Canglu nomine, quæ sale abundat: nam est terra illa salissima, & ex ea eliciunt sal hoc pacto. Congerunt terram in modum collis, & superfundentes aquam, quæ saluginem terræ attrahat, eam iterum sub congesto colle hauriunt, & tam diu iuxta ignem coquunt, donec in salis coaguletur densitatem. Ultra ciuitatē Canglu itinere quinque dierum est ciuitas alia Ciangli nomine, per cuius medium transit fluuius magnus, nauibus mercibus oneratis commodissimus, nam est illic emporium insigne.

De ciuitatibus Tadinfu & Singuimatu. Cap. II.

VLTERIVS procedendo post dietas sex uersus meridiem peruenitur ad ciuitatem magnam Tadinfu, quæ regem proprium habuit, prius quàm subiceretur magno Cham: & habet quadraginta ciuitates iurisdictioni suæ subditas: quæ omnes elegatissima habent uiridaria. Rursum eundo uersus meridiem, absolutis tribus dietis, peruenitur ad aliam insignem ciuitatem Singuimatu nomine, ad quam à meridie magnus quidam currit fluuius, qui à loci incolis in duos diuisus riuos, partim ad orientem uersus Mangi, & partim ad occidentem uersus Cathai fluit. Per hos riuos innumeræ nauiculæ cum mercibus adducuntur. A Singuimatu si uersus meridiem duodecim dietis contendas, continue occurrunt ciuitates & oppida, in quibus nundinationes multæ fiunt. Incolæ harum regionum sunt idololatræ, magno Cham subiecti.

De fluuio magno Caromaran, & ciuitatibus Corgangui & Caigui.

Cap. III.

PRIORE continuato itinere peruenitur ad flumen magnum Caromaran nomine, quod ex regno presbyteri Ioannis fluere dicitur. Occupat in latitudine spatium unius miliaris: profunditas uero eius est tanta, ut oneratæ naues per ipsum ascendere & descendere queant: abundat etiam piscibus. Haud longe

F. iii.



ab ostio huius fluminis, ubi scilicet ruit in oceanum, sunt circiter quindecim milia nauium, quas illic instructas habet magnus Cham, ut si necessitate ingruente nauigandum sit ad insulas maris, exercitus per paratas naues facile adduci possit. Harum nauium plurimæ sunt tam magnæ, ut quindecim ferre possint equos, ac eorum sessores, cum uictu & pabulo illis & istis necessario. Nautæ uero circiter uiginti sunt in qualibet nauî. Porro iuxta stationem illarum nauîû duæ sunt ciuitates iuxta fluminis sitæ ripam, quarum una dicitur Corgangui & alia Cai-gui. Traiecto uero illo flumine, mox uenitur in nobilissimâ prouinciâ Mangi, cuius præconium explicabitur in sequentibus capitibus.

De prouincia Mangi, & pietate atque iustitia regis, Cap. LIII.

HABVIT prouincia Mangi regem quendam Facfur nomine, diuitem & potentem, quo præter magnum Cham nullus in regionibus illis maior inueniebatur. Regnum eius fortissimum erat, & inexpugnabile putabatur, ut nemo ipsum inuadere præsumperit. Vnde factum est, ut tam rex quàm populus bellorum & armorum usum & exercitium amitterent. Erant singulæ ciuitates foueis atque fossis latissimis aqua redundantibus cinctæ. Carebant equis, quia neminem timebant. Hincque factum est, ut rex genio plus æquo indulgens, deliciis frueretur continuis. Alebat domi circiter mille domicellos, & aliud satellitiû magnum & honorificû habuit. Fouebat tamen iustitiam, conseruabat pacem, & diligebat misericordiam. Nemo audebat proximum offendere, & fraternâ pacem interturbare, alioquin poenam luisset. Tanta erat in regno illo concordia, ut artifices sæpe noctu dimitterent officinas suas apertas, & tamén nemo præsumeret intrare. Viatores & peregrini tutissimi per totum illud regnum ambulabant die ac nocte, nullû metuentes hominẽ. Erat quoq; rex ipse pius & misericors in pauperes, & non deserebat eos qui necessitate premebantur, aut penuria laborabant. Colligebat præterea singulis annis pueros & infantes à matribus suis abiectos, aliquando circiter uiginti milia, & eos sumptibus suis nutrirî faciebat: nam in regione illa pauperes mulieres communiter à se abdicant atq; abiiciunt proprios natos, ut ab aliis collecti enutriantur. Rex tamen infantes, quos sic colligi iubet, tradit diuitibus quibusque, quos in regno suo habet: præsertim illis qui liberis carent, & ut in adoptionis suscipiant filios mandat. Eos uero quos ipse nutrit, matrimonio tradit puellis eiusdem conditionis, quas scilicet in pueritia à parentibus reiectas colligi fecit, & commodum suppeditat uictum unde uiuant.

Quomodo Baian princeps exercitus magni Cham expugnauit prouinciâ Mangi. Cap. LIIII.

ANNO ab incarnatione domini MCCLXVIII magnus Cham Cublai inhians prouinciæ Mangi, hoc modo eam expugnauit, atq; suo subiecit imperio, Misit exercitum maximum ex equitibus & peditibus conflatû, illique ducem præfecit Baian Chinsan, quod sonat, lumina centû oculorum, quasi Baian centum habens oculos. Hic itaque cum exercitu suo ad prouinciâ Mangi perueniens, primo obsedit ciuitatẽ Conigangui, & ut imperatori suo obedientiâ pollicerentur postulauit. Quibus id recusantibus, recessit, nulla ciuitati illata iniuria, atq; idem requisitum à secunda ciuitate. Qua similiter recusante, processit ad tertiam, & deinde ad quartâ & quintâ, & ab omnibus simile accepit respõsum. Sextam



Sextam uero aggressus est ciuitatem cum audacia multa : & hac ui expugnata contra alias processit, breuique tempore duodecim obtinuit ciuitates : nam habuit in exercitu uiros strenuos & fortes, optimosq; bellatores. Ad hoc missit magnus Cham post illum exercitum, alium grandem, priore non infirmiorē : sicq; factum est ut contremuerint corda uirorum Mangi, atq; dissoluerentur. Baian uero mouit exercitū cōtra metropolim Quinsai, ubi curia erat regis Mangi. Rex itaque Mangi uidens Tartarorum audaciam & fortitudinem, uehementer expauit, conscensaque naui cum maximo comitatu ad insulas quasdam inexpugnabiles se recepit, habens secum circiter mille naues, committens reginæ custodiam ciuitatis Quinsai, atque magnum in eam collocans præsidium. Regina uero uirilem induens animum prudenter se gessit, atq; nihil eorum omisit, quæ ad ciuitatis defensionē necessaria uidebantur. Et cum audiret ducē exercitus Tartarorū uocari Baian Chinsan, id est centum oculi, plurimum territa est, elanguitq; uirtus eius: præsertim cum audisset ab astrologis suis atque Magis, ciuitatem Quinsai à nullo expugnandam, quàm ab eo qui centum haberet oculos. Et quoniam contra naturam esse uidebatur, ut quisquam hominum centum haberet oculos, & ducis illius nomen præfagium quadraret, fato nolens repugnare, uocato duce exercitus Tartarorum, tradidit illi libere ciuitatem & regnum. Quo audito, totius regni ciues & incolæ ad magni Cham defecerunt obedientiam, excepta ciuitate una Sanifu nomine, quæ per triennium ad deditionem cogi non potuit. Regina uero migravit ad curiam magni Cham, maximoque ab illo suscepta est honore. Vir autem eius rex Mangi in insulis perseverans, residuum uitæ suæ in illis consumpsit.

De ciuitate Conigangui.

Cap. LV.

CIVITAS prima, quæ prouinciam Mangi ingredientibus occurrit, uocatur Conigangui, & est magna, insignis, atque opibus pollens, iuxta flumen Camoram sita. Sunt ibi naues in maxima multitudine. Fit etiam ibi sal in magna copia, ut quadraginta ciuitatibus sufficiat, de quo magnus Cham magnum habet emolumentum. Incolæ huius ciuitatis, & omnium circumiacentium locorū idololatræ sunt & comburunt corpora mortuorum.

De ciuitatibus Panchi & Cain.

Cap. LVI.

VLTIMA ciuitatem Conigangui uersus Sirochum uentum itinere unius diei est ciuitas Panchi grandis & insignis, in qua mercatura magna exercetur: & est in ea serici atque uictualium magna copia. Recipitur per eam regionem moneta magni Cham. Porro uia quæ ducit à ciuitate Conigangui, ad ciuitatē Panchi, pulchris constrata est lapidibus, ad dextram & ad sinistram fluentis decurrentibus: nec aliunde patet accessus in prouinciam Mangi, nisi per uiam istam. Ab ista ciuitate Panchi ad ciuitatem Cain est iter unius diei: & hæc quoque insignis est ciuitas, abundans piscibus & uenatione bestiarum atque auium: præsertim phasiani in maxima ibi inueniuntur copia.

De ciuitate Tingui.

Cap. LVII.

PROCEDENDO hinc per iter unius diei peruenitur ad ciuitatē Tingui, quæ tametsi magna non sit, habet tamen uictualium maximā copiam. Sunt etiam ibi plurimæ naues: nam haud longe ab oceano est sita: & intermedio

F. iiii.



spatio salinæ sunt plurimæ, positaque est iuxta illas memorata ciuitas Tingui. Recedendo uero ab hac ciuitate itinere unius diei uersus Sirochum occurrit pulchra ciuitas in pulcherrima sita regione, sub cuius præfectura sunt aliæ ciuitates multæ, numero uiginti septem. Et ego Marcus iussu magni Cham tribus annis in hac ciuitate egi præfectum.

Quomodo ciuitas Sianfu cum machinis fuit capta. Cap. LVIII.

AD OCCIDENTALEM plagam est regio quædam Nauigui nomine, opulenta & amœna, in qua multi fiunt panni ex auro & serico, & ubi magna frumenti est copia. Ciuitas præcipua illius regionis Sianfu uocatur, habetque duodecim alias ciuitates sibi subiectas. Hæc ciuitas tribus annis obsessa expugnari non potuit ab exercitu Tartarorum, cum subiugaretur prouincia Mangi: nam undique cingitur aquis & lacubus: ut nulla ex parte adiri potuerit, quàm ab Aquilone. Interea uero quo à Tartaris obsidebatur, continue accedebant & recedebant naues uictualium copiam adducentes: quod non parum affligebat magnam Cham. Illo enim tempore ego & pater meus atque patruus fuimus in Imperatoris aula: unde accedentes eum, consulimus & indicauimus illi, si nobis obtemperaret, quo pacto urbs breui capi atque expugnari posset, machinis scilicet quibusdam, quarum usus in regione illa non fuit. Quo assentiente, parari fecimus per fabros lignarios Christianos, quos nobiscum habuimus, tres machinas seu catapultas tantæ magnitudinis, ut quælibet earum excuteret lapidem trecentarum librarum: quas nauibus impositas misit rex ad exercitum suum. Erigentes igitur eas ante ciuitatem Sianfu, prolicere cœperunt lapides grandes in ciuitatem: & primus cadens super domum quandam, impetu suo illam pro maiori parte confregit. Quod uidentes Tartari, ciuitatem obsidentes plurimum obstupuerunt. Hi uero qui intra ciuitatem erant uidentes tantum illis ab hoste innere periculum, ut etiam intra mœnia & in domibus suis tuti non essent, magno concussi sunt terrore: & ne ciuitas tota lapidum iactu destrueretur, & homines quoque opprimerentur, deditionem fecerunt, magnique Cham se subdiderunt obedientiæ.

De ciuitate Singui, & flumine quodam magno. Cap. LIX.

A CIVITATE Sianfu quindecim numerantur miliaria ad ciuitatem quandam Singui nomine, quæ tametsi magna non sit, habet tamen maximam nauium multitudinem, ad ripam sita maximi fluuii, quo maior in orbe non putatur, nomine Quam: nam latitudo eius in quibusdam locis habet miliaria decem, in aliis octo, & in quibusdam sex. Longitudo uero eius patet itinere centum dierum. Fluitant in hoc amne naues sine numero. Putares in toto mundo tot naues non reperiri. Est autem in hac urbe emporium celebratissimum, & magna uis mercium per fluuium adducitur. Sunt & aliæ ciuitates plurimæ, numero circiter ducentæ ad ripam huius fluuii extructæ: nam fluit per terminos sedecim prouinciarum: nec est ulla earum quæ non quinque milia nauium habeat. Maiores uero harum regionum naues sunt singulæ uno coopertæ solario: nec habet ulla nauis plures quàm unum malum pro uelo expandendo. Canabeis funibus non utuntur, nisi pro malo & uelo: sed pilorchas, seu chordas faciunt de arundinibus magnis, quibus naues quandoque per flumen trahuntur. Scindunt autem arundines



arūdines illas magnas, quæ quindecim in longitudine cōtinēt passus, & scissuras colligantes & contorquentes, funes longissimos faciunt, ut quidam longitudinē contineant trecentorū passuum. Et sunt pilorchæ illæ fortiores funibus canabeis.

De ciuitate Caigui.

Cap. LX.

C A I G V I ciuitas quædam parua est, supra memoratum fluuium uersus Sirochum sita, & crescit in agro eius tanta uis bladi & risi, ut inde ad curiam magni Cham deuehatur: nam sunt inter utrunque locum multi lacus & fluuii qui industria magni Cham in unum ferè contracti riuum, nauibus ituris & reddituris congruam præbent semitā: tametsi aliquando naues sint exonerandæ, & frumenta per terram portanda, donec ad alium perueniatur lacum, ubi rursum in naues recipiantur & ulterius deducantur. Iuxta ciuitatem Caigui insula quædam est in medio fluminis sita, in qua monasterium est monachis plenum, qui idolis seruiunt: & est monasterium illud caput omnium monasteriorum quæ idolorum seruitio sunt consecrata.

De ciuitate Cingianfu.

Cap. LXI.

C I N G I A N F V ciuitas est in prouincia Mangi sita, in qua opera multa fiunt ex auro & serico. Sunt in ea ecclesiæ Christianorum Nestorianorum, quas ædificauit Marsarcis Nestorianus, qui à magno Cham in ciuitate illa præsulatū obtinuit, anno scilicet domini M C C L X X X V I I I.

De ciuitate Cingingui, & interfectione ciuium eius.

Cap. LXII.

P O S T recessum à ciuitate Cingianfu itinere trium dierum peruenitur ad ciuitatem Cingingui, occurrentibus in itinere multis ciuitatibus & oppidis, in quibus mercantiæ fiunt, & artificia multa exercentur. Est autem Cingingui ciuitas magna & opulenta, omnibus abundans uictualibus. Cum Baiam dux militiæ Tartarorum expugnaret prouinciā Mangi, misit multos Christianos qui dicebantur Alani contra hanc ciuitatem, qui tam acriter eam impugnare cœperunt, donec ciues eius deditionem liberam fecerunt. Ingressi igitur ciuitatem, neminem læserunt, cum sponte magni Cham dominio se subiecissent. Inuenientes autem in ea ciuitate uinum optimum, idque in magna copia, bibere cœperunt tam largiter, donec omnes inebriati sunt: & nocte mox insequenti omnes sopore pressi, nullam constituerunt custodiam. Quod uidentes ciues, qui prius illos in pace susceperunt, subito irruentes in dormientes, omnes interfecerunt nullo euadente. Baiam uero hoc audiens misit alium exercitum magnum contra ciues illos, qui breui ciuitatem expugnans, in uindictam proditiōis & infidelitatis omnes interfecit, nullo superstite relicto.

De ciuitate Singui.

Cap. LXIII.

S I N G V I ciuitas magna & egregia, continet in circuitu miliaria circiter sexaginta. Est in ea magna populi multitudo, sicut & tota prouincia Mangi populosissima est, sed non bellicosa: uerum habet mercatores & artifices multos: habet quoque medicos complures atque philosophos. In ciuitate Singui sunt pontes lapidei circiter sex milia, tam altos habentes fornices, ut magnæ naues sine mali inclinatione transire possint. Crescit in montibus huius ciuitatis reubarbarum & zinziber in maxima copia. Habet hæc ciuitas sub sua iurisdictione sedecim ciuitates, in quibus multæ fiunt mercantiæ, atque plurima exercentur artifi-



cia. Ciues eius indumentis sericis utuntur, necnon plurimi panni ex secico ibi parantur. Porro uocabulum Singui lingua eorū sonat ciuitatem terræ, sicut etiam aliam habent urbem, quam uocant Quinsai, id est ciuitas cœli, quod hæ duæ urbes nobilissimæ sint in partibus orientis.

De nobili ciuitate Quinsai.

Cap. LXIIII.

**DISTAT** ab urbe Singui quinque dierum spatio alia urbs insignis nomine Quinsai, quod sonat ciuitatem cœli: & est tam magna, ut maior in orbe non putetur. Et ego Marcus fui in hac ciuitate, & omnia diligenter lustraui, aduertens consuetudines eius & mores populi: & quæ illic uiderim breuiter & fideliter referam. Continet circuitus huius urbis in gyro miliaria circiter centum: pontes uero lapideos habet duodecim milia, eosque tam altos, ut naues magnæ erecto malo pertransire possint. Fundus autem ciuitatis est in loco paludinoso ferè ut Venetiæ: unde si careret pontibus, de uico ad uicū perueniri non posset. Habet artifices innumeros, atque plurimos mercatores, ut incredibile putaretur si numerum illorum recenserem. Magistri artifices non operantur, sed habent ministros quos ad hoc instituunt. Homines ciuitatis in magnis uiuunt deliciis, & præsertim mulieres, unde & cæteris formosiores apparent. Versus meridiem est lacus magnus intra mœnia urbis, qui triginta miliaria in circuitu suo continet, habens in littore plurimas domos nobilium, foris & intus ornatas. Sunt quoque ibi delubra idolorum. In medio uero lacus sunt duæ paruæ insulæ, & in qualibet est elegantissimum castrum seu palatium, in quibus continentur præparamenta & uasa quæque necessaria pro nuptiis & solennibus conuiujs. Nam quicumque ciues insignia uolunt celebrare conuiuia, illuc inuitatos ducunt, & cum honore suscipiunt. In hac ciuitate Quinsai sunt pulcherrimæ & elegantissimæ domus. Sunt quoque per uicos plurimæ publicæ turres, in quas tempore conflagrationis uicini quique res suas portant atque ab incendio saluant: nam habet urbs plurimas ligneas domos, & non raro fit ut ignis aliquas earum absumat. Ciues eius adorant idola: comedunt carnes equorum, canum, & aliorum immundorum animalium: moneta utuntur magni Cham. Collocauit magnus Cham in hanc urbem maximam custodiam, quo rebellio caueatur, atque furta & homicidia arceantur: in quolibet enim ponte interdiu & noctu decem habentur custodes. Est mons quidam intra mœnia huius urbis, qui sustinet turrim, in cuius cacumine sunt tabulæ ligneæ, quæ in hunc usum illic seruantur, ut quamprimum ignis in urbe conflagrauerit, custodes malleo percutiant eas tabulas, cuius sonitu, qui per totam auditur urbem, excitati ciues concurrunt, & ignem restingunt. Pulsantur etiam hæ tabulæ, quando in urbe tumultus aliquis & populi commotio nascitur. Omnes plateæ ciuitatis lapidibus sunt contratæ, unde fit ut mundissima sit. Inueniuntur etiam in ea circiter tria milia thermarum, quibus homines pro abluendis corporibus utuntur: nam hoc unum gens illa studet, ut sit munda corpore. Distat hæc urbs orientem uersus ab oceano uiginti quinque miliaribus, ubi in littore maris sita est ciuitas Canfu, portus commodissimus, ad quem locum infinitæ conueniunt naues ex India & aliis regionibus. A Quinsai uero transit fluuius ad portum illum, per quem magna uis mercium adducitur. Prouincia Mangi cum sit latissima, diuisit eam magnus Cham



Cham in nouem regna, cuiuslibet proprium assignando regē. Et hi reges omnes sunt potentes, sed magno Cham subiecti, cui etiam singulis annis de omnibus regnorum prouentibus aliquid soluunt & rationem reddunt. Et unus illorū moratur in urbe Quinsai, habetque sub ditione sua centum & quadraginta ciuitates. Habet autem uniuersa prouincia Mangi mille & ducentas ciuitates, & in singulis posita sunt à magno Cham præsidia, ne rebellare audeant. Sunt uero custodes illi colluies quædam multarum gentium, & stipendiarii undecunq; conducti, ex diuersis exercitibus magni Cham delecti. Est in regione illa, & præsertim in prouincia Mangi, diligens obseruatio motuum cœlestium, ut etiam cuiuslibet nascentis pueri horoscopum accuratissime obseruent, aduertentes diem & horam natiuitatis, & quis planetarum tunc dominium principale habuerit: his enim reguntur astrologorum indiciis in cunctis factis & itineribus suis. Est etiam consuetudo in hac prouincia, cum quis moritur, consanguinei eius canabais induti saccis, extinctum corpus cum magno cantu efferunt, & pingunt in chartis imagines seruorum, ancillarum, equorum, & denariorum, & ea omnia comburunt cum cadauere, credentes quòd defunctus his omnibus in alia uita fruiturus sit, atque tale habiturus satellitium, quod illi obsequatur. Postea pulsanť uaria instrumenta musica, dicentes quòd dñi sui cum tali honore & pompa eos suscipiunt, qualis illis in combustura ab amicis & propinquis exhibetur. In hac ciuitate Quinsai est palatium quoddam magnificum, in quo Facfur prouinciæ Mangi olim rex, curiam suam habuit. Extremus murus qui castrū illud per quadrum cingit, continet in suo ambitu miliaria decem, habetque competentem altitudinem. Intra hunc murum sunt uiridaria pulcherrima cum fructibus delicatissimis. Sunt quoque ibi fontes & uiuaria piscibus redundantia. In medio uero est palatium illud regium amplissimum quidem & pulcherrimum, quale uix in toto orbe inuenitur, habens uiginti aulas æqualis magnitudinis, in quibus singulis decem milia hominum simul discumbere possunt. Sunt etiam omnes istæ aulæ regio more pictæ & ornata. Cæterum familiæ, qualem pater cum filiis, uxore & reliqua familia constituit, putantur esse in urbe Quinsai sexcenta milia. Vna solum in ea est ecclesia Christianorum Nestorianorum. Est etiam consuetudo in hac urbe & tota prouincia Mangi, ut quilibet paterfamilias scribat super ostium domus suæ nomen suum, & nomina uxoris atque totius familiæ suæ, sed et numerum equorum suorum. Et cum aliquis moritur ex familia sua, aut cum domicilium mutat, delet nomen mortui aut discedentis, & adscribit nomen recenter nati, aut in familiam suam cooptati: & per hunc modum absque magna difficultate sciri potest numerus hominum totius ciuitatis. Similiter hospites & tabernarii scribunt in tabulis ante ostium expositis, nomina uiatorum & hospitem, qui ad diuersoria ipsorum declinauerint, & quo mense atque die ingressi sint.

De prouentibus, qui magno Cham in urbe Quinsai & prouincia Mangi penduntur.

Cap. LXV.

EXIGIT Cham magnus singulis annis de sale quod paratur in urbe Quinsai & terminis eius myriades octoginta aureorum. De rebus etiam aliis, præsertim mercibus, tantam recipit uim pecuniæ, ut uix numerari possit. Habet



prouincia maximam copiam saccari, & aliarum multarum specierum aromaticarum. Recipit autem magnus Cham ex centum mensuris aromatum, tres & dimidiam. Idem facit de reliquis mercatorum bonis. De uino quoque quod ex riso & aromatibus conficiunt, non paruum habet emolumentum. Similiter ab artificibus, præsertim duodecim generum habet commodum suum. De serico autem, cuius in prouincia Mangi maxima est copia, de centum ulnis decem exigit. Ego Marcus semel audiui computum fieri singulorum reddituum, qui magno Cham penduntur annuatim in regno Quinsai, quod est nona pars prouinciæ Mangi: ascenditque summa omnium, sale tamen excepto, ad quindecim milia milium aureorum, atque sexcenta milia.

De ciuitate Tampingui.

Cap. LXVI.

PROGREDIENDO à ciuitate Quinsai, & eundo uersus Sirochum, continue inueniuntur uiridaria pulchra & optime culta, donec unius diei itinere expleto perueniatur ad ciuitatem Tampingui, insignem & pulcherrimam. Ultra hanc ciuitatem tribus diebus uersus Sirochum eundo, inueniuntur ciuitates & castra in maximo numero, ut è longinquo conspecta uiatori quasi una urbs magna esse uideatur: tanta uicinitate sunt coniuncta. Est ibi uictualium magna copia. Crescunt quoque ibi maxime arundines, longitudinis quindecim passuum: in circumferentia uero continent quatuor palmos. Procedendo ultra, triduumque confecto itinere, occurrit Gengui, ciuitas grandis & pulchra, ultra quam per Sirochum eundo plurimæ aliæ uiatori sese offerunt ciuitates & castra. Sunt etiam in ea regione multi leones, magni & feroces. At uerueces nulli reperiuntur in ea, sicut nec in prouincia Mangi, sed boum, caprearum, hircorum & porcorum ibi magna est copia. Itinere quatuor dierum consummato, occurrit alia insignis ciuitas Ciangian nomine, in monte sita, qui mons fluuium quendam in duas secat partes, quæ paulo post in oppositas tendunt plagas. Vterius procedendo itinere trium dierum inuenitur ciuitas Cugui, quæ ultima est in regno ciuitatis Quinsai.

De regno Fugui.

Cap. LXVII.

RELICTA à tergo ciuitate Cugui, patet ingressus in regnum Fugui, in quod si pedem moueris itinere sex dierum, eundum est per montes & ualles, multis tamen occurrentibus ciuitatibus & castris. Habet regio illa copiam uictualium: habet etiam uenationes plurimas bestiarum & uolucrum: habet denique plurimos leones. Crescit ibi zinziber in magna copia: crescit quoque flos quidam haud dissimilis croco, alterius tamen speciei, sed qui croci præstat usum. Comeduntur in hac regione humanæ carnes cum magna uoluptate, dummodo homines illi non morbo aliquo occubuerint. Quando ad bellum procedunt, quilibet ferro calido inurit sibi in fronte signum, nec ullus eorum equum ducit ad bellum, præter ducem exercitus. Utuntur lanceis & spatibus: & quos in bello perimunt, eorum bibunt sanguinem, & comedunt carnes: nam sunt homines crudelissimi.

De ciuitatibus Quelinsu & Vnquen.

Cap. LXVIII.

ITINERE sex illorum dierum completo de quo iam diximus, peruenitur ad ciuitatem Quelinsu nomine, quæ magna est & celebris, sita super fluuium quendam, qui iuxta ciuitatis moenia labens tres habet lapideos pontes, marmoreis superne ornatos columnis. Hi pontes in latitudine continent octo passus, & in longi-



in longitudine mille. Abundat in illa ciuitate sericum, zinziber, & galanga. Viros & mulieres habet eximie pulchritudinis. Inueniuntur ibi gallinæ, quæ loco pennarum pilos habent ut catti, nigri scilicet coloris, sed oua edunt optima. Et quoniam regio illa plena est leonibus, periculosum est per eam ambulare. Ab hac ciuitate spatio quindecim miliarium est alia ciuitas Vnquen nomine, ubi saccarum in maxima crescit copia, & hinc portatur ad curiam magni Cham, quæ scilicet est in ciuitate Cambalu.

De ciuitate Fugui,

Cap. LXIX.

**PROCEDENDO** ultra per miliaria quindecim, occurrit ciuitas Fugui, quæ metropolis & caput est in regno Concha, quod unum è noue illis est regnis in quæ prouincia Mangi est taxata. Moratur magnus exercitus magni Cham in hac urbe, ad tuendum prouinciam & ciuitates eius, & ad reprimendum factiosos homines, qui parati sunt rebellionem mouere contra imperatorem. Transít per medium huius ciuitatis ingens quidam fluuius, cuius riuus in latitudine unum occupat miliare. Et quoniam urbs ista parum distat à mari oceano, est ibi insigne emporium, ad quod ex India portantur plurimæ margaritæ, & alii lapides pretiosi. Est quoque in ea urbe maxima saccari copia, & victualium sufficientia.

De ciuitatibus Zarten & Fugui.

Cap. LXX.

**TRAIECTO** memorato fluuio, itur quinque dierum itinere uersus ciuitatem Zarten, & nullibi non occurrunt uel ciuitates, uel castra. Abundat regio illa victualibus, habetque montes & nemora: ex nemorum arboribus colligitur pix. Ciuitas uero Zarten grandis est ualde, habetque portum optimum, ad quem naues Indianæ mercibus onustæ ueniunt sine numero: est enim illic unum de maioribus emporiis quæ in mundo inueniuntur: nam piper & aromata, quæ Alexandria ad partes mittit Christianorû, hæc ab illo emporio Alexandriam deferunt. Penditur magno Cham in hac urbe uectigal immensum: nam nulla adducitur nauis, à qua non habeat maximû commodum: parum enim abest quin cuiuslibet speciei aromaticæ media pars sit illi soluenda. Est etiam in hac regione ciuitas quædam Fugui nomine, quæ celebris habetur in partibus illis, ob pulchras scutellas quæ in ea fiunt. Habet quoque ipsa prouincia linguam propriam. Hæc tandem de prouincia Mangi dicta sufficiant: & licet de nouem eius regnis duo duntaxat explicuerimus, consulto tamen alia præterimus, stylum ad Indiam torquentes, in qua aliquanto fuimus tempore, & plurima quæ in ea inueniuntur mirabilia, coram positi uidimus, atque ut ita dicam, manibus contrectauimus.



MARCI PAULI VENETI DE ORIEN-  
TALIBVS REGIONIBVS  
LIBER III.

Quales naues in India sint.

Cap. I.



**I**N HOC tertio libro Indiae regionem descripturi à nauibus eius exordium faciemus. Maiores naues quibus Indi per mare utuntur, ut plurimum de abiegnis factæ sunt lignis, habentque solarium unum, quod nostrates nautæ operimētum uocant, supra quod circiter quadraginta sunt mansiunculæ pro mercatoribus paratæ. Habet naus una unum gubernaculum quatuor malos & totidē uela. Tabulæ clauis ferreis firmissime compactæ sunt, & fissuræ quæque stupa obfirmatæ. Et quoniam pice in his regionibus carent, linunt naues suas oleo cuiusdam arboris calce mixtum. Sunt in magnis nauibus circiter ducenti uiri, qui eam remis per mare ducant. Capit uero nauis una quasi sex milia sportarum piperis. Adhærent quoque his magnis nauibus aliæ nauiculæ, quæ piscationi & ancoris iaciendis inseruiunt.

De insula Zipangri.

Cap. II.

**ZIPANGRI** insula in alto mari sita, distat à littore Mangi per mille miliaria atque quingenta, & est magna ualde. Habitatores eius albi sunt, & decentis staturæ, idola colentes, & proprium habentes regem, nulli tributarii. Est ibi aurum in maxima copia, sed rex non finit illud extra insulam facile portari: & hæc causa est quod pauci mercatores ad illam concedunt prouinciam. Rex insulæ palatium habet magnificum, cuius tectum aureis operitur bracteis, non secus quàm apud nos magnæ domus plumbo uel cupro operiuntur. Superficies quoque superior aularum & conclauium aureis laminis dicitur tecta. Inueniuntur illic margaritæ in magna copia, rotundæ & crassæ rubei coloris, quæ albas in pretio & ualore longe præcellunt. Sunt quoque ibi alii lapides pretiosi, qui unâ cum auro insulam ditissimam reddunt.

Qualiter magnus Cham misso exercitu contendit pro insula

Zipangri expugnanda.

Cap. III.

**MAGNVS** Cham Cublai cum audisset insulam Zipangri tantis pollere diuitiis, cogitare cœpit quomodo eâ suo subiugaret dominio. Missis igitur duobus ducibus, quorum unus Abatan, & alter Nonsachum uocabatur, duos magnos exercitus destinauit, qui eam expugnarent. Hi itaque à portu Zarten & Quinsui soluentes cum multis nauibus, & magno equitum atque peditum apparatu, nauigauerunt uersus insulam Zipangri, & ingressi in eam multa damna intulerunt uillis & castris in planicie sitis. Et antequam subiugarent insulam ortum est inter eos perniciosum dissidium, ut neuter alterius obtemperaret uoluntati & consilio: quo factum est ut in nulla re prosperum haberent successum. Nam nec urbem aliquam, aut ullum castrum præter unum expugnare potuerunt. Expugnato autem illo unico castro omnes qui ad custodiam eius à rege Zipangri



Zipangri deputati erant, iussi sunt à duce exercitus gladio feriri: inter quos octo fuerunt, qui lapides quosdam pretiosos in brachiis ligatos gestabant, tam efficacibus diabolicis inauguratos incantationibus, ut nullo modo uulnerari aut occidi ferro potuerint, quandiu illos lapides secum portarent. Et consilio adinuento ligneo fuste percussi, interierunt.

Franguntur naues Tartarorum, & multi submerguntur.

Cap. IIII.

**A C C I D I T** uero quadam die, ut magna in mari oborta tēpestas, Tartarorum naues graui collisione ad terram & ripam maris quassarentur. Et cōsulentibus nautis, elongantur naues à terra, in quibus uterque Tartarorum erat exercitus, sed procellis maris uehementius sēuētibus, franguntur plurimæ naues & quidam submergūtur, sed plures correptis tabulis & lignis ad insulam quandam paruam, à qua haud longe aberant, quæque non multum distabat ab insula Zipangri, natando peruenerunt. Alii uero quorum naues integræ manserunt, ad propria redierunt. Porro eorum qui fractis nauibus incolumes ad insulam peruenerunt, fuerunt circiter triginta milia. Et quoniam naues non habebant quibus hinc discederent, nec uictualia illis insula suppeditaret, quippe quæ ab hominibus non habitabatur, nihil præter mortem expectabant.

Qualiter Tartari mortis euadunt periculum, & in Zipangri insulam redeunt.

Cap. V.

**M A R I S** uero tempestate sedata, habitatores insulæ Zipangri cum multis nauibus & grandi exercitu uenerunt contra inermes Tartaros in insula ad quam natando appulerunt: uagantes, eosque in uniuersum trucidare moliūtur, quippe qui omni auxilio destituti erant. Relictis itaque in littore nauibus, terram ingrediuntur hostem quæsituri. At illi prudenter aspectum Zipangriorū fugientes, delitescunt haud longe à littore maris, tantisper expectantes, donec illi in terram effusi à nauibus sese elongauerunt: & subito prorumpentes naues apprehendunt, & ingressi eas ab insula salui recedunt, dimissis Zipangriis in insula. Et rectà contententes ad insulam Zipangri, acceptis hostium uexillis, quæ in nauibus inuenerunt, processerunt ad principalem insulæ ciuitatem. Cuius habitatores ut uiderunt suæ gentis uexilla, existimabant suos cum uictoria reuer ti, & egressi illis obuiam, hostem incaute in ciuitatem intromittunt. Qua potiti, omnes qui in ea fuerunt, præter paucas mulieres, expulerunt.

Stratagema.

Quomodo Tartari ab obtenta ciuitate iterum excluduntur.

Cap. VI.

**R E X V E R O** Zipangri his auditis, mox alias conducit naues, & exercitum in insula conclusum reducit, atque obsidet ciuitatem quam occuparunt Tartari, tantæque diligentia omnes ciuitatis introitus & exitus custodit, ut nullus ad hostem ingredi nec ullus egredi ualuerit. Id enim in primis cauendum ducebat, ne inclusi Tartari magno Cham principi suo quod acciderat indicare possent, alioquin de insula actum fuisset. Manet itaque hostis inclusus & obsessus septem mensibus: & uidentes se omni auxilio destitutos, restituit regi Zipangri ciuitatem, liberique & salui ad propria redierunt. Et hæc gesta sunt anno domini M CCLXXXIX.

G. II.



De idololatria & crudelitate uirorum Zipangri. Cap. VII.

COLVNT uiri Zipangrii uaria idola, quorum quædam habent caput bouis, quædam caput porci, & quædam caput canis atque aliorum diuersorum animalium. Sunt etiam quædam quæ habent quatuor facies in uno capite: alia tria capita, unum super collum, & duo alia super utrunq; humerum. Sunt rursus quædam quæ quatuor habent manus, alia uiginti, & alia centum. Et quod plures habuerit manus, maioris putatur ueritatis. Et cum incolæ interrogantur, unde hanc habeant traditionem, respondere solent, se patres suos in hoc imitari, nec aliud credere debere quàm quòd ab illis acceperunt. Est etiam hæc consuetudo apud Zipangrios, quando hominem extraneum capiunt, si ille potest se pecunia redimere, dimittunt eum: si autem pretium non habet quo se liberet, occidunt illum & coctum deuorant, conuocantes ad conuiuium illud con sanguineos & amicos quosque.

De uariis insulis regionis illius, atque fructibus earum.

Cap. VIII.

IN LITTORE maris oceani, in quod definit ab oriente prouincia Mangi, circa insulam Zipangri plurimæ inueniuntur parux insulæ, quæ à nauis numeratæ putantur esse septem milia quadringentæ & quadraginta octo, quarum maior pars ab hominibus habitatur. Nec est ulla in qua non crescant arbores odoriferæ atque uirgulta suauem spirantia odorem. Inueniuntur ibi aromata in maxima copia. Verum negotiatores extranei illuc non ueniunt, nisi habitatores Mangi, qui hyeme ad insulas nauigant, & æstate iterum redeunt. Nam flant in regione illa duo tantum uenti oppositi, unus hyeme, & alter æstate. Et quoniam in insulis illis non fui, nihil de illis scribere statui, sed stilum reducam ad portum Zarten, ut inde ad alias transeam regiones.

De prouincia Ciamba.

Cap. IX.

SOLVENTES à portu Zarten, & nauigantes uersus Garbinium perueniunt ad prouinciam Ciamba, quæ mille & quinquaginta miliaribus distat ab eo portu: & est magna ualde, abundans opibus, idola colens, atq; propriam habens linguâ. Anno incarnationis dominicæ M CCLXVIII misit magnus Cham ducem quendam Sogatu nomine cum ualido exercitu, ut prouinciam illam sibi subiugaret. Sed cum in prouinciam uenisset, uidit ciuitates adeo munitas, & castra tam fortia esse, ut nulla ui illa posset expugnare. Combussit tamen uillas, & incidebat arbores, tantæque prouinciæ intulit damna, ut rex eius libens magno Cham tributarius fieret, modo dux ille ex prouincia recederet. Inierunt autem foedus tale, ut rex Ciamba annuatim uiginti pulcherri-mos elephantos pro tributo magno penderet Cham. Et ego Marcus fui in hac prouincia, cuius rex tunc tantam habuit uxorū multitudinem, ut illi essent nati trecenti & uiginti sex filii atque filia, quorum cætum quinquaginta iam arma ferre poterant. In hac regione plurimi sunt elephanti, & lignum alces in ea abundat. Inueniuntur etiam ibi nemora de lignis ebani.

De insula Iaua.

Cap. X.

RELICTA prouincia Ciamba nauigatur uersus meridiē mille & quingentis miliaribus usque ad insulam magnam Iaua nomine, quæ in circuitu suo



fuo patet tribus milibus miliarium. Habet regem qui nemini est tributarius. Ibi est maxima copia piperis, nucum muscatarum, spissi, galangæ, & cæterorum aromatum. Conueniunt illuc multi negotiatores, nam multa lucentur ex allatis speciebus. Incolæ insulæ idololatræ sunt: nec potuit magnus Cham hæcenus eam suæ subiicere ditioni.

De prouincia Boeach.

Cap. XI.

NAVIGANDO ab insula Iaua, numerantur septingenta miliaria ad duas insulas, Sondur & Condur dictas, à quibus ultra procedendo inter meridiem & Garbinum, sunt quingenta miliaria ad prouinciam Boeach, quæ amplissima & ditissima est. Regem habet proprium, & propriam linguam. Adorant idola. Producit hæc prouincia ursos domesticos, magnos ut leones, itémq; elephantos habet multos, & aurum copiosum. Utuntur incolæ pro moneta glebis quibusdam aureis. Pauci sunt qui ex alienis regionibus prouinciam hanc adeant, adeo inhumani sunt habitatores eius.

De insula Petan.

Cap. XII.

RECEDENDO à prouincia Boeach, nauigatur per miliaria quingenta uersus meridiem ad insulam Petan, quæ maiorem in partem syluestris & nemorosa est. Arbores eius odoriferæ sunt, & magnam præstant utilitatem. Inter prouinciam Boeach & Petan per miliaria sexaginta, mare adeo est undosum, ut nautæ cogantur leuare gubernacula. Nam profunditas eius uix est quatuor passuum. Hinc uenitur ad regnum Maletur, ubi maxima est copia aromatum: & habent incolæ eius propriam linguam.

De insula quæ Iaua minor uocatur.

Cap. XIII.

VLTRA insulam Petan, per Sirochum nauigando, est Iaua minor, centum distans miliaribus à Petan: & hæc in circuitu continere dicitur circiter duomilia miliarium. Diuiditur insula in octo regna, habetque linguam propriam. Producit etiam uaria aromata, qualia in his nostris partibus nūquam uisa sunt. Incolæ eius idola colunt. Protenditur hæc insula intantum ad Austrum, ut polus Arcticus, & stellæ eius minime uideri possint. Ego Marcus fui in hac insula, lustrauique sex eius regna, nempe regnum Ferlech, Basman, Samara, Dragoiā, Lambri & Fansur. In aliis uero duobus non fui.

De regno Ferlech,

Cap. XIII.

HABITATORES regni Ferlech qui montana occupant, nullā habent legem, sed bestialiter uiuentes, quicquid illis mane primo occurrit adorant, comeduntque carnes omnium animalium mundorum & immundorum, atq; carnes humanas. Qui uero in maritimis habitant locis, Mahumeti sunt addicti legi, quam ex Saracenis negotiatoribus illuc diuertentibus didicerunt.

De regno Basman.

Cap. XV.

HABET regnum Basman linguam propriam, uiuuntque incolæ eius bestialiter. Agnoscunt magnum Cham pro domino, sed tributa ei non soluunt, nisi quod interdum illi mittunt munera de feris syluestribus. Inueniuntur apud eos elephanti & unicornes in magna multitudine. Et sunt unicornes paulo minores elephantis, pilum habentes bubali, & elephanti pedem. Habent caput ut aper, & more porcorum libenter morantur in luto, & aliis immunditiis. In me-

Unicornium  
forma.



dio frontis gestant cornu unum, grossum & nigrum. Linguam habent spinosam, & hac lædunt homines & animalia. Abundat quoque regio ipsa diuersis fimiis magnis & paruis, hominibus fimillimis. Hos capiunt uenatores, & totos depilant, nisi quòd in barba & in loco secreto pilos relinquunt, & otiosos speciebus aromaticis condiunt, & postea deficcant, uenduntque negotiatoribus, qui per diuersas orbis partes corpora illa deferentes, homines perluadent tales hominationes in maris insulis reperiri.

De regno Samara.

Cap. XVI.

**I N R E G N O** Samara fui ego Marcus cum sociis meis quinque mensibus, non sine magno tædio, tempus expectans nauigationi aptum: Nam incolæ eius bestialiter uiuētes, carnibus humanis edendis sunt assueti. Quapropter confortiū eorum spernentes, castra lignea nobis haud longe à mari extruximus cū propugnaculis, in quibus tuti essemus cōtra incolas. In hoc regno nec Vr̄sa minor nec maior, quā uulgo Currum magnū uocant, apparet usque adeo insula illa uergit in Austrum. Incolæ idola colunt. Sunt ibi optimi pisces, & in magna copia. Triticum uero illic non crescit, sed de riso panes conficiunt. Vineas quoque non habent, sed potum ex arboribus hoc modo eliciunt. Sunt in ea insula arbores multæ & paruæ, habentes singulæ ramos quatuor, quos certo anni tempore incidentes, colligunt stillantem liquorem, qui tam largiter ex incisura profluit, ut per diem & noctem urceum plenum colligant ex uno ramo. Quo euacuato, rursus adhibent ramo urceum, & id tam diu frequentant, donec stillicidium illud defierit. Et hæc est uindemia eorum. Prouocāt quoque arborem ad largiora fluentia per aquarū rigationes, quas fundunt in arboris radices, quando tardius cœperit emittere lachrymam. Sed is liquor non est tam sapidus, ut ille qui suapte fluit natura. Mittit quoque hæc regio nuces Indicas in magna copia.

De regno Dragoiam.

Cap. XVII.

**H A B E T** quoque regnum Dragoiam homines syluestres, qui idola colūt & linguam atque regem propriū habent. Apud hos talis est consuetudo, quando quis grauitur infirmatur, propinqui & consanguinei eius conuocant Magos & incantatores, illōsq; interrogant, an ægrotus sit sanitatē recuperaturus. Et illi respondent id quod dæmonū suggestionē didicerint. Si dixerint infirmū nō posse liberari, quin illa ægritudine intereat, adsunt qui infirmo os concludunt, ne respirare possit, atque sic occidunt prius quàm ab infirmitate extinguatur & carnes eius incidunt, coquunt atq; deuorant, & id potissimū faciunt propinqui & consanguinei infirmi simul congregati. Aiunt enim, Si carnes illius putrescerent, conuerterentur in uermes, & illi tandem fame morerentur, de quo defuncti anima grauissimas passura esset pœnas. Porro ossa in cauernis montiū sepeliunt, ne ab homine uel bestia contingatur. Et quando hominem extraneæ nationis capiunt, si ille se pecunia non potest redimere, occidunt eū & comedūt.

De regno Lambri.

Cap. XVIII.

**E S T A L I V D** regnum in memorata insula, quod Lambri uocatur, in quo multa crescunt aromata, præsertim habentur ibi birci in maxima copia, quos posteaquā creuerunt transplantāt, & tribus annis in terra dimittentes, iterū cum radicibus euellunt. De illis bircis ego Marcus quosdam mecū in Italiam portari,



portauit, curauitque seminandos, sed destituti calidiori regione, non creuerunt. Regni huius incolæ idololatræ sunt. Inueniuntur etiam quidam in hoc regno, qui caudas habent ut canes, longitudinis unius palmi, & hi in ciuitatibus non habitant, sed in montibus. Habet quoque hæc terra unicornes & alia multa atque diuersa animalia.

De regno Fansur.

Cap. XIX.

IM REGNO Fansur nascitur optima Camphora, quæ auro adæquatur. Incolæ huius regni panem de riso faciunt: nam tritico carent. Potum ex arboribus eliciunt, ut iam supra diximus. Sunt in regione ista arbores quædam crassæ, quæ habent corticem subtilem, sub quo inuenitur farina quædam optima, ex qua delicata præparant cibaria, quæ aliquoties non sine uoluptate comedi.

De insula Necuram.

Cap. XX.

AB INSVLA Iaua numerantur per mare centum quinquaginta miliaria ad duas insulas Necuram & Anganiam. Populus autem insulæ Necuram ualde bestialiter uiuit. Regem non habet. Tam uiri quàm sceminæ nudi incedunt, nulla corporis parte tecta. Habent nemora plena arboribus sandalorum rubeorum, nucum Indicarum & gariophyllorum. Habet quoque copiam birorum & diuerforum aromatum.

De insula Angania.

Cap. XXI.

INSVLA Angania magna est, & incolæ eius bestialiter uiuentes crudelissimi sunt & syluestres. Idola colunt: riso, lacte & carnibus uiuunt. Carnem quoque humanam non abominantur. Sunt homines deformes: nam habent caput quasi caninum, & dentes atque oculos canibus similes. Est in ea insula omnium aromatum mira copia. Sunt etiam ibi uarii & diuersi arborum fructus.

De insula magna Seilam.

Cap. XXII.

A' MEMORATA insula uersus Garbinum, mille numerantur miliaria ad insulam Seilam, quæ una putatur de melioribus mundi insulis, habens in gyro miliaria duo milia & quadraginta. Fuit tamen aliquando maior: nam ut fama in illis partibus est, comprehendit olim in circuitu tria milia & sexcæta miliaria: sed uento impetuoso ab Aquilone multis annis irruente, mare tam impertune illisit ad littora, ut etiam temporis successu montes ruerent in mare, & prima terra indies ab eo absorberetur. Habet insula ditissimum regem, qui nulli tributarius est. Incolæ idololatræ sunt, & omnes nudi incedunt, nisi quod obscœna loca panno quodam operiunt. Nullum habent bladum præter risum, de quo uiuunt & de lacte. Habent copiam seminum sosisinæ, de quibus oleum faciunt. Potum ex arboribus eliciunt iuxta modum paulo superius expressum. Mittit hæc insula multos lapides pretiosos, præsertim rubinos, sapphiros, topasios, amethystos, & alios nobiles lapides. Habet rex insulæ rubinum, quo pretiosior in orbe non putatur esse. Nam habet longitudinem unius palmi, & crassitudinem trium digitorum. Rutilat ut ignis ardens, omni carēs macula. Obtulit magnus Cham insignem ciuitatem quandam illi regi pro hoc lapide: uerum recusauit rex, saltem eo nomine, quod à prædecessoribus suis illum habuerit. Homines huius insulæ bello non sunt assueti: sed cum belligerandum est, conducunt stipendiarios, præsertim Saracenos.

G. iiii.



De regno Maabar, quod est in India maiori.

Cap. XXIII.

V L T R A insulam Seilam spatio sexaginta miliarium, est prouincia Maabar, quæ & India maior appellatur, terra continēs, non insula. Sunt in ea quinque reges, & est ditissima. In primo eius regno nomine Var, regnat Senderba, inueniunturque ibi margaritæ in maxima multitudine. Nam est ibi inter continentem & insulam quandam sinus maris fermè uadosus, quippe qui in aliquibus locis profunditatem habet decem passuum, in quibusdam trium, & duorum, ubi leguntur margaritæ. Conueniunt illic multi mercatores, adducentes multas naues, magnas & paruas, & conducunt homines qui in profundum maris se demittant, piscanturque marinas conchas, ex quibus uniones colligantur. Porro piscatores illi, quando aquam amplius ferre nequeunt enatant, & rursus se præcipientes dant in mare, quod per diem multis replicant uicibus. Sunt etiam in sinu illo grandes pisces, qui homines facile occiderent, nisi huic periculo succurreretur in hunc modum, Conducuntur à negotiatoribus Magi quidam, qui Abraiamim dicuntur, & hi incantationibus suis & diabolica arte coniurant pisces illos, ut neminem lædere possint. Nocte uero quando à negotiatoribus margaritarum piscatio intermittitur, relaxant Magi coniurationem suam, ne fures nocte sine periculo sese in mare demittant & sustollant conchas cum margaritis. Porro præter incantatores Abraiamim, nemo est qui illius coniurationis sciat uerba. Et fit hæc unionum piscatio non per totum annum, sed duntaxat per Aprilem & Maium: uerum in tantillo tempore colligitur immensa margaritarum multitudo. Soluunt autem mercatores ex eis regi decimam partem, Magis uero tribuunt uigessimam partem, & piscatoribus quoque commodam præbent mercedem. Cæterum à medio Maii margaritæ non inueniuntur amplius in illo loco, sed in alio quodam qui trecentis miliaribus ab isto distat, & ibi colliguntur per Septembrē & Octobrem. Incedunt incolæ huius prouinciæ semper nudi, nisi quod panniculo uerenda contegunt. Rex quoque ipse ut alii nudus incedit, deferens in collo torquem auream, sapphiris, smaragdis, rubinis, & aliis pretiosis lapidibus oneratam. Pendet quoque in collo eius chorda quædam serica, cui innectuntur centum & quatuor pretiosi lapides, margaritæ scilicet grandiusculæ, quæ cum admoneant centum & quatuor orationum, quas quotidie in honorem deorum suorum mane & uesperis obmurmurat. Gestat quoque in utroque brachio & utroque crure tres aureos circulos, quibus pretiosi inclusi sunt lapides. Ornantur denique digiti manuum & pedum eius lapillis quibusdam pretiosissimis, auro etiam inclusis. Habet circiter quingentas uxores, & iam nouissime uni ex fratribus suis abstulit uxorem, fratre iniuriam dissimulante.

De regno Var, & uariis erroribus incolarum eius.

Cap. XXIIII.

S V N T habitatores regni Var omnes idololatræ, multique eorum adorant bouem, ut rem sanctam, nec ullum occidunt. Cum autem bos aliquis moritur, perungunt domos suas adipe eius. Sunt tamen quidam inter eos, qui licet boues non occidant, tamen ab aliis occisos comedant. Aiunt in hac prouincia diuū occisum Thomam apostolum, corpusque illius adhuc in quadam conseruari ecclesia. Sunt in ea prouincia multi Magi, auguriis & diuinationibus uacantes. Sunt etiam ibi multa monasteria, in quibus idola coluntur: & his aliqui consecrant filias



filias suas, quas tamen domi conseruāt, nisi quando idolorum sacerdotes uolunt sua sacra facere, tunc uocant puellas consecratas, & cum illis in conspectu idolorum choreas dūcunt, atq; magnos & inconditos reboant cantus. Portant etiam hæ puellæ cibos secum quos in mensa ante idolum ponunt, & interim quo cantant & tripudiant, putant deos comedere de appposito cibo, & præsertim ius carniū profundunt illis, quo potissimum delectari ab illis putantur. His ceremoniis peractis, puellæ domum redeunt. Seruiūt autem idolis in hunc modum, donec maritatae fuerint. Seruatur etiam in hac regione hæc consuetudo, ut quando rex mortuus ad comburendum ducitur, multi ex militibus eius qui cum eo uiui uersati sunt, sponte ad cadauer eius in ignem se coniiciunt, putantes in alia uita se ab eo nunquam dissociandos. Idem faciunt uxores cum mariti eorum defuncti comburuntur, sperantes se uxores illorum futuras in alia uita. Et quæ id non faciunt, nullius pensæ apud illos homines habentur. Est etiā alia detestabilis consuetudo in hac regione, ut cum quis commerente iniquitate sua, publico iudicio condemnari debet, is pro magna gratia ducit, si impetret à rege ut ad honorem alicuius idoli seipsum iugulet. Nam ubi id sibi à rege concessum fuerit, congregantur ad eum omnes consanguinei eius, & ad collum eius decem aut duodecim acutos ponunt cultellos, ipsumque in cathedra collocatum circumducunt per ciuitatem, alta uoce clamantes, Iste homo pro illius aut illius dei honore seipsum occisurus est. Et cum ad locum ubi malefactores puniuntur peruentum fuerit, arripiens manu sua unum è cultellis, alta uoce exclamat, Ego meipsum occido pro illius dei honore: quo dicto, uulnus sibiipso infligit: & accipiens aliud ferrū, confodit se etiam cum illo. Et tot quidem uulneribus consauciat corpus suum, donec tandem moriatur, pro quolibet uulnere aliud & aliud sumendo ferrum. Consanguinei uero eius, corpus illius cum magna lætitia comburūt. Sunt etiam huius regionis homines tam immundi, ut nullam luxuriæ speciem putent esse peccatum.

De multis & uariis consuetudinibus regni Var.

Cap. XXV.

EST CONSVETUDO in hac terra, ut tam rex quàm cæteri homines in terra sedere soleant. Et cum ob hoc ab aliis redarguantur, respondere solent, De terra nati sumus, & in terram conuertendi, ideo terram honorare uolumus. Non sunt assueti ad arma: & quando ad bella procedunt, non induuntur uestibus & armamentis, sed ferunt secum scuta & lanceas. Nullum occidunt animal, sed quando uolunt comedere carnes, fatagunt ut per homines alterius nationis animalia mactentur. Tam uiri quàm mulieres corpora sua bis in die lauant. Et si quis id intermitteret, pro hæretico iudicaretur. Homicidia & furta districte iudicant. Vini usus apud eos interdictus est. Et si quis uinum bibisse deprehensus fuerit, pro infami habetur, nec potest in iudicio testimonium dicere. Similiter hi in iudicio pro testimonio ferendo repelluntur, qui in mari nauibus se committere ausi fuerint: nam aiunt homines illos desperati esse animi.

De aliis quibusdam conditionibus huius terræ.

Cap. XXVI.

NON PRODVCVNTVR in hoc regno equi, sed rex Var aliq; quatuor reges prouinciæ Maabar annuatim ingentem uim pecuniæ expendunt pro equis. Nam emunt singulis annis circiter decem milia equorum, qui ex re-



gionibus Curmos, Chisi, Durfar, Ser & Eden à negotiatoribus adducuntur, unde maximum habent emolumentum. Emuntur autem singulis annis alii & alii equi, quia equi in ea regione diu uiuere non possunt: nec custodes eorum sciunt qualiter illis ægrotantibus mederi debeant. Et si quando equæ apud eos pariant, habet fœtus aut retortos pedes, aut alium defectum, ut ad equitandum idoneus esse non possit. Non crescit ullum bladum in hac prouincia præter risum, unde equis conueniens pabulum dari non potest, nisi quod carnes coctæ cum riso illis edendæ proponuntur. Est in hac terra maximus calor, ideo incolæ eius nudi incedunt. Nec pluuia ibi descendit, nisi in Iunio, Iulio & Augusto. Et si in his mensibus non plueret, unde aer refrigerari solet, nemo mortalium illic uiuere posset ob intensissimum calorem. Habet regio multiplices & uarii generis aues, quæ in partibus nostris minime inueniuntur.

De ciuitate in qua corpus diui Thomæ apostoli sepultum est.

Cap. XXVII.

IN PROVINCIA Maabar, quæ est India maior, seruatur corpus beati Thomæ apostoli, qui in illa prouincia pro Christo passus est. Quiescit autem corpus eius in ciuitate quadam parua, ubi multi sunt Christiani & Saraceni, debito honore sancti uenerantes corpus. Pauci uero illuc contendunt mercatores, cum merces ferè nullæ ad eum perueniant locum. Incolæ regionis illius dicunt apostolum prophetam magnum fuisse, uocantque eum Auariiam, hoc est sanctum uirum. Et Christiani à longe uenientes, & sancti corpus uisitantes, asportant secum de terra illa in qua uir sanctus occisus dicitur, & de ea in potum missa faciunt infirmos bibere, & credunt illos hinc melius habere, atque à diuersis liberari infirmitatibus. Aiunt anno domini M CCLXXXVII, tale apud eius tumbam factum miraculum, Cum princeps terræ illius messem risi haberet multam, & locus illi sufficiens non esset ad recondendum risum, usurpauit sibi domos & ecclesiam diui Thomæ, & in eas inuitis custodibus reposuit risum. Factum autem est ut paruo post tempore nocte quadam sanctus illi appareret, & manu fuscini lam ferream tenens, & ad guttur eius applicans, minaretur illi exitium: dicens, Nisi domos meas quas temere occupasti, citius euacuaueris, mala peribis morte. Et ille euigilans, statim ut edoctus fuerat, ecclesiam apostoli euacuauit. De qua uisione Christiani lætificati, deo & sancto suo gratias egerunt.

De idololatria paganorum illius regni.

Cap. XXVIII.

OMNES habitatores prouinciæ Maabar tam uiri quàm mulieres nigri sunt, sed arte quadam nigredinem illam corporibus illinunt, putantes eximiam nigredinem illis decori esse. Vngunt enim paruulos ter in hebdomada oleo de fosima expresso, & ex hoc fiunt nigerrimi. Et quo quis nigrior inter eos fuerit, hoc pulchrior æstimatur. Idololatræ etiam qui inter eos sunt, deorum suorum imagines nigerrimas faciunt, dicentes deos nigros esse, & omnes sanctos. Dæmonem uero album pingunt, asserentes dæmones candidi esse coloris. Et cum hi qui boues adorant, ad bella procedunt, deferunt secum pilos bouis syluestris, eosque ligant ad crines equorum suorum quibus insident: pedites uero ad scuta & crines suos pilos illos ligant, credentes se in bello tutos esse ab omni periculo, nam bouem syluestrem magnæ sanctitatis esse affirmant.

De regno



De regno Murfili, in quo adamantes inueniuntur. Cap. XXIX.

VLTTRA regnum Maabar per mille miliaria est regnum Murfili, quod nemini est tributarium. Habitatores eius lacte, carnibus & riso uescuntur, atque idola colunt. In quibusdam huius regni montibus inueniuntur adamantes. Nam cum pluit egrediuntur homines ad riuos aquarum, qui de montibus descendunt, & in arena multos legunt adamantes. Aestatis quoque tempore ascendunt montes cum magna difficultate propter feruentem calorem undique æstuantem, periculo etiam magno sese exponentes, propter magnos serpentes qui ibi in maxima uersantur multitudine, & quærunt in uallibus montium atque aliis decliuibus & reclusis locis adamantes, & quidem fit, ut illos nonnunquam in magna reperiant copia, idque in hunc modum, Morantur in montibus illis aquilæ albæ, quæ memoratis uescuntur serpentibus: & homines qui per montes discurrent, & sæpe ob prærupta saxa & præcipitia montium ad conualles peruenire non possunt, proiciunt in illas frustra recentium carniū uidentibus aquilis, & hæc deinde ab aquilis sublata, nonnullos habent adhærentes adamantes, quos homines hoc ingenio uenantur, Aduertunt quò auis sublatam portet carnis portionē, & accurrentes abigunt aquilam, & lapillos carni adhærentes colligunt. Quòd si aquilæ in ualle proiectam comederint carnem, aduertunt lapidum scrutatores locum ubi aquila noctu dormit, & egesta stercore discutientes eliciunt adamantes, siquos cum carne deuorauit, Reges & nobiles harum regionum emunt pulchriores adamantes pro se, reliquos finunt in orbem per mercatores dispergi. Abundat prouincia ipsa uictualibus, & præsertim tanti sunt in ea arietes, ut maiores in mundo non inueniantur.

De regno Lae.

Cap. XXX.

RECEDENDO à prouincia Maabar occidentem uersus, occurrit prouincia Lae, in qua habitant Abraiim, qui supra modum horrent mendaciū: non ducunt nisi unam uxorem: raptum & furtum execrantur: uino & carnibus non utuntur, nullumque occidunt animal. Idololatræ sunt, & auguria sectantur. Quando quippiam emere uolunt, umbram suam prius in sole considerant, & tunc iuxta errorem suum mercatum absoluunt. Cibo modico utuntur, & magnas faciunt abstinentias. Utuntur in cibo herba quadam, quæ plurimum digestionem iuuat. Nunquam per phlebotomiam sanguinem minuunt. Sunt inter eos idololatræ quidam, qui pro honore idolorum suorum religiosissime uiuunt. Nudi incedunt, nullam corporis tegentes partem, dicentes se minime erubescere, quòd sine peccato sint. Boues adorant, & cum magna reuerentia perungunt se unguento, quod de ossibus bouinis contritis faciunt. Scutellis dum comedunt non utuntur, sed cibos super arida ponunt folia, decerpta ab arboribus quæ poma paradysi proferunt, aut super alia folia arida. Super folia recentia non comedunt, nec uirides herbas aut fructus comedunt: nam dicunt ista omnia cum uiuent uiuere & animam habere, ideo nolunt ea occidere, ne scilicet grande committant peccatum, si ullam creaturam priuarent uita sua. Super nudam terram dormiunt, & cadauera defunctorum comburunt.

De regno Coilum.

Cap. XXXI.

DVM DISCEDITVR à regno Maabar, ad aliam mundi plagam



per miliaria quingenta, occurrit regnum Coilum, in quo sunt Christiani multi & Iudæi atque pagani. Rex eius nulli tributa pendit. Est quoque in ea regione lingua propria: & crescit ibi piper in magna copia. Nam nemora & campestria arbutis eius plena sunt. Colligitur uero in Maio, Iunio & Iulio. Crescit etiam ibi herba quædam, unde fit color quo tinctorum utuntur, uulgo Eudici dictus: quæ primum in uasis aqua repletis humectatur, & deinde in sole torrefacta, in minutas diuiditur partes, qualis ad nos deferri solet. Sunt in illa regione tanti calores, ut molestissimum sit illic uiuere. Flumina etiam adeo calefcunt, ut ouum ad aquam eorum positum, citra magnam moram decoqui possit. Fiunt mercimonia multa in hac regione, propter ingens lucrum quod negotiatores hinc consequuntur. Inueniuntur quoque ibi animalia multa, cunctis aliarum regionum animalibus dissimilia. Nam inueniuntur illic leones nigri, psitaci seu papagalli albi cum pedibus & rostris rubeis, & gallinæ nostris omnino dissimiles. Hanc diuersitatem putant accidere propter nimium calorem, qui ibi existit. Frumentum nullum ibi præter risum crescit. Potum loco uini faciunt ex saccharo. Habent plurimos astrologos & medicos. Nudi omnes incedunt, uiri & mulieres, obscenis locis pánico opertis. Vacant supra modum rebus ueneris. Aduersione solaris caloris nigri fiunt & deformes, sed quod illis elegans esse uidetur. Ducunt consanguineas in tertio gradu uxores, similiter nouercam defuncto patre, & iantricem fratre defuncto: quod etiam per totam Indiam obseruatur.

De prouincia Comari.

Cap. XXXII.

COMARI regio est in India, ubi polus Arcticus uideri potest: ab insula uero Iaua usque ad regionem istam uideri non potest: cum omnes intermediæ regiones ultra æquinoctialem sint circulum. Est regio ista ualde syluestris, habetque animalia multa & dissimilia animalibus aliarum regionum, præsertim simias hominis effigiem exprimentes. Discurrunt quoque illic leones & leopardi in magna copia.

De regno Eli.

Cap. XXXIII.

EVNDO à prouincia Comari uersus plagam occidentalem per trecenta miliaria, peruenitur ad regnum Eli, quod proprium habet regem & propriam linguam. Incolæ eius idola colunt. Rex ditissimus est, habetque thesauros multos, sed non est potens in populo: licet regio ipsa natura munita sit. Est in ea magna copia piperis, zinziberis & aliorum nobilium aromatum. Siquando nauis aliqua onerata præter rectorum eius intentionem ad illam prouinciam appulerit, puta tempestate aut alia necessitate id cogente, habitatores eius rapiunt quicquid in nauem inuenerint, gubernatoribusque eius aiunt, Instituebatis ad aliam diuertere prouinciam cum mercibus uestris, sed deus noster & fortuna uos ad nos direxit, & idcirco accipimus quod deus & fortuna nobis miserunt. Sunt in hac regione multi leones & feræ agrestes.

De regno Melibar.

Cap. XXXIII.

POST regnum Eli peruenitur ad regnum Melibar, quod in India maiori est ad occidentalem plagam, & habet regem proprium nulli tributarium, atque linguam propriam. Incolæ eius idola colunt. Inueniuntur in hoc regno sicut & in regno Gozurath illi propinquo piratæ multi, qui singulis annis cum centum nauibus



navibus uagantur in mari, & capiunt transeuntes mercatores, atque bona eorū prædantur. Ducunt secum uxores & filios, & tota æstate uersantur in mari, præcludentes mercatoribus semitam, ut non facile euadere possint laqueos eorum. Nam cum uiginti nauibus occupant in transuersum centum miliarium spatiū, quinque miliarium spatio uni assignato naui. Et cum uident aduentare nauē aliquam mercatorum bonis oneratam, signum faciunt cum fumo, proximiori id indicantes naui, & hæc rursum naui tertiæ sibi collateralis id significat, unde fit ut ferè in momento temporis omnium nauium gubernatores sciāt adesse nauim quam diripiant. Concurrunt igitur tot naues quot necessariæ sunt ad prædandum nauem aduentitiam, & hominibus quidem captis nihil mali inferunt, sed exponunt eos in littus maris, & rogant eos, ut eant & alias adducāt merces, transeantque per terminos eorum. Est in hac regione mira abundantia piperis, zinziberis, & Indicarum nucum.

De regno Gozurath.

Cap. XXXV.

EST REGNO Melibar uicinum aliud regnum, quod Gozurath uocatur, habetque regem & idioma proprium. Et est hoc regnum in India minori ad plagam occidentalem. Apparet in hoc regno polus Arcticus super Horizon tem, sed brachiorum altitudine, hoc est, septem uel octo gradibus cœlestibus. Sunt in hoc regno plurimi piratæ, qui cum mercatores ceperint, cogunt eos bibere tamarendos cum aqua maris, & ilico fluxum patiuntur uentris. Quod ideo faciunt, quia mercatores quando à longe uident aduentare piratas, solent deglutire margaritas & lapides pretiosiores, ne illis per piratas eripiantur: sed illi horum astutiam non ignorantes, cogunt eos ilico egerere glutitos lapides. Est in hac regione copia endici, piperis, & zinziberis. Sunt etiam ibi arbores, de quibus bombyx in magna colligitur copia. Hæc arbor crescit sex passibus in altum, & fructū producit per uiginti annos, deinde ad nihilum ualet ultra. Paratur etiā in hoc regno corium quoddam nobilissimum, & quo uix melius inueniri potest.

De regnis Tana, Cambaeth & aliis quibusdam.

Cap. XXXVI.

APRÆDICTO regno itur per mare ad regna Tana, Cambaeth, Semenath, & Resmacoram, ad occidentalem scilicet sita plagam, in quibus mercimonia multa fiunt. Vnumquodque autem illorum regnorum habet regem & idioma proprium. De his scribere multa non præualeo, quia sunt in India maiori, quam intactam ferè relinquam, nisi ubi maris littus contingit.

De duabus insulis, in quibus uiri & mulieres separatim habitant.

Cap. XXXVII.

VLTRA regnum Resmacoram per quingenta miliaria uersus meridiem in alto mari sunt duæ insulæ triginta miliaribus à seinuicem distantes, in quarum una morantur uiri sine mulieribus, uocaturque insula masculina: & in alia foeminae sine uiris, & hæc quoque uocatur insula foeminina. Sunt autem Christiani, & habent inter se matrimonia. Mulieres nunquam ueniunt ad insulam uirorum, sed uiri uisitant mulieres, moranturque cum illis tribus continuis mensibus, unusquisque scilicet cum uxore sua in domo propria. Post hæc reuertuntur ad insulam suam ubi per residuum anni tempus manent. Et retinent mu-

H. I.



lieres filios masculos secum usque ad decimumquartum annum, postea mittunt eos ad patres. Mulieres aliud nihil agunt, nisi quod curam habent filiorum, & fructus quosdam legunt. Viri uero laborant & curam habent quomodo uxores & filios nutriant. Vacant piscationibus, & infinitos capiunt pisces, quos recentes & deficcatos uendunt negotiatoribus, & hinc multum habent lucri. Vescuntur lacte, carnibus, piscibus & riso. Abundat mare illud ceris & magnis piscibus. Viri regem non habent, sed episcopum suum dominum agnoscunt, subiecti archiepiscopo de Scoira.

De insula Scoira.

Cap. XXXVIII.

PROCEDENDO ulterius uersus meridiem per quingenta miliaria, occurrit alia insula Scoira nomine, cuius incolæ Christiani sunt, & habent archiepiscopum. Exercentur in ea insula multa mercimonia, nam abundat bombyce & piscibus. Præter risum aliud non habent frumentum. Omnes nudi incedunt, & uiuunt lacte, carnibus & piscibus. Deferuntur à piratis multa bona ad hanc insulam, quæ rapta illic uendunt. Illi autem scientes non Christianis, sed Saracenis & idololatriis illa ablata, libenter ea emunt. Sunt in hac insula inter Christianos multi incantatores, qui pro libito suo naues in mari reuocare possunt ut uolunt: etiam si prospero nauis uehatur uento, illi arte sua diabolica possunt contrarium excitare uentum, qui nauem etiam inuitam reducat.

De magna insula Madaïgascar.

Cap. XXXIX.

RECEDENDO ab insula Scoira, & uersus meridiem per mille nauigando miliaria, peruenitur ad Madaïgascar, quæ inter maiores & ditiores mundi computatur insulas. Continere dicitur in gyro quatuor milia miliarium. Habitatores eius Mahumetani sunt, nullum habentes regem, sed quatuor senioribus per totam insulam parent. Producit hæc insula plurimos elephantos, ut nulla in orbe sit regio quæ plures illa habeat. Est in ea sicut & in alia insula quæ Cuzibet uocatur, magna eboris nundinatio. Nam in toto orbe non putatur maior esse elephantinorum dentium copia, quam in his duabus insulis. Non comeduntur in hac insula aliæ quam camelorum carnes, cum illæ saniores incolis sint. Est autem illorum animalium maxima & penè infinita multitudo in hac insula. Sunt præterea in hac insula multa nemora sandalorum rubeorum, quorum gratia multæ ibi fiunt mercantiæ. In mari uero cete grandia capiuntur, ex quibus ambrum colligitur. Sunt ibi leones, leopardi, cerui, damulæ, & capræ multæ, aliarumque bestiarum & auium multiplex uenatio. Inueniuntur denique ibi uariæ species auium, quæ in terris nostris nunquam uisæ sunt. Confluunt passim ad hanc insulam multi mercatores, facillimèque illuc nauigare possunt propter maris fluxum: nam à prouincia Maabar uenitur in uiginti diebus ad hanc insulam Madaïgascar, iuuante nauem fluxu maris: sed difficillime reuerti possunt, cum uix in tribus mensibus aduersum fluxum superare possint. Nam tota ui mare in meridiem fertur.

De maxima auc Ruc.

Cap. XL.

SUNT ET aliæ insulæ ultra Madaïgascar uersus meridiem, sed quæ difficillime adiri possunt, propter uelocissimum maris cursum. Et in illis certo anni tempore apparet mirabilis species auis, quæ Ruc appellatur, aquilæ quidem habens



habens effigiem, sed immensæ est magnitudinis. Aiunt qui illas uiderunt aues, plerâque alarum pennas in longitudine continere duodecim passus, spissitudinem uero eius proportionem tenere longitudinis: & totum auis corpus pennis in proporione respondere: auis uero ipsa tantæ fortitudinis, ut sola sine aliquo adminiculo elephantem capiat, & in sublime sustollat, atque rursum ad terram cadere sinat, quo carnibus eius uesti possit. Ego Marcus cum primum hæc de illa aue audissem, putabam esse gryphonem, qui inter quadrupedia dicitur esse pennatus, leoni ex omni parte similis, nisi quod faciem habet aquilæ similem: sed hi qui aues illas uiderant, constanter asseriebant, nihil illis commune esse cū ulla bestia, & quod duobus ut reliquæ aues incederent pedibus. Habebat meo tempore magnus Cham Cublai nuntium quendam, qui in insulis illis tamdiu captus tenebatur, donec incolis earum satis factum esset: & hic postliminio domum reuertens mira retulit de conditione illarum regionum, & de uariis animalium speciebus quæ in illis inueniuntur.

De insula Zanzibar.

Cap. XLI.

INVENTVR etiam illic alia quædam insula, quæ in gyro continet duo milia miliarium, habens regem proprium & linguam singularem. Incolæ uero eius idola colunt. Sunt homines illi corpore grosso, sed breui. Et si staturæ longitudo corpulentia responderet, gigantes uideri possent. Sunt fortissimi, ut etiam unus tantum ferre posset onus, quantum alii uix quatuor. Comedit etiâ unus tantum cibum, qui quinque nostratibus sufficere posset. Sunt omnes nigri, & nudi incedunt, uerenda duntaxat tegentes. Capillorum tam densam habent crispitudinē, ut cum aqua deliniti uix extendi in longum queant. os est illis magnum, & nares sursum patentes. Aures quoque habent grandes, & oculos horribiles. Mulieres etiam ob oculos prominentes, os magnum, & nares grossas admodum deformes sunt. Viuunt lacte, carnibus, riso & daetylīs. Carent uino, sed conficiunt potum optimum ex riso, saccharo, & aliis speciebus. Veniūt illuc multi mercatores propter ebur & ambrum. Nam sunt ibi plurimi elephanti & cetera grandia. Viri huius insulæ fortes & bellicosi sunt. Et licet non habeant equos, tamen cum elephantis & camelis ad bella procedunt, extruentes castella lignea super elephantos, quæ tanta sunt ut quindecim uel uiginti uiri muniti ex uno pugnent portatili castro. Pugnant autem cum lanceis, gladiis & lapidibus: & sunt huiusmodi castra asseribus cooperta. Porro quando ad bellum procedere uolunt, exhibent potum elephantis, quem ipsi pro uino in terra bibunt, quo audaciores sint in bello. Abundat ista insula leonibus, leopardis, & aliis uariis bestiis syluestribus, quæ in aliis regionibus non inueniuntur. Habet præterea speciem animalis quod graffa uocatur, habens collū longissimum, passuum scilicet triū, cuius anteriora crura multo longiora sunt posterioribus. Caput eius est paruum & color uarius, albus scilicet & rubeus cum roseis punctis per corpus dispersis. Est autem animal mansuetum, neminem lædens.

De multitudine insularum Indiæ.

Cap. XLII.

SUNT præter memoratas insulas etiam plurimæ aliæ insulæ in partibus Indiæ, prioribus quidem ut principalioribus subiectæ: quarum numerus ob multitudinem earum certo haberi nequit. Et quidem si nautis credimus & his qui diu

H. ii



fulcauerunt maria, est numerus earum duodecim milia & septingentæ, computando tam habitatas quàm non habitatas.

De prouincia Abasix.

Cap. XLIII.

DESCRIPSIMVS hætenus obiter insulas & regiones Indiæ utriusque, maioris scilicet & minoris: maior incipit à prouincia Maabar, & terminatur ad regnum Rescomoran: minor uero incipit à regno Ciamba, & terminatur ad regnum Murfili. Nunc breuiter attingemus Indiam intermediam, quæ proprie Abasia appellatur. Igitur Abasia est regio maxima in septem diuisa regna, quibus singulis singuli præsumt reges. Et hi omnes sunt Christiani, præter tres Saracenos. Christiani crucem auream in frõte gestant, quod eis in baptismo imprimitur. Saraceni uero habent signum à fronte usque ad medium nasi. Sunt etiam illic multi Iudæi, qui ignito ferro in utraque maxilla signati sunt. Contingit hanc regionem alia quædam prouincia, Aden dicta, in qua beatus Thomas Christi fidem docuisse dicitur, & multos ad eandem cõuertisse. Postea transtulit se ad regnum Maabar, in quo pro Christo mortem obiit.

De quodam episcopo Christiano uiolenter à Sultano circumciso.

Cap. XLIIII.

ANNO à Christo nato M CCLXVIII rex unus & qui principalior erat in regnis Abasix, deuotione motus uoluit Ierosolymam uisitare, atque sepulchrum domini. Et cum id consiliariis atque aulicis suis indicasset, illi omnino dissuadent propositum arripere iter, scientes plurima in itinere esse discrimina, præsertim cum illi per multas Saracenorum terras ambulandum esset: sed ut episcopum aliquem sui loco mitteret consulunt, qui adeundo terram sanctam munus perferret in Ierusalem. Acquiescit rex sano consilio, mittitque episcopum cum regia oblatione. Veniens autem episcopus in regionem Aden, quam Saraceni inhabitabant, & Christianos implacabili persequebantur odio, comprehensus à Saracenis, ad regem Aden ducitur. Rex uero cum ex eo didicisset quod nuntius esset regis Abasix, missus ad terram sanctam, minis nititur cogere hominẽ, ut abnegato Christi nomine, Mahumeti suscipiat legem. Episcopus uero constanti animo in Christi perseuerans fide, respondet se potius mortem subiturum, quàm deserto Christo, Mahumeto nomen dare. Tunc Sultanus ille iubet episcopum in iniuriam Christi & despectum regis Abasix circumcidi, & circumcisum iterum mittit ad regem Abasix. Quo cognito rex Abasix, uolens Christi ulcisci iniuriam, coacto in unum magno exercitu cum peditibus, equitibus & elephantis castella gestantibus, mouet expeditionem contra regem Aden. At Sultanus conuocatis aliis duobus regibus, cum ualido exercitu properat in occursum regis Abasix, commissoque prælio, plurimi de exercitu Aden interficiuntur, & euadit rex Abasix uictor. Et intrans cum exercitu suo in interiora regni Aden, cœpit deuastare regionem, & occidere Saracenos, qui conglobati illi resistere conabantur, sed incassum, mansitque per integrum mensem in regno illo, & illatis plurimis damnis, uictor cum magno honore domum rediit, gaudens impii Sultani ultam perfidiam.

Quàm



Quam diuersæ bestiæ inueniantur in prouincia Abasiæ. Cap. XLV

VIVUNT habitatores Abasiæ carne, lacte & riso: oleo uero utuntur de sossima factio. Habet regio ipsa multas ciuitates & oppida, in quibus plurimæ fiunt negotiationes. Inuenitur ibi buchirani optimus, & bombicini panni in magna copia. Habent quoque Abasini plurimos elephantos, sed qui ibi non nascuntur, uerum ab aliis regionibus & insulis importantur. Giraffæ autem, leones, leopardi, onagri, & diuersæ auium species quæ alibi non uisuntur, in magna ibi nascuntur abundantia. Habet præterea regio illa gallinas pulcherrimas, & struthiones grandes, asinis haud minores, aliarumq; bestiarum & auium multiplicem uenationem. Habet psitacos & epimachos pulcherrimos, habet denique catts diuersarum specierum, quorum aliqui humanam in facie exprimunt effigiem

De prouincia Aden.

Cap. XLVI.

HABET prouincia Aden regem proprium, quem Sultanum uocant, habens sub se Saracenos, qui supra modum exosos habent Christianos. Habet autem regio ipsa multas ciuitates & castra, & præsertim habet portum optimum, ad quem ex India plurimæ appellunt naues aromata deferentes. Et negotiatores quidem Alexandrini illic ementes aromata, ponunt ea in naues paruas, atq; septem diebus per flumen quoddam ducentes, postea humeris camelorum imponunt, & triginta dierum itinere per terram usque ad fluuium AEgypti deportant, & rursus in naues exonerantes, tandem usque ad Alexandriam perducunt. Nec potest cõpendiosior haberi uia ab oriẽtis partibus usq; Alexandriam. Negotiatores uero illi ducunt secum plurimos equos, quando nundinandi gratia in Indiam concedunt. Exigit autem rex Aden ab illis mercatoribus qui per regionem suam aromata & alias merces ducunt, uectigal maximum, unde plurimū ditescit. Cum Sultanus Babylonis obsideret ciuitatem Aconensem, & eam expugnaret, anno scilicet domini MCC, misit Sultanus Aden in auxilium eius triginta milia equitum, & quadraginta milia camelorum, non quod usq; adeo illius cuperet augeri felicitatem, sed quod omnes maluit extinctos Christianos. A portu Aden eundo uersus Septentrionem sita est ciuitas Escier, quadraginta distans miliaribus ab illo portu, & habet sub se multas alias ciuitates & castra, sed quæ omnia sunt de dominio regis Aden. Est quoque iuxta hanc ciuitatem optimus portus, à quo innumeri equi ducuntur in Indiam. Abundat hæc regio thure albo atque optimo, quod de paruis arboribus, abietibus tamen similibus, stillat. Incolæ crebris incisionibus perforant harum arborum cortices, ut thus extrahant, tametsi calor quoque, qui ibi maximus est, plurimum eliciat liquoris. Habet quoque regio ipsa palmas cum dactylis: sed præter modicum risum nullum producit frumentum, uerum aliunde importandum est. Abundat autem piscibus optimis, præsertim tunnis, qui ibi optimi habentur. Vinum non habent, sed ex dactylis, riso & saccaro optimum faciunt potum. Verueces qui in hac regione inueniuntur sunt statura parui, auribus omnino carentes, sed loco earum cornua parua habent. Equi, boues, cameli atque oues uescuntur piscibus, qui quotidianus illorum sunt cibus, cum illic ob immensum calorem herbarum & frumenta ex terra haberi non possint. Fit autem tribus anni mensibus piscium captura, scilicet Martio, Aprili & Maio, tantusq; illorum capitur numerus.

H. iij.



rus, ut non facile explicari possit. Hos pisces siccant & seruant, atque per totum annum animalibus edendos pabuli loco proponunt. Vescuntur autem animalia libentius desiccatis piscibus quàm recentibus. Fiunt etiam ab incolis panes bis cocti ex piscibus, idque in hunc modum, Concidunt pisces minutatim, atque contundunt in modum farinæ, & postea commiscent & subagitant quasi pastum panis, atque ad solem desiccari faciunt, & uiuunt ipsi & iumenta ipsorum illis panibus factitiis per totum annum.

De regione quadam, in qua Tartari habitant. Cap. XLVII

SCRIPSI haftenus de regionibus orientalibus ad meridiem expositis, nunc quasdam in Septentrionali plaga positas, quæ supra in primo libro sunt omissæ, breuiter attingam, & quæ de illis didici annotabo. Igitur in interioribus Aquilonis partibus multi habitant Tartari, quorum rex est de progenie Imperatoris Tartarorum: & seruant ritus & mores antiquorum Tartarorum. Sunt omnes idololatæ, coluntque unum deum, quem Natigai appellant, putantes illum terræ habere dominium, & omnium eorum quæ ex ea producuntur. Sonat enim Natigai in lingua eorum deum terræ. In honorem illius dei multa faciunt simulacra & imagines. Non habitant in ciuitatibus uel oppidis, sed in montibus & cæpsestribus regionis illius: suntque in maximo numero, frumento carètes & lacte atque carnibus uiuentes. Est magna pax & concordia inter illos, parique uoto suo obediunt regi. Habent equorum, camelorum, bouum, ouium, & aliorum pecorum ferè infinitum numerum. Sunt etiam apud eos ursi maximi atque uulpes insignes. Sed & onagri in magna illic inueniuntur multitudine. Inter parua uero animalia est quædam species apud illos, quæ delicatissimas suppeditat pelles, quas uulgo zebellinas uocant. Sunt quoque alia quamplurima syluestria animalia ibi, de quibus multam percipiunt carnem ad comedendum.

De regione alia, ad quam propter lutum & glaciem difficilis patet accessus. Cap. XLVIII.

SUNT etiam regiones aliæ in hac Septentrionali plaga, sed priore adhuc interiores, quarum una est montosa, uaria producens animantia, ut sunt rhondes, armelini, erculini uarii, uulpes nigræ & alia quædam, quæ hominibus illis lenissimas præbent pelles, & ad nostras per mercatores deferuntur regiones. Equi uero, boues, asini, cameli, & alia quæcunque corpulenta animalia, ad illa loca accedere nequeunt, usque adeo est regio illa paludinea & stagnis plena, nisi in medio hyemis quando omnia frigore rigent & constricta sunt dura glacie. Cæteris uero temporibus tametsi multa illic sit glacies, & magnum frigus, non est tamen glacies illa tam solida, ut currus & iumenta ponderosa ferre possit, quin immo homines ipsi cum magna difficultate possunt pertransire terram illam, usque adeo stagnantur omnia loca aquis & paludibus. Patet regio hæc uersus Septentionem itinere tredecim dierum, in qua supra modum abundant animantia ea quæ memoratas pretiosas suppeditant pelles, unde incolæ multa affequantur lucra. Nā accedunt ad eos mercatores & abducunt pelles illas in magna copia. Introducuntur autem in regionem ipsam hoc modo. Habent canes maximos asinorum instar, qui rhedis trahendis sunt assueti. Carent autem uehicula illa rotis, facta lignis leuibus & planis, ut duo homines in uno sedere & uehi



uehi possint, nec facile in luto mergantur propter latitudinem eius. Igitur quando mercator aliquis uenit, imponitur uehiculo, & ligantur ordine quodam sex canes ad uehiculum illud trahendum, & quocunque à ductore qui cum mercatore in rheda sedet diriguntur, illuc trahunt rhedam, transeuntes per lutum & aquam. Nec possunt ultra unius diei spatium laborē illum sustinere, sed transacto die, alii ad rhedam ligantur canes, cum pagi multi passim in regione illa inueniantur, & illic canes in hoc officium nutriantur. Per hunc itaque modum potest mercator ad interiora illius peruenire regionis. Non autem ponuntur magna onera super rhedas, cum canes præter mercatorem, aurigam & pellium fascem nihil ferē aliud trahere possint. Fit igitur, ut negotiator quolibet die mutet uehiculum, canes & aurigam, donec perueniat ad montes ubi emat pelles.

De regione tenebrarum.

Cap. XLIX.

EST adhuc alia regio, prioribus regionibus multo uersus Aquilonē interior quippe quæ extremū Septentrionis occupat locum, quam obscuritatē appellant, eo quod multo per annum tempore ibi sol non appareat, & tunc nedum noctu ibi tenebræ sint, uerum & interdiu aer in modum crepusculi caliginosus fit: cuius regionis homines pulchri sunt, magni & corpulenti, sed pallidi. Regem non habent nec principem cui pareant, sed in morem bestiarum uiuentes, quod libet faciunt, nec mores nec ciuilitatem ullam curantes. Tartari uero qui illis hominibus sunt confines, sæpe regionem illam obscuram ingredienti, rapiūt animalia illorum, & quicquid inueniunt, aliāque multa inferunt damna. Et quoniam propter subito irruiturā noctem periculum direptoribus imminet, ut illud euadant, hac utuntur cautela. Quando regionem ipsam prædam abducturi intrare disponunt, accipiunt secum equas pullos habentes, illōsque in ingressu regionis custodibus committunt, ut illic expectent donec ipsi cum præda reuertantur, ut cum illis noctu sit regrediendum, equæ nocturni itineris obseruatrices rectā ad pullos suos contendant, omni uitato discrimine. Laxant enim noctu equabus habenas, illāsque libere quò suo instinctu feruntur, ire permittunt: & hæ naturali ad filios tracti affectu, ducunt sēssores suos ad pristinum locum, quem ipsi in tenebris minime inuenire potuissent. Habent etiā huius regionis incolæ uaria animalia, de quibus pretiosas abstrahunt pelles, & ad alias deferentes regiones magna hinc reportant lucra.

De prouincia Ruchenorum.

Cap. L.

INHABITANT Rucheni prouinciam maximam, quæ ferē usq; ad polum Arcticum excurrit: & sunt Christiani, Græcorū ritum in ecclesiasticis seruantes officiis. Sunt albi & pulchri, tam uiri quàm mulieres, flauos habentes capillos. Tributa pendunt Tartarorum regi, cui ad orientalem plagam confines sunt. Est etiam apud eos ingens copia pretiosarum pellium. Habent quoque mineras multas argenti. Regio uero ipsa est frigidissima, quippe quæ ad mare protenditur congelatū. Sunt tamen in eo mari insulæ quædam, in quibus grifalchi, herodii seu falcones in maxima inueniuntur copia, & inde ad diuersas mundi partes deferuntur.

MARCI PAULI VENETI LIBRI TERTII ET  
ULTIMI DE REGIONIBVS ORIEN-  
TALIBVS FINIS.

H. iiii.



I D E M accidit Haythono quod Marco Paulo Veneto:uterque enim primo librum suum uernacula scripsit lingua, ille in Italica, iste uero in Gallica, deinde ut seculum illud nihil præter barbariem coluit, uterq; infelicem & incultum nactus interpretem, rudiori stylo latinis legendi traditi sunt, quàm ut tenerioribus auri-  
bus simplicitas illa arridere possit. Sed ueritatis simplex est oratio. Etiam ineleganter scribentibus suis debetur honor, quòd alios ad ueritatis excitent inquisitionem. Fuit Haythonus iste Armenus, è regio natus stemmate, sed nobilitatem suam in Christo nihil esse arbitratus, seculum & ea quæ in illo sunt contemnens monasticam elegit uitam, quo à seculi sequestratus tumultibus, Christo liberius uacaret. Scribit autem hæc de seipso. Porro interpretis eius fuit Nicolaus Salconi, qui ex mandato summi pontificis Clementis quinti in ciuitate Pi&tauensi, primo hunc librum Gallice scripsit, prout illi ab Haythono dictabatur, ac deinde in latinum ut potuit uertit, anno scilicet domini M CCCVII.



HAITHONI ARMENI ORDINIS  
PRAEMONSTRATENSIS DE  
TARTARIS LIBER.

De regno Cathay.

Cap. I.



REGNUM Cathay est maximum quod in orbe ualeat inueniri, & est repletum gentibus, & diuitiis infinitis, & in oceani littore habet situm. Tot etiam sunt ibidem maris insulae, quod numerus nullatenus potest sciri. Nam nullus penitus inuenitur, qui omnes illas insulas asserat se uidisse. Illae uero quae cal-

Recenset il-  
las M. Paulus

cari possunt, reperiuntur innumerabilibus abundare diuitiis & thesauris. Et illud ferè quod in illis partibus carius emittitur, & habetur, est oleum oliuarum: & reges & magnates illud quasi medicamen praeipuum, cum magna diligentia faciunt custodiri. In ipso etiam regno Cathay plura sunt mirabilia monstrofa, quae dicere praetermitto. Homines illarum partium sunt sagacissimi, & omni calliditate repleti, & ideo in omni arte & scientia uilipendunt omnes alias nationes: & dicunt, quod ipsi sunt soli qui duobus luminibus respiciunt, latini uero uno lumine tantum uideant: sed omnes alias nationes asserunt esse caecas. Et per hoc certissime demonstratur, quod omnes alios reputant esse rudes. Et uere tot res mirabiles & diuersae, ac ineffabilis subtilitatis & laboris manuum ex illis partibus deferuntur, quod non uidetur esse aliquis, qui in talibus illis se ualeat comparare. Omnes illi de illo regno Cathayni uocantur, & iuxta nationes suas multi tam uiri quam foeminae pulcherrimae reperiuntur: tamen omnes communiter paruos habent oculos, & naturaliter barba carent. Isti uero Cathayni ualde pulchras habent literas, quae latinis literis in pulchritudine quodammodo similes sunt. Secta uero illius regni gentium, uix posset aliquo modo enarrari. Quoniam aliqui sunt qui colunt idola de metallo, alii uero boues adorant, quia terram laborant, ex qua crescunt frumenta & alia nutritiua. Alii colunt magnas arbores, alii naturalia, alii astronomiam, alii solem colunt, alii uero lunam, alii uero nullam habent fidem uel legem, sed sicut bruta animalia, ducunt bestialiter uitam suam. Et licet sint perspicacissimi ingenii ad omnia opera corporalia exercenda, nulla tamen inter eos spiritualium notitia inuenitur. Homines illius patriae non sunt audaces, sed sunt mortis timidi plus satis quam armigeros esse deceat, multum tamen sunt ingeniosi, & magis per mare quam per terram de inimicis suis uictoriam reportarunt. Multa habent armorum genera, quae non inueniuntur inter alias nationes. Moneta uero quae in illis partibus expenditur, fit de papyro in forma quadrata, & est regali signo signata, & secundum illud signum illa moneta est maioris pretii uel minoris: & si forte illa moneta, propter uetustatem incipiat deuastari, ille uero qui illam habuerit, ad regalem curiam deportabit, tunc pro illa dabitur sibi noua. De auro uero & aliis metallis faciunt uasa & alia ornamenta. De isto regno Cathay, dicitur quod est in principio mundi, quia est in oriente ab uno capite, & in illa parte nulla est aliarum habitatio gen-



tium, ut refertur. Ex parte occidentis suos habet confines cum regno Tarſæ. Ex parte Septentrionis cum deserto de Belgiam. Ex parte uero meridiei, sunt insulæ maris oceani, de quibus superius est expressum.

De regno Tarſæ.

Cap. II.

**I N R E G N O** Tarſæ sunt tres prouinciæ, quarum dominatores se reges faciunt appellari. Homines illius patriæ nominantur Logour, semper idola coluerunt, & adhuc colunt omnes, præter decem cognationes illorū regū, qui per demonstrationē stellæ uenerunt adorare natiuitatē in Bethlehem Iudæ. Et adhuc multi magni & nobiles inueniuntur inter Tartaros de cognatione illa, qui tenent firmiter fidem Christi. Alii uero idololatræ de partibus illis, sunt homines nullius ualoris in facto armorū. Perspicacissimi tamen sunt ingenii ad omnes artes & scientias addiscendas. Literas habent proprias, & ferè omnes illarum partium habitatores abstinent à carnibus & à uino, nec aliqua ratione occiderent quicquam uiuens. Illorū ciuitates ualde sunt amœnæ, & templa magna habent, in quibus idola uenerantur: frumenta ibi crescunt abundanter, & alia bona grana. Vino uero carent, & bibere uinum reputant esse peccatū, sicut faciunt Agareni. Istud regnum Tarſæ, ex parte orientis suos habet confines cum regno Cathay supradicto. Ex parte occidentis, cum regno Turquestan. Ex parte Septentrionis, cum quodam deserto. Ex parte uero meridiei, cum quadam ditissima prouincia, quæ uocatur Sym, quæ inter regnum Indiæ & regnum Cathay habet situm, & in illa prouincia inueniuntur lapides adamantis.

De regno Turquestan.

Cap. III.

**R E G N V M** Turquestan, ex parte orientis suos habet confines cum regno Tarſæ, ex parte occidentis cum regno Persarum, ex parte Septentrionis cum regno Corasina, ex parte uero meridiei protenditur usque ad desertum Indiæ. In isto regno pauca sunt bonæ ciuitates: planicies habet latas, & bona pabula pro armentis, & ideo habitatores illius patriæ, ut plurimum sunt pastores, habitantes in tentoriis, & in talibus domibus, quæ de loco ad locum possunt faciliter deportari. Maior ciuitas illius regni uocatur Ocerra. Parum ibi colligitur de hordeo uel frumento. Vino totaliter carent. Bibunt Cursiam, & alia poculenta quæ conficiunt, & lac. Risum & milium comedunt atq; carnes, & uocantur Turcæ. Et ferè omnes tenent dogma pessimi Mahumeti. Aliqui uero sunt inter eos, qui nullam penitus fidem habent uel legem. Literas non habet proprias, sed utuntur literis Arabicis in ciuitatibus siue castris.

De regno Corasminorum.

Cap. II II.

**R E G N V M** Corasminorum est bene munitum bonis ciuitatibus atq; uilis, & multi sunt ibidem habitatores, quia terra illa est fertilis & amœna, frumenta & alia bona grana colliguntur ibi in maxima quantitate, tamen modicū habent uini. Istud regnum suos habet confines cum quodam deserto, cuius per centum dietas extenditur longitudo. Ex parte occidentis usque ad mare Caspium protenditur: ex parte septentrionis confines habet cum regno Cumania: ex parte meridiei cum regno Turquestan, superius nominato. Maior ciuitas illius regni uocatur Corasme, & Corasmi homines nominantur. Pagani sunt, non habentes literas siue legem. In armis sunt ferocissimi qui uocantur Soldini, & habent



bent propriam linguam, literas atque ritum Græcorum: & modo Græcorū conficiunt corpus Christi, & sunt obediētes patriarchæ Antiocheno.

De regno Cumania.

Cap. V.

**R E G N V M** Cumania est ualde magnum, sed propter aeris intemperiem male ab hominibus habitatur. Fit enim in locis aliquibus hyemali tempore tantum frigus, quod homines, siue animalia non possunt uiuere ullo modo: in aliquibus uero locis fit tantus calor in æstate, quod nemo potest ibi esse per æstum, & etiam propter muscas. Regnum istud Cumania est quasi totum planum, & in illa planicie non reperiuntur arbores siue ligna, nisi forte iuxta aliquas ciuitates, quæ pomeria quædam habent. In campis & tentoriis habitant illæ gentes: stercore comburunt animalium loco ligni. Regnū Cumania ex parte confines habet cum regno Corasme, & cum quodam deserto. Ex parte occidentis est mare maius & mare detenue: ex parte Septentrionis confines cum regno Cassia: ex parte meridiei protenditur usque ad quoddam flumen magnum, quod reperitur in urbe quæ uocatur Etil. Anno quolibet congelatur, & quandoque per totum annum permanet ita firmiter congelatum, quod glacies calcatur ab hominibus & animalibus sicut terra. In littore illius fluminis inueniuntur quædam arbores satis parue: ultra uero & ex alia parte illius fluminis sunt gentes habitantes uariæ & diuersæ, quæ non computantur de regno Cumania, obediunt tamen regi. Et quidam sunt qui habitant circa montem Cocas, qui mirabiliter est magnus & altus. Astures & aliæ aues rapaces albæ sunt, quæ in illis montibus oriuntur. Et iste mons residet inter duo maria: quia ex parte occidentis est mons, ex parte orientis mare Caspium: & istud mare Caspium nullum habet introitum cum mari oceano, sed est sicut lacus: mare tamen propter ipsius magnitudinem appellatur: est enim maior lacus quàm reperiatur in orbe: quia protenditur à dicto monte Caspio usque ad caput regni Persarum, & diuidit totam terram Asia in duas partes: & illa pars quæ est in parte orientis dicitur Asia profunda: & illa quæ est in occidente dicitur Asia maior, & multos retinet bonos pisces. Circa illum montem Caspium inueniuntur bubali, & alia multa animalia syluestria. Sunt etiam in illis partibus multæ insulæ, in quibus aues nidificant, & præcipue falcones, quæ pegrin uulgariter appellantur, & esmerliones, & bonsacci, & multæ aliæ aues nascuntur ibidem, quarum nusquam origo nisi in illis insulis inuenitur. Maior ciuitas regni Cumania uocatur Sara, quæ fuit antiquitus nobilis & famosa: fuit tamen prostrata, & quasi totaliter destructa per Tartaros, qui illam uiolenter ceperunt, sicut inferius exprimetur.

De regno India.

Cap. VI.

**R E G N V M** India est ualde longū, & est situm super mare oceani, quod in illis partibus dicitur mare India. Istud regnū incipit à confinibus regni Persarum, & extenditur per orientem usque ad unam prouinciā quæ uocatur Balaré: & in illa prouincia reperiuntur lapides pretiosi, qui balais appellantur. Ex parte septentrionis perlongū est & magnum desertum India, ubi tot serpentes, & animalium diuersitates habitantes imperator Alexander dicitur inuenisse. In ipso regno prædicauit beatus Thomas apostolus fidem Christi, & multas conuertit prouincias atque gentes: sed quia distant multum ab illis terris & locis,



in quibus fides colitur Christiana, ibi fides nostra est multum diminuta, nec est ibi nisi quædam ciuitas, in qua habitant Christiani: omnes uero alii fidem Christi totaliter reliquerunt. Ex parte uero meridiei perlongum est mare oceanum, in quo sunt multæ insulæ, sed homines degentes in illis sunt nigri, & nudi incedunt totaliter propter æstum, & colunt idola uelut stulti. In illis insulis inueniuntur lapides pretiosi, margaritæ, & aurum, & multa genera specierum & rerum medicinaliū, quæ conferūt sæpe hominibus huius mundi. Ibi etiam est quædam insula, quæ uocatur Celan, & in illa reperiuntur lapides qui uocantur rubini & sapphiri, & rex illius insulæ habet maiore rubinū & meliorem quàm ualeat reperiri. Et quando rex illius insulæ debet coronari, lapidem illum manibus suis tenet, & sedens super equo circuit ciuitatem, & extunc omnes sibi obediunt tanquam regi. Terra Indiæ est quasi insula à deserto superius nominato, & mari oceano circumdata, ita quòd uix posset aliquis introire illam terram, nisi ab uno latere tantum, uidelicet ex parte regni Persarum. Et mercatores qui ad illam terram uolunt accedere, primo uadunt ad quandam ciuitatem quæ uocatur Hermes, quam Hermes philosophus fundauit artificialiter, ut præfertur, & exinde transeunt per quoddam brachium maris, quousque ueniunt ad quandam ciuitatem quæ Combaech nominatur: & ibi inueniuntur aues quæ uocantur papagai, quæ sunt uiridi colore: & tanta est in illis partibus illarum auium multitudo, quanta passerū in hac terra. In illo portu inueniūt quæcunq; uolunt uenalia mercatores. Et si ultra uellent procedere, absq; molestia possent ire. In illa prouincia non habent abundantiam hordei uel frumenti: comedunt tamen illarum partiū habitatores risum, milium, lac, butyrum, & fructus qui multi crescunt ibidem.

## De regno Persarum.

## Cap. VII.

Videtur esse  
Ganges.

R E G N V M Persarum diuiditur in duas partes, quæ dicuntur solummodo unum regnū, eo præcipue quòd unus solus dominus illarū terrarum semper obtinuit principatum. Prima pars Persarum incipit in oriente à confinibus regni Turquestan, & protenditur per occidentem usque ad magnum flumen Phison, quod est primum inter quatuor flumina quæ fluunt de paradyso terrestri. Et ex parte septentrionis extenditur usque ad mare Caspium: ex parte meridiei usque ad desertum Indiæ. Prouincia illa est quodammodo tota plana: in medio illius duæ sunt sitæ magnæ & opulentissimæ ciuitates: quarum altera uocatur Boctarra, altera Seonorgant. Habitatores illarum partium dicuntur Persæ, & habent propriam linguam: de mercationibus & terrarum laboribus uiuunt, uerum de armis se non ingerunt, nec de guerra. Antiquitus colebant idola, & ignem tanquam deum præcipuum adorabant. Postquam uero secta Mahumeti illarū partium dominium occupauit, effecti sunt uniuersaliter Saraceni, Mahumeti credentes falsissimis documentis. Alia uero pars incipit à Phison flumine supradicto, & extenditur per occidentem usq; ad confines regni Mediæ, & partim maioris Armeniæ. Ex parte uero septentrionis extenditur usque ad mare Caspium. Ex parte uero meridiei habet confines cum quadam prouincia regni Mediæ. In illa prouincia sunt duæ maximæ ciuitates, quarum una uocatur Nesabor, & alia Spachen: & tamen in secta moribúsque sunt similes aliis supradictis.

De regno







raculum & monstrosum, quod dicere non auderem, neq; credidisssem, nisi propriis oculis perspexissem: sed quia personaliter ibi fui, & uidi, dico quod in illis partibus est quædam prouincia quæ uocatur Hamsem, quæ in circuitu bene habet tres dietas: & quantum extenditur illa prouincia tota, quadam caliginosa & tenebrosa caligine locus ille taliter obfuscatur, quod nullus est qui aspicere possit quicquam: nec est aliquis qui audeat ingredi terram illam: quoniã ad redeundum tramitem ignorat. Habitatores illarũ partium asserunt se sæpius audiuisse uoces hominum uociferantium, cantum galli, hinnitus equorũ in sylua. Et per meatus cuiusdam fluminis, quod de loco illo egreditur, apparent signa certa quod sit gentium habitatio in eodem. Verũ est quod legendo inuenitur in historiis regni Armeniæ & Georgiæ, quod quidam pessimus fuit imperator & dominator Persarum, qui nuncupabatur proprio nomine Sauoreus: idola colebat iste, & persequebatur crudelissime Christianos. Quadam uero die præcepit, ut omnes habitatores Asiæ uenirent, & sua idola adorarent: & quicunq; eius dictis imperialibus cotrairet, pœnam succendii pateretur. Vnde accidit quod quidam fideles Christiani potius quàm idola colerent, martyrium elegerunt: aliqui uero adorauerunt idola præ timore & ne bonis temporalibus priuarentur: alii uero petierunt montes & monumenta, & in illis tutarũt se uiriliter contra permuniti. Quidam uero boni Christiani tunc temporis in quadam planicie habitabant, quæ Mogon dicebatur, & dum nollent modo aliquo idolis immolare, cogitauerũt de fuga, bonis tẽporalibus derelictis omnibus. Et dum ad partes Græciæ crederent se transferre, ipse pessimus Imperator obuiau it fugientibus Christianis in illa uidelicet planicie Hamsem, superius nominata. Cũmq; iussu Imperatoris deberet Christiani frustatim omnes detruncari, clamauerunt ad dominum Iesum Christum, & continuo tenebrositas illa per syderum lumina obfuscauit, & Christiani pergentes recto tramite euaserũt: iniqui uero in illa tenebrositatis ualle usque nunc residet, & residere debent usque ad finem sæculi, ut ab omnibus creditur & enarratur. De regno Chaldæorum. Cap. X I.

R E G N V M Chaldæorum ex parte orientis, à montibus Mediæ incipit, & protenditur usque ad Niniue, maximam & uetustissimam ciuitatem prope flumen Tigris, & illa est ciuitas Niniue, de qua sancta scriptura loquitur. Ista ciuitas ad præsens est totaliter deuastata. Sed per ea quæ adhuc sunt apparentia in eadem, firmiter credi potest, quod fuerit una ex maioribus ciuitatibus huius mundi. Latitudo regni Chaldæorum ex parte Septentrionis incipit à quadam ciuitate, quæ uocatur Maraga, & extenditur per meridiem usq; ad mare oceanũ. Maior ciuitas Chaldæorum uulgariter nominatur Babylonia, & sic antiquitus dicta fuit, in quam Nabuchodonosor filios Israel captiuos abduxit de Hierusalẽ sanctissima ciuitate. In regno Chaldæorũ multæ sunt planicies, pauci montes, & modicæ aquæ per regnũ discurrent. Illi qui in Chaldæa habitāt, Nestorini uocantur aliqui in errore Nestorii, & liberas habent Chaldæas. Alii uero sunt ibi, qui literis utuntur Arabicis, & sectam tenent falsissimam Mahumeti.

De regno Mesopotamiæ.

Cap. XII.

R E G N V M Mesopotamiæ ex parte orientis habet initium à magna ciuitate Mosel, quæ sita est prope flumen Tigris, & per occidentem dilatatur usque ad flumen



ad flumen Euphratis, & ciuitatem Rohais, quæ fuit ciuitas regni Abagari, ad quam fuit transmissa Veronica, quæ hodie Romæ inuenitur. Et prope Rohais est terra Haran, in qua Abraham antiquitus habitabat, quam terram dominus præcepit relinquere, & se ad terram promissionis ultra flumen Euphratis transferre: secundum quod in Biblia plenius cõtinetur. Istud regnum Mesopotamiæ Græco idiomate nominatur, eo quòd inter ista duo paradisi flumina Tigris & Euphratis habeat situm. Latitudo istius regni habet initium ab uno monte Armeniæ qui uocatur Sanson, & dilatatur per meridiem usque ad desertum Arabiæ minoris. Istud regnum multas habet planicies fertiles & amœnas, duos habet montes ualde longos, & fructibus copiosos. Mons ille qui est ex parte orientis uocatur Siniar. Alius mons uocatur Liffon. Modicæ labuntur aquæ per illam terram. Sed habitatores bibunt aquam de puteis & cisternis, & ipforum aliqui sunt Christiani, Syriani uidelicet & Armeni. Alii uero sunt Saraceni, & illorû tenentes legem & sectâ. Christiani Armeni, sunt in factio equites & pedites ualde boni. Saraceni uero & Syriani non ingerunt se de armis, sed sunt artifices & cultores agrorum, & aliqui sunt pastores ouium, ueruntamen in loco quodam, qui dicitur Mercedin, sunt aliqui Saraceni sagittarii ualde boni, eorum idiomate Cordins appellantur.

De regno Turkiæ. Cap. XIII.

REGNUM Turkiæ est ualde magnum, & diuitiis opulentum. Venas habet argenti, ferri, æris & aluminis in maxima quantitate. Ibi etiam omnium frugum & fructuum atque uini copia inuenitur, & multa sunt ibi animalia, & præcipue boni equi. Confines habet ex parte orientis cum Armenia maiori, & partim cum regno Georgiæ. Ex parte occidentis dilatatur usque ad ciuitatem Nataliæ, quæ supra mare Græciæ situm habet. Ex parte Septentrionis nullos habet cum aliqua terra confines, sed de longo in longum extenditur, supra littorâ maris maioris. Ex parte meridiei partim habet confines cum secunda Armenia, & partim cum Cilicia, & partim usque ad mare Græciæ dilatatur, & respicit insulam Cypri. Istud regnum à diuersis nationibus partium orientis Græcia appellatur, quia antiquitus Imperator Græcorum, terram istam Turkiæ quasi pro suo proprio seruabat, & per duces atque officiales Imperatoris tunc temporis regebatur. Postquam uero Turchi occupauerunt terram illam, & habitauerunt ibidem, elegerunt dominum super eos, & illum uocauerunt Sol-  
dan, quod idem est quod rex in idiomate latinorum, & extunc terra illa fuit uocata Turquia, præcipue à Latinis. In regno Turkiæ sunt plures prouinciæ, quæ magnas & principales obtinent ciuitates. In prouincia Ligonîæ famosa ciuitas Comi inuenitur, quæ est maior ciuitas totius regni Turkiæ. In secunda prouincia, quæ dicitur Cappadocia, est ciuitas Cæsareæ Græciæ. Tertia prouincia dicitur Sauria, & ibi est ciuitas antiqua Seleucia. Quarta est Briqueia nominata, & ibi est ciuitas Zichiæ Græciæ. Quinta dicitur Quisitan, & ibi est ciuitas Epheson. Sexta Bithynia, & ibi est ciuitas Nichor. Septima Paphlagonia, & ibi est ciuitas Gynapolis. Octaua dicitur Genech, & in ista est ciuitas Trapezonda. Et ista sola prouincia à paucis temporibus effecta est regnum per hunc modum, Quando Turchi occupauerunt dominium regni Turkiæ non potuerunt ciuitatem Trapezondæ, nec eius per-

Gene. 17.

שניער

שולטן

Hebraicæ &  
Chaldaicæ so-  
nat præfectû



tinencias occupare propter castra fortissima & alia munimenta, & sic permansit in potentia Imperatoris Constantinopolitani ad terram illā regendam. Vnū uero gubernatorem annuatim consueuerat transmittere Imperator, qui Dux dicebatur, unde accidit, quod quidam ex illis rectoribus seu ducibus rebellis effectus, tenuit terræ dominium pro seipso, & fecit se regem, & ille qui nunc tenet terram Trapezontis, fecit se Imperatorem uocari. Habitatores illarum partium sunt Græci, & ritum Græcorum sequuntur, & literas Græcas habent: nos uero posuimus Trapezondam in numero prouinciarum, & non in numero regnorum, secundum quod nos instruunt historiæ partium orientis. In regno Turquiæ habitant quatuor gentium nationes, uidelicet Græci, Armeni, & Iacobini, isti Christiani sunt, & uiuunt mercationibus & laboribus terræ: & Turqui, qui sunt Saraceni, & illius terræ dominium de Græcorum manibus abstulerūt, & aliqui sunt qui uiuunt mercationibus & laboribus terræ, & habitant in ciuitatibus & in uillis: alii uero semper petunt nemora, & stant in campis hyeme & æstate, qui ouium sunt pastores, & sunt sagittarii ualde boni.

De regno Syriæ.

Cap. XIIII

**R E G N V M** Syriæ ex parte orientis incipit à flumine Euphratis, & extenditur per occidentem, usque ad ciuitatem Samaræ, quæ est sita supra mare Græciæ, in capite deserti Aegypti. Latitudo regni Syriæ ex parte Septentrionis, incipit à ciuitate Berytensi, & dilatatur usque ad Craccum montis regalís. Ex parte orientis confines habet cum Mesopotamia, ex parte Septentrionis cum secunda Armenia: & in parte cum regno Turquiæ. Ex parte meridiei uersus occidentem nullos habet cum aliquo regno confines, quia mare Græciæ, & desertum Arabiæ sunt sibi à duabus partibus circum circa. Regnum Syriæ diuiditur in quatuor partes siue prouincias, quæ propter ipsarum magnitudinem consueuerunt regna appellari antiquitus, & reges fuerūt retroactis temporibus in iisdem. Sed in historiis partiū orientis prouinciæ non regna dicuntur. Prima prouincia, quæ est caput regni Syriæ, uocatur Sem, & in medio istius prouinciæ est sita nobilis ciuitas Damascena. Secunda prouincia dicitur Palæstina, in qua sancta Hierosolymitana ciuitas habet sitū. Tertia dicitur Antiochia, & in illa sunt duæ maximæ ciuitates, uidelicet Halay, & Antiochia maior. Quarta prouincia Cilicia appellatur, ibique est sita inexpugnabilis ciuitas Tarsensis, in qua beatus Apostolus Paulus fuit natus, & ista Cilicia hodie Armenia nuncupatur. Nam postquam Christianæ fidei inimici terram illam de Græcorum manibus abstulerunt, & illam longo tempore tenuerunt, Armeni conati sunt tantum quod terram illam Ciliciæ eruerunt de populo paganorum, cuius quidem dominiū rex Armeniæ per gratiam dei tenet. In regno Syriæ habitant diuersæ gentium nationes, uidelicet Græci, Armeni, Iacobini, Nestorini & Saraceni: ibi sunt etiā aliæ Christianorum nationes, uidelicet Syriani & Maronini. Syriani ritum tenent Græcorum, & fuerunt longo tempore obedientes sacrosanctæ Ro. ecclesiæ. Linguam loquuntur Arabicam. Sed officiū ecclesiæ dicunt in literis Græcis, Maronini uero tenent ritum Iacobitarū, & linguam & literas Arabicas habēt. Circa montem Libani, & in partibus Hierosolymitanis habitant istæ gentes, & sunt sagittarii boni: culturis uiuunt. Syriani sunt multi, Maronini uero in modica



dica quantitate. Longitudo regni Syriæ x x dierum spatio terminatur: latitudo uero dierum quinque, & in aliquo loco minus, secundum quod desertum Arabiæ, & mare Græciæ longius uel propinquius adhæret.

De imperio Saracenorum.

Cap. x v

S I C V T in euangelio inuenitur, tempore natiuitatis domini nostri Iesu Christi, cum Imperator Ro. Augustus Cæsar totius orbis monarchiæ imperiū obtinebat: postmodum uero quidam rex Persarum, nomine Cossorassath, fuit primus ausus Romano imperio rebellare, qui fecit se Imperatorem Asiæ nominari, iste occupauit dominium Persarum, Medorum, Armeniæ & Chaldæorū, & ipsius potentia tantum creuit, quod uolenter terras illas gentibus Imperatoris Romani totaliter uacuauit. Et durauit dominiū regni Persarum CCCXXIX annis. Postea uero Saraceni ab eis Asiæ imperium abstulerūt, sicut inferius clarius exprimetur. Anno domini DCXXXII maledictum semen perfidi Mahumeti regnum Syriæ introiuit, & Saraceni expugnantes Damasci opulentissimam ciuitatem, de manibus Græcorum, qui illam longo tempore tenuerant abstulerunt, & postea in breui tempore totum regnum Syriæ occupauerunt. Postea uero obsederunt magnam Antiochiæ ciuitatem, in qua Græci illo tempore morabantur. Imperator Eraclius Augustus, Romanum administrans imperium, hoc audiens, misit subsidium magnum Græcis, ut ciuitatem tuerentur à perfidis Saracenis, & dum gentes Imperatoris Eraclii ad quandam planiciem peruenissent, quam Possene nominant, Saraceni ex opposito uenientes, cum eis bellum crudelissimum inierunt: magna quidem fuit altercatio inter eos, sed obtinuerunt finaliter Agareni, & in illo conflictu bellatorum innumerabilis cecidit multitudo, & usque nunc apparent ibi ossa cadauerum in maxima quantitate. Vnde accidit, quod Græci qui in ciuitate degebāt, nimio pauore perterriti, ipsam ciuitatem Antiochiæ Saracenis cum certis pactis & conuentionibus dediderūt, Exinde præfati perfidiæ filii ingressi fuerūt Ciliciam, Cappadociam, Licaoniā, opulentissimas regiones, quas in paucis diebus eorum dominio subdiderunt: non enim erat qui eorum potentiæ posset contraire, & ideo in magnam fuerūt superbiam elati: unde parauerunt galeas, & alia nauigia multa, & uersus Constantinopolim carbasa direxerunt: sed primo descenderunt in Cyprum, & ceperunt maiorem ciuitatem illius regni, quæ Constantia uocabatur, ubi erat B. Barnabæ apostoli sepultura. Expoliata igitur infinitis diuitiis ciuitate, & innumerabilibus populis captis, funditus ipsam diruerunt, quod nunquam fuit ulterius habitata. Exinde pergentes quoque fuerunt insulam Rhodi, & plures alias Romanas insulas deprædati, & multos inde abduxerunt captiuos: finaliter uero Constantinopolim applicuerunt, tam per terram quàm per mare illam ciuitatem magnificam obsederunt. Christiani quidem tantam inimicorū copiam intuentes, terrore ualido sunt perculsi, & dei misericordiam humiliter implorarunt: unde accidit nutu dei, quod licet tunc tempus esset æstiuum, & mare à fluctibus quasi immobile permaneret, subito surrexit tempesta ualida, quæ perfidorum galeas & alia ligna ferè omnia submersit in mari, & inimicorum qui erant in illis nemo euasit. Alii uero hoc uidentes, continuo recesserūt. Christiani quidem uidentes per Christi misericordiam se ereptos, cum magna



exultatione ordinauerunt diem annum ad honorem saluatoris perpetuo solen-  
 niter celebrandum, & usque hodie ab omnibus Christianis illarum partium de-  
 uotissime obseruatur. Præfati uero iniquitatis filii Agareni per aliquod tempus  
 dederunt se quieti: postea uero copioso exercitu congregato, regnum Persarum  
 inuadere cogitarunt. Et primo fuerunt ingressi regnū Mesopotamiæ, deinde per-  
 rexerunt ad regnum Chaldæorum, quod erat sub dominio Persarum regis, qui  
 non poterat resistere Saracenis, unde de terra illa fecerunt omnia uota sua. Rex  
 uero Persarum Ascaiorth nomine, timens Saracenorū potestati subiugari, nun-  
 tios suos misit ad terras & regna, quæ erant circa flumen Phison, & ab eis subsi-  
 dium implorauit, promittendo uenientibus magna stipendia & honores. De re-  
 gno igitur Turquestan, quod propinquius erat regno Persarum, congregaue-  
 runt se circa sex milia uirorum, qui nominabantur tunc temporis Turquiniani,  
 & iter arripientes regi Persarum dare subsidiū intendebant. Transierunt quoq;  
 flumen Phison, ex eo quod eorum consuetudo est talis, quod quocunq; uadant  
 secum ducant filias & uxores, non poterant ire celeriter, sed per dietas paruulas  
 incedebant. Saraceni uero, qui erant in regno Chaldæorum, quod subiugaue-  
 rant, ut est dictum, timentes quod si exercitus Turquorū & Persarum congre-  
 garentur in unum, non possent eorum uota de facili adimplere, accepto consi-  
 lio saniore, regem Persarū inuadere properant, ante quā ei subsidium præbe-  
 retur. Rex uero Persarū dum non posset prælium euitare, cum gente sua se op-  
 posuit Saracenis, & inito bello iuxta quandam ciuitatem quæ Marga appellatur  
 magna fuit altercatio inter eos, & ab utraque parte bellatores innumerabiles ce-  
 ciderunt. Demū uero Persæ terga uerterunt, & Saraceni uiriliter persequētes re-  
 gem Persarū inter alios occiderunt, & uictoriā reportarunt. Actum anno DC  
 XXXI. Persarum itaq; rege taliter interempto, & tam regno Persarum, quā  
 pluribus aliis subiugatis, præfati iniquitatis filii Agareni sibi imperatorem elege-  
 runt, quendam uidelicet de progenie Mahumeti, & ipsum uocauerunt Caliph,  
 & ordinauerūt quod sedem teneret in \* Baldac opulentissima ciuitate. In quo-  
 libet uero aliorum regnorū, quæ subiugauerant Agareni, constituerūt unum do-  
 minum, quem uocauerunt Soldan, deinde ceperunt ciuitates & uillas, & totam  
 maiorem Asiam tenuerūt, præter regnū Abcas, quod est in Georgia, & præter  
 quandam aliā regionem regni Armeniæ, quæ Haloen uulgariter appellatur.  
 Istæ duæ regiones tenuerunt se contra Saracenos, nec uoluerunt eis modo ali-  
 quo obedire: & sic sumpserunt refugium & tutelā omnibus Christianis, quos Sa-  
 raceni persequēbantur, illos compellētes obedire Mahumeti falsissimis documē-  
 tis. De Turquinianis uero superius nominatis, qui regi Persarum dare subsidiū  
 intendebant, breuiter sumus aliqua loquuturi, ut eorū historia, quæ inferius ex-  
 primetur, clariorē habeat intellectum. Isti uero Turquiniani superius nomina-  
 ti peruenerunt usq; ad quandam terrā quæ Corasen nuncupatur, ibiq; intellexe-  
 runt qualiter rex Persarum in conflictu fuerat interēptus: & ideo ulterius proce-  
 dere noluerunt, sed ad detentionē illius Corasen potius aspirātes, ipsam contra  
 Saracenos crediderunt defendere & tenere. Hoc quoq; Saraceni uidētes copio-  
 sum exercitū congregauerunt, ut Turquinianos prædictos modis omnibus sub-  
 iugarent. Sed Turquiniani uidentes Saracenorum innumerabilē quantitātē, de  
 prælio

Olim Baby-  
 lon.



prælio dubitantes, suos ad Caliphū nuntios destinarunt, offerētes se obedire suis beneplacitis & mandatis, & rogauerūt ut eos sub suo dominio conseruaret. Hoc quidem gratum extitit Saracenis, & sic receperunt eosdem, & in alia terra illos habitare fecerunt, ubi rebellionis audaciam non timerent. Et imposuerūt eis certum annuum censum domino persoluendum, & plures alias seruitutes: & sic Turquiniani sub iugo Saracenorum longo tempore extiterunt, quousque regna Persarū, Medorū, & Chaldæorū redacta fuerunt ad falsam fidem pessimi Mahumeti. Et post hæc Caliphus seniores Turquinianorū fecit ante suam præsentiam conuocari, & suavitatis eisdem, ut legem & sectā acciperent Mahumeti, & procurarent quòd idem illud facerēt omnes alii Turquiniani, promittēs eis facere gratias & honores, si in hoc casu suis beneplacitis obedirent, Turquiniani autē, qui nullam legem penitus sequebantur, mandatis Caliphi faciliter consenserunt, & effecti omnes perfidi Saraceni. Et tantū in processu temporis procurarunt, quòd sectæ Mahumeti adhæserunt Turquinianorum sexaginta quatuor nationes, & fuerunt omnes Turquiniani conuersi ad fidem Saracenorum, præter duas tantummodo nationes, quæ fuerunt omnes ipsi ab aliis segregati illi qui noluerūt se conuertere. Extunc Saraceni cœperunt diligere Turquinianos, & eis gratias & beneficia impendebant: unde multiplicati fuerunt in diuitiis & personis: sciuerunt enim sub dominio Saracenorum sagaciter pertransire, quousq; rebellionis locū & materiam inuenerunt, quibus captatis dominiū abstulerunt à Saracenis, sicut in sequenti describetur. Annis uero CXCVIII regnauerūt in Asia Saraceni antequam dominiū amiserunt. Sed exorta fuit quædam magna discordia inter eos, ita quòd Soldani & alii principes terrarum, qui tenebantur obedire Calipho, cœperunt rebelles fieri contra ipsum. Ob hanc causam Saracenorum potestas fuit plurimum diminuta. In Constantinopoli uero erat tunc temporis quidam ualentissimus imperator, qui Diogenes uocabatur: iste uiriliter & potenter cœpit inuadere Saracenos & recuperauit plures ciuitates & castra, quæ redacta fuerant sub potentiam inimicorum tempore imperatoris Eraclii: & inter alias liberauit Antiochiæ ciuitatem, & fortes ciuitates Ciliciæ, quæ hodie Armenia appellatur, & partem regni Mesopotamiæ. Idem dominium Christianorum reduxit. Alia uero regna Asiæ sub Saracenorū dominio remanserunt, & illa tenuerūt quousq; Turquiniani eisdem terris & dominio præualuerunt, sicut inferius clarius exprimetur. Anno M LI Turquiniani cœperunt primo in Asia dominari, hoc modo uidelicet, quòd quando Turquiniani fuerunt repleti diuitiis, & multiplicati plurimū in personis, uidentes discordiam quæ inter Saracenos uigebat, cogitauerunt de facili posse imperium occupare: unde super eos regē & dominum elegerunt, nec unquam prius de natione eorum habuerunt dominum generalem. Primus quidem eorum dominus uocatus fuit Sadoc. Assumpto domino, Saracenos uiriliter inuaserunt, & in breui tempore acquisierunt maioris Asiæ totam terram. Calipho uero nullam intulerunt molestiam uel grauamen. Et Turquiniani postquā dominium terræ Asiæ occuparunt, Caliphus timore potius quàm amore uolens eis in omnibus complacere, prædictum Sadoc eorum dominū, Imperatorē totius Asiæ ordinauit. Sed post modicum tēporis spatium Sadoc sæpe dictus diem clausit extremum: huic uero successit quidam eius filius, qui uocatus



fuit Dogriffa : & iste cœpit pugnare contra imperatorem Græcorum , & plures ipforum occupauit terras & castra : & misit quendam suum consanguineū , qui uocabatur Artot , ad inuadendum regnum Mesopotamiæ , & concessit sibi quicquid posset acquirere contra Græcos. Vnde idem Artot iuit cum magna gentiū comitiua , & obsedit ciuitatem Rohais , quam sine moræ dispendio occupauit : deinde inuasit alias terras & loca , & totum regnum Mesopotamiæ dominio suo subdidit. In ciuitate uero Mercedin tenuit sedem suam , & fecit se Soldanum ab omnibus appellari. Eo uero tempore obiit Dogriffa imperator Asiæ , & quidam eius filius , Aspasalem nomine , sibi successit . Iste Aspasalem quendam nepotem habebat , qui uocabatur Soliman , qui erat perstrenuus in armis , & diu seruierat patri suo , & istum cum magno exercitu in Cappadociam misit , & concessit sibi omnia quæ posset acquirere contra Græcos. Soliman itaque pergens cepit quāplures ciuitates regni Turkiæ , & dominium ipsius regni totum suo subiugauit dominio , & fecit se nominari Soldanum , & mutato suo proprio nomine , uocari se fecit Solimanfa : & de isto Solimanfa faciunt mentionem historiæ Passagii Godefridi de Bulliono : quia ille fuit primus qui se belliger opposuit Christianis. Postea uero obiit Aspasalem imperator Turquorum , & successit sibi quidam eius filius , uocatus Melecla. Iste misit Soldanum Mesopotamiæ Artot , & Solimanfa Soldanum Turkiæ ad obsidendam ciuitatem Antiochiæ : qui post paucos dies ceperunt eandem : erat enim illa ciuitas ualde magna , & pauci erant in ea defensores , qui se opponerent Saracenis : & hoc modo fuerunt Græci de tota terra Asiæ pulsī per potentiam inimicorum fidei Christianæ. Post hæc uero Melecla imperator Turquorum decessit , & duos filios reliquit : primogenitus uero successit in imperio patri suo , qui uocatus fuit Belchiaroc : sed frater suus qui audacior eo erat , occupauit imperii magnam partem : & eo tempore quo Passagiū Godefridi de Bulliono transiuit per Turquiam , Belchiaroc erat imperator Persarum , & Solimanfa erat Soldanus Turkiæ , qui multas inuasiones intulit Christianis antequam transiret ad regnum Turkiæ . Postquam uero Christiani regnum Turkiæ transiuerunt , ciuitatem Antiochiæ obsederunt : quo audito imperator Turquorum misit ad subsidium ipsius ciuitatis quendam suum ducem nomine Cerbagat , cum innumerabili multitudine bellatorum . Sed antequam illud subsidium ueniret , Christiani iam occupauerunt ciuitatem , unde obsederunt illam undique : & sic Christiani , qui prius obsederunt , sunt obsessi. Demum uero Christiani egressi fuerunt de ciuitate per turmas & acies ordinati , & contra infideles prælium iniuerunt , & ipsos contriuerunt omnes uelut stipulam , nutu dei. Illi uero qui euaserunt per fugæ remedium , ad regnum Persarum fuerūt reuersi , & inuenerunt quod Belchiaroc eorū dominus , finem clauferat uitæ suæ. Frater uero suus uoluit succedere sibi , & imperium occupare : sed certi eius aduersarii irruerunt in eum , & ipsum in frustra dissecuerunt : quia nec postea potuerūt esse concordēs ad eligendum imperatorem , uel generalem dominum super eos : imò diuisi inter se inuicem præliantes. Georgiani uero & Armeni maioris Armeniæ , hoc uidentes inuasērunt prædictos Turquos uiriliter & potenter , & ipsos de toto Persarum imperio fugauerunt : unde iuerunt cum uxoribus & filiis habitare in regno Turkiæ : & per hoc multū creuit potentia Soldani Turkiæ , ita quod  
potentior



potentior omnibus est effectus, & usque ad Tartarorum aduentum tenuit pacifice regnum suum, à quibus postmodum fuit debellatus, sicut inferius exprimitur. In regno Corasminorum erant quidam populi ad arma strenui, qui semper habitabant in tentoriis & campis, armentorum greges pascentes: isti audientes de regno Persarum, quòd esset absque rectore & domino derelictum, ac defensoribus uacuum, cogitauerunt illud posse faciliter occupari. Accepto itaque consilio, inter eos sibi ducem & dominum elegerunt quendam, qui uocabatur Ialaladinus, & in facto unanimiter pergentes, ingressi fuerunt regnum Persarum, & iuerunt usque ad ciuitatem Corosii absque contradictione cuiusquam: & ibidem residentiam facientes, præfatum eorum dominum Ialaladinum, Imperatorem Asiæ coronauerunt: crediderunt enim alia regna Asiæ ita faciliter subiugare, sicut fecerant in regno Persarum, quod inierunt regnum, totum defensoribus uacuum. Dicti Corasmini itaque dederunt se solatio & quieti: & diuitiis regni Persarum repleti, in magna sunt superbia eleuati: unde procedentes iuerunt ad regnum Turquix, illud inuadere cogitantes. Sed Soldanus Turquix nomine Aladinus suum exercitum congregauit, & obuiauit Corasminis in introitu regni sui. Inter eos quidem fuit ingens prælium inchoatum: demum uero Corasmini terga uerterunt, & amiserunt eorum imperatorem & dominum, qui fuit in prælio interfectus. Illi uero qui potuerunt fugere, congregauerunt se in planiciebus Rohais, quid facturi essent de cætero cogitantes. Vnde ingressi fuerunt regnum Syriæ quod per unam dominam tunc temporis regebatur: & crediderunt illud regnum faciliter occupare. Sed illa nobilis domina in ciuitate Halap fecit suum exercitum congregari, & se opposuit Corasminis, & iuxta flumen Euphratem prælium inierunt, ibique fuerunt iterum Corasmini, & fugam arripuerunt uersus desertum Arabiæ. Postmodum uero transiuerunt flumen Euphratem prope castrum Cacabe: & ingressi fuerunt terras Assyriorum, & iuerunt usque ad provinciam Palæstinæ, uidelicet in regno Hierosolymitanorum: ibi quædam damna intulerunt non modica Christianis, sicut in historiis Godefridi Passagii plenius inuenitur. Finaliter uero ista Corasminorum progenies ad nihilum est redacta, & tempore satis breui. Quia dum prædicti Corasmini nollent suis maioribus obedire, separabant se per societates & turmas, & ibant alii ad Soldanum Damasci, alii ad Soldanum Ames, alii ad Soldanum Haman, alii uero ad alios Soldanos regni Assyriorum, qui tunc temporis erant quinque, & sicut stipendiarii seruebant. Dux uero Corasminorum, qui uocabatur Bartat, præuidens se à gente sua taliter derelinqui, iuit ad Soldanum Babylonix, & obtulit se & suos ad eius beneplacita & mandata. Vnde Soldanus benigne suscepit Corasminos, & eos per exercitum suum diuisit, quoniam nolebat quòd insimul morarentur, & ducem Corasminorum plurimum honorauit, & eidem dedit magnos redditus & prouentus, & usque hodie hæredes illius ducis in Babylonia honorantur. Per prædictos uero Corasminos potentia Soldani Babylonix multum creuit, quæ ante ipsorum aduentum erat modica & exilis. Corasmini quoque modo prælibato diuisi demum ad nihilum redierunt. Et sic Corasminorum destructa natione, post modicum temporis spatium cœperunt postea Tartari in Asia dominari, sicut inferius plenius exprimitur.



De regione ubi prius Tartari habitabant.

Cap. XVI.

Tartari olim  
Mogli.Cham impe-  
ratoris co-  
gnomé apud  
Tartaros.

R E G I O illa, in qua Tartari primitus habitabant, est sita ultra magnum montem de Belgian, de quo monte fit mentio in historiis Alexandri. In illa uero regione habitabant Tartati tanquam homines bestiales, non habentes literas neque fidem: greges pascebant animalium, & de loco ad locum incedebant, quærentes pascua armentis. Ad armorum exercitum non ualebant, sed erant ab omnibus uilipensi, reddentes uectigal uniuersis. Plures Tartarorum fuerunt antiquitus nationes, quæ Moglos communi nomine dicebantur: & creuerunt tantum, quod in septem principales nationes sunt diuisi: & illæ nationes magis nobiles fuerunt habitæ inter eos. Prima istarum nationum Tartarorum nominatur Tartar, quæ à prouincia in qua degebant primitus, nomen sumpsit: secunda appellatur Tangot, tertia Cunat, quarta Ialair, quinta Sonich, sexta Monghi, septima Tebeth. Cumque istæ septem Tartarorum nationes starent sub obedientia uicinorum, ut superius est expressum, accidit quod quidam homo senex, pauper, faber ferrarius, uisionem uidit in somno, militem uidelicet totum album, armatum, & super albo equo sedentem, qui ipsum nomine proprio appellauit, & dixit: Changie, uoluntas dei immortalis est, quod tu Tartarorum sis rector, & dominus super istas nationes Moglorum, & quod per te à seruitute uicinorum, in qua steterunt diutius, liberentur: & dominabuntur uicinis eorum, & uectigalia quæ præstare consueuerant, recipient ab eisdem. Changius fuit magna iucunditate repletus, audiens uerbum dei: & narrauit uisionem quam uiderat uniuersis. Sed duces & maiores istorum noluerunt credere uisioni, imò senem quodammodo deridebāt. Nocte uero sequenti prædicti duces uiderunt militem album, & uisionem, sicut senex Changius omnibus reserauerat: & præceptum fuit eis ex parte dei immortalis, quod obedirent Changio, & sua mandata facerent ab omnibus obseruari: unde prædicti duces & maiores septem nationum Tartarorum congregatis populis fecerunt fieri obedientiam & reuerentiam Changio superius nominato, tanquam eorum domino naturali. Post hæc uero sedem suam statuerunt in medio ipsorum, & extendentes quoddam filtrum nigerrimum super terram, desuper sedere fecerunt Changium, & septem duces maiores eleuantem illum posuerunt in sedem cum magno tripudio & clamore, & uocauerunt eum Cham primum imperatorem, solennem reuerentiam cum genuflexionibus eidem tanquam imperatori & domino facientes. De tali uero solennitate quam Tartari fecerunt, qui eorum primum imperatorem & dominum posuerunt, & de filtro nemo debeat admirari, quoniam forte pulchriorem pannum super quo ipsum ponerent non habebant: aut erāt forsitan ita rudes, quod melius uel pulchrius facere ignorabant. Sed de hoc an non posset aliquis admirari, quod cum prædicti Tartari acquisuerunt multa regna, & diuitias infinitas (quoniam dominium Asiæ tenent & opes, & usque ad confines Hungariæ dominantur) nec propter hoc uoluerūt antiquam consuetudinem relinquere, siue modum: imo oportet quod confirmatione imperatoris Tartarorum ille modus totaliter teneatur, quem eorum ueteres ab initio tenuerunt. Et ego in confirmatione Imperatoris Tartarorum bis personaliter fui præsens. Sed ad propositum redeamus. Changius Cham, qui factus fuit Imperator de communi uoluntate & consensu



consensu omnium Tartarorum, antequam procederet ad alia, tentare uoluit an Tartari omnes sibi fideliter obedirent: unde præcepta fecit quæ iussit ab omnibus obseruari. Primum præceptum fuit, quod Tartari omnes crederent & obedirent deo immortalis, cuius nutu adeptus fuerat imperatoriam dignitatem: & hoc mandatum Tartari tenuerunt, & ex tunc cœperunt nomen dei immortalis inuocare: & usque hodie in omnibus eorum operibus Tartari inuocant nomen domini. Secundo præcepit, quod computarentur omnes uiri, qui poterant arma ferre: & facta computatione præcepit, quod sub quolibet denariorum præponeretur unus, & super decem milia præponeretur unus, & super mille præponeretur unus: & uocauit aciem decem milia armatorum, turmam. Præcepit etiam septem ducibus, qui præerant septem nationibus Tartarorum, quod priores omnes dimitterent dignitates: & continuo hoc fecerunt. Aliud uero præceptum quod fecit fuit ualde stupendum: præcepit enim septem maioribus ducibus prælibatis, quod unusquisque primogenitum suum adduceret, & sibi caput manu propria amputaret. Et licet tale mandatum uideretur esse crudelissimum & iniquum, nullus tamen fuit ausus in aliquo contraire, eo quod sciebant eum esse dominum prouisione diuina: imo sicut præceperat Imperator, continuo adimplerent. Postquam uero Changius \* Can uota suorū cognouit, & uidit quod usque ad mortem erant obedire parati, certum diem omnibus assignauit in quo essent parati ad pugnam. Equitauerunt itaque Tartari contra illos, qui magis erant uicini, & subiugauerunt eosdem, & redacti fuerunt, qui prius erant eorum domini, in maximam seruitutem. Et inde processit Changius Can contra plures alias nationes, quas suo subdidit imperio absque nimia tarditate. Nam omnia Changius Can faciebat cum modica quantitate, & prospere succedebat ei. Quadam uero die accidit, quod Changius Can equitabat cum modica quantitate suorū, & obuiauit inimicis, qui erant numero satis plures. Inito quoque bello, dum imperator Changius Can se uiriliter tueretur, accidit quod equus super quo sedebat cecidit, interfectus in pugna. Tartari uero cum uiderent eorū dominum prostratum inter acies bellatorū, nulla fuit spes ulterius salutis, unde terga uertentes, inimicos per fugæ remedium euaserunt. Cumque omnes simul intenderent ad persequendum celeriter fugituios, & de rege prostrato notitiā non haberent, Changius Can cucurrit, & se inter quædam arbuſtula occultauit, ut mortis periculum euitaret. Cumque de pugna redeuntes campum expoliarent, & quærent occultos, accidit quod quædam auis, quæ bubo à pluribus nominatur, ueniens super arbuſtula illa sedit, quibus maiestas imperatoria tegebatur. Quærentes uero uiderunt auem illam sedentem super illis arbuſtulis, & propterea crediderunt neminem ibi esse, & absque eo quod quærent recesserunt, dicentes intra se, Si esset hic aliquis occultatus, auis illa nullatenus hic sederet. In silentio uero noctis Changius Can propter metum inimicorum per deuia incedendo peruenit ad suos, & narrauit eis omnia quæ sibi acciderant seriatim. Tartari quidem immortalis deo gratias reddiderunt: & auis illa, per quam post deum Changius Can creditur euasisse, in tanta reuerentia postmodum fuit habita inter eos, quod quicumque potest habere de pluma illius auis, reputat se felicem, & portant illam plumā Tartari in maiorem reuerentiam super capitibus reuerenter.

Aliās Cham.



Ego uero feci mentionē de ista materia in hoc libro, ut sciatur causa, quare Tartari super capitibus plumas portant. Changius Can Imperator Tartarorum de eo quod à tanto discrimine euaserat, gratias egit deo, & post hæc suos exercitus congregauit, & præfatos inimicos strenue inuadendo omnes sub iugo suo posuit seruitutis, & sic fuit Changius Can Imperator omnium regionum, quæ erant citra montem Belgian, & illas possedit absque inquietatione cuiusquam, quousq; aliam uidit iterum uisionem, sicut in sequentibus describetur: & non est mirandum, si in istis historiis non posui tempus certum, quoniam licet à multis scire quæsiuerim ueritatem, non tamen potui inuenire qui super talibus plenarie me doceret: & credo quòd talis sit ratio, quare tempus certum istarum historiarum penitus ignoratur, quia ab initio Tartari literas non habebant, & sic tempora & rerum gesta transibant absque eo, quod ab aliquo notaretur, & per hunc modum obliuioni postea tradebantur.

De Changio Can primo Imperatore Tartarorum.

Cap. XVII.

POST QVAM uero Changius Can omnia regna & terras quæ citra montem Belgian erant, suo dominio subiugauit, quadam nocte uidit aliam uisionem. Vidit enim iterum militem album, qui ait, Changi Can, uoluntas immortalis dei est, quòd tu transeas montem Belgian, & uersus occidentem dirigas gressus tuos, & occupabis regna, regiones & terras, & imperio tuo subiicies multas gètes: & ut certus sis, quoniam ea quæ tibi dico sunt ex parte immortalis dei, surge & uade cum gente tua ad montem de Belgian, ad locum ubi mare iungitur cum eodem, ibiq; descendes, & uersus orientē cum nouem genuflexionibus nouies immortalem deum adorabis, & ipse qui est omnipotens, tibi uiam ostendet, per quam montem poteris commodè pertransire. Visa itaq; uisione Changius Can, gaudens surrexit, nec in aliquo hæsitauit. Nam prima uisio uelut uera de aliis certitudinem sibi dabat: unde festinanter suos undique congregauit, & præcepit, quòd sequerentur eum cum uxoribus & filiis & omnibus quæ habebant. Perrexerunt itaque quousque peruenerunt ad locum, ubi mare magnum & profundum montibus adhærebat, nec ibi uia siue transitus aliquis apparebat. Statim uero Changius Can, sicut præceptum sibi fuerat ab immortali deo, de equo descendit: illud idem omnes sui uniuersaliter facientes, uersus orientem flexis genibus nouies adorabant, ab omnipotenti & immortali deo misericordiam & gratiam implorantes, ut transitum & uiam eis ostenderet abundi. Steterunt quidem in orationibus nocte illa. Mane uero surgentes, uiderunt quod mare per nouem pedes retrocesserat à montibus, & dimiserat uiam latam. Stupefacti fuerunt omnes Tartari, hoc uidentes, & deo immortali gratias deuotissime reddentes, per uiam quam patentem uiderant transierunt, & uersus occidentem eorum uestigia direxerunt. Sed sicut inuenitur in historiis Tartarorum, postquā Changius Can & Tartari montes transiuerūt prædictos, passi fuerunt famis & sitis penuriam aliquibus diebus, quoniam terram inuenerunt desertam, & aquas amaras & salas, quæ gustari non poterant quoquo modo, quousq; peruenerunt eis omnia necessaria affluenter. Per plures uero dies traxit moram Changius Can in illa fertili regione. Sed accidit nutu dei, quod quædam uehemens infirmitas inuasit



inuasit eundem, de cuius conualescentia medici desperabant. Vnde Changius Can Imperator Tartarorum conuocauit ante se duodecim filios suos quos habebat, & monuit eos ut semper essent unanimes & cōcordes, & dedit ei tale exemplum. Præcepit enim, quod unusquisque filiorum portaret unam sagittam, & cum simul adessent omnes, præcepit maiori, ut omnes simul frangeret si ualeret. Ipse uero accipiens sagittas duodecim, conatus est illas frangere, sed non potuit ullo modo: deinde tradidit sagittas secundo filio, & tertio, & sic de singulis, sed nullus fuit qui frangere posset illas. Hoc facto, præcepit quod diuiderentur sagittæ, & iussit minori filio, quod diuisim sagittas acciperet & frāgeret unāquamque, & ille faciliter omnes fregit. Tunc Changius Can uertit se ad filios suos, & ait, Quare filii mei non potuistis frangere sagittas, quas uobis dedi frangendas? At illi dixerunt, Domine, quia erant plures simul. Et quare fregit illas iste minimus frater uester? Domine, quia singulariter & diuisim. Ita erit de uobis, ait Changius Can, quamdiu eritis unanimes & concordēs, durabit imperium uestrum semper: sed quā cito eritis diuisi, dominia uestra ad nihilū reducentur. Multa alia bona exempla dedit Changius Can, quæ fuerunt à Tartaris obseruata: & dicuntur in lingua eorum Iasacz Changii Can, id est, constitutiones Changii Can. Post hæc antequam decederet, sapientiore & meliorem filium quem habebat, fecit recipi in dominum & imperii successorem, & uocabatur ille filius suus Hoccota Can. His finitis, Changius Can requieuit in pace, & filius suus Hoccota Can fuit positus in sede imperatoria patris sui. Sed antequam finem huic historiæ imponamus, dicemus qualiter nonus numerus inter Tartaros plurimum ueneratur. In memoriam enim nouem genuflexionum, quas fecerunt in monte Belgian immortali deo, sicut eis præceperat miles albus, & latitudinis uia nouem pedum, per quam transierunt, numerum reputant esse felicem. Vnde, quicumque uult domino Tartarorum aliqua præsentare, oportet quod offerat nouem res, si uult quod donū suum recipiatur gratiose: & dum modo sint nouem res quæ præsentantur, sic donum illud reputatur pro felici & bono, & talis consuetudo usque hodie inter Tartaros obseruatur.

De Hoccota Can secundo imperatore Tartarorum.

Cap. XVIII.

H O C C O T A Can qui in imperio patri suo successit, fuit homo strenuus atque prudens, dilexerunt eum Tartari, & fidem & obedientiā erga ipsum fideliter seruauerunt. Cogitauit itaq; Hoccota Can, qualiter posset totā Asiam subiugare, & primo uoluit expediri potentiam regis Asiæ, quā personaliter se moueret, & uoluit cognoscere principem fortiolem. Decem itaque milia equitum bellatorum transmisit, & dedit eis capitaneum strenuum & sagacem, qui uocabatur. \* Iste uero procedens cum Turcis ad pugnam, debellatus fuit ab eisdem, unde Tartari per fugā subsidium se defendebant. His itaque peractis, Hoccota Can elegit quendam ducem strenuum & prudentem, qui uocabatur Baydo, & dedit sibi triginta milia militum Tartarorum, qui dicebantur Tamachi, uel conquisitores, & præcepit eis, quod per illam uiam recte incederent, quam iuerant decem milia Tartarorum, superius nominatorum, nec deberent in loco aliquo diutius commorari, quousque peruenissent ad regnum

K.i.



Turquiae, & tantarent si possent Soldano Turquiae resistere, qui inter omnes principes Asiae potentior dicebatur: & si forte tantae esset potentiae, quod eidem resistere non ualerent, non properarent ad pugnam, sed in aliqua terra bona darent se quieti, & significarent alicui ex filiis suis, qui propinquior esset eis, ut ipsis subsidium delegaret, & postmodum bellum possent securius inchoare. Baydo igitur cum comitiua triginta milium Tartarorum per dietas suas incedens, peruenit ad regnum Turquiae, ibique audiuit, quod Soldanus ille, qui priores fugauerat Tartaros, dicebatur, & sibi successerat quidam eius filius, nomine Guiatadin. Iste uero de aduentu Tartarorum rumoribus intellectis, timuit ualde sibi, unde ad sua stipendia conuocauit quoscunq; habere potuit tam barbaros quam latinos, & inter alios habuit ad sua seruitia duo milia latinorum, qui duos duces siue capitaneos habuerunt, alter quoque habebat nomen Ioannes de Liminda, qui fuit in insula Cyprae: alius uero uocabatur Bonifacius de Castro, qui fuit de Ianua oriundus. Misit etiam ad uicinos Soldanus, promittens uenientibus gratias atque dona: unde congregata magna multitudo bellatorum, gressus suos direxit ad locum, in quo Tartari morabantur. Tartari uero non fuerunt ullatenus stupefacti, imo praelium uiriliter susceperunt, in quodam loco uocato Clonsedracz. Demum uero obtinuerunt Tartari, & Turqui fuerunt uiriliter de bellati, & sic occupauerunt Tartari regnum Turquiae, anno domini millesimo ducentesimo quadragésimo quarto.

De Gino Can tertio imperatore Tartarorum.

Cap. XIX.

POST modicum uero temporis spatium. Hoccota Can diem clausit extremum: successit autem sibi in imperio quidam eius filius, qui uocatus fuit Gino Can, cuius uita breuis fuit, & sibi successit quidam consanguineus suus, qui uocabatur Mango Can, qui fuit ualentissimus, atque multas prouincias suo imperio subiugauit. Demum uero tanquam magnanimus, per mare Cathay se transtulit ad quandam insulam capiendam: & dum in obsidione illius insulae permeret, homines illarum partium qui sunt ualde sagaces & ingeniosi, miserunt homines qui se occulte immerferunt in aquam, & sub naui, in qua erat Mango, constiterunt tamdiu, quoad nauem illam in locis pluribus perforarunt. Aqua quidem diu nocturnq; paulatim per foramina ingrediebatur in nauem, nec aliquis perpendebat, quousque lignum funditus est demersum, & Mango Can fuit continuo suffocatus. Tartari uero qui cum eo uenerant, redeuntes fratrem suum Cobila Can in dominum elegerunt: & iste \* Cobila Can XLII annis tenuit imperium Tartarorum. Christianus fuit, & fundauit quandam ciuitatem quae uocatur Ions, in regno Cathay, quae maior est Roma, ut dicitur. Et in illa ciuitate moram traxit Cobila Can Imperator Tartarorum, usque ad ultimum diem uitae suae. Sed dimisso Imperatore Tartarorum, de tribus filiis Hoccota Can, & de Haolono, & suis haeredibus sumus aliqua narraturi.

De Iochi primogenito Hoccota Can.

Cap. XX.

IOCHI primogenitus Hoccota Can, equitauit uersus occidentem cum tota gente illa, quam sibi dederat pater suus: inuenit quasdam regiones illas, & terras fertiles & amoenas, & in omnibus diuitiis opulentas, unde ibi tentoria sua fixit.

Cublai in M.  
Paulo.



sua fixit. Acquisiuit igitur regnum Turquestan, & minorem Persiam, usque ad flumen Phison suum dominium se extendit: cum gente sua traxit ibi moram semper, quæ multiplicata sunt in diuitiis & personis, & hæredes ipsius Iochi usque nunc successiue illarum partium dominium tenuerunt. Et illi qui nunc tenent terras illas, sunt duo fratres, quorum unus uocatur Capar, alter Doax & illi inter se diuiserunt terras & gentes, & illas possident pacifice & quiete.

De Baydo secundo filio Hoccota Can.

Cap. XXI.

B A Y D O secundus filius Hoccota Can, cum Tartaris quos sibi dederat pater suus, equitauit uersus partes Septentrionales, quousque peruenit ad regnū Cumania. Cumani uero, qui magnam habebant copiam armatorum, opposuerunt se Tartaris, credentes posse defendere terram suam. Sed demum fuerunt debellati, & fugerunt usque ad regnum Vngaria, & adhuc sunt multi Cumani ibidem habitantes. Postquam uero Baydo extra regnum Cumania omnes fugauit Cumanos, ad regnum Cassia se transtulit, & illud etiam subiugauit, & occupauit terram \* Gaczaria, & regnum Bulgaria, & per uiam qua Cumani fu-  
Alias Rascia  
gerant, peruenit usque ad regnum Vngaria. Post hæc iuerunt Tartari uersus partes Alemania, quousque peruenerunt ad quoddam flumē quod labitur per ducatū Austriacum. Tartari uero cogitauerunt transire per quendam pontem ibi factum. Sed dux Austria, & alii conuicini, munierunt pontem, unde Tartaris fuit transitus denegatus. Baydo quidem furore accensus, præcepit quod omnes transirent, & ipse fuit primus ingressus, exponens mortis periculo se & suos. Nam antequam possent ad aliam ripam fluminis peruenire, equi fuerant fessi propter latitudinem fluminis & fortitudinem aquæ, unde Baydo submersus & suffocatus fuit cum magna quantitate suorum. Illi uero qui nondum ingressi fuerant aquas, hoc uidentes, magno dolore confusi, redierunt ad regnum Cassia & Cumania, quæ occupauerant ut est dictū. Deinde uero Tartari Alemaniā minime petierunt. Hæredes quidam prædicti Baydo successiue terras quas acquisiuerat, postmodum tenuerunt. Et ille qui dominium nunc tenet, uocatur Tochay, & uiuit pacifice & quiete.

De Gohagaday tertio filio Hoccota.

Cap. XXII.

G O H A G A D A Y tertius filius Hoccota Can, cum Tartaris quos sibi pater suus concesserat, equitauit uersus meridiem usque ad partes India minoris. Multa quidem inuenit deserta, montes & terras aridas, & totaliter derelictas, quod illas regiones non potuit pertransire, imò amisit gentium & animalium maximam quantitatem. Tunc uero uertit se ad partes occidentis, & post multos labores peruenit ad fratrem suum Iochi, & quæ sibi in uia acciderant enarrauit. Iochi uero compatiens fratri suo, de terris quas acquisiuerat, sibi & geri suæ partem benignam concessit, & illi duo fratres semper simul postea habitauerunt, & usque nunc eorum hæredes in illis partibus commorantur: ita tamē quod hæredes minoris fratris reuerentiam portant hæredibus maioris, & contenti portionibus suis, simul uiuunt pacifice & quiete: & successor Iochi qui nunc uiuit, uocatur Barachi

De Mango Can quarto Imperatore Tartarorum.

Cap. XXIII

ANNO DOMINI M CCLIII rex Armenia dominus Haithonus  
K. ii.



uidens quod Tartari fere subiugauerant omnia regna, regiones & terras usque ad regnum Turquiae, accepto consilio sapientum, cogitauit ad Imperatorem Tartarorum personaliter se transferre, ut facilius captare posset eius beneuolentiam & amorem, & secum inire pacis foedus. Sed primo transmisit dominum Sinibaldum Conestabulum regni Armeniae fidelem suum, ut accepta ab Imperatore Tartarorum licentia, securius posset ire. Vnde praedictus frater regis dominus Sinibaldus cum xeniiis multis, & pulchra gentium comitiua, iuit ad dominum Tartarorum, & negotia pro quibus transmissus fuerat, optime adimpleuit. Veruntamen per spatium annorum quatuor traxit moram, antequam Armeniam remearet. Postquam uero rediit, regi ea quae uiderat & fecerat seriosius enarrauit. Absque igitur tarditate rex Armeniae recessit occulte, dubitabat enim cognosci in terra Turquiae, per quam ipsum transire modis omnibus oportebat: & sicut deo placuit, Soldanus Turquiae tunc fuit uiriliter debellatus per quendam ducem Tartarorum, quem rex Armeniae inuenit, & sui notitiam sibi dedit. Cumque capitaneus ille intellexit de rege Armeniae, quod ad Imperatorem iret, suscepit illum honorifice & benigne, & fecit illum secure conduci usque ad regnum Cumaniae, & ultra etiam portam ferri. Postea uero inuenit rex alios duces Tartarorum, qui fecerunt illum conduci per omnes terras & loca, quousque peruenit ad Almalech, ubi Mango Can Tartarorum Imperator & dominus residebat. Gaudius fuit Mango Can de aduentu regis Armeniae, eo praecipue, quod postquam Changius Can montem Belgiam transiuit, nullus magnus princeps ei uenerat in occursum, & ideo cum magna beneuolentia & honore suscepit eundem, deditque sibi de maioribus domus suae, qui eum associarent, & in omnibus honorarent. Et ipse Imperator multas gratias fecit regi Armeniae. Rex autem Armeniae postquam per dies aliquos requieuit, supplicauit Imperatori, quatenus super expeditione negotiorum pro quibus ad eum uenerat, intendere dignaretur, & daret sibi licentiam redeundi. Imperator uero benigne respondit, quod omnia uota sua libentissime adimpleret, & quod ualde gratum erat sibi, quod ad imperium suum uenerat sua spontanea uoluntate. Rex itaque septem petitiones cum deliberatione formauit. Primo enim rogauit, ut Imperator cum gente sua conuerteretur ad fidem Christi. 7 secis aliis omnibus derelictis, & se facerent baptizari. Secundo petiit, quod pax & amicitia perpetua inter Christianos & Tartaros firmaretur. Tertio requisiiuit, quod in omnibus terris quas Tartari acquisiuerant, & quae acquirerent, omnes ecclesiae Christianorum & clerici illarum, siue laici, siue religiosi, ab omni seruitute & datia essent liberi & exempti. Quarto requisiiuit, ut terram sanctam & sanctum sepulchrum domini de manibus Saracenorum auferret, & restitueret Christianis. Quinto, ut intenderet ad destructionem Caliphi de Baldaciz qui erat caput & doctor sectae perfidi Mahumeti. Sexto requisiiuit, ut sibi concederetur priuilegium speciale, quod a quibuscunque Tartaris, praecipue regni Armeniae propinquieribus auxilium imploraret, sibi dare omni mora postposita tenerentur. Septimo requisiiuit, quod omnes terrae iurisdictiones regni Armeniae, quas Saraceni occupauerant, & in manus Tartarorum postmodum redierant, regi Armeniae restituerentur: illas omnes quas rex acquirere posset contra Saracenos

Regis Arme  
niae ad Imp.  
Tartarorum  
petitiones.



Saracenos illos, haberet & teneret pacifice & quiete. Mango Can ergo petitionibus regis Armeniæ intellectis, suos fecit proceres & consiliarios conuocari, & regi Armeniæ in sua præsentia constituto, coram omnibus astantibus sic respondit, Quoniam rex Armeniæ de longinquis partibus ad imperium nostrum uenit non compulsus, sed sua propria uoluntate, decet imperatoriam maiestatem suis supplicationibus annuere, in his præcipue, quæ sunt licita & honesta. Vobis itaque regi Armeniæ taliter responsurus sum, quod preces uestras acceptamus, & omnes faciemus cum dei beneplacito adimpleri. Primo quidem ego Imperator & dominus Tartarorum me faciam baptizari, tenebo fidem quam tenent hodie Christiani, & omnibus aliis sub meo imperio constitutis consulam quod faciant illud idem, non tamen intendendo uiolentiam facere alicui. Ad secundam requisitionem uestram taliter respondemus, Quia uolumus quod pax perpetua uigeat inter Tartaros & Christianos, ita tamen, quod uos principalem fidei iussorem constituere debeatis, quod Christiani pacem & concordiam erga nos sicut nos erga ipsos inuiolabiliter obseruent. Volumus etiam, quod omnes Christianorum ecclesiæ, & clerici Christiani, cuiuscunque conditionis existant, seculares siue religiosi gaudeant in omnibus terris nostri imperii priuilegio libertatis, nec liceat alicui ex eis inferre molestiam quoquo modo. Super facto terræ sanctæ dicimus, quoniam si possemus commode, personaliter ueniremus ob reuerentiam domini nostri Iesu Christi, sed quia multum habemus in istis partibus expedire, fratri nostro Haolono dabimus in mandatis, quod negotium istud sicut decet, ducat per omnia ad effectum. Eruet enim ciuitatem Hierusalem, & totam terram sanctam de manibus paganorum, & illam restituet Christianis. Super facto Caliphi de Baldaciz nos dabimus in mandatis Baydo capitaneo Tartarorum, qui sunt in regno Turquiæ, & aliis, quæ circa illas regiones inueniuntur, quod omnes obedire debeant fratri nostro, & uolumus quod ipse destruat Caliphum tanquam nostrum capitalem & pessimum inimicum. De priuilegio uero illo, quod querit habere rex Armeniæ super habendo subsidio Tartarorum, uolumus quod illud dictetur iuxta suam plenariam uoluntatem, & illud faciemus libentissime confirmari. Ultimo uero de eo, quod rex Armeniæ requirit, quatenus terras regni sui per Saracenos ablatas, & postmodum per Tartaros occupatas, sibi restitui faciamus, hoc etiam concedimus liberaliter & libenter, & uolumus quod frater noster Haolonus omnes dictas terras restituat sine mora: & ulterius uolumus & mandamus, quod de terris quas acquisiui-mus, plana castra dicto regi in augmentum & tutelam regni sui de speciali gratia concedantur.

De Mango Can, qualiter baptizatur in Christo.

Cap. XXIII.

POSQUAM igitur Mango Can petitiones regis Armeniæ liberaliter adimpleuit, & confirmauit per priuilegia mihi facta continuo uoluit baptismatis recipere sacramentum, unde baptizatus fuit per manus cuiusdam episcopi, qui erat cancellarius regni Armeniæ, & omnes illi de domo sua fuerunt etiam baptizati, & multi alii utriusque sexus nobiles & magnates, & ordinauit de illis qui sequi debebant Haolonum fratrem suum, pro subsidio terræ sanctæ. Equitauerunt

K. iii.

Imp. Tartar.  
responsio.



ergo Haolonus & rex Armeniæ ambo simul, quousque transferunt magnū flumen Phison. Haolonus quidem cum suo exercitu copioso inuasit regiones & terras undique, & antequam sex mensium spatium laberetur, totū regnum Persarum, quia carebat domino & rectore, fuit faciliter subiugatum, cepitque Haolonus absque resistantia omnes terras, usque ad terram Assassinorum. Isti uero Assassini, sunt homines infideles, nullam habētes legem, uel fidem, nisi sicut eorum princeps & dominus instruebat, qui Sex montium uulgariter dicebatur, ad cuius beneplacitum & mandatum, morti se sponte & faciliter offerebant. Habebant enim præfati Assassini, quoddam inexpugnabile castrum, quod Tigado dicebatur. Erat autem illud castrum omnibus necessariis præmunitum, & ita forte, quod à nulla parte timebat insultum. Præcepit itaque Haolonus cuidā duci, ut assumeret decem milia Tartarorum, quæ dimisit in custodia regni Persarum, quod subiugauerat, ut est dictum, quibus castrū illud obsideret, & quousque illud caperet, non discederet ullo modo. Vnde prædicti Tartari in obsidione illius castri steterunt per uiginti septem annorum spatium tam hyeme quàm æstate: finaliter uero Assassini dediderunt castrum propter defectum uictuum, & non propter penuriam uictualium uel alia ratione. Eo uero tempore, quo Haolonus uacabat circa custodiam regni Persarum, & obsidionem castri Assassinorum, rex Armeniæ ab eo accepit licentiam redeundi, quia longo tempore steterat extra regnum. Haolonus itaque licentiam dedit regi, & eidem contulit magna dona, & insuper mandauit præcipiendo Baydo, qui in regno Turquiæ, quod occupauerat residebat, ut regē Armeniæ conduci faceret secure usque ad introitum regni sui. Cuius mandatum fuit per omnia adimpletum, & sic post spatium trium annorum & dimidium reuersus fuit rex Armeniæ sospes & hilaris per gratiam Iesu Christi.

De Haolono fratre Mango, qui destruxit Assyrios, & introiuit in regnum Persarum pro fide Christi. Cap. XXV

P O S T Q U A M uero Haolonus de custodia regni Persarum, sicut erat decens & rectum, ordinauit, transtulit se ad quandam Armeniæ prouinciam, quæ uocabatur Sorloch: ibi tota æstate dedit se solatio & quieti: & ipse quoque hyeme ueniente obsedit ciuitatem Baldach, in qua erat Caliphus, qui magister erat & doctor sectæ perfidi Mahumeti, fecitque Haolonus ad exercitum conuocari triginta milia Tartarorum, qui erant in regno Turquiæ: & postquam congregauit undique gentem suam, insultari fecit ante littus ciuitatis, quæ uelociter absque nimio moræ dispendio fuit capta. Caliphus quidem captus uiuus adductus fuit ante præsentiam Haoloni: & inuenti fuerunt in Baldach tantæ diuitiæ, quod uix credendum esset, esse totidem in residuo huius mundi. Capta autem fuit ciuitas Baldach anno domini M C C L V I I I.

De Haolono, qualiter cepit ciuitatem Baldach, & destruxit Caliphum summum Pontificem Saracenorum. Cap. XXVI.

P O S T Q U A M uero Haolonus de ciuitate Baldach fecit omnia quæ uolebat, iussitque Caliphum ante se adduci, & præcepit quod ante se totum eius thesaurū poneret. Tunc uero Haolonus interrogauit Caliphum dicēs, Cognitione totum fuisse tuum quod uides? Vtique, ait ille. Haolonus dixit, Quare tu tanto



tu tanto thesauro non conuocabas stipendiarios & uicinos, ut te & terram tuam tuerentur à potentia Tartarorum : At ille respondit, Quoniam credebam satis sufficere gentem meā. Tunc dixit Haolonus Calipho, Tu diceris doctor omnium credentium in falsa secta Mahumeti, & à tuis munerabaris: talis ergo magister & tantus aliis cibus cibari non debet: unde tibi damus in cibum ista omnia pretiosa, quæ tantum dilexisti & cum magna auiditate custodisti : & præcepit ponere Caliphum in una camera, & ante ipsum proiici margaritas & aurum, ut de illis comederet quantum uellet: & præcepit, ne aliquis cibus daretur, aut potus alius propinaretur eidem : & sic morte pessima miser ille & auarus miserabilem uitam finiuit : nec unquam Caliphus postea exitit in Baldach.

De morte Caliphi.

Cap. XXVII.

POST QVAM uero Haolonus subiugauit Baldach, & terras alias circumcirca, prouincias diuisit per duces & rectores, sicut suæ placuit uoluntati, & præcepit, quòd ubique Christiani tractarentur benigne, & quòd eis castrorum & ciuitatum custodiæ traderentur. Saracenos quidem iussit ponere in maxima seruitute. Haolono quidem erat uxor Christiana, nomine Doucoscaron, & fuit de progenie illorum regum qui uenerunt ab oriente uisa stella natiuitatis domini, & ista domina deuotissima Christiana in perpetuum licentiam diruendi templa Saracenorum petiebat, & inhibendi, ne solennitas fieret in nomine Mahumeti, & fecit Saracenorum templa funditus deuastari, & in tantam seruitutem posuit Saracenos, quòd non erant ausi ulterius apparere.

De persecutione sacerdotum in lege Mahumeti.

Cap. XXVIII.

POST QVAM uero Haolonus requieuit per spatium unius anni, tunc misit ad regnum Armeniæ, quod ueniret cum gente sua ad ciuitatem Rohais in regno Mesopotamiæ: quoniam intendebat ire ad terram sanctam, ut illam redderet Christianis. Vnde rex Haithonus bonæ memoriæ, iter suum arripuit cum magna proborum armatorum uirorum, equitum & peditum comitiua : quia tunc temporis regnum Armeniæ in tam prospero statu erat, quòd facere poterat duodecim milia equitum, & quadraginta milia peditum armatorum: & ego qui hoc tempore meo uidi, possum perhibere testimonium ueritati. Cumque rex Armeniæ uenisset, sicut mādauerat Haolonus, & super negotio terræ sanctæ colloquiū simul habuisset, ait rex Armeniæ Haolono, Domine, Soldanus Halappi tenet totius regni Syriæ principatū, in quo quidem regno sancta Hierosolymitana ciuitas inuenitur: & postquā intenditis terram sanctam acquirere, sicut mihi uidetur, primitus est Halappi ciuitas obsidenda, quæ totius regni Syriæ est caput & magistra : nam si ciuitas Halappi uestro subditur dominio, alias terras omnes poteris faciliter obtinere. Consilium itaque regis Armeniæ placuit Haolono: unde fecit obsidere ciuitatem Halappi, quæ erat fortissima ciuitas, muris circummunita, habitata, plena populis, & diuitiis opulenta. Haolonus quoque cum meatibus subterraneis, cum onagris, arcubus & balistis, & aliis generibus armorum uariis & diuersis, inuadi fecit undique sic uiriliter ciuitatem; quòd licet inexpugnabilis uideretur, ipsam tamen uiolenter nouem dierum termino occupauit. In ipsa quidem ciuitate Halappi tantam diuitiarum incredibilem multitudinē inuenerunt, quod uix esset credendum. Erat autem quoddam

Halappis Syriæ metropolis.

K. iiii.



castrum in medio ciuitatis, quod se tenuit per undecim dies postquam ciuitas iam extiterat occupata: demum uero per meatus subterraneos fuit captum: & capta fuit ciuitas Halappi, & deinde regnum Syriæ per Haolonum anno domini M CCXL.

De Haolono qualiter cepit ciuitatem Halappi & Damascum, & acquisiuit terram sanctam usque ad desertum Aegypti. Cap. XXIX.

QUANDO uero Soldanus Halappi, qui uocabatur Melecnafer, qui tunc erat in ciuitate Damasci, intellexit quod ciuitas Damasci capta fuerat cum filiis & uxore, qui erant ibidem, nesciuit ad consilium ponere seipsum, nisi quod ad pedes Haoloni uenit, misericordiam implorando: sperabat enim per hoc, quod sibi uxor & filii redderentur, & pars aliqua ad suum dominiū tenendum: sed Soldanus fuit in sua opinione deceptus: quoniam Haolonus ad regnum Persarum destinauit ipsum cum filiis & uxore, ut absque inquietatione dominium Syriæ obtineret. His itaque sic peractis, de spoliis acquisitis in captione ciuitatis Halappi, regi Armeniæ Haolonus contulit magnam partem, & de terris etiam quas occupauerat, regi quamplures concessit. Vnde rex Armeniæ accepit plura castra regno suo uicina, & illa fecit muniri ad suam liberam uoluntatem. Post hæc Haolonus misit per principem Antiochiæ, qui regis Armeniæ gener erat, dona, & ipsum principem plurimum honorauit, & dedit sibi priuilegia gratiosa, & omnes terras suæ iurisdictionis, quas occupauerant Saraceni, & quæ ad suum dominium redierant, iussit quod principi redderentur libere & quiete. Et postquam Haolonus ordinauit ea quæ fuerant ordinanda, circa negotia ciuitatum & terrarum quas occupauerat, dum intenderet se transferre ad regnum Hierosolymitanum, ut terram sanctam liberaret de manibus, & illam restitueret Christianis: Et ecce nuntius uenit tertia die, noua ferens de obitu fratris sui, & narrauit qualiter post obitum Mango Can uacauerat imperium Tartarorum, quod eius quotidie præstolabatur aduentus, ut ipsum in sede poneret fratris sui. Haolonus quidem intellectis rumoribus de obitu fratris sui, fuit ineffabili tristitia circumuentus, unde ulterius non processit, sed ordinauit quendam suum ducem, nomine Guiboga, & dimisit ipsum cum decem milibus Tartarorum in custodiam regni Syriæ, & præcepit, quod terram sanctam acquireret & restitueret Christianis. Quo facto, Haolonus festinanter recessit, uersus partes orientis dirigens suos gressus, & dimittens in Thaunifio natum suum, per dietas suas processit.

De Cobila Can quinto Imperatore Tartarorum, Cap. XXX.

SED ANTE QUAM ad regnum Persarū peruenisset, ecce sibi nuntii quidam occurrerunt, qui narrauerunt qualiter omnes proceres & maiores fratrem suum Cobila Can posuerant in sede imperatoria Tartarorum: quo audito Haolonus dum in Thaunifio moraretur, ecce nuntii uenerunt ad eum, qui retulerunt sibi, quod Barcat cum maximo apparatu incedens, intenderet hæreditare si posset. His quoque rumoribus intellectis Haolonus, continuo gentem suam congregauit, & obuiauit inimicis suis super quodam flumine congelato, ibiq; fuit ingens prælium inchoatum. Propter multitudinem gentium & equorum glacies rupta est, & submersi fuerunt tam ab una parte quàm ab alia triginta milia Tartarorum. Exercitus uero utriusque partis absque alio processu redierunt



dierunt tristes propter amissionem suorum, Guiboga uero, quem Haolonus dimiserat in regno Syriae, & in prouincia Palæstinæ, terras illas tenuit pacifice, & diligebat multum Christianos. Nam ipse fuerat de progenie trium regum, qui uenerunt natiuitatem domini adorare. Cúmque dictus Guiboga solícite laboraret, ut terram sanctam reduceret in potentiam Christianorum, ecce diabolus inter ipsum & Christianos illarum partium semen scandali & discordiæ seminauit, & hoc accidit tali modo: in terra enim de Belfortis, quæ est de dominio ciuitatis Sidonensis, erant plures uillæ, in quibus Saraceni certum censum Tartaris exhibebant, unde accidit, quòd certi homines Sidonis & de Belfortis congregati, in unum iuerunt ad uillas Saracenorû & casalia, & deprædauerunt eos, plures interfecerunt Saracenos, alios uero cum magna multitudine bestiarum ducebant cum præda. Quidam uero nepos Guibogæ, qui ibi prope morabatur, cum parua equitum comitiua sequutus est celeriter Christianos, qui talia fuerant operati, ut diceret ex parte auunculi sui, quòd dimitterent prædam. Quidam ex ipsis Christianis irruerunt in eum & occiderunt eum, & quosdam alios Tartaros cum eodem, & noluerunt restituere prædam. Quando Guiboga intellexit, quòd Christiani interfecerant nepotem suû tali modo, confestim equitauit & cepit ciuitatē Sidoniensem, & destruxit magnam partē murorû, paucos perdidit Christianos, qui ad insulam fugerāt, nunquā tamen postea de Christianis Syriae Tartari fiduciā habuerunt, neq; Christiani Tartaris sunt confisi: postea uero Tartari pulsi fuerunt de regno Syriae per potentiam Saracenorum, sicut inferius exprimetur.

De morte Haoloni, & qualiter Soldanus recuperauit terrā Syriae & AEgypti.

Cap. XXXI.

INTEREA quoque dum Haolonus haberet guerram cum Bartat, sicut superius est expressum, Soldanus AEgypti suo exercitu congregato, egressus est de AEgypto, & uenit ad prouinciam Palæstinæ, & in quodam loco uocato Henyaleclz, prælium cum Guiboga capitaneo Tartarorum commisit, & idem Guiboga fuit debellatus & occisus in bello. Tartari uero, qui de prælio illo euadere potuerunt, iuerunt in Armeniam, & ex tunc regnum Syriae sub potestate Saracenorum fuit totum redactum, præter aliquas ciuitates Christianorû positas prope mare. Quando uero Haolonus intellexit de Soldano AEgypti, qui regnum Syriae inuaserat, & fugauerat gentem suam, continuo suum exercitum congregauit, & misit ad regem Armeniæ, & ad regem Georgiæ, & ad alios Christianos partium orientis, ut uenirent parati contra Soldanum AEgypti & alios Saracenos. Cúmque Haolonus iam suum exercitum congregasset, inuasit eum quædam infirmitas, quæ eum detinuit per spatium quindecim dierum, & ex illa infirmitate obiit Haolonus: cuius rei causā terræ sanctæ negotium iam inceptum, fuit taliter perturbatum post obitum Haoloni. Abaga filius eius tenuit dominiû patris sui, & rogauit Cobila Can Imperatorem auunculum suum, ut ipsum in dominio suo confirmaret, & hoc fecit libenter: unde uocatus fuit Abaga, & cœpit dominari anno domini M CCLXIIII.

De Abaga filio Haoloni, qui patri in imperio successit.

Cap. XXXII.

ABAGA fuit prudens, & dominium suum prospere gubernauit, & fuit in



omnibus fortunatus, præter in duobus, unum uidelicet, quia noluit effici Christianus, sicut extiterat pater suus, imò colebat idola, & fidem dabat præbyteris idololatriæ. Aliud, quia semper guerram habuit cum uicinis: & propter hoc Soldanus fuit longo tempore in quiete, & ex hoc Saracenorum potentia multum creuit. Tartari uero qui euadere poterant, de terris Tartarorum fugiebant ad Soldanum, ut euitarent graua onera quæ eis Tartari imponebant: propterea Soldanus fecit quandam magnam sagacitatem, quia misit nuntios per mare ad Tartaros, in regno Cumania, & regno Russia, & fecit cum illis Tartaris compositionem & pactum, uidelicet, quòd quandocunq; Abaga moueret guerram contra terram Aegypti, quod ipsi inuaderent terram suam, & promisit dare magna dona eis: & hoc modo Abaga non poterat inuadere terram Aegypti: & Soldanus sine contradictione cuiusquam potuit inuadere Christianos, & terras Syriae faciliter occupare: unde Christiani amiserunt ciuitatem Antiochia, & alia plura castra quæ in regno Syriae possidebant.

De Soldano Aegypti, qualiter debellauit regem Armenia, & unum de filiis eius cepit, alterum occidit. Cap. XXXIII.

**PRAETEREA** Benedectar Soldanus Aegypti ita extitit fortunatus, quod postea regnum Armeniae conquassauit. Nam accidit, quod rex Armeniae cum magna gente iuerat ad Tartaros, & Soldanus hoc sciens, cogitauit inuadere regnum Armeniae, unde misit quendam capitaneum suum loco sui, cui tradidit gentem suam. Filii autem regis Armeniae scientes Saracenorum aduentum, congregatis omnibus qui poterant arma ferre in confinibus regni, obuiauerunt Aegyptiis, cum quibus uiriliter pugnam inierunt: finaliter tamè fuit Armeniorum exercitus debellatus: ex duobus filiis regis, alter fuit captus, alter uero occisus in bello. Saraceni itaque per regnum Armeniae discurrentes, ferro totam planiciem deuastarunt, & bona infinita inde asportarunt in Christianorum maximum detrimentum. Exinde uero inimicorum potentia multum creuit, & regis Armeniae posse fuit mirabiliter diminutum. Rex uero Armeniae, qui semper solícite conabatur ad destructionem infidelium toto posse, intellectis infelicissimis rumoribus regni sui, fuit animo mirabiliter perturbatus, & die noctuq; cogitabat qualiter Saracenis posset inferre grauamen, unde multoties inducebat Abagan & Tartaros ad destructionem sectæ perfidi Mahumeti, & Christianorum subsidium & iuuamen: sed Abaga propter guerram quam habebat quotidie cum uicinis, se sæpius excusabat. Rex Armeniae uero perpendens, quod non poterat ad præsens habere subsidium Tartarorum, misit suos nuntios ad Soldanum Aegypti, & treugas cum ipso iniuit & firmavit, hoc faciens, ut de Saracenorum carceribus posset redimere natum suum. Vnde Soldanus promisit regi, quod si sibi redderet quendam suum socium nomine Sangolascar, qui captiuus penes Tartaros tenebatur, & sibi restitueret castra ciuitatis Halappi, quæ occupauerat tempore Haoloni, ipse filium restitueret pristinae libertati. Soldanus itaque restituit filium regis, & recepit socium suum, & rex restituit Soldano castrum de Tempefacz, & alia duo castra fecit dirui, ad requisitionem Soldani, & hoc modo filius Armeniae regis fuit de carceribus liberatus. Post hæc uero rex Haithonus, bonæ memoriae, qui XLV annis regnum tenuerat, & multa bona fecerat Christianis regnum



gnum & dominium suum contulit & concessit filio suo Dn. Tiuono, de AEgypti carceribus liberato: & ipse renuntians pompis huius seculi, est religionem ingressus, & uocatus fuit Macarius, mutato proprio nomine, secundum consuetudinem Armenorum, qui quando ingrediuntur religionem, mutari faciunt sibi nomen. Et post modicum temporis spatium rex Haithonus requieuit in pace, anno domini M C C L X X.

De Abaga, qualiter introiuit AEgyptum, & destruxit  
Turquiam. Cap. XXXIIII.

I L L E A V T E M rex Armeniæ supra nominatus fuit sapiens atque prudens, & suum regnum prouide gubernauit, dilectus fuit ualde tam à sua gente quam à Tartaris, & ex toto anno studuit destruere Saracenos, unde suo tempore accidit, quod Abaga pacem composuit cum uicinis suis, qui longo tempore sibi fuerant inimici. Tunc uero temporis Soldanus AEgypti ingressus fuit regnum Turquiæ, & ibi multos Tartaros interfecit, & de pluribus uillis fugauit eosdem. Nam quidam Saracenus, qui Paruana uocabatur, erat in regno Turquiæ Capitaneus Tartarorum, & iste rebellis effectus contra Abagan, conabatur Tartaros omnes perdere & fugare. Abaga uero hoc audiens, equitauit ita prope, quod quadraginta dietas in quindecim dierum spatio peregerit. Soldanus AEgypti audiens aduentum Tartarorum, subito de regno Turquiæ recessit, nec fuit ausus ulterius expectare, non tamen potuit ita celeriter arripere iter suum, quin Tartari qui uelociter sequebantur, attingerent exercitus sui finem, in introitu regni AEgypti in quodam loco, uocato Pas blancz. Irruentes itaque Tartari in posteriori custodia exercitus, ceperunt duo milia equitum Saracenorum, & diuitias multas acquisiuerunt, & ceperunt etiam quinque milia domos Cordinorum, qui in illa regione degebant. Perueniente uero Abaga usque ad confines terræ AEgypti, consultum erat sibi, ne ultra progrederetur propter æstum: terra enim illa est calida ultra modum, & Tartari, & eorum animalia, quæ à longe uenerant festinanter, non potuissent pondus ferre laboris & æstus: unde Abaga rediit in Turquiam, & fecit dissipari & destrui omnes terras, quæ rebelles extiterant & reddiderant se Soldano. Paruanam uero proditorem cum suis sequacibus iuxta morem Tartarorum per medium fecit scindi, & iussit quod in omnibus cibis quos erat comesturus, poneretur de carne illa Paruanæ proditoris, de qua comedit Abaga, & dedit suis proceribus comedendum, & talem ultionem sumpsit de Paruana proditore rex Abaga.

De Soldano AEgypti mortuo per uenenum. Cap. XXXV.

P O S T Q U A M ergo Abaga de regno Turquiæ sua uota compleuit, & Tartari fuerunt repleti prædis & diuitiis, quas acquisiuerant contra rebelles Saracenos, uocauit ad se regem Armeniæ, & sibi obtulit regnū Turquiæ, eo quod pater suus & ipse semper se gesserant fideliter erga dominium Tartarorum. Rex uero Armeniæ tanquam sapiens & discretus, de tanto dono obtulit Abaga multas grates, & à retentione regni Turquiæ se curialiter excusauit, asserens se non posse sufficere ad duo regna commode gubernanda. Nam Soldanus AEgypti erat in integro posse suo, & ad grauamen regni Armeniæ toto conamine intendebat: quare satis sibi facere uidebatur, si ad defensionem regni Armeniæ



poterat consilium adhibere. Consuluit tamen rex Armeniæ, ut Abaga de regno Turkiæ taliter ordinaret antequam recederet, quòd de rebellionè nullatenus dubitaret, & nulli Saraceno daret dominium in Turkiâ. Abaga quidem accepit regis consilium, & nunquã postea uoluit quòd Saraceni in illis terris dominium obtinerent. His itaque completis, rex Armeniæ requisivit & rogauit, quòd Abaga uellet intendere ad liberationem terræ sanctæ, & ipsam eruendam de manibus paganorum. Hoc Abaga promisit facere toto posse, & consuluit, quod rex nuntios suos mitteret ad Papã, & ad alios dominos & principes Christianorum, pro subsidio terræ sanctæ, Abaga uero in regno Turkiæ ordinatis quæ fuerant ordinanda, ad regnum Corosten, ubi familiam suam dimiserat, est reuersus. Benedeclar uero Soldanus Aegypti, cum Tartari damnum sibi intulerunt, fuit ueneno potatus, & subito obiit in Damasco: de quo Christiani partium orientis fuerunt ualde gauisi, & Saraceni cœperunt multipliciter contristari. Nam post mortem Soldani non habuerunt tam bonum Soldanum, ut Saraceni communiter asserebant. Quidam uero filius suus Meleclzait nomine successit in dominio: sed post modicum temporis spatium de dominio fuit expulsus per quendam qui uocatus fuit Ersi, qui uiolenter dominium usurpauit, & constituit se Soldanum.

De Mangodanior duce Tartarorum, qualiter aufugit de pugna propter timorem. Cap. XXXVI.

**TERMINO** itaque ueniente, in quo Abaga debuit & potuit guerram mouere contra Soldanum Aegypti, ordinauit quod Mangodanior frater suus ad regnum Syriæ, cum triginta milibus Tartarorũ se transferret, & si forte Soldanus ueniret belliger contra eum, ipsum uiolenter debellaret, & si Soldanus uideret prælium, occuparet terras & castra, & custodiendas traderet Christianis. Quando Mangodanior itaque per dietas suas processisset, quousque Armeniæ appropinquauit, tunc misit pro rege Armeniæ, qui continuo uenit cum pulchra equitum comitiua, & ingressi fuerunt regnum Syriæ, & iuerunt totam prouinciam deuastando usque ad ciuitatem Hames, quæ Camella hodie appellatur à pluribus, & est sita in medio regni Syriæ, ut fertur. In facie uero illius ciuitatis est quædam planicies ualde pulchra, ibiq; Soldanus Aegypti congregabat posse suum, intendens cum Tartaris prælari. Saraceni itaque ex una parte, & Christiani cum Tartaris ex aduerso ingens prælium iniuerunt. Rex itaque Armeniæ cum Christianis ducebat & regebat exercitus dextrum cornu, unde ipse inuasit sinistrum cornu exercitus Soldani, & fugauit inimicos usque ad ciuitatem Hames per tres dietas longas & ultra uiriliter. Almach etiam quidam Tartarorum, aliam partem exercitus Soldani uiriliter debellauit, & per tres dietas Saracenos fugauit, quousque peruenit ad quandam ciuitatem quæ uocatur Tara. Cùmque crederent Soldani potentiam fuisse contritam, & ecce Mangodanior, qui nunquam uiderat discrimina præliorum, de quibusdam Saracenis, Bedinnis lingua Arabica nominatis, absque rationali causa timens retrocessit, campum uictoriæ derelinquens, dimisitque regem Armeniæ & alium ducem suum qui inimicos fuerant persequuti. Quando uero Soldanus, qui omnia crediderat amisisse, uidit campum belli uacuũ & totaliter derelictum, ascendit quendam monticulum cum qua-



cum quatuor armatis firmiter ibi stando. Rex uero Armeniæ rediens de conflictu, cum non inuenisset in campo Mangodanior, fuit plurimum stupefactus, cogitans uiam quam gradiebatur, post ipsum tenuit gressus suos. Almach uero prædictus, qui persequutus fuerat Saracenos quos fugauerat, per biduum expectauit, sperans dominum suum Mangodanior post ipsum, sicut debuit, equitasse, ut inimicos & prouinciam subiugaret, de quibus fuerat uictoriam consequuti, Cognita uero ueritate, de recessu Mangodanior, post ipsum ire festinauit, uictoriam derelinquens, & inuenerunt Mangodanior super littore fluminis Eufratis expectantem. Post hæc Tartari ad eorum prouinciam sunt reuersi. Rex uero Armeniæ cum gente sua in illo itinere passus fuit multa incômoda & labores. Nā propter uiarum longitudinem, & penuriam pabulorum equi Christianorum regni Armeniæ fuerunt totaliter fatigati, quod incedere non uolebāt: & sic separatim Christiani per deuia incedentes, à Saracenis qui degebant in illis partibus sæpius inueniebantur, & absq; misericordia cædebantur, unde maior parstotius exercitus regni Armeniæ amissa fuerat, & proceri quasi omnes. Et hoc infortunium Mangodanior accidit an. M CCLXXXII. Postquā uero Abaga Can hæc omnia intellexit, congregauit undique gentem suam, & cum iam esset paratus contra Saracenos pcedere toto posse: & ecce quidam filius diaboli Saracenus uenit ad regem Persarum, & quibusdam qui Abaga familiariter seruebant, contulit multa dona, & cum eis taliter ordinauit, quod una die Abaga & fratri suo Mangodanior uenenum mortiferum propinaretur, ex quo ambo, proh dolor, excefferunt è uita in octo dierum spatio: per illos eosdā, qui scelus istud perpetrauerant, fuit primo comperta ueritas huius rei, & sic obiit Abaga Can anno domini M CCLXXXII.

De Tangodor secundo filio Haoloni, qui successit Abaga in regno.

Cap. XXXVII.

POST obitum Abaga Can congregauerunt se Tartari, & constituerunt dominum super eos, quendam fratrem Abaga, qui Tangodor uocatur, & alios fratres suos præcesserat. In diebus quidem iuuentutis suæ datum fuit sibi baptismatis sacramentum, & uocatus fuit in baptismo Nicolaus. Sed postquam fuit ætate perfectus, propter societatem Saracenorum quam dilexerat, effectus fuit pessimus Saracenus, & renuntians fidei Christianæ, Mahumet Can uoluit se appellari, & toto conamine studuit facere quod omnes Tartari conuerterentur ad sectam iniquitatis filii Mahumeti, & quibus uiolentiam inferre forsitan non audebat, dona, gratias, honores conferebat. Tempore istius igitur Mahumeti Can conuersi fuerunt ad fidem Saracenorum Tartari infiniti, sicut hodie euidenter apparet. Præcepit itaque iste filius diaboli Mahumeti, omnes ecclesias Christianorum dirui, & ne Christiani auderant amplius celebrare legem & dogmata Christi. Faciebat publice prædicari Mahumeten, & Christianos exules fecit ire, & in ciuitate Taurisii fecit Christianorum ecclesias totaliter deuastari. Misit etiam suos nuntios ad Soldanum Aegypti, & firmauit pacis & concordie secū fœdus, & promisit quod omnes Christianos qui in terris dominii sui erāt compellerentur ad Saracenos, aut capitibus priuarentur: unde Saraceni fuerunt magna exultatione repleti: Christiani uero tristes & timidi incedebant, nec

L. i.



eis aliud residebat, nisi dei misericordiam inuocare: uidebant enim persecutionem Christianorum maiorem quam unquam fuerat temporibus retroactis. Transmisit etiam prædictus diabolus Mahumetes ad regem Armeniæ, & ad regem Georgiæ, & ad alios Christianos, ut ad ipsum accederent sine mora: sed Christiani cogitauerunt potius mori in prælio, quam suis placere mandatis, quia nesciebant aliud remedium inuenire. Cumque fideles Christiani in tanta essent cordis amaritudine positi, quod mori potius quam uiuere affectabant: ecce deus qui sperantes in se nullatenus derelinquit, consolamen transmisit Christianis omnibus. Nam quidam frater istius Mahumeti, & quidam eius nepos, nomine Argonus, fuerunt isti Mahumeto propter mala opera sua contrarii & rebelles, & significauerunt Cobila Can maiori Imperatori Tartarorum, qualiter iste Mahumetus antecessorum suorum uestigiis derelictis, effectus fuerat pessimus Saracenus, Tartaros omnes quos poterat inducendo, ut efficerentur etiam Saraceni. Quo audito Cobila Can Imperator fuit plurimum perturbatus, unde Mahumeto præcipiendo mandauit, quatenus corrigere se deberet, & à malis operibus abstinere, alioquin procederet contra ipsum. Ipse quidem Mahumetes mandato Imperatoris intellecto, ira & indignatione fuit repletus, & quia nullus erat qui auderet suis uoluntatibus contraire, præter fratrem suum & prædictum nepotem suum Argonum, laborauit tantum diabolicus ille Mahumetus quod fecit interfici fratrem suum, & de nepote suo Argono intendens facere illud idem, iuit cum exercitu copioso, ut ipsum caperet & teneret. Argonus uero qui contra potentiam inimici non poterat belliger apparere, montes petiit, & in quoddam castrum fortissimum introiuit. Idem uero iniquitatis filius Mahumetus dictum castrum obsedit, stans circumcirca cum suo exercitu infelici. Finaliter uero Argonus se reddidit Mahumeto cum pacis interiectis conditionibus, uidelicet, quod sibi & suum dominum seruaret. Postquam Mahumetus Can tenuit Argonum, tradidit eum conestabulo suo, & pluribus aliis magnatibus sub custodia concludendum. Et dum reuerteretur ad ciuitatem Taurisii, ubi dimiserat filios & uxores, dedit omnibus in mandatis, quod post ipsum incederent paulatim: conestabulo uero & quibusdam aliis, in quibus præcipue cõfidebat, iussit quatenus nepotem suum occiderent, & occulte sibi caput afferrent. His itaque taliter ordinatis, festinater præcepit eis Mahumetus. Inter illos uero qui mandatum susceperant tanti sceleris adimplendi, inuentus fuit quidam potens uir, quem Abaga nutriuera, pater ipsius Argoni, qui pietate motus, armis susceptis, conestabulum Mahumeti, & omnes suos sequaces nocte gladio iugulauit, & Argonum à mortis periculo liberauit, & constituit Argonum rectorem & dominum super omnes. Vnde alii timore, alii uero amore obedientes fuerunt suis beneplacitis & mandatis. His itaque sic peractis, Argonus cum comitiua suorum fidelium, fuit persequutus celeriter Mahumetum, & antequam Taurisium perueniret, personaliter cepit illum, quem captum iussit per medium detruncari, & sic fuit interfectus canis ille pessimus Mahumetus inimicus fidei Christianæ, antequam duorum annorum spatium in suo solio compleret.

De Argono



De Argono filio Abaga, qualiter fuit dominus Tartarorum post mortē  
Tangodor pessimi Saraceni. Cap. XXXVIII.

A N N O domini M C C L X X X V post necem pessimi Mahumeti, Argonus filius Abaga Can, primi Imperatoris, noluit se uocari Can, quousque haberet à maiori domino in mandatis: & super eo misit Argonus ad magnum Can nuntios speciales, quos magnus Can Tartarorum benigne suscepit, & honorifice tractauit, & de morte pessimi Mahumeti fuit plurimum consolatus, & transmisit de maioribus domus suæ, & Argonum in dominio confirmauit. Et extunc Argonus fuit ab omnibus Can uocatus, & fuit ab omnibus honoratus. Iste uero Argonus fuit aspectu pulcherrimus, & dominium suum tenuit uiriliter & prudenter, Christianos dilexit, & ipsos plurimū honorauit. Ecclesias quas Mahumetus dirui fecerat reparauit, unde accesserunt ad eum rex Armeniæ, & rex Georgiæ, & alii Christiani partium orientis, & supplicauerunt ei, quod consilium apponeret, & iuuamen, ut terra sancta liberaretur de manibus paganorū. Argonus quoque benigne respondit, quod libenter faceret quicquid posset ad honorem dei & fidei Christianæ, unde intendebat fœdus pacis componere cum uicinis, ut securius posset ire ad subsidium terræ sanctæ. Cūque Argonus in hoc bono proposito perseveraret, pacem quærens cum uicinis, Ecce quarto anno sui dominiū transmigrauit. Quidam uero frater eius nomine Regayto, sibi successit, sed fuit homo nullius ualoris, sicut inferius exprimetur.

De Regayto successore Argoni.

Cap. XXXIX

A N N O domini M C C L X X X V I I I post obitum Argoni Can frater eius Regayto nullam habebat legem uel fidem, ad arma erat penitus nihil ualens, totus erat deditus luxuriæ & peccato, & in omnibus ducebat tanquam brutum animal uitam suam, uentris ingluuiem satiendo superfluis potibus atque cibis, per spatium sex annorum uixit in dominio: nihil aliud faciebat, unde per suam miseriam suis fuit exosus, & ab extraneis extitit uilipensus: finaliter fuit à suis proceribus suffocatus. Et post obitum suum factus fuit dominus quidam eius consanguineus, nomine Baydo: iste Baydo fuit in fide Christi fidelis, & rectus, & multas fecit gratias Christianis: sed dies uitæ suæ subito defecerunt, sicut inferius exprimetur.

De Baydo domino Tartarorum, & qualiter obierit. Cap. XL.

A N N O domini M C C X C post mortem Regayto, Baydo tenuit dominium Tartarorum: Iste Baydo tanquam bonus Christianus reedificauit ecclesias Christianorum, & præcepit, quod nullus auderet dogmata Mahumeti inter Tartaros prædicare. Et quia multiplicati erant ualde illi, qui sectam tenebant perfidi Mahumeti, moleste tulerunt mandatum Baydo, & ideo occulte miserunt nuntios ad Casanum, qui fuit filius Argoni, & promiserunt sibi dare dominium, quod Baydo tenebat, & ipsum constituere dominum super eos, si uellet renuntiare fidei Christianæ. Casanus uero, qui parum curabat de fide, & qui dominium plurimum affectabat, promisit facere quicquid uellet, & propter hoc Casanus fuit rebellis effectus. Baydo uero congregauit gentem suam, intendens Casanum capere & tenere: prodicionem enim, quam gens sua sibi fecerat ignorabat. Cūque ad campum belli uenissent, ecce omnes illi qui sectæ adhæserant



Mahumeti, relinquentes Baydo, fugerunt ad Casanum. Baydo quoque uidens se ab omnibus derelictum, fugam arripuit, credens euadere, sed persequentibus inimicis fugiendo interiit.

De Casano filio Argoni, qualiter dominium usurpauerit, & gestis eius.

Cap. XLI.

P O S T mortem Baydo Casanus fuit factus dominus Tartarorum, initio sui domini non audebat contraire his, quæ promiserat illis, qui eum in dominio posuerunt, qui Mahumeti sequebantur legem & sectam, & ideo se ostendit nimium Christianis. Sed postquam in sede domini firmus fuit, coepit honorare & diligere Christianos, multa fecit in uita sua ad commodum Christianorum, sicut in sequentibus audietis. Et primo destruxit quàm plures magnates qui suadebant ei, ut Saracenorum fidei adhereret, & persequeretur undique Christianos. Post præcepit omnibus Tartaris, qui in dominio suo erant, quod essent armis & omnibus necessariis præmuniti, quoniam intendebant ingredi regnum AEgypti, & Soldanum destruere si ualerent, & hoc mandauit regi Armeniæ, & regi Georgiæ, & aliis Christianis partium oriētis. Verum uerno tempore adueniente, Casanus suum exercitum congregauit, & direxit gressus suos per uiam de Baldach cum exercitu copioso. Quando uero Casanus peruenit ad terras AEgypti, congregauit in simul gentem suam. Soldanus qui uocabatur Melecnafer, iamdudum de aduentu Tartarorum rumoribus intellectis, congregauit posse suum, & uenit ante ciuitatem Mames cum maximo apparatu, quæ ciuitas est sita in medio regni Syriæ, ut refertur. Cùmque Casanus intellexisset, quod Soldanus contra ipsum intenderet præliari, ad obsidionem ciuitatis uel castris noluit perdere tempus suum, sed recto tramite celeriter uenit ad locum ubi erat Soldanus, & se posuit ex aduersa parte per unam diem in quibusdam pratis, in quibus erat abundantia pabulorum. Vnde præcepit Casanus omnibus suis, quod in illo campo essent, quousque equi requiescerent à labore quem passi fuerant in uia celeriter ueniendo. In societate uero Casani erat quidam Saracenus nomine Calphaclz, qui fuerat seruus Soldani, & fugerat ad Casanum propter metum Soldani, qui propter excessus intendebat illum carceribus mancipare. Iste Calphaclz à Casano receperat gratias & honores, & Casanus de eo plurimū confidebat, sed tanquam proditor maledictus per literas notificauit Soldano & Saracenis consilium & intentionem Casani & misit qualiter Casanus morari intendebat in pratis illis, ut daretur requies equis suis, qui erāt mirabiliter fatigati, & consuluit Soldano quod properaret ad pugnam quamdiu aduersariorum equi erant fessi, quia faciliter posset de Tartaris uictoriā reportare. Soldanus AEgypti, qui apud ciuitatē Hames Tartaros proposuerat expectare, acquieuit tamen consilio proditoris, & cum electa multitudine suorū equitauit festinanter, ut ex improviso insultū faceret in Casanum. Speculatores quidē exercitui Casani notū fecerunt aduentū Soldani. Casanus uero fecit edictū ut omnes sui equitarent per acies ordinati, ut uiriliter reciperēt inimicos. Casanus ergo leone audacior, cū illis quos circa se inuenit: equitauit obuiā Saracenis, qui iam tantum appropinquauerāt, quod præliū nō poterat euitari. Et cæteri qui per campum erant dilatati: ut requiē darent equis, non poterant



poterant ad ipsum accedere festinanter, unde Casanus præcepit militibus qui secum erant de equis descendere, & de illis circuitum facere uelut murum & cum arcubus & sagittis impeterent inimicos, qui laxatis habenis ad prælium properabant. Tartari uero descenderunt, & in circuitu ipsorum posuerunt equos suos, & acceptis in manibus arcubus & sagittis, expectauerunt quousque sagittæ possent ad inimicos commode peruenire. Et sic omnes simul Tartari sagittantes, qui in arte sagittandi mirabiliter sunt periti, equos inimicorum præcedentes taliter percusserunt, quod ante alios ceciderunt: unde illi qui sequebantur, qui cursu uelocissimo properabant, inuenientes præcedentes prostratos, præcipitabantur super illos: unde de multis Saracenis euaserunt pauci, qui non erant prostrati, aut sagittis Tartarorum letaliter uulnerati. Soldanus Aegypti, qui in acie illa erat, quam ocyus potuit retrocessit. Cassanus hoc uidens, statim præcepit equos ascendere gentem suam, & inuadete uiriliter inimicos, & ipse fuit primus, qui Soldani aciem est ingressus, & tamdiu Soldanus cum modica societate suorum bellum sustinuit, prostrando & occidendo strenue inimicos, quoad Tartari muniti, & per acies ordinati uenerunt ad pugnam: tunc inceperunt omnes acies undique præliari & durauit altercatio inter eos ab ortu solis usque ad nonam. Finaliter uero Soldanus non potuit resistere audaciæ Casani, qui manu sua mirabilia fecit, & sic uertitur in fugam Soldanus cum omnibus Saracenis. Casanus itaque cum gente sua persequutus fuit usque ad noctis caliginem inimicos diuersimode occidendo, unde tanta fuit ibi Saracenorum strages, quod tota terra dispersa extitit corporibus mortuorum. Post conflictum nocte illa requieuit Casanus in quodam loco qui uocatur Cametum, gaudens & exultans ineffabiliter de triumpho quæ contra Saracenos obtinuerat nutu dei. Actum hoc anno domini MCCCX. die mercurii ante festum natiuitatis domini.

De uictoria quam habuit Casanus contra Soldanum Aegypti, & qualiter spolia diuisit inter socios.

Cap. XLII.

**HISITAQVE** sic peractis, Casanus præcepit regi Armeniæ, & cuidam duci Tartarorum, qui uocabatur Molay, quod cum XL milibus equitum Tartarorum persequerentur Soldanum usque ad desertum Aegypti, quod distabat à campo belli per duodecim dietas & ultra. Et præcepit quod apud ciuitatem Gaccaræ ipsum expectarent aut eius mandatum. Rex igitur Armeniæ & Molay prædictus cum XL milibus Tartarorum ante solis ortum recedentes, Soldanum fuerunt celeriter persequuti. Post triduum uero Casanus mittit ad regem Armeniæ quod rediret, eo quod intendebat obsidere ciuitatem Damasci, & præcepit quod Molay procederet, sicut habuerat in mandatis, Saracenos omnes quos capere poterat perimendo. Soldanus uero quoque fugit uelociter diu nocturne dromedarios equitando, & in societate quorundam Beduinorum qui eum conducebant, Babyloniam mirabiliter est ingressus. Alii uero Saraceni diuersimode fugerunt, quo quilibet opinabatur se posse melius receptare: quorum magna quantitas perrexit per uiam Tripolis, qui per Christianos habitantes in monte Libani fuerunt interfecti crudeliter. Redeunte ergo rege Armeniæ ad Casanum, inuenit quod ciuitas Casana dediderat se Casano, & totum ærarium Soldani & exercitus sui quod ibi erat, fuit ante Casani præsentiam depor-

L. lii.



tatum, cuius multitudo extitit infinita: mirati fuerunt omnes super eo, quod Soldanus tantas diuitias secum tulerat, dum intenderet præliari. Casanus ergo congregatis omnibus illis diuitiis, & omnibus spoliis quas lucrati fuerant Tartari, post triumphum diuisit omnia liberaliter inter suos, ex quibus omnes locupletes sunt effecti. Ego uero Fr. Haithonus, qui hanc hystoriam compilauit, interfui omnibus negotiis & præliis quæ Tartari habuerunt cum Soldano à tempore Haoloni: sed nunquam uidi uel audiui dici de aliquo domino Tartarorū, qui plura faceret in duobus diebus, quàm fecit Casanus. Nam prima die belli cū parua societate suorum contra Soldanum & magnam copiam inimicorū prælium sustinuit, & de persona sua taliter se probauit, quod inter omnes alios bellatores famam & laudem merito est adeptus. Et de sua probitate inter Tartaros narrabitur in secula seculorum. Secunda uero die tanta erat libertas & liberalitas cordis sui, quod de omnibus diuitiis & infinitis thesauris quos acquisiuerat, sic inter quoddam marsupium, in quo erant scripturæ terræ Aegypti, & innumerus exercitus Soldani, & similia. Et omnia alia distribuit liberaliter, ut est dictum. Et hoc præcipue erat admirandum, qualiter in tantillo corpusculo tanta uirtutum copia inueniri poterat. Nam inter x x mille milites, uix potuisset staturæ minoris aliquis reperiri, neque turpioris aspectus, omnes tamen alios in probitate & uirtutibus excedebat. Et quia iste Casanus tempore nostro fuit, dignum est quod de suis gestis plenius enarremus: & ille Soldanus, qui per Casanum extitit debellatus, adhuc uiuit. Præterea illi qui ad Saracenorum intendunt præcipitium, & grauamen inferre uolunt, multa poterunt sumere documenta, his historiis plenius intellectis.

Postquam uero Casanus per quinque dierum spatium requieuit, & inter suos diuisit spolia innumerabilia, ut superius est expressum, per dietas suas iter suū direxit rectā ad ciuitatem Damasci. Cūque ciues Damasci cognouerunt aduentum, timuerunt ualde, ne si Casanus eos caperet uiolenter, absque misericordia perderentur. Vnde de consilio sapientum, & concordii omnium uoluntate, suos ad Casanum nuntios transmiserunt, qui dederunt sibi multa dona, & ei clauēs ciuitatis etiam obtulerunt, ab eo misericordiam implorantes. Receptis ergo xeniiis & clauibus ciuitatis Damasci, præcepit Casanus nuntiis quod redirent, & uictualia sufficientia exercitui præpararent, & nullatenus dubitarent, quia nolebat destruere ciuitatem, sed eam intendebat pro camera sua referuare. Recedentibus itaque nuntiis cum exultatione ingenti, Casanus post modicum equitauit ad flumen Damasci, in cuius littore tentoria sua fixit, & inhibuit, ne inferrentur damna aliqua ciuitati. Ciues uero Damasci miserunt plurima dona Casano & de uictualibus dederunt exercitui affluenter, mansitque ibi Casanus per x l v dies cum omnibus suis, præter quadraginta milia Tartarorum, quos miserat cum Molay, qui apud ciuitatem Gaccaræ morabantur, Casani expectantes aduentum uel mandatum.

De Capchiclz qualiter fuerit proditor erga Casanum, & restituerit terras Soldano.

Cap. x l i i i.

C V M Q V E Casanus taliter moraretur, & daret se solatio & quieti, ecce rumores



rumores uenerunt de quodam suo consanguineo, nomine Baydo, qui ingressus fuerat regnum Persarum, damna Casano plurima inferendo: & quia dubitabatur ne deterius faceret, consultum fuit Casano, quod ad propria remearet. His itaq; rumoribus intellectis, Casanus præcepit maiori duci sui exercitus, qui uocabatur Cotulossa, quod cum parte exercitus ad custodiam regni Syriæ remaneret, & Molay ac aliis Tartaris, qui erant in terra Gaccaræ mandauit, quod obedirent Cotulossæ, quem dimiserat loco sui. Post hæc ordinauit Casanus Baiulos, & rectores super qualibet ciuitate, & tradidit ciuitatem Damasci Capchicz proditori superius nominato, nondum enim Casanus cognouerat uelle suum. Postea uocari fecit ad se regem Armeniæ, & suum sibi reserauit recessum, dicens, Libenter tradidissimus terras, quas acquisiuimus, custodiendas Christianis, si uenissent: & si uenerint, Cotulossæ dabimus in mandatis, quod eis restituat omnes terras, quas hætenus tenuerunt, & ad reparationem castrorum det eis subsidium opportunum. His omnibus sic completis, Casanus arripuit iter suum, tendens uersus Mesopotamiam. Cumque ad flumen Eufraten peruenisset, mandauit Cotulossæ, ut dimissis Molay x x milibus Tartaris, ad eum cum residuo exercitu accedere festinaret. Cotulossa quidem fecit, sicut receperat in mandatis, unde Molay stetit in custodia regni Syriæ pro Casano, & suadente Capchicz proditore, Molay se transtulit uersus partes Hierosolymitanas, in quodam loco nominato Gaur, ut ibi pabula pro equis, & alia necessaria inueniret. Aestiuo uero tempore ueniente, Capchicz prædictus, qui erga Casanum iamdudum conceperat falsitatem, occultate misit ad Soldanum, quod redderet sibi Damascum & alias terras, quas Casanus & Tartari occupauerant in regno Syriæ. Et Soldanus promisit Capchicz, quod si ea quæ promiserat adimpleret, sibi daret perpetuo dominium ciuitatis Damasci, & de thesauro suo etiam magnam partem, & sororem suam sibi traderet in uxorem: & ita post modicum temporis spatium. Capchicz rebellis effectus, fecit omnia castra Tartaris rebellare: spes enim illorum erat æstus æstiuus temporis, in quo Tartari non poterant equitare, neque suis subsidium impertire. Quando Molay uidit, quod omnes terræ rebelles factæ fuerunt, non fuit ausus stare cum tam modica gentium quantitate, unde per uiam breuiorem se transtulit ad regnum Mesopotamiæ, & notificauit Casano omnia quæ in regno Syriæ euenierant seriatim. Casanus uero tunc non potuit aliud facere per æstum temporis. Sed ueniente tempore hyemali, super littora fluminis Eufratis suum fecit maximum apparatus, & transmisit Cotulossam cum x x x milibus equitibus Tartaris, & præcepit, quod quando ad partes Antiochiæ perueniret, regem Armeniæ conuocaret, & alios Christianos partium orientis & Cypri, & adiungeret eos sibi. Et dum Casanus cum robore sui exercitus sequeretur, in regnum Syriæ introiret. Prædictus itaque Cotulossa fecit sicut habuit in mandatis. Acceptis itaq; x x x milibus Tartarorum, per dietas suas perrexit, quousque Antiochiam applicuit, & deinde misit ad regem Armeniæ quod ueniret, unde rex Armeniæ cum suo exercitu equitauit. Christiani etiã qui erant in regno Cypri, de aduentu Cotulossæ rumoribus intellectis, absque moræ dispendio cū galeis & aliis lignis perueniunt ad insulam Anteradensem, & ibi fuerunt dominus Tyrenensis frater



regis Cypri, qui erat militiæ dux & rector, & magistri domorum, hospitalis & templi, cum conuentibus fratrum suorum: & dum parati essent uoluntaria Christi seruitia adimplere, ecce rumor uenit de quadam infirmitate Casani, à qua taliter uexabatur, quod de conualescentia medici desperabāt, unde Cotulossa cum suis Tartaris rediit ad Casanum. Rex etiam reuersus fuit Armeniā & alii Christiani, qui uenerant ad insulam Anteradensem, redierunt in Cyprum. Et ob hanc causam inceptum terræ sanctæ negocium fuit totaliter derelictum: hoc accidit anno domini M C C C L.

De maximo damno quod habuerunt Tartari in planicie Damasci propter aquarum abundantiam. Cap. X L I I I I.

A N N O domini M C C C I I I. Casanus congregato iterum exercitu copioso cum magno apparatu, peruenit usque ad flumen Eufraten, intēdens regnum Syriæ introire, & sectam Mahumeti totaliter destruendo, terram sanctam libere restituere Christianis. Saraceni uero Casani timentes aduentum, & cum in bello non confiderent se esse pares, totam terram eorum combusserunt ante faciem Tartarorum, ita quod collectis frugibus, & aliis in terra crescentibus, ac animalibus in castris & in munitionibus congregatis, residuum totum ignibus deuastarunt, ut cum Tartari uenirent, non inuenirent uictualia, neque pabula pro iumentis. Quando Casanus intellexit ea quæ fecerant Agareni, & qualiter dissipauerant totam terram, cogitans quod equi illis in terris taliter deuastatis non possent sustentari, accepit consilium remanendi super littora fluminis Eufratis illa hyeme, & ueris tempore ueniente, dum herbæ inciperent pullulare, perficere iter suum. Maiorem enim curam habebant Tartari de equis suis quam de seipsis, quia dum modico & uili cibo sciant esse contenti, de seipsi quodammodo non curabant. Tunc Casanus misit pro rege Armeniæ, qui sine tarditate ueniens, super flumine se locauit. Et tanta fuit ibi gentis multitudo, quod exercitus Casani per tres dietas extendebatur in longum, à quodam uidelicet castro quod uocatur Caccabe, usque ad aliud castrum nominatum Labire: quæ quidam castra erant Saracenorum, sed absque insultu aliquo reddiderunt se Casano. Cūque Casanus taliter moraretur, tempus congruum expectando, ut posset de Saracenis perficere uota sua, & terram sanctam de ipsorum manibus liberare. Et ecce, diabolus obstaculum interiecit. Nam Baydo superius nominatus, terras Casani iterum introiuit, & intulit damna multa, sicut Casano extitit enarratum. Vnde consultum fuit Casano, quod ad propria remearet. Casanus quidem plurimum perturbatus, pro eo quod tam diu differebatur negotium terræ sanctæ, iussit Cotulossæ duci suo, quod cum X L milibus Tartaris regnum Syriæ introiret, & ciuitatem Damasci caperet, & omnes perderet Saracenos. Rex quoque Armeniæ cum gente sua præfato duci Cotulossæ est associatus. Casano itaque ad propria redeunte. Cotulossa cum X L milibus Tartaris, & rex Armeniæ cum suo posse regnum Syriæ introiuerunt, omnia deuastantes, quousque peruenerunt ad ciuitatem Hames, ibique crediderunt, sicut aliàs fecerant Aegyptii, exercitum inuenire, sed certos intelligentes rumores de Soldano, quod esset in ciuitate Gaccaræ, inde nullatenus egressurus. Obsederunt ergo uiriliter ciuitatem Hames, quam post paucos dies uiolenter ceperunt, & indifferenter omnes Saracenos gladio peremerunt



peremerunt, ibique inuenerunt diuitiarum copiam & magnam multitudinem armatorum . Deinde uero se transtulerunt ad ciuitatem Damasci, ut eandem quoque obsiderent , & ecce ciues suos miserunt nuntios , supplicando quod eis concederentur induciæ triduanæ , quas inducias habuerunt . Præcursores uero Tartarorum , qui fere per unam dietam transuerant iam Damascum , ceperunt quosdam Saracenos, quos transmiserunt ad Cotulossam, ut per eos inquireret certa noua. Cotulossa ergo per illos Saracenos rumoribus intellectis, quod ibi prope circa duas dietas erant mille ducenti equites Saracenorum, qui aduentum Soldani quotidie expectabant : cum festinatione equitauit, ut ex improviso illos caperet & teneret. Et quando Cotulossa & rex Armeniæ peruenerunt ad locum, ubi erant mille ducenti equites Saracenorum, erat quasi hora uespertina , & paulo ante applicuerat iam Soldanus . Cotulossa ergo & rex Armeniæ, qui credebant occupare solos illos mille ducentos Saracenos , uidentes se in sua opinione deceptos, steterunt ut consilium caperent. Consultum itaque fuit Cotulossæ, quod requiesceret nocte illa, & inimicos in crastinum impugnaret: cum dies iam ad uesperam declinasset. Cotulossa uero qui uilipendebat Soldanum, & etiam gentem suam, noluit in hoc casu quiescere consilio alicuius, imò præcepit festinanter acies ordinari. Saraceni uero hoc uidentes, steterunt, quia à quodam lacu & quodam monte erant à duabus partibus præmuniti. Et scientes quod Tartari absque eorum discrimine ad eos accedere non ualebant, noluerunt exire ad pugnam, sed ibi firmiter expectauerunt. Cùmque Tartari crederent absque obstaculo inuadendos Saracenos, & ecce quendam ante se riuulum inuenerunt, qui in certis locis transitum non habebat, unde tardauerunt Tartari multum, antequam possent transire riuulum supradictum . Sed postquam Cotulossa & rex Armeniæ cum maiori parte suorum riuulum transuerunt, in inimicos uiriliter insultarunt. Soldanus stetit, nec de loco quidem ubi erat inter lacum & montem , noluit se mouere . Noctis uero caligine appropinquante, dum uideret Cotulossa Soldanum stantem, & nolentem ad pugnam egredi, ut sperabat, congregatis suis iuxta montem , nocte illa quieuit: ueruntamen circa mille Tartarorum, qui non potuerunt eo die riuulum pertransire, non fuerunt cum aliis nocte illa. Veniente uero die, ad pugnandum se Tartari parauerunt, & in Soldanum uiriliter insultarunt: sed Soldanus noluit in campum uenire more bellorum, sed stetit in illo tutiori loco, cum gente se quantum poterat defendendo. Tartari uero conabantur extrahere Saracenos, sed nullo modo potuerunt . Durante uero insultu à mane usque ad nonam, propter defectum aquæ, quam non inuenerant nocte illa nec die, tædio & siti nimium fatigati retrocesserunt , & dimisso Soldano recesserunt unus post alium paulatim per turmas & acies ordinati, quousq; peruenerunt ad Planicië Damasci, ibiq; inuenerunt abundantiam magnam aquæ, & pascua ualde bona, & ordinatum fuit ibi stare, quousq; hominibus & equis daretur requies opportuna, ut postmodum melius possent redire ad prælium cum Soldano. Habitatores uero Damasci scientes quod exercitus Tartarorum erat in illa planicie collocatus, quadam nocte aquas fluminis per quosdam meatus & riuulos discurrere permiserunt, & antequam octo horæ noctis illius pertransissent, aquæ in tantum creuerunt ubiq; , quod Tartari coacti sint sur-



gere & recedere festinanter. Cùmque nox illa esset multum tenebrosa, & fossatæ forent, omnia plena aquis, & nulli tramites apparerent, omnes fuerunt quasi confusi, & multa animalia, arma, & arnesia amissa fuerunt in illa planicie propter aquas, & etiam plures homines suffocati, & inter cæteros rex Armeniæ plura dicitur amisisse. Veniente uero die, per gratiam dei aquarum pericula euaserunt. Sed cum arcus & pharetræ Tartarorum, cum quibus præcipue præliantur, ac alia arma ipsorum essent totaliter madefacta, quod illa non poterant exercere, unde fuerunt totaliter stupefacti: quod si inimici eos persequuti fuissent, nullus penitus euasisset, imò illos uelut aues capere potuissent. Post hæc uero paulatim Tartari propter illos qui equos suos amiserant, incedentes ad littora fluminis Eufratis sunt reuersi, nec aliquis inimicorū ausus fuit illos sequi, siue inuadere quoquo modo, quandoquidem peruenerunt ad flumen, quod transire oportuit natando, & sicut melius fieri poterat super equis, dum flumen illud esset turbidum & inflatum propter abundantiam pluuiarum, multi Armeni perierunt in illo, etiam Tartari & Georgiani, & multi equi fuerunt in flumine suffocati: & sic accidit, quod non per potentiam inimicorum, sed casu & malo consilio tanquã confusi ad propria redierunt. Hoc quidem dicitur euenisse, eo quod Cotulossa nolebat acquiescere consilio alicuius. Nam si sapientibus credidisset, illa potuisset pericula faciliter euitasse. Ego enim Fr. Haithonus huius historiæ compilator, præmissis omnibus præsens fui, & si forte super hac materia loquor prolixius quàm decet, mihi quæso uenia tribuatur. Nam hoc facio, ut in casu similia discrimina ualeam reminisci. Rebus enim consulte actis, consueuerunt fines laudabiles obtineri, & econtra, quæ improuide fiunt, optatis successibus sæpius carent. Postquam itaque rex Armeniæ flumen Eufraten pertransiuit non sine damno suorum, decreuit ire ad Casanum antequam ad regnum Armeniæ remearet, unde recto tramite perrexit ad ciuitatem Niniue, in qua Casanus tunc residebat, & Casanus regem suscepit honorifice & benigne, & super amissionibus atque damnis regi plurimum est compassus, unde eidem fecit gratiam specialem. Nam sibi concessit mille Tartaros, qui suis expensis semper essent stantes in custodia regni sui. Et de regno Turquiæ præcepit Casanus certam quantitatem pecuniæ regi dare, de qua posset alios mille equites stipendiarios ad suum placitum retinere. Rex igitur accepta licentia, ad regnum Armeniæ est reuersus, & Casanus ei iniunxit, quod prudenter uigilaret circa custodiam regni sui, quousque ad subsidium terræ sanctæ personaliter, dante domino posset ire.

Qualiter Casanus ante mortem suam Carbagandam suum fratrem  
successorem in regno constituerit. Cap. XLV.

R E X I T A Q V E Armeniæ ad terram suam rediit, sed postquam ibi applicuit, parū habuit de quiete. Post hæc uero, sicut deo placuit, Casanus fuit quadam graui infirmitate detentus. Et quia sapienter in uita sua egerat, uoluit etiam ultimo commendari, unde suum sapienter condidit testamētum, & sibi instituit hæredem & successorē Carbagandam fratrem suum. Postquam ordinauit prudenter ea quæ erant ordinanda circa negotiū regni sui & domus suæ, fecit pulchras constitutiones & leges, quas suis dimisit in memoriā, quæ quidem à Tartaris firmiter obseruantur. Post hæc Casanus diē clausit extremū, & successit sibi in regno  
Carbaganda



Carbaganda frater suus. Iste Carbaganda, fuit filius cuiusdam bonæ memoriæ dominæ, quæ fuit uocata Eroclzcaton, quæ fuit in fide Christi deuotissima & fidelis, & quandiu uixit, faciebat sibi diuina officia quotidie celebrari, & tenebat Christianum presbyterum, & sacellum, unde iste Carbaganda fuit baptisatus, & nominatus in suo baptismo Nicolaus, & quandiu mater eius uixit, in fide Christianorum permanfit. Sed post obitum dominæ matris suæ, dilexit societatem Saracenorum, unde fide Christianorum relicta, adhæsit sectæ perfidi Mahumeti. Rex uero Armeniæ de obitu Casani fuit plurimum perturbatus. Nam per hoc inimici fuerunt in magna superbia eleuati. Vnde accidit, quod Soldanus regem habebat ualde exosum, & etiam gentem suam. Nam per totum illum annum fere mense quolibet, Soldanus Babylonæ misit magnam copiam armatorum, qui totum regnum Armeniæ deprædabantur, & præcipue planiciem circundabant, damna multa sæpius inferendo, & sic nunquam scitur regnum Armeniæ tantâ habuisse molestiam temporibus retroactis: sed deus omnipotēs & misericors, qui sperantes in se nullatenus derelinquit, compassus est miserabilibus Christianis. Vnde accidit mense Iulii, ut septem milia Saracenorum de melioribus domibus Soldani, regnum Armeniæ fuerint ingressi, & iuerint omnia deuaftando usque ad ciuitatem Tarsensem, in qua Beatus Paulus apostolus natus fuit. Et cum multa damna intulissent prouinciæ, & redirent, ecce rex Armeniæ suis undique congregatis, Saracenis deprædatoribus obuiauit, & prope ciuitatem Ayatii bellum iniit cum eisdem: sed nutu dei potius quàm bonitate nostra, prædicti Saraceni fuerunt totaliter debellati, quod de illis septem milibus Saracenorum non euaserunt trecenti qui non essent capti, aut diro gladio interempti, licet ferocitate sua crederent inuadere totum regnum, & Christianos regni Armeniæ in uno hiatu gutturis absorbere posse: & hoc actum fuit quadam die dominica X V I I I mensis Iulii. Post illum conflictum Saraceni non fuerunt ausi regnum Armeniæ introire: & misit Soldanus AEgypti, & treugas cum rege Armeniæ iniit & firmauit.

De distinctionibus huius operis, & qualiter habuit  
originem. Cap. XLVI.

E G O V E R O Fr. Haithonus interfui omnibus prælibatis, qui dudum proposueram habitum sumere regularem, sed propter inconuenientia discrimina & ardua negotia regni Armeniæ, cum honore meo non poteram in tantis necessitatibus derelinquere consanguineos & amicos. Vnde postquàm deus sua pietate mihi concessit gratiam dimittendi regnū Armeniæ, & populum Christianum, post multos labores meos in statu pacifico & quieto, confestim uotū quod diu uoueram, uolui adimplere. Accepta itaq; licentia à domino meo rege, & ab aliis cōsanguineis & amicis in campo illo, ubi deus de inimicis triumphum cōcesserat Christianis, arripui iter meū, & perueniēs in Cyprum, in monasterio Episcopæ Præmonstratensis ordinis suscepi habitum regularem, ut qui in iuuentute mea militaueram mundo, in seruitiis dei residuum uitæ meæ, pompis huius seculi relictis, consumerē. Anno domini M C C C V. Gratias igitur ago deo, quoniam regnum Armeniæ hodie est in statu æquo, bono & pacifico reformatum: præcipue per modernum regem dominum Liunum, filium quondam domini Theodori,

Haithonus  
fit monachus



qui tanquam indolis gloriose uirtutibus illustratus, omnibus regentibus est speculum gratiosum. Et firmiter creditur & speratur, quod in diebus istius regis iuuenis, qui bonitate suos antecessores præcellit, cum auxilio dei regnum Armeniæ ad statum pristinum reducetur. Præterea huius operis compilator, ea quæ narrat & scribit in isto libro, tribus modis asserit se sciuisse. Nā ab initio Changii Can, qui fuit primus Imperator Tartarorum, usque ad Mango Can, qui fuit quartus Imperator, narrat ea fideliter, quæ in Tartarorum historiis continētur. A Mango Can uero usque ad mortem Haoloni, ea quæ narrat & scribit, sciuit & audiuit per dominum auunculum suum quod dominum Haithonum regem Armeniæ rescribere fecit, qui præsens fuit illis temporibus, omnibus prænotatis, & cum magna diligentia narrabat hæc filiis & nepotibus, & faciebat redigi in scriptis, ut melius memoriter tenerentur. Ab initio quidem Abaga Can usque ad finem tertiæ partis huius libri, ubi finem capiunt historiæ Tartarorum, sciuit ipse tanquam ille qui præsens fuit, unde de his quæ suo tempore euenerunt, perhibet testimonium ueritati. Et licet hucusque narrauerimus de historiis & gestis Tartarorum, adhuc restat de ipsorum dominio & potentia, præcipue qui nunc uiuunt aliquid referandum, ut melius cognoscantur.

De Tamor Can sexto Imperatore Tartarorum, & de potentia sua,  
& subiectorum suorum. Cap. XLVI.

M A G N V S itaque Imperator Tartarorum, qui nunc tenet imperium, uocatur Tamor Can, & est sextus Tartarorum Imperator: sedem Imperii sui tenet in regno Cathay, in quadam maxima ciuitate, quæ uocatur Ions, quam ædificari fecit pater suus, sicut superius est expressum. Potentia quidem eius est ualde magna, plus enim posset Imperator solus ille, quàm omnes simul alii principes Tartarorum. Gentes istius Imperatoris reputantur nobiliores & ditiores, & sunt melius munitæ necessariis: quoniam in regno Cathay, in quo nunc degunt, diuitiarum multarum abundantia maxima inuenitur. Præter magnum Imperatorem, sunt alii tres magni reges & principes Tartarorum, quorum unusquisque dominium magnum tenet, obediunt tamen Imperatori tanquam eorum domino naturali. Et quæstiones quas inter se habent, ad Imperatoris curiam deferuntur, & per eius iudicium deciduntur. Primus quidem istorum regum uocatur Chapar, alter uocatur Hochtay, & alius Carbanda appellatur. Iste Chapar dominium suum tenet in regno Turquestan, & magis appropinquat genti Imperatoris quàm alii. Potest etiam, ut dicitur, ad pugnam congregare quatuor centum milia equitum armatorum. Homines illi sunt audaces & strenui bellatores, non tamen habent equorum siue armorum abundantiam, sicut necessarium esset eis. Multotiens gens Imperatoris mouet istis guerram, & isti quandoque mouent guerram contra Carbanda & gentem suam. Dominium istius Chapar antiquitus fuit unius domini per magnam partem, qui Doay nomine appellabatur. Hochtay rex Tartarorum, dominium suum tenet in regno Cumania in quadam ciuitate quæ uocatur Sara. Potest etiam, sicut dicitur, congregare ad pugnam sexcentum milia equitum bellatorum: isti non tantum commendantur in facto armorum, sicut gentes Chapar, licet equos habeant meliores. Quandoq; mouent guerram contra gentem Carbanda, quandoq; contra Vngaros, quandoque inter se



ter se rixantur. Præsens uero Hochtay dominium suum tenet pacifice & quicte. Carbanda suum habet dominium in regno Asiæ maioris, & moratur in ciuitate Taurisii: ducere potest ad pugnam tercetum milia equitum bellatorum. Isti sunt à diuersis partibus congregati, diuites sunt, & omnibus necessariis bene muniti. Chapar & Hochtay quandoque mouent guerram contra prædictum Carbanda. Carbanda uero nulli guerram mouet, nisi Soldano AEgypti, cōtra quem sui antecessores sæpius pugnauerunt. Chapar & Hochtay libenter auferrent terram & dominium Carbandæ, si ualerent, sed non possunt, licet potentiores sint eo terris & gentibus, ut dictum est. Et hæc est ratio, qualiter Carbanda potest resistere tantæ potentiæ inimicorum, & defendere terram suam. Asia enim tota in duas partes est diuisa, una enim pars dicitur Asia profunda, & in illa parte habitat Imperator & duo reges superius nominati, Chapar uidelicet & Hochtay. Alia uero pars uocatur Asia maior, & in illa moratur Carbanda sæpe dictus. Tres uia sunt solummodo, per quas itur de profunda Asia ad Asiam maiorem: una uidelicet uia, per quam itur de regno Turquestan ad regnum Persarum. Alia uia est quæ dicitur Ledorbent, quæ uia est prope mare, ubi Alexander construxit ciuitatem uocatam Portam ferri, sicut in historiis regni Cumania plenius continetur. Alia uia est per mare maius, quæ transit per regnum Abcas: per primam uiam non possunt habere ingressum gentes Chapar ad terram Garbanda absque magno discrimine & labore, quia nulla pabula inuenirentur pro equis usque ad plures dietas, quia terra illa est arida & deserta, & antequam possent peruenire ad terras cultas & habitatas, equi totaliter deficerent propter famem: aut essent ita fessi, & uiribus uacuati, quod à parua quantitate inimicorum possent faciliter debellari, & sic uolunt capere illud iter. Ex parte uero de Ledorbent possent gentes Hochtay habere ingressum ad terras Carbandæ sex mensibus anni solummodo: uidelicet tēpore hyemali. Sed Abaga fecit fieri magna fossata, & alia munimenta in quodam loco uocato Ciba, & ibi stat semper, præcipue tempore hyemali, custodia armatorum, qui defendūt transitum ab inimicis. Gentes uero Hochtay toties tentauerunt occulte transire per uiam, sed non potuerunt, uel possent aliqua ratione. Nam in quadam planicie, quæ uocatur Monga, stant in hyeme quædam aues magnitudinis fasianorū, quæ pulcherrimas habent plumas, & uocantur Seyserach, unde quando aliquæ gentes ingrediuntur illam planiciem, statim fugiunt illæ aues, & transeunt per illas custodias & fossata, & illi qui sunt deputati ad custodiam illius loci, per illas aues manifeste cognoscunt inimicorum aduentum, & ad defensionem continuo sunt parati. Per uiam uero maioris maris nunquam attentauerunt ire, quia ibi est regnum Abcas, quod est gentibus & terris bene munitum, & nullā possunt habere fiduciam in eisdem, & hoc modo Carbanda & sui antecessores usque modo defenderūt se à tanta potentia uicinorum. Insuper aliqua dicemus breuiter de modis & moribus Tartarorum.

De fide, uita, moribus & conditionibus Tartarorum. Cap. XLVIII

TARTARI sunt ab aliis nationibus gentium modis & moribus sic diuersi, quod uix posset absq; tædio ipsorū diuersitas explicari. Confitentur enim unum deum esse immortalem, & inuocant nomen dei, aliter uero parū faciūt,

M. i.



quia non ieiunant, uel orationes siue afflictiones faciunt ob dei reuerentiam, siue alia bona opera. Nec dei timore mala perpetrare permittunt Tartari. Homines interficere non reputant esse peccatum : & si dimitterent frenum in equorum suorum ore, quando pascere se deberent, deum crederent mortaliter offendisse. Fornicationem & luxuriam non reputant esse peccatū. Plures uxores ducunt : & oportet secundum consuetudinem, quod filius nouercam suam ducat post obitum patris sui, & frater relictam fratris, & thorum faciunt cum eisdem. Tartari in facto armorum sunt strenui bellatores, & sunt obedientes eorum superiori plus quàm aliæ nationes : & in pugna omnes cito cognoscunt per signa & documenta uoluntatem ducis eorum, unde absque magno labore Tartarorum exercitus ab illis qui præsidet gubernantur. Dominus Tartarorum nulla stipendia dat eis, inò oportet quod uiuant de prædiis & uenationibus quas acquirunt : & si uellet dominus, posset ab eis auferre quicquid haberent. Quando Tartari equitant, secum ducunt magnam copiam armatorum, & de lacte equorum pocula sumunt, & carnibus uescuntur, & illas reputant ualde bonas. Tartari in equis sunt agiles, & sagittarii ualde boni : pedites nesciunt incedere nisi pigre. Tartari sunt sagaces & ingeniosi ad expugnandas ciuitates & castra, & semper uolunt habere prærogatiuam contra suos inimicos. In pugna nec uerentur fugere, si fuga proffit. Hanc habent Tartari prærogatiuā in campo belli existentes, quia si eis placuerit, præliabūtur : & si uoluerint prælium euitare, aduersarii cum eis non poterunt dimicare. Pugna Tartarorum est ualde periculosa, quia in uno conflictu Tartarorum moriuntur plures & uulnerantur, quàm in uno magno prælio alterius nationis, & hoc accidit propter sagittas, quas iactant cum arcubus fortiter & directe : & sunt in arte sagittandi ita periti, quod sagittæ eorum ferè armorum penetrant omne genus. Quando debellantur, fugiunt omnes simul per tûrmas & acies ordinati, & ualde periculosum est illos sequi, quoniam retrograde sagittas iaciunt fugiendo, & homines & equos uulnerant & occidunt. Exercitus Tartarorum non est magnæ apparentiæ, quia omnes simul congregati incedunt, ita quod acies mille Tartarorum, quingentorum apparentiam uix habeat. Tartari curialiter hospites suscipiunt, & cibum libenter diuidunt cum eisdem, & uolunt sibi per uiam similem responderi, alioquin accipiunt uiolenter. Tartari sciunt occupare alienas terras, sed ipsas nesciūt custodire. Tartari quando sunt debiliores, efficiuntur humiles & benigni : & quando sunt fortiores, sunt pessimi & superbi. Tartari nolunt quod coram eis aliquis mentiatur, & ipsi libentissime mentiūtur : in duobus tamen mentiri nesciunt, in facto armorum uidelicet, quia nullus erit ausus de probitate quam non fecerit, se iactare, aut negare si fecerit utilitatem. Aliud est, quod qui scelus aliquod fecerit, de quo etiam debeat condemnari ad mortem, interrogatus à domino, ueritatem continuo confitetur. Et hæc de Tartaris dicta sufficiant, quia longum esset mores ipsorum per omnia enarrare.

De conditione quam habere debet bellum incepturus.

Cap. XLIX.

R A T I O postulat & requirit, quod quicumque contra suos inimicos guerram mouere intendit, debeat quatuor præuidere. Primo, quod iustam causam habeat



habeat guerram cum suis aduersariis inchoandi. Secundo, considerare debet posse suum, utrum sufficiat in expensis & aliis necessariis ad guerram manu tenendam, & ipsam sine debito terminandam. Tertio inuestigare debet sapienter inimicorum intentionem & statum. Quarto guerram debet inchoare tempore competenti. Ego uero Fr. Haithonus, qui ex mandato summi pontificis sum de hac materia loquuturus, dicere possum, quod Christiani iustam habent causam guerram mouendi cum filiis Ismaelis, quoniam hæreditatem eorū obtinent occupatam, uidelicet terram sanctam, & sanctum sepulchrum domini nostri Iesu Christi, in quo fuit origo fidei Christianæ, & alia sancta loca Christianis plurimum reuerenda. Insuper propter atroces iniurias, & nimium horrenda opprobria, quæ cum multa nostri sanguinis effusione Agareni intulerūt Christianis, temporibus retroactis, & etiam propter alias rationes & causas uarias & diuersas. De potentia uero dico, quoniam nemo debet penitus ignorare, quia sacrosancta Romana ecclesia, quæ totius orbis est domina & magistra, potentiam habet cum congregatione regum & principum Christianorum, & fidelium crucisignatorum, terram sanctam eruendi de seruitute inimicorum fidei Christianæ, qui peccatis nostris exigentibus illam detinent occupatam. De cognoscendo uero statu inimicorum, hocque de tempore competenti, in quo guerra debeat inchoari, oportet prolixius aliqua enarrare. Nam sicut bonus medicus, ut ad conualescentiā ægrum perducatur, causam debet ægritudinis perscrutari: Ita decet prouidum bellatorem, inimicorum inuestigare conditionē & statum, ut guerram possit incipere prouide & audacter, & illi finem laudabilē imponere. Sapienti enim & strenuo duci, nihil debet esse occultatum de potentia inimici, quoniam præuisa non lædunt, & improuisa consueuerunt sapius animos perturbare, præcipue in bellorū discrimine, ubi loci uel temporis spatium non habetur periculis occurrere tam paratis. In omni enim opere potest correctionis medela facilius adhiberi, quàm in pugna, in qua poena errorem cōtinuo sequitur. Vt igitur de his quæ dicturi sumus, super passagio terræ sanctæ clarior intelligentia adhibeatur, aliqua narrabimus de statu & conditione terræ Aegypti, de exercitu Babyloniz, & potentia inimici.

De conditōne regni Aegypti & Soldani potentia.

Cap. . I.

**SOLDANVS** ille, qui regnorum Aegypti & Syriæ hodie obtinet principatum, uocatur Melomaser, & de natione Cumanorum extitit oriundus. Milites sui exercitus sunt de diuersis partibus & nationibus cōgregati, quia habitatores illarum partium in facto armorum nihil penitus sunt ualentes, unde oportet, quod de alienis gentibus eius potentia roboretur. Potentia quidem Soldani peditum armatorum est modica: equitum uero est plurimum copiosa. Maior pars exercitus Aegypti, sunt serui empti pretio, quos mali Christiani sæpe portant cupiditate lucrandi, aut in præliis acquisiti, quos compellunt eorum sectæ & fidei adhærere. Et illi qui empti pretio pecuniæ extiterunt, chariores sunt & habentur, & plus aliis honorantur. Soldanus Aegypti semper est timidus & suspectus, ne gens sua in eius præcipitium aliqua machinetur. Sunt enim illi serui talis naturæ, quod semper aspirant ad dominiū occupandum, & ob hanc causam plures Soldani gladio perierunt. Potentia exercitus Babyloniz circa

M. ii.



uiginti milia potest esse equitum, ex quibus sunt aliqui in arte armorum periti & strenui bellatores, maior tamen pars illorū magni pretii non habetur. Quando Soldanus equitat & gens sua, magna & multa arnesia secum trahunt, & onera camelorum, equos pro armis habent satis bonos, & equas satis agiles ad currendum: non tamen possent magnos sufferre labores, & mularum & roni-morum copiam non habent. Exercitus Soldani est promptus ad seruitia & paratus, quia milites habitāt omnes simul in ciuitate Chayri. Conditio uero ipsorum est talis, Quia unusquisq; habet stipendia sua de quibus uiuit, quæ summa centum & uiginti florenos annuatim uix excedunt, & oportet tenere tres equos & unum camelum. Et si forte Soldanus AEgypti extra regnum duceret gentem suam, aliquid daret sibi si uellet de gratia speciali. Milites uero istos dat Soldanus regendos proceribus suis, quos nominat Amurates, & dat alteri centum alii ducentos, plus uel minus, sicut eis placebit, & quantum ascendunt in summa stipendia militum, quos concefferit Amurato, tantundem dabit Soldanus Amurato pro sua persona, & soluit sibi etiam stipendia militum quos tenebit: unde illi, quem Soldanus uoluerit ad magna promouere & honorare, dat plures milites ad tenendum. Secundum uero ordinem prætaxatum, magna fit Soldano derogatio seruitiorum & defectus, quia Amurates emunt seruos pretio pecuniæ, & ponunt illos ad stipendia, & in numero militum armatorum, aut ponunt ad seruitia gentem parui pretii, quibus concedunt equos & arma, & pro suis stipendiis dant eis aliquid, & residuum totum conseruant, unde in multis talibus pauci inueniuntur, qui sint ad arma ualentes.

De potentia Soldani in regno Syriæ.

Cap. L I.

P O T E N T I A uero Soldani in regno Syriæ circa quinque milia militū potest esse, qui de terris & redditibus uiuunt. Habet etiam Soldanus magnam copiam Beduinorum & Turquorum, qui sunt aduenæ & forenses, de quibus magnum habet iuuamen, præcipue ad obsidendum ciuitates & castra, quia secum uadunt sola intentione aliquid acquirendi. Ad alia uero seruitia non posset Soldanus illos trahere absque stipendiis, & si forte uellet illis uiolentiam inferre, ipsi recederent sine mora, Turquiniani uidelicet ascenderent magnos montes, & desertum Arabiæ peterent Beduini. Aliquos etiam habet Soldanus pedites sagittarios in terra de Malbecz & circa montem Libani, & in terra Assassinorum, qui etiam ad castra & ciuitates obsidendas, seruitia magna præstāt, sunt enim Christianæ fidei inimici, ualde ingeniosi ad ciuitates capiendas & castra, quas capere sciūt per machinas, arcus, balistas, ignes inextinguibiles, meatus subterraneos, & alia diuersa genera insultandi.

De regno AEgyptiorum, qualiter de gente in gentem translatus est.

Cap. L I I.

I M P E R A T O R Græcorum consuevit terræ AEgypti dominium obtinere, & per duces & rectores terrā illam regebat, qui redditus colligebāt, & Imperatori Constantinopolim transmittebāt, & curauit dominium Græcorū usq; ad annos domini D C C I I I. AEgyptii uero nequeuntes pati dominiū Græcorum, à quibus mirabiliter grauabantur, reddiderūt se Saracenis, & elegerunt dominum super eos quendam de progenie Mahumeti, quem uocauerunt Caliph, & tenuerunt.



& tenuerunt isti dominium Aegypti, annis CCCXLVII. Postea uero amiserunt dominium, & Medi, qui Cordins uulgariter appellantur, dominium occupauerunt, sicut clarius inferius exprimetur. Anno domini MLIII bonæ memoriæ Amanricus rex Hierosolymitanus cum omnibus Christianis quos potuit congregare, ingressus fuit terram Aegypti, & plures acquisiuit ciuitates & uillas. Caliphus uero uidens, quod non poterat resistere Christianis, misit nuntios ad Soldanum Halappi, implorans subsidium ab eodem, unde Soldanus Halappi, qui sectam sequebatur Caliphi, misit ad subsidium Caliphi quendam suum ducem, qui uocabatur Xacaron cum magna copia armatorum, qui tantum fecerunt, quod de regno Aegypti fugauerunt Christianos, & recuperauerunt terras quas occupauerant Christiani. Post hæc quidem accidit, ut uideret terram Aegypti diuitiis opulentam, & Caliphi potentiam quasi nullam, ad illius terræ dominium aspirauit: unde cepit Caliphum personaliter, & illum carceri mancipauit, & regnū Aegypti inuasit uiriliter, & ipsum dominio suo subdidit, & constituit se dominum & Soldanum. Iste Xacaron fuit de regno Medorum, de natione Corasminorum, & fuit de natione sua primus dominus in Aegypto. Post obitum uero Xacaron, successit sibi in dominio quidam filius suus nomine Soladinus, & tantum creuit potentia istius Soladini, ut ipse regem Hierosolymitanum & Christianorum potentiam debellarit, & ceperit uiolenter sanctam ciuitatē Hierosolymitanā, & alias plures terras. Et post obitū istius Soladini fratres sui & nepotes successiue Aegypti dominiū tenuerunt usque ad tempus cuiusdā Soldani, qui uocatus fuit Melecşala. Iste Melecşala dominabatur in Aegypto tempore illo, quo Tartari subiugauerunt regnum Cumanorū. Et audiens qualiter Tartari pro modico pretio uendebant Cumanos quos ceperant, misit cum magna summa pecuniæ per mare mercatores, & fecit emi de iunioribus Cumanis in maxima quantitate, qui fuerunt deportati in Aegyptum. Melecşala multum dilexit Cumanos quos emerat, & ipsos fecit cum magna diligentia enutrirī, & in arte equitandi, sagittandi, & arma tractandi illos instruxit, & magnam gerens fiduciā penes seipsum detinuit, quodāmodo omnes alios elongando. Et eo tempore quo B. Ludouicus rex Francorum bonæ memoriæ transfretauit, & Christiani nominis amore fuit carceribus mancipatus, prænominati serui empticii Cumanī interfecerunt Melecşala eorum dominū & Soldanum, & constituerunt eorum dominum quendam ex ipsis nomine Turquinianum. Et ob hanc causam rex Franciæ & frater suus qui Saracenorū carceribus trudebantur, fuerunt redempti & facilius liberati, & hoc modo ceperunt prædicti Cumanī in Aegypto primitus dominari, & uocatur ista progenies Cumanorum in partibus orientis Capchac. Post paucos uero dies quidam alius ex prædictis Cumanis nomine Cathos, prædictum Turquinianum gladio iugulauit, & fecit se dominum & Soldanum, & uocatus fuit Melecmees, & iste Melecmees debellauit Guiboga capitaneum Tartarorum, quos in custodia regni Syriæ dimiserat Haolonus, Cūque Melecmees ad Aegyptum rediret, quidam alius Cumanus nomine Bandecar, ipsum interfecit in uia, & se constituit dominum & Soldanum, & fecit se uocare Melecdaer. Iste fuit sagacissimus, & in facto armorum strenuus, atque audax, & suo tempore multum cre-

Rex Franco-  
rum in carce-  
re coñiectus.



uit Saracenorum potentia in Aegypto, & in regno Syriæ, & multas occupauit ciuitates & castra quas Christiani tenebant, & iste cepit nobilissimam ciuitatem Antiochiæ anno domini M CCLXVIII. Et postmodum regno Armeniæ intulit multa damna. Tempore uero istius Soldani Melecdaer, transtulit se ad partes Syriæ rex Angliæ bonæ memoriæ, dominus \* quem Soldanus interficere cogitauit per quendam Assassinum, qui ipsum regem uulnerauit gladio ueneno, sed per dei misericordiam & per multos labores ad conualescentiam est deductus. Post hæc fuit idem Soldanus Melealzdaer ueneno potatus, obiitque in Damasco. Post obitum uero Melecdaer factus fuit Soldanus filius suus Melec-fayt, sed confestim quidam alius Cumanus nomine Elfi, deiecit ipsum de sede & constituens seipsum dominum & Soldanum, illum fugauit extra regnum Aegypti. Prædictus Soldanus Elfi ciuitatem Tripolitanam obsedit anno domini M CCLXXXIX, & uiolenter occupauit eandem.

De ciuitate Acon, qualiter à Christianis sit amissa.

Cap. LIII.

A N N O uero sequenti prædictus Soldanus Elfi congregauit undique posse suum, & egressus fuit de Aegypto, intendens obsidere ciuitatem Acon, & dum in quodam ameno loco requiesceret quadam die per quendam seruum suum, quem totius exercitus sui constituerat ducem & rectorem, fuit ueneno potatus: qui dum crederet dominium usurpare, fuit continuo per alios frustatim cæsus, & factus fuit Soldanus filius Elfi, qui uocatus fuit Melatafferaff, & ille fuit qui cepit nobilem ciuitatem Acon, anno domini M CCXCII. Postquam uero prædictus Soldanus Melatafferaff rediit in Aegyptum, & quadam die iuisset uentum, per quendam seruum suum fuit in nemore interfectus, qui dum crederet se futurum Soldanum, fuit statim ab aliis detruncatus. Postea uero fecerunt dominum ac Soldanum illum, qui hodie est Soldanus, qui uocatur Melechnaser, qui fuit frater Melatafferaff, superius nominati. Et quia iste Melechnaser erat ualde iuuenis, datus fuit sibi baiulus & tutor quidam nomine Guiboga, qui fuit Tartarus natione, & fuerat seruus emptitius patris sui. Iste Guiboga usurpauit dominium, & Soldanum iuuenem posuit in quodam castro Crac de Monreal, eidem faciens necessaria ministrari. Iste Guiboga fecit se appellari Melechadel. Tempore uero istius Guiboga, fuit in regno Aegypti tanta rerum uictualium caritas, quod omnes Saraceni fame defecissent & penuria, sicut canes, nisi forte aliqui fuissent Christiani, qui eisdem multa uictualia detulerant cupiditate lucrandi. Post hæc autem Guiboga prædictus, qui fecerat se Soldanum, intellectis rumoribus de aduentu Tartarorum, congregauit exercitum suum, & uenit ad regnum Syriæ, ut terras à Tartaris tueretur. Iste Guiboga honorabat & diligebat multum homines suæ nationis, unde Cumani per inuidiam sibi dominium abstulerunt, & fecerunt Soldanum quendam ex ipsis nomine Lachim, & iste fecit se nominare Melechnaser. Iste Lachim noluit destruere Guiboga, qui eius extiterat socius & amicus, imò dedit sibi dominium cuiusdam terræ, quæ uocatur Sarfac, & ciuitatem Hamac: inhibuit tamen sibi, ne staret in regno Aegypti. Præfatus uero Soldanus Lachim stetit in castro Cayri per triennium, nec fuit ausus inde exire præ timore suorum, nisi forte quadam die quod descendit ad planiciem causa

Mons regalis  
vulgo  
Crac.



causa ludendi, & tunc equus cecidit sub eo, & fractum fuit crus eius. Finaliter cū luderet ad ludum Scachorum, quidam ex seruis illius arripuit ensem Soldani, & percussit eum in capite & occidit, sed intersector fuit ab aliis continuo detruncatus. Post hæc fuerunt in magna discordia Saraceni de Soldano & domino eligendo. Demum uero posuerunt in sede domini Melechnaser iuuenem superius nominatum, quē Guiboga posuerat in castro mōtis Regalis, ut superius est expressum. Et iste Melechnaser est ille Soldanus, quem Casanus debellauit in campo, & qui regnat hodie in AEgypto. Parcatur mihi, si prolixius quā deceret, uerbū tenui de Cumanis, qui sunt serui empti & uenditi, & de Soldanorū eorum natione, qui sæpius inter se occiduntur. Nam hoc feci, ut clarius demonstrarē, qualiter non possunt stare longo tempore, qui talem aduersitatē incurrāt quod non possent egredi de AEgypto, nec ad partes alias cum exercitu se transferre.

De situ & conditione regni AEgypti. Cap. LIIII.

REGNUM AEgypti est ualde locuples & amœnum, longitudo eius per quindecim dietas extenditur, & per tres solummodo latitudo. Istud regnum est quasi insula à tribus partibus deserto & sabulo circumdatum, & ex alia parte habet mare Græciæ. Ex parte orientis uicinum est regno Syriæ magis quā alteri terræ: ueruntamen inter unum regnum & aliud est iter octo dierum, semper per sabulum incedendo. Ex parte occidentis habet quandam prouinciam Barbariæ, quæ uocatur Bārtat, sed inter unam terram & aliam, est desertum quindecim dietarum. Ex parte uero meridiei est regnum Nubianorum, qui sunt Nubiani. Christiani, & sunt nigri sicut pix propter solis æstum, & inter unam terram & aliam est desertum Aranæ duodecim dietarum. In regno AEgypti sunt, quinque prouinciæ, prima & maior nominatur Sayt, alia Demesor, tertia Alexandria, quarta Resit, & ista quidem est insula, & fluminibus circumdata. Quinta uero dicitur Damiata. Maior ciuitas regni AEgypti uocatur Chayre, & est ualde magna ciuitas & diuitiis repleta, & ibi prope est quædam alia antiqua ciuitas, quæ uocatur Meser, & illæ duæ ciuitates situm habent supra littora fluminis, quod labitur per medium AEgypti, quod uocatur Nilus, & in Biblia Geon nominatur. Istud flumen est utilius flumen quod ualeat reperiri, irrigat enim omnes terras per quas labitur, & illas facit fertiles & amœnas: per istud flumen potest uenire nauigium, quod ualde est profundum, abundantiam habet bonorum piscium, & posset per omnia commendari, nisi esset quod quædam animalia resident in eodem, quæ ad similitudinem sunt draconis, & deuorāt equos & homines, & alia quæcunque animalia in flumine si illa inueniant, & etiā super ripam, & ista animalia Cocatrix uulgariter appellantur. Istud flumē semel crescit in anno, & incipit crescere à medietate mensis Augusti, usque ad festum B. Michaelis, quotidie augmentando: & quando est in perfecto augmento, tunc homines primo dimittunt aquas discurrere per meatus & riuulos ordinatos, & omnes terræ fructiferæ irrigantur, & XL diebus stat aqua supra faciē terræ. Deinde incipit decrescere & siccari, postea semina seminantur, & crescunt solummodo per irrigationē fluminis, quia in partibus illis non pluit, ita quod uix hyems cognoscitur ab æstate. Insuper habitatores terræ AEgypti posuerunt quandam columnam marmoream in medio fluminis ante ciuitatem Meser, & in illa columna se

M. iiii.

Nili descriptio Hebraice.

Crocodili,



cerunt signa, & quando flumen crescit usque ad perfectum augmentum, respiciunt illa signa columnæ, & si aqua creuerit usque ad summum signum, tunc sciunt se habere fructuum ubertatem, si uero minus creuerit, sciunt per illa signa, quod contrarium debeat euenire, & secundum hoc pretia rerum imponunt. Aqua ipsius fluminis est sanissima ad bibendum. In regno Aegypti sunt duo portus maris, uidelicet Alexandria & Damiatæ: ciuitas Alexandriæ est bene munita, & circumdata muris fortissimis. Aquam uero quam bibunt ciues Alexandriæ, uenire faciunt de flumine Nili, per quendam meatum subterraneum & occultum, & implent multas cisternas quas habent in ciuitate ordinatas. Aliam uero aquam non habet, de qua possent bibere præter illam, unde si auferretur ciuibus illa aqua fluminis, non possent diutius permanere. Altera uero ciuitas Alexandriæ esset difficilis ad expugnandum uiolenter, ciuitas Damiatæ sita est super flumine Nili, & antiquitus fuit circumuallata ambitu murorum, sed capta fuit bis per Christianos, semel uidelicet per regem Hierosolymitanum, & alios Christianos partium orientis, & alia uice per Beatum Ludouicum regem Franciæ, pro cuius redemptione Saracenis fuit postmodum restituta, unde diruerunt illam Saraceni, & transposuerunt illam longe à flumine & à mari, nec ibi fecerunt muros, siue alia munimenta, & uocant terram illam nouam Damiatam: uetus uero Damiatæ est sine habitatione totaliter derelicta. De portubus uero Alexandriæ & Damiatæ, Soldanus recipit magnos redditus à mercatoribus, & aliis multis modis. Terra Aegypti dat omnium frugum & fructuum ubertatem, & optimam chacharam in maxima quantitate: uinum modicum, tamen bonum, & odoriferum ualde. Saraceni non audent uinum bibere, quia eis inhibitu est lege. Carnes castinas, hoedinas, gallinaceas, & uolatilia satis habet, modicum de bouinis, tamen camelos comedunt loco bouum. In regno Aegypti degunt simul cum Saracenis quidam Christiani, qui uocantur Rapti. Ritum tenent Iacobitarum, & multas habent in illis partibus Abbatias, quas libere tenent, & sine censu, & illi sunt antiquiores habitatores terræ Aegypti. Nam Saraceni ibi habitare coeperunt, postquam illius terræ dominium occupauerunt. Res uero quæ deficiunt in Aegypto, quibus maxime indigent Saraceni, nec alias habere possunt, nisi ab extraneis partibus deferantur, sunt ligna, pix, ferrum, sclauus, & serui empti, de quibus eorum exercitus roboratur, & oportet quod prædictæ res deportentur per mare, & sine ipsis stare non possunt. In toto regno Aegypti non est ciuitas siue castrum, seu alia terra munita murorum ambitu, præter ciuitatem Alexandriæ, quæ fortis est, & præter castrum Chayre, quod posset absque difficultate maxima expugnari, & in illo castro Chayre commoratur Soldanus. Tota terra Aegypti per exercitum militum defenditur & tuetur. Prima igitur die qua exercitus Aegypti debellatus, & equitum potentia conquassata, tota illa terra subiugaretur absque resistentia alicuius.

De tempore competenti, mouendi bellum contra.

filios Ismael.

Cap. LV.

POST QUAM rationabiliter ostendimus iustam causam quam Christiani habent mouendi guerram contra perfidos Saracenos, & sufficienter diximus de potentia sacræ Romanæ ecclesiæ, tractauimus etiam de conditione & statu



statu regnorum AEgypti & Syriae, ac de posse Soldani & gentis suae; ultimo restat aliquid dicere de tempore competenti: breuiter dico ergo, quoniam merito possumus dicere uerbum istud, Ecce nunc tempus acceptabile, nunc tempus salutis: nam nunc est uere acceptabile tempus impertiendi subsidium terrae sanctae quo corda fidelium debent succendi ad passagium terrae sanctae, ut de manibus inimicorum eruatur sanctum sepulchrum domini, origo & fundamenta spei nostrae: nec recolimus habuisse tempus tam acceptabile, tamque salubre, temporibus retroactis, sicut deus omnipotens nunc per suam misericordiam multis indiciis demonstrauit. Primo enim concessit nobis omnipotens & misericors deus pastores, & patrem sanctissimum, qui postquam sedit in sede pontificatus, prouisione diuina, toto mentis affectu, diu nocturne anxie cogitauit, qualiter terrae sanctae subsidium ualeat impertiri, qualiter sepulchrum domini debeat liberari a seruitute inimicorum blasphemantium nomen Christi: unde firmiter est credendum quod deus suos misericordes oculos conuertendo, sibi in terris constituit summum uidelicet pontificem sanctissimum patrem nostrum, cuius tempore acceptabili, diuina fauente clementia, sancta ciuitas Hierusalem sub iugo seruitutis Mahumeti diutius iam detenta, proculdubio erepta, reducetur ad pristinam libertatem. Ecce nunc tempus acceptabile, ecce nunc dies salutis, quo adeo firmiter demonstratur, quod terra sancta debeat liberari de potentia inimicorum. Nam per gratiam Iesu Christi omnes reges & principes Christiani, & Respublicae inter se sunt in statu pacifico & quieto, nec aliqua procella odii uel scandali perturbatur, sicut olim fieri consuevit. Vnde deus omnipotens hoc nobis demonstrat, uolens terrae sanctae misericorditer opitulari. Praeterea omnes Christiani diuersarum partium & regnorum, fide ac deuotione accensi parati sunt, tam humeris quam cordibus figere signum crucis, & ad terrae sanctae subsidium transfretare, non parcendo laboribus, nec expensis, & pro nomine Iesu Christi exponere se & sua uiriliter & feruenter. Ecce nunc tempus acceptabile, quod Christianis a domino demonstratur. Nam potentia inimicorum fidei Christianae, est ad praesens mirabiliter diminuta: tum propter guerras Tartarorum, cum quibus nuper bellando passi fuerunt conflictum, in quo Saracenorum innumerabilis cecidit multitudo, quae nondum potuit restaurari. Tum propterea, quod ille Soldanus, qui regnat hodie in AEgypto, est homo nullius ualoris, & nullius penitus bonitatis. Est etiam aliud, quia omnes principes & Soldani Saracenorum, qui consueuerunt impertiri subsidium & iuuamen Soldano AEgypti tempore opportuno, totaliter deserunt per potentiam Tartarorum, quod non remansit nisi unus, qui dicebatur Soldanus Meredini, cuius etiam posse & dominia redacta sunt sub seruitute & potentia Tartarorum, & ipse personaliter est detentus: unde his temporibus absque magno discrimine & labore poterit recuperari terra sancta, & acquiri regnum Syriae & AEgypti, ac totaliter destrui ac confundi potentia inimicorum impiorum, facilius per gratiam Iesu Christi, quam fieri potuisset multis temporibus iam elapsis. Ecce nunc tempus acceptabile Christicolis a domino demonstratum. Nam Tartari offerent se paratos, Christianis dare subsidium & iuuamen toto posse contra perfidos Saracenos: & ob hanc causam rex Tartarorum Carbanda speciales nuntios destinauit, qui fratris sui Casani uestigiis inhærendo, offert se



exponere libentissime posse suum ad subuersionem, & totalem destructionem inimicorum nominis Iesu Christi. Et tempore quidem isto, præcipue cum auxilio Tartarorum terra sancta recuperari posset, & regnum Aegypti absq; magno discrimine faciliter subiugari. Deceret igitur Christianos dare subsidium terræ sanctæ, & absque tarditate. Nam mora ad se trahit magnum periculum & discrimē, uidelicet, ne forte, quod absit, Carbanda Christianorum amicus deficiat, & loco eius resurgat pessimus inimicus, & qui forte adhæreret sectæ & fidei Mahumeti, & per consequens cū Saracenis unanimis deueniret, & hoc posset Christianis ad maximum grauamen & periculum redundare.

De prosperitatibus, & aduersitatibus inimicorum fidei.

Christianæ.

Cap. LVI.

A D H O N O R E M igitur dei & domini nostri Iesu Christi, de cuius misericordia meū spero supplere defectum: Dico quod ad acquirendam terrā sanctam cum minori periculo & labore, oportet quod Christiani terram sanctam ingrediantur, & posse inimicorum inuadant, eo tempore, quo inimici uexari aduersitate aliqua dignoscantur. Nam si prosperitatis inimicorum tempore Christiani hoc facere attentarent, non sine labore maximo & periculis possent perficere uota sua. Quæ uero sit inimicorum fidei Christianæ aduersitas, quæ uero sit prosperitas, breuiter enarrabo. In his quidem consistit prosperitas eorundem, quando uidelicet inimici habent dominum & Soldanum strenuum & sagacem, & talem qui cauere sciat & possit à fraudibus suæ gentis, & absque pauore rebellionis & perditionis suum possit dominium regere & tenere. Item, quando inimici in requie, absque guerrarum uexatione Tartarorum, uel aliorum longo tempore perstiterunt. Item, quando in regnis Syriæ & Aegypti frugum fertilitas est abundans. Item, quando per mare, & per terram uia secure patet, & eis absque contradictione cuiusquam res necessariae abundanter ab extraneis partibus deferuntur. Item, quando treugas habent cum Nubianis & Beduinis deserti Aegypti, nec ab eis modo aliquo infestantur. Insuper quando Turquiniani & Beduini, qui degunt in regnis Syriæ & Aegypti, fideliter obediunt Saracenis. Ex his enim prosperitatibus in tantum inimicorum potentia roboratur, quod non possent de facili subiugari. Sed econuerso, aduersitates possent inimicis accedere multis modis, quando uidelicet infideles suum perimunt dominum & Soldanum, & hos sæpe & sæpius faciunt & fecerunt. Nam postquam illa Cumanorum progenies coepit dominari in Aegypto, sicut superius enarratur, nouem fuerunt Soldani, & domini ordinati: & de nouem eorum dominis & Soldanis, qui fuerunt in Aegypto, usque ad præsens tempus, quatuor fuerunt diro gladio interempti Turquiniani, Cothos, Melec, Asserat & Lachinus, & duo potati ueneno mortifero Benedeclar uidelicet, & Elsinus. Alii, Meleclzlayt & Guiboga, uiriliter exultauerunt: & iste Soldanus Melecnafer, qui regnat hodie in Aegypto, extitit semel pulsus, & adhuc stat in suspendio uita sua, finem sui pessimum expectando. Item, alia inimicis potest aduersitas euenire, uidelicet, quando flumen Nili non crescit, ita quod terras Aegypti posset, ut conuenit, irrigare, quoniam tunc famem & penuriam patiuntur: & hoc eis quod accidit, non est diu: fame enim & inopia tunc periissent Christianæ fidei inimici, &



& regnum AEgypti totaliter dereliquissent ; nisi forent cupidi Christiani, qui eis portauerunt uictualia abundanter . Tunc etiam propter defectum uictualium milites AEgypti efficiuntur pauperes & mendici , & ipsos oporteret equos & arma uendere , & familias minuere propter famem , & sic non possent per consequens recedere de AEgypto . Milites enim AEgypti talis conditionis existunt, quod quando uolunt egredi de regno AEgypti, & ad partes alias se transferre , oportet quod per octo dietas omnia necessaria secum ferant , quia in itinere octo dierum nihil penitus inuenirent , cum sit totum sabulum , quod incedunt : unde si militi deficiat unus equus uel camelus , non posset se à prouincia elongare , & ob hanc causam Soldanus AEgypti taliter impeditur , quod non posset ad regnum Syriae se transferre . Item , quando inimici diutius guerra aliqua uexarentur . Item , magna aduersitas esset inimicis , & multipliciter tædiosa , si per mare eis uiæ taliter arctarentur, quod res quibus carent , & quibus magis indigent ad sustentationem , eorum exercitus non haberent , sicut ligna , pix , ferrum , seruos emptos , de quibus reficiunt eorum exercitum & augmentant , & alias res quamplures , quas habere non possent , nisi ab extraneis partibus portarentur , & sine illis stare diutius non ualerent . Item, quando Nubiani mouerent inimicis guerram , uel etiam Beduini, per hanc enim guerram potentia inimicorum posset taliter impediri, quod ad defendendum regnum Syriae de AEgypto egredi non ualerent . Item, quando terra Syriae deficeret in redditibus per temperiæ temporibus, uel propter guerras Tartarorum, uel alio quoquo modo . Nam si in regno Syriae deficerent uictualia, ita quod exercitus Soldani copiam non haberet, non posset in regno Syriae commorari . Nam ab AEgypto siue alia regione nullum potest ad regnum Syriae deportari, unde inimici nõ possent recedere de AEgypto . Quandocunque ergo inimici ab una quauis aduersitatum prædictarum uexantur, sine dubio essent taliter impediti, quod ad defendendum regnum Syriae, de AEgypto recedere non ualerent: unde Christiani regnum Hierosolymitanũ faciliter occuparent, & possent ciuitates & castra diruta reædificare absq; contradictione cuiusquam, & interea se taliter præmunirent, quod potentiam inimicorum postmodum non timerent .

De primo passagio terræ sanctæ.

Cap. LVII.

PROSPERITATIBVS & aduersitatibus inimicorũ non sine causa rationali superius enarratis, de initio passagii effudi, iuxta meæ paruitalis notitiã deuote & fideliter aliqua explicabo, ad correctionẽ tamen uestræ sanctissimæ sanctitatis . Mihi ergo uideretur pro maiori securitate & cõmodo passagii generalis, quod prius præmitteretur aliqua copiæ militum & peditum armatorum, ad prætendendam & cognoscendam potentiam inimici, cuius codiæ quantitatem sufficientem esse indico in præsentem mille equitum, decem galearum, & trium miliũ militum peditum armatorũ: super his etiam legatus à se de passagio mitteretur, & capitaneus strenuus & fidelis, qui ipsos omnes regerent & fouerent, & feliciter cum eis, dante domino, transfretarent iuxta eorum discretionem & prouidentiam, in insulam Cypri, aut ad regnũ Armeniae applicarent, deinde absq; moræ dispendio ex parte legati, & capitanei ipsius armamenti, per consilium & iuuamen regis



Armenia, nuntii mitterentur ad Carbanda dominum Tartarorum: duo inter cætera requirendo, unum uidelicet, quod per totam terram sui domini faceret inhiberi, ne mercationes seu uictualia siue animalia ad inimicos portarentur. Aliud, quod mittere uellet suorum militum quantitatem in confines Meleti, qui prope terras inimicorum figerent castra sua, & terras Halappi sæpius prædarentur, circuncirca quotidie deuaftando. Nostri quoque peregrini cum fidelibus regis Armeniae atque Cypri, Saracenis guerram mouerent, & tam per terram quàm per mare, impugnarent inimicos, & præcipue conarètur taliter maritima custodire, quod inimicis nihil penitus portaretur. Possent insuper nostri Christiani à nostra insula præmuniri, quæ quidem insula in loco competenti & utili noscitur esse sita, pro commodo galearum. Exinde possent Christiani inimicis inferre non modica detrimenta. Veruntamen modum incipiendi guerram, & terras inimicorum inuadendi, ad præsens dicere prætermitto, quoniam iuxta inimicorum conditionem & statum oportet consilium mutari, & operari consilio sapientum, qui præsentibus his negotiis intererunt. Commoda uero, quæ de isto primo scilicet paruo passagio consequi poterunt, dante domino, Christiani, inferius breuiter describentur.

De commodis primi passagii.

Cap. LVIII.

P R I M V M igitur commodum esset istud, primum passagium poterit taliter ordinari, cum auxilio aliorum fidelium partium orientis, uel etiam Tartarorum, quod nulla dabitur requies inimicis, & incurrere poterunt damna plurima, & etiam detrimenta. Nā si per Christianos & Tartaros guerra moueatur Soldano Aegypti, per terram & per mare, ut superius est expressum, ad defensionem terrarum suarum, Soldanus compelleretur transmittere gentem suam, ut tam terras illas quæ mari sunt propinquæ, quàm alias quæ possent inuadi, faciat custodiri. Si ergo moueatur guerra per Tartaros & Christianos in prædictis partibus Meleti, inde Babyloniae usque ad ciuitatem Halappi, quæ distat per XXV dietas oportebit inimicos uenire ut terras tueantur, & Christianis & Tartaris se opponant. Et illi qui pro isto seruitio transmittentur post modicum temporis spatium erunt taliter fatigati, affecti tædio, equis & expensis etiam denudati, quod nullatenus ibidem poterunt diutius commorari, multis rationibus atque causis, quas exprimere seriatim esset forsitan tædiosum: unde redeuntibus primis ad propria, alii ad terræ custodiam mitterentur: & in tribus uel quatuor mutationibus sic peractis, inimici prædarètur, uacuarentur expensis, & damna incurrerent infinita. Per primum passagium inimici possunt plurimum infestari, uidelicet quod si cum armamento decem galearum passagii, & alias quæ armati poterunt in regnis Armeniae atque Cypri, terræ Saracenorum positæ, prope mare uiriliter inuadantur, de facili poterunt deuaftari, & bonis omnibus spoliari, & Christiani cum galeis ad insulam Anteradensem possent sospites remeare. Vnde oportet Soldanum de Babylonia cum toto suo posse ad regnū Syriae se transferre, ut sufficientem habere posset copiam armatorum, per quos daret subsidium omnibus terris, quæ prope maris littora situm habent. Egressio quidem Soldani de Aegypto, causa ueniendi ad regnum Syriae, eidem esset periculosa, & plurimum damnosa. Periculosa, propter dolum & prodicionem suæ gentis. Tædiosa, quia sæpius



sæpius posset à fidelibus Christicolis infestari. Damnosâ, quia suum ærariû consumeret & uastaret. Vix enim crederetur, si dicerem summam Thesauri quam Soldanum & gentē suam oportet expendere, quotienscunque egreditur de Aegypto. Item per prædictas galeas portus inimicorum & omnes uia maris poterunt taliter coarctari, quod inimici non poterunt habere quicquam de rebus illis, præcipue quibus magis indigent, & sine quibus diutius stare non possent, sicut ferrum, ligna, pix, & serui empti & alia, sine quibus non possent eorum exercitum sustentari, nec ista habere possunt, nisi per mare ab extraneis partibus deferantur. Præterea inimici amitterent redditus portuum maris, qui excedunt pecuniæ magnam summam. Item, si inimici aduersitate aliqua turbarentur, per quam impedirentur taliter, quod de regno Aegypti egredi non ualerent, nec terris Syriæ præstare iuuamen, tunc enim Christianis primi passagii cum auxilio aliarum partium orientis sufficientes essent ad reædificandam ciuitatem Tripolis. Sunt enim in monte Libani Christiani degentes sagittarii, pedites ualde boni circa XL milia uirorum, qui libenter subsidium & iuuamen impenderent peregrinis, qui multoties fuerunt Soldano rebelles, & Saracenis damna plurima intulerunt. Et postquam ciuitas Tripolis esset reædificata. Christiani possent illam defendere & tenere usque ad aduentum passagii generalis, & per consequens possent totum comitatum Tripolis occupare, & hoc caderet ad magnû commodum Christianorum generalis passagii, quia inuenirent ibi portum paratum, ubi possent commodè applicare. Item, si Tartari acquirerent regnum Syriæ, & per consequens terram sanctam, Christiani primi passagii inuenirêtur parati recipere ciuitates & castra, aut Tartaris eas munirent & tenerent. Nam ego qui satis bene noui Tartarorum modum, credo firmiter quod Tartari libenter terras quas acquirerent, custodiendas & tenendas traderent Christianis libere & quiete, & absque censu seu aliqua seruitute. Nam propter æstum in illis regionibus Tartari nullatenus habitarent, unde gratum esset eis plurimû & acceptum, quod Christiani illas terras caperênt & tenerent: non enim præliantur Tartari cum Soldano Aegypti, ut terras occupent & acquirant, cum tota Asia eorum dominio sit subiecta: sed ideo quod Soldanus semper eorum extitit inimicus, & plura eis intulit grauamina, præcipue quando habuerunt guerram cum Tartaris conuicinis, unde ad omnia prædicta negotia inchoanda satis credo sufficere quantitatem superius nominatam, uidelicet milia militum, decem galearum, & trium milium peditum bellatorum. Et uidetur mihi quod in his principiis plura non operarentur plures, etiamsi totidem adderêtur, & expensas plurimum augmentarent. Præterea de isto primo passagio, alia duo commoda sequi possunt. Nam postquam peregrini primi passagii per spatium temporis stetissent in partibus Syriæ, & uidissent conditionē prouinciæ, & nouissent potētiam inimici, & modû etiam præliandi, instruere possent consocios uenientes passagio generali. Item, posito quod Tartari propter guerras, quas forsitan haberent cum Tartaris conuicinis, non possent aut uellent Christianis subsidium impertiri, & quod Soldanus in sua prosperitate persisteret ita quod laboriosum esset nimium eruere terram sanctam de manibus paganorû. Reuerenda S. V. conditione terræ sanctæ plenius intellecta, uisa etiam & cognita potentia pas-



sagii generalis, posset melius discernere quid super his fieri expediret, utrum uidelicet transfretare deberet passagium generale, an deceret tempus magis congruum expectare, & sic posset multa incumbentia discrimina euitari. Insuper si mihi uenia tribuatur, audeo dicere duo uerba, unum uidelicet, quod S. P. V. scribere dignaretur regi Georgianorum qui sunt Christiani, & terræ sanctæ peregrinationibus deuotiores quàm aliæ nationes, mandantes quod peregrinis darent subsidium & iuuamen, credo firmiter, quod ob reuerentiā domini nostri Iesu Christi, & uestræ etiam sanctitatis, libenter & deuote uestrū studerent adimplere mandatum, sunt enim, ut diximus, deuotissimi Christiani, & sunt potentes, & multi atque strenui bellatotes, & regno Armeniæ quodammodo sunt uicini. Aliud, quod S. P. V. dignaretur etiam scribere regi Nubianorum, qui per B. Thomam apostolum ad fidem Christi in AEthiopia sunt conuersi, mandantes quod Soldano AEgypti guerram mouere debeant, & posse suum impediant & infestent. Credo etiam firmiter quod illi Nubiani ob amorem domini nostri Iesu Christi, & ob reuerentiā V. S. terram AEgypti Soldani inuadere conabuntur, Soldano & genti suæ damna & impedimenta plurima inferendo. Et istæ literæ de mandato V. S. procedentes, mandari poterunt regi Armeniæ, qui ipsas faceret transferri eorū idiomate, & per bonos nuntios destinabit. Hucusque deuotissime & fideliter reseraui ea, quæ parua mea notitia sentiebat, super initio passagii & subsidii terræ sanctæ. Nūc uero S. V. obediendo mandatis ad generale passagiū me conuerto, de his quæ expediūt aliqua loquuturus ad correctionē semper S. P. V. De passagio generali. Cap. LIX

GENERALE passagium per tres uias potest arripere iter suum, per uiam uidelicet Barbariæ. Sed de ista uia consulendū relinquo illis, qui statum & conditionem nouerunt illius regionis. Item per uiam Constantinopolitanā, per illam uidelicet, quam tennit dux Godefredus de Bolicino, & alii illius terræ peregrini. Et per hanc uiam passagiū generale usque ad ciuitatē Constantinopolitanam secure, ut credimus, posset ire. Vtius nominatur per Turkiā usq; ad regnum Armeniæ procedendo: uia illa non est libera, nec absq; discrimine peregrinis, propter Turquos qui in partibus illis degūt: posset tamē per Tartaros uia illa securari, & totaliter expediri. Posset insuper Tartari ordinare, ut peregrini de terra Turkiæ haberent uictualiū copiam, & equorum etiam pretii competentis. Alia uero uia est per mare, quæ est omnibus manifesta: unde si per mare uoluerint incedere peregrini, oportebit quod in omnibus portubus eis marinæ naues parentur, & alia bona ligna sufficientia ad passagiū transportandum, & oportet quod in termino prætaxato, & tempore competenti omnes peregrini congregentur ad littora maris, parati naues incendere, & cum dei adiutorio facilliter transfretare: in Cyprum enim poterunt applicare peregrini, ut tam ipsis quàm eorum equis in itinere plurimum fatigatis, requies tribuatur. Postquam uero in Cyprum passagium incolume applicasset per dei gratiam, & per dies aliquos quieuisset, si primi passagii peregrini ciuitatem aliquam firmauissent in partibus Syrianis per breuem uiam, ad illam posset passagium se transferre. Et si forte primi passagii peregrini non firmassent ibi aliquod munimētum, oportebit passagium per regnum Armeniæ arripere iter suum, hoc modo uidelicet, quod



quod peregrini in regno Cypro cum equis suis pacifice requiem sibi darent usque ad festum B. Michaelis, ut infirmitas planicie regni Armeniæ æstiuo tempore euitetur. Post uero festum prædictum ad regnum Armeniæ secure poterunt se transferre, & ibi inuenirent omnia necessaria affluenter. Veruntamen in ciuitate Tarsensi poterunt commodius permanere, quia ibi est abundantia aquarum & pabulorum, & tam de regno Turquiæ, cui uicina est, quàm de regno Armeniæ, equos, uictualia, & omnia necessaria habere poterunt abundanter. Post hæc autem ueris tempore ueniente, passagium poterit per terram dirigere gressus suos, ad nobilem ciuitatem Antiochiæ: quæ distat à regno Armeniæ solummodo per dietam, & nauigium poterit per mare ad portum Antiochiæ applicare, ita quod exercitus terrestris maris nauigio appropinquabit. Obsessa igitur ciuitate Antiochiæ, quæ captiuabitur faciliter, deo dante, peregrini poterunt diebus pluribus requiescere in eadem, & inimicorum terras undique deprædari, ac interea scire & cognoscere in eadem. Sunt præterea in illa regione Christiani sagittarii ualde boni, qui sine dubio ad exercitum Christianorum uenirēt, & multa possent passagio impertiri. Post hæc uero de Antiochia recedentes, peregrini poterunt incedere per littora maris uersus ciuitatem Lyciæ, & illa uia esset breuior & melior, & semper nauigiū exercitui appropinquaret. Veruntamen prope castrum Margati in maris littore, est quidam transitus magnæ genti, plurimum tædiosus, quem quidem transitum si non haberent, possent absque discrimine Antiochiam remeare, & incedere per uiam Feniciz uersus Casaream, per littora cuiusdam fluminis ascendendo, quod flumen Kenel uulgariter appellatur, & per illam uiam inuenirent aquas & pascua, & terras inimicorum abundantes frugibus, uictualibus, & aliis bonis, ex quibus Christiani prædas caperēt, & exercitui necessaria ministrarent, & sic possent per uiam illam ire de Antiochia usque ad ciuitatem Hamam, quæ est ciuitas opulenta, & per potentiam passagii cum auxilio dei faciliter caperetur. Et si forte Soldanus se opponeret Christianis resistendo ne caperent ciuitatem, tunc Christiani in illo loco magnam haberent prærogatiuam si prælium iniretur. Et si per dei gratiam peregrini possent debellare Soldanum, nullam postmodum resistantiam inuenirēt, unde recto tramite possent ire ad ciuitatem Damasci, quæ cum cæteris conditionibus libenter se redderet Christianis. Nam postquam ciues Damasci scirent debellationem Soldani, resistendi audaciam non haberent, imò fauerent in omnibus Christianis, sicut fecerunt Haolono & Casano, qui Damasci dominiū habuerunt absque labore aliquo post debellationem Soldani. Et postquam Christiani occupassent Damascum, residuum regni faciliter obtinerēt. Et si forte Soldanus prælium euitando non ausus contra Christianorum potentiam beliger apparere, Christiani recedentes inde ad Tripolim possint ire, & ibidem in quatuor dierū spatio peruenirēt, ibique etiā posset nauigium applicare, unde posset Tripolitana ciuitas reparari, & magnum possent peregrini habere subsidiū & iuuamen, per Christianos qui in monte Libani sunt degentes. Et per hunc modum ciuitatem Tripolitanam acquirerent & tenerent, deinde possent regnum Hierosolymitanum occupare, cum auxilio domini nostri Iesu Christi.



De societate Christianorum &amp; Tartarorum.

Cap. LX.

DE SOCIETATE uero Christianorū & Tartarorum, uidetur mihi quod aliqua quātitas Tartarorū, uidelicet circa decem milia, possent multa conferre cōmoda Christianis per uias & itinera incedendo. Nam propter timorem Tartarorū Beduini, neq; Turquiniani essent ausi Christianorum exercitui appropinquare. Præterea uictualia & alia necessaria exercitui procurarēt, & uendēda de longinquis partibus deferrent, & inde aliquid lucrarentur. Itē per Tartaros posset inuestigari intētio & conditio inimicorū, quia Tartari sunt agiles ad currendum itinera, bene sciunt unde possunt ingredi & egredi ad eorū liberam uoluntatē. Insuper ad inuadendū inimicos in campo, & ad insultandū ciuitates, castra, seu alia munimenta Tartari necessarii & utiles esse possent, quia ad talia sunt ualde ingeniosi. Si uero Carbāda uel alius loco sui, ingrederetur Aegyptū cum magna multitudine Tartarorū, tunc eorū esset societas euitanda. Nam minus Tartarorū non dignaretur sequi uoluntatem Christianorum, imò uellet quod Christiani suis parerent mandatis. Præterea Tartari sunt omnes equites, & ualde festināter incedunt, unde Christianus exercitus eos sequi nō posset propter peditū comitiua. Insuper Tartari habent talē modum, quia quando sunt debiliores, mirabiliter se reddunt obsequiosos, humiles, & deuotos. Quando uero sunt fortiores, ualde sunt austeri, tumidi & superbi: & non possent stare, quoniam debilioribus iniurias irrogarent, quod quidē Christiani nullatenus paterētur, unde posset per hoc materia scandali pullulare. Sed super his posset tale remedium adhiberi, uidelicet quod Tartari per uiam Damasci, sicut consueuerūt incederent, & per partes illas occuparēt, & Christiani ad regnū Hierosolymitanum dirigerent gressus suos. Et hoc modo inter Christianos & Tartaros cōcors amicitia per utrorumq; distantia seruaretur, & facilius per duos quā per unū totaliter destrueretur potentia inimicorū fidei Christianæ. Vnum insuper reducere audeo ad memoriam P. V. reuerendissimæ, uidelicet quod omnibus modis sagaciter occultetur intētio & consiliū Christianorū, ita quod inimici ignorent Christianorum propositū atq; uelle. Nam quod Christiani noluerunt sua consilia præteritis temporibus occultare, multa dignoscuntur incōmoda incurrisse: & e contra inimici propterea multa sibi incumbentia pericula euitarēt, auferendo Christianis materiam adimplendi eorū uota diutius affectata. Et licet non ualeat occultari fama passagii generalis, quæ longe latēq; diffundetur per orbem, ad nullum tamen potest cadere commodum inimicis, quia eis ab aliquo Saracenorum non potest præstari subsidium quoquo modo. Et multis modis poterit euitari, ne Christianorum uolūtas uel propositum ad inimicorū notitiam deferatur, aliqua uidelicet uelle facere simulando. Illud uero quod Tartari nequeunt sua consilia occultare, ad magnum incommodum eis cessit. Nam Tartari talem modum obseruant, prima quidem luna Ianuarii consilium capiunt super his quæ intendunt facere anno futuro: unde si intendunt mouere guerras Soldano Aegypti, scitur ab omnibus Saracenis, qui continuo Soldano significāt ea quæ Tartari ordinant, & ipse circa hoc conatur apponere remedia opportuna. Saraceni uero bene faciunt, suum propositum occultando, & hoc sapius confert eis. Et hæc dicta sufficiant de passagio terræ sanctæ.

MATHIAE



MATHIAE AMICHOV MEDICINAE DOCTORIS  
ET CANONICI CRACOVIENSIS  
PRAEFATIO.

L I C E T multi fuerint qui orbem & partes eius descripserint, tamē utramque Sarmatiam transsilientes, nihil ferè de ea scripserunt, nisi quod quidam in genere de hac & illa mentionem fecerunt, sed adeo obscure, ut nihil certi hinc colligere possis, quibus figmenta multa & meras nugas immiscuerunt, dum ultra Sarmatiam ad oceanum Septentrionalem campos ponunt Elysios, ubi scilicet aura sit temperatissima, uita placidissima & perpetua, omni referta iucunditate: homines uero multorum seculorum confecti ætate & tædioso grauati senio, sponte sese in oceanum præcipitent, quo miseræ senectutis euadant molestias. Scripserunt quoque illic reperiri terræ nascentia ambrosia, succo prædulci, & odore suauis, quibus homines quasi paradysi fructibus diu in uita conseruentur: itémque terram producere aurum in magna copia, & nutrire griphones, aues horribiles raptu uiuentes, quæ equum cum sessore in altum leuare queant, atque aurum effodi & exportari prohibeant. Aiunt præterea illic solem & lunā cæterasque stellas perpetuo gyranter & lucentes, dies temperatissimas & iucundissimas constituere. Verum hæc omnia conficta sunt, caréntque ueritate. Ponunt etiam moderni scriptores Tartarorum terribilem gentem indigenam esse Asianæ Sarmatiæ, & à seculo Scythiam inhabitantem, cum tamen constet eam esse gentem nouam & aduentitiā à partibus orientis mutatis sedibus, paulo plus ab hinc trecentis annis Asiæ Sarmatiam ingressam, antehac uero incognitam quemadmodum ab initio huius libri indicabo. Sed & montes Alanos, Hyperboreos & Riphæos in orbe terrarum uulgatissimos in illis Septentrionalibus regionibus affirmauerunt, ex quibus nominatissima flumina originem trahere dixerunt, nempe Tanaim Boristhenem maiorem & minorem, atque Volham ingentem fluuium: sed cum id à uero alienum sit, hodierna docente experientia, non sine causa reiicimus quicquid ueteres somniarunt de his montibus & fluminum originibus. Nam scimus & experientia didicimus prædicta tria flumina Volham, Tanaim & Boristhenem maiorem ex Moscouia originē ducere: minorem uero Boristhenem, quem Aristoteles Diaboristhenidē uocat, ex Russia superiori erumpere, & in maiorem Boristhenem transire. Montes autē Hyperboreos, Riphæos & Alanos scimus & uidimus illic non esse, nec dicta flumina ex eis, sed ex planicie terræ scaturire, id quod sequenti libro clarissime indicabimus, nihil nisi quod uerum scimus & experti sumus scripturi. Immutata quidē sunt prisca regionum illorū uocabula, id quod aliis quoque accidit terris & habitationibus, sed nos ea intacta nō præteribimus, indicaturi quid ueteres senserint, quibusque usi sint uocabulis, & in quæ hodie migrarint. Aperuit nobis rex Portugalliæ nauigationibus suis regiones Indicas & Africanas ad meridiē expositas: & rex Poloniæ qui Tartaris & Moscouitis confinis est, indies patefacit nobis per militiā suam plagam Septentrionalem cum gentibus quæ ad oceanum Aquilonis sunt expositæ, & extenduntur in orientem.



MATHIAE AMICHOV DE SAR-  
MATIA ASIANA ATQVE EVRO-  
PEA, LIBRI DVO.

De duabus Sarmatiis in genere.

Cap. I.



ANTIQUIORES duas Sarmatias posuerunt, unam in Europa, alteram in Asia, sibi inuicem cohærentes & contiguas. In Europiana sunt regiones Russorum seu Rutenorû, Lithuanorum, Moschorû & eis adiacentes, ab occidente flumine Vissæ, & ab oriente Tanai inclusæ: harum regionum gentes olim Getæ nuncupabantur. In Asiatica uero Sarmatia, nunc commorantur & degunt plura genera Tartarorum, à flumine Don seu Tanai ab occidente usque ad mare Caspium ab oriente contenta. Horû imperia, genealogia, ritus & mores, latitudoque terrarum, flumina & circumcirca adiacentia in subscribendis explanabuntur.

De ortu & aduentu Tartarorum.

Cap. II.

ANNO domini MCCXI apparuit grandis cometes in diebus mensis Maii, octodecim diebus durans, & supra Poloucos Tanaim ac Russiam gyrans caudamque in occasum porrigens, & aduentum Tartarorum significans: unde sequenti anno gens Tartarorum in illam diem ignota, occiso ut fertur proprio rege David, de submontibus Indiæ, confluxitque pluribus nationibus Septentrionis ad Poloucos uenit. Polouci siquidem fuerunt gentes secundum latus Septentrionale Euxini maris commanentes, ultra paludes Mæotidis, quos alii Gothos appellant. Polouci autem lingua Rutenorum sonant & interpretantur uenatici seu rapaces, quia sæpenumero inuadentes eos spoliabant, & bona ipsorum rapiebant atque abducebant, quemadmodum & Tartari hisce temporibus faciunt. Itaque Tartaris ingredientibus terras Poloucorum, postularunt per ambasiatam, ipsos principes Rutenorum uniuersis copiis & potentiis se adiuuarent, quoniam par exitium & discrimen eos sicut & Poloucos expectaret. Superuenerunt autem & Tartarorum nuntii denuntiâtes ducibus Russiæ, ne immiscerent sese bello & adiutorio Poloucorum, sed potius exterminium eorum tanquam aduersariorum procurarent. Russiæ uero immaturo usi consilio, nuntiis Tartarorû, cõprehensis & occisis, perrexerunt exercitualmente Poloucis in adiutorium, terra marique uidelicet Mscislaus Romanouic cum militia Kiouiensis: Mscislaus Mscislaui cû militia Haliciensi. Item cæteri duces Russiæ Vlodimir, Rurilzouicz: duces Cirneouiens. & duces Smolnenses. Iunctique exercitui omnium Poloucorum peruenerunt in Protolce, & abinde singuli ascensis equis, uenerunt duodecim stadiis ad fluuium Kalcza, ubi iam Tartari castra metati fuerunt, & ilico respirandi spatio non dato, Tartari in eos irruerunt, & contritis ac diffugientibus Poloucis acies Rutenorum disiciuntur, plurimamque cæde peracta binique duces Mscislaus Kiouiensis, & Cirneouiensis captiuantur. Reliqui fugientes (abominabile



(abominabile dictu) à Poloucis sociis, per quorum terrā fugam maturabant trucidabantur. Equites quoque propter equos, pedites propter uestes occidebantur, & in aquis suffocabantur. In illa ergo die Ruteni in pessimum horrendūque inciderunt periculum, quale in terris Russiæ nunquam auditum est. Eaque prima clades extitit quam Ruteni à Tartaris pertulerunt. Msciflaus autem Msciflauic Haliciensis dux dum ad naues fugiendo peruenisset, superatis fluuiis persecutionem Tartarorum ueritus naues abrumpi præcepit, abindēque fugax in Halic pauore & trepidatione plenus peruenit. Vladimirus autem Rurilzouic fuga & ipse saluatus in Kiou perueniens, sedem accepit Kiouiensis. Alia uero omnis multitudo Rutenorum dum ad naues fugiendo peruenisset, & eas abruptas offendisset, in mœrorem uersa, dum undas tranare non posset, fame contabescens illic consumpta est, præter paucos duces & aliquos eorum milites, qui in lembis fluuios traiecerunt. Præterea anno domini millesimo ducentesimo uigesimo octauo, in maxima multitudine Tartari Russiam ingredientibus, uniuersam terram Renesansa uastauerunt, ducem occiderunt, senes & impuberes necauerunt, reliquam multitudinem in captiuitatem abduxerunt, castra incenderunt. Iterum hyeme eiusdem anni uenerunt Tartari in terram Susdalorum, & ea uniuersa uastata, ducem Georgium & filios eius, pluresque alios Susdalorū principes interfecerunt, castrum Rostou incenderunt, captiuos & prædam pro libito abduxerunt. Sequenti quoque anno in Smolnensem & Cirnyeouensem regiones uenientes, eas crudelissima cæde nulli ætati parcentes peruastrauerunt, castra & fortalicia ex quibus duces & milites præ timore fugerant, incenderunt, & onusti captiuorum multitudine in terras suas redierunt.

De crudeli uastatione Poloniæ & Hungariæ per Tartaros.

Cap. III.

POSTPRÆDICTA, Tartarorum horrenda uastatio ex ordine narrationis subnectenda est. Anno domini millesimo ducentesimo quadagesimo primo. Tartari in Russiam uenerunt, & Kiou amplissimam urbem & metropolim Rutenorum magnifice constructam funditus deleuerunt. Habuit siquidem præfata urbs portas & turres firmiter ædificatas, & aliquarum portarum tecta deaurata & splendentia, habuit & usque nunc habet Metropolitanum de ritu Rutenorum seu Græcorum, plurimis Vladicis & Episcopis à Danubio per Moldauiam, Valachiam, Russiam, & Moslzouiam præidentem, in Kiouia iam post destructionem non residentem. Habuit insuper ecclesias supra trecentas ornatissimas, quarū aliquæ in campis inter uepres & arbuta in hanc diem permanent, & stant desolatæ pro latibulis ferarum: ex quibus binæ ecclesiæ, uidelicet sanctæ Mariæ & sancti Michaelis aliquas laminas tecti adhuc tenent deauratas, quas Tartari prædatum uenientes, & inspicientes altum bassina uocant: altum bassina, id est, aureum caput habentes, quia partem tecti deaurati habent. Hac uero tempestate in monte ubi olim castrum Kiouense stabat, Lithuani domini illius loci, fortaliciū amplum de roboribus & lignis extruxerunt & tenent. Itaque tota Russiam cum sua metropoli & Podolia omni quaque pessundata, Bathus Tartarorum Imperator uolens Hungariā ingredi, misit ducem Petam nomine cum magno exercitu uastandum Poloniam. Aiunt

Iziou metrō  
polis Russiæ.

N. iiii.



Poloni Bathum regem Tartarorum Poloniam, Slesiam, Morauiam uastasse. Verior tamen historia eorum, sicut & chronica Hungarorum referunt, Bathum non fuisse in Polonia, sed duces ipsius, qui trucidatis tyrānis & principibus Ruthenorum, receptaque praeda, in oppidum Lublin & Zauichost, uicinisque eorū, reduxerunt eam in Russiam, festinantēque redeuntē, expugnauerunt Sandomiriam cum castro. Illicque occiderunt abbatem Polzrziunicen cum fratribus eius, & magnum numerum utriusque sexus nobilium & ignobilium uirorum ac matronarum ad conseruandum uitam Sandomiriæ collectorum. Inde exeuntes per Vissicam, in Slzarbimiriam uenerunt, & reuertebantur prædam deducturi in Russiam. Dūque statim tenerent ad fluuium Zarna, apud uillam quæ maior Thurslzo uocatur, irruit in eos Vlodimirus Cracouiensis palatinus cū militibus Cracouiensibus. Vbi inter pugnandum omnis captiuorū multitudo diffugiens, in propinquas syluas se recepit: superati tamen sunt pauci à multis, Vlodimirus palatinus Cracouiensis cum suis à Tartaris. Verum strage suorū perculsi Tartari, per syluam Stremech in Russiam recesserūt, & in supplemētum accersitis plurimis Tartaris cum fremitu & ira in Poloniam redierunt, & quia maximum exercitum habuerunt, ad Sandomiriam peruenientes, bifariam diuiserunt eum, minoremque exercitum in Lancitiam, Siradiam & Kuiauiam destinarunt cū principe Cadano, quem Poloni Caydanum nuncupant, qui nullo obice apparente uastauerunt crudelissime illos tractus cædibus atque igne. Maior autem exercitus Tartarorum, cuius ductor fuit Peta Tartarorum princeps uersus Cracouiam iuit, omnem oram transitui propinquam cæde & incendio peruastans. Occurrūt ergo ei in uilla Chmelilz prope oppidum Sidlou, Vlodimirus palatinus, Clemēs Castellanus Cracouiēsis Pacoslaus palatinus, Iacobus Raciborouic Castellanus, Sandomirien. cum nobilibus & militibus Cracouiē. & Sandomirien. & factō conflictu cum una turma Tartarorum, ipsaque attrita pedem referente, & ad alteram præstantiorem turmam sese diuertente, Poloni certamine priori fessi, pauci à plurimis aduerso pectore confossi ceciderunt: reliqui uero in fugam conuersi, per itinera nota euaserunt. Ceciderunt in eo conflictu desiderati Christinus Sullzouic de Nyedued, Nicolaus Vitouic, Albertus Stampotic, Zementa, Grābina, Sulislaus, milites strenui, & alii plures ualidi. Ex quorum strage tantus pavor irrepsit, ut alii in alias regiones fugerent: agrestes uero cum pignoribus & pecoribus in paludes & syluas, & in inuia se conderent. Sed & Boleslaus Pudicus dux Cracouiæ & Sandomiriæ cum Grzimislaua matre, & Kinga coniuge sua primum uersus Hungariam in castrū Piennide prope oppidum Sandecz, postea uero in Morauiam ad monasterium Cisterciē. effugit. Tartari autem post cladem apud Chmelilz peractam, Cracouiam in die cinerum peruenerunt, & eam uacua hominibus inuenientes (omnes siquidem in abdita diffugerant) in ecclesias & domos incendio sæuierunt. Ecclesiam uero sancti Andreæ tunc extra muros Cracouiē. extantem, uallantes oppugnabant, expugnare tamen non ualuerunt, quoniam pluribus Polonis magna ui & fortitudine se & sua illic defendentibus, irritō cœpto recesserunt, & in Vratislauiam perrexerunt, eam similiter ut Cracouiam desertam habitatoribus, sed & conflagratā habitationibus reperientes. Ciues enim Vratislauiē. pauore consternati, ferē omnibus relictis, pretiosioribus



ribus duntaxat festine raptis, fugam inierunt: quod gentes ducis Henrici de arce uidentes descenderunt, & opes cum uictualibus in arcem inducetes, urbem cum tectis eius flammis exusserunt. Et Tartari in urbe nil reperientes, castrum uallarunt, & post aliquot dies obsidione soluentes (ut aiunt) orationibus & lachrymis Cessay prioris ordinis prædicatorum & fratrum eius in castrum admissorū depulsi, recesserunt. Interimque feria secunda pasce Tartaris qui Kuiauiam uastauerunt, superuenientibus simul iuncti in Leguiczam profecti sunt. Dux etenim Henricus secundus sanctæ Heduuus filius per illud tempus illi collegerat gentes & armigeros, tam nobiles quam agrestes maioris Poloniæ & Slesię. Aduenerāt & principes cum suis militibus Myeczlaus Kazimirides dux Opoliēsis, Boleslaus filius Depoldi marchionis Morauię expulsi, qui Syepiolha cognominatus est, & Pompo de Hosterno magister cruciferorum de Prussia cum fratribus sui ordinis, insuper & cruci signati plures. Cūque ex oppido Legnicensi duceret agmina, & ea obequitaret, lapis de summitate ecclesiæ beatæ Mariæ decidit, parūmq; absuit, quin caput ducis Henrici diruperit, quod re uera infauustum omne fuit. Suburbana itaque oppidi Legnicensis prætergressus, quatuor acies instruxit & ordinauit. Primam de cruce signatis uoluntariis, & de auri fossoribus oppidi Goltberclz, aliisque peregrinis militibus: hanc Boleslaus Syepiolla filius marchionis Morauię ducebat. Altera acies fuit militum Cracouiensium & maioris Poloniæ, hanc Sulislaus frater Vlodimiri olim palatini Cracouiensis circa Chmyelilz occisi ductauit. Tertiam aciem gubernauit Myeclaus dux Opoliensis, in qua erant milites Opolienses, & Pompo magister Prusiæ cum fratribus & militia sua. Quartam aciem ipsemet dux Henricus ex præstantioribus militibus Slesię, & maioribus Poloniæ, ac pretio conductis militibus rexit. Totidem erant Tartarorum agmina, sed robore & frequentia pugnatorum præstantiora, ita ut unum agmen eorum omnia Polonorum agmina excederet. In campo igitur qui bonus campus dicitur, porrecto, & in omnes partes lato uterq; exercitus quinto idus Aprilis, aliās feria secunda post octauas pasce conuenit. Primumque cruce signatorum & aurifossorum exercitus cum Tartaris magno impetu congressus, uelut teneræ aristæ à grandine percussæ, à sagittis Tartaricis obtritatus est. Deinde duo agmina sub gubernatione Sulislai militis, & Myeczlai ducis Opoliensis consistentia, pugnare cum tribus Tartarorū agminibus ingressi, ualidam in Tartaris stragem ediderunt, ita ut pedem referrēt, & fugam inirent. Quidam autem celerrimo cursu circa utrunque exercitum discurrens, terribili uoce clamauit, Byegayce byegayce, quod sonat, fugite fugite, Polonis terrorē incutiens. Quam uocem Myeczlaus dux Opoliensis audiens, deserto prælio fugit, & secum magnam partem militum traxit. Quod uidens dux Henricus, ingemiscens dixit, Gorze se nam stalo, id est, peius & moleste nobis accidit. Inducensque suam quartam aciem fortissimorum militum, tres acies Tartarorum à duabus aciebus Polonorum disiectas prostrauit, & in fugam conuertit. Quarta autem acies Tartarorum, & maior omnium cum suo duce Peta superueniens, horribili impetu bellum intulit, & bellum acerrimum inter utrosque durauit, magnaque ex parte Tartaris cæsis, & in fugam spectantibus, quidam Tartarorum uexillifer ualde magnum ferens uexillum, in quo x litera Græca depicta erat, talis x, &



in summitate hastilis imago teterrimi & nigerrimi coloris cum barba proluxa, coepit incantando fortiter caput imaginis quater. Ex quo ilico fumus & nebula horrendi & intolerabilis foetoris in Polonos diffusa est, ut penè exanimati, & inualidi ad bellum redderentur. Clamore itaque horrendo eleuato, in Polonos Tartaricus exercitus conuersus, acies eorum quæ interim integræ erant, dirupit, & eas magna strage affecit. In qua dux Boleslaus filius Marchionis Morauie dictus Syepiollza, & Pompo magister crucifignatorum de Prussia cum multis insignibus militibus necati sunt. Dux uero Henricus coronatus à Tartaris circumfusus est, ut à tergo & fronte caderetur, iamque suis omnibus unà pugnantibus prostratis, ad extremum circa eum non nisi quatuor milites uersabantur. Sulislaus frater olim Vlodimiri palatini Cracouiensis, Clemens palatinus Glogouiensis, Conradus Izonrathouicz, & Ioannes Iuanouicz, qui quanta potuerunt ui & conatu principem Henricum ex prælio educentes, ad fugiendum disponebant: sed ducis equus sauciatus subsistebat. Tartari igitur ne Henricus euaderet, ueloci cursu consequutum cum tribus præfatis militibus, quarto Ioanne Iuanouicz ab eis segregato uallauerunt, cum quibus aliquanto tempore decertabat. Ioannes uero Iuanouicz equum recentem à Roscislao aulico ducali receptum, penetratis hostium cuneis duci administrauit. Quo ascenso dux sequebatur Ioannem Iuanouicz, uiam per medios hostes ei parantem. Ipsoque in cursu uulnerato, & euadente, dux Henricus intercipitur, & tertio circumuallatur: dumque audacissime contra Tartaros dimicaret, & manu sinistra eleuata, Tartarum sibi obuium feriret, ab altero Tartaro lancea sub ascella transfixus, ex equo demisso brachio moribundus defluxit: quem Tartari ingenti strepitu inconditarum uocum facto capiunt, & extra locum certaminis quantum esset geminus balistæ iactus pertractum, framea caput absciderunt, corpusque insignibus omnibus despoliatum nudum reliquerunt. Occisa est in eo prælio multitudo nobilium Poloniae, inter quos clari & insignes fuerunt Sulislaus frater Vlodimiri palatini Cracouiensis, Clemens palatinus Glogouiensis, Conradus Konrathouicz, Stephanus de Virbna, & Andreas filius eius, Clemens filius Andreæ de Peltznica, Thomas Pyotrlozouic, Petrus Kussa & cæteri. Corpus ducis Henrici post cladem in sexto digito sinistri pedis uix cognitum, & repertum per Annam coniugem eius in medio chori ecclesiæ sancti Iacobi apud fratres minores Vratislauie sepultum est. Pomponis uero magistri Prussiae, & militum insigniorum supra expressorum, in eodem monasterio sancti Iacobi Vratislauie corpora tumulata sunt. Boleslai autem filii Marchionis Morauie funus in Lubens in choro conuersorum humatum est, super cætera corpora fidelium in loco prælii sepulta. Ecclesia in hanc diem durans constructa est. Maxima uictoria de duce Henrico & Polonis Tartari potiti, lectis spoliis unicuique interemptorum unam auriculam absciderunt, & nouem saccos grandes ad sciendum numerum occisorum repleuerunt. Ducis autem Henrici capite in longiori hasta erecto ad castrum Legnica (oppidum enim metu Tartarorum exustum fuerat) applicuerunt, mandantes ut duce eorum occiso, castrum eis aperirét. Castrensibus cõuenienter respondentibus, quod pro uno duce occiso plures duces filios occisi haberent. Illi uero circa Legnicz uastatis

Nobiliũ Po-  
lonorum stra-  
ges.



uastatis & incensis uillis, in Othmuchou se receperunt: ubi quindecim diebus stativa continuando, omnem regionem per circuitum uallauerunt. Exinde Ratiboriensem oram adeuntes, in Bolefislzo octo diebus cōmorati, in Morauiam secesserunt, & Venceslao rege Bohemiæ in castris se continente, eam plus quàm uno mense incendiis & cædibus uastauerunt: ab Olomunc septimis castris in Hungariam peruenerunt, & maiori hordæ ipsius Bathi quæ Hungariam intrauerat, sese consociauerunt.

De cruenta uastatione Hungariæ per Bathi Imperatorem  
Tartarorum. Cap. IIII.

BATHI uastata & ad nihilum redacta Russia, Hungariâ cum quingentescentum milibus ingredi contendebat. Resistentem ergo inter montes Sarmaticos, & in clausâ dictæ Russiæ introitum prohibentem, comitem palatinum Hungariæ à Bela quarto rege Hungariæ cum gētibus missum præfatus Bathi obruit & expugnauit, festinanterque exurendo oppida & uillas, ad Titiam fluuium qui uulgariter Cisa appellatur, ex montibus Sarmaticis uersus meridiem in Danubium fluentem peruenit. Et exinde gentes Tartarorū excurrentes, Vatiâ cum sua cathedrali ecclesia uastauerunt & incenderunt. Ad Pest quoque ubi rex Bela quartus exercitum contra Tartaros colligebat, ibant & redibant, aliquando appropinquando, nonnunquam uero fugiendo, prout est mos pugnandi Tartaris. Cūque copiosum exercitum, tam ex nobilibus quàm spiritualibus rex Bela cōdunauerat, aduersus Tartaros procedens ad fluuium Titiam applicuit, & castra metatus est, adhibitâque custodia mille armatorum ad pontem, putabat Tartaros non transire fluuium, quoniam altus est, limosus multum, & impermeabilis. Tartari autem qui multo maiores fluuios transierant, inuento uado Titiam noctu transnatarunt, & in aurora exercitum Hungarorum cum Bela rege eorum undique circundederunt, missisque densis, & quasi infinitis sagittis, uelut cum grando nebulosus ac densus cum fragore descendit, Hungaros perturbauerunt, multos occidendo, plurimos uero uulnerando. Hungari ergo ueluti impræparati, & absque ordine contrauenientes cadebant. Quod alii uidentes, meticulosi clam discedebant & fugiebant. Tartari uero tanquam astuti, sinebant eos per medium sui transire. Vnde Colomannus frater regis sic, & rex Bela quartus tanquam ignoti euaserunt. Reliquos uero conclusos Tartari crudelissime ad unum necauerunt. Inter quos spirituales maiores ceciderunt, Mathias Strigoniensis archiepiscopus, Vgolinus Colocensis archiepiscopus, Georgius episcopus Iauriensis, Reynaldus episcopus Transsylvanienfis & ecclesiæ Nitriensis episcopus, Nicolaus Scibiniensis præpositus uicecancellarius regis, Eradius archidiaconus Bachiensis, magister Albertus Strigoniensis archidiaconus. De aliis autem secularibus nobilibus & ignobilibus ferè infiniti occisi sunt: & qui fugerant consequuti in uis necati iacuerunt. In Pest etiam multi plebei collecti in ore gladii superuenientibus Tartaris perierunt. Rex autem Bela quartus properè fugit ad metas Austriæ, ubi captus & detentus fuit per ducē Austriæ: tandem dimissus ad reginam coniugem suam perueniens, secessit in Slauoniam, illic usq; ad persecutionem Cadan commoratus. Vastata itaq; Hungaria ex una parte Danubii, in hyeme proxima gelato Danubio in partem alteram



penetrauerunt, & sedes inter Iaurinum & Strigonium fixerūt, ubi in hanc diem fossæ & tumuli habitationis eorum cernuntur. Ex quo loco præfatam trans Danubium regionem spoliis, incendiis & occisionibus crudelissime afflixerunt. Cūque in Tartariam secedere proponerent, diuiso exercitu, princeps Cadan aduersus regem Belan in Sclauoniam diuertit. A cuius facie territus rex, ad mare, tandem ad Polam ciuitatem fugit. Cadan autem quemadmodum cum Bathi constituerat, pertransitis & uastatis Bosna, Seruia & Bulgaria, substitit circa Danubium, donec horda Imperatoris Bathi superueniret. At Bathi post discessum Cadan uallauit & expugnauit Strigonium urbem illa tempestate nobilem, cuius incolæ erant uarii mercatores, Alman, Gallici & Italici: & quia thesauros quos Tartari expetebant in terra suffoderant & occuluerant, idcirco omnes neauerunt, nulli sexui nullique ætati parcentes: destructaque Strigonio, secus Danubium transeuntes ad exercitum principis Cadan opperientem & expectantem peruenerunt. Tandem iuxta paludes Mæotidis uia priori in Tartariam abierūt. Tempus autem quo Tartari Hungariam afflixerunt, & multimode uastauerūt, erat ferè biennium.

Quomodo Innocentius Papa quartus misit ad Cham Tartarorum, ne Christianos persequeretur: & quomodo fidem Mahumeti suscepit.

Cap. v.

DISCEDENTIBVS Tartaris tota Europa contremuit, & principes Christianorum timore perculsi, ne redirent consulebant inuicem. Innocentius quoque Papa quartus ex concilio Lugdunensi fratrem Ascelinum ordinis prædicatorum cum pluribus fratribus eiusdem & aliorum ordinum ad eos misit, anno domini MCCXLVI qui per Almanniam & Bohemiam in Vratisslauriam uenit, exceptusque & ueneratus est à Boleslao Slesiae & Vratisslauriae duce. Exinde transiens ad Lancitiam peruenit, à Conrado duce Mazouiae cum suis relictus & hospitatus. Dehinc ad Crocuiam deductus, à Boleslao pudico, genitricisque eius Grimislaua, & à Prandotha ordinario loci benigne suscepti & habitati sunt: pluribus pellibus subtilibus prouisi, supra id quod proprio ære potuerunt emere, quoniam principes Tartarorum sine munere adire nephas est. Tulit autem fortuna, ut esset apud Boleslaum pudicum principem Crocuiæ atque Sandomiriæ, Vasillo princeps Russiæ, nepos matris suæ: huic itaque commendati, in Russiam per ipsum deducti sunt: ad Kiouiam uero uenientes, equos acquisiuerunt pro conditione terrarum Tartarorum ualentes, qui pedibus aquam & pabulum sub niuibz sibi quærent. Tandem ex Kiou procedentes, plures duces Tartarorum pertransierunt donec ad Cham seu Imperatorem Tartarorum applicuerunt. Cui legatione domini papæ Innocentii quarti exposita, postulauerunt ut deum uniuersorum agnosceret atque coleret, & eum quem misit Iesum Christum: utque gentem Christianam crudeli nece quemadmodum fecit in Polonia, Hungaria & Morauia non perderet. Et accepto responso, quod Cham per quinquennium gentem Christianam non inuaderet, per eandem uiam ad dominum apostolicum cum literis Imperatoris Tartarorum redierunt. Habes in speculo historiali Vincentii libro XXXII hanc historiam, quam caute legas necesse est, quoniam in aliquibus superstitiosa est. Post discessum legatorum Christianorum

Vincentii historia fabulosa.



norum superuenerunt legati Saracenorum, persuadentes Tartaris, ut sectam & fidem Mahumeti acceptarent, tanquam faciliorem & tolerabiliorem, uoluptatibus plenam, uirisque belligeris competentior. Christianorum autem religionem confutando dicebant esse otiosum, imbecillum, & idololatrarum imagines colentium. Saracenorum uero legem multis utilitatibus atque uoluptatibus refertam, & cæterarum religionum ui & armis expugnatricem, ut superbos debellaret, humiliatis uero tributum constitueret. Placuit barbaris & ipsi primum Imperatori Bathi & omnibus Tartaris tanquam uiris cordatis audacibus & sensualibus persuasio Saracenorum, ideo illam & non alteram susceperunt. Et cum dicant *Eissa Rocholla*, id est, Iesus est spiritus domini: Mahumet uero *Rof solai*, id est, Mahumet est iustitia dei, noluerunt spiritum dei Iesum benedictum spiritualiter uiuere docentem acceptare: sed iustitiam dei, hoc est Mahumet carnaliter & tanquam bestiam sensualem in spuritiis uolutantem, ab omnipotenti deo iuste in lacu pœnarum die ac nocte cruciandum amplexati sunt. Itaque extunc uelut & nunc Mahumetum uenerantes sequuntur. Pentateucho Moyse obediunt, circūciduntur, & legalia obseruant, campanis carent: sed quotidie lahi illo illoloth, quod in latino sonat, Non est deus nisi unus deus clamant: ingenue se profitentur Ismaelitas, quia de Ismael ortos: Christianos uero *dzintis*, id est paganos, & *gaur*, id est infideles, & sine religione appellant. Celebrant uelut alii Saraceni, tria in anno festa, primum *lzuiram*, id est oblationis pasce in memoriam oblationis Isaac, quando Abraam multarum gentium pater præcepto dei ipsum necare & offerre proposuerat. In isto festo offerunt arietes, aues, alites &c. Aliud festum colunt pro animabus, tunc uisitant sepulchra suorum maiorum, operibus misericordiæ insistant, & alunt pauperes. Tertium festum agunt pro se suæque salute. Pro primo festo rite peragendo triginta diebus ieiunant, pro altero uno mense, pro tertio duodecim diebus.

Religio Tartarorum.

De moribus Tartarorum, & de contentis in terra eorum.

Cap. VI.

TARTARI sunt homines ut frequenter staturæ mediæ, pectore, & scapulis ampli, facie lati, naso simi, colore tetri & deformes, robusti uiribus & fortes, famem, frigus & æstum facile patientes, equitatu ab ineunte ætate & arte sagittandi gaudentes. Omnia sua secum ducunt, uagi & instabiles loco cum uxoribus, pueris atque pecoribus in campis degunt. Ciuitates, uillas & domos non habent. Pro hyeme ad releuandum à frigore, ad mare Caspium diuertunt, quoniam illic ratione maris temperiem aeris inueniunt. Ad æstatem in suam regionem redeunt. Aliqui eorum unam porcā, duas, tresue in longum per iugera tria, quatuor & ultra sulcant, arant, & milio seminant, inde cibos & bairam, id est, pastas faciunt. Non habent frumentum nec aliquod aliud legumen, pecora & pecudes plurimas tenent, præcipue caballos & caballas pro equitatu & uictu ualentes. Incidunt & uulnerant equos, cruoremque & per se & cum milio uorant, carnes pecudum, pecorum & equorum comedunt, etiam semicrudas. Cabalos pridie tum sponte tum morbo mortuos exciso loco apostemato perlibenter comedunt. Bibunt aquam, lac, & ceruissiam ex milio coctam. Aquam Turci & Tartari uocant, *Su*: interdum Tartari dicunt *Suha*, & est aqua. Ceruissia

O. i.



Oponce.

Snalz. animal.

autem miliarem seu ex milio factam, buzam nominant, eandem Ruteni Braha uocant. Laudat lac, praesertim Izomiz, id est acetosum, eo quod stomachum eorum confortet, & medicinam purgatiuam faciat. In conuiuio & cum hospitibus aduenisque bibunt Aralza, quod est lac sublimatum, quod mirabiliter & cito inebriat, Non furantur, neque fures inter se patiuntur, rapto tamen uiuere uicinos spoliando periucundum & deificum est apud eos. Non sunt artificia inter eos nec pecuniae, sed res pro rebus commutant. Verum in horda Zauolhensi, inceperunt aspros, id est argenteos obolos Turcorum accipere & tenere. In horda uero Prelzopeni ducatos acceptant. In horda Nohaislxa res pro rebus dant, iua fri & perfidi sunt exteris, sibi inuicem uero & suis omnibus fidelissimi. Indumenta saepenumero ex filtro & lana alba grosse & plane facta gerunt. Oponce plurimum diligunt, in expressione huius nominis praepouunt literam I, Ioponce, & non oponce nuncupantes, & est pallium album spissum inconsutile pro imbribus & fluuiis bene utile. Terra eorum terra plana & absque montibus, absque lignis & arboribus, graminibus duntaxat abundans. Vias non habent, neque nauigia, sed per dies iter suum computant, ut terra Zauolhensium Tartarorum citissimae equitationis a flumine Volha ad mare Caspium est quasi triginta dierum: equitant una die uiginti miliaria magna Germanica, pedibus non gradiuntur nec itinerant. Ferè apud eos reperiuntur, cerui, damae, dorca, & snalz, quod est animal quantitatis ouis, in terris aliis non uisum, lana grisea, duo parua cornua habens, cursu uelocissimum, & esu carniū eius suauissimum, Et dum grex snalz in aliquo campo inter gramina conspicitur, Cham seu Imperator Tartarorum cum suorum multitudine equestres uadunt, & omniquaque circundant in altissimis graminibus delitescentes. Dumque tympanis incipiunt sonare, tunc snalz tanquam metu percussae, rapidissime hinc atque illinc ab una parte circumstantium ad alteram procurrunt, & iterum atque iterum decursando uadunt, usquequo fatigati deficient, tunc irruentibus Tartaris cum clamore occiduntur.

De finibus & metis Tartarorum Zauolhensium. Cap. VII.

Tartari criniti.

Don fluuius

CLAVDITVR terra Cham & Tartarorum Zauolhensium ab ortu solis mari Caspio seu Hircano. A Septentrione campis longissime latissimeque protensis. Ab occasu fluminibus Tanai & Volha. A meridie partim mari Euxino seu Ponto, partim altissimis montibus Iberiae & Albaniae. Mare Caspium uocant Ruteni Chualens Izemore: & est mare non ab oceano, sed a fluminibus illic defluentibus congestum. Fluunt multa ac magna flumina in aluearium illius maris, de ripis altis impetuose & quasi per saltum ex alto in medium decedentibus, & iuxta ripas sub ipsas transeuntibus iter praebentibus. Vnde fit ut ibi aestate a Persis & Medis refrigerium quaeratur: & in hyeme ratione euaporatorum temperies conflatur. Iuxta illud mare & post ad orientem, ut Ruteni proferunt, sunt Tartari criniti, quos Tartari Calmuchii & paganos nuncupant, quoniam ritum Mahumeticum non colunt, nec crines capitis abradunt, quemadmodum Tartari omnes radunt, praeter adolescentes, qui rasa coma binos radios crinium ab aure dextra, & alium a sinistra usque in brachia prominentes, in signum innubilitatis aut uirginitatis relinquunt. Ab occasu sunt flumina Tanais & Volha. Tanaim Tartari Don appellant, qui secundum fontes suos ex ducatu Resensco



Resensco à duce Moscouiæ occupato uersus Septentrionem fluit. Post flectitur in meridiē, & tribus ostiis paludes Mæotidas ingreditur: imò ipse paludes Mæotidas causat. Sunt iam circa Tanaim arbores pomāq; & alii fructus: sunt & melificia quercina nonnulla, & pauciora de pino. Inde est quod Tartari sanctum Don dicunt: quia iuxta illum, uictum ex fructibus, melle & piscibus reperiunt. Volha fluuius Tartarice Edel nuncupatus, ex Moscouia profluit, ex fontibus septentrionalioribus & occidentaliioribus quàm Tanais: qui cum ad septentrionē flueret, longo Tanaim circulens interuallo, deflectitur in orientem & meridiē, & uiginti quinque ostiis seu fluminibus in mare Euxinum delabitur. Distat Tanais à Volha quinque hebdomadarum itinere: ad minus ueloci cursu triū hebdomadarum equitatione, uel plus. Et est Volha triplo maior quàm Don. Viginti quinque autē partitiones, seu particularia flumina ipsius Volhæ sunt magna: minora autem ex eis sunt tanta, quantus Tyberis Romæ, aut Visla post Cracouiam. Sunt multum piscosi præfati fluuii, ita quod framea Tartari cæterique transeuntes in ripa stando pisces cum aqua decurrentes secant & tollant. Est iuxta hos fluuios Tanaim & Volha Air, id est, calamus aromaticus, qui & brostuorce dicitur, in maxima copia. Ibidem reuponticū, quod Tartari nominant cinireuent, crescit: & cinireuent nomen est Persicum. Itē cucilabuca, uel ut alii exprimunt lzilcabuha: & in latino sonat oculus cornicis: & est multæ calefactionis. De ortu horum fluminum Don & Edel, cum de Moscouia tractauero clarius dicam. Quoties autē Tartari Zauolhenses in terras nostras spoliatum ire uadunt, per hæc & alia flumina absq; nauigio, alligatis sarcinis desuper, coniugibusque & pueris in dorsis equorū sedentibus, ipsimet caudas caballorū tenentes transnāt, & rapinas crudelitātēq; plurimas inferunt. Ad meridiē uersus mare Caspium sunt montes Iberiæ & Albanæ, quos Rutenia gente Piaci-horsci Circaci, quasi quinquemontani Circaci uocant. Inter illos siquidē montes sunt Gazarorum gentes, quas ut Morauica legenda depromit, sanctus Cirullus & Metudius fratres, per Michaelē imperatorem Constantinopolitanum missi, ad fidem Christi conuerterunt, & usque nunc fidem & ritum Græcorum profitetur: sunt homines bellicosi, in tota Asia & AEgypto acceptabiles. Apud hos Tartari Zauolhenses tela comparant. Verum hac ætate Græci illas gentes Abgazari & Abgazeli nomināt, & uicinæ iuxta illos sunt gentes Circassi & Mægrelli, omnes de ritu Græco per beatum Cirullum in fidem Christi reductæ. Inde sanctus Cirullus rediens ex mari Euxino seu Pontico, in quo omnipotens deus mirabilis & gloriosus in sanctis suis, dederat habitaculū & ecclesiam marmoream per manus angelorum sancto Clementi structam, quam singulis annis in festo sancti Clementis & septem diebus, mari recedente & siccato, secum circumfusi incolæ aggrediebantur, sanctum dei uenerando, colendo & extollendo, sustulit corpus sancti Clementis, & in Morauiam prædicaturus Christum dominum secum tulit & asportauit. Deinde Romam euocatus, & per Papam Nicolaum citatus, prædictum corpus sancti Clementis Romam detulit, & in ecclesia sancti Clementis honorifice deposuit. Ipse Cirullus cum Metudio fratre in eadem basilica beati Clementis Romæ sepulti: sed non sunt reperta ossa illorum, quantumlibet summe desiderata in eadē basilica quæsitæ.



Ex montibus Circassorum piacihorflzi, seu quinque montiū fluit magnus fluuius Tirlz in Tartarico nuncupatus, rapidissimo cursu lapides secū uoluens, & multos pisces, in mare Caspium defluit. Post hunc ex eisdem montibus fluuius Cohan, minor quā Tirlz, in prænominatum mare Caspium descendit.

De genealogia imperatorum trans Volham incolentium.

Cap. VIII.

**Q**UATVOR sunt hordæ Tartarorum, totidem imperatores eorundem scilicet horda Zauolhensium, horda Precopensium, horda Cofanensium, & quarta horda Nohacensium, quintāque addunt quæ imperatorem non tenet, & nuncupant eā Cazacca: de his inferius dicetur. Horda in Tartarico multitudinem significat. Principalis ergo horda est Czahadaiorum siue Zauolhensium, quæ Talz Xi, id est capitalem hordam, uel homines principales & liberos sese nominat, tum quia nulli subiicitur, tum quia ab ipsa cæteræ hordæ propagatæ sunt. Ob hoc & Moscouitæ magnam hordam Zauolhensium hordā appellant. Inde etiam imperator eorum Ir Tli Xi lingua ipsorum, hoc est, liber homo dicitur. Dicitur & Vlu cham, quod sonat magnus dominus, siue magnus imperator: Vlu enim magnus, Cham uero dominus & imperator est. Eundē aliqui magnum canem dixerunt, & male interpretati sunt: quia Vlu cham nō significat magnum canem: Cham etenim cum aspiratione dominum & imperatorem: & cam sine aspiratione cruorem & nunquam canem sermone Tartarorum designat. Pro dunt itaque & referunt Tartari, quod quædā uidua concepit & peperit filium nomine Cinglzi, & cum filii ipsius tanquam adulteram necare uoluerūt, finxit & excusauit se non ab homine, sed à radiis solis concepisse. Cui figmento filii credentes matrem liberam dimiserunt. Natus ergo eius Cingos uel Cinglzi, homo fortis humilis, creuit in uirum magnum & fortem: & is fuit primus propagator & sator imperatorum Czahadaiorum seu Zauolhensium. Huius filius fuit Iocucham gentilis & paganus. Iocucham genuit Zain cham tertium imperatorem, qui in orbe terrarū, & maxime in Polonia, Hungaria & Russia dicitur Bathi. Iste destruxit Gothiam & Russiam, & uastauit Poloniam, Slesiam, Morauiam & Hungariam, prout à principio dictum est. Idem Bathi fuit gentilis primum: tandem sectam Mahumeti persuasus cum Tartaris suscepit, quam in hanc diem tenent & sequuntur. Quartus imperator ex Bathi genitus fuit Temir Cutlu, & interpretatur ex Tartarico felix ferrum: Temir felix, & Cutlu ferrum: erat siquidem felix & bellicosus. Iste est ille Temerlanes in historiis celebratus, qui totam Asiam uastauit, & usque ad Aegyptum pertransiit. Iste imperatorem Turcorum Pesaitem primum conflixit, & captiuatum catenis aureis alligauit, & post in breui dimisit. Iste habuit exercitum duodecies centena milia. Fuit & alius princeps Tartarorum eo tempore Acsac Cutlu, quod in Latino sonat claudus, uel claudum ferrum, quoniam claudus erat, sed ferox. Is multa bella feliciter gessit, & ciuitatem magnam in terra Czahadai, id est, Tartarorum Zauolhensium, nomine Cumumedczar, expugnando decertauit, & in solitudinem redegit. Stant domus illius ciuitatis muratæ uacua, & ecclesiæ olim Gothorum trecetæ in ritum Mahumeticum & Mesquitas absq; habitatoribus redactæ. In castro illius ciuitatis fuit sepultura

Horda.

Vlu cham.

Catalogus  
imperatorū  
Tartarorum



pultura imperatorum Zauolhensium. Quintus Imperator ex Temir Cutlu progenitus fuit Temirczar. Iste, ut dicitur, per Vitoldum ducem Lithuaniae & Vladislaum regem Poloniae in auxilium contra cruciferos Prussiae euocatus fortiter pugnans ferro occubuit. Sextus imperator ex Temirczar genitus fuit Macmetczar. Ex isto genitus est Achmetczar septimus Imperator: & Achmet sermone Tartarorum exponitur componibilis. Achmet genuit Sziachmet octauum imperatorem. Sziachmet sonat quasi religiosus achmet: & Tartari cognominant ipsum Sziachmet, quod est martyrizatus achmet: quia per Lithuanos captus detinetur in Couno incarceratus. Iste euocatus per Albertum regem Poloniae, & per Alexandrum magnum ducem Lithuaniae in solatium contra Mendligeri imperatorem Precopensium Tartarorum, anno domini millesimo quingentesimo uenit sub hyemem cum sexaginta milibus pugnatorum: mulieres uero & pueri fuerunt supra centum milia: & quia hyems fuit horrida intensique frigoris, coniunx eius per imperatorem Precopensem clam uocata, frigus & inedia non ferens, in Precopa Sziachmet marito suo cum magna parte exercitus fugit. Itaque Sziachmet militibus diminutus, & intensissimo frigore pressus, per Mendligeri Precopensem oppugnatus, disiecto eius exercitu conflictus est, & cum trecentis equis uersus Baizetum Turcorum imperatorem fugit. Cumque in Bieligrod, quod sonat album castrum iuxta mare ponticum peruenisset, intellexit se captiuandum mandato imperatoris Biazet. Idcirco praepeti cursu retro cum quinquaginta equis fugit, & in campos prope Kiou euasit. Capitaneus uero Kiouensis per exploratores de ipso certior redditus, circumdedit eum cum suis & captiuauit, in Vilnamque Lithuanis misit, unde aliquotiens fugerat, & consequutus, comprehensus & reductus est, Alexandro autem rege Poloniae & magno duce Lithuaniae conuentionem generalem in Bresce Rutenorum agente, aduenit mandato eius Sziachmet ex Vilna, & magnifice per regem Alexandrum ad unum miliare obuiam sibi eunti susceptus est: deinceps in Radom per Polonos, ut reduceretur in Tartariam trans Volham, conductis aliquot milibus armatorum leuis armaturae, decretum est: & ut competentior reductio, & a suis laudabilior susceptio fieret, praemisertunt Cazac Soltan fratrem germanum Szachmet: qui trans Volham peruenit, & cum Albugerim Czar patruo Szachmet in Czahadai terra eorum cognata moratur. Szachmet uero pro expeditione armatorum in Lithuaniam transiens, ad suggestionem Mendligeri Precopensis imperatoris captiuatus est denuo per Lithuanos, & in Couno, quod est castrum iuxta mare Balteum, detrusus ac incarceratus est, uere Szachmet, id est martyrizatus, a suis nuncupatus.

Quod gentes Scythiae inquietae sunt & semper rapaces.

Cap. IX.

NON POSSUNT Tartari in quiete uiuere, quin semper uicinos impetant ac inuadant, praedamque ex spoliis hominum ac pecorum abigant & reportent, & hoc commune est omnibus hordis Tartarorum, ab exordio & ingressu eorum in hanc diem: unde pauca pro multis exemplificando, Anno domini millesimo ducentesimo quinquagesimo quarto, ingens Tartarorum exerci-

O. iij



tus ex multis legionibus conflatus, & per gentes Rutenorum atque Lithuanorū adauctus, cum ducibus Tartarorum Nogay & Thelebuga post festum sancti Andreæ in terram Sandomiriensem aduenit, transiensque per glacies induratas fluuii Vislæ, tam ciuitatem quàm ecclesias eius incendit, castrumq; in quod uniuerfa Sandomiriensium regio cum uxoribus, pignoribus, ac fortunis confugerat cinxit, & illud nocte ac interdiu expugnauit, sed cum non præualuisset duces Russiæ Vasilco & Leo filii Danielis regis Russiæ dolose suaserunt omagium & subiectionem præstituros propter securitatem, quod Sandomirienses fecerunt. Tartari autem fide uiolata clamore ualido & concursu inuecti in castrum omnes crudelibus suppliciis truculentissime enecauerunt, fluxitque sanguis occisorum de colle arcis tanquam quidā riuus in Vislam. Alios uero homines occidere fastidientes, tanquam gregem cumulos in Vislam impulerunt & submerferunt, effusique è Sandomiria Tartari ducatum præbentibus Rutenis, in Cracouiam uenientes, & eam uacua habitatoribus reperientes, in tecta & ualitudinarios sæuierunt, tribusque mensibus grassati nullam resistantiam passi, onusti præda in Tartariam reuersi sunt. Præterea apud Cracouiam puer natus uix semestris (mirabile dictu) articulata uoce Tartaros uenturos & Polonorum capita præcisuros prædixit. Cunctis tremantibus interrogatus, an ipse etiā Tartarorum aduentum timeret, respondit plurimum sese timere, cum inter alios suum caput essent præcisuri. Et ecce sub intensissimis frigoribus & densissimis niuib; ferocissima gens Tartarorum famem sedatura, ducibus Nogay & Thelebuga primum in Lublienses & Mazouia, & post in Sandomiriensium, Sira-diensium & Cracouiensium oras in numero locustarum uenit. A castro & ciuitate Sandomiriensi cum ignominia & strage, militibus qui in præsidio erant, strenue tutantibus repulsi, plures ecclesias, monasteria & munitiones obtinuerunt & incenderunt. Ad Cracouiam autem in uigilia natiuitatis Christi applicantes, & eam expugnare adorsi, aliquot insignes eorum amiserunt, ululatuque edito ab ea discesserunt, & depopulationem cum spoliis longius extenderunt. Dux Lesco niger de uiribus suorum militum diffidens, in Hungariam cū Grifina sua cōiuge secessit. Et Tartari grassantes ad alpes Pannonias & ad Slesiam peruenerunt. Terris itaque prædictis spoliatis, sacerdotibus, lactantibus, & senibus trucidatis, cum ingenti præda hominum ac pecorum abscesserunt, quam apud Vladimiriā Russiæ partientes uiginti unum milia de uirginibus duntaxat nondum nuptis computauerunt: ex quo multitudo cæterorum uirorum & sceminarum poterit æstimari. Eodem ferè tempore Tartari per Cumanos induti, Vngariam cædibus & spoliis usque ad Pest uastauerunt, & in ea ab octaua epiphaniarū usque ad festum Paschæ commorati sunt. Item eodem anno Tartari imperium Constantinopolitanum inuaserunt, & pluribus hominibus trucidatis, multa loca decertauerunt. Vnde ex his liquet, quod Tartari nunquam sine spoliis uiuunt, & quod uicinas gentes turbant & inuadunt, ueluti istis annis Tartari Precopenes sæpenumero Valachiam, Russiam, Lithuaniam & Moscouiam affligunt. Tartari uero Nohaienses & Cosanenſes Moscouiam inuadunt, & spoliis atque cædibus implent.

Quæ gens,



Quæ gens, quæue natio habitet in Scythia. Cap. x.

CVM SINT trecenti & sex anni, quod Tartari ingressi occupauerunt Sarmatiam Asiaticam seu Scythiam, pulsaret forsân quempiam dubitatio, quænam gentes inhabitarent præfatam Sarmatiam Asiaticam, & nunc & priscis temporibus Scythiam appellatam. Ad hoc ex præcedentibus facile est secundum historias respondere, quoniam Gothi illas terras tempore aduentus & ingressionis Tartarorum incoluerunt, à uicinis Polouci nuncupati, quod sermone Sclauorum, Rutenorum & Moscouitarum rapaces & spoliatores sonat: quia tunc Gothi quemadmodum nunc Tartari tanquam canes uenatici uicinas inuadentes nationes molestabant ac spoliabant. Sed altius exordiando dicamus quod secundum Ptolemæum Pheludianum in secundo quadripartiti, angulus Aquilonis Septentrionalis, ubi nunc resident Tartari, est de partitione trianguli signorum septentrionalium aureorum: dominaturque in eo Saturnus cum signo Aquarii, qui reddit præfatum angulum ferocem & horrendum secundum incolas eius: sic enim inquit idem Ptolemæus, Qui in confinibus terrarum Sarmatiæ & terræ Ascardæ cõuerfantur, Aquario & Saturno assimulantur: unde maioris sunt crudelitatis, qualitatésque animarum suarû ferocissimæ. Hæc ille. Malignæ siquidem est influentiæ ille falcifer Saturnus, & humano generi infestissimus, suis contrariis qualitatibus frigiditatis & siccitatis semper contrarius. Ex illo ergo angulo consurrexerunt, & usque in hanc diem insurgunt nationes rigidæ & crudeles, humanum genus perturbantes, secundum quod Hieremias primo capitulo dixit, Ab Aquilone pandetur omne malum super omnes habitatores terræ. Quod cui placeret examinare, manifestissimum & uerum, quia diuinum oraculum, apparebit. Ibi enim historiæ, & Ptolemæus in loco præallegato tradunt mulieres quæ Amazones dicuntur, habitasse, illis temporibus terror mundi: nam fragilitate sexus abiecta, plures terras uexauerunt, Asiâque minorem occupauerunt, & Ephesum famosam urbem construxerunt. His deletis & exterminatis successerunt aliæ nationes Scythæ communiter nuncupatæ, orbi terrarum ut plurimum molesti. Tandem superuenerunt Gothi, qui & Getæ uocantur, quorum captiui à Græcis & comicis eorum Geta, & à Dacia Dauus & Dacus, tanquam Sclauus & serui tenti & nuncupati fuerunt. Hi longo tempore possederunt illas terras, ciuitatésque & castra mutauerunt: præda ut semper uixerunt, donec ex Iuhra à finibus septentrionalis Scythiæ superuenerunt Iuhri qui postea Hugui, deinde Hungari sunt dicti. Hi Gothos sui multitudine presserunt & expulerunt. Ciuitates tamen & quædam castra nõ obtinuerunt. Gothi pulsi alienas sedes intrauerunt: primûque Alanos, Roxolanos, Rutenos, & Vandalos eiecerunt: tandem iuxta mare Ponti commorati, Bulgariam, Thraciam, & imperium Constantinopolitanum inuaserunt, quos Zeno imperator perhorrescens & suspectos habens, ad Italiam liberandam de manibus Odoacri Eruli misit, prout infra dicitur. Vandali uero & Alani uagi, à Constantino magno sedem petierunt, & pro mansione Pannonias acceperunt. De his specialiter inferius tangetur. Iuhri autem multiplicati per flumina magna transeuntes, ut fertur, per uenatores ceruam sequentes ducti & animati, terras Russorum intrauerunt, & Pannoniam propere aggressi sunt: præficientésque eis Attilam

O. iiii.

Amazones.

Getæ.

Hungari.

Iuhri.



in ducem, ferè toti Europæ molesti fuerunt. Deinceps Gothi qui super remanserant, pace oblata multiplicati sunt, & Tartaros inuafores, imò & exterminatores, prout in principio huius operis diximus, acceperunt. Hæc summarie de habitatoribus Sarmatiæ Asiaticæ dicta sunt. In sequentibus autem amplius & particularius dicetur.

De Gothis.

Cap. XI.

G O T H I de Scythia pulsi partim in Taurica insula, & iuxta eam, iuxtaque mare Ponti commorati sunt: partim uero cum Ragaso rege eorum plus quam ducenta milia Italiam inuaserunt: & cum Roma tremere, & tantam potentiam expauesceret, multitudo eorum in aspero montis Fesulani iugo inedia consumpta est: captusque & in uincula coniectus est Ragasus rex: exercitus uero eius tanquam pecudes disiectus, trucidatus, & uenundatus est. Hi autè qui circa Tauricam & Pontum sederunt, bifariam diuisi sunt, & qui cum duce Alarico ad occasum in Italiam & Galliam profecti sunt, Visigothi, id est occidentales Gothi uocati sunt. Qui uero cum principe Frigiderno in locis suis ad mare Ponti permanserunt, Ostrogothi, hoc est orientales Gothi sunt appellati. Exinde apertum & manifestum est, unde Ostrogothi & Visigothi dicti sunt. Patet etià, quod Gothi sub rege Daciæ in Gothia degentes, friuole & inepte eis nomina Ostrogothorum & Visigothorum appropriant, cum nò de ipsis, sed de his quos diximus circa Pontum & Mysiam commorantibus, & illis ad Gallias transeuntibus, orientales & occidentales Gothi primum & uere dictum sit. Illi autem in Gothia, in septentrione ad oceanum in terra algidissima, haud in oriente degunt: malèque & absurde aliena nomina eis usurpant. De hoc uide Paulum Diaconum libro decimo sexto, capite secundo. Orientales quoque Gothi Mysiam & Thraciam, cæterasque Constantinopolitani imperii prouincias ingressi sunt: quos imperator expauescens, & ab imperio Constantinopolitano semouere cupiens, cum Theoderico rege eorum ad liberandam Italiam contra Odoacrum misit. Hi per Sereium & Pannoniam gradientes, cum prope Aquileiam circa fluuium Sontiũ se suaque iumenta reficerent & pabularent, Odoacrum cum grandi exercitu uenientem, & eis oppugnationem inferentem fuderunt. Qui fugiens Romam peruenit: & quia clausas ei portas reperit, retrocedendo ad Rauennam cucurrit: què Theodericus obsidione cinxit, & post triennium cum eo compositione facta, dolo occidit, totiq; Italiæ dominatus est. Qui autè reges Gothorũ in Italia, Gallia, & Hispania fuerunt, de facili ex historicis colliges: quoniam de his non est mihi intentio principalis scribendi. Iuhis autem, siue Hungaris de Sarmatia Asiana in Pannoniã abeuntibus, reliquiæ Gothorum auctæ & multiplicatæ sunt, quas Tartari ab oriente superuenientes in toto deleuerunt: sed & ciuitates castraq; demoliti sunt, ut solum in Taurica insula residui reperirentur. Verum Ianuenses ex Italia Theodosiam seu Caffam urbem famosam in Taurica insula sub ipsis obtinuerunt, & coloniam fecerunt. Tandem Tartari de familia Vlanorum, de quibus infra dicetur, per portam septentrionalem insulam ingressi, totam cum oppidis, pagis & campis occupauerunt, ducibus de Mancup, qui generis & linguæ Gothorum fuerunt, duntaxat castrum Mancup retinentibus. Postremo Mahumet octauus imperator Turcorum, auus moderni Selambeci imperatoris, Tauricam insulam



insulam comprehendit, Caffam expugnauit, Tartaros Præcopenſes ſeu Vlanos cum toto Cherroneſo omagiales ſibi fecit, & ultra inſulam ad ſeptentrionem caſtrum Azou in ripa Tanais incaſtellauit, & in hunc diem Turci tenent. Binos quoque duces & fratres de Mancup unicos Gothici generis & linguagii ſuperſtites, ad ſpem gregis Gothorum prolificandorum, gladio percuffit & caſtrū Mancup poſſedit. Sicque Gothi penitus tam circa Sarmatias, quàm in Italia, Hiſpania, & Gallia exſtincti ſunt, nec eorum genealogia amplius comparet.

De Alanis, Vandalis & Sueuis.

Cap. XII.

ALANI ſuere gentes in Alania regione Sarmatiæ Europianæ, flumini Tanai contiguæ & conterminæ: & eſt regio plana, ſine montibus, pauca ſimofitates & colles habens: caret colonis & habitatoribus, quoniam ab inuaſoribus eiecti & diſperſi, in alienis prouinciis conſumpti & exſtincti ſunt. Stant campi Alaniæ late profuſi, tam Alanis quàm aduenis poſſeſſoribus orbati ac deſerti: duntaxat interdum Cazaci eam pertranſeunt, quæretes, ut moris eorum eſt, quem deuorent. Cazac Tartaricum nomen eſt, Cozac uero Rutenicum, ualens in lingua Latina ſeruilem ſtipendiarium, graſſatorem ſeu reytteronem: ſpoliis enim uiuunt nulli ſubiecti, gregatim latiffimos & uacuos campos tres, ſex, decem, uiginti, ſexaginta & centum numero percurrentes. Creſcit in illa terra calamus aromaticus uberrime, Tartarsziezele à Polonis nomine à Tartaris mutuato nuncupatus: quoniam non longe à Tartarorum regione creſcit & multiplicatur. Aſt Vandalii ſunt & fuerunt populi Germaniæ, ut ſuis traditionibus celebrant Plinius, Suetonius Tranquillus, & Cornelius Tacitus, ſecus flumen Vandalum à regina eorum in libamē & ſacrificiū diis ſuis pro uictoria ex inimicis adepta, ſponte in ipſo ſubmerſa appellatum. Hoc flumen Iſtula & Viſla uocatur. Vt autem de Vandalis completior hiſtoria referatur, accipiendum eſt quod Sclauī ex Iauan filio Iaphet per Helifam procreati ſunt. Noe ſiquidem genuit Sem, Cham & Iaphet. Iaphet uero Iauan quartogenitum & fratres eius. Iauan iuxta mare Ionium & Aegæum Græcos edidit & multiplicauit, ſimul & Helladicos & AEolios Sclauosque per filium ſuum Helifam propagauit: à Iauan enim Ionium mare dictū eſt. Hebræi quoque Ionios & Græcos lingua eorum Iauan uocitant. Hæc eſt ſententia Iosephi de filiis Noe. Sclauī itaque mox poſt Græcos ad occidentē terras poſſederunt, Seruiam, Raſciam, Dalmatiam, Myſiam, Bulgariam, Boſnam, Croaciam, Pannoniam & Sclauoniam. Fuerunt autem principes Lech & Czech bini fratres, Iauan nepotes de femore Helifæ deſcendentes, Croaciam ac Sclauoniam per Crupam fluuium rapidum & uelocem diſterminatas, ſorte cum cognatione & familiis eorum inhabitantes, regiam locūque principalem ſuæ reſidentię in Pſari caſtro ac uillagio eius nominis tenentes: uilla uſque in hodiernum diem cum ſuo nomine Pſari permanet ad fluentia Crupæ, plures inhabitatores & colonos, noſtro æuo etiam linguagii Sclauonici habens. Caſtrum uero demolitum ſolas ruinas & fundamenta arcis demonſtrat. Cum autem ex multiplicatione hominum & genealogiarum Dalmatia, Croacia & Sclauonia eas nō comprehenderet, & ſæpenumero iurgia & cædes inter fratres, principes & cognatos pullulabant. Quapropter præfati duces Lech & Cech uitando peſſima facinora parricidia & mortes hominum animo concordī & conſilio ſalubri, collectis re-



Bohemi &  
Poloni ex  
Sclauis.

Sueuus flu-  
uius.

Albis fluuius

Augusta.

bus & gentibus eorum, per familias & colonias cum tota suppellectile, quantula cunque tunc habebatur, relictis sedibus natiuis, ad occidentales diuerterunt regiones exploratum ire & percontari nouas sedes. Sciebant nanque orientales meridionalisque regiones colonis & habitatoribus occupatas atque refertas: & idcirco frustra eas aggrediendas & quærendas. Profecti itaque peruenere in Morauiam & Bohemiam, & lustrata uniuersa illa regione, uasta quidem & nondum culta, perspecta & aura eius salubri, & gleba fertili, fixerunt tētatoria in mōte qui Rzip dicitur: cœpitq; Cech frater minor, loci amœnitate delectatus, à maiori natu germano suo Lech plurimis instantiis petere terras Morauia & Bohemia in hæreditatem suam posterorūque suorum perpetuandas & populandas. Lech autē ad obeundam & nutriendam beneuolentiam fraternam, consensit uotis petitionibusque Cech, & ualedicens processit cum suis uersus orientem & septentrionē, deueniensque in terras incultas, à nemine unquam habitatas, Slesia & maioris Polonia, suos suaque omnia exposuit & firmavit. Multiplicatūque Lechitæ, qui & Poloni, in his locis maioris Polonia & Slesia, creuerunt deo uolente in maximo numero, & impleuerunt Vandaliam, id est Poloniam, iuxta flumen Vandalum, qui nunc Visla nominatur. Impleuerunt Pomeraniam, Cassubiam, & totā regionem secus mare Germanicum, ubi nunc est Marchia, Lubec & Rostoc usque ad Vestualiam, sortitūque sunt uarias nominationes secundum uarietatem locorum quæ inhabitauerunt: & hi qui penes fluuium Sueuum, nunc in Teutonico Spre seu Spreua dictum commorati sunt, Sueui nuncupati: & alii iuxta eos Burgundi, à casis & aceruis, quos lingua sua Polonica brogi uocant, appellati sunt: sicq; de reliquis, Dreuianæ & Trauianæ à copia lignorum & graminum nomina perceperunt. Tempore autem imperatoris Augusti, ut refert Bergomensis in supplemento Burgundorum, octuaginta millia ex septentrione uenientes, ripas Rheni infederunt, quos Drusus & Tiberius nepotes Octauiani, ut refert Paulus Orosius, expulerunt, & repedare in cognatas sedes compulerunt. Tandem Drusus Rhenum & Albim fluuios transcundo pugnavit: Albis fluuius est per Bohemiam & Misnam usque in mare Germanicum decurrens, Labia in Bohemico nuncupatus, & in Sueuos & Burgundos incidit, quibus cum cruentissimam pugnam egit cum uictoria. Sed uictor Drusus in eodem prælio per ferocissimam Sueuorum gentem necatus occubuit, & in Maguntiam relatus sepultus quieuit. Exinde Cæsar Octavianus, ut mitesceret sub mitiori cœlo, Sueuos, ut inquit Suetonius Tranquillus, traduxit in Galliam, atque in proximis Rheno agris collocauit: ubi urbs Augusta in honorem imperatoris Augusti structa est: qui translati in hanc diem Sueui à priori patria, & Vindelici à linguagio Vindelicorum atq; Sclauorum nominantur, ipsaque urbs Augusta, Vindelicorum Augusta dicitur. Hæc referunt præfatus Suetonius Tranquillus, & Martinus in sua Martiniana parte secunda, sub descriptione Cæsaris Augusti: tametsi Sueui de prouincia eorum cis mare Germanicum sita, educti fuerunt: alii tamen Poloni, Vindelici & Sclauī subintrauerunt, & illam regionem repleuerunt. Vnde tempore Valentiniani imperatoris, ut dicit Orosius & Bergomensis in supplemento, Burgundi iterum ex septentrione de terra Vindelicorum surgentes, ad Rhodanum fluuium pertransierunt: & quia pacifice illas terras coluerunt, à uicinis eorū intacti Burgundiam



diam ex suo nomine uocatam constituerunt. Sed Vindelicos circa Lubec Rostoc, Melzelsburg, & fluuium Sueuum imperatores Henrici, tanquam gentiles Christum colere nolentes expugnauerunt: sicque ad extremum Henricus tertius deuictis prædictis gentibus Teutonicos in eorum loca induxit & locauit. Refert quoque historia Henrici tertii, quod quatuor reges Vindelicorum capti, diebus festis & diebus coronationis suæ, lebetes & caldaria in ignominiam eorum ad coquinam eius ferebant. Et uerum quid est, quod usque in hodiernam diem perdurant Vindelici seu Sclauī in illis locis circa Lubec, Rostoc, Misnam & Marchiam, non in urbibus, sed in pagis & uillagiis, præcipue hi qui Sarbi & Vindæ uocantur: permanent & nomina Polonorum atque Vindelicorum prisca in nominatione locorum, castrorum & ciuitatum. Nam Lubec, Rostoc, Melzelsburg &c. nomina sunt Polonica.

Continua narratio de Vandalis, Alanis & Sueuis.

Cap. XIII.

EX P V L S I Alani è suis sedibus ad Vandalos declinauerūt, & simul Pannoniam intrauerunt, ipsamque quasi sexaginta annis inhabitauerunt: postea rem publicam Romanorum inuadentes Gallias affligerunt: & exinde, ut referunt historici, ad Vandaliam seu Poloniam redierunt, & usque ad tempora Stiliconis commorati sunt: intuleruntque, ut ex quibuldam signis coniicio, immensam multitudinem argenteorum, cum figura & effigie Adriani imperatoris, prout titulus & superscriptio ostendit. Quam monetam in hanc diem est reperire apud Polonos secus decursus aquarum, & illuua pluuiarum, & in campis in cultura agrorum, uocantque eam rusticorū denarios sancti Ioannis Baptistæ, propter expressam imaginem capitis & colli ad similitudinem capitis sancti Ioannis in disco. Tempore autē Honorii imperatoris Stilicon comes Romanus cupiens filio suo Eucherio apicē & culmen imperii conquirere, Vandalos, Sueuos, Alanos & Quados concitauit ad arma, & ad perturbandum dominium Romanorum. Qui in Galliis debaccantes, diuina & humana pessundarunt atque destruxerunt. Deinde Gothis cedentes Hispanias penetrauerunt, & nunc has, nunc illas terribili mente affligerunt. Deinceps ad Africam occupandam per Bonifacium principem Roman. euocati transierunt, & illam ferro & igni uastantes conquiesuerunt. Primo itaque anno Gratiani, puta anno domini III octuagesimo primo, & deinceps super Vandalos de regno Poloniæ exeuntes regnauit Modigifilus annis triginta. Post hunc filius eius Gundericus in Hispaniis annis sedecim: hic capta Hispali cum manus in ecclesiam ipsius ciuitatis extendisset, à dæmone correptus interiit: cui Genfericus frater successit, ut refert

Genferici  
crudelitas.

Paulus Diaconus, ab Hispaniis ad Africam transiens, cunctā penè Africam ferro, flamma, rapinis crudelissime deuastauit, fidem catholicam impietate Ariana infectus subuertit, episcopos profligauit. Sub hoc turbine, teste eodem Paulo diacono & Possidonio beatus Augustinus episcopus Hipponensis, ne suæ ciuitatis ruinam cerneret, expletis annis uitæ suæ septuaginta sex migravit ad Christum. Deinde Genfericus Carthaginem inuadit, atque capit cum ualidissimo exercitu: ex Africa aduectus Romam spoliatur, multa milia captiuorum cum regina Eudoxia & duabus filiabus in Carthaginē duxit, quam Trasamū-



do filio suo in matrimonium copulauit, Campaniam & Appuliam flammis consumpsit, Capuam & Nolam pari ruina strauit. Inter has procellas uir piissimus Paulinus Nolanæ urbis Episcopus, pro cuiusdam uiduæ filio sese in seruitutē tradidit. Regnauit Genfericus annis quadraginta octo. Eo mortuo successit Honoricus filius eius, qui effugatis amplius quàm CCCXXXIII catholicis episcopis, & ecclesiis eorum clausis, plebem uariis suppliciis affecit, & quidem innumbris manus & linguas abscidit: illis tamen expeditissime loquentibus, ut refert beatus Gregorius in tertio libro Dialogorum, & Paulus Diaconus in gestis Romanorum. Tandem iudicio dei percussus, scatens uermibus miserabiliter expirauit. Post hunc Guntamundus nouem annis regnauit. Post quem Trafamundus, qui ducentos & uiginti episcopos in Sardinia exilio relegauit. Deinde anno domini quingentesimo uigesimo regnauit Hildericus filius eius ex Eudoxia filia Valentiniani imperatoris à Genferico captiuata genitus. Hunc pater Trafamundus ad mortem ueniens, sacramenti nodis astrinxit, ne unquam in regno suo catholicis consuleret. Qui mox patre mortuo antequam regnum susciperet, omnes catholicos ab exiliis iussit reuocare, & episcopis ecclesias reformare. Regnauit annis octo. Hunc Gilimer perimens, annis quinque post eum regnauit, qui tantæ crudelitatis fuit, ut nec parentibus parceret. Tandem Belisarius patritius à Iustiniano imperatore missus est ad Africam, qui magnas copias Vandalorum fudit, regemque eorum Gilimerum uiuum capiens catena argentea uinctum Iustiniano Constantinopolim misit. Sic Vandalorum regnum in Africa destructum est. Habes ex prædictis, quod Vandali, Sueui & Burgundi fuerunt de regno Polonia, à locis Polonia, quæ inhabitantur, appellationē & nomina sortiti, linguam & sermonem Polonicum profitentes & loquentes. Habes secundo, quod præfati populi Vandali, Sueui & Burgundi, Germani & non Sarmatæ neque Scythæ fuerunt. Ideo Sigisbertus Vincentius in speculo historiali, & cæteri antiquiores, inconcinne & iniuste Scythas fuisse scripserunt. Collige tertio, quod prædictæ gentes non de Scandia insula, sed de Polonia oriundi, partem Europæ occidentalem & Africam perturbauerunt. Vnde non recte antiquiores dixerunt eos Scythas ex Scandinauia insula, cum Scythia proprie sit post Tanaim in Asia ad orientem: Scandia uero, siue Scandinauia fuit & est ad occasum solis post mare Germanicum in septentrione, Daciæ cohærens, quam rex Daciæ possidet, multis milibus passuum à Scythia distans. Valde ergo indistincte ac impertinenter iam dictæ gentes Alanique, Gothi & Huni ab inexpertis de Scandia dicuntur exiisse, cum in ea nunquam fuerunt, nec eam penetrauerunt aut contigerunt. Collige quarto, quod Poloni & Bohemi, Sueui, & omnia genera Sclauorum post diluuium in hanc ætatem in suis sedibus & cognatis regnis permanēt, & non aliunde superuenerunt. Nec est uerum quod fassus est Blondus (salua uenia tanti historici, in aliis doctissime scribentis, & modernorū sequaciūque eorū) quod Sclauī à Tanai & Bosphoro ascenderunt in Illyricum, Dalmaciam & Croaciam. Lech quoque & Cech principes Polonorum & Bohemorum ad occidentem diuertunt, & terras Vandalorum post egressum ipsorum in Gallias intrauerunt, cum Sclauī in ipsorum prouinciis, & principes Lech & Cech in Polonia & Bohemia à diluuiō in nostram ætatem permanerunt, permanent, & deo fauente permanent.

Scandiæ situs.



bunt. Veruntamen Ruteni cum suis principibus ascenderūt eo tempore & aliis de Russia & Bosphoro in Illyricum & Croaciam, & spolia referabant pingua nec illic permanserunt. Etiam exeunt de Vandalia seu Polonia armigeri sexaginta milia, nonnunquam centum milia ad oppugnandum hostes: nec per hoc decertatur regnum Polonorum, cum ciues, mercatores & coloni agrorum in oppidis & uillagiis intacti permanent absq; desolatione, sic quod non sint loca ingrediendi & occupandi exteris: sicut fuit & tempore Honorii Cæsaris, quando Vandali pugnatores duntaxat exiuerant in Gallias. Et adhuc inquitur historici quod regressi Vandali, qui primum Gallias affligebant, sedes eorum in Vandalia inhabitauerunt: ergo alii ipsas non occupauerunt. Collige quinto, quod linguagium Sclauorum amplissimum est & diffusum, plurimas terras & prouincias possidens, ueluti sunt Seruii, Mysii, Rasci seu Bulgari, Bosnenses, Turco hac tempestate subiugati, ueluti sunt Dalmatæ, Croatæ, Pannonii, Slaui, Carni, Bohemi, Morauii, Slesitæ, Poloni maiores & minores, Mazouitæ, Pomerani, Cassubitæ, Sarbi, Ruteni, Moscouitæ: hi omnes Sclauici & Vindelici sunt, perampla regna inhabitantes. Sed & Lituani iam sclauonizant: Nugardi quoque Plescouienses, Smolnenses & Ohulici. Vide chronicas eorum & cosmographias. Collige sexto, quod cis mare Germanicum Poloni, Sueui & Burgundi, consumpti & exterminati sunt per Henricos imperatores, duntaxat Sarbis & Vindis seu Vindeliciis adhuc manentibus, ut expressum est supra.

Lingua Sclauorum latissima.

De Iuhris.

Cap. XIII

IV H R I de Iuhra terra Scythiæ septentrionalissima & frigidissima, iuxta oceanum septentrionis, à Moscouia ciuitate Moscorum ad orientem & septentrionem quingentis miliaribus magnis germanicis distante, ascenderunt & uenerunt per terram planam ad meridiem in regionem Gothorū in Scythia, ubi nunc Tartari Zahadaienses seu Zauolhenses degūt, prefferuntq; sui multitudine & eiecerunt Gothos de Gothia in Sarmatiam. Cūq; coaluissent, & penē in infinitū multiplicati fuissent, audientes à uenatoribus, qui ceruā sequētes transferant flumina Volhæ & Tanais, quod esset terra Sarmatarum Europæ fertilior & auræ mitioris, coaceruatim præfata flumina transnatantes, Sarmatas & Rutenos conflixerunt, Gothosq; insequētes cum eis in Mysia & Thracia bellarunt, & eos superarunt: intransēsq; Pannoniā solo uino & regionis ubertate delectati, mansionē in ea fixerunt: Maternum & Detricum capitaneos Romanorum cum eorū gentibus aggressi conflixerunt, & Materno occiso Detricum in fugam uerterunt: præterea regem elegerunt, & supra se constituerunt uirum uafum, animosum & strenuū, Attilam nuncupatū, quem Hungari suo idioma Ethele uocāt. Is aduocatis & recensitis multis regibus & gentibus, Gallias ingressus, eas tyranniter & crudeliter uastauit. Et cum ad campos Cathalaunicos longe latēque patentes deuenisset, Aetius Patritius cum Romanorū cohortibus cum Theodorico rege Gothorū, multisq; aliis gentibus aduersus eum accelerabat. Quo comperto Attila aruspices de uictoria consuluit, qui inspectis extis superatum iri inferiorēq; ipsum in illo bello fore dixerunt, adicientes quod maior de inimicis occideretur: putabat quæ Attila quod Aetius supremus dux pariter aduersæ caderet, aliquo modo de morte ipsius gaudens (terribilis enim

P. i.



uifa est ei potentia AEti)acies ordinauit & instruxit, cautēq; ad uesperū, non in meridie tubas canere iussit & congregi. Vbi numerosissimus populus cæsus est; & Theodericus rex Gothorū, non AEtius, quod Attila optabat, cecidit & occubuit. Attila uidens se uictum, se & suos inter currus in medium castrorū recepit nox enim aderat: præcepitq; è sellis equitum in struem congeſtis focum accendere, ut si impeteretur præcipitaret sese in ignem, & arderet, potius quàm in manus hostium deueniret. Altera autem die Thorismundus filius Theoderici regis Gothorum, ultum iri cupiens necem genitoris contra Attilam acies instruebat. AEtius uero suspectā habens potentiam Gothorum tanquā, & Hunorum, persuasit Thorismundo, ut omiſſa pugna ad possidendum soliū paternum properaret, ne frater eius regnū præoccuparet: quo permotus discessit, AEtiūsq; & omnis exercitus ipſius solutus recessit. Tunc Attila exhilaratus, spes iniquas ultionis coquebat, & è loco ſecedens urbem Remensem obsedit & expugnauit, sanctūmq; Nicaſium eiūſdem urbis præſulē cum ſore eius Eutropia & omnibus ciuibus trucidauit. Ad Trecas autem cum acceſſiſſet, occurrit ei pontifex ſanctus Lupus, & percontando dixit: Tu quis es? Cui ille: Attila ſum, inquit, flagellū iræ dei. Et Lupus arrepto freno equi eiūſdem introduxit eum cū ſuo exercitu in ciuitatē dicens: Bene ueneris flagellū iræ dei. Ille autem cum ſuis cæcitate percuffus, ut aiunt, pertransiit urbem in partem alterā pacificus. Mulier autē pauperrima habens decem filias, timore percuſſa de ſuburbio fugiebat, filiam poſtremo editā & in bimatu natam, in ſindone ad collum ligata geſtabat, duāſque minores puellulas in iumento, quod ante ſe pellebat, portabat: reliquæ filiæ circū circa matrem gradiebantur & ambulabant. Hanc cū bellatores Attilæ conſequuti ſunt, filia eiūſ territæ ad matrē concurrerunt. Mater autem ſtupida & ſui incompoſ, uiſo fluuiο properanter currebat, uolens ſe præcipitare, & in fluuiο ſubmergere. Sed milites eam inſequuti in ripa fluuii rapuerunt, & cum filiabus ad Attilam perduxerunt. Quæ ſupplex ad terrā procidens gratiam precabatur. Cui Attila miſertus, datis pluribus nummis & uestibus, liberā cum prole ſua dimiſit. Sed & aliis qui cum ea adducti fuerunt propter ipſam pepercit. Deinceps Attila in Germaniā deſcendit, caſtrāq; oppida & uillas eiūſ uastaſtat, donec audiret quod AEtius & Gothi denuo nouum militē contra eum pararent: quo permotus ad Pannoniam abſceſſit, & renouato exercitu uir ultius in Italiam per Stiriam & Coritaniam properabat. Ab exploratoribus autē certior redditus, quod AEtius & innumeræ gentes in radicibus alpium operirentur eum, declinauit & diuertit ad Dalmatiam & Hiſtriam, euerſiſq; notabilibus urbibus, iuxta mare Adriaticū ad Aquileiam uenit, & eam per trienniū obsedit. Et cum uiſtualia obſeſſoribus etiam in longinquo defeciſſent, militēſq; præ inedia contra eū murmurarent, cœpit iterū obequitare urbem, proſpiciens qua parte impeteret eam & dirumperet: uiditq; auem quæ ciconia uocatur, pullum ſuū è ſummitate arcis roſtro in propinquum arundinetū portare, ſic conſequenter & alium: & exclamans dixit, auem præſciā futurorum noſſe urbem perditū iri, ideo fugere: & inualeſcens contra ciuitatē cepit eam, & more tyrannico omnes quos in ea reperit, in ore gladii trucidauit. Eo tempore urbs magnifica & præpotens Venetiārum ob metum Attilæ extructa eſt. Progrediens autem ad Lombardiam Attila, crudeliter affli-

xit &amp;



xit & uastauit eam. Cūque ad Rauennam uenisset, aduolauit Leo Papa, obnix & humiliter supplicans, ut à uastatione urbis Romæ & totius Italiæ superederet & cessaret, quod & fecit. Et dum pugnatōres eius admirantes adinuicem replicarent, quod Attila neminem timeret, nisi bina animalia, lupum & leonē, de pontificibus propter quos genti eorum pepercit, parabolam fumentes. Respondit Attila. Maturum uirum clericali habitu indutum iuxta leonem cum gladio bisacuto stetitisse, & uibrato gladio mortem ei comminasse, nisi pacē redderet, petitorē exaudiendo. Abscessit itaq; & in Pannoniā rediit. Celebrāsq; nuptias cum una pulcherrima uirgine, multum uini hausit, & in nocte inter cubandum apoplexia suffocatus, cētum & uiginti quatuor annis ætatis expletis interiiit, & sanguis per nares & os ipsius fluxit. Illa nocte Marcianus Imperator in Constantinopoli per somnium uidit Attilæ arcum fractum, arcubus enim gens Iuhrorum potissime utebatur. Defuncto autem Attila, insurrexerūt inter Hungaros dissensiones, digladiationes & strages, ita ut plures eorum occisi perirent, reliquos cum Chaba filio Attilæ rex Gepedarum, & alii olim Attilæ subiecti de Pannonia expulerunt, qui in Gothiam per paludes Mæotidas transierunt, tria uero milia ex eis inter eundem de Pannonia segregauerunt se ab eis, & in Transyluania manserunt, & ne à uicinis impeterentur, Siculos in uulgarī eorum Czalzle se nominauerunt, Qui autem trans Mæotidas & mare Euxinum penetrauerunt, sæpenumero reminiscētes fertilitatis abundantiaēque panis & uini ipsius Pannoniæ, suis posteris differebant & narrabāt, utque in Pannoniam redirent hortabantur. Factūque est, ut post mortem Attilæ anno tricentesimo primo, recensitis pugnatoribus ducentis & sedecim milibus, uiam patrum eorū ingressi, iuxta paludes Mæotidis per Sarmatiam, in Pannoniā peruenerint, temporibus Constantini Imperatoris quinti, & Zachariæ Papæ, uidelicet anno domini septingentesimo quadagesimo quarto. Primūmq; in Iazyges ascenderūt, & illic septem capitaneos elegerunt, unicuique eorum propter insultum inimicorum triginta milia pugnatorum consignantes: & ut melius ab hostibus tuerentur, septem castra, cuique capitaneo unum assignando, rude & grosse de terra fecerunt & erexerunt, à quibus septem castris in hanc diem terra Septemcastrensis dicitur. Præterea miserūt exploratum ire Pannoniā quendā ē suis militibus Cusid appellatū. Is offēso & reperto rege Pannoniæ Suyatoplug nomine: Sclauus hic erat, nam & tota Pannonia terra Sclauorum fuit, licet Romani eis capitaneos & armigeros extraneos præficiēbant, ipsum nomine Iuhrorum aduenarum præsalutando, equum album cum sella & freno deauratis obtulit, & parū terræ, aquæ & herbæ ab eo postulauit: quod rex Suyatoplug concessit, æstimabat enim agricolas fore, & tanquā hospites aliquidpiam terræ pro cultura exposcere: ideo subridens ait, Habeant quantum uolunt. Cusid ergo lagenam terræ, alteram aquæ Danubii, tertiam graminis reportauit, & quæ egit suis exposuit. Iuhri cognoscentes Pannoniam terram feracem & optimam esse, nomine primi præfecti Arpad nuncupati, Suyatoplug intimauerūt, ut per amplius in terra eorum, pro equo albo sella & freno deauratis empto nō maneret. Is sero intelligens bellū ei imminere exercitum coadunabat. Iuhri autē festine accelerantes ad regē prope Danubium uenerunt, & facta pugna Pannonios cum rege eo-

Attilæ mors.



Huni alijs.

Morſſi piſcis.

rum proſtigauerunt. Rex quoque Suyatoplug à facie eorum fugiens in Danubium incidit, & aquis uehementibus abſorptus periit. At Iuhri Sclauos incolas Pannoniæ trucidarunt, terramque eorum in hanc horam poſſederunt, Sclauis undique in finibus Pannoniæ remanentibus & habitantibus. Accipe primo, quod Iuhri à Iuhra regione Scythiæ, de qua oriundi exiuerunt, uocati ſunt, & uſque in noſtra tempora à Bohemis, Polonis & Sclauis \* Hugri appellantur, ab alijs autem Hugui, tandem & Hungari dicti ſunt. Accipe ſecundo, quod idem linguagiũ & loquela pronuntiatioque acuta ſunt Iuhrorum in Hungaria, & illorum qui in Scythia in Iuhra degunt. Verum Hungari in Pannonia Chriſticolæ ſunt & politiores abundantioresque in omnibus. Iuhri autem in Scythia uſque huc idololatræ ſunt & agreſtes. Accipe tertio, quod Iuhra Septentrionaliffima eſt abſque altiffimis & inaccessibilibus montibus, nec tantis ut ſunt alpes iuxta Italiam, neque ſicut montes Sarmatici. Non recte ergo quidam hiſtorici tradiderunt, dicentes Huguos exiſſe de prouincia eorum de montibus maximis & inaccessibilibus. Enimuero ſunt montes in Iuhra cum denſis ſyluis patentes & bene permeabiles, quantitatis mediæ & altitudinis, petroſi & ſaxoſi quales ſunt per totum Septentrionem in fine terræ iuxta oceanum ſeptentrionis. Et ſcias quod ex oceano Septentrionis quidam piſces idiomate Moſcouitarum morſſi nuncupati, in ſummitatem montis mari adiacentis ſcandunt, & dentem fricando ſe in aſcendendo appendunt, de culminèque montis deorſum in partem alteram prolabuntur & cadunt, quos Iuhri & cæteri incolæ Septentrionis capiunt, dentesque eorum qui ponderoſiſſimæ ſunt grauitatis, in Moſcouiã mittunt, & poſt ad Turcos & Tartaros, De quibus manubria & tenacula enſiũ framearum & cultellorum faciunt, ut impetuoſiores ictus grauitate adiuuante impellant. Accipe quarto, quod montes Riphæi & Hyperborei non ſunt in rerum natura, non in Scythia, non in Moſcouia, nec uſquam locorum: & cum ſerè omnes coſmographi aſſerāt Tanaim, Edel ſeu Volham, Dzuina, & magnos fluuios ex prædictis montibus effluere, conſicta conſicte, & potius fabuloſa in experti ſcripſere. Fluit Tanais, Volha & maxima flumina ex Moſcouia, de terra plana, coenosa & nemoroſa, nullis montibus obſita, prout de Moſcouia cum peruentum fuerit dicam, ſi deus annuerit. Bone lector hic eſt barathrum profundiffimum propter clariffimos ſcriptores montes Riphæos & Hyperboreos ponentes. A quorum contradicitione ueritas ipſa me tueatur & defendat, pro omnibus argutis rationibus, experientiam rerum opponendo, ut qui non credit, uideat & experiatur quod ita eſt quemadmodum dixi. Accipe quinto, quod Iuhri in Iuhra Scythiæ non colunt agros, non ſeminant, non habent panem, uinum aut ceruiſiam, degunt miſerrime in ſyluis & foueis ſubterratis, piſcibus ueſcendo & carnibus ferarum, quarum copiam habent, & aquam bibunt, pellibus induuntur ex diuerſis animalibus in unum conſuendo, pellem lupi, cerui, uulpis, marduris &c. Miſera ergo regio eſt ſub polo Arctico, ut dixit Hippocrates in libro de regionibus, aere & aqua. Subiecti ſunt duci Moſcouiæ, & pendunt pro tributo pelles ſabellorum, ſchiſmorum & ſimilium, quoniam alijs donatiuis carent. Accipe ſexto, quod aliqui famoſi coſmographi & hiſtorici in illo angulo ad mare Septentrionis temperatiſſimas regiones conſinxerunt, in qui-



in quibus propter temperiem & auram placidissimā beate & diutissime uiuant, donec tædio affecti, de montibus sese in oceanum præcipitent. Hoc totum fabulosum est: qualis etenim beatitudo sit, non habere panem, merum, & cætera delectabilia: qualis temperies est, continuum frigus quod illic est pati: In solstitio hyemali perpetuam & continuam noctem sentire: In solstitio uero æstiuo permanentes & parum tepentes soles uidere: sed hæc omitto. Accipe septimo, quod in Iuhra & locis Septentrionis non effoditur aurum, argentum, nec aliæ mineræ, nec correspondent fabulæ, quod illic essent griffi & magnæ aues prohibentes fodere & efferre aurum. Vnde secundum hoc dico, contrarium auctoribus antiquis, quod griffi non sunt in rei ueritate in illa parte Septentrionis, nec in aliis partibus orbis. Affertur autem ad nos auis quædam rapina uiuens, quantitatis aquilæ, sed alis & cauda prolixioribus quàm aquila, in similitudinem accipitris & uocant eam Moscouitæ Kiczoth, nostri uero homines uocāt ipsam Byalozor, quasi albicans splendor, quia subalba est secundum uentrem. Hanc omnes rapaces aues, accipitres, falcones, & cæteræ rapto uiuentes in tantum metuunt, quod inspecta ea tremunt & cadunt, & extinguuntur. Accipe octauo, quod in Septentrione post Gothiam, Sueciam, Filandiam, Iuhram, & post mare Caspium nō sunt monstrosi homines, scilicet monoculi, bicipites, canina capita habentes &c. sunt nobis similes, rare, sparsim, & abinuicem distantes, pauci numero habitantes, colore ut frequenter liuidi, propter frigus liuiditatem corporibus eorum imprimens. Hæc uera sunt, & qui scripsit uerum scripsit, & scimus quia uerum est testimonium eius.

De Turcis.

Cap. XV

HACTENVS diximus de quibusdam nationibus ante aduētum Tartarorū, Sarmatiam Asianam seu Scythiam per tempora & tēpora inhabitantibus, si de Amazonibus, de Scythis, de Gothis & Iuhris seu Huguīs. Consequenter dicemus de ualidis gentibus ex Tartaris Czahadiēsis originaliter disseminatis, quales sunt Turci, Vlani seu Tartari Prezecopēses, & Tartari Cosanēses itē Tartari Nohaienses Et primo de Turcis pauca dicamus. Post aduentum Tartarorum ex oriente, in terrē Gothorum quam ipsi Czahadiēsem uocant anno quasi nonagesimo. Quidam miles magni Cham nomine Otumanus, sortis humilis & fortuna tunc obscurus, uiribus tamen corporis robustus & audax, propter certas ut ei uidebatur iniurias, è Tartaris in quadraginta equis secedens, cœpit occulte in Cappadocia montes & aditus opportunos occupare, & ex opportunitate loci & temporis prædas agere: ad quem plurimi grassatores, ut fit in huiusmodi genere hominū confluxerunt & coaluerunt uehementer, ita ut quod prius occultis insidiis egit, palam & pari marte tunc cœperit oppida, ciuitates & gentes inuadere & occupare. Et quia non reperit resistentes, ipse celer, manu audax, & dexteritate fortunatus per terrores, comminationes, & per aliarum ciuitatum direptiones, occupauit & possedit Cappadociam, Pontum, Bithyniam, Asiam minorem, Pamphiliam & Ciliciam. Itaque ex ipsa familia Otumanorum siue Turcorum originem duxit, quia ab Aquilone pandetur omne malum super uniuersam terram. Quod autem Turci propago & soboles sit Tartarorum, identitas morum, loquelæ & pugnandi demonstrat. Nam ha-

P. iii.



bitum modumq; equitandi & curte insedēdi sagittis quoq; & arcubus pugnandi eundē habuerunt, & nunc ut plures habent cum Tartaris. Sermonē etiam & linguagiū Tartarorum cognatū habent: non differt loquela Tartarus & Turcus, nisi modice, uelut exēplariter diceretur, sicut Italus & Hispanus, uel Polonus & Boemus. Otumano ex humanis rapto, filius eius Archanes secundus rex Turcorū successit, audacia & ambitione patri haud abfimilis, sed disciplina rei familiaris longe peritior: quo factū est ut dominiū & imperiū à patre cōceptū, suapte industria auxerit & cōseruauerit. Deinde tertius rex subsequutus est filius Archanis nomine Ammurates, hic Græcis dissentientibus, & Imperatore Trapesuntino & Constantino de imperio certantibus, in adiutoriū per Trapesuntinū Imperatorē pretio euocatus, & in Thraciā per Hellepontū traiectus, uaser & astutus euentum belli prorogauit atque protraxit, donec Græcis uiribus & diuitiis fractis & eneruatis, occasione habita, in eos arma uertit, & Thraciam occupauit. Eo defuncto Pesaites quartus rex filius surrexit, qui rerum maximarum cupidus, Mecedoniam, Tessaliā, Phocidem, Bœotiam, Atticā sui iuris effecit, Bulgariosque & Illyricos assiduīs excursionibus debilitauit, & suburbia egregiæ urbis Constantinopolitanæ spoliauit, & ciuitatem obsidione atque fame intantū excruciauit, ut Imperator Constantinopolitanus ad Italiam & Galliam auxilia mendicaturus profectus sit. Sed deo disponente, Temir Cutlu magnus Cham Tartarorum, quem historici Temerlanem dixerunt, affligendo & tanquam fulgur Asiam pertranscundo, incidit in Pesaitem præparatum & occurrentem ei, quem profligauit, & captiuatum catenis aureis alligauit & abduxit, breuīque dimisit, qui paulo post obiit. Post hunc quintus rex Alpinus appellatus regnauit. Aduersus istum Sigismundus Hungariæ & Bohemiæ rex ac Romanorū Imperator copiosum duxit exercitum. Collatisque signis, tumultuose fusus castra reliquit, & paruo nauigio uix per Danubium turpem sibi inuenit salutem. Amplius sextus in ordine rex Turcorum Mahumetes tributa grauiā imposuit, excursionibusque fines sui imperii dilatauit: præterea sublato Mahumete morte, filius eius Ammurates secundus regnauit, hic Thessalonicā urbem illustrem euertit, Cyprum & Aetholiā subegit, Tribulos, Illyricos & Hungaros uastauit, Vladislaum Poloniæ & Hungariæ regem in primis feliciter pugnantem, ultimo congressu ad lacum Varnensem, Ioanne Hunyad cum Hungaris è prælio secedētibus superauit, & misere cum suis occidit, elatusque uictoria, Peloponnesum ui cepit, & muros Isthmi Corinthiaci funditus deiecit: uita denique functus, Mahumetem filium octauum regem reliquit, qui Constantinopolim anno Christi M CCCC LIII, die ultimo Maii, post obsidionis quartū & quinquagesimum diem, summa ui & extrema oppugnatione cepit, Peram subinde opulentissimum oppidum per deditionem demolitis muris accepit, Bulgariāq; & Rascia potitus, Smyderou magnificum castrum Rasciæ supra Danubiū situm adeptus est, & ex eo Dalmatiam & Croaciam in solitudinem redegit, Stiriam quoque & Austriam penetrauit. Deinde Nigropontum sub Venetis expugnauit, Theodosiam, nunc Caffam nuncupatam in Taurica insula, Ianuensium coloniam unā cum præfata insula expugnauit & comprehendit, binosque principes de castro Mancup, ut fertur, postremas Gothorū reliquias gladio percussit



cussit, & Mendligeri Imperatorem Tartarorum in prædicta Chersoneso Taurica, sui iuris fecit. Moldauiam & Valachiam uastauit, & cum Venetis sedecim annis continuis pugnavit, cum Husacassan rege Persarum similiter continuum bellum gessit, sæpe uictus nonnunquã & ipse uictor fuit. Obiit prima die Maii, anno domini millesimo quadringentesimo octuagesimo primo, in Constantinopoli sepultus, pro ipso Turci \* Baiffetum filium eius ad imperium assumpserunt. Zeliabus uero minor natu, filius Mahumeti indignatus, ad Soldanum Aegypti recurrens, & exercitum comparans, cum Baiffeto infelicitè pugnavit, & ad Rhodienses fugit, quem magister ordinis Rhodiensis captiuum in Franciam misit, & postea Alexandro Papæ sexto obtulit. Ludouicus autem rex Galliarum ad Apuliam consequendam per Romam transiens, Zeliabum à domino Papa per contractum accepit, & inter eundem ueneno, an fatigatione itineris, incertum est, extinxit. Expugnauit autem Baiffetus nonus rex Turcorum Ciliam & Album castrum in Moldouia. Modon quoque insulam & urbem eiusdem nominis, sub Venetis ui & obsidione conquisiuit. Cum Sophi rege Persarum sæpe pugnavit, & quasi semper succubuit. Dum autem senuisset, filius ipsius Selimszabeg, quem nostri homines Selembeg uocant, imperium sub eo arripuit, & Baiffetus ad insulam in qua nutritus erat, deductus breui occubuit. Decimus rex Turcorum Zelembeg modernus surrepto imperio, fratres suos necauit & extinxit, deinde minax Christianis præcipue Pannoniæ bellum inferre proposuit. Deus autem omnipotens excelso suo iudicio aduersus eum Sophi regem Persarum concitauit, & aliquot præliis conflictum superare concessit. Tribus autem Imperatoribus postremo dictis Constantinopolis sedes imperii, quondam secunda Roma dicta, domicilium assiduum factum est, ita ut à circumstitis incolis, præsertim à Sclauis, non Byzantium nec Constantinopolis, sed Czarou domus, id est, domus Cæsaris diceretur, & est Constantinopolis triquetra figuræ, duobus angulis mari adiacens, tertio campos prospectans, eius ambitus decem octo miliaria Italica continet, non habet grandia palatia, nisi thermas & scholas philosophantium magnifice nouiter structas: templum uero sanctæ Sophiæ, hoc est, sapientiæ dei, qui est Christus uera sophia patris, egregie olim ædificatum, per Mahumetem Imperatorem secundum Turcorum deiectum est, & stabulum ferarum factum. Roma uero Italiæ rotundæ figuræ, ambitu murorum triginta duo miliaria continet, ferè duplo ambitum Constantinopolis excedens, & habet septem colles & palatia pretiosa.

Alias Baia,  
zeth.

De familia Tartarorum Vlanorum siue Precopensium. Cap. XV I.

ALTE RA Soboles & genealogia ex Tartaris Zauolhensibus deriuata est Tartarorum Vlanorum, ab Vlano inuasore insulæ Tauricæ cognominata. Vlan puella est & uirgo, & quia Vlanus de uirgine uel puella genitus est sine legitimo thoro, Vlanus nuncupatus est, suisque posteris in Chersoneso Tauricano nomen indidit. Etiam uirgines impregnari & concipere absque uiro apud Machometistas nullum miraculum est, cum apud ipsos hoc sæpius contingat & prædicetur, Est autem Tauricana insula inter paludes Mæotidas, longitudinis uiginti quatuor miliarium, latitudinis uero quindecim miliarium: habet tres ciuitates, Solat, Kirlzel, Caffam: & duo castra, Manlzup & Azau. Solat Tartari

Virgines præ  
erperæ.



appellant Chrim, & Cæsarem Precopensem, exinde Chrimensem Imperatorem uocant: & ciuitas illa domus exiles habet, & est deserta pro maiori parte. Alia ciuitas minor est Kirlzel, & supra eam in rupe alta est castrum ex lignis & argilla factum. In hac rupe, ut fertur, draco commorabatur, & trucidabat homines & iumenta, propter quem incolæ fugientes, habitationes propinquas uacuas reliquerunt, & quia Græci & Italici insulam inhabitantes gloriosam dei genitricem Mariam precati sunt, ut eos à dracone liberaret, uiderunt successu temporis candelam ardentem intra rupem: inciderunt ergo & secuerunt gradus ascendendi in rupe, & peruenientes ad candelam ardentem, imaginem sanctissimæ genitricis Mariæ conspexerunt, coram qua lumen arsit, draconemq; desubtus per medium ruptum iacentem. Egerunt itaque gratias de tam miranda liberatione, & draconem in frustra sectum, proiecerunt extra rupem, & quia incolæ glorificantes beatam uirginem, ad imaginem eius ascendebant ueneratum. Acigeri Cæsar Præcopensis contra fratres suos pugnās, exemplo eorum motus, supplicauit beatæ uirgini Mariæ, ut eum adiuuaret, uotum uouens quòd uirginem benedictam remuneraret. Nam Mahumetici uenerantur beatam Mariam, profitentes eam uirginem absque thoro uirili magnum prophetam Iesum benedictum cōcepisse & peperisse. Cūque adiutus superaret suos æmulos, binos equos quos habuit meliores uendidit, & exinde cera emptā, maxima duo lumina siue candelas fecit, & ante imaginē coram ardere quotannis iussit, quod in hanc usque diē per subsequētes Imperatores continuatur. Tertia ciuitas est urbs Theodosia, nūc Caffa dicta, quam expugnauit sub Ianuensibus Mahumetes secundus Imperator Turcorum: castrum uero Manlzap, quod est uersus occasum à Caffa, præfatus Turcus Nahumetes ui accipiens, binos fratres principes & dominos castri Manlzap, ut dicitur, reliquias ultimas Gothorum gladio occidit. Azou quoque castrum circa ostia fluuii Tanais situm incastellauit, & Turci usque nunc tenent. Tartari uero Vlani ab ingressu insulæ in campestribus eius, ut est innata consuetudo Tartarorum, degunt, & extra insulam iudem campestria Sarmatiæ Europianæ iuxta paludes Mæotides & mare Ponti usque ad Album castrū occupando possident. Ingressumque in insulam seu introitū ad occasum solis fecerunt aggerem de terra longitudinis unius miliaris, in modum Pontis sternentes, rude tamen & semiplene, ita ut aquæ maris in aliquibus locis aggerem pertranseant. Insula ergo antiquitus Taurica dicebatur: nunc uero Prezelzop, quod sonat fossatum, quoniā aquæ circumdederunt & eam protegunt, tanquam fossata aquis plena ciuitates: sed hæc hætenus. Videamus deinceps genealogiam. Post Vlanum in Taurica regnauit Tachtamis Czar, qui unā cum Vitoldo duce Lithuanix contra fratrem suum Temir Cutlu Czar Imperatorem Zauolhensem pugnauit, & superatus est. Ex Tachtamis Czar filius eius Szidachmeth Czar regnare uoluit: sed Acilze rei Czar expulit eum, & ipsemet pro eo regnauit. Szidachmet autem pro auxilio in Lithuaniam perrexit, & captiuatus per Lithuanos cum uxore & filiis in castro Couno incarceratus est, ibi cum cōiuge & filiis mortuus, in diebus Cazimiri tertii regis Poloniæ & magni ducis Lithuanix, defuncto Adzigeri Czar: quia septē filios reliquerat, senior filius Haider nominatus obtinuit imperiū. Mendligeri uero unus ex præfatis filiis ad Imperatorem Turcorum confugit, & accepto subsidio

Theodosia  
urbs.



subsidio & uxore à Turco, dispersit & eiecit Haider & Iamurci cum aliis fratribus. Hi ad Iuam Vasilouicz Moscouiæ ducem fugerunt, qui suscepit eos, & ducatum Cofanensem eis donauit. Ex Mendligeri Czar nouem filii nati sunt, primus Mahumet Cerei, alter Achmet Cerei, tertius Machmut Cerei, quartus Bethi Cerei, & est submersus dum prædam ageret per fluuium in Valachia, anno domini M D X. Quintus Burnas Cerei, sextus Mubarec Cerei, septimus Sadech Cerei, octauus & nonus nomina nō teneo. Nūc pro patre suo regnat Mahumet Cerei Czar. Et scias quod licet Tartari Prezecopenſes magis ciuiles mitioresque ratione auræ sexti climatis quod inhabitant deberent esse, tamen non deseruerunt priscam suam lupinam rapacitatem & ferinam crudelitatem, sicut bestiales qui campos & syluas inhabitant, & non ciuitates nec uillas. Inuadunt enim singulis annis, uastant & deprædantur Russiam, Lithuaniam, Valachiam, Poloniam, & quandoque Moscouiam.

De Tartaris Kofanensibus, & Tartaris Nahaiensibus.

Cap. XVII.

**TERTIA** horda Tartarorū Kofanensium nuncupata est sic à castro Kofan supra flumen Volha circa metas Moscouiæ sito, penes quod commorantur. Et exiuerunt de principali horda omnium Tartarorū uidelicet de Tartaris Czahadaien. siue Zauolhen. sicut & cæteri Tartari omnes. Habet autem prædicta Cofanensis horda quasi duodecim milia pugnatorum: in necessitate autem, quando aduocant alios Tartaros, ad triginta milia bellatorum constituunt. Istorum principes, & facta eorum, genealogiæque non scribuntur, quoniam omnia sunt ducis Moscouiæ, & pendent ex arbitrio eius in uiuendo, in bellando, & duces sibi eligendo: idcirco quod de Moscorum principe dicitur, de ipsis poterit accipi & adaptari. Quarta horda recens & noua, ultimo ex Tartaris Zauolhensibus orta est Occassorum siue Tartarorum Nahaiensium. Nam postquā Occass insignis seruus & miles magni Cham, habens triginta filios, occisus est: filii secesserunt à capitali horda Zauolhensium & iuxta castrum Sarai degere cœperunt ante hunc annum Christi millesimum quingentesimum decimum septimum, circiter septuaginta annos, uel paulo minus, subitoque in immensum creuerunt, intantum, ut hac tēpestate numerosissima & maxima surrexerit horda ipsorum. Isti sunt septentrionaliores & frigidiores omnium Tartarorum, Moscouiæ à parte orientali adiacentes, & sæpenumero eam inuadentes atque spoliantes. Dominantur inter eos filii & nepotes Occass. Nō habent pecuniam nec monetam, sed res pro rebus uendunt, puta pro seruis, pro filiis, pro pecoribus & iumentis.



De Russia, de tractibus eius, de abundantia, &amp; contentis in ea.

Cap. I.



OST QVAM diximus de Sarmatia Asiae, quæ Scythia uocatur, restat dicere de Sarmatia Europea, & in ea primum occurrit Russia, olim Roxolania dicta. Latus eius orientale adiacet flumini Tanai, & paludibus Mæotidis, secernentibus Asiam & Europam. Priscis autem seculis Alani habitauerunt ad flumen Tanais: deinde iuxta illos ad meridiem, Roxolani. Hæ autem gentes in toto deletæ perierunt, campiq; latissime patentibus spectantur deserti, solis & feris Cosacis seu prædonibus peruii, prout supra dictum est. Post hos supersunt reliquæ Circassorum uersus meridiem, & sunt gètes ferocissimæ & bellicosissimæ genere & lingua Ruteni. Deinde est castrum Oczarcou nuncupatum, quod Imperator Tartarorum Prezecopensi extruxit, in dominio Lithuanorum, & post quasi duobus miliaribus ab Oczarcou in meridiem sequitur Dzassou, & fuit castrum quod ante tempora nostra demolitum est: à Dzassou in Byaligrod quod Turci occupauerunt, sunt sex miliaria. Sequitur Podolia ad occasum, Moldauia & Valachia contermina ad meridiem, ad orientem uero campis Tartarorum & Taurica insula: hæc est terrarum fertilissima, cererisq; & mellis feracissima. Nam agro rude culto & parum inuerso atque exarato, frumentoque superfeminato, tribus annis sponte frumentum germinat, ita tamen, quod colligendo tempore messis segete, aliquid piam granorum permittatur in terram decidere ad surgendum ex eis frumentum in anno sequenti, sine cultura & sine agri aratura. Gramen quoq; & pascua tam cito ac uberrime fundit & prodit, ut pertica in tribus diebus super crescendo contegat, & aratrum in locis graminosis derelictum in paulo pluribus diebus, graminibus sepiat & cooperiat. Examina uero apum non solum in mellificiis & arboribus cauatis mellificant, uerum in ripis & terra sponte mella reponunt. Contingitque sæpenumero, ut examina apum superuenientia, & priores apes exterminantia, ruricolæ aduolantia agmina apum trucidant aut in aquis mergant, ut quæ præfuerunt, hæreditaria mellificarent & manerent. Postea ad montes Sarmaticos habitat genus Rutenorum, quibus præsident nobiles Polonorum. In Kolomya, in Zidazou, in Snyatin, in Roatin, in Busco &c. Sub eisdem montibus sunt tractus Halicienses, olim Gallicia dictus, & Prezemiens. & inter montes Sarmaticos tractus Sanocensis. In medium Russiae tenendo est Leopoliensis terra, & urbs in ea bene munita eodem nomine nuncupata, habens duo castra, superum & inferum, & est metropolis Russiae. In Septentrione sunt tractus Chelmenis & Belzensis, terraque in medio iacens. Clauditur autem Russia à meridie Sarmaticis montibus, & flumine Tyras, quod incolæ Nyestr appellant. Ab oriente finitur Tanai, & Mæotidibus Tauricaque insula. A Septentrione

Mira Russiae  
fertilitas.



trione Lithuania, ab occasu uero Polonia. Ex Moscouia autem aduenit Borysthenes, ab incolis Dienpr nuncupatus famosus fluuius, per Lithuaniam & Russiam currēs, & sub Smolensco & sub Kiou labens, in hunc ab occasu circa Chmyelniz oppidum confurgens, Boh nō exiguus fluuius illabitur: & cum mensus esset Borysthenes, quasi trecēta miliaria Germanica, in mare Ponti cadit. Amplius terra Russiæ cum sit fertilis, abundat melle & medone, potu ex melle factō, adducitur & uinum ex Pannonia, & uinum ex Moldauia atque Valachia, quibus adiacet: sed & uinum Græcum ex Græcia, & est forte: etiam ceruissiam ad nutum habet. Abundat equis, bobus, & ouium gregibus, abundat cera in maxima copia, abundat pellibus mardarum, scismorum, uulpium & boum. Abundat fluminibus quibus irrigatur, & aquis pisculentis, ita ut ubi aqua inuenitur, & pisces in ipsa reperiuntur: non impiscantur stagna & piscinæ Russorum, sed ubicunque aquæ reperiuntur, illic & pisces de rore celi, ut aiunt, demittuntur, absque hominum cura & impiscatione: suntque in tractu Leopoliensi lucei magni & laudabiles, & in petras tanquam in lamina diuisibiles. Abundat Russia calamo aromatico in terris uersus Tanaim & paludes Mæotidas. Item reupontico in eisdem terris & in Lithuania, sic & pluribus herbis ac radicibus alibi non uisis. Abundat tota terra Russiæ granis tinctorum quæ copiosissime excreſcunt: & cum priscis temporibus ad Ienuam & Florentiam urbes Italicas importarentur, nunc uix aliquid de eisdem colligitur, ferēque in toto frustrata & non collecta pereunt. In tractu Chelmenſi rami pini arboris defecti, & in terra iacentes, in anno aut in duobus in saxa & filices uertuntur: estque ibi creta seu terra alba in copia quæ ad nos ducitur. Est & sal quod in lacu Kaczibeio temporibus ficcis colligitur, & quia prope est Oczarlzou castrum Tartarorum, intercipiuntur & capiuntur interdum per Tartaros ductores salis unā cum plaustris ducentis quandoque & trecentis. In terra quoque Prænemiſſienſi & in Drohobiz sal coctum & in bolas ac portiones collectum reponitur. Præterea in Russia sunt plures sectæ, est enim religio Christiana Romano pontifici subiecta, & illa regit, & præualet, quanquam sit exigua numero. Est altera secta Rutenorum amplior, quæ ritum Græcorum insectatur, totam Russiam adimplens. Est tertia secta Iudæorū non usurariorum uelut fit in terris Christianorum, sed laboratorū agricolarum & mercatorum magnorū, præſidentq; ut sæpe teloneis & exactionibus publicis. Est quarta secta Armenorum, præcipue in ciuitate Kamyenecensi & Leopoliensi. Hi sunt mercatores peritissimi, ad Caffam, Constantinopolim, ad Alexandriā Aegypti, ad Allzairam & partes Indiæ penetrantes & merces afferentes. Ruteni habitu & ecclesiasticis officiis Græcos insequuntur, habentque proprias literas, & abecedarium instar & proximum græcis. Hebræi similiter Hebræorū literis utuntur & disciplinis, uerumetiam artes liberales, astronomiam & medicinam perscrutantur. Armeni suo ritu gaudent & literis. Inter sanctos colūt plus Taddeum apostolum, asserētes quod eos conuerterit, & fidem Christi docuerit. Deinde & Bartholomæū sanctum dei apostolum uenerantur, per quem multos articulos, ut asserunt, de fide acceperunt: habēt magnifica & plurimum decora ecclesiastica apparamenta, planetas & ornatus non scissos, sed omniquaque rotundos, libros, calices, & cæteram Christianorum

Russitarū religio.



ueteranorum splendidam suppellectilem. Quo autem ad spirituales præsides & pastores, Christianorum archipræsul est Leopoliensis Metropolitanus Russo- rum & Lithuanorum, habens sub sua ditione Kiouien. Kamyenien. Prænemi- lien. Chelmen. Lucerien. & Mednicen. episcopos. Rutenorum uero metropo- litanus est Kiouienſis quæ olim metropolis Ruffiæ fuit: habet ſubiectos Vladicas, & episcopos de ritu Græco in Moldauia & Valachia uſque ad flumen Hiſtri ſeu Danubii, unum in Ruſſia Chelmenſem, alterum in dominio Lithuanorū Vla- dimiriſem ſiue Breſtenſem tertium Pinſci ſeu Murouuſci, quartum Polocen. quintum Lucen. ſextum Smolenſem, & paſſim omnes alios Vladicas ac epiſco- pos in terris Moſcorum & in Septentrionem de iuriſdictione Moſcorum proten- ſorum. Iſidorus metropolitanus olim Kiouien. lingua & doctrina Græcus peri- tiſſimus, tempore Eugenii Papæ quarti ad concilium Florentinum in centum equis iuerat, & unione eccleſiæ Romanæ percepta in Ruſſiam redierat: hunc Mo- ſcouitæ obedientiam Romanam eis prædicantem ſpoliauerunt, & in necem ex- tremam impulerunt. Sequuntur Ruteni doctores & theologos Græcorum, præ- cipue Baſilium magnum, Gregorium Nazanzenum, & Ioannem Chryſoſtomū Gregorium Nazanzenum eorum ſermone Bogofflou nuncupant, quod in lati- no ſonat, laudans deum. Acceptant & noſtrum ſanctum Gregorium Papam Ro- manum, præcipue in libris moralium, quem tranſlatum legunt, & lingua corū Byeffednic, quod ualet concionantem, perſuadentem uel prædicantem, uocant. In eccleſiis Rutenorum lingua Seruiorum quæ eſt Sclauonica, diuina celebrant, legunt & cantant. In eccleſiis Armenorum ſermone Armeno. In ſynagogis Iu- dæorum lingua Hebræa orant. Chriſtiani autem ritu Romano latino ſermone cantant, orant & legunt. Et ſcias quod in fluminibus Ruſſiæ & Lithuanix, præ- cipue in Borithene & Boh, tempore æſtatis multiplicantur ephimeræ, & ſunt uermes & uolatilia alata, quaternis, interdum ſenis alis oriuntur & generantur, mane currunt ſuper aquas, & uolant ſuper ripas circa meridiem: in occaſu autem ſolis extinguntur. De his loquitur Ariſtoteles primo de hiſtoriis animalium & in Problematibus: & medici de febre ephimera.

De Lithuania & Samagithia.

Cap. II.

MAGNVS ducatus Lithuanix eſt regio latiffima, in ea ſunt plures duces Lithuanix & Ruſſiæ: unus autem præſes & monarcha, cui cæteri omnes ſubſunt, magnus dux Lithuanix uulgo nūcupatus. Aiunt autem uetuftiores & antiquita- tum relatores, quod quidam Italici propter Romanorum diſſenſiones deferen- tes Italiam ingreſſi ſunt terras Lithuanix, & nomē patriæ Italia, genti uero Itali indiderunt: quæ per pastores terra Litalia & gens Litali L, litera præpoſita cœpit nuncupari. Ruteni autem & Poloni eorum uicini maiorem immutationem fa- cientes, uſque in hodiernam diem terram Lithuaniam, gentes uero Lithuanos appellant. Hi primum condiderunt oppidum Vilno, eleuationis poli quinquaginta ſeptem graduum, & ex nomine ducis Vilii, quo cum illas regiones ingreſſi ſunt, Vilno uocauerunt, fluminibus quoque circa ipſum fluentibus Vilia & Vil- na ex eiufdem ducis nomine indiderunt nomina. Samagithiam autem de ſuo ſer- mone ſic nominarunt, quod lingua eorum, terra inferior ſonat. Aliqui autem ignari hiſtoriæ, à lituo quod eſt cornu, & tuba uenatorū, eo quod regio illa plures uenationes

Litalia,



uenationes exerceat, Lithuaniam appellari uoluerunt, quod ad effectum, non ad  
 historię originem spectat. Hęc gens Lithuanorum annis superioribus adeo ob-  
 scura, contempta, & uilis apud Rutenos fuit, ut principes Ciouientes ab ea sola  
 perizomata & subera ob egestatem & soli natiui sterilitatem in signum tantum  
 modo subiectionis exigerent: donec Vithenen dux Lithuanorum rebellionem  
 primum contra Rutenos inducens, & seipsum ducē inter populares constituens  
 astu principes Russiæ aggressus conflixit, sensimque adeo creuit uiribus, ut iugo  
 principibus Russiæ iniecto, etiā in tributa eos redigeret sibi pendenda, quę per  
 plures ætates Rutenis ipse penderat. Posterique duci Vithenen succeden-  
 tes furtiuis lupinis & subitis incurfionibus finitimas gentes Russiæ, Prussiæ, Ma-  
 zouiæ & Poloniæ inuadebant & diripiebant: donec fratres cruciferi Theutonici  
 ordinis beatę Marię per Conradum ducem Nazouiæ aduocati, & in auxilium  
 assumpti, Prussia ui & continuis armis conquisita, Samagitas & Lithuanos ag-  
 gressi, debellare, captiuare, & opprimere pluribus oppugnationibus cœperunt,  
 tandiu donec ad Olgerdum & Ceystutum duces Lithuanię successiue perue-  
 nerunt. Fuit autem Olgerdus magnus dux Lithuanię, cuius filius erat Iagello  
 postea baptizatus, & Vladislaus nominatus, in regem Polonię coronatus. Fra-  
 ter autem ipsius Olgerdi fuit Ceystuth, maximus expugnator & persecutor  
 Christianorum, qui inter pugnandum cum cruciferis Theutonicis in Prussia  
 ter captus, tẽrque astu & mira euasione contra uoluntatem cruciferorum libe-  
 ratus ē uinculis fugerat. Huius Ceystuth filius fuerat Vitaudus seu Vitoldus ma-  
 gne uirtutis princeps. Iagello autem qui postea & Vladislaus, sub treugis pacis ca-  
 ptiuando Ceystuth, & filium eius Vitaudum, Ceystuth in carcere occidit, Vi-  
 taudum uero in uincula coniecit. Tandem à cruciferis & Christianorum exer-  
 citibus sæpenumero Iagello pressus, deo miserate ad Polonos declinauit, fidẽq;  
 Christiana cum fratribus suis, quos octo in numero habuit, unda baptismatis  
 ablutus, & in regem Polonię coronatus, Heduigim filiam Ludouici Hunga-  
 rię & Polonię regis illustrissimam ac speciosissimam in consortem accepit, an-  
 no Christi millesimo tricentesimo octuagesimo sexto, die Iouis, quartadecima  
 mensis Februarii, quę fuit sancti Valentini. Cœpitque præfatus rex Vladislaus  
 secundum promissa uigilare & instare, ut gentem Lithuanicam à tenebris erro-  
 ris ac idololatria expurgaret, assumptis quoque secum Bodzanta archiepiscopo  
 Gneznenfi, & pluribus uiris ecclesiasticis atque religiosis. Item regina Heduigi  
 Semouito & Ioanne Mazouię, Conrado Olefnicensi ducibus, & complurimis  
 baronibus, anno domini millesimo tricentesimo octuagesimo septimo, in Li-  
 thuaniam intrauit, & baptisma suscipere Lithuanos procurauit. Colebant autẽ  
 ab origine Lithuani numina, ignem, syluas, aspides & serpentes: ignem qui per  
 sacerdotem lingua eorum zincz nuncupatum, subiectis lignis adolebatur: syluas  
 autem & lucos sacrosanctos & habitacula deorum putabant: aspides uero atque  
 serpentes in singulis domibus uelut deos penates nutriebant & uenerabantur.  
 Rex itaque Vladislaus ignem sacrum putatum in ciuitate Vilnensi, barbaris in-  
 spectantibus, extingui, templum & aram in quibus fiebat hostiarum immola-  
 tio dirumpi, syluas uero succidi & confringi, serpentes quoque necari præcepit  
 barbaris flentibus deorum suorum falsorum exterminium, contra regem autẽ



nec miffitare audentibus, mirantibus quoque quod Poloni facrorum uiolatores ignis fyluarum & serpentium intacti illæſique à diis eorum, ſecus quàm ipſi met quoties uiolabant, fuerunt. Exterminatis itaque idolis gens Lithuanorum per aliquot dies de articulis fidei & oratione dominica per ſacerdotes Polonos magis tamen per regem Vladiflaum, qui linguam gentis nouerat. edocebatur, & ſacra baptiſmatis unda renaſcebatur: largiente pio rege Vladiflao ſingulis ex popularium numero poſt ſuſceptum baptiſma, ex panno de Polonia adducto nouas uestes: qua prouida liberalitate effecit, ut natio illa rudis & pannofa, lineis in eam diem contenta, fama huiusmodi liberalitatis uulgata, pro conſequēdis laneis cateruatim ad ſuſcipiendum baptiſma ex omni regione accurreret: & quoniam labor erat immenſus unumquemque credentium baptizare ſigillatim, mandante rege multitudo ſequeſtrabatur in turmas & cūneos, & uniuerſis de qualibet turmarum benediſta aqua ſufficienter conſperſis, cuilibet turmæ & uniuerſis qui in ea conſtiterant, nomen uſitatum Petrus, ſecundæ Paulus, tertiæ Ioannes &c, ſceminis per turmas diuiſis, Catherina, Margareta &c. iuxta numerum turmarum imponebatur. Militaribus tamen ſpiritualis impendebatur baptiſmus. Fundauit inſuper rex Vladiflaus in Vilna eccleſiam cathedralē ſub titulo ſancti Staniflai patroni Polonorum, principalēque aram in loco ubi ignis qui falſo perpetuus credebatur, conſtituit, ut error gentilis fieret cunctis patentior. Conſtituit etiā in eadem eccleſia Vilnenſi episcopum uirum ſpectatæ uirtutis Andream Vazilo, natione Polonum, genere nobilem, de domo accipitrum, profeſſione fratrem ordinis minorum, olim Elizabeth reginæ Hungariæ conſeſſorem & prædicatorem inſignem episcopum Ceretenſem. Eodem quoque Vladiflao rege inſtante, Samagittia fidem Chriſti & baptiſma ſuſcepit. Ad cognoscendam autem naturam prouinciæ & gentis illius, animaduerte quòd regio Samagittia eſt Septentrionalis & gelida, Lithuanix, Liunionis & Pruffiæ cōtermina, fyluis collibus & fluminibus circumſepta, in hos tractus diſtinſta, ſcilicet Iragola, Myednici, Chroſſæ, Roſena, Vidulzi, Vyelunya, Celthini, Czethra, gentes regionis proceræ & altæ ſtaturæ, agreſtes & incultæ, pauco & caſtigato uictu uiuentes, ſitim aqua ſedare ſolitæ, raro ceruiſia aut medone: auri, argenti, æris, ferri, uini illa tempeſtate expertes & ignaræ: apud quos licitum erat uiro plures habere uxores, & patre mortuo nouercam, fratrēque glotem in uxorem accipere: nullus illic ſtubarum, nullus ædificiorum nobilium, ſed tantummodo tugurii unius uſus, uentrem diſtentum & porrectum, extrema uero habens coartata, ex ligno & culmo ſtructura largius ab imo ſenſim operis incremento ædificium in arctius cogitur, in carinæ ſeu galeæ maximæ ſimilitudinem elaborata, in cacumine fenestra una ſuperne lumen reddens, ſubter quam focus & cibos parabiles coquens, & frigus quo regio pro maiori anni parte coſtriſta eſt repellens, in ea domo ſe, uxores, pignora, ſeruos, ancillas, pecus, armentum, frumentum, & omnem ſupelleſtilem condunt, gens ad diuinationes & auguria procliuis. Præcipuum numen Samagitticum erat ignis quem ſacroſanctum & perpetuum putabant, qui in montis altiffimi iugo ſuper fluuium Neuyafza ſito aſſidua lignorum appoſitione à ſacrorum ſacerdote alebatur. Accedens itaque Vladiflaus rex turrin in qua conſiſtebat incendit, & ignem

Samagittia  
ſitus.



& ignem disiecit & extinxit. Succidit deinde per milites suos Polonicos sylvas, quas non secus quàm sanctas & deorum habitacula Samagittæ iuxta illud poeticum, Habitarunt dii quoque sylvas, uenerabantur, in eam caliginem mentis prolapsi, quod & sylvæ præfatæ & aues, feræque in illis consistentes sanctæ forēt & quicquid in illas ingrederetur, ut sanctum deberet censerī, uiolenti quoque nemus, feras uel alites, manus aut pedes dæmonum arte curuabantur. Maxima itaque barbaros tenebat admiratio, quod Polonorum milites nemus ritu eorum excidentes, nulla læsio qualem ipsi in se frequentius experti erant sequeretur. Habebant præterea in syluis præfatis focos, in familias & domos distinctos, in quibus omnibus charorum & familiarium cadauera cum equis, sellis & uestimentis potioribus incendebant: locabant etiam ad focos huiusmodi ex subere facta sedilia, in quibus escas ex pasta in casei modum præparatas deponebant, medonemque focis infundebant, ea crudelitate illusi, quod mortuorum suorum animæ, quorum illic combusta fuerant corpora nocte uenirent, escæque se exfatiarent. Insuper prima Octobris die, maxima per Samagittas in syluis præfatis celebratas agebatur, & ex omni regione uniuersus utriusque sexus conueniens illuc populus, cibos & potus quilibet iuxta suæ conditionis qualificationem deferbat, quibus aliquot diebus epulati diis suis falsis præcipue deo lingua eorum appellato Perlzuno, id est tonitru, ad focos quisque suos offerebat libamina. Rex itaque Vladislaus primum eos pater noster, deinde symbolum docuit, quoniam nullus sacerdotum linguam Samagitticam nouerat, & undis baptismatis ablui iussit. Vnus autem ex maioribus Samagittarum pro omnibus respondit. Ex quo, inquit, serenissime rex, dii nostri ueluti inertes & languidi à deo Polonorum deleti sunt, deos nostros & sacra eorum deserimus, & deo tuo atque Polonorum fortiori adhæremus, sicque baptizati sunt. Rex autem in Myednilzi cathedralem ecclesiam sub honore & titulo sanctorum martyrum Alexandri Theodori & Euancii, in aliis autem locis ecclesias parrochiales fundauit, & illis dotem sufficientem consignauit & inscripsit. Mednicensis ecclesiæ primus episcopus Mathias origine Almanus, in Vilna tamen natus, eo quod linguam Lithuanicam & Samagitticam norat præfectus est & consecratus. Contigit autem in prima plantatione, dum Samagittæ per magistrum Nicolaum Vazic, fratrem ordinis prædicatorum regium prædicatorum per interpretem instruerentur de fide, creatione mundi, & lapsu primi hominis Adæ, unus Samagittarum sufferre sermonem prædicantis non ualens in hæc uerba prorupit, Mentitur, inquit, illustrissime rex iste sacerdos, asserit mundum creatum esse, cum sit homo nõ longæuæ ætatis, sunt etenim inter nos plures annorū numero seniores eo, centenarium numerū supergressi qui creationē nullam recordantur: sed solē & lunam, cæteraque sydera semper eisdē motibus luxisse referunt. Rex autē Vladislaus lubēs eum silere, declarauit magistrū Vazic creationē mundi non asseruisse in diebus suis incepisse, sed longe ante, puta ante sex milia annorū, & paulo plus, ordinatione diuina prouenisse. Cōtulit autē rex Vladislaus magnū ducatū Lithuanix & Samagittix Alexandro Vitoldo fratri suo patruelis: quia acer & animosus erat pugnando, adiecit Lithuanix ducatū

Mortuorum  
parætationes



Přizou, quem Plęscouiam appellant. Deinde alterum ducatum Nouogrodien-  
sem qui Nugardia agnominatur. Tertium ducatum Smolněsem suo dominio  
apposuit. Factaque in circuitu pace, in orientem penetrauit, & incidens in hor-  
dam Tartarorum multitudinem eorum, in Lithuaniam appulit, ac in certo terri-  
torio Lithuanie locauit, usque in hanc diem permanentem. Congestoque for-  
tiori exercitu, iterum in Tartariam perrexit, & superatis fluminibus, in planicie  
diffuse porrectam circa flumen Vorzsla, quartadecima die Augusti peruenit.  
Ibi occurrente ei Imperatore Zauolhenſi Temir Kutlu, quem scriptores Te-  
merlanem nuncupant, cum infinita ac innumerabili Tartarorum multitudine,  
de treugis & pace utrinque tractabant, concordia tamen nequaquam à Tar-  
taris acceptabatur. Vitoldus igitur à suis persuasus cum custodibus corporis sui  
retrorsum abiit, & in Lithuaniam fugitiue rediit: exercitus uero ipsius ab infini-  
ta multitudine Tartarorum obrutus, in toto deletus est. Præterea Sigismundus  
rex Romanorum iaciendo inter Vitoldum & Vladislaum fratrem eius regem  
Polonie fomitem discordiarum, coronam Vitoldo promisit & in regē Lithua-  
norum sublimari persuasit: uerum cum afferretur corona per loca tutiora Mar-  
chiae & Prussiae nobiles maioris Polonie sese opposuerunt, & cum exploratori-  
bus in custodia permanendo, in loco qui Turzagora uocatur, legatos Impera-  
toris Romanorum opperiebantur: & expectarūt. Illi uero rem infectam cogno-  
scentes, terrore percussi retrocesserūt. Vitoldus autem de hoc certior factus, præ-  
tristitia ab anthrace inter scapulas orto, uitam cum principatu finiuit, anno do-  
mini millesimo quadringentesimo trigesimo. Post mortem Vitoldi Vladislaus  
Iagello rex Polonie Suitrigellum fratrem suum in ducem Lithuanie anulo suo  
inuestiuit & substituit: qui immemor beneficii, contra Vladislaum Iagellonem  
tumultuauit & bella gessit, propter quod rex Vladislaus principi Sigismundo  
de Starodup suggessit, commisitque, ut ducatum Lithuanie sub Suitrigello sur-  
riperet. Apparente igitur comete exili supra illum ducatum, dux Sigismundus  
de Starodup Suitrigellum expulit, & ducatum magnum Lithuanie possedit.  
Hunc Sigismundus Iuan dux Czarthoriensis, genere & secta Rutenus post ali-  
quot dies occidit. Ingrediebatur siquidem ex consuetudine ursæ ad tabernacu-  
lum ducis Sigismundi. Ruteni itaq; more ursæ ostium tabernaculi fricabant  
& mouebant: quo audito dux Sigismundus ursam aduenisse putando, ostia  
aperuit, & à Rutenis uulneribus concisus occubuit. AENEAS de Picolomini-  
bus scripsit, non hunc Sigismundum, sed Vitoldum sicut præmissum est, per  
suos in forma ursæ delusum interfectum. Sed insciis relatoribus credidit & er-  
ronee scripsit, quemadmodum simili errore ductus, plurima de Lithuanis, plu-  
rima & de Polonis conficta literis tradidit. Posterique historiographi errantem  
erronee sequentes, ipsius AENEAS absurditates & loca atq; mores illarum natio-  
num nunquā uisa, aliter quàm fuerunt & quàm sunt, tanquam uera literis de-  
mandare non erubuerunt, cum experientia præteritorum atque præsentium  
ipsum & ipsos inexpertes & aliter quàm res habeat scribentes redarguat. Suc-  
cessit duci Sigismundo de Starodup, Kazimirus Vladislai Iagellonis tertius na-  
tus in magno ducatu Lithuanie, quē ferē quinquaginta annis gubernauit, sub  
cuius extremis & ultimis annis Iuan dux Moscorū auulsit, & sibi appropriauit  
ducatum Nouogrodiensem, aliās Nugardiam seu Nouogrodiam nūcupatum.

Post



Post Kazimirum in Lithuania dominatus est Alexander filius eius quartogenitus, cuius temporibus præfatus Iuan dux Moscorum principatum Mozaisensem longitudinis septuaginta, latitudinis totidem miliarium, & castra quadraginta surripuit. Alexandro uita functo, Sigismundus modernus in magno ducatu Lithuaniae susceptus est, sub cuius dominio Vassilo Moscouiae dux & principatum Pslzou, quem Pleszlouiam appellant, & ducatum Smolnensem expugnauit & possedit.

De amplitudine & contentis magni ducatus Lithuaniae. Cap. III.

AMPLITUDO magni ducatus Lithuaniae est talis. A mari Balteo seu Prutenico ad Vilnam capitalem ciuitatem Lithuaniae sexaginta miliaria: à Riga uero ad Vilnam recto itinere septuaginta miliaria: cundo uero super Poloczlo ut communiter uadunt, erunt à Riga in Vilnam centum miliaria. Deinde à Vilna in Kiou sunt centum miliaria. A Kiou usque ad confluentiam, ubi iunguntur fluiui Dinepr, & Boh, quos Graeci Borysthenem maiorem & minorem appellant, sunt decem dietæ, quæ faciunt septuaginta miliaria, ibi steterat castrum Dzassou, quod destructum est, & ibi est finis domini Lithuaniae, cum prius protendebatur ad Byaligrod, quod latini Album castrum nuncupant, & ipsum Turci expugnarunt & possident: circumcirca uero Tartari in campis degunt. Ista est computatio uersus meridiem, quinimo uerius dicam inter orientem & meridiem. Iterum ex transuerso computando, à Parzou & metis Lithuaniae in Vilnâ sunt octuaginta miliaria: sed à Cracouia per eandem uiam usque in Vilnâ sunt C & uiginti miliaria. A Vilna in Smolenslzo C miliaria, à Smolenslzo in Moscuuiam ciuitatem Moscorum C miliaria, & sunt miliaria Germanica magna. Prima autem & capitalis ciuitas in Lithuania est Vilna, & est tanta quanta Cracouia cum Kazimiria Clepardia, & omnibus suburbiis: uerum domus non sunt cohaerentes sicut in nostris ciuitatibus, sed ut sæpe mediât horti & pomaria: habet Vilna bina castra murata, superum in monte & inferum in basso. Nouigrod uero, quam Latini Nugardiam uel Nouogardiâ uocant, fuit de possessione magni ducatus Lithuaniae, per duem Vitoldum armis cõquisita, & est Nouigrod in amplitudine paulo maior quam Roma, quia Roma in ambitu continet triginta duo miliaria Italica, quæ faciunt sex miliaria Germanica, & duo miliaria Italica supersunt. Nouigrod autem continet integra septem miliaria, aliàs trigintaquinque miliaria Italica. Item Nouigrod lignea habet ædificia. Roma uero murata. Distat Nouigrod à mari Balteo duobus uel quasi tribus miliaris. Et fuerunt, adhucque sunt in ea ditissimi mercatores, intantum quod apud quemlibet mercatorem iuxta refectorium est Crancz, id est reseruaculum loco testudinis, in quod argentum, aurum & res pretiosæ conquisitæ proiciebantur absque numero, Vnde Iuan, quod sonat Ioannes princeps Moscorum anno domini millesimo quadringentesimo septuagesimonono, surripiedo Nouigrod de manibus Kazimiri magni ducis Lithuaniae, huiusmodi thesauros Nouogrodien: exhaust, & tricentos currus ad summum implendo, duntaxat de auro, argento, & unionibus pretiosis, in Moscouiam abduxit. Et quia in eadem Nouigrod perniciofa consuetudo inoleuerat sicariorum & raptorum, sæpèque aliquo reo inuento uel designato pulsabatur campana prætorii, ubi centum seniores tan-

Vilna metropolis Lithuaniae.

Nugardiæ magnitudo.



quam iudices sedebant, omnes more illius patriæ barbâ protensâ nutriētes uulgus autem audito sono campanæ, cōcurrebat de tota ciuitate, ita quod quilibet hospes duos acciperet lapides in brachio, & filii hospitum similiter. Cūmq; reus per senatores condemnaretur, lapidibus adstantes obruebant & interficiebant eum, tumultuosēque ad domum condemnati currentes diripiebāt omnia bona occisi, & area domus postea uendebatur, & pecunia exindē pro Republica confiscabatur. Idcirco Iuan dux Moscorum præfatus apprehensa & possessa Nouigrod in quinque famosioribus plateis quinque capitaneos cum armigeris constituit ad sedandum & prohibendum solitos tumultus, inuasiones & spolia. Est in Nouigrod castrum Deczen nūcupatum, in eo principalis ecclesia est sancti Sophiæ, id est Saluatoris, & est tecta aureis laminis splendescētibus, sūntq; in eadem Nouigrod septem monasteria Zirnlzorum, id est nigrorum monachorum de regula sancti Basilii, & distant à seinuicem ferē uel propē per medium miliare. In primo monasterio B. Mariæ uirginis sunt mille monachi, in altero sancti Georgii septingenti, in tertio sexingenti, in quarto quadringenti: sic eōsequenter in aliis monasteriis. Sunt & ecclesiæ sanctorum plurimæ, & solius sancti Nicolai, quem Ruteni inter alios sanctos plus colunt: ecclesiæ sunt tot quot sunt dies in anno. Habet eleuationem poli Nouigrod sexaginta sex graduum, & in æstate circa solstitium æstiuale post occasum solis apparet lux cœli usque in ortum solis, ut artifices, sartores, sutores, & cæteri mechanici suere & laborare possint. Post Nugardiam ad Septentrionem est Suetia & Filandia usq; in oceanum Septétrionis. Pslzou urbs nobilis murata & magna, minor tamen quàm Nouigrod, adiacet Moscouiæ & Lithuanix, hanc Latini Plefcouiam appellant, inhabitatores ipsius omnes sunt lingua & ritu Ruteni, barbâ non radunt, & crines capitis non tondent, habitum uero in toto deferunt Almanicū. Habet terra Plefcouix triginta castra murata, & sunt uersus Liunioniam, & nō sunt tam bona castra in Moscouia, neque in Lithuania. Tota autem terra Plefcouix sexaginta miliaria in longitudine, & quadraginta in latitudine continet. Vassilo modernus princeps Moscouiæ per compositionem & tradimentum seniorum adeptus est, & possidet Pslzou, deposuitque campanam, ad cuius pulsum tota ciuitas confluebat, & iniuriantes opprimebat. Contra pactum quoque & promissa sua abegit Vladicam, id est episcopū loci, & plures nobiles ac ciues Plefcouix, & locauit in ciuitate Moscua, & aliis locis Moscouiæ. Deinceps uersus orientem est Poloczlo castrum & ciuitas magna, & pertinet ad ducatum Smolnensem possidet eam magnus dux Lithuanix. Post hanc ad orientem est Smolensco castrum & ciuitas ex roboribus structa, & fossis profundis munita, ipsa autem terra seu ducatus Smolensco continet in longum sexaginta aut septuaginta miliaria Germanica. Præterea linguagium Lithuanicum est quadripartitum, primum linguagium est Iaczuingorum, ut horum qui circa castrum Drohicin inhabitant, & pauci supersunt. Alterum est Lithuanorum & Samagitharum. Tertium Prutenicum. Quartum in Lothua seu Lothihola, id est, Liunia, circa fluuium Dzuina, & Rigam ciuitatem. Et horum quanquam eadem sit lingua, unus tamen non plene alterum intelligit, nisi cursiuus & qui uagatus est per illas terras. Habuit hoc linguagiū quadripar-

Plefcouia.

Lingua Lithuanorum.



quadripartitum tempore idololatriæ pontificem maximum unum, quem Criue appellabant, morantem in ciuitate Romoue à Roma dicta, quoniam hoc linguagium de Italia iactat sese aduenisse, & habet nonnulla uocabula Italica in suo sermone. De isto Criue & ciuitate Romoue in legenda sancti Adelberti pontificis & martyris legitur. Et scias quòd in Prussia iam pauci proferunt Prutenicum, subintrauit siquidem lingua Polonorum & Almanorum: sic & in Lothua pauci uillani profitentur hanc linguam, quia subintrauit Almanicum. In Samagithia autem, quæ est longitudinis quinquaginta miliariorum, & in Lithuania, quæ in longum triginta miliaria continet, in uillis Lithuanicum loquuntur, & in magna parte Polonicum profitentur: nam & sermone Polonico sacerdotes eis prædicant in ecclesiis, insuper scito quod hoc linguagium quadripartitum totum est de obedientia & fide Romanæ ecclesiæ, in aliis autem prouinciis circumiacentibus, ut in Nouigrod, in Plescouia, in Poloczko, in Smolensco, & in meridiem usque post Kiou Ruteni sunt omnes, & Rutenicum seu Sclauonicum loquuntur, ritumque Græcorum obseruant, & obedientiam Constantinopolitano patriarchæ præstant. Amplius sunt in ducatu Lithuanie Tartari circum Vilnam, & habent proprias uillas: colunt agros more nostro, laborant & uehunt merces, ad mandatūque magni ducis Lithuanie omnes ad bellum assurgunt, loquuntur Tartaricum, & colunt Mahumetē, quia Saracenorum sectam profitentur. Insuper sunt Hebræi in Lithuania, præsertim in ciuitate Trolzi, hi laborant & mercantur thelonea & officia publica tenent, de usurisq; non uiuunt, post hoc de fluminibus dicamus. A parte orientali dominium Lithuanorum terminant fluuii, Oskol, Iugra Donyecz, id est paruus Don, & est paruus Tanais, hi & plurimi alii in Tanaim decurrunt. Item ex dominio Lithuanorū post castrum Vesnya, quod dux Moscouiæ Modernus Vassilo occupauit, ortus est Dinepr, seu Boristhenes ex terra plana lutosa, ex stagnis in densis syluis, & fluit sub Smolensco & sub Kiou, tandem emensis quasi trecentis miliaris Germanicis, in mare Ponti incidit. Item Vilia alius fluuius triginta miliaris ad orientem Vilnæ ciuitatis ortum cepit, & sub castro Vilnensi cum alio fluuiio minori Vilna dicto, & initium eius duobus miliaris à præfata ciuitate Vilna computatur, commiscetur, unaque ad magnum fluuiū Niemen influunt. Niemen autem fluuius ualde flexuose decurrit, naues desert & merces: & post castrum Couno in mare Prutenicum cadit. Item Dzuina magnus fluuius fontes habet in Moscouia, & in dominio Lithuanorum, fluit sub castro Vitepsk, deinde sub Poloczko: hostia eius circa Rigam ciuitatem Liunionæ, ubi in mare cadit, & scias quod quemadmodum in superioribus præmisi tria magna flumina prope se inuicem oriuntur, scilicet Dinepr, Dzuina, & Volha, oriuntur inquā in locis planis, nemorosis, palustribus, non ex mōtibus Hyperboreis, non Riphæis, nec aliquibus montibus qui natura minime sunt, duntaxat figmento olim Græcorum tanquam in rei ueritate existerent gloriose & ampulose prædicati sunt, & quod præfata flumina ex ipsis erumperent ac orirentur per sequaces historicos cosmographos & poetas inexpecte descripti decantatique sunt, cum nusquam compareant: plana siquidem est terra per totum, unde illa ortum ducunt. Et Dinepr qui est Boristhenes ad meridiem fluit usq; in mare Ponti inci-

Tartari cohā  
bitant Li-  
thuanis.

Ortus Bor-  
isthenis.

Nulli mōtēs  
in iis locis.



Panis Li-  
thuanicæ.

Crápula Li-  
thuanorum.

dens. Dzuina grande flumen ex Moscouia erumpens, ad occasum solis per domi-  
nia Lithuanorum, & per Liunioniam labens iuxta ciuitatem Rigam, in mare Bal-  
teum descendit. Volha maximus fluminum etiam ex Moscouia oriens, in Septē-  
trionem tendit, reuersusque in orientem, longinque circuit Tanaim: tandem con-  
uersus in meridiem per Scythiam seu Sarmatiam Asianam & campos planissi-  
mos Tartarorum peruagatus, in uiginti quinque flumina magna partitus, mare  
Euxinū ingreditur. Distat Tanais à Volha in Tartaria itinere sex hebdomada-  
rum, ad minus trium aut quatuor uelocissime currentibus. Sunt & alia in Li-  
thuania & Moscouia multa flumina & stagna magna: parua uero flumina & ri-  
ui sine numero in maiora defluunt. Omnia piscosa abundanter, ita quod in illis  
terrīs ubi aqua, ibi & pisces: & sunt pisces lapidiores & delectabilioris gustus  
quàm in regionibus nostris, piscinæ & fodinæ pro aquis & impiscationibus tan-  
quam inutiles illic non fiunt. Amplius in ducatu Lithuaniae panis rusticorum  
nigerrimus est non cribratus, ex filigine aut ordeo unà cum furfuribus: domino-  
rum uero & potentū panis delectabilis de pura similagine tritici albissimus pin-  
fitur & habetur: uino carent, nisi quod aliunde ducitur, præcipue uinum Rhe-  
nense, & ex occidentalibus regionibus per mare Germanicum & Balteum, addu-  
ctum alicubi reperitur, medone & spisso, & tenui & uario modo cocto abun-  
dant, & illo reficiuntur & inebriantur. Ceruicias coquunt diuersimode & ex ua-  
riis granis, puta frumēto, filigine, hordeo, auena, milio &c. & nō sunt sapidæ: uul-  
gus autem ut semper aquam bibit: oliuæ & fructus dulces ac delicati illic nō cre-  
sunt, algida etenim & frigida est prouincia. Armenta habent omnis generis &  
feras sylvarum, plus quàm in orbe Christianorum reperiuntur: saltus, desertæ, &  
syluæ sunt magnæ, decem, aliquando quindecim miliariorum, nonnunquam &  
uiginti quinque miliariorum: ad latera desertorum & sylvarum uillæ & habita-  
tores inueniuntur, & idcirco quia magna nemora sunt, magnæ feræ & multæ  
abundantissime uisuntur & capiuntur, uri & boues syluestres, quos lingua ipso-  
rum thuri & zumbrones uocant, onagri, & equi syluestres, cerui, damæ, dorcæ, ca-  
præ, apri, ursi, mardures, scismi, & cætera genera ferarum. Insuper aues abun-  
dant & ficedulæ, quanuis illic uinæ non sunt, aduolant & impinguantur, atque  
cum suauitate eduntur. Estque in Lithuania & Moscouia animal uoracissimum  
& inutile, quod alibi non compareret, rossomalza nominatum, quantitatis canis,  
faciei catti, corporis & caudæ ut uulpis, colore nigrum, cadaueribus uescitur, in-  
uentoque cadauere, intantum uorat, ut extendatur & infletur tanquam tympa-  
num, repertaque angustia, stricta inter arbores intrat & intrudit se cum uiolen-  
tia premendo, ut uiolenter comesta uiolentius egerat, sicque extenuatum denuo  
cadaueri accurrit, & ad summū impletur, cum uicissitudine expressionis, & ad  
morticinium reuersionis, donec totum absumat & deuoret. Et forsā natura tam  
insatiabile animal in illis regionibus producit, ut homines simili uoracitate labo-  
rantes redarguat. Quoniam potentes cum conuiuari cœperint, sedent à meri-  
die in medium noctis continuo cibo & potu sese opplendo, & à mensa quoties  
natura propellit assurgendo & egerendo iterum & iterum uorant usque ad uo-  
mitum & amissionem discretionis & sensus, tuncque inguinis & capitis quæ sunt  
discrimina nesciūt: estque illa consuetudo perniciosa in Lithuania & Moscouia,  
magis



magis uero & absque rubore in Tartaria. Est etiam in illis terris Lithuania Moscouia & Tartaria ab origine consuetudo uenditionis hominum: serui natura uenduntur à dominis suis tanquam pecora, puerique eorum & uxores: quinimo pauperes homines, libero uentre nati, uictu carentes, uendunt filios & filias suas interdum, & semetipsos, ut apud patronos filiquis & grossis cibis faturentur.

De Moscouia.

Cap. IIII.

MOSCOVIA est regio longissima latissimaque: nam à Smolensko usque ad Moscuuam ciuitatem sunt centum miliaria, à Moscuua ad Volochda centum miliaria. Et Volochda est prouincia, & fluuius per ipsam labens eodem nomine uocatur: à Volochda ad Vsczuga centum miliaria: ab Vsczuga ad Viathlza centum miliaria: & ista quadringenta miliaria sunt de regione Moscouia, & sermo per totum est Rutenicus seu Sclauonicus. Ultra prædicta à Viathca ad regionem Permsea centum miliaria, inde ad terram Vahulczlza triginta miliaria, & hæc Scythia confinis est. Et istæ prouinciæ subiectæ sunt duci Moscouia, additisque terris ad Septentrionem & orientem ab eodem duce Moscouia possessis, Iuhra & Corela quæ sunt in Scythia erunt quingenta miliaria Germanica magna. Verum Moscouia non per miliaria nostra computat, sed per uerst: & uerst est quinta pars miliaris Germanici. Numerant itaque à ciuitate Moscuua ad Vlodomiriam ciuitatē decem & septem miliaria Germanica: abinde ad Vsczuch quingenta uerst: iterum ab Vsczuch ad Iuhram quingenta uerst. Intra Moscouiam autem sunt multi ducatus. Est ducatus seu terra Moscouia, de qua triginta milia pugnatorum nobilium ad bellum egrediuntur, agrestium uero sexaginta milia. Est & ducatus seu terra Tuerczlza, de qua quadraginta milia armatorum nobilium duntaxat ad bellum prodeunt. In hoc ducatu capitalis ciuitas Tuuerd nuncupatur, & est ciuitas grandis lignea de lignis ædificata: in ea sunt ecclesiæ lignæ centum & sexaginta: castrum etiam ligneum est, & sunt in ipso nouæ oracula seu ecclesiæ: principalis est sancti Saluatoris, & illa duntaxat est murata: sub hac ciuitate & castro amplissimus fluuius Volha labitur. Ducatus Chelmsci, de quo septem milia pugnatorum exeunt. Ducatus Zubszcouf lzi, de quo quatuor milia armatorum. Ducatus Klinf lzi, de quo duo milia bellatorum prodeunt, ad terram Tuerden. annumerantur. Item ducatus Kubensis triginta miliaria in longum continens. Ducatus Iaroslauen. quadraginta miliaria de terra habens. Ducatus Szuhersien. uiginti miliaria terræ habens. Ducatus Szachouensis triginta miliaria in longum continens: omnes sunt in miliaris Moscouia in longum computatis. Insuper ducatus Rzezensis, de quo quindecim milia baronū seu nobilium armatorum euadunt, & fluuius nominatissimus Tanais de ipso oritur. Item ducatus Susdatorum, & plures ei adiacentes desolati & destructi sunt per Tartaros. Est & terra Tartarorum Cozanf lza, Horda nominata, triginta milia pugnatorum producens, principi Moscorum subiecta, in campis iuxta castrum Cozan, quod dux Moscouia possidet, & alluitur magno flumini Volha, degens. Moscu Moscuua est ciuitas principalis satis magna, bis maior quàm Florentia Thuscia, aut bis maior quàm Praga Bohemiae urbs. Praga dico quæ extat & quam tu uidisti: nō Praga, quam quidam nouus historicus fecte astruit longissimam trium dierum itinere ciuitatem, quod fabula est. Verum Moscuua lignea est non murata, plu-

Tuuerd.

Moscuua ciuitas.



rimas habens plateas, ut ubi una platea finitur, altera nō statim incipit, sed cāmpus mediat. Inter domos quoq; sepes mediant, ita ut domus sibiinuicem nō cohæreant. Nobilium domus sunt maiores, plebeiorū uero humiles. Fluit per medium ciuitatis, & sub castro ipsius fluuius eiusdem nominis cum ciuitate, Moscuua appellatus, & est tantus, quātus Multaua in Praga, aut Arnus in Florētia. Castrum autē quod est in medio ciuitatis in Plano, est castrum bonum muratum tantæ amplitudinis, ut Buda in Hungaria, habet tria propugnacula: & cum his turres magnæ simul computatæ sunt decē & septem, tegulis latericiis tectæ, sed unus murus: in eo castro ecclesiæ sunt sedecim, tres muratæ scilicet, sanctæ Mariæ sancti Michaelis, & sancti Nicolai, reliquæ sunt de ligno. Palatium ducis in præfato castro est muratum adinstar Italicum, nouum, nō amplum, nec magnum: tres curiæ nobilium sunt muratæ, aliæ domus ligno constructæ, stibæ omnes nigre. Aliæ ciuitates Moscorum sunt minores, & castra minora omnia de lignis fabricata. Præterea terra Moscouiæ plena est boscis ac syluis, aquis quoq; fluminibus piscibus & feris, quemadmodū Lithuania referta, sed frigidior & Septentrionalior, unde pecudes & pecora parua sunt & mutila absq; cornibus quasi semper propter frigus: homines uero proceræ, altæ, & robustæ staturæ sunt, bibunt aquā medonem, & quassiecz, id est, fermentatos liquores. Arant & fulcant ligno sine ferramēto, & arplicant frondibus arborū supra seminata ab equis tractis, rarōq; propter intensum & longū gelu segetes maturescūt, ideo messes sectis frugibus in stubis desiccant, maturant & triturant. Sæpenumero autē utuntur calefacientibus aromatibus, sæpe & sublimatis, de aromatibus, de melle, uel alio calefactorio ita ut & de auena aquam ardentem siue sublimatum faciant & bibant ad effugandum & repellendum algorem & frigus, alioquin ex frigore congelarent. Carent uino & oleo, & ne inebrientur, princeps terræ prohibet ne medo aut liquor inebrians in aliqua domo reperiatur sub priuatione uitæ, nisi bis aut ter in anno ex admissione principis. Monetam habent argenteā puri argenti, dzingis nominatam, maiorem & minorem, formæ oblongæ, quadrangularem, non orbicularem, non politam, nec bene planatam. Estque terra diues argento, & custodia undique clausa, ut ne dum serui & captiui, sed & liberi, indigenæ & aduenæ exire absque literis ducis nequeāt, & hæc hætenus. Flumina in Moscouia sunt plurima, aliqua autem maiora scitu digna enumerabo. Tanais nominatissimus fluuius à Tartaris & Moscouitis Don nuncupatus, fontes & originem habet in Moscouia propè in ducatu Rezensi. Consurgit de terra plana, sterili, limosa, paludifera & nemorosa. Cūque ad orientem solis processisset usque ad metas Scythiæ & Tartariæ, declinat ad meridiem, & perueniens ad paludes Mæotidas illic ostia tenet & ingreditur. Est tantus Tanais, quantum dicerem triplatum Tyberim post Romam in mare Tyrrhenum decurrentem, aut quantum Danubium in duplo circa Budam. Et doctrina astrologorum tenet, quod Tanais sit eius longitudinis cuius & Nilus fluuius Aegypti, puta circa sexaginta gradus longitudinis. Et sicut Nilus à meridie ad mare Alexandriæ descendit, sic Tanais à septentrione in Mæotidas & mare Ponti defluit. Nec piget repetere quod supra dixi, alia magna flumina ex Moscouia esse orta, uidelicet Dzuina, Volha, & Dinepr seu Borysthenem. Et cum Moscouia

Tanais.



scouia sit regio plana, non montosa, prædicta flumina in distantia non ualde longinqua à se inuicem ex terra plana, nemorosa & paludiosa oriuntur, maximusque fluminum ille Volha in Tartarico dictus Edel, tendens in septentrionem procedit ducentis miliaris usque ad Nisni nouigrod, quod sonat inferius nouum castrum, & est in terra Moscouiæ: & illic accurrit & ei coniungitur magnus fluuius ex media Moscouia procedens, Occa cognominatus. Deinde octuaginta miliaris Germanicis Volha sub castrum Cosan, quod dux Moscouiæ possidet, tandem sub castrum Sarai, quod Tartari tenent, fluit deinceps uersus meridiem uiginti quinque fluminibus tantis ut est Tyberis Romæ, & aliis multo maioribus influit in mare Euxinum. Accipiat itaque lector tua humanitas, & contra omnes aduersantes tueatur, & dicat quod prælibata flumina non de montibus, nec de radicibus montium, quoniã ibi montes sunt nulli, oriuntur & fluunt. Accipiat secundo, quod montes Hyperborei & Ryphei, de quibus emanasse illa flumina ab aliquibus fabulose scripta sunt, nec in Moschouia, neq; in aliis partibus septentrions sunt: recteque dicetur confictos esse, & nusquam existere, nisi forte in libro scripti aut picti, & non in terra reperiri affirmarentur. Accipiat tertio, quod in dominio Moschorum, quemadmodum & in terris Turcorum, homines de loco in locum, & de territorio in territorium ad incolendum transferuntur, & alii pro his commutati mittuntur & locantur. Accipiat quarto, in Moschouia unam linguam & unum sermonem esse, scilicet Rutenicum seu Sclauonicum in omnibus satrapiis & principatibus, sic quod etiam Ohulici, & qui in Viathca degunt Ruteni sunt, & Rutenicum loquuntur, unamque sectam & religionem instar Græcorum tenent, omnesque Vladicæ, id est episcopi, qui plurimi sunt, patriarchæ Constantinopolitano subsunt, & confirmationem ab ipso postulant obediuntiam promittunt, præter Tartaros Cosanenenses, qui ducem Moschorum recognoscentes, Mahumetum unam cum Sarracenis uenerantur, & linguagium Tartarorum loquuntur, etiam præter alienigenas ad septentrionem in Scythia commorantes, qui sermone & linguis propriis loquuntur, & idola colunt, prout in sequenti capitulo dicitur. Accipiat quarto, quod post terram Viathca nuncupatam in Scythiam penetrando iacet magnum idolum Zlotababa, quod interpretatum sonat, aurea anus seu uetula, quod gentes uicinæ colunt & uenerantur, nec aliquis in proximo gradiens aut feras agitando & in uenatione sectando uacuuus & sine oblatione pertransit: quinimo si munus nobile deest, pellem aut saltem de ueste extractum pilum in offertorium idolo proiicit, & inclinando se cum reuerentia pertransit.

De regionibus Scythiæ Perm, Baslzird, Iuhra & Corela, per ducem Moschouæ subiugatis.

Cap. v.

POST Moscouiam sunt gentes & regiones inter septentrionem & orientem in fine Asiæ septentrionalis, quæ proprie Scythia dicitur, principum Moschouæ subiectæ, per Iuan ducem Moschouæ principaliter subiugatæ, scilicet Perm, Baslzird, Czriremissa, Iuhra, Corela. Perm monosyllabum est, inde terra Permsca, bisyllabè Permsca pronunciando: & fuit regio idola colens, quam Iuan dux Moschorum citra annos uiginti baptismum percipere coegit, more Rutenorum seu Græcorum: & posuit eis Vladicam, id est episcopum, no-



Homines si-  
ne pane  
uiuunt.

mine Stephanum, quem barbari post discessum ducis uiuum excoriarunt & necauerunt: reuersusque dux afflixit eos, & alium denuo præfulem constituit, sub quo tanquam noui Christicolæ, Rutenorum schisma & ritum profitentes permanent. Aliæ uero regiones præexpressæ in infidelitate & idololatria persistunt. Colunt solem, lunâ, stellas, bestias syluarû, & quod eis occurrit: habent propria linguagia & idiomata. In terra Permsca p. opriû idioma, in terra Paslzirdorû proprium, in Iuhra proprium, & in Corela etiam proprium. In his regionibus non arant, nō seminant, panes nō habent nec pecunias: feris sylvarum, quæ apud eos abundant, uescuntur, & non nisi aquâ bibunt: morantur in densis syluis, in tuguriis ex uirgultis factis. Et quia syluæ illas terras cōtexerunt, homines syluestres & ferinos effecerunt. Sunt uelut bestię ratione nō utentes: uestimenta de lana nō habent: pellibus teguntur rude & grosse, consuantes uarias pelles in simul, ex lupo, ceruo, urso, sabellis & scismis & cæteris, prout fors obtulerit. Et quia ipsorû terræ mineras non nouerunt, pro omagio duci Moscouiæ mineras non pendunt, sed pelles animalium syluestriû quibus abundant. Proximiores oceano septentrionis, ut Iuhri & Coreli, piscantur & capiunt balenas seu uitulos & canes marinos, quos ipsi uor uol appellant: & ex cute eorû parant redas, bursas & caletas: axungia autem pro impinguatione seruât & uendunt. In Iuhra & Corela sunt aliqui montes mediocris tumoris, nō altissimæ eleuationis, prout quidam putauerunt & scripserunt. Supra montes autē oceani qui mediocres sunt per totam septentrionem oceano adiacentes, scandunt ex mari pisces morsis nūcupati, dante sese supra montē continendo, fricando, & ascensum promouendo: dumq; ad summitatē montis peruenierint, ad ulteriora gressum promouendo, ad alterā partem montium uolitando decidunt. Hos illæ gētes colligendo dentes eorû satis magnos, latos & albos pondere grauissimos capiunt, & Moscouitis pendunt atq; uendunt: Moscouitæ uero his utuntur: ad Tartariā quoque & Turciā mittunt, ad parandū manubria gladiatorum, framearû & cultrorum: quoniā grauitate sui maiorem ac fortiorē impressionem impingunt, & præbent impellentibus, laboratibus, præliantibus, & occidentibus. Et memineris quod supra dixi, hanc esse illam Iuhriā regionem Scythiæ, de qua egressi sunt Iuhri, à posterioribus Huni & Hungari dicti, qui ad Gothiam ascendentes uehemēter multiplicati transierunt maxima flumina circa paludes Mæotidas, intraueruntq; Pannoniā, & secundo regressu eam occupauerunt, possederunt, & in hanc diem tenuerunt, suntque eiusdē sermonis & loquelæ præcisæ, nisi quod addiderunt nostri Hūgari aliqua uocabula ex Sclauonico idiomate, earum rerû quæ in Scythia & Iuhra nō reperiuntur. Verum in Pannonia Iuhri sunt Christicolæ: in Iuhra uero patres eorû idololatræ, politioresque & cultiores sunt Hungari in Pannonia, omnibus deliciis pleni (quanuis in toto ferocitatem nondum deposuerunt) quàm Iuhri septentrionalissimi in Iuhra, qui in toto syluestres sunt, bestiales, & in frigidissima regione miserrime degentes. Insuper memineris in his regionibus Scythiæ ad oceanum septentrionis non esse magna flumina, sed esse quasdam rupes & mōtes mediocris molis, & nō excellentissimæ celsitudinis inaccessibleisque, uelut aliqui historici antiquiores protulerunt & scripserunt. Potius itaque secundum experientiam dixissent, de nemoribus & densis syluis eos exiuisse, quàm de inaccessibleibus montibus.



PAVLI IOVII NOVOCOMENSIS DE  
LEGATIONE MOSCHOVITARVM LIBEL-  
LVS AD IOANNEM RVFVM ARCHI-  
EPISCOPVM CONSNTINVM.



**F**FLAGITASTI amplissime antistes Rufe, ut ea quæ de Moschouitarum moribus à Demetrio eius gētis legato, qui ad Clementem VII Pontificem nuper uenit, quotidianis propè sermonibus didicissem, Latinarum literarum memoriæ commendarem, cum pro uetere tua pietate atque uirtute ad amplificandam Romani Pontificis dignitatem pertinere arbi-  
trareris si homines intelligerent, nō fabulosi, aut omnino obscuri nominis regē, sed qui numerosissimis extremi Aquilonis populis imperet, in causa religionis omnibus nobiscum sensibus coiungi, fœderēque perpetuo colligari, opportu-  
nissimo tempore cupiuisse, quando nuper aliquæ Germaniæ gentes, quæ pie-  
tate cæteris omnibus præstare uideri uolebant, insana atque scelestæ defectione non modo à nobis, sed ab ipsis etiam superis exitiabili errore descuerint. Cæte-  
rum id munus impositum quod certe grauioribus studiis occupatus iure opti-  
mo poteram recusare, egregia uoluntate celeritatēque perfeci, ne nimia mora uel accuratiori castigatione gratiam nouitatis exueret, qua uel una re meæ erga te ueteris obseruantia studium, præstandique officii uoluntas manifeste declara-  
tur, cum honoris iacturam facere, si quis ex hac ingenii tenuitate sperandus est, quàm desiderium tuum longe honestissimū diutius frustrari maluerim. Vale.

**R**EGIONIS primo situs, quem Plinio Strabonique & Ptolemæo pa-  
rum notū fuisse perspicimus, pressa breuitate describetur, & in tabula typis ex-  
cussa figurabitur. Inde gentis mores, opes, religionem, militiæque instituta, Tac-  
tum imitati, qui à perpetuis historiis libellum de Germanorum moribus sciun-  
xit, perstrictiore stylo narrabimus, eadā ferè sermonis simplicitate utentes, qua  
nobis ab ipso Demetrio curiosa ac leni uestigatione laceffito, per otium expo-  
sita fuere, Demetrius enim haud inepte Latina utitur lingua, utpote qui in Li-  
uonia à teneris annis in ludo prima literarum rudimēta didicerit, & insigni ua-  
riarum legationum munere functus, plures prouincias Christianorum adierit.  
Nam cum antea ob spectatam fidem ac industriam apud Suetiæ Daciæque re-  
ges & magnum Prussiæ magistrum, oratorem egisset, nouissime apud Maximi-  
lianum Cæsarem, dum in eius aula omnis generis hominum refertissima uersa-  
retur, siquid barbarum quieto docilique ingenio inerat, elegantium morū ob-  
seruatione deterfit. Causam uero huiusce suscipiendæ legationis præbuit Paulus  
Centurio Genuensis, qui cum acceptis à Leone decimo Pontifice commendati-  
tiis literis, mercaturæ causa in Moschouiam peruenisset, cum Basilii principis fa-  
miliaribus ultro de consociandis utriusque ecclesiæ ritibus agitauit. Quærebat  
enim Paulus infano uastōque animo, nouum & incredibile iter petendis ab  
India aromatibus: fama nanque cognouerat, cum in Syria AEgyptōque &  
R. i.

Demetrii  
laus.



Aromatum  
caritas unde,

Ponto negotiaretur, aromata ex ulteriore India aduerso amne Indo subuehi posse, atque inde modico terrestri itinere superatis Paropanifidis montium iugis, traduci in Oxum Bactrianorum amnem, qui iisdem ferè montibus, quibus Indus oritur, aduerso fonte in Hyrcanum mare raptis secum multis amnibus ad Strauam portum effunditur. Porro ab ipsa Straua tutam facilemque nauigationem uideri usque ad emporium Citracham ostiumque Volgæ amnis, inde uero aduersis semper amnibus, Volga scilicet & Occha & Moscho, in urbem Moscham: ab Moscha autem terrestri itinere Rigam, & in ipsum mare Sarmaticum, omnesque occiduas regiones facile perueniri posse contendebat. Vehementer enim & supra æquum Lusithanorum iniuriis erat accensus, qui India magna ex parte armis domita, occupatisque omnibus emporiis, cuncta aromata coemerent, & in Hispaniam auerterent, atque ea grauiore quam antea pretio ac impotenti quæstu omnibus Europæ populis uenditare consueuissent, quin & diligenti adeo cura Indici maris littora perpetuis classibus custodirent, ut eæ negotiationes penitus intermissæ atque desertæ uideantur, quibus per sinum Persicum, ac aduersum Eufratem, & per Arabici maris angustias, secundoque demum Nilo per mare nostrum Asia omnis atque Europa abunde & uiliore quidem pretio complebantur, deteriore etiam Lusithanorum mercimonio, cum remotissimæ nauigationis incommodo, sentinæque uitiiis aromata corrumpi, eorumque uis & sapor, odoratusque ille spiritus multa demum mora in Olyssipponensibus conditoriis promercalibus euanescere atque expirare uideatur, cum asseruatis semper recentioribus, uetera tantum, & multo quidem situ mucida uenundari quereretur. Cæterum Paulus quanquam de iis rebus acerbissime apud omnes differendo, & Lusithanis ingentem conflando inuidiam, multo auctiora fore uestigalia regia, si id iter aperiretur, & aromata ab ipsis Moschouitis, qui tantam eorum uim omnibus ferculis absumerent, uilius emi posse perdoceret, nihil tamen quod ad eam negotiationem pertineret, impetrare potuit: quoniam Basilii homini externo ac ignoto, eas regiones quæ ad Caspium mare & Persarum regna aditum præberent, minime aperendas esse existimabat. Itaque Paulus omnibus exclusus uotis, ex mercatore legatus factus, Basilii literas Leone iam uita functo ad Adrianum Pontificem retulit, quibus ille cum multo uerborum honore egregiam uoluntatem erga Romanum Pontificem ostendebat. Paucis enim ante annis Basilii ardente cum Polonis bello, cum Lateranensis conuentus haberetur, per Ioannem Daciæ regem, huius Christierni qui nuper regno expulsus est, patrem postularat, ut iter tutum legatis Moschouitis ad urbem Romam præberetur. Verum cum eodem forte die & Ioannes rex & Iulius pontifex ab humanis excessissent, sublato ad id sequestro, consilium mittendæ legationis omisit. Exarsit subinde bellum inter ipsum & Sigismundum Poloniæ regem, quod cum insigni ad Borysthenem parata uictoria, à Polono feliciter confectum esset, Romæ supplicationes sunt decretæ, ueluti deuictis cæsisque Christiani nominis hostibus: quæ res & regem ipsum Basilium, & uniuersam gentem à Romano pontifice haud mediocriter abalienauit. At cum Hadrianus sextus fato extinctus Paulum iam secundo itineri accinctum destituisset, suffectus ei Clemens septimus illum etiam



etiam tum orientis iter infano animo uoluantem cum literis in Moschouiam transmisit, quibus Basilium propensissimis adhortationibus inuitabat ad agnoscendam Romanæ ecclesiæ maiestatem, feriendumque communibus in religione sensibus perpetuum foedus: quod illi maxime salutare atque honorificum fore testabatur, ita ut pontifex polliceri uideretur, se ex sacrosancta auctoritate pontificia eum regem collatis regalibus ornamentis appellaturum, si reiectis Græcorum dogmatibus ad auctoritatem Romanæ ecclesiæ se cōferret. Cupiebat enim Basilus regii nominis titulum concessione pontificia promereri, cum id dare sacrosancti iuris esse, & pontificiæ maiestatis iudicaret, quando & ipsos quoque Cæsares à pontificibus maximis diadema aureum & sceptrum Romani imperii insignia accipere inueterata consuetudine cognouisset: quanquam & id pluribus à Cæsare Maximiliano legationibus postulasse ferebatur. Igitur Paulus, qui feliciore aliquanto cursu, quam multo cum quæstu percurrere terrarum orbem ab ineunte ætate didicerat: quanquam senex & antiqua stranguria tentatus, prospero celerique itinere Moscham peruenit, ubi à Basilio humaniter est susceptus. Fuit interea in eius aula menses duos, diffusisque uiribus, & eius immensi itineris difficultate deterritus, cum Indicæ negotiationis spes omnes ac inexplicabiles cogitationes penitus abieciisset, cum Demetrio legato, prius quam eum in Moschouiam peruenisse putarem, Romam rediit. At pontifex magnificentissima Vaticanarum ædium parte, ubi laquearia aurata, lecti serici, auleæque eximii operis uisebantur, Demetrium suscipi, & togis sericis uestiri iussit, attribuitque ei comitem, ac rerum diuinarum pariter & urbanarum monstratorem, Franciscum Cheregatum episcopum Aprutinum, longinquis sæpe ac dignissimis legationibus functum, qui ipsi Demetrio uel in Moschouia Pauli sermonibus erat notissimus. Porro Demetrius ubi aliquot dierum quiete recreatus est, deterfis elotisque sordibus, quas longo ac laborioso itinere cotraxerat, assumptoque insigni patrio habitu ad pontificem deductus, eum de more supplex adorauit, munusque Zebellinarum pellium suo regisque nomine obtulit: tum uero Basilius literæ datæ, quas ipsi antea, & demum Illyricus interpres Nicolaus Siccensis in hanc sententiam latinis uerbis transtulerunt. Clementi Papæ, pastori ac doctori Romanæ ecclesiæ, magnus dominus Basilus, dei gratia imperator ac dominator totius Russiæ, necnon magnus dux Volodemariæ, Moschouæ, Nouogrodæ, Pleſchouæ, Smoleniæ, Ifferiæ, Iugoriæ, Perminiæ, Vetchæ, Bulgariæ &c. dominator & magnus princeps Nouogrodæ inferioris terræ, Cernigouiæ, Razaniæ, Volotchæ, Rezeuiæ, Belchiæ, Rostouiæ, Iaroslauæ, Belozeriæ, Vdoriæ, Obdoriæ, Condiniæque &c. Misistis ad nos Paulum Centurionem ciuem Genuensem cum literis, quibus nos adhortati estis, ut uobiscum cæterisque Christianorum principibus consilio ac uiribus coniuncti esse uellemus, aduersus Christiani nominis hostes, ac nostris uestrisque legatis ultro citroque commeandi tutum ac expeditum iter pateret, ut mutuo amicitiae officio de amborum salute & statu rerum cognosci possit. Nos autem deo bene ac feliciter adiuuante, sicut hactenus, aduersus impios Christianæ religionis hostes impligre constantèrque stetimus, ita & in posterum stare decreuimus. Itémque cum cæteris Christianis principibus consentire, & pacata

R. ii

Francisci  
Cheregati  
laus.

Basilius literæ



itinera præstare parati sumus. Quis ob res mittimus ad uos Demetrium Eras-  
mum nostrum hominem cum hac nostra epistola, Paulumque Centurionem  
remittimus. Demetrium autem celeriter remittetis, eumque incolumem & in-  
uiolatū usque ad fines nostros esse iubebitis. Idem nos quoque præstabimus, si  
cum Demetrio legatū uestrū mittetis, ut sermone ac literis certiores de rebus ad-  
ministrandis reddamur, sicut perspectis Christianorū omniū uolūtatibus, nos  
etiam optima consilia capere ualeamus. Datū in dominio nostro in ciuitate no-  
stra Moschouia, anno ab initio mundi septimo millesimo tricesimo, tertio Apri-  
lis. Caterum Demetrius, uti est humanarum rerum, & sacrarum præsertim lite-  
rarum ualde peritus, occultiora de magnis negotiis madata habere uidetur, quæ  
mox cum priuatis congressibus expositurum speramus: nam à febre, in quam ex  
celi mutatione inciderat, pristinas uires, & natium uultus ruborem recupera-  
uit, ita ut pontificiis sacris, quæ in honorem diuorum Cosmæ & Damiani so-  
lenni apparatu, musicisque concentibus confecta sunt, sexagenarius senex & cū  
uoluptate quidem astiterit, & in senatum uenerit, cum Campegius Cardinalis  
à Pannonica legatione tum primum rediens, à pontifice omnibusque aulæ or-  
dinibus exciperetur: quin & sacrosancta Urbis templa, & Romanæ magnitudi-  
nis ruinas, præcorūmq; operum deploranda cadauera mirabundus inuiserit, ita  
ut credamus eum propediem explicatis mandatis, cum legato pontificio episco-  
po Scarense, dignisque acceptis à pontifice muneribus in Moschouiam esse redi-  
turum.

Demetri  
laus.

Descriptio  
Moscouiæ

MOSCHOVITARVM nomen recēs est, quanquā de Moschis Sar-  
matarū affinibus Lucanus poeta in Pharsal. meminerit, & Plinius Moschos ad  
Phasidis fontes supra Euxinum ad orientem constituat. Eorum regio latissimos  
habet fines, & ab aris Alexandri Magni circa Tanais fontes ad extrema terra-  
rum, Borealēque oceanum sub ipsis ferè septentrionibus extenditur, cam-  
pestris magna ex parte, & pabuli quidem ferax, sed æstate pluribus in locis ad-  
modum palustris: nam ea omnis terra magnis frequentibusq; amnis irriga-  
tur: qui ubi niuib. hybernis multo solis uapore coliquatis, & resoluta ubique  
glacie contumescunt, campi passim in paludes abeunt, cunctaque itinera conti-  
nentibus aquis & cœnosa illuue defcendantur, donec nouæ hyæmis beneficio  
restagnantia flumina, ipsæq; paludes iterum cogantur, & uias solidissimo con-  
stratas gelu, uel transituris curribus præbeant. Hercynia sylua quotam Moscho-  
uiæ partem occupat, ipsaque passim positae ubique ædificiis incolitur, iamq; lon-  
go labore hominum rarior facta, non eam sicuti plerique existimant, horridam  
densissimorum nemorum impenetrabiliūque saltuum faciem ostendit. Cæte-  
rum ea immanibus feris plenissima per Moschouiam perpetuo tractu inter or-  
tum solis & Boream ad Scythicum oceanum excurrere traditur, ita ut spes ho-  
minū eius finem curiosè scrutantium, infinita magnitudine sua semper eluserit.  
Ea in parte quæ uergit ad Prusiā, uri ingentes & ferocissimi taurorū specie repe-  
riūtur, quos bisontes uocāt. itēq; alces ceruina effigie, & cum carnea probosci-  
de altisq; cruribus, & nullo suffraginū flexu, lozzi à Moschouitis, à Germanis ue-  
ro helenes appellati, quæ animalia C. Cæsari nota fuisse uidemus. Præterea urfi  
inuitatæ magnitudinis, & prægrādes lupi atro colore formidabiles. Ab ortu  
Moscouia

Hercynia  
sylua

Feræ Hercy-  
niæ



Moscouia finitimos habet Scythas, qui Tartari hodie nuncupantur, gentem uagam & bello omnibus seculis illustrem. Tartaris pro domibus sunt carri centonibus coriisque contecti: abs quo uitæ genere Hamaxobios antiquitas eos appellauit. Pro urbibus uero ac opidis immensa castra, non fossis aut materiæ claustris, sed infinita sagittariorum equitum multitudine uallata. Diuiduntur Tartari per hordas: ea est eorum lingua consentientis in unum populi congregatio ad effigiem ciuitatis. Hordis singuli præsumt imperatores, quos genus aut bellica uirtus dedit, sæpe enim cum finitimis bella gerunt, ac ambitiose admodum & atrociter de imperio decertant. Hordarum infinitum propè numerum esse constat: quippe Tartari ad Cathaium usque celeberrimam in extremo ad orientem oceano ciuitatem, latissimas solitudines tenent. Porro qui proximi sunt Moschouitis, mercaturæ commercio, & frequentibus eorum irruptionibus sunt notati. In Europa ad Dromon Achillis Taurica in Chersoneso sunt Præcopitæ, quorum principis filiam Selymus Turcarum imperator uxorem duxit. Ii Polonis maxime sunt infesti, latèque inter Borysthenem & Tanaim cuncta populantur. & cum Turcis sicuti religione, ita & cæteris in rebus mirifice consentiunt, qui in eadem Taurica Cassam Ligurum coloniam obtinent, Theodosiam antiquitus appellatam. Ii uero Tartari, qui inter Tanaim & Volgam amnem in Asia latos campos inhabitant, Basilio Moscouitarum regi parent, & imperatorem aliquando eius iudicio deligunt. Inter eos Cremii intestinis seditionibus laborantes, cum antea opibus & belli gloria maxime ualuissent, paucis ante annis uires simul ac omnem dignitatem amiserunt. Trans Volgam Casanii Moscouitarum amicitiam religiose colunt, ac eorum se clientes esse profitentur. Ultra Casanios ad Boream sunt Sciabani, multitudine armentorum ac hominum potentes. Post eos sunt Nogai, qui summam hodie opum & bellicæ laudis obtinent auctoritatem. Eorum horda quam amplissima nullum habet imperatorem, sed reipublicæ Venetæ more multa seniorum prudentia, strenuorumque uirtute gubernatur. Ultra Nogaios haud magno ad meridiem deflexu uersus Hyrcanum mare Zagathai Tartarorum nobilissimi oppida lapide constructa incolunt, regiamque habent Samarcandam urbem eximie magnitudinis & claritatis, quam Iaxartes maximus Sogdianæ amnis interfluit, atque inde ad centum miliaria in mare Caspium effunditur. Cum iis populis ætate nostra Hysmael Sophus rex Persarum dubio sæpe euentu bella gessit, timoréque eorum adductus, dum uires omnes imminetibus opponuntur, Selymo una acie uictori Armeniam Taurisumque regni caput prædæ reliquit. Samarcanda urbe ortus est Tamburlanes siue ut Demetrius dicendum monet, Themircuthlu, qui Baiazetem Ottomanum huius Solymani tritauum, apud Ancyram Galatiæ urbem ingenti prælio superatum cepit, & per omnem Asiam ab se terribili maximi exercitus impetu deuictam ferrea inclusum cauea in triumpho pompa circunduxit. Ab hac regione ad Moscouitas plurima uestis serica adducitur. Cæterum mediterranei Tartari nihil præter equorum perniciem greges, & nobiles nulla filorum textura, sed coactis ex lanis candidos centones præbent, è quibus Feltriæ uestes penulæ ad perferendam omnem imbrium iniuriam idoneæ atque pulcherrimæ conficiuntur. A Moschouitis autem laneas tunicas & argenteam monetam petunt, cum

Scythæ nunc  
Tartari

Horda quid

Præcopitæ

Cassa

Nogai

Zagathai.

Samarcanda

Hysmael Sophus.

Tamburlanes



Roxolani  
Russiæ.

Laponespo-  
puli.

Pygmæorū  
statura.

Diuidna flu-  
uius ingens.

ab iis omnis corporis cultus, superfluæque suppellectilis apparatus contemnatur: solo etenim centone ad irati cœli contumeliam fortiter sustinendam contenti sunt, & solis confisi sagittis hostem arcent: quanquam dum in Europam excurrendum esse decreuissent, principes eorum ferreas galeas & loricas gladiosque falcatos à Persis nostra tempestate coemerint. A meridie Moschouitarum fines iisdem à Tartaris clauduntur, qui supra Mæotim paludem in Asia, & circa fluuios Boristhenem & Tanaim in parte Europæ planitiem ad Hercyniam uergentem tenent. Roxolani Getæ & Bastarnæ, antiquitus eam plagam incolere, unde Russiæ nomen effluxisse crediderim: nam Lithuanix partem Russiam appellant inferiorem, cum ipsa Moschouia Russia alba nuncupetur. Lithuania itaq; à Cori uenti flatibus Moschouia spectat: ab occasu uero mediterranea Prusix atque Liunionis ipsis Moschouix finibus inseruntur, ubi mare Sarmaticum ab Cimbrica Chersonesi angustis irrumpens, lunato sinu ad Aquilonem inflectitur. In extremo uero eius oceani littore, ubi Norbegia atque Suetia amplissima regna, Isthmo ueluti quodam continenti adhærent, Lapones existunt, gens supra quàm credibile sit agrestis, suspiciosa, & ad omne externi hominis uestigiū nauigique conspectum maxime fugax. Ea neque fruges, neque poma, neque ullam omnino uel terræ uel cœli benignitatem nouit: sola sagittandi peritia cibum parat, uariisque ferarum tergoribus uestitur: gentis cubilia, cauernulæ ficcatis repletæ foliis, cauique arborum stipites, quos uel intromissa flamma, uel ipsa uetustas inducta carie fabricarit. Aliqui ad mare, ubi ingens est captura piscium, ineptis sed felicibus artificiis piscantur, duratósque fumo pisces tanquam suas fruges recondunt. Laponibus exigua corporum statura, luridi contumique uultus, pedes uero uelocissimi. Ingenia eorū ne ipsi quidem proximi Moschouitæ nouerunt, cum eos parua manu aggredi, exitialis insanix esse dicant: magnis uero copiis inopem rerum omnium uitam ducentes lacecisse, neque utile, neque omnino gloriosum unquam existimarint. Ii candidissimas pelles, quas Armelianas uocamus, cum uarii generis mercimoniis permutant, sic tamen ut omne mercatorum colloquium conspectumque defugiāt, adeo ut mutua rerum uenaliū collatione facta, & relictis medio in loco pellibus cum absentibus & ignotis syncerissima fide permutationes transigantur. Ultra Lapones in regione inter Corum & Aquilonem perpetua oppressa caligine, Pygmæos reperiri, aliqui eximix fidei testes retulerunt, qui postquā ad summum adoleuerint, nostratis pueri denuū annorū mensuram uix excedant: meticulosum genus hominum, & garritu sermonē exprimēs, adeo ut tam simix propinqui, quàm statura ac sensibus ab iustæ proceritatis homine remoti uideantur. Ab Aquilone uero innumerabiles populi Moschouitarum imperio parent, qui ad oceanum Scythicum itinere trium ferè mensium extenduntur. Proxima Moschouix regio est Colmogora, frugibus abundans, quam interluit Diuidna, fluuiorum totius septentrionis longe amplissimus, qui alteri fluuiō minori in mare Baltheū erumpenti, nomen dedit. Is statis & Niloticis similibus incrementis, nec incertis anni temporibus circūiectos inundat campos, pinguiq; alluie algētis cœli iniuriis, sæuisq; Aquilonis flatibus mirifice resistit, cum niuib; imbribusq; auctus inflatur, adeo lato aluco in oceanū per incognitas gētes in speciem ingentis pelagi



lagi defertur, ut expedito nauigio unius dici remigatione trāsire nequeat: ubi uero aquæ mox refederunt, uastæ passim insulæ fertilitate nobiles relinquuntur. Frumentum nanque terræ traditum nullo aratri beneficio prouenit, admirabilique celeritate naturæ festinantis, ac nouam superbi amnis iniuriam timentis, oritur simul & adolescit, atque in aristas educitur. In Diuidnam influit Iuga amnis, in ipsoque confluentium angulo celebre est emporium, nomine Vstiuga, à Moscha regia urbe sexcentis miliaribus distans. In Vstiugam à Permiis, Pecerris, Inugris, Vgolicis, Pinnagisque ulterioribus populis pretiosæ pelles Martarum Zebellinorumque, Luporum, Ceruariorum, & nigrarum albarumque uulpium comportantur, & ab iis uario mercimonii genere permutantur. Zebellinos uero leuium pilorum tenui canicie probatissimos, quibus nunc principum uestis fulcitur, & delicata matronarum colla, expressa uiuæ animantis effigie conteguntur, Permii & Pecerri præbent, sed quos ipsi ab remotioribus etiam gentibus, quæ ad oceanum pertinent, per manus traditos accipiant. Permii & Pecerri paulo antequam nostram more gentilium idolis sacrificabant, nunc uero Christum colunt. Ad Inugros, Vgolicosque per asperos montes peruenitur, qui fortasse Hyperborei antiquitus fuerunt. In eorum iugis nobilissimi falcones capiuntur: ex iis genus unum est candidum guttatis pennis, quod herodium dicunt. Sunt & hierofalchi ardearum hostes & sacri & peregrini, quos antiquorum principum luxus in aucupiiis non agnouit. Ultra eos quos modo nominaui populos, Moschouitis regibus tributa pendentes, aliæ sunt nationes extremæ hominum, nulla certa Moschouitarum peregrinatione cognita, quando nemo ad oceanum peruenerit, sed fama tantum, ac ipsis plerumque fabulosis mercatorum narrationibus audita, satis tamen constat, Diuidnam innumerabiles trahentem amnes ingenti cursu ad Aquilonem deferri, mareque ibi esse longe uastissimum, ita ut illinc ad Cathayum legendo oram dextri litoris, nisi terra intersit, nauibus perueniri posse certissima coniectura credendum sit. Pertinent enim Cathayni ad extremam orientis plagam ad Thraciæ fermè parallelum, Lusitanis in India cogniti, cum proxime ad coemenda aromata per regionem Sinarum Melacham usque ad auream Chersonesum nauigarint, uestesque ex Zebellinis pellibus attulerint: quo uel uno argumento non longe ab Scythicis litoribus Cathaium urbem abesse putamus. Cæterum cum à Demetrio quæreremus, an apud ipsos ulla de Gothis populis uel fama per manus à maioribus tradita, uel ex ipsis literarum monumentis memoria superesset, qui ante mille annos & Cæsarum imperium & urbem Romam omnibus iniuriis deformatum euerissent, respondebat, & Gothicæ gentis, & Totilæ regis nomen clarum esse atque illustre, in eamque expeditionem coiuisse plures populos, & ante alios Moschouitas, creuissèque eum exercitum ex colluie Liuniorum & circumuolganorum Tartarorum, sed propterea omnes Gathos fuisse appellatos, quoniam Gothi qui insulam Islandiam siue Scandauiam incolerent, auctores eius expeditionis extitissent. Iis maxime finibus Moschouitæ ex omni parte clauduntur, quos Modocas Ptolemæo fuisse credimus: hodie autem à Moscho amne haud dubie sic dicti, qui & regiæ urbi, quam interfluit, suum quoque nomen indiderit. Ea est omnium Moschouitæ urbium longe clarissima, tum situ ipso, qui regionis

R. iiii.

Zebellinæ  
pelles præstā-  
tiores.

Cathaium  
Gothi.

Moschus  
amnis  
Moscha



Aristoteles  
architectus

Ocha flu.

Rha qui &  
Volga flu.

Cytracham  
emporium.

medius esse existimatur, tum insigni fluminū opportunitate, domorumque frequentia, & munitissimæ arcis celebritate. Oblongo etenim ædificiorum tractu, secundum Moschi fluminis ripam ad spatium quinque miliarium extenditur, domus in uniuersum sunt lignæ, distinctæ in triclinia, coquinas & cubilia, capacitæ amplæ, nec structuris enormes, aut nimium depressæ: trabes enim ingentis magnitudinis ab Hercynia sylua supportantur, quibus ad rubricæ lineâ delibatis, & contrario ordine inter se ad rectos angulos coniunctis & confibulatis, exteriora domorum septa singulari firmitate, nec multa impensa, & summa celeritate constituuntur. Domus fermè omnes & ad usum olerum, & ad uoluptatem priuatos habent hortos, unde raræ urbis circuitus longe maximus apparet. Singulæ regiones singula habent facella: sed conspicuo in loco templum est deiparæ uirgini dicatum celebri structura atque amplitudine, quod Aristoteles Bononiensis mirabilium rerum artifex & machinator insignis, ante sexaginta annos extruxit. Ad ipsum urbis caput Neglina fluuiolus, qui frumētarias agit molas, Moschum amnem ingreditur, peninsulamque efficit, in cuius extremitate arx ipsa cum turribus ac propugnaculis admirabili pulchritudine Italorum architectorum ingenio constructa est. In subiectis urbi campis capreolorum & leporum incredibilis multitudo reperitur, quos nemini plagis & canibus sectari licet, nisi princeps id ad uoluptatem intimis familiaribus uel peregrinis legatis indulerit. Tres fermè urbis partes duobus alluuntur fluminibus, reliqua uero latissima fossa, atque ea multa aqua ex ipsis amnibus corriuata præcingitur. Vrbs etiā ab aduerso latere alio flumine, quod Iausa dicitur, munita est, id pariter in Moschum paulo infra urbem euoluitur. Porrò Moschus ad meridiem excurrens in Ocham amnē multo maiorem apud oppidum Columnam sese effundit, nec magno inde itineris spatio Ocha ipse & suis & alienis undis magnus & tumens exoneratur in Volgam, ubi ad confluentes situm est oppidum Nouogrodia minor, de nomine maioris urbis, ex qua deducta est ea colonia, nuncupatū. Oritur Volga, qui antiquitus Rha fuit, è magnis uastisque paludibus, qui candidi lacus appellantur. Sunt eæ supra Moscham inter Aquilonē & Corū, emittuntque cunctos fermè amnes, qui diuersas in regiones diffunduntur, uti de alpibus uidemus, è quorū iugis ac fontibus Rhenum, Padum ac Rhodanū, innumerabilesque minores fluuios manare compertum est. Siquidem eæ paludes pro mōtibus perenni scaturigine humorem affatim præbent, cum nulli omnino montes ea in regione multa etiam hominum peregrinatione reperiantur, ita ut Ryphæos montes & Hyperboreos, toties ab antiquis celebratos, plerique cosmographiæ ueteris studiosi penitus fabulosos esse arbitrentur. Ex iis itaque paludibus Diuidna, Ocha, Moschus, Volga, Tanais atque Borysthenes oriuntur. Volgam Tartari Edilum, Tanaim uero Don appellant, ipse Borysthenes Neper hodie nūcupatur. Hic paulo infra Tauricam in pontum Euxinum decurrit. Tanais autē à Mæoti palude, ubi Azoum est nobile emporium, excipitur. Volga uero ad meridiem Moscham urbem relinquens, uasto circuitu ingentibusque mæandris primo ad orientē, mox in occiduum, ac demum ad Austrum magna aquarū mole præcipitatus in Hyrcanum mare deuoluitur. Supra eius ostium urbs est Tartarorum nomine Cytracham, ubi à Medis, Armenisque & Persis mercatoribus nundinæ celebrantur. In ultiore



riore Volgæ ripa Tartarorum oppidum est Casanum, à quo Casaniorū horda nomen ducit, distat à Volgæ ostio Caspiōque mari quingentis milibus passuum. Supra Casanum autē centesimo & quinquagesimo miliari ad ingressum amnis Suræ, Basilius qui nunc regnat, Surcicum oppidum condidit, ut in ea solitudine mercatoribus ac uiatoribus, qui de rebus Tartaricis ac eius inquietæ gentis motibus proximos finium præfectos certiores reddunt, certa & tuta mansio cum tabernis hospitalibus statueretur. Moschouitarum Imperatores uariis temporibus, uti ex usu præsentium rerū fuit uel libido, noua ac obscura loca nobilitandi, longius pertraxit, apud diuersas urbes imperii atque aulæ sedem habuere: siquidem Nouogrodia quæ Caurum & Solem, & ferè Occidentē spectat uersus Liunioniū mare nō multis ante annis totius Moschouiæ caput fuit, summamq; semper obtinuit dignitatem, propter incredibilem ædificiorum numerum latissimique & piscosi lacus opportunitatem & uetustissimi ac uenerabilis templi famam, quod ante quadringentos annos Byzantium Cæsarium æmulatione, sanctæ Sophiæ dei filio Christo dicatū fuit. Nouogrodia perpetua quasi hyeme & tenebris longissimarum noctiū premitur: nam polum Arcticum ab horizonte sexagintaquatuor gradus eleuatum uidet, sex ferè gradibus ipsa Moscha ab æquatore remotior qua cœli ratione solstitii tempore propter exiguas noctes, continuatis ferè solis ardoribus æstare perhibetur. Vrbs quoque Volodemaria regiæ nomē adepta est, quæ ad ortū solis ducentis amplius miliaribus à Moscha distat, eoque sedem imperii ab strenuis Imperatoribus necessaria ratione translatum ferunt, ut ex propinquo, cum tum bella continenter cum finitimis gererentur, paratiora præsidia aduersus Scytharum irruptiones opponerent: est enim citra Volgā in ripis Clesmæ amnis sita, qui in Volgam euoluitur. Cæterum Moscha, uel ob eas, quas diximus dotes, regiæ nomine dignissima iudicatur, quoniam medio quodam totius frequētioris regionis ac imperii loco sapientissime constituta, munitaque arce & fluminibus, consensu omnium, præcellentiæ meritam laudem honorēq; nulla ætate defuturum sibi uendicasse cæterarū urbium collatione uideatur. Distat Moscha ab urbe Nouogrodia quingentis milibus passuum, mediōque fermè itinere Ottoferia Volgæ amni imposita occurrit. Is amnis ut fonti proximus, nondum receptis tot amnibus exiguus lenisque permeat. Inde per nemora & campestres solitudines Nouogrodiā peruenitur. Porro à Nouogrodia ad Rigā proximum Sarmatici littoris portum paulominus quingētorum miliarium iter est, isque tractus superiore commodior putatur, cum frequentes habeat uicos, urbemque Plechouiam uia impositam, quam duo amnes complectuntur. Ab Rigā autem quæ magni magistri militiæ Liunioniorū ditionis est, ad Lubecā Germaniæ portum in sinu Cimbricæ Chersonesi miliaria paulo plus mille periculose nauigationis numerantur. Ab urbe Roma uero Moscham duobus millibus & sexcētis miliaribus distare compertum est, breuissimo scilicet itinere cunctibus per Rauēnam, Taruīsum, Carnicas alpes, Villacūmq; Noricum, & Vienne Pannonicam: atque inde superato Danubio, per Olmutium Morauorum usque ad Cracouiam Poloniæ regiam, mille & centum miliaria existūt. Ab ipsa uero Cracouia ad Vilnam Lithuanæ caput quingēta: & totidem ab ea urbe ad Smolenchum ultra Borysthenē situm: & à Smolenchō ad Moscham sexcenta

Surcicū oppi-  
dum.

Nouogro-  
diæ laus.

Altitudo po-  
laris  
Volodemaria  
urbis

Opportuni-  
tas & nobili-  
tas Moschæ  
urbis

Rigā Liuo-  
niæ.

Vilna Lithua-  
niæ caput



computantur. Verum id iter quod est à Vilna per Smolenchum ad Moscham, hyeme per niues longo concretas gelu, lubricamque, sed multo attritu solidatam, glaciem expeditis in curribus incredibili celeritate conficitur. Aestate uero nisi difficili laboriosoque itinere campestria superari nequeunt: nam ubi niues perpetuis solibus dissoluit eleuarique cœperint, in paludes cœnosasque uoragines abeunt, uiris pariter & equis inextricabiles, nisi ligneis pōtibz infinito propè labore consternantur. Terra Moschouia in uniuersum neque uitem, neque oleam, neque paulo suauioris pomi frugiferam arborem præter melopepones & cerasa producit, cum teneriora quæque gelidissimis Boreæ flatibus exurantur: campi tamen tritici, siliginis, milii, panicæque, & omnis generis leguminum segetes ferunt, sed certissima messis in cera & melle consistit. Regio enim tota fœcundissimis apibus plena est: quæ non in manufactis agrestium aluearibus, sed in ipsis arborum cauis probatissima mella conficiunt. Hinc per syluas & opacissimos saltus, frequentia ac nobilia apum examina ramis arborum pendentia uidere est, quæ nullo æris crepitu colligere sit necesse. Reperiuntur sæpe fauorum ingentes massæ arboribus conditæ, ueteraque mella deserta ab apibus, cum singulas arbores in uastis nemoribus rari agrestes minime perscrutentur, ita ut in admirandæ crassitudinis arborum stipitibus, per magnos mellis lacus aliquando reperiant. Retulit & cum multo omnium risu Demetrius legatus, ut est ingenio comi & faceto, proximis annis uicinæ suæ agricolam, quærendi mellis causâ in prægrandem cauam arborem supernè defiliisse, eumque profundo mellis gurgite pectore tenuis fuisse hauustum, ac biduo uitam solo melle sustinuisse: cum uox opem implorantis in ea sylvarum solitudine, ad uiatorum aures penetrare nequiuisset, ad extremum uero desperata salute mirabili casu, ingentis ursæ beneficio inde extractum euasisse, cum forte eius beluæ ad edenda mella more humano, se demittētis auersos renes manibus comprehendisset, & eam subito timore exterritam ad exiliendum tum tractatu ipso, tum multo clamore concitasset. Nobile quoque linum, & canabum in restes, multaque item boum tergora & massas ceræ ingentes, Moschouitæ in omnem Europæ partem mittunt. Nulla auri argentive uel ignobilioris metalli, ferro excepto, apud eos uena, secturæque reperitur, nullumque est tota regione, uel gemmarum, uel pretiosi lapilli uestigium. Ea omnia ab externis populis petunt: naturæ tamen iniuria, quæ tot bona prorsus inuiderit, uno pellium nobilissimarum mercimonio resarcitur, quarum pretium incredibili hominum cupiditate & luxu adeo creuit, ut in singulas uestes suffulturæ millenis aureis nummis ueneant. Fuit autem tempus quo hæc uilius emebantur, cum remotissimæ Septentrionis nationes politioris cultus, nostræque adeo anhelantis luxuriæ penitus ignaræ, summa simplicitate, eas uilibus ac ridiculis sæpe rebus permutarēt, ita ut uulgo Permiæ atque Pecerri, tantum pellium zebellinarum pro ferrea securi rependerent, quantum earum simul connexarum ipso securis foramine, quo manubrium inducitur, Moschouitæ mercatores extrahere poterant. Ante quingentos annos Moschouitæ gētilium deos coluere, Iouem scilicet, Martem & Saturnum & plerōsque alios quos sibi insano errore hominibus ex industriis, aut regibus antiquitas finxit. Tunc uero primum Christianis sacris initiati, cum Græci anti-

stites

Itinera difficilia.

Mella nobilia

Casus facete relatus.

Ursæ miraculum.

Metallo caret Moschouia

Simplicitas mercatorum

Moschouitæ olim gentiles.



stites haud satis constantibus ingeniis, à Latinorum ecclesia dissentire cœperunt, factumque est, ut Moschouitæ eos religionis ritus, quos à Græcis doctoribus accepissent, iisdem sensibus, & syncerissima quidem fide sequerentur. Spiritum enim sanctum tertiam in diuina trinitate personam, à patre deo solum produci persuasum habent, cum rectissima ueritate à patre simul Christoque filio proficisci credendum sit. Verum ea controuersia apud conuentum Florentinum, præsidente Eugenio quarto pontifice, magna partium contentione agitata, cum exitum habuit, ut pertinacia Græcorum in sermone potius quam in sensu castiganda uideretur, cum Græci antistites euidentissimis conuicti rationibus, spiritum sanctum à patre per filium produci faterentur. Sacramentum quoque non ex azymo, uti iure debemus, sed ex fermentato pane conficiunt, idque sub utraque specie, sicuti soli apud nos sacerdotes, panis scilicet diuinique sanguinis, ab eorum presbyteris uniuerso populo communicatur: quo maxime errore imbuti Bohemi, paulo ante patrum nostrorum memoriam à latinorum ecclesia descuerunt. Cæterum quod ualde alienum à Christiana religione esse uidemus, nullis sacerdotum suffragiis, nullaque propinquorum aut amicorum pietate iuuari mortuorum manes arbitrantur, fabulosumque esse purgatorii locum putant, è quo tandem piorum animæ, cum diuturna ignis poena, tum multis parentationibus, indulgentiisque summorum pontificum expiata, immortalium felicitatem beata in cœli sede consequantur. Cæteris in rebus easdem ferè ceremonias tenent, quæ à Græcis usurpatæ sunt, Romanamque ecclesiam cæterarum omnium principatum obtinere, superbè & pertinaciter negant, sed ante alia, Iudæorum genus, uel memoria quidem horrent, nec eos intra fines admittunt ueluti pessimos atque maleficos homines, qui etiam nouissime Turcas ænea tormenta conflare docuerint. Christi uitæ miraculorumque omnium historia ab euangelistis quatuor conscripta, itémque Pauli epistolæ, dum sacra fiunt, è suggestu clariore uoce recitantur, probatæque uitæ sacerdotes homelias ecclesiæ doctorum publicè legunt, etiam iis horis quibus sacra minime conficiuntur, non enim oratores cucullatos qui aduocato populo concionari, & ambitiose nimis atque subtiliter de diuinis differere soliti sunt, admittere fas putant, quoniam rudes imperitorum animos simplici potius doctrina: quam altissimis arcanorum interpretationibus ad sanctiorem morum frugem euadere, uiri solidæ religionis arbitrantur. Hos quos modo diximus, sacros libros, itémque noui ac ueteris instrumenti enarratores, præterea Ambrosium, Augustinum, Hieronymum atque Gregorium, in linguam Illyricam traductos habent, religioseque custodiunt. Antistites, principesque minorum sacerdotum singulis urbibus, pagisque præfecti sacra curant, controuersias dirimunt, & moribus deprauatos summa quadam uindicandi potestate persequuntur. Regem sacrorum quem ipsi metropolitam uocant, à Constantinopolitano patriarcha petunt. Archimandritæ autem & episcopi, coniectis in urnam meliorum nominibus, sorte ducuntur. Eorum uero hominum qui humanis cupiditatibus ultro renuntiarunt, diuinarumque rerum contemplationi & sacrorum ministerio sese dedicarunt, duplex est genus, utrunque cœnobium incolit: sed alterum est uagum & paulo solutioris uitæ, sicuti apud nos diuorum Francisci atque Dominici sectam profitentes: alterum constat ex sanctioribus monachis,

Dogmata  
Moschouita-  
rum in reli-  
gione.

Purgatoriū  
nō admittūt

Euangelia  
Pauli episto-  
larum.  
Homeliæ do-  
ctorum.  
Concionato-  
res non ad-  
mittunt.

Libri sacri  
translati

Metropolita  
Archiman-  
dritæ.  
Episcopi

Sanctioris  
uitæ professores



quorum ordinem diuus Basilius instituit, iis ne limine quidem uel in suprema uitæ necessitate, pedem efferre fas est. Procul enim ab oculis prophanorum singulari duritie uitam in occultioribus aditis degunt, summamque subactæ carnis & confirmati in religione animi opinionem præbent. Vniuersus populus quater in anno & pluribus semper diebus ieiunare consuevit, abstinetque ab esu carniū, ouorum, & lactis. In uere primum, more latino post diem cinerum: mox adulta ætate in honorem diuorum Petri & Pauli: & initio autumnī demū, cum assumptæ in cœlum Mariæ uirginis memoriā celebramus: postremo sub ipsam hyemem, cum aduentus domini pronuntiatur. Per hebdomadam uero, diem Mercurii sine carnibus, diem autem Veneris sine ouis lacteque traducunt, sed Saturni dies mensa omnibus obsoniis oppipare referta hilariter excolitur. Cæterum secus ac nos solemus, nullas festorum dierum uigilias obseruant. Religiosissimè templa uenerantur, adeo ut ea neque uiros neque scēminas ueneris pollutos complexibus intrare fas sit, nisi prius priuatis balneis abluantur. Sæpèque accidit, ut complures utriusque sexus sacra audientes extra limen consistant, & propterea à petulcis iuuenibus recentis incontinentiæ notati, facietis aliquando nutibus salutentur. In ipso natali die Ioannis baptistæ, & in paschate, trium magorū, presbyteri sacratos panes paruos populo largiuntur, quorū esu febribus conflictatos alleuari existimant. Aliā quoque sacra certo anni tempore apud flumina gelu cōcreta celebrantur. In ripa tabernaculum constituunt, & aduocata nobilitate, hymnos numeroso concentu pronuntiant, sacræque lymphæ multa aspergine profluentē purificant, & solenni ceremonia stratum & consecratum circūcisā & reuulsa glacie protinus aperiunt. His rebus rite confectis, siqui adsunt languentes uel morboſi, in flumen defiliunt, & sacris aquis abluuntur, cum ob id elui morborū sordes persuasum habeant. Defuncti uti apud nos, mediocri funeris pompa comitantibus presbyteris efferuntur, capite mappa uelato. Cæterum non in templis, uti apud nos impia propè, uel abominabili certe corruptela usurpatum est, sed in septis ac exterioribus templorum uestibulis sepulturæ traduntur: iis quoque more nostro quadragenis diebus parentant: quod certe mirum uidetur, cum in purgatorio loco expiari animas & criminum pœnam ullis amicorum suppliciis, ulloque pietatis officio mitigari penitus negent. In cæteris eadem quæ à nobis de religione sentiuntur, constantissime credunt. Moschouitæ Illyrica lingua, Illyricisque literis utuntur, sicuti & Sclauī, Dalmatæ, Bohemi, Poloni, & Lithuani. Ea lingua omnium longè latissima esse perhibetur, nam Constantinopoli Ottomanorum in aula familiaris est, & nuper in AEgypto apud Memphiticum Sultānum & equites Mamaluchos haud ingratis auribus audiebatur. In hanc linguā ingens multitudo sacrorum librorum, industria maximè diui Hieronymi & Cyrilli translata est. Præter quoque patrios annales, Alexandri etiā Magni, Romanorūque Cæsarum, itēque M. Antonii & Cleopatrz memoriā iisdem literis cōmendatam tenent. Philosophiam uero & fideralem scientiam, cæterasque disciplinas, & rationalem medicinam nunquā attigere, ūque pro medicis se gerunt, qui alicuius paulo ignotioris herbæ uires, se pluries obseruasse profitentur. Anni apud eos non à natali Christi, sed ab ipso mundi initio numerantur, qui non à mense Ianuario, sed à Septembri incipiunt. Leges toto regno habent simplice

Ieiunia gētis  
quatuor.

Mercuriidies  
sine carnibus  
Veneris sine  
ouis & lacte  
Saturni dies  
genialis.

Sacra apud  
flumina.

Funera.

Sepulturæ

Illyrica lin-  
gua omnium  
latissima.

Historias cal-  
lent.

Leges simpli-  
ces.



plices, summa principum & iustissimorum hominum æquitate conditas, & propterea populis ualde salutare, quoniam eas ullis caudicorum cauillationibus interpretari atque peruertere non licet. De furibus, sicariis, & latronibus supplicium sumunt: cum de maleficiis quæstionem habent, reos multa gelida aqua superne demissa profundunt, quod intolerandum tormenti genus esse perhibent. Nonnunquam obduratis & contumacibus, ut confessio criminis exprimatur, lineis cuneolis digitorum ungues conuelluntur. Iuuentus omnis uariis ludis, sed militiæ proximis sese exercet: in stadio cursu contendit, in palastra colluctatur, pernicipitati equorum studet, omnibusq; præmia, & præsertim sagittariorum peritissimis præponuntur. In uniuersum Moschouitæ statura sunt mediocri, sed quadrata & ualde torosa, cæsi omnibus oculi, prolixa barbæ, crura breuia, & uetres extenti: equitant contractis admodum cruribus, & peritissime uel auersi & fugientes sagittas emittunt: domi opipare potius quam laute uiuunt, namque omnium ferme cibariorum quæ uel à luxuriosissimis desiderari possunt, mense eorum & paruo quidem pretio passim instruuntur. Gallinæ siquidē, & anates singulis sæpe argenteolis tenuibus nummis ueneunt: maioris minorisque pecoris incredibilis est copia, & occisæ media hyeme iuuenæ, concretis gelu carnibus duorum ferè mensium spatio non putrescunt. Venatione & aucupio uti apud nos, nobiliora obsonia parantur, nam uenaticis canibus & plagis omnis generis feras capiunt, & astutibus atque falconibus, quos mirificos regio Pecerra præbet, non modo phasianos, & anates, sed cygnos & grues confectantur. Astures ex genere infimo aquilarum uel miluorum, falcones uero accipitrum nobile genus antiquis fuisse putamus. Capitur quoque auis subnigra, puniceis superciliis, magnitudine anseris, quæ pulparum sapore phasianorum superat dignitatem, Moschouitica lingua Tetrao nuncupata, quæ Plinio Erythraeo uocatur, Alpinis populis cognita, & maxime Rhetis, qui saltus ad Abduæ amnis fontes incolunt. Ingentes etiam sapidissimosque pisces, & ante alios sturiones, quos Siluros antiquitus fuisse putamus, Volga præbet, & hi quidem hyeme multa inclusi glacie, recentes pluribus diebus asseruantur. Aliorum uero piscium multitudinem ferme incredibilem, ex candidis, quos diximus, lacubus expiscantur. Vino natiuo cum penitus careant, aduectitio uti solent, sed in festis conuiuiliis tantum, & sacrificiis. Ante alia Creticum subdulce, maximo in honore habetur, sed in usum medicinæ tantum, uel principalis luxuriæ ostentationem: cum miraculi loco sit, eductum Creta per Gaditanas fauces, & tantis conclusi maris oceanique fluctibus agitatam incorrupta suauitatis ac odoris dignitate, inter Scythicas niues ebibisse. Populus uero medonem bibit ex melle lupulique decoctum, quod picatis in cadis ueterascit, & ex antiquitate nobilitatē assequitur. In usu quoque sunt birra atque ceruisia, sicuti apud Germanos Polonosque uidemus, quæ ex tritico zeaque, uel ordeo decoctis, omni conuiuio circumferuntur. Hanc quadam cognata cum uino potestate, largius compotantibus ebrietatem inducere affirmant. Medonem ac birram per æstatem infrigidare infusa poculis glacie, uoluptatis gratia solent: nam ingentia glaciei frustra nobilium in cellis subterraneis singulari studio reconduntur. Sunt & qui in delitiis habeant succum ex subausteris cerasis expressum, qui perspicui & purpuris-

Supplicia?

Exercitatio  
gentis.

Vitus qualis

Mira de canibus  
affertur.Tetrao auis  
lingua Moschouitica. Plinio Erythraeo.

Vino carent

Medonē, birram &amp; ceruisiam bibunt.

Succus ex cerasis.



Pudicitiam  
fœminarum  
obseruant

Sophia vxor  
Ioannis

Salomonâ,  
Vxor Basilii,

Delectus vir-  
ginum

Basilii ætas

Basilii laus

Incredibilis  
equitatus  
Insigne regii  
vexilli

santis uini colorem, & saporem iucundissimum refert. Vxores & fœminas non in eo honore sunt apud eos uti apud cæteras gentes, nam propè ancillarum loco habentur. Viri insignes earum uestigia mirum in modum obseruant, & pudicitiz diligentissime cauent: non enim adhibentur conuiuiis, neque sacrorum causa remotiora templa petere, aut temere in publicum egredi permittuntur. Cæterum uel ab externis hominibus, & exiguo quidem pretio ad Venerem omne uulgus fœminarum facile pellicitur, adeo ut parum earum amoribus studere uiri nobiles existimentur. Basiliius ante uiginti annos Ioannem patrè amisit. Is Sophiâ Thomæ Palæologi, qui late in Peloponêso imperabat, Constantinopolitanusq; Imperatoris erat frater, uxorem duxit. Ea tum Romæ erat, Thoma patrè Turcarum armis Græcia pulso. Ex hac quinque liberi felici fecunditate suscepti, ipse Basiliius, Georgius, Demetrius, Simeon & Andreas. Demetrio & Simone iampridem morbo absumptis, Basiliius Salomoniam Georgii Soborouii, eximie fidei atque prudentiz consiliarii filiam, in matrimonium sibi collocauit, cuius fœminæ singulares uirtutes una sterilitas obscurat. Solent autè Moschouitæ cum de uxore ducenda deliberant, omnium toto regno puellarum uirginum delectum habere, ac forma, uirtuteque animi præstantiores ad se perducere iubere, quas demum per idoneos homines, fidelesque matronas inspicunt ita diligenter, ut secretiora quoque ab iis contrèctari exploratque fas sit. Ex iis uero magna atque sollicita parentum expectatione, quæ ad principis animum responderit, regis nuptiis digna pronuntiatur. Cæteræ uero, quæ de formæ pudicitizque, & morum dignitate contenderant, sæpe eadem die in gratiam principum, proceribus atque militibus nubunt: sic ut mediocri loco natæ plerunque, dum principes regiz stirpis clara stemmata contemnunt, ad summum regalis thori fastigium, uti & Turcas Ottomanos solitos esse uidemus, pulchritudinis auspiciis euehantur. Basiliius quadragesimum septimum ætatis annum non attingit, specie corporis eximia, animi uirtute singulari, suorumque studio ac beneuolentia, & rebus gestis, progenitoribus suis antefendus. Nam cum per sex annos cum Liunionis, qui septuaginta duas urbes fœderatas in eius belli causam trahebant, armis contendisset, paucis legibus datis potius quàm acceptis, uictor discessit. Polonos quoq; initio statim ipsius imperii, acie profligauit, Constantinumq; Ruthenû copiarum ducem captum & catenis uinctum Moscham perduxit. Sed ipse aliquanto post ad Borysthenem supra Orsam urbem, ab eodem Constantino quem dimiserat, magno prælio est superatus: ita tamen ut Smolêchum oppidum, quod antea Moschouitæ occupant, post tantam etiam uictoriam à Polonis partam, in ditione Basilii relinqueretur. Sed aduersus Tartaros, & maxime Europeos Præcopitas, sæpius secundo prælio à Moschouitis est dimicatum, ulciscendis fortiter iniuriis, quas illi repètinis incursionibus intulissent. Supra enim centum & quinquaginta milia equitum Basiliius ad bellum ducere consuevit, distinctis per uexilla turmis, quæ suos duces sequuntur. Regiz alæ uexillo inscripta est Iosue Hebræi imago illius, qui, ut sacræ referunt historiz, à deo maximo longissimum diem, retardato solis cursu piis precibus impetrauit. Pedestres copiz nullo propè usui sunt in illis uastis solitudinibus, tum ex ipsa ueste quæ fluxa talarisque est, tum ex hostium consue-



consuetudine, qui cursu potius & equitandi celeritate, quàm ui statariæ pugnae, uel ipso congressu militiam exercent. Equi eorum statura infra mediam existunt, sed robusti & uelocissimi habentur. Equites præpilatis hastis, clauisq; ferreis & sagittis rem gerunt. Paucis falcati sunt gladii: corpora uero clypeis rotundis, ut Asiatici Turcæ, uel inflexis & angularibus parmis, more Græcorum, itémque lorica & galea pyramidalis proteguntur. Basilius etiam Sclopettariorum equitum manum instituit, multaque ænea tormenta Italorum fabrorum artificio conflata, suisque imposita curribus in arce Moschæ uisuntur. Ipse insigni apparatu & singulari comitate, qua tamē regia maiestas nulla ex parte corrumpitur, publice cum proceribus atque legatis epulari solet, magnūque inaurati argenti pondus duobus abacis expositū eodem triclinio conspicitur. Nul-  
Arma gentis  
Apparatus regis mensæ  
Exercitus regis  
Immunitas militaris  
Optimum institutum

## B E N E D I C T I L A M P R I D I I.

Hos dono Iouius mittit tibi Rufe labores

Anfractus longos, & spatia ampla maris.

Hæc quoniam nemo melius te iudicet, unum

Vllæ nec terræ, nec maria ulla latent.

Magna quidem Iouius donat tibi Rufe, sed ipse

Longe maiori munere dignus eras.



PETRVS MARTYR DE INSVLIS  
 NVPER REPERTIS, ET DE MORIBVS  
 INCOLARVM EARVND E M.

Darienes flu-  
 uius.



In Cuba op-  
 pida excitata

Iucatana in-  
 sula.

**E**X ME ARVM decadam libellis in uulgus emissis colli-  
 gere licet, fugitiuos quosdam ad uicina Darienis appullos  
 nostrorum libellos admirantes dixisse, terras se aliquando in-  
 coluisse, quorum habitatores instrumētis uterentur eiuscemo-  
 di, ac politice legibus parentes uiuerent, atriāque ac templa la-  
 pidibus constructa magnifice, plateas etiam, stratasque uias  
 ordine composito, ubi negotientur, haberent. Eas nunc terras nostri reperere:  
 qui auctores fuerint, quomodo res processerit, attente audiat quisquis peregrin-  
 orum regionum conditiones & populi mores scire desiderat. De insula Cuba,  
 quam Fernandinam placuit appellari, Hispaniolæ occidentali proxima, Septen-  
 trionalis tamen adeo, ut Cancri tropicus mediam secet Cubam, Hispaniola ue-  
 ro à tropico distet ad æquatorem gradus aliquot, pauca tetigimus hætenus. In  
 hac insula sex iam sunt oppida erecta, primarium à diuo Iacobo Hispaniarum  
 patrono nomen sumit. Natiuum est ibi aurum, & montanum, & fluuiale: au-  
 ro suffodiendo inuigilatur. Que anno libelli mei portas clausurunt, tres Hispa-  
 ni ex antiquioribus Cubæ ciuibz, Franciscus Fernandes Cordubensis, Lupus  
 Ocho, Caicedus & Christophorus Morantes, nouas quærere terras institunt  
 Est inquietus & semper magna moliens Hispanorum animus: tria instruunt  
 eius generis nauigia, quæ appellat Hispanus Carauellas, propriis impensis, ha-  
 bita à gubernatore Diego Velasquem nauigandi potestate ex angulo Cubæ oc-  
 cidentali, qui sancti Antonii nomen adeptus est, altum capiunt cum centum &  
 decem uiris. Est hic angulus ad reficiendas naues, ac aquationi, ac signationi  
 aptissimus: coelo tantum & aqua contenti sex adnauigant inter Zephyrum &  
 Austrum dies ac dimidium, quo tempore sex tantum & sexaginta se miliaria  
 percurrisse arbitrantur. Stabant autem in ancoris ubicunque sol cadens illos  
 deprehendebat, ne per ignotum pelagus errâtes, scopulis illiderentur, aut hareno-  
 sis uadis impliciti mergerentur. In insulam incidunt ingentem, nomine Iucata-  
 nam, cuius initium incolæ Eccampi uocant. Oppidum in littore situm adeunt  
 magnum adeo, ut Cayrum illud nostri dixerint: hospitaliter ab incolis nostri  
 suscipiuntur: ingressi summa sunt repleti admiratione, turritas domos, templa  
 magnifica, uias ordine stratas ac plateas, ac nundinaria ibi agi commercia re-  
 periunt: lapideæ sunt domus, aut ex lateribus & calce, arte & industria con-  
 sectæ, ad prima domorum impluua, & primas habitationes per duodecim  
 aut decem gradus ascenditur, non tegulis tantum, sed culmis aut herbarum  
 fruticibus coopertæ sunt. Mutuis se muneribus afficiunt, bullas aureas & ex auro  
 fabrefacta monilia perpulchre formata barbari nostris, nostri autem illis seri-

ceas ac



ceas ac laneas uestes, uitreos etiam calculos, & aurichalcea tintinnabula munera illis grata, quia peregrina, sunt impartiti. Specula floccifaciebant nostra, quia illi lucidiora ex quibusdam lapillis assequuntur. Vestita est hæc gens non lana, quia pecudes non habent, sed consapio mille modis & uariis fucato coloribus. Fœminæ à cingulo ad talum induuntur, uelaminibusque diuersis caput & pectora tegunt, & pudice cauent, ne pes aut crus illis uisatur. Tempa frequentant, ad quæ primarii uias ex propriis domibus sternunt lapidibus idolorum cultura indulget, sunt recutiti, legibus uiuunt & summa fide cõmerciatur, permutando sine pecuniis: Cruces uiderunt, Vnde id habuerint interrogati per interpretes dicunt aliqui, transisse aliquando uirum quendam formosissimum per eos tractus, qui eis id insigne in sui memoriam reliquerit. Alii, obiisse lucidiorem sole hominem in eo opificio, certi nil habetur. Aliquot ibi dies commorati, iam uidebantur incolis esse molesti: nullius enim hospitis est grata mora longa, commeatum capiunt, recta tendunt ad occidentem per prouinciam Comi & Maiâ dictas ab accolis: præterlapsi sunt, aquam tantum & signa ex itinere capientes, barbari littorales nostras admirabantur naues mari innatantes, ad quas uisendas & fœminæ permixtæ uiris cum infantibus passim prodibant. Nam ex mari non sine stupore illorum ædificia, sed præcipue templa littoribus proxima, in modum arcium erecta prospectabant. Iacere tandem ancoras placuit ad miliaria centum decem, in prouincia, cui nomen Campechium, cuius oppidum est domorum trium milium, amice seinuicem complectuntur, nauticam nostrorum artem, nauigiorum magnitudinem, uela, amplustra, resque cæteras barbari attoniti admirabantur. Vbi excussorum tormentorum tonitrua, fumosum ac sulphureum odoremque ignitum senserunt, à deo mitti fulmina arbitrabantur. In atrio regulus nostros benigne magnificèque hospitatus est. Post sumptas more illorum epulas, in quibus pauones habent & altilia, uolucres etiâ montanas & nemorales, ac aquatiles, perdices, coturnices, turtures, anates & anseres, cuniculos: ultra hæc lupos, leones, tygres, uulpes, & quadrupedes agrestes, ut apros, ceruos & lepores. Ducti sunt nostri cum regio comitatu ad latum compitum in oppidi latere situm, ostendunt nostris quadratum quatuor graduum erectum marmoreum, partim ex tenaci bitumine, partim ex lapillis pulpitu, cui hominis inhærebat simulacrum super sculptum, adhærentibus illi duobus quadrupedibus ignotis, qui marmorei hominis uterum, uti canes rabidi uidebantur uelle dilacerare. Serpens bitumine ac lapillis compacta, pedum longa septē & XL, grassa uti bos magnus marmoreum leonem uorans, recenti cruore irrorata simulacro astat: proximi solo affixi erant tres tigni, quos tres alii lapidibus suffulti transuersabāt. In eo loco reos puniunt, in cuius rei argumentum, stratas uiderunt innumeras cruore illitas & confractas sagittas, & mortuorum ossa in uicinâ cortē proiecta. Domus & hic sunt ex calce & lapidibus ædificatæ. Regulo Lazari nomen indiderunt, quia Lazari die, terrâ ceperunt. Abeunt ad milia inde, ad occidentem semper, quindecim. Prouinciam captant nomine Aquanil, cuius oppidum Moscobo dicitur. Regulus Chiapotón, ultima acuta. Hostiliter inspectat nostros hic regulus, insidias stratagemate nostris struit, petētibus aquā, tras collem proximum fontes esse innuunt, quā iter erat per angustas semitas.

Campechia

Aquanil.



Ex mutatis in fronte coloribus, & arcuum & telorum gestamine, fraudem sentire, tendere ulterius nostri recusant. Palantes & imparatos adoriuntur nostros barbari, mille amplius sternunt fugientes nostros, cœnoso in littore (erat enim ibi mare cœnoso) implicantur, duos & uiginti sagittis transuerberatos perimunt, reliquos maiori ex parte uulnerant. Tribus & triginta inquit classis ipsum prætorē Franciscum Fernanden uulneribus percussum. Ferè nullus euasit incolumis, Si ad monstratos colles processissent, perempti fuissent ad unum. Mœsti ergo redeunt, qui superfuere ad Fernandinam insulam unde uenerant, ac cum fletu & gemitibus ob relictos & præsentis uulneratos à sociis recipiuntur. His intellectis Cubæ Fernandinæ gubernator Diecus, Velasquem quatuor Carauellarum classē instruit cum hominibus circiter trecentis. Huic classiculæ præfecit nepotem suum Ioannem Grisaluam, additis sub prætoribus Alfonso Auila, Francisco Montegio, & commendatario Petro Aluarado, Nauclero autem eodem Antonio Alamino prioris classiculæ rectore. Idem iter capiunt, sed australius aliquanto ad milia forte septuaginta, turrim ex alto uident, terrā minime. Ea turri duce, insulam apprehendunt nomine Cozumellā, à qua suaues se olfecisse odores spatio trium miliariorum uento inde perflante, inquit. Ambitu reperiunt esse miliariorum quinque ac quadraginta: plana est, gleba fortunatissima: aurum habet, sed peregrinum aliunde allatum: melle abundat & fruticibus ac hortensibus, uolucris etiam & quadrupedibus. Est horum incolarum, ut breuibus absoluiam, ea œconomia & politica, quæ de Iucatana: domus, templa, uia, commercia, uirorum ac fœminarum gestamina ex gossipino, non lanceo uel serico: domus lapideæ, culmo contextæ, ubi sit lapidum penuria, sed ubi sit lapidinarum copia, laminis lapideis conteguntur, marmoreos postes in plerisque, ueluti apud nos pleræque domus habent. Turres ibi uetustas dirutarum uestigia redolentes repperunt, unam præ cæteris graduū octodecim, ut ad illustria templa conscenditur. Nostras sunt admirati naues, & nauticam artem, noluerunt hospites primo impetu, benigne eos tandem admiserunt: turrim conscendunt duce primario, quem sacerdotem credunt: uexillum in cacumine sistunt, regi Castellæ imperium adiudicant, Sanctæ crucis nomen insulæ assignant, quia ad nonas Maii Sanctæ crucis festo sunt insulam ingressi. Cozumellam uero, inquit, appellari à regulo Cozumellao, cuius maiores ipse iactat fuisse huius insulæ habitatores. Cameras in turri reperere, statuis tum marmoreis, tum fictilibus urforum simulacris instructas, quos unisono cantu elato inuocant, suauibus adolent odoribus, uti penates eos colunt: res ibi diuina celebrata est, sunt recutiti. Regulus hic eleganter ex gossipino uelamine indutus, pedis unius digitos abscissos habebat: natanti, piscis uorax qui Tuberon dicitur, uno morfu digitos raptauerat, laute copioseque nostros aluit. Post triduum abeunt ad occidentem semper, uident procul montes, Iucatanæ erat insula, quæ à Cozumella quinque tantum milibus passuum distat, Iucatanæ latus meridionale capiunt, putato continenti proximum circumeunt, illam nequeunt uersam, ob frequentes scopulos, & ob harenosa uada. Ad iam notum latus boreale Alaminus nauclerus naues reducit. Ad idem oppidum Campechium & Lazarum regulum, ad quem priores superiori anno proficiscuntur, placide suscepti

Cozumella  
insula.



scepti ad oppidum inuitantur: inuitasse poenituit: ad lapidis iactum ab oppido nostros sistere iubent: accolæ abire imperant, aquandi petunt copiam prius quàm discedant nostri, puteum à tergo relictum monstrant, licere inde aquam haurire, aliunde minime inquirunt: pernoctatum est in uicino putei campo: diffidunt barbari, armatorum tria circiter milia castra locant non longe à nostris: pars utraque noctem duxit insomnem: illi nostrorum eruptionem in pagum, nostri barbarorum impetum repentinum ueriti, tubarum clangoribus, & tympanorū boatu somnolentos excitabant: ubi illuxit, accedunt barbari appellant interpretes Cubenses nostros, quorum idioma, si non idem, consanguineum tamen: face thurea inter utrunque agmen accensa, minantur internecionem, ni prius abire properauerint quàm fax extinguatur: nolle se hospites protestantur: fax consumitur, deuenitur ad manus, perimunt è nostris unum, quem sagitta male scutatum reperit, multi feriuntur: ad tormenta quæ apud puteum erant locata, se reducant nostri, ut inde globos iaculentur in barbaros: retrocedunt ad oppidum barbari, milites feruenti animo cupiebant illos persequi, uetuit Grisalua prætor. Inde procedunt ad Iucatanæ calcem ultimum, ducentorum reperiunt esse miliarium, amplius productam ab oriente in occidentem: portum petunt egregium, cui nomen dedere Portus desideratus. Ad terras deinde transsunt alias, & terramprehendunt Iucatanæ uicinā ab occidente: dubitant sit insula nec ne, continenti esse annexam arbitrantur. Est ibi sinus quem suspicantur ambitum utraque terra, nil certi, Caluacam, aliàs Oloan ab accolis hæc tellus appellatur. Flumen ingens ibi repertum, dat suo furore in pelagus potabiles aquas, duorum milium spatio à prætore Grisalua appellarunt flumen. Admirati nostras moles mari natantes barbari accolæ utranque fluminis ripam ad sex milia armatorum, scutis aureis, arcubus & sagittis, ensibus etiam latis, & hastis adustis armati obsident, prohibitori descensum & littus tutaturi. Stat ea nocte pars utraque in alis, prima luce ecce Canoas circiter centum armatis plenas: diximus aliàs Canoas esse lembos uniligneos: & hic se Cubenses interpretes, & hi sat commodè conueniebant in lingua: pax oblata per interpretes admittitur, accedit una Canoa, reliquæ sistunt. Canoæ rector quid nostri quærirēt per alienas terras percontatur: aurum cupere respondetur, permutatione tamen, non gratuito aut uiolenter. Redit Canoa, quid actum sit regulo referunt nautæ: accersitus regulus uenit libens: narratu dignum, cubicularium ad se uocat regulus, cubicularia iubet afferre ornamenta, ut prætorem nostrum Grisaluā ornet imperat, à calceo incipit aureo illum induere, ocreas, thoracem, & quicquid armorum ex ferro aut calybe solet cataphractus noster aliquis proditurus ad pugnam sibi sumere, uniuersum id ex auro miris modis formato regulus Grisaluæ impartitur. Compensat Grisalua ferricis, laneis ac lineis uestibus, rebûsque aliis nostratibus. In huius Iucatanæ initio, quando in Cozumellam traiecerunt, in Canoam piscatoriam inciderunt: no uem inerant hamis aureis piscantes incolæ inermes, capiunt omnes nil timentes. Ex illis unum agnouit hic regulus, se tantundem auri missurum in craftinū pollicetur ad Grisaluam, quanti ponderis uir ille reperiretur: negauit redemptionē sociis inuitis prætor, illum retinuit ac discessit, quid ultra faciat recogniturus, ad milia centum circiter, ad zephyrum semper, sinum ingentem reperiunt, in quo



Sacrificii  
insula.

Amicitiae  
foedus.

tres paruae insulae sitae erant, adeunt grandiores: proh crudele facinus, pater fani & proh truculentas hominum mentes, stomacho claudat portas quisque pius ne perturbetur, pueros puellasque ibi suis diis immolant passim, sunt recutiti, simulacra quae colunt, sunt marmorea quaedam, alia fictilia, marmoreus inter imagines stat leo pertusa ceruice, in quem miserorum sanguinem proiciunt, ut inde fluat in lacunam marmoream. Quibus ceremoniis miserorum sanguinem litet referamus, non iugulis, sed pectoribus apertis ex infausta uictima cor eruunt, ex cuius calido cruore idolorum labia illinunt, reliquum fluere patiuntur in lacunam inde in apertum, cor & exta comburunt, gratum fumum diis fore arbitrantur. Ex idolis unum est uirile, quod inflexo capite lacunam sanguinariam superinspiciat, tanquam acceptans sacrificium hostiarum. Torulos brachiorum & femorum, ac surarum pulpas edunt, praecipue si hostem bello uictum sacrificauerint. Riuum concreti sanguinis, ueluti ex carnificina exeuntem repperunt. Ex insulis uicinis ad id facinoris miseros transportant, capita cadaueraque truncata ibi uiderunt innumera, integra etiam pleraque uelaminibus contecta. Vniuersi tractus illi auro gemmisque abundant. Pererrans insulam unus est nostris in duos semisuffusos urceos alabastrinos perpulchre laboratos lapillis incidit, diuersorum colorum plenos. Aiunt lapillum se repperisse, qui missus est ad gubernatorem, ualoris duorum milium Castellanorum auri. Sacrificii hanc insulam appellarunt. Extant & in huius Coluacanae lateribus aliae sitae insulae, in quibus solae mulieres habitant sine uirorum commercio, Putant aliqui Amazonico uiuere more, qui prudentius rem ponderant, coenobitas esse uirgines, secessu gaudentes, uti apud nos, & multis in locis apud ueteres Vestales, aut Bonae deae sacrae. Certis anni temporibus traiciunt ad eas uiri, non coitus causa, sed moti pietate, campos & hortos illis composituri, quo cultu queant uitam ducere. Fama tamen uiget, esse alias insulas foeminarum sedes, sed corruptarum, quae mammillam a teneris scindunt, quo agilius queant sagittariam artem exercere: ad easque traicere coitus causa uiros, nec retinere mares. Fabulam puto. Ad littus ergo Coluacanae terrae se applicant nostri, placide negotiantur, aureum regulus cacabum, armillas, torques, bullas, multaque praeterea diuersorum generum monilia nostris impartitus est: nostri contra nostratibus illum alacrem reddunt. Figere hic pedem, & coloniam deducere focii cupiebant: prohibuit Grifalua praetor, desperatis animis uixerunt eo tempore comilitones in praetore. Turritis constat aedificiis haec prouincia, oppidis amplissimis quindecim, & alicubi uiginti milium domorum se oppida uidisse attestantur. Sunt non ubique connexae domus, hortis & cortibus interfecantibus, multae distant a seipsis, plateas habent moenibus circumseptas, in quibus fora nundinasque exercent, uias ordine stratas, furnos, fornacesque, calcem ac lateres coctos habent, figulos, lignariosque fabros, & artifices, mechanicarumque artium omnium opifices assequuntur egregios. Tanaiscus hic regulus dicitur, regio Palmaria, eius oppidum regium nomine Pontachianum aiunt, esse domorum quindecim milium. Quando novos hospites suscipiunt, qui pacem in illis terris admittunt, in amicitiae foedus sibiipsis nouacula uel gladio lapideo sanguinis parumper ex lingua uel manu, aut lacerto, uel alia quauis corporis parte, hospite inspectante eruunt. Sacerdotes uiuunt coelibes & incorrupti. Quid sit coire nemo intelligit, donec nubat.



bat. Nephys & morte piandum est aliter accidere. In foeminis mira castitas. Licet unicuique potenti, postquam unam duxerit uxore, habere pellices quotquot uoluerit: sed nupta adulterio comprehensa uenditur à marito, primario tamen principi, à quo licet mulieris propinquis illam redimere. Nemini non coniugato fas est iungi in mensa, uel eadem lance uesci, aut poculo bibere, parèmq; coniugato se præbere. Augusto Septembrique mense quinque ac triginta dies abstinent, non à carnibus modo, quas assequuntur optimas, sed neque piscibus uescuntur, aut re aliqua, quæ sanguinem nutriet: hortensibus ac leguminibus illos dies peragunt. Menses uiginti dierum numero claudunt: annum uero mensibus uiginti: aliquot ibi dies lautos egere. Abeunt, littus idem sequuti, regulum conueniunt alium, cui nomen dedere Ouandus: regulus ubi nostros aurum cupere intellexit, laminas conflatas attulit aureas, se copiam eius metalli desiderare prætor significauit per interpretes. Postero die aureum hominis simulacrum, pigmeum flabellumque aureum, & artificio uario laruam iubet afferri, calculorumque sorta, pectoralium, & bullarum copiam, & diuersorum generum ornamenta & uariorum colorum lapillos nostris est impertitus, dapibus quoque lautissimis persapide conditis saturauit. In littore inuitatos properanti cursu, frondentibus ramis ex reguli mandato erectis, ilico scænis contegebant, inertes in ramis ferendis: familiares regulus percutiebat sceptro, quod manu gestabat: serui demisso uultu quæcunq; uerbera patienter sustinebant. Interrogatus, ubi nam auri tanta colligeretur copia, proximos digito monstrauit montes, & flumina ab illis decurrentia. Sunt hi fluminibus ac lacubus adeo assueti, ut idem illis sit natare, quod terra incedere. Merguntur flumine quando aurum placet colligere, manusque arenis efferunt plenas, demum de manu in manum cribrantes arenâ, aurum deligunt. Spatio duarum horarum dicunt auro implere cannulam digitalem. De suffumigiis & harum terrarum odoribus dulcia molliâque dici queunt, quæ prætermittimus, quia magis ad effeminandos animos faciunt, quam ad bonos mores. Puerum annorû duodecim oblatum à regulo recusauit prætor, puellam admisit pulchre ornata, sociis inuitis puerum abiecit. Ex lapillis ab hoc regulo habitis, unum scribunt esse ualoris duorum milium castellanorum auri. Discedunt tandem ab hoc regulo auro & gemmis onusti. Grisalua prætor unâ è Carauellis ad patruum gubernatorem destinat ad Fernandinâ cum nuntiis & habitibus auro & gemmis. Littus interea secant, reliqui occidentem uersus, una uero propius fere littus abradat, qua Franciscus Montegius subprætor uehebatur: duæ per altum tendebant in prospectu: admirati accolæ, rem nouam miraculo ascribunt. Duodecim ad Montegium ueniunt Canoæ, per interpretes colloquuntur, benigne se inuicem salutant, supplices orant incolæ ut descendant, magna pollicentur si regulum patriæ adierint: precibus eorum negat Môtégius se posse annuere, quia socii nimis à se distarent, contentos tamen dimisit, datis quibusdam nostratibus muneribus illis gratis, quia ignota sunt. Celebre oppidum aliud adeunt, ad littus sese applicant unâ tres Camarellæ, prohibentur ab accolis descendere, scutis, arcubus plenis pharetris, & ligneis latis ensibus atq; hastis adustis armati, ad nostros prodeunt, sagittas iaculantur eminus illi, tormetorum globulos in barbaros nostri. Machinarum strepitum admirati, ac furore perterriti aufugiunt, pacem



optant. Iam commeatus nostris deficiebāt, iam quassatæ longis itineribus naves erant. Ad insulam igitur Fernandinam factis & repertis antedictis, contētus Grisalua, socii haudquaquam reuertūtur. Nunc diuertendum est parumper, & alia nauigatio pertractanda. Hinc ad has regrediemur terras, quas nostri reperierūt. Diecus idem Velasquen gubernator eodem ferè tēpore, quo classem eam quatuor Carauellarum parauerat, aliam destinauit unius Carauellæ tantum, & uno Bergentino comite, cum uiris quinque ac quadraginta. Violentas hi manus in accolas exercuerūt. Idolorum sectatores sunt & recutiti, propterea licere illos trahere ad aurum suffodiendum putauerunt. Sunt littori continentis in modum proximæ paruæ insulæ multæ, ubertate soli, & fortunatissima gleba beatæ, Guanapan, Ganguan, Quitilla: ex una istarum trecētum rapiūt utriusq; sexus accolas (huic insulæ posuere nomē Sanctæ Marinæ) in Carauellam hos inculcant, & ad Fernandinam tendunt, Bergantinum cum sociis quinque ac uiginti relinquūt, qui dent operam uenationi hominum ulteriori. Portus quēprehendit Carauella, Carenas dicitur: distat is ab angulo Cubæ primario diui Iacobi milia ducenta quinquaginta. Hæc insula est longissima, porrecta ab oriente in occidentem, quam Cancris tropicus interfecat. Miserorum uindictā quærente fortuna, è custodibus in terram descendunt quidam, pauci remanēt. Nacti occasionē recuperandæ libertatis insulares, raptis nostrorum telis ruunt in custodes: perimūt sex, desiliunt in mare reliqui: Carauella potiuntur insulares, regere illam didicerant, redeunt in patriam: sed primo in eandē insulam uicinam descendunt, Carauellam exurunt, tela secum asportant, lembis traiciunt ad suos, relictos nostros cum Bergantino adoriuntur, prostrant, perimunt: qui euasere, infelices ad Bergantinum profugiunt. Arbor est littori proxima, crucē in eius arboris cacumine locant, & superiorem arboris corticem his uerbis inscribunt, Vannuis Aldarieci. Est Daciæ fluuius, in cuius ripa situm est oppidum putati continentis primarium. Re intellecta gubernator, in relictorum auxilium propere mittit naves duas bellatoribus onustas, sero sapiunt: res iam acta erat, crucē sequuti littus adeunt: literas legunt arbori insculptas, non ausi sunt fortunam tentare, cum desperatis egregie armatis præcipue recedunt: ex insula proxima isti tanquam lepores abducunt utriusq; sexus quingentos, eadē causa arbitrati iure merito posse id efficere, quia recutiti. Idem his euenit ad Fernandinam applicatis, unum è nauibus ferociter aggrediuntur, acriter dimicando, custodes Hispanos perimunt quosdam, cæteri sese in mare proiciunt, & ad sociam, quæ proxima erat, Carauellam adnatant, unā omnes cum superstite Carauella raptatam adoriuntur. Dubia fuit quatuor horarum spatium uictoria, pro libertate recuperanda tam uiri quàm foeminæ rabide pugnabant, ne adeptam amitterēt prædam, Hispani acrius dimicabant: uicerunt Hispani tandem, quia pertractandis essent agiliores: in mare sese proiciunt uicti barbari, cum lintribus recolliguntur, tum ferro perempti in certamine, tum aquis suffocati circiter centum: defuere ex Hispanis pauci, ad diui Iacobi oppidum & aurifodinas trahuntur: Ad aliam dehinc tendunt è uicinis insulis, quæ sunt ibi frequentiores, quàm in nostro Ionio symplegades, quarum congeriē Archipelagus uulgus appellat: hostiliter suscipiuntur, quotquot è nauibus descenderunt, perempti aut percussi sunt. Putant hanc esse insulam, Ioannes quidam Pontius, unius classiculæ



classiculæ præfectus adiuit, & perturbatos reliquit: fugatur ab accolis, floridamq; appellauerat, quia resurrectionis die eam insulam repperint, uocat Hispanus pascha floridum resurrectionis die. Sex & uiginti, inquiunt, se uidisse insulas, sed à colono prius præterlapsas, tanquã Hispaniæ Cubæq; custodes, in quibus uenientes oceani procellæ illiduntur. Natiuum in plærisque Granatû aurum reperiunt monilia & isti uaria gestant, & laruis utuntur, tum ligneis deauratis, tum aureis perpulchre ornatis. Opifices sunt ubique argutissimi. Ex laruis unam secum attulit Franciscus Chieregattus, ex ea colligere licebit, quali polleant ingenio. Nouacularum structurâ mirû est uidere, ex lapidibus flauis quibusdam diaphonis uti crystallinis eas formant, & cum eis radunt haud secus ac si ex egregio calyce factæ essent: sed, quod spectatu dignum est, quando obtusam iam habent ex exercitatione aciem, non cote, non lapide, neq; puluere illas acuunt, sed tantû aqua imposita temperantur. Sunt & apud hos instrumentorum & elegantiu rerum mille genera, quæ longum esset narrare. Redeamus ergo unde sumus digressi, ad Cozumellam, Iucatanam, ac Colluacanam siue Olloam, terras dites ac elysias recenter repertas, à quibus diuerteram reuertor: ubi quanti sint momenti tractus illi, cognitum est. Cubæ insulæ habitatores Hispani, gubernatore Annuncie, nouâ classem instruunt Carauellarum decem, cum uiris quingentis, additis, uti leuis armaturæ, equis duobus bergantinis, quorum opera utuntur ad uadosalittora, frequentium scopulorum discrimina tentanda. Equos nauibus imponunt, quinque mares, scemellas uero sedecim bello aptas. Fernandum Corchesium, qui tunc erat prætor urbanus, generalem eligunt classis gubernatorem & prætorem, subprætores uero Alfonsum Fernandem Portucarerium, Franciscum Montegium, Alfonsum Auilam, Alueradum commendatarium Spatensem, Ioannem Velasquem, Diecum Ordaßum: uentum sequuntur eundem, ab angulo Cubæ ultimo, ad occidentem. Quamprimum Franciscus Fernandes Cordubensis, mox Ioannès Grisálua, ad prospectum insulæ sacrificiorum, de qua mentionem fecimus, deueniunt, insperatus acer turbo captare terram uetuit, uersis illos uestigiis ad Cozumellam Iucatanæ orientalem fera tempestas transportauit. Portum habet unicum hæc insula, cui nomen Sancti Ioannis porta, latine indiderunt, sex oppidis tantum contenta est, & aqua puteali, aut cisternali, fluminibus caret & fontibus, quia plana, quinque tantum ac quadraginta mille passuum spatio ambitur. Aufugiunt incolæ ad syluas nemorosas, oppida deserunt præ timore: uacuas domos ingrediuntur nostri, patriis fruuntur cibus, domorum ornatus uariorum colorum, aulæ, uestesque, ac lodices, amaccas appellant, ex conspectu natiuo reperiunt. Habent etiam innumeros libros. De his cum cæteris ad nouum Cæsarem nostrum aduectis, late dicemus. Perlustrant uniuersam nostri milites, compositis tamen agminibus, ne quauis ingrueret: paucos repperunt accolas, una scemina comite, per interpretem Cubensem, Iucatanos tres alios abductos à primis Hispanis, sceminam hortantur, ut absentes accersat regulos. Sceminæ familiares erant accolæ cum ea ducti, à scemina uocati per nuntios ueniunt reguli, fidem amicitiae præstant, domos patrias alacres repetunt, multa ex raptis suppellectilibus restituuntur, idololatras & recutitos esse reperiunt: pueros puellâsq; Z emibus immolant. Sūt Z emes nocturnorū nostrorū lemurum

Nouacula  
ex lapidibus.



simulacra quæ colunt. Interrogati à me Alaminus Nauclerus, Franciscus Montegius, & Portucarerius nuntii, qui regi munera attulerunt, unde immolandos habeant puerospuellâsq; Ab insulis collateralibus, inquirunt uenû ducuntur permutatione auri aut aliarum mercium. Nusquam enim feralis monetæ dira sollicitudo in tam uasto terrarum spatio habitatores premit. Idem aiunt de reliquis nuper inuentis insulis, è quibus duas nominant insulas, Biâ & Sestam, ubi nudi degunt, puerorum puellarumque inopia canibus litant. Canes alunt comedendos, uti cuniculos alit gens nostra, non sunt latrabiles, rostro uulpino, quos ad esum destinant, pullos castrat, ad sobolem procreandam foeminarum copiam, marium numerum exiguum seruant, uti de ouibus pastores nostri: pinguescunt castrati usq; ad quadrimestre mirum in modum. Ab humanis sacrificiis nostri illos deterrēt, nefas esse ostendunt, legē petunt barbari quam sequantur, esse deum unicum qui coelum creauit ac terras, bonorum omnium datorē, sub triplici persona unitum in substantia, facile persuadent: Zemes perfringi patiuntur: Beatæ uirginis imaginē depictam à nostris præbitam in sacro sui templi loco sistunt, templum ac eius pauimenta uerrunt & abradunt, crucem in ipsius dei atque hominis laudem, ob salutem humani generis superimpositam recordatione adorandam receperunt, in templi cacumine unam ingentem ligneam locant. Conueniunt omnes deiparæ uirginis cum tremore reuerenti figuram suppliciter ueneraturi. Per interpretes significarunt hi accolæ esse in Iucatana uicina insula Christianos captiuos septem, qui ad eam, tempestatibus raptati, appulerant, quinque tantum miliorum spatio dirimitur à Iucatana hæc insula. Quinquaginta uiros cum duabus caruellis prætor Cortesius ad id negotii destinat perquisitores, Cozumellanos tres secum aduehūt cum literis à prætore ad Christianos, si qui reperiatur: quàm egregium facinus sint acturi, si aliquem adduxerint, ostendit, rem ardentem commendat, ab illis nanque sperat lucidiorem sole se tractuum illorum omnium noticiam habiturum. Abest bonis auibus, sex dies eis assignantur ad reditum, octo expectarunt: demissos in terram Cozumellanos nuntios trucidatos aut detectos suspicati sunt: illis relictis, redeunt ad Cozumellam nostri. De discessu ex Cozumella cogitabat uniuersa classis, opposita illam uis maris detinuit. Dum morantur ecce ab occidente Canoa inspectat uenientem ab Iucatana, Cozumellanos & Christianum unum è captiuis aduehit, septennio is uitam degerat apud Iucatanos, Hieronymum Aquillarem nomine, uirum Astigitanum Vandalum: quo gaudio seinuicem fuerint complexi, casus loquatur: infelicem sortem suam, & sociorum unam amissorum enarrat, auditur attentis mentibus: nec dissonum fore arbitror, nec tuæ beatitudini molestum, si rem, ut accidit, recensuero. In meis decadibus mentio facta est de nobili quodam Valdiuia ab Darianensibus misso. Sinus Vrabæ in putato continenti habitatoribus, ad Hispaniolam, Admiranti Colono, proregi & senatui regio (ad quos pertinet putati continentis remedium) significatum qua rerum omnium penuria urgetentur: sinistris auibus miser Valdiuia provinciam suscepit: in Iamaicæ insulæ Hispaniolæ Cubæque laterali à meridie prospectu repentinus uortex in arenosas detulit syrtes. Ea uoraca cæcæque uada Hispani uocant Viperas & quadranter uiperas, quia ibi multæ naues implicantur, uti uiperina cauda lacerti: discinditur Carauella, uix Valdiuia & è sociis triginta licuit in Carauellæ scapham descendere, sine remis,



remis, sine uelis misere raptantur à pelago defluenti: diximus nanque in Decadibus, esse ibi maria perpetuo meatu labentia in occidentem: tredecim errarunt dies inscii quò tenderent, nil esui aptum reppererunt unquam, septem ex eis consumpsit fames, fuerunt ipsi marinis piscibus esca, in Iucatanam transportantur. Superstites iam inedia deficientes in crudelis reguli potestatem inciderunt. Val diuiam prætorem unà & socios quosdam trucidauit, mox immolauit Zemibus demum inuitatis amicis comedit. Hostes tantum, aut aduentâtes hospites hi depascunt, de reliquo, à carne humana abstinent. Hic Hieronymus Aquillaris, & socii sex in tertium diem immolandi seruabantur, noctu ruptis uinculis truculenti manus tyranni euaserunt ad regulum huic infensum, supplices confugiunt, admittuntur, sed in seruitutem. Miserandum auditu est de huius Aquillaris genitrici: ubi rem intellexit, ilico insaniuit præ dolore, licet in nube tantum filium audiuerit, in potestatem carnes humanas edentium incidisse. Hæc si quando carnes affatas inspectat, aut uerubus affixas, clamoribus domum replet, inquiens, En matrem omnium foeminarum miserrimam, en filii mei frustra. Habita igitur epistola prætoris Aquillaris per Cozumellanos nuntios, coram regulo Hero, qui Taxmarus dicitur, quid Cozumellani afferant enarrat, de potentia regis eorum, qui ad eas partes appulerunt, deque uirorum fortitudine, de illorum beneficentia in amicos, de sæuitia in detractantes, uel eorum postulata respicientes, multa edisserit: trementem reddidit Taxmarum. Det operam, ne hostes suam ditionem ingrediantur, seruum rogat, sed pacato ueniant animo. Pollicetur Aquillaris pacem, & si opus fuerit, contra reguli hostes auxilium & fauorem. Aquilla rem dimittit, tresque illi dat familiares comites. His ita prospere actis, Cortesius obseruatum Aquillare lætus cuius opera ut interpretis commodissimi erat usus discedit ex Cozumella. Nunc ergo quò tenderit ea classis quidue illi successe rit referamus. Ad fluuium Alamino nauclero regente, alias repertum sub Grisalua primum labuntur, fauces eius arenis erant conclusæ, uti de Nilo AEgyptio legitur, flantibus Etesis, propterea maioribus non licuit nauibus quàm Bergantinis aduerso flumine procedere, quanuis sit aliàs huiusmodi nauibus aptus suscipiendis. In Bergantinos ac nauium lintres ducentos uiros in littus exponit prætor. Per Aquillarem pax offertur. Quid sibi uelint percontantur accollæ, Dapes inquit Hieronymus Aquillaris. Spatium erat arenosum ingens ad latus oppidi, illuc tendant, insinuant accollæ. Eunt postero die afferunt gallinas octo eorum more, quæ sunt pauonibus neque minores, neque insipidiore, suffusci coloris, & Maicii, quantum uix sufficeret decem famelicis. Est autem Maicium

Maicium?



tant pernoctati, tantundem afferunt epularū, & sui reguli nomine iubent abire. Cupere se oppidū uidere, & potiores dapes, nostri dicunt. Recusant illi, & terga uertunt submurmurātes: inedia nostri urgebantur, uictū quærere coguntur. In terrā mittit subprætores prætor cum uiris centū quinquaginta: Per diuersa tendunt ad oppidana rura: ē turmis unam, obuī barbari male tractabant: non longe aberant focii, audito strepitu, laborantibus sociis opem ferunt. Alia ex parte prætor tormenta in Bergantinos & scaphas locat, ad littus se applicat cum reliquis militibus & equis sedecim littus tutaturi, & prohibitori descensum prope-ranti cursu ad pugna parati, occurrunt barbari, sagittis & iaculis eminus nostros impetunt, feriunt imparatos, uiginti circiter tormēta in hostes prætor exonerat: strage globorū & stridore, ac flammarū eruptione perturbātur, in palentes crumtenus, in aquas se proijciunt nostri, & hostes insequuntur fugientes, unā cū perterritis oppidum ingrediuntur: continuo cursu barbari transeunt oppidum, & domos deferunt. Ad fluminis ripam protentū dicunt esse oppidum, quantū non ausim dicere, mille quingentorū passuum, ait Alaminus nauclerus, & domorum quinque ac uiginti milium: stringunt alii magnitudinem & numerum ingens tamen fatentur & celebre: hortis intersecātur domus, quæ sunt egregie lapidibus & calce fabrefactæ, maxima industria & architectorū arte. Ad quarum sedes habitabiles per decem & duodecim gradus ascenditur, & spatiis interiectis secantur. Nemini quippe licet uicini murū trabibus aut tignis onerare, sunt domus omnes trium passuū intercapedine separatæ culmistamē & paleis cooperatæ maiori ex parte, lapideis laminis pleræq;. Quadraginta hominum milia barbari professi sunt eo die pugna interfuisse, uictos tamen à paucis ob nouū equestre genus cum tormentis, & quia prætor in terram equites sedecim exposuerat, qui pugna interfuerunt, à tergo barbaros adorti, turmas findebant celeri cursu, non aliter quā si greges cuiū interficerent, perimendo, feriendo à dextris & à sinistris uti greges miraculo perculsi miseri hæsitabāt, neq; exercendi tela locus dabatur, idem animal arbitrabantur hominē equo annexū, uti de centauris nata est fabula. Duos & x x dies sunt potiti oppido, laute sub tecto nostri, sub dio barbari esurientes degunt, neq; sunt ausi nostros adoriri: munitiorē oppidi partem, ueluti arcē elegerunt, nocturnisq; freti custodiis, suspecti semper eruptionē timentes, somno uacabāt sub regulo Tanosco: Pontanchianum dicitur ab accolis oppidum, & à uictoria ibi adepta, Victoriā nostri appellarunt. Mira etiam de atriorum ruralium ad delicias in prædiis ædificatorū magnificentia, magnitudine atque elegantia, cum solariis, impluuiis, & tabulatis. egregiis more nostros: ut quatuor Hispani rurale quoddam ingressi, per horas quattuor in eo uagati fuerint, antequā ipsius exitum ob magnitudinem comperire potuerint. Per interpretes tandem & captos in prælio, regulū & eius primarios accersunt, ut inermes & supplices ueniant: datur opera, parent dicto, domos quisq; suas repetit, pacem illis præstant lege proposita, ut ab horrendis humanorum corporum ceremoniis erga manes & perniciosos dæmones, quorum simulacra uenerātur, abstinerent, nostrisq; deo Christo cœli terrarūq; satori, ex uirgine munda præstito, & ad humani generis leuamē crucifixo, dirigāt mentis oculos & statuas diuant ut quæ regi Hispaniæ se subditos fore profiteantur. Pollicentur utrumque quantum breuitas temporis passa est instruuntur, restitutos nostratibus mu-



neribus contentos reddunt. E cœlo missos arbitrantur uiros, qui adeo pauci numero ausi sint contra ingentem multitudinem manum conferere: nostros & illi quibusdam aureis donis affecerunt, seruas etiam fœminas uiginti donarunt. His ita relictis, alias eorundam littorum terras quæsituri abeunt, sinum repetūt sub Grisalua repertum ab Alamino, cui nomen dedere Baiam sancti Ioannis: Baiam uocat Hispanus sinum, pacatis animis ueniunt accolæ. Ab littore oppidum erat distans miliare, domorum, ut isti aiunt, mille quingêtarum, super tumulū erectum: ad oppidi hospitia inuitant nostros, dimidiam oppidi partē offerunt, si perpetui uelint esse habitatores secum: putant nostri uel Potanchianensium exemplo perterritos, ad quos iam forte fama peruenerat, uel sub talium uirorum umbra sperasse in uicinos hostes fauorem & auxilium habituros. Perpetuo nanque & isti naturalique morbo laborāt, ut reliquum genus humanum in rabiem ambitionem imperii mutuis se bellis conficiunt imperii cupiditate. Recusant æternam sedem nostri, annuunt temporaneam. Redeunt ad littus nostros sequitur populus, scenas illis & ramata mapalia summa cum diligentia erigunt, & tutissimis tegminibus à pluuia cooperiunt: castra ibi locant, ne marcescant socii. Prætor Alamino nauclero & Francisco Montegio dat negotium, ut illius terræ occidentem uestigare intendant, fessos interea ipse recreaturus, & curaturus faucios. In Potanchiano manet ergo prætor cum reliquis, Bergantinos præbet iturīs duos, homines quinquaginta. Ad hunc usque sinum lenis erat decursus aquarum: ubi paulo inferius ad occidentem adnauigarunt, ac si ex montibus altis à torrente raptarentur, ita impetus illos æquoris breui spatio ad quinquaginta à sociis transportauit miliaria: in aquarum concursum incidūt. A læua uasta maris planicies sese ostendit, quæ descendētibus ad occidentem undis obuiabat, uti duo ingentia flumina, quando conueniunt ex aduerso, ita uidebātur à meridie uenientes aquæ, tanquam hostibus in ius alienum pedem inferentibus, primis possessoribus uelle obistere. Ex opposito terram uiderunt à longe, & à læua dextrāq; minime fluctuabant, inter eos conflictus uorticibus agitabantur in diuersa, qui fere illos deglutierāt, sine spe uitæ diu hæsitārūt, flectunt proas, aduerso torrente quàm uenerant, luctantur remis uelisque innixi, superare uix potuerant impetum, quando se processisse putarunt ad minus passuum duo milia, una nocte quatuor se fuisse retractos inuenerunt. Vicerunt tandem illud graue certamen deo fauente. Duos & uiginti dies in eo paruo maris spatio consumpsērūt, ad socios tandem redeunt, rem aperiunt, finem eum esse terræ Coluacanæ, putatque continentis adiudicarunt. Terram uero procul uisam à fronte, uel continēti nostro annexam, uel Septētrionalibus coniungi plagis ad Bachalaos, de quibus late in decadibus. Restat adhuc res hæc in dubio, detegatur aliquando. Dum Alaminus & Franciscus Montegius hæc secreta inuestigarent à rege prouinciæ, qui Multeczma dicitur, per unum ex eius proceribus prædicto imperantem oppido, nomine Quitalbitor, multis pretiosis mirisque modis laboratis muneribus aureis, argenteisque & lapillis ornatis nostri donantur: ea statuunt ad nouū Cæsarem nostrū mittere de colonia deducenda, progubernatore Cubæ. Dieco Velasquez incōsulto, qui eos cum mandatis miserat, ut prouinciis peragratis, & redempto auro, regrederentur. Consiliū ineunt, in diuersa tendūt,



errorem fore proponunt aliqui: pars maior astu à Cortesio seducta. Hic multa contra Cortesium feruntur de infidia, quæ aliquando apertius intelligentur, misa nunc fiant. Non esse de progubernatore curandum, aiunt, quandoquidem res ad maius tribunal, ad regem scilicet deduceretur: vincit populus. A Quitablitor rege comitatum petunt. Ad milia inde duodecim in gleba fortunatissima condendæ coloniarum locum assignant, generalem eligunt gubernatorem, prætorem ipsum Cortesium: non desunt qui putent eo invito. Is magistratus alios creat, ad condendæ urbis regionem. Portuacerium & Montegium, de quibus satis, nuntios ad regem mittendos eligunt eodem Alamino nauclero duce, quatuor sponte sua primarii, nostras visum terras veniunt, regemque adeo potentem, ut eius auctoritas tam in infinitum protendatur: ducuntur & scemina duæ, quæ nostris more patrio pareant & obsequantur. Suffulca gens est auricularum torulos uterque; sexus perforat, gemmatosque aureos perpendiculos circumferunt. Sed viri quicquid spatii est inter inferioris labii marginem extremum, & dentium inferiorum radices perturant (uti nos auro digitos, gestando circumligamus) in eo labiorum foramine, illi ampliori, lamina subtili retinente interius prodeuntem, argenteum Carolenum æquat eius morulis rotunditas, crassitudo digitum. Fœdus nihil unquam me uidisse recordor. Putant tamen illi elegantius nihil esse sub orbe lunæ. Quo exemplo quam fatue ruat gens humana in sui cæcitatem, quamque salamur omnes edocemur. Existimat Aethiops nigrum colorem candido pulchriorem, putat & candidus aliter: detonsus capillato, barbatus imberbi se credit esse spectabiliorem. Appetitu ergo urgente, non ratione suadente tendit gens humana ad ineptias huiusmodi, regiturque suo sensu quæque provincia, ut inquit diuus Hieronymus, Vana eligimus, à certis & commodis abhorremus. Vnde habeant aurum satis dictum est, sed unde argentum nostri sunt admirati Montes altos ostendunt, horum cacumina perpetuis canescunt niuibus, & paucis anni temporibus uerticem ostendunt, ob nubium aut nebularum densitatem. Plana ergo uel mitia montana, aurum procreare uidentur, asperi uero montes & gelidæ eorum ualles argentum: aurichalcum etiam assequuntur. Secures bellicas nanque ac ligones fossorios apud hos inueniunt, ferrum aut chalybem minime. Ad munera ergo regi allata deueniamus, & à libris ordiamur. Diximus libros habere gentes has, libros attulerunt unam cum cæteris muneribus, hi Colluacanæ noui coloni, procuratores, nuntii multos. Scriptibilia sunt eorum folia ex interiore arborum tenui cortice, sub libro superiore creato, Puto dici philira uti uidemus, non in saliceo aut ulmeo, sed uti cernere fas est in palmularum esui aptarum, tela dura folia exteriora interfecante, ueluti retia foraminibus & maculis angustis contexta, bitumine tenaci retiacula compingunt. Ad optatam hinc formam mollescunt conuertunt, & extendunt ad libitum, duræque facta liniunt gipso. Putandum est autem eos aliqua gipso consanguinea materia tabellas uidisse. Credendum est gipso in farinam cribrato superfultas, in quibus quicquid uenit in mentem, scribi potest, dehinc spogia uel pannulo deleri, ut denuo reiteretur. Ex ficuum tabellis fiunt libelli, quos magnarum domorum dispensatores per fora secum deferunt, stiloque metallico merces emptas coaptant, delendas quando iam in computatorios codices traduxerint. Non foliatim libros concinnant, sed in longum distendunt, ad plures cubitos: materias in quadratas



dratas reducunt partes, non solutas, sed tenaci bitumine, flexibili adeo coniunctas, ut ligneis cōpactæ tabellis, arguti compaginatoris uideantur. manus subiisse Quacunque pateat liber apertus, duæ sese facies inscriptæ offerunt, duæ paginæ apparent, totidem sub illis latent, nisi protendatur in longum. Sub uno nanque folio multa coniuncta folia consistunt. Sunt characteres à nostris ualde dissimiles, taxilis, hamis, laqueis, limis, stellisque ac formis eiusmodi, lineatim exarati nostro more, AËgyptias ferè formas æmulantur: interlineatim hominum, animaliumque species, regum præcipue ac procerum depingunt, quare credendum est gesta esse ibi maiorum cuiusque regis conscripta, quemadmodum nostra fit tempestate. Videmus sæpenumero eos generalibus historiis, fabulosis etiam codicibus, ipsius rei, quæ narratur, ad alliciendos emere cupientium animos auctorum figuras interserere, arte quoque grata superiores tabulas ligneas confingunt nil differre à nostris libris clausi uidentur: legum quoque & sacrificiorum, caeremoniarumque ritus, astronomicasque annotationes, & computationes quasdam, semina etiam rationes & tempora, libris cōmendat. Annum ab occasu heliaco Vergiliarum incipiunt, & mensibus claudunt lunaribus. Mensē autem à luna nominant, hinc cum menses signare intendunt, lunas inquiunt: lunam eorum lingua tona dicunt. Dies autē à sole, unde tot soles tot dies: eorum idiomate sol tonaticus dicitur, alicubi tamē aliter: sed nulla ratione moti, annū distribuunt in menses uiginti, menses autemetiā diebus uiginti concludunt. Tempa ingentia quæ frequentant, aureis ornant auleis, & supellectilibus gemmis admixtis, die illucescente thurificant templa, piāsque spargunt preces ante rerum initia. Horrendum facinus in sacrificiis, & istorum tractuum habitatores omnes pro uictimis pueros puellasque sacrificant, eo modo quo supra dictū est. Quo tempore semina iaciuntur in terrā, & quando iā spicāt segetes, populus pueris deficientibus seruos pretio emptos, laute depastos, & pretiosis uestibus ornatos suis Zemibus destinat sacrificandos: per dies uiginti immolandos circumcidunt, transeuntes per uicos oppidani suppliciter saluant, ueluti inter cœlites propediem annumerandos. Acri alia pietate Zemes uenerantur, suum proprium sanguinem offerunt, è lingua, hic è labiis, ille ex auribus, aliqui à pectore uel femore, aut cruribus, multi acutis nouaculis uulneratim emungunt sanguinem, quem manu receptum roratum proiectum cœlum uersus, per templi pauimenta conspergunt, ita placatos reddi deos arbitrantur. A uilla Ricca, id est, noua colonia, distat ab oriente miliaria nouem, oppidum domorum quindecim milium, ueteri incolarum nomine Cempoal, nouo Sibylla: regulum reperiunt clausos habentem immolandos seruos quinque: abductos regulus supplex repetiuit, inquiens, perniciem mihi regnoque huic meo uniuerso astruitis, si seruos immolandos mihi auferetis. Irati nostri Zemes sata omnia à gurgulionibus corrodi, uel grandinibus deturbari, aut siccitate consumi, uel torrentibus imbribus uastari permittēt cessantibus sacrificiis. Ne desperati desciscerent Cempoalani, minus malum elegerunt, in præsentia rati non esse tempus eis inuitis prohibere, quin ueteres ritus exerceant, seruos restituerunt. Licet illis sacerdotes gloriam æternam, & perpetuas delicias polliceantur, deorumque familiaritatem post huius seculi procellosos dies: mœsti tamen hæc promissa auscultabant, maluissentque liberari quàm



Quines.

cædi. Sacerdotes Quines appellant, singulari numero Quin, coelibes uiuunt & incorrupti. Cum timore reuerenti sacerdotes uenerantur: hostium & in bello captorum ossa carnibus exesis in fasciculos ligata, ad Zemium pedes suspendunt ueluti uictoriæ trophæa, uictorum titulis superpositis. Notandum aliud, Refecerunt, anniculos iam pueros puellâsque cum piis ceremoniis, sacerdotes in templis aqua in crucem cum urccolo capiti superiniecta baptizare uidentur, uerba non percipiunt, actus & murmura licet animaduertere: neque illi, uti Mahumetici aut Iudæi, putant eorum templa uiolari, si alienigenæ legis quisquam eorum sacris interfit. De libris, templis, ac sacrorum ritibus satis dictum putamus, ad alia regi allata munera deueniamus. Duas attulerunt molas, uti trusatiles, unam auream, argenteam alteram, solidas, tenues tamen: circumferentia ferè pari spitonarum octo & uiginti ponderis Castellanorum, est aurea trium miliû octingentorum. Diximus castellanum esse monetam auream quæ ducatum triente superat, Eius centrum occupat ueluti regis in throno sedenti cubitalis imago dimidia, ad genu usque uestita, Genii similis, eo uultu quo nocturnos lemmures pictores nostri pingere sunt soliti, campus ramis, floribus effigiatus: eadem est argenteæ facies. Ferè idem pondus utrumque metallum purum. Aurea etiâ grana rudia, non cõflata, in argumentum auri natiui, uti ciceres aut lentes attulerunt. Torques quoque aureos duos, quorum alter cõstat catenulis octo quibus inserti sunt rubri lapilli, non pyropi tamen, duo & triginta supra ducentum: uirides autem tres & octoginta supra centum, non smaragdi tamen. Eiusdem sunt existimationis illi, qua hi apud nostros nobiles. Ab eius torquis fimbriâ tintinnabula pendet aurea septem & uiginti, figuris quatuor gemmeis auro ligatis intersecta. Dependet à singulis aurei perpendiculi. Torquis alter est quatuor catenularum aurearum, per gyros rubris ornatarum lapillis centum duobus, uiridibus autem centum septuaginta duobus, sex & uiginti aureorum tintinnabulorum eleganter comptorum. In ipsius torquis medio decem sunt insertæ magnæ gemmæ auro circumligatæ: à quibus centum perpendiculi suspensi egregie laborati. Coriaceos cothurnos diuersorum colorû afferunt, forte duodecim, hos auro, argento illos, gemmis alios fultos, coloribus tum glaucis, tum uiridibus, à singulis tintinnabula pendent aurea. Tiaras mitras, uariis gemmis infutas, glaucis sapphyros æmulantibus refertas portant. De cristis, zonis, & flabellis plumeis quid referre queam non sentio. Siquid unquam honoris humana ingenia in huiusmodi artibus sunt adepta, principatum iure merito ista consequentur. Aurum gemmâsque non admiror quidem: qua industria, quòque studio superet opus, materiam stupeo: mille figuras, & facies mille perspexi, quas scribere nequeo. Quid oculos hominum sua pulchritudine æque possit allicere, meo iudicio uidi nunquam. Notarum nobis uolucrum sunt pennæ lucidissimæ, uti pauonum aut phasianorum caudas uisas admirarètur: ita & nos illorum pennas, quibus & flabella & cristas conficiunt, & elegantia ornant cuncta. Glaucos, uirides, flauosque ac rubros, ac candidos, suffuscos etiam colores pennis inesse natiuos inspeximus: auro cuncta illa instrumèta confingunt. Galeas attulere duas gemmis glaucis coopertas: nam tintinnabulis aureis fimbriatam, & aureis pluribus laminis, duobus aureis calculis tintinnabula sustinen-



sustinentibus: altera gemmis eisdem, sed quinque ac uiginti fimbriata est tintinnabulis aureis, cristata uiridi uolucra conum occupante, cuius pedes, rostrum, & oculi, aurea. Singula uero tintinnabula singuli sustinēt aurei calculi fuscinas quatuor tridentes pennatas uariis coloribus intextas, quarum dentes sunt gemmei, filis aureis colligati. Eodem ordine sceptrum ingens gemmatum cum duobus aureis tintinnabulis. Aureum etiam brachiale, calceos ex corio ceruino, aureo filo confutos, solea candida subiecta: ex lucido lapillo semiglaucos, unā & candido circumseptum auro speculum, sphingem, forte lapidem diaphonium auro circumligatum: magni lacerti caput, & cochleas ingentes duas, anates aureas duas, & uariarum uolucrum species aureas. Quatuor & pisces cephalos aureos: & ex aurichalco uirgam: pennis miris modis insuta omnia. Portarunt bellicas peltas, & ancylia. Scuta quatuor & uiginti aurea, & argentea quinque. Mitram plumis uariis contextam, in cuius fronte media lamina insculpta est aurea, effigiata Zemi idolo. Efiguram quatuor alia sepiunt in modum crucis aureæ laminæ, uariarum animalium, leonum puta, tygrium, & luporum capita, uirgis & tabellis formata animalia, ipsorum coriis superinfutis, aurichalceis tintinnabulis ornata, & diuerforum animalium coriis integra, & egregie confecta. Lodices uarias gossapinas, candido, nigro & flauo coloribus intextas, duas auro & gemmis ditas, tresque alias pennis & gossapino intextas scacorum ludō: quod argumentum est & scacorum fritillos habere eos in usu. Aliam à fronte nigro, candido, rubroque coloribus intrinsecus rasam sine uarietate. Aliam eodem modo intextam, aliorum colorum, rota nigra medium tenente, radiata pennis lucentibus intermixtis: candidas & alias lodices duas, peristromata, aulæ, & sagulum patrio more uiri gestamen, & textas interiores, & capitis uelamina uaria tenuissima, & pleraque alia pulchra uisu magis quam pretiosa, quæ arbitror iam plurimorum lectorum ingeniis, quod harum rerum cognitio parum sit frugifera, tædiosa potius fore, quam delectabilia narratu. Præmitto & innumeras nauigantium particulas, de laboribus, egestate, & periculis, & de monstris, & aduersis multis, quibus interdum non absque uitæ discrimine exerciti fuerunt, quæ in suis annotationibus quisque edisserit, in nostroque regio rerum Indicarum senatu leguntur, ex uariis & multis eorum indicibus & priuatis literis hæc pauca collegi. Munerum tamen latores & Ferdinandus Cortesius, classis ipsius præfectus, & condendæ Coloniz nouæ in extremis terris auctor, à regio Indico senatu contra rectum iustumque fecisse iudicantur, qui inconsulto Cubæ gubernatore, qui eos auctoritate regia miserat, prouinciam susceperint ab eius mandato alienam, quisque uenerint, licet ad regem, se insalutato. Per procuratorem fugitiuos latrones, & læsæ maiestatis reos Cubæ gubernator appellat, ac in ius uocat. Illi autem se maius multo præstitisse regi obsequium, uenisseque ad maius tribunal arguunt. Petit capite puniantur gubernator. Petunt magistratus isti, & sumptorum tot laborum & periculorum præmium. Præmium & multa differtur: ut pars utraque audiatur, statutum & sancitū est. Iam ad Darianenses Vrabæ sinus inputato continenti habitatores ueniamus. Darienē diximus esse fluuium in occidentale Vrabæ sinus cadentem latus. In huius ripa Hispani coloniam, regulo Cemato ui-



armorum pulso, posuerunt. Coloniae nomen ex uoto pugnae tempore promisso, dixere Sanctam Mariam antiquam. Ad hos diximus in calce decadum fuisse missos eo anno quo scribere desimus, duce Petro Aria Abulensi, uiros mille ducentos, id petente Vasco Mugnoe Balboa, qui primus australe pelagus latens adhuc detexerat, & Darienensibus praeerat. Appulso ad Darienem Petro Aria gubernatore cum ampla regia potestate, diximus fuisse destinatos per diuersa cum uariis pedum turmis diuersos centuriones. Breuibus absoluam, quia horrida omnia, suauius nulla: ex quo nostrae decades desierunt, nil aliud actum est, nisi perimere ac perimi, trucidare ac trucidari. Ad uoluntatem creauerat rex Vascum: nequiuit diu ferre Petri Ariae imperium: dissiderunt animis: confuderunt omnia: intercessit episcopus Ioannes Caicedus Franciscanae religionis pulpitarium. Vasco promisit filiam in uxorem Petrus Aries. Ars inter rerum duces, qua conueniant, nulla reperitur, Dissident multo acrius, & res ad talem casum deducta est, ut occasionem nactus in Vascum Petrus Aries, processu per praetores urbanos formato, iugulari Vascum mandauerit, & una primarios quinque alios: inquires Vascum sociosque defectioni studuisse in mari australi, ubi classiculam nauigiorum quatuor Vascus ipse construxerat, ad australia putati continentis littora inuestiganda, dixisse ait Vascum comilitonibus trecentis, quos secum habebat: En quid uiri tot laborum & periculorum mecum participes, alieno semper subiecti imperio erimus? Quis ferre possit iam huius gubernatoris insolentiam? litora haec sequamur quod fors dederit & inter tot Elysias prouincias tam uastae telluris unam eligamus, in qua nobis ipsis quod uitae superest, liberi iam tandem uiuere possimus. Quis hominum nos reperire poterit, aut repertis uim inferre? Res ad gubernatorem delata est: Vascum ab Austro accersit Petrus Aries paret dicto Vascus: in catenas conicitur: negat Vascus tale consilium cogitasse: testes quaeruntur malefactorum quae patrauerat: ab initio dicta colliguntur: morte dignus censetur, perimitur. Ita laboribus & periculis, quae subiuit innumera miser Vascus, quando maiores se titulos adepturum sperabat, finem imposuit. Classiculam Petrus Aries ipse, uxore in Dariene relicta, conscendit, scrutaturus litora, nondum an redierit intelligimus, neque ipsi deest fortuna. Iam alius est designatus gubernator, dictus Lupus Sosa, ex fortunatis insulis, ubi extitit diu prorex, reuocatur ab Dariene, quid stomachi sit habiturus si redierit Petrus Aries, boni iudicent, nil unquam gloria dignum sub eo actum est, nimium remissus ab initio fuisse hinc arguitur, hinc illinc autem nimis indulgens, & parum seuerus in corrigendis erroribus. De hoc satis. Omissa quaedam repetamus de flumine ingenti Dabaida profundissimo, quem nostri ob latitudinem ac magnitudinem eius immensam Grandem uocitarunt, qui labitur in ultimum Vrabae sinus angulum, per portas uti Nilus in Aegyptium mare septem. Cuius copiosam descriptionem reperies in decadibus nostris. Quod eius montana sint auro ditissima, ex accolarum quos super iis rebus accurate interrogauimus, relatu dixi. Dabaidae arcana scrutaturi Vascus & praetores alii compositis agminibus aduerso flumine cum nauibus diuersarum specierum, quater conscenderunt, quadraginta milia passuum primo, mox quin quaginta, demum octuaginta, ex transuerso alias. O ingens facinus, o nostram detestandam ignauiam, gens nuda uestitam, inermis armata in omni fere conflictu profligauit



profligauit semper, trucidauit ad unum, aliquando uulneribus confecit omnes: Sagittis bella gerētes uenenatis hostem laceſſentem impetunt: & quā uisu hostiū carnes assequuntur detectas, ictum figunt certissimū. Habent & iacula, quæ pugnae tempore tam crebra iaculantur eminus, ut more nubis solem hostibus eripiant. Habent & ligneos durefactos enses latos, quibus cominus certāt ferociter, si ad manus deueniatur, & Vascum ipsum multis uulneribus confecerunt aliquando. Ita flumen Debaida propulsantium accolarum rabie inexploratum relinquitur. Restat ut de Hispaniola reliquarum insularū genitrice ac<sup>ce</sup>u primaria earum, de quibus narrare instituiamus, pauca dicamus. Resarcitus est in ea senatus, quinque sunt additi iudices, qui uniuersis illis tractibus leges præbeāt. Sed propediem in ea colligere aurum, licet sit auro prægnans, desinent, quia fossiores deerunt: ad exiguum miseri accolæ redacti sunt numerum, quorum opera, auro legendo usi sunt. Absumpti sunt ab initio bellis acribus, fame multo plures: quo anno radicem, qua panem nobilium conficiebant, eruerunt, & à malicio grano seminando panem populari abstinuerunt: reliquos uarii morbi, ignoti hætenus, anno millesimo quingentesimo decimo octauo, qui tanquā morbosas pecudes contagioso halitu eos inuaserant, & unā, ne mentiamur, auri cupiditas: in quo efodiendo, cribrando ac legendo miseros post iacta semina, ociosis ludis ac tripudiis, & piscationi, aut parui cuniculi uenationi assuetos inhumane nimis exagitarunt. Iam per regium uniuersum senatum sancitum est, ut liberi reducantur in populos & agriculturæ generationique indulgeant. Serui autē & aliunde empti, ad id aurifodinarum opificium trahantur. De auri mortifera fame satis dictum. Auditum est mirandum, quantū in hac insula coalescant omnia. Octo & uiginti in ea sunt torcularia erecta, quibus magna saccari copia extorquetur. Saccareas aiunt cannas altiores crassioresque, in hac insula creari quā alibi usquā reperiantur, ad crassitudinem lacertalem aiunt & uirilis staturæ, ac semis altitudinē nutriri & quod maius, Valentia Hispanæ, ubi ingens saccari copia quotannis elicitur, ubicunq; saccareis cannis inuigilatur, quinque uel sex, aut quando copiosius, septē phialas cannas quæque radix parturit: in Hispaniola uiginti aut triginta interdum. Quadrupedum est in ea copia immensa. Auri rabida fitis à cultura Hispanos hætenus diuertit. Triticum augetur in immensum, ut centesimum aliquando reddidisse dicatur: ubi cura sit, in collibus aut montanis iugis, ad Boream præcipue uersis, tritico ferendo intendere. Coalescunt & uites in eisdem partibus. De arboribus uero cassiam fistulam gignentibus, ex insulis putato continenti uicinis asportatis (de quibus mentionem fecimus in decadum libellis) quid dicemus? Tanta est iam copia, ut post paucos annos libram fimus uncia loco à pharmacopolis habituri. De syluis coccineis, deque reliquis huius beatæ insulæ prærogatiuis, & naturæ in illam porrecta beneficentia, satis multa in decadibus. Placuit tamen pleraque repetere, quia à grandium negotiorum mole arbitror ab huiusmodi rerum recordationem multorum lectorum ingenia diuertisse: nec labia detorqueant, quæ sunt sapida, modo materia pretiosa pretiosis uestibus induatur.

Hispaniola

Saccari  
copia.



## AD ILLVSTRISSIMVM PRINCEM

Federicum sacrosanctæ militiæ ordinis diuæ uirginis Teutonicorum protomagistrum, Saxoniz ducem, Thuringiæ Lantgrauium, ac Marchionem misniz, Erasmi Stellæ Libonothani in antiquitates Borussiz præfatio.

E

TSI VERE OR Federice princeps, res Borussicas altius & à prima origine repetiturus, antiquitatem in his quæ usque eò latuit, ueluti ex cauea in scenam theatrumque producturus, multorum risus, ronchos & cachinnos, demumque explosionem magis quàm applausum legentis turbæ me incursum, tum quod id secum ferat antiquitas, ceu Aristoteles in problematis perhibet, ut res anilibus fabulis simillimas narrare uideatur, tum quod res Borussiz diuturna barbariæ, sine ullis literarum monumentis quasi perpetuis tenebris mancipatæ, & in ipso lethæo demersæ penè obriguissè extimantur, adeoque concretæ, ut etiam phœbeo calore agitatæ uix inclescere possint, quo iterum lucem solèmq; admittant. Verum dum hi blaterones tuam celsitudinem istius ludi agonotheam in orchestra conspexerint, sub cuius umbraculis me in hanc scenam prodiissè pernoscant, forte ne lingulaces infrenique ore à te sapientissimo principe iudicentur, maledictis temperabunt, simul & nasum continebunt. Quod si nec reueriti tuam maiestatem, effrenatæque lingua uerbis non æquis defluant, malignitatis quoque aculeos haud recondere uelint, imò blaterare malint, nihil est quo perhorrescere oppidò possim, ut cœptam scenam interturbem. Ronchissent hi nasutuli, obstrepant, clament, arguant, crimentur, exhibilent denique, dummodo tibi plausibilis, lepida ac iucunda nostra actitatio uisa fuerit. Antigonidas olim musicæ artis peritissimus, cum discipulo in arte probe instituto, populo tamen non admodum grato, in scenam progressus cunctis audientibus dixissè fertur, Mihi cane & Musis: quia uidelicet ars bene cœpta, quanquam populi lenocinio destituatur, iusta tamen comprobatione non exuitur. Sed ut tandem his respondeam, qui longe petitas historias calumniantur, ceu minus fidei illis insit: cæcutientibus id forsàn euenit & nocturnis oculis, sed penes clare cernentes plus dignitatis antiquitati inesse, nemo sanæ mentis ambigit. Ne quoque res Borussicas ceu sempiternis tenebris obnoxias, & minime ad solem lucemque ex caliginoso uetustatis recessu redituras, possint argumentari, meminerint saltem quæ de Hercule feruntur, qui Cerberum tricipitem ab inferis, solèmq; hunc nostrum ac calorem ferre coegissè dicitur, Threicium & uatem raptam sibi Eurydicen ex tartareis sedibus diuina sua suauiloquentia eduxissè. Ob id nec inficias eant locutulei, res Borussicas quantumcunque umbra uetustatis contectas ac rubigine obductas, imò in abditissimos recessus actas, curiosa indagatione nō posse nō restitui, ex noctisq; caliganti nebula eximi, ac claritate dei illustrari ornariq; cum hæc ipsa indagatio, puta industria, unica ab omnibus esse asseritur, cui nihil occlusum, nihil inaccessum relictū sit. Hæc res quomodo libet obstrusas, & in penetralibus reconditas elicit, exprimit & promit. Hæc coelū petit, & subterranea regna subintrat, maria scrutatur, oculis subiicit, quicquid usquam latet sepultumque est. Illa ipsa Homerum cæcum plus Argo mille

Industriæ uis



mille oculos habente uidere dedit. Hæc Zeufim Helenam nunquam à se uisam tanta uenustate depingere docuit, ut eius forma digna iudicaretur, propter quam tantum laboris subiisset Græcia, & alta Pergama ruerent. Hæc Phidiam statuarium dignissimum, simulacrum Iouis exprimentem eò usque euexit, ut diuinitatis effigiem è cœlo mutuatus diceretur. Hæc eadem fores antiquitatum Borussiarum uetustibus è cardine semotis, ut paterent effecit, extraque latebras quicquid de his obuallatum fuerat produxit. Hæc adminiculatrice eximo lethæi fluminis ceno hæ ipsæ conquistæ erutæque sunt, & utcumque à fordibus deterisæ, sese ceu postliminio reuersæ, tuis luminibus conspectuque illustrissime princeps, primum ostentantes, te ut felicem moderatorem suum salutant, ut patrem patriæ uenerantur: & quicquid usquam in secundio sortem, faciēque splendidiorem commutatum, ceu fermè singula aspexerint, id totum tibi sacroque sanctæ militiæ, cuius tu magister, imò dictator perpetuus extas, tribuunt. Quod si sunt qui te circumstant, & has ineffigiatas rudelq; Borussiarum imagines toruis luminibus respexerint, abigendæque duxerint, quod sine cultu ornatiore, & penè inuestes in hunc augustissimum concessum productæ sunt, his responsum sit: Fœminam probam pigmenta fucumque non decere, nec orationē fidem habituram unguenta usqueadeo redolere. Logographis id tribuimus, ut quodcumque suauius quàm uerius narrent. Nos in his commentariolis sine fraude, omni apparatu orationis seposito. Borussiarum antiquitates exposuimus: ut si qui futuri sint, cultiori sermone res Borussicas describere uolentes, hinc sumere possint, quod ornatum iri tantopere uelint. Nuda nanque hæc oratio facile quem quis imponet cultum perferet. Vt autem fidem sine scoria habituri sint hi nostri commentarioli uetustate & carie oppleti, ipsos ex præclarissimis rerum scriptoribus elucubratos esse fidem facio, Plinio scilicet, Solino, Pōponio Mela, Cornelio Tacito, Strabone, Ptolemæo: ex neotericis Gordano, qui primus res Gothorū litteris mandauit, nostro Alberto Magno, qui has inuisit & peragrauit, Othone Freisingensi episcopo, qui quinque Imperatorum Romanorū res gestas luculenter scripsit, Helmodo Lubecensi presbytero, qui res Sclauorum haud ineleganter prosequutus est, Borussicæque simul attigit, Blondo Foroliuiensi, Aenea Syluio, & præter hos quicquid annales Borussiarum usquam uetustatis habuere, pleraque etiam per acceptionem. Nam apud Valerium Maximum locus est, quo res suo seculo cognitæ, & absque literarum monumentis conseruatas manare ad posteros indicantur, sola scilicet traditione patrum. Id genus disciplinæ Hebræis etiam usitatissimum est. Huiusmodi innixus fulcimentis, commentariolos nostros non temere edi posse arbitratus. Ne autē manus nostras excedentes absque patrocinio uagabundi errent, ipsos nomini tuo illustrissimo dedicandos duxi, tum quod neminē magis rerū Borussiarum cognitio deceat, quàm Borussiarum principem, tum quod pari tutela hac nostra ætate ac prisca Borussia fruatur. Cum igitur princeps illustrissime simul & in uictissime à curis publicis feriatu fueris, frequenti quoque ueterū, quibus inhias, lætatione satiatu magis quàm lassatus, etiā domestica peculiariq; inuisas legasq; subinde agnosces in his Borussiarum præter ueteres eius limites, uarios ipsius cultores: crebro enim illinc magratum est, aliquorū maiore numero cogente, morēsque uetustiores: quos si ad præ-



fentes accommodabis, non obscure lucebit quanta sunt quæ sacrosancta militia Teutonicorum in Borussia egerit. Optimo enim iure gloriari poteris, eam quam patres regionem barbaram, incultam, asperam, idololatram, sceleratam, ac rerum omnium inopem acceperant, illam ipsam splendidam, cultam, civilem, opulentam, humanam, & quod maximum est, Christianam reddiderunt & reliquerunt. O felix nimium Borussia, si sua norit bona illo principatu. Facile demum illustrissime princeps deprehendes, quam iusto dei iudicio Borussia ad Germanorum redierit incolatum: cum Germaniæ & pars sit, & Germanis à rerum exordio debita, inhabitata, luculentissimorum scriptorū testimonio. Cur, me iudice, indigne iterum à quibuscunque aliis gentibus inhabitatur administraturue? Ego autem hanc scribendi prouinciam non tam mea sponte quam iussu uenerandi antistitis Iacobi Pomesaniensis, à nullo antea tentatā accepi, ut meo Marte aduersus quoscunque aliter de Borussia finibus & populo sentientibus, ceu pro aris & focis dimicaturus sim, ultima potius perpeti certus, quam ignauiter cessurus. Te igitur principem inuictissimum, & ad arma progenitum, pro tua uirtute rogo, ne desistas auxilia ferre tam pio ac iusto bello, ut iunctis uiribus omnem colluuiem barbarorum ex his tuis finibus eliminemus. Nullum enim apud me dubium uertitur, si tuo Marte agendum erit, facile hanc oram ex manibus iniuste occupantium uindicabimus. Quod breui futurum, modo fata sinant, tuarūque uirtutes, ac genitoris tui præclara facinora admonent. Nunc ad institutum pergamus.

## ERASMI STELLAE LIBONO.

TANI DE BORUSSIAE ANTI.

QVITATIBVS LIB. I.

Borussiae  
 situs

Hulmigeri

**B**ORUSSIA ultimæ Germaniæ ora, à Vistula amne, quem ad occidentem terminum habet, incipiens, sinúsque Baltici maris, qui septentrionale latus eius ambiunt, percurrens, orientalem solem ab Alanis excipiens montibus Hamaxobiis australe latus eius obtegentibus, à quibus continuis sylvarum iugis determinatur. Fuit hæc terra diuersis habitata cultoribus. Nam ut Gordianus Gothus scribit, nuper Hulmigeri Germani eam tenuere, à quibus aliquandiu Hulmigeria dicta, hodieque ea pars quæ Vistulæ accolit Culmigeria pro Hulmigeria uocitatur. Sed hi per Gothos quamprimum ex Scandania in continetem descendissent, inde pulsi eam, ut is ait, occupauere. Ptolemæus autem uetustiores incolas recensens, Gothones, Venedos, Stagnanos, & Sargatios Sudinósque his locis insedisce scribit, quibus Gelidanos simulque Gillones, Vacinos & Charinos, quos ipse Charionas nominat, addit, finésque ad Hamaxobios usque protendisse indicat. Ad Vistulam uero pauciores sedisse commemorat: nam Finnos cum Venedis & Sulones duntaxat hanc oram habitasse ait. Hos autem populos nullo alio quodam communi nomine dignatur: forte quia non unus populus, nec in unum concessit nomen. Verum Cornelius Tacitus diligentius hæc loca conquirens, ipsa Germaniæ prorsus ascribit: quanquam promiscue



miscue Sarmatis Germanisque populis habitata assuecet. Venedos enim Germanis cōnumerandos censeat, quod & domos fingunt & scuta gestant, peditū usu ac pernicitate gaudent. Quæ omnia, diuersa Sarmatis extitere, in plaustis solūmodo ac equis uiuentibus: quanquā & ipsi ex Sarmatarum moribus traxerant, quod uicinos latrocinio infestaret. Quicquid enim inter Peucinos, quos quidam Basternas dixere, syluarū ac montiū erigitur, latrocinio pererrauere. Erant autē Peucini & Basternæ, ut Plinius testatur, cōtermini Dacis, sermone, cultu, sede ac domicilio Germanos referentes, multa tamē scēditate Sarmatarum contacti: nā & cōnubiis promiscuis utebantur, & procures eorū pari forde ac plebs torpebat. In dubiū Tacitus uertit. Sarmatīne an Germanis ascribantur: uerū hæc loca hodie Poloniæ ascribuntur. Plinius tamē ipsos Germanis cōnumerat: cui & Varini & Gothones Germani sunt, ex Vindelicorū genere. Vltimo autem regionē Borussii intrauerunt, populi qui Ptholemæo teste ad Riphæos mōtes, ubi in septentrionem fusius excurrūt, nec longe quā Tanais ex eis erumpit, sedes habuere, qui infelicitate sua conciti (perpetuis nanque niuib. algorib.que illic terra riget, ad omnēque naturæ ministeriū damnata est) ad nouas sedes capeffendas patriā egressi in hæc loca delapsi sunt: quæ tū soli fertilitate, tum pascuorū lacuumque amoenitate ipsis cum primū placuere, nec non ultra progressi sunt, hic sedes unanimi consensu sibi desumentes, utque sibi ac posteris perpetuū essent duraturæ, terram uocabulo gentilio Borussiam appellauere, quæ usque hodie unius literæ suppressione Brussia uulgō dicitur. Hæc est uera huius gentis origo. Et ceterū quicquid dicitur, perinde ac anilem fabulam habendum esse censeo. Facit istius rei fidem per maximam, quod usque hodie populi ad Riphæos habitantes eodem pariq. sermone quo hi utuntur. Borussii uero sedibus formati, terram cultoribus uacuam (Gothi enim populariter eam excessere) nullo repugnante facile occupauerunt, citra eam portionē quæ ad Vistulam est. Hæc adhuc à paucissimis Germanis tenebatur. Propagantes igitur sese à Chrono flumine usque in contingentiā Hulmigerorum: quæ nūcupatio post pulsos per Gothos ueteres colonos è medio oræ huic regioni accommodari cœperat, nomine suo breui ceterorum hic habitantium nomina obfuscauere: quod forte euenit, quia Borussii cōterminis gentibus, puta Germanis, notiores extitere, uel quod multitudine suorum amplaque ac spatiosa oræ occupatione, ipsos etiam indigenas superarunt. Terrarum nanque limites pro nutu potentiorum sæpē numero nomina sortiuntur: duratque hodie ea nūcupatio, quod qui ex Germanis uel Vistulam, uel illic maris tractum accolunt, Borussii uocentur, qui tamen cum illis ipsis præter cœlum commune habeant nihil, iustiusque Borussienfes nūcupandi forent. Terram hanc Borussii undiquaque scēdant longe latēque incolentes, ipsam tamen minime excoluere, uel ob ignorance rei rusticæ, uel ne bonitate soli deprehensa, & ipsi finitimorum metui obnoxii fierent, indeque eliminarentur, uel quod uictum è terræ nascētibus nondum nouere: carnibus nanq. ferinis, & quidem crudis pro cibo, lactēque pro potu uescebantur: quandoque etiā sanguine equino mixto, & eo usque ad ebrietatem. Domos non fingeant, sed specubus & arborum subere (unde etiam Subaria dicta comperitur) ab imbris & algoribus sese hac infantes protexere. Nulla eis sacra aliquandiu fuere: tandem in

Peucini  
Basternæ.

Borussia.



Anarchia.

Sudini

Chronus flu.

Succini de  
scriptio.

eam deducti infaniam, ut serpentes ferāsque & arbores religiose colerent, ceu de his in subsequētib; dicemus. Non leges, non magistratus nouere: tantū cuique licuit, quantum audebat: nihil à feris uita illorum distabat. Erga tamē naufragos, & maris tempestate iactatos, humaniores & illis ipsis undequaque auxilio fuere: in reliquis mira fœditas ac fœda paupertas: nam eis nec arma, nec ferrum fuerant. Si quando ad prœlia inter se concurrerēt, sudibus prœuistis & pericis utebantur, Non autem multi effluxere anni, cum Germani Hulmigeriam incolentes resumptis uiribus (nam per Gothos multum attriti fuerant) accitisque trans Vistulam sociis, qui amne lintribus transmissis eis confedentes, & iunctis uiribus contra Borussios bella parant: penitiora quoque regionis ingressi, quotquot Borussiorum offenderant aut in seruitutem acceperant, aut retrocedere, coegerant, breuīque sese suosque à metu barbarorum asseruere, Borussii uero quo à Germanis finitimis tutiores forent, se cum Sudinis, qui ultra Chroni fluenta sedes habent, eiūsq; regionis aborigines credūtur, societatem iniere qui tum uirtute & potentia plurimum pollebant. Est autem Chronus, fluuius qui hodie Pergulus dicitur, quem in finibus Borussiae ortum brumalē uersus, multi lacus eodem fermē loco se mutuo influentes efficiunt, qui Borussios à Samiis primum, ut Strabonis nomine utar, deinde à Sudinis determinat, populis etiam Ro. armis tentatis magis quàm uictis. A Druso enim Germanico, testante Plinio, classibus oppugnati sunt: qui primus Ro. ducum septentrionalem oceanum ingressus est, & post eum, Domitianū Cæsarem in expeditione quā contra Sarmatas, quod legionem cum legato necarant, instituit, ob succinum quod abundantius barbari illic inter maris eiectionia, soli omnium gentium exceperere, bello petiti sunt, sed se magna eius rei propter quam peti se senserant copia, succini scilicet, redimentes, illacessiti remansere. Sed hic de succino obiter dicamus: abundat enim eo hæc ora, quæ quasi península est ob sinuosos flexus maris, terramq; spatiosè in freta excurrētem, in quam ui tempestatū idipsum aduehitur: id olim à Germanis Glessum dictum est, ut eruditi scriptū reliquere. Inde Glessaria regio ipsa à Ro. milia nuncupata, & ab aliis Subaria à subere, cum patrio nomine Sudinia uocetur: ab eruditis uero Austrasia. Succinum etiam suaalternicum Scythico uocabulo barbari appellant. Vbiuis autem loci succinū gignatur, scriptores non conueniunt. Præter enim ea quæ fabulosè de ipso in Phaethonis fabula prodita sunt, Pitheas Gothonibus Germaniæ gentis accolis æstuariū Mentonomon nomine esse ait, ab oceano stadiorum sex milium: ab hoc diei nauigatione insulā abesse Abalum, ex illa uernis fluctibus succinum aduehi, & esse cœcreti maris purgamentum: incolāsque pro lignis eo uti dicit, proximisque Teuthonis uendere: huic & Timæus assentit: sed insulam Basiliam uocauit. Nitias autem solis radiorum succum esse uoluit, hōsque circa occasum, ut ipse credit, uehementiores in terram actos, sudorem pinguem in eam partem oceani relinquere: deinde æstuante mari in Germaniæ littora eiici. Mithridates in Germaniæ littoribus insulam esse asserit, uocarique eam Cedron, cedri genere syluosam inde & in petras defluere. Cornelius Tacitus Effluorum gentē, qui dextro Suionici maris alluuntur, nūcque Liffom uulgo nominantur, ipsum legere inter uada, ac cætera maris eiectionia ipso littore asserit, quod & hodie fieri cernimus.

Quidam



Quidam nostri temporis experti, ipsum è limo quorundam montium sole excalescente fluitare existimant, in herbidoque solo atque algido, quod his montibus subest, indurari: oceano illic efferuescente inde rapi, in proximâque littora expelli. Indiciû istius esse, quod ipsum aliquando ex solido eruitur, quod & ipsi uidimus: quanquam cerea molitie, & penè lentum sit, ob id ipsum mari denuo immergunt, cuius rigore lapidescit. Hanc uero opinionem neque omnino adstruere, neque refellere in animo est. Quod autem hos montes nominatim non edunt, mihi suspicionem incertitudinis facit. Plinius uero naturæ fidiſſimus interpres, Germanicis Cæsaris classibus bellum, ut dictum est, in septentrionali oceano, gerentis experiētia innixus, tradit succinum gigni in insulis septentrionalis oceani, ipsumque nasci defluente medulla ex pinei generis arboribus (ceu enim resina in cerasis, ita & in pinis humoris abundantia erumpit) densarique rigore maris, eo intumescente ex insulis rapi, certoque littore expelli: ita inuolutum herbis, ut ex his pendere uideatur, salo expui: succum uero arboris esse, ipsumque primum liquidum distillare, argumento sunt quædam intus lucentia, ut formicæ, aut apes, etiam lacertæ, cæteraque id genus, quæ adhæsisse musteo non est dubium, indurescente uero humore inclusas remanere. Pineæ autem arboris indicium est pineus in attritu odor, & quod accensum tædæ modo fragrat. Rude est informēque ac glebæ simillimum, dum ex aquis excipitur, corticibus ac aliis rebus sibi inhærentibus: ob id diu incognitum barbaris, inter maris quisquillas iacebat. Germani id ipsum primum nouisse traduntur, in Pannoniamque ad Carnuntum oppidum aduexisse: inde Veneti ipsum accipientes, primum rei famam fecere, mox proximi Pannoniæ circa Adriaticum mare Transpadanique, quorum agrestes sceminæ monilium uice, & decoris gratia succinum gestauere. Hinc natam fabulam de Pado omnibus notam credimus. Eius esse genera quamplurima constat: candida, sed odoris præstantissimi sunt, quibus diu minus pretium erat: hac uero tempestate & fulua & cerea mercede præstant: ex fuluis etiâ translucētibz amplior erat auctoritas, præterquam si nimio ardore flagrent: imaginem enim igneam non ignem inesse placet. Summa laus Phalernis tum fuit, à uini colore dictis, molli fulgore conspicuis: id ab aliquibus Chrysolectrum dici comperimus, quasi coloris aurei: rapacissimum id est ignium, & si iuxta fuerit celerrime ardescens. Sunt in quibus decocti mellis lenitas placet. Domitius Nero Romanus imperator, capillos coniugis suæ Poppeæ in hoc nomen adoptauerat, ipsos quodam carmine succinos appellando. Ex eo tertius hic colos à matronis expeti cœpit in capillis. Dum quoque is gladiatorum munus Popul. Roman. exhibiturus esset, Iuliano quodâ equite Roma. id curante, ad ipsum comparandum misso, qui hæc littora peragravit, uidit, ac commercia tentauit, tantamque copiam Romam inuexit, ut retia in uenatione publice edita eo nodaretur, armæque & librilla, totusque simul diei unius apparatus è succino esset, uisa tunc fuit gleba tredecim librarum. Solinus tamen refert id succinum à rege Germaniæ Neroni dono datum, cui sententiæ magis accedo. Tanta fuit eius, ut eruditi scriptum reliquere, in deliciis taxatio, ut hominis quauis parua effigies uiuorum hominū uigentiumque pretia superaret. Cumque in aliis ad luxuriā quæſitis ostentatio & usus placeret,

Succini prouentus.

Fuluum succinum.

Succini pretium.



Succini phar  
maca.

Sudinorum  
mores.

Bestiæ Bo-  
ruffiorum.

Vri.

ceu in Corinthiis æs auro argentoque mixtum, in cælatiis ars & ingenium: uniones quod capite, gemmæ quod digitis circumferuntur. In succino, ut Plinius inquit, tantum deliciarum conscientia luxuriæque expetita est. Est usus eius multiplex in medicina: nam ab infantibus pro amuleto gestatur: contra lymphationes & noctis metus cuicunque ætati prodest: urinæ difficultatibus potû alligatûmq; quod Chrysoleætrum uocant, collo alligatum mederi febribus Callistratus prodidit. Tritum cum melle ac rosaceo auriû uitiis, & si cum Attico teratur, oculorum caliginem remouet. Stomachi etiam uitiis uel per se farina eius sumpta, uel cum mastice ex aqua pota, quod de candidis maxime crediderim. Tonsillis quoque resistere creditur, & faucium uitiis: ob id mulieres Padanæ ipsum circa colla longo seculo gestauere: uario genere aquarum iuxta illos infestante guttura ac carnes uicinas: quod hodie Turcarum equestres copiæ in equis suis obseruant. Neotericorum pariter experientia ad citandos partus candida operari depromit: notissimum id Germaniæ mulieribus. Calculos quoque uesicæ & renum eo potu elidi euocarique quamplurimi testantur. Venena pestilentemque aerem eius nidore fugari compertum est. Distillationes quoque fisti, uulneratis si in potu sumperint, prodest: malagmatis ob id etiam assumuntur. Verum & hoc notum fieri oportet. Succinum quocunque libeat colore tingi hædorum seuo & anchusæ radice: quippe etiam ipsum cõchylis infici tradunt. Quæ uero translucida sunt, ad gemmas adulterandas magnam habent uicinitatem, & maxime ad amethystos. Politur succinum adipe suis lactantis incoctum. Ramenta eius oleo addito dilucidius ac diutius flagrant quàm lini medulla. Notissimum cuique est quod attritu digitorum caloris ui accepta, attrahunt ad se paleas & folia arida, ut magnes ferrum. Visum esse quidam retulere, quod æris etiâ ferri laminas attraxerit. Ego glebam uidi cui ferrum quasi adnatum inhæserat, quod ui sua forte attraxerat. Multi tentauerunt succinum flexile ac ductile reddere, sed nequicquam cessit, mirum, cum nimia humida & succulenta prodeant, uti indicauimus. Hæc tumultuarie de succino, Sudinorum opibus dicta sint, propter quas sæpenumero ab exteris gentibus bello petiti. Sensere nanque præter Romanæ & Saxonum Angliam occupantium oppugnationem, à quibus se terra & mari impigre defenserunt. Habuere enim uero hi populi, ut de moribus eorum aliquid transeunter dicam, regulos suos, quorû legibus obtemperabant: agrôsque coluere & commercia nouere. Vestium cultus apud eos fuit, ut mares lanea, fœminæ linea tunica uterentur, circuloque ex ære uel orichalco colla circundabant. Auribus etiam crotalia suspenderunt, rem friuolam, quod tamen neque hodie desitû. Domos in uillarum modum extructas inhabitauere uicôsque, ac sine muro & uallo omnia, quod forte ab externis, ipsos commercii gratia adeuntibus didicere: alioquin alienum à Sarmatis. Sed ut ad Borussios repedemus, societate cum Sudinis eos iniisse diximus ob Germanorum finitimorum metum. Nec à Sudinis aspernati sunt: uerum eorum potentia adiuti, & contra quosuis conterminos populos tutiores facti, aliquandiu in sua fœditate degerunt: de qua posthac. Nunc de cæteris Borussiarum rebus editis prosequamur. Generat & terra hæc, feras multiugas, eas etiam nec alibi cognitatas. Præter enim urfos, apros, ceruos, quibus abundat, Vros excellenti ui & uelocitate profert, qui uastitate



uastitate corporis parum infra elephantum sunt, eaque ferocitate, ut neque homini neque feræ si quam conspicati fuerint, parcant. Cornutumque id animal est, eius cornuum magnitudo tanta uisa est, ut urnas binas unius capitis cornua, ut, Plinius testatur, impleuerint. Barbari ex his potant, argenteo circulo parte qua labris admouetur circumducto. Sunt enim caua & in mucronem demum concreta. Alii pila his præfixa cuspidant, Romani in laminas ea secabant, ut lumen quod his includebant latius funderent, ipsisque pro lichnuchis ac laternis usi sunt. Qui sese uenatione eorum exercet, si plurimos interfecere, relatis in publicum cornibus, quæ testimonio sunt, magnam laudem adipiscuntur. Soliti erant antiquitus caueis ad hoc ex opera factis eos capere, captosque iugulare, forte quod ea tempestate ferro caruere: sed eo mortis genere, feram tam insignem posteriores ætatis iuuenes præcipuæ uirtutis & audaciæ, interire dignum censes, ob id canibus ipsos insequi placuit, uenabulisque cominus ac eminus petere, arboribus sese robustioribus semper condentes, ne & ipsi à fera rursus impeterentur, quæ cornibus arbori insertis, uindictæ auida, inhæret, donec insequentium telis faucia concidat: tali morte feram dignantur atrocissimam. Fera hæc sub mento uillos longiusculos habet in arunci speciem, cæteris tauro persimilis existit. C. Caligula Romanus imperator primus Romæ Vros in arena ostendit, quos tum imperitum uulgus bubalos falso credidit. Gignit hæc terra & bizontes Bizontes iubatos, qui è bouum syluestrium genere sunt, sed nostra ætate admodum infrequentes. Aiunt hos solipedes, maribusque ac foeminis iuxta iubas cornua, eadem utrique forma & magnitudo, colore quoque & specie haud dissimiles tauro sunt. Aliqui ex horum genere unicornes perhibentur: quod uerum sit, nec ne, incompertum habeo. Plinius tamen Indicos boues syluestres unicornes tricornesque esse scripsit: ob id non incongruens uidetur eos & alio loco nasci, uerum esse alterius generis à bizonte suspicandum est. Tale forte est cornu quod hodie in Archiuo protomagistri integrum custoditur, ac Monocerotis asseritur cum nigrum illud sit, hoc uero luteum conspicitur. Sunt & in ea regione greges ferorum equorum, quos Græcia non uidit, nec Romanus, quapropter alio Equiferi uocabulo nominari non possunt. Hi cicuribus equis omnino similes extant, præterquam quod dorso molliori sunt, ob id nec usui apti. Dicuntque ipsos nequaquam mansuescere posse. Carnibus eius incolæ etiam hodie uescuntur, quas non insuaues asserunt. Gignit & alces Alces (quos falso syluestres asinos quidam autumant, cum hos Asia tantum ac Africa procreet) specie media inter ceruinam & iumentum, nisi quantum aurium proceritas, ipsaque ceruix distinguit, magnitudine inter camelum & ceruum: maribus in superciliis cornua nascuntur, quæ quotannis amittunt, latiora quam ceruis, ramosa tamen & per totum concreta ac solida: ungulæ bifidæ, colorque ceruum imitatur, uenatorem è longinquo sentit: animal certe simplex, & quod plus latebris quam fugæ fidat. Si ui canum urgetur magis in canes se calce quam cornibus tueatur, in locis palustribus sese plurimum condit, illic & partus edit suos: formidinis eius argumentum esse aiunt, quod rarer solitarius, in armento multum appareat. Ungulis eius comitalem morbum, & iam spumantem abigi creditum est, si cute attingitur. Hallucinati sunt qui alcem nullo suffraginum flexu dixerunt, neque quietis causa procumbentem,



uerum accliuem arbori somnum capere, quæ ad insidias à uenatore incisa feram unà affligit ac concidit. Quod & pascendo retrograditur ob superius labrum prægrande, quasi progrediendo pasci nequeat: quæ singula non de alce, sed de machlin fera, illi haud dissimili, quam Scandaniam mittere aliqui prodidere, dicta sunt. Habet & syluas incæduas, unde uis ingens lignorum & ad naualem usum & domesticum conuehitur: teretumque arborum ad malos nauium accommodam, quæ inde in remotissimas oras deferuntur: habent & syluæ præter id suas diuitias, unde quasi sponte compendium non modicum incolis prouenit, apum scilicet ingentem multitudinem, quarum alueos ceu natiuos intra arbores ad hoc cauas cernere est: ex quibus tanta mellis & ceræ copia prouenit, ut Germaniæ Britaniæque, ac cæteris adiacentibus insulis, commode harum rerum usum suppeditet. Nec apiarii arte uel industria examina illic curant: nullis enim satorum floribus, aut herbis ipsa inuitant, nec si longius euolent reuocant: è frondibus & syluestribus floribus succum contrahunt, quo opera conficiunt sua, quæ compendii ingentis argumento sunt. Præter illa & pelles quasdam non ignobiles mittunt hæ syluæ, quæ uestium ambitis principum hominum subduntur. Lectorum etiam stragula ex his consuunt, pretioque ingenti uendunt: has olim pelles ouini uelleris commutatione mercatores ab incolis receperunt. Gynos barbari uocant ea animalia, Germani martes, è mustelarum syluestrium genere, ab aliquibus historiam naturalem commentantibus, esse scribuntur. Piscationes quoque diuersis in locis non incommodas exhibet: nam pisces omnis generis tum ex lacubus, tum ex æstuente mari illic prendunt, ceu psittas, soleas, linguas, rumbos, troscullas, mullos, asellos, salmones, marinos canes, & id genus alios, anguillas præter cæteros numerosiores: nec de his incolæ uescuntur, nisi quod sole aeræque siccatum tostumque sit. Sed ad alia pergamus. Hæc ad locum situm, ac terrarum prouentum, uti antiquitas possedit, tradita sint.

ERASMI STELLAE LIBANOTHA-  
NI DE ANTQVITATIBVS BORVSSIAE

LIBER SECVNDVS.



Empore quo Valentinianus Romanis imperauit, Alani populi septentrionales Borussis contermini, contra Rom. imperium arma sumētes, post diutinas in imperii fines excursiones à Sicambriis cōpressi sunt, quo bello Sicambri sibi & posteris libertatē pepererūt. Alani qui cædi supererant, pars per imperii terminos delapsa Hispanias usq; peruenit, ubi se Gothis illic belligerantibus iunxerant, qui tandē sedibus ibidem sumptis, se confusaneo duarū gentiū uocabulo Gothialanias appellauere, quasi Gothorū & Alanorū sedes, Pars uero imbecillior, quæ domi remanserat, ac cæde patrata patriā repeda- uerat, exuta præcipue iuuetutis manu, sibi non satis in sedibus propriis, fidēs, cum uxoribus



uxoribus & filiis, omniſque ſeruitiorum multitudine, ad Boruffios conterminos ſeceſſit: ſupelleſtilem tum omnem ſecum in carris ac plauſtris trahens, tum etiã pecora, quorum prouentu hæc gens plurimum uiſitat: uniuerſa ac ſeſe Boruffiorum fidei & tutelæ commiſerant. Nec ipſi à Boruffiis repulſi, quod eorum multitudine adauſti, facilius quibuſuis populis reſiſtere poſſe crederent, etiam tum magis Germanos formidabant, qui penitiorẽ Viſtulæ ripam accolebant, ipſoſque ſapiuſcule à ſuis quæ poſſederant locis, diſturbarunt. Cõceſſerunt itaque Alanis cohabitandi ius, qui rurfus Boruffiis mulierum ſuarum coitus permiscue- re: connubia enim nulla habuere, ſed ut quiſque in mulierem incidit, ea ad Venerem uti licebat: quare breui in eam multitudine coaluere, ut quoscuque contingentes populos ſuperarent. Ex ea tandem multitudine cõeperunt inter ſe ſe anguſtia finium premi: utcunque enim placuerat, ac commodum quiſque ratus, tantũ terræ ſibi equiſque deſumſerat: unde rixis uariis inter ſe diſſidere cõperant, quæ plerunque cædibus tranſigebantur: id populum hunc agreſtẽ intra ſe diſcordem, in eo concordem fecit, ut de rege ſibi conſtituendo conuentus agere cõperint, ubi pro ruditate populi uaria undiquaque ea de re dicta agitatæque ſunt. Viduutus Alanus, qui cæteris & dignitate & uigore animi præſtabat (magna enim ſeruitiorum claſſe abundabat, unde etiã ſibi in alienis terris auctori- tatem non modicam acquiſiuit) inquit, Ni ò Boruffii apibus ueſtris hebetiores eſſetis, de hoc quod inter uos agitat, diſſidiũ nullum eſſet: has enim regem habere uidetis, cuius imperatis obtemperant, qui opera corũ dirigit, ſingulas ad labores idoneos deputando, qui & inobedientes caſtigat, inertẽſque foris alucaria propelli iubet, cuius hortatu omnes in labore perdurant, operãque ſua perficiũt, uos qui hæc indies uidetis, illas ſequamini duces, & regẽ uobis conſtituite, eiũſque uolũtati obſequimini. Ille rixas inter uos dirimat, cædes ulciſcatur, furta puniat, innocentiam tueatur: iſ ſolus in omnes ſine ulla exceptione ius dicendi poteſtatemque habeat. Eius dictis cuncti ingenti ſublato clamore aſſenſere. An ergo nobis eris Biotterus? quod ipſorum lingua apum regem ſignificat. Is nec uocẽ aſpernatus, omnium ore rex ſalutatus eſt. Miranda mortalibus gloriæ cupiditas, qua humilis quiſque ſe dignum faſtigio regio exiſtimat. Is uſque in eum diem pari foeditate qua cæteri humi uitã trahens, unica populi exclamatione tam rudis & inculti, regem agere cõcepit. Nec ei regius animus deſuit. Nã quamprimũ à plebe maiestate regia ſecretus fuerat, non aliò animum applicuit, quàm ut apum ducem imitaretur. Quare in primis palantem populum certis finibus inſtar examinum incluſit, quæ peculiaribus alucariis labores ſuos perficiunt. Operãque agreſtia exercenda monuit, & prout loci ſitus admittebat peragenda, puta ut hi terram colerent, ſementæque ſpargerent, ac arbores conſererẽt, illi uero apum compendio inſiſterent: alios pecori, alios piſcationi deputans: legẽſque condidit, quibus futuris finiũ anguſtiis prouidere ſe credidit. In primis, ne quiſ-  
pam paterfamilias plures partus aleret, nec etiã ſeruitia quàm pro laboribus ſuis explendis ſibi ſufficerent, cæteros aut uenundaret, aut necaret: ne quis paterfamilias partus inutiles mancoſque, ſeu ad labores inefficaces educaret, utque filio parentẽ ſenectã oppreſſum, uel imbecillitate uiriũ labores non ferentẽ, impune ſtrangulare fas eſſet: utque pueri nõ adeo incerto patre naſcerentur, coitũ

Primus Bo-  
ruffiorũ rex

Leges



promiscuum prohibuit, & sub connubii specie instituit, ut quotquot & quamcunque paterfamilias puellam suscipiendam prolis gratia iniret, siue ex seruitiis peculiaribus uel alienis foret, siue ex liberis, eam secum suo detineret tugurio, alerétque. Alieni tamen iuris puellam non nisi pretio, quasi ære emptam, à quocunque deduci pro prole procreanda inhiuit. Adulteria tamen non usque adeo prohibuit, sed abigendos mœchos potestate castigauit. Quo autem populum hunc ferocem ad uitam produceret mansuetiorē, comestiones frequentes, & publicas instituit, quibus feros hominū animos demulctos iri credidit: nec in eo hallucinatus est. Nam breui ad eam deuenere molliciem, ut eos quocunque uellet perduceret: hinc hospitalitatem maxime colendam esse statuit, quia ipsa amicitia firmissime glutinarentur. Potum ex aqua & melle concinnare docuit, qui latine mulsum dici potest, quo in comestationibus & publicis & priuatis uti concessit: cuius dulcore mirum in modum barbari delectati, facile ad enervationem peruenere. Ad religionem autem se uertens, sacerdotes à Sudinis sociis populis accersit, qui insana superstitione contaminati, eos immunda quæque animalia, ut serpentes colubros perinde ac deorum famulos nuntiosq; religio-

*Idololatria.* se colere docuerunt, quos intra domos nutriebant, eisque ut diis penatibus litabant. Deos in syluis ac lucis habitare dixerunt, illis uictimis ibidem ut placarentur, immolandum esse: ab his solem pluuiasque expetendas fore. Sacra eorum aditu aduenarum pollui, nec aliter quam humana uictima expiari constanter crediderunt. Feras omnes, alcem præcipue, has syluas incolentes, ut deorum serenos uenerandas esse monuerunt, ideoque ab eis abstinendum. Solem & Lunam deos omnium primos crediderunt, Tonitrua fulgetrasque ex consensu gentium adorabant: tempestates aduertendas citandasque precationibus dixerunt. Hirco in sacrificiis usi sunt, ob fecundam animalis istius naturam: nam ad coniunctionem sexuum maxime defertur, sine qua generatio est nulla in animantibus. Præcellentes arbores, ut robora, quercus, deos inhabitare dixerunt, ex quibus sciscitantibus responsa reddi audiebantur: ob id nec huiusmodi arbores cædebant, sed religiose ut numinum domos colebant. In eo numero & sambucū, & plerasque alias habuere. Statuit & dies natalitios & funera pari modo celebranda, mutuis scilicet comestationibus & computationibus, tum lusu & cantu, absque mœrore cum summa hilaritate & gaudio, utq; alterius uitæ spem præ se ferrent, illo saltē ostenderunt, quod exutos spiritu, armatos uestitosq; ac magna suppellectilis parte circumposita humarunt. Quo more usque nunc sepeliuntur, addito etiā potu melleo, aut ex frumentis facto in testaceis uasis. In funebri epulo partē obsonii potusque uita defuncti manibus libarunt, hodieq; libant, pudēdo illic Christianorum præsulorum dedecore. His & cæteris populo illo instituto, religioneq; firmata, Viduutus hanc orā prudenter & quietissime rexit, nullis excursionibus in uicinos populos permissis, nec aliqua rursus ab eis perpeffus incōmoda. Eo uita defuncto filios quatuor sibi superstites reliquit, qui inter se de imperio dissidentes, gentem iam paci diutinæ assuetam, ad prælia mutua suscitabant. Concurrabant ergo inter se multis præliis: sed senior natu quia ex matre Alana progenitus solus Alanorū suffultus auxiliis, Borussisq; exosus, fratribus qui multitudine abundabant, cedere cogitur. Post multas igitur cædes ex utraque parte commissas, eum statuere



statuere diffensionis finem, ut senior natu Viduuti filius, ex matre Alana prognatus, cum suis Alanis retrogrederetur, auitaq; loca repeteret, his ut posset dominaretur. Terram uero Borussiae fratribus tribus ex matre Borussica, ac in solo Borussico natis relinqueret. Accepit conditione hanc Litalalanus, ita enim senior natu iuuenis nuncupabatur, Borussiam egressus magno suorū numero. Et cum supra modum aucti essent, pristinas sedes quas uacuas inuenerunt, facile implerūt. Ab hoc quoq; eorum duce in posterum, qui prius Alani dicebantur, Litalalani dicti sunt, nunc hodie uulgo Litfani nuncupantur. Qui in Borussia remansere, Litfani terram secundum capita diuiserunt. Pomesanus, qui ex his etate præcellebat, forte eam occupauit orae portionem, quæ Hulmigeriæ propinquior est, tum à Germanis habitata, à quibus Borussii magis formidabant. Sed quoniā Pomesanus strenuus manu uideretur ac animo feroci, multitudinisque admodum studiosus, hanc magis tutari eum posse confidebant, & ex ipso hæc portio posthac Pomesania dicta. Alter Viduuti filius Galingus nominatus: huic terra quæ nunc Galingia nuncupatur obuenit, à quo & terra nomen sortita est. Tertius uero Natangius, Natangiam terram à se nominauit & obtinuit. Hæ sunt tres primæ terræ Borussiae portiones. Nati uero eorū & nati natorum, iterum paternas diuidentes possessiones aliam atq; aliam uarietatem nominum inducere, ut hi Barti, alii Naoderitæ dicerentur: & qui hodie uetustatis uestigium retinentes Varnienses à Varintis dicuntur. Eo pacto Viduuti filii inter se imperio diuiso, pro sua quisque libidine deposito regio nomine, quam tenuit portionem administravit, subinde inter se dissidentes: in hoc tamen concordēs fuere, ut aduersus quosq; suos uicinos, præcipue Polonos & Germanos excursions facerent, ac eos latrocinis infestarent. Sæpe prædam ingentem hominum pecudumque ab eis agentes: & dum ipsi rursus insequerentur, sese & prædam in intimis sylvarū latibulis occuluerūt, quod insequentes, ne insidiis circumuenirentur retinuit. Ex huiusmodi depredatione, quia ducibus non tenuis quæstus, plebi etiā uictus obtigit, agriculturam & alia agrestia opera, quæ sub Viduuto exercenda sumpserant, breui intermiscere, aut eatenus exercebant, quatenus necesse uisum est. Ducti lucri cupiditate ad pristinos mores latrociniaq; quam breui reuertentes, Germani tandem consulentes in medium, uocatis in auxilium Suetiæ regulis: ii in oceano Germanico siti sunt, à Latinis Sitiones dicti, qui Ganipoti cognominabantur, quod & ipsi Germani essent, & re bellica tum terra tum mari plurimū pollerent: qui eis auxiliares copias classibus traduxere, pluribus annis cum Borussis belligerantes: quo multis trucidatis atque cæsis, eos ad deditionem compulere. Est usque hodie oppidulum ad Vistulam cum arce sitū, quod Suetza uocatur, ubi hi qui ex Suedia uenerant, castra sua posuerunt, quod postea in eam munitionem quam uidemus, per Teutonicos fratres extructum est, ex quo Borussios rebellantes identidem impugnarunt. Nouem regulos id confecisse bellum annales habent: sed qua tempestate, aut quādiu durauerat, nec an simul, an sibi inuicem succedentes id bellum gesserent: an etiam Borussios ad tributū pendendum coegere, nihil reliqui est, donec ad tempora Henrici primi patris magni Othonis uentum est. Ea tempestate barbara gens iterum latrocinio finitimos impetens, per Hugonem cognomine Botyrum, aliās Bructerum, ex Saxonia natum: tum principem Germanorū,

Sitiones qui  
& Suedi.



Vistulam ex utraque ripa accolentium, quos aliqui Bructeros fuisse autumat, seditionibus ex natali solo pulsos, in hæc loca deuenisse: ab eius gentis principe, qui illic, ut dictum est, imperitabat, Borussii compressi sunt, adeoque uiribus exuti, ut pacem longissimam seruarint: permansere nanque quieti ad tempus Othonis tertii Imperatoris Romani. Sub id tempus Borussiorum ferocia retusa est, uiribusque adeo contrita, ut omnino ab incursionibus cessarent. S. Adelbertus natione Bohemus, sed in Saxonia enutritus, ac episcopus Pragensis, in Borussiam commigravit, ac gentem hanc à suis erroribus reuocare conatus est: sed à Sudinis dum sacra perageret interficitur, corpusque dissectum ante uolatilia proiicitur: quod eius hospes colligens, mox redintegrait, & ipsum cophino trans amnem ad Polonos detulit, ac pro auro tanti ponderis (sed quoniam exiguum diuina ordinatione pendebat) uendidit. Boleslaus Poloniæ princeps ipsum in insigni loco ac tumulo conseruauit. Qui multis clarens miraculis, à Dato pontifice maximo consecratur. Dies eius martyrii octauo Calendas Maias ab ecclesia celebratur. Tempore quo Conradus secundus Romano præfuit imperio, Borussii cum Polonis conspirarunt, qui tunc ab imperio Romano, cui iam diu subiecti erant descuerant, ducemque eorum Bilislaum cum coniuge sua Gertrude Leopoldi Austriæ Marchionis filia pepulere. Tributum quoque quingentarum librarum argenti ærario publico quotannis debito inferre recusantes, rati Borussii Polonorum auxilio facilius Germanos finitimos ad internecionem casuros. Durante autem hac Polonorum rebellione, usque ad Federici, cognomento Barbarossi tempora, qui copiis per Oderum fluuium traiectis, Poloniam ingressus, urbes quas repugnantes inuenit, expugnat & diripit: arcem Glogam eum subuertisse annales habent: singula igne ferroque deuastans: copias quas obuiam habuit ex Borussis, Bossilanis, Tartaris ac Polonis ingentis multitudinis, minimo negotio fudit. Poloni in sola deditioe præsidium esse arbitrati, Borussii in fuga salutem quaesierunt, quos imperator insequutus, multis casis, multis captis, ultra Vistulam compulit. Coacti tum fuissent Cæsaris ferre iugum, ni alio tenus imperii negotiis auocatus fuisset. Huic expeditioni Ludouicus Thuringorum princeps, Ferrei cognomentum sortitus, non solum interfuit, sed & præfuit: quippe qui duobus milibus equitum, & magno peditum numero sese Cæsari iunxerat. Polonis siquidem ad deditioem coactis, Bilislaumque restituto, ac tributo duorum milium librarum argenti fisco imperiali, & quatuor ab ærario publice pendendum imposito, Germanos qui ultra citraque Vistulam habitabant, ut tuti ab incursionibus barbarorum permanerent, Massobiorum ducem, qui Cæsari consanguinitate iunctus fuerat, in tutelam contulit, quod fidelis Romano imperio semper fuisset, & ex antiquissima Germanorum Saxonum domo duceret originem. Non multum temporis effluxit, ubi Borussii infesto agmine finitimos petiere. Primum Massobios, sic quoque hac ætate uocitantur, qui sese pecunia uestibusque multoties redemerant, subinde Germanos uicinos, qui se diu armis, quanuis agre defenderant. Tandem inuocantes fidem Conradi ducis, cui à Cæsare commissi erant, Conradus quoties Borussis acie occurrit, fugatur, caeditur, ac castris exiit. Ob id domestica potentia desperans, auxilium Celestini Pontificis Romani (quod imperator Henricus, qui Federico successerat, cum magnis copiis in Asiam



Asiam profectus fuerat) implorat. Celestinus ergo Pont. ut rebus afflictis succurreret, Christianum ordinis Cisterciensis monachum in episcopum Borussiae designat. Qui ad Conradum primum ueniens, communicato cum eo consilio, quo gentem tam ferocem ab incursionibus in Christianos prohibere, simulque ad fidei ueritatem inducere posset. Acciti tum fuere ex Littonia fratres, milites Christi cognominati, qui una cum Christiano praesule Borussios aggressi sunt: is in uirtute uerbi domini: hi bello & armis, sed omnia nequicquam: nam semen sacratissimum, quod praesul spargeret, cecidit in terram sterilem, & absque fructu exaruit. Fratres, si quos ad deditiōem receperant, cum primum opportunitate habita rebellauerunt, quos in praesidiis collocarant obtruncantes, & quam breui spatio sese à seruitute quam imposuerant, & praesul & fratres uendicarunt. Tandem Christiano praesule nihil proficiente, fratribus partim occisis, partim fugatis, cum & barbari longo tempore inquietissimi fuissent, è re fore arbitrati sunt, pacem quam perpetuum bellum amplecti. Fit itaque pax ex utraque parte, necessaria magis quam honesta. Interea catholici suasu praesulis, per Poloniam ac Hulmigeriam aedes sacras uicatim restituerunt, coenobia utriusque sexus extruunt, quae pro sua pietate calicibus, libris, & aliis apparatus ecclesiasticis ornant atque ditant: antistites undequaque, ut possunt, ecclesiis praeficiunt. Fuit summum Christianis à barbarorum populationibus otium. Id populum fidelem in meliorem spem erexit: quare magis atque magis rem diuinam ampliandam duxit. Sed cuncta barbari rupto foedere turbauerunt: sceda enim populatione in fines Christianorum effunduntur, longe lateque per Poloniam & Massobiam grassantes, omnia praedari coeperant. Deinde incensis uillis, agrisque uastatis, sacrariis omnibus spoliatis atque dirutis: amplius enim ducentis aedibus sacris periisse igne legimus: oppida insuper & coenobia: quibus singulis euersis & direptis, ingentem uim praedae tum hominum tum pecudum, ac tantam omnis generis suppellectilem, quantam nunquam ante abegerunt. Conradus cum se imparem contra hostem tam ferocem, ac multitudine superiorem uidisset, se ultra amnem in terram Coianorum, qui olim Onomani, hodie Cumani dicti, recepit: dum interim in Asiana expeditione Ptolemaida, uel ut alii dicunt, Acona oppugnatur, ordo militaris Teutonicorum fratrum domus hospitalis, beatæ Mariæ in Hierusalem humilibus initiis ortum sumpsit. Per cuius fortissima pectora demum omnis hæc pestis ex Christianorum finibus explosa est, Borussiaque ad fidei præcepta colla rigida submittere Christiano iugo coacta est.

Atrox Borussiorum perfidia.



## A D I N V I C T I S S I M V M P R I N C I P E M F E D E R I C V M

Erasmi Stellæ Libanothani distichon.

Da Federice tuo genio foueatur & aura  
Hic liber, & rabido qui uolet ore latret.

## A D E V N D E M F E D E R I C V M P R I N C I P E M

inuietissimum Erasmi Stellæ elegiacum.

Diuitias Federice tuas hic collige princeps,  
Quas habet Arctoi Brussica terra poli,  
Scilicet Heliadum lachrymas Phaethonta querentum,  
Audax quod patrios flectere tentat equos,  
Par nec erat loris, placuit tamen ire sub axe  
Ætherea, atque genus testificare deum,  
Nescius ipse uia perdit conamine uires,  
Mox ruit è curru lapsus in alta freti.  
Hunc iuuat æternis lachrymis fleuisse sorores,  
Sed pius in lenta succina fletus abit.  
Has fert undisonis Tethys tibi fluctibus, illum  
Testantes casum, ruptaque lora ducis.  
Munera clara deum uariis quæ uultibus ornat  
Mille gerens formas Proteus ille senex.  
Hinc quædam radiant aurorque simillima fuluo,  
Et lunæ niueam sunt imitata bigam.  
Lacteus est aliis candor, croceo igne coruscus,  
Hyblæi retinent mellis & illa decus.  
Indiæ opes superant hæc, & Gangetica dona,  
Et quod mollis Arabs, Scythis habetue rapax.  
Terra nutrit syluas, sunt hæc stabula alta ferarum,  
Siue uelis uros, siue bizonta magis.  
Hic nusquam notus, bene tornus nascitur alces,  
Atque feri armenta conspiciuntur equi,  
Quique sua pelle est gratus uestire gainus  
Membra uirum, rigidum pellit & inde gelu.  
Hæc ubi legisti, Stellæ Federice memento,  
Brussica qui cunctis gesta legenda dedit.



REGESTVM OPERIS.

α β γ δ ε ζ η θ ι κ λ μ ν ο π ρ σ τ υ φ χ ψ ω  
A B C D E F G H I K L M N O P Q R S T V  
Omnes sunt terniones præter V, qui est quaternio

Impressum Parisiis apud Antonium Augerellum, impensis Ioannis  
Parui & Galeoti à Prato. Anno M. D. XXXII. VIII.  
Calen. Nouembris.




Report of the  
Commissioner of the  
General Land Office  
for the year 1879  
Volume 1











J532

W94502

1-SIZE



